



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

WIDENER LIBRARY



HX JUM6 +



22 16.186

Corridor




HARVARD UNIVERSITY

LIBRARY OF THE

Classical Department

HARVARD HALL











**T. LIVII PATAVINI  
HISTORIARUM**

**AB URBE CONDITA  
LIBRI, QUI SUPERSUNT, OMNES,**

**CUM NOTIS INTEGRIS**

**LAUR. VALLAE, M. ANT. SABELLICI, BEATI RHENANI,  
SIGISM. GELENII, HENR. LORITI GLAREANI, CAR.  
SIGONII, FULVII URSINI, FRANC. SANCTII, J. FR.  
GRONOVII, TAN. FABRI, HENR. VALESH, JAC.  
PERIZONII, JAC. GRONOVII;**

**EXCERPTIS**

**PETR. NANNII, JUSTI LIPSII, FR. MODII, JANI GRUTERI;**

**NEC NON INEDITIS**

**JANI GEBHARDI, CAR. AND. DUKERI,**

**ET ALIORUM:**

**CURANTE**

**ARN. DRAKENBORCH,**

**QUI ET SUAS ADNOTATIONES ADJECIT.**

**ACCEDUNT**

**SUPPLEMENTA DEPERDITORUM T. LIVII LIBRORUM**

**A JO. FREINSHEMIO CONCINNATA.**

**EDITIO NOVA AUCTIONIOR ET EMENDATIO.**

---

**TOMUS DECIMUS QUARTUS.**

---

**STUTGARDIAE,**

**EX TIPOGRAPHIA SOCIETATIS WUERTEMBERGICAE.**

**SEPSIAN IN COMMISSIO APUD C. R. F. HARTMANNUM.**

**MDCCCXXVI.**

June, 1906  
HARVARD UNIVERSITY.  
Classical Department.

*S U P P L E M E N T A*

**L I V I A N A**

**A LIBRO CENTESIMO NONO**

**AD CENTESIMUM QUADRAGESIMUM**

**A U C T O R E**

**J O A N N E F R E I N S H E M I O .**

**A C C E D U N T**

**FRAGMENTA DEPERDITORUM**

**LIBRORUM T. LIVII.**



# EPITOME

## LIBRI CENTESIMI NONI

*Caussae civilium armorum et initia referuntur, contentionesque de successore C. Caesari mittendo, quum se dimissurum exercitus negaret, nisi a Pompejo dimitterentur. Et C. Curionis tribuni plebis primum adversus Caesarem, dein pro Caesare actiones*

*Caussae civilium armorum*] Praemittit his verbis uterque Pall. *Qui est primus civilis belli.* ut et infra Epit. 110. *antededit, qui est civilis belli secundus.* Item 111. *qui est civilis belli tertius.* Et sic consequenter usque ad 116. ubi habent *qui est civilis belli octavus.* Adeo ut Livius singulis libris singulorum annorum gesta complexus fuerit. GRUTER. Quod utrumque Pall. huic et septem sequentibus libris praemittere Gruterus monet, iisdem libris in Exc. Pithoei praemissum invenit Hearnius. Similia, quibusdam tamen mutatis, praemittuntur huic et quinque sequentibus libris in Leid. huic et tribus sequentibus in Voss. huic et 111. ac 112. in Berg. huic, tum 112. 113. 114. et 116. in Boend. huic et 112. in ed. Camp. Verum varietas haec codd. satis indicat, omnia illa a librariis addita esse: quod ulterius inde firmatur, quoniam alibi in contextu epitomarum numerus librorum non fuerit adiectus, ut dictum est ad Epit. 1. Ex illis itaque Gruterus recte effecere non potuit, Livium singulis libris singulorum annorum

gesta complexum fuisse. Id etiam verum non esse, ex ipsis epitomis colligi potest, et ex supplementis Freinsheimii palam fit. Ceterum *Caussa civilium armorum* legit Voss. invitis reliquis. Tum *de successore C. Caesaris mittendo* Voss. Boend. et ed. Camp. Neque aliter Berg. nisi quod *Cn. Caesaris* praeferrat. Sed vide ad Epit. praec.

*Quum se dimissurum exercitum negaret, nisi a Pompejo dimitteretur*] Vet. lib. *exercitus, et dimitterentur.* SIGON. Melius *nisi et a Pompejo.* J. FR. GRON. *exercitum, et dimitteretur* servant Leid. Voss. Berg. et Boend. contra *exercitus et dimitterentur* Lovel. 2. et Exc. Pithoei. Utrumque auctoritate Caesaris defendi potest: et quidem prius 1. B. Civ. 1. *Uti antecertam diem Caesar exercitum dimittat.* alterum cap. 10. *Caesar in Galliam reverteretur, Arimino excederet, exercitus dimitteret.* Particulam et, quam interponendam Gronovius iudicat, et Clericus in contextum adscivit, in nullo cod. inveni, quare iterum ejeci.

*Supplem. Liv. Tom. XIV.*

A



continet. Quum senatusconsultum factum esset, ut successor Caesari mitteretur, M. Antonio et Q. Cassio tribunis plebis, quoniam intercessionibus id senatusconsultum impediabant, urbe pulsus, mandatum est a senatu consulibus et Cn. Pompejo, ut vi-

*Primum adversus Caesarem actiones continet*] Vet. lib. primum adversus Caesarem de populo Romano Caesare actiones continet. Hinc ego, observatione historiae ductus, primum adversus Caesarem, deinde pro Caesare actiones continet. Id enim omnes tradunt, et maxime Coelius ad Cic. [8. ad Famil. 6.] Quod tibi supra scripsi, Curionem fringere, jam calet: nam ferventissime concerpitur. bel-  
lissime enim, quia de intercalando non obtinuerat, transfugit ad populum, et pro Caesare loqui coepit. Ad hanc etiam historiam pertinere puto verba quaedam Varronis, ex lib. 4. de Vita populi Romani, quae sunt apud Marcellum [v. Obstrigillare.] Curio, cum id fecisset, dicebat amicis, ut illi renunciaretur, se obstrigillaturum, ne triumphus decerneretur, aut ne iterum fieret consul. Est autem obstrigillare obolare. SIG. adversus Caesarem de re publica celare actiones Boend. et ita etiam Berg. nisi quod actionem praeferat. adversus Caesarem de re p. Caesaris actiones Lov. 2. adversus Caesarem de publica re et Caesaris actiones Leid. adversus Caesarem de p. r. alare actiones Voss. adversus Caesarem de po. ro. Caesarisque actiones Gudianus alter, teste Gronov. supra ad Epit. 67. adversus Caesarem, deinde pro Caesare actiones continet firmari testimonio Exé. Pitthoei, monet Hearnius. Quemadmodum Caesar Curionem, qui antea Pom-

pejo adhaerebat, ab eo abductum sibi conciliarit, vide apud Vellej. Pat. 2, 48. et quae ibi notantur.

*M. Antonio et Q. Cassio] et M. Antonio Voss. Tum et Q. Crasso Leid. et Berg. Male.* Voces hae confundebantur etiam supra Epit. praec. Q. Cassium in hac re memorant Cic. 16. ad Famil. 11. Caesar 1. B. Civ. 2. et alii historici. Paulo ante successor Caesar omnino mitteretur Norv. et edd. ante Sigonium; qui recte omisit vocem omnino, exultantem pariter ab omnibus Mssis meis, et ed. Camp. V. ad Epit. 58. et mox hac Epit.

*Mandatum ab senatu consulibus et Cn. Pompejo] mandatum est a senatu Leid. mandatumque a senatu Voss. Berg. Lov. 2. Boend. et priscæ edd. usque ad Frobenium, qui anno 1535. copulam primus omisit. Si lectio codd. illorum et vett. edd. placet, major distinctio post verbum caperet tollenda, et oratio ulterius continuanda est; quæ hoc modo cohaerebit, Quum senatusconsultum factum esset, ut etc. mandatumque a senatu sc. esset etc. Caesar etc. in Italiam venit. Sin orationem post caperet intercideret malimus, cum Leid. legam mandatum est a senatu. Illud ab senatu in edd. Gronovianis demum vidi. Mox alio ordine ne quid detrimenti respública Leidens. et Berg. sed ne quid respública detrimenti passim ob-*

derent, ne quid respublica detrimenti caperet. C. Caesar, bello inimicos persecuturus, cum exercitu in Italiam venit: Corfinium cum L. Domitio et L. Lentulo cepit, eosque dimisit. Cn. Pompejum ceterosque partium ejus Italia expulit.

currit apud Liv. 3, 4. Sallust. in Catil. 29. et Caesar. 1. B. Civ. 5. et 7. licet quaedam eorum aliter laudarit Briffon. de Formul. 2, 212. Is ergo ordo verborum, qui vulgo existat, in hac formula sollemnis fuisse, ac placuisse videtur.

*Bello inimicos persecutus, cum exercitu in Italiam venit*] Et sensus et vetustae lectionis auctoritas probant, legendum esse *persecuturus*. SIGON. *inimicos bello* Boend. et ed. Camp. at vox *bello* deest in Lov. 2. Tum *persequi rex* Voss. *persecuturus* Leid. Berg. Lov. 2. Boend. Exc. Pithoei, et ed. Camp.

*Corfinium cum L. Domitio et L. Lentulo cepit, eosque dimisit*] *Corfinium et cum L. Domitio* Leid. qui insuper ipsosque dimisit praefert. Praeterea P. Lentulo emendavit Perizonius in margine exemplaris sui. et recte. Intelligitur enim P. Lentulus Spinther, memoratus Caesari 1. B. Civ. 23.

*Universosque ejus partium Italia omnino expulit*] Vet. lib. *caeterosque partium ejus Italia expulit*. SIGON. *ceterosque partium ejus etiam* Leid. Voss. Berg. Lovel. 2. Boend. Exc. Pithoei, et ed. Campani. Vox *universus* inter eas est, quae interpolatoribus harum epitomarum summopere placuerunt, et in deliciis fuere. Praesertim tamen eam subposuerunt, ubi codd. *totus* legunt. Vide ad Epit. 52. Tum *ex Italia* Leid. Livium alibi praepositionem, cum qua verbum compositum est, in regimine addidisse, vidimus ad praefat. §. 10. non tamen id semper vel ipse, vel auctor Epitom. fecerunt. Liv. 2, 6. *Nos extorres expulit patria*. Auctor Epit. lib. 88. *Carbonem Italia expulit*. Epit. 104. *Germanos Gallia expulit*. Similiter *pellere regno* Epit. 46. ubi alia vide. Vox autem *omnino* deest iterum in omnibus scriptis meis, Exc. Pithoei, et ed. Camp. Vide supra hac Epit.

# JOHANNIS FREINSHEMII

## SUPPLEMENTORUM LIVIANORUM LIBER LXXIV.

### IN LOCUM LIBRI CIX. T. LIVII.

**U. c. 701.** I. Quum inter haec novi tribuni plebis inissent, **C. A. C. 51.** Curio statim in principio acceptae potestatis ferventissime concionari instituit, quasi reipublicae cura et amore tangeretur. Sed ille C. Caesarem non aliam ob causam oderat, quam quia contemptus erat ab homine, qui servulos etiam libertosque potentium paulo gratiosiores qualibet impensa solebat adjungere. Id acrius urebat adolescentem; et quod, voluptatibus atque libidinibus et comparandis quorumlibet studiis effuso patrimonio, magnum aes alienum contraxerat. Nam sestertium sexcenties aliquando debuisse legitur. Idcirco Caesar, necessitate ac ingenio hominis cognito, venalem linguam, ne sibi noceret, omnino redimendam ratus, aes alienum ejus omne dissolvit; eoque transduxit ingenium nequam, ut simulatione pro republica contra Pompejum et Caesarem, sed re vera pro Caesare, staret.

*Magna pecunia placatur.*

**U. c. 702.** II. Hac re perfecta, consulibus L. Aemilio M. F. Paullo, C. Claudio C. F. Marcello easdem machinas admovit. Sed Marcello quidem firma adversus pecuniam constitit integritas: Paullus hactenus flexus, ut adversari desineret, acceptam mercedem, trecenties sexagies sestertium, basilicae suae impendit, quam post anni sequentis incendium juxta forum exstruxit, quo loco prius Fulvia steterat: quasi perituram timeret pessimi facinoris memoriam, nisi admirandi operis dedicatione consecraretur.

*L. Aemilio, C. Claudio coll. Itemque consul Paulinus.*

Cap. L. Dio, l. 40. Liv. Epit. Vell. 2, 48. Cic. ad Fam. 8, 4. Dio. Sueton. Caes. c. 27. Vell. Dio. Val. Max. 9, 1. Lucan. l. 1. v. 270. Sueton. Caes. c. 29. Dio. Cap. II. Plut. Pomp. et Caes. Appian. Civil. l. 2. Vell. Appian. Plin. 36, 15. Jul. Obseq.

III. His consulibus, lana pluit circa castellum Cosanum, ubi loci non multo post occisus est Milo. multa pariens bonorum interitum, mutationem legum, turpes matronarum partus significasse credita est: sed non erat prodigiis opus, quum pericula et libertatis interitus jam oculis hominum obversarentur. Quotidianae enim de successione Caesaris contentiones erant: quum adversus Pompeji potentissimam factionem ille haud minori robore resisteret: neque plus illi prodesse, qui amicitiam profitebantur, quam qui simulabant odium.

U. c. 702.  
A. C. 50.  
*Contentiones  
quotidianae  
de successione  
Caesaris.*

IV. Cujus rei summus artifex Curio minabatur in speciem Caesari, consilia communicabat cum Pompejanis: ut et illorum perdisceret intimos sensus, et, donec animum nudare opportunum videretur, plus ex occulto noceret. Maximum hominis vafrementum in eo erat, ut, multis, sed inanibus, effusis in Caesarem dictis, sensim ad ea, quae Pompejum et optimates offensura erant, progrediretur: tamquam neutrarum partium, et libertatis custodiam cuivis gratiae anteponens. Nec eo animo ista proponebat, ut decretum iri speraret, aut omnino cuperet decerni: sed, his negatis, ansa dabatur ei, et quae contra Caesarem parabantur, citra suspicionem impediendi. Igitur, his contentionibus quum temporis permultum esset consumptum, indigne se id ferre simulans, ut intercalaretur, postulare coepit, tamquam spatio indigens ad perferenda, quae vellet.

*Curionis ar-  
tes.*

V. Erat autem intercalandi apud Romanos, ex magno veterum errore in anno constituendo, orta necessitas: deinde ex ambitione aut ignorantia sacerdotum, quibus ea commissa cura fuerat, mirabilis confusio. Quum enim ad lunae cursum institutus a Numa Pompilio annus esset, cito apparuit, legibus universi hunc ordinem non congruere: futurumque, ut, quibus mensibus bruma fuisset, iisdem post annos haud plurimos messis esset futura. Igitur dies, qui ad solarem annum deerant, inseri constituto jam anno oportuit.

*Intercalan-  
di ratio.*

VI. Haec insertio *Intercalatio* appellabatur ex eo, quod nova luna pontifex, calata, hoc est vocata, in Capitolium plebe, quot numero dies ad Nonas super-

*Et ritus.*

Cap. III. Plut. et Appian. Plin. 2, 56. Jul. Obseq. Cap. IV. Dio. et Appian. Cic. ad Fam. 8, 8. Dio. et Appian. Dio. Cic. ad Fam. 8, 6. Dio. Cap. V. Macrob. Satur. 1, 13. Cap. VI. Varro de Ling. Lat. 1, 5.

**U. c. 702.** essent, indicabat. unde etiam dies, qui primus calabatur, *Kalendarum* nomen retinuit: et, quoniam aliorum mensium quintanae sunt, Nonae, aliorum septimanae, calabatur cum hoc discrimine, ut pro ratione mensis, aut, *dies te quinque calo Juno novella*, aut, *septem dies te calo Juno novella*, pronunciaretur. Ceterum non singulis annis, sed per octennia, moris erat intercalari: eaque ipsa res quandoque propter superstitionem omissa erat: nonnumquam vero intempestive usurpata, quum publicanorum cupiditati quidam pontifices gratificati, productionem aut breviorum annum ex illorum commodo facerent. Non alio autem mense, quam Februario, intercalari fas erat, Terminalibus jam peractis.

*Curio palam  
pro Caesare  
loquitur.*

VII. Id eo quoque anno fieri Curio quum postularet, non ignorans alienum esse, (nam et ipse erat eo sacerdotio praeditus) ceteri pontifices reclamabant. Igitur, quum obtineri non posset de intercalatione, (neque etiam hoc volebat) quasi per iram ne ceterarum quidem rerum quidquam agi passus est. Mox apertius pro Caesare loqui, et, quo agitare optimates, multas jactare leges coepit: non quod perferri posse speraret, sed obtentui habiturus ad intercessionem, quas parabat: *Alimentariam* imprimis, et *Viariam*, (qua numerus definiebatur vehiculorum et comitum iter facientibus, praetextu, opinor, Clodianae necis, aliaque de muniendis sternendisque viis continebantur) utque ea curatio sibi in quinquennium daretur, ferebat. Atqui hoc caput contra Liciniam Aebutiamque leges pugnare non ignorabat, ideoque Rullum, Agrariae legis auctorem, quum similia peteret, vehementer exagitatum fuisse: sed consulto promulgabat, quod a Pompejanis reprehensum justam sibi causam istis partibus irascendi dedisse videretur.

*Refertur de  
successione  
Caesaris.*

VIII. Quum inter haec Kalendae Martiae venissent, quibus ex senatusconsulto referri de successione Caesaris oportebat, Cajusque Marcellus ea de re verba fecisset: plerisque adsentientibus, collega Marcelli Paullus siluit: Curio, laudato Marcelli animo, addendum monebat, *ut pariter Pompejus provincias et exercitus suos dimitteret*. Sciebat hoc minime facturum Pompe-

Cap. VI. Macrob. Cap. VII. Dio. Cic. ad Fam. 8, 6. Dio. Appian. Cic. Appian. Cic. de Leg. Agrar. 2, 8. Appian. Cic. ad Fam. 8, 8. et 9. Appian. Dio. Plut.



jam Curio: sed praetextum quaerebat, per quem Caesar, quae habebat, excusatius retineret.

U. c. 702.  
A. C. 50.

IX. Igitur iniquam rem postulare Curionem Patres dicebant, Scipio praesertim, qui et nuper sententiam dixerat, *ne quid conjunctim referretur*: quod tempus imperii Pompejo nondum exierat. Contra Curio, *summam rempublicam agi*, vociferabatur: *neque aut pacem, aut libertatem in tuto fore, nisi aut ambo deponerent imperium, aut ambo retinerent. Nam et ab inermibus nihil periculi, et, si uterque habeat exercitum, contra alterius cupiditates in altero praesidium fore.* Haec in speciem tam honesta populo mire probabantur, cui alioquin ob legem ambitus, qua largitiones accisae fuerant, coeperat Pompejus esse vilior.

*Curio contendit et Pompejo succedi debere.*

X. Sed apud ceteros mortales auctoritas ejus et fama longe erat maxima: idque hoc tempore apparuit, quum, Campaniam obiens, Neapoli graviter aegrotare coepisset. Tum enim, auctore Praxagora, Neapolitani pro salute ejus publice vota susceperunt, qui ante eum honor nemini Romano contigerat: et hoc exemplum, aliis amore, multis per simulationem paria facientibus, universa imitata Italia est. Deinde, postquam convaluit, inaudita passim laetitia et gratulatio orta, coronati Neapolitani, coronati Puteolani, feriae ubivis per multos dies fuerunt. Quocumque adisset, infinita multitudo procedebat obviam: vici portusque sacrificantium epulantiumque agminibus complebantur: excipiebatur cum facibus, in deducendo floribus spargebatur.

*Pro Pompejo aegrotante vota concipiuntur per Italiam.*

XI. Atque ea res mirifice inflavit Pompejum, ut jam valde inciperet contemnere Caesarem, minusque se pararet ad tam grave certamen. Praemisit tamen ad senatum literas, et, Caesaris honorifica facta mentione, ad suarum rerum enumerationem transiit, quas ab initio ad ea usque tempora gessisset. Neque se adfectasse nimios honores: sed tertium consulatum, exercitumque et provincias ultro delatas, quo praesidium constituendae reipublicae haberet, accepisse. Nunc autem, quae ingesta recusanti essent, volentem se reddere repetentibus, licet nondum exactum imperii tempus haberet.

*Pompeji litterae ad senatum.*

*Fingit exercitus et provincias redditurum.*

Cap. IX. Cic. ad Fam. 8, 9. Appian. Dio. Plut. Cap. X. Plut. Pomp. Vell. 2, 48. Cic. Tusc. 1, 35. Juven. Sat. 10. v. 283. Dio, L. 41. Cic. ad Att. 8, 16. et 9, 5. Plut. Cap. XI. Appian.

**U. c. 702.** essent, indicabat. unde etiam dies, qui primus calabatur, *Kalendurum* nomen retinuit: et, quoniam aliorum mensium quintanae sunt, Nonae, aliorum septimanae, calabatur cum hoc discrimine, ut pro ratione mensis, aut, *dies te quinque calo Juno novella*, aut, *septem dies te calo Juno novella*, pronunciaretur. Ceterum non singulis annis, sed per octennia, moris erat intercalari: eaque ipsa res quandoque propter superstitionem omissa erat: nonnumquam vero intempestive usurpata, quum publicanorum cupiditati quidam pontifices gratificati, productionem aut breviorum annum ex illorum commodo facerent. Non alio autem mense, quam Februario, intercalari fas erat, Terminalibus jam peractis.

*Curio palam  
pro Caesare  
loquitur.*

VII. Id eo quoque anno fieri Curio quum postularet, non ignorans alienum esse, (nam et ipse erat eo sacerdotio praeditus) ceteri pontifices reclamabant. Igitur, quum obtineri non posset de intercalatione, (neque etiam hoc volebat) quasi per iram ne ceterarum quidem rerum quidquam agi passus est. Mox apertius pro Caesare loqui, et, quo agitare optimates, multas jactare leges coepit: non quod perferri posse speraret, sed obtentui habiturus ad intercessionem, quas parabat: *Alimentariam* imprimis, et *Viariam*, (qua numerus definiebatur vehiculorum et comitum iter facientibus, praetextu, opinor, Clodianae necis, aliaque de muniendis sternendisque viis continebantur) utque ea curatio sibi in quinquennium daretur, ferebat. Atqui hoc caput contra Liciniam Aebutiamque leges pugnare non ignorabat, ideoque Rullum, Agrariae legis auctorem, quum similia peteret, vehementer exagitatum fuisse: sed consulto promulgabat, quod a Pompejanis reprehensum justam sibi causam istis partibus irascendi dedisse videretur.

*Refertur de  
successione  
Caesaris.*

VIII. Quum inter haec Kalendae Martiae venissent, quibus ex senatusconsulto referri de successione Caesaris oportebat, Cajusque Marcellus ea de re verba fecisset: plerisque adsentientibus, collega Marcelli Paullus siluit: Curio, laudato Marcelli animo, addendum monebat, ut pariter Pompejus provincias et exercitus suos dimitteret. Sciebat hoc minime facturum Pompe-

Cap. VI. Macrob. Cap. VII. Dio. Cic. ad Fam. 8, 6. Dio. Appian. Cic. Appian. Cic. de Leg. Agrar. 2, 8. Appian. Cic. ad Fam. 8, 8. et 9. Appian. Dio. Plut.

jam Curio: sed praetextum quaerebat, per quem Caesar, quae habebat, excusatius retineret.

U. c. 703.  
A. C. 50.

IX. Igitur iniquam rem postulare Curionem Patres dicebant, Scipio praesertim, qui et nuper sententiam dixerat, *ne quid conjunctim referretur*: quod tempus imperii Pompejo nondum exierat. Contra Curio, *summam rempublicam agi*, vociferabatur: *neque aut pacem, aut libertatem in tuto fore, nisi aut ambo deponerent imperium, aut ambo retinerent. Nam et ab inermibus nihil periculi, et, si uterque habeat exercitum, contra alterius cupiditates in altero praesidium fore.* Haec in speciem tam honesta populo mire probabantur, cui alioquin ob legem ambitus, qua largitiones accisae fuerant, coeperat Pompejus esse vilior.

*Curio contendit et Pompejo succedi debere.*

X. Sed apud ceteros mortales auctoritas ejus et fama longe erat maxima: idque hoc tempore apparuit, quum, Campaniam obiens, Neapoli graviter aegrotare coepisset. Tum enim, auctore Praxagora, Neapolitani pro salute ejus publice vota susceperunt, qui ante eum honor nemini Romano contigerat: et hoc exemplum, aliis amore, multis per simulationem paria facientibus, universa imitata Italia est. Deinde, postquam convaluit, inaudita passim laetitia et gratulatio orta, coronati Neapolitani, coronati Puteolani, feriae ubivis per multos dies fuerunt. Quocumque adisset, infinita multitudo procedebat obviam: vici portusque sacrificantium epulantiumque agminibus complebantur: excipiebatur cum facibus, in deducendo floribus spargebatur.

*Pro Pompejo aegrotante vota concipiuntur per Italiam.*

XI. Atque ea res mirifice inflavit Pompejum, ut jam valde inciperet contemnere Caesarem, minusque se pararet ad tam grave certamen. Praemisit tamen ad senatum literas, et, Caesaris honorifica facta mentione, ad suarum rerum enumerationem transiit, quas ab initio ad ea usque tempora gessisset. Neque se adfectasse nimios honores: sed tertium consulatum, exercitumque et provincias ultro delatas, quo praesidium constituendae republicae haberet, accepisse. Nunc autem, quae ingesta recusanti essent, volentem se reddere repetentibus, licet nondum exactum imperii tempus haberet.

*Pompeji litterae ad senatum.*

*Fingit exercitus et provincias reddidit.*

Cap. IX. Cic. ad Fam. 8, 9. Appian. Dio. Plut. Cap. X. Plut. Pomp. Vell. 2, 48. Cic. Tusc. 1, 35. Juven. Sat. 10, v. 283. Dio, L. 41. Cic. ad Att. 8, 16. et 9, 5. Plut. Cap. XI. Appian.

U. c. 702.  
A. C. 50.

XII. Hoc eo pertinebat, ut et suam modestiam commendaret, et invidiam faceret Caesari, qui ne finito quidem imperio decederet. Mox ad urbem quum venisset, in eandem sententiam loquutus, *idem etiam placere Caesari*, adfirmabat, *post tot exanilatos pro republica labores, victoriarum suarum praemiis in urbano ozio, honoribusque, et sacerdotiis, frui desideranti.*

*Sed astuti-  
am ejus de-  
segit Curio.*

XIII. Sed astutiam ejus Curio coarguit, siquidem eo esset animo, statim deponere potestatem jubens: neque hoc agere, ut, ipso retinente imperium, Caesari successor mittatur. postremo, aperte invectus in Pompeji cupiditatem, nisi nunc metu Caesaris cogatur in ordinem, numquam deinde abiturum imperio dictabat. *Idcirco sibi placere decerni, uti ambo simul accipiant successores: utique, nisi voluntati senatus paruerint, hostes judicentur; legionesque scribantur ad bellum.* Hac sententia maxime texit fraudem, ut aequaliter animatus in utrumque, neque emptus a Caesare, crederetur. At Pompejus, supra modum irritatus, cum multis in Curionem minis, ad suburbana praedia se recepit.

*Et, ne quid  
contra Caesarem decernatur, senatum dimittit.*

XIV. Senatus jam utrumque suspectum habere coeperat: modestiorem tamen Pompejum judicabat, et, quam esset contemptum a Caesare consule habitus, recordabatur. Igitur multi ea in sententia erant, non ante dimittendos a Pompejo exercitus, quam Caesar provincia decessisset; cujus absentiam et spiritus minus civiles vehementius perhorrescebant. Adversus hos quum pugnando nihil efficere Curio posset, ne quid forte contra Caesarem decerneretur, pro tribunitia potestate senatum dimisit. Tum primum serio doluisse Pompejum ferunt, quod eam potestatem, a Sulla propemodum abolitam, restituendi auctor fuisset. Nihil igitur decretum, nisi *singulas legiones a Caesare ex Pompejo in Syriam ad Bibulum mitti, propter Parthicum bellum amplioribus copiis egentem.*

*Duas legiones abducuntur a Caesare.*

XV. Non fallebat Caesarem hoc ab inimicis agi, ut duabus ipse legionibus spoliaretur. quippe Pompejus, quam post Titurii cladem ad Caesarem miserat, tamquam ex suo numero dabat. Tamen et hanc remisit incunctanter, et ex suis quintam decimam, quam in Gallia citeriore habuerat, militibus ducenos quingenos denarios dono dedit. Hos qui adduxerant,

Cap. XIV. Dio, l. 40. Plut. Pomp. et Caes. Cap. XV. Hirt. de B. Gall, 8. Plut. et Appian.

dolo an stultitia incertum, mire deprimebant Caesarem. *nihil eo apud exercitum odiosius esse, cunctis finem laborum, conspectum patriae, et ab diuturna dominatione libertatem et otium respicientibus: neque dubitare, transituros ad Pompejum universos, simul atque reducti in Italiam forent.* Id quoque negligentiores effecit Pompejum, cuncta sibi, simul annuisset, proclivia fore existimantem. Legiones, quia Parthi recessisse nunciabantur, retentae nihilominus in Italia, Capuae hiemarunt.

U. c. 702.  
A. C. 50.

XVI. Namque Bibulus provinciae suae pacem, conflato inter Parthos civili bello, procuraverat. Ornodapantes satrapa, infestus regi Orodi, ut receptum apud Romanos haberet, cum Bibulo amicitiam instituerat. Hunc igitur crebris nunciis impulit, ut, Pacoro rege constituto, bellum Orodi faceret.

*Parthi recedunt.*

XVII. At Caesar, neque lubenter positurus imperium, cui tam diu adsueverat, et, si deponeret, in potestate futurus inimicorum, omnes rationes suas ita parabat, ut, si volentibus obtinere, quod cupiebat, nequiret, vel invitis omnibus adsequeretur. Igitur jam a multo tempore nihil, quod aut ad gratiam hominum parandam, aut ad opes suas stabiliendas pertineret, praetermiserat. Forum inchoaverat de manubiis, solo tantum super sestertium millies empto: munus populo epulumque pronunciarat in filiae memoriam, quum in mortibus matronarum id adhuc nemo fecisset: legionibus stipendium in perpetuum duplicaverat: frumentum saepe sine modo ac mensura prae-buerat: mancipia, praedia viritim distribuerat: regibus captivorum millia dono dederat, et citra senatus populive jussu auxilia, quotiens et quo petissent, miserat: Italiae, Galliae, Hispaniarum, Asiae quoque et Graeciae urbes munitissimas praecipuis operibus exornarat. Tum vero et milites conscripsit, et pecuniis coacervandis studuit, omnique modo exercitum sibi quam benevolentissimum efficere.

*Caesaris artes ad retinendum potentiam.*

XVIII. Inter haec et provinciam ordinavit summa humanitate; nisi quod, imposito tributo, victam se fateri Galliam coëgit. Id quoque pro magnitudine et opibus provinciarum modicum: quadringenties in sin-

*Caesar Galliae tributum imponit.*

Cap. XV. Plut. Cic. ad Fam. 2, 17. Hirt. Dio. Appian. Cap. XVI. Dio, p. 85. Cap. XVII. Id. p. 93. Sueton. Caes. 26. Plut. Cat. et Caes. et Pomp. Plin. 36, 15. Sueton. Caes. 26. et 28. Dio. Cap. XVIII. Hirt. Sex. Rufus. Vell. 2, 39.



U. c. 702. gulos annos stipendii nomine conferri iussit. Deinde,  
 A. C. 50. per speciem commendandi M. Antonii, qui auguratum petebat, in Galliam Togatam transgressus, municipia et colonias appellavit: haud minoribus exceptus honoribus, quam antea Pompejo fuisse exhibitos scriptissimus. Haec omnia Caesar eo fecerat studiosius, quod adversarii ejus valde exsultabant consulibus designatis L. Lentulo, C. Marcello, et Ser. Galba repulso, qui legatus Caesaris fuerat; quamquam is gratia suffragiisque plus valuisset. Quippe plurimum in urbe Pompejus poterat, plerisque suffragantibus, et inter hos Ap. Claudio censore.

*Appii severa censura.*

XIX. Nam et postremam liberae reipublicae censuram Appius hic, collega L. Pisone, exercuit. Et Piso quidem studebat genero Caesari: Appius inimicus, dum nocere conatur, plus etiam invitus insciusque proderat. Nam Piso ob adfinitatem Caesaris, et alioquin negotiorum minime appetens, (quippe, opinionibus Epicureorum deditus, ne censuram quidem suscipere voluerat) notabat neminem: Appius multos equites senatoresque notando, ut postmodo Caesaris partibus cupidius se adplicarent, efficiebat.

*Sallustius senatu motus.*

XX. Jam primum, libertini generis quotquot erant, movebat senatu: deinde multis etiam nobilibus eandem impingebat ignominiam. Hos inter et Sallustius Crispus curia exactus est: quum censoribus in senatu, *se non matronarum, sed libertinarum, sectatorem esse*, respondisset. Notavit et C. Atejum, virum bonum et civem egregium, qui M. Crasso, ad bellum Parthicum proficiscenti, tribunus plebis obnunciaverat. *Ob eam causam*, subscripsit censor, *populum Romanum calamitatem maximam accepisse*. Similis ejusdem, sed justior, severitas in eos, qui, signa tabulasque ad ornamenta munerum a sociis mutuati, postea pro suo retinebant.

*Curionis dimicatio cum consule Marcello.*

XXI. Sed maxima cum Curione dimicatio fuit. Notaturus enim et hunc Appius, quamquam Pisone collega, et cognato Curionis Paulo deprecantibus, sententiam suam in senatu palam ostenderat: quae res acerrimos excitavit motus. Quippe Paullus prae dolore

Cap. XVIII. Sueton. Caes. c. 25. Eutrop. l. 6. Hirt. Cap. XIX. Dio. Cic. in Pis. c. 25. Dio. Cap. XX. Cic. in Sallust. Acron in Hor. Sat. 1, 2. Cic. de Divin. 1, 16. Cic. ad Att. 6, 8. et ad Fam. 8, 14. Cap. XXI. Dio.

vestem scidit. At consul Marcellus, sperans hac occasione contra Caesarem aliquid decretum iri, ea de re statim referre coepit. Curio primum repugnare, nec jure, nec more facturum dicere, si de se sententias roget. mox animadverso, magnam praesentium partem Caesaris totam esse, ceteros plerosque, ne quid adversus illum audeant, metu prohiberi; *Ego vero, inquit, vitam actionesque meas ita institui, ut illius non pudeat, hae ad patriae pertineant utilitatem. Neque recusis vobis rationem omnium reddere, Patres conscripti. Vos, uti videbitur e republica et fide vestra, de me statueritis.* Ibi C. Marcellus consul ita Curionem accusavit, ut damnatum iri plane consideret. Sed, postquam plurimum sententia absolvi reum, atque adeo defendi ornarique vidit, ira correptus, senatu se proripuit.

U. c. 703.  
A. C. 50.

XXII. Plane is erat animorum habitus, ut proniores in Pompeji causam Patres essent; sed tamen saepe Caesarianorum violentia superati his utiliora decernerent. Et consules quidem designati Pompejanarum partium erant. Igitur Caesar literas ad senatum misit, *ne sibi beneficium populi adimeretur; aut saltem reliqui etiam imperatores ab exercitibus discederent.*

*Caesaris literas ad senatum.*

XXIII. Erant haec astutissime excogitata: quidquid enim esset factum, pro Caesare futurum erat. Nam, si tam aequa conditio repudiaretur, favorem hominum erat habiturus, tamquam ab inimicis contra fas et aequitatem premeretur: relicta potestate, magis confirmabatur: sin et Pompejus dimitteret exercitum, celerius se convocaturum veteranos suos, quam Pompejum novos milites, sperabat. Has literas quum pro concione recitasset Curio, seque diceret enixe laboraturum, ut rempublicam omni metu liberaret; maximo favore plausuque populi exceptus est, floresque et sertata in eum jacta.

*Pro concione recitantur.*

XXIV. At, ubi est his de rebus in senatu relatum, Caesari plerique omnes abrogarunt imperium, relinquebant Pompejo: nam astutia consulis seorsim de utroque relatum erat. Igitur Curio denuo conjunctim referre coepit, *placeretne discedere utrumque ab armis, exercitusque dimittere?* Ibi, duobus tantum et viginti re-nucentibus, trecenti septuaginta in sententiam Curionis discesserunt. Hoc ubi factum est, C. Marcellus,

*Sententia senatus de provinciis Caesaris.*

Cap. XXII. Sueton. Caes. c. 29. Cap. XXIII. Plut. Caes. Appian. Cap. XXIV. Plut. Pomp. Hirt. Appian.

U. c. 702. senatum dimittens, *Vincite*, exclamat, ut dominum *ba-*  
 A. C. 50. *beatis Caesarem*. Intercessione tamen amicorum Pompe-  
 ji, adjuvante consule, res effectum caruit.

*Marcellus*  
*Pompejo bel-*  
*lum mandat*  
*contra Cas-*  
*sarem.*

XXV. Sed et falso rumore venientis cum exercitu  
 Caesaris urbs exterrita trepidabat: quo usus C. Mar-  
 cellus, senatu coacto, retulit de legionibus, quas re-  
 tentas fuisse Capuae diximus, uti contra Caesarem mit-  
 terentur. Sed obsistebat C. Curio, frustra haec  
 dici credique testabatur. Ergo consul, *Quandoquidem*,  
 inquit, *de communi senatus sententia reipublicae consulere*  
*prohibeor, ut ego saltem pro potestate mea consulam*. Simul,  
 exsiliens curia, in suburbium, ubi Pompejus agebat,  
 procurrit; porrectoque ei gladio, *Jubemus te*, inquit,  
*contra Caesarem bellare pro patria, copiasque tibi tradimus,*  
*et quae nunc Capuae, aut per ceteram Italiam sunt, et quas*  
*ex novis parare delectibus voles*. Nam una secum consules  
 designatos adduxerat: ne res, a se solo suscepta, pa-  
 rum haberet momenti. Jam enim in exitu consulatus  
 ei erat: sub quod tempus designatorum jam multum  
 valebat auctoritas; quibus et literae tradebantur ad  
 senatum scriptae, et alia quaedam gerere pro consu-  
 libus licebat.

*Pompejus*  
*imperium*  
*accipit.*

XXVI. At Pompejus, quum semper fuisset in ejus-  
 modi rebus accuratus et diligens, cupidius, quam pru-  
 dentius, oblatum accepit imperium, neque a quibus  
 sibi, neque quomodo mandaretur, considerans: in  
 speciem tamen modestiae, hic quoque illud suum,  
*nisi quid melius*, subjecit. Hoc pacto palam susceptis  
 cum Caesare inimicitiis, quam segnius cetera, quam  
 pro magnitudine rei, administraret, nihil profecit ul-  
 tra, quam ut Caesari retinendarum legionum honestio-  
 rem praetextum conciliaret; simul laxaret vincula spei  
 et pudoris, quibus hactenus retenta cupiditas ejus am-  
 biguis inter pacem et arma consiliis fluctuaverat.

*Curio et*  
*Antonius*  
*repugnant.*

XXVII. Sed Curio, cognitis, quae essent acta, quum  
 aliud pro Caesare nihil posset, continuis concionibus  
 apud populum tempora reipublicae deflebat, Pompe-  
 jum et consules accusans: jubebatque hos edicere, ne  
 quis nomen daret conscribenti milites Pompejo. Quod  
 ubi frustra tentatum est, atque interea tribunatus tem-  
 pus

Cap. XXIV. Hirt. Cap. XXV. Appian. Plut. Dio. Appian.  
 Plut. Dio. Cap. XXVI. Appian. Dio. Cap. XXVII. Appian.  
 Dio. Appian.

pus exivit; sibi quoque timens, ad Caesarem excurrit, qui tum recens cum peditum millibus quinque et equitibus trecentis (tertia decima legio erat) Ravennam pervenerat: quae extrema provinciae ejus urbs, eademque Italiae proxima erat.

U. c. 702.  
A. C. 50.

XXVIII. Ne tamen inimicos Pompejus in urbe consideraret, M. Antonius, inito tribunatu plebis, rogationem promulgavit, ut legiones duae, Partibici belli causa in Italiam deductae, ad M. Bibulum mitterentur: Pompejo scribendi militis jus ne esset: neve quis delectum habenti respondere ad nomen cogereetur. Quin et, in concione populi, ante diem decimum Kalendas Januarias habita, in Pompejum invectus, omnia ejus acta, jam usque a toga pura, petulantissime traduxit.

XXIX. Interëa Caesar comiter exceptum Curionem in consilium adhibuit de praesentibus. Neque dubitabat ille, quin arcessendus propere exercitus, et experiendum armis esset. At Caesar, speciem praefereus aequitatis et clementiae, quum interim nihilo segnus pararet bellum, ad amicos in urbem scribit, ut cum adversariis paciscantur, quo, dimissis octo legionibus Transalpinaeque Gallia, Cisalpinam et Illyricum cum duabus legionibus retineret, donec consul iterum factus esset. Simul Curioni dedit ad senatum literas, quibus, post commemorationem eorum, quae per tot annos pro republica strenue fortiterque gessisset, purgabat objecta sibi crimina; paratum ostendens ab exercitu discedere, si Pompejus idem faciat. sin vero, neque se commissurum, ut inermis obiciatur inimicorum crudelitati; sed adfuturum impigre, quo reipublicae suamque injuriam defendat.

Caesar cum adversariis pacisci jubet suos.

Caesar litteras ad senatum scribit.

XXX. Has literas ante diem Kalendas Januarias, quo die C. Claudius M. F. M. N. Marcellus, L. Cornelius P. F. Lentulus inierunt, C. Curio consulibus tradidit: triduo cursu ad centum sexaginta millia passuum emensus. Sed neque pacta cum adversariis, neque literae quidquam ad concordiam valuerunt. Sane M. Cicero, qui, recens reversus e provincia, triumphum petendi causa ad urbem erat, magnopere conabatur his malis mederi: jamque eo profecerat, ut

U. c. 703.  
A. C. 49.  
C. Claudio,  
L. Cornelio  
cons.

Frusta.  
Cicero conciliare pacem conatur.

Cap. XXVII. Hirt. Appian. Cap. XXVIII. Plut. Anton. Cic. ad Att. 7, 8. Cap. XXIX. Appian. Plut. Caes. et Appian. Dio, l. 41. et Appian. Cap. XXX. Plut. Cic. et Caes. et Pomp.

Supplem. Liv. Tom. XIV.

B

U. c. 703. Pompejus flecteretur; neque Caesaris amici recusarent, A. C. 49. quo minus *una legione cum Illyrico provincia contentus Caesar esset*. Sed mirus invaserat furor hominum mentes, ut potius civili bello collidi cuperent: Lentulo praesertim implacabili, qui, salva republica, salvus esse non poterat, et M. Catone, negante facturum ulla de republica pactiones.

*Caesariim-  
perium ab-  
rogatur in  
senatu.*

XXXI. Quin neque literas Caesaris in senatu recitare consules volebant: quamquam Curio, ne supprimerentur, in ipsa curia exhibuerat: donec Q. Cassius Longinus, M. Antonius tribuni plebis recitari publice iusserunt. Erant illae cetera quidem lenissime scriptae; sed postrema verba effecerant, ut minaces et acerbae viderentur. Sane, quum recitarentur, bellum haud obscure denunciari conclamatum est. Secessionem deinde facere consules coeperunt, veriti, ne forte, si voce sententiae dicerentur, multi verecundia, plures metu Caesaris, mitius censerent. Ibi quum de Caesare referretur, *ipsumne ponere imperium vellent?* in eam partem omnes discesserunt; Pompejum nemo sustinuit offendere: armatus enim hic, et ad urbem erat.

*Senatuscon-  
sultum ad-  
jectum.*

XXXII. M. tamen Marcellus non ante referendum de republica censuit, quam praesidium senatus haberet tuto et libere, quae vellet, decernendi. M. Calpidius Pompejum jubebat in suas provincias proficisci, ne qua esset armorum caussa: eandemque sententiam M. Coelius Rufus, modo aedilitate perfunctus, sequebatur. Praeterea C. Curio haud dissimulanter pro Caesare pugnabat. Sed horum sine magistratu studium levioris operae fuit. M. Antonius, tribunitia potestate subnixus, quemadmodum Curio nuper, de utroque conjunctim referendum esse clamitabat cum adsensu Patrum: et erant, qui discessionem flagitarent. Sed ea quidem res a consulibus impedita est: senatusconsulto, quod fiebat in sententiam Metelli Scipionis, *uti ante certam diem exercitum dimitteret Caesar, aut pro hoste esset*, tribuni plebis intercesserunt.

*Cui inter-  
ceditur.*

XXXIII. Postridie, quum iterum senatus haberetur, L. Piso censor, itemque praetor L. Roscius, quo-

Cap. XXX. Cic. ad Fam. 16, 11. Plut. Cic. ad Fam. 16, 12. Vell. 2, 49. Cap. XXXI. Caes. de B. Civil. l. 1. Dio. Plut. Anton. Cic. ad Fam. 16, 11. Appian. Dio. Cap. XXXII. Caes. Plut. Caes. et Anton. Caes. Plut. Caes. Caes. Appian. Cap. XXXIII. Dio. Plut. Caes.

rum alter socer erat Caesaris, alter legatus in Gallia fuerat, ad Caesarem ituros obtulerunt, ut eum docerent de rebus omnibus: fuerunt et ab aliis sententiae dictae, legatos mitti ad Caesarem oportere, qui ei voluntatem exponant senatus. Sed his omnibus Pompejana factio, Caesarisque inimici, consul praecipue Lentulus, Scipioque et Cato resisterunt. Quum iterum hic dies sic abivisset, ut decerni nihil posset, senatus vestem mutandam censuit: tribunis tamen intercessionem non remittentibus, fieri senatusconsultum nequivit; auctoritas perscripta est.

U. c. 703.  
A. C. 49.

XXXIV. At Pompejani Patres, veste lugubri sumpta, redierunt in curiam: confestimque referri de intercessione tribunorum postularunt; Pompejanum exercitum praesidium suum, Caesarem hostem reipublicae appellantes. Quum acerbissimae sententiae dicerentur, et consul Lentulus, priusquam perrogatum esset, exire tribunos, sibi que consulere juberet, ne longe ab his sacrosancta potestas esset; exsurgens Antonius, magno clamore vim incusans, ipsisque, et Caesari, et juri tribunitio illatam, ad postremum quasi furibundus imprecari diras, vaticinari bella, caedes, exilia, proscriptiones denunciare ausus, ex curia profugit. Exeuntem collega Cassius, Marcusque Coelius et C. Curio sequuti, ultimum discrimen haud multo anteverterunt. Jam enim armati e Pompejanis ventitabant, cincturi curiam. At illi proxima nocte, servili habitu sumpto, meritoria rheda ad Caesarem profugerunt.

*De intercessione refer-  
tur.*

XXXV. Exactis ex curia tribunis, sententiae dictantur, ne illi atque eorum satellites pro senatoribus habeantur: ad illud extremum atque ultimum senatusconsultum, quo, nisi in summo omnium periculo, descensum non fuerat, decurritur: dent operam consules, praetores, tribuni plebis, quique pro consulibus sint ad urbem, ne quid respublica detrimenti capiat.

*Fit senatus-  
consultum  
extremum.*

XXXVI. Post paucos dies, senatu extra urbem habito, uti Pompejus interesset, tumultum esse decreverunt. Pompejum delectus habere tota Italia jussit.

*Pompejus  
delectus ha-  
bere jubetur.*

Cap. XXXIII. Caes. de B. Gall. 1. 5. Caes. de B. Civ. 1.  
Dio. Cap. XXXIV. Caes. Appian. Caes. Dio. Appian. Plut.  
Anton. et Caes. Appian. Dio. Caes. Gros. 6, 15. Appian.  
Cap. XXXV. Dio. Caes. Cic. ad Fam. 16, 11. Cap. XXXVI.  
Caes. Dio. Plut. Pomp. et Caes.

U. c. 703. runt; veteranorum praecipue, donec ex eo genere  
 A. C. 49. centum triginta militum millia conficerentur: sed et  
 ex vicinis nationibus, uti quaeque virtute praestaret,  
 mercede conducere: in eos usus pecunias ex aerario  
 sumere. Magnae tamen summae a privatis offereban-  
 tur: et per oppida missi, qui festinanter et acerbè  
 conquirerent. Provinciae quoque privatae datae: duae  
 consulares, reliquae praetoriae. Scipioni Syria ob-  
 venit: L. Domitio Gallia ulterior. nam ceterior prae-  
 toria Considio Noniano obtigerat. in reliquas prae-  
 torii mittuntur, quum neque ad populum ex more latum  
 de imperio illorum esset, neque paludati votis nuncu-  
 patis exirent.

Caesar a- XXXVII. Sed Pompejus ad omnia satis se spatii  
 pud milites habiturum rebatur, donec exercitum Caesar e provin-  
 concionatur. ciis arcefferet. Et ille quidem miserat adducturos:  
 sed interim plus in celeritate, quam viribus, esse re-  
 putans ad primos belli terrores, apud milites, quos  
 habebat Ravennae, concionatur: omniumque tempo-  
 rum injurias inimicorum in se commemorat, (placet  
 enim, quae a se tum dicta tradit, ipsius verbis ex-  
 ponere) a quibus deductum et depravatum Pompejum queri-  
 tur invidia et obrectatione laudis suae, cujus ipse honori et  
 dignitati semper faverit adjutorque fuerit. novum in republica  
 introductum exemplum, ut tribunitia intercessio armis notaretur  
 atque opprimeretur, quae superioribus annis armis esset  
 restituta. Sullam, nudata omnibus rebus tribunitia potestate,  
 tamen intercessionem liberam reliquisse. Pompejum, qui  
 amissa restituisse videatur bona, etiam, quae ante habuerit,  
 ademisse.

Dignitatem XXXVIII. Quotiescumque sit decretum, darent magistratus  
 suam defen- tus operam, ne quid respublica detrimenti caperet, (qua voce  
 di petis. et quo senatusconsulto populus Romanus ad arma sit vocatus)  
 factum in perniciosis legibus, in vi tribunitia, in secessione po-  
 puli, templis locisque editioribus occupatis: atque haec superio-  
 ris aetatis exempla expiata Saturnini atque Gracchorum casibus  
 docet. quarum rerum illo tempore nihil factum, ne cogitatum  
 quidem: nulla lex promulgata, non cum populo agi coeptum,  
 nulla secessio facta. hortatur, cujus imperatoris ductu novem  
 annis rempublicam felicissime gesserint, plurimaque proelia se-  
 cunda fecerint, omnem Galliam Germaniamque pacaverint, ut  
 ejus extinctionem dignitatemque ab inimicis defendant.

Cap. XXXVI. Appian. Caes. Cic. ad Fam. 16, 12. Caes.  
 Cap. XXXVII. Appian. Plut. Caes. Caes. 1. B. Civ. 7.

**XXXIX.** Auctore Laelio primipili centurione, clamant milites, *sefe paratos esse imperatoris sui tribunorumque plebis injurias defendere.* Igitur Caesar tribunis centurionibusque imperat, *uti, relictis armis aliis, gladio tantum accincti cum delectis pergant Ariminum, eamque coloniam, quanto possint silentio, occupent.* Ita clam praemisso Q. Hortensio, oratoris filio, cum cohortibus decem, qua tantula manu terrarum orbem (ut ait Livius) *adoratus est*; ipse, ne qua suspicio oriretur, gladiatores perspectavit, et formam, qua ludum erat aedificaturus, inspexit, et ex consuetudine convivium frequens ingressus est: sed, incipiente nocte discedens, tamquam leviter adfecto corpore, et rediturus, comiter compellatis convivis, paucos amicorum secreto monuit, ut cum equitibus alius alia via sequerentur: mulisque e proximo pistrino ad meritorium vehiculum junctis, quum aliud iter ingressus, paullo post ad Ariminensem viam extinctis luminibus deflecteret, per impedita loca diu oberravit. Sub lucem deinde duce reperto, per angustissimos tramites pedes evasit, praemissasque cohortes circa Rubiconem adsequutus est.

U. c. 703.  
A. C. 49.  
*Ariminum occupat.*

**XL.** Fluviolus is modicus est inter Ravennam et Ariminum: hodie vocatur *Pisaiello*. Sed majoribus hoc termino Galliam ab Italia discriminare placuerat. Viso Rubicone, primum substitit Caesar, quantam bellorum molem transitus hic exciturus esset, reputans: conversusque ad proximos, quos inter et Asinius Pollio aderat, *Etiā nunc, inquit, regredi possumus: quod si ponticulum transierimus, omnia armis agenda erunt. Sed quid agam, si transitus meus humano generi calamitosus est futurus, reditus mihi?*

*Ad Rubiconem venit.*

**XLI.** Dum ita cunctatur Caesar, repente quidam apparuit in proximo, canens arundine. quem ad audiendum videndumque, nam erat magnitudine et forma non vulgari, quum multi ex stationibus milites accurrissent, interque eos et aeneatores; rapta ille tuba procurrit in flumen, et, ingenti spiritu classicum exorsus, in alteram ripam evasit. Tum Caesar, *Eatur, inquit, quo Deorum ostenta, et inimicorum iniquitas vocat. Facta alea est.* Statimque trajectis militibus, nihil mo-

*Eumque transiit.*

Cap. XXXIX. Lucan. 1, 356. Caes. Plut. Caes. Appian. Oros. 6, 15. Sueton. Caes. 31. Plut. Appian. et Sueton. Cap. XL. Jo. Bocatius de Flumin. Lucan. 1, 213. Plut. Caes. et Pomp. Appian. Sueton. Appian. Cap. XLI. Sueton. Plut. Appian. Dio. Plut.



U. c. 703, ratus tenebras, Ariminum pergit: idque oppidum sub  
A. C. 49. lucem ingressus occupat,

*Curia militum accendit ad bellum,* XLII. Ibi conloquio militum advocata, tribunos plebis, qui urbe pulsus supervenerant, adhibuit, ut erant servili habitu tecti. Haec tam foeda species mirifice inflammavit militum animos, quum praesertim neque Caesar ipse, neque tribuni deessent rem, per se satis tristem, exaggerare verbis. Curio etiam, ut erat promptae eloquentiae, jussu Caesaris acta docuit milites, vehementer accendens ad vindictam animos. *Nihil enim ultra rite ac ordine Romae geri: non fas respici, non jus: sacrasancram potestatem conculari: penes malos omnem potentiam: melioribus aut tacitam servitutem, aut, si loqui audent, fugam, caedem, pericula esse proposita.* Et, quo vehementiores adhiberet mentibus facies, flens Caesar, et a pectore discissa veste, fidem militum invocabat. Adcaensere milites ingenti fremitu; quum ad omnia promptos imperatori liberalitas ejus et fortuna faceret: errore quoque concionis extremae adjuvante, quae promissum omnibus jus aureorum annulorum cum equestri censu inde credidit, quia Caesar ad satisfaciendum militibus annulum quoque aequo animo sibi detracturum dicens, saepius digitum laevae manus ostenderat. Sic incitatis cohortibus, ad vicina quaeque porrigens manus, quantum pro copia praesente poterat, opportuna loca recipere instituit.

*Terror ex adventu Caesaris,* XLIII. Sed haec, non qualia erant, sed multis modis majora, terror subitus, et agrestium fuga per Italiam ac in urbe vulgaverat; venire Caesarem cum omni exercitu, Gallorumque et Germanorum ingentibus auxiliis. Ergo saevius, quam ullo Gallico Cimbricoque tumultu, percussi omnium animi, sine consilio, sine spe, trepidabant. Neque vulgi tantum haec recordia, sed magis etiam Patrum erat: quorum pavore et querelis Pompejus quoque, ne pro sua virtute et peritia rebus praesentibus consulere posset, turbabatur.

*Querelae in Pompejum,* XLIV. Alii praeterita objiciebant, quae jam emendari non poterant: *nunc dare ipsum poenas sperari optimorum virorum consilii, qui Caesaris amicitiam ipsi patriaeque*

Cap. XLI. Oros. Cap. XLII. Caes. Dio. Sueton. Appian. Dio. Lucan. 1, 273. Sueton. Lucan. Sueton. Appian. Dio. Cap. XLIII. Appian. et Lucan. Plut. Appian. Cap. XLIV. Plut. Cat. et Pomp.

*functam fore praedixissent.* Haec exprobranti Catoni Pompejus respondit, *illum melius divinaſſe, ſe egiſſe ſimplicius et amicus.* Plures erant, quos conditiones Caesaris non admisſiſſe poeniteret. plerique cum Pompejo expoſtulabant, *quid ita, quum eſſet tam flagitiuſe impetratur, acerrimum ducem exercitumque provocaeſſet?* Nam quae-  
renti L. Volcatio Tullo viro conſulari, *ecquid paratas haberet copias?* haesitanter reſponderat, *duas legiones, quae eſſent miſſae a Caefare, paratas eſſe: arbitrari et de novis delectibus legiones quinque cogi poſſe.* Ibi exclamavit Tullus, *Decepiſti nos, Pompei!* Nuper enim in ſenatu legiones habere ſeſe paratas decem confirmaverat. M. Favonius adjecit, *nunc eſſe tempus pede percutiendi terram: Quod aliquando jactabundus dixerat, ubi pede terram pulſaeſſet, eaſſim exſulturas equitum peditumque copias.*

U. c. 703.  
A. C. 49.

*Tulli praeterſim et Favonius.*

XLV. Et vincebat ille quidem adhuc Caesarem militum numero, adjunctis Hispaniensibus; sed a suis consiliis trepidatione Patrum velut fluctu auferebatur. Tullus mittendos de pace legatos censere: abnuere Cato, et Pompejo summam imperii decernere, *eorumdem eſſe magna mala et facere et comprimere*, dictitans. In hanc ſententiam itum: et Pompejus, *non eſſe in parietibus rempublicam ferens*, ſequi juiſſis magiſtratibus omnique ſenatu, et, ſi quis remaniſſet, pro hoſte habiturum denuncians, urbem reliquit.

*Abscedit ab urbe Pompejus.*

XLVI. Consules ſtatim, ne ſacris quidem ſolennibus factis, (quod ante id tempus acciderat numquam) ſequuti ſunt. Reliqui Patrum, inopes conſilii ſtupentesque, in curia pernoctarunt. diluculo demum, paucis, qui Caesaris aut neutrarum partium erant, manentibus, (quamquam et ex illo numero quidam dicuntur profecti) exceſſerunt.

XLVII. Ergo; tamquam ex hoſtili terra, ſit fugae ſimilis profectio: complentur agminibus exeuntium *Fugae ſimilis profectio,* completur clamoribus tumultuque coelum: ſit deſerentium emittentiumque ſuos comploratio: moram caritas, feſtinationem metus imperat: nemini non res miſera, acerba, atrox videtur. Nam et, qui cum tota familia egrediebantur, deſperato redi-

Cap. XLIV. Appian. Plut. Cic. ad Att. 7, 15. Plut. Pomp. Caes. de B. Civil. 1, 6. Plut. Cat. et Pomp. Appian. Cap. XLV. Plut. Caes. Plut. Pomp. et Cat. Cic. ad Att. 7, 11. Appian. Dio. Cap. XLVI. Plut. Caes. Caes. Appian. Plut. Caes. Dio. Cap. XLVII. Appian. Plut. Caes. et Pomp. Lucan. Petron. Carm. Dio.

U. c. 703.  
A. C. 49.

tu, vix poterant ab extremo patriae conspectu avelli: et, qui suos relinquebant, plus angebantur, carissima pignora mox in potestate ejus futura reputantes, contra quem ipsi ferrum stringerent. Plebs autem Romana, consiliis armisque orbam et expositam lubidini victoris urbem reputans, superiorum civilium bellorum mala, direptiones, caedes, incendia loquebatur: majori timore, quod a Caesare magna barbarorum adduci multitudo diceretur.

*Prodigiis  
auctus ter-  
ror,*

XLVIII. Adgravabant augebantque horrorem nunciata nuper prodigia, numero et foeditate terribilia. Nam in ipsa urbe lupi nocturnaeque frequentes apparuerant: sanguineae pluviae, terrae motus crebri cum mugitibus, etiam Romae, simulacrorum sudores, multis ex locis nunciabantur. sed et fax ab occidente in orientem ferri conspecta erat: multa fana fulmine tacta, ipsum Capitolium, ubi et sceptrum Jovis et galea Martis percussa sunt, itemque aera legum. aedificia multa, quae inter et Quirini fanum, incendio hausta. sol totus obscuratus est. Monstruosi animalium partus editi: minacia carmina pro Sibyllinis vulgata; passimque furore correpti dira multa cecinerunt. In Cumano arbor subsedit, paucis ramis eminentibus. Ob eam rem aditi libri, repertumque internecionem hominum fore, tantoque majorem, quanto propius ab urbe ostentum factum esset.

*Dira eorum  
interpretatio.*

XLIX. Sed et ominibus accensa est moris antiqui praetermissio, quod nullus feriarum Latinarum causa praefectus urbi creatus fuit: idque anno sequente pariter omisum, vices praefecti praetoribus interim ob-euntibus. Eodem anno M. Perperna mortuus est, novissimus omnium, quos consul in senatu sententiam rogaverat: neque plus septem in vita reliquit ex iis, quos ante septimum et tricesimum annum cum L. Philippo censor in senatum legerat. Ea quoque res, quemadmodum et cetera, quae acciderant, finem senatus, mutationemque reipublicae visa portendere.

*Reipublicae  
mutatio por-  
tendi credi-  
ta.*

L. In hoc metu quum plerique mittendos ad Caesarem legatos dicerent, non abnuente Pompejo, quin et mandata privati officii addente, L. Caesar, cujus pater legatus erat Caesaris, et L. Roscius praetor,

Cap. XLVIII. Appian. Dio. Lucan. Petron. Plin. 17, 5.  
Cap. XLIX. Dio. Val. Max. 8, 13. Dio. Plin. 7, 48. Val. Max.  
Dio. Cap. L. Caes.

Ariminum profecti, Caesarem orare instituerunt, discederet ab armis, suasque injurias reipublicae donaret. Caesar paullo diversa ab his, quae per epistolam postulaverat, respondit. *Pompejus eat in Hispaniam: delectus et praesidia contra se comparata dimittantur. se ulteriorem Galliam Domitio, citeriorem M. Confidia Noniano traditurum; ad consulatus petitionem venturum. neque jam velle rationem haberi absentis: trinundinum petiturum.* Et, quo facilius conveniret, petiit, ut colloquendi causa propius accedat Pompejus, aut se accedere patiatur. Cum his mandatis reversi Pompejum et consules Theani repererunt, ante diem octavum Kalendas Februarias: quo die ad eos T. Labienus, damnata Caesaris causa, venerat.

U. c. 703.  
A. G. 49.

*Labienus  
Caesarem  
deserit.*

LII. Is, diu ab inimicis Caesaris sollicitatus, a quo maximis auctus honoribus, omnibusque nuper trans Alpes copiis praefectus fuerat, fortunam imbecillo animo ferens, Caesarem, jam et ipsum propter insolentiam hominis in amore frigidior, reliquerat; speciem magis, quam vires, ut exitus docuit, praestatis partibus adferens. Huic tamen Caesar, pro solita animi magnitudine, pecuniam, cujus ille praedives erat, et sarcinas omnes remisit.

LIII. Conditiones Caesaris nec rejectae omnes, nec probatae sunt. de colloquio dissimulatum. scripta mandata per eosdem remissa ad Caesarem, *ut ille de his opipidis, quae extra suam provinciam occupavisset, praesidia deduceret. Id si fecisset, ad urbem redituros Patres, ut de iis ipsis conditionibus, quas obtulerat, senatus haberi Romae posset.* In Hispanias iturum Pompejum esse.

*De conditionibus pacis actum.*

LIII. Neutri ducum satis pax placebat. Pompejus, si populo Romano potestas omnis restitueretur, haud dubie inferiorem se gratia Caesaris rebatur: Caesar, ab ineunte aetate cupidissimus imperandi, praetermittere occasionem nolebat, gnarus non aliud sibi ad principatum iter, quam per conculcatum Pompejum, esse. Itaque, mala fide secum agi cavillatus, quod, ante quam diem iturus in Hispaniam Pompejus esset, expressum non fuerat, toto animo in bellum versus,

*Reficiuntur  
a Caesare.*

Cap. L. Cic. ad Fam. 16, 12. et ad Att. 7, 13. Dio. Caes. Cic. ad Att. 7, 14. et 13. ep. 12. Cap. LI. Hirt. de B. Gall. & Dio. Plut. Caes. Cap. LII. Cic. ad Fam. 16, 12. et Caes. Cap. LIII. Dio. Sueton. Caes. c. 30. Plut. Caes. et Anton. Caes. Dio.

U. c. 703. per omnem Italiam literas mittebat: *sive jure secum*  
 A. C. 49. *sive armis ageretur, paratum ad discepcionem, ostendens;*  
 simul hortatus omnes, bono essent animo, neque se conjun-  
 gerent res turbare cupientibus. non minus se his consulturum  
 pro suis, qui in neutra, quam qui in sua castra venissent:  
 quamquam Pompejus, auctore solo principum Domi-  
 tio, pro hostibus se habiturum, qui reipublicae defuissent,  
 edixerat.

*Is opportu-  
 na occupat  
 loca.*

LIV. Interim, non expectato legatorum reditu,  
 acerrime delectum habere Arimini, opportuna loca  
 occupare, praesidia imponere. M. Antonius cum quin-  
 que cohortibus Arretium mittitur, ibique praesidium  
 imponit. Fugit in Campaniam Scribonius Libo, qui  
 tutari debuerat Etruriam. Pisaurum, Fanum, Anco-  
 nam, ab Arimino Caesar singulis cohortibus occupat.  
 Curionem cum tribus cohortibus ad Iguvium recipien-  
 dum ire jubet, validum Umbriae oppidum, quod a Q.  
 Minucio Thermo quinque cohortibus tenebatur. sed  
 ille, voluntati diffisus Iguvinorum, quos addictiores  
 Caesari esse sciebat, profugit. milites ejus in itinere  
 discedunt, domumque se conferunt.

LV. His rebus et municipiorum voluntate cognita,  
 Caesar, aucta fiducia, cum legione tertia decima Au-  
 ximum proficiscitur, Piceni urbem, quam P. Attius  
 Varus praesidio tenebat, agendis in Piceno delectibus  
 intentus. Auximates Varum terrent, et decedere op-  
 pido cogunt. Fugientem per impedita loca quidam  
 Caesaris milites adsequuti consistere cogunt. post bre-  
 vem pugnam deseritur a suis Varus: alii domum, ple-  
 rique ad Caesarem pergunt. Haec Romam perlata,  
 quum jamjam adesse Caesar, conspicique equites ejus  
 falso dicerentur, sic exterruerunt Lentulum consulem,  
 qui ex mandato Pompeji, quod ante diem septimum  
 Idus Februarias per C. Cassium tribunum plebis Ca-  
 puam erat adlatum, ad pecuniam promendam Pompe-  
 jo venerat, ut, aperto sanctiore aerario, protinus ex  
 urbe profugeret.

---

Cap. LIII. Sueton. Caes. c. 75. Sueton. Ner. c. 2. Plut.  
 Pomp. Dio. Appian. Cap. LIV. Cic. ad Att. 7, 17. et 18.  
 Caes. Cic. ad Att. 7, 12. Flor. 4, 2. Lucan. 2, 462. Cic. ad  
 Fam. 16, 12. Caes. Plin. 3, 14. Cap. LV. Caes. Cic. ad  
 Att. 7, 13. Flor. Lucan. Caes. Plin. 3, 13. Caes. Cic. ad  
 Att. 7, 21. Caes.

LVI. Delectus intra urbem omittitur: neque ullo inter Romam ac Capuam fiditur loco: Capuae demum se confirmant, ibique delectum instituunt agere, parum prolixè respondentibus Campanis, quod beneficio et lege Caesaris deducti eam in coloniam fuerant. Gladiatores, quos ibi Caesar alebat, (ad duo millia fuisse putantur) Lentulus, equis attributis, sequi se iusserat. sed, posteaquam id reprehendebatur sermonibus, singulis patribus familiarum binos Pompejus distribuit, custodiae causa.

U. c. 703.  
K. C. 49.  
*Delectus  
Capuae a  
Pompejanis  
habetur ext-  
quo successu.*

LVII. Sed Caesar, Auximo progressus, totum Picenum, volentibus praefecturis omnibus, recepit. Etiam Cingulo, quamquam id oppidum Labienus sua pecunia exaedificaverat, legati ad Caesarem venerunt. Quum interim legio duodecima accessisset, Caesar cum duabus legionibus Asculum Picenum contendit, ubi Lentulus Spinther curabat, vir consularis, cum cohortibus decem. Sed neque hic ceteris constantior, profugit ex oppido; desertusque a maiore parte militum, reliquos L. Vibullio Rufo tradit, a Pompejo forte venienti ad Picentem retinendos in partibus. Vibullius, acceptis militibus, ex his et delectibus Pompejanis aliquot cohortes conficit: mox venit ad eum C. Luccejus Hirrus cum quinque cohortibus, Camerino fugiens, ubi in praesidio fuerat. Hi magnis itineribus Corfinium proficiscuntur: quo loco L. Domitius Ahenobarbus consederat.

*Cingulum  
et Asculum  
Caesari de-  
ducuntur.*

*Domitius  
Corfinii con-  
sedit.*

LVIII. Nam ille, successor Caesari missus, cum quatuor millibus ex novo delectu Galliam versus iter instituerat: deinde, occursu Caesaris cognito, deflexerat in Pelignos, Marsosque. Harum ex nationum delectibus quum copias suas ad numerum cohortium duodecim adauxisset, jamque ad eum Vibullius et Hirrus cum undeviginti cohortibus accessissent; observare Caesarem instituit, repugnaturus, si propius ad se accessisset: sin vero secundum mare ad Pompejum ire coepisset, confestim ducturus in Samnium, ut cum Pompejo se conjungeret.

LIX. Sed Caesar, Asculo recepto, conquiri milites, qui a Lentulo discesserant, instituere delectum

*Caesar ad  
Corfinium.*

Cap. LVI. Cic. ad Att. 7, 14. Caes. Cic. Cap. LVII. Caes. Ep. Pomp. ad Cic. l. 8. ad Att. ep. 11. Caes. Cap. LVIII. Appian. Ep. Pomp. ad Coll. et ad Domit. l. 8. ad Att. ep. 11. Cap. LIX. Caes.

U. t. 703. jabet: nec amplius uno die moratus, Corfinium pergit. Occurrunt praemissae a Domitio quinque cohortes, pontemque fluminis, ad tertium ab urbe milliare, conantur interrumpere. Sed, levi proelio rejectae ab antecursoribus Caesaris, in oppidum se recipiunt. Caesar, flumine superato, castra juxta murum Corfinii ponit.

*Domitius  
Pompeji o-  
pem implo-  
rat.*

LX. Domitius, magno proposito praemio, regionum peritos ad Pompejum cum literis mittit, rogans et obtestans, ne se cum tot cohortibus, magnoque senatorum et equitum Romanorum numero, recidere in potestatem Caesaris sinat. Ea res summa sollicitudine Pompejum adfecit. nihil enim tam contrarium consiliis ejus fieri potuisset. Tironi non audebat confidere: duas legiones, quae nuper praetextu Parthici belli abductae a Caesare fuerant, prouiores illis partibus rebatur. Igitur omnes undique copias ad se convenire maluisset. At, quoniam id propter vigilantiam atque celeritatem adversarii nequibat, quatuordecim cohortes ex duabus illis legionibus contraxerat Luceriam eo consilio, ut, si propius accederet Caesar, Italiam relinqueret, ut paullo post factum est. Sed, accepto, Domitium obsideri, sive dissimulans mentem suam, sive putans tot et tales viros deserere non oportere, scribit ad Lentulum consulem, magni interesse reipublicae, omnes copias primo quoque tempore in unum locum convenire. quod ab omnibus ita est acceptum, cum universis viribus Pompejum ad Corfinium venire constituisse.

*Domitius  
ad defensio-  
nem se com-  
parat.*

LXI. Hac opinione paullisper recreati sunt hominum animi, nuntiataque Domitii constantia, qui sane, suos cohortatus, tormenta disposuerat in muris, et cetera tamquam ad tolerandam obsidionem administrabat. Etiam, ut promptiore exercitu uteretur, militibus quaterna jugera agri, centurionibusque et evocatis pro rata parte promiserat ex suis possessionibus. nam occasione Sullanorum temporum ad maximas opes pervenerat.

LXII. Sed accidit ei, quod futurum Pompejus ei ascripserat; ut nec expedire posset copias, tribus in

---

Cap. LIX. Dio. Caes. Lucan. 2. v. 481. Caes. Cap. LX. Ep. Pomp. ad Coss. et ad Domit. Cic. ad Att. 8, 9. ep. Pomp. Cic. ad Att. 8, 6. Cap. LXI. Caes. Dio. Cap. LXII. Ep. Pomp. ad Coss. et ad Domit.

oppidis distributas, (partem enim Albae, partem Sulmone collocaverat) nec cum iis, quos habebat secum, satis firmus ad resistendum esset. Namque Sulmonenses, missu Caesaris venienti Antonio aperuerunt portas, universique, et oppidani et milites, (septem ibi cohortes Domitius collocaverat, quum Antonius quinque tantum adduceret) obviam gratulantes exierunt. Q. Lucretius senator et C. Attius Pelignus, qui oppidum praesidio tenuerant, de muro se dejecerunt. Lucretius effugit. Attius ab Antonio deductus ad Caesarem, et ab eo incolumis dimissus est. Pompejani proditum ab eo fuisse Sulmonem crediderunt.

U. c. 703.

A. C. 49.

*Sulmo Caesari deditur.*

LXIII. Caesar, quum et illis cohortibus auctior esset, et ad eum legio octava cohortesque ex novis Galiae delectibus duae et viginti venissent, cum trecentis circiter equitibus, quos ei rex Noricus miserat, altera castra ad alteram oppidi partem ponit, Curione praefecto; qui cum praesidiis, quae in Umbria et Tuscis fuerant, ad eum accesserat. Inde circumdare obsessos operibus instituit. quorum parte maxima perfecta, literae Domitio redduntur, quibus negabat Pompejus, ire se subsidio posse; jubebatque, si ulla ratione etiam tunc efficere posset, explicaret sese, et Brundisium veniret. Sed hoc jam serum erat, obsessio atque circummunito oppido.

LXIV. Igitur Domitius clam cum paucis familiaribus de fuga colloqui coeperat. sed, quamquam voce de fuga consilium non prodebatur, ex trepitatione vultuque et hoc genus indicium patuit. Idcirco milites, inter se colloquuti, Domitium publice custodiunt; legatosque mittunt ad Caesarem, *paratos esse portas aperire, et L. Domitium vivum tradere.* Sed, quia serum diei erat, veritus Caesar, ne per nocturnam licentiam oppidum diriperetur, id quod suis rebus erat futurum alienissimum, quas opinione clementiae confirmare cupiebat, adservari interea oppidum a Domitianis militibus jubet. ipse suorum vigilias stationesque densas circumponit, non adversus eruptionem modo, sed etiam adversus furtivos egressus singulorum.

*Domitius**de fuga cogitat.*

LXV. Circa quartam vigiliam Lentulus Spinther de muro Caesarianos inclamat, deducique ad Caesarem. *Lentulus a Caesare incolumitatem obtinet.*

Cap. LXII. Caes. Oros. 6, 15. Caes. Cic. ad 8, 4. Cap. LXIII. Caes. Ep. 3. Pomp. ad Domit. l. 8. ad Att. ep. 12. Cap. LXIV. Dio. Caes. Dio. Appian. Caes.



U. c. 703. ciis incolumem velit, omnia enumerans, quod per  
 A. C. 49. Caesarem in collegium pontificum venisset; quod ex  
 praetura Hispaniam habuisset provinciam; quod in  
 petitione consulatus fuisset ab eo adjutus. Caesar,  
 plura commemorari non passus, neminis odio, sed ut  
 tribunos plebis in suam dignitatem, et populum Ro-  
 manum, paucorum factione oppressam, in libertatem  
 restitueret, arma cepisse interfatur. Ergo Lentulus,  
 jam securus de salute sua, petit, ut in oppidum re-  
 verti liceat, quo ex sua incolumitate ceteri ad spem  
 revocentur. *esse enim nonnullos, qui de morte consciscenda  
 deliberent.*

*Domitius  
 venenum a  
 medico petit.*

LXVI. Sane Domitius, Caesaris iram metuens,  
 cui semper fuerat adversatus, a medico eodemque  
 servo suo venenum poposcerat. Sed idem, lenitate  
 cognita victoris, deplorare conditionem suam coepit,  
 quod, quam relicturus fuisset inimicus, sibi ipsi vi-  
 tam homo temerarius stultusque praecidisset. Ibi me-  
 dicus, qui adolescenti Domitio rem aperuerat, seque  
 jusserat adservari, donec eventus docuisset, utrumne  
 venenum datum patri foret, tantummodo soporiferam  
 potionem se dedisse indicavit. Hac re exhilaratus (ne-  
 que enim Lucano credendum est, in gratiam Neronis,  
 cujus hic Domitius abavus fuit, omnia alia fingenti)  
 manumisit medicum: atque ita, postquam illuxit, cum  
 ceteris ad Caesarem deductus est.

*Soporife-  
 ram pro ve-  
 neno potio-  
 nem accipit.*

*Incolumis  
 dimittitur a  
 Caesare.*

LXVII. Erant senatorii ordinis Domitius et Lentu-  
 lus consulatu functi; praeterea L. Vibullius Rufus,  
 Sex. Quintilius Varus quaestor, L. Rubrius: praeterea  
 multi adolescentes nobiles, equitumque Romanorum  
 et decurionum, quos Domitius ex municipiis evoca-  
 verat, magnum agmen. Hi, a Caesare increpiti, quod  
 neutiquam convenientem meritis suis gratiam retulis-  
 sent, incolumes omnes dimittuntur, seque ad Pom-  
 pejum recipiunt. Aurum etiam, quod secum Corfi-  
 nium deportaverat Domitius, sestertium sexagies, quam-  
 quam pecunia publica esse diceretur, Domitio reddi-  
 tum: quia Caesar, non minus fugiendam sibi inopiae,  
 quam crudelitatis, famam judicabat. Ita Caesar, se-  
 ptem omnino dies ad Corfinium commoratus, Domitia-

Cap. LXVI. Plut. Caes. Senec. de Benef. 3, 24. Plin. 7, 54.  
 Sueton. Ner. c. 2. Plut. et Senec. Lucan. 2. v. 509. Sueton.  
 Senec. Caes. Cap. LXVII. Dio. Caes. Appian. Plut. Liv.  
 Epit. Vell. 2; 50. Caes.

nas cohortes protinus in Siciliam mittit. Ipse in Apuliam ducere instituit.

U. c. 703.

A. C. 49.

LXVIII. His rebus auditis, Scipio Luceriam omisit, militibus Brundisium transductis, quo Pompejus expeditus legiones antecesserat. Eo conduci iusserat, quidquid habebat copiarum, nullum auxilii genus aspernatus: nam et ex pastoribus servisque equites circiter quadringentos effecerat. Sed Caesaris per Apuliam cursus maiorem ei delectuum partem, passim relictis praesidiis fugientium, abscidit. Alba L. Manlius Torquatus praetor cum sex cohortibus discesserat; Tarracina cum tribus praetor Rutilius Lupus. Sed Rutilianae cohortes, quum equitatum Caesaris conspexissent, cui Vibius Curius praeerat, ad eum signa transulerunt: idem reliquis itineribus a nonnullis cohortibus, quae in Caesarem aut equites ejus inciderant, factum.

*Pompejus  
Brundisium  
copias ducit.*

LXIX. Venit et in potestatem Cn. Magius, praefectus fabrū Pompeji: quem Caesar cum mandatis ad Pompejum remisit; *interesse reipublicae, ut, quoniam itineris Brundisium esset, una colloquerentur.* Neque diu cunctatus, cum legionibus sex ante diem octavum Idus Martias Brundisium venit; cujus exercitus magna pars ex recentibus delectibus et iis, quos in itinere exceperat, confecta erat. Sed Pompejus jam Cn. filium maiorem ex duobus cum socero Scipione in Syriam, auxilia gentium ac regum concituros, consules autem Dyrrhachium praemiserat, cum triginta cohortibus. Ea res abruptit negotium pacis. nam et Lentulus consul a Cornelio Balbo, cujus pater Lentuli erat familiarissimus, mandata Caesaris habente, conveniri non potuit; et, quum Scribonius Libo, qui erat Sex. Pompeji socer, a Caninio Rebilo inductus, cum Pompejo de conditionibus egisset, responsum est, quod consules absint, sine illis de compositione agi non posse.

*Caesar Magium ad  
Brundisium  
Pompejum  
misit.*

*De conditionibus  
nihil  
convenit.*

LXX. Nec deerant, qui existimarent, dimissos a Pompejo consules fuisse, ne quid novi consilii contra suas rationes caperent; suspecta praesertim levitate Lentuli. Sed neque Magius remissus ad Caesarem est;

Cap. LXVIII. Lucan. 2. v. 472. Cic. ad Att. 8, 3. et 9. Caes. Cic. ad Att. 9, 6. Caes. Cap. LXIX. Ep. Caes. ad Opp. 1. 9. ad Att. ep. 8. Plut. Pomp. Caes. Cic. ad Att. 9, 3. et Caes. ad Opp. 1. 9. ad Att. ep. 13. Caes. Plut. Pomp. Lucan. 2, 631. Caes. Appian. Dio. Plut. Cap. LXX. Cic. ad Att. 9, 9. Cic. ad Att. 8, 9. et Balb. ad Cic. 8. ad Att. 15.

U. c. 703. si Caesari credimus. Ceterum ille multa, suae causae serviens, de industria perperam edidit; quod et Pollio Asinius adfirmare est solitus, qui cum eo transiit Rubiconem, rebusque his interfuit. Ex iis hanc de Magio querelam esse puto, quum ipse Caesar iisdem diebus ad Oppium et Cornelium Brundisio scripserit, a Cn. Pompejo missum esse Cn. Magium de pace: se, quae visa fuissent, respondisse.

*Caesar Brundisii portum claudere instituit.*

LXXI. Sic pacis cogitatione quibuscumque de causis penitus abjecta, hoc agere coepit, ut aut Pompejum quamprimum trajicere cogeret, aut exitu prohiberet. Igitur, castris ad portas oppidi positis, opus magnum et multorum dierum, propter altitudinem maris, instituit, ab utroque portus cornu moles jaciens. Ejus operis ratio non melius exponi, quam ab eo ingenio, potest, a quo excogitatum jussumque fuit. Qua fauces erant angustissimae portus, molem atque aggerem ab utraque parte litoris jaciebat, quod his locis erat mare vadosum. longius progressus, quum agger altiori aqua contineri non posset, rates duplices, quoquoversus pedum triginta e regione molis collocabat. has quaternis ancoris ex quatuor angulis destinabat, ne fluctibus moverentur. his perfectis collocatisque alias deinceps pari magnitudine rates jungebat. has terra atque aggere contegebat, ne aditus atque incursus ad defendendum impediretur: a fronte atque ab utroque latere cratibus ac pluteis protegebat. in quarta quaque earum turres binorum tabulatorum excitabat, quo commodius ab impetu navium incendiisque defenderet.

*Pompejus portum suum.*

LXXII. Contra haec Pompejus naves magnas onerarias, quas in portu Brundisino deprehenderat, adornabat. ibi turres cum ternis tabulatis erigebat; easque, multis tormentis et omni genere telorum completas, ad opera Caesaris appellebat, ut rates perumperet, atque opera disturbaret. sic quotidie eminus utrimque fundis, sagittis, reliquisque telis pugnabatur. Quum ad hunc modum dies exacti novem essent, naves, quae consules transportaverant, Brundisium redierunt. Harum adventu Pompejus, sive

Cae-

Cap. LXX. Caes. Dio, l. 48. Caes. Dio, l. 41. Cic. ad Att. 8, 15. Cap. LXXI. Vell. 2, 51. Caes. Sueton. Caes. c. 59. Ep. Caes. ad Opp. et Cornel. l. 9. ad Att. ep. 13. Caes. Cic. ad Att. 9, 14. Caes. Cap. LXXII. Dio. Appian.

Caesaris operibus permotus, quorum ferme dimidia pars effecta erat, sive quia jam ab initio consilium Italiae relinquendae ceperat, una de re sollicitus, quemadmodum tuto discederet, portas obstruit, partemque viarum parietibus inaedificat, aliis fossas transversas praeducit, easque stipitibus praeacutis replet, cratibus humoque aggesta insidias tegens. Aditus autem duos, qui extra muros ad portum ducebant, maximis acutissimisque trabibus in densum ordinem structis obsepit. Brundisinos, quibus parum confidebat, domi se continere jubet.

D. c. 703.  
A. C. 49.

LXXIII. His paratis milites silentio conscendunt *Brundisio* naves: tum expediti, quos ex evocatis sagittariisque *abscedit.* atque funditoribus ad speciem retinendae urbis in muro disposuerat, certo signo revocantur; relictis actuariis navibus, quibus, per itinera nota digressi, suos adsequerentur. Dum haec geruntur, Brundisini ex tectis profectionem Pompejanorum nutu significabant. ergo Caesariani, scalis positos muros transgressi, in fossas et sudes incidissent, nisi moniti ab oppidanis, et longo itinere circumducti ad portum forent. Ibi duas adhuc naves cum militibus, qui inerant, ad molem Caesaris haerentes, lintribus scaphisque circumvenierunt; injectisque ferreis manibus retraxerunt ad litus, repugnantibus aliquot interfectis.

LXXIV. Sic expulsus Italia Pompejus, non modo *Gloria ejus* rempublicam, sed omnem gloriam suam, omnem virtutem *hoc facto imminuta.* perdidisse, factusque plane alius esse videbatur pristina ejus facta cum hoc recenti comparantibus. Urbem, quam defendi totius imperii periculo aequius erat, adversario reliquerat, pecunia refertam, praesidio vacuum; Themistoclis usus consilio, quum tempora Periclem magis poscerent. Nunc etiam Italiam, sedem imperii, robur *Comparatio* et seminarium Romanae militiae, deserebat: ex eodem *hujus discus-* portu legiones et opes, quas poterat, avehens, con- *sus cum pri-* tra cives usurus, in quem olim captivum aurum et *oribus gestis.* orientis spolia locupletandae patriae invexerat; dimissis eodem loco militibus, ut timere cives sui desinerent. Et, qui antea barbarorum immensas regiones populo Romano subjecerat, is nunc ibat illorum

Cap. LXXII. Caes. Plut. Pomp. Frontin. 1, 5. Dio. Lucan. 1. Caes. Plut. Cap. LXXIII. Appian. Plut. Frontin. Caes. Plut. et Caes. Dio. Plut. Caes. Lucan. Cap. LXXIV. Liv. Epit. Dio. Luc. 3, 726. Cic. ad Att. 8, 7. Cic. ad Att. 8, 3. et 4. Cic. ad Att. 7, 11. Dio.

Supplem. Liv. Tom. XIV.

C

- U. c. 703. copias excitum, ut Italiam et Romam vastaret atque  
 A. C. 49. premeret: jam olim hoc consilio dimissis, qui classem  
 Alexandria, Colchis, Tyro, Sidone, ceterisque om-  
 nibus insulis, maritimisque civitatibus aut regnis, quo-  
 rum ille studia habebat, ad intercludendos commeatus  
 Italiae, et ad occupandas frumentarias provincias, co-  
 gerent.

LXXV. Ergo etiam, priusquam excederet Brundisio, magna pars optimatum in urbem redierat, praetoresque et aediles partibus suis, tamquam in pace, fungebantur. Nec hi tantum dolores Pompejum urebant, sed futuri metus et sollicitudo plus angebant hominem prodigiis etiam terrificis et minacibus. Ut enim primum Dyrrhachium appulit, priusquam litus tangeretur, milites quidam fulmine percussi: signa telis araneorum sordidata sunt: et, quum Pompejus exscendisset, euntis vestigia serpentes advoluti deleverunt.

Cap. LXXIV. Lucan. 2. v. 633. Cic. ad Att. 9, 9. Cap. LXXV. Cic. ad Att. 9, 1. et 12. Dio.

# E P I T O M E

## LIBRI CENTESIMI DECIMI.

*C. Caesar Massiliam, quae portas ipsi clauserat, obsedit: et, relictis in obsidione urbis ejus legatis, C. Trebonio et D. Bruto, profectus in Hispaniam, L. Afranium et M. Petrejum, legatos Cn. Pompeji, cum septem legionibus ad Ilerdam in deditionem accepit, omnesque incolumes dimisit, Varrone quoque legato Pompeji cum exercitu in potestatem suam*

*Relictis in obsidione C. Trebonio et D. Bruto, profectus in Hispaniam, L. Afranium et C. Petrejum*] Vet. lib. *relictis in obsidione urbis ejus legatis, C. Trebonio*. SIGON. Omnia illa vocabula, sola tantum prima excepta, desunt in Boend. at voces a Sigonio additae in Voss. quas contra agnoscunt Leid. Lov. 2. et Berg. ita tamen ut *ejus urbis* ultimus praeferat. Tum *Decio Bruto* legunt Voss. et Lov. 2. Hinc *L. Anfrannium et C. Petrejum* Voss. *L. Affranium et Cn. Petrejum* Berg. *L. Afranium et Petrejum* Exc. Pithoei. Vide ad Epit. 113. et viros doctos ad Vell. Paterc. 2, 48. *M. Petrejum* Sigonii edd. posteriores praeferunt; quod verum puto, licet nemo postea Sigonium audire dignatus sit. Petrejum enim, quem Caesar ex Hispania discedere coëgit, *Marci* praenomen habuisse, testantur Sueton. Caes. 34. Oros. 6, 15. Eutrop. 6, 20. et 23. Jul. Celsus de Vit. Caes. pag. 142. et Freculph.

Chron. part. 1. lib. 7, 8. *M. Petrejum*, ducem Pompejanum, saepius etiam memorat auctor B. Afric. At ipse Caesar semper ejus praenomen omittit lib. 1. B. Civ. Vestigia veri praenominis supersunt in Berg. Passim enim *Cn.* et *M.* in *Mtis* confundi, vidimus ad 7, 12, 1. Paullo ante vox *ipsi* non adparet in Leid. Berg. et Lov. 2. Praeterea *cluserat* legunt Exc. Pithoei. Ita *clusa*, pro *clausa*, idem cod. habet infra h. epit. Saepe etiam veteres ita scripsisse, docet Meursius in Critic. Arnob. 2, 12. Voculam *et* ante *relictis* ignorant etiam Exc. Pithoei.

*Cum septem legionibus*] *septem*, si emendata est Epitoma Liviana, aît Lipsius 4. de Milit. Rom. 8. Nam *quinque* tantum sunt in Caes. 1. B. Civ. 38. et 39. et Floro 4, 2, 29. DUKER.

*Ad Ilerdam in deditionem accepit*] *ad Hylerdam fluvium* Boend. *ad Ilerdam fluvium* ed. Campani. At vox *fluvium* ab in-

*redacto. Gaditanis civitatem dedit. Massilienses, duobus navalibus proeliis victi, post longam obsidionem potestati Caesaris se permiserunt. C. Antonius, legatus Caesaris, male contra Pompejanos in Illyrico rebus gestis, captus est. In quo bello Opitergini Transpadani, Caesaris auxiliares, rate sua ab ho-*

docto primum margini adscripta, mox in contextum recepta est. Ilerda enim, ut notum, urbs fuit Hispaniae ad fluvium Sicorim sita. Vide Cellar. Geogr. Ant. 2, 1, 94. ad *Hilerdam Berg.* Adspirationem huic nomini in Mltis addi, testis est Celeb. Burm. ad Lucani 4, 2. Id tamen in nummis et marmoribus antiquis sine adspiratione scribi, testatur Cellar. loc. laud. Mox omnes incolumes sine copula Leid.

*Gaditanis civitatem dedit]* Gaditanis civitatem a Caesare datam deinde confirmavit populus Romanus. Dio 41, 164. DUK.

*Massilienses etc. victi post longam obsidionem in potestatem Caesaris se permiserunt]* Vet. lib. *potestati Caesaris se.* SIG. Similiter Leid. Voff. Berg. Lov. 2. Boend. Exc. Pithoei, et ed. Campani. Infra Epit. seq. *Omnibusque adversarum partium, qui se potestati victoris permiserunt, Caesar ignovit.* Praeterea Massiliensibus victis Voff. *Massilienses vicit* Leid. Lov. 2. Boend. Exc. Pithoei, Norv. et edd. antt. pro quo ed. Mediol. anni 1505. recte *victi* emendavit; quod in Berg. suis videtur.

*Male contra Pompejanos in Illyrico rebus gestis, captus est]* Se male contra Pompejanos pugnavit in Illyrico. captus est invenisse in Norv. et ed. Romana principe, Hearne testatur. Et ita proximae etiam edd. nisi

quod et in Illyrico captus est legant. Gruterus deinde substituit *male contra Pompejanos rebus gestis in Illyrico captus est.* Gronovius, transpositis vocabulis, in *Illyrico rebus gestis;* quod probant Leid. Voff. Berg. Lov. 2. Boend. et ed. Campani. Recte. Antonius enim *περὶ τὴν Ἰλλυρίδα ἡσθάζο*, teste App. Alex. 2. B. Civ. 457. Insuper *adversus Pompejanos* iidem quinque codd. et una editio. Vide ad Epit. 57. Tandem verbum est expungit Voff.

*Opitergini Transpadani, Caesaris auxiliares, rate sua ab hostilibus navibus clausa]* Vox *Transpadani* omittitur a Norv. *Opitergini Transpadani Caesaris* rostrate suo ab hostibus navibus clausa legit Voff. *hostibus navibus* etiam Exc. Pithoei, et Norv. *hostium navibus* Boend. et ed. Camp. Vide ad Epit. 76. Denique *clusa* Exc. Pithoei. V. supra hac Epit.

*Potius, quam in potestatem inimicorum]* Vet. lib. *hostium.* SIGON. Pariter Leid. Voff. Berg. Lov. 2. Boend. Exc. Pithoei, et ed. Campani. Vide ad Epit. 27. 46. 97. et alibi. Mox *inter sese* *occurrentes* Boend. et ed. Camp. *occurrentes* etiam Norv. et primae edd. pro quo Frob. *concurrentes* emendavit; quod superest in Leid. Voff. Berg. et Lov. 2. Vide ad 36, 24, 4.

*Quum adversus Pompejanorum partium ducem Varronem pugnasset]* Vet. lib. *cum pro-*

*stilibus navibus clausa, potius, quam in potestatem hostium venirent, inter se concurrentes obcubuerunt. C. Curio, legatus Caesaris in Africa, quum prospere adversus Varum, Pompejanarum partium ducem, pugnasset, a Juba rege Mauritaniae cum exercitu caesus est. C. Caesar in Graeciam trajecit*

*spere adversus. Porro autem Varum, non Varronem, legendum. Hic est enim Atius Varus, qui in Africa stetit contra Caesarem. Eadem labes est in bello Caesaris apud Florum [4, 2, 34.] Pulso, inquit, fugatoque Varrone. Varum autem habent Caesar, Dio, Plutarchus, reliqui. Sic in Orat. Antequam iret in exsilium, legitur [cap. 11.] Q. Varroni trib. pl. pro Q. Vario. Sic in orat. pro P. Sulla [7.] Nemo T. Coruncani, nemo Curioni, nemo huic ipsi C. Mario, quum ei multi inviderent, objecit. Ti. Coruncanio et C. Curio legendum: nominat enim novos homines Coruncanium et Curium aequales, ut alias facit. SIGON. quum prospere Leid. Voss. Berg. Lov. 2. Boend. Exc. Pithoei, et ed. Camp. Dein adversum Boend. et multae ex vetustis edd. pro quo jam adversus*

*edd. Camp. Mogunt. et reliquae recentiores, quod est in ceteris Mssis. Vide ad Epit. 47. Tum Pompejanarum partium ducem Varum Exc. Pithoei. Varum; Pompejanarum partium ducem Gruterus edidit. Et ita praeferunt Leid. Voss. Berg. et Lov. 2. Sed vocem vel Varum, vel Varronem ignorant Boend. et ed. Camp.*

*Cum exercitu caesus est) Duae priores voces desunt in Leid. Oros. 6, 15. Curia ex Sicilia in Africam cum exercitu transgressus est: quem Juba rex continuo exceptum cum omnibus copiis trucidavit. Florus 4, 2. Pudor suavit, ut amissum sua temeritate exercitum morte sequeretur. Voces C. Caesar in Graeciam trajecit desunt in Leid. et Berg. in Thraciam legit Lov. 2.*



# JOHANNIS FREINSHEMII

## SUPPLEMENTORUM LIVIANORUM LIBER LXXV.

### IN LOCUM LIBRI CX. T. LIVII.

U. c. 703. I. C. Caesar, intra sexaginta dies in potestatem  
A. C. 49. Italia redacta, quum propter inopiam navium sequi  
*Caesar in urbem re-* Pompejum, priusquam ille transmarinis auxiliis con-  
*currit.* firmaretur, non posset, sed nec Italiam propter du-  
ces Pompejanos, qui erant in Hispania, tuto relinqui  
putaret, Brundisii, Tarenti, Sipontique singulas le-  
giones collocavit ad maritimos exitus adventusque clau-  
dendos. Ipse quamprimum in urbem decurrere sta-  
tuit, ubi jam olim ut quam plurimi senatores essent,  
enixe contenderat, quo nimirum speciem aliquam au-  
ctoritatis publicae suis armis circumdaret: ea re per-  
fecta, profecturus in Hispaniam, *ut veterem Pompeji*  
*exercitum, quemadmodum inter suos erat professus,*  
*donec esset sine duce, opprimeret; inde reversurus ad ducem*  
*sine exercitu.* Sed, ut rei frumentariae provideret, duo  
Italiae horrea, Sardiniam a Q. Valerio legato, Sici-  
liam a Curione occupari jubet: quorum Valerio legio-  
nem unam, Curioni tres attribuerat. Hunc enim pro  
praetore mittebat, cum sex fascibus laureatis, et man-  
dato, recepta Sicilia, protinus in Africam transmit-  
tendi. His rebus auditis, priusquam venire Valerius  
in Sardiniam posset, Caralitani M. Cottam, qui eam  
provinciam obtinebat, oppido suo ejiciunt: atque ille,  
Sardorum mente cognita, statim in Africam profugit.

*Cato Sici-* II. Siciliae Cato praecerat; atque hactenus egregie  
*lia cedit.* se compararat ad bellum, habendis in insula et vicina  
Italia delectibus, et classe conficienda; ita ut spes ma-

Cap. I. Plut. Pomp. et Caes. Caes. de B. Civil. l. 1. Dio,  
l. 41. Appian. Civil. l. 2. Caes. Cic. ad Att. 9, 15. Dio. Ep.  
Caes. ad Cic. l. 9. ad Att. ep. 6. et Ep. Balbi et Oppii ad  
Cic. 9. ad Att. ep. 8. et Cic. ad Att. 9, 9. etc. Sueton. Caes.  
c. 34. Lucan. 3. v. 55. Cap. II. Flor. 4, 2. Appian. Caes.

ga esset, teneri Siciliam nullo negotio posse. Sed, U. c. 703.  
A. C. 49. ubi praemissus Asinius Pollio interroganti, *utrumne senatus, an vero populi jussu venisset?* Mandatu ejus adesse, respondit, qui tum Italiam haberet in potestate; simul Pompeji fugam, et Curionis nunciavit adventum: pro concione ostendit, satis sibi virium esse ad expellendum Siciliam Pollionem; sed, quia cum aliis copiis Curio expectetur, se innoxios exitioso bello implicaturum non esse. ceterum mirari consilia Deorum, et perplexas abstrusasque rationes, qui Pompejo, multa prava incipienti, semper favissent: nunc pro libertate patriae pugnantem desererent. pauca deinde questus est de Pompejo, qui, rebus omnibus imparatissimus, tantas urbas commosset, senatuique persuasisset, omnia ad bellum egregie provisum et comparata se habere. Haec in concione loquutus Corcyram abnavigavit, ut Pompejo se conjungeret.

III. Interea Caesar, militibus in proxima municipia deductis, ut a labore reficerentur, ad urbem profectus, de republica cum Patribus, qui tum aderant satis frequentes, egit. Quippe senatum M. Antonius, Q. Cassius tribuni plebis extra pomerium coegerant. Ibi Caesar, commemoratis inimicorum injuriis, suaeque lenitate, in eos, qui civibus suis praeter necessitatem facerent bellum, non sine gravi imprecatione invectus est. *De se vero sperare omnes omnia jussit, qui et alios permultos adversariorum conservasset, et praecipue L. Domitium dimisisset cum magna pecunia.* Fuit et auctor mittendae senatus nomine legationis ad Pompejum et consules. *Neque enim se reformidare, quod Pompejus dimisisset, ad quos legati mitterentur, iis auctoritatem attribui, timoremque eorum, qui mitterent, significari.* In eandem Caesar senatum habet Romae.  
Et populum consolatur. sententiam cum populo quoque, qui et ipse ad eum ex urbe confluerat, loquutus, miserima necessitudine excusata, quod adversariorum armis ad arma cogeretur; frumentum promisit ex insulis, et trecentos nummos viritum.

IV. Ita specie reversa pacis, senatus ad vestitum rediit. Ceterum neque satis levatus hominum timor est, similia Marium olim, similia Sullam pollicitos esse reputantium, donec cupita adsequerentur: prae-

Cap. II. Cic. ad Att. 10, 4. Caes. Cic. ad Att. 10, 12. et 16. Plut. Cat. Appian. Plut. Dio. Plut. Caes. Appian. Dio.  
Cap. III. Caes. Plut. Caes. Dio. Caes. Dio. Appian. Dio.  
Caes. Dio. Vell. 2, 50. Dio.

U. c. 703. sertim quum urbs plena Caesaris militibus esset. Ir-  
 A. C. 49. rita quoque fuit de legatis mittendis deliberatio. nec  
 enim reperiri poterant, qui mitterentur: et, qui de-  
 lecti fuerant, id munus ancipiti metu subterfugebant.  
 Nam et Pompejum timebant, ne tamquam relictus sae-  
 viret; et Caesarem, ne aliud, quam quod prae se fer-  
 ret, intime cuperet. Idque postea magis est creditum,  
 ubi Pisonem, licet socerum, offendisse fama fuit,  
 quod ea de legatione verba liberius fecisset. His  
 disputationibus excusationibusque triduum periit. quae  
 res ubi festinanti Caesari coepit esse fastidio, nihil jam  
 nomen Patrum, aut juris antiqui moratus imaginem,  
 cetera ex usu praesenti administravit.

*Aerarium  
 effringis.*

V. Igitur, contempta L. Metelli tribuni plebis in-  
 tercessione, quam inimici Caesaris comparaverant;  
*Quas tu leges advocas, ait, non belli, sed pacis, respiciunt  
 tempora: nunc reipublicae consulendum est. Nec opus esset  
 tibi reddi rationem factorum meorum, in quem animadvertere,  
 sicut et in ceteros, quos cepi, adversarios, jure meo potuissem.*  
 His dictis, ad aerarium profectus, quod erat in aede  
 Saturni, quia claves ablatae a consulibus fuerant, ef-  
 fringi jubet. Eodem et Metellus accurrit, ut vim pro-  
 hibeat a foribus. Ibi vero tribuno mortem minatus  
 est Caesar, hac voce addita: *Atqui, adolescens, non re  
 latet, factu hoc mihi, quam dictu, esse facilius.* Perterri-  
 tus hac denunciatione Metellus non aegre auscultavit  
 monenti Cottae tempori cedere. Quod nisi esset fa-  
 ctum, non dubitatur, quin itum in caedes foret, se-  
 mel deposita simulatione pacis. nam et iratus ultro  
 Caesar erat, et a multis incitabatur. Amoto tribuno,  
 quum adhuc obstare religio videretur, quia sanctius  
 aerarium recludi, praeterquam tumultus Gallici caus-  
 sa, magnis additis execrationibus atque diris, majo-  
 res vetuerant; abivisse jam tempus istius curae, dixit: *sua  
 enim opera provisum esse, ne Gallos ulterius Roma timeret.*

*Magnasque  
 inde opes  
 profert.*

VI. Protulisse tum ex aerario Caesar dicitur auri  
 pondo quatuor millia centum triginta quinque; argen-  
 ti prope nongenta millia apud Orosium leguntur. ma-  
 jorem longe summam Plinius indicare videtur, late-  
 rum aureorum sex et viginti millia commemorans.  
 Etiam laserpitium, pondo centum undecim, inde pro-

Cap. IV. Caes. Plut. Dio. Caes. Cap. V. Plut. Lucan. 3.  
 v. 115. Appian. Plut. Caes. et Apophth. Rom. et Pomp. Lu-  
 can. Cic. ad Att. 10, 4. Appian. Cap. VI. Oros. 6, 15. Plin.  
 83, 3. Plin. 19, 3. Cic.

latum a Caesare, idem scriptor adnotavit. Offendit ea res plebis animos, nec obscurum id Caesari fuit. Idcirco, quum ei certissimum fuisset, antequam profisceretur, concionem habere, non est ausus.

U. c. 703.  
A. C. 49.

VII. Igitur, rebus, ut poterat, constitutis, Aristobulum Judaeum cum duabus legionibus in Syriam mittit, Pompejana consilia turbaturum. Proscriptorum a Sulla liberis jus honores petendi reddit: M. Aemilium Lepidum urbi praeficit; M. Antonium tribunum Italiae et, quas in ea relicturus erat, copiis. Hujus fratri Cajo Illyricum; Licinio Crasso citerior Gallia traditur. Paratur et gemina classis ad superum inferumque mare tutandum. Alteri harum, quae ad Adriaticum mare excubabat, P. Cornelius Dolabella, alteri Q. Hortensius filius oratoris praeficitur. At Caesari primum ad legiones iter Ariminum fuit: inde trans Alpes in ulteriorem Galliam profectus cognovit, Vibullium Rufum, quem Corfinii dimiserat, Pompeji mandato in Hispaniam isse: L. Domitium ad occupandam Massiliam profectum. Quippe Domitius, quum diu incerti de eo rumores fuissent, in Cosanum suum se contulerat, ibique et in objecta Cosae insula Igilio naves actuarias septem, a privatis coactas, servis, libertis, colonis suis compleverat.

*Caesaris consilia et apparatus.*

VIII. Forte sub idem tempus Massiliensium legati revertebantur, quos ab urbe discedens Pompejus erat hortatus, ne nova Caesaris officia veterem suorum beneficiorum in eos memoriam expellerent. Horum adventu Caesaris, in Hispaniam festinantis, expeditionem Massilia moratur: portas claudit: omnibus viribus ad tolerandum, si opus foret, obsidionem se comparat. Caesar, evocatis quindecim primis, cum his agit, ne initium inferendi belli a Massiliensibus oriatur. Illi, quum ad suos fuissent reversi, ex auctoritate publica memorabile responsum referunt: esse se socios populi Romani, omnibusque Gallicis Hispanisque bellis communia cum illo populo fata habere voluisse. Nunc etiam eandem sibi mentem, idem propositum manere, si contra externos hostes aquilae Romanae moveantur. Sed intelligere, populum Romanum in partes discessisse, Pompejo et Caesare ducibus, patronis civitatis

*Massiliensium Caesaris portas claudunt.*

Cap. VII. Dio. Joseph. 14, 13. Dio. Appian. Cic. Philipp. 3, 23. Appian. Cic. ad Att. 10, 7. 10, 4. Appian. Oras. 6, 15. Cic. ad Att. 8. et 9. Caes. Cap. VIII. Vell. 2, 50. Dio. Oras. Luc. 1. 3. Flor. 4, 2. Liv. Epit. Caes. Lucan. Caes.

**U. c. 703.** *suae. Utrius causa sit aequior, neque se inquirere curiose,*  
**A. C. 49.** *neque tantarum rerum arbitria peragere posse. Igitur pari utrimque jure, paribus beneficiis, uter venisset inermis, ei se aditum in urbem suam, honoremque et beneficia deferre. Sed neutrum duorum contra alterum juvare, oppidoque aut portubus recipere.*

**L. Domitium recipiunt.**

**IX.** Non erat difficile sentire, Caesaris animum hoc responso mirifice offensum fuisse, neque aequo animo passurum, excludi se Massilia, cui caput terrarum Roma patuisset. Igitur hoc metu, et quia proniores in Pompejum erant, L. Domitium advenientem recipiunt, ubique praeficiunt: onerarias naves, quas ubique possunt, exceptas in portus suos deducunt, frumentum in publicum conferunt, reliquas merces recondunt. Ergo Caesar, tribus adductis legionibus, urbem obsidet, turres vineasque agere instituit: naves longas duodecim Arelate fieri imperat. his intra tricesimum diem, quam caesa materia fuerat, aedificatis armatisque D. Brutum praeficit.

**Obsidentur a Caesare.**

**X.** Erat haud procul muris tumulus, aequali fastigio, et satis ad castrorum spatium patenti, ubi Caesar consederat. Inter hunc et adversam oppidi partem, quae pari altitudine erat conspicua, profunda vallis intercedebat. Id spatium explere Caesar decreverat, insani laboris opus: sed ille jam multa talia, inausa aut inaudita ceteris, perfecerat. Prius tamen visum, urbem, qua terrae committitur, (nam tres fere oppidi partes mari alluuntur) circumvallare, ductis utrimque a loco castrorum ad mare fossis aggeribusque, et per idonea spatia turribus interpositis. Ad haec opera quum materia deesset, antiquae religionis lucum exscindi jussit, militibusque superstitione cunctantibus, primus arripuit securim. Ceterum prospiciens, longioris morae negotium esse, quam ipsius rationes paterentur, C. Trebonium obsidioni praefecit, in Hispaniam profecturus, quo jam C. Fabium legatum cum legionibus sex praemiserat.

**Cicero ad Pompejum se confert.**

**XI.** Massiliensium factum quum et per se luculentum esset, et prope certam spem faceret, in Hispaniis pro Pompejo esse omnia, quia, si secus esset, homines, et vicini, et diligentes, minus animi habi-

Cap. IX. Dio. Caes. Cap. X. Lucan. Caes. Civil. 2, 1. Lucan. Oros. Caes. Civil. 1. Cap. XI. Cic. ad Att. 10, 12.

tri videbantur; M. Cicero, post longam et ancipitem dubitationem, ad Pompejum abnavigavit: ejusque exemplum alii quidam senatores, qui nondum excesse-  
rant Italia, sequuti sunt. Itaque, his ad eos adjun-  
ctis, qui ante transgressi fuerant, major in castris  
Pompeji, quam in urbe, species senatus erat; et  
quasi de sententia Patrum multa decernebantur. quo-  
rum illud plurimum favoris adjunxit partibus, quod,  
Catonem sequuti, *civem Romanum, praeterquam in acie,  
verminem occidi; neque oppidum ullum, quod populo Romano  
pacatum esset, diripi debere, sanxerant.* Ciceronem tamen  
clam corripuisse Cato dicitur, quod praeter necessitatem in  
castra venisset, plus profuturus patriae, si medium se gessisset,  
idoneum conciliatorem habituris partibus, quandocumque redi-  
re ad sanitatem coepissent.

U. c. 703.  
A. C. 49.

XII. Inter haec C. Fabius, adhibita celeritate, prae-  
sidium L. Afranii ex Pyrenaeo saltu dejecerat, magnis-  
que itineribus ad exercitum Afranii contendebat. Sed  
Afranius ceterique legati adventu Vibullii Rufi, qui  
fuerat a Pompejo missus, ita composuerant, ut Petre-  
jus cum omnibus copiis ad Afranium profisceretur, Varro  
cum duabus legionibus Hispaniam ulteriorem omnem obtineret.  
Petrejus et Afranius, Asturum Vettonumque et Celti-  
berorum coactis auxiliis, ceterarumque gentium, quae  
ad Oceanum colunt, Ilerdam (quae hodie, leviter  
transpositis elementis, *Lerida* vocatur) belli sedem  
deligunt propter opportunitatem loci. Quippe in col-  
le modico ad Sicorim amnem posita pontem lapideum  
habebat, camposque circa patentes et fertile solum.  
Nec longe abinde Cinga fluvius, in Iberum evolvens  
aquas. Juxta tumulus erat paullo editior. eum cepe-  
runt castris locum, omnibus eo contractis copiis. A-  
franius tres habebat legiones, duas Petrejus: auxilia  
magna Hispanorum coegerant, cohortes circiter octo-  
giota, equitum utriusque provinciae circiter quinque  
millia. Duces communi consilio parique jure admi-  
nistrabant omnia, et alternis signum toti exercitui da-  
bant.

*Bellum in  
Hispania in-  
cipit.*

*Pompejano-  
rum copiae  
in Hispania.*

XIII. Fabius, contra hos castra metatus ad Sico-  
rim, duos in flumine pontes effecerat, inter se di-  
stantes millia passuum quatuor. his pontibus pabula-

Cap. XI. Plut. Cio. Dio. Plut. Pomp. et Cat. Plut. Cio.  
Cap. XII. Caes. Lucan. 4, 7. Caes. Lucan. 4, 11. Caes. Lu-  
can. Cap. XIII. Caes.

U. c. 703. tum crebro mittebat: quod idem quum et ab hostibus  
 A. C. 49. fieret, crebrae velitationes erant: nec sine magno  
 praesidio emitti pabulatores poterant. Accidit igitur,  
 quum legiones Fabianae duae flumen transissent, im-  
 pedimenta quoque et omnis equitatus sequeretur, ut pons,  
 vi jumentorum et aquae magnitudine interruptus, ma-  
 ximam partem equitum a legionibus divelleret. Hoc  
 ubi ex aggere et cratibus, quae prono flumine defe-  
 rebantur, hostibus cognitum est, Afranius celeriter  
 equitatum omnem legionesque quatuor suo ponte trans-  
 duxit. Ergo L. Plancus, qui legionibus Fabianis prae-  
 erat, locum superiorem occupat, cujus auxilio adver-  
 sus multitudinem hostium se tutaretur. Proelio ab  
 equitibus commisso, procul visa sunt signa duarum  
 legionum, quas C. Fabius, id, quod erat, suspicatus,  
 subsidio suis ulteriore ponte miserat. Harum adven-  
 tu proelium dirimitur: copiae utrimque in castra re-  
 vertuntur, quum aliquammulti Fabianorum essent desi-  
 derati.

*Caesar ve-  
 nit in Hispaniam.*

XIV. Eo biduo Caesar supervenit cum equitibus  
 nongentis, quos sibi praesidio retinuerat: et, ponte  
 noctu refici jussu, cum omnibus copiis, praeter sex  
 cohortes, quae ponti castrisque praesidio relinque-  
 bantur, ad Afranii castra proficiscitur, pugnandique  
 potestatem hostibus facit. Quum hostes pugnare nol-  
 lent, Caesar ad quadringentos passus ab imis radicibus  
 collis, quo in colle castra hostium erant, castra ponere sta-  
 tuit: sed veritus, ne vallum eminens conspiceretur, tan-  
 tummodo fossam pedum quindecim a fronte duci jussit.  
 idque opus quum, prima et secunda acie in loco, ubi  
 erant instructae, perstantibus, tertia acies faceret,  
 ignaro hoste perfectum est. Intra hanc munitionem  
 nocte transacta, postridie, quia longius agger peten-  
 dus erat, tota castra, quemadmodum instituerat, per-  
 munit, singulis legionibus singula latera tribuens:  
 ipse cum reliquis tribus Afranium Petrejumque, ad  
 turbandum opus venientes, absterret. Ita castris per-  
 munitis, cohortes et impedimenta, quae superioribus  
 in castris reliquerat, eodem transduci jubet.

*Pugna ad  
 Ilerdam.*

XV. Erat inter oppidum et Afraniana castra plani-  
 ties passuum circiter trecentorum, et in medio fere  
 spatio tumulus surgebat, quem si occupasset Caesar,

Cap. XIV. Frontin. Strat. 1, 5. Caes. Cap. XV. Dio. Lu-  
 can. Caes.

oppido et ponte prohibiturus hostes videbatur. Igitur, U. c. 703.  
eductis instructisque tribus legionibus, unius ante- A. C. 49.  
signanos cursu contendere ad capiendum locum jubet. Sed Afraniani propiore spatio praecipunt collem: ortaque pugna, Caesaris milites repelluntur. Igitur subsidio adducta legio nona, quum invicem pepulisset hostes, fervore certaminis cedentes insequuta, iniquum in locum successit. Quinque horis ibi dimicatum est, magno Julianorum periculo; in quos ex superioribus locis tela certo jactu adigebantur. Multo tamen plus vulnerum, quam caedis, fuit: hostium supra ducentos ceciderunt: Caesar amisit circiter septuaginta. Victoriā utraque pars adscribebat sibi: Pompejani propter tumulum retentum, qui pugnandi causa fuerat, et coactos terga vertere hostes; hi, quod numero et loco impari proelium tot horis sustinuerant, et ad extremum, virtute connisi, adscenderant montem, adversariosque inde in oppidum fugaverant.

XVI. Majus inter haec periculum, resolutis montium nivibus, aquarum subita inundatio interminata est, quae una die utrumque Caesaris pontem interrup- *Aquarum inundatio.*  
pit. Castra erant inter duo flumina Sicorin et Cingam, quod spatium erat passuum circiter millia triginta. Inter haec conclusus tantus exercitus neque juvari ab amicis civitatibus, quae trans flumina erant positae, nec ab iis comitatibus, qui permagni ex Gallia Italiaque veniebant, adjuvari poterat: et, qui longius erant pabulatum egressi, ne ad castra reverterentur, magnitudine fluminum excludebantur. Ex proximis autem locis frumentum olim ab Afranianis comportatum Ilerdam fuerat: reliquum superioribus diebus copiae Caesaris absumpserant. At hostibus frumentum ante visum erat: adhuc quotidie undique comportabatur: eratque pabuli et rerum omnium magna copia, quum ponte saxeo ad Ilerdam secure uterentur, et loca trans flumen integra, quo pervenire Caesar non poterat, sine periculo haberent in potestate.

XVII. Idcirco magnis in difficultatibus Caesar erat, multosque amittebat quotidie, qui, pabulandi frumentandive causa progressi, ab Hispanis facile excipiebantur. Hispani enim, quia sine utribus in bellum ire non consueverunt, in hos vestimenta conjiciebant: *Caesar in magnis difficultatibus.*

Cap. XVI. Lucan. Dio. Appian. Caes.



**U. c. 703. ipsi caetris suppositis facile superabant flumina. Ali-**

A. C. 49. quot dies manserunt aquae. per quos comitatum, qui ex Gallia veniebat ad Caesarem, Afranius subito aggreſſus, intercepit ſagittarios Ruthenorum circiter ducentos, cum equitibus Gallis paucis, quum reliqui in montes proximos refugiſſent. Inter haec ingraveſcebat in caſtris Caesaris fames: tanta jam caritate annonae, ut denariis quinquaginta in modios frumentum emeretur. Haec quum etiam inflatoria, quam erant, Romam perſcriberentur, multi eorum, qui adhuc in Italia haeserant, ad Pompejum profecti ſunt: alii, ut principes hoc perferrent nuncium; alii, ne poſt omnes veniſſe viderentur.

XVIII. At Caesar, frustra saepius tentata pontium reficiendorum spe, quum irritus ejus conatus aquarum et hostium vi redderetur; naves facere instituit, quales Venetis ac Britannis in usu sunt, Pado aut mari stagnantibus. Carinae fiebant ex levi materia: reliquum corpus, viminibus contextum, coriis integebatur. Has idoneo numero profectus Caesar carris junctis noctu ad millia passuum duo et viginti a castris deportat: ibique, militum aliquo numero trajecto, continentem ripae collem communit, priusquam adversarii rem cognoscerent. Eo postea transducit legionem, et, utraque ripa potitus, pontem sine molestia perficit biduo. Sic ad eum perveniunt, qui ex Gallico comitatu evaserant, quique frumentandi causa profecti ex prioribus castris fuerant. Eodem die transmittit equites, et per hos maximam hominum jumentorumque multitudinem, quae pabulatum egressa fuerat, intercipit, et de caetratis cohortibus, quae subsidio suis venerant, unam longius procurrentem secludit a reliquis, atque delet. Ita res frumentaria paullatim expeditur.

*D. Brutus  
Massilien-  
ses vincit.*

**XIX. Eodem tempore D. Brutus Massilienses navalī proelio vicit. Longas illi habuerant septemdecim, e quibus erant undecim tectae. his complura minora navigia addiderant, terrorem ipsa specie multitudinis illaturi. Inerat magnus sagittariorum numerus, magnus Albicorum, qui supra Massiliam incolunt, montanum durumque genus, et exercitatum in armis.**

Cap. XVII. Plut. Caes. Flor. 4, 2. Caes. Dio. Caes. Cap. XVIII. Lucan. Caes. Cap. XIX. Sidon. Apoll. Carm. 23. v. 13. Dio. Lucan. 3. Caes.

Suos quoque servos et pastores L. Domitius in naves imposuerat, si bene et gnaviter se gererent, libertate promissa. Brutus pauciores quidem naves ducebat, sed firmiores, delecto virorum robore repletas. quippe Caesar fortissimos ex antesignanis legionum, id muneris poscentes, in classem imposuerat. Igitur hi, virtuti confidentes, et quia celeritate navium et arte gubernatorum vincebantur, manicas et uncas prae-pararunt, quibus hostium naves retinerent.

U. c. 703.

A. C. 49.

XX. Massiliensium ea ratio fuit, ut, donec liceret, maritimis artibus uterentur; quoties deprehensi essent, armis montanorum fiderent, qui non multum inferiores virtute Romanis erant. Igitur, post acrem pugnam, quum singulae ferme Romanae naves, binis hostilibus prehensis, in utrumque latus dimicarent, hic pugnae fuit exitus, ut, magno Albicorum et pa-sorum amisso numero, Massiliensium naves caperentur aut deprimerentur novem. Nescio, an isto proelio, (his enim pugnatum est classibus) illo certe bello, memoranda C. Acilii virtus exstitit, qui decimae legionis miles, abscissa dextra, quam in puppim hostium injecerat, laeva retinuit navem; deinde, in eam insiliens, umbone propulit hostes, neque prius pugnare destitit, quam captam profundo mergeret.

C. Acilii  
virtus.

XXI. His ad Ilerdam nunciatis, ubi jam pontem Caesar effecerat, omnia repente mutantur: hostes ex maxima fiducia in maximum metum veniunt, Caesaris res omnibus modis fiunt superiores. Igitur aliquot Hispanorum populi, qui Pompejanarum partium semper fuerant, ad Caesarem defecerunt: Oscenses et his contributi Calagurritani, Tarraconenses, Jacetani, Ausetani, Illurgavonenses, quinque magnae civitates. Ab his frumento adjutus Caesar difficultates omnes pulchre explicat: quibus rebus permoti alii populi longius colentium, et quia falsum fuisse rumorem apparebat, Pompejum cum legionibus per Mauritaniam venire, ad Caesaris amicitiam se transtulerunt. Perterritis hinc adversariis ut acrius instaret Caesar, fossas pedum triginta ducere instituit, quibus pars aliqua fluminis averteretur; quo vado transiri posset, neque longo circumitu per pontem transmittendi equites forent.

Caesaris  
res mutantur  
in melius.

Cap. XX. Infra, c. 38. Lucan. Sueton. Caes. c. 68. Val. Max. 3, 2. Plut. Caes. Cap. XXI. Dio. Lucan. 4. Appian. Flor. Plut. Caes. Oros. Liv. Epit. Caes.

U. c. 703.  
A. C. 49.  
*Hostes Octo-  
gesam pe-  
tunt.*

XXII. Hoc opere prope confecto, Afranius et Petrejus, timentes, ne praevalido Caesaris equitatu penitus frumento pabuloque intercluderentur, bellum ad Iberum fluvium in Celtiberiam transferre statuunt. Igitur ad Octogesam, quod ad Iberum est oppidum, pontem fieri imperant: legionibusque duabus Sicorim transductis, castra muniunt. Haec ubi sunt Caesari per exploratores cognita, noctes diesque labore continuato eo rem deducit, ut jam, licet aegre, possent tamen atque auderent equites ejus flumen transire. Igitur hostes, festinandum rati, praesidio Ilerdae imposito, omnibus copiis Sicorim transeunt, et se cum praemissis legionibus conjungunt.

*Caesar in-  
sequitur.*

XXIII. Caesar legiones immittere non poterat, amne interposito: et, si per pontem duceret, interea hostes evadebant, non amplius viginti passuum millibus distante, quam petebant, Octogesa, quae confici ab exercitu eodem die poterant. Igitur, quod solum erat reliquum, equites transire, et morari agmen jubet. Hi, transmissio flumine, commodum superveniunt, ut noctu moventibus tumultum facerent, iterque prohiberent. Ea res spectari, luce reddita, ex collibus, qui conjuncti Caesaris castris erant, poterat. Accensi ergo milites tanta occasione victoriae, per tribunos et centuriones Caesarem orant, ut se trans flumen duceret; qua equitatus transisset, ea se quoque audere transmittere. Caesar, etsi timebat exercitum tantae magnitudinis et rapiditatis flumini objicere, tamen, alacritate suorum et spe bene gerendae rei excitatus, magnum jumentorum numerum infra supraque constituit: medio spatio transire milites jubet. Erat adhuc ea fluminis altitudo, ut tantummodo humeris et summo pectore exstarent. transducti tamen sunt incolumes, quum paucos, qui fluminis vi abrepti fuerant, equitatus excepisset. Strenue deinde pergentes, ut simul corpora, frigore aquarum adfecta, cursu refoverent, ad horam diei nonam adsequuti sunt eos, qui de tertia vigilia exiverant. Hostes, viso Caesaris exercitu, locum superiorem ceperunt, aciemque struxerunt.

*Hostium  
profectionem  
impedit.*

XXIV. Caesar interim suos requiescere jubet: deinde iterum progredientes hostes insequitur. Illi, quum haud amplius quinque millia passuum abessent a montosis et angustis locis, quae si modico praesidio

dio occupassent, immunes ab equitatu Caesaris ad Iberum pervenire, eumque tuto transmittere poterant, tamen, totius diei pugna et itinere defatigati, castra posuerunt. Nocte proxima excepti ab equitibus aquatores Caesarem certiores fecerunt, adversarios silentio proficisci. Idcirco signum dari, vasa militari more conclamari, et praeter adversariorum castra mulos agi cum fremitu, sonumque continuari iussit: hoc astu adeptus, quod quaerebat, ut sine fatigatione sui militis hostes detinerentur. nam illi, audito tumultu, nocturnam pugnam aut Caesaris equitatum veriti, consilio mutato, copias in castris tenuerunt. •

U. c. 703.  
A. C. 49.

XXV. Postero die, quum Petrejus, locis exploratis, redisset, deliberatum a ducibus est, quando exeundum castris foret. Tandem, nocturno itinere damno, quo neque fallere Caesaris diligentiam, neque vim repellere possent, prima luce sequentis diei constituerunt proficisci. Quod ubi tempus advenit, Caesarem cum omnibus copiis retrocedere viderunt, tamquam Ilerdam reverteretur. Id propter inopiam fieri reputantes, quod sine jumentis impedimentisque profectum animadverterant, laeti procurrebant ex castris, contumeliosisque vocibus Julianos prosequabantur. Sed alia longe mens Caesari fuit: qui, ad praecupandos montes festinans, quia castris adversariorum praecclusum iter erat, per transversas valles et aspera saxa enitebatur, ut, his superatis, haud longo circumitu in destinatam partem flecteret. Id ubi est ab Afranianis animadversum, tam segnis nemo fuit, quin effuso cursu eosdem petendos esse montes putaret. Eo res erat deducta, ut, si praevenisset Caesar, omnia in ejus potestate essent futura: praeventus ab hostibus, impedimentis tamen et cohortibus, quae in castris eorum erant relictæ, potiretur. In hoc certamine celeritatis Caesarem difficultates viarum male habebant: Afranius et Petrejus per Caesaris equites impediabantur. Haec molestior mora fuit: priorque Caesar, itinere confecto, aciem in planitie, inter magnas rupes sita, firuxit.

*Ad praecupandos montes festinas.*

XXVI. Afranius, a Julianis se circumventum videns, in colle quodam constitit: emissisque cohortibus caetratis quatuor, montem, qui erat in conspectu

*Hostem in magnas difficultates conficit.*

Cap. XXIV. Frontin. 1. 8. Caes. Cap. XXV. Frontin. 2, 5. Caes.

Supplem. Liv. Tom. XIV.

D

U. c. 703. excelsissimus, occupari jussit, castra ibi positurus. Se  
 A. C. 49. caetrati ab equitatu Caesaris ad unum omnes interficiuntur. Hoc facto pugnandi cupiditate Caesaris copiae accenduntur, proeliumque possulant: si haec praetermittatur occasio, se postea, quum Caesar vellet non esse pugnatorios minantur, Caesar tamen, neque suos obficere vulneribus et periculo volens, neque cives occidere, quibus clementiam suam omnibus modis approbare studebat, abstinuit proelio, futurum sperans, ut sine pugna bellum conficeret, quod et qua et re frumentaria hostes intercluserat. Igitur castra quam proxime hostem posuit: et, postmodum, quum Pompejani frequentes aquatum exivissent, immisso equitatu, nihil eis tutum aut tranquillum esse passus est. Ea re cognita, Afranius atque Petrejus id consilium capiunt, ut, a vallo ad aquam brachiis ductis, aquationem expellant.

*Milites  
 Pompejani  
 de pace agunt.*

XXVII. Hujus operis causa quum longius paulum discessissent, liberam colloquendi facultatem nacti milites de pace agere incipiunt: paulatimque eo progrediuntur, ut, incolumitatem ducibus pacis, per praefatos centurionum Caesari pollicerentur, se signa ad eum transluros esse. Quum jam omnium voluntas pro confecta pax haberetur, tamquam una ex duobus castra facta essent, permixti milites, ut quisque suum in tentoria abduxerant, aut sequuti fuerant, multa laetitiae et gratulatione noctem celebrabant. His rebus auditis, Afranius in castra recurrit, ita comparatus ut, quidquid accidisset, laturus non iniquo animo videretur.

*Petrejus  
 eam turbat.*

XXVIII. At Petrejus familiam armat, et cum haec et praetoria cohorte, et paucis barbaris equitibus beneficiariis suis, subito advolat, et, quotquot deprehendere Caesaris militum potest, obtruncat; tantum furor, ut etiam tribunum e suis, qui retinere impetum ejus voluerat, confoderet. Deinde flens circum manipulos, ne se, neu Pompejum absentem deserta prodantque, obsecrat. Miles, subito immutatis animis, in praetorium concurrit. Ibi jusjurandum concipit Petrejus, se exercitum ducesque non proditurum, neque deserturum, neque sibi separatim a reliquis consilium capiturum. In haec verba jurat ipse prior: adigit et Afranium in eadem: tribuni centurionesque, deinceps

Cap. XXVIII. Appian. Caes.

manipuli sequuntur. Juliani, qui adhuc in castris essent, produci iubentur. qui producti sunt, interficiuntur in praetorio: plerosque tamen ii, qui receperant, celant, noctuque per vallum emittunt. Caesar tamen admissam in se perfidiam non sustinuit imitari, quamvis multos sane suorum amiserat: sed conquestos, qui Pompejanorum sua in castra venerant, remisit omnes, exceptis aliquot tribunis et centurionibus, qui sponte apud eum remanserunt.

U. c. 703.  
A. C. 49.

**XXIX.** Renovato bello, Afraniani pabuli et aquarum inopia premebantur: frumenti nonnullam copiam habebant, quod ab Ilerda cibaria dierum duodecim extulerant. Sed auxiliares, quod unius diei se inire iter putabant, neque ad portanda onera erant adsuefacti, fame infestabantur. Idcirco ex eo genere crebra ad Caesarem transfugia fiebant. In his angustiis nihil erat Pompejanis ducibus reliquum, quam ut vel Ilerdam reverterentur, vel Tarraconem pergerent. Tarraco longius aberat; et Ilerdae nonnihil frumenti erat relictum. igitur, hoc probato consilio, profectionem instituunt. Caesar cum legionibus sequitur; equitatu carpit novissimos. ad hunc repellendum saepe se convertunt hostes. ita simul inceditur, simul sine intermissione pugnatur.

*Renovatur bellum.*

**XXX.** Quum aegre ad millia quatuor confectae viae esset, montem excelsum capiunt, et a fronte muniunt, quasi castra metarentur. Sed onerata jumenta retinuerant: et, postquam Caesarem castra posuisse, et equites pabulatum dimisisse sensissent, sub meridiem subito discesserunt: ut, priusquam revocare Caesar equites posset, aliquantum itineris conficeretur. Is quoque vanus eis conatus fuit. Caesar, statim cum legionibus subsequens, et post paucas horas equitatus superveniens castra, ubi minime voluissent, metari coegit. Substitit etiam in propinquo Caesar: sed tabernacula poni non est passus, quo paratus esset ad insequendum, quandocumque movissent. Nam proelio abstinere superioribus de causis decreverat. Afraniani tota nocte castra proferunt, commodiorem capientes locum. sed, quo plus procedebant opera, longius ab aqua discedebatur; eoque res deducta erat,

*Sed impeditur a Caesare,*

Cap. XXVIII. Sueton. Caes. c. 75. Caes. Cap. XXX. Frontin. 2, 13. Caes.

U. c. 703. ut priora mala non nisi aliis malis corrigi possent. E  
 A. C. 49. nocte aequatum nemo profectus est. Postero die, prae-  
 ter castrorum praesidium, universus exercitus ad a-  
 quam educitur: pabulatum it nemo.

*In maximas  
 incidunt ca-  
 lamitates.*

XXXI. Tum Caesar, ut his incommodis vexatos a-  
 deditionem sine pugna cogeret, vallum fossamque cir-  
 cumducere coepit, ne qua possent erumpere. At illi  
 omnis in hoc uno spes erat reliqua. Idcirco, et in  
 opia pabuli, et quo expeditiores essent, omnibus sar-  
 cinariis jumentis interfectis, tertia die, quam circum  
 vallari coeperant, circiter horam octavam, aciem prae  
 castris constituerunt. Eduxit et Caesar suos, sed it  
 paratus animatusque, ut laceissentibus repugnaret; si  
 gna non inferret prior. Praeter pristinas rationes alie  
 num dimicationi tempus arbitrabatur, quod adversa  
 rios ira et necessitas stimulabant: quae res etiam igna-  
 vis animum viresque facere consueverunt. Accedebat  
 ad haec, quod in tanta vicinitate castrorum, vix eni  
 mille passus intererant, nihil ad summam erat profe-  
 cturus, parato hostibus, si pellerentur, receptu. Si  
 neutris pugnam incipientibus, quum ad noctem usque  
 perstitissent acies, in castra reductae sunt.

*Colloquio  
 petito,*

XXXII. Postridie, dum Caesar operibus suis per-  
 ficiendis instat, Afraniani vadum Sicoris tentare coe-  
 perunt. Caesar, ut hanc quoque spem illis amputa-  
 ret, Germanos levis armaturae cum equitum partem  
 transire flumen, crebrisque stationibus observari ri-  
 pas jubet. Quum ita quartum in diem equi hostium  
 pabulo carerent; ipsi aqua, lignatione, frumentatio-  
 ne prohiberentur, et in maxima siti terram fodiend  
 frustra puteos intra castra quaesivissent; colloqui  
 defessi duces petunt, et id, si fieri posset, remoto  
 militibus loco. Colloquium concessum est, de loco ne-  
 gatum.

*Afranius  
 suppliciter  
 orat veniam.*

XXXIII. Igitur, utroque exercitu coram, Afranius  
 excusare incipit, quod fidei suo imperatori servandae causae  
 contra Caesarem tetendissent. Id se adeo nullo Caesaris od-  
 fecisse, sed praeoccupatos legatione a Cn. Pompejo, priusquam  
 ulla civilis belli suspicio exstintisset. Omnia expertos eo de-  
 nisse necessitatis, ut victos se esse fateantur. tandem miser-  
 cordiam Caesaris suppliciter appellat.

Cap. XXXI. Frontin. 2; 1. Caes. Cap. XXXII. Lucan. v. 292. Caes. Cap. XXXIII. Lucan. Caes.

**XXXIV.** Caesar, ad haec leviter exprobrans dum pertinaciam, qui, neque Caesaris lenitatem, neque suorum ipsi milisum desiderium reveriti, quaesitam confectamque pacem pati noluisse, accidere ipsis, ait, quod soleat hominibus nimiae arrogantiae, ut, quod paullo ante contempserunt, flaganter expectant. Se tamen neque illorum culpa, neque opportunitate temporum posse permoveri, uti ab sua pristina mansuetudine discedat. Igitur, quantumlibet sibi in manu sit retinere victas legiones, idque etiam facere debeat, si easdem illas contra se et paratas, et tot per annos retentas esse reputet; tamen se contentum fore, si effecerit, ne hoc exercitu adversarii contra se amplius uti possint. Uam igitur banc esse conditionem pacis, ut Afranius et Petrejus Hispaniis excedant, copiasque dimittant. Id si fiat, nemini se nociturum. Ea res acceptissima militibus Afranianis fuit: quod ultro commodum haberent missionis, qui a victore poenam timuissent. Idcirco, quum de loco et tempore dimittendi coeptum esset agi, gestu ac voce significarunt, statim mitti velle. nec enim postea fidem promissorum praestituros duces, si praesens necessitas abscessisset. Tandem ita convenit, ut, qui possessiones haberent in Hispania, statim; reliqui ad Varum flumen, quum Galliarum et Liguriae terminus est, dimitterentur. Proximo biduo milites, si quas inter se controversias haberent, ultro ad Caesarem in jus adierunt.

U. c. 703.  
A. C. 49.  
*Concedit ei  
Caesar certa  
conditions.*

**XXXV.** Interea, tertia ferme copiarum dimissa parte, Q. Fusio Haleno legato Caesar deducendos reliquos dedit. profectio sic instituta est, ut duae legiones Caesaris antecederent, ceterae sequerentur, in medio Afraniani essent; et terna castra in vicino ponerentur. Ubi perventum ad Varum, reliquus exercitus dimissus est. Duces cum insignioribus centurionum et militum ad Pompejum profecti sunt: aliorum magnus numerus, feliciora auspicia sequi certus, sacramento apud Caesarem dixit.

*Pompejani  
excedunt Hi-  
spania.*

**XXXVI.** Caesar, his rebus gestis, quamquam multis magnisque causis in Italiam revocabatur, tamen nisi perpacata Hispania excedere volebat, veritus, quia in citiore provincia maximas clientelas Pompejus habebat, ne iterum bellum ingens existeret. Idcirco, Q. Cassio Longino tribuno plebis cum duabus legionibus praemisso, ipse sexcentos equites magnis itineri-

*Varro Cas-  
sari se dedit.*

Cap. XXXV. Plut. Dio. Cap. XXXVI. Caes. de B. Civil.  
l. 2.



U. c. 703. bus ducit Cordubam, quo convenire magistratus principesque provinciae jusserat. Nulla fuit civitas, quae detrectaret imperium. Contra Varroni, qui hactenus eam provinciam obtinuerat, et completis duabus legionibus triginta cohortes alarias adjecerat, subito infesta omnia fiunt. Cordubenses praesidium ab eo missum in sua potestate habent; Carmonenses ejiciunt. Varro Gades ire destinaverat, in ea insula frumento navibusque comparatis, duci bellum posse ratus: oppidoque C. Gallonium familiarem Domitii praefecerat. Sed is, Gaditanorum minis territus, profugit. Varroni quum Gadibus, quum Italicae praeclusus aditus esset, et una legio ex duabus, ipso inspectante, discessisset e castris, alteram, cum publicis rationibus et pecunia, quam habebat, Caesari transdit.

*Caesar con-  
stituit Hi-  
spanias.*

XXXVII. Caesar, Gades profectus, pecunias monumentaque referri in templum Herculis jubet, quae erant inde jussu Varronis deprompta: Gaditanis civitatem Romanam dat; idque beneficium postea populus Romanus habuit ratum. Provinciae Q. Cassius praeficitur, quod quaestor olim Pompeji gentis mores perdidicisse credebatur; eique legiones quatuor attribuuntur. Nemini ulla fit a Caesare injuria, praeterquam quod pecunia ubique grandis exigebatur. His rebus ita constitutis, Caesar Varronianis navibus Tarracoenem revertitur, ibique conventum provinciae citerioris agit: et, quemadmodum in ulteriore fecerat, publice privatimque praemia bene meritis distribuit. Pedestri deinde itinere Narbonem digressus, quum per Pyrenaeum pergeret, tropaeum nullum posuit, quod ea res Pompejo quoque crimini erat data: sed aram haud procul Pompejanis monumentis ingenti mole ex polito lapide struxit, Alexandrum imitatus, qui, ad imitationem Herculis et Liberi, multis locis ad propagandam victoriarum suarum memoriam aras erexisse ferebatur.

*Massiliam  
proficiscitur,*

XXXVIII. Quum Narbonem pervenisset, cognitis, quae interim erant ad Massiliam gesta, eo proficisci statuit. Quippe Massilienses, nihil damno navalis pugnae deterriti, C. Trebonio, quem obsidioni praefecerat Caesar, strenue resisterant: et maxima ejus opera, tor-

---

Cap. XXXVII. Liv. Epit. Dio. Appian. Caes. Dio. Caes. Dio. Caes. Dio. Q. Curt. 8, 11. et 9, 3. Vide et Freinshem. Indic. in Curt. in voce *Aras*. Cap. XXXVIII. Caes.

mentorum multitudine et loci natura ac munitione ad-  
juti, perruperant, ea machinarum violentia, ut asse-  
res pedum duodecim, ferreis praefixi cuspidibus, in-  
gentibus ballistis per quatuor ordines cratium trans-  
acti in terram penetrarent. Interim L. Nasidius, im-  
prudente Curione, per Siculum fretum cum navibus  
septemdecim ad Massiliensium castellum Tauroënta per-  
venit: auctorque fuit civitati, ut denuo maritimae pu-  
gnae fortunam tentaret. At Brutus, ad priorem classem  
additis navibus, quas de Massiliensibus nuper cepe-  
rat, iterum eos profligavit, navibus demersis quin-  
que, quatuor captis. una cum Nasidianis navibus dis-  
cessit, quae, vix coepto certamine, profugerant. Nec  
tamen eo secius in defensionis suscepto proposito per-  
severatum fuit: quamquam Caesari jam Hispanias ac-  
cessisse fama tulerat.

U. c. 703.

A. C. 49.

XXXIX. Ingentia deinceps opera Trebonii et in-  
censa ab hostibus, et a Trebonio resecta sunt: quo-  
rum adnotare rationem nihil attinet, quum Caesaris  
commentarii vivant, quibus tota ista obsidio inimita-  
bili nostris temporibus elegantia describitur. Ad ul-  
timum omnibus defatigati malis, nam, ad incommoda  
belli, e victu tenui et corrupto (hordeo et panico ve-  
tere alebantur) pestilentiae malum accesserat, Caesa-  
ris fidei se permiserunt. Fuerat iis Caesar, nec sine  
caussa, iratissimus. igitur, praeter vitam et libertatem,  
nihil ferme reliquit victis. arma, naves, pecuniae sta-  
tim, cetera mox adempta sunt. Postea tamen subinde  
remisit aliquid irae, nomini parcens et vetustati civi-  
tatis. Sed paucis ante diebus, quam in potestatem  
Caesaris Massilia concederet, L. Domitius cum una  
nave profugerat.

*Eamque  
recipit.*

XL. His rebus ita gestis, Caesar, praemissis ali-  
quot legionibus in Italiam, proficisci ad urbem statuit:  
quod se dictatorem esse dictum Narbone cognoverat.  
Rem tantam temporum potius licentia, quam jure et  
more majorum, M. Aemilius Lepidus praetor perfe-  
cerat, is qui postea cum Antonio et Octaviano Caesare  
triumviratum invasit. *Falso credi jactabat, nisi a consule  
dictatorem dici non posse: nam et olim a tribuno militum A.  
Cornelio Mamercum Aemilium dictum esse de sententia collegii,*

*Dictator  
dicitur.*

Cap. XXXVIII. Dio. Cap. XXXIX. Flor. 4, 2. Caes. Cic.  
Phil. 8, 6. Flor. Oros. Dio. Cic. Strabo, l. 4. p. 181. Caes.  
Cap. XL. Appian. Caes. Cic. ad Att. 9, 8. Dio. Liv. 4, 31.

U. c. 703. *quam isidem propter intempestivam quorundam dubitationem*  
 A. C. 49. *augures consuli senatus censuisset. Ita, ceteris invitissimis,*  
*propositum Lepidus tenuit, senatus tamen obtendens*  
*auctoritatem populique jussu: quum in his nomini-*  
*bus nihil tum, praeter ipsa nomina, foret.*

*Nona legio  
 seditionem  
 movet.*

XLII. Sed arma hostium, jura civium pari impetu proterentem pars exercitus, quo adjutore haec omnia egerat, terrere seditionibus coepit. Nona legio, praemissa cum aliis in Italiam, postquam Placentiam attigerat, tumultum movit, missionem postulans; *quam, olim etiam decreto senatus jussam, tot iniquis laboribus vulneribusque abunde meruissent. Praeterea sibi ad Brundisium denarios quingenos promissos, nequedum repraesentatos esse.* Verior tamen causa erat, militum cupiditas et ira; quod, praedae suae cuncta cessura sperantes post victoriam, ab omni injuria temperare cogebantur. simul ea opinione ferociam augebant, quod, armato adhuc Pompejo, suae opis egere Caesarem arbitrabantur. At ille, insolens cogi, semperque in maximis periculis maximum animum habere suetus, minime cessit tumultuantibus: quamquam eo jam esset provecta seditio, ut in perniciem imperatoris eruptura videretur.

*Caesaris oratio ad seditiones.*

XLII. Vocatos igitur in concionem milites, (nam, audito hoc motu, celeriter Massilia advolaverat) simul adesse jussis, quos ipse adduxerat praesidii causa, et ut plures discerent, quam immotum adversus ejusmodi terrores imperatorem haberent, ita circumfusos adfatus est. *Quis novus hic incessit animis vestris furor, ut, omnibus his bellis tranquilli et obsequentes, hoc maxime tempore seditionem capteris, quo ego, sine jam instante laboris, de praemiis vestris attentissime cogitabam? quae vos omnia vecordissima audacia corrumpitis: priora merita oblitteratis: me, quem semper vestri cupidissimum estis experti, ex imperatore vestro inimicum atque hostem redequistis.*

XLIII. *An enim stolidas illas minas et temerarias voces vestras terrore potius, quam ira, pectus hoc repleturas putavistis? Scilicet qui barbarorum ferocissimos domui, civium potentissimos cogi in ordinem, non timui Pompejos, non timui Scipiones, militum meorum voces, militum meorum manus zi-*

Cap. XL. Plut. Caes. Cap. XLI. Lucan. l. 5. v. 237. Sueton. Caes. c. 69. Cic. ad Fam. 8, 8. Dio. Appian. Dio. Lucan. et Sueton. Frontin. 1, 9. Cap. XLII. Dio. Appian.

meam! En adsum C. Caesar, nudumque pectus et paratum percussuris offero. peragite scelus, et, cujus ante hanc fortunam imperio semper parvifecistis, nunc omnium late victorem, si audetis, conseruistis! Quod si vero, uti res docet, tantum mimorum non est, ut vel conspectum meum ferre possitis; quanto intervallo meam vestramque conditionem fata discreverint, discite. Missionem postulatis, tamquam carere vobis hoc tempore nequeam. Ecce autem do, quod petitis, vosque a signis meis discedere jubeo. An enim existimatis, si a vobis deferor, defuturas mihi manus, quibus paucas has bellorum reliquias prostigem? Bonus et felix imperator ubivis reperit milites; et, si nulli usquam essent, abducerem vel ex hostium castris.

U. c. 703.  
A. C. 49.

Negat se illorum opera indigere.

**XLIV.** Utrum ego vobis, an vero vos me magis indigeatis, haec tam recentia, tam certa documenta admoovere vos non potuerunt? Nuper, tantum bellum cum paucis cohortibus ortus, intra vicefimum diem supra quatuor legiones hostium meas feci. atque illi milites laeti lubentesque imperata faciunt; et, quod me potius imperatore ferunt arma, fortunae suae gratulantur. Vos quoque, si aliis sub ducibus merentes in meam venissetis potestatem, idem faceretis. Nunc, secunda tantum, imperatoris vestri virtute, non vestra, (ne erretis) experti, neque cui militetis, neque qui vos ipsi sitis, agnoscitis. Agite, si placet, et vel ad Pompejum transite. Ecquis vestrum tam est arrogans, ut non multis modis T. Labieno se faciat inferiorem? At ille, meis auspiciis ubique magnificus, ubique victor, cum imperatore mutavit fortunam, et, quasi repente factus esset alius, ignarus antea timoris et fugae, nunc nusquam locorum audet consistere.

Sibi vel ab hostibus militum copiam fore.

**XLV.** Ite, ite, et hoc exemplum sequimini, quando vos felicitatis vestrae piget. Stipendia vobis iusto tempore dantur; annonae numquam defuit; nihil operae vobis, nihil periculi iniunctum est, cujus vos poenitere debeat. Maiore sudoris, quam sanguinis, impensa res omnium pretiosissimas, securitatem, gloriam, victoriam, quaesivistis. neque dona vobis atque praemia defuerunt, quae semper larga manu distribui; in poenis parcius, nec temere ultra verborum castigationem progressus. At nunc, ut sentiat, quem provocaveritis, utque vestrae poenae exemplum a pari insania Romanos exercitus absterreat, morem majorum et clarissimorum ducum instituta sequutus, legionem decimabo. Sane amari semper a militibus meis, quam timeri, malui. Sed, quoniam alterum, quum

Legioni decimationem minatur.

Cap. XLIII. Lucan. Sueton. Lucan. Frontin. Appian. Dio.  
Cap. XLV. Appian.

U. c. 703. *praestare deberetis, omisistis, alterum, quod effecistis necessarium, subite.*  
 A. C. 49.

*Sed multitudi-  
 tudini dat  
 veniam.*

**XLVI.** Quum hanc ad vocem orta militum comploratio esset, tribuni centurionesque, exquisitissimis precibus placare Caesaris iram nisi, vix tandem effecerunt, ut flecti videretur. Igitur, resumpto sermone, Nihil quidem concedi, ait, oportebat ita meritis: sed tamen, contentus poena paucorum, dabo multitudini poenitentiae locum. Vos autem, quibus haec venia conceditur, quid actum sit bodie, et qua spe pactoque dimittamini, diligenter memento. Nam, si postea vel minimi motus aut auctores aliis, aut socii fueritis, veteris simul recentisque delicti poenam non effugietis. Militem non solum indefessum ad labores, impigrum ad proelia, sed etiam vel maxime morigerum duci esse oportet: hoc si absit, reliqua saepius in perniciem omnium, quam cujusquam commodo, cedunt. Majores nostri, penes quos aliquot saeculis summa belli gloria per homines fuit, nullius rei diligentiores, quam disciplinae militaris, custodes fuerunt. Iisdem illis certum immotumque semper fuit, plus in duce, quam in exercitu, reponere. Atque hoc universa rerum natura docere paullisper attentos debuisset. ubique minoris est, quod regitur, quam quod imperat. Ideoque Jovem, cujus in potestate omnia esse credimus, optimum maximumque vocamus: et in homine, membris omnibus totoque corpore una mens; a qua reguntur, potior est.

*Tantum  
 duodecim  
 puniuntur.*

**XLVII.** Haec prius intelligere vos voluissem, et erat melius, ut tamen simul et necessariae severitatis, et solitae clementiae meae ratio babeatur, in paucos edam exemplum, quod in totam legionem oportuisset. Centum et viginti seditionis auctores depono, unde duodecim ad poenam sorte vocentur; et erit aliquod poenitentiae signum, si pessimos homines obedienter tradideritis. Sortes ita de industria sunt temperatae, ut seditiosissimus quisque duceretur. Sed, quum ex hoc numero unum tempore seditionis abfuisse constaret, centurionem, cujus calumnia nomen delatum innocentis fuerat, pro illo Caesar occidi iussit. His securi percussis, exauctorata legio, non ferens ignominiam, quum repudiari suam operam cerneret, non destitit satisfacere imperatori, donec, multis et supplicibus precibus exorato, pristinum in sacramentum reciperetur.

Cap. XLVI. Dio. Cap. XLVII. Appian. Dio. Appian. Frontin. 4, 5. Sueton.

XLVIII. Placentina seditione composita, Caesar legiones maximis itineribus in Apuliam et Bruttium mittit, navium undique contrahendarum causa: ipse, Romam in faciem pacis cum inermi comitatu profectus, dictaturam iniit, ut roganti scilicet populo Romano gratificaretur. Ceterum ille consul in annum sequentem creari voluerat, ut tyrannicam potestatem, quam usurpabat, legitimi magistratus vocabulo obtegeret. Simul servari speciem reipublicae volebat. et, quia consules ambo sequenti Pompejum fuerant, nec praetoribus creandi consules jus esse dicebatur, necessario faciendum putavit, ut comitiorum habendorum causa dictaturam adsumeret.

U. c. 703.  
A. C. 49.  
*Caesar  
Romae dictaturam  
iniit.*

XLIX. In hoc magistratu exsulibus, praeter T. Antonium Milonem, reditum decrevit; et proscriptorum a Sulla liberis jus petendorum honorum contra legem Corneliam dedit. Aristobulum, quondam Judaeae regem, deinde triumphatum Pompejo, remisit, datum in Syria turbas. Sed ille quidem a Pompejanis veneno esse interceptus traditur: filium Alexandrum, acceptis ea de re Pompeji literis, Scipio securi percussit Antiochiae, latrocinia objiciens. Habuit deinde comitia, seque et P. Servilium designavit consules. is enim erat annus, quo consulatum ei gerere per leges licebat; quarum vim quum vi majore solveret, speciem ubivis magna veneratione sectabatur. L. Pisonem collegam adsumpturus videbatur. sed, quia legatos ad Pompejum mittendos Piso censuerat, eratque eam ob causam increpitus ab Isaurico, illi honorem libertas abstulit, huic adulatio dedit. Comitia ceterorum quoque magistratuum sunt habita; pontificum etiam in loca demortuorum: feriaeque Latinae celebratae.

*Ejus acta  
urbana.*

L. Oppressis deinde aere alieno consulendum putavit; sed ita, ne subruere fidem, et, dum aliorum necessitati cupidius consulit, aliorum juri vim facere intolerandam videretur. Constituit igitur, ut arbitri darentur, (nam ipsius verba lubentissime pono) per quos fierent aestimationes possessionum et rerum, quanti quaeque ea-

*Ejus de  
aere alieno  
aequissima  
constitutio.*

Cap. XLVIII. Lucan. 5, 374. Plut. Appian. Dio. Lucan. Cic. ad Att. 9, 9. Caes. de B. Civil. 1. 3. Cap. XLIX. Appian. Plut. Dionys. Hal. 1. 8. Sueton. Caes. c. 41. Dio. et Joseph. Ant. 14, 13. et 15. Dio. Caes. de B. Civil. 1. 3. Lucan. Dio. Plut. Dio. Lucan. Cap. L. Caes. Appian. Dio. Sueton. Caes. c. 42. Caes.

U. c. 703. *rum ante bellum fuisset: atque eae creditoribus transferrentur.*  
 A. C. 49. Hi arbitratores, ne quis alteri parti addictiores electos quereretur, sorte creabantur. Hac conditione quarta fere pars crediti deperibat: sed facile patiebantur homines, quia timor novarum tabularum, quae vulgo postulari coeperant, tollebatur. Quia deinde rumor percrebuerat, multos aurum argentumque, ne creditoribus solverent, suppressere; horum nequitia abusus legem tulit, *ne quis supra sestertia sexaginta in numero haberet.* sic providebatur, ne quis magnarum opum fiducia adjicere ad res novandas animum posset. Plebs ad haec addi postulabat, ut praemia servis, qui dominos in hanc legem peccantes detulissent, decernerentur: sed abnuvit Caesar, juratusque negavit, servis adversus dominos crediturum.

*In Illyrico  
 Caesaris duces rem male gerunt.*

LI. Inter haec tam prospera non modicam accepit per duces suos in Illyrico cladem. P. Cornelium Dolabellam, quum a Caesare naves haberet, M. Octavius et L. Scribonius Libo, quos Liburnicae atque Achaicae classi Pompejus praefecerat, victum exutumque copiis Dalmatia expulerunt. Sed ille quidem, amissa classe, perfugit ad C. Antonium, qui ad Curictam (Japodum litoribus adsita est insula, ad maris Adriatici fauces) castra habebat. Sed ipsum quoque Antonium, quum ulcisci Dolabellam cuperet, cum Q. Hortensio, qui ab infero mari classem adduxerat, Pompejani duces superarunt: quamquam ei L. Minucius Basilus, C. Sallustius Crispus, ex singulis legionibus, quibus praeerant, cohortes aliquot subsidio misissent. Antonius Curictam refugit, asperitate situs et incolarum virtute confusus. Sed, ubi Octavius et Libo cum ingentibus copiis classicerum adfuerunt, desertosque a sociis urgere fames coepit, et ad Pompejanas partes palam transgressus vir fortissimus T. Pusio sollicitare, Antonius se cum quindecim cohortibus dedit: omnesque ad Pompejum a Libone deducti sunt. Evasere tamen prius pauci ad Basilum, qui copias instructas ex adverso litore ostenderat.

*C. Antonius se dedit.*

LII. Ea spes audaciam parti militum fecit, ut nova ratione tentarent per mare fugam. Namque, re-

Cap. L. Dio. Sueton. Caes. Dio. Cap. LI. Lucan. 4, 402. Oros. 6, 15. Sueton. Caes. c. 36. Flor. 4, 2. Oros. Dio. Oros. Flor. Strabo, l. 7. p. 315. Ptolem. 2, 17. Dio. Oros. Lucan. Dio. Caes. de B. Civil. l. 3. c. 68. Liv. Epit. Appian. Oros. Dio. Lucan.

fluxu expectato, rates conscenderunt ita contextas, ut geminatis cupparum ordinibus incumbere, quo inter utrumque ordinem occulto remigio proveherentur. Series cupparum ad firmitudinem catenis ferreis colligabantur. In medio ratis erecta turris erat, unde, sicubi vim faceret hostis, defendi posset. Ex tribus ejusmodi ratibus prima et sequens aestus beneficio litus optatum tenuerunt: tertia, quae vehabat Opiterginos, in occultos quasi casses incidit, quos Pompeiani Cilices, usitata sibi, quum adhuc piraticam facerent, arte, funibus sub mari circumductis paraverant. His deprehensa ratis, et ad scopulos, unde religata vincula fuerant, attracta, quum ab hostibus terra marique oppugnaretur, defensa tamen est, quia supervenientes tenebrae proelium diremerant.

U. c. 703.  
A. C. 49.

*Opiterginos  
vixit ratis de-  
prehenditur.*

LIII. Praeerat Opiterginis tribunus, Vultejus nomine. Hic, quum neque vincula rumpere tentantibus res succederet, neque aliud sperari effugium posset, Parvum, inquit, deliberandi spatium noctis hujus mora praestat, milites. neque etiam multa deliberandi aut anceps materia est. Si possemus et mortem et ignominiam effugere, hoc nimirum prorsus esse faciundum nemo ambigeret. Nunc, quoniam alterutrum necessario legendum est, utrum sit optabilius, aliqua esse dubitatio timidis et ignavis, et Caesarem prodituris, posset. Nobis quidem neque ingratis esse adversus eum, cujus maximis beneficiis saepe usi sumus, libeat, neque virtutis nostrae gloriam turpi commaculare infamia.

*Illi, hortante Vultejo,*

LIV. Quid igitur adferri potest, quo minus liberare, donec adest, utamur, et in praestantissimam conditionem nos vindicemus; ut neque adversariis quidquam in nos liceat, et facinus nostrum aeterna fama sequatur? praesertim quia fortes ab ignominia mors absolvit, post ignominiam nihilominus subeunda mors est. Promittens haud dubie vitam. sed quid nobis opus est vita agenda precario? Quid si vero fallant fidem? et, qui mori per virtutem potuimus, turpes irrisque alieno arbitrio cervicem demus? quid si, ad longius neque simplex supplicium servati, ad Pompejum adducamur, tam inimicum nobis semper, quam propitius Caesar fuit? ad Marcellum, cujus animum supplicio Novocomensis illius experti sumus? Hos videre, his supplicare Transpadanus quisquam poterit?

LV. Hoc ne conjuges quidem liberique nostri velint; ob quae nomina quandoque consilium mutarunt, qui de se decreverant. Pro Caesare perire omnes optent, quam vel regnare



U. c. 703. cum hujus inimicis. Sed neque in eo res est: quin omnia sunt in  
 A. C. 49. potestate Caesaris, et, si hunc offendimus, illi perierunt. Sic  
 eadem via, quae nobis ad gloriam et libertatem patet, a civi-  
 tate nostra famam prodicionis, iram victoris, metum, pericu-  
 lum, cladem avertimus, Caesaremque magis etiam ei concilia-  
 mus. cujus equidem quia notissima nobis est liberalitas, quis fu-  
 turum ambigat, quin et nos ille laudet, et ob nostrum factum

*Mutuis vul-  
 neribus se  
 conficiunt.*

universae genti pretium tribuat? Nec fefellit eum animus.  
 quippe Caesar, ubi propter ipsum mille circiter Opi-  
 terginos, ut fidem ei servarent, in eadem rate mutuis  
 vulneribus concidisse didicit; priusquam ab urbe pro-  
 ficisceretur, non illi solum oppido, sed omnibus om-  
 nino Transpadanis, civitatem Romanam dedit.

*Curio in A-  
 fricam trans-  
 jicit.*

LVI. Caji deinde Curionis referenda clades est, sub  
 idem tempus in Africa occisi. Sed illi quidem prin-  
 cipia nimis laeta fuerunt. Recepta sine certamine Si-  
 cilia, sicut jussus erat a Caesare, in Africam transjecit  
 legiones. Provinciam eam obtinere L. Tubero debue-  
 rat, ex senatusconsulto sortitus: sed, illo cunctante,  
 P. Attius Varus, qui Auximo profugiens Uticam per-  
 venerat, clamore multitudinis ad se delatum imperium  
 arripuit; Tuberonemque venientem, quamquam ea-  
 rumdem partium esset, exclusit provincia: ne filiam  
 quidem valetudine adfectum exponere, sed nec aquam  
 haurire, passus. Atque iste quidem Varus provinciam  
 eam prius ex praetura obtinuerat. quo facilius ei fuit,  
 propter hominum locorumque notitiam delectus age-  
 re, et alia tuendae provinciae parare. Igitur duas jam  
 legiones habebat sub signis: nec minus reponebat spei  
 in Mauri regis amicitia, cui transditum a patre Hiem-  
 psale erat hospitium cum Pompejo, et maxima cum  
 Curione simultas, qui in tribunatu legem de publican-  
 do Jubae regno promulgaverat. Adversus has duas  
 legiones Curio transportavit et quingentos equites, na-  
 vibus longis duodecim et multis onerariis.

*Laeta ejus  
 initia.*

LVII. Ad hujus classis conspectum L. Caesar ado-  
 lescens, qui ad Clupeam adventum Julianorum cum  
 decem rostratis opperiebatur, multitudine velorum  
 territus, Adrumetum perfigit. Curio, praeter Uti-

Cap. LV. Flor. Liv. Epit. Dio. Lucan. Cap. LVI. Dio.  
 Sueton. Liv. Epit. Appian. Flor. Oros. Lucan. Caes. Civil.  
 1. 2. Caes. Civil. 1. Cic. pro Lig. c. 7. Caes. Civil. 1. Cic.  
 pro Lig. c. 1. Caes. Lucan. 4, 668. Caes. Civil. 2. Dio. Caes.  
 Appian. Cap. LVII. Caes.

cam ad flumen Bagradam progressus, exscensione facta, castra locat. inde ad exploranda castra Cornelia (nobilitatem nomenque loco prioris Africani expeditio fecerat) cum equitatu pergit, levique proelio victis Numidis, qui, ut tutum agrestibus receptum facerent, ex castris Vari oppido conjunctis excurrerant, et, adventu longarum navium audacior, pronunciat navibus onerariis, quae numero circiter ducentae stabant ad Uticam, *pro hostibus se habiturum, qui non extemplo cursum ad castra Cornelia direxissent.* Obsequuti sunt universi, exercitumque Curionis omnium rerum copia repleverunt. Mox iterum in castra ad Bagradam se recepit Curio, quia adversarii, castra Cornelia occupaturum suspicati, aquas veneno infecerant; et, acclamatione totius exercitus appellatus imperator, postero die movet Uticam, et castra prope oppidum ponit. Nondum perfectis operibus, fit certior adesse magna Jubae regis auxilium, Uticamque sine timore pergere. igitur equitibus immisissis hos disturbat, et magnum interficit peditum numerum, qui tam celeriter in oppidum se recipere nequiverant.

U. c. 703.  
A. C. 49.

LVIII. Sed proxima nocte, quum centuriones Mar-  
si duo cum manipularibus aliquot ad Varum perfu-  
gissent, in spem ille venit, totum corrumpi Curionis  
exercitum posse. Igitur, eductis legionibus, ut inter  
se et Curionem una tantum vallis interesset, tentare  
milites per Sex. Quintilium Varum coepit, qui L. Do-  
mitii quaestor ad Corfinium fuerat. Igitur, notos sibi  
centuriones militesque compellans, *ut ad prius sacra-*  
*mentum redirent,* obsecrabat, *relinquerentque illos, a qui-*  
*bus capti perfugarum in numero haberentur, et per sumnam*  
*contumeliam hoc vocabulo notarentur.* Postremo largitionem  
a se et P. Attio ostentat, si prioribus partibus concili-  
entur. Ad haec neutram in partem significatione vo-  
luntatis facta, exercitus in castra reducti sunt.

*Ejus mili-*  
*tes sollici-*  
*tantur ad*  
*proditionem.*

LIX. Sed tentati militum animi castra Curionis ti-  
more et suspitione compleverant. Nam, paucis mu-  
tatis centurionibus, iidem ordines manipulique mane-  
bant, quales eo tempore fuerant, quum ad Corfinium  
a Caesare caperentur: praeterea genus erat hominum  
ex municipiis Pompejo addictissimis, Peligni Marsi-  
que. Haec omnia non parum magnas timendi causas  
adferebant, et quod superiore nocte, inter transfu-

*Inde metus*  
*in castris Cu-*  
*rionis.*

Cap. LVII. Appian. Lucan. 4, 655. Caes. Appian. Caes.

**U. c. 703.** gium paucorum, excepti graviores quidam militum  
**A. C. 49.** sermones, nonnulli et conficti erant. Igitur in principiis de summa rerum sententiae dicebantur. alii regrediendum in castra Cornelia censebant; quidam opugnanda hostium castra. Neutrum consilium Curioni placuit: alterum abjecti nimis animi, alterum temerarii videbatur.

*Curionis  
concio.*

**LX.** Igitur, dimisso consilio, milites ad concionem vocat: quantum eorum fidei Caesar credat, exponit. non debere hunc deferi, a quo maxima sint expectanda praemia; praesertim dijudicata jam fortuna belli, duabusque Hispaniis receptis. Frustra jactare prius sacramentum adversarios. non legiones illud, sed ducem Domitium, abrupisse. proditos ab eo milites, a Caesare conservatos, non beneficii modo gratia, sed in verba Caesaris sponte adactos, nova religione teneri. Quod si causam a Caesare desciscendi nullam habeant, in se quoque nihil esse sperare, quod offendant. Praeclaram sibi erga milites voluntatem constare: diligentiam duce dignum praestitisse hactenus: etiam fortunam adfuisse conatibus. Atque haec omnia nuper adeo consensu universorum esse adprobata, quum sit Imperator ab iis appellatus. Cujus bonoris gratiam se ipsis facere, si poeniteat.

*Pugna inter  
Curionem et  
Varum.*

**LXI.** Adhuc dicentem interruptit militum clamor, indigne ferentium, quod suspecti prodicionis essent, et ad omnia pericula fidem suam operamque offerentium. Unde Curio, jam animosior, postridie eodem loco, quo antea, in acie adstitit. Eduxit et Varus suos, uterque legionum Domitianarum fiducia, quas Curio mansuras in recenti sacramento, Varus reddituras ad vetus, putabant. Sed, ubi vallem transire Varus equitatus omnis cum parte levis armaturae coepit, equites Curionis cum duabus Marrucinatorum cohortibus, impetu facto, relictos a suis velites ceciderunt. Qua re Varianos perturbatos cernens Rebilus, legatus Caesaris, quem ob peritiam rei militaris ex Sicilia Curio secum adduxerat, instare, atque tempore uti jubet.

*Curionis  
audacia et  
victoria.*

**LXII.** Nec moratus Curio, ut erat acer et audax, primus procurrit in vallem, impeditam adeo, ut ab altera parte, nisi adjuti a suis, adscensum difficulter molirentur. Sed hostes, animis percussis, neque ullius, nisi fugae, memores, priusquam ad jactum teli perventum esset, in castra omnes refugerunt, tanta consternatione, ut in portis et angustiis viarum plu-

res

res obtriti oppreffique a suis sine vulnere morerentur, quam interfecti in proelio fuerant. Et, nisi Curionis milites, tantum ad pugnam profecti, sola secum arma extulissent, eodem impetu expugnari castra potuerunt. Memorabile tum facinus Pelignus quidam, nomine Fabius, edidit. Namque, fugientibus immixtus, magna voce Varum idemtidem invocans requirebat. Ubi ille, credens unum e suis, restitit, quis esset, et quid vellet, interrogans; Fabius stricto gladio eum petiit: et interfecisset, nisi, scuto sublato, vitasset ictum Varus. Fabium, qui proximi forte erant, milites occiderunt. isque solus Curionis militum ea pugna cecidit: adversariorum desiderati circiter sexcenti, et mille praeterea vulnerati sunt. Varus, quum suos mirifice perterrefactos animadverteret, exercitum de tertia vigilia ex castris in oppidum reduxit.

U. c. 703.  
A. C. 49.

LXIII. Curio circummunire oppidum instituit; magna spe, quod Hispaniensem Caesaris victoriam, quae multorum literis ac nunciis in Africam perferebatur, omnium animos inclinaturam in has partes rebatur. Idcirco, quum regem Jubam venire cum ingenti exercitu audisset, vix credere potuit: donec minus quinque et viginti millibus abesse didicit regis copias. tum in castra Cornelia se recepit, ubi tuto bellum duceret, donec ex Sicilia duae aliae legiones, et reliquus equitatus adveheretur. Sed in optimo consilio permanere licitum ei non fuit per Uticensium quosdam, qui in castra ejus perfugerant. Ii, revocatum Leptitanorum bello regem discessisse cum maxima copiarum parte, nunciabant: Sabura duce modicam manum pergere Uticam, jamque haud procul oppido distare. Sed ea fraus Maurorum erat: praemissusque Sabura rumorem eum sparserat. ceterum rex cum omnibus copiis sequebatur.

*Rex Juba  
movet adversus Curionem.*

LXIV. At Curio, praemissis prima nocte equitibus, quarta vigilia cum legionibus ad castra Saburae contendit. Huic equites occurrunt, rem a se bene gestam nunciant. cupiditas hominis magis inflammatur. quaerit ex captivis, quis castris ad Bagradam praesit? respondent Saburam. Ille studio conficiendi itineris quaerit ultra nihil, conversusque ad suos, Vi-

*Etiamque cum toto exercitu dolet.*

Cap. LXIII. Lucan. 4, 717. Frontin. 2, 5. Cap. LXIV. Caes.

Supplem. Liv. Tom. XIV.

E

U. c. 703. *detis, inquit, eadem omnia et hos et perfugas Uticenses diceret.*  
 A. C. 49. Summa deinde festinatione procedit ad hostem.

At ille simulatione timoris paulatim cedit, juvenilemque animum magis magisque vanae alacritatis implet. Sic in patentes campos protractus, equitatu Numidico circumvenitur. Felli erant Romani equites peditesque itineris longinquitate, sedecim millibus passuum confectis; equites etiam superioris noctis proelio. igitur, quum neque timidis ad fugam, neque fortibus ad pugnandum vires superessent, occidione totus exercitus caeditur. Ipse Curio, quum Cn. Domitius praefectus equitum hortaretur, ut fuga salutem peteret, *numquam se venturum, dixit, in conspectum Caesaris, amisso, quem suae fidei credidisset, exercitu.* atque ita, ut res temeritate sua perditas morte sequeretur, proelians interfectus est. His rebus auditis, naves, quae ad castra Cornelia stabant, cum paucis militibus, qui ad primam rei famam eo decurrerant, in Siciliam celeriter se receperunt. Reliqui (nam quinque cohortes praesidio relictæ castris fuerant) Varo se dediderunt.

*Jubae arrogancia.*

LXV. Ceterum Juba, suae victoriae praemia alieno arbitrio minui non posse dictitans, magnam eorum partem interfecit: ceteros misit in regnum, frustra conquerente Varo, suam fidem ab eo laedi. Sed eum adeo rex contemnebat, ut in oppidum invectus, multi populi Romani senatoribus prosequentibus, quae fieri vellet Uticae atque in provincia, pro imperio constitueret. quibus effectis rebus, paullo post cum omnibus copiis in regnum rediit. Haec postquam in urbem et in Macedoniam nunciata sunt, diversam, pro dissensione animorum, a Romanis mercedem Juba tulit. Pompejus, et qui cum eo erant, honorem ei habuerunt, regemque appellarunt: at Caesar et urbem judicarunt hostem, Bocchumque et Bogudem, quos ejus essent adversarii, reges appellandos esse censuerunt.

*M. Octavii gesta in Dalmatia.*

LXVI. Interim in Dalmatia M. Octavius, post discessum Liburnicarum navium, quibus Antonianos milites ad Pompejum Libo deducebat, Isthm, insularum eo tractu nobilissimam, ab amicitia Caesaris avertit.

Cap. LXV. Dio. Lucan. 5, 56. Dio. Cap. LXVI. Caes. C. vil. 3. Oros. 6, 15.

Salonas, quum frustra tentasset, oppugnare statuit. At illi, quum ob paucitatem resistere non possent, ser-  
vos puberes manumiserunt, et mulierum praese-  
ctis crinibus ad tormenta sunt usi. Octavius, horum per-  
tinacia cognita, quinque castris oppidum clausit. At,  
quum obsessi negligentius agi excubias apud hostem  
cernerent, pueris atque mulieribus in muro collocatis,  
ut species propugnatorum servaretur, eruptionem in  
proxima castra faciunt: hisque perruptis, (nam pro-  
pter aestum multi milites ex stationibus discesserant)  
eodem impetu cetera omnia expugnant, Octaviumque,  
majore copiarum amissa parte, cum reliquis in naves  
compellunt. Octavius, tantam cladem passus, quum  
de Salonis expugnandis desperasset, jamque instaret  
hiems, Dyrrhachium ad Pompejum reversus est.

U. c. 703.  
A. C. 49.

LXVII. Dum haec in Illyrico et Africa geruntur, Caesar ad-  
versum Pom-  
pejum profi-  
ciscitur.

Caesar, deposita in speciem civilis animi dictatura,  
sub alio nomine eadem omnia habiturus, Brundisium  
pergere statuit, quo etiam legiones praemiserat, Pom-  
pejum petiturus: quem in usum tum aliis e fanis,  
tum ex ipso Capitolio, donaria pleraque omnia sustu-  
lerat.

LXVIII. Neque mediocriter spem ejus erexerunt  
objecta tum et paullo post omina. Quippe, dum ad-  
ornat iter, in comitatum ejus lauream supervolans  
milvus injecit: et postea, sacra eo faciente Fortunae,  
taurus adhuc intactus effugit, paludemque nactus eam  
tranavit. Responderunt aruspices, *Caesaris fata sic ad-  
umbrasse Deos; manentique exitium, mare transeunti visam  
victoriamque portendi.* Quamvis igitur hiems esset, et  
ob tempestates difficilis trajectus speraretur; ordina-  
tis a tergo omnibus, Brundisium intendit iter. Ex-  
euntem prosequuta ingens hominum multitudo pacem  
orabat, et cum Pompejo reditum in gratiam: satis  
enim apparebat, si vi victus alteruter esset, eundem  
libertati, quem bello, finem fore. Profecto jam Cae-  
sare, pueri ludicra pugna concurrerunt Romae, su-  
perioresque exstiterunt, qui Julianorum sibi nomen  
indiderant.

Bonis omi-  
nibus.

Cap. LXVI. Strabo, l. 7. p. 315. Caes. Cap. LXVII. Jo.  
Sarrish. Polycrat. 3, 10. Plut. Caes. Appian. Dio. Caes.  
Cap. LXVIII. Dio. Flor. Plut. Appian. Dio. Flor. Appian.  
Dio.

U. c. 703.  
A. C. 49.  
*Brundisio  
transmisit  
in Graeciam.*

LXIX. Postquam Brundisium Caesar venit, quo legiones duodecim et omnem equitatum convenire jusserrat, vix tantum reperit navium, ut quinque legiones transportari cum sexcentis equitibus possent. Igitur pro concione hortatus est milites, *ut aequo animo relinquere impedimenta sua, quo plures imponi pugnatorum possent*: atque, ipsis alacriter acclamantibus, sine mora compleri naves jussit. Ceterum, ventis resstantibus, per aliquot dies haeserunt ad ancoras: quo temporis intervallo et consulatum Caesar iniit Brundisii, et aliae duae legiones supervenerunt. Septem igitur legiones, sed infrequentibus signis, quia bellis Gallicis et longo ab Hispania itinere, ad hoc autumnus gravitate in Calabria, valde erant deminutae, in naves onerarias imposuit; rostratis, quarum habebat haud magnum numerum, ad praesidium Siciliae Sardiniaeque relictis. Haec classis, quam pridie Nonas Januarias solvisset, tota nocte propter malaciam propinquis locis haesit: postero die Graeciam attigit, tempestatibus ad Ceraunios delata montes, ibique, navibus omnibus incolumibus, milites exposuit.

U. c. 704.  
A. C. 48.  
C. Julio II.  
P. Servilio  
coff.

*Numerus  
legionum  
transporta-  
tarum.*

Cap. LXIX. Caes. Plut. et Appian. Lucan. 5. v. 430. Appian. Caes. Appian. Caes. Dio. Appian. Caes. Liv. Epit.

## E P I T O M E

### LIBRI CENTESIMI UNDECIMI.

*M. Coelius Rufus praetor, quum seditiones in urbe concitaret, novarum tabularum spe plebe sollicitata, abrogato magistratu pulsus urbe, Miloni ex-*

*C. Caecilius Rufus*] Lege *M. Coelius Rufus*. Est enim is, de quo Caesar lib. 3. B. Civ. [20.] ait: *Iisdem temporibus M. Coelius Rufus praetor, causa debitorum suscepta, initio magistratus tribunal suum juxta C. Trebonii praetoris urbani sellam collocavit.* Et Vellej. [2, 68.] *M. Coelius in praetura novarum tabularum auctor exstitit.* Item idem Coelius in epistola ad Ciceronem. Tolle quam maxime ex vet. lib. SIGON. *L. Caecilius Rufus* Norv. *L. Caecilius Rufus* ed. Rom. princeps, teste Hearnio. *M. Cecilius Rufus* Voff. Berg. Lov. 2. Boend. et Exc. Pithoei. *M. Coelius Rufus*, ut Sigonius emendat, Leid. Ita autem legendum esse, Sigonio adsentitur Pighius in Ann. ad A. V. 1300. pag. 445. De veritate emendationis dubitat Xylander ad Dion. Cass. 42, 195. partim quia apud Dion. ibidem, ubi de eadem re tractat, *ὁ Κεκίλιος ὁ Μάρκος* vocatur, partim quia consul quidam *C. Caecilius Rufus* memoratur apud Dion. lib. 57. et in indice, et in ipso libro pag. 613. Verum, ut ordine inverso de posteriori loco prius videamus, altera parte difficultatis levabimur monendo, viros doctos docuisse, indicem consulum, Dionis libris praefixum, non ab ipso Dione, sed

ab aliis, partim ex ipso Dione, partim aliunde, confectum esse. In ipso vero loco Dionis p. 613. legendum omnino est *Γάϊος τε Καίλιος*, vel *Κοίλιος*, pro *Καίκελιος*: nam consul hic *C. Coelius* vocatur apud Tacit. 2. Ann. 41. *C. CAELIVS. RVFVS* in lapide apud Gruter. 448, 8. quem Ryckius ad d. 1. Taciti laudavit, et in alio apud Gudium 60, 8. *C. CAELIVS. VIRIANVS. RVFVS* apud eundem 60, 2. Idem quidem *C. CAECILIVS. RVFVS* vocatur in alio iterum lapide apud eundem 45, 8. Sed, hunc lapidem imperite descriptum esse, reliqui laudati testantur. In priori autem loco Dion. p. 195. *Καίλιος ὁ Μάρκος*, pro *Κεκίλιος*, legendum est. Verisimilius enim videtur, eum corruptum et emendandum esse ad exemplum Caesaris et Velleji, quam omnia illa loca ex Dione refingenda esse. Accedit, *Coelium* etiam vocari apud Oros. 6, 15. et Freculph. in Chron. part. 1. lib. 7. cap. 8. Solent autem alibi voces *Coelius* et *Caecilius*, sive, ut in Mssis exarari solent, *Celiv* et *Ceciliv*, a librariis commutari. Vide ad Epit. Liv. 73. 114. et Cortium ad Plinii 1, 5, 8, et 4, 17, 1. Praeterea mox *in urbe quam maxime concitaret* Norv. et edd. vet. At emendationem Sigonii, qui vo-



suli, qui fugitivorum exercitum contraxerat, se conjunxit. uterque, quum bellum molirentur, interfecti sunt. Cleopatra, Aegypti regina, a Ptolemaeo fratre regno pulsa est. Propter Q. Cassii praetoris avaritiam crudelitatemque Cordubenses in Hispania cum duabus Varianis legionibus, a partibus Caesaris desciverunt. Cn. Pompejus, ad Dyrrachium obsessus a

ces quam maxime tollendas monuit, et ex contextu etiam ejecit, testimonio suo firmant Leid. Voff. Berg. Lov. 2. Boend. Exc. Pithoei, et ed. Camp. Vide ad Epit. 59. Insuper vocem *praetor* perperam omittit Voff. Ad haec *novarum barbarum spe* Boend. et edd. quas vidi, ante Mediolanensem anni 1505. quae recte *novarum tabularum* subposuit; quod firmant reliqui scripti. De tabulis novis vide Rhodigin. 12. Antiq. Lect. 20. Marc. Donatum ad Sueton. Caes. 42. et viros doctos ad Sallust. Catil. 22.

Uterque, quum bellum molirentur, interempti sunt] Uterque, quum bellum moliretur Lov. 2. Utrique, quum bellum molirentur Leid. Vide ad 36, 16, 6. Tum *injecti sunt* Voff. *interfecti sunt* Exc. Pithoei. *interfecti sunt* Leid. Berg. Lov. 2. Boend. et ed. Camp. V. ad Epit. 73. Mox vocabulum *Aegypti* et praepositio a exsulant a Boend. Vide ad Epit. 46. *regina Aegypti* Berg. et Lov. 2. ab *Ptolemaeo* Leid.

Propter Q. Catuli praetoris avaritiam] Lege Q. Cassii, ut in emendationum libris correximus ex Dione. SIGON. propter Catuli praetoris avaritiam Exc. Pithoei. propter Q. Catuli avaritiam Boend. propter Q. Catulli avaritiam Berg. propter

Q. Con. avaritiam Voff. propter Q. Catii praetoris avaritiam Lov. 2. Prisca lectio supereſt in Leid. et Norv. At Q. Cassii praetoris, quod nemo adhuc viderat, legendum monuit Xylander ad Dion. Cass. 47. pag. 369. Certe non animadvertenter Sigonius in prima ed. scholiorum, sed deum tetigit lib. 1. Emend. 12. in secunda deinde ed. quae diu post Dionem a Xylandro editum prodiiit, scholiis inseruit. Ipse vero Xylander emendationem suam non tantum loco Dionis confirmari addit, sed etiam testimonio auctoris de Bt Alexandr. cap. 48. et seqq. Ejus conjecturam probat etiam Pighius in Ann. ad A. V. 1000. pag. 436. Clariss. Duker, praeter loca a Jac. Gronov. ad verba sequentia laudata, insuper videndum docuit Valer. Max. 9, 4, 2.

Cum duabus Varianis legionibus a partibus Caesaris desciverunt] Nullae in Hispania fuerunt a Varo dictae vel ductae legiones. M. Varro tenuerat ulteriorem Hispaniam, ubi Corduba erat. Ejus legiones relictae illi fuerant et traditae Q. Cassio Longino, cujus odio a Caesaris partibus postea iterum descivere, sed superveniente Lepido brevi ad officium redierunt. Vide Caesar. 2. Bell. Civ. 20. 21. et Auctor. B. Alex. 53. 57. 58. Scribendum igitur hic vel Varronis, vel Varro.

*Caesare, et, praesidiis ejus cum magna clade diversae partis expugnatis, obsidione liberatus, translato in Thessaliam bello, apud Pharsaliam acie victus est. Cicero in castris remansit, vir nihil minus quam ad bella natus; omnibusque adversarum partium, qui se potestati victoris permiserunt, Caesar ignovit.\**

nianis, ut Liv. 23, 38, 9. Varro-  
niani milites. JAC. GRON. Vo-  
ces cum duabus desunt in Voss.  
Lectio deinde Leid. *Varrianis* le-  
gionibus favet conjecturae Gro-  
novii *Varroianis*, id est, *Varro-*  
*nianis*. Praeterea a partibus de-  
sciverunt, media voce Caesaris  
omissa, Voss. a partibus Caesa-  
ris defuerunt Lov. 2. unde con-  
jici posset, librarium scribere vo-  
luisse defecerunt. Vide ad Epit.  
Liv. 44. quod tamen verae lectio-  
nis interpretationem censerem.  
Certe pari modo defecissent, pro  
descissent, exhibet cod. Haverk.  
supra 25, 16, 10. desciverunt a  
partibus Caesaris ed. Camp.

Cn. Pompejus ad Brundisium  
obsessus a Caesare] Quid est tam  
novum, quam Pompejum obses-  
sum a Caesare ad Brundisium?  
la vet. lib. est ad Dyrrachium:  
etque idem tradunt omnes histo-  
rici. SIG. ad Brachium Berg.  
a manu pr. ad Dirachium a m.  
2. ad Durachium Boend. ad  
Dyrrachium Leid. Voss. Lov. 2.  
Exc. Pithoei, et ed. Camp. Dein  
a Caesare non agnoscit Leid. ut  
nec a Caesare et Berg. Verba  
autem praesidiis ejus expugna-  
tis referenda esse ad praesidia  
Caesaris, docet Oros. 6, 15.

*Translato in Thessalia bello,*

*apud Pharsaliam acie victus  
est]* Si *Pharsaliam* pro regione  
dixit, ut plerique alii, *apud* est  
*in*. Ita Sueton. Aug. 92. *Apud  
insulam Capreas veterrimae i-*  
*licis demissos jam ad terram*  
*ramos languescentesque adven-*  
*tu suo convaluisse.* et cap. 93.  
Quod *Judaeam praetervehens*  
*apud Hierosolyma non sacrifi-*  
*casset.* Sed fortassis *Pharsaliam*  
pro urbe posuit, ut Tacit. 1. Hist.  
50. ex sententia Cellarii: *Phar-*  
*salia, Philippos, et Perusiam,*  
*ac Mutinam, nota publicorum*  
*cladium nomina, loquebantur.*  
Sic quoque in vulgari lectione  
Catulli carm. 65. v. 37.

*Pharsaliam coeunt, Pharsa-*  
*lia tecta frequentant,*

videtur accipi posse, etsi aliter  
sentit Is. Vossius. Freinshemius  
Florum etiam 4, 2, 64. 66. et 84.  
forsan *Pharsaliam* pro urbe po-  
suisse putat. Sed plane non ne-  
cesse est, primo loco ita sumi.  
DUK. bello, victus est Leid. acie,  
magna Pompejanorum strage,  
victus est Boend. et ed. Camp.  
*translata in Thessaliam acie*  
*victus est,* reliquis omiſſis, Voss.  
Mox in fine hujus Epitomes per-  
miserant, pro permiserunt, Leid.  
Voss. Berg. Lov. 2. Boend. et ed.  
Camp.

# JOHANNIS FREINSHEMII

## SUPPLEMENTORUM LIVIANORUM LIBER LXXVI.

### IN LOCUM LIBRI CXI. T. LIVII.

**U. c. 704.** I. Interea temporis, occupato per varia negotia  
**A. C. 48.** *Pompeji* **apparatus.** Caesare, Cn. Pompejus, quum annum ad apparanda,  
quae vellet, liberum habuisset, ingentes terra mari-  
que vires contraxerat. Quinque legiones cum adjun-  
ctis equitibus trajecerat ab initio: unam deinde effe-  
cerat ex Sicilia, quae facta ex duabus *Gemella* voca-  
batur; et unam ex veteranis, qui in Creta et Macedo-  
nia sedes fixerant: duas in Asia conscribendas cura-  
verat Lentulus. Praeterea cum duabus Syriacis legio-  
nibus, exercitus Crassiani reliquiis, Scipio Metellus  
exspectabatur. Sagittarios tria millia habebat: fundi-  
torum cohortes sex: equitum septem millia, maxi-  
mam partem ex regum auxiliis. Naves insuper rostra-  
tas instructas habebat sexcentas: quarum praestantissi-  
mae centum Romani generis milites vehebant: onera-  
riarum praeterea maximus numerus aderat.

*Ejus classis* II. Eam classem per omnem maritimam oram dis-  
*at duces.* tribuerat, quae transitu Caesarem prohiberet. Navi-  
bus Aegyptiis Cn. Pompejus adolescens praeerat, A-  
siaticis D. Laelius, C. Triarius; Syriacis C. Cassius;  
Rhodiis C. Marcellus cum C. Coponio; Liburnicae at-  
que Achaicae classi Scribonius Libo, M. Octavius.  
Sed universae rei maritimae praefecturam M. Bibulus  
gerebat, cui omnes reliqui dicto audientes esse de-  
bebant. Civitates praeterea Dyrrhachium, Apollo-  
niam, ceterasque ad eam oram hibernis occupare de-  
creverat.

---

Cap. I. Caes. de B. Civil. l. 3. Appian. Civil. l. 2. Oros.  
6, 15. Lucan. 3, 169. Vell. 2, 51. Plut. Pomp. Caes. Ap-  
pian. Cap. II. Lucan. 5, 420. Vell. 2, 51. Caes.

III. At Lentulus Marcellusque consules, quum eorum in exitu annus esset, senatum convocarunt. Civilis enim discordia senatum quoque geminaverat, ut, et qui Romae, et qui Apolloniae erant, hoc ad se vocabulum traherent. Nam apud Pompejum haud minus ducenti senatores erant: tantum ei paraverat auctoritatis suscepta, ut putabatur, libertatis defensio. Igitur et quidam aetatis extremae, praeterea claudus altero pede, ad eum se contulerat; et M. Brutus, quamquam ad id tempus Pompejum, cujus jussu pater Bruti fuerat interfectus, neque salutare, neque respicere solitus. Ut autem omnia, quam fieri posset, proxime morem majorum agerentur; Thessalonicae per augures templum constituendum curaverant, ubi senatus cogi posset, quod alio loco facta senatusconsulta pro justis non habebantur.

U. c. 704.

A. C. 48.

*Senatus**Pompejanus**Apolloniae.*

IV. Eo postquam convenit exsul senatus, verba de republica facere Lentulus instituit: ante omnia decernendum huic coetui, hunc esse verum justumque populi Romani senatum: qui Romae sint, desertores causae publicae, amicos tyranni, purgamenta potius amplissimi ordinis, quam membra, nequidquam usurpare vocabulum curiae, cujus jura prodiderint. Proximum esse, ut provideant, quomodo et per quos in posterum gerenda sit respublica. Nec enim consulum haberi comitia attingere, quod de eorum imperio ferri lex curiata nequeat. Idcirco reliquos quidem pro consulibus et pro praetoribus, suo quemque loco, reipublicae navaturos operam: sed tamen unum summum constitui ducem oportere, neque dubitandum, quin Pompejus is esse debeat. Erat sane jam anno superiore datum Pompejo summum imperium, sed consulibus adjunctis. Tum vero summam belli rerumque omnium uni permitti placuit. Atque is, ut animos ad meliorem spem erigeret, hujusmodi orationem habuit.

*Pompejo uni summam rerum per-mitti.*

V. Ego vero nullum pro vobis et republica laborem, nullum discrimen deprecor, Patres conscripti: potestatem impostam recusarem, nisi vobis omnibus adiutoribus usuro neque consilium, neque collegae defuturi essent. Idcirco magna mihi spes optimi eventus sollicitum animum consolatur: modo vos quoque bono animo sitis, neque magis umbra rerum et vocabulis, quam rebus ipsis, moveamini. Scio a multis consilium

*Pompeji oratio.*

Cap. III. Lucan. 5, 8. Dio, l. 41. Plut. Pomp. et Bruto. Dio. Varro apud Gell. 14, 7. Cap. IV. Lucan. Dio. Lucan. Cap. V. Appian.

U. c. 704. *meum urbem relinquendi reprebensum esse: cuius nunc quoque*  
A. C. 48. *adeo non poenitet, ut hoc uno modo conservari potuisse rem*  
*Romanam existimem; perdendamque nobis in perpetuum urbem*  
*fuisse, nisi relicta ad tempus foret. Segregavimus a nobis im-*  
*probos cives, segregavimus timidos: et, qui manendo ab illis*  
*impetiti, ab his deserti, hostem instantem, copias ambiguas,*  
*consilia impedita habuissimus, egregie explicavimus omnia. Vi-*  
*res terrestres maritimasque maximas coëgimus: pecunia, com-*  
*meatu, regum atque populorum auxiliis abundamus. neque cor-*  
*pore sua tantummodo nobis praestabunt hae copiae, sed animis*  
*etiam nobiscum votoque stabunt. Teneat sane vacuam ille ur-*  
*bem, et desertas a dominis domos: dum hic sit senatus, hic*  
*Romana civitas, quae profecto non in aedificiis consistit, sed*  
*in civibus: quemadmodum et olim clarissimorum populorum*  
*exemplis praejudicatum est. Athenienses bello Medico urbem,*  
*perituram secum, si mansissent, reliquerunt; ut salvi atque*  
*incolumes gloriosius reciperent haberentque. Quid maiores no-*  
*stri? Quum urbem Galli occupassent, nonne ab Ardea et Ve-*  
*jis Romanum exercitum eduxit Camillus, alter urbis imperii-*  
*que nostri conditor? Quid igitur vetat, quo minus, eadem*  
*sequuti consilia, parem sperare eventum debeamus?*

**Caesarem VI. Cum eo homine nobis res est, qui summam et incre-**  
*accusat. dibilem cupiditatem imperandi ne nunc quidem regere potest,*  
*manente bello, et incerto rerum exitu. Quid illum facturum*  
*censetis, quod omen Dii prohibeant! victorem, qui nunc ar-*  
*bitratu suo creat magistratus, distribuit exercitus, dilargitur*  
*provincias, omnia legum populiue, omnia senatus jura sibi*  
*uni vindicat? Cum hoc tam superbo, tam impotente tyranno*  
*sic est decertandum, ut omnino victoriam vindictamque spe-*  
*remus; sed tamen, etiamsi contra daret Fortuna, perire po-*  
*tius optemus, quam omnium modo terrarum gentiumque do-*  
*minos, insolentissimum dominum pati.*

**De se polli-** VII. *Mihi certe fixum decretumque est, non modo, quam*  
*cetur omnia. semper in imperiis praestiti, adhibere virtutem, fidem, dili-*  
*gentiam; sed etiam, si fieri posset, augere omnia, majoraque*  
*et intentiora praestare. Neque me sic antiquus ille deseret*  
*Deorum favor, ut fortunatum in omnibus, demum in optima*  
*caussa jacere patiantur. Nam de apparatu nostro, quem juxta*  
*mecum scitis, quid opus est dicere? Tot civium Romanorum*  
*legiones, tot sociorum regum atque civitatum duxilia, tantae*  
*oro mari classes, excitare vel ignavos possent. Vos modo, quod*  
*felix faustumque sit, eam adhibete curam atque industriam,*  
*quam tempora nostra et reipublicae desiderant. Similem de-*

inde ad milites, qui aderant, concionem habuit, laeta omnium acclamatione. U. c. 704.  
A. C. 48.

VIII. Eodem tempore laudati ab hoc senatu sunt sociorum promptissimi; donaque et honores decreti Rhodiis, Spartanis, Atheniensibus. Utque Massiliensium fidei, quod posset, praemium redderetur, Phocaeam, cui suam originem debebat Massilia, liberam esse iusserunt. Cotyi quoque, qui Sadalem filium e Thracia cum equitibus quingentis miserat, actae gratiae, reguloque munera missa. Iisdem honoribus rex Dejotarus adfectus est, qui sexcentos adduxerat equites, et Rhascipolis, quem sequuti erant ex Macedonia ducenti. Sed effusa maxime in Jubam studia fuerunt, cujus victoria magnam civilis belli profligatam partem credebant. Ptolemaeus quoque Auletae filius, cui tutor ab senatu datus Pompejus fuerat, rex appellatus est: sororque Cleopatra abstinere regno iussa, quod a propinquis et amicis pueri ereptum, in Syria colligendo copias, repetitum ibat. *Pompejani  
senatus de-  
creta.*

IX. His ita ordinatis, Pompejus, quum ob tempus anni transmissurum mare Caesarem non arbitraretur, Thessalonicae hiemare constituerat. Eadem opinio praefectis classium fraudi fuit, quo negligentius litora custodirent. M. Bibulus naves centum decem Corcyrae habebat: sed, quia neque naves ornatas, neque remiges paratos tenuerat, prius ad continentem Caesar appulit, quam occurri posset. Neque Luccretius Vespillo et Minucius Rufus, qui cum octodecim Laelianis navibus erant Orici, opponere se ausi erant; quamquam Caesar haud plures duodecim rofratas praesidio duxerat. Igitur Bibulus, comperto Caesaris adventu, quum adhuc aliquas excipi naves posse speraret, vacuis obcurrit, quas cum Fufio Kaleno legato Brundisium Caesar ad transportandas reliquas copias remiserat. Ex eo numero nactus triginta, cum ipsis nautis dominisque navium combussit, ut supplicii foeditate ceteros absterreret. Summa deinde diligentia usus, a Salonis Oricum usque totum mare classibus praetexuit, ipse per asperrimam hiemem excubans in navibus, neque laborem ullum aut munus despiciens. *Pompejanorum negli-  
gentia in cu-  
stodiendis li-  
toribus.*

Cap. VIII. Lucan. Dio, p. 106. Caes. et Lucan. Eutrop. 6, 16. L. Ampel. Lucan. Caes. Civil. 3. fin. Cap. IX. Liv. Epit. Strabo, l. 17. p. 796. Appian. Civil. 2. p. 408. Dio, p. 112. Caes.

U. c. 704.  
A. C. 48.  
*Caesar Ori-  
cum occupat.*

X. At Caesar, misso ad Pompejum L. Vibullio Rufo, quem, semel apud Corfinium, iterum in Hispania captum, praestiterat incolumem, ideoque ad perferenda de pace mandata judicabat idoneum; statim atque milites exposuerat, per asperos angustosque calles, sed, ignorantibus adventum ejus hostibus, incustoditos, Oricum proficiscitur, ubi L. Torquatus praeerat: qui, quum frustra Graecos arma capere jussisset, quod contra consulem Romanum ea capturos negabant, aperuit portas, et a Caesare conservatus est. Inde protinus Apolloniam itum: et, profugiente L. Staberio, postquam itidem Apolloniatas ad Caesarem inclinare senserat, id quoque oppidum voluntate incolentium receptum est. Nec mora fuit, quin Bullide, et Amantia, ceterisque finitimis civitatibus, et ex tota denique Epiro legati venirent ad Caesarem, omnibus imperata facere paratis.

*Mox Apol-  
loniam.*

XI. Haud procul inde Dyrrhachium aberat, horreum Pompeji, quo omnis generis apparatus magnam vim contulerat. Hoc Caesar ostendit militibus, et, quia *Fortuna tam favente essent usi, ut per infestum tempestatibus et hostibus mare incolumes transirent, totque civitates parvo tempore redeissent in potestatem, ne deessent favori Deorum*, hortatus est, parumque adhuc laboris adderent, quo, priusquam advenire Pompejus posset, Dyrrhachio posirentur. Eam rem et abundantia hiberna praestituram in praesens, et ad summam belli magnae utilizati fore.

*Pompejus  
Dyrrhachium conten-  
dit.*

XII. Sed Pompejus, celeriter accepto nuncio, (quippe Vibullius, ut ei Caesaris adventum cito nunciaret, dies noctesque, mutatis etiam jumentis, iter continuaverat) nihil ad summam diligentiam reliqui fecit, quo conatum hostis praeveniret. In eo itinere, quum neque diebus, neque noctibus intermitteretur, et vix ad cibum capiendum satis daretur spatii, Pompeji milites in eum metum venerant, ut adesse hostem ubique putarent: et in Epiro finitimisque regionibus signa prope omnes relinquerent, complures arma projicerent. Evasit tamen ad Dyrrhachium Pompejus prior, castrisque prope oppidum positis, exercitum ex vehementi consternatione recepit: Ibi Labienus princeps jurare coepit, *se eum non deserturum, eodemque*

Cap. X. Appian. Civil. 2. p. 462. Caes. Cap. XI. Appian. Cap. XII. Caes.

*subitum cum eo casus.* idem deinceps tribuni, centurionesque, et postremo milites fecerant.

U. c. 704.  
A. C. 48.

XIII. Igitur, priusquam Antonius cum reliquis copiis se Caesari conjungeret, huic noceri posse sperans, ad flumen Apsum processit, quod fines Dyrrhachinorum Apolloniaticumque disternat. Simili spe contra movet Caesar. Sed, ubi ventum ad flumen, majoresque Pompeji vires cognovit, in finibus Apolloniaticum posuit castra; ut inter duos exercitus flumen interesset, ceterum videre invicem et colloqui possent. Eo loco Caesar expectare Brundisinas copias statuit. Sed, illae quum a Fusio Kaleno adducerentur, literae Caesaris ad Kalenum allatae sunt, quibus omnes portus litoraue teneri classibus adversariorum significabat. Igitur Kalenus, quum paullum progressus a portu fuisset, Brundisium repetiit. Una navis, quae milites nullos vehebat, quum, imperio contempto, profecta esset, ad Oricum expugnata est a Bibulo, omnesque puberes, qui in ea erant, supplicio adfecti. Caesaris legiones, quas idem periculum expectabat, literis ejus tempestive perlatis, Fortuna servavit.

*Caesar et Pompejus propinqua castra habent.*

XIV. Per eadem tempora Caesar, sive revera cupidus pacis, sive, quod magis est credibile, temporis ducendi gratia, donec auctiores habuisset copias; simul adversariorum pertinaciae gnarus, et ex hac odium illis omnium parans, nullam occasionem tentandarum conditionum praetermisit. Ad Oricum legati Caesaris M. Acilius, L. Staius Murcus, cum Bibulo et Libone colloquuti, (nam, his mare, illis litus obtinentibus, ejus rei facultas inciderat) in spem eam venerant, aliquid ad concordiam profici posse, quia Pompejani duces cupere cum Caesare loqui dixerant. Idcirco Caesar, quum forte cum una legione Butthrotum profectus literas legatorum accepisset, statim recurrit Oricum.

*Caesar conditiones tentat.*

XV. Sed, quum neque Bibulus ad colloquium processisset, et Libo legatorum, quos Caesar ad Pompejum mittere cupiebat, praestare periculum nollet, ne inducias quidem concedere voluit, nihil aliud ab hostibus quaeri sentiens, quam ut aqua rebusque aliis, quibus indigebant, induciarum obtentu, classem refi-

Cap. XIII. Dio. Caes. Ptolem. 3, 13. Dio. Caes. Lucan. 5, 471. Caes. Cap. XIV. Dio. Caes.



U. c. 704. cerent. Nam, sicut illi mare, ita terram in potestate Caesar habebat; stationibusque per litora dispositis, non aquandi, non lignandi, ne religandi quidem na-

*M. Bibuli mors.* ves facultatem dabat. Unde et M. Bibulus, quum in summo frigore et inopia per multos dies, quamquam corpore aeger, discedere ex navibus nollet, neque ibi curari posset, aucto morbo, diem suum obiit. In ejus locum suffectus est nemo: sed singulis classibus praepositi suo eas arbitrio regebant.

*Pompejus de pace tractare deditur.*

XVI. Interea L. Vibullius, qui mandata Caesaris exponendi otium nondum fuerat nactus, cum Pompejo agere instituit. At ille interfatus, *Quid mihi, inquit, aut vita, aut civitate opus est, quam beneficio Caesaris habere videbor? cujus rei opinio tolli non poterit, quum in Italiam, ex qua profectus sum, reductus existimabor.* Bello perfecto, Caesar haec dicta cognovit ab iis, qui interfuerant: interfuerunt autem Scribonius Libo, L. Lúccejus, et scriptor historiarum Theophanes, quibuscum res maximas communicare Pompejus consueverat. Sed tum etiam alio facinore Pompejani declaraverunt aversam a pace voluntatem. Crebra inter milites utrimque colloquia fiebant, modico interfluente amne. eo P. Vatinius mittit Caesar, qui magna voce saepius proclamaret, *Liceretne civibus ad cives legatos de pace mittere, quod praedonibus et fugitiivis licuisset?* Responsum est ab altera parte, *A. Varronem postero die ad colloquium venturum.* Agitur una etiam utrimque, quemadmodum tuto legati venire, et, quae vellent, exponere possent. Sed, quum in constitutum locum P. Vatinius venisset, et cum eo loqui T. Labienus coepisset, ex improvviso tela sunt in Vatinius conjecta: quae ille, militum armis protectus, vitavit. centuriones aliquot militesque Caesaris vulnerati sunt, exclamante Labieno, *Desinite ergo de compositione loqui. nam nobis, nisi relato Caesaris capite, pax esse nulla potest.*

*M. Coelius res novas molitur Romae.*

XVII. Iisdem temporibus Romae M. Coelius Rufus praetor novarum rerum materiam quaerebat, non amore reipublicae, aut quod aequum esse, quod agebat, crederet, sed dolore atque indignatione motus, sicut ipse confitetur. Homo erat eloquio animoque Curioni simillimus, cujus etiam plectus amicitia, et odio Appii, quem sciebat in diversis partibus fore, ad Cae-

Cap. XVI. Strabo, l. 13. p. 617. et alibi. Caes. Cap. XVII. Liv. Epit. Dio, l. 42. Vell. 2, 68. Caes. Cic. ad Fam. 8, 17.

sarem simul ex urbe profugerat; idque ob meritum praeturam nuper erat consequutus. Sed, quia C. Trebonium praetorem urbanum non sors, sed Caesar, effecerat, omnibus in rebus illi se opponere instituit. Nisi forte homo ingeniosissime nequam, quasi honestiorem, hanc causam praetexit, potius aeris alieni magnitudine, ut alii multi, ad res novandas impulsus, quod servari se posse in otio desperabat.

U. c. 704.  
A. C. 48.

XVIII. Idcirco tribunali juxta sellam C. Trebonii collocato, si quis appellasset, auxilio fore pollicebatur debitoribus. Sed, quia Trebonius juxta Caesaris constituta judicabat, summamque in omnibus aequitatem atque moderationem adhibebat, nemo repertus est, qui appellare vellet. Iis enim temporibus nondum tanta quisquam erat impudentia, ut, quum se debere fateretur, integras tenere possessiones suas possideret.

*Causam  
debitorum  
inscripsit.*

XIX. Idcirco Coelius, ne nihil effecisse videretur, legem promulgavit, *sexenni die, sine usuris, creditae pecuniae solverentur.* Id quoque vanum inceptum fuit, consule Servilio magistratibusque reliquis repugnantibus. Tum Coelius, ea lege sublata, duas promulgavit novas: unam, qua mercedes habitationum annuas conductoribus donabat; alteram tabularum novarum. Haec et grata tenuioribus erant, et ab homine diserto jamdudum seditiosis concionibus alienatam plebem inveiebant. Facile igitur inducta est, ut in C. Trebonium faceret impetum, eumque, vulneratis nonnullis, de tribunali deturbaret. Sed is quidem, mutata veste, fugit.

*Leges fert  
novas.*

XX. At Servilius consul, advocatis ex itinere militibus, qui in Galliam destinabantur, praesidioque hoc curiam muniens, de his rebus ad senatum retulit. Patres removendum a republica Coelium censuerunt. Tamen propter intercessionem tribunitiam senatusconsultum non potuit fieri: auctoritas perscripta est. Sed consulem, tabulas legum promulgatarum tollere aggressum, Coelius per vim et seditionem repulit. Iterum ergo coactus, adhibito praesidio, senatus, *videre consulem,* iussit, ne quid respublica detrimenti pateretur. Hac accepta potestate, sellam Coelii curulem fregit. at ille posuit alteram loris intentam: tacite illudens consu-

*Fore et curiam  
excluditur.*

Cap. XVII. Vell. Cic. Dio. Vell. Cap. XVIII. Caes. Cap. XIX. Dio. Cap. XX. Caes. Dio. Quintil. 6, 3.

U. c. 704. lem, qui aliquando flagris caesus ab Isaurico patre dicebatur. Ad extremum tamen superior et jure et potentia consul Coelii partes alii cuidam praetori demandavit: ipsum et foro et curia exclusit, volentemque concionari de rostris detraxit. Coelius, ignominia simul iraque permotus, ad Pompejanos scripsit, in urbem eos advocans, nudatam praesidiis futuram, et studio populi prioniorem in illas partes, vacuumque Italiam ostentans: quod etiam saluberrimum illis partibus fuerat. Misit etiam ad T. Annum Milonem clandestinos nuncios, quem inimicissimum Caesari noverat, propterea quod, restitutis exsulibus, solus ille reditum non impetraverat.

*Milonem concitat.*

XXI. Magnorum haec esse motuum initia poterant, viris claris et audacibus talia molientibus, occupato alibi Caesare, et incertissimis plane temporibus. Ceterum ex tanto metu celeriter et citra detrimentum hi conatus in nihilum evaserunt. Quippe Milonem, contracto fugitivorum exercitu, profectum in Campaniam, et quasi mandato Pompeji homines sollicitantem, quotquot ob aes alienum aut facinora credebat idoneos, pauci sunt sequuti: Capuaque frustra tentata, confugiendum ei Tifata fuit. Ignarus horum, et meliora sperans Coelius, conjungere se cum illo cupiebat. Sed, quia occulta fuga nec satis tuta videbatur, et majus ad omnia momentum erat, si quasi praetor proficisceretur, commeatum a consule petiit, tamquam purgandi sui causa Caesarem aditurus. Consul, simulari haec suspicatus, tribunum plebis adjunxit, qui res novas molientem coerceret. At Coelius, haud longedum profectus, audito Milonis incommodo, in itinere substitit: unde, cognito ejus consilio, tribunus hominem in urbem reducebat. Sed interea senatus Milonem hostem judicaverat, Coelio manere ad urbem jussu.

*Et ad eum profugit.*

XXII. Id quum esset factum, isque se negligentius custodiri sensisset, in Campaniam profugit, vires et consilia cum Milone juncturus. Nam ex magnis in aedilitate datis muneribus aliquem reliquum habebat gladiatorum numerum. Hos igitur Neapolim clam jussit ingredi, prodicionem oppidi sperans. ipse Casilinum venit, et sub idem tempus signa ejus militaria Capuae com-

Cap. XX. Dio. Caes. Cic. Vell. 2, 52. Caes. Dio. Cap. XXI. Caes. Dio. Oros. 6, 15. Dio. Cap. XXII. Caes.

comprehensa sunt. Ita consilio patefacto, quum nihil procederet, Campanique eum pro hoste haberent, agrum Thurinum petiit, ubi pulsum Campania Milonem agere compererat.

U. c. 704.  
A. C. 48.

XXIII. Et sane, si reperisset superstitem, moliri aliquid conjuncti poterant. Sed Milo jam occiderat, in oppugnatione castelli Cossani lapide ex muro ictus. Paulo post etiam Coelius haud mitiore fato defunctus est, quum Thuriis pervenisset. Nam ab equitibus Gallis et Hispanis, quos praesidii causa Caesar miserat, quum iis contra Caesarem nummos polliceretur, interfectus est. Iisdem temporibus, quum in Epiro praeter equestria certamina, his illisque vado facile transeuntibus modicum annem, nihil rerum gereretur, (nam Pompeji conatum transducendi copias pons interruptus destituerat) Caesar audacissimo facinore morantes Brundisii legiones adducere paravit. Quum enim Pompejanae classes maria obsiderent undique, hibernum sibi tempus aptissimum judicabat: dum hostes, tempestatibus deterriti, vacuum et incustoditum trajectory relinquerent. Sed Bibuli primum, deinde Libonis diligentia factum erat, ut Antonius portu exire non auderet. Quippe Libo parvam insulam, portui Brundisino objectam, qua necessarius erat transjecturis egressus, occupaverat. et, quamvis propter inopiam aquae, et acceptum ab Antonio detrimentum, alio coactus erat se recipere, hiems mare claudebat.

*Sed non  
ambo inter-*  
*erunt.*

XXIV. Idcirco Caesar, impatiens morae, fortassis etiam suspectans Antonium, ne exspectare eventum vellet, sub alteram vigiliam ignoratus excessit castris; conscensoque vehiculo perrexit ad locum, ubi naviculam et optimum gubernatorem opperiri per servos praemissos jusserat, tamquam nuncium Caesaris transjici oporteret. Cum his servis, (tres omnino erant) ipse quoque servili habitu fortunam dissimulans, navem scalmorum duodecim conscendit, licet horrente tempestatibus mari, et ventis pertinacissime flantibus. Magno labore, licet prono alveo, perventum ad ostium amnis erat, quum, ventis et aestu adverso, remorum irritum laborem fore apparuit. Ibi desperanti guber-

*Caesaris  
summa an-*  
*dacia.*

Cap. XXIII. Dio. Caes. Vell. 2, 68. Dio. Caes. Appian. Dio, l. 41. Plut. Caes. Flor. 4, 2. Dio. Appian. Caes. Dio. Caes. Dio. Caes. Plut. Anton. Cap. XXIV. Flor. Dio, Lucan. 5. 507. Appian. Plut. Caes.

Supplem. Liv. Tom. XIV.

F

U. c. 704. natori vir ingens animi, et fortunae suae cuncta cessu-  
 A. C. 48. ra putans, *Quid times, inquit? Caesarem vebis.* Ad hanc  
 vocem attonitis omnibus, et summo conatu intendē-  
 tibus nervos, ostium superatum est: nequidquam. ven-  
 tus enim subinde ad litus rejiciebat lembum; donec,  
 vicina jam luce, timenti gubernatori, ne ab hostibus  
 conspicerentur, Caesar invitissimus redire permisit.

*Subet suos  
 hiberno ma-  
 ri in Grae-  
 tiam trans-  
 jicere.*

XXV. Quia tamen omnino faciendum putabat, ut,  
 donec vehementiores venti essent, transitum tentarent  
 sui, hoc maxime auxilio perrupturi, quos in tranquil-  
 lo mari certum ab instructissimis hostium classibus exi-  
 tium manebat; Postumium in Italiam misit cum epi-  
 stolis severioribus. Plures enim dederat, ut, si Ga-  
 binius, aut Antonius, aut Kalenus cunctarentur, qui-  
 bus erant priores tradendae literae, Postumius habe-  
 ret, quas exhibere militibus posset, quibus eum se-  
 qui, quotquot voluissent, jubebantur. Imperabat au-  
 tem, *quando portus ab adversariis tenebantur, ut ad Apollo-  
 nium litora ejicerent naves: earum jactura se nihil commo-  
 veri, modo viros habeat, per quos adipisci possit omnia.* Ce-  
 terum Gabinius; a navigando abhorrens, longo cir-  
 cumitu per Illyricum copias, quibus praeerat, insti-  
 tuit ducere. Antonius et Kalenus potius cum pericu-  
 lo tentandum brevius iter existimabant, quam ad im-  
 perium et necessitatem Caesaris serius occurrere. Et  
 erat summa militum alacritas, et ad Caesarem pro-  
 ficiscendi ardor; eorum etiam, qui paullo ante se la-  
 boribus fractos objici periculis, quanta firmissimi vix  
 sustinere possent, erant questi. Quare minimo nego-  
 tio persuaserunt iis duces, ut, Austro flante, con-  
 scenderent naves, seque fluctibus traderent.

*Idque succe-  
 dit feliciter.*

XXVI. Inter haec Pompejus, ut, priusquam au-  
 ctiores copiae Caesaris fierent, pugnaret, iterum in-  
 structam aciem transducere conatus, incepto repente  
 destitit, ringentibus omnibus, et pulcherrimam occa-  
 sionem dimitti jactantibus. Sed deterritus adverso  
 omine fuerat, quia duo milites vadum tentantes ab  
 Caesariano uno erant interempti. Namque felicitas  
 Caesaris omnia, etiam temere coepta, in bonum ei  
 vertebat. Itaque et audacissimum ejus coeptum, le-  
 giones hiberno mari transjiciendi, non incolumes mo-

Cap. XXIV. Plut. Apophth. Rom. et Caes. Dio. Appian.  
 Flor. Cap. XXV. Caes. Appian. Caes. Appian. Caes. Ap-  
 pian. Plut. Anton. Appian. Caes. Plut. Caes. Caes. Cap.  
 XXVI. Appian. Dio. Caes.

do copias illi praestitit, sed ultro cessit adversariis in grave detrimentum.

U. c. 704.  
A. C. 48.

XXVII. Quippe dum Dyrrhachium praetervehuntur Caesaris naves, Q. Coponius, qui Rhodiae classi praeerat, inspectas cum rostratis viginti sequebatur, et, remissione jam vento, propemodum attigerat, haudquaquam aequo certamine longis navibus onerarias oppugnaturus; quum subito intendi ventus coepit, Julianosque longe ab hostibus divellere. Atque illi Nymphaeum tenuerunt, haud procul Apollonia, quamquam haud satis tutum, Austro flante, portum: neque minoris navium, quam legionum, interitum aestimabant. Ibi mira felicitate subito conversus est ventus, et pro Austro spirare Africus coepit, contra quem illa erat tutissima statio. Repentina igitur commutatione rerum, qui modo in periculo fuerant, spectaculo periclitantium hostium perfruebantur. Quippe naves Rhodias tam saeva tempestas comprehendit, ut in clauso et importuoso mari constrictae illorum, numero sedecim, ad unam omnes eliderentur. remiges atque propugnatores, quibus fluctus pepercerant, partim interfecti sunt a Julianis, alii capti, quos Caesar conquisitos diligenter conservavit, domumque remisit.

*Rhodia  
classis tem-  
pestate perit,*

XXVIII. Duae tamen Caesaris naves captae sunt ab hostibus, diverso vectorum fato. Contra Lissum ad anchoras ambae consisterant, ignarae quorsum reliqua classis cursum intendisset. Idcirco Otacilius Crassus, qui Lissi praeerat, multis minoribus navigiis cinctas ad deditionem hortabatur, incolumitate promissa. Tum vero, quantum sit hominibus in firmitudine animorum et experientia casuum praesidii, apparuit. Nam tirones altera navi vehebantur. ii, quum se dedidissent, Otacilii perfidia omnes sunt interempti. Veterani, simulatione deditionis extracto tempore, navem impulerunt ad litus: et, excensione facta, equites ab Otacilio immisos repulerunt, et ad suorum praesidia pervenerunt incolumes. Otacilius etiam Lissum amisit, quia conventus civium Romanorum, Antonii audito adventu, ad Caesaris partes se applicuerat, cujus beneficio datum sibi oppidum atque munitum meminerat.

XXIX. Legiones veteranorum tres Antonius trans-  
vexit, unam tironum, (haec erant circiter viginti mi-

*Militem  
cum Anto-*

Cap. XXVII. Appian. Caes. Plut. Anton. Caes. Cap.  
XXIX. Plut. Anton.

U. c. 704. A. C. 48. *litum millia) equites octingentos. 'Horum adventus, eodem ferme tempore Caesari Pompejoque cognitus, utrumque excivit, ut eodem die castra moverent: hic, ut occurreret venientibus, et, ne cum Caesare conjungi possent, impediret; ille, ut conatus Pompeji vanos efficeret. Uno die celerius occurrit Magnus, quia nullum illi transeundum flumen fuerat; Caesarem vadum quaerendum tardaverat. Sed adversus vim hostium Antonius castris se tenuit. superventu deinde Caesaris Pompejus ad Dyrrhachium posuit castra, loco idoneo, Asparagium vocant. Theophanem deinde, quo praefecto fabrūm utebatur, misit, qui Rhodios de amissa classe consolaretur, non ab hostibus accepto detrimento, sed illato tempestatibus. neque navalem illorum deliquisse gloriam; et, quod virium decessisset, id abunde beneficio senatus atque Pompeji recuperaturos ex victoria, quam certam exploratamque esse in manibus.*

*Caesaris consilia.* XXX. At Caesar, jam abundans copiis, Cn. Domitio Calvino tres legiones cum equitibus quingentis, L. Cassio legionem tironum et equites ducentos, C. Calvisio Sabino cohortes quinque cum paucis equitibus attribuit: ut per illum Macedonia, per istum Thessalia, per hunc Aetolia reciperentur: simul res frumentaria horum opera fieret expeditior. ipse, Pompejum insequutus, castra castris ejus opposuit: et postridie, copiis instructis, potestatem pugnandi fecit. Sed, Pompejo castris se tenente, postero die per circumitum tectasque arbusis vias Dyrrhachium properat. Recurrit eodem Pompejus: sed, quia Caesaris consilium aliquanto serius cognoverat, exclusus ab oppido, propinquo colle (*Petram* vocabant Dyrrhachini) castra posuit.

XXXI. Caesar, frustra expugnatione tentata, propter inexpugnabilem situm loci, mature revocavit suos. Quippe Dyrrhachium in extrema Macedoniae ora, quam olim Illyrica natio Parthini tenuerunt, praeter exiguum collem, undique mari cingitur, inaccessible propter fluctuum violentiam rupibus imposita. Igitur Caesar, admirabili et hodie vix reperturo fidem consilio, Pompeji castra operibus circumdare occipit, his ferme rationibus permotus. Equitatu vallabat Pompejus et commeatum copia: quarum rerum

*Pompeji castra circumvallare instituit Caesar.*

Cap. XXIX. Caes. Plut. Cic. Cap. XXX. Dio. Caes. Cap. XXXI. Appian. Flor. Dio. Lucan. 4, 21. Appian. Lucan. Dio. Vell. 2, 51. Oros. 6, 15.

altera vexare et male habere Caesaris frumentatores poterat, altera facultatem ei tribuebat ducendi, quoad vellet, belli. Neutrum horum Caesari placebat, cui nihil aequae in votis erat, quam ut maturime ad manus veniretur.

XXXII. Igitur, animadversa loci natura, quod circum castra Pompejana permulti erant editi et asperi colles, primum ibi castella posuit: deinde opera e castello in castellum instituit ducere, ut a mari ad mare perpetua munitione castra Pompeji circumveniret. Sic equitatus hostilis nullum esse usum videbat, eumque ultro conclusum in angusto loco pabuli inopia adfluctum iri: sibi interea liberam frumentandi rationem relinquere: et, quod in bello maximi esset, audito, Pompejum obsideri, neque proelio audere contendere, magnam illi deminutionem auctoritatis cum sua summa exultatione fore. Pompejus, cui neque pugnandi copiam fieri probabatur, neque discedere a Dyrrhachio, ubi apparatus omnem belli collocaverat, ratio erat, quod unum videbatur esse reliquum, laborem augere Caesari, quam latissime extensis praesidiis, instituit. Quindecim millia passuum complexus, multa intrinsecus castella exstruxit, eaque ipsa conjunxit operibus, ne qua parte Caesar perirumpere. Neque tamen hic fatigabatur, quamquam cresceret opus, et ad millia passuum centum quinquaginta tenderetur.

XXXIII. Continua interim, sed parva, proelia in occupandis praesidiis committebantur. Inter quae nona legio Caesaris, quum praesidium quoddam occupatum munire conaretur, a sagittariis funditoribusque Pompeji, et magna vi levium armorum, quamquam praesente Caesare, tam vehementer vexata est, ut, quoniam sisti non poterat, relinquere locum oporteret. Sed receptus ipse, quam pugna, videbatur periculosior; quia per declive regredientibus ex superiore loco hostis imminerebat.

XXXIV. Idcirco Pompejus apud suos dixisse fertur, non se recusare, quin nullius usus imperator existimaretur, si sine maximo detrimento Juliani se recepissent. Et Caesar, ut suis, quod posset, consuleret, crates iussit in summo tumulo constitui, quibus tecti milites fossam mediocri latitudine facerent, et, quantum possent, lo-

Cap. XXXI. Flor. Caes. Cap. XXXII. Appian. Cap. XXXIII. Dio. Caes.



U. c. 704. cum impeditum redderent. ipse funditores idoneis locis disponit, quibus sequuturi hostes prohiberentur. Sed Pompejani hoc audacius insisterunt, quod cedere Caesarem metu arbitrabantur. Ergo M. Antonius, qui ei legioni praeerat, jussu Caesaris suos cohortatus, a medio fere spatio impetum in hostes fecit. Atque illi, ex inferiore loco in adversum collem cursu incitati, pepulerunt Pompejanos; interfectisque plurimis, suorum amissis admodum quinque, non ulterius persequuti fugientes, neque ultra lacessiti, se receperunt.

*Eorundem  
inopia frum-  
menti.*

XXXV. Erat nova et mirifica obsidionis forma, quod plures a paucioribus, omni copia rerum abundantes a famelico exercitu claudebantur. Quippe Pompejanis patebant maria, neque ventus flare ullus poterat, quin aliqua ex parte commeatui subvehendo utilis esset. Contra Caesaris milites, in magna frumenti penuria, carnibus maxime (nam pecoris ex Epiro suppetebat copia) victitabant. Sed et radicibus herbisque vellendis quaerebant solatium inopiae. praesertim uno genere utebantur, quod vocabatur *chara*: id, admixto lacte, in similitudinem panis subigebant. Ejusmodi panes, quum in colloquiis Pompejani famem illis exprobrarent, vulgo conjiciebant in eos: *donec hoc genus radices tellus ferret, numquam se dimissuros obsidionem dictitantes. imo prius cortice victuros ex arboribus.* Unde, re ad se delata, Pompejum dixisse ferunt, *cum feris sibi rem esse*; et protinus amoveri jussisse panes, ne cuiquam ostendi, neque sermones vulgari, ne, pertinacia hostis cognita, flaccescerent.

*Sed valetudo bona.*

XXXVI. Sed haec incommoda spe propinquae mensis levabantur, quod jam frumenta incipiebant maturescere. simul, quia optima valetudine, aquarumque, et, praeter frumentum, commeatus ceteri copia utebantur, sorte sua contenti erant: praesertim quia crebris Pompejanorum transitionibus audiebant, in illorum castris prae inopia pabuli vix equos sustentari; cetera jumenta interiisse; ex cadaverum foetore in angusto spatio morbos invulgari, accedentibus praesertim laboribus quotidianis, et aquae summa inopia, quod omnes rivos et flumina, ne per Pompeji praesidia decurrerent, magnis operibus Caesar averterat.

Cap. XXXIV. Plut. Anton. Caes. Cap. XXXV. Vell. Flor. Caes. Plut. Pomp. Lucan. Caes. Plin. 19, 8. Appian. Caes. Plut. Caes. Caes. Sueton. Caes. c. 68. Plut. Polyæn. Strat. l. 8. Cap. XXXVI. Caes. Lucan. Caes.

XXXVII. Inter haec, ut tam propinquo hoste, et in nova ratione belli, nihil satis tutum aut quietum erat, et subinde novae nocendi cavendique artes excogitabantur. Pompejani, animadverso, cohortes Caesaris noctu ad munitiones excubare, loco stationis ignium indicio deprehenso, confertim accedebant silentio, et simul universi mittebant sagittas intra vallum, et e vestigio se recipiebant ad suos. hoc pacto quum multi sauciarentur, id repertum remedium est, ut alio loco excubaretur, alio ignes fierent. At sicut in tempestate quidam prae ceteris gravi mole fluctus sunt, quos *decumanos* appellant; ita inter crebra certamina, dum hi tentant eruptionem, illi repellunt, uno die tribus ad Dyrrhachium proeliis, totidem ad munitiones; concursus est. quippe Pompejus, distinendi hostis causa, pluribus locis tumultum excitaverat; sed ubivis improspere. Quippe Volcatius Tullus cum tribus omnino cohortibus legionem Pompejanam loco depulit: Germani, eruptione in oppugnantes facta, compluribus interfectis, incolumes redierunt. Sed praecipuae ferociae proclium una cohors legionis sextae edidit in castello, quod *Minucii* vocabant.<sup>4</sup> Eo Pompejanae legiones quatuor per confraga et obsita dumetis occulto itinere venerant. Neque territi, licet re improvisa, Juliani, tam paucis militibus, vim tantam per aliquot horas sustinuerunt, centurionis unius incredibili virtute animati.

U. c. 704.  
A. C. 48.  
*Uno die sex proelia.*

XXXVIII. M. Caesius fuit, cui *Scaevae* cognomen. is strenua pugna multos, qui propius accesserant, interfecit, custodiamque portae commissae fortissime retinuit; quamquam sauciato capite, femurque et humerum transfixus, postremo etiam oculum sinistrum amiserat. Tum vero, Pompejanum centurionem notae virtutis appellans, mitti petiit, a quo deditus perduceretur. Accurrerunt viri duo, tanto labore et his vulneribus nullum non robur exhauriri potuisse ad summam imbecillitatem rati. Sed ille, confosso altero, altero vulnerato, suis addidit animum, ut teneant locum, donec ex castris subveniri potuit.

*Virtus incredibilis M. Scaevae.*

XXXIX. Quippe Caesar, ad Dyrrhachium admoturus partem copiarum, P. Sullam castris praefecerat. Is ergo cum duabus legionibus suppetias ferens ad-

*Alios legati atque imperatoris partes.*

Cap. XXXVII. Flor. Caes. Sueton. Lucan. 6, 126. Cap. XXXVIII. Appian. Plut. Caes. c. 23. Val. Max. 3, 2. Sueton. Lucan. Plut. Appian. Lucan. Cap. XXXIX. Caes.

U. c. 704.  
A. C. 48.

fuit; cujus ne conspectum quidem ferre Pompejani potuerunt. Sulla tamen instare quamquam percussis noluit: multis incusantibus, qui judicabant, bellum eo die finiri potuisse. Sed Caesar, alias legati atque imperatoris partes esse demonstrans, nihil a Sulla praeter rationem factum esse dictitabat. His omnibus proeliis non ultra viginti suorum desideravit Caesar, quum ex Pompejanis ad millia duo cecidissent. Sed in castello Minucii nemo militum intacto corpore relictus est: quatuorque centuriones ex ea cohorte perdidērunt oculos. millia sagittarum circiter centum triginta, quae fuerant ab hostibus intra vallum ejus praesidii conjecta, Caesari renumeraverunt. quarum unus ille Scaeva magnum numerum exceperat, scuto illius supra centum viginti foraminibus confosso. quem ob egregiam virtutem et commilitones in magna veneratione habuerunt, et imperator pecunia donatum ab octavis ordinibus ad primipilum deduxit: cohortique stipendium duplex, frumentum, vestem, cibaria, donaque militaria largiter dedit.

*Scipio ex  
Syria in  
Macedoniam  
venit.*

XL. Dum haec ad Dyrrhachium geruntur, in Macedonia et Graecia legati Caesaris variam fortunam habuerunt. Sub idem enim tempus, quo in provincias illi pervenerant, Scipio Metellus, generi literis excitus, cum legionibus adfuit: nudata in metu Parthici belli Syria, et provinciis, per quas iter habuerat, per varia exactionum nomina crudeliter exhaustis. Quin et ex Ephesino templo pecunias sustulerat; nisi, dum id agit, epistola Pompeji, posthabitis omnibus, iter maturare jussisset.

*Cassium  
Longinum  
frustra per-  
sequitur.*

XLI. Igitur summa celeritate usus per Macedoniam in Thessalos cucurrit, ubi cum sua legione Cassium Longinum agere cognoverat. Eodem et Sadales regulus cum Thracio equitatu venit. Idcirco Cassius, detrimentis quibusdam acceptis, ad montana deflectens, Ambraciam petebat. Hunc Scipio sequebatur; quem si esset consequutus, dubium non erat, quin Cassiani omnes se dederent, aut trucidarentur. Sed advocavit Scipionem M. Favonii periculum, qui, relictus ad Haliacmonem amnem cum cohortibus octo et totius exercitus impedimentis, a Cn. Domitio petebatur. Ea res et Cassio salutem attulit, et Favonio:

Cap. XXXIX. Sucton. Caes. Plut. Val. Max. Flor. Appian. Lucan. Caes. Cap. XL. Dio. Caes. Cap. XLI. Dio. Caes.

quum, die ac nocte continuato itinere, sub idem ferme tempus, quo Domitius imminebat, Scipio occurrisset.

U. c. 704.  
A. C. 48.

XLII. Domitio, ne Macedoniam omnem, multis ad eum accedentibus, occuparet, Fauſtus Sulla reſtiterat. igitur, adſumptis Aetolis, et Acarnanum, et Locrorum, quos Amphilochos vocant, auxiliis, quae gentes recens opera Caſſii Longini, aut Calviſii Sabini receptae erant, in Theſſalorum fines proceſſerat. Poſtquam eodem, uti diximus, Scipio venit, Domitianis pugnam optantibus, hoc refugiente, caſtra caſtris collata ſunt, et parva ex inſidiis proelia facta, quibus ſuperiores Juliani fuerunt. Inter haec Caesar, plura quoque tentanda ratus, Fuſium Kalenum miſit, qui, Caſſio et Sabino adjunctis, longius progredereſetur. Iſque, Phocidis et Boeotiae quibusdam urbibus voluntate incolentium receptis, quibusdam expugnatis, in Achajam tamen, Iſthmo a Pompejanis munita, penetrare non potuit.

*Caſtra op-  
ponit Domi-  
tii caſtris.*

XLIII. Rutilius Lupus tum obtinebat Achajam, ſucceſſor a Pompejo miſſus Ap. Claudio; qui nuper, oraculi deceptus ambage, quum ſibi laeta quaeque polliceretur, fato conceſſerat. Quippe homo psychomantiae et auguriis deditus, cujus in vanitatis ſtudio multum operae poſuerat, quo ſcilicet certiore praedictione futura diſceret, deſitum a multis annis conſuli oraculum Delphis ſollicitarat. Ibi reſponſa antiquitus per virginem reddebantur, quae, recepto maligno ſpiritu, magno vitae periculo, jactari inter fata canenda conſueverat. Igitur et Phoebas, (ſic vocabant fatidicam virginem) ad tripodas adire metuens, ſimulavit reſponſum; et Appius, rerum iſtarum minime rudis, agnovit fraudem, imperioque inhibito, coegit in ſpecum deſcendere. Tum vero reſponſum a furente red- dicitur: *Nihil ad te hoc, Romane, bellum: Euboeae Coela ob- tinebis.* Sic tum appellabatur ſinus Euboicus, quatenus hinc ad Rhamnuntem Atticae, inde Carium Euboeae oppidum pertinet. Hanc in regionem quum ſe condidiſſet Appius, aliter, atque exiſtimaverat, morbo ſolutus, belli diſcrimen evaſit.

*Ap. Claudio  
ſuperſiſſio et  
mors.*

Cap. XLII. Dio. Caes. Cap. XLIII. Lucan. 5, 67. Cio. de Divin. 1, 58. et de Leg. 2, 13. Lucan. Val. Max. 1, 8. Lucan. Oros, Lucan. Val. Max. Liv. 31, 47. Val. Max.

U. c. 704.  
A. C. 48.  
*Caesar cum  
Scipione et  
Lentulo de  
pace agit per  
internuncios.*

XLIV. Dum ista fiunt, resque variis locis armis geritur, Caesar nequaquam consilia pacis omnino deposuerat, quin saltem ad alios potentes viros mitteret, quatenus de voluntate Pompeji desperaverat. Et Scipionem quidem per Clodium utriusque familiarem tentavit; Lentulum, prioris anni consulem, per Cornelium Balbum, qui summa audacia saepius castra Pompeji est ingressus, ut sermones cum Lentulo conferret certissimo, si deprehenderetur, exitio. Sed neutrum successere conatus. Lentulus dubitando, quanti se venderet, eousque rem extraxit, donec acie decretum est. Scipio, quum ab initio praebuisset aures, a M. Favonio castigatus, Clodium ultra ad colloquium non admisit.

*Allobroges  
ad Pompejum  
perfugiunt.*

XLV. Interim ad Dyrrhachium ab utroque imperatore quotidie producebantur instructi exercitus: a Caesare, quia pugnare summopere cupiebat; a Pompejo, quia nolebat eam de se famam spargi, quasi Caesari lacessenti non auderet resistere. Sed, ut necessitatem pugnandi vitaret, pro castris constituit aciem, non longius primis excurrentibus ordinibus, quam quo de vallo telum tormento emissum pertingere posset. Quum hac ratione multi consumpti dies essent, Pompejus, pabuli maxime inopia coactus, erumpere totis viribus statuit. Hoc consilium agitantibus opportune Roscellus et Aegus Allobroges oblatis sunt, qui, propter intervorsa equitum stipendia objurgati a Caesare, transfugiebant. Hos igitur, per omnia praesidia circumductos, ut suorum animos augeret, multis ornavit laudibus, civitate quoque promissa, quod irrisisse Cicero dicitur, atque dixisse: *Egregium vero imperatorem! qui Gallis alienam civitatem polliceatur, nobis nostram non potest reddere.*

*Pompejus  
munitiones  
Caesaris ag-  
greditur.*

XLVI. At Pompejus, ab his edoctus omnia, quae ratio munitionum, quae excubiarum atque stationum apud hostes esset, quod munus quo tempore et quibus accurantibus fieret, imperat militibus, ut sibi quisque tegmen faciat ex vimine, ad galeam contegendam, et ut aggerem comportet. Hoc ubi factum est, noctu aggere et leviter armatis sagittariisque multis in scaphas et actuarias impositis, munitionum Caesaris eam partem, quae ad mare pertinebat, et a maximis ejus castris erat remotissima, peti jubet, eodem a Dyrrhachio

Cap. XLIV. Caes. Vell. 2, 51. Caes. Cap. XLV. Lucan. 6, 81, et 118. Caes. Macroh. Saturn. 2, 3. Cap. XLVI. Caes. Dio. Lucan. Oros. Appian. Plut. Pomp. et Caes.

naves longas subigi: eodem ipse cum sex legionibus contendit. Duo diversa castella eo loco Caesar effecerat, sexcentorum passuum intervallo, quorum alterum in hostem erat conversum, interius diversam partem spectabat. haec transverso vallo secundum mare conjungere Caesar instituerat. Sed eae munitiones, spatium octodecim ferme millium complexae, ob magnitudinem operis absolvi nondum potuerant.

U. c. 704.  
A. C. 48.

XLVII. Prima luce se ostenderunt Pompejani ad *Julianorum* objectum castris suis vallum: simul navibus circum-*grave peri-* vecti milites alterum aggressi sunt. strenue rem utri-*culum.* que gerebant, fossas complebant aggere, scalis admotis superare vallum conabantur: adversus ictus lapidum, quod unum Julianis telum erat, vimineis galearum tegminibus muniti. Lentulus Marcellinus quaefflor cum legione nona hac castrorum parte curabat. Ab hoc auxilio missae cohortes, metu fugientium una ablatae, confarnationem clademque augebant. Foeda ibi caedes et fuga fuit, graviter impulsis Caesarianis. Aquila quoque legionis tantum non in potestatem hostium venit. Sed aquilifer, gravi vulnere adfectus, eam equitibus forte praetervehentibus restituit; ab his ad Caesarem relata est.

XLVIII. Jam et castra Marcellini victor petebat, haud dubio reliquarum ejus cohortium exitio; quum ex superiore loco conspectus cum cohortibus duodecim M. Antonius deterruit hostem, exercitusque magnam partem iterum servavit. Neque multo post Caesar, fumo admonitus, (quem excitari, si qua parte erumperet hostis, praeceperat) cum aliquot cohortibus accurrit. Sed jam disiectae a Pompejanis munitiones erant: iique contra mare (quae ratio pabulationem ipsis liberiores et navium usum maximum praestabat) castra protulerant. Igitur, hac parte nihil tentari posse cernens, ut tamen aliquo detrimento hostem contra adficeret, legionem animadvertit, quae forte, Torquato ducente, in castra quaedam vacua transferebatur. Nam ante aliquammultos dies eo loco Caesaris nona legio tetenderat: postea, mutante consilium Caesare, deducta inde erat, relictis integris munitionibus. Idcirco eas munitiones occupaverat Pompejus,

*Caesar vic-*  
*cissim ali-*  
*quid tentat.*

Cap. XLVI. Vell. 2, 51. Liv. Epit. Caes. Cap. XLVII. Appian. Caes. Cap. XLVIII. Plut. Anton. Caes. Oros. Lucan. Caes.

U. c. 704. et, quia plures ibi locaturus legiones erat, interiori  
A. C. 48. vallo alia castra circumdederat, ut illa priora his omni ex parte includerentur.

*Sed, errore  
quodam suo-  
rum,*

XLIX. Huc Caesar raptim ductis tribus et triginta cohortibus, priusquam sentire Pompejus posset, exterius vallum expugnavit. Et deleri legio potuisset, nisi dextrum Caesaris cornu brachium valli, a castris ad flumen tutioris aquationis causa deductum, fefellisset. Huc enim delati, castrorumque partem putantes, portam quaerebant: donec, animadverso errore, qua proximum erat, nec enim defendebat quisquam, transcenderunt aggerem, eadem etiam sequutis valli proruta parte equitibus. Haec mora Pompejo spatium dedit, re cognita, legionem ab opere deductam subsidio mittendi laborantibus. quo illi conspecto acrius se defendere; contra Caesariani, praesertim equites, in locis angustis et impeditis receptui timentes, cum magna consternatione retrocedere coeperunt.

*In magnum  
discrimen in-  
cidit.*

L. Horum fuga ceteros omnes pavoris et tumultus implevit, ut nihil prohibere Caesaris praesentia posset, quin passim solutis ordinibus palarentur. Quidam signiferi, Caesare signa prehendente manibus, et jubente consistere, dimissis illis, fugere perseverarunt. Tum etiam ipse Caesar in discrimen ingens incidit, quum retinenti aquiliferum quemdam, magnarum virium hominem, ille cuspidem intentaret: sed aquiliferum, qui cum Caesare erant, statim confoderunt. Multos milites hoc gemino proelio desideravit Caesar, tribunos etiam militum et centuriones triginta: signa insuper militaria duodetriginta amissa sunt. Quod nisi Pompejus receptui cecinisset, totum deleri hostium exercitum potuisse adeo certum habetur, ut ipsius Caesaris vox adnotata sit: *ea die summam victoriam penes ad-*

*Pompejus  
occasionem  
victoriae ne-  
gligit.*

*versas partes fuisse, si ducem vincendi gnarum habuissent.* Sed ille, sive quo civibus parceret propria pietate, aut Catonis facto permotus, qui, visa Julianorum strage, flens operto capite discesserat, sive Labieni sententiam sequutus, fugientibus insilit, de cetero non sollicitus. Certe captivos transdidit petenti Labieno: atque ille verbis graviter increpitos in conspectu omnium interfecit.

Cap. L. Sueton. Caes. c. 62. Appian. et Plut. Caes. Caes. Lucan. Plut. Pomp. et Caes. et Apophth. Rom. Appian. Plut. Caes. et Cat. Appian. Caes.

LI. Nihil umquam satis evenire feliciter ignaris utendi hominibus potest. Apparebat, vinci Caesarem posse: sed Pompejani, dimissa victoriae cura, jam de praemio inter se litigabant. Caesarem, super insitum ardorem, ad intendendum praesentibus animum necessitas instigabat. Itaque, consilium mutandum videns, suos idonea oratione consolatur: cladem in paucitatem militum, iniquitatem loci, errorem perturbationemque suorum, denique in Fortunae inconstantiam conferens, aliorum, quae multa fortiter feliciterque recens fecissent, admonet. *Virtute, uti alias, et ad Gergoviam esset factum, sarciri incommodum posse et oportere, quod Fortuna intulisset.*

U. c. 704.  
A. C. 48.

LII. Quum haec dixisset, ignominia notavit signiferos, quorum eminebat culpa, locoque movit: suae potius clementiae, quam voluntati legionum, obsequutus. Tantus enim pudor veteranos ejus intraverat, ut ultro se offerrent poenae, decimarique peterent: deinde, leni responso imperatoris vix adducti ad ignoscendum sibi, perseverarunt ad supplicium postulare signiferos, qui causam initiumque flagitio ei dedissent. Jamque etiam ab dolore pugnam poscentes, quosdam superioris ordinis movebant, ut manendum et acie certandum putarent. Sed Caesar, neque militibus perterritis committendum ratus, neque, donec illi reciperent animum, inopia frumenti dante spatium, discedere loco statuit, et in Thessaliam proficisci, ubi commodiorem bello sperabat regionem fore, expeditis commeatibus per Longinum et Calvisium, qui nonnulla iis locis oppida receperant, adjuvante ex Thessalis Petrejo, summae nobilitatis juvene.

*Caesar in  
Thessaliam  
castra movet.*

LIII. Quum, praemissa trans Genusum amnem majore parte copiarum, Caesar conclamari vasa jussisset, quo simul utilitati, simul famae consuleretur; apud Pompejum sententiis variabatur. Multi, auctore Afranio, Italiam peti, alii bellum trahi volebant. Pompejo neutrum satis probabatur: pro Italia bellum se gerere dicebat, nec oppressurum, quae defensa et servata capiat; neque dandum hosti perterritio spatium. Ergo recedentem ad priora castra Caesarem, quae fuerant contra Asparagium posita, vicissimque inde moven-

*Pompejus  
insequitur.*

Cap. LI. Plut. Pomp. Caes. Cap. LII. Appian. Caes. Dio. Vell. Dio. Caes. Cap. LIII. Appian. Vell. Plut. Pomp. Dio. Lucan. Caes.



U. c. 704. tem, strenue insequutus, postquam adipisci posse de-  
 A. C. 48. speravit, ad Scipionem properare coepit, ei timens,  
 ne ad Caesare opprimeretur. Haec enim ferme sum-  
 ma consilii utrisque erat, ut Caesar, si sequeretur  
 Pompejus, aequioribus locis bellum gesturus videre-  
 tur; sin vero transmitteret in Italiam, eodem per Il-  
 lyricum contendere, postremo, omnibus locis exclu-  
 sus, exercitum, quem Scipio nuper adduxerat, obsi-  
 dendo retrahere Pompejum posse putaret. Pompejus  
 similiter, sive Scipionem aggredi Caesar statuisset, ad  
 auxilium festinabat; sive propter copias, quae ab Ita-  
 lia expectabantur, discedere ab ora maritima nollet,  
 Domitianum exercitum deleri posse rebatur.

*Domitii in-  
 speratum pe-  
 riculum.*

LIV. Quum Caesari necessario prius adeunda Apol-  
 lonia esset, ut saucios deponeret, stipendium militi-  
 bus daret, animosque sociorum alloquio et praesidiis  
 datis firmaret; Pompejus, expedito per Candaviam  
 itinere, prior in Macedoniam venit. Ibi Fortuna, vix  
 quatuor horarum interposito spatio, Domitium et ob-  
 jecit maximo discrimini, et eripuit. Ignarus ille om-  
 nium, (quippe missi ab illo ad Caesarem, aut ad illum  
 a Caesare, propter infesta itinera penetrare nequibant)  
 quum per aliquot dies castra castris Scipionis opposita  
 habuisset, rei frumentariae caussa discesserat: et tum  
 ad Heracleam Sinticam, quae est subjecta Candaviae,  
 iter habens, in ipsum Pompejum incidisset; nisi, quod  
 neque sua diligentia cognoscere, neque doceri a suis par-  
 tibus potuerat, hostium beneficio didicisset. Allobroges,  
 qui cum Roscillo et Aego nuper transfugerant, re-  
 pertis per viam exploratoribus Domitii, sive propter  
 veterem consuetudinem, quod in Gallia una militave-  
 rant, sive gloria elati, omnia exprompserunt. Ita de-  
 flexo itinere Domitius, qua Caesarem venire audive-  
 rat, vitavitque Pompejum, et ad Aeginium cum im-  
 peratore suo conjunctus est.

*Et inspera-  
 ta salus.*

LV. Jam quocumque Caesar adiret, proeliorum  
 Dyrrhachinorum fama praecurrerat. igitur Gomphos  
 venienti, quod primum est contra Epirum Thessaliae  
 oppidum, praetor gentis Androsthenes portas clausit,  
 dimissis ad Pompejum Scipionemque nunciis auxilii ac-  
 celerandi caussa. Sed Caesar edoctos milites, quan-  
 tum ad famam necessitatemque praesentem ea res per-  
 tineret, sic accendit, ut, post horam nonam oppu-  
 gnatione coepta, ante noctem loco potirentur. Quum

Cap. LV. Flor. Dio.

urbs diriperetur, insolitum spectaculum in quadam domo irrumpentium oculos tenuit; senes viginti jacentes in coenaculo cum calicibus, similes ebriis, sed vita casti, sedensque alius gestu praebentis potionem. Nempe nobilissimus quisque, morte asperiora timentes, ad medicum convenerant, eundemque habuerant et ministrum mitioris exitus, et comitem.

U. c. 704.

A. C. 48.

LVI. Caesar, obiter refectis militibus, Metropolis, oppidum et ipsum Thessaliae, contendit ea celebritate, ut famam cladis Gomphensium anteiret. Quasi bacchabundo agmine perventum est, quod miles viro apud Gomphos reperto se ingurgitaverat, Germani ante omnes, vetere gentis et tenaci probro. Sed ea quoque res commodo Caesari cessit. nam et morborum jam inter eos ingravescentium semina largiore vino discussa sunt, et alacritas militum aucta est. Metropolitae, quum ad resistendum se pararent, visis Gomphensium captivis, et cognito, quod acciderat, se protinus potestati fideique Caesaris transdiderunt. Caesar hos diligenter conservavit: brevique rerum earum disperso rumore, Gomphensium malis rebus et Metropolitanarum tolerabilibus omnes permotae civitates ad Caesarem se contulerunt, exceptis Larissensibus, ad quorum urbem Scipio jam accesserat.

*Gomphensium  
et Metropolitanorum  
documentis ceteris  
Thessalis ad  
dedendum se  
Caesari.*

LVII. Paucis post diebus, quum adventu Pompeii in Thessalam duo magni hostium exercitus conjuncti essent, adeo crevit hominum audacia, ut, belli tantum non immemores, id modo cogitarent, qua ratione maximum e victoria fructum pro se quisque perciperent. Igitur jam increpari Pompeii moram quotidianum erat, qui exploratam victoriam non alia causa differret, quam quo diutius talibus viris imperaret. Regem regum Domitius vocabat. et Agamemnonem, quod is quoque, belli causa, pari dignitate praeditis imperarat. M. Favonius per Pompejum stare dictitabat, quo minus eo anno ficus Tusculanas essent. L. Afranius, quem Attius Rufus pretio accepto prodidisse exercitum arguerat, demirari se aiebat, quemadmodum cum licitatore legionum tantus imperator non auderet conflagrare. Sed Pompejus atterendum hostem mora et incommodis recte censuerat: omni

*Pompejani  
moram im-  
peratoris ac-  
cusant.*

Cap. LV. Appian. Cap. LVI. Caes. Appian. Plut. Caes. Caes. Dio. Caes. Cap. LVII. Plut. Lucan. 7, 53. Plut. Pomp. et Caes. Appian. Plut. Caes. Plut. Flor.

U. c. 704. apparatu superior, et ea Juliani militis conditione, ut  
 A. C. 48. adsuatum vincere nulla acies sustineret; defessus ae-  
 tate, frangi laboribus et taedio posset.

*Inter se jam  
 contendunt  
 de praemiis  
 victoriae.*

LVIII. Ceterum reliquorum amentia non sinebat hominem insistere suis consiliis. Amentia enim certe fuit: quum, tanto hoste opposito, Lentulus Spinther, et Scipio, et Domitius, gravissimis inter se contentionibus de pontificatu maximo, quod sacerdotium Caesar gerebat, agitarent: urbanam gratiam Domitio, Lentulo aetatem allegante, Pompeji necessitudinem Scipione, a quo perhonorifice tractabatur: ut alterum ei praetorium tendi Pompejus, et apud illum etiam clasticum cani juberet. Sed et magna fuit in consilio controversia, haberine rationem comitiis praetoriis L. Hirri oporteret, quem ad Parthos legatum Pompejus miserat: quum fidem in id Pompejus dedisset; ceteri negarent, in pari labore et periculo unum anteponendum omnibus esse. Domitius etiam gravem de iis, qui in Italia remanserant, sententiam dixit: *placere sibi, ut de singulis ternae tabellae darentur senatoribus, qui in bello sequuti Pompejum essent, ut de illorum causa cognoscerent. unam fore tabellam, quae omni periculo absolveret; alteram, quae pro hoste habendum censeret; tertiam, quae mul-  
 tandum pecunia.*

*Pompejum  
 cogunt pu-  
 gnare rem  
 committere.*

LIX. Nihil horum latere Caesarem poterat. itaque, simul satis ex priore consternatione suos recepisse visus, non absistebat, quin, copiis quotidie productis, pugnandi faceret potestatem. idque adeo inter initia cautius egerat: deinde confirmatus eo, quod Pompejus suos intra munitiones tenebat, longius a suis castris in loca hosti aequiora degrediebatur. Ea quoque res accendit Pompejanorum animos, qui ferme omnes, quamquam alius alia de causa, cunctationem oderant. At Pompejus hoc ipso argumento abstinendum proelio differebat, quod appareret, id summopere Caesarem, tamquam sibi maxime necessarium, expetere. Postremo, quum neque vincere suorum animos, neque ferre invidiam posset, abjecto salubri consilio, ad pugnam se parare coepit.

LX.

Cap. LVII. Plut. Appian. Cap. LVIII. Juliani Caesares. Plut. et Caes. Cic. ad Att. 11, 6. Caes. Cap. LIX. Appian. Caes. Appian. Plut. Pomp.

LX. Multa tum concurrerunt incitamenta, ut magnam omnes victoriae spem conciperent. fiducia in viribus, in imperatore, in causa: praeterea res duae novae quantivis utique momenti: una, quod Pompejus confirmaverat, priusquam fere ad manus veniretur, exercitum Caesaris in fuga fore, propterea quod equites, quorum multitudine abundabat, sibi recepissent, se dextrum Caesaris cornu statim initio pugnae circumdaturus atque turbaturos esse: altera, quod Labienus, demonstrato, praesentes Caesaris copias magnam partem ex aliis militibus constare, quam qui Gallias subegissent, in caput suum execratus fuerat, si in castra, nisi victor, reverteretur; idque jusjurandum sequuti deinde omnes erant. At Caesar, sive per exploratores re cognita, sive praesagio animi, revocatis tribus legionibus, quas frumentatum emiserat, de media nocte sacra Marti et Veneri Genetrici fecit, quam suae gentis auctorem esse dictitabat; templum quoque eidem vovit ex manubiis.

U. c. 704.  
A. C. 48.  
*Magna spe  
concepta vi-  
ctorias.*

LXI. Quum utrimque sedisset animis pugnandi voluntas, ut ferme in magnarum rerum expectatione miscere se prodigia solent, multa visa aut facta sunt. Victimae in castris Pompeji, quum admoverentur aris, fugerunt: examina apum in militum signis et altaribus sederunt: interdiu fuerunt tenebrae: Pompejus nocte, quae proelium antecessit, per quietem in theatro suo sedere imaginatus est, et maximo populi plausu excipi. Inter haec, castra ejus fulminibus petita sunt: excubias circumeunte Caesare, fax a castris ejus in Pompejana decurrere visa est, atque ibidem extinguui. Nocturni quoque terrores in exercitu Pompeji fuere sub ipsam lucem, auxitque consternationem mane apud principia cum pullo conspectus imperator. Spes tamen praevaluit apud pertaesos morae animos, et ex apparatus magnitudine belli eventum metientes. Igitur et facem, in sua castra delatam, suae claritudinis omen accipiebant, et insomniis Pompeji fidebant. nam is, sopito castrorum tumultu quieti redditus, altissime indormiverat; excitatusque ab amicis, modo se per somnium Romae fanum Veneris Victricis dedicasse juraverat.

*Quam ta-  
men inter-  
pollant pro-  
digia.*

*Somnium  
Pompeji.*

Cap. LX. Lucan. 7, 46. et seq. Caes. Appian. Polyaen. Strat. l. 8. Appian. Cap. LXI. Flor. Lucan. 7, 151. Dio. Jul. Obseq. Val. Max. 1, 6. Plut. Pomp. et Caes. Appian. Flor. Appian. Plut. Appian. Lucan.

*Supplem. Liv. Tom. XIV.*

G

U. c. 704.  
A. C. 48.

*Acies Pompeji.*

**LXII.** At incertus consilii Caesar, et desperato proelio ex superiore consuetudine Pompeji, Scotusam castra moturus erat. Jam detendebantur tabernacula quum Pompejanam aciem longius solito ante vallum progressam relatum est. Igitur expeditum agmen, quod jam in portis erat, cohortatus, prorato vallo, quas hostium castris mox potituros, eduxit statim, hostique processit obviam. Acies utrimque sic ordinata stetit. Sinistro Pompeji cornu, cum duabus legionibus, quae per causam belli Parthici abductas a Caesare diximus ipse cum L. Domitio constitit; Scipioni cum Syriaci legionibus mediam aciem commiserat: cohortes Hispanae, quas secum Afranius deduxerat, cum Ciliciei si legione dextrum cornu obtinebant: hoc erat exercitus Pompejani robur. tironum legiones inter mediam aciem et cornua interjecerat. Quaelibet acies denos intervallos latitudinem ordines habebat. Peditum his omnibus Romanorum quadraginta quinque millia continebantur. Equitatus fere omnis, et quod sagittariorum atque funditorum habebat, in sinistro cornu haud procul Pharsalia locatum est: dextro, quod flumen Enipeus impeditis ripis muniebat, sexcenti sufficere equites visi.

*Acies Caesaris.*

**LXIII.** At Caesar, uti consueverat, legionem decimam in dextro cornu, nonam octavamque in sinistro constituit. Hic Antonium, ibi P. Sullam curare iussit in medio Cn. Domitium cum quadraginta cohortibus ipse in dextro suo cornu versabatur, ut Pompejo se opponeret. Legionarios in aciem deduxit universos sexcentos millia circiter duo et viginti, mille equites. nec enim exspectare militum ardor patiebatur Q. Cornificium qui duas adducebat legiones; aut Fufium Kalenum qui cum cohortibus quindecim erat in Attica. Haec civiles utrimque vires fuere: auxiliorum numerus amplior utique, sed varie traditus. Haud minus trecenta millia pugnasse quidam, qui plurimum, quadragenta ponunt. Sed Caesar, animadverso Pompeji consilio, ne dextrum suum cornu circumveniretur, metuens, ex tertia acie, ubi Domitius curabat, celeriter sex cohortes detraxit, et ex his quartam instruxit in aciem ad res subitas. Ibidem et equites suos locavit quia sinistrum cornu, paludibus applicatum, hoc praeparavit.

Cap. LXII. Caes. Plut. Caes. Caes. Appian. Lucan. Caes. Frontin. 2, 3. Caes. Appian. Frontin. Lucan. Cap. LXIII. Caes. Plut. Anton. et Pomp. et Caes. Caes. Appian. Plut. Caes. Flor. Appian. Caes. Frontin.

sidio indigebat minus, et delectos pedites, Germanos maxime, qui proeliari inter equites consueverant.

U. c. 704.  
A. C. 48.

LXIV. His rebus utrimque paratis, cohortandi suos materies imperatoribus minime defuit: vix enim umquam tantis rebus gestis, tantaque belli gloria par aliud concurrit nobilius. Pompejus primae aetatis decora et triumphalem adolescentiam Africanis Hispanisque bellis praefererat: inde maximos reges, ferocissimas gentes domitas, et orientem adiectum imperio, Romanique populi vires unius ductu atque una expeditione duplicatas. Neque minoris erat ex parte Caesaris recens Britanniae Galliarumque devictarum gloria: quarum nationum altera prorsus inaccessa atque incognita majoribus, altera maximo perpetuoque terrori fuisset: et eadem adhuc arma, eadem corpora retinebat, quibus tantae patratae res fuerant.

*Imperatorum comparatio.*

LXV. Steterunt tamen aliquamdiu quietae acies, mutuo metu, an quia quantumvis atroces animos pudor et taedium fundendi cognatum sanguinem invaserat. Tandem pugna coepit a Crastini centurionis impetu, qui concionanti Caesari futurum receperat, ut se aut vivum laudaret imperator, aut mortuum. Spatium erat inter duas acies, quod utrimque sufficeret concursuris: sed consilio C. Triarii Pompejus immotos tenuit suos; rem minime probatam Caesari, qui vires alacritatemque militum valde incitari cursu iudicabat. At Juliani coeptum cursum, postquam adversarios stare viderunt, parumper intermiserunt: deinde iterum concitati pila miserunt in hostem, gladiosque celeriter strinxerunt. Idem et ab Pompejanis factum: eodemque tempore horum equites et levia arma Caesaris dextrum cornu coeperunt impellere, quia Juliani, tot partibus pauciores, tantam procellam sustinere non poterant.

*Crastinus committit pugnam.*

LXVI. Igitur quartam suam aciem excitat Caesar, eaque tam vehementem facit in effusos impetum, ut protinus terga vertant Pompejani equites. Nam ex praecepto Caesaris ora hostium oculosque petens miles, aversa facie cedere coëgit. Et hoc ita futurum Caesar, atque hinc initium fore victoriae, pro sum-

*Pompejani vincuntur.*

Cap. LXIII. Flor. Cap. LXIV. Dio. Cap. LXV. Appian. Dio. Caes. Flor. Lucan. Appian. Plut. Pomp. et Caes. Caes. Cap. LXVI. Oros. Flor. Frontin. 4, 7. Plut. Appian.

U. c. 704. mo, quem habebat, rei militaris usu, praedixerat  
 A. C. 48. Funditores et sagittarii, ab equitatu destituti, extem-  
 plo circumventi caesique sunt. Pompejus, victa par-  
 te suorum, in qua plurimum fiducia collocaverat  
 damnare spes suas coepit, acieque relicta fugere. Tum  
 vero, caesis fugatisve ducibus, nulli rei, praeterquam  
 turbando invicem, idonea copiarum magnitudo ad sa-  
 tietatem hostis caesa est: donec misertus Caesar par-  
 civibus jussit. Hoc imperio per ordines vulgato, mi-  
 lites, uti cui Romano occurrerant, stare securum jus-  
 serunt: in auxilia tota belli ira incubuit, eorumque  
 ingens concisa multitudo est.

*Castra ex-  
 pugnatur.*

LXVII. Caesar, quamquam fatigatus proelio mile-  
 aestu quoque aggravabatur, (nam ad meridiem extracta  
 pugna erat) tamen monendo, ni castra hostium expu-  
 gnentur, imperfectam victoriam relinqui, perpulit  
 ut eodem impetu vallo hostium succederent. nam, su-  
 per auctoritatem imperatoris et elatos successu animos  
 praeda castrorum, quam sciebant amplissimam fore, in-  
 cendebantur. Castra, aliquamdiu a Thracibus magis  
 quam a Romanis, (cohortes septem castris castellisque  
 praesidio Pompejus reliquerat) defensa, venerunt in  
 potestatem victoris. Tum vero Pompejum, qui hacte-  
 nus in praetorio sederat tacitus, haec verba loquutum  
*Etiamne in castra?* mutato habitu fugisse tradunt. Inter  
 im et castella, deditibus, qui tenuerant, a P. Sull-  
 capta sunt. Caesar adhuc impetravit a suis, ut, re-  
 licta praeda, novum insuper laborem susciperent, ex-  
 pugnandis Pompejanis, qui e castris refugerant in pro-  
 ximum montem, et, quia locus aquae erat inops, ju-  
 gis ejus Larissam versus se recipiebant. Id quoque  
 eadem die perfectum est, quamquam et passuum ali-  
 quot emetienda millia, et praeterea muniendo seclu-  
 dendus a monte alio, quem hostes ceperant, fluvius  
 fuit. tanta erat et imperatoris illius, et exercitus  
 tamque invicta armis et laboribus alacritas.

*Caesaris  
 clementia.*

LXVIII. At Caesar, sicut praedixerat, in castri  
 hostium exacta nocte, captis deditisque omnibus igno-  
 vit, maxime laetus M. Bruto Caepione servato, a quo  
 postea interfectus est. Is a Larissa, quo se contulerat

Cap. LXVI. Lucan. Caes. Flor. Caes. Plut. Flor. Lucan.  
 Flor. Appian. Vell. 2, 52. Sueton. Caes. c. 75. Cap. LXVI.  
 Appian. Caes. Plut. Appian. Caes. Cap. LXVIII. Appian.  
 Liv. Epit. Plut. Caes. et Brut.

ex fuga, scripsit ad Caesarem, cupidissimeque susceptus est. Sed et singulis amicorum potestatem fecit, unius, quem quisque vellet, adversae partis servandi. Literas ad Pompejum a multis scriptas, atque inter praedam repertas, statim cremavit; ne forte, deprehensis quorundam consiliis, irasci pluribus, quam statuisset, cogeretur. In summa moderationem et clementiam plane singularem atque admirabilem exhibuit in omnibus.

U. e. 704.  
A. C. 48.

**LXIX.** Haec est nobilis illa Pharsalica pugna, quae jam aperte libertatem populi Romani subruit, uniusque omnes subiecit potestati. Caesar haud amplius ducentos, aut, secundum alios, mille ducentos amisit milites; sed centuriones, viros fortes, circiter triginta. Ipse, militis simul imperatorisque partibus omnibus strenue obitis, praecipuam victoriae suae laudem retulit: inter legiones decumanorum maxima exstitit virtus: sed singulorum ante Crastinum nemo fuit. Idcirco cadaver ejus (nam, adacto in os gladio, post ferocissimam pugnam ceciderat) militaribus donis ornatum Caesar proprio sepulcro inferendum curavit, quam ceteri uno communi tumulo humarentur.

*Praecipua  
virtus in  
proelio.*

**LXX.** De Pompejanis circiter millia quindecim cecidisse, Caesar adfirmat; qui magis augment, viginti quinque millia: sed Asinius Pollio, qui rerum istarum historiam Graeco sermone contexuit, sex omnino millia militum occisa tradidit; reliquam multitudinem servorum fuisse, interfectorum maxime, dum castra caeperantur. dedita sunt amplius millia viginti quatuor, quae ferme apud victorem sacramento dixerunt. Equites Romani quadraginta caesi sunt, de illustribus: senatores decem: in quibus L. Domitium, ex castris in montana fugientem, Antonius cum equitibus suis occupavit. Signa militaria ad Caesarem relata sunt centum octoginta, aquilae novem.

*Caesarum  
numerus.*

**LXXI.** Haec victoria Caesaris, qua pugnatum est in remotissimis terrarum nunciata est. Nam et crepitus armorum pugnantiumque tumultus quum aliorum locorum auditus est, tum Antiochiae in Syria bis:

*Victoria  
Caesaris in  
remotissimis  
terris prodigiose nunciatur.*

Cap. LXVIII. Dio. Vell. Sueton. Caes. 75. Dio. Plin. 7, 2. Dio. Sen. de Ira, 2, 23. Cap. LXIX. Lucan. Caes. Appian. Flor. Appian. Caes. Plut. Cass. Flor. Appian. Cap. LXX. Caes. Appian. Plut. Caes. Dio. Appian. Caes. Cic. Phil. 2, 29. Caes. Cap. LXXI. Dio. Plut. Jul. Obseq.



U. c. 704. idemque accidit Ptolemaïde: et Trallibus ad statua  
 A. C. 48. Caesaris, quae dedicata in fano Victoriae fuerat, ne  
 ex humo, sed ex duro et strato silicibus solo, palmi  
 magnitudine matura enata est: et Pergami, in templo  
 Liberi Patris, in interiore parte aedis, quo praeter  
 sacerdotes aditus est nemini, tympanorum cymbalorum  
 que sonitus increpuit. Elide in templo Minervae  
 mulacrum Victoriae, quod Minervae signo obversum  
 fuerat, se convertit, valvasque templi respexit.

*C. Cornelius  
 augur Patavii  
 videt  
 Pharsalicam  
 pugnam.*

LXXII. Sed nihil expressius, quam quod e mun-  
 cipe et familiari suo C. Cornelio auditum Livius tra-  
 didit. Is forte sacerdos Patavii tum operam auguri  
 dabat: quum, visis avibus nonnullis, vaticinantis i-  
 modum, proelium committi confirmare praesentibus  
 coepit: idemque post paullo videre cedentes alios  
 alios urgentes, variamque fortunam et instaurationem  
 pugnae: tandem exsiliens exclamavit, *Vincis, Caesar*  
*mirantibusque et fidem adhibere cunctatis, dempta de*  
*capite corona, Hanc, inquit, non ante resumam, quam*  
*certain nunciis comprobata praedictio testimonium praebuerit armis.*  
 Et tam exacte responderunt omnia, ut non modo pro-  
 lii tempus, sed omnem vicissitudinem pugnandi, va-  
 ticanantis vocibus et motu expressam fuisse constaret

Cap. LXXII. Plut. A. Gell. 15, 18. Dio. Jul. Obseq. L  
 can. 7, 192.

# EPITOME

## LIBRI CENTESIMI DUODECIMI

*Trepidatio victarum partium in diversas orbis terrarum partes et fuga referuntur. Cn. Pompejus, quum Aegyptum petisset, jussu Ptolemaei regis pupilli, auctore Theodoto praeceptore, cujus magna apud regem auctoritas erat, et Pothino, occisus est*

*Trepidatio victarum partium per diversas orbis terrarum partes* Gudiani in *diversas*. Forte, ut apud Sall. Jugurth. [67.] *trepidare ad arcem oppidi*. J. FR. GRON. *Trepidantium victarum partium* Leid. *Trepidantia victarum partium* Voss. Berg. Lovel. 2. et Boend. *Trepidatio victorum partium* Exc. Pithoei. Dein in *diversas orbis terrarum partes* Leid. Berg. Lov. 2. et Exc. Pithoei: quod recte Gronov. non displicuit; quamvis huc male advocarit locum Sallustii, ut Corneiius ad eum monuit. *Trepidare* hic est huc illuc discurrere cum tumultu. Et quidem *trepidabant in varias partes*, id est, trepidationis causa erat, ut varias partes adirent, in quibus se tutas latebras, et rei restituendae facultatem habituros sperabant. Si tamen codd. permitterent, una particula trajecta legerem, *Trepidatio victarum partium et in diversas orbis terrarum partes fuga referuntur*. Ceterum refertur, pro *referuntur*, Leid. Voss. Berg. et Lov. 2.

Auctore Theodora praeceptore] Vet. lib. Theodoto. Plutarchus, Dio, et caeteri Θεόδωρον. SIGON. et auctore Norv. et edd. ante Frobenium, qui primus copulam omisit. Eandem ignorant.

Leid. Voss. Berg. Lov. 2. Boend. et Exc. Pithoei: at tutore, pro auctore, legit Lov. 2. Tum Theodoro Voss. Lov. 2. Boend. Exc. Pithoei, et Norv. Theodoto Leid. et Berg. De eo vide viros doctos ad Flori 4, 2, 60. Nomina haec propria similiter confunduntur supra in Mltis 24, 5, 10. Praeterea praeceptore suo Leid. at paullo ante pupilli sui in Exc. Pithoei fuisse, auctor est Hearnius.

*Cujus apud regem maxima erat auctoritas* Gudiani et Voss. *cujus magna apud regem auctoritas erat*. J. FR. GRON. Vulgato adhaerere Exc. Pithoei, et Norv. Hearne testatur. Sed quovis magna auctoritas erat Berg. *cujus apud regem magna erat auctoritas* Boend. et ed. Camp. *cui a rege magna auctoritas erat* Voss. *cujus magna apud regem auctoritas erat* Leid. et Lovel. 2. Omnes igitur nostri in magna, pro maxima, consentiunt. V. ad Epit. 50. et mox haec epit.

Et Photino, occisus est ab Achilla, cui id facinus erat delegatum] Est obivus error librorum in scriptoribus Latinis, pro Pothinus: nam Graecis est Ποθίνος. Vide Oudendorp. ad Caes. 3. B. Civ. 108. DUK. Licet

ab Achilla, cui id facinus erat delegatum, in navicula, antequam in terram exiret. Cornelia uxor et Sex. Pompejus filius Cypron refugerunt. Caesar, post tertium diem insecutus, quum ei Theodotus caput Pompeji et annulum obtulisset, et infensus est, et inlacrimavit. sine periculo Alexandriam tumultuantem intravit. Caesar, dictator creatus, Cleopa-

omnes nostri Photino, vel Fotino praeferant, cum Exc. tamen Pithoei scribendum est *Pothino*. Et ita Gronov. anno 1665. quem ex recentioribus minor Jac. Gronovii editio, Doujatius, Clericus, et Crevierius secuti sunt. Vide Grotium et Oudend. ad Lucani 8, 483. Praeterea perperam *Archelao* Leid. Voss. Berg. Lovel. 2. Boend. Exc. Pithoei, et edd. vett. *Herchelao* ed. Camp. Tum cui delegatum id facinus erat Exc. Pithoei, Norv. et edd. ante Gruterum, qui cui delegatum id erat facinus substituit; Gronovius cui id facinus erat delegatum, consentientibus omnibus nostris membranarum cum ed. Campani. Mox in terram veniret Boend. et ed. Camp.

*Cornelia uxor et Sex. Pompejus filius in Cyprum refugerunt*] Voss. et Gudiani, ut diximus, *filius Cypron refugerunt*. J. FR. GRON. *Cyprum refugerunt* Berg. Boend. Norv. ed. Camp. et, teste Hearnio, Rom. princeps. Omnes reliqui excusi ante Gronov. in *Cyprum*, quod Hearnius etiam in Exc. Pithoei invenit. Sed *Cypron refugerunt* Leid. et Lov. 2. de terminatione Graeca *Cypron* vide ad Epit. 52. de omissa praepositione ad Epit. 59. Insuper et *Sex. Pompeji filius* Voss. et Boend. et *Sex. Pompejus Pompeji filius*, Berg. Verum, qui filium ex nomine pater-

no describunt, ad id adhibent praenomen patris, vel ejus cognomen, non autem nomen gentile, de quo dubitari nequit. V. ad Livii 3, 25, 3. et 4, 45, 5. Id si auctor Epitomes hic facere voluisset, dicere debuisset et *Sex. Pompejus Magni filius*, ut infra Epit. 113.

*Post tertium diem insecutus, quum ei Theodotus caput Pompeji et annulum obtulisset*] An post tertium diem a nece Pompeji? Hoc quidem postulant ea, quae proxime praecedunt; sed nusquam proditum opinor. Appian. 2. Civ. 483. scribit, Caesarem tribus diebus ab Rhodo Alexandriam pervectum fuisse. De eo Livius quoque forsitan aliquid dixerat. DUK. *post tertiam diem* Voss. Boend. et edd. Camp. Rom. anni 1472. ac Parm. Sed reliqui tertium defendunt; quomodo ipsum Livium maluisse vidimus ad 8, 11, 15. Dein quum ei Caesaris Voss. Sed ultima vox est librarii pannus. Tum et annulum omittit idem Voss. Male. Caput enim Pompeji et annulum Caesari oblatum simul memorant Plut. in Pomp. 661. in Caes. 730. Dio Cass. 42, 189. Oros. 6, 15. Eutrop. 6, 21. et alii.

*Et infensus est, et inlacrimavit, sine periculo Alexandriam tumultuantem intravit*] Lege et *offensus est, et illacrimavit, nec sine periculo Alexandriam tumultuantem in-*

*tram in regnum Aegypti reduxit, et inferentem bellum iisdem auctoribus Ptolemaeum, quibus Pompejum interfecerat, cum magno suo discrimine vicit. Ptolemaeus dum fugit, in Nilo navicula subsedit. Praeterea laboriosum M. Catonis in Africa per deserta cum legionibus iter, et bellum a Cn. Domitio contra Pharnacem parum prospere gestum continet.*

*travit. J. FR. GRONOVIIUS.* Ἀσύνδετον scabram reddit orationem. Manifestum est e Dione 42, 189. certam esse conjecturam Gronovii, inferentis nec. DUK. Vocula et priori loco deest in omaibus Mssis meis, Exc. Pithoei, Norv. et excusis ante Gruterum; qui contextui immisit, quemadmodum Clericus utramque Gronovii conjecturam, *offensus pro infensus*, et insertionem particulae negantis nec. Ambas etiam probavit Crevierius, consultius tamen non adscivit.

*Iisdem auctoribus Ptolemaeum, quibus Pompejum interfecerat, cum maximo suo discrimine vicit Ptolemaeum iisdem auctoribus Berg.* Lov. 2. et ed. Camp. Vocem *Ptolemaeum* non agnoscit Voss. et insuper legit *qui Pompejum interfecerant*. Deinde magno, pro maximo, Leid. Voss. Berg. Lov. 2. Boend. et ed. Camp. Vide supra hac Epit. Ad haec pronomen suo omittunt Voss. et Berg. quod tamen servandum est; quia Caesar eo tempore non tantum magno partium discrimine vicit, sed ipse etiam praesentissimum vitae periculum adiit; quod auctor B. Alex. cap. 21. aliique describunt. Deinde *evicit* Berg. Lov. 2. et Exc. Pithoei: sed prima litera ejus vocis perperam ex praecedentis fine repetita est. V. ad 37, 29, 8.

*In Nilo navicula subsedit]* Vox *navicula* deest in Boend. *consedit* legit ed. Campani. Male. *subsidiere* enim dicuntur, quae fundum petunt. Colum. 12, 19. *Quidquid fecis subsederit, exagitet, et in summum reducat.* Mox in *Africam* etc. iter perperam iterum Boend. et ed. Camp. Non enim indicatur iter Catonis versus Africam, sed potius per eam.

*Bellum a Cn. Domitio contra Pharnacem Parthum prospere gestum continet]* Domitius hic legatus Caesaris cum Pharnace Ponti rege male rem gessit. Ex quo apparet, legendum esse *contra Pharnacem parum prospere*. Ita enim Appian. lib. 2, [484.] Φαρνάκης Δομίτιω Καίσαρος στρατηγῷ συνεχθεῖς ἐς μάχην ἐνενίκηε πᾶν λαμπρῶς. Et Dio. lib. 42, [206.] Καίσαρ Γνατον Δομίτιον Καλονῖνον ἐπεμψε, τὴν τε Ἀσίαν οἱ καὶ τὰ ἐκεῖσε στρατόπεδα προστάξας λαβεῖν. καὶ ὁ τὸν Δηϊόταρον καὶ τὸν Ἀριοβαρζάνην προσλαβὼν ἤλασεν ἐνδύς ἐπὶ τὸν Φαρνάκην, καὶ συμβαλὼν ἠττήθη. SIGON. *bellum Cn. Domitio sine praepositione* Voss. Lovel. 2. et Exc. Pithoei. Tum *adversus*, pro *contra*, Leid. Voss. Berg. Lovel. 2. Boend. et ed. Camp. Vide ad Epit. 57. Dein *parum prospere* omnes scripti nostri, Exc. Pithoei, et ed. Camp.

# JOHANNIS FREINSHEMII

## SUPPLEMENTORUM LIVIANORUM LIBER LXXVII.

### IN LOCUM LIBRI CXII. T. LIVII.

U. c. 704. I. Cognitam celeriter Pompeji cladem, nec enim  
A. C. 48. celari res tanta poterat, passim trepidatio et fuga par-  
*Cicero, re-* tium excepit. Primi, nam et proxime aberant, rem  
*lictus Dyr-* didicere, qui Dyrrhachii remanserant in prioribus ca-  
*rhachii,* stris. quorum et M. Cicero fuit, vir nihil minus quam  
ad bella natus; et jam inde a principio Caesaris caus-  
sam, Pompeji consilia damnando, neutris partibus uti-  
lis, et molestior, quibus accesserat. Nec enim absti-  
nebat acerbis facetiis sensus suos proderet; *habere,*  
*quem fugiat,* dictitans, *quem sequatur, non habere.* Sed  
et, quum ad Pompejum accederet, dicentibus *sevo cum*  
*venisse;* Nihil, inquit, *paratum video.* Igitur neque usus  
eo Pompejus est, et aliquando dixisse dicitur: *Cupio,*  
*ad hostes transeat Cicero, ut nos timeat.* Quo facilius,  
quum a Dyrrhachio Pompejus moveret, hic et relictus  
est, et mansit, praesertim quum accessisset corporis  
infirmitas.

*Bellum sua-* II. Sed, postquam ex proelio Pharsalico Labienus  
*dentibus ad-* Dyrrhachium refugit, consiliumque vocavit Cato, di-  
*versatur.* versae praesentium sententiae fuerunt. Multis adhuc  
bellum placebat, quia Labienus, vera falsis miscendo,  
Caesaris gravi vulnere fortunam partium aequatam  
fuisse confirmarat. Et conquirebantur alia inlandis  
animis. superesse septem aquilas Nonius dicebat:  
Pompejo victoriam deberi Labienus, nescio quorum  
numinum oraculis. His quoque dicta reposuit Cice-  
ro: Nonio, *recte eum confidere, si pugnandum sit cum gra-*  
*culis:* Labieno, *hoc strategemate jam amissa castra esse.*

Cap. I. Liv. Epit. Plut. Cat. Plut. Cic. Liv. Epit. 111. Cic.  
Philipp. 2, 15. et ad Att. 11, 4. Plut. Cic. Macrob. Sat. 2, 3.  
Cic. ad Att. 8, 7. Macrob. Cap. II. Cic. ad Fam. 9, 18. et  
ad Att. 11, 4. Plut. Cic. de Divin. 1, 32. Dio, l. 42. Frontin.  
Strat. 2, 7. Plut.

III. Catoni haec animo sententia sederat, ut, si quidem Pompejus cecidisset, transportatis in Italiam, quos secum habebat, patriaeque restitutis, ipse exsulatum proficisceretur quolibet: superanti autem copias ab eo acceptas cum fide servaret. Hoc animo navigavit Corcyram, ubi classis stabat. Erat omnino fugae similis profectio. igitur et frumentum ex horreis raptum vias angiportusque constraverat: et, quia non modo jam hostis, sed suae quoque copiae terrori Pompejanis erant, subito metu perterriti conscenderunt naves. Nec iniustus ille timor fuit. nam noctu ad oppidum ex cursu respicientibus, magnum incendium reluxit, flagrantibus onerariis, militum audacia, nolentium conscendere. Tum et Rhodia classis deseruit socios, domumque discessit.

U. e. 704.  
A. C. 48.  
*Catonis  
consilium.*

IV. Haec omnia paucis ante diebus Rhodiae quinquereimis remigem, velut numine adflatum, praedixisse, C. Coponius, qui ei classi praeerat, homo cum primis prudens atque doctus, tribus facile doctissimis Romanorum, M. Tullio, M. Catoni, M. Terentio Varro exponerat. Hoc ita ab ipso Cicerone narratum, non poetarum modo, sed etiam Graecorum fabulas, qui revixisse hominem et a morte vaticinatum finxerunt, evidenter coarguit.

*Rhodii remigis vaticinatio.*

V. Corcyrae quum iterum de praesentibus esset deliberatum, Cato, numquam non observans legum, Ciceroni se cedere professus est, quod ille consulari dignitate anteibat. At Cicero, qui semper pacis auctor fuerat, et omne fugerat belli munus, tantum ab accipiendi imperio abfuit, ut potius armorum non deponendorum, sed abjiciendorum, suasor esset. Ibi gravis enim excepit Pompejanorum indignatio, fuissetque a Cnaeo interfectus, ni Cato seductum paullisper adolescentem lenivisset. ita navigio accepto Brundisium vectus, eo in oppido Caesaris tempora exspectabat. Interea loci et D. Laelius, qui objectam Brundisio insulam, quam antea Libo tenuerat, consilio pari, pervicacia majore insidebat, et C. Cassius, multis Julianis in Sicilia concrematis navibus, postquam acceperant de proelio, cum classe discesserunt.

*Cicero  
Brundisium  
revertitur.*

Cap. III. Plut. Cat. Lucan. 9, 30. Dio, l. 42. Appian. Civil. l. 2. Cic. de Divin. 1, 32. Cap. IV. et 2, 55. Cap. V. Plut. Cic. et Cat. Cic. pro Dejot. c. 10. et ad Att. 11, 4. Plut. Cic. et Cat. Oass. Civil. 3.

U. c. 704.  
A. C. 48.  
*Pompejanorum varia  
consilia.*

VI. Neque piget principum virorum, etiam singulorum, consilia referre et fata. Duo ferme genera erant universim. qui Caesaris clementia fidere poterant, ubivis locorum subsistebant, donec per deprecatores, quid fieri ille vellet, comperirent: ceteri, quibus nimia odia quidlibet tutius, quam Caesaris arbitrium, fecerant, ubilibet terrarum rebellionem meditabantur. Q. Cicero filius, quum Corcyra discederetur, Patras venit, ubi pater ejus tum agebat: qui una cum multis aliis senatoribus ad Fufium Kalenum se contulit, quem a Caesare missum fuisse in Achajam praediximus. Ex eo numero Ser. Sulpicius, A. Torquatus, M. Marcellus Athenis substituerunt: in Bithyniam se T. Antistius ad hominem familiarem A. Plautium recepit, pluresque alii per diversas Asiae provincias victoris clementiam exspectarunt. Atque his omnibus ocus serius, ut cuique sors fuit, ignovit Caesar; quorumdam etiam opera deinceps usus est, magistratusque iis et provincias dedit. At, quibus renovare bellum placuit, partim in ipso conatu extincti sunt, plerique in Africam se contulerunt.

*Pompeji  
fuga.*

VII. Pompejus, uti diximus, e castris suis equo fugiens, Larissam; inde per Thessalica Tempe, etiam per noctem continuato cursu, cum equitibus triginta ad mare venit. Ibi consenso parvo et fluviatili navigio paullum provectus, in ostio Penei amnis onerariam conspexit praevehentem, agnitusque a domino navis, tum maxime somnium suum exponente vectoribus, susceptus est. Quippe per quietem Pompejum, longe dispari, quam esse consueverat, cultu opem suam exposcentem, viderat. Transcenderunt cum eo L. Lentulus, qui superiore anno consul fuerat, et P. Lentulus consularis, et M. Favonius praetorius. deinde et regem Dejotarum, equo properantem ad litus conspicati, recepere.

VIII. Inde per Thermaicum sinum, et deinceps praeter Macedoniam vecti, ad Amphipolim jecerunt anchoram: quam ad urbem edicto convenire juniores Graecos civesque Romanos jusserat, reparandarum virium ergo, si spatium habuisset; an magis, ut fuga, quam

Cap. VI. Dio. Appian. Cic. ad Att. 11, 5. et 15. Supra, 111, 42. Cic. ad Fam. 6, 1. et 4, 12. et 13, 29. et alibi passim. Sueton. Caes. 75. Cap. VII. Flor. 4, 2. Lucan. 8, 1. Plut. Pomp. Appian. Caes. Plut. Oros. 6, 15. Plut. Vell. 2, 53. Plut. Cap. VIII. Caes. Appian. Lucan.

moliebatur, tanto esset occultior. Certe, Caesaris adventu cognito, Lesbum transmisit, ubi initio belli Corneliam conjugem seposuerat. Invitantibus in urbem suam Mitylenaeis, atque offerentibus omnia, non paruit; sed, recepta Cornelia rebusque ejus, biduum tantummodo moratus per tempestatem, quatuor additis actuariis, quae a Rhodiis et Tyro venerant, in Ciliciam avectus est. Eo in cursu et Sextus filius eum adsequutus est, et magnus numerus senatorum: et na-  
ves quaedam cum militibus ex Cilicia occurrerunt.

U. e. 704.  
A. C. 48.

IX. Exposito igitur Dejotaro, qui ultimum orientem in auxilium Pompeji commoveret, ipse praeter Ephesum, et Colophonem, interjacentesque insulas, Rhodum petiit. Rhodii, postquam alius esse jam coeperat Pompejus, adversus illum iidem esse desierant. igitur oppido portuque prohibitum, missis ad eum et Lentulos nunciis, ex iis locis discedere jusserunt. Primam urbium, nusquam prius ausi consilere, Attaliam inierunt in Pamphylia: quum jam recollecti ex fuga senatores circiter sexaginta essent. Deinde, quia Pompejus commodos aquationi rebusque necessariis portus, simulque remotiores abstrusioresque sequebatur, Syedra concessit, desertum Isauriae scopulum, quod navale Selinuntiorum erat.

*Rhodii  
Pompejum  
discedere  
jubeant.*

X. Ibi demum celatum hactenus consilium nudare coepit, se, diffisum provinciis omnibus, externas opes quaerere. Quum in aestimationem omnia circum regna venissent, ad Parthum inclinabat sententia. sed hic, amicitia Pompeji rejecta nuper, etiam legatos ab eo missos habuerat in vinculis: praeterea ad interfectores Crassorum Corneliam adduci, quae nupta Publio fuerat, et ad projectissimos in libidinem, juvenem formosam, alienum videbatur. Jubam, fidissimum partibus regem, peti vetabat insolentia barbari, et in Varo populi Romani despecta majestas, et levitas insita genti. In Aegypto rege aetas maxime displicebat, et quod tredecim annorum puer a nutriciis et paedagogis regebatur.

*Pompejus  
externas opes  
respicit.*

XI. At Theophanes, quo plurimum Pompejus uti consueverat, insanum esse rebatur, si de alio ullo potius,

*Theophanes  
Aegyptum  
peti jubet.*

Cap. VIII. Dio. Plut. Lucan. Caes. Appian. Lucan. Plut. Cap. IX. Lucan. Cic. ad Fam. 12, 14. Caes. Plut. Lucan. Flor. Lucan. Stephan. Cap. X. Appian. Plut. Lucan. Dio. Plut. Lucan. Appian. Justin. 41, 3. Vell. 2, 53. Lucan. Appian. Cap. XI. Plut.



U. c. 764. *quam Aegypti rege, cogizaretur. Illum ea aetate esse, ut scire*  
 A. C. 48. *beneficia patri a Pompejo praestita, et intelligere possit: praeter*  
*erea reverentiam ei fore dati ab senatu tutoris. Neque puer-*  
*ritiam ejus metuendam. adultos et usu tritos ex praesenti bo-*  
*minum fortuna favorem et odia temperare; adolescentibus bo-*  
*nesta placere etiam cum periculo. Hac probata sententia,*  
*Cyprum tendunt. Ibi cognoscunt, Antiochiensium ci-*  
*viumque Romanorum, qui ibi negotiarentur, consen-*  
*su arceri finibus Pompejanos; nunciis etiam dimissis*  
*in vicinas civitates, ne quis ex eo genere Antiochiam adiret;*  
*qui fecisset, magno capitis periculo facturum.*

*Pompeji*  
*duo gravissi-*  
*mi errores.*

XII. Haec adversa demum gravissimos duos errores deplorandi serum Pompejo sensum attulerunt; unum, quod procul mari, qua parte virium firmissimus fuerat, conflixisset: alterum, quod fugam potius intendisset haec in loca, quam ad classem suam et exercitum, quem duce Catone jam in Africam pervenisse rumor ferebat. Sed, inopinato proelii eventu semel perturbatus, neque confirmare animum tam vetus imperator, neque providere, quid in rem esset, ulla ex parte potuit: saepe querens, tantum se fuisse falsum opinione, ut, a quo genere hominum victoriam speravisset, inde sibi evatum cladis initium fuerit. Igitur, contracta, quanta poterat, pecunia, armatisque hominum duobus millibus, cum uxore triremem Seleucidem conscendit. reliqui partim longis navibus, alii onerariis sunt sequuti.

*Ejus pro-*  
*fectio in Ae-*  
*gyptum.*

XIII. Hoc modo Pelusium perventum: ubi tum magnae copiae Ptolemaei regis erant, bellum gerentis cum sorore Cleopatra, cujus castra nec longe ab regiis aberant. Pompejus, id, quod erat, conjectans, certum hominem misit, demisse petens, ut sibi tutum apud regem perfugium esset. Ipse, dum tutores pueri, coacto consilio, de praesentibus deliberant, in navi sollicitus opperiebatur, quid de se Pothinus spado, (hi erant capita rerum) et Aegyptius Achilles, et praceptor pueri Theodotus Samius decreissent: princeps Romani nominis, et qui beneficio Caesaris servari miserum et deforme exiliumaret.

*Theodotus*  
*Pompeji mor-*  
*tem suadet.*

XIV. Quum aliis recipiendum, aliis contra videretur; Theodotus, forte cupiens ostendere facundiam,

Cap. XI. Supra, 111, 8. Lucan. Caes. Cap. XII. Plut. Appian. Civil. 2. p. 472. Plut. Dio. Caes. Plut. Cap. XIII. Caes. Appian. Plut. Caes. Dio. Plut. Appian. Plut. Cap. XIV. Lucan. Plut.

erat enim professione rhetor, *neutrū consilium salubre esse, differuit: altera sententia dominum Aegyptō, et bellum cum Caesare recipi: altera offendi Pompejum, nec iniuri gratiam ab Caesare. nihil melius, quam morte viri formidinem ab ipso tollere, simulque demereri eum, qui rerum potiretur.* Adjecisse et proverbio jactatam vocem dicitur, *mortuos non mordere.* U. c. 704. A. C. 48.

XV. Haec ubi placuere omnibus, Achillae negotium permittitur, homini singularis audaciae. atque is cum parvula navicula ad Pompejum accedit; litus excusans, quod vadosum et infidum majora navigia non pateretur. Minime placebat ea res amicis, qui prius expectassent, ut ipse rex cum illustri comitatu procederet obviam: et ipse Pompejus praesagium animi Sophocleo carmine fatebatur, quod *ex liberis servos fieri dicit, quotquot tyrannorum adierint domos.* Cum hoc dicto descendit in naviculam, cum duobus tantum centurionibus, libertorumque et servorum singulis, ubi conspecto L. Septimio, qui bello praedonum apud se ordinem duxerat, deinde cum Gabinio profectus Alexandriam, tribunum militum agebat; *Te quidem berce, inquit, novi, commisit.* Atque is, nullo responso dato, capite tantum annuit. *Achillas ad interficiendum cum mittitur.*

XVI. Inter haec adpropinquabat litori, et motus in terra exercitus, conspectaque in agmine regis purpurea, spem Corneliae ceterisque dabat, benigne receptum iri: quum adsurgentem a L. Septimio primum, deinde ab Achilla percuti vident. Id spectaculum, tam necopinatum et atrox, tantum excitavit in navibus luctum, ut gemitus fletusque in litore exaudirentur. Jamque et triremes complebantur, quae ceteras quoque Pompeji naves comprehenderent: sed illas prope vulsis anchoralibus favens a terra ventus Cyprum retulit; Aegyptii a vano persequendi incepto destiterunt. pars tamen navium capta direptaque: et in his Q. Pompejus A. F. Bithynicus occisus. *Pompejus occiditur.*

XVII. Sic Magnus ille Pompejus, in conspectu conjugis liberorumque caesus, inter imbecillitatis humanae illustrissima documenta memoratur. Quum non Romae modo, sed ubivis ferme terrarum, perpetuo tenore felicitatis principem locum diutissime tenuisset; *Magna fortunae mutatio.*

Cap. XV. Caes. Plut. Dio. Caes. Plut. Cap. XVI. Apian. Plut. Liv. Epit. Plut. Dio. Orös. Cap. XVII. Flor. Dio. Cic. ad Fam. 3, 11.

U. c. 704. eo ipso tempore, quo vel maxime florere fortuna et  
 A. C. 48. potentia videbatur, praeceps subito datus, pridie natalem suum, quo die olim tam dispari sorte de Mithridate et Piratis clarissimum triumphum duxerat, clientis sui supplex, famulorum ejus manibus invenit necem.

*Pompeji  
 tumulus.*

XVIII. Cura tamen decore cadendi etiam morienti fuit. toga capiti obducta, ne quis gestus notari, aut vox indigna priore Pompejo excipi posset, gemitu tantum edito, excepit enses. Caput ad regem relatum est, siccataque cute conditum Aegyptio more. Truncus, contemptim abjectus in litore, a Philippo liberti utcumque crematus conscissae scaphae lignis, sepultusque est, quum ad id idem officium alius etiam civis Romanus forte accucurrisset. Tumulum postea fluctus marini disjecerunt: et imagines, quas proximorum temporum admiratio posuerat, sequentium negligentia male habitas in Casii Jovis aede retrusit in cellam, ubi vetera truncataque signa reponebantur, (*favissas* Romae vocabant) donec Adrianus Caesar, imperium totum undique perlustrans, quum in Aegyptum venisset, et effigies reperit ornavitque, et tumulum inquisitum refici repurgarique jussit. Vix relatu dignum, tamen ad ineptam hominum cavendam sollicitudinem non inutile, tradunt auctores, ex vaticinio quodam Cassios semper suspecto Pompejo fuisse: quum nemo hominum hoc nomine, sed mons scilicet Casius fatalis ei praedictus esset.

*L. Lentuli  
 vox et factum.*

XIX. Postridie mortem Pompeji sequutus illum e Cypro L. Lentulus advenit, ignarus omnium, quae accidissent: sed, conspecto in litore rogo, nescio qua occulta vi commovente animum, *Eccui hic, inquit, iusta tam exiliter fiunt? nec longo interposito spatio; fortassis tibi, Cn. Pompei!* Divinavit amici casum, unde suam quoque fortunam pendere non nesciebat. Nec diu superfuit: comprehensus enim ab rege ad Pelusium in custodia necatus est. At, qui in Cyprum refugerant, diversa exinde loca petiverunt.

*Caesar Pompeji fugam insequitur.*

XX. Interim Caesar, post victoriam biduo tantum honori simul Deorum et quieti militum dato, ommissis curis

Cap. XVII. Dio. Vell. 2, 53. Dio. Cap. XVIII. Lucan. Plut. Lucan. Plut. et Val. Max. 1, 8. Appian. A. Gell. 2, 10. Appian. Dio. Marcellin. 22. Cap. XIX. Plut. Val. Max. Plut. Caes. Oros. Dio. Cap. XX. Liv. Epit. Appian.

curis aliis, Pompejum, quocumque terrarum se contulisset, sequi certus, hoc unoangebatur, quod neque nunciis, neque fama fiebat certior, quam in partem Pompejus intendisset fugam. Postremo, quum interrogatus ea de re Brutus argumenta quaedam protulisset, in Aegyptum fugisse videri, credidit, eoque statuit accedere. Igitur, adsumpto equitatu, et una legione minoribus itineribus subsequi iussa, per Thessaliam in Macedoniam profectus est. Thessalis ob navatam in bello operam, praebitaque auxilia, simul terram honorans victoriae suae testem, libertatem reddidit.

U. c. 704.  
A. C. 48.

XXI. Atheniensibus etiam rata tum sors fuit, quam inter initia condendae urbis imposuisse Deos fabulae vulgarent; *Neptunum, uti semper temere consulerent: Minervam, uti nihilominus commoda fortuna uterentur.* Nam tum quoque Caesar ignovit deprecantibus, severe increpitans, et hac voce adjecta: *Quousque vos, vestro merito pereuntes, majorum servabitis gloria?* Deinde, quum per Macedoniam Amphipolin pervenisset, Hellespontum petiit, in Asiam transmissurus. Ibi eum e maximo periculo admirabilis fortuna eripuit; quum, inopia triremium vectoria navicula trajiciens, in paratissimam hostium classem et acerrimum ducem incidisset.

*Atheniensibus ignoscit.*

XXII. Corcyrae trecentae Pompeji triremes steterant. inde quum discederetur, cum majore numero reliquos, ut est expositum, transjecit in Africam Cato: triremes septuaginta C. Cassio datae, quibus Pontum Pharnacemque adiret, illum quoque regem conciturus. Tum autem, audito, adesse Caesarem, quasi deprehensus ipse esset, supplices e navi tendens manus, veniam sibi suisque orabat. Agnovit Caesar fortunam suam, et, non contentus hac victoria, nedum incolumitate, dubitavit, an reciperet: fuitque a Bruto, cujus sororem Cassius duxerat, exorandus. Haec ita, sequutus auctores, qui C. Cassium in Hellesponto deditum scribunt, posui: ceterum Suetonius et Dio, scriptores minime spernendi, L. Cassium tradiderunt, rostratas decem habentem, supplicem Caesari factum. Sane a prae fracto contumacique C. Cassii ingenio permultum ea vilitas diffidet: nisi, quod Ap-

*Mira fortuna Caesaris.*

Cap. XX. Caes. Plut. Bruto. Caes. Appian. Plut. Caes.  
Cap. XXI. Appian. Dio. Caes. Appian. Dio. Sueton. Caes.  
c. 62. Cap. XXII. Appian. Plut. Bruto.

Supplem. Liv. Tom. XIV.

H

U. c. 704. pianus censet, Fortunae Caesarem efferenti cedere  
 A. C. 48. tum omnia debuerunt.

*Caesar A-* XXIII. At Caesar, praetervectus oram Asiae, Ephe-  
*siam obiter* sum attigit, ibique senatores omnes ex provincia sub  
*constituit.* eosdem dies eo convocatos esse cognovit a T. Ampio  
 Balbo, qui ad tollendam ex templo sacram pecuniam  
 testibus his uti cogitasset. Sic iterum servata Ephe-  
 siae Dianae pecunia, Ionas ceterasque gentes Asiae,  
 missis legatis deprecantes, venia prosequutus, insu-  
 per provinciam publicanorum injuriis et triente soliti  
 tributi levavit. nec tamen omisit locupletiorum publi-  
 care fortunas, quos favisse Pompejo constabat: quo-  
 rum Pythodorus ex Asiarcharum numero, quum duo-  
 bus talentorum millibus amplius possideret, redemit  
 a Caesare opes suas, neque minores reliquit liberis:  
 unde mox ad regale fastigium adscenderunt. Tum  
 vero et Gnidiis immunitas data propter Theopompum,  
 qui inter Graecos amicos praecipue gratus et po-  
 tens apud Caesarem erat.

*Rhodum* XXIV. Sed Caesar, paucis diebus in Asia moratus,  
*navigat.* jamque minus dubitans, in Aegyptum isse Pompejum,  
 quod Cypri visum esse cognoverat, Rhodum naviga-  
 vit, et, collectis, quot subito poterant, navibus vi-  
 risque, cum equitibus octingentis duabusque legioni-  
 bus, una, quam sequi ex Thessalia jusserat, altera,  
 quam a Fusio legato evocaverat ex Achaja, navibusque  
 longis Rhodiis decem, Asiaticis paucis, sub noctem  
 inde solvit; ignaris ceteris, quo tenderet. sed guber-  
 natores interdum vexillum praetoriae navis, noctu pha-  
 rum sequi jusserat. Sic tertio post die Alexandriam  
 pervenit.

*Alexandri-* XXV. Sed in his legionibus tria millia ducenti,  
*am venit.* haud amplius, milites erant. reliquos vulnera labor-  
 que festinantem imperatorem consequi vetuerant. Sed  
 Caesar, animi magnitudine et fama rerum gestarum  
 fretus, omnem sibi locum, quantumlibet infirmis prae-  
 sidiis, tutum fore existimabat. Tamen, quia tumultu-  
 antes recenti morte Pompeji Alexandrinos repere-  
 rat, veritus litori se credere, anchoras jecit: donec  
 ad eum Theodotus venit, caput et annulum Pompeji,

---

Cap. XXIII. Lucan. 9. 962. Caes. Appian. Dio. Plut. Caes.  
 Strabo, l. 14. p. 649. Plut. Caes. Strabo, l. 14. p. 656. Cap.  
 XXIV. Caes. Appian. Caes. Appian. Cap. XXV. Caes. Lu-  
 can. Dio. Liv. Epit. Plut. Pomp.

(ensifer leo insculptus erat, ut Plutarchus tradidit; U. c. 704.  
ut Dio, tria tropaea) tamquam fidei pignus, offerens. A. C. 48.

XXVI. Ibi Caesarem, agnito generi capite, flevisse *Flet, viso*  
referunt, aversatumque portantem esse; persona moe- *capite Pom-*  
rentis adsumpta, quamquam intime gaudere morte ae- *peji.*  
muli putaretur. Reliqua tamen ejus mansuetudo fa-  
cile declarat, veras illas, non simulatas, lacrimas  
fuisse. princeps enim omnium esse volebat certe; nec  
excogitari necessitudo ulla posset, quam, isthoc pre-  
tio proposito, violandam esse non existimaret: sed,  
hoc dedisses, erat hominum omnium miſſimus, et  
qui amplissimum quemque cupidissime servaret, tanto  
majorem gloriam suam futuram ratus, quanto poten-  
tiores nobilioresque viri suo beneficio viverent. Quo-  
cumque animo, vultum certe servans, caput Pompeji,  
pluribus et pretiosissimis odoribus concrematum, ho-  
nelle funerandum curavit in suburbio, ubi post debel-  
latam Aegyptum aedem condidit Nemeseos, quae sub  
Trajano demum diruta est ab Judaeis rebellantibus.

XXVII. Inter haec impulsus Alexandriam Caesar *Caesar re-*  
quum navi primum egrederetur, magno tumultu ex- *giam occu-*  
ceptus est, concurrente milite, quem praesidio urbis *pat.*  
Ptolemaeus reliquerat, et fremente vulgo, cui prae-  
ferendis Caesari fascibus imminui majestas regia vi-  
debatur. Igitur ipse concessit in regiam: pars mili-  
tum, quod exarmari commilitonum suorum nonnullos  
viderant, in altum se receperunt, donec omnes simul  
naves applicarent.

XXVIII. Non fallebat Caesarem, quanto suo peri- *Ejus dissi-*  
culo inter infidos et validos in populosissima urbe *mulatio.*  
commoraretur; videbatque regis et ceterorum erga  
se non aliam fidem fore, quam in Pompejum fuisset:  
sed Etesiis tenebatur, qui sunt Alexandria naviganti-  
bus adversissimi venti. Ergo dissimulando animo, do-  
nec vires contraherēt, templa ceteraque celebriora  
urbis aedificia lustrabat, audiebatque sapientiae pro-  
fessores stans et populo immixtus, aliisque rebus om-  
nibus captum se pulchritudine locorum et Alexandri-  
nae vitae aemulatione testabatur: unde illi mira vulgo

Cap. XXV. Dio, l. 42. Cap. XXVI. Liv. Epit. Plut. Caes.  
Val. Max. 5, 1. Dio. Lucan. Sueton. Caes. c. 30. Id. ibid.  
74. et 75. Plut. Caes. Val. Max. Dio. Appian. Cap. XXVII.  
Liv. Epit. Caes. Dio. Caes. Lucan. 10, 10. Oros. Dio. Cap.  
XXVIII. Lucan. Sueton. Caes. c. 35. Flor. 4, 2. Vell. 2, 54.  
Caes. Lucan. Appian. Frontin. Strat. 1, 1.

U. c. 704. gloria atque gratia quaesita est: praesertim quum etiam comiter excipiendo singulos licentioribus conviviis penitus laxare animum videretur; jam propemodum effecta consuetudine, ut pernoctaret inter epulas: quod ille vitandarum insidiarum causa usurpabat, quas sibi sentiebat a Pothino strui. Nec enim ab hoc praetermittebatur quidquam, quod ad invidiam Caesaris et exasperandos in eum quoslibet pertinebat.

*Pothinus  
insidiatur  
Caesari.*

*Odiorum  
causae.*

XXIX. Pecunia maxime deerat Caesari: ergo etiam Asiam praetercurrens, quum fuisset in omnibus liberalis et clemens, stipendium tamen imperaverat: et nunc Alexandriae mutuum reposcebat. Nam Auletæ Ptolemaeo grandem summam expensam ferebat, supra septingenties sestertium: cujus pecuniae partem magnam liberis regiis condonaverat olim, reliquum quadringenties quum maxime reposcebat. Nec eo contentus, arbitria quoque coeperat agere diffidentium regum, quod eorum controversias ad populum Romanum et se, populi Romani consulem, pertinere dicebat ex testamento patris Ptolemaei. Eo testamento major filius majorque filia heredes scripti erant: populumque Romanum per omnia sacra foedusque in Capitolio sancitum rex obtestabatur, ut iudicium suum saluum esset.

XXX. Haec vero mirum in modum angebant regios satellites, Pothinum maxime, qui, Cleopatrae regno expellendae auctor, reditum illius, ut mortem suam, horrebat. Igitur primo cum Caesare agere: *discederet ad majorum rerum componendos tumultus; creditum, et cetera per commodum, et maxima cum gratia recepturus.* Sed ille, *negans cujusquam Aegyptii consilio sibi opus esse, ad se venire reges, dimisso exercitu, et disceptare de jure suo iussit.*

*Pothinus  
Achillam et  
exercitum  
advocat.*

XXXI. Tanto plura ad invidiam ejus et contumeliam Pothinus facere: frumentum vetus et corruptum distribuere militibus, et, ubi querebantur, *patienter ferendum, dicere. jam enim eos de alieno tolerari, cunctis in potestatem Caesaris concedentibus.* Convivia quoque figulina ligneaque supellectile instruebat, *argentea et aurea vasa Caesari in solum dari dehuisse excusans.* Quin et sacram pecuniam hac praescriptione tollebat e templis, rem Aegyptiis acerbissimam, qua gente nihil fuit

Cap. XXVIII. Plut. Caes. Cap. XXIX. Dio. Plut. Caes. Dio. Caes. Cap. XXX. Plut. Caes. Cap. XXXI. Plut. Oros. Dio.

umquam superstitioni addictius. arguebatque clam iniquitatem Caesaris, qui tantam sine causa pecuniam peteret, ut qui Ptolemaeo, dum socius et rex appellaretur, nihil recusanti, suo Pompejique nomine prope sex millia talentorum abstulisset. Misit et ad Achillam nuncios de suo aliorumque ex regiis amicis consilio, quos ad eandem mentem impulerat, cum exercitu iubens Alexandriam accedere.

U, c. 704.  
A. C. 48.

XXXII. Sed in speciem amica erant omnia, et tum multum Alexandrinae plebis reversus a Pelusio rex puer placaverat: et Cleopatra quosdam amicorum miserat, qui suam causam agerent. Sed paullo post, Caesaris intellectis moribus, suaeque formae et venustati confidens, omnino conandum existimavit, ut ab homine mulieroso conspiceretur. Ceterum, si palam venisset, vim ab tutoribus inimicis metuebat. Igitur, modica conscensa biremi, corruptis pecunia, qui claustra Phari custodiebant, primis tenebris ad regiam venit: et, ne conspici a quoquam posset, culeitiam sibi circum adstringi loro, deportarique per Apollodorum Siculum, cujus fidei credebat, ad Caesarem iussit.

*Cleopatra  
ad Caesarem  
venit.*

XXXIII. Id primo commentum admiratione mulieris ingenii percussit Caesarem. ut deinde ad misericordiam simul amoremque ciendum temperato vultu adstitit, eximia formae et singulari quadam gratia ita dementavit hominem, ut Alexandrini belli hanc solam fuisse causam plerique existiment. Sed illa plurimum etiam verborum blanditiis veneribusque pollebat: compositoque ad moestitiam vultu procumbens, *En adsum*, inquit, *Cleopatra, tot regum soboles, tuoque complector gemma, Caesar: nihil indignum fastigio meo facere putans, si tibi, quem Dii supra omnium hominum majestatem extulerunt, tamquam communem regum atque gentium arbitrum, debitum honorem exhibeo.*

*Etumque  
forma capi-  
git.*

*Et verbis.*

XXXIV. Per annos prope trecentos, postquam regnare semel domus nostra coepit, sine intermissione tenuit hanc regiam: et par huic vetustati mos est, eadem cum fratribus potestate societas matrimonio regnare feminas. Id non suo magis iudicio, quam priorum omnium, pater meus nunc quoque fieri iussit: sed voluntas ejus spernitur, testamenti vilis est religio, unaque populi Romani, sed et tua, Caesar, despiciatur auctoritas.

Cap. XXXI. Sueton. Caes. c. 54. Caes. Dio. Lucan. 10, 350. Cap. XXXII. Lucan. 10, 53, Dio. Plut. Lucan. Plut. Cap. XXXIII. Dio. Flor. 4, 2. Lucan. Plut. Dio. Lucan.



U. c. 704. *Nec de fratre queror. puer est, et, quae ultimae sortis est indignitas, famulis suis servit. Non ille me dejecit regno, mei, quantum licuit, amans: sed ejusdem id scelus est, cujus et Romani quondam nominis princeps interfectus: quem si ob veterem gloriam, et in nostram domum merita nolisset, debbat, vel quia gener tuus olim, vel aemulus nuper fuit, revereri. Princeps terrarum populus, ducibus hinc Caesare, inde Pompejo, concurrat. quis inter haec aliquas esse credat eunuchi partes? At (audaciam hominis!) ille sibi vel primas vindicat. Tu fugasti Pompejum; ille occidit: tu prostigasti partes; ille sustulit ducem.*

*Pothinum insidiari Caesari arguit.*

XXXV. *Atque utinam sit unis opimis contentus! Felici scelere decors latro de tua jam nece agitat, quando interfector Magni nullam ampliore palmam appetere, quam trucidandi Caesaris, potest. Nec simplicij stimulo incitatur ad facinus. temeritatem metus acuit: quod caput Pompeji moerens adspexisti, quod vultu, gemitu, voce, lacrimis, testatus es dolorem, vindex timeris perfidiae, cujus approbator esse noluit. Neque longinquos aut incertos metus adfero. Sollicitatus Pothini nunciis Acbillas, motis a Pelusio castris, cum omnibus copiis paullo post aderit.*

*Se tradit in manus Caesaris.*

XXXVI. *Hic me impulit terror, ut machinata, quod vides, ad te per quodlibet discrimen penetrare statuerem; conarerque salvum praestare eum, sine quo salva esse ipsa nequibam. Igitur non modo causam meam, sed etiam famam personamque, in tuas manus contradidi: et nunc quoque non tam de meo jure, quam de salute tua, sum sollicitior. Ita me Dii Deaeque omnes, et, quam praecipue veneror, aurea Venus amet, teque, progeniem suam, optimae voluntatis compleat, ut orbatam patre, orbatam fratre et viro, possessione regni dejectam, contemptam, pulsam, oppugnatam a famulis, tuendam ornandamque suscipias!*

XXXVII. *Jam dudum Caesarem forma puellae, blanditiaeque vultus et verborum, decenter interpositis lacrimulis suspiriisque, perculerat. ideoque, nihil non promittens, seriis rebus amantium nequitiam miscuit: eademque nocte una fuerunt. Inde plerisque non eximitur, Alexandrinum bellum praeter necessitatem susceptum esse a Caesare, tantummodo ut mercedem adulterae regnum Aegypti daret.*

*Ptolemaeus ad conspectum*

XXXVIII. *Orta luce, Caesar ad se Ptolemaeum vocat, et cum eo de reconciliatione sororis agit. Ut ve-*

Cap. XXXVII. Dio. Plut. Lucan. 10, 106. Plut. Cap. XXXVIII. Dio.

ro et ipsa prodiit in conspectum, ira commotus puer proripuit se foras, abjectoque diademate propositum se vociferans, excitavit populi turbam. Sed, cito retractus a Caesaris comitibus, plura conari non potuit: et Caesar, de superiore loco alloquutus Alexandrinos, *U. c. 704. A. C. 48. etiam sororis irascitur. Sed Caesar omnia conciliat.* nihil opus esse tumultu dixit. nec enim se existimare aliud illi velle, quam quod ultro facere constituisset. Recitato deinde testamento patris Ptolemaei, quod in eo fides populi Romani invocabatur, ad se pertinere dixit, et patris tueri iudicium, et liberis prospicere. Quod igitur *factum felixque foret;* Aegypti regnum duorum esse debere, Ptolemaei et Cleopatrae: minori Ptolemaeo cum Arsinoë sorore matrimonium, et suo populiue Romani dono dotalem Cyprum fore. Sic in praesens seditione composita, convivium Cleopatra regali luxu exhibuit, omnibus nova reconciliatione laetis.

XXXIX. Enimvero Pothinus, in haud dubio periculo se constitutum sentiens, si tam infensa, nec immerito, Cleopatra rege et regno potiretur, occidendi inter epulas Caesaris consilium cepit. Erat inter quotidianae operae servos tonsor quidam Caesari, mortalium omnium timidissimus. hic quum nihil non observaret anxia cura, deprehendit insidias, detexitque. Idcirco Caesar, jam olim Pothinum suspectum invisumque habens, convivio militibus circumdato interfecit. De morte Pothini consentitur inter omnes: de tempore mortis et ordine diversa traduntur. Sed nihil magis congruere prudentiae temporique Caesaris visum est, quam quod posuimus. *Et Pothinum interfecit.*

XL. Inter haec Achillae nunciato adventu, Caesar regiam claudit, suos armat: cum Ptolemaeo agit, ut, quos habeat, ex suis maximae auctoritatis mittat ad Achillam, jubeatque incepto desistere. Serapion et Dioscorides missi, qui ambo legati Romae fuerant, priusquam edere mandata possent, jussu Achillae percutiuntur: alter statim occisus est; alterum, accepto vulnere, sui pro mortuo sustulerunt. Achilles, non regis haec imperia esse dictitans, qui in aliena potestate ipse esset, occupata praeter eam partem, quam Caesar tenebat, Alexandria, regiam irrumpere primo statim impetu conatus est. *Achillas cum exercitu adest.*

Cap. XXXVIII. Lucan. Cap. XXXIX. Plut. Caes. Civil. 3. fin. Lucan. 10, 515. Flor. Dio. Appian. Cap. XL. Lucan. 10, 434. Caes. Dio. Caes.

U. c. 704.  
A. C. 48.  
*Caesarem  
in maximum  
periculum  
conjecit.*

**XLI.** Numquam in majore periculo Caesar fuit. Paucos habebat milites: inter infida infestaque omnia, locis parum munitis, a maxima multitudine oppugnabatur. Neque incondita aut rudis bellorum turba erat. Millia haud minus viginti sequebantur Achillam, pars magna Romanus miles, qui olim adductus a Gabinio, mixtusque connubiis, mores Alexandrinos licentiamque inhiberat. His accesserant Syri Cilicesque praedones, et quidquid in finitimis provinciis audacia turbulentum fuerat. Praeterea duo millia equitum erant, inveterata Aegyptiis bellis manus. His copiis Achilles oppidum ingressus, majorem populi partem sibi statim adjunxerat. Nam, praeter mobilitatem ingenii, bellorum incommoda Caesarem advehere sibi indignabantur, jam ante irati numinibus, quod minimo tum incremento Nilus solitam ubertatem frugum eo anno interpellaverat.

*Is tamen se  
defendit.*

**XLII.** Contra vim horum Caesar regiam et vicina aedificia tumultuario opere, fossa valloque ad mare usque deductis, muniverat. eo facilius defendi potuit, cohortibus per vias dispositis. Sed eodem tempore ad portum pugnabatur; ubi, praeter solitum Alexandriae praesidium, rostratas duas et viginti, aliae nares longae Aegyptiae quinquaginta stabant, instructae ornataeque, uti modo post Pompeji fugam, cui erant auxilio missae, redierant. has si occupare Achilles posset, videbat interclusum omnibus auxiliis commeatuque Caesarem cito futurum in potestate. Sed, quae ad oppugnandum Aegyptios, eadem ad resistendum incitabat Caesarem causa, tanto acrioribus stimulis, quia non tam de victoria, quam pro salute, pugnabat. Et juvabatur classe, qua erat advectus. Idcirco obtinuit ad extremum, et, quia tueri tam parvis copiis omnia nequibat, incendi, quidquid erat in portu navium, jussit.

*Bibliotheca  
Alexandri-  
na perit.*

**XLIII.** Hac flamma, quum et vicina portui aedificia comprehensa essent, simul arsit bibliotheca, elegantiae regum curaeque egregium opus. Millia librorum tum perisse quadringenta, alii, qui plurimum, septingenta tradunt. Primus et maximus ejus operis auctor Ptolemaeus cognomento Philadelphus fuit, per-

Cap. XLI. Plut. Gaes. Oros. Caes. Lucan. Caes. Dio. Plin. 5, 9. Cap. XLII. Dio. Caes. Lucan. Cap. XLIII. Flor. Oros. Dio. Plut. Liv. apud Senec. de Tranq. Anim. c. 9.

quam eruditus princeps, et erudito patre natus: quo curante, sacrorum quoque voluminum interpretatio, quae Septuaginta vocatur, prodiit. Ille, a Nileo quodam empta bibliotheca, quam Aristoteles collegerat, simul iis libris, qui erant ipsi Athenis et Rhodi comparati, Serapeum adornavit, magnoque deinceps studio et sumptu per Demetrium Phalereum, insignem studiis et civilibus artibus virum, quidquid investigari potuit, conquisivit. Sed et in posteris ejus quidam variae doctrinae ornamentis enituerunt: inter quos et Energetes fuit; Aristarchi discipulus.

U. c. 704.  
A. C. 48.

*Unde illa  
comparata  
fuerit.*

XLIV. Ceterum, occupatis in restinguendo igne Alexandrinis, Caesar, per noctem militibus ad Pharon expositis, claustra occupavit praesidio: quum haberet in partibus custodes, qui dudum erant a Cleopatra corrupti. Fuit quondam insula Pharos, unius diei navigatione distans a continenti, si quid Homero credimus; deinde, Nilo, ut putant, limum admoliente, prope litori conjuncta: multum abnuentibus, qui totum illum tractum saxis asperum esse compererunt. Id constat, quum paullo plus nongentis passibus abesset, superiorum regum opera, jactis in altum molibus, et ponte superposito, connexam esse. quod opus frustra Cleopatrae huic ultimae quidam scriptores vindicant. major etiam incuria eorum est, qui ab eadem exstructam putant cognominem insulae turrim, magnitudine maximam, et elegantia pulcherrimam: quam ad praelucendum noctu navigantibus a Sostrato Cnidio constructam esse, certior fides est, impensa Ptolemaei primi, aut secundi certe, talentis octingentis.

*Phari situs  
et conditores.*

XLV. Erat in hac insula vicus oppidi magnitudine, nec, invitis, qui tenebant, quisquam ex alto poterat Alexandriam appellere. Hoc occupato, Caesar, loco, protinus ad arcessenda ex propinquis locis auxilia misit: et, quia de cetero, propter angustias viarum, aequo Marte discessum fuerat, per omnes insequentes dies, quam tenebat, oppidi partem munitionibus tutiorem efficere instituit.

Cap. XLIII. Oros. Gell. 6, 17. et Marcell. 22. Lips. de Bibl. c. 2. L. Ampel. Voss. de Hist. Graec. 1, 12. Joseph. 12, 2. et Aristeus apud Euseb. Cap. XLIV. Athen. l. 2. Marcellin. Vid. Scalig. in Eus. Chr. num. 1734. Athen. 2, 28. Caes. Luc. 10, 57. Hom. Od. 4, 354. Plin. 2, 85. et 5, 31. Mela, 2, 7. Scal. in Eus. num. 1733. Caes. Marcellin. Cap. XLV. Caes. Marcellin. Tzetzes, Euseb. et ibi Scalig. Strabo, l. 17, 791.

U. c. 704.  
A. C. 48.  
*Arsinoë ad  
Achillam  
transfugit.*

XLVI. At Arsinoë, quae, cum sorore Cleopatra in Syriam profecta, mox, pace facta, Alexandriam reverterat, inter hos tumultus occupandi regni casum oblatum putans, Ganymedis spadonis ingenio reperit fugae viam, et ad Achillam trajecta communiter administrare bellum coepit. Sed, ut inter improbos et malitiosos haud diuturna potentiae societas esse potest, cito insidiari invicem, et augendis largitionibus sibi quisque licitari militum studia coepere.

*Hispanici  
tumultus.*

XLVII. Eodem anno, quo pugnatum ad Pharsaliam, et Alexandrinum deinde bellum conflatum est, Hispania maximo tumultu inhorruit; propter avaritiam et crudelitatem Q. Cassii, quem provinciae Caesar praefecerat. Ille, primum appetitus insidiis, et accepto vulnere, quum in conscios partim animadvertisset, unum atque alterum, (ita cum saevitia certabat in eodem animo pecuniae amor) nummis acceptis, dimisisset, non ideo tollere odium commune, quo tam apud milites, quam provinciales, laborabat, potuit, praesertim quum eadem illa quotidie licentius faceret, ob quae jam olim exosus esse coeperat.

*M. Marcellus et Q. Cassius invicem  
bellant.*

XLVIII. Itaque duae Varronianae legiones, duce delecto T. Thorio Italicense, non a Cassio tantum, sed etiam a Caesare, defecerunt, Pompeji nomine scutis militum inscripto. Mox tamen, profecti Cordubam quum ad eam caussam neque conventum Cordubensem, neque M. Marcellum, qui missus a Cassio urbem tenebat, adducere possent, convenit inter omnes, ut, delecto Pompeji nomine, Caesaris omnes essent, sed Q. Cassium consensu oppugnarent; et ad haec praetore (hoc ei nomen imponebant, quum esset quaestor) M. Marcello Aesernino uterentur. His cognitis, Q. Cassius cum legionibus et equitatu, qui fidem non mutaverant, Cordubam tendit, ubi Marcelli castra erant. deinde, vastato agro Cordubensi, Ullam progressus, quod oppidum sibi fidum credebat, ab insequuto Marcello operibus et vallo cum ipsa Ulla circumdatur. Sed, quum ad auxilium ejus rex Mauritaniae Bogud cum una legione Romana et Hispanis cohortibus venisset, multa proelia facta: castra quoque diversis partibus Cassius

Cap. XLVI. Suidas in *Φάρος*. Plin. 36, 19. Caes. Strabo, l. 17, 796. Lucan. Dio. Cap. XLVII. Caes. Liv. Epit. 111. Hirt. de B. Alex. c. 52. Dio. Hirt. Val. Max. 9, 4. Hirt. Cap. XLVIII. Liv. Epit. 111. Hirt. Dio. Hirt.

et Bogud adorti haud multum abfuere, quin opera U. c. 704.  
perrumperent. neque tamen depelli ab opere Marcel- A. C. 48.  
lus potuit.

XLIX. Tandem M. Lepidus ex citeriore Hispania, *Sed, inter-*  
quam obtinebat legionariis cohortibus triginta quinque *cedente Lepi-*  
magnoque equitatu et auxiliorum numero, adfuit ea *do, pax fit.*  
mente, ut sine studio et ira controversias ejusdem  
partis hominum componeret. Et Marcellus quidem  
sine exceptione paruit advenienti; Cassius moras ne-  
cebat: eoque, ut putatur, conscio, sub oculis Lepi-  
di castellum, quod Marcellus regi objecerat, oppugna-  
tum est. Quia tamen resistere tot legionibus nequibat, *Q. Cassii*  
eodemque tempore C. Trebonius pro consule, pro- *interitus.*  
vinciam et exercitum accepturus, veniebat, (namque,  
legatis Hispaniae injurias deferentibus, successorem  
Cassio miserat Caesar) liberum abitum pactus, navem  
conscendit, et in ostio fluminis Iberi cum rapinis suis  
tempestate est obrutus.

L. Sic a magnis belli minis Hispania parumper  
quievit. Cassius enim (tanta erat hominis vecordia)  
gessisset et cum Trebonio bellum, si Bogudem trahere  
in societatem furoris potuisset. M. Marcellus, quod  
se temporì accommodasse visus erat, primo quidem  
iratum expertus Caesarem, procul patria vitam egit:  
postea tamen revocatus honores etiam petiit gessitque.  
Hoc maxime modo Hispaniensis motus acrior, quam  
pertinacior, initia finemque habuit.

LI. In Illyrico majoris aliquanto dimicationis rem *Illyria*  
M. Octavius effecerat. Eam provinciam Q. Cornificius *bella.*  
Caesaris quaestor pro praetore fortiter feliciterque  
obtinebat, captis etiam multis Octavii navibus, quum  
is ex Pharsalica fuga in sinum Jadertinum se recepisset.  
At Caesar, intellecto, multos hostium ob propin-  
quitatem locorum Illyricum petisse, ibique colligere  
dispersas suorum reliquias, A. Gabinio scripserat, uti  
cum legionibus tironum, quas habebat, Illyricum pe-  
teret, conjuncta cum Cornificio opera defensurus;  
transiturus quinimo in Macedoniam, si res pateretur:  
nam in Macedonia renovatum iri bellum, nondum co-  
gnita Pompeji fuga, crediderat.

LII. Sed Gabinium, peritum belli hominem, et ha- *Salonae a*  
ctenus felicitis audaciae, Fortuna adeo destituit, ut, *viris et mu-*  
multa nequidquam conatus, amissa magna parte exer- *lieribus de-*  
*fensus.*

Cap. L. Liv. l. 112. apud Prisc. l. 6. Dio. Cap. LI. Hirt.

U. c. 704. citus, vix Salonis tutus esset. Nam et Salonas oppugnare ausi hostes, oppidanorum virtute et insigni ad memoriam facinore mulierum repulsi sunt. Nam illae, noctem atram nactae, cripibus sparsis, Furiarum habitu cum facibus ad castra procurrerunt, exterritisque vigilibus, multis locis injecerunt ignem; quum repente viri, insequuti cum armis, cōmplures, prae consternatione vix sui compotes, alios adhuc somno implicitos occiderunt, castrisque et statione navium expulerunt Octavium. Sed ille non multo post, reparatis viribus, proelio vicit Salonenses, iterumque admovit obsidioni copias. Inter haec, ex aegritudine contracto morbo, A. Gabinius interiit.

*A. Gabinius moritur.*

LIII. Hae res excitarunt spem Octavii, ut, icto cum barbaris foedere, provinciam recipi posse consideret. Sed eum hac exspectatione virtus et diligentia P. Vatini j cito depulsi: qui, crebris Cornificij literis evocatus, quamquam per valetudinem vix se regeret, cum paucis longis navibus, et magno actuariarum numero, quibus rostra imposuerat, Brundisio profectus est.

*P. Vatinius M. Octavium vincit.*

LIV. Hujus adventu M. Octavius, qui interim Epidaurum erat aggressus, ab oppugnatione oppidi rejectus, ad Tauridem insulam substitit hoc consilio, ut, siquidem insequeretur Vatinius, classe dimicaret. Nam Vatinianas naves plerasque justo minores infirmioresque esse cognoverat. Sed, virtute militum, quod robori navium deerat, largiter explente, victor Vatinius multas depressit hostium naves, multas cepit. Alii auctores magnam ejus laudis partem Vatinio abjudicant: ne tentata quidem pugna, Octavianos ad illum defecisse, quod auditus jam Pharsalici proelii eventus fuerat. Quocumque modo superior Vatinius, proventus Issam, in qua oppidum nobile erat, conjunctissimum Octavio, ab Issensibus recipitur. Ibi cognoscit, M. Octavium, quum sua quadriremis mergeretur, scapha exceptum, atque illa itidem depressa saucium, adnataste ad myoparonem suum, Issamque venisse. inde cum paucis parvisque navigiis vento secundo petisse Corcyram. Vatinius, re celeriter et praeclare gesta, Brundisium rediit.

Cap. LII. Appian. Civil. 2. p. 464. Hirt. Dio. Hirt. Cap. LIV. Hirt.

LV. Jam inde a principio post acceptam cladem omnium utique Pompejanorum perfugium Corcyra esse coeperat. huc ante Octavium et alii se receperant, et illustriores aliis C. Cassius, Cn. Pompejus adolescens. Cnaeus, ante summam dimicationem cum Aegyptia classe Epirum ambiens, Oricum, cui M. Acilius Caesaris legatus praeerat, oppugnaverat magno, sed ad extremum irrito, conatu. Quum enim esset ad claudendum portus introitum oneraria navis ab Acilio submersa, quae scaphis magna saxorum mole oneratis teneretur; per urinatores extracta parte lapidum, hanc quidem funibus multis contendens deduxit remulco, aliamque ei conjunctam navem, in qua turris ad defensionem excitata fuerat, vi cepit. nactusque molem, oppido objectam in speciem insulae, quatuor biremes, subjectis scutulis impulsas, vectibus in partem interiorum transtulit: atque ita utrimque aggressus naves longas vacuas, quae erant ad terram deligatae, quatuor ex his abduxit, reliquas incendit. cum his et magna pars oppidi deflagavit; fuissetque receptum Oricum, nisi vulnere Pompeji remissiores facti Aegyptii forent.

U. c. 704.

A. C. 48.

*Cn. Pompeji  
adolescentis  
gesta.*

LVI. Igitur nec, sanato eo, munitionibus interea auctis, difficiliorem futuram oppugnationem resumere ausus, Lissum tentavit. sed repulsus, paucis amissis navibus, tamen onerariis, quas M. Antonius ibi reliquerat, incensis triginta; vagari circum litora, et, expositis subinde militibus, vastare cum Caesare sententium agros instituit: donec, clade patris cognita, desertus ab Aegyptiis, ad Catonem se contulit. idemque tum et C. Cassius fecit, et L. Afranius. His ceterisque adjutoribus, priusquam longinquae spes tentarentur, Peloponnesum retinere statuit, Patrasque occupavit praesidio, multosque et ibi suarum partium, in quibus et Petrejus, et Pompeji gener Faustus fuerant, recepit. et, donec Athenis Megarisque oppugnandis distentus Fufius Kalenus fuit, in potestate habuit oppidum. Nam, licet amisso Piraeo, Athenae resisterant.

*Catonis  
acta.*

LVII. Mox, his a Caesare veniam adeptis, Megarenses pertinacius repugnantes expugnavit Fufius, multisque occisis vendidit reliquos, sed necessariis eorum,

*Kalenus  
Megara  
cepit.*

Cap. LV. Appian. Civil. 2. p. 481. Dio. et Caes. Civil. 3, 38. Dio. Cap. LVI. Caes. Dio.



U. c. 704. et minimo pretio, ut libertati restituerentur. hic mo-  
 A. C. 48. dus placuerat ita ulciscendae contumaciae, ne tamen  
 vetulissima civitas prorsus interiret. Neque silentio  
 praetereundum propter novitatem casus, quod inter  
 capiendum oppidum soluti leones, quos ibi C. Cassius  
 aedilis designatus alebat, in ipsos Megarenses, qui au-  
 xilium aliquod inde expectaverant, irruerunt, adeo-  
 que discerpserunt multos, ut hostibus etiam dolori  
 spectaculum esset. A Megaris Patras itum. Sed Cato  
 ceterique, recepto praesidio, magna classe Cyrenen  
 petierunt.

*Romae sta-  
 tus.*

LVIII. Dum haec diversis imperii partibus gerun-  
 tur, Roma, non jam caput rerum, sed praeda victo-  
 ris, utri serviendum foret, expectabat. Ut enim mi-  
 litum Caesaris et consulis Servilii praesens metus ta-  
 cere Pompejanos, et dissimilem animo vultum indue-  
 re coegerat; ita clanculum rumpusculi captabantur, et,  
 dum quidlibet timetur, aut creditur, saepius eadem  
 die contrariis nunciis animi diversos in adfectus dis-  
 trahebantur. Postremo Pharsalicae pugnae fama, vix  
 tandem credita, (nam et Caesar per speciem modestiae  
 scribere ad senatum noluerat) Julianos omnes rede-  
 git: certatimque hoc agebatur inter nobilissimos, ut  
 pro se quisque maxime gavisus hac victoria videri cu-  
 peret.

*Decreta ur-  
 banorum in  
 honorem  
 Caesaris.*

LIX. Igitur, quod sic animatis proximum est, ru-  
 entes in adulationem, quidquid excogitari potuit, de-  
 creverunt; non jam metu solum, ne odisse felices vi-  
 derentur, sed spe quoque honorum opumque, quas  
 a Caesare expectabant, tamquam aliquid ei dare pos-  
 sent, quod non prius ei dedisset victoria. Putabant  
 tamen (nec fallebantur) magni aestimaturum, si jam,  
 quae alias suo arbitratu et vi armorum facturus erat,  
 id jure facere existimaretur. Igitur et alia honorum  
 cuiquam antea decreta contulerunt, et nova pleraque:  
*uti de Pompejanis, quemadmodum ei videretur, ita statueret:*  
*bellum, cui veller, faceret; pacem, cui veller, daret: uti con-*  
*sularum in quinquennium, tribunitiam potestatem in perpetuum,*  
*dictaturam in annum integrum acciperet: triumphum quoque de*  
*Juba, quamquam bello nondum coepo geri, decreverunt.*  
 Neque minore studio plebs agebat, sciscendis, quae

Cap. LVII. Plut. Bruto, c. 13. Dio. Lucan. 9, 34. et seq.  
 Cap. LVIII. Dio. Cic. Phil. 14, 8. Dio. Cap. LIX. Plut.  
 Caes. Dio.

grata futura victori crederentur. Hoc illud tempus U. c. 704.  
Hirtiae legis esse reor, qua Pompejani honores petere A. C. 48.  
vetabantur.

LX. At Caesar, qui tum erat Alexandriae, senatus *Caesar iterum dictator.*  
populique Romani cognita voluntate, dictatura, quam-  
quam extra Italiam agebat, iterum inita, magistrum  
equitum M. Antonium dixit. Is quoque magistratum  
eum toto anno gessit; multum ringentibus auguribus,  
quorum a plerisque vanitas deridebatur, fas in magi-  
stro equitum negantium, quod in dictatore probave-  
rant. Sed in plerisque annalibus consulatu Q. Fufii  
Q. F. C. N. Kaleni, P. Vatinii P. F. hic annus notatur: *U. c. 705.*  
quamquam illi magistratus ejus nomen (vis enim penes *A. C. 47.*  
Caesarem erat) extrema demum anni parte receperunt. *Q. Fufio,*  
*P. Vatinio*  
*coff.*

LXI. Calebant interim Alexandrini tumultus, et a-  
cribus utrimque animis res gerebatur. divisam in par-  
tes urbem hinc Aegyptii, inde Caesar magnis operibus  
communiebat: et ab utrisque, unde poterant, auxi-  
lia ciebantur. Apud Caesarem adhuc Ptolemaeus erat,  
intentiusque servabatur; si nihil aliud, solatium vin-  
dictae praebiturus pereunti: atque interim suorum ani-  
mos vel miseratione periculi, vel auctoritate nominis  
flexurus. Igitur et in superiorem locum productus in-  
crepavit audaciam, non contra se minus, quam Caesa-  
rem, ferentium arma, jussitque ponere. *Consules*  
*tantum no-*  
*mine.*  
*Alexandri-*  
*num bellum*  
*seque.*  
*sibi enim optime*  
*convenire cum Romanis, suaeque dignitatis et imperii firmum*  
*certainque praesidium habere in amicitia Caesaris.* At illi,  
non tam verba loquentis, quam tempora, respicien-  
tes, et magis quid velle, quam quid dicere, videre-  
tur, nihil remissa contumacia, insisterunt coeptis.

LXII. Ne mors quidem Achillae finem aut moram *Achillae*  
bello attulit, quem suspectum invisumque per Gany- *mortuo suc-*  
medem occupavit Arsinoë, percussorique imperium *cedit Gany-*  
copiarum tradidit. Atque ille, militibus largitione *medes.*  
placatis, haud segniter administrare bellum orsus, a-  
quationem adimere Caesari magnae molis operibus in-  
stituit. Jam ante, qui pertinebant in regiam, aquae-  
ductus interrupti ab Achilla fuerant: sed aderant spec-  
cus et putei, unde, licet anguste, Caesaris milites,

Cap. LIX. Cic. Phil. 13, 16. Cap. LX. Dio. Cic. Phil. 2,  
25. Plut. Anton.. Dio. Vid. Pigh. Annal. et Sigon. Comm. in  
Fast. Dio. Cap. LXI. Hirt. de B. Alex. Gaes. Civil. 3. Lū-  
can. 10, 461. Caes. Dio. Cap. LXII. Hirt. Dio. Hirt. Plut.  
Caes. Hirt.

U. c. 705. pro praesenti tamen necessitate satis, aquabantur. Eorum specuum haec erat ratio. Nilus, aquam turbidam atque limosam vehens, quae multos variosque morbos efficiebat, antiquitus admonuerat Alexandrinos, ut, suffossis domibus, aquam e flumine exceptam servarent, donec spatio temporis liquescens potui aptior fieret.

*Is corrum-  
pit aquas  
Caesaris.*

LXIII. Igitur Ganymedes, a solertibus hominibus, quales erant permulti Alexandriae, admonitus corrum-  
pi aquam in parte Caesaris, immissa marina, posse, ingenti molitione specus sic intersepit, ut incorrupti manerent ad suam partem pertinentes; Julianis salsae aquae, quas ex mari rotis atque machinationibus continenter educebat, adfunderentur. Quum ita paullatim salsior aqua ex proximis aedificiis traheretur, admirabantur primum Caesaris milites, unde ergo mutatio illa procederet, praesertim quum remotioribus adhuc locis, qualis prius, aqua esse videretur. Sed, postquam sensim illa quoque salsum trahere saporem coepit, conjicientes, quod erat, in eum adducti sunt metum, ut conscendendas extemplo naves, et fuga, licet plenissima periculi, consulendum saluti omnium autumarent.

*Unde maxi-  
mus militi-  
bus terror.*

*Qui incre-  
pantur a  
Caesare.*

LXIV. Ibi Caesar: *Vana vos exercet cura, milites, sed, nisi provideatur, in veram-cessura perniciem. Aquae penuria movemini: neque aliter evitari malum hoc posse creditis, quam in aliud ruendo, cui nullum sit futurum remedium, quum superius illud sit medicabile. Puteos fodientibus deesse aqua dulcis non poterit, quae naturaliter litoribus omnibus inest. quod si sit alia, quam reliquorum, Aegyptii litoris natura, at quotidie nobis aqua subvehi navibus poterit. mari libero utimur, classem nostrae parem non habent hostes: et, ne ventis prohibeamur, diversis ex partibus, hinc a Paraetonio, inde ab insula, petere aquam licet; quam utramque navigationem eodem tempore nulli, praeccludere venti possunt.*

LXV. Qui vero fugam respiciunt, ii, Hercule, non modo meae dignitatis obliviscuntur, sed etiam salutis suae. Sic quoque, licet opportunitate aedificiorum et operum adjuti, tantam multitudinem aegre sustinemus. quid fiet nobis, ubi, relictis, quae nos defendunt, locis, in apertum processerimus? quanta mora, quique tumultus sit exspectandus inter conscendendum, quis nescit? praesertim ex scaphis in excelsas naves, et in ista trepidatione, et metu. Igitur pauci et properantes, pleni timoris, pleni tumultus, iniquo et tempore nostro et loco.

aut

aut diligentiam atque velocitatem Alexandrinorum effugiemus? U. c. 705.  
 aut adversus paratos et infinitis partibus plures nos subimur A. C. 47.  
 manu?

**LXVI.** Absit vero haec ab animis vestris tam perniciofa cogitatio, milites: et unum omnibus propositum esse salutis iter omnes norint, victoriam. Atque illa profecto, me duce, vobis militibus, longius abesse non potest, quam donec aliis ex provinciis accitae copiae (nisi autem circumquaque) veniant. Interim locis nostris nos teneamus, et virtute, quemadmodum habemus, propulsemus hostilem impetum. Fugere vero minas Alexandrini populi et latronum arma, non mihi modo qualibet morte sit gravius, sed vobis etiam esse deberet, qui et Romani estis, quos victores omnium gentium superiora demonstrarunt bella, et mei milites, quos inter ipsos Romanos virtute excellere, recens victoria nostra declaravit. Interim, reliquis intermissis operibus, ad puteos fodiendos laborem conferamus. Ita confirmatis militibus, et ad fodiendum conversis, una nocte dulcis aquae venae copiosae sunt inventae: modicoque labore operosissimis Alexandrinorum motionibus occursum est. Et confirmantur.

**LXVII.** Forte sub idem tempus Caesar fit certior, ad litus Africae, paullo supra Alexandriam, ad anchoras stare naves, legionem vehentes septimam et tricesimam ex dedititiis Pompejanis militibus. Nam, cognito Caesaris periculo, Domitius Calvinus, cui Asia cum finitimis provinciis commissa erat, legionem unam terrestri itinere per Syriam, alteram, cum frumento armisque et tormentis, navibus miserat. sed prius confectum est bellum, quam ea, quae per Syriam ducebatur, legio posset occurrere: naves, euro continenter flante, pervenire Alexandriam nequibant. Puteis fossis, aquae copia reperitur.

**LXVIII.** Igitur Caesar, ut in re praesenti certius consilium caperet, cum omni classe eo proficiscitur. quod ubi cognitum est Alexandriae, neque ullum Romanum militem esse in navibus, (quippe paullo longius processurus Caesar nudare munitiones noluerat) quidquid habebant navium paratum, propugnatoribus complent, et redeunti Caesari occurrunt. Ille, neque remigibus satis confidens, neque sub noctem cum hoste locorum gnaro dimicare tutum ratus, proelium vitabat: donec una navis Rhodiorum, longius a ceteris, se abruptens, quum ab Aegyptiis circumveniretur, impatientem ignominiae Caesarem aleam jacere coëgis. Caesar Alexandrinis navali proelio vincit.

Cap. LXVII. Infra, c. 87. Hist.

Supplem. Liv. Tom. XIV.

U. c. 705. set. Virtute tamen et scientia Rhodiorum, penes quos  
 A. C. 47. diu praecipua fuit rei maritimae gloria, vicit, multis-  
 que hostium interfectis, captas aliquot naves remulco  
 traxit Alexandriam.

*Alexandri-  
 ni portum  
 obstruunt.*

LXIX. Magnam ea res desperationem Aegyptiis at-  
 tulit; quod jam, sine robore Romani militis, tantum-  
 modo a classiariis erant superati. Igitur, jam etiam,  
 ne a classe Caesaris oppidum eorum oppugnaretur, ve-  
 riti, os portus, spatio ad egrediendum relicto non  
 magno, obstruxerunt injecto aggere. Neque tamen ho-  
 mines mari adsueta diu abstinere potuerunt: et, quam-  
 quam supra centum decem naves amiserant, haud dif-  
 ficulter reparari posse classem reficiendis veteribus na-  
 vibus, et cogendis, quae ad exigenda portoria per  
 omnia ostia Nili erant dispositae, rebantur. Neque  
 conjectura falsi paucis diebus quadriremes duas et vi-  
 ginti, quinqueremes quinque confecerunt: quas intra  
 portum remigio periclitati, cum minoribus apertisque  
 navibus multis, repleverunt.

*Euphranor  
 Rhodius.*

LXX. Huic paratae ad dimicandum classi Caesar  
 cum quadriremibus decem, quinquerebus totidem,  
 quot hostes habebant, minoribusque navibus undevi-  
 ginti, Pharon circumvectus, se opposuit. Angustus  
 inter utrosque per vada transitus erat, et, qui prior  
 ingrederetur, in locum iniquum se erat demissurus.  
 Quum utrimque cunctarentur, praefectus Rhodiae clas-  
 sis Euphranor, vir animo et scientia maritimae rei nul-  
 li postponendus, recipit Caesari, *se progressum facile  
 moraturum esse Alexandrinos, donec subsequutae ceterae naves  
 explicare aciem possent.*

*Alexandri-  
 ni domus vin-  
 cuntur.*

LXXI. Nec plura promisit ille, quam praestitit:  
 scientiaque Rhodiorum, et virtute militis, quum pro  
 salute sua et eorum etiam, qui relictos in oppido erant,  
 sicut nomine Romano et ultima necessitate dignum e-  
 rat, dimicaret, Alexandrini, licet numero navium ho-  
 minumque multo superiores, victi sunt. paucas tamen  
 amiserunt naves propter propinquum perfugium, et  
 quia ex molibus et aedificiis litori imminentibus de-  
 fendebantur.

*Caesaris  
 periculum.*

LXXII. Idcirco Caesar, quo hanc eis adimeret op-  
 portunitatem, omnino sibi conandum existimabat, ut  
 Pharum et, qua Pharus Alexandriae committitur, mo-  
 lem in sua potestate haberet. Neque difficulter ex-

pugnata est insula: sed ad portum, quem oppido suo propinquiorem Alexandrini tuebantur, majoris certaminis res fuit: et, quum remiges classiarique Caesaris injussu imperatoris pugnae se miscuissent, deinde subito perterriti etiam pavorem iniecerunt militibus, fuga omnium ad naves facta, multi occisi sunt ab hostibus, magnus numerus inconsulte irruentium cum ipsis navibus demersi.

U. c. 705.  
A. C. 47.

LXXIII. In hoc periculo Caesar, quum, profligata succurrere cupiens, non ab hostibus modo, sed etiam suis navigium onerantibus, timeret, ejecit se in undas: et, quia paludamentum natatu prohibebat, illo relicto, per spatium ducentorum passuum adnatavit ad eas, quae longius abstiterant, naves. Utrumque consilium salutare fuit. nam et navis, quam reliquerat, prae multitudine subsedit; et paludamentum hostes petierunt telis, dum ille ignoratus et neglectus evadit. Neque indignum relatu est, quod traditur: libellos, quos forte manu tenebat, inter natandum supra aquam elevasse, ne maderent: paludamentum traxisse aliquamdiu mordicus, ne hostes eo potirentur. At Alexandrini victores eodem loco castellum cum magnis munitionibus multisque tormentis constituerunt: tropaeumque erexerunt, in quo et paludamentum de Caesare captum suspensum est.

*Egregia  
virtute dis-  
cussum.*

LXXIV. Hac clade non tam perturbati, quam erecti incensique, sunt militum animi: adeo quidem, ut post hoc incommodum formidabiliores fierent Alexandrinis, quam antea fuissent, quod neque secundis rebus quiescere, neque frangi adversis videbant. Igitur, legatis ad Caesarem missis, regem suum sibi remitti orant: perituros imperium puellae et crudelitatem Gammidis, quod regi placuisset, facturos. atque illius apud Caesarem gratiam praesidio sibi fore, quo tutius ad amicitiam officiumque redeant. Ibi Ptolemaeus flens orare Caesarem coepit, ne se dimitteret. nihil sibi conspectu ipsius esse jucundius. Sed adeo fictae fuerunt eae lacrimae, ut adventu ejus Alexandrini, si quam antea cogitationem pacis habuissent, eam omnem deponerent, bellumque acrius, quam umquam prius, administrarent.

*Alexandri-  
ni regem  
suum remitti  
orant.*

Cap. LXXIII. Oros. 6, 15. Dio. Appian. Civil. l. 2. pp. 84. et 523. Sueton. Caes. c. 64. Plut. Caes. Hirt. Flor. 4, 1. Sueton. Plut. Dio. Hirt. Cap. LXXIV. Appian. Dio. Hirt. Oros. 6, 16. Dio. Plut. Hirt.

U. c. 705.

A. C. 47.

*Auxilia  
confluunt ad  
Caesarem.*

LXXV. Jam ex Syria et Cilicia confluere auxilia ad Caesarem coeperant, commeatusque navibus apportari. His intercipiendis Aegyptii ad Nili ostia ignes excitabant: quibus decepti, quum ibi praesidia Caesaris esse putarent, nonnulli inciderunt in hostium manus. doneq; quaestor Ti. Claudius Nero, pater ejus Tiberii, qui postea imperavit, cum classe ad Canopum proventus, submovit Aegyptiorum stationes, plurimumque eo facto ad victoriam contulit. Amissus tamen ea expeditione cum sua quadriremi Rhodius Euphranor, rei bene gestae tristem imposuit notam.

*Mithridates  
Pergamenus.*

LXXVI. Inter haec Mithridates Pergamenus, initio belli missus a Caesare, validas in Syria atque Cilicia copias contraxerat. Erat enim magnae apud civitates auctoritatis, propter singularem virtutem in bello, et summam nobilitatem domi. quippe ad Gallograeciae Tetrarchas referebat genus, et, quia pellice Mithridatis Magni erat editus, amici materni hoc ei nomen imposuerant, ut rege prognatus existimaretur. Certe Mithridates, quum Pergami magnam Tetrarchici generis stragem edidisset, hunc parvulum non servavit tantum, sed et transportavit secum in castra, multosque per annos disciplinis regiis educandum curavit.

*Pelusium  
capit.*

LXXVII. Sed hic, ostio Pelusiaco conatus ingredi, quum ab Aegyptiis navibus prohiberetur, perrexit ad fossam, qualibus ea regio multis ex amne principe deductis irrigatur: atque, in eam translatis navibus, (nec enim ad mare pertinebat, sed iterum in flumen erat aversa) Nilo fluvio subvectus Pelusium venit. Ibi quum pacati responderetur nihil, firmum enim praesidium Achilles ibi collocaverat, ex itinere oppugnationem orsus, eodem die oppidum pugnando cepit. Insignis in ea victoria totoque deinde bello fuit Antipatri opera; qui, ab Hyrcano tribus Judaeorum millibus adductis, primus murorum, quae ipsi evenerat, partem dejecit. Idem et Arabas hospites suos, Soaemique filium Ptolemaeum, et Jamblichum regulos, multasque praeterea Syrorum civitates, ad mittenda Mithridati auxilia impulerat.

Cap. LXXV. Dio. Sueton. Tiber. c. 4. Hirt. Dio. Sueton. Hirt. Cap. LXXVI. Strabo, l. 13, p. 625. Plut. de Virtut. Mulier. c. 44. Hirt. de B. Alex. c. 78. Cap. LXXVII. Dio. Marcellin. 22. Strabo, l. 17, 804. Dio. Hirt. Joseph. Antiq. 14. 14. et de B. Jud. 1, 7.

LXXVIII. Ceterum deinde iter ad Caesarem tendenti pacatius, praeter nomen Caesaris, et auctoritatem victoriae, idem Antipater praestitit, Aegyptios Judaeos, conspectu suo, et pontificis offensa epistola, in partes pertrahendo. Ita et, qui Oniae regionem incolabant, Judaei arma, quae prohibendo itineri sumperant, posuerunt; et omnia hospitaliter praebuerunt exercitui. Ab Onia Simonis filio Judaeorum pontifice loci nomen deductum est; qui, vastante Hierosolymam Antiocho, in Aegyptum fugiens, concedente Ptolemaeo, templum ad similitudinem patrii in Heliopolitano pago exstruxerat. Haud procul inde Memphis ab erat: (stadia centum octoginta intererant) cognitoque successu Mithridatis, inde quoque legati venerunt, opidum dedentes. Eo recepto, Mithridates ad Aegyptium Delta processit.

U. c. 705.  
A. C. 47.

*Et Oniae  
regionem  
occupat.*

*Et Mem-  
phis.*

LXXIX. Insula est haud procul Alexandria, quam in ejus literae formam una parte mare, duabus Pelusiacum et Canopicum Nili ostia constringunt. Appropinquanti missae a Ptolemaeo copiae occurrerunt. eorum pars, non exspectatis subsequentibus, flumen, quo Delta clauditur, transgressa, tenentem se munitis Romana forma castris Mithridatem temere lacessivit. Sed improvisa Mithridatis eruptione magnus numerus cum duce Dioscoride occubuit. ceteros notitia locorum texit, aut, quibus flumen transierunt, navigia reportarunt. In hoc etiam proelio insignis Antipatri opera fuit, qui laboranti Mithridati subvenit, Aegyptiosque jam sua opinione victores pepulit.

*Aegyptios  
profligat.*

LXXX. Quum deinde cetera multitudo advenisset, Mithridates, denuo coeptus oppugnari, nuncios ad Caesarem de rebus suis misit. Ergo sub idem tempus et hic ad recipiendum Mithridatem, et rex ad opprimendum proficiscuntur. Neque Ptolemaeus, quamquam venerat prior, operae pretium, facere potuit, antequam Caesar adveniret; aut hoc praesente prohibere, ne copiae conjungerentur.

LXXXI. Hoc facto, quum jam metueret, ne ad se iretur, equitatum omnem cum defecto pedite misit ad

*Caesar Pto-  
lemaci copias  
superat.*

Cap. LXXVIII. Hirt. Joseph. Joseph. de B. Jud. 7, 37. Eus. Chron. num. 1836. Hieron. in Dan. c. 9. et 11. Adon. Chr. Joseph. Cap. LXXIX. Joseph. Ant. Hirt. Marcellin. Strabo, l. 17, p. 801. Hirt. Dio. Hirt. Joseph. Antiq. 14, 15. et de B. Jud. 1, 7. Cap. LXXX. Hirt. et Dio.



U. c. 705. flumen ex Nilo deductum, quod superandum Caesari  
 A. C. 47. erat: et, donec eminus pugnatum est, loco adjuti fa-  
 cile restiterunt. postquam Germani equites vadis re-  
 pertis tranarunt, legionarii, magnis excisis arboribus,  
 quae ripam utramque magnitudine contingerent, et  
 aggere superinjecto, signa transtulerunt; terga ver-  
 tunt hostes. nequidquam. pauci enim refugerunt ad re-  
 gem, ceteros celeritas victorum occupavit.

*Interitus  
 Ptolemaci.*

LXXXII. Aegyptii, horum clade suoque periculo  
 anxii, legatos ad Caesarem de pace mittunt. ille, per-  
 fidam et imbellem gentem cogitans, victoria finire bel-  
 lum maluit: alteroque statim die castra regis undique  
 simul adortus, quamquam, praeter manufactas muni-  
 tiones, hinc editissimo loco, inde palude aut Nilo tu-  
 ta, expugnavit. Magna ibi caedes pugnantium fugien-  
 tiumque est edita. nam viginti millia regionum caesa  
 referuntur; quingenti ex victoribus. Rex ipse quum,  
 navigio consenso, fugeret, prae multitudine adna-  
 tantium insilientiumque, in Nilo navicula subsedit.  
 Cadaver, expulsum fluctibus, limoque obrutum, indi-  
 cio aureae loricae repertum. nam id in bello gestamen  
 erat Ptolemaeorum regum.

*Alexandri-  
 ni se dedunt.*

LXXXIII. Caesar, lorica Alexandriam praemissa,  
 cum equitatu statim subsequutus, per media hostium  
 praesidia intravit urbem. nec enim, audito eo proe-  
 lio, amplius de bello cogitaturos prospexerat. atque  
 illi supplice veste gestuque, sacrisque prolatis omni-  
 bus, quorum religione deprecari offensorum regum  
 iram consueverant, occurrerunt victori, fideique ejus  
 sine exceptione se permiserunt. Duodecim adhuc ar-  
 matorum millia erant, navesque longae septuaginta.  
 Haec novem ferme mensium spatio gessa: intra quod  
 tempus et in Africa Pompejanae partes coaluerunt, et  
 Pharnaces paternum regnum recuperavit.

*Cato Cyre-  
 non navigat.*

LXXXIV. M. Cato, cum ingenti numero navium  
 Corcyra profectus, Cyrenen petierat: estque receptus  
 a Cyrenensibus, quamquam Labieno, diebus aliquot  
 ante advecto, portas clausuerant. Eo in curam naves  
 ad eum venerunt, cum Sex. Pompejo novarum Come-  
 lia crudeliter interfecti viri triste nuncium perferens.

Cap. LXXXII. Dio. Oros. 6, 16. Hirt. Flor. 4, 2. Plut.  
 Dio. Liv. Epit. Flor. Oros. Capitolin. in Maxim. Jun. Cap.  
 LXXXIII. Oros. Hirt. Oros. Appian. Cap. LXXXIV. Lu-  
 can. 9, 34. Dio. Plut. Cat. Lucan.

Id auditum totaque classe mox vulgatum sic exterruit animos, ut plerique convertere vela, seque victori permittere cogitarent, exstincto, pro quo arma tulissent, Pompejo. Sed Catonis oratione revocati sunt plurimi: pars (neque enim retineri quemquam invitum Catoni placebat) in Italiam abnavigavit cum Cornelia, cui nihil a victore metuendum constabat. Atque ea deinde, nescio quas, Pompeji reliquias nacta sepelivit in Albano.

U. c. 705.

A. C. 47.

LXXXV. Catoni cum ceteris petenda provincia Africa videbatur, quo appulisse L. Scipionem audierat, Varumque habere magnas ibi copias, et fidum partibus Jubam. sed neque mari tutus erat transitus; et pedibus circumituro Syrtes per deserta et arida laboriosum iter, molesta sitis, infesti serpentes, insuperabiles pene difficultates, objiciebantur. Catoni tamen nulla videbatur poenitenda via, qua servitutem effugeret: tantumque abundavit ille vir animo, ut plerisque suorum ad eadem conanda inserere posset audaciam. Dimissis enim, qui sequi noluerant, inter quos et C. Cassius recta profectus ad Caesarem erat, tamen plures decem millibus eduxit.

*Africam**petit.*

LXXXVI. Sed, quia per squalientia loca proficiscenti timenda inopia aquarum erat, magnam asinorum multitudinem oneravit utribus: plausura quoque multa secum traxit, et adversus venena serpentum Psyllos, qui et exsugere virus ex vulneribus erant soliti, et carminibus vim nocendi anguium hebetare. His ita praeparatis, quamquam bruma erat, quo anni tempore mitius uritur ea regio, per aestatem sole torrida, et sperari pluviae poterant, divisas in partes copiis, quo commodius aquarentur, periculosissimum iter ingressus est. Ipse pedes ante signa ibat, laboris sitisque prae aliis patiens, totique exercitui exemplum, et deficiendi pudor. Per arenosa loca, in quibus plerumque viarum notas violentissimi flatus abolent, aegre ad Ammonis aedem perventum. Ibi relictis nonnihil copiis, reliquum iter absolvit. tricesimo, quam erat Cyrenis profectus, die circumgressus est Syrtin: inde pari ferme temporis spatio per

*Difficillimo itinere.*

Cap. LXXXIV. Plut. Cat. Dio. Plut. Pomp. Cap. LXXXV. Appian. Plut. Cat. Dio. Vell. 2, 54. Lucan. 10, 871. Dio. Cic. ad Fam. 15, 15. Cap. LXXXVI. Plut. Strabo, l. 17. p. 836. Liv. Epit. Vell. Plut. et Lucan. Lucan. 10, 511. Strabo. Lucan. 10, 941.

U. c. 705. cultiora paullo loca Leptin ventum, quae minor vo-  
A. C. 47. catur, ibique reliqua pars hiemis ad quietem militi  
concessa.

*Pharnacis  
bellum.*

*Cum Domi-  
tio Calvino.*

LXXXVII. Sed Mithridatis filius Pharnaces, occa-  
sione temporum usurus, Phanagorenses diu oppugna-  
tos, mox Colchidem omnem receperat: deinde, in  
Pontum conversus, Sinope erat potitus. atque, invi-  
tante successu, per absentiam Dejotari regis, Arme-  
niam minorem, et Cappadociam, Ariobarzanis regnum,  
vastare atque occupare coeperat; quum Dejotari pre-  
cibus et Amisenorum periculo, qui interim oppugnari  
coepti erant a Pharnace, Domitius Calvinus exiit, plus  
auctoritatis denunciatio haberet, cum omnibus copiis  
subsequutus. Eae constabant ex legione trigesima sex-  
ta, quam solam retinuerat, duabus ad Caesarem mis-  
sis; duabusque Dejotari legionibus, quas ille, Roma-  
num in morem armatas institutasque, jam a compluri-  
bus annis habebat. His accessit ex tumultuariis mi-  
litibus in Ponto confecta legio, cum auxiliis Cilicum,  
et centum Dejotari, totidem Ariobarzanis equitibus.

LXXXVIII. Pharnaces, adventu Domitii paullisper  
territus, fraudes moramque nectere, Cappadociam  
longius diffitam dimittere, non dimittere Armeniam:  
denique postulare, ut Caesari res integra servetur.  
At Domitius, indignum nomine Caesaris et populi Ro-  
mani putans intermittere expeditionem, et Bosporano  
relinquere praedam, Nicopolin processit, Armeniae  
minoris oppidum.

*Proelium  
inter hos.*

LXXXIX. Ibi quum castra vicina hostibus haberet,  
factum est, ut ex literis interceptis Caesarem in ma-  
gno esse discrimine Pharnaces disceret. Idcirco fu-  
turum ratus, ut omnino discedere Domitius cogatur,  
trahendi temporis causa, sine detrimento auctoritatis,  
numquam longius produxit copias, quam quoad fossae,  
quibus ab utroque latere locum muniverat, pertinge-  
rent. equitatum, quo erat superior, extra fossas habe-  
bat. Et processit ei consilium. quippe Domitius, quum  
morari diutius non posset, infecta re discedere turpe  
putaret, iniquo loco improspere proelium fecit. Pon-  
tica legio tota ferme interiit: Dejotari copiae vix con-

*Et victoria  
Pharnacis.*

Cap. LXXXVII. Sueton. Caes. c. 35. Appian. Mithridat.  
fin. Dio. Appian. Dio. Hirt. de B. Alex. Appian. Hirt.  
Cap. LXXXVIII. Dio. Hirt. Cap. LXXXIX. Liv. Epit. Dio.  
Appian. Mithrid. et Civil. 2.

spectum hostium tulerunt: sexta et tricesima legio, quum totus regis exercitus eam adortus esset, virtute se defendit, amissisque militibus omnino ducentis quinquaginta, in loca situ tuta se recepit. Inde Domitius, collectis reliquiis suorum, per Cappadociam in Asiam rediit.

U. c. 705.  
A. C. 47.

XC. Pharnaces, mire elatus hac victoria, multas extorsit populo Romano sociisque provincias, Bithynia, Cappadocia, finitimisque regionibus occupatis, pulsisque, qui beneficio Romanorum haec obtinuerant, regulis. Recepit et Pontum, nullo jam defendente: Amisoque expugnata, saevissime tractavit et cives Romanos, qui ibi negotiabantur, et oppidanos: interficiendo puberes, exsecando pueros, nullo praetermisso genere aut ignominiae, aut crudelitatis. Inde jam per Bithyniam paterna vestigia premens, Asiam cogitabat invadere: fecissetque, nisi Asandri nunciata defectione fuisset revocatus, quem Bosporano regno praefecerat. Haec, pro magnitudine rerum celeribus et cavidis nunciis ad Caesarem delata, mersum voluptatibus, et Aegyptiis deliciis mancipatum, ad rempublicam capeffendam duobus acerrimis stimulis excitarunt.

Cap. LXXXIX. Plut. Caes. Hirt. Cap. XC. Plut. et Dio. Appian. Hirt. Dio. Dio. et Appian.

# E P I T O M E

## LIBRI CENTESIMI DECIMI TERTII.

*Confirmatis in Africa Pompejanis partibus, imperium earum P. Scipioni delatum est; Catone, cui ex aequo deferebatur imperium, cedente. Et quum*

*Imperium earum P. Scipioni delatum est*] Ita Gronovius anno 1665. edidit; nec aliter est in Leid. Voss. Berg. Lov. 2. et Boend. nisi quod eorum ultimus legat eorum, et praenomen Publius ignoret. eorum praefert etiam ed. Campani. Excusi ante Gronovium habent earum imperium. Deinde Q. Scipioni malebat Delirius ad Epit. seq. Sed vide, quae ibi notantur. Paullo ante Pompeji partibus Leid. et Berg. Male. Infra Epit. seq. Eques Romanus Pompejanarum partium.

*Cui ex aequo deferebatur imperium*] imperium vacat; subauditur enim ex priore membro. Vet. lib. SIGON. Eandem tamen vocem servant Leid. Voss. Lov. 2. Boend. Exc. Pithoei, et Norv. quare etiam restitui. Unus Berg. Sigonio favere videtur.

*Pompeji Magni filius*] Vet. lib. *Inde Pompejus Magni filius*. SIG. Tò *Inde* allevit Sigonius. Voss. *In Pompeji*. Gud. Cn. *Pompeji*. Scribe Cn. *Pompejus Magni filius*. J. FR. GRONOV. Cum editis ante Sigonium faciunt Leid. Boend. et Norv. cum vet. libro Sigonii Exc. Pithoei. Cn. *Pompei Magni filius* legit Lov. 2. Cn. *Pompejus Magni filius*, ut Gronovius conjecit, Berg. quod

Clericus recepit, et postea etiam Crevierius recte probavit, addita hac causa: quum duo filii Pompeji essent, qui praenominibus distinguebantur, verisimile admodum esse, auctorem Epitomes ei, de quo agebat, suum praenomen addidisse. Certe id fecit infra Epit. 193. *Sex. Pompejus, Magni filius*, etc. totam provinciam occupavit. In eo tamen aliquid humani passus est Crevierius, quod adfirmet, lectionem hanc clare expressam reperiri in uno e codd. a Gronovio inspectis. *Pompejus Magni filius* eadem ratione dictum, qua *Servilius Prisci filius*. De eo vide ad 4, 45, 5. Mox *contractis in Hispania viribus* Boend. Deinde *Africanus*, pro *Africanus*, Exc. Pithoei. Vide ad Epit. 110. Tandem volebat Berg.

*Pharnaces, Mithridatis filius, rex Ponti, etc. victus est*] Ita primum Moguntiae editum vidi. Priores excusi dederant *ex Ponto*; quod licet Leid. Voss. Berg. Lov. 2. Boend. Exc. Pithoei, et Norv. praeferant, alterum tamen verius est. *Pharnacem in Ponto vicit* dixit Orosius 6, 16. ex quo emendandus est Freculph. part. 1. lib. 7, 9. in quo male *in ponte* nunc editur. Mox *tò est* exulat a Boend.

*de diruenda urbe Utica propter favorem civitatis ejus in Caesarem deliberaretur, idque ne fieret, M. Cato tenuisset, Juba suadente, ut dirueretur; tutela ejus et custodia mandata est Catoni. Cn. Pompejus Magnus filius in Hispania, contractis viribus, quarum ducatum nec Afranius, nec Petrejus excipere volebant, bellum adversus Caesarem renovavit. Pharnaces, Mithridatis filius, rex Ponti, sine ulla belli mora victus est. Quum seditiones Romae a P. Dolabella*

*A P. Dolabella tribuno plebis* De turbis ab eo in republica concitatis narrat Dio 42, 198. et saepe queritur Cicero in Epistolis ad Atticum. Vide Manutium in 11. ad Attic. 23. Dio eum a patriciis ad plebem transiisse tradit, ut tribunus plebis fieri posset. Certum est, eum non aliter tribunum plebis fieri potuisse; quam etiam P. Clodio causam fuisse, cur se a P. Fontejo, homine plebejo, adoptari voluerit, e Cicerone pro Domo cap. 13. et Dione 37, 53. constat. Sed in quam gentem plebejam transierit, nusquam discrete proditum scio. Cicero 7. ad Attic. 8. scribit, eum testamento Liviae ejusdam cum duobus coheredibus in triente institutum, sed nomen mutare jussum fuisse, et πολιτικὸν σύνεσμα esse dicit, an rectum sit nobili adolescenti, mutare nomen mulieris testamento; sed simul significat, se ac Dolabellam certius de eo judicatuuros, quam scivissent, quantum in triente trientis esset. An hereditas illa, in qua tantum triens trientis erat, tam locuples fuerit, ut Dolabella eam sibi adeundam, et nomen testamento mulieris mutandum, et cetera, sine quibus patricius in gentem plebejam transire non poterat, facienda putaverit, satis incertum esse agitur, et

in ea sententia esse video Signinum 1. de Ant. Jure Civ. Rom. 7. Malaspina ad Ciceronis l. d. putat, eum non crevisse hereditatem, quia postea etiam in Fastis consulum P. Cornelius Dolabella, nec praenomine, nec nomine, nec cognomine mutato, vocetur. Sed hoc argumentum non maximi ponderis est. Nam primum, poterant esse causae, quamquam hic ullam fuisse non credo, ob quas ei, qui testamento adoptatus erat, hereditatem cernere, et tamen nomine testatoris abstinere liceret, ut docent JCTi in l. 7. l. 63. §. 10. Ad SCtum Tertull. et constat exemplo Tiberii apud Sueton. in illius vita cap. 6. de cujus loci sententia non per omnia adsentiri possum Heraldus Observ. cap. 20. Deinde etiam exempla aliorum ex eadem aetate sunt, qui post adoptionem vel rarissime novis nominibus, vel fortasse numquam aliter, quam veteribus, a scriptoribus appellantur. M. Junium Brutum, percussorem Julii Caesaris, a Q. Servilio Caepione avunculo adoptatum, (incertum testamento, an lege curiata) Cicero his omnino, mi fallor, patris adoptivi nominibus Q. Caepionem Brutum vocat, semel s. ad Attic. 24. iterum 10. P. Mlipp. 44. ubi semper M. Brutum. T. Pomponius

tribuno plebis, legem ferente de novis tabulis, excitatae essent, et ex ea causa plebs tumultuaretur, inductis a M. Antonio magistro equitum in urbem militibus, octingenti e plebe caesi sunt. Caesar ve-

*Atticus*, a Q. Caecilio avunculo testamento adoptatus, ut auctor est Corn. Nepos in Att. cap. 5. hereditate adita nomina quidem avunculi sumxit; sed haud scio, an post adoptionem nusquam a Cicerone Q. Caecilius vocetur, nisi in sola Epistola 20. libri 3. ad Atticum, qua ei hereditatem gratulatur, cujus inscriptio est Q. Caecilio Q. F. Pomponiano Attico. In aliis ad eum epistolis et libris postea scriptis, quam plurimis locis, eum vel Titum, vel Pomponium tantum, vel T. Pomponium nominat. Ser. Sulpicium Galbam, a noverca Livia Ocellina adoptatum, (testamento, ni fallor; nam tum nondum aliter videntur adoptare potuisse foeminae) L. Livii Ocellae nomina adsumpsisse, et Lucium praenomen usque ad tempus imperii usurpasse, scribit Sueton. in Galba cap. 4. nec tamen ab ullis scriptoribus aliis, quam ante adoptionem, nomini- bus appellatur. Quin etiam ex iis, quos non testamento, sed comitiis lege curiata, adoptatos constat, P. Clodius patricius, a P. Fonteio plebejo adoptatus, post adoptionem nusquam, quod quidem invenire potuerim, P. Fontejus, sed semper P. Clodius, ut ante eam, dicitur. Non potest igitur ex eo, quod Dolabella post adoptionem Liviae nomina mutasse non legitur, concludi, eum hereditatem illius non crevisse. Potuit eam cernere, et tamen a scriptoribus tam veteribus nominibus, ut illi, quos dixi, quam novis, etsi de his testimonium nullum superest, vocari. Nam tum eos, qui adoptati erant, sal-

tem qui testamento, vulgo sine discrimine, modo nominibus, quae ante adoptionem habuerant, modo novis, quibus illa mutare iussi fuerant, appellatos fuisse, argumento sunt verba Varronis 2. de Re Rust. 2. *Atticus, qui TUNC T. POMPONIUS, NUNC Q. CAECILIUS*, cognomine eodem. Unde, qui Ciceroni post adoptionem Pomponius Atticus, Suetonio in Tiberio cap. 7. *Caecilius Atticus* est. Adde, quae ad Epit. 114. de Scipione, socero Pompeji, adnotantur. Dixi fortassis plura, quam necesse erat: hoc tamen lubet addere, mihi quaerendum videri, an mos testamento adoptandi, et heredes sub conditio, ne ferendi nominis instituendi apud Romanos vetus fuerit. Multa de eo scripta sunt, sed nullum vetustius illius exemplum prodatum vidi eo, quod Cujacius 7. Observ. 7. ex Cicerone de Clar. Orator. c. 58. observavit; quod quum ad medium fere seculum septimum ab Urbe condita pertineat, indicio esse potest, eum non valde antiquum esse. De mutatione nominis per adoptionem add. Malasp. ad Cicer. 3. ad Attic. 23. et de adoptione in testamento Bosium in 7. ad Attic. 8. DUKER.

*Legem ferente de novis tabulis, excitatae essent] de novis tributis, excitarentur* Voss. qui verbis proximis praefert ut ex ea causa, pro et ex ea. Sed, voculas illas passim a librariis confundi, vidimus ad 21, 28, 8.

*Inductis etc. in urbem militibus, octingenti e plebe caesi*

*teranis cum seditione missionem postulantibus dedit: et, quum in Africam trajecisset, contra copias Jubae regis cum discrimine magno pugnavit.*

sunt] Voces in urbem exsulant a Leid. Insuper militibus octingentis, a plebe caesi sunt Leid. Voff. Berg. Lov. 2. Boend. Norv. et editi ante Frobenium, qui anno 1531. ita emendavit, ut nunc editur. Ei proxime accedunt Exc. Pithoei, in quibus est octingenti a plebe.

*Veteranis cum seditione missionem postulantibus*] Decumanos fuisse, Sueton. Caes. cap. 70. Dio lib. 42, 209. et Appian. 2. Civil. 485. tradunt. DUKER. cum

*sessione postulantibus inperite* Voff. *postulatibus* Boend.

*Contra copias Jubae regis cum discrimine magno pugnavit*] *adversus copias* Leid. Voff. Berg. Lov. 2. Boend. et Exc. Pithoei. Vide ad Epit. 57. Tum *Libiae regis* Voff. Dein *cum discrimine maximo* pleraeque edd. ante Gronovium, qui anno 1665. magno substituit, consentientibus Voff. Leid. Berg. Lov. 2. Boend. et ed. Campani. Vide ad Epit. 50.



# JOHANNIS FREINSHEMII

## SUPPLEMENTORUM LIVIANORUM LIBER LXXVIII.

### IN LOCUM LIBRI CXIII. T. LIVII.

**U. c. 705.** I. Caesar, Aegyptiis ad deditionem coactis, quum  
**A. C. 47.** provinciam facere posset, novarum scilicet rerum me-  
*Caesar in-* tu, si forte nacta violentioris ingenii praesidem fuis-  
*serim cum* set, noluit: revera praemium libidinum Cleopatrae  
*Cleopatra* dedit, juncto in matrimonium regnumque superflite  
*deliciatur.* Ptolemaeo, qui puer admodum mariti regisque susti-  
neret nomen, opere potentiaque Caesari et Cleopatrae  
relicta: adeo non dissimulatus adulter, ut et conti-  
nuo secum haberet reginam, et convivia saepe in pri-  
mam lucem cum ea protraheret: denique, per spe-  
ciem cognoscendae antiquitatis, eadem thalamego,  
sequentibus navibus quadringentis, Nilo flumine sub-  
iit, vel ad Aethiopiam penetraturus, ni sequi exerci-  
tus recusasset. Thalamegos princeps invenit Ptole-  
maeus Philopator, ea structura, quam accurata de-  
scriptione Callixenus exsequutus est. Neque dubita-  
tur, aut diutius haesurum in Aegypto Caesarem, aut  
secum deducturum illam fuisse, nisi intervenisset co-  
ercendi Pharnacis necessitas.

*Inde conten-* II. Idcirco abducta ex regno Arsinoë, ne molesta  
*dis in Syri-* sorori esset, legiones duas reliquit praesidio novis  
*am.* regibus, simulque custodiae, ne qua occasione muta-  
re animum possent. ipse cum sexta veterana pedestri  
itinere contendit in Syriam. Ibi civitatibus, quarum  
auxiliis adjutus fuerat, magna beneficia tribuit: Ju-  
daeis praecipue, quorum principatum firmavit Hyrcano,  
civitatem Romanam cum immunitate dedit Antipa-  
tro, utrumque absolvit incusatos ab Aristobuli filio  
Antigono, procuratoremque Judaeae declaravit Anti-

---

Cap. I. Sueton. Caes. c. 35. Dio, l. 43. Plut. Caes. Hirt.  
de B. Alex. Appian. Civil. l. 2. Dio. Sueton. Caes. c. 52.  
Appian. Sueton. Athen. 5, 9. Dio. Cap. II. Hirt. Joseph.  
Antiq. 14, 15. et de B. Jud. 1, 7. et 8.

patrum. Hyrcano petenti potestatem concessit instaurandi muros urbis suae, quos Pompejus dejecerat. unde mox foedus cum legatis eorum renovatum est senatusconsulto, quum ex literis Caesaris ea de re in aede Concordiae L. Valerius L. F. praetor retulisset, ante diem Idus Decembres.

U. c. 705.  
A. C. 47.

III. His ita constitutis, tyrannisque et dynastis, ut merita cujusque erant, itemque civitatibus donatis multatisve, et controversiis cognitis, gentili suo Sex. Caesar legioibus praeposito, cum classe, quam sequi iusserat, in Ciliciam contendit, ad Pharnacis bellum iturus, quo maturius rebus in urbe et per provincias undique motis posset occurrere. Nam et ex urbe seditiones nunciabantur, et in Africa atque Hispania non contemnendae Pompejanorum vires coalescebant.

*Mox in Ciliciam.*

IV. Jam ad ceteros duces, qui in Africam erant transvecti, Cato pervenerat, ejusque sapientia et auctoritate res ibi ex incertis variaque aemulatione fluctuantes constitutae firmataeque erant. Quippe P. Varus, quod se jamdiu praefuisse Africae, sociumque victoriae Jubae ferebat, nolebat nobilitati dignitaeque L. Scipionis concedere: et Jubam uterque adulabatur, in hoc maxima spei parte reposita: superbusque rex suo ingenio eo pervenerat arrogantiae, ut primo congressu Catonis inter hunc et Scipionem medius consideret. Sed Cato, non ferens publicam ignominiam, in alterum latus transtulit sellam suam, Scipionemque in medium accepit; quamquam invidum hominem et iniquum, et qui tanto melioris viri famam etiam scripto edito attrectare non fuerat veritus.

*Catonis adventu Pompejanas partes in Africa confirmantur.*

V. Sed et postea, deferentibus imperium omnibus, noluit accipere, turpe futurum dictitans, si pro legibus dimicans contra leges imperaret. praesentibus enim consularibus, imperare praetorium non oportere. Insistentibus, ut igitur aequata cum Scipione potestate praeesset rebus, id quoque recusavit; addens, unius auspiciis administrari omnia consultius esse. Sic ad Scipionem summa rerum rediit, nominis quoque favore adjutum, bellamque terra marique haud segniter apparari coeptum. Nam

*Cato imperium oblatum recusat.*

Cap. II. Joseph. Antiq. 14, 16. Tac. Hist. 5, 9. Joseph. Cap. III. Hirt. Appian. Liv. Epit. Cap. IV. Dio. Plut. Cat. Cap. V. Dio. Vell. 2, 54. Appian. Plut. Liv. Epit. Dio. Plut. Dio.

U. c. 705. et Siciliam Sardiniamque infestabant classibus, captas-  
A. C. 47. que naves abstrahabant, arma praecipue ac ferrum  
quaerentes, quibus rebus egebant: et in Africa, quid-  
quid adversum partibus videbatur, validis praesidiis  
occupabant; aut vires nocendi detrahebant suspectis.

*De Uticen-  
sium excidio  
deliberatur.*

VI. Maxime consultatum est de Utica, praevalida  
urbe, et in partes Caesaris proniore. Intensissimus  
Uticensibus Juba erat, eosque concidi omnes, urbem  
solo aequari jubebat: ceterique metu aut adsentatione  
concedebant in sententiam. Ibi Cato, summis viribus  
obnixus, salvum oppidum retinuit, sponsoremque ob-  
tulit pro Uticensibus: eaque gratia custodiam Uticae  
finitimique et maris et agri, mandante Scipione, lu-  
bens recepit: utilemque partibus, et rerum omnium  
velut horreum effecit, arma, commeatus, machinas  
hinc exercitibus ministrando, quam inconsulta cetero-  
rum ira deletam cupiverat. ita crudelitas et amentia  
saepe in sua praesidia saeviunt.

*Cn. Pompe-  
jus bellum  
in Hispania  
movet.*

VII. Ejusdem Catonis hortatu paullo post etiam in  
Hispania magnum bellum Cn. Pompejus adolescens ex-  
citavit. Nam, hominis gravissimi verbis stimulatus,  
pro claritudine paterna relictisque ab eo clientelis,  
magno animo jubentis rempublicam capeffere, pro-  
fectus ab Utica in regnum Bogudis, repulsusque a  
Mauris, trajecit in Baleares insulas. inde, cognitis Hi-  
spaniae turbis, quarum ex Cassiano tumultu magnae et  
acres reliquiae erant, brevi tempore insignes in ulte-  
riore provincia progressus fecit: et, quia nec Afranius,  
nec Petrejus excipere delatum ab ipso imperium volue-  
rant, ulteriora subinde moliri, et per se administra-  
re bellum coepit.

*Caesar Cap-  
padociam  
constituit.*

VIII. At diversis longe orbis partibus Caesar, con-  
ventu Cilicum Tarsi acto, per Cappadociam magnis  
itineribus Comana venit: ibique sacerdotio Lycome-  
di tradito, qui e regio Cappadocum genere ducebat  
stirpem, hujus in gratiam quatuor schoenos agri ad  
priores sacerdotii possessiones adjecit Caesar: et Aria-  
rathi, fratri regis Ariobarzanis, (is obtinuisse prius  
id sacerdotium videtur) quaedam attribuit: ne otio-  
sus

Cap. VI. Liv. Epit. Plut. Cap. VII. Dio. Appian. Hirt.  
de B. Afric. c. 32. Cic. ad Att. 12, 2. Dio. Auct. de B.  
Hisp. c. 1. Liv. Epit. Cap. VIII. Hirt. de B. Alex. Appian.  
Mithrid. Strabo, l. 12. p. 558. Hirt.

sus et egens fratri suspicionem, sibi periculum crearet, praesertim quum et antea fuisset sollicitatus a quibusdam gentis principibus, ut regnare vellet. Ariobarzani autem pro his, quae imperio ejus decedebant, partem Armeniae minoris, ademptam Dejotaro, dedit.

U. c. 905.  
A. C. 47.

IX. Quum enim ad Gallograeciae fines accessisset, depositis regiis insignibus, et supplicis habitu sumpto, Dejotarus occurrit, excusans quod in ea parte terrarum positus, ubi nulla praesidia Caesaris essent, praesentibus imperiis paruisset. Adversus ea Caesar, commemoratis beneficiis suis, tamen aetati ejus dignitatisque et amicis deprecantibus dare dixit ejus delicti veniam: de controversiis tetrarcharum postea cogniturum. Interea legionem, Romana disciplina constitutam a Dejotaro, equitatumque omnem adduci ad bellum Ponticum jussit.

*Dejotaro deprecanti ignoscis.*

X. Pharnaces, intellecto Caesaris adventu, omittere Asandrum coactus, in Pontum recurrit, de pace legatos praemittens, quod imperatoris acerrimi timebat impetum, licet exiguis sane copiis instructi. Nam sexta legio, quam ex Aegypto deduxerat, adeo multis erat proeliis diminuta, ut minus mille militum haberet: Dejotari legio, nec genere hominum, nec usu rei militaris censebatur: duas habebat praeterea, quae nuper sub Domitio cladem passae erant. Caesar, legatos mitibus responsis ludificatus, nihil de velocitate itineris remittebat. Quum uni, quum alteri oratores sic ad regem redissent, ut verba Caesaris ad pacem, festinatio ad bellum spectare viderentur, tertia legatio venit, auream coronam adferens: petensque ut socii atque amici regis donum acciperetur.

*Pharnacis legationes ad Caesarem.*

XI. Neque enim ullum adversus Caesarem Pharnacis delictum exstare, nisi quod contra vim Calvinii jus suum coactus defendere, quum abstinere bello in totum maluisset, injuriam propulsaris. Quamvis enim fecerit amicitiam tuam, (inquiunt) quo alio clariore documento cognosci potuit, quam quod auxilia petenti Pompejo nulla misit; atque ei Pompejo, cujus et in se liberalitatem, et in patre vim atque potentiam largiueras expertus? Qui igitur, adversario tuo victore, ne vivere quidem, nedum regnare, posuisset, cum a te conservari aequum est. praesertim quum pro mirabili tua clementia ita etiam ignoveris, a quibus durissimo tuo tempore es oppugnatus.

*Oratio legatorum.*

Cap. VIII. Cic. ad Fam. 15, 2. Dio. Cap. IX. Hirt. Cap. X. Dio. Hirt. Dio. Appian. Civil. 1, 9. Cap. XI. Dio. Hirt. Supplem. Liv. Tom. XIV.

K

U. c. 705.  
A. C. 47.  
Bellum de-  
precantur.

XII. *Quis acerbior tibi hostis, quam Deiotarus, existit? qui, non contentus mittere, quantas omnino potuit, copias, ipse ad bellum profectus est hac aetate, cujus excusatione, si non rex et amicus et hospes Pompeji, sed libertus, aut unus de grege militum fuisset, uti potuisset. Sed tamen hunc, absolutum hoc delicto, in numerum amicorum recepisti. Nec aut reprehendit ista Pharnaces, aut Deiotaro felicitatem suam invidet. Tui te exempli, tui moris admonet, oraque, ut eo instituto uti pergas, quo haud pauciores adversarios, quam, quibus invictus es, armis, superasti. Quod si propter commissum cum Domitio certamen irascendum putas, at saltem regis satisfactionem accipe. aut docebit, haec a te vindicari non oportere; aut, quidquid imperaveris, faciet. hoc unum deprecatur, ne hostili adventu ad summam se desperationem adigas.*

XIII. *Deiotarus ceterique finitimorum, amicitia Pompeji freti, laceessere non desierunt, donec regem ad ea arma cogerent, quibus et ipsorum comprimeret audaciam, et bello victor paterna hereditatis partem recuperaret. Et, quamquam difficile est in bello, praesertim felicibus armis, tenere modum, neque calore victoriae supra fines juris efferri, ea tamen modestia Pharnacis fuit estque, ut neque plura, quam appetere debuit, attrectasse putet, et huius ipsius causae iudicium tibi deferat. Nec sane aliam ob causam cum Domitio dimicatum est, quam quod ille rem integram ad tuam cognitionem relinquere noluit; Pharnaces, praeter te, quemquam arbitrum pati non potuit. Hac potius, quam armorum fiducia, licet egregium, et duobus atque viginti proeliis expertum, omnibusque victorem exercitum trahat, quietus in castris ad Zielam expectat responsum: quod a te moderatum amicumque referri, tum perpetuae mansuetudinis tuae, tum etiam rei Romanae, praesenti quidem statu rerum, interest.*

XIV. *Caesar ad haec, reportari ad regem iubens coronam, tum se dona, tamquam ab amico, respondit accepturum, quum promissa praestitisset. Frustrum se venditare eo, quod amicum deseruisset in discrimine, auxiliumque non misisset Pompejo. neque Caesari rem illam, sed ipsi, profuisse, ne eodem victoriae impetu cum ceteris, qui in praesidiis Pompeji fuissent, prostigaretur: et, ut maxime fecisset in suam gratiam, non ideo se privatis meritis publicas iniurias condonare. Tamen, quia neque mortuis vita, neque virilitas exsecris restitui possit, quod possit, imperare: uti Ponto confestim decedat, familias publicanorum remittat, cetera, quae penes eum essent, sociis civibusque Romanis restituar.*

Cap. XII. Cic. pro Dejot. c. 3. Cap. XIII. Hirt. Cap. XIV. Dio, libb. 41. et 42. Hirt.

XV. Sed Pharnaces, non ignarus necessitatum, per quas Caesari ad urbem erat properandum, callide agere, diemque decedendi longiorem postulans, et subinde mutans conditiones, tempus trahere coepit. Difficile erat hominem eo ingenio, eaque rerum peritia, fallere. Igitur fraude fraudem eludens Caesar, dum alias admittit conditiones, alias rejicit, decepit Pharnacem, priusque conseruit manus, quam quisquam putavisset. Nam, positis ab hoste circiter millia passuum quinque castris, situque locorum explorato, quam proxime ad eum statuit accedere.

U. e. 705.  
A. C. 47.  
*Pharnaces  
rem callide  
trahit.*

XVI. Sed, quia ferme eundem habebat exercitum, qui victus cum Domitio fuerat, oratione militum animos confirmandos ratus, concionem advocavit: causisque belli breviter enarratis, *Has igitur, inquit, Romanum nominis injurias quisquam, cui modo manus et arma sunt, patiatur? nedom nos, quibus multo, quam nunc sumus, paucioribus, ad haec imparatis atque oppressis subito tumultu, Alexandria, fortissimum et nobilissimum oppidum, et rex multo potentior hoc Pharnace succubuit. quid enim ad Aegyptum est Bosphorus? Quamquam hic etiam Bosporo excidit, contemptus pulsusque a famulis suis, nec fiducia virium in Ponto resistens, sed quia neque procedere nostri metu, neque redire in regnum, Asandro prohibente, potest.*

XVII. Atque is quidem bono omine res gesturum putat, quod eo loco castra posuit, unde progressus pater ejus Triarium, cum paucis et incompotis temere se obijciens, peravit. Sed, si qua manium Mirbridatis ullo loco potestas est, quis dubitet, quin omnis a nobis statuta sit contra sceleratissimum parricidam? Quare mihi quidem stulte delegisse locum videtur, qui patris memoriam ullam retineat. Haec, haec nefandi facinoris conscientia saucium exagitabit animum, consilia emovebit, audaciam deprimet: hoc ei loco Mirbridatis occurrent umbrae, hominique damnato et deprehenso, vindictamque praesentem praesentienti, errorem, consternationem, amentiam furiae patris impingent.

XVIII. Et haec quidem, quia viribus humanis superiora sunt, quamlibet egregium deicere imperatorem possent. Pharnaces, neque ulla re magna gesta, neque patri, qui tamen toties a Romano milite victus est, comparandus, furto, quam bello, melior, et sociis potius timendus, quam hosti, quod cum Domitio, tirones ducente, et meis temporibus festinare contra belli rationem coacto, proelium prosperum fecit, aut viribus

*Pharnacis  
victoriam  
elevat.*

U. c. 705. suis aut felicitate confidas? Quantula enim illa, si omnia re-  
 A. C. 47. putes, victoria, aut cujus adeo laudis fuit? Ut enim de ea paucis differam, una causa moveor, ne forte quidam eorum, qui interfuerunt, viribus hostium, aut prudentia regis se victos arbitrentur. nam plerique, satis novi, memoria pugnae istius, non ad timorem, sed iram, sed cupiditatem ultionis, sed impatientiam morae, commoventur. Hi quidem veterani mei, (sextae legionis milites innuebat) ab hoc, sicut ceteris hostibus, invicti, neque ista commemoratione, neque omnino cohortatione mea indigent. Sed et sexta et tricesima legio sola sustinuit totum exercitum regis; amissis paucis, frustra impedire conatis hostibus, se, quo voluit, recepit.

Ejusque causas.

XIX. Quod autem acceptum est detrimenti, neque militibus imputandum est, neque ducis imperitiae, neque Pharnacis aut prudentiae, aut viribus. Quae igitur causa istius ignominiae fuit? Tempora mea, uti praedixi, et locus, qui erat pro hostibus, et quod reverti Domitius non tentata pugna indecorum, commorari diutius iisdem locis, nullo pacto faciundum judicavit. Igitur numero militum equitumque, ad haec locorum situ munitionibusque superiori, non iam gloriosum est, quod fossas transcendere ausos in ipso conatu oppressit, quam turpe futurum erat, si esset a paucioribus intra sua munimenta superatus.

In praesentia cunctis auctoribus habere demonstrat.

XX. Ceterum, quae tunc maxime adjuverunt hostem, hoc tempore nulla sunt. non ab aliquo ducum meorum administratur bellum, qui meas rationes respicere, atque eo dirigere consulta omnia debeat: quae res plerumque, locis atque temporibus difficilibus intervenientibus, perquam est incommoda. Imperator vobis adest, et imperator Caesar, cujus promissa numquam fefellerunt exercitum, cujus spem numquam fefellit miles: locum autem a Pharnace delectum non magis hostilia castra, quam nostra, muniturum esse, propediem ostendam. Vos interea aggerem, celeriter usui futurum, intra vallum comportate.

Pharnaces, instructo exercitu Caesarem petens,

XXI. Castra Pharnacis eo situ erant, ut editissimo colli imposita praeruptis vallibus munirentur. easdem valles ei munimento pariter futuras, qui diversa a parte castra opposuisset, Caesar videns, dubia adhuc luce in eum locum deferri comportatum aggerem jubet, ibique castra munire incipit. Ea re conspecta, Pharnaces, nam mille admodum passuum vallis intererat, productis copiis, aciem instruit. neque commovetur Caesar, quia vallis iniquissima transitum impe-

diebat, more magis militiae, quam pugnandi consilio, facere regem putans, ut opus prohiberet, aut ostenderet fiduciam. Sed ille, sive loci felicitate confusus, sive auspiciis, ut postea auditum est, sive contemptu copiarum, quas vicerat prius, et veterani sui exercitus virtute, in praeruptam vallem, qua nemo sanus demissurus copias credebatur, descendit; eamque permensus eodem gradu adscendere per angustam et arduam semitam coepit.

U. c. 705.  
A. C. 47.

XXII. Caesar, incredibili hostis audacia oppressus, *Profligatur.* omnia simul agere necessum habebat; revocare ab opere milites, arma jubere capere, instruere armatos, et, quid ubique fieri vellet, ostendere. Interim falcati currus regis adfuerunt: et propter iniquitatem loci, quamquam a trepidantibus, multitudine telorum haud difficulter oppressi sunt. Sequuta est acies hostium, neque turbata suorum casu conflixit acriter. Sed, quia in subeuntes pila ex edito conjiciebantur, cito mutata proelii est ratio, praesertim dextro cornu, ubi sexta legio consliterat. sinistro, mediaque acie, tardius, sed tamen profligati sunt regii, et, per praecipitem vallem acti, multi hostili ferro, alii suorum incidentium pondere procubuerunt. qui autem celeritate pestem utramque vitaverant, ut expeditius fugerent, armis projectis, ad sua castra contenderunt. At Romani, non contenti persequendis ad ima vallium hostibus, ad alteram partem adscendere, vimque facere coeperunt: neque hostes, quamquam e superiore loco, magnam moram injicere inermes poterant. Sic enisi milites ab eadem alacritate castra oppugnaverunt, et, nequidquam defendentibus, quae praesidio fuerant relictæ, cohortibus, ceperunt.

XXIII. Ea tamen mora spatium Pharnaci dedit paucis cum equitibus se proripiendi, ne vivus veniret in *Pharnaces fugit.* hostium potestatem. exercitus sane totus periit, omni aut occisa regionum, aut capta multitudine. Rebus his praeclarissime gestis, magna laetitia Caesaris fuit, quod et facilis victoria ex difficillimo initio exstiterat, et hostis non contemnendae opinionis sine ulla belli mora victus erat. Ajuntque Pompeji praedicasse felicitatem, cui ex eo genere hostium cum ingenti gloria cognomen *Magni partum esset.* Romam certe scripsisse creditur ce-

Cap. XXII. Dio. Hirt. Cap. XXIII. Plut. Caes. Hirt. Liv. Epit. Appian. Plut. Flor. Appian.



U. c. 705. lebratum illud, velocitatem victoriae cursu et brevitate verborum exprimens, *veni, vidi, vici*: eundemque postea titulum inter fercula triumphi praetulisse.

*Mox ab Asandro occiditur.*

XXIV. At Domitius, ad insequendum Pharnacem missus, Sinopen delatum cum mille admodum equitibus, qui ad eum ex fuga convenerant, accepto in deductionem oppido, salvum abire permisit. Ille, magna suorum indignatione equis interfectis, in naves se contulit, vagatusque circum Ponticas gentes, e Scythiis Sarmatisque contraxit mediocre multitudinem: Theodosiamque et Panticapaeum recepit. Inde vi adjungere proxima quaeque Bospori conantem Asandri arma exceperunt: proelioque commisso, quum, quod roboris habebat, equites, pedestri pugnae minus adsueti, vincerentur, Pharnaces fortissime pugnans interfectus est, aetate quinquagenarius: quum Bospori regnum annos admodum quindecim tenuisset.

*Caesaris acta post victoriam.*

XXV. Interea Caesar, praeda regia militibus concessa, juxta tropaeum Mithridatis, quod, victo Triario, erectum, ut rem Diis belli praesidibus sacram, evertere nefas habebatur, aliud de Pharnace opposuit. ipse, cum expeditis equitibus profectus, legionem sextam decedere ad accipienda praemia in Italiam iussit, auxilia Dejotari remisit domum; Caelium Vinicianum cum duabus legionibus reliquit in Ponto. Amisenis in calamitatis solatium concessit libertatem: cetera, quae cuique Pharnaces eripuerat, antiquis dominis restituit, excepta parte minoris Armeniae, quam Ariobarzanis esse iusserat.

*Mithridatis Pergamensi praemia.*

XXVI. Per Gallograeciam atque Bithyniam iter faciens, controversias earum provinciarum composuit, et, quae quemque tenere vellet, constituit: Dejotaro, non solum propter lata adversum se arma, sed etiam quia sociis victoriae donanda non aliunde cumulatius sumi poterant, iniquior. Idcirco, licet ille deprecatores haberet plurimos, et Nicaeae defensu a Bruto esset enixissime, quae postea oratio est edita, Mithridati Pergameno, cujus Aegyptio bello praeclara opera fuerat, tetrarchiam Gallograecorum, pene

---

Cap. XXIII. Dio. Sueton. Caes. c. 37. Cap. XXIV. Appian. Mithrid. Dio. Appian. Cap. XXV. Hirt. Dio. Hirt. Dio. Cic. Phil. 2, 37. Cap. XXVI. Hirt. Cic. Phil. 2, 37. et pro Dejot. 13. Cic. ad Att. 14, 1. et Brut. c. 5. Plut. Bruto.

totam Dejotaro possessam, quasi jure gentis et cognationis adjudicavit Caesar; eundemque regem appellavit Bospori, qua Pharnaces tenuisset, etiam mandato adversus Asandrum, si cedere nollet, bello.

U. c. 706.  
A. C. 47.

XXVII. Inde, transgressus Asiam Graeciamque, in Italiam trajecit, nusquam diutius moratus, quam dum pecunias quocumque titulo exprimeret, quae per publicanos ei maxima cum invidia cogeantur: quemadmodum erat et superiore anno factum. Namque cupidus et sciens imperandi, neque regimen rerum sine exercitiis retineri posse noverat dicebatque, neque exercitus sine stipendiis ac praemiis. Idcirco et, quam a quaque civitate summam promissam Pompejo cognoverat, exegit: et ab aliis quaesito undique colore posulavit. Tyri certe sustulit e sanctissimo Herculis fano donaria per eam caussam, quod fugientem cum privigno Corneliam Tyrii hospitaliter excepissent. Misit et in urbem epistolas, collationem pecuniosis imperans. quo tempore T. Pomponio Attico, propter egregiam integritatem vitae, non modo molestus non fuit, sed etiam remisit condonavitque Q. Ciceronem Q. F. Attici sorore genitum, C. Trebonio, A. Hirtio pro eo deprecantibus.

Caesar fuisse cogit pecuniam.

XXVIII. Dum ista per diversas provincias geruntur, magnas Romae turbas tribuhatus P. Cornelii Dolabellae excitavit, de novis tabulis ferenda lege. Accedebat malis adversarius pari audacia L. Trebellius, et deterior utroque M. Antonius equitum magister. Inter hos infelix civitas quotidianis terroribus vexabatur, aliunde satis inquieta novae dominationis timore et jam sensu, ac majores subinde praeteritis calamitates exspectans. Nam et prodigiis, et responsis haruspicum exanimabantur, quae illo et superiore anno acceperant.

Turbae urbanae excitatae Dolabellae.

XXIX. Quippe, C. Caesare, P. Servilio consulibus, sub exitum anni, quum forte sacra Isidi fierent, examen apum in Capitolio juxta colossus Herculis sedit. Ob eam rem, de sententia vatum, omnia tum Isidis, tum Serapidis sacella sublata sunt. Ea dum diruuntur, forte et Bellonae aedícula per errorem ex-

Prodigia.

Cap. XXVI. Auct. de Caus. Corr. Eloq. c. 21. Dio. Cic. Phil. 2, 37. et de Divin. 2, 37. Cap. XXVII. Strabo, l. 13. p. 625. Hirt. Dio. Appian. Dio. Corn. Nep. Attic. c. 7. Cic. ad Att. 11, 20. Cap. XXVIII. Liv. Epit. Dio. Cic. Phil. 10, 10. et 11, 6. Dio. Cap. XXIX. Rycquius de Capit. c. 25. Dio.

U. c. 705. oisa, nefandorum sacrorum crudelitatem patefecit, re-  
 A. C. 47. pertis ibi fictilibus humana carne plenis. Hoc autem  
 anno, quo Alexandrinos et Pharnacem vicit Caesar,  
 magnus terrae motus exstitit, bubo conspectus est,  
 fulmina Capitolium et fanum Fortunae Publicae, Cae-  
 sarisque hortos, et in iis equum ex insignioribus per-  
 cusserunt: et Fortunae templum sponte patuit. Prae-  
 terea sanguis e pistrino effusus aedem Fortunae Pri-  
 migeniae attigit, et infantes aliquot sinistras in capi-  
 tibus habentes nati sunt. Id maxime certum esse ver-  
 sae fortunae praesagium, et deterioribus in meliores  
 imperium dari, haruspices adseverarunt, et populus  
 credidit.

*M. Antonii* XXX. His rebus anxias mentes magis etiam, quae  
*magisterium* videbant, terruerunt. Nam Kalendis statim Januariis  
*equitum.* M. Antonius magister equitum, senatu convocato, prae-  
 textatus et sex stipatus lictoribus, speciem quamdam  
 priscae reipublicae exhibebat. sed, quando nec con-  
 sul usquam, nec praetor ullus erat, ad haec gladio  
 cinctus ipse multitudinem secum trahebat militum, et  
 omnia pro potestate agebat, nemini dubium esse pote-  
 rat, a priori forma civitatem ad extremae servitutis  
 vilitatem descivisse.

*Et ex his* XXXI. Urebat etiam animos, supra acerbitem  
*praesagia* praesentium, instantis indignitatis expectatio. Mox  
*malorum* enim adfuturum Caesarem victorem omnium, re dominum, no-  
*Romae.* mine dictatorem. quam igitur illi fore superbiam, si cliens  
 ejus et magister equitum tam insolenter obtineret leges? Sane  
 clementiam hactenus insignem praetulisse, plerisque ignoscendo,  
 a quibus esses oppugnatus. Sed quem praestare posse, man-  
 suetudinem eandem mansuram victori et securo, quam, validis  
 adhuc diversarum partium rebus, et de exitu dubitans adhi-  
 buisset? Tyrannos ingenium ad tempus regere: donec, per-  
 fectis, quae optaverant, iam incipiant vacare metu, quam sem-  
 per vacent verecundia.

*Quae tamen* XXXII. Ne minima quidem in malis consolatio mi-  
*supprimis* seris aderat querendi invicem, mutuisque sermoni-  
*metus a* bus sublevandi animos: quum suspecta fides etiam in-  
*Caesare.* timorum, et proditis certum periculum esset. quin ul-  
 tre cogebantur abdere sensus suos, et, quum alii es-  
 sent, alios ostendere. Nec enim ferri tantum, quae  
 fierent, auctores eorum volebant, sed laudari quoque:  
 ac subinde supplicationes velut ob rem bene gestam  
 edicebantur, et frequentibus ludis spectatorum postu-  
 labatur hilaritas; quum ille ipse conspectus esset acer-

bus et ignominiosus, quod, paucis exceptis, quos tribuni faciebant, ludis magister equitum praesidebat accinctus, et ne publicae quidem laetitiae condonans exprobrationem servitutis.

U. c. 706.  
A. C. 47.

XXXIII. Sic adfecta civitate, P. Cornelius Dolabella exortus est novarum tabularum auctor, adolescens audax, nobilis, obaeratus, qualibus scilicet ad everrendum omnia nihil est paratius. Erat is nuper exemplo P. Clodii e patriciis transgressus ad plebem, occasione forte testamenti, quo Livia heredem institutum mutare nomen jusserat: sed tribunatus petendi consilium fuerat, in quo leges se laturum confidebat, quibus et ipse maximo aere alieno liberaretur. Idcirco factus tribunus plebis non diu distulit de tabulis novis promulgare rogationem plebi gratissimam. Sed L. Trebellius, collega Dolabellae, C. Asinii potentia adjutus, creditorum suscepta causa, optimatibus et locupletiori parti civitatis erat jucundissimus.

*Tumultus  
ob legem de  
tabulis no-  
vis.*

XXXIV. Ab horum concertatione magni tumultus initium in urbe fuit: quum utraque factio captis armis vim faceret, crebraeque hinc inde caedes patrerentur. Igitur et senatus intercessit, rem integram in adventum Caesaris servari jubens: et Antonius gestatione armorum in urbe interdixit paganis. Sed ille tamen in occulto Dolabellae favebat, popularis favoris semper appetens, et in eadem causa constitutus, qua ceteri, qui novas tabulas cupiebant. Postquam autem uxorem, patris sui C. Antonii filiam, cum Dolabella stupri consuetudinem habere comperit, aut comperisse ratus est; et illam exegit domo, et hunc oppugnare ab eodem odio statuit: plebi quoque jam iratus, a qua pluris fieri Dolabellam, quam se, videbat, quum apud senatum communis culpa maiorem partem ipse sustineret.

*Antonii in-  
constantia.*

XXXV. Jam erat ei concessum ab senatu, (juris enim, quod amiserant, imaginem saltem tuebantur, jubentes quod prohibere non poterant) ut, introducto in urbem milite, cum reliquis tribunis, qui neutri partium se conjunxerant, rempublicam defenderet. neque multum eo consilio profectum ad quietem erat,

*Ei manda-  
tur ab sena-  
tu reipubli-  
cae tutela.*

Cap. XXXIII. Plut. Anton. Dio. Cic. ad Att. 7, 8. Dio. Liv. Epit. Cic. ad Att. 11, 23. Dio. Plut. Anton. Cic. Phil. 6, 4. Cap. XXXIV. Dio. Plut. Cic. Phil. 2, 25. Id. ibid. 38. et Plut. Dio.

U. c. 705. quum nihilo sequius duo tribuni, suas quisque vires  
 A. C. 47. augendo, et inter sese, et cum Antonio Patribusque  
 decertarent: maxime postquam Antonius, seditiose  
 agere milites audiens, qui praemissi a Caesare post  
 Pharsalicam pugnam duces suos Sullam atque Messa-  
 lam exegerant; ad illos excucurrit, novo exemplo L.  
 Caesarem avunculum urbis praefectum declarans, qua-  
 lem potestatem nullus umquam magister equitum ha-  
 buerat. Tum vero, contempta senectute L. Caesaris,  
 atrocius inter se collisae factiones maiore, quam um-  
 quam, tumultu atque sanguine concurrerunt. Sed  
 audita C. Caesaris victoria, qui, compositis Aegypti  
 rebus, venire in Italiam nunciabatur, paullisper con-  
 tinuit hominum audaciam: donec, decedente metu,  
 quum adversus Pharnacem profectus Caesar esset, pri-  
 stinus furor rediit.

*Sed ille par-  
 tes fovet Tre-  
 bellii.*

XXXVI. Inter haec Antonius, neutrarum partium  
 studium praeferens, Trebellium clam fovebat, pote-  
 statemque faciebat conciliandi assumendique militis.  
 Sic, tamquam e duobus castris, debitores creditores-  
 que ad pugnam prodibant e locis urbis munitissimis,  
 quae praesidiis ceperant: caedesque et incendia pa-  
 trabantur, eo terrore et tumultu, ut aliquando sacra  
 Vestae ex illius aedibus a virginibus efferrentur. Igi-  
 tur alio senatusconsulto mandata est Antonio diligen-  
 tior urbis cura, majorque militum manus introducta.

*Et Dolabel-  
 lam armis  
 expellit fo-  
 ro.*

XXXVII. Sed Dolabella, desperans veniam a Cae-  
 sare, hoc agebat, ut claro aliquo facinore edito per-  
 iret. Idcirco die dicta, qua de tabulis novis et mer-  
 cede habitationum abolenda (nam et hoc caput com-  
 prehenderat) perlaturus legem esset, paratos esse ad  
 rogationem accipiendam suos iussit. Quum venisset  
 tempus, et, occupato utrimque fori aditu, ligneisque  
 turribus per opportuna loca erectis ad propugnandum,  
 magna multitudo confluxisset; Antonius prima luce va-  
 lidam e Capitolio deduxit manum, interfectisque e  
 plebe circiter octingentis, concidit tabulas legum, re-  
 liquos proposito locoque depulit, stationemque mili-  
 tum in foro collocavit.

*Antonii mo-  
 res improbi.*

XXXVIII. Ne sic quidem solida quies ante Caesa-  
 ris adventum est urbi reddita, quod Antonius aucto-

Cap. XXXV. Cic. ad Att. 11, 21. et 22. Dio. Cap. XXXVII.  
 Liv. Epit. Appian. Civil. 2. Dio. Cap. XXXVIII. Plut. An-  
 ton. et Cic. Phil. 2, 24. et 25.

ritatem dictatoris suamque potentiam magnitudine vi-  
tiorum debilitabat: cujus nocturnae comestiones,  
diurnus somnus, totius vitae turpitudine, sermonibus  
omnium notabatur: qui non erubesceret, quo tempo-  
re Caesari sub dio esset saepe contra ferocissimos ho-  
stes dimicandum, potare, scortari, alea, somno, luxu  
non ferendo tempus consumere. Erat enim, si quis  
alius, ingenio nequam et nepos, et paullo ante tri-  
bunus plebis in essedo, lictoribus praeceuntibus, per  
Italiam vectus erat, mimam Cytheridem in aperta le-  
ctica secum portans, cum turpissimorum hominum co-  
mitatu: quacum aliquando et curru dicitur incessisse  
leonibus juncto. Sed et, occasione praesentium tur-  
barum ad rapinas abusus, magnam vim auri argenti-  
que, sed et vini, diripiebat.

U. c. 705.  
A. C. 47.

XXXIX. Haec altera fuisse putatur causa, cur *Caesar igno-*  
promptius ignoverit Dolabellae adveniens Caesar, prae- *scit Dolabel-*  
ter priora hominis merita, qui partibus ejus totum se *las.*  
dediderat ab initio, et in Thessalia quoque pro eo stre-  
nue pugnaverat. Et erat aliquin adtribuendam ve-  
niam facilis: nec ignorabat, difficulter ferri posse de-  
licta aliena severe exsequentem, qui tam multa ipse  
peccasset. Interea, quum et pecunia indigeret infini-  
ta, et honores appeteret eminentissimos, nolebat mul-  
tos offendere: quo devincti beneficio suo patientius  
jubenti quidlibet obsequerentur.

XL. Igitur, quum magnus in urbe plurimorum  
metus adventus ejus fuisset, vindictam admissorum ex-  
spectantium, eaque res sermonibus agitata toto eo  
tempore esset; repente receperunt animum, nihil de  
praeteritis inquirente Caesare. Sed is ad cogendos  
nummos mentem adjecerat, et, praeter magnam vim  
auri, quae in coronas et statuas, et alia hoc genus,  
tamquam a volentibus offerebatur, ingentes summas  
mutui nomine congeffit, quum neque negare quis-  
quam auderet, nec ipse de restituenda cogitare pu-  
taretur.

*Caesar mu-  
tuam pecuni-  
am sumit a  
civibus.*

XLI. Sed ego, Caesaris natura diligentius expen- *Novas ta-*  
sa, non dubitem, redditurum omnino cum fide fuisse, *bulas poten-*  
si diutius frui vita potuisset. Nec enim in tantis im- *ti plebi no-*  
perii opibus deesse, unde quantacumque debita quan- *gat.*  
doque expungerentur, poterat: et ipse, solitus om-

Cap. XXXVIII. Plin. 8, 16. Cic. Cap. XXXIX. Plut. Dio.  
Cic. Phil. 2, 30. Dio!

U. c. 705. nia famæ studiisque hominum postponere, ubi prae-  
 A. C. 47. sentium temporum angustias esset eluctatus, ob pecuniam profecto amittere ista noluisset. Habebat autem ejus rei hunc obtentum, ut ad hanc necessitatem reipublicae temporibus adactum diceret, ejus utilitati facultates suas omnes impendisset. Ne tamen ad desperationem adigeret creditores, novas tabulas petente plebe constanter abnuit, se quoque obaeratum esse dictitans. jussitque contentum esse his, quae prius in ea causa statuisset.

*Adversariorum bona proscribit.*

XLII. Inde proscripsit bona judicatorum hostium, hasta pro aede Jovis posita: et, quum ea cupide empta essent a quibusdam, qui numquam fore putabant, ut a se exigeretur, ideoque minus fuerant solliciti, quanti licitarentur, nihil cuiquam remisit. Inter quos et M. Antonius, Cn. Pompeji Magni sector, quum tanti viri copiosas facultates brevi dilapidasset, appellatus est. Hanc offensam caussari deinceps solitus est Antonius, quum Caesarem ad bellum Africanum non sequeretur: quia sibi pro meritis prioribus non fuisset gratia reddita.

*Plebem et potentes varie conciliat.*

XLIII. Ceterum Caesari non defuerunt artes, et plebem, et socios victoriae aliis rationibus conciliandi. Plebem, praeter ludorum voluptates, remissis a tempore coepti belli usuris, et habitationum commodo. qui enim duobus millibus nummum conductas habitationes haberent, iis Romae unius anni mercedem, in Italia quadrantem ejus condonavit, quo tenuiores sublevarentur. praeterea, publicatis multorum facultatibus, emendarum rerum copiam atque vilitatem effecerat. Ducibus amicisque suis honores distribuit, multa praeter veterem morem, quo pluribus referendae gratiae locus esset, instituendo. Nam et praetoriis comitiis decem creavit primus: et pontificum augurumque et quindecimvirorum collegiis singulos addidit: et equites Romanos aliquot, quorum opera erat usus, itemque ordinum ductores, in senatum adlegit. M. Brutum Cisalpinæ provinciae praefecit: Decimum ei, quae trans Alpes est, Galliae.

---

Cap. XLI. Sueton. Caes. c. 42. Dio. Cap. XLII. Cic. Phil. 2, 26. Dio. Cic. Plut. Cap. XLIII. Dio. Cic. ad Fam. 12, 18. Dio. Sueton. Caes. 38. Gronov. de Pecun. Vet. 2, 2. Dio. Plut. Bruto. Appian. Civil. l. 2. p. 497.

**XLIV.** Sed et in reliquam partem anni consules fecit, quos diximus, Q. Fufium, P. Vatinius, quum pauci admodum dies superessent. Atque ea res facit hominibus ridendi causam praebuit; querentique Vatino, *quod se aegrotantem non invisisset*, Cicero respondit, *Venturus in consulatu tuo fui, sed nox me comprehendit.* Circumferebaturque notabilis ejusdem urbanitas, in consulatu Vatinii magnum ostentum factum: quod, eo consule, nec bruma, nec ver, nec aestas, nec autumnus fuisset. Haec gratiora vulgo erant propter Vatinius, a quo consulatum pollui judicabant, obscurum et pravam hominem, stomachante etiam in versibus suis Catullo. Sed, quantum iis consulibus potestatis auctoritatisve esse vellent, ipsi, qui fecerunt, facto ipso demonstrarunt satis. Quamquam enim Caesar dictatura se abdicaret, nullius jam appellationis egens, tamen M. Antonius magisterium equitum in totum eum annum retinuit.

U. c. 705.  
A. C. 47.  
*Consules paucorum dierum.*

**XLV.** Quum ista satis belle composita viderentur, praemissi in Campaniam milites, quibus ad bellum Africanum usus erat, seditione inita curam Caesaris adverterunt. Promissa Pharsalico bello praemia omnes, veterani praeterea missionem flagitabant. Caesar ad hos C. Sallustium Crispum misit, qui, senatorii recuperandi ordinis gratia praetura petita, designatus erat, ut doceret, *hostium magno numero in Africa superstite, nondum absolutam esse victoriam: eo confecto bello, Caesarem et promissa ante donativa, et millenos insuper denarios viris repraesentaturum.* Ad haec adeo exarsit militum furor, ut Sallustium, vitandi exitii causa Romam refugientem, confestim sequuti, sine discrimine quibuslibet obviis adferrent manus. Duo quoque praetorii tum interfecti sunt, Cosconius et Galba.

*Militaris seditio.*

*Milites infesto agmine ad urbem tendunt.*

**XLVI.** Dubitavit tum Caesar, num opponere praetorias cohortes tumultuantibus rectius foret. sed, contagium timens, has quidem secum retinuit, et milites, quos Antonius nuper introduxerat, circum aedes suas et portas urbis disposuit. seditiosis jam adpropinquantibus misit obviam sciscitatuos, quid igitur

Cap. XLIV. Dio. Macrob. Saturn. 2, 3. Catull. Epigram. 50. Dio, libb. 45. p. 188. et 46. p. 200. Cap. XLV. Dio, l. 42. Liv. Epit. Appian. Civil. 2. p. 485. Dio. Appian. Plut. Caes. Appian. Dio. Plut. Caes. Cap. XLVI. Dio. Appian. Dio.



U. c. 705. sibi vellent? atque ii, cum ipso Caesare colloquuturos esse, responderunt. Tum denunciari Caesar iussit, uti, positis armis, praeter gladios, ad urbem accederent. Neque cunctatus est, licet dehortantibus vehementer amicis, adire tendentes in Campo Martio, et tribunal erectum minaci vultu conscendere.

*Ad eos Caesar in Campum descendit.*

XLVII. Haec tam audax atque inopinata viri species ultro terruit militem, ut, desideria sua exponere iussus, donativi mentionem facere non auderet, missionem tantum postularet: et suberat spes, quod opera militum Caesar indigeret, sponte daturum, quae esset pollicitus. Sed ille sicut profusus in obsequentes, ita minantibus inexpugnabilis erat. idcirco uno verbo dimittere se dixit: et, quum velut fulminati hac voce silerent, adjecit, *nibilo secius daturum stipendia et praemia, quamprimum esset cum aliis triumphaturus.*

*Eosque, auctoritate et constantia exterritos,*

XLVIII. Mordebat eos hoc quoque dictum, et pudor simul metusque intrabat animos, si ad alios perveniret suae operae debitus honor; ipsi, adversis partibus exosi, suis fastiditi, vile vulgus, spectarent triumphum, quem ducere debuissent. simul existimabant, lenius acturum Caesarem, sive suum ingenium ille, sive praesentem necessitatem sequeretur. Sed ille, tacente milite, amicis orantibus, ne cum tam tristibus dictis discederet, iterum exorsus, *Quirites appellavit.* Hoc illi non ferentes responderunt, *se milites esse, poenitentiaque priorum correpti rogare coeperunt, ut sibi porro militare liceret: se solos, sine aliis copiis, bellum Africanum, eo imperatore, profligare paratos esse.*

*Ad obsequium et deprecationes rediit.*

XLIX. At Caesar, licet ei gratius accidere nihil potuisset, vultum servans, avertere se, et descendere de tribunali. unde major exortus clamor, *maneret, orantium, poenasque, si vellet, sumeret.* Simul tribunus quidam militum propius accedens pro exercitu deprecabatur, iussu militum, an ut Caesarem demereretur. Tum ille: *se quidem poenas quamlibet meritis remittere. moleste tamen ferre, quod et decumani seditiose egissent, semper praelati aliis et magno in pretio habiti. dare tamen missionem petentibus, et carere posse invitorum opera.* Recepit et prae-

Cap. XLVI. Sueton. Caes. 70. Appian. Frontin. 1, 9. Cap. XLVII. Appian. Sueton. Caes. c. 69. Appian. Cap. XLVIII. Tac. 1. Ann. 42. Plut. Dio. Sueton. Appian. Dio. Cap. XLIX. Appian. Dio. Appian. Dio.

mia exsoluturum, licet nullam ob necessariam causam se, reliquo adhuc bello, deserentibus. Sed et agros divisurum pace restituta; *Non exemplo Sullae*, inquit, *ademptos aliis, vosque prioribus dominis immiscendo ad perpetuas inimicitias, sed, qua publicus, quave meus ager est, adsignabo, et, quod deerit, a volentibus emam.* Et adfuit dictis fides. pecuniae partem repraesentavit, reliquum daturum dixit paullo post cum foenore.

U. c. 703.  
A. C. 47.

L. Plausu omnium haec excepta quum fuissent, decumani moerebant, sibi nominatim iratum imperatorem esse. neque destiterunt obtrudere operam, licet recusantem in Africam sequuti. Sed ille, priusquam proficisceretur, ex omni numero excepit seditio-nibus miscendis aptissimos, quos in Italia relinqueret, agris statim datis, unde se tolerarent. Ceterum et his, et deinceps omnibus, non continuos adsignavit agros, ne quis possessorum expelleretur, et ut distractis nihil in turbas virium foret. Notavit et ex iis, quos secum ducebat, foedissimum quemque, quos postea deductos in Africam periculis objecit, utrimque compendium captans, occiderent illi, an occiderentur. Qui vero eorum superfuerant casibus, eos sic quoque praedae et agri destinati tertia parte multavit.

*Documant recusantem quoque sequuntur.*

*Ille tamen seditiosissimum quemque dissimulanter punit.*

LI. Nam, in aliis delictis connivere solitus, et multa militi condonare, desertores atque seditiosos implacabiliter oderat: quod cetera, quae peccare essent soliti, ad aliorum injuriam, hoc ad imperatoris periculum pertinebat, nequidquam dominationem adfectantis, si exercitus, per quem ceteros in obsequio contineret, exuere obsequium ipse coepisset. Insimulabatur tamen a plerisque, quod tantam exercitus licentiam non esset severius exsequutus, quin et amicorum vitia crimini dabantur, Dolabellae furor, ebriositas Antonii, intemperies, luxus, rapinae plurimorum. Sed, ista quamquam nec ignoraret Caesar, nec probaret, quia meliores non habebat administratos, his utebatur.

LII. Jam bruma erat, et, qui Africam tenebant, hostes, quum occupationibus Caesaris, tum anni tempore, clausum ei mare putabant. Sed ille solita cele-

*Procedit Rhodium.*

Cap. XLIX. Appian. Dio: Cap. L. Appian. Sueton. Dio. Sueton. Caes. c. 38. Dio. Sueton. Cap. LI. Dio. Sueton. Caes. c. 67. Polyæn. Strat. L. 8. Plut. Sueton. Caes. 72, Cap. LII. Plut. Dio.

U. c. 705. ritate, qua saepe nuncios de se praevenerat, proces-  
 A. C. 47. sit Rhegium, ne religione quidem retentus, quum im-  
 molare volenti taurus aufugisset. Omen etiam a no-  
 mine Scipionis, quod fatale ad victoriam in Africa ter-  
 ra suos quoque milites timere senserat, aut vitando,  
 aut eludendo, duxit secum e Scionum genere contem-  
 ptissimum quemdam, cui Salutioni cognomen erat, ob  
 opprobrium vitae, quod ejus nominis mimo specie  
 corporis, et infamia morum habebatur simillimus.

*In Africam  
 navigat,*

LIII. Rhegio transjecit Messanam, inde Lilybaeum  
 pervenit ante diem decimum quartum Kalendas Janua-  
 rias, et, ut paratos intentosque suos haberet, taber-  
 naculum in litore maris statuit, observandum se ad-  
 monens, qui esset primo oblato vento consensurus.  
 Ibi factus de rebus Africanis certior, oppido et agro  
 Uticensi, ubi Cato curabat, vitato, Adrumetum dire-  
 xit cursum, quam partem obtinere Scipionem intelle-  
 xerat. Egressus e navi magno cum terrore militum  
 impegit, prociditque humi: sed ille, verbo scaevita-  
 tem ominis corrigens, complexus osculatusque ter-  
 ram, exclamavit, *Teneo te, Africa.*

*Cum parvis  
 admodum  
 copiis.*

LIV. Sic exercitu ad Adrumetum exposito, qui  
 in praesens haud amplius peditum millibus tribus con-  
 stabat, cum equitibus centum quinquaginta, diem at-  
 que noctem consumpsit, dum L. Planci consilium ex-  
 peritur, qui ad C. Considium oppido praefectum scrip-  
 serat. Sed, postquam responsum non reddebatur,  
 Caesar, tentare Adrumetum non ausus, proficisci in-  
 de statuit. sed abeuntem erumpens ex oppido multitu-  
 do insequitur. Nam duae legiones erant Adrumeti,  
 et tria millia Maurorum equitum ducebat Cn. Piso,  
 qui partes Pompejanas acerrimo ministerio juvabat.

*Gallorum e-  
 quitum vir-  
 tute repellit  
 hostem.*

LV. Et eodem tempore Jubae equites, qui forte  
 ad stipendium accipiendum veniebant, castra, unde  
 Caesar erat egressus, moratoribus ejectis caesisve,  
 occupant, extremumque agmen consequuti laceffunt.  
 Sed egregia Gallorum equitum virtute repulsi sunt,  
 quorum tum minus triginta, circiter duo Maurorum  
 millia saepius repulisse dicuntur. Nam illi, intra mu-  
 nimen-

---

Cap. LII. Sueton. Caes. 57. Appian. Sueton. Caes. 59.  
 Plut. Dio. Sueton. Plin. 7, 12. Cap. LIII. Appian. Hirt. de  
 B. Afric. Plut. Appian. et Dio. Sueton. Caes. 59. Dio. Fron-  
 tin. 1, 12. Cap. LIV. Plut. Hirt.

nimenta compulsi, rursum abeuntibus instabant: donec, non intermisso itinere, longius avulsos infestare non ulterius ausi, desisterunt. Sic animo consilioque summi ducis maximum discrimen minimo detrimento depulsum est.

LVI. Interim e propinquis oppidis legati venerunt ad Caesarem, frumentum, et quidquid imperatum esset, pollicentes. Ita Ruspina processum est: quod oppidum aperuit portas. ibique castra Caesar posuit Kalendis Januariis, quibus ipse dictaturam simul atque consulatum, utrumque honorem tertium, iniit, M. Aemilio Lepido magistro equitum, et consulatus collega. Hoc ei praemium deberi putabat, a quo primum dictator erat dictus: quamquam et triumphum ei decreverat, nulla re gesta, praeterquam Longini et Marcelli compositis discordiis. neque translatum est in eum triumpho quidquam, nisi raptae ex sociis pecuniae. Haec eo anno gesta sunt: et, quum novi magistratus inissent, lupus in urbe visus, et scrofa foetum, praeterquam pedibus, elephantum simillimum edidit.

U. c. 705.  
A. C. 47.

*Ruspina*  
*occupat.*

U. c. 706.  
A. C. 46.  
C. Julio III.  
M. Aemilio  
coff.

*Lepidi tri-*  
*umphus.*

Cap. LVI. Dio. Hirt. Dio, l. 43. Oros. 6, 16. Vide Pigh. Annal. et Sigon. Comment. in Fastos. Dio.

# E P I T O M E

## LIBRI CENTESIMI DECIMI QUARTI.

*Bellum in Syria Caecilius Bassus, eques Romanus Pompejanarum partium, excitavit, relicto a le-*

*Caecilius Bassus*] De hoc multa e vetustis scriptoribus post alios collegit Abramus ad Cicer. pro Dejot. 8. In Cicerone frequens est illius mentio. Vide 11. Famil. 1. lib. 12, 11. et 18. lib. 14. ad Attic. 9. et 15, 13. et 11. Philipp. 13. DUKER. *Caecilius* Leid. et Berg. Male. Vide Dion. Cass. 47, 342. Voces has saepe a librariis commutari, docui supra ad Epit. 111. Et ita in hoc ipso Basso errant apud Cic. pro Dejot. 8. et 9. ubi viri docti *Caecilius* legendum monuerunt: quod Graevius bis quidem in contextum recepit, at his etiam mutare oblitus est. Vide quoque Perizon. Animadv. Hist. cap. 4. pag. 178.

*Et relicto a legione Sex. Caesare, quae ad Bassum*] et vacat Vet. lib. SIGON. Vet. lib. *qui ad Bassum*. DELRIUS. Particula et omittitur etiam in Leid. Voss. Berg. Lov. 2. et Exc. Pithoei. Tum *qui ad Bassum* Voss. Norv. et edd. antt. ante Frobenianam anni 1531.

*Transierat: occisoque eo Caesar Scipionem*] Novum principium orationis a voce *Caesar* faciendum est. SIG. Volunt haec, [non admissa nova Sigonii interpolatione] C. Caesarem dictatorem bellum a Basso excitatum oppressisse, occiso Basso; eoque facto deinceps in Africa vicisse ceteros Pompejanos. Sed recte mo-

nuit Sigonius, novum orationis principium a voce *Caesar* faciendum esse. Quod tamen quia tantum pro auctoritate monuit, non docuit, aut probavit, et commodior videbatur vetus distinctio historiae ignaris, dicto audientes alios non habuit; lectoresque Livii, quorum longe maxima pars, ut constat, non simul legit omnium notas, nihil vel parum illa admonitione juvantur. Ut ergo historiae sua constet fides, non modo ante *et Caesar* distinguendum censeo, sed et delendam proximam voculam, legendumque, *relicto a legione Sex. Caesare quae ad Bassum transierat, occisoque. Caesar Scip.* etc. Nempe Sex. Caesar relictus a legione et occisus fuit opera Bassi; qui, eo facto, bellum excitavit dictatori Caesari, sed a Caesarianis Statio Murco et Marcio Crispo contra eum missis oppugnatus fuit, neutiquam tamen ante necem Caesaris occisus vel mortuus. JAC. PERIZON. Animadv. Histor. c. 4. p. 177. Idem Perizonius ad marginem Livii sui forte legendum adscripsit, *relicto a legione Sex. Caesare; quae ad Bassum transierat, occiso eo. Caesar* etc. Si vero alterutra emendationum ejus eligenda foret, praeferrem illam, quam in Animadv. Hist. proposuit. Verum neque eam probare audeo, quod, invitis omnibus Mssis, in-

*gione Sex. Caesare, quae ad Bassum transierat, occisoque eo. Caesar Scipionem praetorem, Afranium, Jubamque vicit ad Thapsum, castris eorum expugnatis. Cato, audita re, quum se percussisset Uticae, et, interveniente filio, curaretur, inter ipsam curationem rescisso vulnere expiravit, anno aetatis quadragesimo nono. Petrejus Jubam seque interfecit. P. Scipio in nave circumventus honestae morti*

*tegram voculam eo delere audacius esse videatur. Forte igitur, unica litera, simul cum interpunctione, mutata, legendum occisoque. Et Caesar; vel etiam occisoque. C. Caesar.*

*Scipionem praetorem, Afranium, Jubamque vicit ad Thapsum] Lege proconsulem. Nisi malis Scipionem, Petrejum, Afranium. J. FR. GRON. praetorem servant Leid. Voff. Berg. Lov. 2. et Boend. Ejus loco ut cum Gronovio Petrejum legamus, ideo minus placet, quia auctor Epitomarum, duos illos partium Pompejanarum simul memorans, Afranium et Petrejum, non inverso ordine, dicere solet. Vide Epit. 110. et 113. Ratio est, quia Afranius gessit consulatum, quam dignitatem Petrejus numquam obtinuit, quem praetorium vocat Vell. 2, 48. Eodem ordine junguntur etiam apud alios scriptores, nisi quod tamen Petrejus et Afranius obcurrat apud Flor. 4, 2, 26. et Sueton. in Caes. 34. Praefero igitur priorem Gronovii conjecturam Scipionem proconsulem, quam etiam probat Perizon. in Animadv. Hist. cap. 4. pag. 177. Simili modo peccant librarii supra apud Livium 37, 46, 1. Vox Afranium deest in Voff. Leid. Berg. et Lovel. 2. Tum vicit Achaeopressum Boend. vicit ad Tripsum Voff.*

*vicit ad Tapsum Berg. Lov. 2. et edd. vett. vicit ad Thapsum recte Sigonius vulgari curavit: Graece enim est Θάψος. Vide ad Livii 29, 30, 5.*

*Rescisso vulnere expiravit] rescisso vulnere pleraeque edd. principes; pro quo rescisso substituit Ascons. anno 1510. rescisso anno 1513. rescisso praefertur etiam Berg. et Norv. rescisso Leid. Voff. Lov. 2. Boend. et ed. Campani. Recte. Flor. 4, 2, 72. Ille passus, dum abscederent, rescidit plagas. Verba rescindere et recidere etiam alibi commutantur. Vide ad Epit. 57.*

*Anno aetatis quadragesimo] Vet. lib. quadragesimo octavo. Idque probat Plutarchus (Catonis Minore pag. 794.) Έτελεύτησε δὲ Κάρων ἔτη δύνειν δέοντα πενήκοντα βεβιωκώς. Appianus (2. Civil. 290.) de morte ejus scribit ἔτη μὲν ἀμφοτέρω πενήκοντα γεγονώς. DELR. In his, quae scriptores illi de anno mortis Catonis referunt, non est dissensus. Vide Gruchium 1. de Comit. Rom. 3. pag. 573. tom. 1. Thes. Antiq. Rom. DUK. anno LXIII Boend. anno LXVIII. ed. Camp. anno aetatis quadragesimo octavo Leid. Voff. Berg. et Exc. Pithoei.*

*Petrejus Jubam seque interfecit] Petrejusque Jubam seque Boend. Tum interfecit Leid.*

*vocem quoque adjecit: quaerentibus enim imperatorem hostibus dixit, Imperator bene se habet. Faustus et Afranius occisi. Catonis filio venia data. Brutus, legatus Caesaris, in Gallia Bellovacos rebellantes proelio vicit.*

Voss. Berg. Lov. 2. Boend. et ed. Campani. Vide ad Epit. 63. De utriusque morte vide Freinsh. ad Flori 4, 2, 69.

*P. Scipio*] Hic *P. Cornelius Scipio Nasica* initio vocabatur: post, a *Q. Metello Pio* adoptatus, coepit *Q. Caecilius Metellus Pius Scipio* nominari; testibus Coelio in Epist. Familiar. et Asconio in Miloniana. Quare hic *Q. Scipio*. et supra lib. 113 *Q. Scipioni* legere malim. DELRIUS. Hunc a *Q. Caecilio Metello Pio* testamento adoptatum, ut Dio lib. 40. pag. 144. scribit, Coelius ad Ciceronem lib. 8. Fam. 8. *Q. Caecilium Q. F. Metellum Pium Scipionem* vocat; Cicero de Harusp. Resp. c. 6. et Asconius in Argum. Milonianae *Q. Metellum Scipionem*. Idem tamen, quod ad Cicer. 8. Famil. 8. adnotavit Manutius, in hac et praecedenti Epitoma, in Cic. pro Domo cap. 47. et Eutrop. 6, 18. etiam post adoptionem vetere praenomine et cognomine patris naturalis *P. Scipio* appellatur. Vide ad Epit. 113. DURER. Loca veterum. quae ex Manutio hic laudat Clariss. Dukerus, evincunt, nihil vel hoc loco, vel Epit. praecedente in Scipionis praenomine mutandum

esse. *P. Scipio* etiam vocatur apud Val. Max. 9, 5, 3. et Suet. in Tiber. 4. Et quidem simpliciter *Q. Scipio* apud unum vocatur Dion. Cass. 40, 144. apud reliquos vero vel addito nomine *Q. Metellus Scipio*, vel, ut hoc loco, *P. Scipio*.

*Circumventus honestae morti vocem quoque adjecit*] Videtur excidisse *parem*, aut *memorabilem*. J. FR. GRON. *circumventus ab hoste morti quoque vocem adjecit* Boend. et ed. Campani. *ab hoste*, pro *honestae*, praefert etiam Berg. Mox *quaerentibus enim hostibus imperatorem* Boend. Exc. Pithoei, et edd. ante Gruterum, qui *imperatorum hostibus* primus dedit, consentientibus Leid. Voss. Berg. Lov. 2. Deinde *se bene habet* Berg. Lov. 2. Boend. et ed. Camp.

*In Gallia Bellovacos rebellantes vicit*] Vet. lib. *rebellantes proelio vicit*. SIGON. *vagos*, pro *Bellovacos*, Voss. *bello vagos* Boend. *Bellovagos* Leid. Berg. et ed. Campani. *Belloveges* Lov. 2. Tum *rebellantes proelio vicit* omnes nostri, Exc. Pithoei, et ed. Campani. Paulo ante *Catonis filia Veneris data* Voss. *Catonis filia venūdata* Lov. 2.

# JOHANNIS FREINSHEMII

## SUPPLEMENTORUM LIVIANORUM LIBER LXXIX.

### IN LOCUM LIBRI CXIV. T. LIVII.

I. Quum, praeter Africanos et Hispanienses motus, nihil usquam timendum Caesari videretur, repens e Syria tumultus Romae adhuc agenti nunciatus est. Ejus auctor Caecilius quidam Bassus exstitit, eques Romanus Pompejanarum partium. Is ex infelici proelio Tyrum se receperat, et in emporio latens bene secum putabat agi, quod vita fruebatur. Sed, ubi milites Sex. Caesari propter adolescentiam et voluptates parum amicos atque fidos esse cognovit, simulque Tyrios spoliatum a dictatore Caesare fanum Herculis aegrius ferre, paullatim ad se contrahere Pompejanos coepit; militesque, uti praesidii causa, nunc hi, nunc illi, Tyrum mittebantur, sollicitare.

U. c. 706.  
A. C. 46.  
*Pompejanorum in Syria motus.*

II. Sed haec initia, quum spernenda viderentur, absterre Caesarem ab Africana expeditione nequiverunt: stimulum addiderunt tamen, ut eo celerius proficisceretur, quo, maturata ibi victoria, anteveniret orientes turbas, aut nondum confirmatis occurreret. Sed, ubi Caesarem in Africa periclitari fama tulit, simul, recepto more hominum fingendi, quae facta quisque cupiat, T. Murcus perisse naufragio, Asinius vivus delatus in hostium manus, naves quinquaginta vi ventorum Uticam actae praedicabantur; jam erectior apertiorque Bassus, sive Pompejanarum partium studio, sive privatim potentiam quaerens, copias colligere instituit, Sex. Caesari, qui rationem actorum reposcebat, Mithridatem Pergamenum excusans, qui ad mandatum a Caesare bellum milites conquirerentur.

*Bassus copias colligit.*

Cap. I. Cic. ad Fam. 12, 17. Liv. Epit. Dio, l. 47. Joseph. Antiq. 14, 7. et de B. Jud. 1, 8. Dio. App. Civ. l. 3. et 4. Cap. II. Supra, 113, 27. Dio. Cic. pro Dejot. c. 9. Cic. ad Att. 12, 2. Dio.



U. c. 706.  
A. C. 46:  
*Sex. Caesarem interficiendum curat.*

III. Sed, ubi vires placuerunt, vulgatis epistolis quibusdam, quas ajebat ex Africa misisse Scipionem, (interitus autem Caesaris, et commissum ipsi a Scipione imperium continebatur) ducem partium professus, Tyrum occupat. inde ad castra Sex. Caesaris proficisci ausus, proelio vincitur, et vulnus accipit. nec ultra vim experiri volens, ad corrumpendos Sexti milites se convertit, hoc eventu, ut et Sextus interficeretur, et milites ad Bassum transirent, exceptis, qui Apameae hiemaverant. Hos, in Ciliciam transgressos, frustra Bassus insequutus, postquam in Syriam rediit, praetoris adsumpto vocabulo, Apameam, quod erat situ atque opere munitissima, sedem bello cepit, et juventute non ingenua modo, sed et servorum, centuriata, pecunias cogere, parare arma, denique rebus omnibus munire se instituit.

*Caesaris difficile bellum in Africa.*

IV. Interea Caesar in Africa perdifficile bellum gerebat, contra maximas hostium copias rebus omnibus impar, et tantum fortunae suae animoque et consilio innixus. Sed et frumenti inopia urgebatur, cujus tenuis erat Ruspinae annona, panis simul obsonique vicem siccata implente ficu: et expediundi difficilis erat ratio, quia Caesaris equitatus, nondum satis e maritima jactatione et nausea confirmatis equis, proelio non audebat contendere: contra Numidae Maurique, velox et expeditus eques, indesinenter locis omnibus vagabantur, et, quia numero etiam multo erant superiores, haud mediocriter Caesarem angebant.

*Caesar undique commeatus accessit.*

V. Forte accidit, ut Caesaris equites, quum, Afri cujusdam cantu atque saltatione deliniti, laxis custodiendos equos dedissent, subita Numidarum irruptione turbarentur, et vix insilire in equos atque in castra refugere possent. Quod nisi Caesar, ipse cum Asinio Pollione et instructis cohortibus progressi extra vallum, eos recepissent, magna clades, et, ut nonnulli putant, ad summam victoriam efficax, accepta foret. Itaque Caesar in Sardiniam nuncios, in Siciliam Rabinum Postumum mittit ad arcessendos commeatus. Huic decem longae naves attributae, mandatumque, ut, priusquam in Siciliam trajiceret, ad conquirendas reliquas naves, quae deerraverant, et tuendum ab hosti-

Cap. III. Joseph. Strabo, l. 16. p. 751. Dio. Cap. IV. Plut. Caes. Plin. 15, 19. Dio, l. 43. Auct. de B. Afric. Cap. V. Plut. Auct. de B. Afric.

bus mare, circumiret Africam. C. Sallustius praetor cum parte navium Cercinam ire iussus, quae ab hostibus tenebatur, ubi magna dicebatur esse frumenti copia. Haec ita imperabantur, ut suscipienda sine conditione, atque exsequenda sine mora essent; neque ulla excusatio, fieri posset necne, recipiebatur.

U. c. 706.  
A. C. 46.

VI. Inter haec, occupata praesidioque sex cohortium firmata Lepti, Ruspina regressus, frumentum in agris repertum, magnamque lignorum vim comportari in oppidum jubet. ipse de suis, qui nondum apulerant, sollicitus cum septem admodum cohortibus circa vesperam conscendit naves, magno cum metu eorum, qui, cum paucis tironibus contra incredibilem multitudinem hostium expositi, ab imperatore relinquebantur. Sed fortuna Caesaris hic quoque providit celeriter. Quum, una nocte consumpta in navibus, jam luce prima constituisset vela facere, repente apparuit classis, quam quaerebat. Itaque, militum equitumque non contemnendo numero auctior, Ruspina protinus rediit. Inde cum cohortibus triginta expeditis, et equitibus quadringentis, sagittariorumque non magna manu frumentatum est profectus, pridie Nonas Januarias. *Leptim occupat.*

VII. Ibi se Labienus et duo Pacidii, cum Mauro- rum Numidarumque equitum octo millibus, Gallis Germanisque mille sexcentis, et sagittariis ac funditoribus hippotoxotisque compluribus, objiciunt. struit aciem Caesar: praemissis sagittariis, equitatum in cornibus collocat. Sed ille, ab adversariorum multitudine repulsus, continuo cedit: legionarii circumventi in orbem pugnare coguntur. Ibi Labienus, galea detracta, suos hortari, appellare Caesarianos; donec petitus a milite decumano, equo graviter saucio, averteretur. *Pugnans cum Labieno.*

VIII. Interim Caesar, omnibus viribus equitum peditumque connixus, divisam hostium coronam ab utroque latere disjicit, neque longe insequutus ad sua se praesidia instituit recipere. Sed Petrejus et Cn. Piso, cum equitibus Numidis mille centum electis, peditumque et levis armaturae quatuor millibus supervenien- *Et cum Petrojo,*

Cap. VI. Plut. Auct. de B. Afric. Cap. VII. Dio. Auct. de B. Afric. Cap. VIII. Appian. Civil. lib. 1. 2. Auct. de B. Afric.

U. c. 706. tes, mutare consilium, et medio campo redintegrare  
A. C. 46. pugnam adegerunt.

*Sua unius  
virtute re-  
pellit hostes.*

IX. Quum ita proeliarentur hostes, ut cum equita-  
tu levis armatura Numidarum procurreret; coortis de-  
inde Caesarianis, equites refugerent, pedes exciperet  
certamen, donec illi, resumpto cursu, iterum invehe-  
rentur; eaque pugnandi forma nova et terribilis Cae-  
sarianis objiceretur; Caesar negotium suis dedit, ut  
omni conatu submoverent hostes, atque ultra postre-  
mos, qui apparebant, colles proturbarent. Tum de-  
mum pugnandi finis est factus, postquam ab hora diei  
quinta usque ad occasum solis dimicatum esset. Multi  
ex Caesaris militibus interfecti sunt, non sine crebris  
adversariorum vulneribus. Petrejus etiam graviter  
ictus deseruit pugnam: sed, necessitatem dissimulans,  
quum receptui cani jussisset, *non esse fraudandum gloria  
victoriae Scipionem imperatorem suum*, dicitabat. Saucii,  
quorum maximus fuit numerus, plaustis Adrumetum  
deportati sunt. Eo proelio quidam auctores sunt fu-  
gientem aquiliferum a Caesare correptum conversum-  
que fuisse, cum dicto, *hic hostes sunt!* atque unius il-  
lius virtutem saluti fuisse ceteris, si absque illo esset,  
indubitanter perituris.

*Caesar ca-  
stra ad Ru-  
spinam com-  
munit.*

X. Inde Caesar cum suis in castra se recepit ad  
Ruspinam, eaque modis omnibus communire instituit,  
vallo ab oppido ad mare, itemque altero a castris eo-  
dem perducto. Nam, a paucioribus male acceptus,  
Scipionem haud injuria metuebat, qui post proelium  
factum die tertio, cum legionibus octo et equitum mil-  
libus quatuor, adventare nunciabatur. Is, postquam  
adfuit, collaudatos, qui proximo proelio rem strenue  
gesserant, milites pro concione donavit, ut alacrita-  
tem suorum honoribus et praemiis incitaret. Ibi res  
accidit non indigna relatu. Labienus equitem com-  
mendabat imperatori, aureas armillas meruisse confir-  
mans. At Scipio nolebat dare, quia nuper ille servus  
fuerat: ne vilesceret castrensiu donorum honor. Ibi  
Labienus armillas equiti dedit ex Gallica praeda. Tum  
Scipio, *Habebis*, inquit, *donum viri divitis*. Ad quam  
vocem submisso vultu eques projecit aurum ad pedes  
Labieni. Mox, dicente Scipione, *Imperator argenteis*

Cap. IX. Dio, Auct. de B. Afric. Appian. Auct. de B. A-  
fric. Plut. A. Appian. Cap. X. Auct. de B. Afric. Dio. Auct.  
de B. Afric. Val. Max. 8, 14.

*armillis te donat*, exsultans gaudio abiit. Tanta inerat animo, etiam in humili fortuna, gloriae cupiditas. U. c. 706.  
A. C. 46.

XI. At perculsi quum adventu Scipionis Caesaris milites erant, tum etiam quia naves suae onerariae passim nunciabantur expugnatae; quia, non praedicto loco, ubi appellerent, errabant, et a compluribus adversariorum scaphis singulae excipiebantur. Inter has deprehensa navis est, quae fratres duos, tribunos militum legionis quintae, vehebat, Titii Hispani dicebantur. atque hi, quum se C. Virgilio praetorio dedidissent, ad Scipionem deducti, tertioque post die interfecti sunt: quum major eorum, ut ante fratrem occideretur, a centurionibus impetrasset. Ad haec, cognita Caesaris necessitate, Juba rex, spatium convalescendi non daturus, cum ingenti exercitu veniebat. *Ejus onerariae passim expugnantur.*

XII. Adversus haec omnia Caesar timorem militum nova ratione compescuit, augendo periculi famam. Quippe, vocatis ad concionem militibus, Scitote, inquit, paucissimis bis diebus regem adfuturum cum legionibus decem, equitum triginta, levis armaturae centum millibus, elephantis trecentis. Promde definant quidam quaerere ultra, aut opinari, mibique, qui compertum habeo, credant: aut quidem vetustissima nave, quocumque vento, in quascumque terras jubebo aveli. Praeceptum videri haec exaggeratio hostium virium queat: sed in audaci coepto plenoque periculorum plus oberat extenuare velle verbis, quod sensibus res ipsa ingerebat quotidie: et praestabat hanc in partem decipi milites, plus habituros spei, si, obfirmatis ad graviora animis, minora opinione discrimina tractando comperissent. *Caesar timorem militum nova ratione compescit.*

XIII. Ceterum Jubam, vix regno egressum, necopinatae domi turbae confestim revocarunt. Publius enim Silius Nucerinus, junctis cum Bogude rege coepit, invasit Numidiam: Cirtaque maximo oppido paucis diebus expugnato, et uno atque altero capto oppido Gaetulorum, necessitatem ei sua defendendi imposuerunt. Igitur, abductis a Scipione suis auxiliis, reliquit tantum elephantos triginta, rudes adhuc, et multorum annorum usu vix edocendos. plus ergo specie, quam viribus, nocebant: quia perterriti hostium equi ad conspectum eorum pavore auferebantur. Sed, ubi *Juba domesticis turbis revocatur, Silius et Bogude Numidiam invadentibus.*

Cap. XI. Auct. de B. Afric. Cap. XII. Sueton. Caes. c. 66. Polyæn. Strat. l. 8. Sueton. Cap. XIII. Dio. Appian. Civil. 2. et 4. Dio. Auct. de B. Afric.

U. c. 706. jussu Caesaris transportati sunt ex Italia nonnulli, fre-  
A. C. 46. quenti horum et innoxio visu equi timere desierunt.

*Caesar suos  
e Sicilia tra-  
jicere per hie-  
mem cogit.*

XIV. Interim, adventu suo per oppida nunciari jussu, multos excivit Caesar, ut ad eum adeuntes de acerbitate Pompejanorum quererentur. hactenus enim non ipsum, sed aliquem legatorum ejus, venisse crediderant. Ille, motus hominum querelis, et vastationem Africae, quae miserandum in modum vexabatur, non ferens, literas in Siciliam misit, uti sine excusatione hiemis ventorumque confestim trajiceretur exercitus. eratque is ardor viri, ut postridie, quam nuncium miserat, oculos mentemque ad mare directam tenens, morae cunctationisque suos insimularet. Mordebat acerrimum imperatorem, quod neque suppetias ire fidem suam implorantibus poterat, et Scipionis insultationes adspicere quotidie atque ferre cogebatur.

*Scipio ad  
castra Cae-  
saris proce-  
dit.*

XV. Nam ille, superioribus proeliis suorum elatus, quum per aliquot continuos dies non longe a suis castris instructa acie stetisset, neque Caesar contra exiret, contempto tandem hoste, ad castra illius cum explicata acie et elephantis processit. At Caesar castris tenebat suos, quae contra quamlibet vim hostium, operum tormentorumque multitudine et firmitate, et quia praesens ipse erat, satis muniverat. Neque de victoria male sperans intra vallum manebat. Sed, quia cum paucis et tironibus vincere sine multo suorum sanguine nequibat, turpe rebatur, post tot devictos hostium exercitus, cum reliquiis pugnantes cruentam existimare retulisse victoriam.

*Ab eo mul-  
ti transfu-  
giunt ad  
Caesarem.*

XVI. In eo statu rerum licet superior Scipio videretur, multi tamen ex castris ejus profugiebant Numidae Gaetulique, quorum alii repetebant domos, alii se transferebant ad Caesarem, quem C. Marii adfinem esse didicerant, cujus magnis beneficiis ipsi majoresve eorum fuerant usi. Horum illustriores quosdam mittit cum litteris, ut populares suos ab obsequio hostium ad amicos sociosque transducerent.

XVII. Interim et Leptis a Saserra contra Labienum defensa est; Acillani (libera civitas erat, Melitensium colonia) recepto Caesaris praesidio, quod C. Messius

Cap. XIII. Dio. Cap. XIV. Auct. de B. Afric. Cap. XV. Plut. Caes. Auct. de B. Afric. Cap. XVI. Dio. Auct. de B. Afric. Cap. XVII. Strabo, l. 16. p. 831. Stephan. Auct. de B. Afric.

aedilitius introduxit, Considio Longo cum cohortibus octo venienti clausurunt portas, Adrumetumque redire, nulla re gesta, coëgerunt: et ab eodem, paullo post cum Labieni equitibus regresso, obsessi oppugnatique sunt. At C. Sallustius, desertam fuga C. Decimii quaestorii Cercinam adeptus, magnum frumenti numerum in castra Caesaris misit: et sub idem ferme, tempus legiones tertia decima et quarta decima, quas A. Allienus pro consule, cum equitibus Gallis octingentis, et mille sagittariorum atque funditorum, Lilybaei imposuerat in naves, prospero cursu ad Caesarem pervenerunt.

U. c. 706.  
A. C. 46.

XVIII. Dum haec variis locis administrantur, M. *Catonis consilium a Scipione rejectum.* Cato supplementum, arma, commeatum cogeat Uticae, atque horum aliquid subinde in castra Scipionis mittebat. consilium quoque addidit non lacessendi Caesaris, cujus impetus nulla re opportunius frangi, quam mora, posset. Superbe rejectum hoc a Scipione, semelque rescriptum, *sufficere debere Catoni tutum in oppido munito otium: ne aliorum quoque alacritatem, opportunitate temporum usuram, inbibeat.* Pupugit ea Catonem exprobratio, rescripsitque, *paratum cum iis, quas adduxisset in Africam, copiis trajicere in Italiam, atque Caesarem ad eam tuendam retrahere.* Ubi haec etiam irrita est ab Scipione ratio, non obscure tulit Cato, *poenitere, quod eo tempore, ubi summa respublica ageretur, honoratiori cessisset prudentior.*

XIX. Sed Caesar, veteranas legiones nactus, omnibus consilii ignaris, praeter Ruspina cum toto exercitu versus Uzitam oppidum pergit: ante quod in edito colle Numidarum praesidium erat. Id postquam a Caesare capi Labienus animadvertit, cum multis equitibus accurrens subsidio, per Caesaris equites ab exercitu suo est interclusus: et, ipso cum Numidis effugiente, Galli Germanique, quos adduxerat, post acrem pugnam interfecti.

*Proelium equestre secundum Castari.*

XX. Hinc, propius oppidum progresso Caesare, Scipio, ne locum opportunum amitteret, cum instructo exercitu, elephantisque in utroque cornu locatis, haud procul Uzita constitit. Caesar, quod hostis inde non digrediebatur, minime committendum ratus, ut

Cap. XVIII. Plut. Cat. Auct. de B. Afric. Plut. Cap. XIX. Auct. de B. Afric. Dio. Auct. de B. Afric.

U. c. 706. cum fessis militibus eodem tempore et exercitum hostium, et oppidum cum valido praesidio Numidarum oppugnaret, suos in castra reduxit. At Considius, qui Acillam magnis operibus oppugnabat, equestri proelii cognito eventu, discessit protinus, et, per regnum Jubae reductum exercitum cum Scipione par-titus, Adrumetum rediit.

*Centurionis  
Juliani fe-  
rocia.*

XXI. Inter haec tam prospera Caesar tamen par-vis detrimentis ignominiaque carpebatur, quod ex se-cundo suo Siciliensi commeatu navis a Virgilio ad Thapsum capta, itemque alia ad Aegimurum a classe P. Vari et M. Octavii excepta est. In his deprehensi milites quum adducti ad Scipionem essent, atque is vitam concederet sub conditione, si militare adversus Caesarem vellent, centurio legionis quartae decimae, gratiis actis, recusavit beneficium, ferociterque ad-jecit, ut intelligere Scipio posset, contra quos viros suscepisset bellum, se cum decem veteranis suis, cum cohorte, quam Sci-pio delegisset ex toto exercitu, pugnaturum. Ibi Scipio ir-ritatus annuit centurionibus, ut confestim hominem trucidarent. veteranos captos, nefario scelere conta-minatos, et saginatos caede civium increpans, extra vallum cum cruciatu necari iussit: tirones in suas le-giones dispertitus est. Similis animus eventusque per eosdem dies Petronio Granio quaestori designato fuit, qui et ipse, capta navi, oblatam a Scipione salutem respuit, incumbensque gladio, *hanc, ait, dare Caesaris milites; non accipere, consuevisse.*

*Caesar mi-litum suo-rum aman-tissimus.*

XXII. Caesar, his auditis, eos, quos ad Thapsum cum longis navibus praesidio esse onerariis jusserat, gravissimo proposito edicto, cum ignominia dimitten-dos censuit. Erat enim militum suorum amantissimus, adeo ut, audita P. Titurii clade, submisisse barbam capillumque dicatur, nec nisi post vindictam posuisse.

*Tempestas mira.*

XXIII. Per eos dies sub occasum Vergiliarum res mira incidit in castris. Pauci habebant ex pellibus tentoria, nec enim portari ex Sicilia quidquam, prae-ter ipsos milites et arma, Caesar erat passus; neque parare in Africa potuerant, quod tota ferme regio ab hostibus aut tenebatur, aut exinanita direptaque fue-rat. Plerique vestimenta tetenderant, atque arundini-

Cap. XXI. Sueton. Caes. 68. Auct. de B. Afric. Plut. Caes. c. 13. Cap. XXII. Auct. de B. Afric. Sueton. Caes. 67. Cap. XXIII. Auct. de B. Afric.

bus scopisque contextis utcumque se tegebant. Sed U. c. 706.  
 circiter secundam vigiliam exortus cum grandine im- A. C. 46.  
 ber tentoria nimio pondere rupit, ut, exstinctis igni-  
 bus, intempesta nocte milites per castra vagarentur,  
 nihil habentes praeter scuta, quibus capita contege-  
 rent. Eadem nocte pilorum quintae legionis cuspides  
 ardere visae.

XXIV. Scipio inter haec multis nunciis Jubam evo- *Juba Sci-*  
 cabat, cunctantemque, omni promissa Africa, qua Ro- *pioni se con-*  
 mani juris esset, permovit tandem, ut cum tribus le- *jungit.*  
 gionibus, et equitibus frenatis octingentis, magno-  
 que Numidarum equitum et levis armaturae numero,  
 ac triginta elephantis, regno egrederetur, Sabura cum  
 parte exercitus contra Sitium relicto; qui nuper ca-  
 stellum omni rerum copia locuples de rege ceperat.  
 Ejus adventu Caesar consilii sui plenum fructum tu-  
 lit. quum enim haud procul Scipionis castris seorsim  
 consedisset, simul ex propinquo vires ejus cognosci  
 potuere, metus Julianorum versus in contemptum est.

XXV. Scipioni tamen crevit animus, ut instruere *Caesaris*  
 exercitum, et paullo longius a suis munitionibus pro- *prospera*  
 gredi auderet. At Caesar, non facta potestate pugnan- *proelia.*  
 di, opera sua promovebat, donec, ab adversariis oc-  
 cupato proximo colle, pergere prohiberetur. Sed col-  
 lis vi receptus est, decussu Labieni praesidio, et irri-  
 tis, quas posuerat, insidiis, quia, priusquam Caesar  
 accederet, ex locis occultis Labieni milites metu pro-  
 fugerant. Ipse vix cum parte equitum evasit. Quum  
 deinde opera continuaret Caesar, ad impediendum om-  
 nis adversariorum equitatus et leviter armati praecur-  
 rerunt sub vesperam, deductasque ab opere copias  
 Caesaris impetierunt. Et equitatum quidem multitu-  
 dine sua submoverunt celeriter: sed, ubi, converso  
 itinere, Caesar cum cohortibus adfuit, equites con-  
 firmati repulerunt inter sequendum sparsos Numidas,  
 multisque interfectis eos rejecerunt in castra regis.  
 ne omnes internecione delerentur, et ipse rex cum  
 Labieno deveniret in potestatem Caesaris, nocte in-  
 gruente, et commoto venti vehementia pulvere, pro-  
 spectum hosti adimentibus, erepti sunt.

XXVI. Interea quum Caesar per colloquia militum, *Ad eum ho-*  
 spargendisque literis, libertatem atque res suas Afris, *stium multi*  
*transfugunt.*

Cap. XXIV. Dio. Auct. de B. Afric. Cap. XXV. Dio.  
 Auct. de B. Afric.



U. c. 706. praemia insuper Romanis ad se accessuris esset pollicitus, ex legionibus Scipionis quarta et sexta, in quibus Gaetuli erant, cives Romani plerique omnes, per multi, partim in castra Caesaris, partim quo quisque potuit, perfugere. Equites etiam, qui ex clade Curi-  
 A. C. 46. rionis apud Varum remanserant, complures eodem consilio sunt usi. Sed et Gaetuli, quos cum literis Caesaris domum isse diximus, cives suos ad deficientem a rege Juba perpulerunt.

*Caesar  
quosdam  
cum igno-  
minia di-  
mittit.*

XXVII. Sub idem tempus nona et decima Caesaris legiones ex Sicilia venerunt ob inopiam navium tardius. quam nactus ansam Caesar C. Avienum, tribunum militum legionis decimae, cum ignominia dimisit, quod navem familia sua jumentisque et commeatu occupaverat, immemor sub eo se imperatore stipendia facere, qui, maxima classe Britanniam petens, tres tantum servos suos imposuerat. Eadem et alii quibusdam ignominia addita, quos ob seditionem rapinasque factas in Italia clam oderat.

XXVIII. Interesse arbitror ipsa referri verba praestantissimi imperatoris. Tribunis centurionibusque convocatis omnibus, *Maxime vellem, inquit, homines suae petulantiae nimique libertatis aliquando finem fecissent, meaeque lenitatis, modestiae, patientiae rationem habuissent. Sed, quoniam ipsi sibi neque modum, neque terminum constituunt, quo ceteri dissimiliter se gerant, egomet ipse documentum more militari constituam. C. Aviene, quod in Italia milites populi Romani contra rempublicam instigasti, rapinasque per municipia fecisti; quodque mihi rei publicae inutilis fuisti; et pro militibus tuam familiam jumentaque in naves imposuisti; tuaque opera militibus tempore necessario respublica caret: ob eas res ignominiae causa ab exercitu meo te removeo: hodieque ex Africa abesse, et, quantum potest, proficisci jubeo. Itemque te, A. Fonteius, quod tribunus militum seditiosus, malusque civis fuisti, ab exercitu dimitto. T. Saliene, M. Tiro, C. Clufinas, quum, ordines in meo exercitu beneficio, non virtute, consequuti, ita vos gesseritis, ut neque bello fortes, neque pace boni aut utiles fueritis, et magis in seditione concitandi milites adversus vestrum imperatorem, quam pudoris modestiaeque, fueritis studiosiores, indignos vos esse arbitror, qui in meo exercitu ordines ducatis, missosque facio, et, quantum potest, abesse ex Africa jubeo.*

Cap. XXVII. Athen. 6, 20. Auct. de B. Afric.

XXIX. Interea Caesar, perfectis, quae instituerat, operibus suis, et a vallo castrorum ad Uzitam usque duobus perductis brachiis, praeter alia commoda hoc erat adsequutus, ut ex propinquo sollicitare hostium animos posset, et transfugere volentibus paratus receptus esset: evenitque, ut simul Gaetuli quidam nobiliores cum equis et calonibus circiter mille in castra Caesaris perfugerent. Scipio ceterique, commoti hoc incommodo, ad M. Aquinium senatorem miserunt, quem forte sub idem tempus colloqui cum C. Saserna viderant. Sed ille, nihil motus nuncio Scipionis, colloqui perseverabat, donec missus a Juba viator, audiente Saserna, *Vetat, inquit, te rex colloqui.* Et homo Romanus, populi beneficio usus, quum imperatori suo parere noluisset, regi barbaro audiens dicto fuit. Sed hunc excusat Scipio, quem ajunt, ante regis adventum purpureo sagulo usum, tum ad album vestitum se contulisse, quod Juba negasset, eodem illum cultu esse oportere, quo ipse uteretur. At hic cum Caesare dimicabat, cui si obtemperare vellet, primas post illum in urbe tenere, multisque Juba potentioribus imperare posset.

U. c. 706.

A. C. 46.

*Gaetuli multi ad Caesarem transfugiunt.**Jubae superbia, et apud Romanos auctoritas.*

XXX. Postridie duo exercitus armati instructique a mane usque ad horam decimam, intervallo circiter passuum trecentorum, steterunt: nec tamen commissa est pugna. tantummodo leve proelium equestre factum, minime dignum memoria. Ceterum per eos dies mari gesta res est, quum P. Varus de navibus Q. Aquilae ad Leptim quasdam onerarias incendiisset, vacuasque defensoribus quinqueres abstraxisset duas. Hoc ubi Caesari, circumeunti opera sua, nunciatum est, protinus eques contendit Leptim, et, instructis, quae aderant, navibus, Varum, celeritate tanta perterritum, egit in fugam, quinqueremem unam recepit, triremem repugnantem cepit. Postridie, profectus Adrumetum, quo se Varus contulerat, naves, quotquot extra Cothonem erant, aut incendit, aut subduxit: et, quum classe dimicare non auderent hostes, in castra sua rediit. E captivis interfici unum jussit P. Ligarium Afranianum, qui, dimissus in Hispania, contra datam fidem iterum ad adversarios Caesaris se receperat.

*Caesar et mari rem geris feliciter.*

Cap. XXX. Dio. Auct. de B. Afric.

U. c. 706.  
A. C. 46.  
*Labienu  
insidias ir-  
ritas fruit  
Caesari.*

XXXI. Paucis post diebus, quum Caesar circum villas, ubi rustici fruges in subterraneis specubus condiderant, frumentatum mitteret, Labienus insidias struxit. sed, re comperta, Caesar insidiatores, occisis ferme quingentis, dejecit loco, Labienumque, suis cum equitatu venientem auxilio, legionum objectu deterruit. Numidae, qui, loco amisso, in castra refugerant, imperio Jubae crucibus adfixi pependerunt.

*Caesar  
suos milites  
docet.*

XXXII. Fatigabat tamen Caesarem inopia frumenti, et quod eam ob necessitatem quacumque profectum equitatus et levis armatura Numidarum infestabat, velox hominum genus, et ad procurrendum, et, telis coniectis, ad refugiendum habile. neque his resistere Caesaris equitatus sine legionibus poterat. Idcirco, licet veteranos haberet milites, tamen, quemadmodum contra levem et concursatorem hostem se tuerentur, tamquam lanista tirones solet, accurate docere coactus est. Ad hoc ex singulis legionibus trecentos jubebat expeditos incedere, quorum onera et sarcinae a commilitonibus portabantur, ut, ingruente hoste, praesto essent, qui objicerentur. Haec diligentia tantum emolumentum rebus ejus adtulit, ut saepe tentatus, a Labieno praesertim, multo plus damni daret hostibus, quam acciperet: neque eo minus plerasque expeditiones, quo volebat eventu, faceret.

*Vaccenses  
a Juba de-  
sentur.*

XXXIII. Nam, praeter hostium castra ductis legionibus, oppidum Zetam cepit, neque diu post Sarsuram. Vaccenses tamen, quum praesidium a Caesare petissent, priusquam illud perveniret, a rege Juba omnes ad unum interfecti sunt, oppidum direptum deletumque. Nec ideo minus Thabenenses, ad mare sita non magna civitas, a rege defecerunt, occiso, quod ibi fuerat, praesidio: quibus petentibus auxilium Caesar M. Crispum tribunum cum cohorte et sagittariis tormentisque compluribus misit. Sub idem tempus novae copiae venerunt ad Caesarem ex iis, qui morbi causa, aut commeatu impetrato, prius trajicere nequiverant, militum quatuor millia, quadringenti equites, funditorum sagittariorumque mille. Tanto magis dabat operam, ut de summa rerum dimicaret, sibi militique veteranorum fidens: et, quia hostes a munitioribus  
lo-

Cap. XXXIII. Strabo, l. 17. p. 831. Auct. de Afric. Frontin. Strat. 7, 3.

locis deduci non poterant, pridie Nonas Apriles castra movit, et, sedecim millia passuum celeriter emensus, obsidere Thapsum instituit. U. c. 706.  
A. C. 46.

XXXIV. Thapsus in peninsulae speciem hinc mari, inde stagno salinarum ambitur: inter quod et mare *Caesar Thapsum obsidet.* re via non amplius mille quingentorum passuum relinquebatur, quam triplici praesidio occupavit Caesar, ut Scipionem eo itinere excluderet. Et adfuit ille, ne fidissimum partibus oppidum per summum dedecus indefensum relinqueret: ac, declinata, quam videbat obseffam, via, supra stagnum ad mare versus castra munire coepit. Ea re cognita, Caesar cum pleraque parte exercitus eo contendit: partem etiam classis ad litus accedere jubet, et hostibus a tergo terrorem incutere. At Scipio, parte militum ad opus relicta, ceteras copias pro vallo instruxit, elephantosque disposuit in cornibus.

XXXV. Quum valde cuperet configere Caesar, *Inde orta pugna.* impetu militum victum est ejus desiderium, qui tenti revocatique (tantus ardor incesserat) coegerunt tamen tubicinem classicum canere, et, frustra obsistentibus centurionibus, in hostem irruerunt. Et Caesar sequutus impetum, signo Felicitatis dato, equum admisit, ut more suo princeps cieret pugnam. Interim elephanti, rudes et nuper a silva, fundarum lapidumque stridore avertuntur, proterunt suos, et in semifactas valli portas incidendo infirmum adhuc opus prouunt.

XXXVI. In eo proelio admirabilis exstitit virtus *Scipio vincitur.* cujusdam ex legione quinta veterani, qui, viso elephanto in oppressum lixam saeviente, ultro petiit belluam, et, in altum ab ea sublatus, ferire proboscidem, qua erat circumdatus, non desistit, donec dolorem non ferens elephantis, abjecto eo, se daret in carsum, fugientesque reliquos consequeretur. Inde postea quintae legionis elephanti fuerunt insignia. Hinc magna caedes et in campo Scipionis militum fuit, et ad vallum hostium, quo post acre proelium potitae sunt Caesaris legiones. Inter haec, qui praesidio Thapsensibus erant, sive confirmandorum suorum causa, sive fugiendi consilio, sine inguinum ingressi mare, ter-

Cap. XXXIII. Dio. Auct. de B. Afric. Cap. XXXV. Flor. 4, 2. Auct. de B. Afric. Flor. Dio. Auct. de B. Afric. Cap. XXXVI. Appian. Civil. 1, 2. Auct. de B. Afric.

Supplem. Liv. Tom. XIV.

M

U. c. 706. ram petebant. sed, a calonibus Caesaris clamore jac-  
 A. C. 46. tuque pilorum atque lapidum deterriti, in oppidum  
 se receperunt.

*Caesar tri-  
 nis castris  
 potitur.*

XXXVII. Reliquiae victi exercitus ad priora ca-  
 stris, unde nuper egressi fuerant, refugerunt. sed ibi  
 neque praesidium ultra, neque dux erat, cujus aucto-  
 ritate regerentur: et, quum in regia castra profuge-  
 rent, illa quoque jam a Julianis occupata repererunt.  
 quippe fortuna et impetu victoriae Caesar usus, et  
 haec castra, fugiente Juba, et Afranio, qui seorsim  
 tetenderat, exterrito, tertia quoque quasi momento  
 ceperat. Tum ergo Scipionis milites, desperata salu-  
 te, Julianos consalutant, Caesarisque implorant fidem.  
 nec eo minus a veteranis, ira et dolore efferatis,  
 conciduntur.

*Ejus mor-  
 bus comitia-  
 lis.*

XXXVIII. Quin et in Caesaris exercitu quidam il-  
 lustres a militibus interfecti sunt, ob tantam rem ge-  
 stam cujuslibet delicti sibi pollicentibus impunitatem.  
 inter quos et Tullius Rufus quaestorius pilo transje-  
 ctus est; et Pompejus Rufus, vulnere in brachium ac-  
 cepto, nisi celeriter confugisset ad Caesarem, esset  
 occisus. Haec tanta licentia, et quod ante Caesaris  
 imperium signa cecinerunt, fidem faciunt narrantibus,  
 inter instruendam aciem comitali morbo; quo fre-  
 quenter solebat laborare, correptum, dum pugnatur,  
 in turri quadam propinqua quievisse.

*Ejusdem  
 ingens feli-  
 citas.*

XXXIX. Idcirco victae quoque partes victoriam  
 Caesaris non militum suorum ignaviae, nam eos qui-  
 dem pugnavisse fortiter, sed partim ducum imperitiae,  
 partim fortunae Caesaris, transcripserunt; quod tam  
 facile victus erat exercitus octoginta millium armato-  
 rum, jam a multo tempore adsuetus operibus bellicis,  
 et ex prima pugna magnam adeptus spem victoriae.  
 Ingentem profecto fuisse Caesaris felicitatem, utro mo-  
 do gesta res est, eventus docuit, quum, hostium cae-  
 sis millibus quinquaginta, captis sexaginta elephantis,  
 vix quinquaginta milites amiserit.

XL. Pugna feliciter confecta, Caesar, relicto ad  
 Thapsum C. Rebilo proconsule, ad Tisdrum Cn. Do-  
 mitio, illo cum tribus, hoc cum duabus legionibus,  
 Uticam praeire M. Messallam jubet, ipse cum equitatu

Cap. XXXVII. Plut. Caes. Auct. de B. Afric. Cap. XXXVIII.  
 Plut. Sueton. Caes. 45. Plut. Cap. XLIX. Appian. Plut. O-  
 ros. 6, 16. Cap. XL. Auct. de B. Afric.

subsequitur. Interea Scipionis equites, qui ex proelio fugerant, Paradam oppidum, ubi non recipiebantur, expugnant: incolas omnes, cum rebus eorum atque facultatibus, in medio foro comburunt vivos: deinde Uticam proficiscuntur. Uticae, sicut praediximus, Cato curabat. is, tertio post pugnam die nuncio cladis accepto, convocavit in templum Jovis trecentos ex negotiatoribus, cives Romanos, qui Scipioni pecuniam ad bellum dederant, unaque senatores Romanos, qui aderant, et senatorum filios.

U. c. 706.  
A. C. 46.

Catonis  
acta Uticae.

XXI. Ubi comparuerunt, exorsus Cato, *Fortuna, Oratio* inquit, novum aperuit nobis ostendendae virtutis atque constantiae theatrum. Victi sunt exercitus ducesque nostri, atque omnis residua spes salutis ac libertatis in nos recumbit. Sane, quam magnitudinem cladis confidero, tanta est, ut quorumlibet non firmissimorum animi terreri ea atque domari queant: quum in vos respicio, cives, quum alacritatem fidemque vestram expendo, quae neque pecuniis, neque corporibus vos parcere sivit, dum reipublicae consuleres; eos esse existimo, qui censeri debeant cuilibet fortunae pares.

XLII. Sed neque praecipere vobis quidquam est animus; Hortantis neque reformidantibus pericula necessitatem suscipiensidorum imponere. Unum moneri res et benevolentia mea imperat, ut eodem consilio, qualecumque tandem illud probatum fuerit, utamini. Distracti sententiis et fuga singulis etiam opportuni ad quamlibet injuriam eritis: junctos et unanimis neque spernet hostes Caesar, neque supplices aversabitur. Ite igitur, et, utra videatur esse ratio potior, liberrima consultatione disquirite. Neque meos sensus revereatur quisquam. Fortunam sequentes necessitati hoc dare arbitror: obfirmantes animum, ut dignum tali exemplo erit, ei admirabor, et laudabo, et hujuscemodi me viris ducem atque commilitonem adjungam in omnes casus.

Hortantis  
ad concordiam.

XLIII. Neque vero conatibus consiliisque Thapsum, aut Adrumetum, aut hanc Uticam statuimus terminos. Roma commananda nobis est, communis omnium patria, caput rerum, et imperii sedes. Neque vero credibile est, huic omnium late populorum concessisse imperium Deos, ut ipsam alieno subjicerent arbitrio. Nobilior urbi factum est: ideoque multis saepe fluctibus agitata rursum emerfit, tyrannosque suos aut virtute sua excussit, aut felicitate evasit. Ciuna quidem a suis met militibus interfectus est. Marius atque Sulla acerbioris fato perierunt, quam qui a crudelissimis hostibus cum exquisito

manae fata  
praedicant-  
tis.

U. c. 706. cruciatus necantur. Neque frustra celebratum est M. Drusi  
 A. C. 46. dictum, qui pater tribuni fuit: sacram esse rempublicam,  
 eique poenas esse persolutas ab omnibus, qui violare illam  
 sustinuissem.

Et aliis et-  
 iam argu-  
 mentis spem  
 injicientis  
 bonam.

XLIV. Igitur bonitate causae Deorumque justitia fretis,  
 ad haec Romanae reipublicae fortuna, nihil praeterea requi-  
 rendum videatur. Sed tamen et alia supersunt, ob quae lae-  
 tum rei exitum desperare nemo debeat. Quanti enim esse cre-  
 ditis, quod nos uni huic negotio intenti erimus, hosti plus et-  
 iam respiciendum est? Hispaniam Cy. Pompejus commovit:  
 Roma ipsa jugi impatiens nondum didicit perferre servitutem.

Postremo  
 comparantis  
 suam et Cae-  
 saris fortu-  
 nae conditio-  
 nem.

XLV. Sed nec extenuare pericula moris mei est, quae  
 non ignoranda, sed contemnenda, viris fortibus arbitror. Exem-  
 plum vel ab hoste petite. Quantos ille labores exhaustit, quan-  
 ta adiit discrimina, ut vinceret eos, quibuscum ei fuit conten-  
 tio? Qua tandem ille spe, aut quo pretio? Non alio certe,  
 quam tyrannidis, quae neque tutior est omnibus illis periculis,  
 per quae paratur; et, si contingat vel quietissima, nulla non  
 calamitate est miserior. At nobis, quis omne consilium in eo  
 est, non ut injuriam faciamus cuiquam, sed ut rempublicam  
 defendamus, neutra fors cadere infelicitate potest. Nam aut  
 victoribus in libertate et legitimis honoribus fortunata vita per  
 virtutem transigetur: aut vi superatis calamitatum finem mors  
 adferet, non exstinguet fructum virtutis gloriam. Sed de istis  
 quidem inter vos deliberabitis, orantes supremum numen, uti  
 vobis pro veteri virtute atque fide vestra animos consiliumque  
 duit. Accensi hac oratione plerique, velut obliti prae-  
 sentium, bellica consilia agitabant: et erant, quibus  
 servitia liberanda in usum militiae viderentur. Id re-  
 cusavit Cato, negavitque suscepturum, nisi praebitos  
 a volentibus. quum multi pollicerentur, nomina dare,  
 quibus videretur, jussit; utque hoc liberius facerent,  
 consilio excessit.

Litterae  
 Scipionis et  
 Jubae ad  
 Catonem.

XLVI. Non diu postea litterae ei Scipionis atque  
 Jubae traduntur, diversis ex locis, argumento eo-  
 dem. Rex, in monte quodam cum paucis abditus,  
 Scipio, sub promontorio haud procul Utica stans ad  
 ancoras, quid consilii Catoni esset, sciscitabantur; ad  
 se venturum recepturi, aut, si ferre obsidionem de-  
 crevisset, suppetias laturo, quibuscum possent copiis.  
 Cato, retentis paullisper tabellariis, quum, se digres-  
 so, refrixisset trecentorum ardorem cognosceret, hoc  
 ipsum nunciavit, Utica jubens abstinere, sibi que con-

Cap. XLIII. Cic. Or. 63. Cap. XLIV. Plut.

sulere: *se, quidquid per praesentes difficultates posset, fide sua facturum.* U. c. 706.  
A. C. 46.

XLVII. Interim et ab equitibus praefecti tres adfuerunt, totidem adferentes consilia. Jubam alii duce, alii Catonem optabant: quidam, Uticensibus diffisi, quod ob beneficium legis Juliae favere Caesari credebantur, oppido se includere renuebant. Cato cum praefectis agere coepit, *persuaderent equitibus, uti, valere jussu Juba, Catoni se committerent Romano duci, atque Usicam ingrederentur, munitionibus tutam, et provisis in multos annos commeatibus.* Idem etiam senatores cum fletu et precibus postulabant. *Equitum legatio ad eundem.*

XLVIII. Interea M. Rubrius, quem ad trecentos miserat Cato, rediit iratus, et multa de perfidia hominum et inconstantia querens. Redierunt et praefecti equitum cum ferocibus mandatis, *nullam sibi societatem cum levibus et Punica perfidia infectis fore. proinde, qui sua opera uti cupiat, ejectis aut interfectis Uticensibus, in vacuum oppidum se accipiat.* Longissime haec abibant a mente et moribus Catonis. itaque leni responso dimisit praefectos, *cum trecensis deliberaturum.* *Eorumdem odium in Uticenses.*

XLIX. At illi palam et audacius negabant contra Caesarem bellaturos: et a quibusdam fiebat senatorum mentio, *comprehendi eos et Caesari dedi oportere, quo in reliquos fieret mitior.* Idcirco dimittendos ex tanto periculo videns, abeuntes jam equites consequutus, oravit, *ut vel unam adhuc diem manerent, tutamque praestarent tot Romanis senatoribus fugam.* Persuasi sunt a Catone equites, et, partim in portis oppidi, partim in arce custodiae caussa collocati, metum fecerunt trecentis, ne inconstantiae suae poenae reposcerentur. Idcirco miserunt ad Catonem, oratum, ad se veniret. Ille, delinitis sermone senatoribus, qui circumfusi negabant, servatorem suum missuros in proditorum potestatem, solus ad eos profectus est. Illi veniam petierunt, *quod aemulari Catonianam constantiam nequirent; agnoscere se, quod proavum ipsius fama esset dicere solitum, non posse omnes esse Catones. sibi in animo esse, legatos mittendi ad Caesarem, et ante omnia Catonis incolumitatem stipulandi: nec, nisi hac impetrata, arma posituos.* Ad ea subridens ille negavit, *sibi esse deprecatoribus opus, idque*

Cap. XLVII. Anst. de B. Afric. Plut. Cap. XLIX. Dio. Plut. Plut. Cat. Maj. Plut. Cat. Min.



U. c. 706. *Caesarem ipsum scire planissime. sibi vero si consulant, se ni-*  
A. C. 46. *nime inviro facturos.*

**L.** Inter haec audito, venire cum omnibus copiis Caesarem, *vab!* inquit, *tamquam adversum viros!* iussisque maturare senatoribus, donec haberent equitum praesidium, portas oppidi clausit, una excepta maritima, per quam emittebat discedentes, naves tribuebat, tumultus sedabat, viaticum dabat egentibus. Haec agentem convenerunt a M. Octavio missi, cum duabus legionibus haud procul Utica consedissee nunciantes, atque petere a Catone, ut secum statueret, quatenus imperium utriusvis esse deberet. Nihil his respondit. Sed, conversus ad amicos, *Et miramur*, inquit, *quomodo victi simus, quos ne in extremis quidem deserit ambizio?*

*Praedam Uticensem o-*  
*quisibus ex-*  
*sorquet Ca-*  
*to.*

LI. Simul properavit ad equites, qui castra, quae fecerat ante oppidum Cato, eoque commigrare plebem Uticensium coëgerat, oppugnasse dicebantur; et inde repulsi irrupisse in oppidum, multisque interfectis diripere domos. Ut igitur hos averteret a rapinis et caedibus, singulis sestertios centum dedit. Idem fecit et Faustus Sullae filius, dataque pecunia cum his profectus est. Praedam tamen Uticensium repetiit a discedentibus Cato, incitato cursu adsequutus: et, quum auctoritate viri permoti primi ordines ablata restituisent, ceteri quoque projecerunt rapta, muti prae pudore, et dejectis in humum oculis. Tum Cato reversus in urbem oravit Uticenses, *ne trecentis irati essent, sed communiter deprecarentur Caesarem*. haec fatus administrationis rationes et reliqua reddidit, obsignavitque pecuniam. Mox, profectus ad mare, postremum salutavit abeuntes.

*Filio dat  
praecepta.* LII. Duobus persuadere non potuit, ut a se discederent, filio suo, et Statilio cuidam. Statilius ad imitationem Catonis pectus obfirmaverat. Filius, proficisci ad Caesarem iussus, interrogavit patrem, *Quin igitur idem et ipse faceret, si faciundum esse judicaret?* At ille, *Dispar est utriusque nostrum ratio, fili. me, natum atque educatum in libertate, concessum a Diis immortalibus donum prodere nefas: tu, deteriore republica genitus, non debes recusare conditionem temporum, in quae incidisti. Monuit tamen, ne capeßere rempublicam vellet. neque*

Cap. XLIX. Appian. Plut. Cap. LI. Auct. de B. Afric.  
 Rhét. Auct. de B. Afric. Plut. Dio. Appian. Plut. Cap. LII.  
 Dio. Plut.

enim *nunc eam administrari, ut dignum esset Catoniano nomine, posse: secus autem fieri, turpe esse.* Commendavit deinde eum L. Caesari, quo usus proquaestore fuerat: petentemque Lucium adjuvit in oratione componenda, qua Caesarem exoraret: quum pro se quemquam rogare quidquam districtissime vetaret. Tantum sollicitudinis laborisque et taedii vir iste sumendum putavit, ut aliis prodesset, dudum projecta vivendi cupiditate, et certa destinatione consciscendae necis.

U. c. 706.  
A. G. 46.

LIII. Ut tamen consilium tegeret, corporis curam adhibuit, lotusque coenavit cum amicis et magistratibus Uticae sedens: nam accubare post Pharsalicam pugnam desierat. Productae quin etiam poculis et sermonibus sunt epulae, multisque de rebus erudita et jucunda confabulatio fuit: donec prolapsus ad decretum illud Stoicorum Cato, *solum bonum virum esse liberum*, cum opponente se Demetrio Peripateticae sectae philosopho tanta contentione vocis vultusque disputavit, ut facile propositum ejus adverteretur. Unde, quum moestos sedere convivas videret, revolutus ad alios sermones eximere suspicionem conatus est. deambulavit etiam a coena, praefectisque vigiliarum imperavit, quae videbantur agenda: sed cubitum iturus arctius diutiusque in complexu filii et ceterorum haesit.

*Ejus ultima coena.*

LIV. Inde novus illis timor, ensemque supra cubile pendere solitum amoverunt. Cato, cum libro Platonis, qui Phaeton inscribitur, cubiculum ingressus, interrogat servum, *quis gladium abstulisset?* Illo tacente, lectionem continuat: paullo post iterum requirit ensem, nec adlato, librum pellegit. Tum singulos advocans servos, ensemque flagitans acriter, unum etiam percussit pugno, manumque cruentavit. Postremo filium et amicos adcurrentes increpavit asperius, *sibi nec deesse rationem moriendi, si vellet, amoro gladio, dictitans: neque vero putare, ira excidisse mente, ut reciderit in filii ruzelam.* Illi, luctu atque moerore propemodum exanimati, jubent adferri gladium. quem ubi eduxit atque consideravit Cato, reposuit iterum, dentoque librum a capite ad calcem relegit, a lucernam: deinde securus obdormit, ut stertentem perciperent, qui excubabant pro foribus.

*Amici gladium amoverunt.*

*Sed, illo acriter expulante, redunt.*

LV. Sub mediam noctem Batam quemdam accitum ad mare misit visum, anhe jam solvissent omnes: et

*Cato sibi manus infert.*

U. c. 706. medico prae-buit obligandam manum, quae ex ictu intumuerat. Id spem fecit reliquis, vivere eum constituisse. Sed falsi sunt. quum enim reversus Buta solvisse omnes renunciasset, excepto Crasso, et vehementem ventum incubuisse mari; sorte fugientium indoluit, remisitque eundem, ut, si quis forte alicujus opis indigus remansisset, id ad se referretur. Ubi ille altum in portu silentium esse nunciavit, janua claudi jussa, tamquam dormiturus in lectulum se reposuit; sed statim arreptum mucronem infixit corpori: neque exanimatus, quia manus inflammata fuerat ad feriendum infirmior, decidit cubili, strepituque edito excitavit sollicitudinem suorum. Irrumpunt in cubiculum filius, et cum Demetrio Stoicus Apollonides, medicus, intestina videns illaesa, reponere in ventrem, atque consuere vulnus coepit. ille, passus donec discederent, manum injecit vulneri, dilaniatoque, et sparsis intestinis, qua coeperat via, servitutem exivit.

*Vix laudando exitu.*

LVI. Decessit Cato anno aetatis undequingagesimo. Magni utique vir invictique animi, et indomitae nec licentiosae libertatis, sed legum et aequi observantissimus: cujus etiam laudandus exitus foret, si cuiquam ullo casu vitae necisque suae potestatem concessisset DEUS. nunc in re vetita saltem hanc abstulerit prae aliis similibus commendationem, ut ex toto desperatorum agmine nemo videatur insanisse speciosius.

LVII. Sed neque in vita ejus quidquam rectius carpitur, quam quod uxorem Marciam, velut usurariam, concessit Q. Hortensio, quum tres ei liberos peperisset, atque eo quoque tempore gestaret uterum. Id ejus factum, quamquam Philippo Marciae patri probatum, et exemplo Socratis atque veteri Romanorum consuetudine defensum, non immerito reprehendit Caesar, falsam tamen causam hostiliter adfingens, uxorem juvenulam ideo dedisse uxendam Hortensio, ut pro pauperum divitem reciperet. Nam haeres insitata ab Hortensio, post illius fata domum Catonis redierat.

*Ab Uticensibus publice sepelitur.*

LVIII. Palam facta morte Catonis, Uticenses, licet ob partium studium odesant, tamen, propter singularem integritatem, servatamque haud semel Uti-

Cap. LV. Dio. Appian. Flor. 4, 2. Liv. Epit. Plut. Cap. LVI. Appian. et Dio. Cap. LVII. Plut. Appian. Lucan. 2, 33c. Strabo, l. 11. p. 515. Plut. Tertull. Apolog. c. 39. Strabo. Plut. Cap. LVIII. Annot. de B. Afric.

cam, et magnis operibus permunitam, publice sepeliverunt, cum multis magnisque laudibus omnium: ne metu quidem impediante officium, quod jam haud procul copiae Caesaris aberant. Tumulus ei mediocris positus est juxta mare, cum statua ejus gladium tenente. Ipse ab hoc eventu cognomine *Uticensis* a paris constantiae gloriaeque proavo distinguitur. Post mortem Catonis L. Caesar in concione populi Uticensis suadet, ut portae aperiantur. *se profecturum ad Caesarem imperatorem, cujus in clementia spem magnam habeat.*

U. c. 706.

A. C. 46.

LIX. Interim Caesar, cognito, Catonem, dimissis ceteris, Uticae cum filio substitisse, non expediebat consilium viri. dein, audita ejus morte, dixisse dicitur, *Invideo tibi mortem hanc, Cato, quando tu mihi servati sui famam invidisti.* Tulit tamen civiliter postea celebrari a Cicerone Catonem libro, qui *laus M. Catonis* inscribitur. neque aliud, nisi tamquam apud judices respondit, duobus editis Anticatonibus.

*Caesaris dictum, audita morte Catonis.*

LX. Receptis interim obiter Usceta et Adrumeto urbibus, vitaeque Q. Ligario et C. Considio filio concessa, Uticam pergit, quae jam a Messalla, custodiis ad portas oppositis, tenebatur. Obvius ibi L. Caesar se demisit ad victoris genua, vitamque dumtaxat deprecatus, in praesentia quidem obtinuit: eademque venia Caecinae, C. Atejo, P. Atrio, L. Cellae patri et filio, M. Eppio, M. Aquinio, Catonisque et Damassippi liberis data: itemque Statilio, qui, Catonis exitum imitaturus, a philosophis prohibitus fuerat. Uticensibus pro studio erga se gratias egit. trecentos, gravi et longa oratione incusatos, bis millies sesteratio multavit, *quam summam sex pensionibus populo Romano per triennium penderent.* Conditionem omnes laeti acceperunt, (nam de salute sua putarant actum esse) seque illo demum die natos esse praedicantes.

*Caesar, Utica recepta, victis ignoscit.*

LXI. Interim Juba cum Petrejo Zamam fuga pervenit, quam, duplici muro circumdato, muniverat, regiamque sibi habuerat. Sed, quia et ipse victus, et Sabura cum suis copiis deletus a P. Satio fuerat,

*Juba a Zamensibus exclusus.*

Cap. LVIII. Appian. Dio. Plut. Dio. Auct. de B. Africae. Cap. LIX. Plut. Dio. Appian. Plut. Caes. et Cat. Cic. ad Att. 12, 4. et 5. A. Gell. 13, 18. Cap. LX. Dio. Appian. Plut. Tac. Ann. 4, 34. Sueton. Caes. c. 56. Auct. de B. Africae. Plut. Cat. Auct. de B. Africae. Cap. LXI. Vitruv. 8, 4. Auct. de B. Africae.

U. c. 706. contemptus est a suis exclususque. Nec caret defensione Zamensium perfidia: quod in medio foro pyram Juba construxerat, hoc proposito, ut in ultima desperatione, civibus interfectis omnibus, rebusque pretiosis in rogum coniectis, ibi cum uxoribus liberisque cremaretur. Igitur, neque minis quidquam proficientibus, neque precibus, (nam et preces adhibere docuerat necessitas) ne liberis quidem conjugibusque impetratis, in villam suam discedit: deinde, similes expertus omnium civitatum animos, post magnificas epulas ferro cum Petrejo concurrat, ut per virtutem interfecti viderentur. Petrejus valentior facile confecit Jubam: ipse servi sui manu invenit necem.

*Cum Petrejo  
mutuis vul-  
neribus con-  
currit.*

LXII. Dum haec aguntur, Caesaris fortuna trahente omnia, Considius, e Tisdritanto oppido, cui praeerat, cum Gaetulis paucis in regnum profectus, a comitibus suis, qui succinctum pecunia senserant, interficitur: C. Virgilius Caninio Rebilo proconsuli, a quo Thapsi obsidebatur, se dedit: P. Silius, qui plurimum eo bello Caesari contulerat, vix leviter notus antea, dum per Mauritaniam ad imperatorem proficiscitur, in Faustum et Afranium incidit, qui cum equitibus Scipionis Utica discesserant. is reliquos partim caedit, partim accipit in deditionem, Afranium et Faustum cum conjuge et liberis capit vivos.

*Afranius,  
Faustus, Pe-  
trejus filius  
occiduntur.*

LXIII. Uxori Fausti, quae eadem Pompeji erat filia, duobusque liberis ejus Caesar incolumitatem suaeque omnia concessit, et ad fratrem proficisci passus est. Afranius et Faustus, tamquam temere orta in exercitu seditione, unaque Petrejus filius, interficiuntur. Sed Caesaris jussu factum non dubitatur; cujus etiam inter artes referunt, quod invisos sibi per milites clam curaverit occidendos, ne clementiae simulationem omitteret. Sic et Tullium Rufum aliosque inter proelium cum Scipione perisse: sic L. Caesarem, quamquam receptum in gratiam, per insidias interfectum. Quippe judicii specie, quod liberos servosque Caesaris ferro et igni crudeliter enecuisse, bestias quoque, ad spectaculum venationis comparatas, trucidasse dicebatur, militum objecisse ferociae, a quibus quasi per iram interficeretur. Afranium certe et Faustum

Cap. LXL Appian. Dio. Flor. Liv. Epit. Cap. LXII. Auct. de B. Afric. Cap. LXIII. Appian. Liv. Epit. Oros. 6, 16. Auct. de B. Afric. Dio. Sueton. c. 75. Eutrop.

imperio Caesaris occisos, neque dubium est apud auctores plerosque, neque adeo mirum, quia semel, impetrata venia, dimissi denuo ad oppugnandum eum se converterant: cui generi hominum haud sine causa erat infensissimus. Servavit tamen hic quoque institutum suum, ut amicorum atque familiarium deprecationi condonaret singulos. Et Octavius quidem adolescens, qui postea Augustus appellatus est, pro Agrippae sui fratre, qui eodem bello apud M. Catonem fuerat, avunculum exoravit.

U. c. 706.  
A. C. 46.

LXIV. Sed Scipio et T. Torquatus, unaque Damaspus et Plaetorius Rustianus, cum duodecim navibus apertis multum diuque jactati, quum Hispaniam peterent, adversis ventis in Africam relati, apud Hipponem Regium a classe P. Sittii excipiuntur. Ibi Scipio, quum animadverteret, navim, qua vehébatur, ab hostibus capi, gladio se transverberat: et quaerentibus, qui interea irruerant, ubi imperator esset, *Imperator*, inquit, *bene se habet*. Eodem tempore ceteri quoque a Sittianis militibus interimuntur. quibus ob navatam eo bello operam quum alia praemia dedit Caesar, tum Cirtam, olim regum domum, quam ceperant, habitandam concessit: unde colonia Sittianorum appellata.

*Scipio et alii clavi virtutis capiuntur.*

LXV. Ipse interim Zamae pecunias cogit, cives Romanos, qui contra se pugnaverant, multat: provinciaeque ex regno facta, C. Sallustium Crispum pro consule praeficit, qui tam avide dicitur expilasse provinciam, ut hoc ei fuisse injunctum a Caesare quidam crediderint: alii pactum cum eo magna pecunia scripserunt, ne causam diceret. Deinde, regressus Uticam, bona eorum, qui sub Scipione duxerant ordines, vendidit. Thapsitanos Adrumetanosque pecunia, Leptitanos tricies centenis millibus pondo olei in annos singulos, Tisdritanos certo frumenti modo multat.

*Sallustius Numidiae praeficitur.*

LXVI. Inter haec rem summae mansuetudinis, sed et prudentiae, facit, cremandis, quae repertae in scrinio Scipionis erant, variorum epistolis: sicut et apud

*Epistolas adversariorum non lectas cremat.*

Cap. LXIII. Zonar. Flor. Dio. Sueton. Nicol. Damasc. de institut. Aug. Cic. ad Fam. 6, 13. Dio. Nicol. Damasc. Cap. LXIV. Oros. Auct. de B. Afric. Appian. Dio. Oros. Val. Max. 3, 2. Sen. Epist. 24. Flor. Liv. Epit. Auct. de B. Afric. Cap. LXV. Appian. Civil. 1. 4. Mela, 1, 6. Plin. 5, 3. Auct. de B. Afric. Appian. Dio. Cic. in Sallust. Auct. de B. Afric. Cap. LXVI. Dio. Plin. 7, 25.

U. c. 706. Pharsaliam antea, et olim Pompejus, debellatò Ser-  
 A. C. 46. torio, summa cum admiratione hominum atque laude  
 fecerat. Ita multorum, qui contra ipsum senserant,  
 opprimere crimina, quam exsequi, malebat: ne, quos  
 mutata fortuna animum mutatueros esse sciebat, per-  
 manere in odio et inimicitiis vel nolentes cogeret.  
 Tantis rebus tam celeriter confectis, Idibus Juniis  
 Uticæ conscendit, et, in Sardiniam trajectus, Sulci-  
 tanis, qui Nasidium classemque ejus receperant, im-  
 perat pecuniam: mox solvens a Caralibus ante diem  
 tertium Kalendas Quintiles, quia propter tempestates  
 subinde haerendum in portibus fuerat, duodetrigesimo  
 die Romam venit. Ibi cognoscit, in Gallia quo-  
 que per absentiam suam a D. Junio Bruto legato rem  
 fortiter feliciterque gestam, victosque proelio Bello-  
 vacos, qui cum vicinis aliquot populis rebellaverant.

Cap. LXVI. Supra, 96, 19. Sen. de Ira, c. 23. Auct. de  
 B. Afric. Liv. Epit.

## E P I T O M E

### LIBRI CENTESIMI DECIMI QUINTI.

*Caesar quatuor triumphos duxit; ex Gallia, ex Aegypto, ex Ponto, ex Africa. Epulum et omnis generis spectacula dedit. M. Marcello consulari, senatu rogante, redditum concessit. Qui Marcellus*

*Ex Gallia, ex Aegypto, ex Ponto, et Africa]* Gudiani *ex Ponto, ex Africa.* J. FR. GRON. *ex Aegypto, et Ponto, et Africa* Boend. *ex Aegypto, Ponto, et Africa* Exc. Pithoei. *ex Aegypto, ex Ponto, ex Africa* Leid. Voff. Berg. et Lov. 2. Vide ad Epit. 46.

*Epulum et omnis generis spectacula edidit]* Vet. lib. *dedit.* SIGON. Similiter Voff. Lov. 2. Boend. et Exc. Pithoei. At omnia haec verba desunt in Leid. et Berg. Mox *concessit redditum* Exc. Pithoei, et edd. pleraeque ante Gruterum; qui verba transposuit, consentientibus scriptis nostris, et ad. Campani.

*Qui Marcellus beneficio ejus frui minime potuit]* Vet. lib. *non potuit.* SIGON. Hic quoque *to minime* sustulit Sigonius. Sed gravius sedet ulcus. Gud. *qui beneficio ejus Marcellus frui non potuit.* Ex hoc verborum ordine jam facile est videre, legendum esse: *quo beneficio.* Quamquam perinde est: *quo Marcellus beneficio ejus.* J. FR. GRON. Non offendor voce *Marcellus*, quae praecesserat, post pronomen relativum repetita, quum saepius ita optimi scriptores loquantur. Livius 6, 1, 11. *Diem*

*que etc. duplici clade insignem* (quo die ad Cremeram Fabii caesi: quo deinde etc. 40, 51, 4. Locavit portum et pilas pontis in Tiberim: Quibus pilis fornices etc. Cic. 4. in Verr. 21. *Domus erat ante istum praetorem nulla paullo locupletior, qua in domo haec non essent.* 2. ad Att. 11. *Dies nullus erat, quo die non scirem.* Caesar 1. Gall. 6. *Diem dicunt, qua die ad ripam Rhodani omnes conveniant: is dies erat ante diem V. Kalendas Apriles.* Cic. pro Rosc. Am. 45. *Quare aliquanto post eam diem venierint, quae dies in lege praefinita est.* 2. de Lav. 27. *Postulat, ut legem, qua lege fecerit, proferat.* Marmor Ancyra. *Lustrum post annum alterum et quadragesimum feci, legi: quo lustrum civium Romanorum etc.* Cenotaphium Pisanum C. Caesaris: *Diem eum, quo die obiit, qui dies ante diem VIII. Kal. etc.* Vide Celeberr. Burm. ad Suet. Caes. 2. et Cortium ad Plinii 2. Ep. 11, 22. et 5, 6, 12. Idem etiam fit post pronomen is. Livius 6, 2, 5. 6. *Dictatoremque dici M. Furium Camillum. Is dictator C. Servilium magistrum equi-*



*beneficio ejus frui non potuit, a Cn. Magio Cilone cliente suo Athenis occisus. Recensum egit, quo*

*tum dixit. 25, 1, 12. Quicumque libros vaticinos precationesve, aut artem vaticinandi conscriptum haberet, eos libros omnes etc. 34, 35, 3. Ex qua die scriptae conditiones pacis editae Nabidi forent, ea dies ut induciarum principium esset. Caesar 1. Gall. 40. Coacto consilio, ad id consilium legatos adhibuit. His non obstantibus, a priori Gronovii conjectura non sum alienus; ut enim is in Gud. invenit, praefert etiam Lov. 2. quin etiam plane quo beneficio ejus Marcellus vidi in Berg. Insuper frui non potuit Leid. Voss. Berg. Lov. 2. Boend. Exc. Pithoei, et ed. Camp. Vide ad Epit. 49.*

*A P. Magio Chilone cliente suo] Cn. Magio ex epistola Servii ad Ciceronem [4. ad fam. 12.] SIGON. a Cn. Magno cliente suo Voss. et Exc. Pithoei. a Cn. Magio cliente suo Berg. et Lov. 2. in quibus vox cliente praecedentem elisisse videtur. a Cn. Magio Cillone Norv. et edd. principes pleraeque ante Moguntinos, qui a P. Magio Chilone substituerunt: pro quo Gronovius a Cn. Magio Cilone anno 1665. dedit, consentientibus Leid. Boend. et ed. Camp. Utrum praenomen, Cn. an P. praefarendum sit, dubito. Ex Val. Max. 9, 11, 4. constat, Magium hunc in exercitu Pompejano Marcelli comilitonem fuisse: Caesari vero Cn. Magius praefectus fabrum Cn. Pompeji memoratur 1. Civ. 24. et Cn. Magius Pompeji praefectus in epistola ad Oppium et Cornelium, quae inseritur Ciceronis lib. 9. ad Att. post Epistolam 8. Vide etiam Jul. Cels. de Vit. Jul. Caes. pag. 137. ed Graev. apud quem pag. 139. Cn. Ma-*

*gium Pompeji praefectum, pro N. magni Pompeji praefectum; et pag. 140. Cn. Magium, pro N. Magium, recte scribendum conjicit Celeberr. Graevius. Cur vero N. Magius Perizon, in Diss. Triad. pag. 257. nisi forte ultimo Celsi loco abreptus, in Caesare scribendum exiltimarit, ignoro. Contra P. Magius vocatur Ser. Sulpicio apud Cic. 4. ad Fam. 12. Neque tamen ullam ibi lectionum diversitatem viri docti ex codd. adnotarunt. Differunt etiam Chilo et Cilo. Teste enim Charis. 1. Instit. Gramm. 78. Cilones dicuntur, quorum capita oblonga et compressa sunt: Chilones autem cum adspiratione ex Graeco a labris improbiorebus, quae illi Χείλη. unde Chilones improbius labrati. Vide etiam Fest. v. Chilo. In Val. Max. quidem Magius Chilo plerumque editur, at maxima pars codd. Ciceronis, monente Gebhardo, eum Magium Cilonem vocat. Donec igitur magis constet, quid verius sit, Gronovium secutus servavi Cn. Magio Cilone.*

*Et censum egit] Barb. sine copulativa Romae censum egit. Sed malam et ipse manum passus. Nam legendum cum Voss. et Gud. recensum egit. Suetonius Julio [cap. 41.] Recensum populi nec more, nec loco solito egit. Octavio [c. 40.] Populi recensum vicatim egit. J. FR. GRONOV. Vulgatum superest in Boend. et Norv. censum egit, sine copula, ostendant Berg. Lov. 2. et ed. Camp. Romae censum egit Leid. recensum egit Exc. Pithoei.*

*Capitum centum quinquaginta millia] Numerus hic, quamquam valde imminutus est, ta-*

*censa sunt civium capita centum quinquaginta milia, Profectusque in Hispaniam adversus Cn. Pom-*

men bene habet. Scribit enim Dio, pro duabus et triginta myriadibus civium, quae ante bellum civile censae sunt, quindecim tantum census hoc tempore, reliquis bello civili absumptis. Et Appianus ait, vix dimidiam partem civium, quae ante civile bellum censebatur, esse censam. SIGON. Plutarchum voluit, puto, scribere Sigonius, pro Dione: nam in Dione hoc nusquam legitur. Sed Plutarchum et Auctorem Epitomes errasse, qui ad censum totius populi a Caesare actum retulerint, quod eos de recensu eorum, qui frumentum de publico accipiebant, debuisset dicere ex Sueton. in Caes. 41. apertum est, docuerunt Lipsius 1. Elect. 8. et 27. et Rualdus Animadvers. 24. in Plutarchum, qui his recte socium erroris addit Appian. 2. Civil. pag. 495. Plutarchum hoc nomine etiam Torrentius et Casaub. ad Sueton. notarunt. Norisius quidem Cenotaph. Pis. Dissert. 1. cap. 2. videtur probasse Panvinii et Sigonii sententiam, qui illis, quos dixi, auctoribus tam exiguum numerum civium in censu Caesaris inventum fuisse crediderunt: sed clariora et certiora sunt argumenta, quibus eam viri docti impugnaverunt, quam ut de errore eorum dubitari possit. An Caesar censum ullum legitimum egerit, dubitat Lipsius, quia non monuerunt id, ut dicit, Sueton. aut Dio. Verum de Dione fallitur. Nam hunc, postquam 43, 224. de numero eorum egerat, quos ad frumentationem admitti volebat Caesar, deinde pag. 226. scribere, a Caesare censum populi, ut censore, actum, ostendit, ac simul erroris arguit Rualdus: quod Casaubonum quoque non fugerat, qui ad Sueton. ad-

notat, Dionem optime de recensu eorum, qui frumentum de publico accipiebant, sed alibi minus recte populi censum a Caesare, ut censore, actum scribere. Breviatorem Livii tamen culpa liberare, eamque in sciolum aliquem, qui recens a lectione Plutarchi hoc in margine Livii adnotaverit, transferre conatur Rualdus. Nam, hoc colon spurium et insititium esse, ex eo colligi posse ait, quod Breviator hoc solenne habeat, ut nusquam numerum civium exacto censu adscribat, quin lustris conditi mentionem simul adjiciat. Sed mihi hoc illo argumento non satis certa ratione colligi videtur. Verum est, quod de more Breviatoris dicit Rualdus: sed quum ex omnibus libris Livii, qui integri superant, appareat, eum numquam numerum civium referre, et simul lustris mentionem adicere, nisi ubi etiam Livius id fecerat, non minus verosimile est, eum hic quoque ab Auctore suo non discessisse; et quia is de lustro nihil dixerat, neque ipsum mentionem illius habuisse. Propemodum mihi persuadeo, Livium eamdem rem, quam Sueton. Caes. cap. 41. et Dio 43, 224. memorant, retulisse, atque eam etiam, quemadmodum Sueton. ibidem, et in Aug. 40. recensum populi vocasse. Sed auctorem Epitomes, sive non cogitantem, sive ignorantem, aliud esse censum, aliud recensum populi, recensum pro censu totius populi accepisse, et de illo iisdem verbis, quibus de hoc uti solent scriptores antiqui, usum fuisse. DUK. Lipsius etiam putat 1. Elect. 27. confidentem quempiam nebulonem in hanc Epitomen intrusisse illa verba de censura. Contra Vossius de

*pejum, multis utrimque expeditionibus factis, et aliquot urbibus expugnatis, summam victoriam cum magno discrimine ad Mundam urbem consecutus est. Pompejus Sextus effugit.*

JOHAN-

**Magnit.** Romae veter. cap. 6. non sollicitandum hunc locum existimat, quum in hac lectione conspirent libri veteres. Ceterum *quo censa sunt civium capita decies centena et centum quinquaginta millia* Boend. et ed. Camp. Vox *civium* deest in Voff.

*Profectus in Hispaniam contra Sex. Pompejum*] Vet. lib. *profectusque in Hispaniam adversus Cn. Pompejum*. Recte. erat enim major natus Cnaeus, quam Sextus. SIGON. Copulam *que* omittunt Leid. Boend. et Norv. Contra eandem agnoscunt Voff. Berg. et Lov. 2. Tum *contra* non adparet in Boend. Norv. et primis edd. quam vocem demum Ascens. anno 1513. addidit. Sed ejus loco *adversus*, ut Sigonius voluit, recepit Gruterus. Neque aliter inveni in Leid. Voff. Berg. et Lov. 2. Vide ad Epit. 67. Eadem Ascensii editio primum *Sext. Pompejum* recepit, quum priores *Cn. Pompejum* dedissent; quod servant omnes codd. nisi quod *G. Pompejum* sit in Norv.

*Multis utrimque expeditionibus factis*] Ita Gruterus edidit, consentientibus Leid. Voff. Berg. Lov. 2. Boend. et ed. Camp. Antea edebatur *utrimque multis*,

quod superest in Exc. Pithoei et Norv. Mox voces *et aliquot urbibus expugnatis* non adparent in Boend.

*Summam victoriam cum magno discrimine ad Mundam urbem consecutus est*] cum *maximo discrimine* Norv. et pleraeque edd. ante Gronov. qui anno 1665. emendavit *cum magno*; quod firmant Leid. Voff. Berg. Lov. 2. et ed. Camp. *cum summo magno discrimine* Boend. librarii errore. Vide ad Epit. 50. Tum *discrimine et pene suorum fuga ad Mundam* Boend. et ed. Camp. Quamvis autem verum sit, Caesarianos proelio ad Mundam pene in fugam actos esse, eorum tamen librorum fide voces illas admittere non audeo; praesertim quum brevitati Epitomes sufficiat praecessisse *cum magno discrimine*. Praeterea vocem *urbem* omittit Boend. Sed eam auctor addidit, quod et fluvius *Munda* est, qui ab aliis *Monda* vocatur.

*Pompejus Sextus effugit*] Vet. lib. *Sex. Pompejus effugit*. SIGON. Frustra Sigonius *Sex. Pompejus*: quasi insolens sit praenomena postponi. J. FR. GRON. *Sex. Pompejus* Exc. Pithoei. Sed vulgatum est in Leid. Voff. Berg. Lov. 2. et Boend. Vide ad Livii 3, 1, 1.

# JOHANNIS FREINSHEMII

## SUPPLEMENTORUM LIVIANORUM LIBER LXXX.

### IN LOCUM LIBRI CXV. T. LIVII.

I. Reversus in urbem Caesar, ut omnia suis armis  
cessisse ostenderet, simul admiratione virtutis et metu  
potentiae cives suos recipere servitutem et pati do-  
ceret, quatuor simul triumphos adparavit. Neque ve-  
ro senatus cunctanter subibat jugum, jamque ultro  
plura prope, quam postulare Caesar voluisset, decre-  
verat: *supplicationes dierum quadraginta, equos albos in tri-  
umphis, et lictores, quos et tum haberet, quosque in prima  
et secunda dictatura habuisses. Praefectum quoque morum,  
novo nomine reperto, quasi vetus illud censoris usu  
viluisset, esse jusserunt in triennium, dictatorem in decen-  
nium, utque suggestus fieret in curia, uti consulibus, qui quo-  
que tempore essent, in sella curuli adsideret, primusque sen-  
tentiam diceret: ludis circensibus omnibus mappam mitteret:  
magistratus a populo declaratos renunciaret: utque currus sta-  
tueretur in Capitolio, adversum Jovem spectans: utque simu-  
lacrum ejus eodem loco poneretur, orbem terrarum calcans:  
in basi inscriberetur, CAESARI HEMITHEO. utque, de-  
leto Catuli nomine, instaurator Capitolii Caesar scriberetur.*  
Neque hic stetit adulantium humilitas: multaue de-  
creta sunt tam serviliter, ut ipsi quoque nimia vide-  
rentur. Sed, quae memoravimus, recepit. Catuli  
tamen nomen, dum pudore delere cunctatur, in Ca-  
pitoli dedicatione mansit.

U. c. 706.  
A. C. 46.  
*Honores  
Caesari de-  
creti.*

II. Sed honores tam prodige decretos sibi plurimum  
metu, quam benevolentia, sentiens Caesar, ad con-  
ciliandos firmiter animos, in senatu verba hunc in mo-  
dum fecit. *Utinam mortalibus hunc animum Dii dedissent,  
ut, a mutuis injuriis temperantes, amicitiam, pacemque cole-*

*Ejus ora-  
tio in sena-  
tu.*

Capo I. Dio, l. 43. Sueton. Caes. c. 76. Dio. Flor. 4, 2.  
Dio. Tac. Hist. 3, 72. Cap. II. Dio. Flor. 4, 2.  
Supplem. Liv. Tom. XIV.

N

U. c. 706. *rent: neque bella geri, etiam, quod tristissimum est, civilia*  
 A. C. 46. *necessum foret, neque ex bellis deinceps aut cruenta odia, au*  
*Bellum ge-* *occultae suspiciones timerentur! Sed, quando contra potentian*  
*sum excu-* *et improbitatem paucorum defendi rempublicam oportuit, ar*  
*sat.* *misque vindicari, quod amicitiae iurique denegatum fuerat, in*  
*eam necessitatem incidi, ut aut mihi cadendum cum libertate*  
*fuerit, aut ii prosternendi, qui nos perditos deletosque cu-*  
*piebant.*

III. *Ex Fortuna quidem iustiori adfuit causae, multorum-*  
*que proeliorum eventu declaravit, nondum abjecisse curam Ro-*  
*manae rei Deos. Atque hoc etiam subinde apparebit clarius,*  
*quum facta consultaque mea dies aperiet, magnisque documen-*  
*tis palam fiet, qualem ei dederint animum, cui daturi victo-*  
*riam belli arbitriumque pacis fuerant.*

*Clementiam* IV. *Nolim enim vestrum quemquam ita maligne de me*  
*pollicetur.* *judicare, Patres conscripti, ut aliorum exempla, quam meos*  
*mores, sequiturum putet: neque, si mihi victoria contulit,*  
*ut possem, quae cupiam, facere, aliud facturum credatis, quam*  
*oporteat. Si Marium, et Cinnam, et Sullam, quorum natu-*  
*ram periculum texerat, nudaverunt victoriae; non ideo me his*  
*similem fore existimaveritis, cujus moderationem, ne recen-*  
*sendo singula me laudare videar, non mutarunt tot prospera,*  
*sed probaverunt. Enimvero neque erga Fortunam irreveren-*  
*ter me geram, aut indignationem excitabo Deorum, quos fer-*  
*me non ulterius beneficia sua sarta recta praestare cognovi,*  
*quam donec homines bis modeste atque sapienter utuntur.*

*Eumque si-* V. *Neque vero ab initio belli aliud mihi propositum armo-*  
*bi fuisse a-* *rum praemium fuit, quam ut, victa invidia atque insolentia,*  
*nimum aut* *virtutem explicarem meam tuto, et ex augenda utilitate pu-*  
*ab initio.* *blica gloriam acquirerem. Quos igitur in aliis reprehendi at-*  
*que persequutus sum mores, iis, absit, ut me cupiam dedere,*  
*similemque bis ostendere, quos superavi. Ego vero potius ipsa*  
*fortuna mea incitor, ut, nisi olim summa mihi voluntas fuisset*  
*omnia rite atque ordine administrandi, vel inde majorem sum-*  
*pturas imperum fuerim.*

*Et crevisse* VI. *Quem enim potius benefacere multis verum est, quam*  
*cum fortu-* *penes quem earum rerum maxima est facultas? cui vero minus*  
*na.* *aut concessum est peccare, aut necessarium? Deorum autem be-*  
*neficia a quo aestimari rectius possunt, quam ab eo, cui illi*  
*summa omnia contulerunt? Quis majorem concordiae pacisque*  
*publicae aget curam, quam cujus eam servari maxime interest?*  
*Is igitur et animo imperabit plurimum, et potentia temperan-*  
*ter utatur: quae si contineri magnam felicitatem deum non*  
*posse, nemo dubitat. Quid si ad haec accedat studium gloriae,*

qua una in re me fateor esse intemperantio-rem? An non, qui et diligere a praesentibus, et laudari a posteris volet, operam dabit, ut iis factis moribusque studeat, per quae ista tam pulchra atque desiderabilia quam certissime et comparantur, et retinentur?

U. c. 706.  
A. C. 46.

VII. Neque haec a me fingi, fidem vobis praeterita non minus, quam praesentia, facient. Nihil loquutus sum, quod non prae me tulerim perpetuo: et, si potentia mutasset animum, nunc maxime tempus erat declarandae voluntatis, postquam, deletis non partibus modo, sed etiam reliquiis partium, spes incolumisque et victoriae compos rediit. Sed prius omnia in me gravia atque acerba expetant, quam hunc induam animum, ut tyrannus patriae et civium, quam rector atque princeps, audire malim. Consulatus et dictaturas, quas dedistis, ad salutem hominum, non ad perniciem, valere volo.

Provocat  
ad experientiam.

VIII. Hujus destinationis spondere fidem perpetua mea consuetudo debet. Quis enim credere poteritis, periculum a me cuiquam innocenti fore, quem scitis veniam dedisse semper, a quibus infestissime fueram oppugnatus; nonnullis et iterato? aut quomodo indulgebit suspicionibus, qui repertas apud Pompejum, apud Scipionem literas introspicere noluit, et in ignem coniecit, ut, quos a poena jam absolverat, etiam a metu omni liberaret? Igitur, posita semel cura, et praeteritorum oblitterata memoria, tamquam recens in ejusdem reipublicae societatem venissemus, benevolos amicosque adferamus animos, ut et vos meorum laborum fructum percipiat, paternam rebus vestris adhibitori curam, et ego vestra prosperitate, tamquam boni parentes liberorum secundis rebus, gaudeam.

Hortatur  
ad benevolentiam.

IX. Sane nihil tam in votis habeo, quam uti omnes a delictis temperando lenitatem meam sibi propriam atque perpetuam esse patiantur: si tamen aliquid forte peccatum erit, homines nos esse meminero. Et virtuti quidem recteque factis semper erunt apud me parata praemia: errantes, quam mansuetissime poterit, ad officium revocabuntur. Neque milites meos timueritis. communis mihi atque vobis imperii custodes sunt, alendique multas ob causas necessario. sed neque contra vos alentur, et contenti his, quae dederitis, amare discent eos, a quibus accipient. Sane pecuniae plus solito exegisse fateor: sed hoc, quam seditiosos habere milites, praestabar; et levi profecto impensa redemptum est, quidquid peccare conscii victoriae exercitus, inopia et necessitate irritati, potuissent.

Et milites  
suos timere  
vetat.

X. Mibi nihil ea diligentia quaesitum est: quin omne patrimonium effusum pro republica, et grande insuper alicuius contractum. Sed, quemadmodum ipsi liquida servinis,

Itemque no-  
vas exactiones.

U. c. 706. *pars in sumptus bellorum erogata, reliquum ad vos reporta-*  
 A. C. 46. *tum est: ut ad vos omnis hujus opulentiae fructus, ad me*  
*solum exigendi acerbitas et invidia perveniret. Sic enim locu-*  
*ples facta respublica dignitatem vestram opesque praestare tuas*  
*potest: quando nec imperium sine militibus, neque milites sine*  
*stipendio retinentur. Absit tamen, ut cuiquam molestas sim*  
*pecuniae causa, neque vectigalia nova constituam: veteribus*  
*contentus ero. semperque potius eo cogitationes curasque meas*  
*conferam, quemadmodum vos opibus honoribusque augeam,*  
*quam quemadmodum aliquid abradam de praesentibus. Apud*  
*populum deinde similia quum disseruisset, multum qui-*  
*dem exstinxit de priore hominum cura: fiduciam ex-*  
*citare non potuit, priusquam rebus ipsis comprobata*  
*promissa vidissent.*

*Triumphus*  
*Caesaris qua-*  
*tuor.*

XI. Inter haec adparatu facto, qualem magnitudo rerum gestarum excusare, opes imperii, unius in annum redactae, pati potuerunt; quatuor triumphis urbem ingressus est, eodem mense, sed interjectis diebus. Primum et excellentissimum egit de Gallis, quorum multas magnasque nationes subegerat, cujus adparatus fuisse traditur ex citro. Rhenus ibi traductus est, Rhodanusque, et ex auro captivus Oceanus. Ingens multitudo nobilium captivorum currum antecessit, et imperator quondam omnium Vercingetorix. Et hic quidem, acto triumpho, cum aliis quibusdam necatus est.

*Axis incur-*  
*ru trium-*  
*phali fran-*  
*gitur.*

XII. Sed ejus diei laetitiam interpolavit casus in omen tractus a plerisque. Praetervehens enim Fortunae fanum, quod in Velabro Lucullus exaedificaverat, axe diffracto, pene curru excussus est: et, dum alius adparatur atque adducitur, obortae sunt tenebrae. adscenditque in Capitolium ad lumina, quadraginta elephantis dextra laevaue lychnuchos gestantibus. Caesar genibus per gradus Capitolii repsit: quamquam et ipse jam staret inter Capitolina numina, currumque Jovi oppositum, et titulum haberet homine majoris. Sed et inscriptionem illam sustulisse paulo post dicitur, solo nomine relicto.

*Carmina*  
*vicentiosa*  
*militum.*

XIII. Inter hunc honorem Caesaris, quum omnium hominum magnitudinem egressus potentia ac felicitate videretur, adnotata sunt carmina plena probri, quae

Cap. XI. Oros. 6, 16. Sueton. Caes. c. 37. Appian. Civil. 1. 2. Plut. Caes. Vell. 2, 56. Liv. Epit. Flor. Cap. XII. Vell. Dio. Sueton. et Dio. Dio.

curram insequens exercitus militari licentia jecerat. adlectos in senatum novos homines ignotosque traducebant: Cleopatrae, mulierumque aliarum, etiam provincialium, objiciebant amores, moecbum calvum, canentes, adducere, qui Romae musuum sumpsisset aurum, in Gallia prodegisset turpiter. Potentiam quoque male partam sugillabant, si juste vellet agere, poenam daturum; quod scelestus esse pergat, dominari. praemiorum quoque parcimoniam cavillantes, alternis versibus exprobrare, lapsana se vixisse apud Dyrrhachium. Sed haec quidem omnia aequo animo Caesar patiebatur: gaudere, quin imo dicebat, nosse milites suos, quam bono imperatore uterentur. Unius dicti acerbiter, quod objectum saepe ab inimicis probrum continebat, aegrius tulit: Gallias a Caesare subactas esse, Caesarem ipsum a Nicomede; et triumphare Caesarem, non triumphare Nicomedem. Id vero falso sibi objici testatus, etiam jurejurando interposito, non ideo potuit expugnare contumaciam famae, quin ultro tam impudens defensio irrideretur.

U. c. 706.  
A. C. 46.

XIV. Triumpho peracto, epulum populo datum per multos dies: duoque et viginti tricliniorum impleta sunt millia. framentum accipere solitae plebi deni modii extra ordinem, ac totidem olei librae distributae. quippe postremo bello vectigal annuorum frumenti ducentorum millium medimnorum Atticorum, olei tricies centena millia librarum adjecisse reipublicae commemorabat. nummos quoque promissos olim iisdem divisit, viritim trecentos: et pro mora et velut usura centeni insuper additi. Veteranis itidem, super bina sestertia, quae belli civilis initio pronunciaverat, vicoena millia nummum dedit, centurionibus duplum, tribunis alarumque praefectis quadruplum. Quod autem numerum eorum, qui frumentum e publico acciperent, per licentiam temporum praeter modum excrevisse compererat, recensum eorum egit vicatim, numerumque de trecentis viginti millibus ad centum quinquaginta millia retraxit.

*Epulum et  
alia populo  
data.*

XV. Altera deinde laurus Aegyptia fuit, ductaque ante curram Arsinoë, Nilusque translatus, et ad simulacrum ignium ardens Pharus. Achillae quoque et

*Aegyptius  
triumphus.*

Cap. XIII. Sueton. Caes. 51. Dio. Plin. 19, 8. Dio. Sueton. Caes. c. 49. Dio. Cap. XIV. Liv. Epit. Vell. Plut. Caes. Sueton. Caes. c. 38. Dio. Plut. Dio. Sueton. et Apian. Dio. Sueton. Caes. c. 41. Liv. Epit. Cap. XV. Apian. Plut. Dio. Flor. et Dio.



U. c. 706. Pothini spectati exitus. Hujus triumphi adparatum fieri jusserat e testudine. singulorum enim triumphorum fercula et instrumenta diversa e materia parari, ad ostentationem magnificentiae, et voluptatem oculorum, visum illustrius fuerat. Sed Arsinoë post triumphum, in gratiam fratris sororisque, dimissa est.

*Triumphus de Pharnace.* XVI. Tertius de Pharnace currus Ponticum triumphum invexit. inter ejus pompae fercula trium verborum titulum praelatum ajunt, VENI, VIDI, VICI. Hujus triumphi fuit adparatus ex Aegyptia spina, quae circa Thebas maxime nascitur.

*Triumphus ex Africa.* XVII. Quartum ex Africa triumphum duxit de rege Juba, cujus et filius puer ductus est fortunata captivitate. Quippe, liberaliter educatus Romae, et regnum utriusque Mauritaniae tenuit postea, et Graecis literis eruditus, memorabilior etiam claritate studiorum, quam regno, habitus est. Hujus triumphi fercula constabant ex ebore, cujus et copiam eadem victoria subministraverat.

*Diversi motus animorum in spectantibus.* XVIII. Diversus animorum sub eos dies habitus fuit. dolorem multa adferebant: praesertim quod de civibus Romanis, etiamsi titulo abstineretur, re et facto triumphabatur. Omnium enim proeliorum tabulae praeferebantur, et illustrissimi cujusque noscebantur imagines, una Pomjeji effigie dempta, quam invidiae declinandae Caesar omiserat. Sed Catonis, Scipionis, et Petreji extrema eliciebant lacrimas: neque Gallico triumpho lata Massilia, neque Aegypto ducta Arsinoë parum indignationis ac misericordiae commoverat. Quin et lictorum numerus, nullius umquam spectatus imperio, admonebat homines sortis suae, et alienam vicem oblitos suae fortunae cogebat ingemiscere. Vicissim captivorum reputantes multitudinem, et quam infestarum populo Romano gentium robur hi fuissent, rerumque gestarum inauditam antea magnitudinem, ab odio Caesaris ad laudes et admirationem transferebantur. Delectabant et Achillae Pothinique poenae, et Pontici regis tam celeriter dejecta adrogantia. Opes etiam translatae (ad decies sexies milles sestertium fuisse reperio, coronas aureas, dona

Cap. XV. Appian. Vell. Dio. Cap. XVI. Flor. Sueton. Caes. 37. Vell. Plin. 13, 9. Cap. XVII. Flor. Appian. Plut. Plin. 5, 1. Vell. Cap. XVIII. Appian. Cic. Phil. 8, 6. Dio. Appian. Vell. 2, 56. et ibi Lips. Appian.

regum ac civitatum, duo millia octingentas viginti duas, auri pendentes pondo viginti millia quadringenta quatuordecim) mulcebant animos, maguam exinde partem suis mox usibus aut voluptati cessuram, scientium.

U. c. 706.  
A. C. 46.

XIX. Nam et viscerationem populo dedit Caesar, et omnis generis spectacula diversis caussis. Forum enim suum, eo, quod Romanum vocabatur, pulchrius, sed minori latitudine, ubi jus redderetur, templumque Veneris Genitricis, et juxta numinis effigiem Cleopatrae simulacrum dedicavit, cum multis et aliis nobilium artificum tabulis; inter quas Timomachi Ajacem et Medeam octoginta talentis emisse traditur. Locavit ibidem equi sui effigiem, qui humanis similes priores pedes habuit, neque sessorem recipere voluit, nisi Caesarem: statuamque sibi loricatam dicari passus est, cum effigie quam Arcesilaus fecit. Struxit et amphitheatrum, ubi funebribus filiae ludis pronunciatum olim populo munus atque venationes exhibuit.

*Templum  
Veneris Ge-  
nitricis.*

XX. Fecit et ludos regionatim per omnium linguarum histriones, item circenses, athletas, naumachiam. Munere gladiatorio depugnaverunt quidam Romani equites, sed et Furius Leptinus, cujus pater praeturam gesserat, et Q. Calpenus, senator quondam actorque caussarum. Dimicare et Fulvius Setinus senator voluerat, sed Caesar negavit passurum in senatoribus, equites admisit. Pyrrhicham saltaverunt Asiae Bithymaeque principum liberi.

*Varia spe-  
ctacula a  
Caesare edi-  
ta.*

XXI. Ludis D. Laberius eques Romanus mimum suum egit, quamquam sexagenarius, quod ipse diligenter excusavit in prologo, coactum se testatus blanda vi illius, cui ne Dii quidem ipsi negare quidquam potuissent. Sed neque serviliter se gessit in actione, ultusque est injuriam dictis liberis sub aliena persona, *Quirites libertatem perdere exclamans*; et, quo versu totum in se populum convertisse dicitur, quasi vocem misisset publici affectus, *Necessum esse, multos timeat, quem multi ziment*. Alienavitque ea libertate Caesarem, ut Publium ei mimographum anteponeret: statimque Publio

*D. Laberius  
mimum agit.*

Cap. XIX. Sueton. Caes. 38. Plut. Dio. Appian. et Dio. Plin. 35, 4. et 11. et 7, 39. Plin. 8, 42. Sueton. Caes. 61. Plin. 34, 5. Cap. XX. Dio. et Plut. Sueton. Caes. 39. Dio. Sueton. Cap. XXI. Cic. ad Fam. 12, 18. Macrob. Sat. 2, 7. A. Gell. 17, 18. Macrob.

U. c. 706. palmam, Laberio annulum aureum cum quingentis A. C. 46. sestertiis daret.

*Possea indig-  
gnus habi-  
tus equestri  
loco.* XXII. Neque tamen Laberio vel excusatio sua, vel potentia Caesaris praesidio fuit, quominus equestri loco indignus post mimum actum haberetur. Quum e vestigio in quatuordecim sessum iret, per orchestram, qui senatorum in theatro locus erat, transeunti Cicero ait, *Reciperem te, nisi anguste sederem*: simul et illum respuens, et cavillatus in numerum senatorum, quem Caesar supra modum auxerat. nec tacitum a Laberio tulit, *mirum anguste sedere, qui duabus soleret sedere sellis*. Sed nec ab equitibus receptus est, qui gemino dedecore commaculatum ordinem interpretabantur, et quod eques Romanus in scenam adtractus esset, et quod mimus in quatuordecim remissus. Idcirco ita se coarctaverunt, ut venienti non esset locus.

*Nobiles ludicris ar-  
tibus se foedant.* XXIII. Sed neque ejusdem ordinis plerique temperabant a majoribus probris. Circensibus, spatio circi ab utraque parte producto, quadrigas bigasque et equos desultorios agitavit patricia juvenus. ejusdemque nobilitatis turma duplex, majorum et minorum puerorum, Trojam lusit. Venationes per quinque dies sunt editae: et novissimo quingeni pedites, viceni elephanti, equitesq; treceni commissi, sublati metis, quo spatium dimicantibus esset, binisque castris eorum in locum repositis, euripoque in gyrum addito contra eruptionem belluarum. Athletae, stadio ad tempus exstructo, in regione Martii campi certaverunt per triduum.

*C. Octavius  
sororis Caesaris nepos.* XXIV. Graecis ludis C. Octavium praefecit, sororis suae nepotem, quem, successorem fortunae suae destinatum, variis jam tum honoribus evehebat. Nam et nuper quatuordecim annis nato virilem simul togam et sacerdotium in locum L. Domitii dederat: et Latinis praefectum urbis constituerat: et triumphans ornatum donis militaribus, quamquam interesse non potuerat bello, currum suum prosequi jusserat. Navale proelium, non in mari aut lacu aliquo, sed in minore Codeta exhibuit, parte Martii campi effossa, et immisso flumine. Concurrerunt biremes ac trire-

Cap. XXII. Sueton. Vitruv. 5, 6. Sen. Controv. 7, 3. et Macroh. Sat. 2, 3. Cap. XXIII. Sueton. Dio. Sueton. Ap-  
pian. Sueton. Plin. 8, 7. Sueton. Cap. XXIV. Nicol. Damas-  
c. de Instit. Aug. Sueton. Aug. 8. Dio. Sueton. Caes. 39.

mes quadriremesque Tyriae et Aegyptiae classis, quadringenae remigibus instructae, et millenis navalibus sociis.

U. c. 706.  
A. C. 46.

XXV. Et haec omnia spectacula quum tanto hominum concursu celebrata essent, ut plerique advenae inter vicos aut vias sub pellibus manere cogerentur, multique mortales, et in his duo senatores, eliderentur in turba; ab iis ipsis, quorum summa in talibus cura atque voluptas erat, Caesaris reprehendebatur cum saevitia prodigalitas, qui, non contentus immenso sanguine, quem proelia hausissent, nunc per ludum et jocum tantam vim ejus, una cum extortis iniquissime pecuniis, effunderet. Opera quoque data fuerat, ut omni temeritate sumptuum cujuslibet priorum exempla vincerentur. Munere gladiatorio carbasinis velis totum forum Romanum intexit, ut spectatores a sole defenderet, viamque Sacram ab domo sua ad clivum usque Capitolinum: quod munere ipso visum esse mirabilius tradunt. Studuit etiam inusitata quaedam naturae opera ostendere; tumque primum Romae visa est camelopardalis.

*Ingens ad spectacula concursus.*

XXVI. Sed aliorum inermes erant querelae, nec ultra sonitum processurae inanum vocum: milites perniciose moveri coeperant, non cura honesti, aut inutilium sumptuum taedio, sed quia non potius inter ipsos pecunia dividebatur. neque quieverunt, priusquam sua manu correptum aliquem superveniens Caesar ad supplicium centurionibus tradidit. Sed hic quidem non injuste perierat. duos alios innocentes stolidissimae superstitionis crudelitas absumpsit, ne publici quidem erroris ullo praetextu defensa. Quum enim neque Sibyllinis libris hoc iussum esset, neque ullo alio recepto oraculo, duo viri in campo Martio a pontificibus et Martiali flamine immolati sunt.

*Seditionem militum coarctet Caesar.*

*Homines immolari jubet.*

XXVII. Inde conversus ad ordinandum reipublicae statum, judicia senatoribus et equiti tradidit, remotis, qui tertii ordinis fuerant, aerariis tribunis. Et quia se ipsum, propterea quod multis continenter annis Galliam obtinuisset, imperii consuetudine captum norat, tulit, ne praetoriae provinciae plus, quam annum, ne plus, quam biennium, consulares obtine-

Cap. XXIV. Appian. Cap. XXV. Sueton. Dio. Plin. 19, 2. et Dio. Plin. 8, 18. et Dio. Cap. XXVI. Dio. Cap. XXVII. Sueton. Caes. 41. Dio. Sueton. Caes. 30.

U. c. 706. rentur. Ad replendam porro urbem, quae superiori-  
 A. C. 46. bus bellis vehementer exinanita fuerat, et coloniis  
 transmarinis deducendis, quo circiter octoginta millia  
 civium detinebantur, sanxit, ne quis civis major an-  
 nis viginti, minorve quadraginta, qui sacramento non  
 teneretur, plus triennio continuo Italia abesset: ne  
 quis senatoris filius, nisi contubernalis aut comes ma-  
 gistratus, peregre proficisceretur: neve hi, qui pe-  
 cuariam facerent, minus tertia parte puberum inge-  
 nuorum inter pastores haberent.

*Multa bene  
 constituit.*

XXVIII. Proposuit et iis, qui multos susciperent  
 liberos, praemia: et omnes medicinam Romae pro-  
 fessos, et liberalium artium doctores, quo libentius  
 et ipsi urbem incolerent, et alii adpeterent, civitate  
 donavit. Sumptus quoque recidit, non lata modo di-  
 ligenter, sed etiam exercita lege. usum conchyliatae  
 vestis et margaritarum, nisi certis personis et aetati-  
 bus, perque certos dies, ademit. lecticis etiam uti  
 matronas prohibuit, quae nec viros nec liberos habe-  
 rent, et minores essent annis quinquaginta quinque.  
 circa macellum custodes disposuit, qui opsonia contra  
 vetitum empta retinerent, deportarentque ad se: sub-  
 missis nonnumquam lictoribus atque militibus, qui, si  
 qua custodes fessellissent, jam adposita e mensis ipsis  
 adferrent.

*Corrigit  
 fastos.*

XXIX. Correxuit et fastos, jampridem superiorum  
 temporum ignorantia, et per licentiam intercalandi,  
 dum pontifices in gratiam publicanorum extendunt,  
 aut contrahunt tempora, ita turbatos, ut neque mes-  
 sium feriae aestati, neque vindemiarum autumno re-  
 sponderent; et jam, quod ex emendatione Caesaris  
 intelligitur, qui quinto Nonas Octobres esse debuerat  
 dies, principium anni haberetur. Igitur, repudiata  
 veterum ratione, qui sequuti lunae revolutiones fue-  
 rant, ad solis cursum ordinavit, Aegyptiis adhibitis,  
 et principe omnium Sosigene, quos Alexandriae con-  
 suluerat, et M. Flavio scriba adnitente.

*Bisextum.*

XXX. Sed Alexandrini, tricenos dies in menses  
 partiti, sub finem anni quinque reliquos addebant. id

Cap. XXVII. Cic. Phil. 1, 8. Dio. Sueton. Caes. c. 42. Cap.  
 XXVIII. Dio. Sueton. Dio. Sueton. Caes. c. 43. Euseb. Chr.  
 num. 1972. Sueton. Cap. XXIX. Appian. Civil. l. 2. fin. So-  
 lin. c. 3. Plut. Caes. Sueton. Caes. 40. Scalig. de Emendat.  
 Temp. l. 2. Dio. et Appian. Plin. 8, 25.

displicuit Caesari, potiusque visum, et illos quinque dies, et alios insuper duos Februario detractos, certis mensibus adjicere, et quadrantes diei (eo enim ferme spatio solis conversio dies trecentos sexaginta quinque superat) colligere, donec ex his confecta dies quarto quoque anno intercalaretur, eo mense ac loco, quo etiam apud veteres intercalari consueverat, id est, ante quinque ultimos Februarii mensis dies; idque bissextum censuit appellandum, quod nimirum id bi-duum pro uno die haberi, et diem sextum Kalendas Martias vocari volebat.

U. c. 706:  
A. C. 46.

XXXI. Ut igitur tam foede luxatus annus ad siderum coelique leges revocaretur, quum illos supervacuos dies, ad sexaginta septem, inter Novembrem ac Decembrem interjecit; tum mensem Mercedonium sive intercalarem, qui ex consuetudine in eum annum inciderat, consumpsit: unde factum est, ut annus ille, qui confusionis erat ultimus, in dies quadringentos quadraginta quinque protenderetur. Haec ferme a veteribus tradita nuper etiam ad sensum doctissimorum virorum meruerunt. Sed Dio plures septem et sexaginta diebus tribus his intercalaribus a Caesare consumptos esse negat: cujus opinionem vir perquam eruditus e Gallia minime spernendis argumentis tuetur. Erat haec res tam usu saluberrima, quam molitu difficilis: et ipse Sosigenes, tribus de ea commentationibus editis, se ipsum in quibusdam corrigere necesse habuit. praeterea nihil in his Caesar, nisi de consilio principum, aut etiam totius ordinis fecerat. Neque tamen effugere dicacitatem hominum potuit. adeo, ubi nimia taxandi licentia invaluit, non minus bene, quam secus, facta reprehenduntur. Sane Cicero, quasi potius a Caesare, quam a coelo, ea anni ratio indicta esset, cuidam dicenti, cras Lyræ exorituram, *Nempe ex indicto, respondit.*

XXXII. Sed idem Cicero magnis verisque praeconiis Caesarem extulit, quum is Marcello consulari, mentionem ejus inferente L. Pisone, et C. Marcello ad pedes se abiciente, senatu etiam surgente et ro-

Caesar M.  
Marcello re-  
ditum conce-  
dit.

Cap. XXX. Macrob. Saturn. 1, 14. et 15. Herodot. 2. init. Dio. et Sueton. et Gensorin. de Die natafi, c. 20. et Ovid. Fast. 3, 155. Cap. XXXI. Macrob. L. 98. D. de Verbor. Sign. Sueton. Plut. Sueton. Macrob. et Gensorin. Dio. Putean. 1. de Bissex. c. 10. Plin. 18, 26. Dio. Plut. Cap. XXXII. Cic. pro Marcell. Cic. ad Fam. 4, 4. et pro Marc. 4.

U. c. 706.  
A. C. 46.

gante universo, nonnihil prius accusata ejus acerbitate, reditum cum summa illius dignitate concessisset. Quamquam illo beneficio Marcellus frui non potuit, quum a Mitylenis urbem repeteret, Athenasque venisset, in ipso portu a P. Magio Cilone familiari suo interfectus: qui, vetus Pompejanae militiae comes, aliquem amicorum ab eo sibi praeferri non patiebatur.

*Bruti testi-  
monium de  
M. Marcellio.*

XXXIII. Et adperserat Caesarem suspicio: sed, quibus aliqua veri cura erat, quum constaret de Magio, non sustinebant quidquam de Caesare credere: purgavitque eum, scripta ad Ciceronem epistola, M. Brutus, Marcelli praecipuus admirator. Neque alio inculentiore testimonio magnitudinem viri adprobaverimus, quam quod in libro, quem de virtute composuit, Brutus ei reddidit, *se vidisse Marcellum Mitylenis exultantem, et, quantum modo natura hominis pateretur, beatissime viventem, neque unquam bonarum artium cupidiorum, quam illo tempore. Itaque visum sibi se magis in exilium ire, qui sine illo rediturus esset, quam illum in exilio relinquere.* Addiditque, C. Caesarem Mitylenas praeverectum, quia non sustineret videre deformatum virum.

*Caesaris acta deteriora.*

XXXIV. Sed horum, a Caesare praeclare constitutorum, gratiam alia quaedam elevabant, quod, relaturus gratiam clientibus suis, senatus numerum, indignis multis adscriptis, ampliaverat: praetores creaverat duodecim, quot simul eodem anno fuerant nunquam: quaestorum quoque et minorum magistratuum collegia auxerat: notatos a censoribus, metu judiciorum extorres, reduxerat: condemnatos ambitus in Italia esse sinebat. Etiam incivilis plane videbatur comitiorum ratio, quae cum populo diviserat, ut, excepto consulatu, ceterorum magistratuum partem dimidiam populus, alteram ipse constitueret. Unde  *candidati Caesaris* adpellati, quos nullo repulsae metu brevibus libellis circum tribus missis commendabat.

*Cleopatra venit Romanam.*

XXXV. Sed et Cleopatrae amor magnopere datus est crimini, quae anno eodem Romam regio comitatu venit, accitu ipsius. Caesar mulieri viroque, minor

Cap. XXXII. Liv. Epit. Cic. ad Fam. 4, 4. et 6, 6. Liv. Epit. Cic. ad Fam. 4, 12. Val. Max. 11, 11. Cic. ad Att. 13, 10. Sen. Consol. ad Helv. c. 9. Cic. Bruto, c. 71. Senec. Cap. XXXIV. Sueton. Caes. capp. 41, 72, 76, et 80. Dio. De Orig. jur. paragr. 38. Sueton. 41. et Dio. Quintil. 6, 8. Tac. 1. Ann. 15. Sueton. Cap. XXXV. Dio. Euseb. Chr. num. 1972.

ille Ptolemaeus fuit, hospitium in suis aedibus dedit: U. c. 706.  
A. C. 46.  
notatusque est, tamquam praeter notissimum Cleopatrae adulterium, etiam puero nefarie illuderet. Sane maximis honoribus praemiisque auctos, regesque socios et amicos appellatos, remisit in regnum: filium etiam, quem Cleopatra paullo post discessum ejus ex Aegypto pepererat, de suo nomine *Caesarionem* appellari passus est. Quem quidem Caesari forma quoque et incessu similem fuisse tradiderunt. M. Antonius etiam agnitum ab eo senatui adfirmavit: contra quem Oppius librum edidit, *non esse Caesaris filium, quem Cleopatra dicat: plane quasi patrocinio res egeret.*

XXXVI. Dum ista Romae geruntur, in Hispania *Caesar in Hispaniam proficiscitur.*  
plus obortum belli erat, quam aut classe prius e Sardinia, aut mox cum Q. Fabio Maximo, Q. Pedio legatis exercitu misso coerceri posset: ipsiusque jam Caesaris praesentia requirebatur. Igitur, urbis custodia M. Lepido, et sive sex, sive octo praefectis permessa, (nam de numero dubitatur) quos pro praetoribus constituit, qui per absentiam suam res urbanas administrarent, in Hispaniam profectus est, quartum jam non consul, sed designatus sine collega.

XXXVII. Neque supervacuum fuerit explicare, *Quoties tum quali tum honore, et quoties praeditus egerit; quando annus ille confusionis haec quoque confundendi illi consul fuerit.*  
occasionem scriptoribus praebuit. Sed, quoniam alii consulem, alii dictatorem fuisse volunt, Suetonii sententiam veram esse judico, tertium et quartum consulatum gessisse titulo tenus, contentum dictaturae potestate, decreta simul cum consulatibus. Igitur et in tres novissimos menses, puto per eam causam, quod jam ipse consul cum collega per duodecim menses fuisset, (nam annus ille, ut est expositum supra, mensibus quindecim constitit) binos suffecit. Neque vero comitia consularia, quae sunt circa id tempus a M. Lepido consule eodem et magistro equitum habita, eo pertinuisse crediderim, ut Caesari sub finem demum anni tertius consulatus daretur, sed ut novi consules sufficerentur. Plurimum certe moveor auctoritate scriptoris, qui bellum Hispaniense tradidit: quem cer-

Cap. XXXV. Sueton. Caes. c. 51. Dio. Sueton. Phrt. Caes. Dio, l. 47. Sueton. Cap. XXXVI. Dio, l. 43. Sueton. Caes. c. 76. Appian. Fasti Capit. Cap. XXXVII. Vide Sigon. Comment. in Fastos, et Pigh. Annal. Sueton. Caes. c. 76. Dio.



U. c. 706. te, quicumque tandem fuerit, iisdem temporibus vi-  
 A. C. 46. xisse constat: nec iniquum arbitror, ut huic Faſtorum  
 fragmenta, quibus alioquin permultum tribuo, poſt-  
 habeantur.

*Hispanien-  
 ſis belli cau-  
 ſae.* XXXVIII. Ceterum Hispanienſium armorum hae  
 ferme cauſae fuerunt. Proximus ſub Caſſio et Mar-  
 cello tumultus Caesaris legiones discordia et ſuſpicio-  
 nibus labefactaverat, metuque poenae miſerant ad Sci-  
 pionem legatos: deinde, quum Scipio victus eſſet,  
 Pompejus morbo in Balearibus attineretur, T. Scapu-  
 la, Q. Aponio ducibus, Trebonio Caesaris legato ne-  
 garunt obſequium, totamque fere Baeticam traxerunt  
 ſecum ad defectionem.

*Pompejus  
 in Hispania  
 copias colli-  
 git.* XXXIX. Interim et Pompejus trajecit in Hispaniam,  
 uſuſque occasione, dum muneribus dandis Romae Cae-  
 ſar tempus terit, praeter ſpem omnium brevi magnas  
 copias collegit. Nam, favore paterno adjutus, a mul-  
 tis civitatibus ſocietatem et auxilia obtinuerat: quibus  
 inſtructus alias vi adjugebat partibus. Jamque Car-  
 thaginem Novam obſidebat, quum Scapula, et qui cum  
 eo erant, imperatorem eum agnoverunt; viciffim ni-  
 hil non et dicentem et facientem, quo ſibi benevo-  
 lentiam hominum pararet. quod, alioquin abruptis  
 conſiliis neceſſarium, ab ingenio aſperiore et ruſtico  
 extorſerat etiam Allobrogum fuga; qui, Curionis mi-  
 lites, deinde Jubae captivi, poſt ab hoc Pompejo trans-  
 diti, nescio quam ob offenſam, ad hoſtes transfuge-  
 rant. Hac nova humanitate multi etiam adlecti ſunt  
 ex hoſtilibus caſtris: eorum maxime, qui olim ſub  
 Afranio militaverant.

*Et accuſu  
 multorum  
 vires adan-  
 ges.* XL. Acceſſerunt interim et ex Africa quum alii,  
 tum Sex. Pompejus Varuſque et Labienus, a quibus  
 ſimul claffis inſtar adductum eſt. Ea quoque res, quod  
 frater venerat, vires auxit: ſpem favoremque homi-  
 num accendente fama, pro uno duos ſtare Pompejos:  
 ideoque auxilia diverſiffimis ex locis conſluebant. Sed  
 ſurgentem hanc et proxima quaeque amplectentem po-  
 tentiam, quorundam adventu, quos Caesar praemiſe-  
 rat, ſparſa mox adfuturi fama ſtitit: Cnaeuſque, di-  
 ſiſus alia retineri poſſe, relicta maritima ora, in Bae-  
 tiam ſe recepit. At, inter P. Varum et C. Didium

Cap. XXXIX. Auct. de B. Hiſp. Nicol. Damasc. de Inſtit.  
 Aug. Dio. Cic. ad Fam. 15, 19. Dio. Cap. XL. Appian.  
 Dio. Flor. 4, 2. Dio.

haud procul Carteja in ipso oceani ostio contractum navale proelium, repens tempestas etiam effecit tri-  
 tius: sic quoque depressis multis ex utraque classe  
 navibus. Cessit tamen Varus, objectisque in fauce  
 portus ancoris, inter sese inexplicabili nexu obvinctis,  
 arcuit ingressum hostilium navium, classisque reliquias  
 servavit.

U. c. 706.  
 A. C. 46.

XLII. Interea Caesar in Hispaniam venit admirabili  
 celeritate, et, quod miraculum auget, iisdem septem  
 et viginti diebus, tot enim nec amplius Roma Obul-  
 conem, ubi exercitus erat, pervenit, poemate, quod  
 inscribitur Iter, composito. Ullam oppidum Cn. Pom-  
 pejus tum oppugnabat ab aliquot mensibus. Idcirco  
 Caesar, sperans bene meritam civitatem sola adven-  
 tus sui fama liberari posse, relicta majori parte mili-  
 tum, cum paucis, qui sequi poterant, ab equitatu Fa-  
 bii et Pedii legatorum, quem occurrere sibi jusserat,  
 in castra deductus est. Sed Pompejus, unum virum  
 uni non adeo praestare ratus, in obsidione persistebat.

*Caesaris in  
 Hispaniam  
 cunctis cele-  
 ritas.*

XLIII. Caesar igitur undecim cohortes per L. Ju-  
 lium Patiecum introduxit Ullam, per media Pompeji  
 praesidia tutum iter praebente nocte, ventis et tem-  
 pestatibus horrida: ipse contendit Cordubam, non mo-  
 do spe avertendi Pompejum ab Ulla, sed etiam ca-  
 piendi per prodicionem oppidi, quam ei spem legati  
 Cordubensium injecerant, nupero ejus adventu, quum  
 a Pompejo modo discessissent, obviam profecti. Priori  
 consilio respondit eventus. namque Sex. Pompejus,  
 qui cum praesidio Cordubam tenebat, trepidis nunciis  
 accivit fratrem. Sic et Ulla prope capta discrimen ef-  
 fugit; et Corduba a Caesare relicta est: quem praeter  
 hostem etiam vexare morbus coeperat. igitur dilatum  
 in hiemem bellum, neque discessum in hiberna: quum  
 interim quartum consul et valetudinem recuperavit  
 Caesar, et partem exercitus, quae consequi celerita-  
 tem ejus nequiverat, recepit.

*Et consilia  
 abstrahendi  
 Pompejum  
 ab Ullae ob-  
 sidione.*

U. c. 707.  
 A. C. 45.  
 C. Julio  
 IV. cos.

XLIII. Ategua firmissimum erat praesidium Pom-  
 peji, quo plurimum frumenti comportatum fuerat. Id  
 subito Caesar adgressus circumvallare instituit, susque  
 deque ferente Pompejo; qui, munitionibus oppidi

*Caesar Ate-  
 guam obsi-  
 det.*

Cap. XL. Flor. Dio. Cap. XLI. Auct. de B. Hisp. Dio.  
 Appian. Strabo, l. 3. p. 160. Sueton. Caes. 56. Auct. de B.  
 Hisp. et Dio. Cap. XLII. Dio. Cap. XLIII. Auct. de B.  
 Hisp. Dio. Auct. de B. Hisp.

U. c. 707. confisus, parcebat militibus suis, prius existimans  
 A. C. 46. futurum, ut frigoris vehementia desisteret Caesar,  
 quam Ategua caperetur. Sed, illo pertinacius instan-  
 te, cum exercitu eodem profectus est.

*Eodem et  
 Pompejus  
 venit.*

XLIV. Multa forte castella in adventum ejus ex-  
 struxerat Caesar, ut equitum peditumque praesidiis  
 venientem arceret. Sed forte accidit, ut, quo tem-  
 pore Pompejus veniret, sub ortum diei nebula cras-  
 sissima coelum tegeret. igitur eo facilius et perrupit  
 Caesaris praesidia, et multos ejus equites concidit.  
 Legiones omnino habebat tredecim: sed, quibus prae-  
 cipue confideret, duae erant vernaculae, quae a Tre-  
 bonio transfugerant; una facta ex coloniis Hispaniae;  
 una Afraniana ex Africa, quam secum Pompejus ad-  
 duxerat. reliquae constabant ex fugitivis, ne ipsae  
 quidem plane contemnendae, quum quartum jam an-  
 num plerique fuissent in armis exerciti, projectamque  
 adferrent ad proelia audaciam.

*L. Munatii  
 stragema.*

XLV. Neque tamen ausus est subsidio venire suis:  
 tantum, quia duce carere Ateguenses cognoverat, L.  
 Munatium Flaccum misit. Is, se Julianarum partium,  
 et tribuni cornicularium esse simulans, noctu solus  
 vigiles quosdam adiit, tamquam missus ad circumeun-  
 das excubias: a quibus accepta tessera, alios fallens,  
 alios evitans, a postremis etiam deductus, quibus se  
 missum a Caesare ad recipiendum per prodicionem op-  
 pidum persuaserat, per medias ejus copias Ateguam  
 ingressus est. Pompejus, incensis nocte castris, inter  
 Ucubim et Ateguam in montibus consedit: mox, etiam  
 his incensis castris, Cordubam intendit iter. Interea  
 quum ad Caesarem Arguetius (an Aruntius?) et Aspre-  
 nas venissent, quorum ille signa quinque Saguntinis  
 obiter adempta retulerat, longius evagari Caesaris e-  
 quites coeperunt, et eos, qui commeatus ad castra  
 Pompeji vehebant, excipere.

*Ejusdem  
 crudelitas  
 in Ateguen-  
 ses.*

XLVI. Sed, qui in praesidio Ateguae erant, fero-  
 citer repugnabant, non ferro tantum, sed etiam igne,  
 per omnia ingenia mittendi, se tuentes: donec sem-  
 per cum damno repulsi iram verterunt in oppidanos,  
 qui Caesari favere credebantur; nec ipsos modo oc-  
 cide-

Cap. XLIV. Appian. Cap. XLV. Dio. Frontin. Strat. 3,  
 14. Dio. Auct. de Hisp. Cap. XLVI. Val. Max. 9, 2. et  
 Auct. de B. Hisp.

ciderunt, sed etiam, auctore Flacco, feminas, vocatis nominatim ad spectaculum viris, quos apud Caesarem esse sciebant, jugulatas praecipites miserunt de muro: infantes, dictu quoque foedum, partim in gremiis matrum trucidarunt, alios in conspectu parentum aut humi adflixerunt, aut in sublime jactatos subrectis exceperant pilis.

U. C. 707.  
A. C. 45.

XLVII. Sub vesperam ejusdem diei venit ad eos clam a Pompejo tabellarius, turres aggeremque jubens accendi, et tertia vigilia tentari eruptionem: *Obsessorum infelix oratio* se nocte tota futurum in armis, ut tutiorem daret ad se receptum. Infelix conatus fuit. reflante vento ignis, in opera Romana jactus, aedificia comprehendit oppidi, erumpentesque fumo involvit, ancipiti periculo, quod eodem tempore telis etiam hostium lapidibusque petebantur. Igitur occisi captique magno numero: et argentum et vestis, quae eo consilio extulerant, ut, eorum direptione distractos opprimendo, viam ad erumpendum facerent, victoribus praedae fuere. Neque tamen defecerunt a defectione, sed, ventum secundum nacti, turrim Caesaris incenderunt.

XLVIII. Sed, multis ex oppido transfugientibus, neque inter ceteros integra concordia, tabellae de muro sunt dejectae hoc exemplo: *Alegua dicitur.* L. Munatius Caesari, Si mihi vitam tribuis, quoniam a Cn. Pompejo sum desertus, qualem me illi praestiti, tali virtute et constantia futurum me in te esse praestabo. Eodemque tempore legati oppidanorum, qui ante exierant, Caesare adito, si vitam sibi concederet, postridie oppidum esse dedituros dixerunt. Ille, se Caesarem esse, fidemque praestare solitum, respondit. Ita ante diem undecimum Kalendas Martii, quae primo anno Juliano fuerunt, oppido potitus est, et imperator appellatus ex victoria, quartum jam dictator designatus, consul itidem quarto, quem honorem sine collega decretum inire ad finem belli distulit.

XLIX. Pompejus, his auditis, castra Ucubim versus movit, convocatisque Ucubensibus, inquiri fautores victoriae hostium iussit: ex quibus occidit homines septuaginta quatuor: major aliquanto numerus, quam in oppidum reduceretur, negligentia, an sponte custodum, in Caesaris castra perfugit. Similis cae-

Cap. XLVII. Auct. de B. Hisp. Dio. Auct. de B. Hisp.  
Cap. XLVIII. Dio. Cap. XLIX. Auct. de B. Hisp.

Supplem. Liv. Tom. XIV.

○

U. c. 707. des similibus caussis apud Bursavolenses est edita. Cae-  
 A. C. 45. sar, rebus Ateguae constitutis, ita propinquis a Pompejo locis consedit, ut castris conferre castra videretur. Ibi dum uterque operibus viribusque superare adversarium contendit, aliquot minora proelia facta sunt, certamenque singulare commissum inter spectatae virtutis viros Turpionem Ambivium, et Q. Pompejum Nigrum.

L. Quod tamen ferme superior Caesaris res erat, Pompejus itidem castra movit; moventemque Caesar est insequutus, donec eos in Mundensem campum, fatalem Pompejo futurum, belli ratio deduxit. Et erat inde discessurus Caesar, sed, audito, Pompejum de tertia vigilia stetisse in acie, vexillum (id signum erat pugnae) proposuit: sed, ut est observatum, solito moestior. Similiter Pompejus, consilii inops, neque constituram adversus longa belli detrimenta sociorum fidem ratus, properabat decernere; licet prodigiis aperte deterrentibus. Sane simulacra sudasse, sonitus armatorum auditos in coelo, itemque monstrosos animalium partus, faces ab oriente transcurrentes in occasum, spernere pro irritis aut ambiguis poterat: sed aquilae Pompejanarum legionum, fulmina, quae pedibus aurea tenebant, visae dejicere, alasque concutere avolaturis similes, haud dubiam cladem videbantur portendere.

*Prodigia  
pugnam  
Mundensem  
praecedentia.*

*Pompeji  
acies.* LI. Planities inter utraque castra intercedebat millium quinque, subjecta collibus, in quibus Ucubis erat condita, et Pompeji acies constiterat. In ea planitie, sed propius colles, spatium interjectum uliginosum erat, rivo per coenosum et palustrem locum decurrente. Ita duplici locorum favore Pompejanos defensos tamen adgredi Caesar statuit, tessera Veneris proposita, quum Pompejus, ad excitandum patris memoriam, Pietatem suis dedisset. Tredecim Pompejus legiones in proelium deduxerat, equitatu lateribus circumfuso, et levi armatura, sex millium numero, quibus prope alterum tantum accessit ab auxiliaribus Hispanis Maurisque: filios enim suos Pompejo rex Bocchus auxilio miserat; quum adversarius ejus Bogud in praesidiis Caesaris esset. Ceterum auxilia utrobique haud magno fue-

Cap. L. Flor. 4, 2. Dio. Jul. Obseq. Dio. Cap. LI. Auct. de B. Hisp. Appian. Auct. de B. Hisp. Strabo, l. 17. p. 828. Dio.

runt usui: pugnaque vix tentata Romanis militibus campum reliquerunt.

U. c. 707.  
A. C. 45.

LII. Cohortes octoginta Caesar eduxerat, cum octo millibus equitum. Hi, virtute superiores hostibus, iniquitate loci laborabant, ad extremae planitiei voraginosi progressi. Nullo umquam proelio fluctuata magis Caesaris fortuna est: ut prope Juliani diffiderent victoriae. Diu pari Marte nihil aliud, quam occidebant occidebanturque: donec, pugnando utrimque fessis, velut tacitis induciis quies et moestum silentium tenuit. Mox, renovata pugna, impulsus est illud veterani militis invictum robur, ne prorsus fugeret, verecundia magis, quam virtute, retentum.

*Ancipiti  
Marte di-  
micatur.*

LIII. Ibi vero Caesar, vinci insuetus, ad praeveniendum hoc dedecus cogitasse de consciscenda sibi nece traditur. id quidem constat, equum e conspectu abduci iussisse, scutoque cujusdam arrepto in primam provolasse aciem, increpita Fortuna, quae veterem ducem semperque victorem pueris proderet. Variis inde vocibus pudorem virtutemque suorum stimulans, quum ante prima signa sic procurrisset, ut vix decem ab hoste pedibus distaret, magnam in se conjectam vim missilium excepit scuto, aut modica corporis declinatione vitavit. Tum vero connisi decumani, quorum in mediocri numero maxima virtus exstabat, redintegrarunt proelium: nec hostes rem gesserunt segnius, quos et ipsos suus imperator, adolescens impetus ad bella maximi, dimisso itidem equo pericula communicans, animabat.

*Caesaris in  
tanto peri-  
culo virtus.*

LIV. Quum ita pari animo ac Marte totam ferme diem continuata pugna esset, sub vesperam, unde minime sperabatur, orta est victoriae occasio. Rex Bogud, qui initio proelii reliquerat locum, quum instare sibi neminem cerneret, dum adversarii contumacissima pugna detinentur, tentandorum castrorum consilio capto, Labienum non fefellit. Idcirco, protinus quinque cohortes ex acie sua detractas subsidio castris ire iussit. At Caesar, his abire visis, fugere inclamavit hostem, siue credens ita esse, siue hac specie abusurus ad vi-

*Occasio  
victoriae.*

Cap. LII. Auct. de B. Hisp. Flor. 4, 2. Vell. 2, 55. Plut. Caes. Flor. Oros. 6, 16. Plut. Flor. Cap. LIII. Oros. Sueton. Caes. 36. Flor. Frontin. Strat. 2, 8. Appian. Vell. Plut. Appian. Auct. de B. Hisp. Vell. Dio. Cap. LIV. Appian. Flor. et Dio.

U. c. 707. *ctoriam.* Hinc certe et erecti Juliani, et territi hostes  
 A. C. 45. *sunt:* veraeque mox fugae initium fuit, falso credita,  
 quum etiam, errore comperto, non amplius restitui  
 turbati ordines possent. Haec pugna, pugnata Libe-  
 ralibus, advertit hominum curam, ut eodem die ante  
 quadriennium Italiam a Pompejo relictam recordaren-  
 tur. Victi pars in castra, pars in oppidum refuge-  
 runt. castra expugnata sunt, pari prope utrorumque  
 clade.

*Agger ex  
 cadaveribus.*

LV. Mundam quia Caesar statim circumvallari im-  
 peraverat, ne quis per noctem evaderet, et aggeri  
 exstruendo nec temporis satis nec materiae suppete-  
 bat, congesta sunt hostilia cadavera, aggerque ex his  
 effectus, valli vicem scutis pilisque et jaculis, quis  
 confixa corpora tenebantur, explentibus. Et gaude-  
 bat foeda crudelitate miles, vertendisque ad oppidum  
 occisorum capitibus, tamquam virtutis suae testimo-  
 nio, delectabatur.

*Numerus  
 occisorum.*

LVI. Cecidisse tradunt eo proelio Pompejanorum  
 supra triginta millia, quos inter Labienum et Varum,  
 quibus fieri Caesar funus iussit: et equitum Romano-  
 rum ex urbe et provincia circiter tria millia. Aquilae  
 omnes captae cum signis et fascibus, praeterea  
 duces belli septemdecim. Victores desiderati ad ho-  
 minum mille, pedites equites, promptissimus quisque,  
 et vulnerati ad quingentos. Hoc de proelio dixisse  
 Caesarem ferunt, *saepe se de victoria, tum primum de  
 salute, dimicasse.*

*Caesar  
 Cordubam  
 recipit.*

LVII. Ceterum perditarum rerum nuncius ad Sex.  
 Pompejum Valerius adolescens Cordubam ex proelio  
 venit. Idcirco Sextus, distributa equitibus pecunia,  
 nocte Corduba profectus est, ad Caesarem de pace  
 iturum simulans: ceterum perfugit in Celtiberiam,  
 ibique, repertis latebris, latrocinio se toleravit. Di-  
 versa Cnaeo fortuna fuit. Is primum ex acie, cen-  
 tum quinquaginta equitibus, peditibusque paucis co-  
 mitatus, non prius remisit fugam, quam Cartejam per-  
 venisset, Munda distantem millibus passuum ducentis,

Cap. LIV. Auct. de B. Hisp. Oros. Plut. Ep. Mat. ad  
 Cic. l. 9. ad Att. ep. 15. Dio. Cap. LV. Flor. Val. Max.  
 7, 6. Appian. Dio. Auct. de B. Hisp. Cap. LVI. Plut. Auct.  
 de B. Hisp. Appian. Vell. Auct. de B. Hisp. Appian. Plut.  
 Cap. LVII. Auct. de B. Hisp. Dio. Flor. Cic. ad Att. 12, 37.  
 Appian. Auct. de B. Hisp.

ubi naves habebat. Interea Caesar Cordubam profectus est; cujus adventu Scapula, primus eorum tumultuum auctor, magnifice prius epulatus, jugulum servo praebuit. Cordubae magna erat discordia, ipsis dedere cupientibus oppidum, resistentibus servis, quorum ingentem vim Pompejus armaverat. ii, quum legiones Caesaris recipi viderent, incendere oppidum coeperunt. sed superati a Julianis perierunt hominum circiter millia duo et viginti, non connumeratis, qui extra murum ceciderant: reliquos Caesar vendidit.

U. c. 707.  
A. C. 45.

LVIII. Inde Hispalim itum, divisam et ipsam flu- *Et Hispa-*  
diis atque factionibus. Igitur, quum legati missi ad *lim.*  
Caesarem praesidium ab eo praefectumque Caninium introduxissent, Philo quidam, Pompejanarum partium acerrimus defensor, clam ad Caecilium Nigrum profectus, magnaque ab eo Lusitanorum accepta manu, noctu per murum intromissus est, Caesarisque praesidium interfecit. Caesar, si infestius oppugnaret obsessum, ne oppidum a desperatis incenderetur veritus, consulto segnius administrari omnia iussit, quo spem effugii praeberet hostibus. Nec aliter, quam cogitaverat, factum. Eruperunt illi, et, incensis ad flumen Baetim navibus, quo distinerent Julianos, profugiunt: sed a praeparatis ante equitibus conciduntur.

LIX. Sic Hispali recepta, versus Astam processit, unde legati venerant oppidum dedentes: et, in itinere oppugnatis, quae resistebant, ad Cartejenses contendit, quorum legati Pompejum in sua potestate esse renunciaverant. Sed ea quoque civitas discesserat in partes, et, re cognita, portae sunt a Pompejanis occupatae. Tandem, magna excitata seditione, et caede edita, saucius humero Pompejus naves triginta oc- *Cn. Pompe-*  
cupat longas, iisque profugit. sed, premente fato, *ji fuga.*  
dum navigium conscendit, funiculo irretivit pedem, et accelerans quidam, ferroque abrumpere funiculum volens, sinistrum ejus crus incidit. Comperta Pompeji fuga C. Didium, qui Gadibus classi praeerat, excitavit, ut mari eum terraque persequeretur. Sed Pompejana classis, nullis rebus paratis profecta, in-

Cap. LVII. Strabo, l. 3. p. 141. Dio. Appian. Cic. ad Fam. 9, 13. Auct. de B. Hisp. Appian. Auct. de B. Hisp. Cap. LVIII. Dio. Auct. de B. Hisp. et Dio. Cap. LIX. Auct. de B. Hisp. Dio. Appian. Auct. de B. Hisp.



**D. c. 707.** tra quartum diem, aquationis causa, ad montana quaedam loca adplicuit. **A. C. 45.** Eo loco Didius occurrit, et, navibus quibusdam incensis, aliis captis, praeculit maritimam fugam.

*Et interius.*

**LX.** Pompejus, deserta et avia petens, postquam adesse cum Didianis equitibus et cohortibus Cesennium Lentonem audit, ad ultimam spem munito loco, haud procul Laurone, capto repugnat. Cesennius, ubi vi capere locum posse desperat, circummunire instituit. Tum vero Lusitani, certissimum exitium fugam vitare coacti, deseruerunt Pompejum; qui, praeter accepta vulnera talo etiam intorto, neque pedes iter facere poterat, neque, ut equo vehiculave uteretur, natura loci praecipitiis aspretisque horridi sinebat. Idcirco cavis exesisque rupibus et antris se occultans, captivorum indicio proditus est atque interfectus. Caput adolescentis praecisum Cesennius retulit, idque a Didio transmissum Caesari revertenti Hispalim ante diem pridie Idus Apriles relatum est. Caesar in conspectum dari populo, ad reprimendos rebellium spiritus, deinde sepeliri iussit. Neque diu laetatus hoc eventu Didius a Lusitanis, qui se denuo collegerant, per insidias occisus est.

*Munda expugnatur.*

**LXI.** Interea, qui Mundae fuerant circumsessi, quum eruptionem tentassent, essentque a Q. Fabio cum magna caede rejecti, dolum paraverunt, ut magna manus, per speciem transfugii recepta, in castris administraret caedem, eodemque tempore ceteri eruptionem facerent. Sed, prodito eorum instituto, Fabius tesseram per castra dedit, uti omnes Mundenses extra vallum conciderentur. Tandem, operibus affidis interclusi, quum extremum malorum accessisset, discordia, deditionem aliis volentibus, ceteris alia omnia, inter ipsos concursus est, et portae ab alteris adaptatae. Nec praetermisit occasionem Fabius, occisisque multis, reliquos redegit vivos in potestatem. Munda cum immensa hominum caede expugnata, vicinum oppidum Ursaonem tentari placuit, situ operibusque permunitum.

*Caesar vi-ctos multat.*

**LXII.** Interea Caesar, a Gadibus, quo processerat, Hispalim regressus, concione advocata, severa

Cap. LX. Strabo, l. 3. p. 141. Vell. Dio. Flor. Auct. de B. Hisp. Cic. Phil. 12, 9. Oros. Plut. Caes. Appian. Auct. de B. Hisp. Dio. Cap. LXI, Auct. de B. Hisp. Oros. 6, 16. Dio. Auct. de B. Hisp.

oratione Hispanos increpuit, quod, beneficiorum, quae primo quaestor iis, postea praetor, deinde consul, nuper dictator victorque, frequentia et magna dedisset, immemores, iam facile ad arma contra se capienda induci essent. Deinde, revolutus ad perpetuae suae clementiae commemorationem, conservaturum se provinciam dixit. Pecunia maxime imperata est, quibusdam et agri adempti, et graviora imposita stipendia. Sed ex aede Herculis Gaditani donaria sustulit, satis adsuetus apertissimis rapinis atque sacrilegiis sustinere bellorum atque munerum impendia. Ne sociis quidem et bene meritis gratuita beneficia tribuit, agro donando, aut immunitate concedenda, civitatisque et coloniae nonnullis dando jura. Sub hoc tempus Hispalim deducta colonia, ex nomine Caesaris et Romae, Julia Romulensis appellata est.

U. c. 707.  
A. C. 45.

LXIII. Inter haec otia (haec enim, bellicis comparata laboribus, homini, numquam cessare solito, otia videbantur) Anticatores duos scripsit, vituperationem continentes Catonis, laudationique Ciceronis oppositos. His rebus ferme septimum intra mensem confectis, C. Octavius ad avunculum Caesarem Carthage adhuc agentem venit, impeditus morbo, ne discedentem Roma comitaretur.

*Octavius  
ad Caesarem  
avunculum  
venit.*

LXIV. Per eos dies enatum palmae germen in loco Mundensis pugnae huic Octavio prosperum omen fecisse credunt, quem tantarum opum successorem Deus designaverat. Sed ad suam fortunam trahens Caesar factus erat hilarior atque confidentior. tantoque facilius accepit Octavii preces, tam pro aliis interpositas, quam etiam pro Saguntinis, qui multis criminibus urgebantur, quum ad conventum Carthaginiensem Caesar accessisset. Cetera deinde provincia constituta, uti commodum properanti fuerat, Romam ad triumphum decessit.

*Caesar  
Romam dis-  
cedit.*

Cap. LXII. Dio. Sueton. Caes. 54. Dio. Isidor. 15, 1. Plin. 3, 1. Cap. LXIII. Sueton. Caes. 56. Cic. ad Att. 12, 40. Nicol. Damasc. de Infir. Aug. Cap. LXIV. Dio. Nicol. Damasc. Appian.

## E P I T O M E

### LIBRI CENTESIMI DECIMI SEXTI.

*C. Caesar ex Hispania quintum triumphum egit. Et, quum plurimi maximique honores ei a senatu decreti essent, inter quos ut Pater Patriae appellaretur, et sacrosanctus, ac dictator in perpetuum esset, invidiae causam adversus eum praestitere, quod*

*C. Caesar ex Hispania quintum triumphum egit]* Praenomen negligunt Berg. Lovel. 2. Boend. Norv. et edd. ante Moguntinam, quae prima addidit. Servant id etiam Leid. et Voff. Vide ad Epit. 62. Tum in Hispania Leid. ac Voff. manifesto scribarum errore. Supra Epit. 115. *Caesar quatuor triumphos duxit, ex Gallia, ex Aegypto, ex Ponto, ex Africa.* ubi etiam in principio Epitomes Caesaris praenomen omittitur. Quare neque hic necessario requireretur, nisi quidam codd. id vellent. *de Hispania quartum* Berg.

*Et quum multi quam maximique honores ei ab senatu]* Vet. lib. *plurimi maximique.* SIGON. Similiter Leid. Voff. Berg. Lov. 2. Boend. Exc. Pithoei, et ed. Camp. Deinde honores a senatu omnes iidem praeter Exc. Pithoei, quae honores ei a senatu praeferunt cum Norv. et editis ante Gronov. ab senatu recipientem.

*Ac dictator in perpetuum esset]* Duæ priores voces omituntur in Leid. Male. Cic. 1. Philipp. 2. Quum dictatoris nomen, quod saepe justum fuisset, propter perpetuae dictaturae recentem memoriam fun-

*ditus ex republica sustulisset.* Flor. 4, 2, 91. Omnes unum in principem congesti honores; circa templa imagines, in theatro distincta radiis corona, suggestus in curia, fastigium in domo, mensis in coelo, ad hoc pater ipse patriae, perpetuusque dictator. Ubi vide Clariss. Dukerum, et, quos ibi laudat, viros doctos, de utroque titulo patris patriae et dictatoris perpetui agentes. Paulo ante parens patriae Lov. 2. In sequentibus adversus eum causam Berg. et Lov. 2. Tum praestiterunt Leid. Berg. Lov. 2. et typis descripti ante Frob. ed. anni 1531.

*Quod senatui deferenti hos honores etc. minime adsurrexit]* Vet. lib. *non assurrexit.* SIGON. Videtur excidisse vocula et quod senatui; quae particula statim bis repetitur. GRUTER. et quod senatui Boend. et ed. Camp. qui ambo etiam senatui afferenti praeferunt. senatu deferenti Voff. *senatui deferente* reliquae, quas vidi, edd. ante Ascens. anni 1513. Tum non assurrexit Leid. Berg. Lov. 2. Boend. Exc. Pithoei, et ed. Camp. V. ad Epit. 49. non assumptur Voff. Praeterea Veneris Ge-

senatui deferenti hos honores, quum ante aedem Veneris Genetricis sederet, non adsurrexit: et quod a M. Antonio consule collega suo, inter Lupercos currente, diadema capiti suo inpositum in sella reposuit: et quod Epidio Marullo et Caesetio Flavo tribunis plebis, invidiam ei tamquam regnum adfectanti moventibus, potestas abrogata est. Ex iis caussis conspiratione in eum facta, (cujus capita fuerunt M. Brutus, et C. Cassius, et ex Caesaris partibus D. Brutus et C. Trebonius) in Pompeji cu-

netricis Boend. de qua orthographia vide Pierium ad Virg. 1. Aen. 590. et Lambin. ad Lucret. 1, 1. Adde Dausquej. in Orthogr. part. 2. voce *Genetrix*. ante aedem Veneris Genetricis cum sederet Berg.

Et quod a M. Antonio consule, collega suo] et quod M. Antonio consuli collegae suo Lov. 2. Berg. et ed. Camp. eo quod M. Antonio consuli collegae suo Voff. et quod M. Antonio collegae suo Leid. et Boend. et quod M. Antonio consule collega suo edd. ante Gryphium, qui anno 1548. praepositionem recepit. Et recte. Non enim, M. Antonio inter Lupercos currente, ab alio quovis, sed ab ipso Antonio diadema Caesari inpositum est. Vide Cic. 2. Phil. 34. Vell. Paterc. 2, 56. Flor. 4, 2, 91. et alios.

*Caesetio Flavo*] Hujus utrumque nomen, tam in Latinis, quam in Graecis auctoribus, variat. Vide Fabrit. ad Cic. pro Ligari. 11. et Torrent. ad Suet. Caes. 79. DUK. *Consetio Flavo* Voff. *Caesetio Flavio* Berg. et ed. Camp. *Ceseceo Flavo* reliquae edd. ante Froben. anni 1535. quae *Caesetio* restituit, et paullo ante *Marullo*, quum, excepta ed.

Campani, priores aliae *Marullo* cum Berg. et Norvic. praeferant. *Mamillo* Boend. Mox in invidiam et tamquam Voff. invidiam et tamquam Boend. Exc. Pithoei, et quaedam edd. vett. invidiam enim tamquam aliae. invidia et tamquam Berg. Lov. 2. et ed. Rom. anni 1472. Tum affectantis Leid. qui una cum Voff. Berg. Lov. 2. Boend. et Exc. Pithoei omittunt vocem sequentem moventibus.

*M. Brutus, et C. Trebonius, et C. Cassius, et ex Caesaris partibus D. Brutus*] Vet. lib. *M. Brutus, et C. Cassius, et ex Caesaris partibus D. Brutus, et C. Trebonius*. SIGON. Trajectionem, quam Sigonius ex vet. lib. recepit, firmant Leid. Voff. Berg. Lov. 2. et Exc. Pithoei: sed in praenominibus eorum, qui conspirationis capita fuere, non nihil variant. Cassii enim praenomen omittunt Leid. Voff. Berg. et Lov. 2. Tum *Decius Brutus* praeferunt Leid. Voff. et Lov. 2. Hinc *M. Trebonius* Leid. Voff. Berg. Lov. 2. et Exc. Pithoei. *M. Brutus, C. Cassius, M. Trebonius*, reliquis omiſſis, Boend. et ed. Camp. Mox in *curia Pompeji* Exc. Pithoei, Norv. et edd. priores ante Gronov.

*ria occisus est viginti tribus vulneribus, occupatumque ab intersectoribus ejus Capitolium. Oblivione deinde caedis ejus a senatu decreta, obsidibus An-*

qui anno 1665. reposuit Pompeji in curia. Id autem recentiores servarunt, sed mihi in nullo libro obvium fuit. Nam in Pompeji curia legunt Leid. Voss. Berg. Lov. 2. et Boend.

*Obsidibus Antonii et Lepidi liberis acceptis]* Antonii et Lepidi de liberis constanter Leid. Voss. Berg. Lov. 2. Boend. et Exc. Pithoei: quasi non omnes Antonii et Lepidi liberos, sed quosdam de illis, obsides accepissent. Verum οἱ παῖδες Ἀντωνίου τε καὶ Λεπίδου obsides dati esse dicuntur apud App. Alex. 2. Civ. 517. et Antonius liberos suos obsides in Capitolium misisse dicitur apud Vell. Patere 2, 58. quod tamen de uno Antonii filio, non de pluribus, intelligendum esse, Schegk. ad eum locum ex Cicerone evicit. Similiter, τόν τε τοῦ Λεπίδου υἱόν καὶ τόν τοῦ Ἀντωνίου ἐν ὁμήρων λόγῳ conjuratos accepisse, narrat Dio Cass. 44, 257. Pari modo, Antonii filium percussoribus obsidem datum esse, tradit etiam Plutarch. in Anton. 921. et in Brut. 992. Antonium autem, si non plures, certe duos filios ex Fulvia uxore suscepisse, aliunde notum est. Et ita τὰ παῖδια τὰ Ἀντωνίου memorat App. Alex. 5. Civ. 679. et τοὺς Ἀντωνίου παῖδας pag. 682. Paulo ante *ab senatu decreta* edidit Gronov. invitis non tantum prioribus edd. sed etiam omnibus scriptis nostris, Exc. Pithoei, et Norv. In sequentibus *a Capitolio discesserunt, pro descenderunt*, Boend. solito scribarum errore. Vide ad 9, 14, 7.

*Haeres ex parte dimidia institutus]* Potius fidem habeo Sue-

tonio, qui in Caes. 83. ita scribit: *Novissimo testamento tres instituit haeredes, sororum nepotes, C. OCTAVIUM EXDORANTE, et L. Pinarium et Q. Pedium ex quadrante reliquo.* DUK. constitutus Boend. institutus est Leid. Voss. et Lov. 2. ex parte dimidia haeres institutus est Berg.

*C. Octavius ex sorore nepos]* Quamquam Plutarchus in Antonio [pag. 922.] et Dio [lib. 45. in princ.] idem scribunt, (scribunt autem ὁκτάβιον τῆς Ἀτίας τῆς τοῦ Καίσαρος ἀδελφῆς υἱόν, id est, *Atiae sororis Caesaris Octavium filium* fuisse) tamen portentum dicit, qui ita dicit. Qui enim fieri potest, ut Octavius nepos sit Caesaris ex sorore, qui Atia, quae fuit Juliae sororis Caesaris filia, natus sit? quamquam apud eos mendum esse suspicor: ἀδελφῆς, pro ἀδελφιδῆς. neque enim Atia soror Caesaris, sed sororis filia fuit. Itaque in Bruto ait Plutarchus [pag. 994.] οὗτος μὲν ἦν ἐξ ἀδελφῆς Καίσαρος. Ergo. *sororis nepos* legendum, ut vet. lib. habent, atque ut Vellej. [2, 59.] Sueton. [Caes. 83. Aug. 94.] et alii tradiderunt. Appianus [2. Civ. 518.] τῆς ἀδελφῆς θυγατρίδου vocat, id est, sororis nepotem ex filia. SIGON. Non dubium est, quin Sigonius recte ex libris scriptis, ex Vellejo et Suetonio restituerit *sororis nepos*. In Menagianorum tom. 4. pag. 167. ed. Amst. 1716. duplex de hac voce error Casauboni ad Spartiani Hadrian. cap. 2. notatur. Unus, quod putaverit, *nepos* hic ita dici, ut apud alios inferioris aetatis scriptores, quibus *nepos ex fratre vel sorore*

*tonii et Lepidi liberis acceptis, conjurati a Capitolio descenderunt. Testamento Caesaris haeres ex parte dimidia institutus C. Octavius sororis nepos, et in no-*

est fratris vel sororis filius: quum *C. Octavius sororis nepos* hic nihil aliud sit, quam nepos Juliae, sororis Julii Caesaris. Nihil aliud esse verum, et tamen reprehensio paullo iniquior est; quae iusta foret, si Casaubonus hic legisset, *sororis nepos*. Sed manifestum est, eum secutum fuisse scripturam, quae, si non in omnibus, saltem in plerisque editionibus Livii ante Sigonianas erat, *C. Octavius ex sorore nepos*; non eam, quam Sigonius protulit et exhibent Menagiana, *C. Octavius sororis nepos*. Itaque, si quid in eo notatu dignum admisisse dici potest Casaubonus, id hoc solum, sed admodum leve est, quod, quum ista ad Spartianum scribebat, non inspexit ea, quae hic adnotavit Sigonius. Alterum errorem Casauboni hunc esse pronunciant Menagiana, quod in Ovidio 3. ex Pont. 3, 62. Cupidinem ita alloquente,

*Caesar, ab Aenea qui tibi fratre nepos,*

ex Scaligeri sententia eodem sensu explicuerit vocem *nepos*: nam poetam hoc velle, Cupidini cognatum esse Augustum, qui e posteris Aeneae filii Veneris sit. Sed, hanc interpretationem illorum verborum non posse admitti, ad Ovidium ostendit Clar. Burmannus: qui fere eo inclinat, ut putet, Ovidium innovasse veram et antiquam notionem vocis *nepos*, quae vetustioribus Latinis, ut Casaub. l. d. et Vossius 1. de Vit. Sermon. 27. docuerunt, semper est filii aut filiae filius, sed a recentioribus etiam pro fratris aut sororis filio usurpari coepit. Nec multum a Burmanni sententia abit Eruditiss.

Cellarius, cujus iudicio in his rebus aliquid tribui potest. Nam hic in Curis Posterioribus cap. 5. et 6. Barthio *nepos ex fratre vel sorore* defendenti respondet, hoc rarum et forsant solitarium antiquitatis exemplum, idque poeticum esse. Quae porro in iisdem Menagianis tom. 1. pag. 191. et tom. 4. pag. 168. de usu hujus vocabuli in Latinis scriptoribus dicuntur, pluribus expendere, et quaerere, an ea satis inter se consentire videantur, nec lubet, nec hujus loci est. Satis erit, hic paucis monuisse, non convenire inter doctos de significatione vocis *nepos* in Quintiliani prooemio lib. 4. Instit. Orat. et in Statii 3. silv. 3, 78. Clariss. Schulting. quidem ad Paulum 4. Sentent. 11, 3. in eadem, qua Menagius, sententia est, in Quintiliano Domitiani *sororis nepotes* esse illius *sororis filios*: sed aliter sentit Bailius in Lexico v. *Quintilien*. Statium autem quod interpretes, et in his Gronovius in Diatr. in Stat. cap. 30. et in Elencho Antidiatr. c. 4. hac voce ea significatione, quam damnat Menagius, usum volunt, non placet Barthio ad Stat. l. d. nec Cruceo in Muscar. pag. 43. DUK. Omnia haec vocabula cum sequentibus et in *nomen adoptatus* est desunt in Voss. Sed *C. Octavius sororis nepos* legunt Leid. Berg. Lov. 2. Boend. Exc. Pitthoei, et ed. Camp: neque aliter veterem cod. Perioches Livianae praeferre, diu ante Sigonium monuit Pierius ad Virgil. 5. Aen. 568. ubi etiam in Dion. Cass. 45. princ. ἀδελφῆς, pro ἀδελφῆς, legendum suspicatur, idemque mendum insidere Plut. in Cicer. 885. Vide etiam Xylandr. ad l. l. Dion. qui

men adoptatus est. Caesaris corpus, quum in campum Martium ferretur, a plebe ante rostra crematum est. Dictaturae honos in perpetuum sublatus est. C. Amatius, humillimae sortis homo, qui se C. Marii filium ferebat, quum apud credulam plebem seditiones moveret, necatus est.

et apud Plut. et apud Dion. ἀδελφιδῆς legendum censuit, tum quod ita legatur apud Plut. in Bruto pag. 994. tum quod Dio Cass. 43, 234. Octavium vocet τὸν τῆς ἀδελφῆς Καίσαρος ἑγγονον, seu ἑκγονον.

Quum in campum Martium ferretur] Vet. lib. deferretur. SIGON. Nostri ferretur, quod mutavit Sigonius, haud scio quam obrem. J. FR. GRON. deferretur Berg. sed ferrent Lovel. 2. Vide ad 38, 40, 1. ferretur Leid. Voss. Boend. et Norv. Appian. Alex. 2. Civ. 518. Πείσωνος τὸ σῶμα φέροντος ἐς τὴν ἀγορὰν. Mox dictaturae honos in perpetuum sublatus est desunt in Leid. Male. Vide Cic. Orat. 1. Philipp. 1. 2. Dion. Cass. 44, 267. et App. Al. 3. Civ. 542.

Chamaces humillimae sortis homo] Appianus hunc Ἀνάτιον vocat. Sic enim ait: Ἀνάτιος ὁ Ψευδοῦς Μάρτιον γὰρ ὑπεκρίνετο υἱὸν εἶναι. Ex eo apparet, legendum hoc loco C. Amatius. Movet tamen, quod Valerius libro 9, [15.] hunc Erophilum Equarium medicum no-

minat. SIGON. Appian. duobus locis Amatium lib. 3. Civ. in princ. et pag. 549. Eum nepotem se, non filium, C. Marii tulisse dicit, sed, ut hic adnotat Sigonius, alio nomine appellat Valer. Max. 9, 15, 1. Appiano quoque est υἱὸς, quod non recte verti filius, ad Valer. Max. monuit Torrenius. Cicero ni 12. ad Att. 49. C. Marius C. F. C. N. ubi vide interpretes. DUKER. Chamates Voss. Lov. 2. et Norv. Camates Boend. Camates Leid. et Berg. Camartes ed. Camp. Tum humillimae conditionis Leid. quod ex interpretatione marginali in contextum inrepsit. ultimae sortis homo supra est Epit. 49. ubi vide, De hoc Pseudo-Mario, praeter auctores a viris doctis laudatos, vide Cic. 14, ad Att. 6. 7. 8. et 1. Philipp. 2. Mox quod se C. Marii Berg. Vide ad 37, 35, 3.

Seditiones moveret, interfectus est] Voss. et Gudiani necatus est. J. FR. GRON. Similiter Leid. Berg. Lov. 2. Boend. et ed. Camp. Praeterea seditionem moveret Berg.

# JOHANNIS FREINSHEMII

## SUPPLEMENTORUM LIVIANORUM LIBER LXXXI.

### IN LOCUM LIBRI CXVI. T. LIVII.

I. Hispaniensem Caesaris triumphum, non, uti consueverat, laetum populo, sed peracerbum fuisse tradunt: quia sub Hispanorum praescriptione, non de rege aliquo aut imperatore barbaro, sed aperte de civis amplissimi modo, mox miserrimi, oppressa domo ducebatur. Itaque nec apparatus, (erat autem ex argento rasili) nec epulum, quod populo dedit, pari voluptate laetitiaque celebrata sunt: quamquam duo prae- buisset prandia, quia prius parcius atque tenuius, quam pro sua liberalitate, instructum crediderat. Tum quoque frumentum populo distribuit, ne quid magnificentiae deesset. Porro post triumphum consularia comitia habuit, suffecitque sibi in tres novissimos menses (tot enim supererant) Q. Fabium Q. F. Q. N. Maximum, C. Trebonium C. F. tanta quidem indignatione populi, veterem morem iterum violari non ferentis, ut, Q. Fabio theatrum introeunte, quum lictor animadverti ex more jussisset, universi reclamaverint, *non esse eum consulem.*

U. c. 707.  
A. C. 45.  
*Triumphus  
Caesaris ex  
Hispania.*

II. Triumphum etiam eidem Fabio, sed et Q. *Triumphus*  
Pedio, legatis suis, decernendum curavit ex Hi- *legatorum*  
spania, quasi parum fuisset, semel traductam esse *eius.*  
civilium armorum calamitatem: quamquam nihil illi  
suis auspiciis gesserant. Fabius Maximus ante diem  
tertium Idus Octobres in consulatu suo triumphavit;  
ante diem Idus Decembres Pedius. Hi triumphi, quum  
minime favente populo ducerentur, etiam ob medio-  
critatem pompae derisi sunt. Quum enim paucis ante  
diebus Caesar oppida eborea aut argentea transtulisset,

Cap. I. Plut. Caes. Vell. 2, 56. Dio, 1. 43. Sueton. Caes.  
c. 38. Dio. Fasti Capit. Sueton. Caes. 76. et 80. Cap. II. Dio.  
Fasti Capit. Dio.



U. c. 707. deinde Maximus lignea; *ibecas esse oppidorum Caesaris*,  
A. C. 45. jactitatum est.

*Senatus  
adulatur  
Caesari.*

III. Sed mirari non oportet, Caesarem hanc ostentasse victoriam, quum tantis excepta Romae publicis gratulationibus esset, tam singularibus cohonestata decretis. Sane tantum illi verecundiae superfuerat, ut neque nuncios ex Hispania, neque literas publice mitteret. At Patres, plerique adulandi studio, nonnulli quo majore oneratum invidia velocius et excusatus perderent, honores nullo nec jure, nec exemplo congeriebant. Et Cicero quidem, quantum summo cuique hominum tribui potest, sententia sua dederat. Sed alii sic adauxerunt, ut Cicero propemodum malevolus fuisse videretur. Ita supplicatio dierum quinquaginta decreta: utque Palilibus ludi ederentur, non jam ob natalem urbis, sed quia pridie ejus diei nunciata Caesaris haec victoria fuisset. quemadmodum eodem mense ante diem sextum Idus Apriles ludi ob victoriam Africanam fiebant. Sed et ceteras insigniores ejus victorias singulis ludis placuerat celebrari. Ceterum haec erat potius calamitatis vulnerumque reipublicae tristis exprobratio. Levius insanisse viderentur, qui Clementiae templum ponendum censuerant; nisi commune ipsi atque Clementiae esse voluissent, simulacris utriusque dextras jungentium dedicatis.

*Clementia  
Caesaris.*

IV. Sane, quid facturus fuerit Caesar, si vixisset diutius, non liquet. Illud in confesso est, quoad vixit, mitem humanumque et placabilem adversariis se prae-buisse. Sed et sub extremum tempus, etiam quibus nominatim reditum non concesserat, reverti omnes, honoresque et imperia capere passus est. Brutum quidem et Cassium praetores tum fecerat: aliis multis alios magistratus concesserat: conjecturam inde faciente populo, fore, ut exemplo Sullae rempublicam redderet. postea et L. Sullae, Cn. Pompeji statuas, a plebe disjectas, per Antonium collegam reposuit. quo tempore dixisse Cicero fertur, *Caesarem Pompeji statuas erigendo stabilire suas*. de Pompejo semper honorificentissime loquebatur. Praeterea cohortes praetorias;

Cap. II. Quinctil. 6, 3. Cap. III. Plut. Dio, l. 44. et Plut. Dio, l. 43. Ovid. Fast. 4, 806. Dio. Ovid. Fast. 4, 377. Appian. Civil. 2. Dio. Plut. Dio, l. 44. Cap. IV. Appian. Sueton. Caes. 75. Plut. Cic. ad Fam. 6, 6. Appian. Polyæn. Strat. l. 8. Suetonius. Plut. Caes. et de capienda ex inimico util. et Apophth. Rom. in Cic.

quibus stipatus bellorum tempore fuerat, a se removit. custodes corporis uti adscisceret, amicis monentibus, multisque se offerentibus ad officium, respondit, *semel mori praestare, quam semper timere*. Dicta graviora inhibere, quam vindicare, maluit. In quibus et A. Caecinae criminosissimum librum, et M. Otacilii Pitholai carmina maledicentissima aequo et civili animo tulit.

U. c. 707.  
A. C. 45.

V. Sed haec tam pulchra et laudanda plerisque insolenter usurpandis corruerat, in omni celebritate triumphalem vestem indutus, laurumque perpetuo gestans: quo tamen honore laetatum ideo praecipue ferunt, quod molesta et dictis obnoxia calvitiei deformitas sic tegebatur. Sed ipsum occultandi studium patebat obtrectatorum joci; et quod a Venere sua praecipuum formae decus adeptum sese credi volebat; et de maximis quibusque negotiis literas Venere armata obsignabat, hanc insculptam annulo gestare solitus.

*Ejusdem insolentia.*

VI. Fuit enim statura excelsa, colore candido, teretibus membris, ore paullo pleniore, nigris vegetisque oculis. Sed et, cultu notabili commendare formam studens, jam olim non evitaverat dicteria: quum et rubei coloris veste uteretur, (qualem, Albae regibus gestari solitam, ipse Iuli genus credebat ad se pertinere) et fluxiore cinctura, in quam memorabile dictatoris Sullae dictum fuit, deprecantibus pro Caesare amicis, *cavere jubens male praecinctum puerum*. Unde et Cicero, post civile bellum interrogatus, quomodo in electione partis errasset, *Praecinctura*, inquit, *me fecellit*.

*Habitus corporis.*

VII. Sed haec erant prae his, quae sequuntur, tolerabilia. Namque sacrificiis, certaminibus, donis circa omnia templa et loca publica per singulas tribus colebatur: delubra quoque complura ei decernebantur senatusconsulto: eandemque insaniam, ad exemplum urbis, civitates regesque socii insaniebant. Ipse Liberator vocabatur, relato in fastos nomine: templumque Libertati locabatur publice. Praenomen Imperator

*Divini honores Caesaris decreti.*

Cap. IV. Cic. ad Fam. Plut. Caes. Cap. V. Appian. Sueton. Cic. ad Fam. 6, 6. et 7. Macrob. Sat. 2, 2. Sueton. Appian. et Dio, 1. 43. Cap. VI. Sueton. Caes. 45. Dio. Sueton. Dio. Sueton. et Dio. Macrob. Sat. 2, 3. Cap. VII. Sueton. Caes. 76. Dio, 1. 44. Appian. Pausan. 1. 3.

U. c. 707. *ris* non ipsi tantum, sed filiis etiam nepotibusque datur, quum nullos haberet; quod postea sequentes ad Principes cum nomine Caesaris pervenit, privato concessum nemini: quum adhuc *Imperatores* vocarentur ob victoriam. quem honorem ipsi quoque Principes adsciscebant, vel saepius; ut Augustus quidem Imperator adpellatus legatur semel et vicies. Sed ista quidem adpellatio, quoties victori tribuitur, post nomen adscribi solet: eidem, quoties principatus est nota, praemittitur.

*Et universa in republicam posita.*

VIII. Adpellatus est et Pater patriae, et dictator perpetuus, consulque in decennium continuum, et sacrosanctus esse iussus, quo jure semper tribuni plebis fuerant. Sacerdotibus Vestalibusque injunctum, uti singulis lustris vota pro eo facerent publice. Decretum, ne quis conjunctum cum eo imperium haberet, neve rerum bello gerendarum laudem communicaret: utique magistratus inter ineundum jurarent, nihil moturos eorum, quae essent a Caesare definita: neve quis injussu ejus ullam partem militaris imperii aut pecuniae publicae attingeret.

*Statuae Caesari dicatae.*

IX. Mensem quoque, cujus nomen antiquitus a numero *Quinctilis* fuerat, *Julium* adpellari voluerunt, quod eo mense erat in lucum editus, ante diem quartum Idus: quo die sacrificandum quoque censuerunt ob natalem Caesaris. Sed, quia dies eadem celebrabatur Apollinaribus ludis, ea causa fuit, cur edicto Triumvirorum postea Caesaris natalis in antecedentem diem retraheretur: quia honores ei divinos habere cupiebant, Apollinaribus non poterant, quem diem antiquae religiones unius Apollinis honori voluerunt esse consecratum. Tum etiam statuam Caesaris eburneam, mox thensam et ferculum Caesaris circensi pompa inter simulacra Deorum jusserunt vehi: et imagines in templis vario ornatu proposuerunt: unam in fano Quirini cum inscriptione Dei invicti; aliam in Capitolio, ubi septem regum erant statuae, et octava in medio gladium stringentis L. Bruti, qui libertatis vindex fuit. Juxta hanc Caesaris collocata statua M. Bruto momentum ad facinus fuisse creditur, quod postea

Cap. VII. Dio, l. 43. Sueton. Dio. Tac. Ann. 3, 74. Dio. Tac. Ann. 1, 9. Cap. VIII. Lips. ad Tac. Ann. 3, 74. Sueton. Flor. 4, 2. Appian. Dio, lib. 43. et 44. Cap. IX. Euseb. n. 1975. Macrobi. Sat. 1, 12. Dio, l. 47. Dio, l. 43. Sueton. Flor. Appian. Dio. Cic. pro Dejot. c. 12. Plin. 33, 1.

ea suscepit. His honorum velut infulis victima ornabatur, solatio potius, quam remedio, casura libertatis. Sed et alia multa decreta fuerunt, quae tamen ex his cognosci aestimarique possint.

U. c. 707.  
A. C. 45.

X. Nec ei numerus tantum horum atque novitas concivit invidiam, sed magis etiam ipsius superbia, quod cum his decretis venientem ad se pro aede Veneris Genitricis universum senatum, consulibus praecedentibus, sedens excepit, dextra tantum porrecta singulis. Nihil temere aut acceptum acerbius, aut pluribus exagitatum sermonibus fuit. Quidam adsurgere conantem a Cornelio Balbo retentum autumant, memorem esse iubente maiestatis suae. alii conatum negant, sed et C. Trebatium admonere ausum limis adspectasse. quapropter excusantibus illum postea, profluvio ventris laborantem timuisse, ne quid adsurgens tarpiter faceret, non est creditum, praesertim quia deinde pedibus domum redierat. Et, quo aegrius homines factum ejus paterentur, quam ipse tulisset iniquo animo, recordabantur, quod triumphanti, quum subsellia tribunitia praeterveheretur, a tribuno plebis Pontio Aquila adsurrectum non fuerat. Nam et statim prae indignatione exclamarat, *Repete igitur a me, Aquila, rempublicam tribuimus*: et per continuos aliquot dies nihil promisit cuiquam, ut non adjiceret, *si tamen per Pontium Aquilam licuerit*.

*Superbia  
Caesaris non  
adsurgentis  
senatus.*

XI. Ex honoribus porro decretis, praeter decennem consulatum, admisit reliquos, et quibusdam statim coepit uti. Magistratusque ad libidinem et capere et dare solitus, pridie Kalendas Januarias, quum hora secunda, comitiis quaestoriis institutis, sella Q. Maximi consulis posita, deinde, mortuo eo nunciato, qui nullis evidentibus causis obierat, sublata esset; qui comitiis tributis esset auspicatus, centuriata habuit: petentemque consulatum hora septima renunciavit consulem C. Caninium C. F. C. N. Rebilum, qui usque ad Kalendas esset, quae essent futurae postridie.

*Consul n.  
ninus dict.*

XII. Haec referri melius non potuere, quam verbis Ciceronis, qui interfuit. neque dicta praetermit-

*Multum tr.  
risus a dica-  
cibus.*

Cap. IX. Plut. Bruto. Dio. Flor. Cap. X. Liv. Epit. Sueton. Caes. 78. Dio, l. 44. Plut. Caes. Appian. Eutrop. Plut. et Sueton. Dio. Sueton. Cap. XI. Appian. Sueton. Caes. 76. Cic. ad Fam. 7, 30. Plin. 7, 53. Cic. Plut. Caes. Dio, 43. Cap. XII. Sueton. ubi supra, et Ner. 15.

Supplem. Liv. Tom. XIV.

P

U. c. 707. *tenda, quibus consulatus iste derisus est. Caninius con-*  
 A. C. 45. *sule prandisse neminem: cum tanta fuisse vigilantia, ut toto*  
*consulatu suo somnium non viderit, Ciceronis sales sunt;*  
*antea flamines Diales fuisse, nunc consules, Pitholai. Sed*  
*et ad salutandum consulem ituris, Maturemus, inquit*  
*Cicero, ne, priusquam accedamus, ille consulatu abeat:*  
*idemque Graeco verbo λογοδεωρητον appellabat con-*  
*sulem, tamquam qui sensu percipi nequiret: idque con-*  
*sequutum esse Caninium, dicebat, ut, quibus consulibus con-*  
*sul fuerit, quaereretur. Sed tamen res in exemplum*  
*ivit: neque deinde quidquam fuit usitatius, quam ut*  
*multi eodem anno consules, et plerique in bimestre*  
*crearentur; annis nomina darent, qui ex Kalendis Ja-*  
*nuariis fuissent.*

*Numerus*  
*magistratu-*  
*um auctus a*  
*Caesare.*

XIII. Ceteros magistratus in speciem more antiquo  
 populus dabat, recusante munus istud Caesare: sed  
 tamen neque contra voluntatem ejus fiebant, et pro-  
 vinciae ab ipso mandabantur extra sortem. Numerus  
 adhuc ceterorum idem: sed praetores eo anno qua-  
 tuordecim, quaestores quadraginta creati. Nec enim  
 erat alia maturandis civilis belli praemiis expeditior  
 ratio. Eademque ob causam collegio quindecimvi-  
 rorum adjectus unus est, et septemviris tres additi.

*In senatum*  
*adlecti ho-*  
*mines viles.*

XIV. In senatorium quidem ordinem adlegebat si-  
 ne discrimine milites, libertinos, civitate recens do-  
 natos, Gallos quin etiam semibarbaros, aucto ad non-  
 gentos senatorum numero. Unde rogatum a quodam  
 Ciceronem, *uti privigno suo decurionatum expediret, re-*  
*spondisse ferunt, Romae, si vis, habebit; Pompejis diffi-*  
*cile est. Et Q. Sextius pater, latum clavum offerente*  
*Caesare, studiorum obtentu repudiavit. Quosdam et-*  
*iam infimi generis provexit ad summos honores: mo-*  
*netae, publicisque vectigalibus peculiares servos prae-*  
*posuit: trium legionum, quas Alexandriae reliquerat,*  
*curam et imperium exoleto suo, Rufini liberti sui fi-*  
*lio, commisit.*

*Cum indi-*  
*gnatione,*  
*sed vana, po-*  
*puli.*

XV. Haec quoque vanis vocibus ultus est populus,  
 hoc tantum adsequutus, ut et pati posse quaevis indi-  
 gna et molesta judicaretur. Ideo, *Gallos idem in trium-*

Cap. XII. Fasti Capit. Tac. Hist. 3, 37. Cic. Macrob. Sat.  
 2, 2. Plut. Caes. Macrob. Sat. 2, 3. Dio. Cap. XIII. Tac.  
 Dio. Cap. XIV. Sueton. Caes. 76. Dio. Macrob. Sat. 2, 3.  
 Senec. ep. 98. Sueton. Caes. 72, et 76. Cap. XV. Sueton.  
 Caes. c. 80.

plum atque curiam, depositis braccis, lato clavo sumpto, dixisse, caneatur: et libellus est propositus in hanc formam: *Bonum factum. ne quis senatori novo curiam monstrare velit.* Haec ille sic defendebat, ut diceret palam, si grassatorum et sicariorum ope in tuenda dignitate usus esset, talibus etiam se parem gratiaturum.

U. c. 707.  
A. C. 45.

XVI. Sed in adlegendis patriciis fuit aliquanto severior: in quos et C. Octavium recepturus erat, carissimum sibi; et maximi meriti virum, neque pollutum ab indignis honorem patienter laturum, M. Ciceronem, lege Cassia. Adscripsit autem praeterea consulares omnes et eos, qui cum imperio ad exercitus fuerant. Sed et viris praetoriis decem consularia ornamenta tribuit. Quod autem dimissi quidam fuerunt, quos accusatores corruptorum iudiciorum convicerant, id crimini datum est Caesari, tamquam pecuniae causa jus violasset: eaque suspicio vehementius aucta, postquam loca publica, nec profana modo, sed etiam sacra quaedam, subiecit hastae.

*Qui et avaritiam Caesaris et profusionem arguit.*

XVII. Certabat tamen ibi quoque cum rapacitate profusio, multisque grandes summae donatae, aut minimis addicta sunt luculenta praedia: notumque est Ciceronis dictum, mirantibus amplissimos fundos minimo abstulisse matrem Serviliorum; *Quo melius emptum scias, Tertia detructa est.* Erat autem Junia Tertia Serviliae filia, C. Cassii uxor: quam et ipsam conciliare Caesaris mater credebatur. Sed L. Basilo praeturae gerenti visum intolerabile, quod, negata provincia, pecuniam Caesar dedisset: igitur, non ferens ignominiam, sibimet conscivit necem. Haec, ut in civitate studiis et moribus discordi necessum erat, varie accipiebantur: gaudebant, quorum haec fiebant emolumento; ceteri ringebantur, sermonibusque occultis, et, quibus plus audaciae erat, libellis editis, temporum infelicitatem traducebant.

XVIII. Haec ferme anni illius gesta reperio: quo quidem aerarii curam ex praefectorum numero duo gesserunt, a quaestoribus prius administrari solitam. Ab eo initio varie habita ejus rei forma est; nec post-

*Aerarii ad ministratio,*

Cap. XV. Suet. Caes. c. 72. Cap. XVI. Id. ibid. 41. Dio. Nicol. Damasc. de Instit. Aug. Dio, l. 46. Tac. 11. Ann. 25. Dio, l. 43. Sueton. Caes. 76. Dio. Cap. XVII. Sueton. Caes. 54. Dio. Sueton. Caes. 50. Macrob. Sat. 2, 2. Dio. Cap. XIII. Tac. Ann. 12, 29.

U. c. 707. ea perpetuo mandata quaestoribus, sed postremo prae-  
 A. C. 45. fecti sunt aerario praetorii. Quaestores autem eo an-  
*Et urbano-* no nulli creati, cum Lepido magistro equitum, sicut  
*rum negotio-* et factum anno superiore fuerat, praefectis urbana  
*rum.* negotia administrantibus; qui postulati, quod lictores  
 praetextamque et sellas curules habuissent, legem pro-  
 tulerunt, per quam earum rerum potestas fiebat iis,  
 qui magistratum aliquem a dictatore acceperant. Apol-  
 linares ludi sumptibus Caesaris facti sunt per alterum  
 praefectorum, quos aerario praefuisse diximus: Ro-  
 manos aediles plebis fecerunt ex senatusconsulto.  
 Praeterea, quod neque prius neque postea factum  
 reperitur, unus praefectorum, quum feriis operam  
 daret, alium sibi suffecit in proximum diem, atque  
 ille iterum alium.

U. c. 708. XIX. Sequitur annus Julianus secundus, quintam  
 A. C. 44. Caesaris dictaturam, quintumque et postremum con-  
 C. Julio V. sulatum adferens. Proximis enim comitiis, quum pro-  
 M. Antonio missis ejus inductus Dolabella consulatum petisset; quia  
 eos. M. Antonium creare consulem cupiebat, qui, ex Hi-  
*Dolabellae* spania redeunti longissime profectus obviam, prae-  
*consulatus* sum familiaritatis gradum recuperaverat; sciens eum  
*dilatatus.* esse Dolabellae inimicissimum, semetipsum cum M.  
 Antonio designarat: Dolabellam ostendens, priusquam  
 ad bellum Parthicum proficisceretur, consulem esse  
 jussurum. M. Lepidum adsciverat magistrum equitum:  
 et, quia Galliam ille Narbonensem cum Hispania cetera  
 per legatos administrabat, et tum iturus ipse  
 erat in provinciam, C. Octavius C. F. C. N. magister  
 equitum designatus est, ut, quum M. Lepidus palu-  
 datus exisset, iniret. nam, ut Lepido praeferretur,  
 ab avunculo frustra petierat, quod esset adhuc ado-  
 lescentulus.

*Plures in* XX. Designavit et Cn. Domitium M. F. M. N. Cal-  
*annos magi-* vinum, qui sibi dictatori magister equitum in annum  
*stratus ordi-* sequentem esset: sed tum magistro equitum non fuit  
*nantur.* opus, dictatura sublata. Quod enim belli Parthici  
 causa abfuturus erat Caesar, decretum fuerat, ut plu-  
 res in annos magistratus ordinarentur. Nec tamen omnes  
 declarati: praetores tamen constituti sedecim, in qui-  
 bus et P. Ventidio fuit locus. Aediles tum primum

Cap. XVIII. Dio. Cap. XIX. Cic. Phil. 3, 32. Plut. An-  
 ton. Cic. Fasti Capit. Dio. Appian. Dio. Fasti Capit. Plin.  
 7, 45. Cap. XX. Fasti Capit. Dio. Sueton. Caes. 76. Dio.  
 Dig. de Orig. Jur. Paragr. 33.

sex creati, duo patricii, quos ob frumenti procuracionem *Cereales* vocabant; quatuor plebeji. ceteri quoque magistratus omnes eum in annum constituti sunt: in sequentem, praeter consules et tribunos plebis, nemo.

U. c. 708.  
A. C. 44.

XXI. Ipse, qui numquam posset quiescere, multa simul negotia amplexus, dum expeditio paratur, de ornandis instruendisque urbe et imperio cogitabat. Theatrum imprimis exstruere adgressus est summae magnitudinis, Tarpejo monti adcubans. Destinavit et Marti templum, quantum nusquam esset, complanato lacu, in quo naumachiam ediderat: praeterea Graecas Latinasque bibliothecas, quam posset, maximas colligendi negotium M. Varroni dederat. Quae opera, morte ejus interrupta, successor Augustus perfecit. penes ipsum invidia fuit, quod loco theatri repurgando multa privata atque etiam sacra aedificia diruerat: crematis simulacris ligneis, et, quos repererat, thesauris suum in sinum reconditis.

*Caesaris  
destinata,  
et opera.*

XXII. Parabat et siccare Pomtinas paludes, quae a Circejis magnum agri Latini modum absorbuerant: Anienem flumen, ipsumque Tiberim, statim a ponte *Mulvio* praealtis foveis exceptos, secundum montes Vaticanos, per Circaeum promontorium Tarracinam, atque in mare Tyrrhenum deducere, quo minore negotio subigi naves onerariae possent: et, jactis ad mare circum Ostiam molibus, alveoque Tiberis repurgato, portum efficere cujuslibet navigationis capacem: et, quo facilius urbs adiretur, a mari supero per Appennini dorsum ad Tiberim usque munire viam. Sed et Isthmum perfodere inter Lecheam et Cenchreas navigabili alveo cogitavit; quod olim rex Demetrius, postea Caligula et Nero Caesares, infausso omnes incepto, et ipsorum interrupto morte, tentaverunt.

XXIII. Inter haec et leges tulit, et pomœrium protulit urbis. quibus rebus quum imitari Sullam videretur, longissime anteibat clementia, qui adversus se arma tulerant, pari cum ceteris jure sinens agere, et, quibus bona propter delictum ademerat, eorum

Cap. XX. Dio. Cap. XXI. Plut. Caes. Sueton. Caes. 44. Dio. Cap. XXII. Sueton. Dio, l. 44. Plut. Plin. 3, 5. et 26, 4. Plut. Cic. ad Att. 13, 33. Plut. Sueton. Dio. Plut. Plin. 4, 4. Cap. XXIII. Dio, l. 43. Cic. ad Att. 13, 33. et 35. Dio.



U. c. 708. filiis remittendo partem. Igitur licet arduum sit, unum  
 A. C. 44. aliquem et belli et pacis excellere laudibus, utroque  
 nomine clarus apud populum Romanum atque vene-  
*Corinthis et*  
*Carthaginis*  
*instaurationis.* randus erat. Auxitque gloriam apud exteros duarum  
 nobilissimarum urbium, Corinthi et Carthaginis, in-  
 staurationis; quae, ante annos circiter centum simul de-  
 letae, tum clementia et liberalitate Caesaris resur-  
 rexerunt.

*Ejus rei*  
*caussa.* XXIV. Consilium hoc cepisse in Africa creditur,  
 somnio permotus, quum adversus Pompejanos in solo  
 Carthaginis castra posuisset. Magnum exercitum vi-  
 dere per quietem imaginatus, seque fletu ejus permo-  
 tum adpellari, ut populosissimam olim urbem iterum  
 e ruinis excitaret; statim in commentarios retulit,  
*missurum colonias Carthaginem et Corinthum,* cujus eum si-  
 mul memoria subierat. Coloni sunt Corinthum missi  
 libertini generis plurimi, *Corinthiensisque* adpellati, et  
 colonia *Julia Corinthus*. Ab eo tempore rursus magno-  
 pere hae urbes effloruerunt: Carthago quidem in tan-  
 tum, ut a Solino, *alterum post urbem Romam terrarum de-*  
*cus,* adpellaretur.

*Caesaris*  
*vasta consi-*  
*lia.* XXV. At Caesar, multis ad bellum causis excita-  
 tus, quod et Crassum vindicari populus Romanus ju-  
 bebat; et ipsi valetudo inter laborem erat firmior;  
 sed praecipuo gloriae stimulo, quam vastus et insatia-  
 bilis animus sine modo, sine fine indesinenter adpe-  
 tebat, praemissis trans Adriaticum sinum legionibus  
 sedecim, equitum decem millibus, Dacos, qui se in  
 Pontum et Thraciam effuderant, coercere; mox Par-  
 this inferre bellum per Armeniam minorem meditata-  
 tur: his devictis, per Hyrcaniam ad Caspium mare  
 penetraturus, ut, Caucaso ambito, Scythiaque per-  
 domita, et, quae supra Germaniam colunt, gentibus,  
 ipsaque Germania, per Gallias in Italiam rediens, om-  
 nem fere orbem habitabilem unius imperii jure com-  
 plecteretur. Sub idem tempus, his puto cogitationi-  
 bus admonentibus, senatusconsultum faciendum cura-  
 vit, *uti totius orbis Romani descriptio, cum accuratis loco-*  
*rum dimensionibus, in tabulas referretur.*

---

Cap. XXIII. Plut. Dio. Pausan. l. 2. Diod. apud Val.  
 Cap. XXIV. Appian. Libyc. Strabo, l. 8. p. 381. et l. 17.  
 p. 833. Appian. Strabo, l. 8. Festus. Vales. in Diod. Frag.  
 Mela, l. 7. et 2, 3. Solin. c. 30. Cap. XXV. Dio. Appian.  
 Civil. l. 2. Plut. Appian. Sueton. Caes. c. 44. Plut. Aethic.  
 in Praef.

XXVI. His excitae rumoribus Illyriorum nationes, numquam satis pacatae, legatos miserunt, praeteritorum petentes veniam, traditis in fidem Caesaris omnibus. Sed inter orandum barbara quadam ferocia gentis suae robur et induratum bello fortitudinem extulerant.

U. c. 708.  
A. C. 44.  
Illyriorum  
legatio.

XXVII. Itaque Caesar, acriore responso superbiam eorum reprimendam ratus, *Vos quidem, inquit, armis Romanis saepe provocatis domiti, dum majoribus curis distringimur, a pacta fide subinde resiluistis. Nec antiquiora commemoro: me subigendis Galliis occupato, quum Liburnis Priamum reddi juberem, spretis mandatis meis, etiam copiarum eo missarum partem insidiis circumvenistis. post paullo Gabinium cum quindecim cohortibus, et tribus millibus equitum, per fines vestros ad me tendentem in Macedoniam, hostiliter vexastis, multis occisis militibus, signis spoliisque ablatis. Nunc amicitiam auderis a me petere, quem tot injuriis laceessere veriti non estis. At ego talia perpetrantibus amicus esse non didici. armis ulcisci armatos, et pacem, quam perunt, praestantibus parcere, Romanum et meum est. Idcirco tributa, et in futurum fidei pignus obsides mittite; aut hostilia omnia propediem exspectare. Orantibus illis, et utrumque pollicentibus, P. Vatinius cum legionibus tribus et magno equitatu misit, qui acciperet obsides, et tributa imponeret. Sed talia agitantem animo Caesarem, festinata civium dolo mors praevenit.*

Tributa et  
obsides pol-  
licentur.

XXVIII. Jam eum exosum multis nimii honores fecerant, et quod in his usurpandis existimatus erat esse superbior. Sed maxime despectus ab eo nuper senatus putabatur: isque dolor adrogantiore facto saevius recrudit. Quum ante diem septimum Kalendas Februarias ex Albano monte ovans reverteretur, (hic enim ei honor decretus fuerat e feriis Latinis redeunti) adclamatione quorundam rex adpellatus, quum id animadverteret populo parum placere, *non regem se, sed Caesarem esse*, respondit. Attamen quidam e turba statuae ejus coronam imposuit, candida praeligatam fascia, in diadematis modum. Eam fasciam duo tribuni plebis, L. Caesetius Flavius, C. Epidius Marullus, detrahi, hominemque in carcerem duci jusserunt: gratum facturos Caesari sperantes, quod ille motam

Caesaris  
factum ad-  
rogans.

Cap. XXVI. Appian. Illyr. Cap. XXVII. Sueton. Cap. XXVIII. Dio, l. 44. Sueton. Caes. 78. et 79. Fasti Capit. Dio. Plut. Appian. Sueton. Plut. Caes. et Bruto. Dio. Sueton. Appian.

U. c. 708. aliquando regni mentionem similis indignabundo re-  
 A. C. 44. jecisset. At ille graviter increpavit tribunos, quasi  
 ereptam sibi gloriam recusandi doleret: subinde *Brutos* vocans et *Cumanos*; quia populus, factum eorum  
 probans, quasi vindices libertatis hostesque regni,  
*Brutos* appellaverat. nihil tamen adjecit in praesentia  
 tristius.

*Caesetio et* XXIX. Ceterum tribunos, post aliquot dies queri  
*Marullo tri-* ausos, sibi neque integrum, neque iutum esse de republica lo-  
*bunatum* qui, accusavit in senatu, quod invidiam sibi, tamquam ad-  
*plebis adi-* fectanti tyrannidem, facerent; et, multis extrema decer-  
*mit.* nentibus, sufficere, dixit, si senatu moti tribunatum amitt-  
 terent. Rogationem de abrogando eis magistratu C.  
 Helvius Cinna pertulit: paulloque post interemptus fir-  
 mavit opinionem, neminem, qui collegae magistratum  
 abstulisset, annum supervixisse. Caesetii pater, a  
 Caesare filium abdicare jussus, facturum se negavit.  
 Quod a Caesare latum civiliter, non tamen absolvit  
 eum cogitatae dominationis crimine, quod, lenis alias  
 et mansuetus, tam praecipiti iracundia in homines  
 praemio digniores exarsisset.

*Caesar sti-* XXX. Fertur et ipse sensit commota hominum  
*patores non* odia, et amicis dixisse, jugulo nudato, paratum se ad  
*admittit.* caedem cuilibet: ceterum vigilarent illi: nunc enim egregium  
 nactus esse praetextum inimicos. At, Pansa et Hirtio prae-  
 dicentibus, ut principatum armis partum armis tueretur;  
 quaerentibusque, num igitur pateretur iterum stipari cobor-  
 ribus, quas Hispaniensi bello habuisset? respondit, nihil esse  
 miserius perpetua custodia, hoc enim semper timentis atque  
 solliciti esse. mori se, quam timeri, malle.

*M Antoni-* XXXI. Neque tamen aut ipse desiit adpetere re-  
*us Caesari* gnum; aut familiares ejus hanc augere suspicionem.  
*diadema im-* Novissime pro rostris aurea sella, in regia veste, cum  
*ponis.* aurea corona sedentem M. Antonius, inter Lupercos  
 currens, adiit, et diadema paratum adferens capiti  
 ejus imponebat, tanta hominum moestitia, ut etiam  
 M. Lepidus averteret oculos; et Caesar ipse repelle-  
 ret, plaudente populo, qui modo graviter ingemuerat.

Cap. XXVIII. Sueton. Plut. Dio. Cap. XXIX. Liv. Epit.  
 Jul. Obseq. Val. Max. 5, 7, 2. Dio. Appian. Cap. XXX.  
 Plut. Caes. et Anton. Appian. Vell. 2, 57. Appian. Vell.  
 Cap. XXXI. Dio. Flor. 4, 2. Liv. Epit. Dio. Plut. Caes. et  
 Anton. Cassiod. Chron.

**XXXII.** Id quia factum erat aliquoties, neque offensus Caesar pro gravitate rei videbatur, et, quum capiti detractum in sella collocasset, seposuisse potius, quam repudiare, existimatus est, enimvero manifesta res visa. Neque mentibus eximi suspicio potuit: quamquam mox in Capitolium illud mitteret, *solum Jovem Romanorum esse regem, dictitans.* Plura enim augendae suspicioni fiebant, aut futura credebantur. Nam et pallus erat Caesar adscribi in Fastis ad Lupercalia, C. Caesari, dictatori perpetuo, M. Antonium consullem populi jussu regnum detulisse, Caesarem uti noluisse. Igitur rem actam ex composito credebant: ut Caesar, quod flagrantissime cupiebat, suscipere coactus videretur. Quin etiam fama percrebuit, migraturum Alexandriam vel Ilium, ut id deinceps haberet imperii caput: exhaustaque delectibus Italia, regimen Romae permissurum amicis. Sed et proximo senatu L. Cottam Quindecimvirum sententiam dicturum, ut, quoniam libris Sibyllinis comprehensum esset, Partbos, nisi a rege, vinci non posse, Caesar rex adPELLARETUR.

U. c. 708.  
A. C. 44.  
*Caesar nomen regis affectare creditur.*

**XXXIII.** Id maturandi consilii causam conjuratis adtulisse creditum, et quia revera regem Caesar agebat, ne modestum quidem, sed adentatorum vocibus insatuatum, et nimios honores sine numero admittentem. Nam praeter eos, qui suis locis sunt memorati, decretum ei fuerat, uti fastigium, qualibus ornari templa solent, in domo ejus locaretur: ipse curuli sella semper uteretur; ludis in tribunatio subsellio spectaret inter tribunos: opima spolia in templo Jovis Feretrii suspenderet: lictores semper haberet laureatos: ipsius imagine moneta signaretur: staturae in omnibus urbibus, atque omnibus urbis Romanae templis ponerentur: in ipsis quidem rostris daae, altera cum civica corona, altera cum obsidionali; tamquam ipsius virtute servati cives, liberata patria, forent: uti Concordiae Novae templum statueretur, cum anniversariis ludis, propter restitutam a Caesare pacem: curia quoque nova aedificaretur. Hostilia, quum funere Clodii arsisset, dudum instaurata fuerat, sed eadem nuper erat iterum diruta, magistro equitum Lepido templum ibi dicente aedificaturum Felicitati. ceterum id ea re actum ferebatur, ut inde quoque Sullae nomen tolleretur, et nova ibi curia ex fun-

*Honores nimios admittens.*

*Hostilia curia sit Julia.*

Cap. XXXII. Cic. Phil. 2, 34. Sueton. Appian. Cic. Phil. 13, 8. 5, 14. et Plut. Liv. Epit. Sueton. Plut. Dio. Dio. et Cic. Phil. 2, 34. Dio. Sueton. Cic. de Divin. 2, 54. Appian. Plut. Caes. Sueton. Cap. XXXIII. Dio. Flor. Plut. Dio. Supra 107, 22. Dio.

U. c. 708. damentis educta Julia fieret. quemadmodum et mensis  
 A. C. 44. adpellatus ab eo fuerat, et tribuum una sorte ducta  
 ex omnibus.

XXXIV. Ad haec datum, uti solus perpetuusque cen-  
 sor esset: filius, sive natus ei, sive adoptatus foret, ponti-  
 fex maximus crearetur. pro salute ejus vota quotannis fie-  
 rent: per genium ejus juraretur: omnia, quae egisset, rata  
 haberentur: senatores atque equites custodiam corporis ejus  
 agerent: Quinquennalia tamquam heroi agerentur: Lupercis  
 tertium collegium adderetur, Fuliorum cognomento: munere  
 gladiatorio in urbe et per Italiam unus dies Caesari dicatus  
 esset: in theatris sella ejus aurea, et gemmata radiisque di-  
 stincta corona, sicuti ceterorum Deorum, inferretur. Postre-  
 mo jam non per ambages, sed propalam, pulvinari  
 decreto, Jovem Fulium appellarunt, eique suum adtri-  
 buerunt flaminem, Antonium. Nec eo minus tam-  
 quam mortali sepulcri locum dederunt intra pomoe-  
 rium. Et haec decreta, literis aureis in columnis  
 argenteis consignata, sub pedibus Capitolini Jovis col-  
 locaverunt.

*Jupiter  
 Julius.*

XXXV. Non me fallit, his commemorandis lecto-  
 ri me simile fastidium comparasse, atque ego cogno-  
 scendis digerendisque subii. Sed referre credidi, ne  
 parum diligenter ista traderentur, quo sub illustri do-  
 cumento palam fieret, in quantum insanire magna in-  
 genia possint, quoties, popularium vocum puerilibus  
 oblectamentis in transversum acta, semel a vero glo-  
 riae itinere diverterunt.

*Caesaris  
 adrogantes  
 voces.*

XXXVI. Inerat sane Caesari praestantissimus ani-  
 mi vigor, et capax omnium, ad quae adspirare mor-  
 talis natus ausit, sublimitas: sed adsuetudine et vo-  
 luptate jucunda, quam salutaria, audiendi non cessa-  
 vit a se desciscere, donec ad stolta, et pudenda, et  
 postremum exitiosa prolaberetur. Igitur propalam e-  
 debat voces insolentis adrogantiae plenissimas, Nihil  
 amplius esse rempublicam: adpellationem modo sine corpore ac-  
 specie. Sullam nescisse literas, qui dictaturam deposuerit.  
 Debere homines jam consideratius secum loqui, et pro legibus  
 habere, quae dicat.

*Impudentis  
 adulationis  
 specimen.*

XXXVII. Sane magnos ei honores a principio,  
 quotquot adhuc vetere curia digni superabant, non

Cap. XXXIII. Flor. Dio. Cap. XXXIV. Sueton. Caes. 76.  
 Dio. Cap. XXXVI. Plin. 7, 25. Sueton. Caes. 77. Cap.  
 XXXVII. Dio.

immerito detulerant. Sed, ubi haec cupide recepti intellectum est, statim prorupit adulantium protervitas tam impudenter, ut inter alia turpia censerent quidam, quod mulierosum esse scirent, *ut uxores liberorum quaerendorum causa, quas et quot vellet, ducere liceret.* Ajuntque, hoc etiam placuisse Caesari, atque Helvium Cinnam plerisque confessum, habuisse paratam legem, quam ea de re ferri, se absente, Caesar jussisset. Jamque eo perventum erat, ut tot atque talia admitti ab homine vel ipsi, qui detulerant, indignarentur.

U. c. 708.  
A. C. 44.

XXXVIII. At populus, ut mos est vulgo, saepe nominibus magis, quam rebus, offendi, quem tamdiu regem erat passus, sic adpellari velle non ferebat. Itaque, clam palamque dominationem aspernantes, vindicem requirebant. proximis comitiis reperta dicuntur complura suffragia Caesetium et Marullum consules declarantium. *¶* Bruti statuam in Capitolio fuisse diximus juxta regum effigies, ubi et C. Caesari nuper erat posita. huic igitur inscriptum fuit: *Bruzum, ejectis regibus, primum consulem factum esse; hunc, ejectis consulibus, postremum regem. Bruti vero statuæ: Unam videres!*

*Populus vindicem requirit.*

XXXIX. Atque inde conversi ad praetorem Brutum, quem propter nominis communionem ab altero illo genus ducere faventes dicebant, subinde inclamarunt *Bruzi* nomen, sibi *Bruto aliquo esse opus.* Tribunali quoque ejus inscriptum, *Dormis, Brute?* et, *Non es Bruzus!* Is populi sensus animos inimicorum Caesaris erexit; Cassioque sollicitanti quosdam adnuerunt, si dux facti Brutus esse sustineret. Ab hujus enim integritate putabant adcessurum ausis suis honestissimum colorem, ut res, Bruto probata, non nisi causa libertatis suscepta videretur.

*Brutum nomine inclamant.*

XL. Sororem Bruti Cassius duxerat; sed erat inter eos nuper orta dissensio, quod minorem natu Brutum Caesar urbanum praetorem fecerat, eidemque consulatum promiserat, dilato Cassio, cujus tamen causam esse justiore fatebatur. Tunc igitur prior ad Brutum Cassius venit, percunctatusque est, *essetne in-*

*Idem et a Cassio sollicitatur.*

Cap. XXXVII. Sueton. Caes. 50. Dio. Sueton. Caes. 52. Dio. Cap. XXXVIII. Plut. Anton. Sueton. Caes. 80. Supra c. 9. Sueton. Cap. XXXIX. Dio. Plut. Caes. et Bruto. Dio. Appian. Plut. Bruto. Cap. XL. Plut. Caes. et Bruto. Appian. Vell. 2, 56. Plut. Bruto, et Appian.

U. c. 708. *terfuturus senatui Kalendis Martiis? nam audire se Caesaris*  
 A. C. 44. *amicos relatuos esse de regno ejus. Ille negare adfuturum.*  
*Tum Cassius, Quid si cogamur adesse? Multa querâr, ait*  
*ille, de republica: et oppetam pro libertate. Istud vero nec*  
*Dii nec homines firint! exclamat Cassius. quin ille pereat*  
*potius, qui meruit. Nec enim solus objicere periculo. Ecquid*  
*eos putas, qui, voce non ausi te compellare, tribunal tuum*  
*fecerunt interpretem suae voluntatis? Non forensis ea turba*  
*est profecto, aut sellularii opifices: illustres viri sunt, et prin-*  
*cipes civitatis.*

*Et persua-*  
*sus plures*  
*adsciscit.*

XLI. Ab hoc colloquio Brutus, jam consilii cer-  
 tus, Q. Ligarium invisit familiarem suum: qui, accu-  
 satus apud Caesarem, et patrocínio Ciceronis absolu-  
 tus, acriorem periculi, quam beneficii, sensum reti-  
 nebat. Igitur, dicente Bruto, *Quali tempore aegrotas,*  
*Quinte!* continuo se erexit in cubitum, et, adrepta  
 Bruti manu, *Si quid, inquit, dignum te cogitas, valeo.*  
 Inde, ad sollicitandos amicos conversi, multos per-  
 traxerunt in societatem, quosdam etiam ex Julianis  
 partibus. Horum principes fuerunt D. Brutus, C.  
 Trebonius: ceteri nobiliores Ser. Sulpicius Galba,  
 Cajus et Publius Servilii Cascae, Tullius Cimber,  
 Minucius Basilus: plerique omnes nulla alia de caus-  
 sa, quam quod satisfacere Caesar cupiditati omnium  
 nequibat, quum singuli ferme tantum poscerent, quan-  
 tum vix dare poterat universis. Ex Pompejanis, prae-  
 ter duces consilii Brutum atque Cassium, L. Cassius,  
 Caji frater, Cn. Domitius Ahenobarbus, P. Turullius,  
 Atilius, Petronius, C. Cornelius Cinna, Cassius Parm-  
 ensis, Caecilius et Bucilianus fratres, Rubrius Ru-  
 ga, Q. Ligarius, M. Spurius, P. Sextius Naso, Pon-  
 tius Aquila.

*Ciceronem*  
*tamen et*  
*Favonium*  
*praeterit.*

XLII. Sed Ciceronem, de cujus neque fide neque  
 benevolentia dubitarunt, celare consilium maluerunt,  
 circumspectam senis prudentiam veriti, minime aptam  
 negotio, quod celeritatem et impetum requireret. Sed  
 et Statilium et Favonium, duos Catonis aemulos, non  
 adhibuit Brutus, tentata dissimulanter utriusque sen-  
 tentia, dum inter sermones de philosophia elicitor  
 Favonius, ut, *deterius esse tyrannide bellum civile, dice-*

Cap. XLI. Plut. Bruto. Cic. pro Ligar. Plut. Appian.  
 Sueton. Galba, c. 3. Appian. Sen. de Ir. 3. 30. Appian. et  
 Cesaubon. ad Suet. Caes. 80. Cap. XLII. Plut. Cic. et Bru-  
 to. Plut. Bruto.

ret: Statilius, Epicuri sectae deditus, ut negaret, *cordato viro laborem et periculum esse suscipiendum malorum et stolidorum hominum gratia.* Igitur, his relictis, La-beonem quemdam adjunxit.

U. c. 708.  
A. C. 44.

XLIII. A Labeone simul et Cassio D. Brutus tentatus est, vir animi non maximi, sed cui plurima erat fallendi copia per amicitiae fidem: erat enim inter familiarissimos Caesaris; praeterea, quum Idibus Martiis munus editurus esset in theatro Pompeji, gladiatores ejus ingentem praebere usum poterant. At ille, nullo tum responso dato, perrexit ad Brutum: et, intellecto, hunc esse rei gerendae ducem, omnia promisit amplissime. ceterorumque plurimos et praestantissimos auctoritas M. Bruti allicuit: donec facti sunt senatores equitesque amplius sexaginta. Tum consilia, quae seorsim hactenus bini ternive ceperant, in unum conferre visum: et, licet neque juramento, neque sacris tactis adstrinxerint fidem, eam tamen cum silentio praestiterunt, ut ex tanto numero nemo mutaret animum, nemo proderet: ne Cimber quidem Tullius, confessae ebriositatis, et qui postea per jocum dicere solitus est; *Egone ferrem quēquam, qui vinum ferre non possum?*

*Fides et taciturnitas conjuratorum.*

XLIV. Sane non fallebat Caesarem, nocturnos conventus agi, Brutumque et Cassium suspectabat, negans, *obesos illos et comatulos se timere,* (Dolabella et Antonius rerum novarum insimulabantur) *sed pallidos hos et macilentos.* ceterum sive inopia consilii, sive nimia fortunae suae fiducia, contentus edicto admonuisse, *nota sibi esse, quae agerentur,* ultra nihil cavit: etiam haruspices irridens, a quibus monebatur.

*Caesar Brutum et Cassium suspectos habet.*

XLV. Quo die primum veste purpurea processit, atque in aurea sella sedit, sacrificanti extis cor defuit in opimo bove. At ille, tristitia exta nuncianti Spurinnae, dicentique, timendum esse, ne consilium et vita deficeret, quod utraque haec corde continerentur; *futura, dixit, laetiora, quum vellet: neque pro ostento ducendum, si pecudi cor defuisset: idemque sibi evenisse in Hispania; neque ideo minus sequutam victoriam.* Sed, ha-

*Prodigia mortis Caesaris antecedentia.*

Cap. XLIII. Appian. Dio. Plut. Eutrop. Sueton. Caes. c. 80. Plut. et Appian. Sen. Epist. 83. Cap. XLIV. Sueton. Caes. c. 75. Plut. Caes. et Bruto, et Anton. Sueton. Cap. XLV. Plin. 11, 37. Cic. de Divin. 1, 52. Jul. Obseq. Plut. Caes. Val. Max. 1, 6. Cic.



U. c. 708. ruspice regerente, *tum quoque maximum capitis discrimen*  
 A. C. 44. *adiisse*, hactenus motus est, ut postero die iterum immolaret. tum vero caput in jecore non fuit. Praedixit igitur Spuriinna, *caveret proximos dies triginia, quorum erat postremus Idus Martiae.*

XLVI. Sed et alia plurima circum hoc tempus adparuisse prodigia tradunt. Nam, praeter fulgurita plurima, et visa per noctem discurrentium virorum flammae spectra, avesque solitarias in foro conspectas, paucos ante menses Capuae repertam in conditorio Capiis tabulam aeneam familiarissimus Caesaris Cornelius Balbus memoriae prodidit, literas Graecas exhibentem hac sententia: *Quandoque ossa Capiis delecta essent, fore ut ex ea gente prognatus manu consanguineorum necaretur, magnisque mox Italiae vindicaretur cladibus.* Proximis quoque ante mortem diebus ei nunciatum est, greges equorum, quos, in trajiciendo Rubicone consecratos, sine custode vagari patiebatur, pertinacissime abstinere pabulo, ubertimque flere. Pridie Idus avem ex eo genere, quod Regem avium adpellabat Italia, cum laureo ramulo Pompejanae curiae se inferentem, volucres varii generis, ex proximo nemore persequutae, ibidem discerpserunt. Ipse in coena apud magnifrum equitum Lepidum, quum more suo inter recumbendum epistolas commentaretur, ut erat ad plura simul agenda singulari quadam mentis velocitate praeditus, motam interea quaestionem audiens, *quaeenam esset mors optima?* praevertens omnes exclamavit, *inopinata.*

*Caesar inopinatam mortem optimam putat.*

*Calpurniae somnium.*

XLVII. Eandem deinde noctem et vigilans et dormiens irrequietam habuit, visus sibi per quietem interdum supra nubes volitare, alias cum Jove dextram jungere: et, quum arma Martis, quae veteri instituto domi pontificis maximi adservabantur, sonitum ingentem edidissent; valvaeque cubiculi fenestraeque omnes, quae diligenter clausae fuerant, subito essent patefactae, strepitu simul et fulgore Lunae exterritus, animadvertit juxta cubantem uxorem Calpurniam in somno graviter angere: comperitque imaginatam, *fasti-*

Cap. XLV. Sueton. Caes. 77. Appian. Cic. Val. Max. 8, 11. Cap. XLVI. Sueton. Caes. c. 81. Vell. 2, 57. Virgil. Georg. 1. Ovid. Metam. 15, 782. Plut. Appian. Civil. l. 4. Sueton. Caes. c. 81. Plin. 10, 74. Sueton. Plut. et Appian. Civil. l. 2. et Sueton. Caes. 87. Plin. 7, 25. Plut. Cap. XLVII. Sueton. Caes. c. 81. Dio. Jul. Obseq. Plut.

gium, quod adjectum Caesaris aedibus senatusconsulto fuerat, U. c. 708.  
 ruisse. deinde maritum se tenere confossum in gremio suo. A. C. 44.

XLVIII. Jam illuxerant Idus, quam in diem senatum in Pompeji curiam convenire jusserat, ut quarto post die paludatus votis nuncupatis proficisceretur. *Caesar in senatum pergit.*  
 Sed tenebat eum Calpurnia, flens oransque, ne quo procederet: et movebatur ille sollicitudine matronae, in qua nullam alias muliebrem superstitionem animadvertenterat. accedebat et valetudo infirmior, et quod pluribus hostiis caesis renunciatum erat non litari, avesque non sinere eum egredi domo.

XLIX. Jamque per Antonium dimittere statuerat *A. D. Brutus persuasus,*  
 Patres, quum D. Brutus, monentibus per nuncios consciis, amitti occasionem veritus, iurisset haruspices: ipsum castigavit, si, frequente ac dudum opperiente senatu deluso, criminationum malevolis praeberet materiam. Paratos esse decernere, uti locis omnibus extra Italiam insignia nomenque regium ferat, domi sub nomine dictatoris eandem potestatem retineat: hoc enim quasi temperamentum placuisse nonnullis credebatur. Eos jam dimittere, et jubere opperiri, donec laetiora fiant Calpurniae somnia, nihil esse aliud, quam se offerre sermonibus et judiciis, qualia maxime nolit. Quod si omnino constituisset eam diem inauspicatam ducere, at ipse veniret in curiam, senatumque mitteret. Sic expugnatus decessit, sed ea destinatione, ne quid majoris rei ageret. Quum exiret domo, imago quaedam ejus in vestibulo posita sponte decedit, et comminuta est.

L. Vix erat egressus, quum servilis quidam conditionis accurrens, quoniam repulsus ab aditu ejus fuerat, Calpurniam adiit, custodiri petens, donec Caesar redisset: *Indices conspirationis audire impeditur.*  
*magnarum enim rerum se adesse indicem.* Sed et Artemidorus Gnidijs, qui, propter linguae Graecae professionem plerisque Bruti familiaribus notus, consilia eorum olfecerat, libello porrecto, quum vidisset alios ipsi oblatos amicis tradentem, *Hunc, ait, operae pretium est ipse perlegas, et cito.* Sed saepe conantem subinde intervenientes alii salutantesque averterunt: manuque libellum tenens curiam introiit.

Cap. XLVII. Jul. Obseq. Sueton. Plut. Dio. Cap. XLVIII. Constantin. Manasses. Val. Max. 1, 7. Sueton. Caes. 80. Appian. Plut. Bruto, et Caes. Appian. Cap. XLIX. Sueton. Caes. 81. Dio. Appian. Plut. Caes. Dio. Sueton. Plut. Dio. Cap. L. Plut. et Appian. Sueton. Dio. Plut. et Appian.

U. c. 708.

A. C. 44.

*Porcia Bruti uxor.*

LI. Sub idem tempus pro tribunali Brutus jus reddebat ita securo vultu, ut nullius insoliti consilii nota deprehenderetur. Cuidam tamen adpellanti Caesarem respondit, *Neque prohibet me jus secundum leges dicere Caesar, neque prohibebit.* Interea nunciatur ei, uxorem Porciam deficere, quae una mulierum conspirationis hujus erat conscia. Quippe maritum praeter morem inquietari animadvertens, neque fatente illo, rem grandem et arcanam agitari suspicata, scalpellum, quo praecidere unguës solebat, alto vulnere demersit in femur: magnoque inde dolore, et propter amissum sanguinem debilitate adfecta, anxium virum sic adfata dicitur.

*In consilii societatem admissa.*

LII. Ego, mi vir, in communionem utriusque sortis nupsisse tibi scio. Tu vero, quum animum meum probares, corpori diffusus, quod in hoc sexu infirmius imparque dolori creditur, sollicitudines tuas occulisti. Neque ego credebam tibi, donec experimentum facerem. Ecce autem possum, quod volui, et facile cruciatum fero. Quod si post hoc atrocissimum cunctaberis habere mihi fidem, ne quis aut Catonis filiam aut Bruti conjugem vocet, ni morte mea dedecus hoc abrupero! Sic admissa in consilii societatem, ipsa viro ad facinus prodeunti vestes, et obvolutum illis pugionem adtulit. Haec igitur, sive nondum percurato vulnere, sive curis urgentibus, deliquium animi passa nunciabatur. Sed Brutus, audito, jam adfuturum Caesarem, privatae sollicitudini publicam causam anteposuit: ceteri quoque consilii respiraverunt a metu.

*Caesar haeruspiciem irridet.*

LIII. Timebant enim, ne, delato rei indicio, venire Caesar cunctaretur. nam, et adparitor sellam auream curia jam extulerat, quae et ipsa res post necem Caesaris in omen tracta est. Sed ille, sive praedictionibus spretis, sive defunctum se periculo putans, in alias cogitationes intenderat animum; ita securus, ut visum forte, dum in senatum pergit, Spurrinam haberet ludibrio, *venisse dicens Martias Idus.* atque ille, *venisse quidem, sed nondum praeterisse,* respondit.

LIV.

Cap. LI. Plut. Brut. Dio. Val. Max. 3, 2. Plut. Polyaen. Strât. 1. 8. Plut. Cap. LII. Polyaen. Plut. Cap. LIII. Dio. Sueton. Plut. Caes. Dio. Val. Max. 8, 11. Plut. Bruto. et Appian.

LIV. Exscendentem e lectica Caesarem Sex. Popilius Laenas secreto sermone diu detinuit: unde iterum formido consciis, ne consilia sua proderentur. Nam ea quidem in re, praeter adsuetam magnis ausis trepidationem, miro gemini erroris ludibrio prope modum ipsi detexerunt animi destinata. Paulo enim ante Cascae quidam familiaris, sed hujus consilii expers, prehensa ejus manu, *Tu vero, inquit, nos celsasti de arcano, sed Brutus nobis exprompsit omnia.* Et, nisi paullo post, stupente Casca, subjecisset, *Unde igitur eae tibi subito opes, ut cogitare ausis aedilitatem?* minimum aberat, quin Casca rem omnem tamquam gnaro aperiret.

U. c. 708.  
A. C. 44.  
*Miracrorum ludibria.*

LV. Et Brutum atque Cassium impensius salutans Popilius, priusquam adiret Caesarem, clam insusur-  
*Conseiorum trepidatio.*  
ravit, *optare prosperum eventum cogitatorum. sed emanare rem: properarent.* Hunc igitur cum Caesare tamdiu colloquentem profecto deferre indicium rebantur. et admovebant nonnulli sub toga pugionibus manus, interfectori semetipsos, priusquam comprehenderentur: quum Brutus, considerato adtentius Laenatis gestu, preces eum, non indicium, deferre conjiciens, quia sermoni non erat locus, hilariori intuitu advertit Cassium, et a re praecipitanda abduxit.

LVI. Interim Antonium pro foribus curiae C. Trebonius longo sermone distinuit: sive ne perire Caesarem homo praevalidus, et majestate consulatus armatus, impune sineret; sive ne ipse periret. Fuerat enim dubitatum, quid Antonio fieri oporteret. Nonnullis illum quoque, sed et Lepidum tolli jubentibus, mitior sententia vicit. Nolebat Brutus, *quemquam praeter Caesarem occidi, quo nihil aliud a se petitum, quam libertatem, ipso opere demonstrarent.* Profuit etiam Antonio, quod C. Trebonius cum eo se Narbone hoc consilium cepisse dicebat: eamque rem numquam Caesari indicaverat Antonius.

*Antonius cur non occidisset cum Caesare.*

LVII. Sed in curia, quum ingredienti Caesari senatus adsurrexisset, conjuratorum alii sellam ejus specie officii circumsteterunt, pars adcesserunt ad eum cum Tullio Cimbro, tamquam pro fratre ejus exsule

*Caesar caeditur.*

Cap. LVI. Dio. Appian. Cic. ad Fam. 10, 28. et Phil. 2, 14. 13, 10. Plut. Caes. et Bruto, et Anton. Dio. Plut. Bruto. Appian. Vell. 2, 58. Cap. LVII. Cic. Phil. 2, 14. Plut. Anton.

Supplem. Liv. Tom. XIV.

Q

U. c. 708. rogaturi. Multa hic Cimber a Caesare beneficia acceperat: quorum immemor primas in eo facinore partes suscepit. At, Caesare negotium in aliud differente tempus, et, quia impudentius urgebatur, volente consurgere, togam ejus purpuream ab utroque humero Cimber comprehendit. hoc signum ut esset caedis faciundae, convenerat. Igitur clamantem, *Ista quidem vis est*, alter Casca sauciavit paullo infra jugulum; non letali, nec admodum alto vulnere, quod inter initium facinoris manus trepidaverat. At Caesar correptum Cascae brachium graphio trajecit, exclamans, *Scelerate Casca, quid facis?* et prosilire conabatur, nisi foret ab alio percussus in pectore. simul irruerunt ceteri strictis pugionibus, nemine non hanc adpetente gloriam: et Cassius quidem caput ejus petiit, Brutus percussit inguina, occiput vulneravit Bucilianus.

LVIII. Ajunt, ferae modo se convertentem in singulos, et cum clamore repugnantem, ubi Brutum quoque conspexit irruere, dixisse Graecis verbis, *Tunc etiam inter hos es, fili?* Nam, quod flagrantissimo amore suo Brutum pepererat Servilia, natum ex se credebat. Alii negant, ullam misisse vocem, neque prae irruentium multitudine facere quidquam potuisse; sed, toga capiti obvoluta, simul sinistra manu deduxisse sinum vestis, ut inferiore parte corporis tecta honestius caderet, uno tantum ad primum ictum edito gemitu.

*Ad Pompeji  
statuam.*

Hoc habitu cecidit ad Pompeji statuam, eamque largo cruore respersit; quum etiam in jacentem saeviretur, manumque Bruti sauciaret Cassius, eodem tempore plagam inferens. De tribus et viginti vulneribus, tot enim facta erant, nullum fuisse letale medicus, qui ea inspexit, existimabat, praeter quod secundo loco acceperat in pectore.

*Terror et  
tumultus ex  
ea caede.*

LIX. Conjurati corpus in Tiberim trahere, publicae bonae, rescindere acta, quod fuerat ipsis propositum, metu consulis Antonii, et magistri equitum Lepidi, supersederunt. Sed, qui in curia et circa eam exsortes consilii fuerant, saevo spectaculo adto-

Cap. LVII. Plut. Caes. et Bruto. Sueton. Caes. 81. Appian. Plut. Cic. Phil. 2, 11. Sueton. Plut. et Appian. Dio. Sueton. Plut. Sueton. Dio. Plut. Appian. Cap. LVIII. Plut. Appian. Sueton. Dio. Plut. Appian. Dio. Sueton. Appian. Val. Max. 4, 5. Sueton. Appian. Plut. Caes. Appian. Plut. Bruto. Flor. 4, 2. Cap. LIX. Appian. Plut. Caes. Liv. Epit. Sueton. Dio.

niti, suamque vicem anxii, trepidabant: nec enim, quanta aut manus conjuratorum, aut quale consilium esset, liquebat. Ideoque, licet progressus in medium Brutus alloqui cuperet, ejicientes se curia, fuga et tumultu omnia miscebant, obvios sui quisque terroris implens. Eaque res levissimo cuique occasionem fecit, per vulnera et rapinas exercendae petulantiae: multique peregrini atque cives, sed et senatores nonnulli, vulnerati et occisi sunt incertis auctoribus; mensae tabernaeque direptae. Quippe ex propinquo theatro tam spectatorum turba, quam ipsi quoque gladiatores ab editore praemoniti eruperant. Et augebat consternationem vehemens imber cum horribili tonitru, quasi coelum ipsum funestam atque luctuosam faciem induisset.

U. c. 708.  
A. C. 44.

LX. Idcirco tota urbe domus claudebantur: senatores, ubi quisque poterat, per tabernas et insulas se abdebant: occursabant invicem agmina, hinc contendentium ad spectandum corpus, inde re perspecta redeuntium. Antonius et Lepidus sibi timentes primo in alienas aedes profugiunt: mox Antonius, mutata veste clam egressus, communivit suas: Lepidus in Tiberis insulam, ubi legio erat militum, transmissit, atque inde deduxit in Campum, mandata Antonii tamquam consulis opperiens. At corpus illud terrarum modo mariumque domini, diffugiente comitum turba, aliquamdiu desertum jacuit, donec, tribus servulis lecticam impari gressu succollantibus, dependente brachio domum reportaretur.

*Lepidus  
milites in  
Campum  
deducit.*

LXI. Sed percussores Caesaris, postquam in curia nemo praestabat audientiam, togis circum laeva brachia circumvolutis, cruentos pugiones quatiendo, recta pergebant in forum, praeferente quodam in hasta pileum, libertatis signum: hortabanturque populum, *regem atque tyrannum interfectum esse* dictitantes. Et M. Brutus, cruentum alte extollens pugionem, *Ciceronem* nominatim inclamavit, atque ei recuperatam libertatem est gratulatus.

*Percussores  
in forum  
prodeunt.*

LXII. Interim nonnulli adgregabant se euntibus, laudi et praemio futurum rati, si egregii facinoris so-

Cap. LIX. Plut. Caes. et Bruto. Appian. Dio, p. 176.  
Cap. LX. Plut. Appian. Dio. Plut. Caes. Cic. Phil. 2, 35.  
Plut. Anton. Dio. Appian. Sueton. Appian. Cap. LXI. Plut. Bruto. Dio. Appian. Cic. Phil. 2, 12. Cap. LXII. Plut. Dio. Appian.

U. c. 708. cii existimarentur: e quibus postea C. Octavius, P.  
 A. C. 44. Lentulus P. F. Spinther, ejusque familiaris Patiscus  
 alique vindicibus Caesaris poenas dederunt insolentiae, quod se percussoribus miscuerant; quum nullam partem gloriae tulissent, omnibus eos facto non ad fuisse scientibus. Sed populus diu trepidato, ubi ne minem praeterea laedi petive constitit, verba percussorum accepit tranquillior, *bono animo jubentium esse positoque omni metu, quam diu votis experissent, nunc beneficio suo haberent, puram habere libertatem.* Ita, multitudine utcumque placata, neque tamen illis se adjuvante, Capitolium petierunt, tamquam Diis acturi gratias; illudque stipati manu gladiatorum occuparunt.

*Eodemque alii quidam senatores veniunt.*

LXIII. Clamabat tum Cicero, *senatum in Capitolium a praetoribus vocari oportere.* quod profecto si foret factum, longe aliter, atque accidit, constitui respublica potuisset. Venerant tamen in Capitolium, advesperascente die, Favonius, Aquinius, Murcus, Patiscus: sed et Dolabella, jam consul: quippe fasces atque insignia consularia statim corripuerat: quamquam nullo jure facere videretur, substituendus in locum profecti: sed ille profectum interpretabatur, qui esset in ea causa, ut amplius proficisci non posset. Postridie, foro venali turba repleto, quam per amicos Cassius comparaverat, jactatae voces sunt, non probantium factum; sed pacem et concordiam postulantium: quae res, nisi ignosceretur interfectoribus, obtineri non poterat.

*L. Cinna in Caesarem invectus.*

LXIV. Haec agentibus commodum L. Cornelius Cinna praetor supervenit. Is, neque adfinitatis, neque beneficiorum memor, acta Caesaris acerba oratione pro rostris insectatus est, insignibus etiam magistratus abjectis, *quae sibi data contra leges a tyranno dicebat:* auctorque erat populo deducendi libertatis auctores a Capitolio, praemiisque et honoribus ornandi. Neque tamen adhuc ultra priores voces incaluit multitudo, Caesaris ante oculos obversante adhuc maiestate, et incerto rerum exitu. Sed, ubi Dolabella cum lictoribus adfuit, atque haud dissimilia loquutus

Cap. LXII. Cic. Phil. 2, 11. Plut. Caes. Appian. Cic. ad Fam. 12, 14. Plut. Appian. Dio. Plut. Bruto. Dio. Appian. Vell. 2, 58. Liv. Epit. Cap. LXIII. Cic. ad Att. 14, 10. Appian. Dio. Vell. Appian. Euseb. Chr. Dio. Appian. Cap. LXIV. Val. Max. 9, 9. Sueton. Caes. 85. Appian.

est, eumque natalem urbis habendum dixit, quo, tyranno interfecto, libertas esset restituta, crevit fiducia animis, coeperuntque postulare, uti devocarentur a Capitolio patriae liberatores.

U. c. 708.  
A. C. 44.

LXV. Atque illi, Dolabellae accessione gaudentes, *Cassius et Brutus concionantur.* nactosque rati ducem idoneum, quem Antonio vindicare caedem volenti opponerent, juvenia promptum, nobilitate validum, non tamen descenderunt universi. Cassius tantum atque Brutus, progressi in concionem, de facto suo loquuti sunt confidenter et magnifice, mutuo se laudantes, et sociorum praedicantes operam; D. Bruti maxime, qui gladiatores in tempore praebuisset. *Debere populum Romanum induere majorum animos, qui legitimam licet potestatem regum, simul ad tyrannidem inclinare coepisset, aboleverint. Revocari oportere Sex. Pompejum, cum tyranni legatis dimicantem in Hispania; Caeseriumque et Marullum, abrogata potestate, exsules.* His dictis iterum in Capitolium se receperunt, parum credentes praesenti multitudini, quod honestior populi pars ab erat.

LXVI. Hactenus tamen erat profectum, ut necessarii eorum amicisque concederetur in Capitolium aditus. Ex horum numero consulares nonnullos miserunt ad Antonium et Lepidum, qui aliquoties iverunt rediveruntque, donec certius aliquod responsum obtineretur. Causa dubitandi ex eo, quod vindicare mortem Caesaris erat his animus: sed consensum senatus, et maxime D. Bruti potentiam, cum exercitu veterano Galliam obtinentis, verebantur. Tandem, dum earum copiarum corrumpendarum occasionem nanciscerentur, paullo liberalius respondendum rati, *nihil ex privato odio agi placere, responderunt; sed cogi senatum, et ad eum referri de praesentibus, idque obtinere, quod Patres conscripti censuissent.*

LXVII. Minime displicebat ea ratio conjuratis, qui *Nox iniquista.* de senatus animo sententiaque non dubitarent. Idcirco reliquo diei et per noctem deinde miserunt circum domos, oratum, ut patriae causam suamque irri singuli atque *universi vellent.* Neque minor erat militum sollicitudo, quibus agros Caesar dederat aut promiserat: ii quoque circumbant, miscentes cum precibus minas. denique nox ea nihilo tranquillior aut otiosior

Cap. LXV. Cie. ad Att. 15, 1. Appian. Plut. Bruto. Appian. Cap. LXVI. Cie. Phil. 2, 35. Appian.



U. c. 708. fuit, quam negotiosissimi dies esse consueverunt. Nam  
 A. C. 44. et Lepidus in foro tetendit cum militibus; et Antonius, hoc praesidio tutior, jubebat excubare magistratus, facibus accensis, et quasi de die sedere pro rostris per vicos. Ipse pecuniam commentariosque Caesaris deportari iussit in aedes suas: incertum suone consilio et proprii emolumenti causa, an orante Calpurnia, ne per tumultum diriperentur.

*Cinnae periculum.* LXVIII. Liberalibus luce prima convenire Patres in Telluris coeperunt. eo senatum indici placuerat, quod curia subjecta Capitolio, in quo gladiatores erant, tamquam obnoxia conjuratorum insidiis vitabatur. Quum inter ceteros intrare Cinna vellet, resumptis insignibus, quae pridie projecerat; coorta est in eum, quae Caesaris necem aegre ferebat, populi manus, laceratumque maledictis et lapidibus adpetitum in domum quamdam coegerunt confugere. neque hic finis erat periculi: ligna congesta sunt, et incendium paratum, ni Lepidus cum armatis adcurrere vim extremam arcuisset. Idem, ad omnes aditus positis custodiis, ingressum ceteris tutiorem praestitit. Sed tamen ab hoc initio Caesaris fautores receperunt animos, et, quum subinde plures eorum concurrerent, Cassianorum mercenariorum fractae ac debilitatae voces continuerunt.

*Senatus discordia.* LXIX. Interim perstrepebat senatus mira vocum orationumque discordia, hoc intemperantius, quod libertas ex intervallo regustabatur. proximo enim quadriennio pleraque contra animi sui sententiam censuerant. Pleraque tamen pars, favens conjuratis, eos quoque jubebat arcessi: neque repugnabat Antonius, sciens non esse descensuros.

*Diversae sententiae.* LXX. De interfecto Caesare multa et diversa dicebantur, quum aliis pessimum, aliis pulcherrimum facinus esse videretur. pars, auctore Ti. Nerone, praemia decernebat interfectoribus: alii gratias agendas, omittis, quae ne ipsi quidem postularent, praemiis. erant, qui sufficere crederent impunitatem. Contra dicebatur, rem esse commissam minime laudabilem, ~~re~~publicae tamen condonandam, ne novis vulneribus veteres civilium malorum cicatrices rescinderentur: sed honores adimeban-

Cap. LXVII. Dio. Appian. Cap. LXVIII. Cic. ad Att. 14, 10. et 14. Dio. Appian. Cap. LXIX. Dio. Appian. Cap. LXX. Tac. Ann. 1, 8. Sueton. Tiber. 4. Appian.

tur, quos necessum erat cum Caesaris contumelia conjungi. Reclamabant alii, *majorem esse habendam superstitionem rationem, quam mortui*. Et abripiebatur, quod forte a quodam adseveratum erat; *alterutrum esse necessarium, uti vel tamquam tyrannicidae praemia accipiant percussores; vel, tamquam in delicto deprehensi, veniam: et postulare coeperunt, referretur iterum de Caesare, qualem existimari oporteat: juratusque senatus censeret, gratia facta prioris sacramenti, quo se Caesaris salutem defensuros aut vindictarios jurassent: id enim necessitate extortum.*

U. c. 708.  
A. C. 44.

LXXI. Inter has contentiones Antonius, insidiosè *Antonii ratio callida,* habitum animorum speculatus, quum coeptari rem videret ad multa, quae nollet, valituram, injiciendum celeriter impedimentum ratus, audientia-postulata, Priusquam, inquit, uti placere plerisque video, de Caesare sententiae dicantur; hoc equidem sciri considerarique refert, quod rem longe, quam putamus, latius egressuram molimur. Etenim, si tyrannus fuit Caesar, projici cadaver ejus insepulcrum convenit, et acta rescindi. Ceterum acta Caesaris, ut scitis omnes, nullam non terra marique partem imperii contingunt: quorum pleraque revocare, ne si decretum quidem certumque vobis foret, possemus: id quod paullo post apertius demonstrabo. In praesentia velim unum illud mihi considerare, levius ceteris, et in potestate nostra haud dubie situm: ut ita demum ad cetera convellenda accingamini, quum hoc rescideritis. Quotquot ferme sumus senatus primores, prospectos a Caesaris auctoritate magistratus et imperia aut gessimus, aut gerimus, aut gesturi paullo post videmur. De his fieri quid placet?

LXXII. Sic commutata leviter quaestione, quum non jam de Caesare, sed de sua dignitate, intelligerent agi, velox animorum conversio facta, conclamatumque, non esse, cur novis comitiis populo creetur molestia: praestare semel accepta retineri. Prae ceteris tendebant, qui contra leges a Caesare producti, hujus condemnata memoria, nulla se videbant ratione tueri illius beneficia posse. quos inter consul Dolabella, quinque et viginti annorum juvenis, qui neque praeturam gessisset, et in summo esset Antonii odio, sibi haud leviter metuebat.

Celeriter  
convertit  
animos

Acceptos a  
Caesare honores  
retinere cupientium.

LXXIII. Idcirco voces audires stomachantium, non contentos, si non pessimi, saltem insolentis fasti fautores, con-

Cap. LXXI. Dio. Plut. Bruto. Cic. Phil. 11, 1. Cap. LXXII. Appian.

U. c. 708. *cessa amicis venia; sed etiam postulare, ut alii sua dignitate*  
 A. G. 44. *carant, quo factum illorum illustrius videatur atque ornatus.*  
 Sed bono hos animo jubebant esse alii: *neque enim hoc*  
*agi, ut beneficia, sed ut auctor mutetur. eadem habituros eos-*  
*dem, sed jam populi suffragiis; idque ipsis etiam honestius*  
*fore.* Hoc sermone permoti quidam continuo posue-  
 runt magistratus insignia, tamquam paullo post majore  
 cum dignitate recepturi: major tamen pars retinuit,  
 rata semel omissam potestatem, quod in aliorum esset  
 futura manibus, non esse, simul atque cuperent ipsi,  
 redituram.

*Antonius  
 et Lepidus  
 in forum de-  
 scendunt.*

LXXIV. Inter haec evocati e senatu Antonius at-  
 que Lepidus ostenderunt se multitudini, quae in foro  
 innumerabilis constiterat. His in superiore loco con-  
 spectis, ingens sublatus est clamor: quo vix sedato,  
 quidam, dubium an subornatus, exclamavit, *haberent*  
*rationem sui, ne similia atque Caesar paterentur.* Ad haec  
 Antonius, dimota leviter veste, lorica ostendit sub  
 ea, quo magis incitaret animos, ne consulibus qui-  
 dem inermibus tutum esse quidquam, credentium.

*Antonii  
 insidiosior  
 sermo.*

LXXV. Ibi sublatus est iterum a diversis agmini-  
 bus clamor, ultionem, aut pacem varie postulantium.  
 Antonius, utrisque se venditans, *Pacem, inquit, ut*  
*babeatis, curabitur; utque sit ea propria nobis et perpetua.*  
*quamquam id sane difficile est apud hos animos, qui ne juris*  
*quidem jurandi religione retinentur. quid enim ista cautio Cae-*  
*sari profuit?* Deinde, versus ad turbam vindictam po-  
 stulantium, *Vos quidem, inquit, perstat in data semel fi-*  
*de. atque ego etiam ipse accederem vobis, nisi consul essem:*  
*cui non tam respiciendum est, quid sua natura sit aequum,*  
*quam quid esse videatur e republica, ut quidem senatui placeat.*

*Lepidi di-  
 cta.*

LXXVI. Quum fluctuare Antonius videretur, Le-  
 pidum postulare vindicem concio coepit: iussitque in  
 forum degredi, quo a pluribus dicta ejus acciperen-  
 tur. Is igitur quum rostra conscendisset, diu tacitus  
 flevit: deinde, *Hoc, inquit, loco tecum nudius-tertius*  
*constiti, Caesar. nunc de morte tua hinc querendi imponitur*  
*necessitas! Vos vero, Quirites, quid postulatis? Ibi quoque*  
*veterani Caesaris ultionem, mercenarii Cassii pacem adcla-*  
*marunt.*

*Et respon-*  
*sa perplexa.*

LXXVII. At Lepidus his quidem: *Placet, inquit:*  
*sed qualis ista pax erit, et qualibus religionibus tuta? quan-*  
*doquidem Caesari juravimus, idque jusjurandum violatum est*  
*a nobis, qui principes esse ceterorum, qui jurarunt, dicimur.*  
*Mox ultionem flagitantibus, Caesar, inquit, profecto sa-*

erosanctius atque venerabilis nobis ereptus est. at senatus cunctatur metu, ne rempublicam laedas. Reclamarunt illi: Tu igitur solus exsequere. atque ille: Vellem, et fas sit. sed nec ego solus, neque vobis etiam solis adjutoribus in tanta re quidquam aut velle, aut nolle debeo. Perplexa respondentem acrius adgressi mercenarii, quod ambitiosissimum esse scirent, pontificem maximum facturos ostenderunt in Caesaris locum. Et accepit omen Lepidus, egitque gratias, memoresque promissi esse in loco jussit. Tum illis, audacius pacem suam urgentibus: Cum impietate, inquit, et injuria conjunctum negotium est: at tamen, quae jusseritis, faciam. hisque dictis in senatum se recepit.

U. c. 708.  
A. C. 44.

LXXVIII. Ibi Dolabella toto tempore satagebat haud parum indecore, uti retinere magistratum liceret: regressus dudum Antonius cum voluptate et risu spectabat jactantem se inimicum; simul, eequid in foro novarum rerum oriretur, opperiens. Sed postquam et illo spectaculo satiatus est, et extra curiam nihil majoris tumultus motum, animadvertit eo descendendum esse necessario, uti percussoribus impunitas datur. sed, necessitatem tegens, et in maximi beneficii loco daturus incolumitatem, simul confirmaturus Caesaris acta senatusconsulto, ad perficienda, quae animo conceperat, ita coepit.

*Dolabellae cupiditas retinendi consulatum.*

LXXIX. Quamdiu quidem de conjuratione disceptastis, Patres conscripti, ego sententiam meam non interposui. sed ubi, percussoribus omisiss, Caesar oppugnari coepit, ex actis ejus omnibus unius tantummodo mentionem intuli, et ab ea sola difficultate tanto jam tempore vos explicare non potuistis. Neque sane mirandum. nam, si ponimus acceptos ab eo magistratus, periculum est, ne tot et tales viri nostra quoque confessione indigni eis babeamur.

*Antonii oratio.*

LXXX. Quid si jam convertamus animos ad innumerabilia illa, quae vel audire labor sit, quae per civitates et nationes, et regna atque tetrarchias passim constituit Caesar? Quis enim est, ut ita dicam, ad occidentem ab oriente angulus, actorum Caesaris expers: quem ille non aut subegerit armis, aut beneficiis atque humanitate confirmavit? Cogitate igitur, ecquem existimetis aequo animo passurum, auferri sibi, quae acceperit a Caesare, ut non omnia protinus bellis ardeant? At nos in tantum abhorremus a bellis, nec injuria, ut haec sola multis caussa sit, cur impunitam Caesaris caedem esse patiamur. Infirmam enim et nimium vexatam armis rempublicam non nisi quiete refoveri posse, omnes consuscimus atque consentimus.

*Caesaris acta moveri non posse.*

U. c. 708.  
A. C. 44.  
Neque Caesarem pro tyranno haberi.

**LXXXI.** *Sed reges et nationes, et unde longinquior est metus, mitto. Quid vos suburbanam hanc Italiam quieturam creditis, Caesare condemnato? Scilicet veteranos illos, cum iisdem armis et ordinibus in coloniis locatos, nihil movebit metus amittendorum, tyranno judicato Caesare, quae sunt iis data ab eo praemia, quum consul et dictator populi Romani haberetur? Quid quod eorum sunt adhuc in urbe multa millia, qui promissa expectant et exigunt. Ne tamquam rebus incertis ambigamus, admonere recentissimum factum potest, quis hominum sensus sit atque animus. Quae fuerit eorum hac proxima nocte circa senatorum domus discursatio, plurimorum querelis paullo ante cognovimus. Omnes propemodum adpellati sumus, et amplissimus quisque frequentius et minacius. Per horum igitur ora oculosque raptabimus Caesaris corpus, his confectum contumeliis, quibus fas est tyrannorum vexari reliquias; et horum manibus non discerpemur? Scilicet cujus ductu auspiciisque ferocissimas illi devicerunt nationes, cujus beneficio fortunas suas omnes debere arbitrantur, quem semper in summis magistratibus imperiisque viderunt; eum summa adfectum ignominia patienter ferent?*

Tam bene de republica meritum.

**LXXXII.** *Quam urbanae porro plebis, quam Italiae totius indignationem fore credimus? immo quam apud omnes pene dixerim et Deos et homines invidiam nostram? quis ignominia tanta notatum a nobis feret populi Romani modo principem, qui nostrum imperium terminavit oceano; sed et trans oceanum ignotas prius adiecit gentes? Quae vero iudiciorum nostrorum inaequalitas et quam acriter notabitur, si praemia decernamus iis, qui consulem in curia, sacrosanctum in sacro loco, pontificem maximum sub oculis Deorum confecerunt; hunc extrema debonestemus infamia, qui propter excellentem virtutem etiam apud hostes habetur venerabilis?*

Antonii, Planci, Ciceronis sententiae.

**LXXXIII.** *Quapropter ita censeo: Quum C. Caesarem pro tyranno damnari nec fas sit, nec e republica, rata esse acta ejus et consulta omnia: interfectoresque incolumitate contentos esse, gratiasque hujus clementiae nomine habere et agere senatui: quandoquidem simul laudari factum eorum, simul bonori Caesaris consuli non potest. Haec una est optima concordiae, quam omnes optamus, via. sic et veteranos metu, et sollicitudine civitatem liberabimus. In eandem ferme sententiam magnus orator Munatius Plancus, consul designatus, disseruit: nisi quod pro percussoribus paullo liberalius.*

Cap. LXXXIII. Cic. Phil. 1, 1. et 13. Plut. Bruto. Cic. ad Fam. 10, 8.

Hunc deinde M. Tullius excepit, et, qua solebat, summa eloquentia disseruit, *omnem memoriam injuriarum oblivione sempiterna delendam esse*. Sed et Graecum verbum usurpavit *amnestiam*, Atheniensium factum commemorans, qui, post externa atque intestina mala tyrannidemque perlatam, hac una tantum ratione rempublicam constituerent.

U. c. 708.

A. C. 44.

**LXXXIV.** Placatis per haec ferme animis et inclinatibus ad concordiam, sit senatusconsultum, *quaeri de caede Caesaris non placere: acta rata esse*. additum est, propter *iracundiam publicam*, quasi per se invalida fuissent; tendentibus percussorum amicis, et concedente Antonio. Sed et illud expresserunt veteranorum centuriones tribunique, uti de praemiis suis atque coloniis nominatim referretur; hic etiam, quasi per metum, cedente Antonio, et demonstrante, *quum praesidium senatus non habeat, nihil denegari posse armatis*. Inter haec postulantibus Patribus, *usi concordiae ineundae exemplum consules darent, quemadmodum et consilium dedissent*, depositis inimicitiiis in gratiam redierunt: et ex eo die Antonius collegam consulatus sui Dolabellam agnovit.

*Caedes Caesaris impunita: acta rata.*

**LXXXV.** Senatu dimisso, L. Pisonem circumsteterunt quidam, ne tabulas testamenti Caesaris proferret, neve palam sepeliret mortuum, rogitantes: ne forte quid inde novarum rerum exoriretur. Negantem inde presserunt acrius, minas intendentes, si propter eum dissiparentur tantae opes, quas publicas esse porteret, tyrannum fuisse Caesarem subinnuendo.

*L. Pisonis contentio pro testamento et sepultura Caesaris.*

**LXXXVI.** Igitur Piso consules altissima voce testatur, Patres nondum digressos iterum cogi petiit. Rem enim sane magnam incidisse: quando ii, qui tyrannum oppressum esse pugnent, tot exoriantur pro uno tyranni. Sepeliri pontificem maximum vetant, et testamentum proferenti minantur, et bona interfecti publicare pergunt. belli vero homines, qui sibi ab eo tributa firma esse rataque postulant; et, quae suo jure decrevit de suis rebus, irrita esse jubent! Neque hoc Brutus aut Cassius, sed ii nimirum faciunt, qui caedis illis auctores exstiterunt. Ceterum sepultura quidem Caesaris in vestra potestate est, testamentum autem in mea: neque commissum fidei meae prodam, priusquam et me aliquis occide-

Cap. LXXXIII. Dio. et Vell. 2, 58. et Cic. Phil. 1, 1. et Plut. Cic. et Caes. et Bruto, et Anton. Cap. LXXXIV. Appian. Cic. ad Att. 14, 14. Cic. Phil. 1, 13. Dio. Cap. LXXXV. Appian.

U. c. 708. *rit.* His obtestationibus, et quia multi lucrum sperabant ex testamento, facile inducti Patres, et testamentum proferri a Pioue debere, et ipsi Caesari funus publicum, decreverunt.

*M. Bruti concio ad populum.*

LXXXVII. Haec quum vix acta prius, quam nunciata in Capitolium essent, Brutus et Cassius per inter-nuncios excitarunt plebem; multisque eo concurren-tibus, concionari Brutus in hanc sententiam coepit. *Qui vobiscum heri in foro egimus, Quirites, nunc hoc agimus loco, non tamquam ad asylum confugientes, nihil enim peccavimus: neque tamquam ad arcem, qui nos nostraque omnia vobis permittere non recusamus: sed periculo Cornelii Cinnae moniti, quem audacia nonnullorum improviso eodemque indigno casu pene consumpsit. Audimus autem esse, quorum vo-cibus et sermone pro perjuris atque turbatoribus pacis tradu-camur: eoque vos accivimus, coram quibus nos purgaremus, quemadmodum salva libertate, de ceteris etiam, quae ad rem-publicam pertineant, vobiscum agi jus est.*

*Docet, frustra argui perfidiae ob Caesaris necem.*

LXXXVIII. Nos equidem C. Caesari, quum e Gallia ex-ercitum contra rempublicam eduxisset, eoque bello defensorem libertatis Cn. Pompejum, multosque deinde praestantissimos viros in Africa Hispaniaque sustulisset, eoque nomine suo capi-ti non sine causa metueret, fidem jurejurando dedimus, non fore praeteritarum injuriarum memores. in futurum omne tem-pus servituros, neque dedimus fidem; neque, si exegisset, de-dissemus. *Quis enim, qui vere quidem sit Romani sanguinis, non mori, si fieri posset, millies malit? Hactenus igitur obli-gari Caesari fuimus. Idcirco, siquidem Caesar postea nihil contra libertatem nostram molitus est, pejeravimus. sin vero neque magistratus, neque provincias, nec exercitus, aut ullam reipublicae partem senatui populoque Romano reddidit, sed suo unius arbitrio constituit omnia, Sulla deterior, qui tamen, ali-quando satiatus malis publicis, dominationem deposuit: quae non dicam species, sed quae omnino spes superfuit liber-tatis?*

*Nec illum vere sacro-sanctum fuisse.*

LXXXIX. Dicit aliquis, fuit quidem vindicandae vobis libertatis causa iustissima: sed sacrosanctum occidere non de-buistis. An igitur, si aequum utrimque jus esset, aliquem gaudere fas est beneficio legis, quam ipse violavit prior? Sed et causa longe est dissimilis. Caesetius et Marullus qua po-testate fuerunt? Nempe tribunizia, quam antiquissimae leges, jurejurando majorum confirmatae, sacrosanctam esse jusserunt. Sed hos in exsilium exegit Caesar indemnatos, quos, dum illa potestateungebantur, ne in jus quidem vocare fas erat cui-

quam. Et illi tamen haud dubie sacrosancti. Caesar, quia U. c. 708.  
A. C. 44.  
voluit, quia coëgit armis ac terrore tot interfectorum civium, sacrosanctus fuit. Voluntatem igitur suam vimque accuset, quae dare ei hunc potuerunt honorem, tueri non potuerunt.

XC. Sed forte semel ira elatus sic peccavit Caesar. In- Caesarem  
multa pec-  
casse ira-  
tum, et ci-  
tra iram.  
firma defensio! nec enim cuiquam sic licet esse irato, ut patria jura subvertat, tollat religiones, piaculo civitatem obliget. Sed ne vera quidem esset. Quis enim Q. Metello tribuno plebis minitatus est mortem? Caesar profecto: nec ab ira tum quidem, sed effractus aerarium, et rapiendae publicae pecuniae caussa. Desistant igitur exprobrare nobis perjurium, quos neque obstrictos fuisse ulla religione adparet, quin, quod fecimus, faceremus; nec eam, qua fuimus obstricti, ullo pacto violasse. non enim praeteritorum malefactorum a Caesare poenas exegimus, quae erant jurejurando remissae: sed importunum tyrannum, nec dominationem nisi cum vita positurum, ob ea, quae postea peccarat peccaturusque erat innumerabilia, cervicibus oppressue civitatis depulimus.

XCI. Taceo jam plerisque videri, ne jusjurandum quidem Jusjuran-  
tyranno datum servari oportere: quod cum eo nullum esse dum tyrannus  
possit commercium vel humanitatis vel religionis, qui divina no datum an  
atque humana omnia pervertit. Quod igitur, ajunt, postea servandum?  
reperiemus jusjurandum satis firmum atque efficax ad certae stabilisque pacis fiduciam? Quid enim jurejurando opus est nihil praeter civilia cupientibus? quando patres nostri majoresque tali aliqua caussa jurarunt? non enim habebant opus: et inusitatam hanc cautionem novissimus demum tyrannorum excogitavit timor. Licet igitur sane res tota tollatur. etenim probis et modestis supervacua est haec cura; regnum adfectantibus infirma et vana. Nec enim tu, Capitoline Jupiter, sis, vosque ceteri Dii, liberae civitatis tamdiu custodes atque praefides, uti hic populus regem umquam vel juratus ferat! Neque poenitet ista hoc quoque tempore profiteri, quo nondum satis liquet, quid aut patriae futurum sit, aut nobis. sed et profitebimur indefinenter, neque ullo tempore potiores privatas rationes publicis habebimus.

XCI. Cujus quidem rei putamus evidentissimum modo do- Se et socios  
aut privata  
pasthabere  
publicis.  
cumentum edidisse. Quum enim liceret securis honoribus frui, perire in liberata patria, si quidem ira cordi fuisset Diis, quam in oppressa magistratum gerere, maluimus. Sed adversarii satis intelligunt, de jure sibi minime aequam nobiscum discepcionem esse. ad alias confugiunt artes, et maxime quae-runt invidiam nobis facere apud veteranos. quo ex genere si qui adestis, quaeso vos, significate.



U. c. 708.  
A. C. 44.  
Veteranos  
adloquitur.

**XCIII.** Significantibus multis, *Bonum factum*, inquit, quod inter alios cives hic quoque numerus veteranorum venit. ad vos igitur orationem converto, vosque, sicuti cum ceteris civibus omnia vobis patriae communia beneficia sunt, ita amorem quoque et adfectum communicetis, hortor. Vos ab initio non Caesar delegit, nec enim potuit; sed respublica vos dedit Caesari, quibuscum populi Romani hostes coerceret. Iustis illis et legitimis bellis meruistis certe praemia, et iniquus sit, qui adimat. Deinde contra voluntatem vestram, sed quasi sacramento devinctos, adversus patriam et defensores patriae dixit. quibus ex bellis, si haec vobis sola bellata essent, petere praemia vos etiam ipsos, opinor, puderet: sed Gallici sunt et Britannici labores, quorum vobis laudem atque merita neque tempus ullum, nec invidia abrogabit.

Praemia  
poscitur  
ad morem  
majorum.

**XCIV.** Sed neque vos aversabimini pro his praemia, quae majores nostri concedere consueverunt. Illos enim novimus sociorum aut aliorum innocentium possessiones non adigisse: ne hostibus quidem superatis totum eripuisse agrum; sed, parte adempta, deduxisse colonos, ut in officio vicii continerentur. Quod si forte angustior, quam pro numero colonorum, ager erat, dividebatur publicus, aut a volentibus emebatur pecunia. Hac quidem ratione, quum vis imperii penes populum esset, sine querela cujusquam in colonias deducebamini.

Nam Caesarianum malum esse.

**XCV.** Nuper demum L. Sulla, et postea Caesar, patriam, tamquam hostilem urbem armis captam, armis retinere necessum habuerunt. Itaque, satellitum et custodum egentes, neque missionem vobis dare voluerunt, neque publicum saltem agrum dividere; sed neque pretium qualiscumque solatii causa numerare possessoribus, quamquam abundabant pecunia ex vectigalibus publicis ex basta: verum Italiam omnis expertem delicti praedonum more spoliaverunt agro, focis, aris, sepulcris, quae nec externis admimus iusto bello subactis, decimis tantummodo frugum contenti. Sic igitur vestrorum civium bona vobis divisa sunt: eorum, inquam, qui Caesaris ipsius auspicio, vobis commilitonibus, bello Gallico tulerant arma; qui vos proficiscentes in expeditionem deduxerant; qui pro incolumitate vestra atque victoria vota fecerant.

Quod eos il-  
ligare stu-  
duerit sceleribus et metu.

**XCVI.** Et deducti quidem estis sub signis, densisque ordinibus, ut adpareret, non ad quietem vos, sed in aciem, venire; paratos ad inferendam injuriam, neque ab aliorum insidiis tutos. neque enim fieri potest, ut, quibus agri sui per vim ablati sunt, eos diutius, quam necessum sit, penes injustos possessores esse patiantur. Unde liquido adparet, quo

confilio sit hoc a tyrannis factum. non enim profecto, vos uti agros haberetis, (dari enim aliunde citra injuriam poterant) sed ut, vos intelligentes multis esse odio, fidei defensores essetis ejus imperii, cujus auctoritate vestrae possessiones defenderentur. Hoc enim unum satellitibus adversus dominantes est fidei vinculum, ut contracta ex communibus delictis pericula communi etiam Marte operaque propulsent.

U. c. 708.  
A. C. 44.

XCVII. Videte igitur, quid inter illos nosque intersit. Illi, quorum acta valere contra justitiam utilitas vincit, effecerunt, ut alii vobis suspecti, vos aliis invidi essetis. Nos, quibus, qui nunc sunt in republica, principes incolumitatem dicunt clementiae et misericordiae causa concedere, hoc agimus, ut eorundem omnium non modo secunda vobis, sed etiam tuta, sit possessio. Fallimini, si vestris armis fiditis, et omnia putatis esse in praesenti potentia. tempus varie versat res humanas, et occasionem saepe praebet infirmioribus adversus robustissimos. Pereant, qui morem tam illiberalem reduxerunt in vitam, quique inductum resinent, ut potentiori quidlibet liceat! et profecto perierunt. Etiam crocodilum, tam et validam et astutam belluam, contemptum animalculum ichneumon dormientem interimit. ne quis tantis viribus tantaque vigilantia sit praedo, quin saepe non aliorum modo praedonum insidiis pateat, sed eorum etiam, quos spoliavit. Nisi jure et amicitia nos nostraque muniamus, nihil nobis umquam certum aut quietum erit.

Sua et Caesaris beneficia comparat.

Sus et amicitia unum vinculum securitatis.

XCVIII. Nos igitur, qui pro communi libertate facinus pulcherrimum soli fecimus, primos adlaborare convenit, ut recuperatum munus ad omnes ex aequo cives communi laetitia fructuque perveniat. Igitur, et quae accepistis, confirmamus, et, quo vobis propria sit ac justa possessio, quamprimum per reipublicae necessitates poteris, enixe dabimus operam, ut prioribus dominis pretium ex aerario solvatur. Ita nobis atque reipublicae praesentia, quae testamur, numina, quidquid optimo proposito fecimus, bene evenire jubeant.

XCIX. Haec oratio valde mitigavit animos: praesertim ubi, missis etiam in forum tabulis, eadem scripto polliciti sunt. jamque unus omnium sensus erat, fortissimos et reipublicae amantissimos viros dignitati suae redimendi oportere. Sed invitantibus ad descendendum Brutus et Cassius invitantur ad descendendum de Capitolio. ti Cassiusque responderunt, facturos, simul tuto possent. Igitur obsides in Capitolium mitti placuit: missique

Brutus et Cassius invitantur ad descendendum de Capitolio.

Cap. XCVII. Solin. c. 35. Cap. XCIX. Appian. Dio. Appian.

U. c. 708. parvulus Antonii filius cum M. Lepidi liberis. Lepi-  
 A. C. 44. do ulcisci Caesarem animus fuerat. sed destitutus a  
 militibus, otium et concordiam spectantibus, nihil  
 audebat: et suadebat Antonius, praesentibus adque-  
 sceret, ipse minime cupidus pacis; sed ne Lepidus  
 armatus, se infirmo, unus omnia posset.

*Comiter ex-  
 cipiuntur ab  
 Antonio et  
 Lepido.*

C. Descendentibus e Capitolio adplausum atque  
 adclamatum est: et, consulibus nescio quid incipien-  
 tibus dicere, postulatum, *uti prius dexteras darent invi-  
 cem atque reconciliarentur.* Inde metus incessit consules,  
 ne paullo post percussorum factio majores, quam ipsi,  
 vires obtineret. Salutarunt tamen omnes invicem,  
 complexique sunt comiter: et ab Antonio Cassius, a  
 Lepido adfines Brutus ad coenam invitati. ceteros et-  
 iam, ut cuique familiaritas aut necessitudo erat, alii  
 senatores exceperunt. Ibi Cassium, inter conviva-  
 lium sermonum simplicitatem interrogatum ab Anto-  
 nio, *num adhuc pugionem haberet sub ala?* respondisse fe-  
 runt, *Et acutissimum quidem, si et tu adfectas tyrannidem.*  
 Postridie, simul atque illuxit, senatus est habitus,  
 praesentesque Brutus et Cassius ceterique laudati sunt,  
 iisque provinciae decretae, quas eis Caesar ex prae-  
 tura destinaverat, Macedonia et Syria. sed et Asia  
 Trebonio, Bithynia Cimbro decreta. Galliam Cisal-  
 pinam D. Brutus ex destinatione Caesaris retinuit.

*Sepultura  
 Caesaris no-  
 vam tempe-  
 statem exci-  
 tat.*

CI. Hactenus omnia satis composita atque serena  
 adparuerunt. sed celeriter, unde non exspectabatur,  
 mota tempestas novis turbinibus atque procellis in-  
 horruit. De testamento itemque sepultura Caesaris  
 agebatur. Cassius utrique repugnabat vehementissime,  
 ratus, quod res erat, perisse causam, siquidem ille  
 funere elatus esset; et L. Pisonis atque L. Caesaris  
 sententiam laudabat; qui nuper, quum eadem de re  
 quaereretur, quamquam alter socer defuncti, alter  
 gentilis esset, funus fieri vetuissent: si tamen ea Pi-  
 sonis sententia fuit. Ceterum Brutus, ingenio mitis  
 et moderatus, utrumque permisit.

*Ejus testa-  
 mentum.*

CII. Testamentum igitur adlatum, quod proximis  
 Idibus Septembribus in Labicano suo fecerat, deman-  
 dave-

Cap. XCIX. Cic. Phil. 1, 13. et 2, 36. Vell. 2, 53. Plut. An-  
 ton. et Bruto. Dio. Cap. C. Appian. Plut. Bruto. Dio. Plut.  
 Bruto. Appian. Civil. 1. 3. Plut. Cap. CI. Cic. ad Att. 14,  
 10. et 14. Lactant. 1, 15. Plut. Cap. CII. Sueton. Caes. 83.

daveratque maximae Vestali, L. Pisone postulante, in domo Antonii consulis aperitur. Scripserat heredes sororum nepotes C. Octavium ex dodrante, L. Pinarium, Q. Pedium ex quadrante reliquo: in ima cera C. Octavius in nomen adoptabatur: pluresque percussorum in tutoribus filii, si quis sibi nasceretur, nominabantur. D. Brutus etiam in secundis heredibus scriptus erat: quae res valde miserabilis est visa, huius potissimum consilio occisum fuisse, quem tantopere dilexisset. Ut vero populo Romano hortos circa Tiberim cum signis atque tabulis publice legatos adeperunt, et viritim sestertios trecentos; lucri dulcedine convulsi et mutati, *Caesarem injustissime pro tyranno vituperari, exclamarunt, quo nemo fuisset patriae civiumque amantior.*

U. c. 708.  
A. C. 44.

CIII. Idcirco Caesaris corpus, in forum a Pisone illatum, magna multitudo cum armis circumdedit: positumque pro rostris est in aurata aede, ad effigiem templi Veneris Genitricis fabrefacta: intra quam lectus eburneus erat, auro ac purpura stratus, quem magistratus et honoribus functi intulerant; et ad caput tropaeum cum praetexta, in qua fuerat occisus. Indictum erat funus in campum Martium, ibique rogos exstructus. Igitur praeferentibus munera, quia suffecturus dies non videbatur, praeceptum, *ut, omisso ordine, quibus quisque vellet itineribus, eo deportaret.* Magna ibi comploratio orta, querelaeque proruperunt, senatusconsulti quamquam recentis immemores.

*Corpus in forum infer-  
tur.*

CIV. Quam inclinationem populi ubi M. Antonius vidit, laudationis loco pronuntiavit per praeconem senatusconsultum, quo divinos ei humanosque honores omnes decreverat. ipse perpauca a se verba addidit: ut unumquodque ex senatusconsulto recitabatur, augens extollensque ad miserationem et invidiam. Quum senatusconsulto *Pater patriae* adpellaretur, *En,* inquit, *pietatem, qua tractatus est hic patriae Pater.* Ad mentionem *sacrosancti, qui nemini violabilis, sed et aliis perfugio esse deberet,* exclamavit: *Enimvero non alius ad hunc confugiens, sed ipse hic sacrosanctus occisus est. Quos ille profecto honores neque jussit unquam, neque petiit. Nos vero illiberales, qui honores ejusmodi dedimus, ut volunt,*

*Antonii se-  
ditiosae vo-  
ces.*

Cap. CII. Vell. 2, 59. Appian. Dio. Plut. Caes. Sueton. Dio. Appian. Cap. CIII. Sueton. Appian. Cap. CIV. Sueton. et Appian.

Supplem. Liv. Tom. XIV.

R

U. c. 708. indigno nec petenti. *Quamquam vos, ô fidi cives, hic, querens*  
 A. C. 44. *etiam mortuo habetis, honor ab hoc crimine satis liberat.*  
 Praelecto deinde jurejurando, quo se pro salute ejus  
 adstrinxerant omnes, execrabilemque esse jusserant,  
 qui non vindicasset petitum insidiis; contentissima vo-  
 ce manumque ad Capitolium sublata, *Juravi, inquit,*  
*Jupiter Diique ceteri, et paratus eram ulcisci. sed, quando*  
*haec potius decerni e republica visum est Patribus, precor,*  
*ut sint utilia.*

CV. Tumultuantibus ad haec verba senatoribus,  
 nec enim obscure petebantur, ad leniendam offensam  
 subjecit: *Sed oportet, Quirites, existimare, Deorum hanc*  
*potius invidiam, quam mortalium factum fuisse: magisque de*  
*praesentibus, quam praeteritis, esse sollicitos. magna enim*  
*nos pericula circumstant, et, si iterum ad arma itur, omnis*  
*reliqua nobilitas perit. Quod igitur superest, hunc Deorum*  
*numero adscriptum destinata pompa deducamus, laudes lacri-*  
*masque debitas persolvendo.*

*Et factum.* CVI. Haec loquutus, veste raptim more fanatici  
 cujusdam subducta, accinxit sese, lectumque subinde  
 aperiens et introspiciens multa querebatur. postremo,  
 sanguinolentam Caesaris vestem conto sublata explicans,  
 indignamque viri necem miseratus, populum  
 veluti furore quodam inflammavit. Adcesserunt dein-  
 de inter ludos ex poëtis adcommodatae ad hunc ca-  
 sum voces; mirificeque commovit animos illud a Pa-  
 cuvio: *Men' servasse, ut essent, qui me perderent! quod*  
*interfectorum plerique, quum fuissent in Pompejanis*  
*partibus, Caesaris beneficio non vitam modo fortu-*  
*nasque suas, sed etiam dignitatem, retinuerant.*

*Simulacrum* CVII. Sic adfectos nova etiam species adjecta in-  
*Caesaris ex* saniores fecit. Corpus ipsum in lecto jacens conspi-  
*cera.* ci non poterat. sed simulacrum, ex cera confictum  
 pari magnitudine, machina quadam extolli ex eodem  
 lecto poterat, tria et viginti vulnera repraesentans  
 iisdem locis, quibus percussum corpus fuerat.

*Corpus in* CVIII. Ibi vero nemo se continuit amplius. pars  
*foro crema-* eum in Capitolini Jovis cella cremare destinabat; alii  
*tur.* faces ingerebant curiae, in qua occisus fuerat, eo  
 corpus illaturi, nisi metu, ne una theatrum et templa

Cap. CVI. Quintil. 6, 1. Plut. Anton. et Bruto. Suet. et  
 Appian. Cap. CVII. Appian. Cap. CVIII. Sueton. et Dio.  
 Appian.

arderent, sacerdotes prohibuissent. quum repente duo quidam, gladiis succincti, ac bina jacula gestantes, succenderunt lectum in foro, ubi regia quondam fuerat: confestimque circumstantium turba cum subselliis tribunalia, mensasque nummulariorum, et quidquid lignorum in foro erat, cum ipsa funeris pompa domusque coniecerunt in rogam. deinde tibicines et scenici artifices vestem, quam, ex instrumento triumphali funeris condecorandi causa acceptam, induerant, sciderunt, inieceruntque flammae; et veterani arma, quibus exculti celebrabant funus, nonnulli coronas etiam et dona militaria; matronae insuper pleraeque ornamenta sua, quae gerebant, et liberorum bullas atque praetextas. Hac flamma domus L. Bellieni delapsa: multaque et alia vicina foro aedificia corripuit ignis, nisi milites restitissent, consulumque iussu quidam perditorum, qui dolo augebant incendium, de rupe Tarpeja praecipitati essent. Nec ideo minus plebs, adensis e rogo facibus, ad domum Brutorum et Cassii ceterorumque cucurrit, easque oppugnavit, et vi rejecta minitata est, postridie cum armis adfore.

U. c. 708.  
A. C. 44.

CIX. Sic saevienti forte se Helvius Cinna tulit obviam, extremum officium persoluturus amico, quem uri in foro audiverat, quamquam valetudine infirma, et proximae noctis dira quiete territus. Visus erat invitari a Caesare, et, quum renueret, adrepta manu trahi. Erat multitudo infensissima Cinnae Cornelio, qui nuper graviter erat in Caesarem concionatus. Igitur, audito, *Cinnam adesse*, tanto furore concitata est, ut frustra testantem, *sibi nihil commune cum illo praeter cognomen esse*, ferarum more discerneret, caputque praefixum hastae circa rogam ferret. Ea causa fuit C. Cassae, qui et ipse tribunus plebis erat, libellum proponendi, *sibi et Servilio Cassae parricidae cognomen idem, mentem longe diversam esse*. Ob hunc tumultum edixerunt consules, *ne quis arma ferret, militibus exceptis*. atque ita caedibus finis est impositus,

*Helvii Cinnae somnium et mors.*

CX. Interea reliquiae Caesaris a libertis in monumentum illatae sunt: in loco busti populus aram exci-

*Populus memoriae Caesaris honorat.*

Cap. CVIII. Sueton. Dio. Appian. Sueton. Plut. Caesar. etc. Sueton. Cic. Phil. 2, 36. Dio. Appian. Sueton. Plut. Caesar. etc. Appian. Cap. CIX. Sueton. Dio. Appian. Plut. Caesar. et Bruto. Val. Max. 9, 9. Dio. Cap. CX. Cic. Phil. 2, 42.

U. c. 708. tavit. columna quoque erecta est prope pedum viginti  
 A. C. 44. ex marmore Numidico, inscriptumque, *Parenti Patriae*.  
 et hic loci sacrificare, libare, vota suscipere, con-  
 troversias quasdam interposito per Caesarem jureju-  
 rando dirimere instituerunt.

*Pseudo-Ma-  
 vii cujusdam  
 audacia.*

CXI. Haec auctore quodam Amatio, humillimae  
 sortis juvene, facta, sed qui, se C. Mario C. F. pro-  
 genitum ferens, apud turbatam et credulam plebem  
 plurimum posset. Nam et vivo adhuc Caesare eo au-  
 daciae venerat, ut venienti in urbem Octavio cum  
 magno agmine, in quo et matronae quaedam erant  
 necessariae Caesaris, ad Janiculum occurreret. quo  
 tempore adolescentulus ille magnum sane prudentiae  
 speciem edidit.

*C. Octavii,  
 post Augu-  
 sti, in adole-  
 scentia pru-  
 dentia.*

CXII. Magnopere instabant ei, qui cum Amatio  
 venerant, ut eum pro cognatione, quae Mariis cum  
 familia Caesarum esset, complecteretur. dubitabat,  
 quid faceret, Octavius: admitteret, quem sciret ab  
 Atia matre sua atque a matertera repudiari? rejiceret  
 igitur tanta stipatum manu testimonium ei generis fe-  
 rentium, et maximo favore hominum elatum ad mini-  
 me spernendam potentiam? Quippe coloniae vetera-  
 norum complures, et municipia splendida, collegia-  
 que fere omnia patronum adoptarunt: et paullo ante,  
 quum reversus ex Hispania Caesar populum in hortos  
 suos admisisset, proximo intercolumnio propemodum  
 aequae frequenter, atque Caesar, fuerat salutatus. Tan-  
 dem lenibus verbis, *ad se minime pertinere iudicium de  
 tantis rebus*, respondit: *Caesarem uti rei Romanae, ita et  
 familiae suae, principem esse: hujus voluntatem sibi pro prae-  
 cepto fore. interim integra omnia servaturum.*

CXIII. Sed Caesar, comperto, Hierophilum ei no-  
 men, artem veterinariam esse, nolente caussam ejus  
 suscipere Cicerone, extra Italiam decreto relegavit.  
 At is post necem ejus redierat, validaque manu cin-  
 ctus metum, non intersectoribus modo, sed universo  
 senatui, maximum injiciebat, de interficiendo eo con-  
 silia agitare creditus.

*Falsi Marii  
 supplicium.*

CXIV. Igitur, legatione impetrata libera, multi ex  
 urbe discedebant, alius alio: et, qui provincias ha-

Cap. CX. Appian. Dio. Sueton. Cap. CXI. Appian. Ci-  
 vil. 1. 3. Liv. Epit. Nicol. Damasc. de Instit. Aug. Cap.  
 CXII. Val. Max. 9, 15. Nicol. Damasc. Cap. CXIII. Val. Max.  
 Cic. ad Att. 12, 49. Val. Max. Cap. CXIV. Cic. ad Fam. 11, 1.

bebant a Caesare, proficiscebantur. Brutus autem et Cassius praetores deducendos in colonias veteranos curabant, ne quid turbarum in urbe darent: id quoque concedentes beneficii, uti portionem suam cuique liceret vendere, quod lex ante vicesimum annum non admittebat. His quum insidiari falsus Marius diceretur, ab Antonio raptus in carcerem, atque ibi indicta causa necatus est. Patres, consulis audaciam mirati, factum non improbarunt, quod, eo superflite, sollicitam plenamque metus vitam acturi videbantur.

U. c. 708.

A. C. 44.

CXV. Sed aerarium privatum, quod interfectori-  
bus constitui ab equitibus Romanis quidam excogita-  
verant, T. Pomponii Attici gravitate sublatum est. Is  
enim, equestris ordinis aetate et existimatione facile  
princeps, quum adpellatus ea de re per C. Flavium,  
Bruti familiarem, esset, respondit: *si quid Brutus de  
suis facultatibus uri voluisset, usurum, quantum eae pateren-  
tur: sed neque cum quoquam ea de re colloquuturum, neque  
cururum.* Et valuit exemplum primarii viri, qui ne-  
que partium odio hoc faciebat, quarum principes ad-  
amabat; neque parcimonia, ultro plura collaturus,  
quam petebantur: sed quia viro bono discedendum a  
ratione recta nusquam videbatur. At huiusmodi ho-  
mines interdum importuni sunt vetita molientibus:  
neque dubium est, quin illa Attici tergiversatio Bru-  
torum causam haud perfunctorie perculerit.

*Pomponii  
Attici gra-  
vitas.*

CXVI. Sed et in senatu per eosdem illos dies,  
Antonio referente, multa praeclare constituta: inter  
quae, *ne qua post Idus Martias immunitatis tabula, neve  
cujusquam beneficii figeretur; et illud, omnium maxime  
aptum libertati, ut nomen dictaturae in perpetuum e repu-  
blica tolleretur; execrationibus additis in eorum capi-  
ta, qui mentionem ejus fecissent, quive magistratum  
eum acceperant; praemiis quoque constitutis, si quis  
horum aliquem occidisset. Quum ob haec laudibus  
omnium Antonius in coelum efferretur, aemulatione  
accensus Dolabella, per absentiam collegae, tumultu-  
antem subinde plebem acerrimis suppliciis repres-  
sit, liberos homines de saxo dejici jubens, servitia*

*Præclara  
senatuscon-  
silia.*

Cap. CXIV. Dio. Appian. Civil. 1. 3. Val. Max. Appian.  
Cap. CXV. Corn. Nepos in vita Attici. Cap. CXVI. Cic.  
Phil. 1. 1. et 13. et 2, 36. Liv. Epit. Dio? Appian. Cic. Phil. 1,  
2. et ad Att. 14, 15. et 16.



U. c. 708. in crucem tolli. sed et columnam aramque Caesari positam evertit, solumque sternendum locavit. At haec omnia brevi sunt in contrarium versa: eodemque loco templum postea exstructum in Deorum numerum relato. Hoc primum Romae impiae stoliditatis exemplum fuit: a quo postea manavit mos absurdissimus defunctos Imperatores adpellandi *Deos*, quos vivos ne reges quidem adpellari majorum gravitas tulerat.

*Caesaris  
elogium.*

CXVII. Hunc exitum vitae C. Caesar sexto et quinquagesimo aetatis anno habuit: vir Alexandro Magno haud immerito conferri solitus, maximi vigoris ad omnia, qui perficere, quod vellet, posset: hoc minor, quod non voluit meliora, dubiumque reliquit, utrum eum nasci, an vero non nasci, reipublicae magis profuisset. Generis humani profecto pestis fuit crudelissima; qui pugnis quinquaginta duabus, quarum multo majorem partem sola ductus ambitione decertavit, undecies centum et nonaginta duo millia hostium occidisse fertur: non computatis civium infinitis millibus, quorum referri numerum vetuerat.

Cap. CXVI. Appian. Civil. 2. Sueton. Caes. 88. Appian. Cap. CXVII. Suetonius. Plut. Caes. Appian. Civil. 2. Plin. 7, 25. Sen. Nat. Quaest. 5, 18. Plin. 7, 25. et Solin. c. 6.

## EPITOME

### LIBRI CENTESIMI DECIMI SEPTIMI.

*C. Octavius Romam ex Epiro venit, (ep enim illum Caesar praemiserat, bellum in Macedonia gesturus) ominibusque prosperis exceptus etiam nomen Caesaris sumsit. In confusione rerum ac tumultu Lepidus pontificatum maximum interceptit. Sed M.*

*Bellum in Macedonia gesturus* Florus 4, 2. extr. et Dio 45. princ. tantum bellum adversus Parthos memorant. Sueton. Caes. 44. et Aug. 8. adversus Dacos et Parthos. Vellej. 2, 59. et Appian. 2. Civ. 499. bellum Geticum et Parthicum. Si auctor Epitomes nomine Macedoniae Dacos quoque et Getas comprehendit, admodum late id sumsit. **DUKERUS.**

*Omnibusque prosperis exceptus* Vet. lib. *ominibusque*. Ea vero *omina* quae fuerint, Obsequens [cap. 128.] et Dio lib. 45. [pag. 272.] et Vellejus [2, 59.] tradunt. Cum enim urbem intraret, solis orbis super caput ejus curvatus, rotundatusque in colorem arcus, velut coronam tanti mox viri capiti imponens conspectus est. **SIGON.** *omnibusque prospere exceptis* Boend. Norv. et primae edd. pro quo Frob. anno 1535. *ominibusque prospere exceptus*. Ejus loco Gryphius anno 1548. operarum, ut videtur, errore *omnibusque prosperis exceptus* edidit, sed *ominibusque* Sigonius emendavit; quem tamen proximi editores ante Grovium audire neglexerunt. Si-

gonio consentiunt Leid. Voss. Lov. 2. et Exc. Pithoei, nisi quod eorum primus *exceptis* praeferat. *omnibusque* est in Berg. Passim in Mitis et edd. vett. commutantur *omen* et *omne*, ut etiam *omina* et *omnia*. Vide ad 5, 55, 2. 6, 39, 8. 23, 13, 4. 24, 16, 10. 29, 10, 8. 40, 5, 4. Carrion. ad Val. Flacc. 1, 231. et quae notantur ad Silii Ital. 9, 4. Mox etiam deest in Boend. et ed. Camp. quod nomen legit Berg. et nomen Leid. Voss. et Lov. 2. Vide ad 22, 47, 9.

*In confusione rerum ac tumultu Lepidum pontificem maximum interemit* Ne hoc quidem quemquam alias legisse opinor, Lepidum pontificem maximum ab Octavio, ubi primum Apollonia rediit, interentum; immo vero ne id quidem Epitomarum scriptor scripsit. Nam infra ait, M. Lepidum ab Octavio, abrogato triumviratus honore, vitam impetrasse. Est ergo locus mirum in modum vitiatus. Vetus liber vestigia aliqua continet, quibus ad germanam lectionem pervenire valeamus: sic, *in confusione rerum ac tumultum Lepidum pontificem tum*

*Antonius consul, quum inpotenter dominaretur, legemque de permutatione provinciarum per vim tulisset, et Caesarem quoque, petentem, ut sibi adversus percussores avunculi adesset, magnis injuriis ad-*

*maximum interfecit. Hinc ego: in confusione rerum ac tumultu M. Lepidus pontificatum maximum interceptit.* Confirmat hanc lectionem Vellejus, qui aët lib. 2. [cap. 63.] *Lepidus in locum C. Caesaris mortui pontifex maximus furto creatus.* SIGON. Rem narrat Dio lib. 44. extr. Adde Bosium de Pontif. Max. Romae vet. cap. 3. §. 5. DUHER. Lectio, quae in capite Scholii Sigonii exstat, superest in Leid. Boend. et Norv. *ac tumultum Lepidum pontificem maximum interfecit* legit Berg. *ac tumultuum Lepidum pontificem maximum interfecit* Voff. *ac tumultuum Lepidum pontificem tum maximum interfecit* Lov. 2. et Exc. Pithoei. Sigonium veram scripturam restituisse, loca veterum a viris doctis laudata probant. *interficere* et *intercipere*, sive *interfectus* et *interceptus* etiam alibi a librariis commutantur. V. ad 3, 30, 8, et Celeberr. Burm. ad Sueton. Claud. 1.

*De permutatione provinciarum* Ita Gronov. anno 1665. edidit; eadem lectio superest in Leid. Voff. Berg. Lov. 2. Boend. et ed. Camp. Priores praeferunt *de provinciarum permutatione*, quod servant Exc. Pithoei, et Norv. Paullo ante *et Antonius* Exc. Pithoei. *et M. Antonius* Leid. Voff. Berg. Lov. 2. Boend. et ed. Camp. Tum *legem quoque* ed. Camp. V. ad 5, 27, 1.

*Tulisset per vim* Vet. lib. *per vim tulisset.* SIGON. Similiter Leid. Voff. Berg. Lov. 2. Boend. Exc. Pithoei. et ed. Camp.

*Adversum avunculi percussores* Avunculi magni dicendum erat. Ita tamen etiam Sueton. [Aug. 10.] *Nihil convenientius, quam necem avunculi vindicare.* SIGON. Vinetus quoque ad Epitom. de Caesar. cap. 1. ubi Caesar major avunculus Octavii vocatur, e Paulo Jcto in l. 10. §. 15. D. de Gradib. adnotat, *avunculum magnum* dicendum fuisse. Hoc ad cap. 1. Auctoris de Caesaribus, qui sub Aurelii Victoris nomine circumfertur, ab eo sumpsit Schottus, et suo iudicio usus pro eo, quod ibi ante legebatur, *adoptione majoris avunculi Caesaris*, substituit *magni avunculi*, ac simul scriptori illi auctorem erroris fuisse dicit Suetonium, qui in Aug. cap. 7. Caesarem *avunculum majorem* Octavii vocet. Potuisset etiam ex eodem Paulo 4. Sentent. 11. §. 4. et e Festo v. *Major avunculus* ostendere, *avunculum magnum* aviae, *majorem* proaviae fratrem esse, et tamen reprehensione Suetonii supersedere. Si Suetonio propositum fuisset gradus cognationum enumerare, et docere, quo quaeque persona gradu ab alia distet, sine dubio dixisset, Caesarem, fratrem Juliae, aviae, non proaviae, Octavii, *avunculum magnum* illius fuisse. Nam in gradibus numerandis necesse est, ut gradus numero, sic personas nominibus distingui. Sed non versatus est in illo argumento Suetonius, unde intelligi potest, in communi usu loquendi discrimen illud non fuisse observatum, et eum, qui Jctis, gradus et nomina cognationum distin-

*fecisset; Caesar, et sibi, et reipublicae vires adversus eum paraturus, deductos in colonias veteranos excitavit. Legiones quoque quarta et Martia signa ab Antonio ad Caesarem tulerunt. Deinde et com-*

gentibus, avunculus magnus est, vulgo etiam avunculum majorem dictum fuisse. Ita enim Vellejo quoque 1, 59. Caesar est avunculus major Octavii, et Suet. Claud. c. 3. Augustus avunculus major Claudii, qui Claudio avunculus magnus, Antoniae matri illius, Octavia, sorore Augusti, natae, avunculus erat. Et id quo magis credam, etiam eo inducor, quod, ut hic ab auctore Epitomes, ita etiam a Vellejo. l. d. et cap. 60. a Suetonio. Aug. cap. 8. et 10. et ab Orosio 6, 18. Caesar nec magnus, nec major avunculus, sed tantum avunculus Octavii appellatur; et quod Scholiafles Persii, quem Cornutum vocant, ad Satyr. 6, 60. majorem avunculum aviae fratrem esse dicit. Si nominibus cognationum, quibus JCTi in enumerandis gradibus alias personas ab aliis distinguunt, numquam aliter in alio argumento uti licuisset, ne ipsi quidem appellationem patris ad avum, et filii ad nepotem producere, neo alii scriptores fratres et sorores de aliis, quam qui iisdem parentibus, aut alterutro eorum nati erant, dicere potuissent. DUK. Caesarem Octavii vel Augusti avunculum vocat etiam Suet. Aug. 68. et 94. Ceterum Gronov. anno 1665. vulgari curavit adversus percussores avunculi, quod probant Leid. Voss. Berg. et Lov. 1. adversus avunculi percussores Boend. et ed. Camp. Vide ad Epit. 47. Lectioni, quae antea circumferabatur, adhaerent Exc. Pithoei, et Norvic.

*Magnis injuriis affectit. Caesar, ut sibi et reipublicae vi-*

*res contra eum] Melius concluditur haec tota oratio in vet. lib. ita: magnis injuriis affectisset, Caesar et sibi et reip. SIGON. magnis injuriis affectus est Leid. Voss. Berg. Lov. 1. et Boend. affectus esset Exc. Pithoei; quod pro affectisset librarii dederunt eodem errore, quo reliquiae pro reliqua erant, admissae essent pro admisissent, ac similia plura, de quibus vide ad 23, 29, 16. Dein et sibi et reipublicae Voss. Berg. Lov. 1. Boend. Exc. Pithoei, et ed. Camp. Insuper adversus eum Leid. Voss. Berg. Lov. 1. Boend. et ed. Camp. Vide ad Epit. 57.*

*Deductos in colonias veteranos excitavit] in colonia Voss. Berg. Boend. et ed. Camp. in coloniam Lov. 1. Male. Praeterea excivit scribendum conjicit Ger. Vossius ad Vell. Patere. 1, 61. quia pariter Vellejus ibi dicit: Primumque a Calatia, mox a Casilino veteranos excivit paternos. Librarios ita saepe peccasse, notavimus ad 23, 41, 1. Hic tamen codd. vulgatum servant.*

*Signa ab Antonio ad Caesarem tulerunt] Suspicebam trans tulerunt, ac trans fortassis propter compendium scripturae hujus vocis periisse. Sed nihil mutato. Vellejus 1, 61. Sublatis signis ad Caesarem se contulerunt. DUK. transtulerunt scribendum existimat Crevierius. At libri nihil mutant.*

*Deinde plures saevitia] Vot. lib. Deinde et complures. SIG. Consentiant Leid. Berg. et Exc. Pithoei. Deinde complures Lov. 1.*

*plures saevitia M. Antonii, passim in castris suis trucidati, quia et suspecti erant, ad Caesarem desciverunt. D. Brutus, ut petenti Cisalpinam Galliam Antonio obsisteret, Mutinam cum exercitu occupavit. Praeterea discursus utriusque partis virorum ad accipiendas provincias, adparatusque belli continet.*

*Trucidati, quia et suspecti erant, et ad Caesarem]* Dele [ultimum] et ex vet. lib. SIG. Sigonius copulativam delet. Bene. Sed hoc amplius lege: *Deinde et complures saevitia M. Antonii, passim in castris suis trucidantis, qui suspecti erant, ad Caesarem desciverunt.* J.FR. GRON. *trucidat, quia et suspecti erant, et ad Caesarem de-*

*sciverant Leid. trucidati, quia et suspecti erant, ad Caesarem desciverunt* Voss. Berg. Lov. 2. Boend. et ed. Camp. *trucidati, qui et suspecti erant, ad Caesarem desciverunt* Exc. Pithoei.

*Discursus utriusque partis]* *Discursum* Voss. Berg. Lov. 2. et Boend. Paullo ante cum exercitu recuperavit Leid.

# JOHANNIS FREINSHEMII

## SUPPLEMENTORUM LIVIANORUM LIBER LXXXII.

### IN LOCUM LIBRI CXVII. T. LIVII.

I. Occiso Caesare, quum, immenso interfectorum errore, potius sublata recens respublica, quam restituta vetus esset, spe, metu, sollicitudine, rumoribus omnia miscebantur. Quibus dominatio lucro fuerat, adsertores ejus respicere, fovere, etiam incendere: quamquam id palam prae se ferebat nemo. Lepidus et Antonius amicos magis Caesaris, quam ultores, profitebantur, nec ipsi fidentes invicem, et nescii, quorum evasura praesentia forent; si casus daret, non ausuri leviora, quam Caesar concupiverat. Percussos, facto suo laeti, Patrumque laudibus erecti, dum ad honestatem retulisse omnia videri volunt, negligentiores erant in comparandis ad fortuita praesidiis.

U. c. 708.

A. C. 44.

*Status rei publicae post Caesarem.*

II. Senatus discors, et plerisque omnia alia, quam rempublicam, spectantibus, vindicatam ordini dignitatem gratulabatur magis, quam usurpare noverat: pars magna otium, alii privatas rationes spectare: nihil in plerisque gravitatis, nihil in reliquis potentiae esse. Milites magna Caesaris veneratione hunc unum anteferre omnibus; ceteros despiciere: bellis civilibus contemnere senatum, odisse patriam, facere injurias, vim et arma minitari didicerant. Plebs, olim corrupta, seque et rempublicam venalem habere docta, rerum ceterarum aequae imperita ac negligens, turbulentis vocibus strepere. Pauci omnium ordinum boni praesentia mala deflare magis, quam emendare, poterant. Quidlibet tamen potius evenit, quam quod expectabatur: ut neque respublica pristinum statum recuperaret, neque ulli horum, qui hominum opinione domini destinabantur, succederet.

U. c. 708.  
A. C. 44.  
*C. Octavius  
in urbem  
properat.*

III. C. Octavius civilium simul atque militarium artium studiis sextum jam mensem vacabat, magistro dicendi usus Apollodoro Pergameno, quem jam grandem natu ex urbe secum Apolloniam Taulantiorum eduxerat, praemissus ab avunculo ad Geticum bellum. Circumcirca legiones erant collocatae, imperatorem exspectantes; quem, longinquos hostes cogitantem, interim domestica fraus absumpserat. Id ubi compertum est, pro atrocitate rei gravis orta consternatio, et ex proximis hibernis concursus tribunorum et centurionum ad Octavium fuit, suam militumque operam offerentium. nec spernendam Salvienus et Agrippa judicabant, aequalium familiarissimi. Sed ipse, licet in puerilibus annis, eximia prudentia, nihil moliri, rerum atque animorum incompto statu, certus, ad urbem properavit: matris insuper et Philippi vitrici literis confirmatus, quibus eadem placebant.

*Brundisii  
honorifice  
excipitur a  
militibus.*

IV. Igitur, trajecto Adriatico mari, Lupiam petiit, propinquum Brundisio oppidum, incertus adhuc, quemadmodum animati milites essent, qui eo praemissi a Caesare fuerant. Ibi de testamento Caesaris et adoptione sua, itemque populi ob interfectum Caesarem dolore factus certior, quamquam propinquis dissuadentibus, cernere hereditatem statuit: et praemissis, qui specularentur, numne aliquis ex percussorum numero, sibi quoque metuendus, Brundisii esset, postquam omnia tuta cognovit, eodem profectus est. Exiverunt obviam legiones, magnaque exceptum laetitia in oppidum deduxerunt.

*Caesaris  
nomen ad-  
scribit Octa-  
vius.*

V. Hinc ille confirmatus, adire hereditatem, et nomen adsciscere Caesaris non distulit: hujusque favore paucos intra dies et firmam militum manum, et pecuniae vim haud spernendam adeptus est, confluentibus ad eum, qui profecturi Brundisio in Macedoniam fuerant, quique cum aere publico veniebant et transmarinis provinciis. Satis hinc munitus adversus vim apertam, sed ut in nova amicitia suspectans suos, cum frequenti comitatu proficisci coepit.

VI. Municipiorum non erat omnium idem favor: sed veteranorum ubique summa studia, vindictae se

Cap. III. Appian. Civil. 1. 3. Sueton. Aug. 8. et 89. Plut. Bruto. Dio, l. 45. Vell. 2, 59. Appian. Sueton. Aug. 8. Vell. Appian. Cap. V. Dio. Jul. Obseq. Appian.

offerentium, incusantiumque negligentiam Antonii, U. c. 708. qui scelestissimum facinus inultum sineret. Caesar, A. C. 44. hos collaudans, opperiri tempora sua quietos jussit. Ita per Neapolitanos fines profectus, in villam Philippi vitrici, et cum eo ad Ciceronem in Cumano suo agentem venit. et facile consensum est inter hos, ut *Ciceronis sibi favorem si parat.* mutuam sibi operam pollicerentur: Caesar adolescens, militum studio firmior, sed urbanae opis indigens, Patrumque favorem adungere cupidus, quos Cicero unus omnium maxime facundia et auctoritate moderabatur; Ciceroni vicissim adversus arma Antonii armis erat opus, quibus salutem suam defenderet. Interea enim et rixa ei cum Antonio inciderat, et multa facta in urbe erant, quae rerum totam faciem insigniter commutarent.

VII. Quippe M. Antonius, ad quaelibet consilia *Antonius comparandae sibi potentiae studeat.* perinde facilis, mire miscebat boni malique civis indicia; multa e republica, multa contra patriam factitando, et vicissim his illisque carus aut invisus. Sed tam acri studio partes tueri optimatum videbatur. Quippe *de revocando Sex. Pompejo* retulerat, utque pro patris ei bonis bis millies de publico daretur: utque maris imperium ei concederetur, quale pater habuisset. Ob haec collaudatus a Cicerone et reliquis Patribus, quum infensam habere plebem videretur, auctoritate senatus armatum comparare praesidium coepit. quo initio reversus ad ingenium hunc delectum instituit, ut, numero militum atque genere formidolosus, senatum non jam pro Antonio, sed sibi, timere cogeret. Jam enim habebat ad sex millia: neque promiscue, sed ex iis, qui duxerant ordines, aut aliquo insigniori facinore clari erant, legebantur. Senatui metum fasso respondit, *dimissurum eos esse, simul atque populus con- quiesceret.*

VIII. Interim quum et commentarios Caesaris haberet domi, et scribam ejus Faberium sibi obsequentissimum, (nam et abiturus ad bellum Caesar multa ad Antonii arbitrium rejecerat) his ad stabiliendam suam potentiam abutebatur, quos volebat, ab exilio revocans; regibus civitatibusque, sed et sui praesidii primoribus, beneficia dispensans; quosdam et in senatum

Cap. VI. Cic. ad Att. 14, 10. 11. 12. Plut. Cic. Cap. VII. Appian. Dio. Vell. 2, 73. Appian. Cap. VIII. Plut. Anton. Dio, l. 44. Vell. 2, 60. Appian.



U. c. 708. recipiens: quarum rerum omnium invidia penes de-  
 A. C. 44. functum, gratia penes Antonium erat. Idem, ut M.  
 , Lepidum beneficio devinciret, regimen sacrarum,  
 quod in illa confusione rerum ipse potuisset interci-  
 pere, illi dare statuit. Sed id quo facilius conseque-  
 retur, lege lata sacerdotum comitia populo adempta  
 transtulit ad pontifices. ita re in paucorum redacta po-  
 testatem, in ceteris quoque solennibus nihil ferme  
 pristini moris servans, quasi furtim paratis suffragiis  
 M. Lepidum pontificem maximum renunciavit.

*Percussorum ob hanc sollicitudo.* IX. Hinc nova percussoribus sollicitudo. Igitur,  
 missis ad amicos nunciis, D. Brutum, qui tres habe-  
 bat legiones, intentum esse, Trebonium in Asia, Cim-  
 brum in Bithynia, quantas possent, pecunias cogere  
 jubebant. Ipsos consilii incertos diversae causae te-  
 nebant. manerent in urbe? facere cum periculo vide-  
 rentur. exirent? nondum tempus eundi in provincias  
 venerat; et, si prius egrederentur, fugae similis fu-  
 tura erat profectio. Igitur senatus, salutem atque di-  
 gnitatem virorum aequalibus studiis conservare pronus,  
 frumenti eis procuracionem imposuit. Et, quia prae-  
 tor urbanus Brutus erat, Antonio referente, legibus  
 est solutus, *si ab urbe plus, quam decem dies, abfuisset.*

*Dolabellae Syria cum bello Parthico decernitur.* X. At, his ex urbe digressis, Antonius moliri mul-  
 ta instituit, Syriam provinciam adpetens, destinatam  
 Cassio: deinde, quia sibi paratum esse adversarium  
 Dolabellam sentiebat, eo vertit, ut huic persuaderet  
 eam provinciam petere, suum auxilium pollicitus. Sic  
 rogatione ad plebem lata, nec enim impetrari ab se-  
 natu potuisset, res confecta: frustra obnunciante tri-  
 buno plebis Asprenate, quem senatus subornaverat,  
 sperans Antonium quoque, ut augurem, et Dolabellae  
 nuper infensissimum, occasione oblata usurum. Sed  
 ille, graviter correpto Asprenate, mitti tribus in suf-  
 fragia iussit. Cum provincia bellum quoque Parthi-  
 cum datum, et legiones, quae ejus belli causa prae-  
 missae in Macedoniam fuerant.

*Antonio Macedonia.* XI. Dein Antonius Macedoniam provinciam petiit.  
 Nec fuit difficile negotium, victis in Dolabellae caus-  
 sa omnibus, quae obstitant. Ex his rebus adparuit,  
 bona fide cum collega reditum in gratiam ab Antonio

Cap. VIII. Cic. passim in Phil. et Epist. ad Att. l. 14. Dio.  
 l. 44. Appian. Dio. Cap. IX. Vell. 2, 63. Liv. Epit. Appian.  
 Cic. ad Att. 15, 9. Cic. Phil. 2, 13. Cap. X. Appian.

esse, qui non modo Parthicum ei bellum demandandum curasset; sed et in illius gratiam exarmasset Macedoniam, quam ipse habiturus provinciam erat. Ut tamen commutatae potius provinciae, quam ademptae, Pompejanis viderentur, senatus obtinuit pro Syria C. Cassio Cyrenen, pro Macedonia M. Bruto Cretam dari.

U. c. 708.  
A. C. 44.

XII. Haec Octavio nunciata sunt apud Tarracinam: *C. Octavius quo magis sibi properandum in urbem judicavit: omnibusque prosperis exceptus est. Quum enim circumter horam tertiam, ingenti circumfusus multitudine, quae officii causa obviam erat effusa, Romam intraret, super caput ejus, circa solis orbem arcus fulgentibus stellis in speciem coronae micuit. ac subinde Juliae, Caesaris filiae, monumentum in campo fulmine ictum.*

*ad urbem venit.*

XIII. Credo his quoque excitatum adolescentem, ut magno animo negotium capesseret. Perseverabat enim dissuadere Attia, cui magna erat, non ut matri modo, sed ut severae diligentique educatrici, apud adolescentem auctoritas: et adcedebat cum Philippo vitrico sororius Marcellus, minime contemnendis adducti rationibus, quod successurus erat in clarissimi ejusdem inviolatissimi nominis hereditatem, octodecim annorum adolescentem, id temporis, quo tanti viri caedes impunita, percussores in honore et imperiis essent, et bis omnibus suspectior Antonius, summa potentia parique superbia; qui filium Caesaris peregre advenientem non modo adire, sed ne mittere quidem quemquam suarum voluisset.

*Et mater et propinqui dissuadent aditionem hereditatis Caesarianae.*

XIV. Contra haec omnia fixum certumque adolescenti fuit exequi destinata, neque Caesaris necem impunitam, aut se in minore fortuna pati: neque committere, ut, quo nomine dignus a Caesare judicatus fuisset, eo se indignum suo iudicio ipse fateretur. Consilium prima fronte calidum et audax, postquam processit, (ut ab eventu judicare homines solent) pro prudentissimo vulgatum est: visusque ille quolibet juvene promptius susceptum propositum, quolibet sene cautius esse exsequutus.

*Nec persuadent.*

Cap. XI. Plut. Bruto. Cap. XII. Appian. Liv. Epit. Jul. Obseq. Vell. 2, 59. Plin. 2, 28. Sen. Nat. Quaest. 1, 2. Cap. XIII. Dio, l. 45. Sueton. Aug. 95. Sueton. Aug. 8. Appian. Auct. de caus. corr. Eloq. c. 28. Nicol. Damasc. de Instit. Aug. Cap. XIV. Appian. Vell. 2, 60. Dio, l. 45.

U. c. 708.

A. C. 44.

*Ejus pruden-  
tia moderatio.*

XV. Hoc tamen Attiae monitum non sprexit, *ut inter initia temperaret animo, neque rueret, nisi rebus paratis.* Idcirco, in itinere confluentem ad se turbam militibus verbis ablegando, cum mediocri comitatu accessit ad urbem: et postea quoque nihil ostendit se iratum percussoribus; *nec ignorare, aequius esse, ut ipse prior ad Antonium, adolescens ad virum, privatus ad consulem eam.* Postridie, C. Antonio praetore adito, professus est, *hereditatem se Caesaris adire, suscipere nomen, idque relatum in acta publica.*

*Cum Antonio consentio.*

XVI. Continenter deinde a foro perrexit ad M. Antonium consulem in Pompejanos hortos: neque statim admissus, dissimulavit injuriam, placidoque et familiari colloquio petiit auxilium adversus percussores avunculi. deinde et mentionem interposuit de pecunia, qua sibi opus ad legata ex testamento patris praestanda esset. Antonius, hac oratione vehementer offensus, qui non modo depositum a Calpurnia millies sestertium retinebat, sed insuper omnem, quae ubi-vis esset, hereditatem lacerabat furtis, et in praesentia respondit durius, et postea quoque, legem curiatam de adoptione ferens, consulto extraxit negotium eunctis artibus: submisisse etiam tribunos plebis creditus, qui vetarent.

XVII. His excitatus injuriis adungere sibi plebem statuit, apud quam magna Caesaris erat memoria, magnum odium Antonii, qui necem ejus vindicare, quum posset, nolisset. Igitur in locum Helvii Cinnae tribunatum dissimulanter ambire coepit, quamquam patricius, necdum senator: et, per Ti. Canutium tribunum productus in concionem, ostendit, et legatam populo pecuniam, et aliam ex sua liberalitate numeraturum. Atque, hoc ut praestare posset, hereditatem paternam proscripsit atque vendidit, etiam inductis coheredibus suis, ut portionem suam cederent sibi. Sed illa oratio simulque ludorum adparatus valde suspectus erat optimatibus, non ignaris, quorsum ista expedirentur. Nec ideo minus facti sunt Veneri Genitrici, Caesare Octaviano sumptus praebente pro collegio,

---

Cap. XV. Appian. Dio. Cic. ad Att. 15, 12. Appian. Cap. XVI. Vell. Appian. Plut. Anton. et Apophth. Rom. in Aug. Flor. 4, 4. Appian. Dio. Cap. XVII. Sueton. Aug. 10. Plut. Anton. Dio. Appian. Cic. ad Att. 15, 2. Plin. 2, 25. Jul. Obseq.

legio, quod, adhuc vivo dictatore institutum, metu aut negligentia supersedebat. Ab iisdem causis ludi victoriae Caesaris facti non erant Palilibus. Et hos igitur edidit, Matio et Postumo curantibus: sellam tamen Caesaris auream et coronam gemmatam in theatro non posuit, Antonio et tribunis vetantibus. Nam et paulo antea Critonii cujusdam aedilitio munere sellam illaturo Antonius carcerem minatus est, ni rerum novarum desineret.

U. c. 708.  
A. C. 44.  
Ludos in  
honorem  
Caesaris in-  
stitutos fa-  
cit.

XVIII. Sed adolescens adversus hanc malignitatem ejus hominis, quo vel praecipuo adjutore se usurum speraverat, generosa fuit ad resistendum constantia. quae subinde, praeter humana praesidia, raris quibusdam et aptis ad omen trahi casibus confirmabatur. Inter quae cometen, per continuos aliquot dies spectatum, ipse his verbis prodidit: *His ipsis ludorum meorum diebus, fidus crinitum per septem dies in regione coeli, quae sub septentrionibus est, conspectum. Id oriebatur circa undecimam horam diei, clarumque et omnibus terris conspicuum fuit. Eo fidere significari vulgus credidit, Caesaris animam inier Deorum immortalium numina receptam: quo nomine id insigne simulacro capitis ejus, quod mox in foro consecravimus, adjectum est.* Sed et alii potius ad gloriam Caesaris juvenis pertinere existimabant: plerique magnarum esse calamitatum praenuncia. Sed Octavianus, statua sine certamine posita fidentior, et Julii mensis adpellandi confirmavit consuetudinem, ut etiam ab ipso Bruto in proscriptione ludorum suorum poneretur; aliosque insuper ludos, ob quamdam Caesaris victoriam decretos, fecit.

Augusti lo-  
cus de come-  
ta.

XIX. Et profecto mirari animum adolescentis convenit, qui tantas impensas tam alacriter faceret, quum Antonii malignitate et senatus varie premeretur. Nam timentes illi, ne paternis opibus instructus ad parem adspirare potentiam vellet, perquiri publicas pecunias, quae fuissent penes Caesarem, jusserunt. Sed et de agris frequentes movebantur controversiae, aliis

Senatus  
malignitas  
in Octavia-  
num.

Cap. XVII. Appian. Dio. Sueton. Cic. ad Att. 15, 2. et ad Fam. 11, 27. et 28. Plut. Anton. Dio. Cap. XVIII. Appian. Plut. Sueton. Jul. Obseq. Dio. Plut. Caes. Plin. 2, 25. Sueton. Caes. c. 88. Ovid. Met. 15, 846. Jul. Obseq. Plin. Nummi veteres. Baeb. Macer apud Serv. ad Eclog. 9, 47. Tibull. 2, 5. Dio. Cap. XIX. Cic. ad Att. 16, 1. et 4. Dio. Appian.

Supplem. Liv. Tom. XIV.

S

U. c. 708. alios repetentibus privatim, et in publicum eos, qui  
A. C. 44. proscriptorum atque exsulum fuissent.

*Itemque  
Antonii.*

XX. Harum rerum judicia apud Antonium ipsum, aut collegam ejus Dolabellam, agebantur. quod si qui et alii magistratus judicabant, Antonii praepollebat auctoritas, qui ne translatitium quidem adolescenti jus ulla in re sine pactione gravissimae mercedis imperiebat. Quin et in coheredes ejus similes intentabantur minae, senatusque consultum proferentibus, quo Caesaris acta rata habebantur, respondit Antonius, *id fuisse tempori datum, ut populo tumultuanti satisfaceret. ceterum neque rebus suis carere aequum esse eos, quibus ademptrae per injuriam essent, et mentem potius senatus, quam verba, spectari oportere. Se tamen illorum portiones relicturum, si exegissent a Caesare, cujus lubricam aetatem noller nimis opibus ad suum reipublicaeque periculum concitari.* Post haec igitur Q. Pedius et L. Pinarius partes suas receperunt ab Octaviano, quo interim periculo subducerentur, mox usibus ejus libenter reddituri.

*Quos ille  
magnitudi-  
ne animi  
superat.*

XXI. Horum adjutus benevolentia, toleravit immensos sumptus ludorum, omnibusque occasionibus insignem animi magnitudinem ostendit. Quum enim pecuniam, quae ex auctione sua redigebatur, populo divisisset, et addici petentibus res suas minimo pretio juberet, quia et nummos festinabat colligere, et propter metum judiciorum venditionem maturabat: ea ipsa res ei magnam conciliavit hominum benevolentiam, sortem optimi adolescentis serio miserantium.

*Et studia  
plebis ad-  
quirat.*

XXII. Postquam autem et suum patrimonium, et quidquid aliunde fuerat consequutus, sed et matris Attiae Philippique vitrici possessiones, tum concessum sibi a Pedio et Pinario quadrantem Caesarianae hereditatis venum proposuit, ita concitatus est plebis affectus, ut omnium ore patientia hujus et animi magnitudo concelebraretur, negarentque vulgo homines, diutius se laturos consulis insolentiam.

*Ludi Bru-  
ti nomine e-  
diti.*

XXIII. Et certe studia vulgi ludis, qui sub eos dies pro Bruto edebantur, patuerunt. Receptum erat moribus, ut Apollinares ludos urbanus praetor faceret. Sed, quia percussores Caesaris tuti esse in urbe non poterant, vicem suam Brutus C. Antonio collegae suo

Cap. XX. Sueton. Aug. 10. Appian. Cap. XXIII. Liv. 25, 12. Cic. ad Att. 15, 10. 11. et 12.

demandavit, eique ludorum suorum adparatum transdidit. Et fuit is plane magnificus atque sumptuosus. nec ludi tantum proscripti, sed etiam postridie venatio. sperabant ea voluptate delinitam plebem aequiorem postea fore percussoribus. Et erant conducti, per quos initium clamoris nasceretur, *revocandos esse pri-  
mos viros populique amantiissimos.* Et sequebatur mis-  
ratio, sensimque etiam reliqui spectatores jungebant  
vocem, mirifico omnium plausu: quum ingens multi-  
tudo plebis in theatrum irrupit, inhibuitque specta-  
culum, donec ista postulatio penitus exstingeretur.

U. c. 708.  
A. C. 44.

XXIV. Inter haec, Dolabella propere in Syriam  
profecto, quia rumor erat, Cassium et Brutum de an-  
tiquis provinciis occupandis cogitare, M. Antonius  
respicere Macedonicas legiones coepit, numero et ge-  
nere militum validas, multisque adjectis equitibus, et  
levi armatura. Per eosdem dies forte (an fraude il-  
lius?) percrebuit fama, Getas in Macedoniam irrum-  
pere. De hac ad senatum referens, *interesse rei publi-  
cae, dicit, non deduci a Macedonia exercitum, qui et ipsius  
Caesaris destinatione prius Getis, quam Parthis, coercendis  
comparatus esset. praeterea nibildum ex Parthis hostile nun-  
ciari.* Senatus mittendum prius ad res Macedoniae in-  
spiciendas legatos censuit. nec exspectato eorum redi-  
tu, exercitum Antonio decreverunt, multa tum tem-  
poris senatui grata facienti. atque ille cum amicis  
Dolabellae pactus est, ut unam ei legionem mitteret,  
ceteras quinque retineret. Post haec reversi ex Ma-  
cedonia nullos ibi fuisse Getas retulerunt: adjecto ta-  
men in Antonii, ut putatur, gratiam, periculum esse,  
ne irruant, si ex Macedonia legiones deducantur.

*Antonii ar-  
tes ad resti-  
nendum ex-  
ercitum Ma-  
cedoniam.*

XXV. Quum haec obtinuisset, colorem reportandi  
in Italiam exercitus quaerens, quum ante diem Kalen-  
das Junias senatus haberetur, permutari provincias  
petiit, ut sibi Gallia, D. Bruto Macedonia decerneretur.  
At vero senatus, intellecto consulis vaframento, in-  
duci non potuit: quidam etiam ex eo ordine privatim  
scripserunt ad Brutum, hortantes ne Antonio cederet.  
Igitur Antonius, Caesaris exemplo, confugit ad popu-  
lam, ejusque scito provinciam Galliam obtinuit, Octa-  
viani praecipue gratia adjutus, cum legionibus, quae

*Eumque  
reportan-  
dum in Ita-  
liam.*

Cap. XXIII. Appian. Plut. Bruto. Cic. ad Att. 16, 4. Ap-  
pian. Cic. Phil. 1, 15. 2, 13. et 10, 4. Appian. Cap. XXV.  
Cic. Phil. 1, 2. et ad Att. 14, 14. Vell. 2, 60. Appian.  
Dio.

U. c. 708. erant Apolloniam praemissae; et frater Antonii Cajus  
A. C. 44. Macedoniam.

*Ejusdem in-  
vidia in Cae-  
sarem ado-  
lescentem.*

XXVI. Unde adolescens ille clarior in dies, ple-  
bique et militibus gratior, magna horum frequentia  
stipabatur, etiam pecunia favorem concilians. nec du-  
bitabatur, novarum rerum haec esse primordia, nec  
ultra differri turbas, praesertim quia M. Antonius, in-  
crementa hujus aegerrime ferens, ad se volentem col-  
loquii causa in tribunal adscendere, quemadmodum  
facere Caesare rerum potiente erat solitus, repulerat  
per lictores, detrahique ex loco superiore jusserat.  
Hinc immensae multitudinis irae. nec deerat Octavia-  
nus adscendere odia; forum vitans, sed per ceteras  
celebriores partes urbis in excelsa loca insiliens, in  
morem concionantis Antonium adcusabat.

*Et cum eo  
reditus in  
gratiam,*

XXVII. Jamque ille et a tribunis centurionibusque  
suis monebatur, *finem injuriarum faceret, filioque Caesaris,*  
*cujus beneficiis sua deberent omnia, vel sua causa conciliare-*  
*tur.* Et, quum ille commode respondisset, iisdem au-  
ctoribus congressi, post mutuas querelas ita redierunt  
in gratiam, ut saepius redeundum esset. Nam uter-  
que, mentis alterius non nescius, arguendi tempus  
nondum venisse putabat; et animos, satis jam sua ira-  
cundia et suspicionibus exacerbatos, amici non sine-  
bant conquiescere; numquam defuturis, qui poten-  
tiorum inter se inimicitias suam occasionem putent; et  
in pace negligendi turbari malint omnia, dum aliquo  
in numero propter praesentem necessitatem habeantur.

*Non diu-  
turnam.*

XXVIII. Igitur non multi intercesserunt dies, quum  
iterum impugnare Caesarem Antonius coepit, quam-  
quam recenti beneficio Galliae provinciae obligatus.  
Forte tribunus quidam plebis decesserat, cujus in lo-  
cum Flaminium commendabat Caesar, petere non au-  
sus, quod aetatem legitimam non habebat: sed popu-  
lus, sensuum ejus non ignarus, ipsi tribunatum offe-  
rebat. Unde simul et Patres et Antonium metus ce-  
pit; senatu percussoribus Caesaris timente, Antonio  
sibi, si facultatem adeptus adolescens disertus et prae-  
potens turbandae plebis, aut paternas inimicitias ex-  
sequi, aut suas, coepisset. Igitur Antonius edictum  
proposuit, Caesarem contra leges adpetere quidquam  
vetans: et, nisi paruisset, vim consulatus minabatur.

Cap. XXV. Cic. Phil. 3, 10. Cap. XXVI. Dio. Appian.  
Cap. XXVII. Dio. Cap. XXVIII. Appian.

Ea indignatione plebis exceptum hoc edictum traditur, ut Antonius, desperato, posse obtineri, quod volebat, praesente tribunorum numero contentus, tollere comitia cogeretur. U. c. 708.  
A. C. 44.

XXIX. At Caesar, missis circa patris colonias certis hominibus, veteranos sollicitabat: idemque per alios agebat apud legiones, quae, cum Antonio iturae in Galliam, ex Macedonia modo reverterant. Tum quoque eorumdem tribunorum opera deponere simultates suas in Capitolio professi sunt. nequidquam. mox enim Antonius quosdam ex praesidio suo ad consilium amicorum adduxit, quos sibi Caesaris dolo parare insidias diceret. nam ad priorem metum somnio factus erat timidior: prima nocte, postquam reconciliati in Capitolio fuerant, dextram suam ardere fulminis ictu imaginatus. *Iterum se conciliantur, et iterum contendunt.*

XXX. Neque Caesaris adcipere purgationem voluit; quamquam insontem insimulare ficto crimine videretur. Qui tamen eo tempore prudentes et boni viri habebantur, et credebant factum, et probabant. Jam enim Octavianus per Ciceronem ad senatum se adplicare coeperat. Sed non admissus ab Antonio circa fores ejus exposculabat, se immo quotidianis insidiis peti; multaque in caput suum exsecratus, si merito argueretur, iudices poscebat. Quum prodiret ad eum nemo, *ipsum se Antonii amicos iudices ei ferre*, dixit: postremo abiens clara voce testatus est populum, *si quid sibi accidisset, penes Antonium necis suae causam fore*. Acerbioribus igitur, ut solent post reconciliationes, odiis ad comparanda sibi praesidia, eademque detrahenda inimico, uterque properabat. *Caesar, se purgare volens, ab Antonio non admittitur.*

XXXI. Antonius adliciendae plebi statuam Caesaris posuit in rostris, inscriptam, *PARENTI OPTIME MERITO*: deinde legem agrariam per Lucium fratrem promulgabat, Pomptinas paludes divisurus, quamlibet siccatae nondum erant. Ea lex per vim perlata: septemviri dividendis agris creati, quos inter et C. Antonius fuit, tum maxime praetor. Tres enim fratres eodem tempore totidem gerebant magistratus, magnum *Antonius plebem conciliat.*

Cap. XXIX. Plut. Anton. Cap. XXX. Appian. Vell. 2, 60. Cic. ad Fam. 12, 23. Senec. de Clem. 1, 9. Plut. Sueton. Aug. 10. Appian. Vell. Sueton. Appian. Cap. XXXI. Cic. ad Fam. 12, 3. Dio. Cic. Phil. 11, 6. et 5, 7. et ad Att. 15, 19. Plut. Dio.



U. c. 708. ad quaelibet audenda robur. Et legis quidem istius  
 A. C. 44. tanta fuit apud dementem populum gratia, ut L. Antonio statua equestris inaurata in foro poneretur, in qua inscriptum erat, *QUINQUE ET TRIGINTA TRIBUS PATRONO POPULI ROMANI*. sed et equites aliam posuerunt, item adscribentes, *PATRONO*; et aliam novo exemplo tribuni militum, qui in exercitiis Caesaris fuerant.

*Casilinum  
 coloniam de-  
 ducit.*

XXXII. Eo tempore Casilinum coloniam deduxit M. Antonius, quo Caesar paullo ante deduxerat; quum in eam coloniam, quae esset auspicato deducta, dum esset incolumis, novos adscribi colonos liceret, nova colonia non posset jure deduci. Sed Antonius, quidlibet honestum putans, quod firmandae potentiae esset, multa moliebatur cum fratribus. Provincias adimebant, aut dabant, aut prorogabant contra legem Juliam, qua nulla poterat esse publice utilior; tribunorum ad haec usi opera, quos Marcus pecunia suos fecerat.

*Sex. Pompei varia  
 fortuna.*

XXXIII. Interim et Sex. Pompejus, Antoniorum opera revocatus, excessit Hispania; in qua post fratris interitum copias haud contemnendas paraverat. Quum enim aliquamdiu in Lacetanis latuisset, latrocinio se tolerans, paullo post, pluribus ad eum ex Mundsensi fuga coeuntibus, Pompejum ausus profiteri, Lacetanorum juventutem induxit, ut se in Baeticam sequeretur. Venit ad eum et ex Africa regulus Arabio, quem paterna ditione Bocchus atque Sitius expulerant. His auxiliis multas occupavit urbes: quarum deinde praesidio vim Carinatis elusit, cum majoribus copiis a Caesare missi. Postea cum successore Carinatis Asinio Pollione praetorio bellum clarissimum gessit. Cartejae cum una legione receptus, Eboram deinde oppugnavit cepitque. Eadem die de morte Caesaris cognovit. inde ad sex legiones, quas in ulteriore provincia reliquerat, rediit: missis Romam ad consules literis, ut sibi ad larem suum liceret reverti: exercitus omnes dimittereantur.

*Pollionem  
 Asinium  
 vincit.*

XXXIV. His deinde successibus firmior, quum ad eum quotidie multi confluerent, Asinium mors Ca-

Cap. XXXI. Cic. Phil. 6, 5. Cap. XXXII. Cic. Phil. 2, 40. Dio. Cic. Phil. 1, 8. et 5, 3. Appian. Cap. XXXIII. Dio. Strabo, 1, 3. p. 161. Dio. Appian. Civil. 1, 4. Vell. 2, 73. Cic. ad Att. 15, 29. et 16, 4. Cap. XXXIV. Dio.

saris et sequutae illam turbae plurimum debilitarent, Carthaginem novam obsidere ausus est. At, quum per absentiam ejus premi socios suos a Polliione audisset, cum valida manu congressus, claram victoriam obtinuit, virtutem ejus plurimum adjuvante casu. Forte acciderat, ut, Asinio in fugam acto, pars tamen exercitus strenue repugnaret, ambiguum factura victoriam, nisi eodem tempore et paludamentum, quod inter fugiendum abjecerat Pollio, vidissent inter hostium manus, et Pollionem interfectum audissent. Ejus nominis errore, nam illustis eques duci cognominis ceciderat, simul conspectu vestis, tamquam amisso duce, exterriti cesserunt.

XXXV. Ab hoc tempore potens pollensque Pompejus omnem fere ulteriorem Hispaniam recepit, donec M. Lepidus, citeriori praefuturus, in proximam Galliam venit. Is auctoritate sua Pompejum adduxit ad pacem, effecitque, ut discederet ab armis, senatus illi septies millies, quantum ex bonis ejus paternis Caesar redegerat, et orae maritimae praefecturam daret. Quae res eo confici facilius potuit, quod salvis Caesaris actis fiebat. quippe Caesar extremo tempore cunctis, etiam quibus nondum ignovisset, sine exceptione pristina jura reddiderat: ut non novum ei dandum beneficium, sed confirmandum, quod dedisset Caesar, videretur. Adjuvitque Antonius, amicus et propinquus Lepidi, odio quoque Caesaris inimicum ejus paternum corroborans. Pompejus, deducto ex Hispania exercitu, concessit Massiliam, ut interim, quid in urbe fieret, specularetur. M. Lepido honores ab senatu habiti, statua equestris inaurata in rostris posita cum inscriptione praeclara: mox et triumphus absentis, rebus gestis non maximis, decretus.

XXXVI. Interim ad vim et arma res spectare coepit, quum Antonium, consulatus viribus praevalidum, Octavianus, aetate et injuria favorabilis et adsumpto Caesaris nomine, oppugnaret. Idcirco Antonius ante diem septimum Idus Octobres Brundisium exivit, legionibus Macedonicis quatuor occursurus, ut pecunia sibi conciliatas ad urbem adduceret, magno timore civitatis. Contra Caesar in Campaniam excucurrit,

U. c. 708.  
A. C. 44.

*Patrias per  
Lepidum et  
senatum re-  
stituitur.*

*Antonii et  
Octaviani  
paratus ad  
bellum.*

Cap. XXXV. Cic. Phil. 5, 14. et 15, et 13, 4. et 5. Appian, Civil. 1. 4. et Vell. 2, 73. Cic. Phil. 13, 5. Sueton. Caes. 75. Dio. Appian. Cic. Phil. 5, 15. et 13, 4. Cap. XXXVI. Dio. Flor. 4, 3. Cic. ad Fam. 12, 23. Dio. Appian.

U. c. 708. primumque a Calatia, mox a Casilino veteranos evocavit, infensos Antonio, qui novos colonos superinduxerat. Sed et pecuniae magnitudine excitabantur, quingenis donati denariis. Inde Capuam profectus, magna centuriata manu, Samnium petiit, Calibusque, et Teani, ceterisque municipiis, summo omnium favore exceptus, paucis diebus iustum exercitum coëgit promptus adolescens. Inde consilio Ciceronis recurrens in urbem, ad decem millia hominum sub uno signo, neque omnes more militiae perarmatos, quasi praesidium suum, adduxit.

*Canutius, adducto in urbem Octaviano,*

XXXVII. Trepidabant urbani, hinc Caesarem, inde Antonium venire cum copiis. neutrius perspecta voluntas: et, quia nuper in Capitolio conciliatos viderant, ne haec ex compacto gererentur, metuebant. donec eos confirmavit Canutius tribunus plebis, profectus obviam Caesari, et, proposito ejus cognito, praedem se offerens reipublicae: introductoque adolescente, qui ad secundum lapidem juxta fanum Martis consederat, verba in hanc sententiam fecit, continua rabie lacerare Antonium solitus,

*In Antonium invectur.*

XXXVIII. Miro quodam fortunae ingenio reor in haec tempora, quibus rempublicam extraordinaria pericula circumstant, extraordinarium quoque praesidium adcessisse. quis enim tantum aut furorem hominum, aut benignitatem Deorum praescire atque praedicere potuisset? A consule patriam oppugnari publicis viribus, a privato defendi domesticis copiis! in illo nihil esse, quod non oderis, vituperes, timeas; in hoc omnia praecelara et salubria, pietatem, consilium, virtutem!

*Ejus rapinas coarguit.*

XXXIX. Cavete enim, quidquam existimetis aut perniciosius publice Antonio, aut Caesare salubrius posse cogitari. M. Antonium quis vestrum non novit, tamquam digitos suos? ejus luxum, libidines, crudelitatem, rapinas quis ignorat? Nec reperam, quae coram toties objeci, vobis audientibus: ad praesentia tempora vos respicere jubeo, et magnitudinem periculi, quod vobis denunciat, diligenti aestimatione metiri. Homo, ex magnis opibus, per temporum miseriam subito paratis, deinde turpissime dilapidatis, repente egenus, post necem Caesaris abundare copiis coepit. Quaeritis unde? quamquam quid

Cap. XXXVI. Cic. Phil. 3, 2. et 5, 8. Cic. ad Att. 16, 8. et 9. Vell. 2, 61. Appian. Sueton. Aug. 10. Cic. ad Att. 16, 8. Appian. Dio. Cap. XXXVII. Cic. ad Att. 16, 11. Tac. 1, Ann. 10. Cic. ad Att. 16, 8. Appian. Dio, Appian. Cap. XXXVIII. Vell. 2, 64. Cic. Phil. 2, 38.

opus est quaerere, quod scitis omnes? Quansum illi pecuniae nocte, quae mortem Caesaris est insequuta, Calpurniae timor dedit in manus? quantum creditis ex interpolatis commentariis Caesaris, ex innumerabilibus chiographis, redactum? qua inundatione nullus umquam fuit quaestus copiosior. Regna, provinciae dantur, adimuntur, tanti videlicet, quanti redimere haec cupientium desideria paciscuntur. datur civitas aliis, aliis immunitas: restituuntur exsules, minime profecto gratis. Jam una rapina ad Opis septies millies sesterstium sublatum nostis. Nunc etiam municipiis imperari audimus pecuniam.

U. c. 708.  
A. C. 44.

XL. Tantis instructus divitiis, maximo praeditus magistratu, provincia et legionibus auctus, quantum possit, videtur traducit. tis: quantum velit, nisi ipsi creditis, ego vobis neutiquam persuasero. Pauci admodum dies sunt, quum in concione vestra palam professus est, locum me apud eos quaerere, quibus, se salvo, in civitate locus esse non posset. quae de principibus senatus alio tempore dixeris, quos et auctores Caesarianae neas, et mearum actionum, aperte nominabat, meministis.

XLI. Neque est, ut meo aut illorum periculo rem transigi posse putetis; nostro sanguine contentum Antonium fore, non invidiose restis facultatibus; vos vero si non honoratos apud eum, at potius certe tutos fore. Recordamini, quam ille vocem nuper admodum pro Castoris sedens jecerit, qua nulla sane potuit audiri crudelior, quum pro solita sua impudentia stultitiaque haud dissimulante diceret, nisi victorem, victurum esse neminem. Quid potuit apertius? aut quibus aliis verbis bellum internecinum efficacius denunciaret?

XLII. Adversus hoc tam cruentum atque horribile monstrum, velut alter Hercules, Octavianus se opposuit, aetate contra extol- puer, audacia prudentiaque nemini clarissimorum virorum post- lit, ferendus. Quod fuit hujus adolescentis durissimo difficillimo- que suo tempore consilium? quanta moderatio? quam sapienter domesticum vulnus, quam patienter inimicorum injurias tulit? Carere illum sicut hujus aetatis ardore, ita omnino animo, credidissimus, nisi praesenti documento palam ostenderet, neminem sibi hac quidem parte comparari posse.

XLIII. Tot illustres viri, summis usi honoribus, duces ve- A virtute teres, triumphales, indefensam rempublicam sinerent; nisi hic simul et mo- nobis subito exstitisset, qui, nullis instructus publicis praefi- destia. diis, paucos intra dies, quam eum proficisci ex urbe vidimus,

Cap. XXXIX. Plut. Anton. Cic. Phil. 2. 36. 37. etc. Cic. Phil. 2. 37. et 5. 4. Cic. ad Att. 16. 8. Cap. XL. Cic. ad Fam. 12. 23. et 3. Cap. XLI. Cic. Phil. 3. 11. et 5. 8.

U. c. 708.  
A. C. 44.

tot millia fortissimorum virorum adduxit praesidio publicae libertatis. Hic nobis munere Deorum datus est adolescens, in quo, etiam qui sententiis invicem discedunt, pari amore consentiant. Alii Caesaris acerrimam mentem, admirabilem celeritatem, imperterritum animum desiderant: haec omnia nobis iste regenerat. Sunt, qui nimis cupidum potentiae fuisse putent, pluraque bella e re sua, quam publica, gessisse, nec in honoribus modum novisse, nec in imperio finem. Hic igitur pro illo Caesar placeat, qui, sibi nihil, praeterquam salutem et libertatem, petens, ceteros labores suscipit pro republica, nullo bonorum aut imperii desiderio, sed leges et jura civitatis valere postulans.

Octaviani  
oratio ad  
populum.

XLIV. Haec atque talia quum Canutius disservisset, Octavianus verba facere ad populum coepit, memoriam patris invocans, et quae ille pro republica prospere, erga populum Romanum liberaliter, adversus inimicos clementer fecisset. Deinde flexit ad spes suas modeste commendandas, quoniam per aetatem commemorare res gestas nullas posset. Postremo accusavit Antonium, injurias suas publicasque profectas ab eo coarguens, quibus coactus exercitum contraxisset. Adesse veteranos patris sui, mente omnes eadem, uti patriam defendant, eique operam et obsequium, contra quemcumque foret opus, et in praesentia contra Antonium, polliceantur. Id unius ore omnes profiteri. Sequutus ad haec multitudinis clamor, faustaeque in Octavianum voces.

Eum desisti-  
tuunt vete-  
rani.

XLV. Ceterum non idem veteranorum sensus erat, qui cum pugionibus veste tectis circumstiterant. Exciti enim, tamquam ad componendas Caesaris et Antonii controversias, aut, si abnueret Antonius, Caesarem tutaturi, aut etiam, si res ita ferret, poenas sumpturi de percussoribus, aegre ferebant, se adversus Antonium, modo ducem suum, nunc consulem, adhiberi. Igitur catervatim abire coeperunt, alii palam indignati, pars arma sua non adportasse caussantes, nec alienis perinde uti.

Sed mox re-  
vertuntur.

XLVI. Caesar, dissimulato dolore, quia erat ad vim imparatus, laudatos, quod se deduxissent, novoque insuper donativo auctos, dimisit: neque ex omni numero plus, quam mille, sive secundum eos, qui plurimum ponunt, tria millia remanserunt. Ceteros etiam cito subiit poenitentia, comparandoque belli lu-

Cap. XLIV. Dio. Appian.

era cum agriculturae laboribus, et Caesaris inescati liberalitate, cito cum armis, tamquam ad illa petenda digressi, ad eum reverterunt. Igitur, recepto animo, Etruriam percurrit, Ravennamque, et finitima loca, militibus Arretium convenire iussis.

XLVII. Dum haec a Caesare parantur, Antonius ad Macedonicas legiones Brundisium venerat: acceptus-  
*Antonium sui quoque relinquit concionantem.*  
 que est gratanter ob spem donativi, quod tanto uberior futurum sperabant, quanto esset Antonius Caesaris locupletior. nam domi ejus acervos strui pecuniae, neque jam numerari, sed adpendi, aurum audierant. Deduxerunt tamen eum in tribunal silentio, quasi prius adcepturi rationem, quare ultionem occisi Caesaris distulisset. Hoc aegre passus Antonius increpavit ingratos, qui nullum laetitiae signum adventu suo edere, cujus beneficio pro Parthica expeditione Italiam habituri provinciam forent. Deinde querelas addidit, quod emissos a protervo adolescentulo (sic Caesarem adpellabat) corruptores non protinus adduxissent. se tamen inventurum illos: militibusque divisurum sestertios quadringenos. Haec in promittendo parcimonia quum a dedignantibus excepta risu esset, ipse contra irasceretur, eo processit ferocia militum, ut cum gravi convicio relinquerent concionantem.

XLVIII. Tam ille desiliens, *Discretis*, inquit, *imperare facere*: negotioque dato tribunis, ut seditiosi sisterentur, sorte duxit decimum quemque, nec tamen in omnes animadvertit. Sic tamen etiam multum caedis fuit: circiter trecenti supplicio adfecti traduntur, inter quos et centuriones quidam, viri fortissimi, fuerunt: et, quod auget saevitiae speciem, sub oculis Fulviae, quae virum sequuta ad exercitum fuerat, jugulati sunt. Irritatis per haec potius, quam perterrefactis, animis, Caesaris emissarii dolorem militum stimulabant, libellos in castris proponendo, quibus laudata superioris Caesaris memoria, et praedicata liberalitate adolescentis, crudelitas et sordes Antonii perfringerentur. Horum libellorum auctores conqueri iussos contubernia celaverunt; non praemiis, non poenis, quae indicanti aut occultanti denunciabantur, mutabiles.

Cap. XLVI. Dio. Appian. Cap. XLVII. Dio. Cic. Phil. 1, 38. et 5, 4. Appian. Dio. et Appian. Cic. ad Att. 16, 8. Cap. XLVIII. Appian. Cic. Phil. 3, 2, et 4, 5, 8. Dio. Cic. Appian.

U. c. 708. XLIX. Ea contumacia concussit Antonii animum :  
 A. C. 44. et, quum interea Caesaris conatus nunciarentur, ite-  
*Deinde id* rum ad milites prodiit, excusans, quod necessitate co-  
*factum ex-* actus in paucos quidem et contra voluntatem animadvertisset.  
*cusat.* Ceterum ipsos scire, quam nec saevum se, nec sordidum osten-  
 derit Antonius usquam. Sed satis esse querelarum, satis etiam  
 tum delictorum, tum supplicii: centenos illos denarios se pro-  
 nunciassse non donativi nomine, neque enim id pro fortuna sua  
 facturum, sed quo laetior adcessus suus legionibus esset. Nec  
 addidit quidquam: ne cedere militibus timore videretur.  
 denunciavit quin etiam, parendum imperiis suis fore.

*Romam ve-* L. Remotis deinde centurionibus, quos suspecta-  
*nit.* bat esse cupidiores Caesaris, alios praefecit; comi-  
 terque adpellatos milites diversis agminibus secun-  
 dum mare superum iussit Ariminum pergere. Ipse  
 cum legione Alaudarum Romam superbo adventu ter-  
 ruit, equitibus in suburbio relictis, militem adinctum  
 ducens in urbem, et nocturnis armatorum circa ae-  
 des suas custodiis.

*Duae legio-* LI. Sed, ubi, convocato senatu, Caesarem adcu-  
*nes cum de-* saturus, effecturusque, ut hostis ille judicaretur, in  
*serunt.* Capitolium adscendit, in aditu curiae nuncium ad eum  
 delatum est, legionem Martiam, cujus multi centurio-  
 nes interfecti fuerant, sublatis signis, Albam seces-  
 sisse, in urbem opportunam et munitam. Dum ad  
 haec subsistit cogitabundus, en aliud nuncium, et  
 quartam legionem, duce L. Egnatulejo quaeflore, ad  
 Caesarem se transtulisse. qua re audita, sic est ex-  
 territus, ut, abjecto de Caesare referendi consilio,  
 senatusconsultum de supplicatione M. Lepido decer-  
 nenda per discessionem faceret, quo celerius mitte-  
 re senatum posset: (nec enim honoris Lepidi causa  
 vocari Patres iusserat) supervacuis omnino minis u-  
 sus adversus tribunos plebis quosdam, qui minime re-  
 pugnatuiri fuerant. Sed ille L. Cassio denunciaverat  
 mortem, si in senatum venisset: D. Carsulejum e se-  
 natu vi et minis mortis expulerat: Ti. Canutium, non  
 templo modo, sed etiam aditu Capitolii, per armatos  
 prohibuerat.

Cap. L. Cic. ad Att. 16, 8. et Appian. Cap. LI. Cic. Phil.  
 3, 3. 4, 2. 5, 8. et q. 13, 8. Appian. Liv. Epit. Cic. Phil. 13,  
 8. Cic. Phil. 3. et 4. Appian. Dio. Cic. Phil. 3, 3. et q. et  
 13, 9.

LII. Sed ejusdem diei vespere sortitionem provinciarum ex arbitrato suo fecit. Cajo fratri Macedoniam, C. Calvisio Africam dedit: ceterorum plerique, provincias suas repudiando, nullam fuisse Antonii sortitionem judicaverunt. Ipse, neque votis nuncupatis, neque sacrificiis solennibus factis, ante lucem paludatus ita profectus est ex urbe, ut templa, forum, occursum hominum, diem pene ipsum vitaret, in Galliam properans. Sed prius Albam ire statuit, ad revocandas, si posset, legiones: inde rejectus Tibur ad ceteros milites rediit, advocataque concione, jurare coëgit omnes, se non esse deserturos.

U. c. 708.  
A. C. 44.  
*Sortitionem provinciarum facit.*

LIII. Inter haec magnus exstitit in urbe timor, certatimque venerunt Tibur Patres propemodum universi, equitum pars maxima, et ex ipsa plebe honestissimus quisque: videntesque jurari in verba Antonii a militibus et veteranis, quorum magnus sane numerus ad veterem ducem recurrebat, ipsi quoque volentes adstrinxerunt se jurejurando, benevolos fidosque M. Antonio semper fore: ut mirarentur homines, ubinam illi Romani essent, qui paucis ante diebus, concionante Caesare, M. Antonium conviciis foede prosciderant. Igitur cum splendido satis comitatu Ariminum venit, bona cum spe, fore, ut D. Brutus propter veterem amicitiam, sed magis odio metuque Caesaris, provinciam sibi transdat. Sed longe alia Bruto mens fuit, quem exarmari percussorum nemo patiebatur, in ejus copiis maxima spe reposita incolumitatis. neque vero aut Caesarem metuebat, docte simulantem Pompejanarum partium gratiam; aut credebatur Antonio, quem, propter infinitam ambitionem, omnibus, qui aliquid posse viderentur, infidum atque obliquum esse cognoverat.

*In ejus verba juratur.*

LIV. At Caesaris animum anceps fatigabat deliberatio, quemadmodum utendum praesentibus foret. Percussores avunculi oderat, Antonium metuebat: atque illos sciens ita vicissim erga se adfectos, saepe agebatur, ne cum exercitu progressum ambo simul junctis copiis invaderent. Sed, cognito, hos inter se commisos esse serio, non dubitans acriorem ex duobus prius opprimendum esse, Bruto auxilium ferre

*Caesari-  
anceps deli-  
beratio.*

Cap. LII. Cic. Phil. 3, 10. Cic. Phil. 5, 9. et 13, 9. et 3, 10. Appian. Cap. LIII. Dio. Cic. ad Fam. 11, 5. Dio. Tac. 1. Ann. 10. Dio.



U. c. 708. non distulit: sublato Antonio, ab ejus segnitie haud  
A. C. 44. perinde metuens.

*M. Antonii vires.* LV. Nec enim contemnendus erat imperator Antonius, et viribus haud spernendis nitebatur. Praeter recentem delectum tres habebat legiones Macedonicas; et veteranorum manum, senum quidem, sed in quibus duplo plus roboris, quam in tironibus, esset. Praeterea Lepidus et Asinius in Hispaniis, ille cum quatuor, Pollio cum duabus legionibus, et cum tribus in ulteriore Gallia L. Plancus, haud alieni a partibus videbantur.

*Caesaris copiae.* LVI. Caesar, praeter Martiam et quartam legiones, unam habebat tironum, veteranorum duas, sed suppletas ex novo delectu. His Albam convenire iussis, senatui scripsit, hujus auctoritatem maximi facere simulans, delatumque ab exercitu honorem, ut pro praetore imperium haberet, non accepit. Sed, quum duae legiones, quae ab Antonio discesserant, inter se ad simulacrum pugnae concurrissent, spectaculo delectatus, et oblata liberalitatis occasione, iterum quingenos denarios divisit: quina millia pollicitus, ubi, re ad proelium deducta, fortem fidelemque operam navavissent. Sic excitatis militibus suis, et sparsa largitionum fama, insequutus Antonium, in itinere equites, sagittarios, elephantos illius redegit in potestatem, minime repugnantes, quod Antonius Sues-sae, et passim in castris trucidando, qui ei suspecti erant, animos militum vehementer alienaverat.

*Antonii et Bruti contentiones.* LVII. Sed Antonius, missis ad Brutum codicillis, decedere jubebat provincia, quo et plebiscito gereret morem, et sibi parceret. Brutus contra senatusconsultum misit, quo ipsi data erat Gallia. Tum Antonius diem praefixit, intra quam nisi decessisset, pro hoste haberetur. Neque cessit Brutus, quominus nunciandum curaret, *debere Antonium sibi ipsi longiorem diem dicere, ne forte citius, quam velleret, ab senatu hostis judicaretur.*

*Brutus, Mutina occupata,* LVIII. Et poterat opprimere Bruti exercitum adhuc in castris agentem tanto potentior Antonius; sed urbes adire maluit. Ab his quum reciperetur, Brutus veritus, ne mox nulla pateret sibi, per simulatio-

Cap. LV. Appian. Cap. LVI. Cic. Phil. 5, 17. Dio. Cic. Phil. 4, 2. Liv. Epit. Cap. LVII. Appian.

nem decedendi profectus est Mutinam, validam urbem atque populosam, eamque occupavit, et copiis Mutinensium milites suos alere, mactare pecudes, carnemque ad diuturnae obsidionis expectationem sallere instituit. Habebat autem secum magnam gladiatorum multitudinem, duas legiones veteranas, quibus olim praefuerat, et unam tironum: sed omnes nuper firmos ad res suas tuendas effecerat, ducto in Inalpinos exercitu, multisque castellis captis atque vastatis, et liberaliter donato milite. Igitur neque minis Antonii cesserunt, et Antonius, quum dimittere Brutum nollet, ad proelium elicere non posset, circumvallare Mutinam coepit.

U. c. 708.

A. C. 44.

*Ab Antonio obsidetur.*

LIX. His rebus in urbe cognitis, redintegratus est apud omnes Caesaris favor, deque ipsius et Bruti honoribus in senatu actum. Provincia quoque Gallia laudata, quod Antonium non recepisset. Octaviano imperium Ciceronis sententia decretum; statua, Philippi: Servius Serviliusque, ut ante iustam aetatem petendorum honorum ei potestas fieret, censuerunt. Aberant tum consules, nam et Dolabella profectus in Syriam fuerat. ergo M. Servilius tribunus plebis ejusque collegae, ante diem tertium decimum Kalendas Januarias senatu convocato, proposuerunt edictum Bruti, quo, *seque et exercitum provinciamque in potestate senatus fore*, demonstrabat. Laeta igitur curia, et majora meditante, senatusconsultum de praesidio factum, *ut C. Pansa, A. Hirrius, consules designati, dent operam, ut senatus Kalendis Januariis tuto haberi possit*. Interim, rescissa sortitione Antonii, placuit provincias manere apud hos, qui obtinebant, neque tradi cuiquam, nisi jussu senatus.

LX. Haec et ab aliis, sed imprimis a Cicerone, *Ciceronis qui eadem die tertiam et quartam Philippicas habuit, in Antonium cupide decernebantur, qui, professis in Antonium actiones. odiis, multas hoc tempore orationes edidit, quibus rerum ille status eximie depictus est. Nam ille ex itinere, propter filium, quem Athenas studiorum causa praemiseraat, in Graeciam suscepto, inde trajecturus ad Dolabellam, a quo se passus erat legari, subito*

Cap. LVIII. Cic. ad Fam. 11, 4. Appian. Cap. LIX. Cic. Phil. 3, 15. et 4, 2. et 4. Cic. ad Brut. ep. 15. Dio. Cic. Phil. 4, 6. et ad Fam. 11, 6. Cic. Phil. 3, 15. Cic. ad Fam. 12, 22. et 25. Cap. LX. Cic. ad Att. 14, 16. et 15, 11.

U. c. 708. erat reversus: austris reflantibus navigare vetitus, et  
 A. C. 44. auditis interim Octaviani successibus, novaque spe  
 reipublicae recuperandae, alacrior.

*Servilii Isaurici mors.* LXI. Sub haec tempora P. Servilius Isauricus factum explevit, magno viru natu: sed ad extremam usque aetatem sensibus integris, nec non nonaginta vitae annis infracta valetudine. Par erat et animi robur bene de republica sentienti et fortiter loquenti. quibus rebus ita nuper offenderat Antonium, ut in senatum tuto venire non posset. Unde et Canutio non diu post M. Antonius et C. Caesar objecerunt; *quod in capeffenda republica consularis Isaurici sectam sequeretur.* quibus ille respondit; *malle Isaurici esse discipulum, quam Epidii calumniatoris.* id erat nomen crimenque rhetoris, quem illi audiverant.

*Ejus auctoritas.* LXII. Hujus viri quanta fuerit auctoritas, vel ut mores temporum noscantur, adnotabitur. Forte per forum incedens, quum testes in reum dari vidisset, loco testis constitit, praefatusque, *sibi nec hominem notum esse, qui causam diceret, neque cur esset postularus; at improbum sibi videri, dixit, propterea quod se, pedibus incedentem, nullo reverentiae signo edito, eques praeteriisset.* Digna res visa iudicibus, cur indicta causa damnetur.

*Offensa coelestia.* LXIII. Eodem et sequente anno multa, ut solitum in principio magnarum calamitatum, prodigia nuntiata. terrae motus in Alpibus et in Italia crebri, fulminata navalia, Jovisque Capitolini cella, quae fuit in fano Victoriae, aliaeque sacrae aedes et statuae. Tabulae aeneae ex delubris Fidei et Saturni turbine evulsae; ad Opis valvae aedis fractae. arbores exstirpatae, tecta convulsa. Fax coelo visa, quales Graeci bolidas vocant, ab ortu ad occidentem ferri. Trini soles adparuerunt: quorum unus quasi spicea corona cinctus micuit. et, postea paullatim unum in orbem sole redacto, multis mensibus prope ad exitum an-

---

Cap. LX. Cic. ad Att. 16, 7. et ad Brut. 15. et ad Fam. 12, 25. et Phil. 1, 3. et 4. Cap. LXI. Dio. Plut. Cic. Dio. Cic. Phil. 2, 5. Suidas in *Ἀντίκιοι Μάρκος*. Cic. ad Fam. 12, 25. Sueton. de Claris Rhetor. c. 4. Cap. LXII. Dio. Val. Max. 8, 5. Cap. LXIII. Virgil. Georg. 1, 466. Jul. Obseq. Dio. Appian. Civil. l. 4. Jul. Obseq. Plin. 2, 26. et 31. Dio.

anni lurida et pallens lux fuit, quasi continuo sideris defectu. Id ostentum mox adcommodarunt temporibus, *Triumviros denunciatores, dictitantes, quorum duo defecuri fuissent, Caesare superstite, cujus victoriam corona soli circumdata; spicarum figura frugum ubertatem nosset.* Aetna arsit. In Tiberis ostio piscium magna vis, relabente aestu, in sicco est exposita. Padus etiam inundavit in campos magno adcolentium damno, recedensque vim reliquit ingentem viperarum. Insequuta est pestilentia vehemens per omnem Italiam. Armorum sonitus auditus in Germania de coelo cum cantu tubarum, virorumque clamoribus, et equorum decurrentium strepitu, quum tale nihil oculis cerne-  
retur.

U. c. 708.  
A. C. 44.

LXIV. Voces humana majores ex lucis auditae. *Bos humana pallida simulacra hominum sub crepusculis visa: bos na voce lo- inter arandum humana voce proloquutus, frustra se ur- queri; non enim fruges paullo post, sed homines defuturos.* infans recens natus loquutus est. amnes consliterunt. terra hiavit. effigies Deorum lacrimare et sudare; in quibusdam et sanguineus sudor adparuit. puteorum aqua in sanguinem versa. lupi per fora urbium discurrerunt. sereno coelo saepe fulguravit. Taurus, quum in aede Vestae immolatus esset, exsiluit. Carmina Sibyllarum jactata, quibus finis reipublicae inflare praedictus esset. lapidibus multoties pluit.

LXV. Haec in communes valere calamitates cre-  
dita; sed alia malum significare singulis. Ciceroni, *Ciceroni et aliis oblata portenta.* quod consecrata ab eo pridie, quam in exilium iret, Minerva vi turbinis dejecta et confracta est. Lepido, quod ante domum ejus canum ululatus auditi, maximusque omnium a ceteris dilaniatus est. Hoc minari pontifici maximo crediderunt. illud Antonii et Dolabellae consulum alienationem a republica portendisse, quod in aede Castorum ex eorum nominibus literas quasdam corvi advolantes rostris exciderant. Sed omnia haec malorum praesagia propemodum sero adparuerunt. Jam enim ea passim agebantur, ex quibus exarsurae necessario turbae erant, discurrentibus u-

Cap. LXIII. Euseb. Chr. Jul. Obseq. Tibull. 2, 5. Plut. Caes. Virg. Ovid. Metam. 15, 785. Dio. Jul. Obseq. etc. Cap. LXIV. Euseb. Chr. Jul. Obseq. etc. Cap. LXV. Dio. Cic. ad Fam. 12, 25. Jul. Obseq.

Supplem. Liv. Tom. XIV.

T

U. c. 708. triusque partis ducibus ad occupandas provincias, co-  
 A. C. 44. gendosque exercitus, et quae alia bellis gerendis ad-  
 parantur. Ex quibus initiis longorum deinceps at-  
 que multiplicium certaminum insani tumultus exstite-  
 runt.

---

Cap. LXV. Liv. Epit.

---

## EPITOME

### LIBRI CENTESIMI DECIMI OCTAVI.

*M. Brutus in Graecia sub praetextu reipublicae et suscepti contra M. Antonium belli exercitum, cui Vatinius praeerat, cum provincia in potestatem suam redegit. C. Caesari, qui primus reipublicae arma sumserat, propraeoris imperium a senatu datum*

*M. Brutus in Graecia sub praetextu*] *Decimus Brutus* Voss. *D. Brutus* ed. Rom. princeps apud Hearnium. Sed male. *D. Bruto* enim Gallia, at *M. Bruto* Macedonia erat adsignata. Vide Appian. 3. Civ. 527. Sequentia hujus Epitomes idem satis offendunt. Causam erroris vide ad Epit. 62. Tum sub praetextato Exc. Pithoei, quae etiam mox cui *P. Vatinius* praeferunt. Paulo post redigit Boend. et ed. Camp.

Qui primus reipublicae arma sumserat pro populo Romano, imperium a senatu datum est] Hic locus mire depravatus est, cum tamen non videatur. Me, ut vitiatum esse, atque ita legendum esse crederem, Cicero admonuit: qui pro reipublica arma sumpserat, propraeoris imperium a senatu datum est. Nam Cicero in senatu s. in Anton. [c. 16.] ita ait de Octavio: Demus igitur imperium Caesari, sine quo res militaris administrari, teneri exercitus, bellum geri non potest, sit pro praetore eo jure, quo qui optimo. etc. Vox praetoris in populo Romano mutata est ob eam

causam, quam saepe alias. Eadem macula foedavit quoque Vellejum lib. 2, [61.] cum ait: *Eum senatus, honoratum equestri statua, pro P. R. una cum consulibus designatis Hirtio et Pansa bellum cum Antonio gerere jussit.* ubi legendum est *pro praetore*. SIGON. Videtur scribendum qui privatus pro reipublica arma sumpserat. Vellejus [2, 61.] *C. Caesar, nonum decimum annum ingressus, miratus ac summa consecutus, privato consilio majorem senatu pro republica animum habuit, primumque a Calatia, mox a Casilina veteranos excivit paternos.* Tacitus [1. Ann. 10.] *Paratum ab adolescente privato exercitum.* J. FR. GRO. NOV. Cic. 3. Phil. 2. *Qua peste privato consilio rempublicam Caesar liberavit.* Florus 4, 4. *Privatus, quis crederet? consulem aggreditur.* Augustus in Monumento Ancyraeo *Annos undeviginti natus exercitum privato consilio, privata impensa comparavi.* DUKER. Privatum Octavium fuisse, quum primum arma sumeret, verum est: utrum tamen id auctor Epitomes hic in-

est cum consularibus ornamentis; adjectumque, ut senator esset. *M. Antonius D. Brutum Mutinae obsedit. missique ad eum a senatu legati de pace parum ad eam componendam valuerunt. Populus Romanus saga sumsit. M. Brutus in Epiro C. Antonium praetorem cum exercitu potestati suae subjecit.*

dicarit, dubito. Certe propius ad vulgatum accedit, si *primus reip.* mutemus in *pro rep.* quam in *privatus pro rep.* Recte vero *pro P. R.* sive *pro populo Romano*, in *pro PR* sive *pro praetoris*, emendavit Sigonius. Vide ad 31, 8, 10. Loci Vellejani emendationem a Robort. 2. Emendat. 23. sibi subreptam esse, queritur Sigonius 1. Emend. 17. et 31. *ab senatu* Gronov. ejusque exemplo recentiores, invitis Mitis et excusis prioribus, ediderunt.

*Cum consularibus ornamentis* Mallem *praetoriis*. Nam et Graeci; Plutarchus, Appianus, Dio *σπαρτηγικά κόσμια* decreta tradunt. Et Cicero[5. Philipp. 17.] decernit, senatorem eum esse, sententiamque loco praetorio dicere. SIGON. Id, quod Sigonius affirmat, retulit Plutarch. in Anton. pag. 923. At Dio lib. 46. pag. 310. Caesari ante victum Antonium, viventibus adhuc Hirtio et Pansa consulibus, decretum dicit *τὸ βουλευεῖν ἐν τοῖς τεταμνεκόσι*. consulibus vero interfectis, *ταῖς δὴ τιμαῖς ταῖς ὑπατικαῖς ἐκόσμησαν, ὥστε καὶ πρῶμην ἐν τοῖς ὑπατενκόσιν ἤδη τιθεσθαι*, teste eodem Dione pag.

318. Appianus vero decretum dicit 3. B. Civ. 559. *τὴν πρῶμην αὐτὸν ἐσφάπειν ἐν τοῖς ὑπατικοῖς ἤδη*.

*Missique ad eum ab senatu legati de pace*] Ita Gronovius anno 1665. edidit; idemque praeferunt Berg. Lov. 2. Boend. et ed. Camp. nisi quod omnes illi legant *a senatu*. Prioribus edd. praeferunt *missique ad eum legati a senatu de pace*, quod in Exc. Pithoei, et Norv. supererat. sed *missis ad eum a senatu legatis de pace* in Voss. Voces *a senatu* omittuntur in Leid. Paulo post, trajectis vocibus, *ad componendam eam* orientant Berg. et Lov. 1.

*M. Brutus in Epiro C. Antonium praetorem potestati suae subjecit*] Vox *Brutus* deest in Voss. Tum in *Aegypto C. Antonium* legit Boend. Hinc *potestati suae subegit* Leid. Voss. Berg. Lov. 2. Boend. Exc. Pithoei, Norv. omnesque edd. ante ultimam Gruteri, quae *subjecit* recepit. Alibi voces illae commutantur. Vide ad 28, 21, 9. 30, 9, 2. 38, 47, 11. 39, 2, 9. et alibi. Pariter *adigere* et *adjicere*. Vide ad Epit. 124.

# JOHANNIS FREINSHEMII

## SUPPLEMENTORUM LIVIANORUM LIBER LXXXIII.

### IN LOCUM LIBRI CXVIII. T. LIVII.

I. Hoc idem tempus M. Bruti, C. Cassii cunctationem abruptit, quorum anceps hactenus et varie impedita deliberatio fuerat. Romam reverti periculosum erat; manere in Italia suspectum: et, si ad impositam provinciam adcingerentur, contumeliosum videbatur. Brutus enim in Asia, Cassius in Sicilia frumentum emendum, atque in urbem mittendum curare debebant. Praebuit tamen illud negotium et colligendarum classium facultatem, et praetextum ducendi moras, si forte casus aliquis exsisteret. nec interea desisteabant tueri dignitatem, ut poterant, et literas atque edicta in urbem mittere. Sub autumnum deinde per Lucaniam pedestri itinere Veliam adcessit Brutus, atque inde transjecit Athenas. paucisque dein diebus cum sua classe discessit Cassius. Jam enim desperaverant, qualem volebant, obtineri rempublicam posse: et, quia Caesar Octavianus jam se commoverat, nesciebant, quantum huic recte crederetur.

U. c. 408.  
A. C. 44.  
*Brutus et  
Cassius ex  
Italia pro-  
fiscuntur.*

II. Et primo quidem tempore Brutus, cum philosophis conversando, videbatur abjecisse rerum aliarum curam. sed tamen et nobiles juvenes, qui Athenas studiorum causa profecti fuerant, sibi dissimulanter adjunxit, in quibus et M. Ciceronem M. F. et in Macedonia per Herostратum quemdam tentavit animos eorum, qui copiis praeerant. Interim Athenienses ei et Cassio statuas aeneas juxta Harmodium et Aristogi-

*Brutus  
dissimulan-  
ter quaerit  
vires.*

Cap. I. Plut. Brut. Dio, l. 47. Cic. ad Att. 15, 9. 10. 11. Appian. Civil. libb. 3. et 4. Cic. ad Att. 16, 4. et 5. Cic. ad Fam. 11, 3. Dio. Plut. Cic. Phil. 10, 4. Plut. Dio. Cap. II. Plut. Dio.



U. c. 708. tonem tyrannicidas, tamquam horum imitatoribus, po-  
A. C. 44. nendas locaverunt.

*Mox palam  
copias con-  
trahit.*

III. Haec agentibus, C. Caesarem, coacto exerci-  
tu, senatum defendere contra Antonii dominationem  
et injurias, auditum est. Igitur sub praetextu reipu-  
blicae et belli Antoniani Cassius in Syriam contendit,  
jam inde a quaestura benevolam et familiarem; Bru-  
tus, Graeciam atque Macedoniam occupaturus, facile  
contrahebat reliquias Pompejanorum exercituum, quae  
tum adhuc per Graeciam vagabantur: etiam, quos a  
Dolabella nuper advectos morbus aut oblivio sacra-  
menti retinuerat, ultro adfluentibus. Igitur, professo  
jam consilio, ad ostium Caystri perrexit Romanis na-  
vibus obviam, pecuniam cum M. Apulejo quaestore,  
qui, tradita C. Trebonio provincia, decedebat, in Ita-  
liam portantibus. Ab hoc Apulejo, perquam amico  
sibi homine, Brutus et copias accepit, et talentum  
sexdecim millia ex tributis atque vectigalibus Asiae.

*Ejus omi-  
nis vox,*

IV. Quum inde Samum reverteretur, forte nata-  
lis erat Bruti: eoque ob rem feliciter confectam hila-  
rior, poculum in convivio poposcit grandius, idque  
manu tenens alta voce retulit Graeci poetae versus,  
*a fato se et Phoebus Apolline pessumdari.* Haec vox, quia  
nulla adparente causa erat jacta, vim praesagii dein-  
de habere visa est: utique postquam ultimo proelio  
sive ipse, sive Caesar et Antonius, (utrumvis enim  
traditur) signum militibus dederunt. *Apollinem.* Sed  
haec posterioris paullo temporis sunt.

V. At tum quidem Brutus, erectus ad conatum  
comparandi exercitus, etiam Veterem Antistium indu-  
xit, ut daret ei ex sua pecunia vices, seque ipsum  
offerret ac conjungeret partibus. Sed et equitatum,  
qui in Syriam ducebatur bipartito, interceptit, quin-  
genti equites a Cinna quaestore ad Brutum in Thessa-  
lia discesserunt; ceteros, qui per Macedoniam duce-  
bantur, Cn. Domitius a legato Syriaco abduxit. Le-  
gio, quam legatus Antonii L. Piso ducebat, Ciceroni  
adolescenti se tradidit. Interim et ipse, profectus  
Demetriadem, armorum ingentem copiam, quae, jus-

Cap. III. Liv. Epit. Dio. Cic. Phil. 11, 13, Appian. Civil.  
1. 4. Plut. Dio. Plut. Vell. 2, 62. Dio. Cic. Epist. ad Brut.  
1, 7. Appian. Civil. libb. 3, et 4. Cap. IV. Plut. et Appian.  
1. 4, p. 668, et Val. Max. 1, 5. Cap. V. Cic. Epist. ad Brut.  
1, 11. Plut., Cic. Phil. 10, 6, et 11, 12. Plut. Cic. Plut. Ap-  
pian. Civil. 1. 3.

su Caesaris transportata in Graeciam, tum ad Antonium reportabantur, occupavit. Inter haec summa celeritate, nequidquam retinente senatu, C. Antonius praetor adfuit, Q. Hortensio successurus, qui Macedoniam obtinuerat. Sed praevertit Brutus, provinciamque, tradente Hortensio proconsule, adcepit, delectusque in ea, ejusdem Hortensii summo studio, habuit. Vicinos etiam reges atque tyrannos adjunxit sibi: magnaue iterum auctus est pecunia. Quippe Thracis cujusdam reguli conjux Polemocrata, cujus maritus occisus dolo aemulorum fuerat, cum filio et thesauris se contulit ad Brutum, ejusque fidei omnia tradidit. Brutus, puero Cyzicum amandato, donec in paternum imperium restitui posset, aurum atque argentum, cujus magna vi erat potitus, signare instituit.

U. c. 708.  
A. C. 44.

*Macedoni-  
am Bruto  
tradit Q.  
Hortensius.*

VI. His rebus acceptis, C. Antonius cum septem cohortibus contendit Apolloniam, ad occupandum Illyrici exercitum. Tres legiones P. Vatinio proconsule apud Apolloniam et Dyrrhachium habebantur. Cum his paullo ante res in Dalmatia et Illyrico gesserat Vatinius, deficientibus denuo post Caesarem barbaris, et aliquot oppida ceperat, ex quibus rebus imperator est adpellatus. Sed postea ob adceptum detrimentum, amissoque Baebio viro consulari, (forte ex suffectis a Caesare fuit) Dyrrhachium se receperat.

*P. Vatinius  
exercitum  
habet.*

VII. Is tum exercitum M. Bruto tradidit, apertis Dyrrhachii portis: non sponte, semper enim adversatus his partibus, et, pro ingenii quadam pravitate, Bruto fuerat; sed milites continere invalidus, apud quos in odio semper habitus, tum etiam propter adversam valetudinem in contemptu erat. Clausit tamen portas; et, insolito casu adjuvante, facile repulisset Brutum, si studia militum habuisset. Quippe Brutus, ut accidere quandoque ajunt per altam nivem ambulantes, morbo correptus, quem *boulimiam* Graeci vocant, ingenti desiderio cibi deficiebat: et, quia cum expeditis valde properaverat, longe a tergo relictis erant commeatus. Igitur ad portam oppidi progressi

*Eum Bruto  
tradere  
cogitur.*

Cap. V. Cic. Phil. 10, 5. 6. et 13, 15. Dio. Plut. Cic. Phil. 10, 6. et 11. Appian. Civil. 1. 4. Cap. VI. Cic. Phil. 10, 6. et 5. Appian. Cic. ad Fam. 5, 9. 11. et 11. Appian. Illyr. Cap. VII. Appian. Civil. 1. 4. Dio. Vell. 2, 69. Plut. Bruto, et Symposiac. 6, 8.

U. c. 708. milites panem a vigilibus petierunt. Atque illi, intellecta Bruti necessitate, continuo adfuerunt ipsi cum cibariis et vino. Tanta enim erat Bruti dignatio, ut quilibet ducum antefereendus videretur.

*Bruti auctoritas.*

VIII. Igitur hos quidem recepit volentes. sed quia honestius putabat ab imperatore accepisse legiones, quam si contra voluntatem ejus, cui commissae fuerant, ad se pellexisset; in literis ad senatum aliquam Vatinii mentionem fecit. Ceterum, eam non admodum fuisse aut factam ex animo, aut creditam, vel inde colligas, quod Cicero, quum ab senatu honores laudesve decerni censeret, Vatinii, quamquam olim reconciliati, mentionem insuperhabuit.

U. c. 709.

A. C. 43.

A. Hirtio,

A. Vibio

coff.

*Etrusci haruspiciis vox et fatum singulare;*

IX. Dum haec aguntur, ob multiplices prodigiorum terrores et praesentia mala, novi consules A. Hirtius et C. Pansa (nam is magistratum hoc anno gessit, quamquam proscripti filius) senatum Kalendis Januariis convocarunt. Ne tum quidem finis minarum fuit; et, quum de more sacrificarent consules, lictorum unus, non adparente causa, repente concidit mortuus. Igitur neque sequenti biduo cessatum: sed senatus habitus est etiam postridie Kalendas, quamquam antiquo Pontificum decreto postridie omnes Kalendas, Nonas, Idus, atri dies haberentur. Sed inter procuranda prodigia exstitit aliud, omnibus minacius, quippe adcitatus ab Etruria haruspex reditura respondit regna, qualia olim fuissent, cunctosque servituros, se uno excepto: atque haec fatus, compresso spiritu, cecidit exanimis. Decretum tamen postea est, ut Hostilia curia reficeretur, et locus, in quo navale proelium fuerat editum, complanaretur. Minervam quoque Ciceronis reponi placuit, cujus circum haec tempora contra Antonium actiones nemo melius exposuerit ipsius eloquentissimi viri Philippicis, quarum quae quinta inscribitur, Kalendis est habita; sexta vero post triduum.

*Caesaris*

*in favorem*

*multa decreta sunt.*

X. His quamquam Fufius Calenus et alii quidam obstrepebant, obtinuit tamen factio Caesaris, eique prius decreta confirmavit, statuam equestrem in rostris, cum aetatis ejus adscripta notatione, utque pro praetore bel-

Cap. VII. Vell. Cap. VIII. Cic. Phil. 10, 6. Cic. Phil. 10, 11. Cic. ad Fam. 5, 9. Cap. IX. Dio. l. 45. Appian. Civil. l. 3. Dio. Macrob. Sat. 1, 16. Plut. Cam. Liv. 6, 1. Appian. Civil. l. 4. Dio. Cic. ad Fam. 12, 25. Cic. Phil. 5, 1. et 6, 1. Cap. X. Dio. l. 46. Appian. Civil. l. 3.

lum cum consulibus adversus M. Antonium gereret cum consularibus ornamentis. adjectum etiam, ut senator esset, sententiamque loco praetorio diceret: ejusque rationem sic haberi in omnibus, quasi anno superiore quaestor fuisset. Militibus decreta pecunia ex aerario, quantam iis victoriae causa Caesar promississet; et, quam expendisset Caesar privato consilio parandis copiis, ea de publico redderetur, utque iis militibus, qui discessissent ab Antonio, statim atque finitum bellum esset, missio daretur, agrique dividerentur.

U. c. 709.  
A. C. 43.

XI. His ita constitutis, quum opinione omnium pro hoste judicato Antonius haberetur, mater ejus, uxorque, et filius puer, tota nocte deprecabundi discurrerunt per senatorum domos; et interdiu quoque in curiam euntibus supplicando, fletu et precibus, et ad genua se projiciendo singulorum, moverunt multorum animos, ut tam repentinam fortunae mutationem non sine misericordia intuerentur.

Antonii mater, uxorque pro eo deprecantur.

XII. Hoc videns metuensque Cicero vehementi rursus oratione ascendit indignationem Patrum: sed a L. Pisone familiari Antonii mitior dicta est sententia, phœuitque ex ea mitti ad Antonium legatos, qui pro Gallia offerrent Macedoniam. cetera mandata perscripta sunt durius, quod id negotium Ciceroni senatus imposuerat: Ut ante certam diem discedentibus militibus (Kalendae Februariæ praedicebantur) fraudi ne foret, fuisse cum Antonio, qui neglexissent id facere, pro hostibus habereantur. Antonius a Mutina confestim discederet: exercitum eis Rubiconem intra diem dictam reduceret, dum ne propius urbem Romam ducentis millibus admovent: provinciam ne depopularetur; neve delectus in ea haberet: essetque in Patrum conscriptorum et populi Romani potestate.

Ad eum senatus legatos mittit.

XIII. Neque multo post, priusquam reverterentur legati, tumultum esse decreverunt, vestitumque mutaverunt Patres, populo quoque sumente saga, Cicerone principe, qui pridie Nonas Februarias descendit ad forum sagatus, quum reliqui consulares togati vellet descendere: quod solebant eo honore functi, quamquam erat in sagis civitas. Senatusconsultum quoque factum, ut L. Munatius Plancus ex Comata Gallia,

Civitas sagis sumis.

Cap. X. Cic. Phil. 5, 17. et Epist. ad Octavian. Vell. 2, 61. Sueton. Aug. 10. Plut. Cic. et Anton. Liv. Epit. Cap. XI. Cic. Phil. 5, 19. Dio. et Appian. Appian. Cap. XII. Liv. Epit. Dio. Appian. Cic. Phil. 5, 13. et 6, 3. et 2. Cap. XIII. Dio. Cic. Phil. 6, 3. 8, 2. 12, 7. 8, 11. Cic. ad Fam. 10, 33.

U. c. 709. et ex Narbonensi Lepidus, de quibus bona tum erat opi-  
A. C. 43: nio, auxilio consulibus et D. Bruto essent.

Antonius  
in Cicero-  
nem invehi-  
tur.

XIV. Missi sunt ad Antonium tres consulares, Ser. Sulpicius, L. Piso, L. Philippus, principes civitatis. Ex his Sulpicius, qui aetate ceteros anteibat, quum jam prope castra venisset, fato functus est: ceteri, metu, an alia causa, incertum, nihil egerunt amplius, quam ut mandata porrigerent. Accepit ille gaudens causam sibi datam ab senatu hostiliter agendi. Quamobrem in conspectu legatorum Mutinam verberavit tormentis; et multa statim in senatum, in Ciceronem, in Octavianum coram iisdem effudit: *Mirari, quod Romae sint, qui Caesarem, optime de republica meritum, pro tyranno et hoste habeant; Ciceronem non habeant, qui servatus a Caesare, quum necari jure potuisset, hanc ei referat gratiam, ut percussores ejus potiores habeat amicis omnibus: Decimum, donec recte fecisset, habuerit odio; idem nunc parvicidam diligat. huic conservatam provinciam velit a solo Caesare datam; Antonio eat ereprum, quam habeat populi Romani beneficio. Sed et Patres conscriptos pravis consiliis uti, qui in gratiam pueri (Caesarem notabat) se adficerent injuriis. Dari praemia militibus, qui a se descivissent, cui senatusconsulto essent dari: minas denunciari his, qui maneant in officio. Eam vero rem tam ad suum incommodum, quam reipublicae detrimentum, depravata in tantum disciplina, pertinere. Se tamen ad sensum esse decretae oblivioni propter viros duos Cassium et Brutum. Sed, quando ipse et Dolabella hostium numero habeantur non aliam ob causam, quam quia jure data retineant, se quoque irritam pactionem illam oblivionis facere, quam hi, quorum ad beneficium ea res pertineret, priores violassent.*

Ejus man-  
data ad se-  
natum.

XV. Dedit deinde vicissim mandata iisdem legatis perferenda senatui: quamquam et ipse legatum mitteret L. Varium aedilitium hominem, compotorem suum, cui propter morum turpitudinem cognomentum erat inditum Coryla. Mandatorum ea fuit summa, futurum se in potestate senatus amore pacis et patriae. Ciceroni, a quo profecta sciat, quae nomine senatus scripta fuissent, haec respondere: sibi concessam plebiscito Galliam, jusque datum bello Decimum persequendi, lege contempta repugnantem, adeoque, si perstet, poenas ab eo sumpturum uno percussorum pro om-

Cap. XIII. Dio. Cap. XIV. Cic. Phil. 9, 1. Appian. Dio. Cic. Phil. 8, 7. Appian. Dio. Appian. Cap. XV. Cic. ad Fam. 12, 4. et Phil. 8, 8. et 13, 12. Plut. Anton. Appian.

nibus, ut tandem exsolvatur piaculo senatus, quo per Cicero-  
nem Decimo opitulantem se obstringar. Haec legatis sena-  
tus injuncta.

U. c. 709.  
A. C. 43.

XVI. Modestiora per Varium, tectiora certe, nun-  
ciavit: Provinciam, his enim verbis usus est, remitto:  
exercitum depono: privatus esse non recuso: omnia obliviscor:  
in gratiam redeo, si legionibus meis sex, si equitibus, si co-  
horri praetoriae praedam agrumque dederitis: et, quibus ego  
atque Dolabella dedimus agros, eos tenere patiamini. Postu-  
larit praeterea, ut chirographorum atque commentariorum  
Caesaris obseutu facta sua atque collegae decreta manerent: ne  
tangerentur rationes ad Opis: ne fraudi esset septemviris agro-  
rum dividendorum, quod egissent, ceterisque, qui secum essent,  
et adversus leges commisisse dicerentur: ne sua judiciaria lex  
abrogaretur. Ut pro Togata Gallia Comatam provinciam ba-  
beret cum sex legionibus, iisque suppleret ex D. Bruti exerci-  
tu, non solum ex delectu suo: tandemque ut obtineret, quam-  
diu M. Brutus, C. Cassius consules prove consulibus futuri  
in provinciis essent.

Alia ejus-  
dem.

XVII. Hoc addebat, ut potentes viros demerere-  
tur; simul Caesari sollicitudinem immitteret, ne cum  
his conjungeret vires Antonius, si nimis ab eo pre-  
meretur. Non enim erat ullum concordiae studium  
Antonio, nec aliud agebat his mandatis, quam ut co-  
lorem quaereret bonae causae, senatui se permittens:  
sed has conditiones adjecerat, quas neque recepturus  
senatus esset, neque Caesar pateretur. Qua enim ra-  
tione hic aut interfectores patris sui consules creari  
sineret; aut Antonianis copias paria decerni praemia,  
quam decreta suis essent; atque per hoc Antonii apud  
milites auctoritatem et potentiam adaugeri? Neque du-  
bitatum est, quin extemplo hostis Antonius judicare-  
tur; militibus alia diceretur dies, uti nimirum cum An-  
tonio fuisse fraudi non esset his, qui ante Idus Martias eum  
reliquisset, et aut ad consules, aut ad Caesarem, aut ad  
Brutum adissent. Consulibus permissum, ut rempublicam  
defenderent, viderentque, ne quid ea deprimendi adciperet.  
In haec quia ingenti pecunia erat opus, quintam et vi-  
cesimam facultatum omnium conferri jusserunt.

Antonius  
hostis judi-  
catur.

XVIII. Hoc tempore praecipua Ciceronis opera  
fuit, quotidianis ferme concionibus populum hortan-

Ciceronis  
in ea re stu-  
dium.

Cap. XVI. Cic. Phil. 8, 8. et 9. Cap. XVII. Dio. Appian.  
et Dio. Plut. Anton. Cic. Phil. 8, 11. Dio. Cap. XVIII. Ap-  
pian.

U. c. 709. A. C. 43. tis. hinc et armorum magna vis gratuito fabrorum labore, et variis nominibus pecuniae collectae. Antonii praesertim amicis, auctore eodem, impensae graves injectae: quas illi sane sustinebant alacriter, tamquam re ipsa criminationes refellerent. Etiam municipia Italiae opes suas conferebant, principibus pecuniae pollicendae Firmanis, quibus ob eam rem actae erant ab senatu gratiae: quemadmodum et Marrucinis, qui ignominia notandos censuerant, quotquot militiam subterfugissent: et L. Nasidio equiti Romano, cuius hortatu non milites modo facti vicini, sed etiam facultatibus sublevati fuerant. Patavini quoque, reiectis Antonianis, pecunia, militibus, et, quod maxime deerat, armis consules et Caesarem iuverunt: horumque studium alii Transpadani, qui prius Antonio favere putabantur, imitati sunt.

*Romae tributa iterum indicuntur.*

XIX. Sed eo perventum erat, ut urbem, jam inde a triumpho Paulli Macedonico immunem a tributis, subire insolitum onus, pecuniam dare, contribuere, solvere oporteret. Nam et Mutinensis Brutus valde urgebatur inopia: et Marcus non abundabat. et ad vocem tributum quotidie obdurescebant homines, quae supra annos centum viginti vix audita in urbe fuerat. Et, renato in Africa bello, etiam Q. Cornificius pecuniam petebat. Igitur et senatores in singulas tegulas, sive propriarum aedium, sive conductarum, quaternos oboles pependerunt. Maxima enim erat rei nummariae difficultas publice, ut etiam annuos praetermitti ludos oporteret, praeterquam paucos obiter factos, et di-cis causa.

*Bruto et Cassio multa decernuntur.*

XX. Igitur M. Bruto, qui per eadem tempora provincias et exercitus a se occupatos retinere jubebatur, senatusconsulto permixtum, uti pecunia, si qua opus sit, et exigi possit, utatur, exigatque, a quibus videatur: ad rem militarem, mutuam sumat a civitatibus, frumentumque imperet. Eodem senatusconsulto laudatus est Q. Hortensius, iussusque cum Q. Caepione proconsule et legatis suis Macedoniam provinciam obtinere, quoad ei ex senatusconsulto successum sit. Sed et C. Cassio decretum, uti Syriam ob-

Cap. XVIII. Cic. ad Fam. 11, 8. Phil. 7, 8. et 9. Cic. Phil. 12, 4. et 10, 5. Cic. ad Fam. 12, 5. Cap. XIX. Cic. ad Fam. 12, 30. Plut. Aemil. Cic. de Offic. 2, 22. Cic. ad Fam. 12, 4. et ad Brut. 2, 6. et 1, 18. Cic. ad Fam. 11, 14. et 12, 28. et 30. Cap. XX. Dio. Appian. Dio, l. 47. Vell. 2, 62. Cic. Phil. 10, 11. Appian. Dio, l. 47.

*ineret cum imperio, bellumque cum Dolabella gereret.* Q. U. c. 704.  
 Caepionis nomine non alium, nisi M. Brutum, intelli- A. C. 43.  
 gi monendum est, qui nomen illud praenomenque,  
 quum ab Servilio Caepione avunculo esset adoptatus,  
 adsciverat.

XXI. Dum haec in Antonium Romae sunt magno *Amici An-*  
 plerorumque studio, non defuerunt, qui partes ejus *tonii.*  
 modis omnibus tutarentur. ex quorum numero adver-  
 sus senatusconsultum, quo contra rempublicam fecis-  
 se exillimabantur, ad Antonium profecti sunt praeto-  
 res ejus anni duo, P. Ventidius, L. Marcius Censo-  
 rinus, unusque tribunus plebis, et designati duo, cum  
 aliis quibusdam senatoribus. Alii, manentes in urbe,  
 omnem pro Antonio lapidem movebant: Fufius prae-  
 sertim et Piso, plerumque sententiis diffidere a Ci-  
 cerone soliti, et pacis commoda inculcantes. Hi ne-  
 que vestem mutaverunt statim, et senatui fuerunt au-  
 ctiores iterum ad Antonium legatos mittendi, Pansa  
 quoque consule hortatore. dictaeque sunt sententiae,  
*ut consulares quinque, atque inter eos Cicero, legarentur.* Sed  
 hic quidem senatui causas, cur proficisci neque pos-  
 set, neque deberet, luculenta oratione exposuit: at-  
 que, illo detrectante legationis munus, ceteri quoque  
 remanserunt.

XXII. Sed Vibio Pansae consuli ad bellum exeunti *Ostenta con-*  
 foeda ostenta facta. Nam ultima concione, quam ad *suli Pansae*  
 populum habuerat, quemdam ex turba comitalis mor- *oblata.*  
 bus prostravit: et, qua profectus est hora, statua ejus  
 aenea equestris, quam habebat domi, corruit. Equus  
 phaleratus in heri conspectu festinans concidit. Inter  
 immolandum, ut solebat, priusquam paludati magi-  
 stratus proficiscerentur, exta ab haruspice propter mi-  
 rificam sanguinis exundantis copiam judicari nequive-  
 runt: et quidam e populo, in eodem sanguine lapsus,  
 palmam, quam boni omnis causa proficiscenti datu-  
 rus erat, cruentavit porrexitque. Ad haec simula-  
 crum Matris Deum in Palatio ab ortu ad occasum se  
 convertit: et Dianae signum, quod Mutinae coleba-  
 tur, plurimo sanguine primum, deinde lacte fluxit.  
 Consules ante ferias Latinas ex urbe profecti sunt,

Cap. XX. Vell. 2, 62. Cic. ad Brut. 1, 5. Cap. XXI. Dio,  
 l. 46. Cic. Phil. 8, 11. et 11, 5. et 12, 8. Dio. Cic. in Ph.  
 passim. Dio. Cic. Phil. 12, 1. Phil. 13, 17. Phil. 12. Dio.  
 Cap. XXII. Jul. Obseq. et Dio.



U. c. 709. quod semper exitiosum ipsis fuisse multa documenta  
 A. C. 43. declarare videbantur. Neque leviora minis mala sequuta. Rediit Sullana proscriptio, omnisque ferme nobilitas, exceptis, qui fecerunt, sublata est.

*Senatus magna culpa.* XXIII. Hujus calamitatis causa senatui a Dione ascribitur: qui, prava calliditate neminem toleraturus dominum, alios aliorum ope studuerit evertere: atque sic offensos sibi omnes effecerit, amicum neminem. Nec reprehendendum hoc iudicium esse, manifestum erit ex rerum expositione, quae sequutae sunt: quas patebit non alias fuisse, quam ex ejusmodi consiliis proficisci debuerunt.

*Caesaris cogitationes.* XXIV. Quippe Antonius, jam dissimulans, quod ab initio solum praetulerat, non propter spretum plebiscitum Decimo bellum se facere, sed tamquam Caesaris percussori, jactabat, etiam scriptis ad senatum literis, eo haud dubie animo, ut vel adliceret juniorem Caesarem, vel certe suspectum partibus faceret. Et profecto varie nutabat Caesar, incerta temporum et negotiorum intuens. Oblivio praeteritorum et impunitas ab senatu data viris ejusdem ordinis, et plerisque arcta necessitate junctis, humanitati imputari poterat; concessae pro majoribus exiguae provinciae, securitatis ipsorum causa datae videri. Sed quorsum in Gallia retineri Brutum? et decretam sibi provinciam ingresso Antonio dominationis impingi crimen? eoque praetextu se quoque in eum armari? Praeterea Dolabellam, uno percussorum Caesaris interfecto C. Trebonio, hostium numero haberi: Bruto Cassioque imperium amplissimum, potestatemque in omnes alios, qui provincias ab Ionio mari ad Aegyptum usque obtinerent, concedi. Quorsum enim ista, nisi ad partes attollendas Pompejanas, pertinere?

XXV. Reputabat et, quid sibi decretum esset ab senatu, reperiebatque tamquam adolescentulo fieri fucum: concedi speciosa, statuam, ordinem senatorium, nomen propraetoris: (de his enim rebus jam acceperat) at decreto, uti cum consulibus bellum administraret, exercitum suum eripi, parere coacto majus imperium obtinentibus. Ad haec praemia decreta tantummodo his, qui transfugissent ab Antonio, non etiam, qui Caesarem sequuti alii essent, ad suam injuriam pertinere judicabat: neque aliud agi ab senatu, quam ut se ad tollendum Antonium abuterentur; illo

Cap. XXII. Flor. 4, 6. Dio. Cap. XXIV. Cic. Phil. 13, 10. Appian. Infra 119, 1. 5. Appian.

dejecto, se quoque tollerent. Interim et imperium suscepit Spoleti, et pro more novam potestatem auspicantium immolari iussit. adparueruntque omnium victimarum jecinora replicata intrinsecus ab ima fibra, responsum a vatibus, *intra annum duplicaturum esse potentiam, quemadmodum exta duplicia fuissent.* Sic animatus in concionem vocavit milites, ostenditque, *se bonum etiam, quae ab senatu acciperet, causa gratias eis agere: Totum se nec enim daturus ei imperium Patres, nisi prius a militibus militibus tradit.* habuisset: neque se de fore praemiis eorum, re feliciter gesta.

U. c. 709.

A. C. 43.

*Egregio  
litato ex-  
citatus.*

XXVI. Confirmabant adolescentis suspensiones cetera quoque: quod legati et mandata publico nomine ad Antonium mittebantur: consules ad eum, se nescio, scribebant; et literas Antonii, ad senatores quosdam destinatas, quum intercepissent, clam se reddendas curaverant: neque serio gerebant bellum, per causam hiemis omnia tardantes atque procrastinantes. Praeter praesidium Antonii Claterna dejectum, nihil erat ab Hirtio gestum: et Pansa tollendis Antonii legibus agendoque per urbem et Italiam delectu occupabatur.

XXVII. Sed, quia nondum erat tempestivum haec intelligere videri, etiam Hirtio, ut a senatu clam mandatum fuerat, duas poscenti legiones, quartam et Martiam, quod erat roboris in exercitu, concessit: et, Hirtio Claternae hibernaturo, forum Cornelii profectus, quotidie et legendo, et scribendo, et declamando se exercuit; gnarus in summa dignitate potentiam munitam armis, facundia destitutam et civilibus artibus, metui quam amari, et terrere quam rogare aptiorem esse.

*Studiis in**ter arma dat  
operam.*

XXVIII. Interea et legatus Bruti Pontius Aquila, D. Brutus qui tribunus plebis offenderat Caesarem, deinde inter percussores ejus fuerat, T. Munatium Plancum, aliquot proeliis victum, Pollentia, etiam crure fracto, expulit. Et ipse Brutus senatori cuidam, qui profugerat ad Antonium, supellectilem, quam ille Mutinae reliquerat, mittendo, in tantum celebratus est, ut et

*D. Brutus  
rem bene ge-  
rit.*

Cap. XXV. Plin. 11, 28. Sueton. Aug. 95. Jul. Obseq. Dio. Plin. Appian. Cap. XXVI. Dio. Cic. ad Fam. 12, 5. et Phil. 8, 2. Cap. XXVII. Dio. Appian. Dio. Appian. Cic. ad Fam. 12, 5. Dio. Sueton. Aug. 84. Cap. XXVIII. Dio. Supra, 116, 10. et 41. Cic. Phil. 11, 6. et 13, 12. Dio.

U. c. 709. complures civitates, quae superiore anno largitioni-  
 A. C. 43. bus concessionibusque privilegiorum erant obligatae  
 Antonio, a partibus ejus alienarentur, et exercitus  
 fieret segnior. Igitur Antonius, ad corrumpendos Mu-  
 tinenses, suorum aliquos in oppidum misit. At Bru-  
 tus hoc sentiens, dolum haud inelegantem machina-  
 tus, convocavit omnes cujusque modi homines, qui  
 tum Mutinae degebant: paucisque verbis factis, de-  
 monstravit locum, in quem milites; simul alium, in  
 quem ceteri discederent. Ita relictos in medio hostes  
 facile comprehendit.

*Consules et  
 Caesar suc-  
 currunt  
 Bruto.*

XXIX. At, ubi circumvallatus urgeri fame coepit,  
 Caesar ei metuens Hirtium impulit, ut ad liberandam  
 obsidione Mutinam una proficiscerentur. In itinere  
 Bononiam occuparunt; quae, antiquitus in clientela  
 Antoniorum constituta, quum praesidium non haberet,  
 sine certamine aperuit portas. Neque, praeter Rhe-  
 gium Lepidi et Parmam, ullum oppidum Antonio su-  
 pererat. Sed erat is equitatu firmus: quem obviam  
 venientibus a Bononia misit. Fiebant igitur equestria  
 crebra proelia, sed vincebantur Antoniani, quam-  
 quam superiores numero: quia torrentibus interrupta  
 planities multitudinis usum auferebat.

*Litteras ad  
 eum per avi-  
 ngtores et  
 columbas  
 mittunt.*

XXX. Ne tamen Mutinam venire victores possent,  
 Scultenna fluvio et praesidiis ad eum Antonii prohi-  
 bebantur. Igitur, ut, quibus possent modis, Brutum  
 praesentia horum cognita confirmarent, ab altissimis  
 arboribus efferrī faces adensas jusserunt. Deinde,  
 quum id parum intelligeretur, tenuem plumbi lami-  
 nam literis insculptis convolverunt, quae per urina-  
 torem adligata brachio sub aqua deferretur. Quum  
 hoc modo saepe commeassent literae, atque parte Scul-  
 tennae, quae nunc quoque Mutinam intrat, salem,  
 quo maxime indigebant obsesti, cuppis inclusum, item-  
 que pecora intromisissent; sentiens, quod agebatur,  
 Antonius retia per amnem tetendit, quibus omnia haec  
 exciperentur. Tum ad aliam astutiam transitum, et  
 columbae cum epistolis ultro citroque missae. Prius-  
 quam

Cap. XIX. Appian. Dio. Sueton. Aug. 17. Dio. Cic. Phil.  
 10, 5. et ad Fam. 12, 5. Cic. ad Fam. 10, 15. Dio. Cap. XXX.  
 Appian. Dio. Plin. 3, 16. Dio. Frontin. Strat. 3, 13. Dio.  
 Cluver. Ital. Antiq. l. 1. c. 36. Frontin. Strat. 3, 14.

quam dimitterentur, in obscuro loco fame macerabantur. Deinde epistolae seta religabantur ad collum. Sic dimissae, quam proxime urbem poterat, cibi lucisque desiderio petebant summa quaeque aedificia, ibi excipiebantur: utique postquam, intellecta re, cibum certis locis collocari Brutus iusserat. Eaedem deinde remittebantur a Bruto cum literis, loca nota repetentes.

U. c. 709.  
A. C. 43.

**XXXI.** Sic obfirmato ad tolerandam obsidionem Decimo, Antonius, fratri Lucio custodia operum ad Mutinam demandata, castra hostium castris opposuit. Crebrae inde velitationes, sed nihil ad rerum summam: inter quas et Galli equites, quos cum elephantis ad Caesarem defecisse diximus, ad Antonium redierunt, clade etiam aliqua Caesarianis inlata; et, inter pabulatores oborto certamine, suos unoquoque conante defendere, acriter pugnatum, superiorque discessit Antonius. Interim P. Ventidius ex coloniis Caesaris instar duarum legionum collegit, notus plerisque et militiae socius. Magni inde rumores exstiterunt in urbe, quum eo properare audiretur: fugerantque multi, atque inter eos Cicero. Sed conjungere se cupientem Antonio Ventidium Caesar et Hir-tius excluserunt. Ergo profectus in Picenum, ibi quoque delectibus habitis, aliaque conscripta legione, temporibus insidiabatur.

*Antonii  
cum his ve-  
litationes.*

**XXXII.** Dum haec in urbe et Italia fiunt, M. Brutus in Macedonia et Epiro res suas insigniter auxit. C. Antonius, progressus Apolloniam, eo contrahere, quidquid militum vicinis locis erat, moliebatur. Sed, ubi et illi se ad Brutum potius contulerunt, et Apolloniatas eodem inclinare Antonius sensit, magnam urbem et gravem, relicta Apollonia, Buthrotum profectus est. Mox, amissis in itinere cohortibus tribus, quae caesae a Bruto fuerant, quum praeter Amantiam et Bullidem teneret nihil, huc statuit contendere. Sed loca, per quae eundum erat, Cicero adolescens jam praeceperat: per quae vi conatus aperire viam, victusque, dum inter paludes longo agmine se recipit, a Bruto circumvenitur.

*M. Brutus  
succensus in  
Macedonia.*

Cap. XXX. Plin. 10, 37. Frontin. Strat. 3, 13. Plin. Cap. XXXI. Dio. Appian. Dio. Appian. Cap. XXXII. Dio, l. 47. Plut. Bruto. Cic. Phil. 11, 11. Plut.

*Supplem. Liv. Tom. XIV.*

U

U. c. 709. XXXIII. Facile erat delere universos: sed Brutus,  
 A. C. 43. parcendum dicens suis mox futuris, consalutari eos  
 C. Antonius. iussit, et, quum nihil responderent, tamen dimitti.  
*um in pote-* Sed rursus in praeruptis locis nactus, circumdatosque  
*statem redi-* uti prius salutans, commovit omnium animos, ut di-  
*git.* gnum exillimatione sua praedicantes, qua mitis et sa-  
 piens ferebatur, in fidem ejus concederent. Antonium  
 etiam deditum ita clementer habuit, ut ne magistratus  
 quidem eriperet insignia: simulque cum Bruti literis  
 ad senatum adlatae sunt Idibus Aprilibus a C. Antonio  
*proconsule*: hoc enim adhuc vocabulo utebatur.

*Senatus de-* XXXIV. Haec igitur epistola movit iram Patribus:  
*creta in fa-* ut, quam Brutus scripserat, mira senatus laetitia to-  
*vorem Bruti* tiusque civitatis alacritas excepit atque laudavit. Igi-  
*et Cassii.* tur paucis ab inde diebus, quam fugatus a Mutina An-  
 tonius animos Patribus fecisset, Bruto Cassioque pro-  
 vinciae, quas jam privato consilio occupaverant, de-  
 cretae sunt: laudati exercitus, qui his se tradidissent.  
 Senatusconsulto comprehensae comprobataeque pecu-  
 niae, quas a quaestoribus transmarinarum provincia-  
 rum adceperant. postremo praeceptum rursus omni-  
 bus, provincias trans Iōnium habitantibus, *uti M. Bru-*  
*to, C. Cassio dicto audientes essent.* Sed jam de rebus,  
 quas interim in Asia Dolabella gessit, exponendum est.

---

Cap. XXXIII. Appian. et Plut. Dio. Appian. Plut. Cic. ad  
 Brut. 2, 7. Cap. XXXIV. Vell. 2, 62. Plut. Appian. Civil.  
 3. et 4. Cic. Phil. 11, 12.

# E P I T O M E

## LIBRI CENTESIMI DECIMI NONI.

*C. Trebonius in Asia fraude P. Dolabellae occisus est. Ob id facinus Dolabella hostis a senatu judicatus est. Quum Pansa consul male adversus Antonium pugnasset, A. Hirtius consul cum exercitu superveniens, fuis M. Antonii copiis, fortunam*

*C. Trebonius in Asia fraude P. Dolabellae occisus est*] *L. Trebonius* ed. Rom. princeps apud Hearnium. *S. Trebonius* ed. Rom. anni 1472. *M. Trebonius* scripti plures supra vocant Epit. 116. Verum hic nihil mutant. Et recte. Fontem erroris, in paucis edd. commissi hoc loco, indicavi supra ad Epit. 62. Dein *Dolobellae* et mox *Dolobella* Leid. Voss. Lov. 2. Boend. et Norv. Similiter edd. antt. aliorum scriptorum, in Graecis vero *Δολοβέλλας*: pro quo passim viri docti *Dolabella* et *Δολαβέλλας* substituerunt. Quamvis autem in uno lapide apud Gruter. 499, 7. pariter *DOLOBELLA* reperiatur, altera tamen orthographia praefenda est. Non modo enim eam firmat nominis origo; quod, ut observat Dausq. in Orthogr. deducitur a *dolabra*, cujus diminutivum est *Dolabella*; verum ita etiam est in pluribus lapidibus apud Gruter. Sponium, Donium, aliosque; sed inprimis in Fast. Capitol. Consul. ad A. V. 131civ. 136clxiv. et in Fast. Capit. Triumph. ad A. V. 132clv. Accedit auctoritas nummi, tempore Tiberii cusi cum hac inscriptione, *PERM. DOLABELLAE*

*PROCOS.* apud Spanhem. de Us. et Praest. Num. Diss. 10. p. 170. et in Thes. Morell. tom. 1.

*Hostis ab senatu judicatus est*] *ab senatu*, in recentioribus edd. obvium, auctorem habet J. Fr. Gronovium; quum omnes scripti, et priores excusi praeferebant *a senatu*. Praeterea hoc ordine vocabula primum composuit Gruterus, probantibus Leid. Voss. Berg. et Lov. 2. sed *a senatu hostis* est in Boend. Exc. Pithoei, ed. Camp. omnibusque reliquis excusis a Froben. anni 1535. ad Gruterum. Vetusiores vero *a senatu inimicus* praeferebant. Voces *inimicus* et *hostis* etiam commutantur supra Epit. 110. et mox hac Epit. Verum paullo post habemus: *Hostisque a senatu cum omnibus, qui intra praesidia ejus erant, judicatus est* Ep. 77. Ex qua duodecim *a senatu hostes*, inter quos *C. Marius pater et filius, judicati sunt*. Epit. 121. *Ut Dolabellam, hostem judicatum, bello persequeretur*. ubi pariter peccant edd. veti. Vocula est non adparet in Lov. 2.

*A. Hircius consul cum exercitu superveniens*] *Hirtius* Capitol. consules, et Graeci *Ἰρτίος*.

*utriusque partis aequavit. Victus deinde ab Hirtio et Caesare Antonius in Galliam confugit, et M. Lepidum cum legionibus, quae sub ipso erant, sibi junxit: hostisque a senatu cum omnibus, qui intra praesidia ejus essent, judicatus est. A. Hirtius, qui post victoriam in ipsis hostium castris ceciderat, et C. Pansa, e vulnere, quod in adverso proelio exce-*

SIGON. Recte quidem Sigonius emendat *Hirtius*: id tamen nomen in Fastis Capitol. non memoratur. sed eo modo, ut voluit, scribitur in lapide apud Gruter. 165, 3. et 166, 1. in alio apud Fabrett. ad Column. Traj. cap. 7. p. 197. quem bis inscriptionibus suis inseruit pag. 217. et 324. *HIRTIA* apud Gruter. p. 978, 7. *A. HIRTIVS. PR.* in nummo apud viros doctos, qui illustrarunt Numm. Famil. Vocula cum deest in Voss. *zō superveniens* in Leid. Mox fortuna male Exc. Pithoei. Tum in Galliam effugit praefert Leid.

*Cum legionibus, quae sub ipso erant, sibi junxit, hostisque ab senatu cum omnibus* Omnia haec vocabula negligentia librarii desunt in Voss. *quae sub eo erant* legunt Exc. Pitnoei. Tum *a senatu* Leid. Berg. Lov. 2. Boend. Exc. Pithoei, Norv. omnesque excusi usque ad Gronov. qui anno 1665. *ab senatu* dedit, et *mox essent*; quum priores, consentientibus Leid. Berg. Boend. Exc. Pithoei, et Norv. praeferrant *erant*.

*Qui post victoriam suam in inimicorum castris ceciderat* Vet. lib. *qui post victoriam in hostium castris ceciderat*. SIG. Licet Sigonius post victoriam in hostium castris se in vet. lib. invenisse monuerit, edidit tamen post victoriam in ipsis hostium castris, quod Gronov. anno 1665,

recepit, et mihi obvium fuit in Leid. Voss. Berg. Lov. 2. et Exc. Pithoei. *post victoriam ipsius hostium castris* in Boend. et ed. Camp. *post victoriam ipsius in inimicorum castris* in reliquis edd. antt. *post victoriam suam in inimicorum castris* in Basil. anni 1654. *post victoriam ipsis in hostium castris* in ed. Gruteri. Dein *exciderat* male Boend. et ed. Campani. Paulo ante *Aur. Hirtius* Exc. Pithoei. Vide ad Epit. 74. *At Hirtius* Leid.

*Et L. Pansa, e vulnere, quod in adverso proelio exceperat, defunctus* L. Pansa servant omnes excusi, nisi quod Sigonius C. Pansa ediderit; cui, licet mutatae lectionis in scholiis non meminerit, neminem recentiorum auscultasse, merito miramur. Hirtii enim in consulatu collega, non L. sed C. Vibius Pansa dictus est. Ita autem non tantum vocatur apud Cic. 3. Phil. 15. orat. 5. Phil. 19. orat. 11. Phil. 9. lib. 8. ad Fam. 8. apud Dion. Cass. 46, 278. et alibi; verum etiam in Fragm. Faflor. Capit. ad A. V. 1300cx. Ad eundem hunc Pansam referunt viri docti nummos, quos cum inscriptione hac C. VIBIVS. C. F. PANSA Ursinus et alii ediderunt: sine dubio vero ad eum pertinent duo, in quorum altero ab hac parte adscribitur LIBERTAS, ab illa C. PANSA. C. F. C. N. in altero ab hoc latere C. PANSA, ab illo ALBINVS.

*pérat, defunctus, in campo Martio sepulti sunt. Adversus C. Caesarem, qui solus e tribus ducibus supererat, parum gratus senatus fuit: qui, D. Bruto, obsidione Mutinensi a Caesare liberato, honore triumphi decreto, Caesaris militumque ejus mentionem non satis gratam habuit: ob quae C. Caesar, reconciliata per M. Lepidum cum M. Antonio gratia, Ro-*

**BRUTI. F.** Libri scripti eodem errore, quo editi, laborant; nisi quod in solis Exc. Pithoei legatur *C. Pansa*. Praeterea ex vulnere Berg. Lov. 2. Boend. et ed. Camp. Tum exceperant, defuncti male Boend. et ed. Camp. Mox ex tribus ducibus Leid. Voss. Berg. Lov. 2. Boend. et ed. Camp. Deinde parum gratus senatui Voss.

Qui, *D. Bruto, obsidione Mutinensi ab Caesare liberato*] quod de Bruto Berg. Hinc a Caesare praeter scriptos quinque nostros etiam Exc. Pithoei, Norv. et editi ante Gronov. qui anno 1665. ab Caesare substituit. Dein deliberato Voss.

*Honore triumphi decreto*] Hic sermo est adulantium potentiae Octavii et successorum ejus: quo et Vellejus utitur [2, 62.] *D. Bruto, quod alieno beneficio viveret, decretus est triumphus*. Et Dio lib. 46, [317.] Πάνδ' ὅσα ἐκεῖνος ἡλπίσε λήψεσθαι, τῷ Δεκίμῳ δόντες· οὐ γὰρ ὅτι βουδυσίας, ἀλλὰ καὶ ἐπινίκια αὐτῷ ἐπέφισαν. At, haec si speravit Octavius, improbe speravit: nam de cive non triumphabatur. Id quod adulatores illos meminisse oportebat. Bruto decretus est triumphus de gentibus Transalpinis, ut colligas ex Epist. 4. lib. 11. Famil. Ciceronis, et Epit. 114. Quanto vero honestius Suetonius [Octav. 12.] *Ad praetextum mutatae voluntatis dicta factaque*

*quorundam calumniatus*. J. FR. GRON. *triumphi honore decreto* Berg. et Lov. 2. Mox *intentionem, pro mentionem*, Boend. et ed. Camp. Dein ob quod C. Caesar Voss.

Et, *perculsis adventu ejus*] *iis*] *praeclusis* vel *preclusis* Leid. Voss. Berg. Lov. 2. Boend. Exc. Pithoei, Norv. et edd. ante Mongunt. quae *perculsis* recte emendavit. Error ortus erat ex literis perperam transpositis. Praeterea *iis* deest in Boend.

Quum annos XVIII. haberet, consul creatus est] Vet. lib. annos XIX. recte; est enim natus Octavius consule Cicerone 1x. Kal. Octob. auctore Suetonio [Aug. 5.] consul factus est Pansa et Hirtio consulibus interfectis 1. Kal. Octob. Quae summa annorum est viginti, uno die minus. Quare qui xix. annos scribunt, integros accipiunt; qui viginti, imperfectos. Optime autem omnium Vellejus, qui ait [2, 65.] *Consulatum iniit Caesar pridie, quam viginti annos impleret, X. Kal. Octob. cum collega Q. Pedio*. SIGON. Gud. *cum decem et novem annos haberet*. Alter, *cum decem et octo annos haberet*. J. FR. GRON. Petavius quoque lib. 12. de Doctr. Temp. cap. 30. hic legit XVIII. et exponit, quum excessisset annos xviii. et nonum decimum ageret. Sed Norisius in Cenot. Pisan. Diss. 2. c. 2. ex anno confusionis, quem vocant,



*nam cum exercitu venit, et, percussis adventu ejus  
tis, qui in eum iniqui erant, quum annos novemdecim  
haberet, consul creatus est.*

qui ccccxlv. dierum fuit, quam additionem dierum factam dicit ante annum, quo Augustus consul fuit, nempe A. V. 1300. argumentatur, eum anno vigesimo et mense insuper expleto, senatus consulatum extorsisse. Si vera est illius sententia, videtur dicendum esse, Vellejum 2, 65, Suetonium Aug. 26. et alios, qui eum nondum viginti annos natum consulem factum tradiderunt, non habuisse rationem mensis intercalarii, qui in annum confusione incidere, et duorum mensium, quibus eundem Julius Caesar, ut auctor est Suet. Caes. 40.

auxerat. Sed de anno confusione aliter sentit Petavius, qui 4. de Doctr. Temp. 1. et 10, 61. annum illum A. V. 1300viii. et primum Julianum A. V. 1300ix. fuisse contendit. Augustus autem, etiam ex Norisii sententia, primum consulatum cepit mense Sextili A. V. 1300xi. DUKER, cum annos XVIII haberet Voss. et Norv. cum XVIII annos haberet Lov. 2. cum annos decem et octo haberet Leid. Boend. et ed. Camp. cum annos novemdecim haberet Exc. Pithoei. cum XIX. annos haberet Berg.

## JOHANNIS FREINSHEMII

### SUPPLEMENTORUM LIVIANORUM LIBER LXXXIV.

#### IN LOCUM LIBRI CXIX. T. LIVII.

I. P. Dolabella, quum in consulatu suo Syriam ple-  
biscito obtinuisset, sic instituit agere, tamquam non  
ad unam provinciam tuendam, sed ad infinitam colli-  
gendam potentiam, viribus opus haberet. Erat enim  
inter hunc et Antonium collegam, sicut mox ejus rei  
certa indicia eruperunt, de occupanda dominatione  
inita pactio. Idcirco, simul Achajam attigit, Veterem  
Antistium nactus, (quem postea Bruto adcessisse dixi-  
mus) pecuniam ab eo poposcit; deinde per Macedo-  
niam atque Thraciam agendo eadem, M. Octavium  
Marsum legatum cum una legione praemisit in Asiam.

U. c. 709.  
A. C. 43.  
*Dolabellae  
consilia et  
acta.*

II. Ipse tardius insequutus, adlato senatusconsulto,  
quo Cassio Syriam ab senatu datam cognovit, C. Tre-  
bonium, qui tum Asiae praeerat, adiit: complexusque  
hominem et familiarissime colloquutus adeo fefellit,  
ut nihil non in ejus amicitia collocandum esse Trebo-  
nius crederet, cibaria militibus ejus daret, cum ipso  
creberrime et confidenter versaretur. Sed, haec utrum  
eo animo facta sint, an vero ut ad fraudem Do-  
labella inliceretur, inter auctorum dissensionem tanto  
post tempore difficile dijudicatu est. Certe neque Per-  
gami, neque postea Smyrnae admissum esse Dolabellam  
traditur: forum tantum rerum venalium, tamquam con-  
suli videlicet, praebitum. Ideoque incensum ira Do-  
labellam, oppugnationem tentasse ferunt oppidi: sub-  
motumque Trebonii promissis, fore ut Ephesum intro-  
mitteretur. Neque tamen excusandus Dolabella est,  
utro modo res addiderit, fide violata.

*C. Trebonio  
se amicissi-  
mum osten-  
dit.*

Cap. I. Vell. 2, 60. Dio, I. 47. Appian. Civil. 3. Cic. Phil.  
11, 1. et 13, 19. Vell. Cic. ad Brut. 1, 11. Dio. Cap. II. Cic.  
Phil. 11, 2. Dio. Cic. Dio. Appian.

U. c. 709. A. C. 43. *Mox cum, perfide redactum in possessionem,* III. Quippe, missis a Trebonio copiis, quae proficiscentem Ephesum sequerentur atque observarent, hostilia agitans animo, dissimulavit omnia, donec minore parte in proximis locis relictis, plures revertisse Smyrnam cognovit. Tum vero paucos illos per insidias delevit: statimque Smyrnam contendens, fidelissimorum antiquissimorumque sociorum oppidum irruit noctu, scalis ad moenia, qua parum attente custodiebantur, adpositis. Trebonius in cubili deprehensus, quum ad Dolabellam deduci posceret, contumeliosissime exceptus, deinde Samiario cuidam exsuli traditus, verbera atque tormenta pertulit, ne publicam pecuniam proderet.

*Fosde laec- rat occidit- que.* IV. Postquam sic excruciatum est biduo, caput abscidi iussit Dolabella: idque in tribunali, ubi jus reddere consueverat, propositum, deinde ad Caesaris statum projectum, pilo suffixerunt milites, gestaruntque circum vias: postremo per plateas silice stratas mittentes remittentesque pro pila, sic contriverunt, ut amplius agnosci nequiret. Corpus tractum atque laceratum in mare abjectum est.

*Propter haec hostis a senatu iudicatur.* V. Ad hunc modum occiso Trebonio, Dolabella occupavit Asiam, seque munire rebus omnibus instituit, acerbe cogendo pecunias, et classem a Rhodiis, Lyciisque, atque ex Pamphylia et Cilicia, per L. Figulum contrahendo, non ignarus instantium. Quippe, quamprimum haec sunt Romae cognita, hostis ab senatu iudicatus est: diesque dictus, intra quem impune ab eo discedere milites atque familiares possent. Decretum praeterea, uti consules, Mutinensi bello confecto, Asiam obtinerent provinciam, et de Dolabella sumerent poenas. Nondum enim Cassii conatum successusque comperebant: et veriti, ne interea Dolabella fieret firmior, finitimarum provinciarum praetoribus curam Asiae, donec eo venissent consules, demandarunt.

*Idque bellum mandatur Cassio.* VI. Sed, priusquam ab illis quidquam ageretur, rebus Cassii auditis, huic bellum contra Dolabellam decreverunt, amplissimis verbis Cicerone dicente sententiam: uti ejus belli gerendi causa C. Cassius pro consule,

Cap. III. Cic. Phil. 11, 2. et 12, 10. Dio. Appian. Cic. Phil. 11, 2. Cap. IV. Vell. 2, 69. Liv. Epit. Oros. 6, 18. Appian. Dio. Cic. Phil. 12, 2. et Appian. Cap. V. Cic. ad Fam. 12, 12. et 14. et 15. Appian. Civil. 1. 4. Liv. Epit. Cic. Phil. 11, 6. Appian. Dio. Cic. ad Fam. 12, 14. Cap. VI. Dio. Cic. Phil. 11, 12.

quibus ei videatur, naves, nautas, pecunias, ceteraque omnia, quae ad bellum gerendum pertineant, imperandi in Syria, Asia, Bithynia, Ponto, jus potestatemque habeat: utque, quamcumque in provinciam ejus belli gerendi causa adveneris, ibi majus imperium C. Cassii proconsulis sis, quam ejus eris, qui eam provinciam tum obtinebit, quum C. Cassius proconsul in eam provinciam veneris. Eodem senatusconsulto comprehensum, uti finitimi reges, tetrarchae, dynastae C. Cassium suis copiis opibusque adjuvent: et de Dejotaro patre et filio regibus nominatim, qui, audita morte Caesaris, Armeniam, ab eo sibi ablatam, suo Marte recuperaverant.

U. c. 709.  
A. C. 43.

VII. Interim et Mutinense bellum ad finem venit, *Pansa con-*  
sed ita, ut majorum inde motuum exordium oriretur. *sul Mutinam*  
C. Pansa consul cum novis ex Italia delectibus (qua- *proficiscitur.*  
tuor legiones tironum erant) et Ser. Sulpicio Galba, qui ad eum, itineris adcelerandi causa, millia passuum centum erat missus, Bononiam procefferat. inde ut ad castra collegae et Caesaris perveniret per viarum angustias tutius, noctu obviam ei D. Carsulejum, qui bello Alexandrino praeclaram operam Caesari navaverat, cum legione Martia, et duabus praetorius cohortibus, Hirtii atque Caesaris, miserunt.

VIII. Hoc ubi sensit Antonius, quamquam iter ar- *Ei insidia-*  
ctum occludere palam potuisset; tamen, ne moram in- *tur Anto-*  
jiceret bello, quamprimum enim pugnare cupiebat, in- *nus.*  
sidias per silvestria Aemiliae viae disponere maluit. quam ad rem quia parum idoneus eques erat, duas robustissimas legiones, secundam et trigesimam quintam, in arundinetis, quae ad utrumque latus viae erant, collocavit; duasque insuper praetorias cohortes, alteram suam, alteram M. Silani, qui nuper a Lepido ad eum venerat. Quippe Lepidus, a senatu ad opprimendum Antonium evocatus, ambigua fide, et propter recentem adfinitatem Antonii in hunc propensior, quum ad senatum frustra de reconciliando eo scripsisset, M. Silano tribuno copias ducendas dederat, non expresso, utri se parti adjungeret. At Silanus, imperatoris sui mentem tenens, (nam ille et Nar-

Cap. VI. Cic. Phil. 2, 37. Cap. VII. Cic. ad Fam. 10, 30. Dio, l. 46. Cic. Appian. Civil. l. 3. Hirt. de B. Alex. Cap. VIII. Appian. et Cic. Dio. Frontin. Strat. 2, 5. 39. Appian. et Cic. Dio. Cic. ad Fam. 10, 33. Cic. ad Fam. 10, 9. et 12, 2. et Phil. 13, 4.

U. c. 799. bone concionatus fuerat, et ad multos scripserat, se  
 A. C. 43. cum Antonio consentire) ad Antonium concesserat. Partem tamen equitatus cum leviter armatis ostendebat Antonius, signa legionum apud Forum Gallorum occultans.

*Pugna oritur.* IX. At legio Martia praetoriaeque cohortes, hoste conspecto, retineri non potuerunt, quo minus proelium consertum irēnt. Igitur Pansa, duabus legionibus tironum sequi iussis, transitis silvarum et paludis angustiis, aciem instruxit cohortium duodecim. Nondum illae duae legiones aderant, quum Antoniani prorumpunt ex insidiis, manusque continuo locis impeditis conserunt. Igitur Martiae legionis milites, inveterati bellorum usu, ne turbarentur a tironibus, qui mox supervenerunt, seorsim hos iusserunt consistere; ipsi et praetoriani alacriter capefferunt pugnam.

*Tribus simul locis.* X. Tria sic proelia, discreta locorum ingeniis, simul facta. Nam a dextro cornu, ubi legionis Martiae cohortes octo contra legionem tricesimam quintam constiterant, Carsulejus et Galba Antonianos loco pepulerunt, in fugam non potuerunt vertere. In ipso viae Aemiliae aggere, ubi cohors Caesaris praetoria contra praetorianos Antonii erat collocata, diu pugnatum est perquam acriter. Sed in sinistro cornu, quod erat infirmius, ubi cohors praetoria Hirtii cum duabus ex legione Martia pugnabat, Antonius fuit superior: et, quum equitatu, quo valebat plurimum, circumire coepisset hostes, pedem eos referre ad castra coëgit, quae interim prudenti consilio Torquatus Pansae quaestor muniverat.

*Pansa graviter vulnervatur.* XI. Hoc modo certatum inter hos adcepimus ante diem duodevicesimum Kalendas Maji: quo proelio Pansa consul, quum, accepto vulnere, fortiter repugnaret, pilo per ilia transacto, aliud accepit gravius, et ex proelio elatus est Bononiam. Antonius, victorem se ferens, castra etiam hostium oppugnavit, neque capere potuit, multis occisis tironibus Pansae, multis etiam amissis militibus suis. Idcirco, ne interim, cognita re, Caesar atque Hirtius superveni-

Cap. VIII. Dio. Cic. ad Fam. 10, 31. et 83. Cap. IX. Appian. et Cic. ad Fam. 10, 30. Cic. Phil. 14, 9. Appian. et Cic. ad Fam. 10, 30. Cap. XI. Ovid. Fast. 4, 625. Appian. Cic. Phil. 14, 9. et ad Brut. 1, 9. Dio, Oros. 6, 18. Jul. Obseq.

rent, omiſſa oppugnatione caſtrorum, ad ſua reduxit exercitum.

U. c. 709.  
A. C. 43.

XII. At Hirtius, ad deſenſionem valli ſui, quod interim a parte ſuorum oppugnari Antonius jufferat, relicto Caesare, cum legione quarta, et veteranorum decem cohortibus, (haec ſeptima erat legio) redeunti Antonio occurrit, adpetente jam vesp̄ra. Ibi deſeſſi et inordinati ab integro milite excepti, quamquam ſatis fortiter ſe defenderent, cladem adceperunt; majori parte veteranarum Antonii copiarum deleta. In hoc proelio ſummi ducis atque fortiffimi militis munia conſul explevit, non modo rebus omnibus optime proviſis, ſed adito inter primos periculo, et aquilam quartae legionis ipſe in hoſtium adverſa ſigna inferens. Quod niſi nox et paludosa circum loca Hirtium ab inſequendo deterruiſſent, confici bellum potuit. Haec et Antonii eripuerunt equites, et his occaſionem dederunt plures ſuorum conſervandi. quippe ſaucios, nonnullos et integros, prae laſſitudine in uliginosis locis haerentes, partim in equos imponendo, alios recipiendo poſt terga, et valentiſſimum quemque jubentes correptis equorum caudis adcelerare fugam, magnum eorum numerum reduxerunt in caſtra ad Mutinam, quarta demum noctis hora reverſi. Aquilas duas, ſigna ſex et ſexaginta victores retulerunt.

*Hirtius Antonium vincit.*

XIII. Sic aequata partis utriusque fortuna, non ſolum Hirtius, cujus id proprium decus fuerat, ſed Panſa quoque et Caesar a militibus, et mox ab ſenatu, ad quem literas Hirtius et Caesar ſcripſerant, adpellati ſunt Imperatores; quamquam adverſum proelium Panſa ſecerat, Caesar non interſuerat pugnae ille quidem, ſed tamen, caſtra multarum legionum paucis cohortibus tutatus, oppugnantes repulerat. Sed e proelio fuiſſe eum Antonius ſcripſit, ac ſine paludamento equoque poſt biduum demum adparuiſſe: et velut teſtimonio conſentiens per eos dies fama ipſum etiam cecidiſſe vulgavit. His tribus proeliis ferme dimidia militum utrimque pars interiit, cum tota cohorte praetoria Caesaris: ex Hirtianis haud perinde multi ceciderunt.

*Conſules et Caesar imperatores adpellantur.*

*Clades Hirtiusque partis.*

Cap. XI. Cic. ad Fam. 10, 30. et Appian. Cap. XII. Dio. Cic. Phil. 14, 10. Dio, et Appian. et Cic. ad Fam. 10, 30. Cic. Phil. 14, 10. Appian. Cic. ad Fam. 10, 30. Cap. XIII. Liv. Epit. Dio. Ovid. Faſt. 4, 675. Cic. Phil. 14. Dio. Cic. Phil. 14, 10. et 14. Sueton. Aug. 10. Cic. ad Fam. 10, 33.

U. c. 709.  
A. C. 43.  
*Aliud proelium,*

XIV. Quum in castra sua omnes rediissent, Antonio decretum erat abstinere proeliis, urgere obsidionem, et equitatu, qua parte virium praevalebat, hostibus negotium facessere; donec confectus fame Brutus deditionem facere cogeretur. Sed eadem causa diversis ducibus festinationem suadebat. Idcirco, frustra saepius hoste lacessito, qua parte Mutina propter locorum naturam claudi minus potuerat, perrumpere conati, quum Antonius solos equites emisisset, equitatu suo his opposito, ut instituerant, Mutinam cum legionibus ire perrexerunt. Tum vero Antonius omit-tendae Mutinae metu legiones duas produxit: reliquas ex aliis castris adciri propere iussit.

*In quo ca-  
dit Cos. Hir-  
tius.*

XV. At Hirtius et Caesar, cupide adgressi instru-ctos, priusquam subvenire alii possent, egerunt in fu-gam. Hirtius, quum Antonii vallum superasset, cir-ca principia pugnans interfectus est: quarta legio, quam ille secum habuerat, a quinta Antonii pene tota concisa. ibi Caesar, ad quem jam summa rerum redie-rat, consilio manuque insignis adparuit per omnia; receptoque Hirtii corpore, etiam castra Antonii oc-cupata aliquamdiu tenuit. Sed paullo post summa vi connisus Antonius eiecit hostem, multosque Caesaria-norum occidit. quo tempore Caesar aquilam, a morien-te aquilifero traditam, humeris subiit, ipse quoque cruentus et saucius; et, tanto pondere, sicuti tum signa erant, non deterritus, in castra reportavit. Vi-ctoriam absolvit D. Bruti eruptio, cui inter diversa partium studia quidam omnia, nonnulli nihil tribue-runt.

*Magna cla-  
des civilis  
belli.*

XVI. His proeliis et robur et soboles militum in-terisse visa est. viri quoque illustres multi ceciderunt, imprimis consul uterque, (nam et Pansa ex vulneribus est mortuus) et L. Fabatus, et C. Peducaeus, et D. Carsulejus, et Pontius Aquila. Noctem proximam mu-tuo metu utrimque exegerunt in armis.

*Antonii  
consultatio.*

XVII. At Antonius, vocatis in consilium amicis, quamquam plerique censerent manendum esse, non

Cap. XIV. Appian. Cic. Phil. 14, 14. Appian. Dio. Ap-pian. Cap. XV. Cic. ad Fam. 10, 33. Suetonius. Appian. Sueton. Flor. 4, 4. Herodian. Caracall. Cic. ad Brut. 1, 2. 4 10. et ad Fam. 11, 14. Cap. XVI. Vell. 2, 62. Cic. ad Fam. 10, 33. Plut. Anton. Oros. 6, 18. Cap. XVII. Vell. 2, 61.

majori adcepta, quam reddita, clade, ducibus hostium occisis, equitatu salvo, et Mutina ad extremum deducta; Recte quidem vos, inquit, confiditis, plures enim habemus sperandi causas: sed obsequendum Fortunae est, quae victoriae nobis banc obstruxit viam, alias aperuit munivitque. Modo percurrere in oppidum voluerunt hostes. Sive idem consilium denuo tentet Caesar, sive circumvallare nos incipiat, quod erit ei propter multitudinem operarum baud difficile, in arcto res nostrae erunt, omnibus circa hostilibus, et equitatus usu adempto. Sed et M. Lepidus et L. Plancus me pro victo contemnent, et, ut solet infelicibus, ex amicis hostes et illi fient. At, si Mutinam relinquimus, mox cum tribus legionibus suis Ventidius aderit: Lepidus etiam et Plancus auxilia magna et firma ministrabunt. Quod igitur bene versat, paratos habere ad iter milites; et, quia multis arma desunt, pro scutis corrices dabimus. Haec loquutus, non magno post intervallo castris egressus, ad Alpes magnis itineribus contendit.

U. c. 709.  
A. C. 43.

XVIII. At Decimus, timore Antonii liberatus, Caesarem metuere incipiens, noctu abruptis fluvii pontibus, ad eum certos homines misit, gratias tamquam servatori agens, petensque, ut succedens ad ripam, flumine medio, et civibus arbitris, in colloquium veniat. Se enim certis indiciis declaraturum, non sponte, sed fatali quodam infortunio, tractum ad conspirationem esse. His Caesar respondit iracundius, se neque Decimi servandi, sed belli cum Antonio, implacabili hoste, gerendi, causa venisse: neque pietatem sinere, ut adloquatur, aut etiam adspiciat interfectorem patris: pati tamen incolumem eum esse, donec senatus populoque Romano videretur.

Et fuga.

XIX. Tum vero Decimus, progressus ad flumen, D. Bruti clara voce adpellavit Caesarem, et, recitato senatus consulto, quo Gallia sibi data provincia fuerat, edixit, ne, trajecto fluvio, Caesar alienam provinciam sine consulibus invaderet; neve persequeretur Antonium: huic enim operi se sufficere. Non fallebat Caesarem, hanc ferociam Bruto ex fiducia Patrum adcedere. igitur, quantumvis eum in ordinem redigere facile potuisset, moderatus est irae, sequē Bononiam ad C. Pansam contulit, rebus omnibus senatus perscriptis, effectoque, ut de iisdem nomine Pansae scriberetur.

ferocia in  
Caesarem.

Cap. XVII. Dio. Cic. Appian. Frontin. Strat. 1, 7. Appian. Cap. XVIII. Cic. ad Fam. 11, 13. Appian. Oros. 6, 18. Appian.



U. c. 709.  
A. C. 43.  
*Reip. Romanæ mi-  
servimus  
status.*

XX. Hoc fuit illud in republica tempus, quo nulum reperio fuisse umquam difficilius. Plena suspicionum omnia, plena timoris, simulationis, perfidiae. Et Dolabellae quidem atque Antonii jam eruperat furor: neque obscurum erat, quid Brutus, quid Cassius molirentur. Lepidi, Planci, Asinii cunctatio quorum tenderet, mox aparuit.

*Senatus  
consilia.*

XXI. Sed senatus, quem *castra Pompeji* non praeter rem appellabat Antonius, id agebat unice, ut per disensionem Julianorum ducum partes illae penitus tollerentur. eamque tum machinationem Octaviano C. Pansa detexit, tanto simplicius atque apertius, quanto, certus de instantibus supremis, minus movebatur metu gratiaque, et ceteris adfectibus, qui propter vitae commoda sollicitant animos.

*Caesari a  
Pansa pro-  
duntur.*

XXII. Igitur, quum vocari Caesarem jussisset, Ego, inquit, patrem tuum tanta caritate dilexi, ut me ipse non potuerim magis. Sed neque mortem ejus vindicare licuit, neque consensui ceterorum resistere; cui et tu, quamquam exercitu parato, prudenter sane cessisti. At illi, quum et te metuerent et Antonium, qui et ipse ingens Caesaris studium praeferebat, penitus gavisi sunt inter vos male convenire: futurum sperantes, ut mutuis offensis invicem adtereremini. Postquam autem copias haud spernendas penes te esse viderent, primo quidem, tamquam adolescentulum, inani bonorum specie adlicere sunt conati. deinde, ubi tu, quum alibi, tum in recusando, quod exercitus obferebat, imperio, magnum animum et sui compotem ostendisti, exterriti eo flexerunt consilia, uti nobiscum administrares bellum, atque hoc praetextu Martia et quarta legiones, robur exercitus, abs te abducerentur. Neque desperabant fore; ut alteruter vestrum bello interiret, superstes solus et imbecillus facile tolleretur: atque ita, prorsus oppressis jam ab initio Caesaris partibus, Pompejanae resurgerent.

*Pansae et  
Hirtii consi-  
lia.*

XXIII. Atque hanc ipsis consiliorum jam fuisse summam novi. nam et pleroque eo tempore Romae et senatui interfui: neque vitavi suspensiones atque voces, quod mentionem pacis atque concordiae intuli. Ceterum postea quoque non mihi, non a Hirtio, quum ad bellum mitteremur, alia mens fuit, quam ut Antonium, castigata viri superbia, redderemus commodiorem, deinde reconciliarem tibi. Non enim putabamus aliud

Cap. XX. Vell. 2, 60. Cic. ad Fam. 10. Cap. XXI. Cic. Phil. 13, 11. Appian. Cap. XXIII. Cic. Phil. 12, 7. Appian.

*a nobis fieri posse, vel referendae patris tui meritis gratiae melius, vel firmandis partibus nostris utilius.*

U. c. 709.  
A. C. 43.

**XXIV.** *Sed hoc quidem consilium, quod occultari interim ratio fuit, nunc, Antonio victo, occiso Hirtio, et me in fata concedente, mature tibi aperio: non ut a te gratiam ineam, quae morienti fera et infructuosa est, sed quia, quemadmodum ostendunt omnia, felix nascenti genius adfuit; uti, bis cognitis, et, quae tibi sint utilia, scires, meamque simul atque Hirtii quum voluntatem, tum quae praeter illam facere coacti sumus, intelligeres.*

*Et eorum causae.*

**XXV.** *Exercitum autem, quem ipse dedisti nobis, te recipere minime invidiosum erit: eum itaque tibi restituo. Neque vero moleste ferent Patres, satis cognito, (non enim tentare neglexerunt) nullis conditionibus perducere ad Bruzum posse. Tirones meos, per me licet, ipse etiam habeas. Quod si forte nimia senatus reverentia tenentur, satius erit relinquere. Curae enim fuit senatui, ut hos haberet in potestate. igitur et tribunos delegit, a quibus non milites modo, sed etiam nos consules custodiremur. Rem igitur majoris invidiae, quam utilitatis, et ante tempus te excitaturam, omitti satius fuerit. igitur ad hos quidem adiciendos Decimum evocavi. sed, quia nondum ille venit, Torquato quaestori tradentur. Haec fatus et mox exsequutus, animam efflavit.*

*Pansae legiones Caesaris restituit.*

**XXVI.** *At Torquatus de voluntate Patrum copias Decimo adduxit. funera consulum cum honorifica pompa Caesar Romam transmisit: iique in campo Martio publica sepultura honorati sunt, quia pro republica dimicantes ceciderant. Cujus rei sensus etiam abjectorum hominum animos ita pertentasse traditur, ut, M. Cornuto praetore urbano funus locante, qui tunc Libitinam exercebant, gratuitum ministerium praebuerint, paratumque exsequiarum conduxerint sestertio nummo. Militum etiam corpora, praesertim qui ex Martia legione ceciderant, publicis operibus atque muneribus, et communi exstrukione sepulti sunt.*

*Consulium et militum publica sepultura.*

**XXVII.** *Per eos dies de morte consulum suspicio percrebuit, opera Caesaris occisos, Hirtium in acie per suos milites, aut ipsius Caesaris manu; Pansam per venenum vulneri adfusus. Certe Torquatus Glyconem medicum eo nomine custodiendum aliquamdiu curavit, ut parricidam. Sed M. Brutus, cujus ad Ci-*

*Suspicio in Caesarem de morte consulum.*

Cap. XXV. Cic. ad Fam. 11, 14. Appian. Cap. XXVI. Liv. Epit. Vell. 2, 61. Val. Max. 5, 2. Cic. Phil. 14, 12. ed. 14. Cap. XXVII. Sueton. Aug. 11. Dio, l. 46. Tac. 1. 1. Ann. 10.

U. c. 709. ceronem epistola exstat, in tuenda medici innocentia  
 A. C. 43. etiam Caesaris famam fidemque adseruit. Certe ambitiosos haec suspicio semper sequitur, ut nullum sit tam insigne atque execrabile scelus, quod pro dominatione facturi non existimentur. ceterum longe abest a prudentia Octaviani, ut rem minime facilem tegi, et, si erumperet, omnium alienaturam animos, adolescens necdum satis firmus auderet.

*Senatus extraordinaria imperia tollit.*

XXVIII. At senatus, donec incertus belli exitus esset, adversus victorem sibi providendum statuens, extraordinaria imperia tollebat, decreto, *ne quis longius annuo imperium obtineret, neu quis unus curationem annonaе.* quantum enim ad solvendam rempublicam diuturnae et solitariae potestates valerent, multis exemplis adparuerat. ita praeveniri posse putabant eum, qui futurus esset superior, ne quid praeter solita et concessa legibus adpeteret; et invidiam transferri in victum, cujus videlicet immitem et ambitiosum animum senatus timuisset.

*Supplicationes dierum sexaginta.*

XXIX. Postquam de Antonii clade rescitum, resumpto pacis habitu, supplicationes dierum sexaginta decretae. At Camillo, Vejis captis, supplicationes in quatridduum primo omnium decretae fuerant: nec scio, an ulli temere plurium dierum ante Pompejum, cujus Mithridatica victoria duodecim dierum supplicationem habuit. mox Caesari tres dies additi: statimque cum ejus potentia crevit adulatio. Scilicet nihil est in rebus humanis stabile, sed, ut quaeque ab initio constituta sunt, ita ferme ab ambitione et vanitate absunt longius: paullo post inclinatur sensim mos antiquus, dein solutius prolabitur: donec tandem cum impetu ruat, et ultra omnem finem modumque proferatur. Igitur nuper Cicero quinquaginta dies sententia sua comprehenderat, quum debellatum nec esset, nec crederetur; quot neque Gallicis antea bellis, neque aliis decretum umquam fuerat. Tum vero propter fugatum a Mutina hostem decendium additum.

*Decreta contra Antonium.*

XXX. Antonius, quique cum eo fuerant, bonis omnium publicatis, hostes judicati; deque iis bello per-

Cap. XXVII. Sueton. Cic. ad Brut. 1, 6. Cap. XXVIII. Dio. Cap. XXIX. Liv. 5, 23. Cic. de Prov. Cons. 10. et 11. Caes. de B. Gall. 1. fin. Cic. Phil. 14, 11. et 14. Appian. Dio. Cap. XXX. Cic. ad Fam. 10, 21. et ad Brut. 1, 5.

persequendis sententiae dictae. Quin et decemviri, U. c. 709.  
A. C. 43.  
in quibus et Cicero fuit, tamquam ad praemia militibus persolvenda creati, edictum proposuerunt, *uti, quisquis aliquid adcepisset ab Antonio consule, ea de re profiteretur*: cum gravibus minis in eos, qui secus fecissent.

XXXI. Hoc tempore T. Pomponii Attici laudabilis *Attici integritas.*  
aequitas exstitit, qui, licet amicissimus esset Ciceroni et Bruto, nihilominus Antonii praesentem fortunam aliorum fere omnium exemplo minime despexit; sed, pristinae necessitudinis memor, Fulviae uxori liberisque Antonii, quum illa de bonis, et hi etiam de vita periclitarentur, quam potuit, opem tulit.

XXXII. Erat ea temporis oblata Pompejanis *Senatus  
Caesarem  
deprimere  
audet.*  
opportunitas, ut tum demum vere liberos se crederent et gloriarentur: et, velut omni periculo defuncti, spernere Caesarem atque etiam opprimere inciperent. Nam neque triumphum decreverunt petenti; et, quum Cicero, provido magis, quam grato, animo, quod ampliora et meritum credebat, et invitis extorquere posse suspicabatur, sententiam dixisset, *ut ovari inire Caesaris liceret*, a plerisque repugnatum est. Neque Cicero satis animum texit, *laudandum adolescentem, ornandum, tollendum* dictitando. Quo tempore dixisse Caesar dicitur, *se vero non esse commissurum, ut tolli posset*.

XXXIII. Ceterum, ut erga Caesarem parci, sic in *D. Brutum  
extollere.*  
honorando Bruto profusi fuerunt, omnia huic tribuentes, quae sperare ille debuisset. Supplicatio ejus nomine ad omnia pulvinaria decreta. Et, quia forte natali suo liberatus obsidione fuerat, fastis ad eum diem Bruti nomen adscribi iussu: triumphum denique decreverunt homini, qui beneficio vivere alieno diceretur, neque adiutor victoriae, sed spectator tantum proelii cum aliis e muro fuisse. Martiam quoque et quartam legiones Drusus ei Paullusque, ceteris adsentientibus, decreverant. Sed ea res irrita fuit. Bellum quoque adversus Antonium uni decretum, votaque nomine ejus nuncupata publice.

Cap. XXX. Dio. Liv. Epit. Appian. Cic. ad Fam. 11, 20. et 21. Cap. XXXI. Appian. Corn. Nepos in vita Attici. Cap. XXXII. Appian. et Dio. Cic. ad Brut. 1, 15. Cic. ad Fam. 11, 20. Vell. 2, 62. Sueton. Aug. 12. Cap. XXXIII. Dio. Cic. ad Fam. 11, 18. Cic. ad Brut. 1, 15. et ad Fam. 11, 14. Liv. Epit. Vell. Dio. Cic. ad 11, 19. et 14. Dio. Appian.

Supplem. Liv. Tom. XIV.

X

U. c. 709.  
A. C. 43.  
*Legionibus  
data prae-  
mia.*

**XXXIV.** *Legionibus, quae ab Antonio defecerant, promissum a Caesare donativum exsolvi placuit; partem eorum, qui pro libertate occiderant, liberis aut propinquis dari: superstitionibus honoris causa concedi, ut ludos oleae frondibus coronari spectarent.* Caesaris inter haec militumque ejus nulla aut parca mentio: quamvis et ad Lepidum, et Plancum, et Pollionem literae de persequendo Antonio mitterentur; et senatus non vivos tantum, sed etiam mortuos, laudibus ac honoribus cumularet. In quibus et Pontio Aquilae statua est posita, heredibusque reddita pecunia, quam ille mutuum Bruto dederat, suas atque amicorum opes inter publicam inopiam alendis legionibus insument.

*Caesar re-  
conciliatio-  
nem cum  
Antonio me-  
ditatur,*

**XXXV.** Enimvero Caesar haec considerans, et praeterea omnes suos adversarios potentia et imperiis auctos, Sex. Pompejo praefecturam maris, Bruto Callioque Macedoniam et Syriam cum amplissima potestate datas, atque haec omnia cum Pansae verbis congruere, ad reconciliandam cum Antonio gratiam animum adjecit.

*Senatus in-  
juriis irri-  
tatus.*

**XXXVI.** Neque deerat senatus obtentum praebere quidlibet novaturo. Centuriones missu legionum Romanam iverant petendae pecuniae causa, quae promissa erat victoribus. Responsum est, *legatos ab senatu venturos ad exercitum.* miseruntque jussos submoto Caesare milites alloqui. Non repugnavit Caesar: sed nec dissimulavit, frustra eos fatigatos non relatueros responsum, priusquam ipse esset adhibitus. Consilium senatui erat sub specie pulsi Antonii abducere a Caesare, tamquam non necessariis amplius, copias; easque tradere Bruto, ut Caesar exarmaretur. quaerebantque in ejus exercitu serenda discordia dissociare animos, et alios voluntate ac largitionibus, reliquos deinde vi redigere in potestatem. Igitur Martiae et quartae legionis militibus, quae decreta erant, praemia laudesque legati adferebant: ceterorum Caesaris militum non major, quam ducis ipsius, ratio habebatur. Sed omnis ista calliditas in contrarium vertit. legiones negarunt, sine imperatore suo ulla audieturas mandata. legati re infecta redierunt.

Cap. XXXIV. Cic. Phil. 14, 13. Appian. et Dio. Liv. Epit. Appian. Cic. ad Brut. 1, 15. Dio. Cic. ad Fam. 11, 10. Cap. XXXV. Dio. Vell. 2, 61. Appian. Liv. Epit. Cap. XXXVI. Appian. Vell. et Dio. Plut. Cic. Cic. ad Fam. 11, 14. et 15. Dio. et Appian. Vell. Appian. et Dio.

XXXVII. Tum vero simul Caesar adfuit, artesque increpavit Patrum, universis idem animus fuit, ut non minus, qui honorati, quam qui neglecti erant, injuria se adfectos opinarentur. Nam et illi suspecta habebant omnia, et contumeliam commilitonum, sed maxime Caesaris, ad suam ignominiam pertinere arbitrabantur: et praeteriti docebant, *consilium senatus non ad beneficium duarum legionum, sed ad ruinam exercitus imperatorisque, spectare. nec ornari illos praemio, sed emi: tradendos mox percussoribus optime de se meriti Caesaris contra filium ejus et amicos, ut scelesti et indigna quaelibet facerent et paterentur.*

U. c. 709.  
A. C. 43.  
*Quibus et exercitus commoveatur.*

XXXVIII. Haec audita Romae terruerunt non ignaros vacillare Caesarem, et Antonio locum dare respirandi. Is enim, quum ad extremas angustias redigere hostem potuisset, si transisset Apenninum, alia omnia habens in animo, captivos milites ducesque tractabat comiter: volentes in suorum adlegebat ordines; si mallent ad Antonium se recipere, patiebatur. Quin et Ventidium, tres legiones habentem, terruisse contentus, *aut ad se transire jussit, aut, omisso metu, ad Antonium pergere, exprobratum communis utilitatis ignorantiam.* Sed et, Decium quemdam ex illustribus dimittens, atque ab hoc interrogatus, *quo igitur animo in Antonium esset? Sapientibus sufficere edita ab se indicia, respondit, insanis autem nulla suffectura.*

*Caesar Antonium elabi patitur.*

XXXIX. Sub idem tempus ad Lepidum et Asinium scripsit apertius: *nec sibi, nec veteranis parem referri gratiam, sed omnia tradi parricidis cum certo interitu Juliana- rum partium, si pauci, qui supersint, pari, atque Antonius, imprudentia inter se committerentur. Cautius agere gregarios milites, qui, finitis stipendiis, aegre divellantur, sed iisdem coloniis juncti unitique confideant. Hoc et ipsis procurandum esse, et monendum Antonium. insereat posse eos in speciem parere senatui, sed memores, primam esse debere suae salutis atque dignitatis curam. Nec aliud ab his agebatur, sponte inclinantibus in hanc sententiam, et Antonio adfinitate aut familiaritate intima devinctis. Et, licet ad Brutum collega Plancus adcesserat, tamen neque huic constabat fides, et Bruti perquam infirmae erant copiae; cui maximus tironum, sed idem prope inutilis numerus, octo legiones: veterani belli casibus immi-*

*Lepidum et Asinium sollicitat.*

Cap. XXXVIII. Cic. ad Fam. 11, 10. Appian. Cap. XXXIX. Sueton. Aug. 12. Appian. Dio. Vell. 2, 63. Cic. ad Fam. 10, 33. Cic. ad Brut. 14.

U. c. 709. nuti; et ex his, qui supererant, multi quotidie ex  
A. C. 43. longa inopia se replentes incautius rumpebantur.

*Ciceronem  
decipit.*

XL. His rebus effectum est, ut senatus aliquanto honestius tractare Caesarem inciperet, conciliante ei gratiam Cicerone, cujus ambitiosam senectutem adulescentis calliditas egregie deceperat. Nam, quod ipso postea tradente Caesare constitit, ruinam metuens, Ciceronem adungere et retinere studuit. quod quia nullo firmiore vinculo consequi posse rebatur, consulatum instituit petere, misitque ad Ciceronem nuncios, patrem adpellitans, ex usu publico et gloria illius fore, si det operam, ut una gerant consulatum. Penes illum enim, ut peritum et senem, vim magistratus omnem fore: se honore contentum, per quem arma gloriosius poneret; nec aliam petendi triumphii causam fuisse.

*Ut ejus negotium in senatu agat.*

XLI. Sic inescatus Cicero negotium Caesaris in senatu egit: Difficilia esse reipublicae tempora. qui cum imperio sunt, inter se foedera agitare, inconsulto senatu. referre, ut adolescens, sine causa contumeliose habitus, quibusdam honoribus mulceatur. Eundem magnas habere copias: neque tam interesse reipublicae, ne praeter aetatem fiat consul, quam ne simultates armatus exerceat. Praeterea dari collegam tanquam puero praeceptorem posse, ne quid contra utilitatem senatus atque reipublicae ausit. Sed irrita sunt haec a percussoribus, non occulto Ciceronis morbo, et minime dubio omnium periculo, si filius interfecti, idemque magnis copiis subnixus, consulatum indispiceretur.

*Senatus mediam viam male eligit.*

XLII. Igitur, inter omnia dantes et nihil relinquentes, media via placuit, uti sententiae inter consulares dicendae jus ei esset. postquam hoc parvi fiebat, decretum, uti proximis comitiis praetor, sequentibus consul renuntiaretur. Hoc modo satis acute putabant elusisse puerum, ut ipsi quidem adpellare consueverant. Sed ille, hoc ipsum, veluti convicium, ad defensionem eorum, quae meditabatur, adripiens, Lepido satagente, cum Antonio reconciliavit gratiam, non obviis modo excipiens redeuntem, sed ipse alliciens eum et provocans.

Cap. XXXIX. Vell. 2, 63. Cic. ad Fam. 10, 34. Cap. XL. Appian. Dio. Cic. ad Brut. 1, 17. et 18. Plut. Cic. et Brut. Appian. Dio. Plut. Cic. Appian. et Plut. Cap. XLII. Dic. Cic. ad Brut. 1, 15. et Phil. 4, 1. Dio. Zonar. Sueton. Aug. 12. Oros. 6, 18.

**XLIII.** Inter haec Antonii rursus emersit fortuna, U. c. 709.  
A. C. 43. cuius de rebus curatius referendum est, sine quarum cognitione sequutae mox conversionis tota sit obscura ratio. Fugatus a Mutina petebat Alpes, vir adversus incommoda non minus pervicax, quam luxui, quoad vacaret, deditus. Igitur et in hoc itinere diversi et pene contrarii generis documenta edidit: plerumque tolerans inediae et laborum, supra quam sit credibile: iterum, ubi videbatur esse aliqua occasio, profusus in vinum et epulas. Unde non ineleganter respondisse visus est familiarium ejus unus quaerenti, quid Antonius ageret; *Quod canis in Aegypto: bibit et fugit.* quando in illis regionibus canes metu crocodilorum currendo bibunt ex flumine. Sed saepius vix necessariorum erat copia: ut et cortice vixisse copiae ejus, et nullius animalis carnibus abstinuisse tradantur. *Antonii  
fortuna post  
proelium  
Mutinense,*

**XLIV.** Non erat difficilis exstinguendi hoc tempore belli labor, si quis insequi fugientem voluisset. *Unde nomi-  
ne insequen-  
te profugus,* Verum enim vero Caesarem indignatio, quod Bruto mandatum bellum erat, averterat: Brutus insanum rebatur, inimici sui adversarium suo periculo tollere. Tendebat ad Lepidum, castra trans Alpes habentem. erat et in illo spes, pontificatum et alia quaedam Antonii studiis consequuto, et in exercitu, in quo multos sciebat suis partibus addictos. Custodiam Alpium Lepidus Culleoni mandaverat. is transitum Antonio dedit, ut penetrare in Narbonensem Galliam posset, ubi castra ad flumen Argenteum Lepidus habebat.

**XLV.** Interim et P. Ventidius cum tribus suis legionibus ad Antonium venit. quibus receptis, haud *Ad Lepi-  
dum venit.* procul Lepidi castris castra posita sunt, nullo munita vallo, ut venisse ad amicos videretur. Magna hic et pudenda tum inconstantia, tum temeritas Lepidi fuit. Hunc antea senatus ad opprimendum Antonium in Italiam advixerat, eodemque tempore L. Plancum. mox, quia Silanus, ad Antonium adductis copiis, Lepidum suspectum Patribus fecerat, Plancum Antonius discrete *participem consiliorum* adpellabat, miserunt ad eos li-

---

Cap. XLIII. Liv. Epit. Dio. Vell. 2, 63. Appian. Plut. Anton. Macrob. Sat. 2, 2. Phaed. Fab. 1, 25. Plut. Cap. XLIV. Cic. ad Fam. 11, 10. 12. et 13. Appian. Dio. Plut. Cic. ad Fam. 10, 11. Supra, 118. 9. Plut. Appian. Cap. XLV. Plin. 3, 4. Cic. ad Fam. 10, 34. Cic. ad Fam. 11, 10. et 13. Appian. Cic. ad Fam. 10, 33. Dio.



U. c. 709. teras, illorum opera rempublicam in praesentia non  
A. C. 43. indigere.

*Origo Lugduni.*

XLVI. Ut tamen aversi animi nullum indicium ederent, quo ad maleficium illi perpererentur, negotium imposuerunt oppidi condendi, quo deducerentur, qui olim Vienna pulsi ab Allobrogibus (unde initium discordiarum Viennam et Lugdunum incolentibus exstitit) ad confluentes Rhodani Ararisque in campis Segusianis consederant. Haec origo Lugduni fuit, nobilissimae civitatis, nomen, ut ajunt, a corvo (*luggum* vocabant Galli) adeptae, et situ loci edito. quippe *dunum* et olim, et nunc quoque, collem significare quibusdam certum est, et colli Lugdunum inaedificatum fuisse constat. Tanta autem loci fuit opportunitas, ut intra centesimum annum in maximam perducta frequentiam, deinde unius noctis incendio consumpta, mox reffloruerit, et hodie quoque inter clarissimas Gallorum urbes numeretur. Ab eodem Planco et alia tum deducta colonia est Rauraca.

*Lepidus senatum verbis ducons,*

XLVII. Quamquam enim venire in Italiam, prohibente nemine, potuissent, malebant paruisse senatui videri, atque interim Antoniani belli speculari exitum. Silanum certe Culleonemque, reversos ab Antonio, verbis castigavit Lepidus, scripsitque Roman, *se neque opera eorum uti, neque in castris habere, neque ulli negotio praefecisse.* Ceterum res ipsa indicio est, simulate haec acta, neque contra voluntatem Lepidi hos accessisse Antonio, neque ab hoc redisse tamquam desertores, sed internuncios.

*Interim Antonium milites corrumpere patitur.*

XLVIII. Sane colloquium adhuc abnuebat Antonii: quin et contra eum scribebat senatui, eoque fidus habebatur et idoneus, cui bellum mandaretur. Sed neque hostile quidquam in eum designabat, in vicinia passus agere, saepiusque venientem in conspectum militum ita flectere universos, ut, etiam invito Lepido, exercitu ejus potiturus fuisse videatur. Quippe Antonio comitas inerat, audacia, profusio: ubi otium esset, luxus; quoties expediret, industria: et quidquid placere, corrupta disciplina, militi potest. Le-

Cap. XLV. Cic. Phil. 13, 19. Cap. XLVI. Dio. Tac. Hist. 1, 61. Dio. Strabo, l. 4. p. 186. Plin. 4, 18. Plut. de Fluv. in Arar. Strabo, l. 4. p. 192. Senec. Ep. 91. Gruter. Inscript. p. 439. num. 8. Cap. XLVII. Dio. Cic. ad Fam. 10, 34. Cap. XLVIII. Dio. Vell. 2, 63. Dio. Vell. et Plut. Anton.

pidus ad omnia segnior, non virtute ulla notabili, non vitio carus, prope contemptum venerat.

U. c. 709.  
A. C. 43.

XLIX. Forte adcidit, ut Antonius, cum barba capilloque promisso ad castra Lepidi veniens, adspectu simul atque sermone plurimorum misericordiam eliceret. Ibi Lepidus ad disturbandum colloquium tubas occanere iussit, quia tribunorum imperia spernebantur. At milites, concionante Lepido, conclamarunt, *pacem se velle, neque cum ullis deinde civibus esse dimicatu- ros.* Mox, Canidio Rufrenoque et similibus auctoribus, per Laelium et Clodium, meretriciis vestibibus tectos, secreta cum Antonio pacta fecerunt; etiam Lepidi caedem, si vellet, polliciti. Sed is parci Lepido iussit, sibi cum exercitu venturo viam pandi. Hoc praecipuo studio agebant decurmani, quos aliquando Antonius duxerat.

*Qui, pacti cum Antonio,*

L. Neque fallebat ea molitio M. Juventium Latrensem legatum Lepidi, prorsus egregium civem: sed multa salubriter monenti non habuit Lepidus fidem. Postremo auctor ei fuit dividendi in partes exercitus: sic evidentius, quo quisque sit animo, adpariturum. Lepidus, trifariam partitus copias, iussit occurrere praesidio quaestoribus, quos adventare dicebat. At hi, de quarta vigilia sumptis armis, tamquam exituri, vallum occuparunt, nunciosque miserunt ad Antonium. Ille, his auditis, prima luce flumen transgreditur: et, per aversa castrorum admissus, ubi vallum a Lepidanis erat dirutum, protinus ad praetorium contendit, prosequente eum Lepidi exercitu, et orante imperatorem, *parceret tantae multitudini civium Romanorum, eorumque salutis atque securitatis causam fusciperet.* Atque is, ut e cubili discinctus exsiluerat, Antonium complexus est, prioremque austeritatem suam necessitate temporum excusavit. Sunt, qui et ad pedes ejus procidisse tradant: quod, quamvis in timido homine nihil non credi potest, quia plerisque non est traditum, neque factum puto; aut si forte, simulatum a Lepido timorem, ne prodidisse causam senatus sponte videretur. Scelere enim potius, quam ignavia, peccavisse plerisque tum visus

*Eum in castra accipiunt.*

Cap. XLIX. Plut. Cic. ad Fam. 10, 21. et 35. Plut. Appian. Cap. L. Cic. ad Fam. 10, 21. Dio. Vell. Appian. Plut. Vell. Appian. Cic. ad Fam. 10, 35. Appian.

U. c. 709. est; receptumque ab eo Antonium, non modo scripto-  
 A. C. 43. res inferioris aevi, sed M. Cicero, D. Brutus, L. Plancus, totus denique senatus censuit. Eamque opinionem, et quae praecesserunt omnia, et quae sequuta sunt, corroborarunt.

*Ex dolore* LI. At Laterensis, quum et Lepidum frustra mo-  
*Laterensis* nuisset et Plancum, quos, inter se discordes, recon-  
*semet ipsum* ciliare reipublicae causa acerrime nisus fuerat, sub  
*interficis.* ingressum Antonii gladio se transfixit. Ob haec statuam ei decrevit senatus, laudationemque et publicum funus; at, quae posita Lepido pro rostris fuerat, subversa est: isque hostis iudicatus cum ceteris, qui simul a republica defecerant, nisi ante Kalendas Septembres ad sanitatem redissent.

*Patres omnia tentantes ad Caesarem recurrunt.* LII. Saga quoque resumpta, crebrique ad M. Brutum, C. Cassium, Sextumque Pompejum nuncii missi, ut reipublicae subvenirent. Etiam duo senatores, Lucejus et Pansa, tamquam ad visendum Graeciae statum, missi, qui properare Brutum juberent. E Sardinia quoque evocatae copiae, et e tribus Sextianis legionibus, quae erant in Africa, unam adcipere iussus Q. Cornificius; duas mittere in Italiam: quamquam ne his quidem satis confidebant, quod et ipsae sub Caesare militassent. sed omnia experiri cogebat necessitas. Postremo, quum longe haec spes abesse videretur, ad Caesarem recursum est, neglectum contemptumque paullo prius, et coactum ad nova, sed incognita adhuc Patribus, consilia. Triumphus etiam ac stipendium ei decernitur, et omnibus decretis ornatur.

*Abutitur hac occasio-  
ne.* LIII. Idcirco, laetus hanc sibi ad obseptum antea consulatum viam aperiri, simulavit obsequium, paravitque ad bellum omnia. sed interim clanculum induxit milites, ut jurarent, contra nullum se exercitum, qui Caesaris fuisset, arma capturos. Hoc aperte spectabat ad Antonium et Lepidum, quorum copiae majorem partem constabant e Caesarianis legionibus. Praeterea instigabat eos, uti legatos iterum ad senatum mitte-

---

Cap. L. Rutil. Itiner. 1, vs. 301. Sueton. Aug. 19. Cap. LI. Cic. ad Fam. 10, 21. et 11, 9. et 18. et ad Brut. 1, 10. 12. et 14. Cic. ad Fam. 10, 21. et 23. Vell. Dio. Cap. LII. Cic. ad Brut. 1, 15. Dio. Liv. Epit. Cic. ad Fam. 12, 10. Dio. Appian. Cic. ad Fam. 11, 26. Appian. Dio. et Appian. Dio. Cap. LIII. Cic. ad Brut. 1, 17. Dio.

rent, quasi deprecaturus, ne contra fas et religionem dimicare cum civibus cogarentur; revera, ut exigèrent nondum persolutas pecunias, Caesarique darent consulatum.

U. c. 709.  
A. C. 43.

LIV. Nec hoc timide fiebat amplius, sed palam *Caesaris* advocata concione, Quousque, inquit, commilitones, adversariorum insatiabilem importunitatem perferimus? Haec scilicet, ut plurima vobis ante nota praeteream, praemia meruimus, ut ab his vexemur atque opprimamur, quibus nostro sanguine salus atque securitas parva est? Antonii praeda fuissent, neque rem aut publicam, aut suam, nueri quisquam eorum posuisset, nisi ego ille puer, (sed virum sentient!) nisi ego, inquam, quem puerum adpellare consueverunt, vobis adiutoribus causam suscepissem publicam, et nimiam Antonii ferociam Mutinensi victoria refrenassem.

LV. At illi praeclaram scilicet vicem servatoribus suis reddunt, contemptum, ignominiam, pericula. neque desinent, nisi caverimus, priusquam universos, alios alia fraude circumventos, deleverint. Hoc enim agunt homines Pompejanis partibus devoti, ut eos, qui patri meo navarunt operam, occasione temporum inter se commissos, mutuis vulneribus conficiant. Ideo nempe bella ex bellis servuntur, donec omnes, quas ob militiam Caesaris perosi sunt, duces militesque prorsus interierint. Neque enim alio pertinet, quod nuper duabus legionibus oblata sunt praemia, quam ut ex dolore ceterarum oriretur in hoc exercitu perniciofa dissensio.

Cujus ingrati animi accusat.

XLVI. Quam vero sint infensi Caesaris amicis, numquid proximis diebus ostensum est? quum ab Antonio quidem, sed ab his, mihi ex parentis mei commentariis, data cunctis eriperentur. Unde et vobis facilis esse conjectura potest, quae vestra sit futura conditio, qui agros, qui pecunias adcepistis a Caesare, si quidem hi rempublicam obtinebunt; quae vero mea, dum regnabunt in senatu percussores patris mei. Sed mihi quidem carae erit, ut neque vira mihi incustodita sit, neque mors indecora. Vestri me miseret, quibus nemo relinqueretur, a quo speretis operae, patri mihiq; navatae, pretium. Nam me quidem ab ambitione longius abesse, quam huic aetati credi potuisset, ipsi comperistis, quum oblatum a vobis imperium abui. nunc alia conditio est temporum: neque pro vobis, neque ad ultionem patris quidquam profecero, donec ero privatus.

Periculum litibus et si bi ostendis.

U. c. 709. **LVII.** *Ea me caussa consularum petere coëgis: atque is*  
 A. C. 43. *eandem ob causam negatur ab his, quorum interest neminem*  
*esse aut vestrarum utilitatum procuratorem, aut Caesarianae*  
*nisi se consulē, discuti necis vindicem. Igitur communis salutis mihi vobisque cau-*  
*rum unam reliquam video viam, si vestro favore consularum*  
*possit. consequar. nec enim aliter aut, quae a parente meo adcepi-*  
*stis, confirmari, aut, quae a me expectaris, persolvi qui-*  
*bunt. Sed et ad publicum bonum, quietemque patriae res per-*  
*tinet. percussores enim patris reos agam; quibus sublati, fi-*  
*nis aliquando civilium bellorum erit.*

*Centuriones* **LVIII.** Alacri adclamatione militum haec excepta:  
*Caesari con-* delectique statim ex promptissimis veteranorum qua-  
*sulatum ab* dringenti, qui legatione ea fungerentur. Quum Pa-  
*senatu pe-* tres aetatem Caesaris excusarent, centuriones legatio-  
*tunt.* nis principes (edocti enim erant) responderunt, et  
*apud antiquos Rullis, Deciis, Corvinis, multisque aliis con-*  
*sularum fuisse creditum; et recentiore memoria superiorem A-*  
*fricanum, Titumque Flaminium, admodum adolescentes con-*  
*sules factos, utilem reipublicae operam praestitisse. Magnus*  
*quoque Pompejus et Dolabella adlegabantur, atque in*  
*hoc ipso Caesare factum senatus decretum, quo mul-*  
*tis annis ante legitimam aetatem honores petendi fa-*  
*cultas concessa erat. Quum propter gravitatem ne-*  
*gotii tempus traheretur; legati, ut moniti a Caesare*  
*erant, impunitatem petere Antonianis coeperunt, ut*  
*credibile est, non tam impetrandi proposito, quam ad*  
*tentandos senatus animos, an et huc adduci possit;*  
*et, si succenseret, hunc armorum praetextum habi-*  
*turi. Sed elusum satis commodo astu periculum est,*  
*contradicente nemine, sed pro magno aliorum nume-*  
*ro eadem postulantibus plerisque. unde effectum est,*  
*ut citra invidiam propter multitudinem hominum, qui-*  
*bus in caussa dispari paria concedi rectum non esset,*  
*tota res omitteretur.*

*Minis po-* **LIX.** Inter has altercationes, quum ferociter lo-  
*stremo addi-* quiti milites, atque ab senatoribus nonnullis increpi-  
*tis.* ti essent, acrius ad consularum Caesari conficiendum  
 exarserunt, et, quia intromissi in senatum arma de-  
 posuerant, caput legationis Cornelius centurio, curia  
 egressus, resumpsit gladium, saguloque rejecto capu-  
 lum ostendens, *Si vos non dederitis, inquit, hic dabit.*  
 Quo tempore Ciceronem respondisse ferunt, *Si hoc*

Cap. LVIII. Dio. Appian. Cic. Phil. 5, 17. et Appian. Dio.  
 Cap. LIX. Appian. Dio. Sueton. Aug. 26. Dio.

modo petieritis Caesari consulatum, auferetis. Eaque vox U. c. 709.  
exitum ei adcelerasse creditur. namque Caesar, li- A. C. 43.  
bertatis studiosissimum esse cernens, viliorē habere  
coeperat.

**LX.** Haec quum in castris audirentur, exasperati *Caesar*  
sunt milites, confestimque ad urbem duci voluerunt. *Rubiconem*  
Nec Caesar lenivit: quin verbis adaugens iras, bar- *transit.*  
bara suorum dicta factaque non reprehendit: senatum  
increpavit, quod milites intrare curiam inermes jufferat,  
quodque interrogati a senatore quodam fuerant, ab exercitu,  
an vero a Caesare mitterentur? Igitur, propere legatis  
quibusdam ad Lepidum et Antonium, (nam et cum An-  
tonio gratiam, Lepido satagente, reconciliat) cum  
octo legionibus et magno equitatu atque auxiliis, co-  
actus scilicet a militibus, Rubiconem transiit, unde  
et proximi belli civilis initium fuerat. Inde bifariam  
exercitu diviso, cum potiori parte contendit Romam,  
ceteris ex commodo sequi iussis.

**LXI.** In itinere, ut fit, ubi milites imperatorem *Inde Ro-*  
ducunt, minime a maleficiis temperatum. homines, *mam con-*  
qui forte per viam occurrerant, et in his eques Ro- *tendit.*  
manus, pro speculatoribus occisi: direptae adversa-  
riorum villae. legati, qui cum pecunia veniebant,  
Caesaris artibus terrore injecto, refugerunt.

**LXII.** Hae res tanta consternatione replerunt ur- *Senatus*  
bem, ut nihil ad extremum terrorem superesset. An- *foeda in-*  
xii Patres, et alius alium varie aecusantes, quod exer- *constantia.*  
citus ademptus Caesari, quod triumphus denegatus, quod prae-  
mia militum maligne repraesentata essent, repente in con-  
traria omnia transierunt: nusquam jam adparente Ci-  
cerone, qui multus antea ubique fuerat. Augetur do-  
nativi modus, neque duabus jam, sed octo, legioni-  
bus decernitur. Decemviri cessare, Caesar dividere  
praemia jubetur: ipse absens consul designatur. ad  
haec omnia significanda legati festinanter emittuntur.  
Sed neque milites flexit profectum ab invitis benefi-  
cium: et senatus, foeda inconstantia, vixdum egressis  
porta legatis, consilium mutavit: excipiente metum pu-  
dore, quod, indigna viris trepidatione subacti, prono  
collo exciperent jugum, nihil pro libertate ausi. Quod

Cap. LIX. Plut. Anton. Cap. LX. Appian. Dio. Liv. Epit.  
Oros. 6, 18. Appian. Dio. Appian. Cap. LXI. Dio. Appian.  
Cap. LXII. Jul. Obseq. Appian. Dio. Appian. Dio. Appian.

U. c. 709. igitur postea vacaturum periculo et ignominia tempus, si haec  
 A. C. 43. consuetudo invaleret, ut ambitione cujuslibet honores armis  
 obtineantur? Quin hoc eniterentur, ut militem, si lenibus  
 consultis nequireret, constantia et severitate in officio contineant.  
 armis opus adversum armatos esse. Si primum impetum fre-  
 gerint, subituum animos pudorem, subitum reverentiam pa-  
 triae, et metum ex legibus. Quod si praeter spem arma, pro  
 republica adcepta, contra eam miles verterit, L. Plancum, D.  
 Brutum adfuturos auxilio. Denique si neque pudore militis  
 prohiberi fatum reipublicae, neque armis defendentium, posset;  
 at illi occumberent pro libertate potius, quam male et infelici-  
 ter expertam dominationem reciperent. Et majorum exem-  
 pla memorabantur, quibus prae amore libertatis nihil  
 fuerit in vita carum atque pretiosum.

*Et subita  
 fiducia.*

LXIII. Hujusmodi inter se dictis animati, mox in  
 maximam fiduciam venerunt, postquam, eadem die  
 adpulsis ex Africa legionibus duabus, equitibus mille,  
 Diis ipsis curae esse custodiam civitatis interpretati  
 sunt. Igitur, adjuncta legione, quam nuper Pansa  
 praesidio urbi reliquerat, Janiculum, ubi pecuniae  
 erant repositae, pontemque fluminis occuparunt prae-  
 sidiis: per urbem disposuerunt stationes: in portu  
 quoque parandas naves curaverunt, ut victi cum pe-  
 cuniis fugerent. Caesarem intra centesimum ab urbe  
 lapidem cum exercitu consistere vetuerunt. Haec sa-  
 tis confidenter acta,

*Mox iterum  
 timor.*

LXIV. Sed, ubi signa legionis a Pansa relictæ  
 araneis, velut ex longo situ, oppleta venire visa pro-  
 digii speciem metumque fecere; quaesitæque Caesa-  
 ris mater et soror non comparuerunt, amicis, apud  
 quos celabantur, gratiam minasque adversariorum pa-  
 riter spernentibus; iterum rediit timor, tanta oppor-  
 tunitate amissa, quod, his obsidibus, quidlibet impe-  
 traturi facilius a Caesare fuerant.

*Interim  
 Caesar ur-  
 bem intrat.*

LXV. Atque ille suis timens, quum prioribus Pa-  
 trum legatis, dum mandata exponunt, mutatae sen-  
 tentiae nuncium supervenisset, cum irritatis supra mo-  
 dum milibus Romam properat; praemissis, qui bono  
 animo esse populum Romanum et quiescere juberent,  
 nihil hostile passurum. Ita pacato agmine adcessit,  
 omnibusque citra controversiam in potestatem adcep-  
 tis, sub Quirinali colle constitit. Eo statim mira

Cap. LXIII. Dio. Appian. Dio. Cap. LXIV. Jul. Obseq.  
 Appian.

mutatione adfectum venerunt quidam ex senatoribus, U. c. 709.  
 mox etiam promiscua multitudo salutandi ipsum mili- A. C. 43.  
 tesque gratia. At ille, castris in loco positus, postri-  
 die urbem, septus idonea manu, intrat; quacumque  
 incedit, occurrunt salutantium gratulantiumque agmi-  
 na: nihil in speciem officiosae humanitatis praeter-  
 mittitur. Sic ad aedem Vestiae pergit, ubi matrem  
 sororemque esse audiverat.

LXVI. Interim et illae tres legiones, missis lega- *Urbanas*  
 tis, fecerunt deditionem. Ex praetoribus, qui prae- *legiones in*  
 fuerant, Cornutus sibi manus intulit; reliqui in fidem *deditionem*  
 recepti sunt. Cicero, per amicos impetrato Caesaris *accepit.*  
 colloquio, magnis eum laudibus extulit, se quoque  
 senatui deferendi consulatus auctorem fuisse dictitans.  
 Respondit Caesar, nec sine morsu, *Ciceronem sibi no-*  
*visimum amicorum occurrere.*

LXVII. Sequuta deinde nocte vanus rumor com- *Senatus a-*  
 movit civitatem, Martiam et quartam legiones ad se *lius vanus*  
 transire, indignatas, quod deceptae a Caesare adver- *comatus.*  
 sus patriam contra animi sui sententiam ductae essent.  
 Haec rumorì secure omnino crediderunt principes,  
 quamvis in propinquo esset exercitus, et harum lon-  
 ge fortissimarum legionum viribus sustinere se posse  
 reliquas Caesaris copias rati sunt, donec aliunde pa-  
 rarentur auxilia. Igitur, eadem nocte senatu habito,  
 M. Aquilium Crassum emisero ad parandas e Piceno  
 copias: idque tamquam laetum nuncium, discurrante  
 per urbem tribuno plebis Apulejo, vulgarunt. Sed,  
 ubi falsam fuisse famam rescitum est, Cicero, qui pro  
 foribus curiae senatores adventantes cum laudibus ex-  
 ceperat, in lectica fugit. Caesar, irrisa hominum ve-  
 cordia, exercitum in campum adduci iussit. quo tem-  
 pore laetum ei augurium adparuit, sex vultures. Nec  
 tamen in quemquam consuluit durius. quin etiam Cras-  
 sum, qui servili habitu in Picenum penetraverat, di-  
 misit incolumem, interim clementiae captans laudem,  
 mox eosdem, quibus tum videbatur ignoscere, pro-  
 scripturus. Pecuniam autem ex Janiculo, et quid-  
 quid ubivis publicae fuit, comportari iussit: ipse ex-  
 cessit urbe, libertatem scilicet praebiturus comitiis,  
 eo jam adductis rebus, ut eadem omnia absens pos-  
 set.

Cap. LXV. Dio. Appian. Cap. LXVI. Dio. Appian. Cap.  
 LXVII. Jul. Obseq. Appian.



U. c. 709.  
A. C. 43.  
*Caesar novae  
formae  
comitiis con-  
sulatum adi-  
piscitur.*

LXVIII. Igitur et nova comitiorum forma fuit, quia more majorum interrex prodi tam celeriter non poterat; absentibus plerisque patriciis magistratibus. Nam decreto praetoris urbani (extincto jam Cornuto, Q. Gallium fuisse constat) duo nominati sunt procon- sules comitiorum habendorum causa; his perfectis, nihil ultra potestatis usurpaturi. Ab his consul crea- tus Caesar, collegae nomine Q. Pedium Q. F. admi- nistrum adcepit. Et exultabat adolescens honore an- te tempus capto, quem praeter juniorem Marium ne- mo praecocius invaserat. Consulatum enim, si civi- liter computes, annos undeviginti natus iniit; sive dies ineundi decimusquartus Kalendas Septembres, (variant enim scriptores) sive decimus Kalendas Octo- bres fuit: revera vicesimo aetatis anno, quia trime- stre circiter correcti ab Julio fasti absorbuerant: quod spatium, tametsi processerat, tamen vulgo non com- putabatur.

Cap. LXVIII. Dio. Appian. Dio. Tabula Collot. apud Pigh. Dio. Casaubon. ad Sueton. Aug. 26. Liv. Epit. Plut. Bruto. Dio, l. 55. p. 376. et 56. p. 403. Macrobian. Sat. 1, 12. Vell. 2, 65.

# E P I T O M E

## LIBRI CENTESIMI VIGESIMI.

*Caesar consul legem tulit de quaestione habenda in eos, quorum opera pater occisus esset: postulati- que ea lege M. Brutus, C. Cassius, D. Brutus, ab- sentes damnati sunt. Quum M. Antonio vires Asi- nius quoque Pollio et Munatius Plancus, cum exer- citibus suis adjuncti, ampliassent, et D. Brutus, cui senatus, ut persequeretur Antonium, mandave- rat, relictus a legionibus suis, profugisset; jussu Antonii, in cujus potestatem venerat, a Capeno Se-*

*Caesar consul legem tulit]* C. Caesar Lov. 2. Exc. Pithoei, Norv. et antiqq. edd. Praeno- men vero primus omisit Curio, nisi quod etiam non adpareat in ed. Camp. Licet autem Basileen- ses anno 1554. et Sigonius anno proximo id revocarint, recen- tiores tamen mox iterum omise- runt. Sed nec exstat in Leid. Voff. Berg. et Boend. Mox vocabulum *consul* exsulat a Leid. Voff. et Boend. Hinc *quorum opera* *Caesar* pater est in Exc. Pithoei. Tum *occisus est* in Berg. Lov. 2. Boend. et ed. Camp.

*Quum M. Antonio vires Asi- nius quoque Pollio et Muna- tius]* Perperam *Quum M. An- tonius* Leid. Voff. Berg. Lov. 2. Boend. et Exc. Pithoei. Tum *Asi- niusque Pollio* Berg. Lov. 2. et ed. Camp. quod dictum esse posset ad exemplum eorum, de quibus vidimus ad Livii 35, 41, 6. Potest etiam ex scribarum erro-

re ortum esse; quos voculas *que* et quoque saepissime commutas- se, vidimus ad 5, 28, 1. Dein *Nu- matius*, transpositis literis, Voff. Vide viros doctos ad Suet. Tib. 5. *Minatius* Berg. et Boend. *Minutius* ed. Camp.

*Et D. Brutus, cui senatus, ut persequeretur Antonium, mandavit]* Vet. lib. *mandave- rat*. SIG. Similiter Leid. Voff. Berg. Lov. 2. Boend. Exc. Pithoei, et ed. Camp. qui omnes libri pri- mam voculam et ignorant. Ve- rum ea intercepta videtur ab ul- timis literis vocis praecedentis ampliassēt. Vide ad Livii 37, 59, 1.

*Ab Capeno Sequano interem- ptus est]* *Camillum* vocat Ap- pianus lib. 3. in fine; Valer. Max. 4, 7. *Furium*. Ergo *Furius Ca- millus* dicebatur. Vide eundem 9, 13. Vellejus [2, 64.] *Camelum* vocat. HENR. VALES. Vellejus 2, 64. non dicit, *Camelum* per-

quano interfectus est. C. Caesar pacem cum Antonio et Lepido fecit: ita ut tresviri reipublicae constituen-

cussorem Bruti, sed hospitem, fuisse; et Brutum in ejus domo ab iis, quos miserat Antonius, jugulatum. Appianus 3. Civil. extr. ita refert, Brutum, a latronibus captum, se ad Camillum deduci petiisse, Camillum Antonio rem clam significasse, et ab eo jussu fuisse caput Bruti ad se mittere. Verosimile est, eadem de nece Bruti prodidisse Livium. Neque enim necesse est, quod hic Brutus ab Capeno interemptus dicitur, ita accipi, quasi Capenus ipse eum occiderit: nam ab eo interemptus dici potest, quia auctor necis illius fuit. Quae eruditissimus Valesius hic in exemplari suo scripserat, neque ipsum publicari voluisse, et sine injuria illius omitti potuisse, credo. Nam quae in his consequentia est? *Camillus* fuit hospes et proditor Bruti: *Furius*, teste Valer. Max. ab Antonio ad Brutum occidendum missus fuit: ergo is, a quo Brutus interemptus est, *Furius Camillus* dicebatur. DUK. Varie hanc periodum exhibent libri. *relictus a legionibus suis quum profugisset, jussu Antonii, in cujus potestatem venerat, caesus a Capeno Sequano interfectus est* est in Leid. *relictus a legionibus suis quum profugisset, jussu Antonii, in cujus potestatem venerat, praefuisse caesus a Capeno Sequano interfectus est* in Voll. *relictus a legionibus suis jussu Antonii in cujus potestatem venerat profugisset caesus a Capeno* (caesus et a Capaneo in Berg.). *Sequa-*

*no interfectus est* in Berg. Lov. 2. et ed. Camp. Sed melior sensus est in vulgatis editionibus, quam in his libris, quorum lectiones dedi. Recte vero Clariss. Dukerus contra Vales. monet, ex collatis Appiani Alex. et Valerii Max. locis non patere, eum, a quo D. Brutus interfectus est, Furium Camillum dictum esse. Quem enim App. *Camillum* vocat, Gallorum dynasta est: et quidem ex populo Sequanorum, ut locus hic docet. Unde etiam Orosius 6, 18. eumque secutus Freculph. part. 1. lib. 7, 14. D. Brutum in Gallia a Sequanis captum et occisum tradunt. At contra Furius, cui *Brutianae ultionis officium mandatum erat*, sive quem ad Brutum occidendum Antonius miserat, ut Valer. Max. dicit, Romanus fuisse videtur, quem ad dynastiam Gallorum eum manu equitum Antonius miserat, ut, eo conscio et teste, Brutus interficeretur. Ceterum apud Livium 41, 1. memoratur *Catmelus* regulus Gallorum, a quo nomine non multum distat *Camelus* Vellej. vel *Camillus* Appiani. Et forte simile nomen hic restituendum est. Vide etiam Jac. Perizon. Epist. ad Nic. Heinsium, quam edidit Celeberr. Burm. in Syll. Epist. tom. 4, 779. Praeterea, licet D. Brutus in potestatem Antonii venisse dici possit, qui tantum venerat in potestatem dynastae Sequani, apud quem jussu Antonii interfectus est, forte tamen, si vera est Appiani, vel Velleji narratio, mutato verborum ordine legendum est *jussu Antonii a Camelo*, vel *Camillo*, vel *Catmillo Sequano*, in cujus potestatem venerat, etc. Denique cum omnibus codd.

*tuendae per quinquennium essent ipse, et Lepidus, et Antonius; et ut suos quisque inimicos proscriberent. in qua proscriptione plurimi equites Romani,*

et edd. *interfectus*, pro *interemptus*, edidi. Vide ad Epit. 73.

*Caesar pacem cum M. Antonio et Lepido fecit*] C. Caesar Leid. Voff. Berg. Lov. 2. Boend. Norv. et pleraeque edd. nisi quod Basil. anni 1554. eosque secutus Sigonius *D. Caesar* vulgarizat; quod in Exc. Pithoei esse, Hearne notavit: id vero non aliter, quam *Divus Caesar*, reddi potest. Sed, quum Augustus demum post mortem *Divi* titulum acceperit, potius videtur, illud *D.* natum esse ex operarum errore. Et ita existimasse videntur, qui tertiae Sigonii editioni praefuerunt, quia priscam lectionem *C. Caesar* revocarunt. Primus deinde Heinsius in ed. Elzevir. invitis omnibus libris, praenomen expunxit; quem quum improvide recentiores secuti sint, illud nunc iterum restitui. Contra cum *Antonio*, vicissim omissio praenomine, Leid. Voff. Berg. Lovel. 2. Boend. Exc. Pithoei, Norv. et editi ante Gronov. qui praenomen anno 1665. addidit, quod tot codd. et edd. auctoritate iterum delevi.

*Ita ut tresviri reipublicae constituendae quidem per quinquennium praessent*] Nihil purius potest esse vetere huius loci lectione: ita ut *IIIviri reip. constituendae per quinquennium essent ipse, et Lepidus, et Antonius, et ut suos quisque*. Sic enim pacis condiciones fuerunt duae, triumviratus et inimicorum proscription. SIGON. In eo Sigonio consentiunt omnes quinque codd. nostri, cum Exc. Pithoei, et ed. Campani, *to quidem delendum esse, de quo vide ad Epit. 55. et essent legendum, pro praessent*. Deinde *reipu-*

*blicae restituendae causa*, ultima voce addita, Leid. et Boend. Ita passim in Fastis Capitol. dictatores dicuntur REI. GERVINDAE. CAVSSA, vel COMIT. HABEND. CAVSSA, vel CLAVI. FIGENDI. CAVSSA, vel LATINAR. FER. CAVSSA. Quum tamen *to causâ* desit in Voff. Berg. Lov. 2. Exc. Pithoei, et Norv. ac librarii passim eam vel synonymas voces addere de suo soliti sint, ut vidimus ad 31, 32, 4. eos etiam id hoc loco fecisse, credere malo.

*Ipsè, et Lepidus, et Antonius, ut suos quisque inimicos proscriberent*] *ipse, Lepidus, et Antonius*, copula priori loco omissa, Boend. Norv. et edd. ante Sigonium, qui eam ex vet. lib. addidit: cum quo faciunt etiam Leid. Voff. Berg. et Lov. 2. Et recte. Partim enim, auctorem Epitomarum copulam illam repetere solitum fuisse, vidimus ad Epit. 46. partim ita evitabitur ambiguitas, utrum intelligendum sit *ipse*, scilicet C. Caesar, an proxime jungendum *ipse Lepidus*. Recte dein Sigonius post vocem *Antonius* delevit verbum *statuerunt*; quod similiter neque Mfi nostri, neque Exc. Pithoei, neque ed. Camp. agnoscunt. Optime Sigonius vet. lib. *et ut suos*, consentientibus Leid. Berg. Lov. 2. Boend. et ed. Camp. Quum autem Sigonius, Gruterus, et alii particulam *et* recepissent, primum eam ex contextu iterum ejectam vidi in ed. Gronov. anno 1665. Eadem postea omissa est in nota Sigonii in ed. Gronov. anni 1679. quod Hearnio fraudi fuit, cique ansam dedit perperam monendi, *to et* in vet. lib. Sigonli non existasse. Denique *proscriberet*

Supplem. Liv. Tom. XIV.

Y

*centum triginta senatorum nomina fuerunt, et inter eos L. Paulli fratris M. Lepidi, et L. Caesaris Antonii avunculi, et M. Ciceronis. hujus, occisi a Popillio legionario milite, quum haberet annos sexaginta tres, caput quoque cum dextra manu in rostris positum est. Praeterea res a M. Bruto in Graecia gestas continet.*

Boend. et ed. Camp. Sed male. quisque prosciberent formatum est ad imitationem Livii; quem ita passim locutum esse, vidimus ad 7, 19, 2.

*Centum triginta senatorum nomina fuerant] fuerunt* vet. lib. SIG. Similiter Leid. Voss. Berg. Lov. 2. Boend. Exc. Pithoei, et ed. Campani. Centum triginta duum senatorum nomina in tabula proscriptionis proposita fuisse, auctor est Oros. 6, 18. et ex eo Freculph. part. 2. lib. 7, 14. Paullo ante vocem *Romani* omitunt Leid. Voss. Berg. Lov. 2. Boend. omnesque edd. ante Gruterum.

*Et inter eos L. Paulli fratris M. Lepidi]* Prima vocula non adparet in Boend. qui sequentia verba ita exhibet, *inter eos L. Paulli fratris mris Lepidi, al' M. Lepidi.* Sed librarius perpèram duas lectiones junxit, ac simul in contextum recepit. Ceterum, qua ratione factum esse potuerit, ut L. Paullus et M. Lepidus fratres germani diversarum tamen familiarum gentis Acimiliae nomina nacti sint, pluribus docet Clariss. Perizon. in Animadv. Hist. cap. 3, 145. ubi erudite L. Paullum inlustravit.

*Et L. Caesaris Antonii avunculi, M. Ciceronis]* Vet. lib. et *M. Ciceronis.* Item *hujus occisi, non cujus occisi.* SIGON. In Dione [47, 330.] scribitur ἀνέλει τοῦτε Ἀντωνίου καὶ ὁ Δεῖος Δού-

κιος Ἀντωνίου Καίσαρ. Sed vox Ἀντωνίου rejicienda est. DELR. Primam voculam omittit male Voss. Modo habuimus ipse, et Lepidus, et Antonius. ubi vide. Deinde particulam *et*, ante penultimam vocem a Sigonio additam, agnoscunt omnes codd. quos consului, Exc. Pithoei, et ed. Camp. qui omnes, excepto uno Boend. *hujus, non cujus*, constanter itidem agnoscunt.

*Popilio legionario milite]* Ita scripti mei, omnesque edd. praeter Sigonianas, quae recte praefecerunt *Popillio*; quod etiam in Exc. Pithoei esse, Hearne monuit. Vide ad 26, 6, 1. Mox *annos XLIII*; notis numeralibus perperam transpositis, Voss.

*Caput quoque cum manu dextra]* Vet. lib. *caput cum manu.* At Livius tamen, inter duas manus positum, scripsit. Verba ejus sunt apud Senecam lib. 1. Declam. [Suasor. 6.] ita: *Ita relatum caput ad Antonium, jussuque ejus inter duas manus in rostris positum.* in iisdem verbis nulla Popillii mentio est. SIG. Etiam alia quaedam de morte Ciceronis inter scriptores veteres discrepant. Loca omnium collegit ac descripsit Fabritius in Historia Ciceronis extr. Adde Corradum in Quaelura. DUK. *Tò quoque* exsulat etiam a Berg. Boend. Exc. Pithoei, et ed. Camp. Deinde Gron. edidit *cum dextra manu*, quod probant omnes exarati mei et ed. Camp.

# JOHANNIS FREINSHEMII

SUPPLEMENTORUM LIVIANORUM LIBER LXXXV.

IN LOCUM LIBRI CXX. T. LIVII.

I. Inito consulatu, C. Caesar, quum reversus in urbem, sacrificiis factis, augurium captaret, duodecim vulturibus visis, quod augurium Romulo, novam urbem condituro, conspectum dicebatur, in amplissimam spem similis fortunae erectus est. militibus deinde pecunias distribuit, suis ex facultatibus dare dictitans, quum in manu haberet publicas. iisdem gratias egit. egit et senatui; sed militibus ex animo magis. Horum enim ope se sciebat adjutum; senatum, quod fecisset, metu fecisse.

U. c. 709.  
A. C. 43.  
*Augurium  
Romuli ob-  
latum Caesari.*

II. Par apud Patres simulatio, qui et haec ultro tribuisse Caesari praedicabant, et reliqua adaccumulatos. Idcirco, quem paullo ante consulatu judicaverant indignum, ei decreverunt, ut etiam, exacto magistratu, donec apud exercitum esset, consules honore anteciret: judicia paullo ante et poenas comminati ob copias privato consilio contractas, nunc et alias adlegere iusserunt: et, sicuti Bruto in Caesaris ignominiam bellum Antonianum decreverant, ita nunc Caesari legiones etiam Bruti adjecerunt. Postremo et, cura urbis permessa, potestatem dederunt agendi pro arbitrio, etiam prae-ter leges, omnia.

*Et multa  
discernunt  
Patres.*

III. Ceterum Caesar, post sacra peracta, adoptionem suam curiata lege confirmavit. Mox alia rogatione Dolabellam absolvit, qui judicatus hostis fuerat; et, praeparata primum legationibus populi gratia, solutoque residuo, quod debebatur ex testamento Cae-

*Lex Pedla  
de quaestio-  
ne in percus-  
soris Caesa-  
ris.*

Cap. I. Dio, 1. 46. Appian. Civil. 1. 3. Jul. Obseq. Sueton. Aug. 95. Liv. 1, 7. Dio. Cap. III. Appian. Dio. Appian. Dio. Liv. Epit.

U. c. 709. saris, legem tulit de quaestione habenda in eos, quo-  
 A. C. 43. rum scelere pater occisus esset: quam de nomine col-  
 legae Pediam maluit adpellari.

*Qui omnes damnantur.* IV. Hac postulati sunt non percussores modo, sed et qui conscii fuisse consiliorum dicerentur; absentes plerique, nonnulli et iusontes, qui nec insidiati Caesari, nec omnino eo tempore versati Romae fuerant. Hac fraude praecipue Sex. Pompejus petebatur, hoc crimine haud dubie innoxius; sed quem quolibet praetextu tolli Julianarum partium interesset. Reis hac lege universis una praeconis denunciatione dicta dies est, damnatique, inspectante Caesare, ad unum omnes, absentes plerique, nemine iudicum absolvente quemquam, uno senatorum excepto, P. Sicilio Coronate, qui M. Brutum absolvit palam: cujus rei dissimulata interim ira mox proscriptione hominis patuit.

*Collegae magistratum abrogans annum non supervivit.*

V. P. Servilius Casca, qui primum ictum inflixerat Caesari, tribunatum plebis eo anno gerebat, patiente Octaviano, qui tum adhuc odium in percussores tegebat. Is, neque adolescenti fidens, et exagitatus a Cicerone, (qui *parricidam* adpellare sustinuerat, quum eodem tempore pro salute percussorum, quibus erat amicissimus, Caesarem per epistolas rogasset) non expectato Caesaris adventu, Roma profugerat. Hunc P. Titius collega, magistratu abrogato, reum peregit; et ante annum mortuus firmavit opinionem, non posse annum supervivere, qui collegae magistratum abstulisset.

VI. Nec dissimile Q. Gallii praetoris fatum fuit, cujus opera tum Bruto atque Cassio abrogatum imperium erat. Idcirco provinciam Africam praemii loco nactus a Caesare, paullo post miserabiliter interiit. Quum enim, pugillares duplices veste tegens, ad Caesarem salutandum introisset, suspicionem movit gladium oculi. Nec ausus statim inquirere Caesar, ne quid aliud inveniretur, paullo post e tribunali raptum servilem in modum torsit, negantemque iussit occidi,

Cap. III. Dio. Appian. Vell. 2, 69. Cap. IV. Sueton. Ner. 3. Plut. Caes. Appian. et Dio. Dio. Appian. Dio. Plut. Bruto. Appian. et Dio. Cap. V. Supra 116, 57. Dio. Cic. ad Att. 16, 15. et Phil. 13, 15. Dio. Cic. ad Brut. 1, 17. et 16. Dio. Cic. ad Fam. 10, 12. Cap. VI. Dio. Jul. Obseq. Appian. Jul. Obseq. Appian. Sueton. Aug. 27.

prius oculis sua manu effossis. Ipse scripsit in libris de vita sua, *Q. Gallium, colloquio petito, insidiarum sibi, conjectumque a se in custodiam: deinde, urbe interdicta, dimissum naufragio vel latronum insidiis periisse.* U. c. 709. A. C. 43. *Caesaris libri de vita sua.*

VII. Crudelitatem Caesaris, quo plus metuebatur, studiosius tegere atque adjuvare nisi sunt omnes. Gallio magistratum abrogarunt collegae: populus diripuit domum: Patres capitis damnaverunt. Namque fortunam adolescentis omnia sequebantur: et alii formidine, multi favore, pars magna praemiis incitabantur. Quippe et adcosatoribus percussorum pecunia promissa erat, et magistratus, quem adcosatus gereret, militiaeque vacatio ipsis liberisque et nepotibus. His motus, opinor, Capito, Velleji historici patruus, Agrippae subscripsit in C. Cassium. Nam M. Agrippam Callio Caesar, L. Cornificium Bruto adcosatores adposuerat.

VIII. Nihil erat actum damnatione reorum, nisi et vi armisque possent superari. Namque Brutus atque Cassius jam habere legiones circiter viginti dicebantur. Idcirco Caesar, ad hos debellandos amicitiam Antonii sibi necessariam fore videns, a quo propter adfinitatem dissociari Lepidus nequiret, eo contulit consilia, ut hos interim haberet adjuutores; postea, sublati eorum ope percussoribus, ipsos quoque tollendi rapturus aut factururus occasionem. Ne tamen ejus propositi emanaret intempestiva suspicio, neque de rebus iis retulit, et, quasi bellum illaturus hostibus judicatis, ad mare superum lentis itineribus processit. *Caesar amicitiam Antonii expetit. Diversum interim simulans.*

IX. Interea ex composito Q. Pedius ad senatum de venia Lepido atque Antonio concedenda retulit. Alia jam plane rerum facies esse coeperat, ut, qui modo pro defensoribus libertatis habiti fuerant, tamquam hostes et parricidae in execratione essent: contra respecti modo, et tantum non hostes patriae judicati, non benevoli tantum fidaeque reipublicae, sed etiam civitatis ac senatus patroni haberentur. Igitur ad Caesarem senatus misit, tamquam ignarum eorum, quae agerentur, ut hujus sententiam exquireret. Atque is, omnia alia cupientem, vi militum adigi ad consentiendum, re-

Cap. VI. Sueton. Aug. 85. et 27. Cap. VII. Appian. Dio. Vell. 2, 69. Plut. Bruto. Cap. VIII. Appian. Dio. Appian. Cap. IX. Dio. et Appian.



U. C. 709,  
A. C. 43.

scripsit. sequutumque senatusconsultum, quo prius decretum antiquabatur, cum amicis ad eos literis. Eam ob causam senatui gratulatus est Caesar, Antonioque scripsit, *auxilio se venturum adversus Decimum, si ei videretur*. Ob haec collaudatus ab iisdem Patribus, quibus paullo ante nihil Decimo carius, nihil execrabilius Antonio fuerat. Adeo facile convelluntur animi externa tantum spectantes, quotiescumque eorum, a quibus dependent, aliqua intervenit conversio. nec enim abripi fluxu mortalium fas est, quisquis constantibus verisque bonis innititur. Sed Antonius respondit, *in Decimo se vindicaturum Caesaris injurias, in Planco suas: Caesarique se conjuncturum*.

Unde D.  
Brutus peri-  
cula.

X. Hinc vero D. Bruti res subito miserandum in modum labare coeperunt. Is, tertio post Mutinensem pugnam die insequi Antonium orsus, postquam receptum a Lepido audit, cum L. Planco, qui designatus una consul sequentem in annum fuerat, consilia viresque sociaverat. Sed, ubi se damnatum esse Romae, Asinium Pollionem, semper Julianis partibus fidum, cum suis legionibus adcessisse Antonio, et insuper sollicitare Plancum cognovit, diffidens rebus suis, adversus Caesarem convertere signa coepit. Sed, desertus a Planco, mox etiam petitus insidiis, extremam in desperationem incidit. Nam Plancus, frequentibus epistolis multa de se senatui, multa Cicero- ni liberaliter et facunde pollicitus, ad potentiores desciverat, quatuor transductis ad Antonium legionibus.

Et consi-  
lium ad M.  
Brutum eva-  
dendi,

XI. Idcirco Brutus, numero, quam viribus, ampliores copias agens, quod ex decem legionibus una tantum veteranorum erat, altera bima; eaeque nondum satis ex inopia Mutinensi recreatae; relicta Gallia, per Ravennatem et Aquilejensem agrum in Illyricum ducere conatus est, ut in Macedoniam ad M. Brutum evaderet. Sed, quando istam quidem viam Caesar et Antonius obseperant, et in Japydia congressum repulerant, relictis machinis, alia longiore atque difficiliore via Rhenum petere statuit, atque ibi transiectus per Germaniam proficisci.

Sed Caesar  
et Antonius  
obstant.

Cap. X. Cic. ad Fam. 11, 13. Dio. Cic. ad Fam. 10. passim. et 11, 15. et 12, 8. Dio. Vell. 2, 63. Liv. Epit. Appian. Dio. Vell. 2, 63. et 64. Cap. XI. Cic. ad Fam. 10. passim. Dio. Appian. Cic. ad Fam. 10, 24. Cic. ad Fam. 11, 13. Dio. et Appian.

XII. Sed, ubi consilium ejus emanavit in milites, desperare omnes, atque alia circumspicere praesidia coeperunt. Primum ad Caesarem sex transierunt tironum legiones cum auxiliis suis: reliqui mox omnes ad Antonium: solis permanentibus Gallis equitibus, quibus custodiam corporis sui crediderat.

U. c. 709.  
A. C. 43.

XIII. Cum his per Salassos, empto transitu, singulisque in capita denariis datis, penetravit in Galliam, dimissisque et donatis, qui domum reverti maluerant, cum equitibus omnino trecentis ad Rhenum venit. Ibi vero, dum ad difficilem plenumque periculi transitum cunctatur, paullatim desertus, decem tantummodo comites retinuit. Idcirco hac ipsa paucitate spem dante fallendi, rursus Aquilejam petere constituit, Gallico habitu sumpto, nam et linguae non ignarus erat.

D. Bruti  
fuga.

XIV. Sic oberrans, quum captus a latronibus Sequanis vinctusque esset, cujus esset ea ditio, interrogavit. Ubi responsum est, Camilli esse, duci ad eum postulavit; quod sua quaedam beneficia Camillus habebat. Sed ille, palam objurgans suos, qui per ignorantiam in tantum virum injuriose peccavissent, clam nuncios ad Antonium misit. ille propere Furium quemdam cum equitibus ire iussit: a quo trucidatus est Brutus. Caput ad se delatum inspexit Antonius, sepelirique iussit.

Et caedes.

XV. Nec obliteranda duorum amicorum Bruti memoria, quorum alter in gratiam ejus sibi conscivit necem; alter quum mori pro eo cuperet, invitus supervixit. Territus equitum adventu Brutus in latebras se abdiderat. Has ubi repererunt Antoniani, Ser. Terentius obtulit se irrupentibus, Brutum simulans, ac obscuritate loci sperans fallere. Sed agnitus a Furio servatusque est. Brutum, casus suos deplorantem, et inani subterfugio subtrahentem gladio cervices, Helvius Blasio ad ferendam fortiter mortem, non voce tantum, sed et exemplo suo excitare nisus est; si bique ultro intulit manus, Nec ultra profectum, quam ut prae metu mortis vecors homo Furio admonenti, conjunctius praeberet cervicem, responderet his ipsis ver-

Amicorum  
ejus fides.

Cap. XII. Appian. Illyr. p. 764. Appian. Civil. l. 3. Liv. Epit. Dio. Appian. Cap. XIII. Strabo, l. 5. p. 205. Appian. Cap. XIV. Oros. 6, 18. Appian. Vell. 2, 64. Appian. Val. Max. 4, 7. Liv. Epit. Appian. Cap. XV. Val. Max. Dio. Val. Max. 9, 13. Senec. Ep. 82.

U. c. 700, bis, *Ita vivam, dabo*. Sic alter hic post C. Trebonium A. C. 43, poenas interfecti Caesaris dedit: et sub idem fere Minucii tempus alius ex percussoribus Minucius Basilus, quum *Basilus* per iram quosdam servorum castravisset, a familia interemptus est.

XVI. At Antonius, maximi rursus exercitus imperator, adjuncto Lepido, cum decem millibus equitum et legionibus septemdecim, Alpes iterum transcendit; sex relictis in Gallia sub compotore suo, L. Vario Cotyla. Necdum enim satis fidebant Caesari: neque etiam magis illius beneficio, quam suis viribus, restitutos videri decorum rebantur. Similiter in hos adfectus animo Caesar Bononiam occurrit cum valida manu. Callidos et tempori servientes facile mutus metus jungit: irae atque odia in occasionem differuntur. Fit pactio, ut inter sese de rebus omnibus colloquantur: et, quia par utrobique timor erat, omnia sollicitate exaequantur. Et Fortuna providerat.

*Colloquium  
Caesaris et  
Antonii.*

XVII. Medio inter diversa castra spatio, nomine, non magnitudine, par Germanico, Rhenus parvam insulam efficit (hodie peninsula esse dicitur) plano solo, et parum insidiis apto. Ad hujus viciniam adduci legiones quinas placuerat; deinde, his aequali spatio relictis, pergi cum trecentis comitibus ad pontes: duo enim erant, hic Caesaris, ille Antonii castra respiciens. Hoc ubi factum, Lepidus, cui cum neutro similtas fuerat, praemissus ad speculandum, essetne omni ex parte vacua insidiis insula, paludamentum extulit. Eo signo conspecto, utrimque relicto ad pontes comitatu, Caesar et Antonius in media insula, loco undique conspicuo, ubi sellae erant positae, congressi sunt: seque mutuo, ne forte sub aliis pugiones haberent, excusserunt.

*Caesar An-  
tonio conce-  
dit de Cice-  
rone.*

XVIII. Inde Caesar, tamquam consul, in medio; ceteri lateribus ejus adsederunt; submissaque voce colloquuti sunt, ne quid ab iis, quod ad pontes adduxerant, excipi posset. Hoc continuo biduo factum, ut ab orto die ad occasum usque contenderent, tertio demum die cessit Caesar, ut inter alios, qui exitio

Cap. XV. Appian. et Oros. Cap. XVI. Plut. Anton. et Dio. Plut. Dio. Plut. Cic. Sueton. Aug. 46. Dio. Cap. XVII. Silius, 8, 600. Plin. 16, 36. Plut. Cic. et Anton. Dio. Appian. Civil. l. 4. Dio. Cap. XVIII. Appian. Plut. Cic. et Anton.

communiter destinabantur, proscribi Ciceronem pateretur: sine qua conditione negabat Antonius reconciliationem fieri posse; atque Antonio Lepidus adsentiebatur. Eratque tantus hominum furor, ut vicissim Antonius avunculi sui L. Caesaris, Lepidus fratris Pauli necem gratificarentur: dum inimicos tollerent, ne quidem necessariis parcentes: et praeterea odio suorum, a quibus increpiti forte fuerant, adcensi.

U. e. 709.  
A. C. 43.

XIX. Ceterorum, quae tunc decreta sunt, haec *Triumvir-  
summa fuit. Caesar consulatum in reliquam anni partem P. tus consti-  
Ventidio cedar. Tresviri reipublicae constituendae per quin-  
quennium sint, eumque magistratum Lepidus cum Antonio ac titur.  
Caesare consulari potestate gerant: iidemque confestim in istud  
quinquennium magistratus urbanos designent: in his neque se-  
natui auctoritate, neque populi jussu sit opus; provincias scor-  
sim Lepidus Hispaniam omnem cum Narbonensi Gallia; cetera  
Galliarum citra et ultra Alpes Antonius; Africam utramque, *Partes in-  
Sardiniam ac Siciliam Caesar, obtineant. Transmarinae ter triumvi-  
provinciae silebantur, sive ut opinionem efficerent ros dividun-  
tresviri, non omnia se sibi cupere; sive potius, quia tur.  
tum illae in potestate percussorum, et bello repeten-  
dae erant. Id vero bellum Antonio Caesarique demandari,  
Lepidum in locum D. Brusi consulatum invadere, Romamque  
et Italiam custodire placuit, Hispanias et Narbonensem per  
legatos obtinere. Ad haec tres ei legiones sufficere vi-  
sae. ceterae ita distributae, ut viginti Antonius, tot-  
idemque Caesar, haberent.**

XX. Militibus, inter alia victoriae praemia, coloniae quoque promissae duodeviginti urbium Italicarum, quarum in aedificia finesque deducerentur. Neque contemptissima ea pars Italiae erat; sed pulcherrima oppida, laetissimusque ager destinabatur, Capua, Rhegium, Venusia, Beneventum, Nuceria, Ariminum, Vibona,

XXI. In has conditiones junxerunt manus, jurejurando interposito; et, quia Diis testibus non satis obstricta fides videbatur, etiam advocarunt exercitus; iisque Caesar, pro honore magistratus, quem gerebat, de scripto recitavit omnia, praeterquam de proscri-

*Exercitus  
consulabant.*

Cap. XVIII. Seneo. Suasor. 6. Flor. 4, 6. Oros. 6, 18. Plut. Anton. et Cic. Cap. XIX. Cic. ad Brut. 2, 2. Appian. et Dio. Liv. Epit. Appian. et Dio. Dio. Appian. Appian. et Dio. Flor. 4, 7. Appian. Cap. XXI. Flor. 4, 6. Dio. Appian.

U. c. 709. ptione quod convenerat. Sic exercitus inter se con-  
 A. C. 43. salutaverunt, et, quo firmior esset imperatorum con-  
 cordia, postulatum est, uti, velut obsidem reconcilia-  
 tae gratiae, privignam Antonii Clodiam, vixdum nubi-  
 lem, Caesar duceret. Adsensit adolescens, satis gna-  
 rus, ad servanda conventa non fortius adfinitatis vin-  
 culo, quam ceteris, adstringi potentes et cupidos: et  
 modo patrem suum Caesarem, quo minus Pompejum  
 everteret, ea necessitudine nihil impeditum fuisse no-  
 verat.

*Ostentum  
 oblatum Caesari.*

XXII. Tum etiam ostentum ei factum ferunt, quo  
 ad summae rei spem acrius excitaretur. In castris  
 ejus luce prima in culmine Praetorii super linteum  
 aquila sedens duos corvos, hinc inde infestantes, ad-  
 fluxit, et mortuos dejecit in terram, notante universo  
 atque exitum praesagiente exercitu, *futurum, ut ex tri-  
 bus hic solus superstes et victor esset.* Trahebantque eodem,  
 quod paullo ante, quam in Italiam regrederentur, in  
 castris Lepidi, centurionis gladium circumvolutus an-  
 guis vinxerat; et in tabernaculum Lepidi lupus irrum-  
 pens everterat mensam. id eversae potentiae fuisse  
 praesagium crediderunt: Antonio voluptatum insaniam,  
 et ex his perniciem ostendi, quod circa fossam castro-  
 rum ejus lac fluxerat, et concentus quidam fuerat ex-  
 auditus.

*Prodigia  
 varia.*

XXIII. Nec urbana mala prodigiis caruerant. ca-  
 num ululatus, luporum per forum discursus, bovis et  
 infantis recens nati sermo, simulacrorum sudor san-  
 guine mixtus, clamores pugnantium, strepitus armo-  
 rum, equorumque currentium, adparente nullo, so-  
 lis varie mutata species, lapidum imbres, aedes sa-  
 crae statuaeque de coelo tactae, multum timoris in-  
 cusserant: sed ille in immensum crevit ex eo, quod  
 inter procuranda haec prodigia evenit. Quippe Tu-  
 scus haruspex, *accum esse de libertate, et antiqua redire  
 regna, seque excepto uno ceteros servituros omnes, vaticina-  
 tus, compressit spiritum, vivendique finem sibi posuit.*

*Tusci haru-  
 spicis prae-  
 dictio et  
 mors.*

XXIV. At tresviri, tollendos ante omnia praeci-  
 puos inimicorum rati, ne consiliis suis impedimento  
 forent, percussoribus in urbem praemissis, occupari  
 statim duodecim, vel, ut alii tradunt, septemdecim

Cap. XXI. Flor. Plut. Anton. Sueton. Aug. 62. Oros. 6,  
 18. Vell. 2, 63. Dio. Cap. XXII. Jul. Obseq. Suet. Aug. 96.  
 Dio, l. 47. Cap. XXIII. Appian.

imperarunt, et in his M. Ciceronem. Horum quatuor statim in publico aut inter convivia reperti occisique; ceteri, per sacra ac profana omnia tumultuosissime quaesiti, tantum excitarunt pavoris, ut tota nocte cum ejulatu ac clamore, quemadmodum captis urbibus solet, discursaretur.

U. c. 709.  
A. C. 43.

XXV. Et, quia nomina proscriptorum nondum erant publice proposita, se quisque peti ratus, in eam desperationem venerant, ut alii suas, alii publicas aedes incensuri essent, ne inulti morerentur; nisi Q. Peditus consul, summa diligentia hac illac volitans, bene sperare jussisset, et exspectare diem, vanos aperturam timores. Deinde, quamprimum lux adparuit, nomina septemdecim illorum edidit, auctores malorum omnium incusans, et securitati ceteris promissae fidem publicam interponens. necdum enim, quid de proscriptione tresviri constituisent, cognoverat. Sed ille quidem proxima nocte, per nimiam contentionem ruptis vitalibus, interiit.

*Q. Pediti diligentia et mors.*

XXVI. Tresviri paullo post ingressi sunt triduo, cum cohortibus praetoriis et singulis legionibus. Prima die Caesar, sequenti Lepidus, tertio Antonius, intrarunt: statimque patuit funus adparari reipublicae. Namque, dispositis per urbis opportuna stationibus, concionem populi P. Titius tribunus plebis advocavit, legemque simul promulgavit atque pertulit: *Reipublicae constituendae tresviros in quinquennium creari cum potestate consulari*: hoc verbo utebantur, quum plusquam regiam rapuissent. *cos esse M. Lepidum, M. Antonium, C. Caesarem, ex ante diem quintum Kalendas Decembres in ante diem pridie Kalendas Januarias sextas.*

*Triumvirorum ingressus in urbem.*

XXVII. Unum etiam ad summam indignitatem deerat, ut curatis precibus exorandi essent suscipere honorem, quem, oppressis legibus, vi ac fraude invaserant. Igitur et sacrificatum est, tamquam ob magnam et repentinam felicitatem, et ad consuetum habitum senatus rediit: quamquam et ex iis, quae agebantur, et ex prodigiis recentibus imminentium rerum gravis cura occupasset animos. Nam et armorum telorumque species a terra visae cum fragore ad coelum ferri: et in fastigio aedis Aesculapii examen apum,

*Et impudens voluntatis suae dissimulatio.*

Cap. XXIV. Oros. 6, 18. Appian. Cap. XXVI. Dio. Appian. Tab. Collot. apud Pigh. Cap. XXVII. Dio. Jul. Obsequ. Dio.

U. c. 709 supra templum Genii Publici, itemque Concordiae,  
A. C. 43. vultures consederant, Nam et haec praesagire convulsionem boni status, fugamque et caedes credebantur, quod, post constitutam sedem opesque industria paratas, fumo et turbulento aeris strepitu apes pelluntur; et vulturibus hanc inesse naturam sagacitatem putabant, ut triduo aut biduo ante circum ea loca oberrarent, ubi cadavera futura essent.

*Proscriptio  
civium.*

XXVIII. Neque diu his expectandum fuit. statim enim, atque magistratum tresviri adceperunt, super septemdecim illos, proscripserunt alios centum triginta, eorumque nomina variis per urbem locis proponenda curarunt. Neque multo post alios adjecerunt centum quinquaginta; deinde saepius et subinde plures: ut aliqui recens damnati erant, aut etiam indemnati perierant, ne innocentes occisi viderentur. Redit Sullanae crudelitatis exemplum: funeribus urbs completur: per domos, vias, fora, theatra, templa, sanguis funditur: capita, in rostris proposita, mox ad triumviros deportantur: corpora abjiciuntur in profluentem, aut canibus avibusque esca relinquuntur. Nec fidum cuiquam aut tutum quidquam erat; quando et excipientibus eadem poena erat proposita, et abscondentibus, et vetantibus excuti domos suas, atque aperiri perspicique conclavia omnia. Neque interfectorebus modo promissa erant praemia, sed et indicibus cujuslibet hoc genus facti.

*Ejus edicti  
formula.*

XXIX. Sed edicti sanguinarii hunc in sensum concepta formula fuit. *Nisi tanta quorundam esset tamque insanabilis improbitas, ut servari nescirent, et servatoribus ultro timendi essent, nihil ad summam humanitatem atque clementiam desiderari hoc tempore pateremur. Sed occisus Caesar documento nobis esse debuit, ne aut vindictam illius, aut nostra pericula negligereamus.*

*Necem Caesaris exag-  
gerant.*

XXX. Neque vera consilium hoc nostrum iniquitatis aut saevitiae arguet, quisquis et ipsi et nobis illatas injurias expenderit. Illum quidem, et imperatorem, et pontificem maximum, excisis aut subactis validissimis nationibus, quae populo Romano terrari semper fuerant, novas trans oceanum terras aperientem imperio, in media curia, loco sacro, sub oculis Dearum interemerunt ii, quas, aut in summa sua gratia ami-

Cap. XXVII. Plin. 10, 6. Cap. XXVIII. Appian. Oros. 6, 18. Flor. 4, 6. Appian. Dio. et Appian. Aug. de Civ. Dei, 3, 27. Dio. et Appian. Cap. XXIX. Appian.

citiaque constitutos, aut bello victos, clementia servatos, ad summos honores opesque provexerat, partim etiam testamento heredes instituerat. Nec occidisse consenti, tribus et viginti vulneribus lacerarunt, ut saevitiae et perfidiae ludibrium adjicerent.

U. a. 709.  
A. C. 43.

XXXI. Ceteri vero boni viri, tantum abest, ut animad- *Senatum*  
vertere in parricidas conati sint, ut etiam magistratus illis, *perfringunt*  
provincias, exercitus darent. quois illi abusi publicas diripue- *faventem*  
runt pecunias, atque inde majores adversus nos copias compa- *porcussori-*  
rarunt. Quin et, adcitis barbarorum auxiliis, atque eorum *bis.*  
barbarorum, qui semper hostili animo in populum Romanum fue-  
runt, Romani juris civitates, quotquot imperata facere scele-  
ratorum hominum recusabant, vi metuque adegerunt ad par-  
tes; alias etiam diruerunt cremaruntque. At nos ab aliquibus bo-  
rum jam summissimus poenas; idque ut videatis etiam in reliquis,  
Dii dabunt.

XXXII. Quod igitur, constituta domi republica, magnis. *Hostes suos*  
que per Hispanias, per Gallias gestis rebus, unum etiamnam *relinquere*  
grave certamen contra parricidas, qui transmarinis provinciis *nolunt domi,*  
incubant, certatari sumus; nec tutum esse, nec aut nobis, aut *ad transma-*  
patriae utile arbitramur, dum gerundi belli causa peregre ab- *rina bella*  
sumus, hostes a tergo relinquere, qui temporibus nostris infi- *profecturi.*  
dientur, et, nobis alibi occupatis, denuo fluctus aliquos in  
urbe atque Italia excitent.

XXXIII. Igitur ne dilatum quidem oportuit, quin e ve- *Sed in tel-*  
stigio de medio tollerentur: quando ipsi priores denunciarunt *lendis modo.*  
nobis periculum, bellumque intulerunt, hostes judicando et nos, *rationem*  
et, qui nobiscum essent, exercitus. Nec vero nimum aut in- *pollicentur.*  
vidiosum rari sunt, tot simul civium millia destinare exitio.  
Quos imitaturi non sumus, neque enim molesti ulli multitudini  
erimus, neque etiam ex divitum aut honoratorum numero  
inimicos omnes conquiremus: sed in pessimum tantummodo et  
foedissimum quemque adverteremus. Igitur, licet plures esse  
inimicos credibile fiat tribus, quam unum, pauciores tamen pu-  
niemus, atque alius ante nos imperator in constituenda repu-  
blica fecit, quem vos ob rem bene gestam Felicem cognomi-  
nastis.

XXXIV. Sane etiam vestra non minus, quam nostra, re- *Et totum*  
fert, esse aliquem certaminum finem, exscindique velut radi- *negotium ve-*  
ces bellorum, quibus jam olim adterimini, paullo post interi- *liquis salu-*  
turi cum republica, nisi causae ducesque factionum rollantur. *tate esse con-*  
Expedi etiam nonnihil facere in gratiam exercituum, ne inju- *tendunt.*  
rias suas contemni a nobis putent. Et posueramus quidem com-  
prehendere citra negotium, quos supplicio addiximus. sed ve-  
strae salutis ergo, ne velut in caeca licentia militum ira latius,



U. c. 709. *quam sit imperatum, evagetur, proscribere nominatim, certo-*  
 A. C. 43. *que atque definito numero, malumus.*

*Poenas in  
receptores  
proscripto-  
rum statu-  
unt.*

XXXV. Quod igitur faustum felixque sit, nobisque et rei-  
 publicae salutare, quorum huic edicto subjuncta sunt nomina,  
 eorum neminem recipere, celare, dimittere quisquam velit: ne-  
 que pecuniam accipere, quo quidquam eorum faciat: qui secus  
 faxit, inter proscriptos et ipse referatur. Capita occisorum  
 ad nos reportantur: in singula, si liber retulerit, centena se-  
 stertia; si vero servus, cum libertate et civitate, quam herus  
 habuerit, quadragena dantur: indicibus paria praemia sunt.  
 nomina praemium accipientium in occulto manento, nec in com-  
 mentarios referuntur. Hac clausula timori occurrebatur,  
 ne quis exemplo M. Catonis quaestoris repetere ali-  
 quando data hoc nomine praemia posset.

*Proscriptio-  
nis tabula  
proponitur.*

XXXVI. Proposita deinde proscriptionis est tabu-  
 la, et velut ordine servato proscribentium, quorum  
 primus fuerat Lepidus, proximus Antonius; primo lo-  
 co, Lepidi frater proscriptus est Paullus; secundo,  
 L. Caesar avunculus Antonii; quod horum quoque  
 sententiis iudicati hostes illi fuerant. proximi, frater  
 L. Planci Plotius, et L. Quintius Pollionis Asinii so-  
 cer, legebantur; quem Asinius et Plancus alia tabella  
 juxta posita designati consules nunciarentur. Ejusmo-  
 di viros in primis tabulis proscribi placuerat, ne quis  
 aliorum sperare veniam auderet. His additus C. To-  
 ranius, qui tutor Caesaris, idemque patris ejus Octa-  
 vii collega in aedilitate fuerat.

*Comparatio  
proscriptio-  
nis hujus  
cum Sulla-  
na.*

XXXVII. Erant omnino multis de causis graviora  
 haec Sullanis temporibus mala; non ob multitudinem  
 occisorum: quin aliquanto minor numerus tum inter-  
 iit, patentibus adhuc effugiis, et errore sublato, qui  
 in proscriptione Sullae multos, de quibus non erat  
 cogitatum, sustulerat. Quum enim factum hoc re-  
 cordarentur tresviri, ne periculum ex similitudine  
 nominum aliis, quam qui peterentur, esset, seorsim  
 senatores, in alia tabula ceteros proscripserunt. De  
 numero tamen auctores dissentiunt. Qui plurimum  
 ponunt, senatores proscriptos circiter trecentos tra-  
 dunt, equitum duo millia: qui minimum, senatores  
 centum triginta.

---

Cap. XXXV. Dio. Cap. XXXVI. Appian. Oros. 6, 18.  
 Liv. Epit. Vell. 2, 67. Dio. et Appian. Sueton. Aug. 27.  
 Appian. Cap. XXXVII. Dio. Appian. et Plut. Anton. Liv.  
 Epit. Oros.

XXXVIII. Sed priori proscriptione minus et apud interfectores malitiae, et apud interfectos miseriarum fuit. Jussu enim imperatoris nec invisos antea nec insensos subito percutiebant; ut tempori magis imputari haec crudelitas, quam animo, posset: et, qui peribant, ante metum mortis occisi, nece tamen simplici defungebantur. Tum vero, nondum exolescente superiorum malorum memoria, quin et superstitie aliquo numero, qui pars illorum fuerat, (nec enim amplius septem et triginta anni intererant,) magno autem eorum, qui audiverant recens perpetrata, eveniebat, ut et, qui facturi essent eadem, quadam improbitate superare propositum exemplar studerent; et, qui passuri, omnium cruciatuum, quos cuiquam addidisse meminerant, in semetipsos speciem atque dolorem imaginando timendoque exsequerentur.

U. c. 709.  
A. C. 43.  
*Haec terribilior et gravior.*

XXXIX. Hoc quoque nomine gravior erat triumphalis proscriptio, quod Sulla tantum inimicos tollebat, aut ex ceteris praedivites. his enim praecipue timenda est omnis rerum conversio, ipsis opibus desideria potentiorum irritantibus. Nunc autem non inimici modo aut divites, sed amicissimi quique, praeter et ipsorum, et omnium expectationem proscribebantur. Non enim unis tantum de causis stringebantur triumvirorum gladii: sed et privatim invisibant; et multo plures eorum, qui dominatum adfectantibus ullo modo obistere videbantur. Idcirco, quisquis unum horum praecipuis adsectatus studiis fuerat, a duobus pro hoste notabatur; et, quia duos offendere unus nolebat, etiam ab hoc odium reddebatur pro gratia: ut idem homo et amicissimus cuiuspiam horum, et inimicus omnium videretur. Et, quia invicem se cogitabant pessumdare, non minus spoliare sese mutuo amicis, quam tollere hostes, studebant.

*In qua etiam amici proscripti.*

XL. Igitur, ut hoc adsequerentur, valde illiberali permutatione concedebant invicem necessarios suos ad necem, ut vicissim alterius familiares tollerent: et, si quidem par videretur ratio, singuli pro singulis dabantur; interdum et pro uno praepotente, tres minore dignitate, aut quatuor. Tria igitur ad summum delicta erant, quae morte vindicanda iudicabant, qui tum rerum potiebantur. Unum, si quis inimicus es-

*Quadam triumphorum permutatione.*

Cap. XXXVIII. Dio. Plin. 7, 43. Dio. Cap. XXXIX. Laetant, 6, 12. Dio.

**U. c. 709.** set: alterum, si amicus uni aut duobus reliquis colle-  
**A. C. 43.** gis: tertium, si magnas opes possideret. quod enim  
 ad perficienda, quae animo destinaverant, plurima pecunia erat opus, quemlibet hostium habebant numero, a quo illa teneretur. Cassius enim et Brutus ex Asiae vectigalibus, vicinorumque regum atque tetrarcharum collatione, magnas atque paratas habebant opes. his Europa restabat, vacua, et continuis exhausta bellis.

*Opum causa  
 proscripti  
 quidam pueri.*

**XLI.** Igitur, inter alia saeva et pudenda, puerum quemdam virilem togam sumere coegerunt, ut tamquam virum occiderent. Atilius is fuit, qui, deductibus eum ex more amicis, repente inter proscriptos relatus est. Atque ita desolatus fuga servorum atque comitum, quum ne mater quidem eum prae metu recepisset, in montana confugit: mox, fame premente degressus in planitiem, a plagiario quodam interceptus est, (nam id quoque genus per incerta temporum grassari coeperat) et ergastulo inclusus. At ubi puer delicatus inopiam, captivitatem, labores ultra perferre non potuit, cum ipsis compedibus, occasione captata, prorepsit in viam, et, quum indicasset se praetereuntibus, occisus est. Alius etiam impubes, dum in ludum commeat, cum paedagogo suo, qui corpus pro puero objecerat, interfectus.

*Caesarem  
 hic excusans  
 Dio refellit.*

**XLII.** Atque haec talia moveri a quolibet, sed geri sine consensu trium non poterant: ut minime credam excusanti Caesarem Dionî; quamquam sane postea, quum rerum solus potiretur, benignum et placabilem se exhibuit. Jam enim proscriptionibus aut bello sublatum erat, quidquid obistere dominationi ejus potuisset.

*Ipsius et  
 aliorum au-  
 ctorum testimo-  
 nio.*

**XLIII.** Equidem hunc adolescentem ipse Dio hactenus pro potentia scelerum non segnem ubique depinxerat: et sunt auctores haud contemnendi, tantoque potioris in hac causa fidei, quanto enixius extolunt in ceteris Octavianum et mirantur, qui scribunt, eum restitisse quidem aliquamdiu collegis, ne qua fieret proscriptio, sed inceptam exequisse utroque acerbius. Id sane concesserim, eum non tam indigna perpetrasse, sicuti reliquos; sed percussores maxime Caesaris fuisse persequutum. ceterum ea quoque sane multa caedes fuisse dici-

Cap. XL. Appian. Cap. XLI. Dio. Appian. Cap. XLII. Tac. Ann. 1, 2. Cap. XLIII. Sueton. Aug. 27. Flor. 4, 6.

dicitur: neque video, quomodo cum suspicione adpetitarum pecuniarum liberem, et ob eas aliquando laxati caedibus fraeni. Sed ne inimicos quidem, praeter paternos, ei defuisse constat ex eo, quod adversus ipsum facta sunt senatusconsulta, legiones excitatae, urbs firmata praesidiis, uti superiore libro vidimus.

U. c. 709.  
A. C. 43.

XLIV. Sane Tanusiae fidem adjuvit atque Philopoemenis. Uxor illa T. Vinii, hic libertus fuit: conditumque in arca, quales codicibus aut servandae pecuniae adhibentur, in aedes liberti Tanusia transtulit. Hic occultatus est, donec obvissse Vinium homines crediderunt. Tum ludorum publicorum solennitatem captans Tanusia, quos propinquorum ejus quidam edebat, per Octaviam, sororem Caesaris, quae multis eo tempore saluti fuit, obtinuit, ut solus triumvirorum Caesar in theatrum veniret; arcamque illatam aperuit, Caesarique rem indicavit. Ille, miratus fidem et ingenium eorum, qui commenti rem hanc fuerant, silentioque texerant, impunitatem concessit omnibus: Philopoemenem quin etiam postea equestri dignitate decoravit.

*Tanusiae  
fides in ul-  
trum.*

XLV. Servati sunt etiam eodem tempore plures proscriptorum ab uxoribus, quarum tum summa comperita fides est, quum libertorum media, servorum aliqua, filiorum nulla adverteretur. Certe Thuria Q. Lucretium, qui postea consul factus est, inter cameram et tectum cubiculi, una conscia ancilla, toto tempore texit. Quamquam et in hoc servorum fuit egregia fides. quippe vagatus aliquamdiu cum duobus, inopia cogente, succollantibus iisdem in urbem revertebatur, pro aegroto ratus latiturum. Deinde, quum alter bajulorum, fracto crure, herum deslituisset, innixus alteri pergebat: donec ex eadem porta, ubi pater ejus, Sulla proscribente, captus occisusque fuerat, armatam cohortem procurrare videns, omine simul loci, simul conspectu militum conterritus, in sepulcrum, quod forte in agro erat, se illatebravit.

*Alii etiam  
ab uxoribus  
servati.*

*Inter quos  
Q. Lucretius.*

XLVI. Ne ibi quidem tutum ei quidquam fuit, furibus eo delatis, qui effodere sepulcra consueverant. sed, dum iis se spoliandum aervus praebet, effugium ad

Cap. XLIII. Sueton. Aug. 13. et 15. Cap. XLIV. Dio. Appian. Dio. Sueton. Aug. 27. Cap. XLV. Vell. 2, 67. Val. Max. 6, 7. Dio, l. 54. Appian.

Supplem. Liv. Tom. XIV.

Z

**U. c. 709.** portam Lucretio fuit, isque exspectavit venientem,  
**A. C. 43.** et, parte data vestium suarum, cum eo perrexit domum, receptusque ab uxore et occultatus, precibus amicorum veniam deinde impetravit.

*Uxoris Ligarii fides infelix.*

**XLVII.** Ligarium autem quemdam uxor celaverat, post ab ancilla, quae sola rem norat, proditum lugens, caput auferentes milites cum clamore sequebatur, se quoque occidi iubens, quae celasset virum. *nam et ex his caedibus esse praemio locum.* Quum hi non moverentur, ad tres viros procurrit, eadem ingerens. Ubi et hi dissimularunt, inedia se confecit domi. Sulpicia vero, quum diligenter a matre Julia esset asservata, ne Lentulum Cruscellionem in Siciliam sequeretur, ancillari habitu cum duabus ancillis totidemque servis, omnia, quam virum, relinquere, et vel vitae discrimen adire maluit; reperitque Messanae humi stratum, et desiderio uxoris se adflitantem: quamquam dux copiarum a Sex. Pompejo, ad quem profugerat, creatus esset.

*Servati ab uxoribus Acilii et alii.*

**XLVIII.** Acilium uxor redemit a militibus, omni suo mundo dato; servaruntque illi fidem, atque etiam navem conduxerunt in Siciliam fugituro. Apulejum coëgit sua, ut comitem fugae adscisceret, indicium minata, si se relicta proficisceretur. Atque comitatus iste profuit, minime proscriptum suspicantibus obviis, qui cum uxore, servis, atque ancillis, publica via tam secure iter faceret. Antium conjugis industria stragulis involutum per bajulos ad mare transtulit, unde trajecit in Siciliam.

*Antistii Rhagini fortuna.*

**XLIX.** At C. Antistius Rheginus non vulgari modo servatus est. Missus in cloacam ab uxore, proximam diem foetore defensus latuit: nocte carbonarii habitu indutum, carbonibus onustum asinum prae se agere iussit, ipsa minime longo intervallo in lectica anteedebat. Quum ventum ad portam esset, adcurrit milles quidam, et lecticam curiose scrutatur: celeriterque superveniens Rheginus orat militem, *ne molestus esse mulieribus pergeret.* Ille, dum contemptum tamquam cum carbonario rixatur, agnovit hominem, atque, *Perge laetus sospesque, imperator: hoc enim tibi nomen atque hanc fidem etiamnum a me deberi sentio.* nam sub eo priusdem in Syria meruerat.

Cap. XLVII. Val. Max. Appian.

L. Neque dedignentur optimae matronae pari pietate conjungi sibi Coponii uxorem; quamquam illa, ceteris infeliciores, servatam eo usque pudicitiam, redimendi viri causa, M. Antonio prostituit. Neque minus M. Lepidus gratiae aut precibus exorabilem se praebuit. Hoc enim connivente, centurionum humanitas, fratrem imperatoris sui reverentium, effugium L. Paulo in Graeciam dedit; unde, mortuo M. Bruto, Miletum profectus, hanc exsilii sedem habuit. Alias enim difficulter evadere proscripti poterant: quia statim, tabulis propositis, stationes ad portas aliosque urbis exitus oppositae sunt: portus etiam pari diligentia observati: lacus quin etiam et paludes, et quidquid vel effugium praestare posse, vel latebras, videbatur.

U. e. 709,  
A. C. 43.  
*Coponii et  
L. Pauli.*

LI. Igitur et intra urbem et extra, discurrentibus passim centurionibus, multi trucidabantur: virique, modo summa in auctoritate constituti, ad effugiendam necem, habitu aut locis obscenis occultabantur. Neque percussores tantum timebantur, ut non plus sollicitudinis a familiaribus esset. Alium infensa uxor, alium ingrati liberi habebant anxium: plerique libertos servosve suos, aut debitores, aut vicinos metuebant. Omnium odiis, quacumque occasione coepissent, tristissima tempora viam ad vindictam patefecerant. Igitur senes, summis honoribus usi, ad mancipiorum suorum adcidebant genua, misericordiam orantes. neque hoc erat indignissimum, sed quod plerumque nihil tanta humilitas supplicandi proficiebat.

*Principum  
vivorum tri-  
stes mortes,  
aut latebrae.*

LII. Tanto deterior tum erat Romae, quam bello et ab hoste oppressis esse solet, conditio. nam illi, quum ab externis urgeantur, in fide tamen atque caritate domesticorum adquiescunt: hic vero non scelus modo atque offensas suorum, sed et cupiditatem, et, ne quid mali deesset, timorem quisque metuebat. Quos enim nulla propria ira stimulabat, ii spe ostentati publice praemii, aut diripiendarum opum herilium, abripiebantur: optimum quemque atque modestissimum minae triumvirorum absterrebant, ne quam suis opem ferre sustinerent.

*Conditio de-  
terior quam  
bello oppres-  
sis.*

LIII. Reliqua vero multitudo aut investigabat proscriptos, prodebatque ad necem: aut occisorum, di-

*Fatum urbis  
Romanae sin-  
gulare.*

Cap. L. Sueton. Aug. 27. Appian. et Dio. Appian. Cap.  
LIII. Corn. Nepos, Attic. 11.

U. e. 709. reptis bonis, diruebant domos. pauci, qui relinque-  
 A. C. 43. bantur, boni prudentesque summo cum stupore fatum  
 intuebantur urbis: quum alias civitates dissensione  
 civium afflictas, concordia restitutas esse didicissent;  
 hanc eorundem hominum discordia vexatam esse, con-  
 cordia propemodum everti cernerent. Miserabilis enim  
 erat, supra quam cogitari possit, facies, et varia mor-  
 tis imago: quum alii percussoribus suis repugnarent,  
 tamquam latronibus; alii cervices praeberent, gnari  
 ministros hos, non auctores, suae calamitatis esse;  
 multi, ne tamen inimicorum arbitrio morerentur, fa-  
 me, laqueo, praecipitio se conficerent, aut in aquam  
 ignemve jacerent corpora. Multi quoque per erro-  
 rem, aut privata odia, praeter mentem triumvirorum  
 occisi: quorum cadavera facile dignoscantur a pro-  
 scriptis, quia proscriptorum capita demebantur de-  
 portanda ad tresviros.

*Multi prae-  
 ter mentem  
 triumviro-  
 rum occidun-  
 tur.*

LIV. Sed et eorum, qui caedem evaserant, mira  
 varietas fortunae fuit. Nonnulli, priusquam superare  
 maria possent, naufragio hausti: alios eadem urbs,  
 quae tum proscriptos atque fugientes, mox laetiora  
 ad tempora servatos in magistratibus atque imperiis  
 vidit. tantum rebus humanis inconstantiae inest: qua  
 non modo parvae civitates jactantur; sed illa regina  
 prope rerum Roma, invicta armis, constituta legibus,  
 exornata ingeniis, nullius eorum, quae per homines  
 contentis studiis adpetuntur, indiga, suis ipsa bonis  
 ad summam suam miseriam abusa est.

*Meliora  
 speranda in  
 tristibus.*

LV. Eandem tamen paullo post recreavit idem ille  
 Caesar, a quo tum propemodum extincta est: ne quis  
 aut laetis rebus timere duras, aut tristibus spera-  
 re meliora desinat. Quamquam sane minus fallun-  
 tur, qui deteriora exspectant in dies: quando tam  
 facile crescit improbitas, et alioquin haec est vitae  
 conditio, ut nocere cuilibet in promptu sit; conser-  
 vatio rerum atque instauratio bonis artibus, iisque mul-  
 tis, indigeat. Unius pueruli incogitantia male custo-  
 ditus ignis consumere paucis horis oppidum potest,  
 quale multis annis aliquot hominum millia restituere  
 nequeant. Sed ad res Romanas revertor, praeter enar-  
 ratos antea casus, paucos adhuc relaturos, prae cete-  
 ris in utriusque fortunae exemplum, dignitate homi-  
 num, aut raro miroque eventu, notabiles.

Cap. LIII. Oros. Appian. Dio. Appian.

LVI. Sergius apud ipsum Antonium delituit: do-  
nec ei consul jam Plancus, Antonio auctore, reditum  
impetravit. Nam, inter summam crudelitatem, mul-  
tas tum ostendit Antonius clementiae stricturas. certe  
Attico, apud P. Volumnium latenti, sua manu scripsit,  
*ne timeret, statimque ad se venire. se cum et Q. Gellium*  
*Canum (is una latebat, aequalis et familiarissimus Atti-*  
*co) de proscriptorum numero exemisse. misitque praesi-*  
*dium eis, ne per noctem in periculum aliquod inci-*  
*derent.*

U. e. 709.  
A. C. 43.  
*Antonii*  
*lenitas in*  
*quosdam.*

LVII. At Salvius tribunus plebis, quamquam, ne  
hostis judicaretur Antonius, intercesserat, tamen dis-  
fidens ob alia, convivium amicis dabat, quasi non diu  
cum ipsis futurus possea. Et supervenerunt armati,  
omnibusque prae metu exsipientibus, quiescere cete-  
ros centurio iussit, Salvium cervices praebere: capil-  
lisque prehensum supra mensam traxit, quantum opus  
erat, ut caput praecideretur. quo correpto, abiens  
imperavit ceteris, *tenerent sese, quo essent loco, quieri, ne*  
*familia pazerentur.* Ergo etiam post centurionis discoes-  
sum in multam noctem cum relicto tribuni corpore,  
attonitis et fulminatis similes, adcubuerunt. Post hunc  
Minucius praetor, inter habenda comitia, in foro oc-  
cisus est, quum, audito periculo, in tabernam quam-  
dam, veste mutata, confugisset; indicio lictorum pro-  
ditus, qui per ineptam pietatem discedere cuncta-  
bantur.

*Salvius su-*  
*per mensam*  
*occiditur.*

LVIII. Alterius praetoris L. Villii Annalis, item-  
que viri praetorii C. Toranii exitus, nec sine scelere  
filiorum, nec sine sceleris vindicta commemorari pot-  
est. Annalem, dum in campum cum filio quaesurae  
candidato descendit, comites repente deseruerant,  
proscriptum audientes. Idcirco ad clientis vile te-  
ctum in suburbio confugiens servari potuisset, nisi  
nefarius juvenis rem suspicatus eo deduxisset milites.  
Atque is auctor spectatorque paternae necis, quum  
triumvirorum impia liberalitate paterna bona simulque  
aeditatem obtinuisset, vino obrutus ab iisdem mili-  
tibus, qui patrem occiderant, orto jurgio, interfectus  
est.

*L. Villius*  
*a filio prodi-*  
*tur.*

LIX. C. Toranii latebras, aetatem, notasque cor-  
poris, quibus adgnosci posset, detestabilis filius cen-  
-

*Itemque*  
*C. Toranius.*

Cap. LVI. Corn. Nepos, Attic. 10. Cap. LVII. Appian.  
Cap. LVIII. Val. Max. 9, 11. et Appian. Cap. LIX. Val.  
Max. et Appian.



U. c. 709.  
A. C. 43.

turionibus edidit. a quibus repertus senex inducias petiit, *donec filius ab Antonio*, cujus sequutus partes fuerat, *aliquid impetrasset*. Cui ridentes illi, *Impetravit*, inquit, *sed mortem tuam*. Hoc audito, iterum petiit brevissimum spatium, filiamque adcitam monuit, *abszineret hereditate paterna, neve causam praeberet fratri mortem etiam illius ab Antonio impetrandi*. Atque is postea filius, dilapidato patrimonio, furti damnatus, solum vertit. Horum mortibus admonitus P. Rupilius Rex, qui tum praeturam gerebat, matura fuga in M. Bruti castra se contulit.

*Ciceronis fuga.*

LX. Sed vix alterius, quam Ciceronis, fatum adnotatu dignius fuit. Proscriptus ille cum filio, fratre, filio fratris, et amicis atque familiaribus omnibus, pro certo habens, id quod erat, non magis Antonio eripi se, quam Caesari Cassium et Brutum, posse, primo in Tusculanum fugit. inde transversis itineribus in Formianum, ut ab Cajeta navim conscensurus, proficiscitur. Unde aliquoties in altum provectum quum modo venti adversi retulissent, modo ipse jactationem navis, caeco volvente fluctu, pati non posset, taedium tandem eum et fugae et vitae cepit: corvorum etiam prodigio terrente, qui crocitantēs, et capita tundentes funium, in utroque antennae cornu consederant. regressusque ad superiorem villam, quae paullo plus mille passibus a mari abest, *Moriar*, inquit, *in patria saepe servata*.

*Prodigia et oblata.*

LXI. Interim, adpropinquantibus percussoribus, in cubiculum ejus involantes corvi ruperunt somnum, et in conspectu ejus ferrum horologii loco motum excusserunt: laciniamque togae morsu correptam retinuerunt. Inde excitati servi, quam possent, opem hero ferre, quem etiam animantibus ratione non praeditis curae esse credebant, constituerunt: partimque precibus, partim vi sublatum denuo imposuerunt in lecticam, mare petituri. Supervenientibus deinde Herennio centurioni et tribuno Popillio cum paucis militibus sive sutor quidam Clodianus cliens, sive Philologus Q. Ciceronis libertus, et, ne quid sceleri deesset, eruditus a Marco, semitam ostendit in densas silvas perinentem.

Cap. LIX. Horat. Sat. 1, 7. et ibi vetus interpretes. Cap. LX. Appian. Liv. apud Senec. Suasor. 6. Appian. Liv. Plut. Cic. Liv. Cap. LXI. Plut. Val. Max. 1, 4. Appian. Plut. Appian. Plut.

**LXII.** Tum, viso Ciceronis comitatu, exclamavit Popillius, *Sequimini, qui a targo estis, milites: non quia plures adessent, verum ut exterreret Ciceronianos. satisque constat, hos fortiter fideliterque paratos fuisse ad dimicandum; ipsum deponi lecticam, et quiete pati, quod fors iniqua cogeret, iussisse: visisque armatis dixisse, Adcede, veterane, et; si hoc saltem potes recte facere, incide cervicem.* Trementi deinde dubitanteque, *Quid si ad me, inquit, primum venissetis?* Ita prominenti ex lectica praebentique immotam cervicem caput repetito ter ictu praecisum est. Nec satis stolidae crudelitati militum fuit: manus quoque, scripsisse in Antonium aliquid exprobrantes, amputarunt.

U. c. 709.  
A. C. 43.  
*Mors constanter ex-  
cepta.*

**LXIII.** Ita relatum caput ad Antonium, iussuque ejus inter duas manus, tantorum operum ministras, in rostris positum; ubi ille consul, ubi saepe consularis, ubi eo ipso anno adversus Antonium, quanta nulla umquam humana vox, cum admiratione eloquentiae auditus fuerat. Vix adtollentes prae lacrimis oculos homines intueri trucidata membra ejus poterant: ceterorumque caedes privatos luctus excitaverunt; haec una communem. Hoc tam infame ministerium C. Popillius Laenas sibi pro beneficio depoposcerat, olim in causa maxime dubia a M. Cicerone defensus.

*Caput et  
manus in  
rostris po-  
sitas.*

**LXIV.** Sed, capite viso Ciceronis, exclamasse Antonium ajunt, *nunc peractam esse proscriptionem suam.* Nam continuo, post patratam caedem, velut rem lactissimam Popillius et per veredarios terra, et mari per dromones nunciandum curaverat: deinde ipse adveniens in forum, caputque tenens manu, sedenti pro tribunali Antonio monstravit quatiens. At ille exultavit prae gaudio, saepius cachinnos revocans: hominque execrando coronam imposuit, tamquam qui maximum omnium et velut decumanum hostem suum sustulisset. Tantaque fuit turpissimi latronis improbitas, ut imaginem suam coronatam juxta caput Ciceronis in rostris proponeret: tanta insuper summae improbitatis apud spurcissimum imperatorem gratia, ut decuplum ab Antonio praemium reportaret.

*Popillium  
interfecto-  
rem Cice-  
ronis honorat  
Antonius.*

Cap. LXII. Appian. Liv. Aufid. Bassus apud Senec. Suasor. 6. Liv. Appian. Liv. Cap. LXIII. Plut. Appian. Dio. Corn. Sever. ap. Sen. Brutid. Niger, ibid. Liv. ibid. Cremut. Cordus, ibid. Val. Max. 5, 3. Cap. LXIV. Dio. Cassiod. Chron. Brutig. Nig. Plut. Appian. Cremut. Cordus. Plut. Appian. Plut. Anton. Appian. Eus. Chron. Dio. Appian.

U. c. 709.  
A. C. 43.  
*Elogium  
Ciceronis.*

LXV. Hunc exitum sortitus est M. Cicero ante diem septimum Idus Decembres, ut Tiro libertus ejus memoriae prodidit. Vixit tres et sexaginta annos, ut, si vis abfuisset, ne immatura quidem mors videri posset, ingenium et operibus et praemiis operum felix: ipse fortunae diu prosperae: facies ei decora ad senectutem, et commoda permansit valetudo: tum pax diutina, cujus instructus erat artibus, contigit. namque, prisca severitate judiciis actis, maximorum noxiorum multitudo provenit, quos obstrictos patrocini incolumes plerosque habebat. Jam felicissima consulatus ei sors petendi, et gerendi maximo consilio industriaeque. Utinam moderatius secundas res; et fortius adversas ferre potuisset! namque utraeque quum venerant ei, mutari eas non posse rebatur. Inde sunt invidiae tempelates coortae graves in eum, certiorque inimicis adgrediendi fiducia: majore enim similitates adpetebat animo, quam gerebat.

*Adversitas  
eius.*

LXVI. Igitur, in longo tenore felicitatis, magnis interim ictus vulneribus, exsilio, ruina partium, pro quibus flet erat, filiae morte; exitu tam tristi atque acerbo, omnium adversorum nihil, ut viro dignum erat, tulit, praeter mortem: quae vere aestimanti minus indigna videri potuit, quod a victore inimico nil crudelius passus erat, quam quod ejusdem fortunae compos ipse fecisset. Sed, quando mortalium nulli virtus perfecta contigit, qua major pars vitae atque ingenii fletit, ea judicandum de homine est. Ergo, si quis virtutibus vitia pensarit, vir magnus, acer, memorabilis fuit, et in cujus laudes exsequendas Cicerone laudatore opus fuerit. Sed ille quidem semel proscriptus ab Antonio, vicissim illum ad perpetuam hominum memoriam victuris monumentorum suorum tabulis proscripsit.

*Laus brevitas, at vera.*

LXVII. Neque reticenda Fulviae crudelitas est, jam a Clodianis temporibus inimicissimae Ciceroni. Haec igitur caput ejus impositum genibus, nam et domi suae superque mensam spectare hoc Antonius cupiverat, amarulentissime insultans mortuo, conspuat:

Cap. LXV. Auct. de caus. corr. Eloq. c. 17. Eus. Chron. Liv. Asin. Pollio apud Senec. Suasor. 6. Cap. LXVI. Liv. Cic. ad Brut. ep. 1, 15. Asin. Pollio. Liv. Vell. 2, 66. Plin. 7, 30. Arell. Fuscus, apud Senec. Cap. LXVII. Dio. Appian. Dio.

deinde linguam, a qua scilicet maxime laesam se arbitrabatur, compunxit acubus et calamistro.

U. c. 704.  
A. C. 43.

LXVIII. Nam et haec furia partes suas inter illam publicam cladem egit egregie; multique, inimicitiarum aut pecuniae causa, hujus jussu interempti sunt. Caesetius Rufus senator, vicinum Fulviae habens aedificium, vendere petenti noluerat. Tum igitur, licet dono dedisset, proscriptus est, caputque ejus adlatum Antonio, convivium agitati, cui tum in morem haec crudelitas venerat, ut capita principum civitatis coenanti referrentur. Is igitur, diu versata considerataque facie, *Hunc*, inquit, *ego non noveram*: suspicansque uxoris esse facinus, referri ad illam caput, illa proponi non in foro, ut cetera, sed in ipso illo aedificio, jussit: ne quaerendum quis haberet, cur hic esset interfectus.

LXIX. Similiter et G. Verres proscriptus est ob negata Antonio Corinthia: et Nonius senator, Struamae filius, propter opalum gemmam, quam habebat avellanae magnitudine. Parque horum contumacia, Antonique feritas fuit: neque minus mori decreverunt illi pro his nugis, quam hic occidere. Sapientius illi, quibus vita carior divitiis fuit. multos enim exemerunt Antonius et Fulvia, plus deferentibus ipsis consequuti, quam sperare ex illorum morte potuissent; et, ne vacaret in tabulis locus, alios pro his adscripserunt, tamquam vicarios mortis.

LXX. At L. Caesarem Julia soror servavit. ad quam ille quum profugisset, matrem imperatoris sui reverentibus militibus, aliquamdiu tutus fuit. Postea, vincente pudorem avaritia, petitus a centurionibus in cubiculum sororis confugit. Atqui illa, manibus expansis januam defendens, clamitabat, *Non occideris L. Caesarem, priusquam me percusseritis, quae vestrum imperatorem peperit*. Sic his tandem abactis, processit in forum Julia: sedentique pro tribunali cum collegis Antonio, *Me ipsam*, inquit, *indico: quae L. Caesarem habeo domi, et habeo, donec simul interficiamur: quando eadem in receptatores constituta poena est*. At ille, *Sororem*, inquit, *melio-rem, quam matrem, praestas: ab illo me judicari hostem passa, nunc mihi ultum eunti injuriam obstat*. Cessit tamen ad ex-

*Fulvia etiam multas occidendas curat.*

*Ob signa et gemmas proscripti quidam.*

*L. Caesar a sorore sua, Antonii matre, servatur.*

Cap. LXVIII. Val. Max. 9, 5. Appian. Senec. Ep. 83. Val. Max. Dio, Appian. Cap. LXIX. Lact. 2, 4. Plin. 34, 2. et 37, 6. Dio. Cap. LXX. Plut. Anton. Dio, et Appian.

U. c. 709. tremum, Plancoque negotium dedit de salute L. Caesaris referendi.  
A. C. 43.

*A militibus quidam servati.* LXXI. Sed et ab ipsis militibus nonnulli servati sunt: quorum tamen benevolentia Largus diu frui non potuit. quum enim, alium quaerentes, hunc reperissent; moti hominis infelicitate, qui captus ante, quam vestigatus, esset, in proximam silvam perfugere iusserunt. Ille igitur, in alios incidens, ad priores recurrit, *Vos me potius interficite, clamitans, quando nibilominus est pereundum. vos potius capitis mei praemium adcipere verum est, qui me servare voluistis.*

*Inter quos et Virginius.* LXXII. Aequior fortuna Virginio fuit, qui, suavi eloquio praeditus, primum servis suis persuasit, se prodito, modicum, immo incertum praemium habituros, cum perpetua turpitudine et metu; servato, praeclaram conscientiam, et aliquando famam facti, sed et mercedem longe maiorem atque certio rem relatu ros. Ita cum his eodem habitu fugientem nacti milites agnoverunt. neque hic eum facundia sua aut felicitas deseruit, quominus et hi sequerentur eum ad mare, pecuniam potius ab incolumi voluntate ipsius adcepturi, quam propter occisum per scelus. Sed, ubi ventum ad litus est, jam abnavigarat uxor, quae ex composito cum nummis eo adcellerat; abisse jam rata virum. servus tamen, in litore ob hoc relictus, et navem commonstravit; et omnem exposuit rei ordinem. Igitur, orante Virginio, *exspectarent, dum revocaretur uxor, aut in Sicilia adciperentur nummos, in scapham imposuerunt eum, alacrique remigio pervexerunt in insulam; quumque sibi cum fide exsolvi promissa vidissent, hujus viri comitatum sacramento suo praetulerunt, manseruntque cum eo usque ad pacis tempora.*

*Quem etiam comitantur in Siciliam.* LXXIII. Ipsa quoque triumvirorum discordia, dum alii exosum servare conatur alius, aut contra gratum alii perdere, magnam eo tempore varietatem casuum peperit. tamque fuerunt incerta omnia, ut alias praemia proditoribus suorum, alias supplicia repraesentarentur.

*Servi proditores herorum puniunt.* LXXIV. Haterii servus, hero prodito nactus libertatem, dum facultates occisi subhastantur, liberis Haterii, bona paterna redimere cupientibus, improbus

Cap. LXXI. Appian. Cap. LXXIII. Dio. Cap. LXXIV. Appian.

licitator se objecerat. Illi, tempora non ausi argue-  
re, cum silentio et lacrimis adsectabantur nebulonem;  
donec commota populi indignatio extudit a tribus vi-  
ris, ut eum rursus proscripti liberis in servitutem ad-  
dicerent. Alius conservum suum, pulchro stratege-  
mate (quali et Panopioni partam salutem postea me-  
morabimus) vitam heri mortis sua redempturam, ve-  
tuerat, demonstrata militibus fallacia. Igitur necatus  
est dominus: sed populus non destitit obtundere tres-  
viros, donec index ille patibulo, fidelis autem servus  
libertati vindicaretur.

U. c. 704.  
A. C. 43.

LXXV. At Urbinium Panopionem, in villae Rea-  
tinae spelunca latitantem, quum infesti milites pete-  
rent, unus ex servis ejus, veste cum domino permu-  
tata, sumptoque annulo, percussoribus sese objecit;  
*nihil caussari dietitans, quominus imperatum peragerent.* Sic  
ille, pro Panopione interfectus, pietatis hoc postea  
praemium ab domino retulit, ut amplo monumento,  
factique pulcherrimi testimonium praeferente, conde-  
retur. Menepii servus in lecticam domini opertam se  
conjecit, aliis e familia succollantibus, atque, ita in-  
terfectus pro hero, evadendi in Siciliam ei spatium  
praebuit.

*Alit se pro  
dominis offe-  
runt percus-  
soribus.*

LXXVI. Sed hi quidem beneficiis adfecti retule-  
runt merentibus gratiam. majus miraculum fuit in  
sligmatia, qui Antium Restionem noctu fugientem, ut  
poterat in compede, adsequutus, terruit primum ad-  
spectu suo; deinde confirmavit, bono jubens esse ani-  
mo; *sibi majorem adceptorum olim beneficiorum, quam bujus  
injuriae, memoriam esse:* abstrusumque in speluncam quo-  
tidianis operis aluit. Postremo, quum suspicantes rem  
milites supervenirent, exfluxit rogam: et senem forte  
oblatum occidit, atque in pyram imposuit. dominum,  
data interfecti veste, dimisit: ipse induit herilem cum  
annulo, seque percussoribus obviam tulit. A quibus  
pro homicida retentus, *Restionem, inquit, occidi, vicem-  
que crudelitati ejus, a quo sic notatus sum, reddidi.* Quia  
verisimilia loquebatur, crediderunt milites, caputque  
ignobile ferentes frustra contenderunt in urbem. An-  
tius, a servo subductus, in Siciliam cum eo trans-  
jecit.

*Servi st-  
igmatiae fi-  
des in herum  
Restionem.*

Cap. LXXV. Val. Max. 6, 8. et Macrob. Sat. 1, 11. et Dio,  
et Appian. et Sen. de Benef. 3, 25. Val. Max. et Macrob.  
Appian. et Dio. Cap. LXXVI. Appian. et Dio. et Val. Max.  
6, 8. et Macr. Sat. 1, 11.

U. c. 709.

A. C. 43.

*Hosidius**Geta filii**pietate ser-**vatur.*

LXXVII. Simili commento C. Hosidius Getam filius, eripuit morti, tamquam mortuo paratis exsequiis, crematoque in area domus rogo: nam suspendio fugisse vitam finxerat. Hac arte senex elapsus in praedio recens empto substitit, ad dissimulandum oris habitum altero obligato oculo, quem deinceps, reddita pace, inutilem habuit, per longam videndi desuetudinem facultate amissa.

*Itemque**Oppius et**Arrianus.*

LXXVIII. Et quia de filiorum pietate mentio fieri coepta est, Oppius patrem decrepitum, et aetatis taedio fugere nolentem, sustulit in humeros, elatumque urbem, modo manu sublevans euntem, modo deficientem imponens cervicibus, in Siciliam transportavit, sine ulla alia molestia: quum sicut Aeneas patrem gestanti viam pietas vel per medios hostes faceret. Arrianus quoque monumento suo similis in filio fidei testimonium inscribendum curavit: *Hic filium esse, cui proscripto filius non proscriptus, receptator primum, deinde auctor comesque fugae, atque sic causa salutis fuisset.*

*Q. Cicero-**nis patris et**filii fatum.*

LXXIX. Neque reticendus est Q. Cicero Q. F. qui, magni et multiplicis ingenii, postremum vitae actum egregio facinore nobilitavit. Quum enim Quintus pater, dum Asturam comitatur Marcum, de proscriptio-  
ne sua cognosset, subitoque recurrisset ad urbem, exportandi viatici causa, receptus est a filio et celatus, proscripto et ipso. Igitur, prodente familia, repertus juvenis tortusque, ut patris indicaret latebras, magno animo pertulit dolorem; donec pater, re intellecta, miratus simul pietatem filii misertusque, prodiit. Tum quoque filius oravit milites, ut se priorem occiderent. at, idem postulante patre, diversi eodem tempore utrumque contrucidarunt.

*Et simile**Egnatio-**rum, Bal-**berum, Ar-**runtiorum.*

LXXX. Sed Egnatios patrem filiumque complexu cohaerentes una plaga confecit, militesque, capitibus ablatis, corpora se adhuc complectentia reliquerunt. Balbis duobus tutius visum seorsim fugere utrumque perdidit. nam pater, falso de filii caede nuncio credens, ultro se obtulit persequentibus; filius interiit naufragio. idemque fatum Arruntii fuit, cui pater vix persuaserat, ut superesse seni sustineret. Atque illum comitata ad portam infelix mater, neque felicior

Cap. LXXVII. Dio. et Appian. Appian. Cap. LXXIX. Cic. ad Att. 6, 2. Plut. Cic. et Dio, et Appian. Cap. LXXX. Appian.

matrona, rediit ad componendas viri reliquias: ne-  
que multo post, audito filii casu, inedia sibi conscivit  
mortem.

U. c. 709.  
A. C. 43.

**LXXXI.** Inter hos terrores M. Terentius Varro tribunus plebis, ne sibi eveniret, quod Helvio Cinnae nuper, edicto proposito, se causa et agnomine distinguere professus est ab eo Varrone, quem sui aevi doctissimum, magnamque militiae laudem parendo et imperando meritum, forte propter haec ipsa, tamquam iniquum dominationi, tresviri proscripserant. Sed, certatim eum recipere cupientibus amicis, Fufius Calenus vicit, habuitque eum in villa, ubi saepe ex itinere divertebat Antonius: neque a quoquam ex sua aut Caleni familia indicatus effugit periculum, vitamque et studia ad centesimum ferme annum prorogavit. Bibliothecis tamen suis hac proscriptione direptis, partem desideravit librorum, quos ad eam diem magno numero composuerat.

*Varro proscriptus elahitur.*

**LXXXII.** Sed in alio sene humana infirmitas atque ignorantia rerum magno exemplo patuit. quomodo enim proscriptus a Sulla M. Fidu-  
potuisset, ne tanto intervallo ab hominibus, qui tum ne nati quidem omnes erant, proscriberetur? Sed illi haec ipsa proscriptionis mortisque causa fuit.

*M. Fidu-  
sius bis proscriptus.*

**LXXXIII.** Contra Valerius Messala, proscriptus ab Antonio, postea consul in locum ejus factus est: interim exemptus proscriptioni, non misericordia triumvirorum, sed metu. Quippe Messala cum Bruto erat, juvenis probitate, constantia, cura, studio reipublicae incomparabilis: ad haec excellenti eloquentia, cum judicio industriaque pari. Edixerunt igitur in hanc formam: Quando M. Messalam ex propinquis ejus cognovimus ne quidem in urbe tum fuisse, quem interfectus est Caesar, exemptus e numero proscriptorum esto. Ille tamen uti hac venia contempsit, Bruti causam amicitiamque praeferens. Neque pigeat ceterorum quoque, qui traditi sunt, notabiles casus pertexere; quorum, sicut et de quibus antea relatum est, pars ante consulatum Lepidi Plancique, pars his consulibus perierunt.

*M. Messala  
numero proscriptorum  
eximitur.*

Cap. LXXXI. Dio. A. Gell. 19, 14. Appian. Val. Max. 8, 7. A. Gell. 3, 10. Cap. LXXXII. Dio. et Plin. 7, 43. Cap. LXXXIII. Appian. et Dio. Appian. Cic. ad Brut. 1, 15. Appian. Plut. Brut. fin.



U. c. 709.  
A. C. 43.  
*Ligarius,  
occiso fra-  
tre, in flu-  
vium insi-  
lis.*

LXXXIV. Ligariorum fratrum nota concordia et caritas fuit. Hi quum aliquamdiu latuissent sub camino, proditi sunt a servis, alterque statim occisus. At, qui effugerat, audito, periisse fratrem, de ponte se dejecit in fluvium; diuque luctatus cum piscatoribus, qui servare tamquam forte prolapsum nitebantur, *Frustra estis*, inquit: *proscriptus sum, vosque perdere citius possum, quam a vobis servari.* Quum ne sic quidem fatigaretur illorum humanitas, milites, ad custodiam pontis adpositi, accurrerunt, necaruntque proscriptum.

*Aliorum  
fratrum va-  
rii casus.*

LXXXV. Duo quoque alia fratrum paria referuntur gravi multata exitio. In amnem se quidam praecipitaverat: quem inquisivit servorum ejus unus, repertoque post quintum diem, quia nondum confusa omnia oris lineamenta erant, caput praemii spe amputavit. Hujus fratrem alius servus in latrina se occultantem indicavit: percussoresque, dedignati descendere, hastis confixum extraxerunt, occideruntque, ut erat, sordidum, ne capite quidem abluto. Alius, fratrem comprehendi videns, seque pariter proscriptum ignorans, *Me, me*, inquit, *prius interficite.* Tum centurio, *Rem aequam postulas, nam et tu scriptus es prior.* ambosque interfecit ordine.

*Uxorum  
perfidia in  
maritos.*

LXXXVI. Vidit et scelera conjugum isthaec aetas. Et Septimium quidem uxor adultera per amicum Antonii, quocum habebat stupri consuetudinem, referendum curavit in proscriptorum tabulas; et ad se refugientem, dissimulata conscientia, detinuit, donec percussores supervenirent: eademque die celebravit cum adultero nuptias. Salassum, (quod Curtiorum cognomentum est) jam elapsus ex urbe, perplexitas consilii eodem revocavit, sperantem interea potuisse tempestates eas detonare. sed ubi venit ad aedes suas, venditas didicit a janitore, qui una fuerat transditus; et, ab eodem in cellam receptus, uxorem adciri jussit ex illius aedibus. Illa, noctem caussata, sponpondit adfuturam postridie; adfuitque, sed, cum percussoribus, quod ille prospiciens ex summis aedibus, eo enim taedio morae subierat, de tecto se praecipitem dedit. Fulvius, ad mulieris aedes confugiens, quam concubinam suam manumiserat, nuptumque dotatam

Cap. LXXXIV. Cic. pro Ligar. c. 11. Appian. Cap. LXXXVI. Cic. ad Fam. 6, 18. Appian.

dederat, oblivionem beneficiorum omnium, solamque memoriam superinductae uxoris invenit. U. c. 709.  
A. C. 43,

**LXXXVII.** At militarium virorum Statius Samnis, *Statii et Capitonis interitus.* cujus egregia opera sociali bello effulserat, deinde propter egregiam laudem genusque et opes in senatum Romanum adscriptus, octogesimo jam aetatis anno proscriptum se discens, diripiendas opes suas populo familiaeque permisit: multa et ipse suis manibus in publicum jaciens. Exinanitam deinde domum clausit, incenditque: rogam sibi efficiens, quo et pars urbis conflagravit. Capito semiapertis foribus singulos intromisit, confoditque aliquot: irrumpentibus deinde multis simul circumventus est.

**LXXXVIII.** Vetulinus, magna in Rhegiensi agro *Vetulini casus et Nasonis.* manu coacta, partim ex proscriptis, partim ex octo-  
decim illis urbibus, quae veteranorum praemiis destituti fremebant, multos intercipiebat centuriones, donec, adversus se majore exercitu misso, coactus est in Siciliam se recipere. Nec hic stetit hominis audacia. redintegrait inde bellum: pluribusque demum proeliis victus, filium ceterosque proscriptos Messanam praemisit; ipse, in medio freto deprehensus a persequentibus, repugnando in frustra concisus est. Naso, a liberto, quem habuerat in deliciis, proditus, militi extorsit gladium, unumque inter omnes proditorem petens, priusquam occumberet, interfecit. Alium a militibus occidi videns servus, qui a conducenda navicula redierat, *Exspecta*, inquit, *paullisper, domine*, simul centurionem ictu lethali occupans. deinde suo quoque corpori gladium infigans, *Adcipe solamen*, inquit, *quantum dare fides mea potuit, domine.*

**LXXXIX.** At Lucius quidam, duobus libertis, quos *Lucti, Labieni, et Cestii.* putabat fidissimos, auro tradito, quod deferrent ad mare, postquam se delusum intellexit, ipse quaesivit percussores, jugulumque praebuit. Labienum, qui in Sullana proscriptione interfecerat multos, liberti celabant; tormentis etiam pro incolumitate patroni generose spretis. Sed ille, videns evadere se non posse, et frustra torqueri suos, pro foribus suae domus exspectavit percussores, sella posita. Cestius ruri latens, minus ex fide suorum animi, quam ex discur-  
satione centurionum timoris, concipiens, ut aliquando

**Cap. LXXXIX.** Macrob. Sat. 1, 11. Appian.

U. c. 709. se molestia liberaret, bustum parari iussit a servis, ut  
A. C. 43. dicere possent, fuisse Cestium; atque in adcesum ignem se coniecit.

*Aponit et  
aliorum des-  
peratio.*

XC. Aponium ad eandem desperationem adegit victus tenuioris impatientia, quum tuto lateret. igitur ultro se obtulit interficiendum. Jamque fastidium erat sponte expetentium mortem: ajuntque fuisse, qui, neglectus a percussoribus, quum se satis diu sedens in propatulo frustra praebuisset, suspensio expulerit vitam. At socer Asinii, per mare fugiens, tempestatum offensus violentia, desiliit in medios fluctus. Planci fratrem C. Plotium Plancum unguentorum prodidit fragrantia, ne in Salernitana quidem latebra his deliciis carere sustinentem: adeo rationi ferociter amat repugnare prava consuetudo. Tamen adhuc occultabatur: et servi, quum ad indicandum torquerentur a militibus, summa fide et silentio cruciatum perferebant: donec ipse Plotius, tam bonos fidosque servos diutius torqueri non ferens, prodiit in medium, et jugulatus est.

*Sisinit et  
aliorum cas.  
des proscripti  
ptos se nescientium.*

XCI. Sisinius, quum proscriptum se negaret, nomen suum legere jussus, juxta tabulam est interfectus. Aemilius, suae sortis nescius, quum alium quemdam peti cerneret, quisnam iste proscriptus esset, interrogabat. cui centurio, *Proscriptus est et iste, et tu*: simulque occupavit ambos. Chilo et Decius, quum, egressi curia, se quoque in mortifera illa tabula legi didicissent, ad portam fugiebant: sed ipsa trepidatione proditis centuriones manus intulerunt.

*Sicilius,  
vespillonem  
simulans,  
deprehenditur.*

XCII. Sicilius, cujus unius calculo absolutus nuper Brutus fuerat, facti ejus, quo alias multum erat gloriatus, immemor, sandapilae, qua forte mortuus efferebatur, subiecit humeros. Ea res admonuit custodes portae, quum plures solito vespillones conspicerentur, ut excuterent sandapilam, ne forte pro mortuo vivus efferretur. Tum reliqui, numerum audientes argui, negarunt hunc esse sui ordinis: itaque agnitus vita et capite caruit. Sed Varus, a liberto proditus, per montana et aspera loca usque in paludes Minturnensium se subduxerat; quum ab his, qui latrones perquirebant, erutus, et pro latrone damnatus tacuit.

Sed

Cap. XC. Val. Max. 6, 8. Plin. 13, 3. Solin. c. 48. Val. Max. Cap. XCI. Appian. Cap. XCII. Supra, c. 4. Appian.

Sed ubi ad indicandos socios tormenta adhiberi vidit. *U. c. 709. A. C. 43.*  
*Denuncio vobis, inquit, Minturnenses, ne paullo ante pro-*  
*consulem populi Romani, nunc, quod rerum in praesentia po-*  
*sentibus pluris est, proscriptum torqueatis. Non habebatur*  
*fides. sed altercantibus supervenit centurio quidam,*  
*et, capite Vari dempto, composuit litem.*

XCIII. At, qui evadere ex Italia potuerunt, ad *Evadentium*  
 Brutum atque Cassium se conferebant, aut ad Corni- *perfugia.*  
 ficiam in Africam. etiam Atticus, qui maximas in E-  
 piro possessiones habebat, eo adpulsos recipi haberi-  
 que jusserat liberaliter. sed plerisque Sex. Pompejus  
 saluti fuit, vicinam Siciliam obtinens.

XCIV. Atque is sane quam bonam operam his tem- *Pompeji*  
 poribus praestitit Romanae nobilitati. Quippe, Italiae *humanitas.*  
 adsidens, Romae et per ceteras civitates proponenda  
 curabat scripta, *Pompejum duplum ejus mercedis, quae in*  
*proscriptos esset constituta, daturum servatoribus. eos porro,*  
*qui ad se confugissent, auxilio, pecuniaque, et honoribus ad-*  
*jururum. Lembi etiam ejus, ac onerariae naves, itemque*  
 triremes oberrabant circum Italiae litora; quae si-  
 gnum darent latentibus, exciperent defenderentque  
 venientes. ipse transvectos excipiebat obvius, vestem,  
 suppellectilem, et cetera liberaliter suppeditabat: ido-  
 neum quemque praeficiebat legio- *ibus,* cohortibus,  
 navibus. sed neque prodidit eos postea, nullo cum  
 tribusviris inito foedere, quo proscriptorum salus  
 non contineretur.

XCV. Neque piget insigniora quaedam exempla  
 ponere, quo inter haec tam tristitia laetorum quoque  
 casuum permixta commemoratione lectoris animus  
 redintegretur. Hirtius cum fideli servorum manu  
 circumibat per agros, ergastula solvens, et colligens  
 fugientes. cum his primo villas atque vicos expugna-  
 bat, mox majora oppida. postremo, Bruttiorum gente  
 redacta in potestatem, bello petendus fuit. Tum de-  
 mum ad Pompejum transjecit cum suis. At Sentius *Sentii Sa-*  
 Saturninus Vetulio, cum virtute animi calliditatem *turnini fra-*  
 conjunxit: adreptisque praetoriis insignibus, cum ser- *togemâ: A-*  
 vis, in lictorum, adparitorum, servorumque publico- *pulejique et*  
 rum habitum compositis, exiit porta; consensuque *Arruntii.*  
 vehiculo publico, praetorem se ferens, et ad Pom-

Cap. XCIII. Dio, et Appian. Corn. Nepos Att. c. 11. Ap-  
 pian. et Dio. Cap. XCV. Appian. Val. Max. 7, 3. et Ap-  
 pian.

Supplem. Liv. Tom. XIV.

A à

U. c. 709. A. C. 43. pejum de pace mitti, deducente Italia, quum Puteolos venisset, quasi publico munere fungeretur, summa securitate correptis publicis triremibus, in Siciliam profectus est. Apulejus et Arruntius, centuriones mentiti, cum servis militariter adornatis cursu se extulerunt porta, tamquam alios prosequerentur. deinde coactis, sicut de Hirtio diximus, quos potuerant, armis signisque ad speciem exercitus instructi, partitis copiis ad fretum contenderunt. Sed addidit forte, ut, eodem in colle quondam pernoctantes, dum missos adversus se Roma milites credunt, mutuo cum metu se contuerentur: mox prima luce infestis armis concurrerent. donec agniti, laboresque suos et pervicaciam Fortunae miserati, diversis navibus alter ad Pompejum, alter ad Brutum evaserunt.

*Ventidius ingenio liberti servatur.*

XCVI. Pari vaframento servatus est Ventidius, sed liberti sui ingenio et fide, qui patronum, simul atque proscriptum cognovit, continuo vinxerat, quasi tradendum percussoribus: sed noctu, persuasis servis, cum armata familia tamquam centurionem miles sequutus est. perveneruntque feliciter in Siciliam, quum saepe in eodem diversorio cum veris centurionibus. Ventidium quaerentibus, pernoctassent.

*M. Volusius, Rebilus, Appianus diversis modis.*

XCVII. M. Volusius aedilis plebis recepta nuper superstitione Isidis ad salutem abusus est. linea enim stola cum persona canicipiti ab amico Isiaco sumpta, per itinera viasque publicas stipem petens, evasit. Rebilum audacia servavit, et Themistocli imitatio. Nauclerum enim, qui pecuniam ab eo petebat, ni prodi mallet, eodem commento terruit, se denuncians indicaturum, quod adcepta pecunia proscriptum veheret. Sic a terro pervectus ad Pompejum est incolumis. Appius, opes suas famulis dividens, cum his in Siciliam navigabat. Ibi tempestate exorta, pecuniae inhiantes, jusserunt eum in scapham tutiorem descendere. et favit ei fortuna, simulatumque auxilium veram ei incolumitatem praestitit, in scapha transportato, quum interea navem fluctus absorbuissent.

*In ipsa urbe latitantes quidam.*

XCVIII. Et hos quidem servavit fuga. Nonnulli per inculta camporum, aut etiam in sepulcris, vel ipsa urbe latitantes, pacatiora expectare tempora po-

Cap. XCV. Appian. Cap. XCVII. Val. Max. 7, 3. et Appian. Dio. Appian. et Val. Max. Thucyd. 1. r. Appian.

tuerunt. Quorum Marcus quidam, suis in aedibus fide servorum occultatus, inde, pace restituta, velut ab exilio in publicum prodiit. Sittius etiam municipum suorum benevolentia Cales pro exilio habuit: primus, et forte solus ad ea tempora, hominum relegatus in patriam. Nam illi praedivitem virum et pro copia sua munificum custodiverunt armati, servis minando, prohibendo ingressu oppidi milites, donec, legatis ad tresviros missis, quod diximus, impetrarent.

U. c. 709.  
A. C. 43.

XCIX. Alium metus coëgit ad felicem audaciam. *Alii felix audacia ex metu.* quippe a liberto in sepulcrum abstrusus, quia ferre loci speciem nequibat, in conductam quamdam sordidam habitationem immigravit. deinde, quia miles quidam juxta divertebat, periculum timens, capite raso, quod libertinis erat solitum, ludum aperuit publice, nullique suspectus totum illud minacissimum tempus citra periculum exegit.

C. Has inter calamitates nihil erat calamitosius, *Planet et Lepidus triumphus.* quam quod ne flere quidem occisos erat licitum: quin ultro laeti esse omnes jubebantur edicto, propter consulum designatorum triumphos, et imminentes novi anni ferias. Nam ante diem quartum Kalendas Januarias L. Plancus triumphavit ex Gallia, Rhaetis devictis: et mox ante diem pridie Kalendas ex Hispania M. Lepidus. Plancus aedem Saturni fecit ex manubiis. Et quamvis imperata laetitia hos in Capitolium cives militesque prosequerentur, nec tamen aut illorum tacita execratio, aut horum apertissima convicia defuerunt. Certe servatus ad memoriam nostram versus est, inter triumphos istos usurpatus: *de Germanis, non de Gallis, duo triumphant consules:* quod, ut supra memoravimus, ille Plotium fratrem, hic Paullum, in proscriptorum numerum retulissent.

CI. Hoc tempore consulatum P. Ventidius Bassus, *Ventidius ex pacto triumvirorum, cum C. Carrinate per aliquot dies gessit, consul fit.* Q. Pedio. Neque moram adferebat, quod tum maxime praetor erat Ventidius. nihili enim fiebant leges, quarum Genucia cautum erat, ne quis duos magistratus uno anno gereret.

Cap. C. Dio. et Appian. Facti Capit. Vetus Inscriptio a. ad Pigh. Appian. Vell. 2, 67. Cap. CI. Tabula Collet. apud Pigh. Dio. Vell. 2, 65. Val. Max. 6, 9.

A a 2

U. c. 709.

A. C. 43.

*Ex humili  
fortuna.*

CII. Ventidio etiam majorem invidiam excitabat fortunae prioris humilitas: ajuntque per urbis vias vulgo proscriptos fuisse versiculos, quibus omnes augures haruspicesque excirentur ad recens portentum, quod is, qui mulos fricare solebat, consul factus esset. Quippe Ventidium bello sociali ductum in triumpho Cn. Pompeji memoravimus. Inde, juvena inope in caliga militari tolerata, mulos atque vehicula praebenda euntibus in provincias magistratibus conduxit: indeque convicio inimicorum adpellatus est mulio. Sed, quia Caesari tum in illo ministerio, tum subinde majoribus admotus, satisfecerat, receptus in amicitiam, senatorque, et mox tribunus plebis creatus, ac deinde praetor designatus est. Eodem anno, quia frequentibus legatis exhauriebantur hereditates, C. Salloni tribunus plebis legem tulisse dicitur, *ne cui plus dodranze, legare testamento liceret, quadrante utique heredibus servato.*

*Triumviris  
honores decreti.*

CIII. Sed major cura omnium de honoribus fuit, quibus tresviri placarentur. His igitur et alia decreta, quae olim ob servatas civitates dabantur; et coronae civicae, postquam atrocitate temporum videri meritum coepit, non occidere. Neque vero culpandi videbantur sibi tresviri, quod multos tollerent, sed pro magno habendum, quod nonnullos relinquerent: et publice solebant profiteri, *se neque Sullae aut Marii sequuturos asperitatem, ne odium sibi pararent; neque Caesaris clementiam, ne contemptui, et ex contemptu insidiis obnoxii fierent.*

*Eorum rapinae.*

CIV. Tales igitur in sanguine civium quum fuissent, non erat magna postulanda in patrimoniis abstinentia. Certe dotem interfectorum uxoribus, decimam bonorum liberis, si mares essent, si feminae, vicesimam erant polliciti. sed praestabantur haec oppido paucis: plerisque concessa per legem extorquebantur calumnia. Neque vero bona reliquorum tuta dominis ulla ex parte erant. Civium proborum quietorumque, quorundam etiam, qui studiorum causa aberant, bona vendebantur, nihil suspicantibus dominis. Romae et per universam Italiam mercedem

Cap. CII. Liv. 7, 42. A. Gell. 15, 4. Supra, 76, 5. Plin. 7, 43. A. Gell. Cic. ad Fam. 10, 18. A. Gell. Dio, l. 43. fin. A. Gell. Marianus Scot. Cap. CIII. Dio, l. 47. Plin. 16, 4. et 22, 6. Dio. Cap. CIV. Plut. Anton. Dio. Corn. Nepos Attic. 12. Dio.

habitationum annuam exegerunt: qui proprias aedes incolerent, ab his semissis ejus, quanti locari possent, postulabatur. Sic et praediorum dividebantur redditus. Praeterea constituebantur cujusquemodi generis vectigalia: depositaeque pecuniae, etiam apud Vestales, auferbantur.

U. c. 709.  
A. C. 43.

CV. Totae quin etiam urbes adfligebantur militum hibernis, et praestandis sine pretio cibariis: sed multo magis eripiendis earum agris, qui videlicet publicati erant; hostibusque judicatis, qui praestitutum ante diem iis non excessissent. Jam enim in antecessum, quo promptiores ad reliqua bellorum exercitus forent, repraesentare praemia incipiebant, polliciti per se deducturos, quas decressent, colonias. In his, praeter eas, quae supra recensitae sunt, Aquinum, Allifae, Arretium, Interamna, Ligures Baebiani, et Cornelianum, lege triumvirali deductae coloniae, reperiuntur: quibus adcessisse postea videntur Cremona et Mantua.

*Totae urbes  
adfliguntur.*

CVI. Ita conciliatis manipularibus, duces ac tribunos possessionibus proscriptorum adliciebant, gratis aut vili pretio addicentes; aut honores interfectorum atque sacerdotia transferentes in ipsos. Atque hoc ipsis adsequi erat perfacile. ne enim, a quibus nolent, subhastata emerentur, vetuerunt ad hastam accedere nihil comparaturos, mortem interminati. Venerunt igitur tanto pauciores; et, postquam hi pessime adcepti sunt, et immenso coacti quaedam emere, nemo deinceps, praeter triumvirorum satellites, quidquam licitatus est. At Ventidius ante consulatum etiam pontifex creatus est; et in ejus locum praetura cuidam aedilium concessa. ceteris etiam praetoribus quintum ante diem, quam abituri magistratu erant, dati successores sunt, illis in provincias dimissis.

*Satellites  
triumvirorum  
praemiis adli-  
ciuntur.*

CVII. Ita quum adpareret, nihil non ex lubricine triumvirorum agi, quamquam invidiosis damnatisque regum atque dictatorum nominibus abstinerent; tanta consequuta est animorum commutatio, ut, qui nuper intolerabilis visus fuerat planeque ferreus, superioris Caesaris dominatus nunc, instituta cum praesentibus comparatione, merum aurum videretur. Sed religiosissimi principes, quum urbem vacuarent homi-

*Caesaris  
dominatus  
prae hoc to-  
lerabilis.*

Cap. CIV. Plut. Cap. CV. Dio. Frontin. de Colon. Serv. in Virgil. Eclog. 1. et 9. Cap. CVI. Dio. A. Gell. 15, 4. Dio.



U. c. 709. nibus indidem natis, locupletare peregre adcitis Diis  
 A. C. 43. voluerunt: templumque Serapidi ac Isidi, post saepius  
 repudiata eorum sacra, decretum est. Haec eo anno  
 domi et in Italia gesta.

*Bruti gesta.* CVIII. Nec pauciora interim Brutus in Graecia,  
 Cassius in Syria, Cornificius in Africa, et in Sicilia  
 Pompejus gesserunt: quamquam illa sane concisius  
 apud auctores referuntur. Brutus, adcepto senatus-  
 consulto, quo sibi decretum imperium erat, pacata-  
 que Graeciae et Illyrici parte, Caesarem (a quo tum  
 adhuc oppugnari Antonium putabat) per epistolas mo-  
 nuit, *perseveraret in incepto, et, quoniam communem hostem*  
*haberent, secum rediret in gratiam.* Interea, quod desi-  
 derari se sciebat in senatu, ad transjiciendum se com-  
 parabat. Sed, ubi mutatum Caesarem omniaque ad  
 bellum spectare cognovit, hoc agere contento studio  
 coepit, ut vi repellere vim facturos posset.

*C. Antonius*  
*seditionem*  
*in Bruti ca-*  
*stris bis ex-*  
*citat.* CIX. Igitur, Macedoniae rebus optime constitutis,  
 recurrit ad componendam seditionem, quam interim  
 in exercitu C. Antonius commoverat, clam appellan-  
 do duces militesque et ad defectionem sollicitando.  
 Sed mature cohibitus est a Bruto, ademptisque insi-  
 gnibus praetoris, in libera custodia habitus Apolloniae.  
 Sed ille, non repressa per hoc, verum aucta, auda-  
 cia, magis etiam ad se pertrahere exercitum adnissus  
 est: tantumque profecit, ut in legione quarta seditio  
 nasceretur, resque veniret ad manus, et nonnulli ad  
 liberandum custodia Antonium pergerent. Id consi-  
 lium Bruto literae quaedam interceptae prodiderunt,  
 correptusque Antonius, et pro aegroto in currum o-  
 pertum conjectus est, ut exportaretur oppido, atque  
 in navi adservaretur. Igitur milites, Antonio non re-  
 perto Brutum timentes, in colle quodam haud procul  
 Apollonia consederunt, missis, qui Brutum ad se ve-  
 nire juberent. At ille, milites ad imperatorem ad-  
 cedere verius esse, respondit; ignovitque deprecanti-  
 bus, paucis interfectis aut ab exercitu remotis se-  
 ditionis auctoribus. Statimque ita sunt conversae mi-  
 litum mentes, ut interficerent relegatos, his culpam  
 omnem imputantes, quaestoremque atque legatos An-  
 tonii ad necem deposcerent. Certum erat Bruto, ni-

Cap. CVII. Dio, l. 40. p. 91. et l. 42. p. 128. Cap. CVIII.  
 Appian. Dio, l. 47. Cap. CIX. Plut. Bruto, et Dio. Cic. ad  
 Brut. 1, 2. Plut. et Dio, Dio,

hil statuere in quemvis civem durius, quam necessum esset. Igitur hos quidem in naves impositos, tamquam submersurus, in tutiora loca transtulit.

U. c. 709.

A. C. 43.

CX. Interim, audita morte Ciceronis et ceterorum, *Bruti dolere se quidem morte amicissimi viri dicebat, sed magis causa mortis erubescere.* Semper enim eum, ne quid Caesarī crederet, diligentissime monuerat. Adcusa-  
*ctum de morte Ci-*  
*ceronis.*  
bat et superstites, qui pati ac videre sustinerent, quae vel auditu intoleranda forent libertatis et patriae amantibus. Ipse autem, ne his rumoribus iterum ad defectionem milites sollicitarentur, Apolloniae atque Antonii custodia C. Clodio relictā, in superiorem Macedoniam transduxit exercitum, inde in Asiam transmissurus: ubi, longius abducti ab Italia, neque transfugendi occasionem, neque etiam eorum, quae domi fierent, notitiam adipiscerentur.

Cap. CIX. Cic. ad Brut. 1, 3. et 4. Dio. Cap. CX. Plut. Cic. ad Brut. 1, 4. 16. et 17. Plut. Dio.

## E P I T O M E

### LIBRI CENTESIMI VIGESIMI PRIMI.

*C. Cassius, cui mandatum a senatu erat, ut Dolabellam hostem judicatum bello persequeretur, auctoritate reipublicae adjutus, Syriam cum tribus exercitibus, qui in eadem provincia erant, in potestatem suam redegit. Dolabellam, in urbe Laodicea obsessum, mori coëgit. M. quoque Bruti jussu C. Antonius captus, occisus est.*

*Hostem judicatum]* Ita Sigonius edidit, adstipulantibus omnibus scriptis meis, et ed. Camp. Priores excusi cum Norv. legunt *inimicum judicatum*. Vide ad Epit. 119. Paulo ante Cassii praenomen *C.* deerat in Voss. et Boend. Vide ad Epit. 61. Mox auctoritate reipublicae adductus Lovel. 2.

*In urbe Laodicea]* *Laudicea* ed. Camp. *Laudicia* Leid. et Berg. Vide Dausq. Orthogr. parte 2. voce *Latoniae*. *Laodicia* Voss. et Lov. 2. Graece dicitur *Λαοδικεία*, quod vel *Laodicea* vel *Laodicia* Latine efferri potest. Vide ad 31, 43, 5.

*Bruti jussu C. Antonius captus, occisus est]* *Bruti jussu C. Antonius, M. Antonii fra-*

*ter, captus occisusque est a Q. Cicerone* Boend. et ed. Camp. in vitis omnibus reliquis, calamo vel typis exaratis, libris. Verum, C. Antonium a quodam C. Clodio interfectum esse, refert Dio Cass. 47, 341. Eum jussu Bruti interfectum esse, ut vindicaret mortem Ciceronis, refert Plut. in Anton. pag. 925. sive ut parentaret D. Bruto et Ciceroni, et quidem opera Hortensii, quem deinde Antonius, proelio Philippensi captum, ad sepulcrum fratris inmolavit. Vide Plut. in M. Brut. 996. Quin etiam a Q. Cicerone, vel patre, vel filio interfici non potuit, quum ambo proscriptione perierint; si vera sunt, quae narrant Appian. 4. Civ. 601. et Plutarch. in Cicer. p. 884.

# JOHANNIS FREINSHEMII

## SUPPLEMENTORUM LIVIANORUM LIBER LXXXVI.

### IN LOCUM LIBRI CXXI. T. LIVII.

I. Inter haec Syriam Q. Caecilius Bassus, privatus ille quidem, sed animi consiliique non egens, Sex. Caesari cum vita et duabus legionibus ereptam, obtinebat. Nec prohibere dictator Caesar potuerat, Africano tum bello, deinde aliis intervenientibus. et duces contra se missos facile Bassus repellebat, Apamea constituta arce belli: circa quam opimus ager alendo exercitui sufficebat omnia, et vicini reguli multi, levitate insita, et odio Caesaris, in commilitium pertrahebantur. Inter quos et Jamblichus fuit, Emesse-nae gentis regulus, Lysiadisque et Chalcidis tyranni. His opibus aliquot Romanorum ducum, legionibus et equitatu magno instructorum, vim sustinuit.

U. c. 709.  
A. C. 43.  
*Bassus Syriam obtinet.*

II. C. primum Antistius obsederat eum Apameae: deinde, quum aequo Marte aliquamdiu certatum fuisset, velut tacitis induciis dirempti, utrimque ad comparanda auxilia, bello interim omisso, se contulerunt. Antistio et finitimi, quotquot Caesari studebant, mittebant auxilia, et ex Judaea procurator gentis Antipater: cujus filium Herodem, e judicio capitali ad se confugientem, in honore habuerat Sextus, Samariaeque et Cavae Syriae praefecerat. His deinde ab Roma missae copiae adcesserunt. Sed Alchaudonius Arabs, Rhambaeorum Rex, infidi semper animi, quum ab utrisque vocatus esset, medio inter Apameam et Antistii castra loco consedit, et, mercede se militaturum professus, plura danti Basso adcessit: bonamque ei operam, quod arcu perite utebantur Arabes, praestitit.

*Se defendit  
ab Antistio.*

Cap. I. Cic. Phil. 11, 13. Dio, l. 47. Appian. Civil. l. 4. Strabo, l. 16. p. 751. Dio, et Appian. Strabo. Joseph. Antiq. 14, 17. et de B. Jud. 1, 8. Cap. II. Dio. Joseph. Dio. Strabo. Dio.

U. c. 709.  
A. C. 43.  
*Parthos  
concitat.*

III. Nec ideo minus ad Apameae obsidionem Antistius redierat, magna cum spe boni eventus; donec arcessiti a Basso Parthi maximis copiis, duce Pacoro, adfuerunt. Hi, Antistium repulisse contenti, multis ejus occisis militibus, propter hiemem, (nam in exitu December erat) nulla alia re gesta, domum redierunt.

*Obsidetur  
Apamea.*

IV. Ab hoc tempore res Caecilii Bassi satis firmas fuere, robustusque exercitus, et ex victoria plenus animi: ut etiam Patribus, Italicarum rerum perturbatione anxii, solatio esset. Ceterum, quia Caesaris confirmata acta fuerant, quamquam eo jam perempto, L. Statius Murcus, ex praetura Syriam provinciam habiturus, cum tribus legionibus bellum intulit Basso, supervenitque Q. Marcius Crispus, praetorius et ipse, cum legionibus totidem ex Bithynia. Ita duobus magnis Romanis exercitibus equitatu firmo circumsessa Apamea: defendebatur tamen intrepide, donec in Syriam C. Cassius venit, Trebonianis militibus instructus, quos a Dolabella P. Lentulus transduxerat, et pecunia ab eodem Lentulo: nam is Trebonii quaestor fuerat.

*Sed C. Cassius ad se trahit omnia.*

V. Ad hunc omnia prope concesserunt, sive propter senatusconsultum, quo parere ei omnes eae provinciae exercitusque jubebantur, sive propter ipsius virtutem, famamque, et amicitias. Quippe commemorare adversus singulos multa sua merita atque officia poterat: et, ubi haec deerant, reipublicae salus erat obtentui.

VI. Scire ipsos, quam ex praeclara et potenti subito in miserrimam conditionem res Romana incidisset ambitione paucorum; qui, sublata libertate, communibus commodis debitas curas suam ad dominationem universas transtulissent. Esse vero tantam in hominum animis regnandi dulcedinem, ut, ne Caesaris quidem exitu perterriti, paria concupiscant. Sic Antonium, degustato sub Caesare imperio, sic Octavianum, hereditate avunculi et ipso nomine incitatum, patriam, amicos, famam, salutem denique ipsam cupiditatibus suis posthabere. Nam Dolabellam quidem, immani audacia atque crudelitate latronem, factis ipsis omniata senatu populoque Romano recens concordiae causa constituta violasse: C. Trebonium Asiae procon-

Cap. III. Cic. ad Att. 14, 9. Dio. Cap. IV. Cic. Phil. 11, 13. et ad Fam. 11, 1. Supra, 116, 84. Joseph. Vell. 2, 69. Dio. Appian. Cic. ad Fam. 12, 14. et 15. Cap. V. Joseph. Vell. Liv. Epit. Appian. Dio. Cap. VI. Cic. Phil. 11, 2.

*sulem occidisse, nihil ad se pertinentem occupasse provinciam: nunc etiam in procinctu esse, ut decretam C. Cassio Syriam eripiat.* U. c. 709. A. C. 43.

VII. Se vero non ita cognitum aut domi populo Romano, aut foris sociorum cuiquam esse, ut conjunctam cum publico periculo injuriam ferat. sibi certe, ipso illo Dolabella consensiente, ipso illo Antonio, decretam Syriam esse. hanc se provinciam et debere obtinere, et posse. Neque hanc modo concessam sibi, sed in vicinas omnes datum ab senatu imperium esse. neque tam adhuc eviluisse sanctissimum hoc nomen, ut non ubique venerationi sit gentibus. Igitur et has copias, quibus utatur, parare isto senatusconsulto instructum celeriter potuisse: et habere certum, multos circum sponte vocantium populos regesque sibi futuros auxilio. Sed malle se Romani imperii salutem Romanis maxime copiis ducibusque defendere: atque adeo abominari illam fortunam, ut externis potissimum praesidiis inniti necessum sit publicae libertatis adsertores.

VIII. Igitur se a Murco Crispoque imperatoribus, itemque a Caecilio Basso petere, ut, positis inimiciis, ad concordiam redeant, et ad communem omnium salutem secum administrare rempublicam occipiant. Frustra inter se pugnare, quibus esse nulla salus, praeterquam in publica, possit. Jam et Octavianum sentire cum senatu, neque lenius hujus, quam consulum, armis Antonium premi. Ne sibi jam aut pro Caesare bellandum, aut contra ipsum putent, quando partes eas suo ad rempublicam reditu filius ipse Caesaris susulerit.

IX. His atque similibus causis inducti Murcus atque Marcius Cassio tradiderunt copias; et Bassum, misere cupientem retinere suos milites, reliquerunt ipsi, seque ad C. Cassium transtulerunt. Ille omnes eadem in castra contraxit. quo tempore magnus repente imber exstitisse traditur, et irrumpentes in castra portis omnibus apri confudisse ac conturbasse pleraque; neque defuisse, qui celerem Cassio et potentiam, et interitum praedici opinarentur.

X. At Cassius, his copiis auctus, omnia circum terrebatur imperiis; gravesque exigendo pecuniarum summas civitatibus terribilis imminebat. Tum et quatuor oppida Judaeae propter non soluta stipendia venerunt: Gophna, et Lydda, et cum Emmaünthe Tamna. Sed et Malichum ex Judaeorum principibus interfe-

\* Cap. VIII. Cic. ad Fam. 12, 11. Cap. IX. Vell. Dio. Appian. Cic. ad Fam. 12, 12. Dio. Cap. X. Joseph. Antiq. 14, 17. et de B. Jud. 1, 9.

U. c. 709. cturus erat Cassius, nisi pro eo regulus gentis Hyrcanus centum talenta misisset. Profectus enim erat in Palaestinam Cassius, uti venientem ex Aegypto legatum Dolabellae A. Allienum occuparet. Is Alexandria legionum quatuor instar reducebat, reliquias Pompejanæ Crassianaeque cladis: aut ex iis cohortibus, quas apud Cleopatram reliquerat Caesar. neque ausus adversus octo legiones contendere, cum exercitu in Cassii partes transiit. Haec, ante Nonas Martias acta, perscripsit in urbem Cassius ex castris, quae in oppido Galilaeae Tarichaea posuerat.

*Contra Dolabellam ducit.*

XI. Post mensem deinde, Dolabellam in Ciliciam venire audiens, dimissis sine injuria Basso Crispoque, et si qui praeterea manere gravabantur, classisque praefectura Murco tradita, eodem instituit ducere, auctus etiam equitum sagittariorum aliquo numero, qui ex Parthis, quam apud gentem fama erat clarissimus, ad eum venerant. Tum, cognito, classem Dolabellae esse in Cilicia, ipsum isse Laodiceam, eodem cum omnibus copiis est profectus.

*Dolabellae vires.*

XII. Quippe Dolabella, post interfectum Trebonium, tributis Asiae civitatum classem a Rhodiis Lyciisque, atque e Pamphylia et Cilicibus, opera L. Lucilii Figuli, mercede conduxerat: Syriamque Figulus navibus, Dolabella pedestri itinere cum legionibus duabus petebant. Animos Tarsus et Laodicea dabant, haec inter insignes Syriae civitates, illa Ciliciae caput. Sed classis ad Corycum clauso portu se tenuit, quum eam Q. Cassius sequutus esset; deinde, hoc ad castra Cassii profecto, Turulius quaestor cum navibus, quas anno superiore Tullius Cimber in Bithynia compararat, cursum praeccluderet.

*Castra ejus ad Laodiceam.*

XIII. At Dolabella, Tarsensium, deinde Laodiceorum juventute centuriata, exercitus instar fecit: dejectaque parte muri, castra oppido conjunxit: postquam, praesidio Cassii apud Aegeas Ciliciae civitatem dejecto, ab Antiochiae oppugnatione cum detrimento rejectus aliquoties, deinde desertus in itinere a plerisque militibus Asiaticis fuerat. Laodicea, in pen-

Cap. X. Dio. Appian. Cic. Phil. 11, 12. et 13. Dio. Appian. Cic. ad Fam. 12, 11. et 12. Cap. XI. Dio. Appian. Cic. ad Fam. 12, 12. et 13. Cap. XII. Appian. Dio. Cic. Cap. XIII. Dio. Tac. Ann. 13, 8. Dio. Cic. ad Fam. 12, 14. et 15.

insula sita, praeclaras a terra munitiones, a mari portum optimum habebat. et, quum ager frugum vinique feracissimus esset, commodam sane stationem atque securam Dolabellae praestare videbatur. Sed Cassius, cum decem legionibus, et cohortibus auxiliariis viginti, et quatuor millium equitatu suggestus, os Laodicensi portus obsistere satagebat, non sacris, non religiosis parcens, quominus ex suburbanis aedificiis saxa materiamque comportaret.

U. c. 709.  
A. C. 43.

XIV. Per haec res angustae fiebant Dolabellae, *Proelium* jamque triticum penes eum ternis tetradrachmis erat. *navale cum* sed erant tamen adhuc solatio Laodicenae naves, quas *Cassio.* Cassiana moles non satis exitu prohibebat. Mox et classis Dolabellae supervenit. qua confusus transmittit Aradum, pecunias et naves inde quoque coacturus. sed, deprehensus cum paucis, periculum aegre vitavit fuga. Igitur Cassius, missis in Phoeniciam Lyciamque et Rhodios, qui classem adducerent, nec adjutus, praeterquam a Sidoniis, commisit tamen proelium, quo plures utrimque demersae naves sunt, quinque una cum remigibus et classiariis Dolabella captas abduxit.

XV. Ergo Cassius tum ad eosdem iterum, a quibus erat contemptus, tum ad reginam Cleopatram misit. Et Tyrii quidem Aradiique cum eo numero navium, quem conficere potuerant, adfuerunt: parque studium Serapionis fuit, qui, Cleopatrae praetor in Cypri, regina inconsulta, Cassium jovit. Nam illa propter familiaritatem Caesaris dictatoris Dolabellae favebat; et hujus in gratiam passa erat abduci legiones ab Alieno: classemque paratam habebat, quam ei submitteret; sed ea ventis retinebatur. pecuniam tamen grandem subministraverat. Cassio autem ne auxilium mitteret, famem pestilentiamque excusabat, quo simul utroque malo Aegyptus premeretur.

*Cleopatra*  
*Dolabellae*  
*favet.*

XVI. Rhodiorum Lyciorumque perplexius responsum fuit: *Rhodiorum* *Lyciorumque* *responsum* *ad postulata* *Cassii.* Semper Romanam magnitudinem colere solitis nihil accidere tristius potuisse, quam quod Romanae civitatis principes inter se collidi mutuis discordiis sentiant; nec sciri possit, utra partium justius senatus populique Romani auctoritatem praeferat. Iisdem enim vocabulis utrosque niti, nec alia nunc adferri a Cassio, quam quae Dolabella prius adseverasset.

Cap. XIII. Appian. Strabo, l. 16. p. 751. Appian. Cic. ad Fam. 12, 13. Appian. Cap. XIV. Cic. Dio. Appian. Cic. Appian. Cap. XV. Dio. Appian.



U. c. 709. Scire se nuper admodum, M. Marcello, Ser. Sulpicio consulibus, renovatum esse foedus, quo eosdem cum senatu populoque Romano hostes sibi futuros jurassent. Sed ejusdem nimirum populi jussu Dolabellae Syriam datam cognosse, cujus senatus eandem Syriam Cassio dederit. Sane Dolabellam hostem ab senatu judicatum dici; sed ab eodem senatu, prioribus decretis abolitis, Cassium, et qui cum eo sentiant, hostium numero esse.

Volunt neutris partibus auxilia mittere.

XVII. Non debere Romanos irasci externis civitatibus, si non satis dijudicent, utrorum sit causa justior: quoniam inter ipsos ea de re constet nihil, armisque decidi necessum sit omnia. Nihil se potuisse aut rebus ipsis aequius, aut in nomen Romanum reverentius statuere, quam ut neutris partibus auxilium praestent ad civilia bella, seque ita gerant, ut nemo habeat adversum ipsos odii causam. idque sibi necessarium esse propter agros, quos in continenti habeant Rhodii: qui facilius a quolibet hoste vastari queant, quam defendi vel a potentissimis sociis.

Quia sic faciunt et alii.

XVIII. Audire se, hoc ipsum consilium ipsis probari, qui semper existimati sint multum valere prudentia. Sane Deiotarum regem, quum semper fuerit Pompejanis partibus addictissimus, et ab adversis gravia damna adceperit, auxilium Cassio non mittere. idemque ab aliis regibus atque civitatibus fieri, quos nulla alia causa adtineri arbitrentur, quam quia, quid sibi faciendum sit inter haec incerta rei Romanae faza, nesciant.

Excusant Dolabellae missas naves.

XIX. Neque vero recte sibi objici, quod naves Dolabellae dedissent. Simili enim conditione et Cassio fuisse daturos, et cuilibet, dum ne hostium in numero esset. Non enim ad bellum ei concessas, sed deducendi tantum gratia: neque se scire, si his ad bellum abutatur; neque, si sciant, esse probaturos. Legationes ad Dolabellam missas crimini sibi dari mirum esse, nisi forte ad proconsulem populi Romani, denique modo consulem, legatos mitti fuerit nefas. Neque arbitrii sui, neque modestiae esse, quos a populo Romano mitti oporteat in provincias, anquirere. sibi putare colendos, quicumque mittantur. Aut igitur operam det Cassius, ut, quidnam voluntatis in re qualibet senatus populusque Romanus habeat, intelligi possit, aut rem tantam dijudicare nescientibus ne irascatur. Haec ideo minus habebant ponderis, quod ab inimico animo profecta putabantur, quia tunc maximos magistra-

Cap. XVI. Cic. ad Fam. 12, 15. Cap. XVIII. Cic. Phil. 11, 13. Dio. Appian. Cap. XIX. Cic. ad Fam. 12, 15. Cic. ad Fam. 12, 14. et 15.

tus iidem gerebant Rhodii, qui ante aliquot annos Pompejum ceterosque fugientes oppido et portu non receperant. U. c. 709.  
A. C. 43.

XX. Sed Cassius jam classem luculentam, praefecto Sextilio Rufo, habebat: et a tribus aliis, quas Q. Cassius, Turulius, Patiscus ducebant, adjuvabatur. Ergo non dubitavit denuo cum Dolabella configere; quamquam huic Aegyptiae naves adcefferant. Sed tum quidem dubio Marte pugnatum. paullo post a Cassianis hac arte parata est victoria. *Aliud proelium Cassii et Dolabellae.*

XXI. In Lycia Sex. Marius et C. Titius legati Dolabellae classem habuerant rostratarum, cum onerariis magnis navibus centum: hoc Dolabellae consilio, ut pulsus Syria, copiis in naves impositis, Italiam peteret. Sed a Lentulo quaestore Asiae disjecta classis, onerariaeque ad unam omnes captae sunt. Quum igitur hoc genere navium abundare Cassius coepisset, Statio Murco quasdam earum, haud magni ad alia usus, adtribuit; quas incensas opportuno vento in classem hostium mitteret. Ille, feliciter exsequutus consilium, et in proelio victor fuit, et, in portum invectus navibus, exitum Dolabellae penitus interclusit. *Dolabellae res inclinant.*

XXII. Jam et, a terra perfectis operibus, aries admovebatur: et, nequidquam eruptione tentata, repulsus intra moenia hostis erat. Sed resistebatur adhuc, et, ne corrumpi nocturnae excubiae possent, M. Octavius Marsus pervigili cura impendebat. Igitur, qui interdum in stationibus erant, quieti se tradente Marso, fecerunt prodicionem, Quinto quodam auctore, et per diversa parva ostia, quae in muris ad subitas eruptiones veterum industria reliquerat, intromissus hostis est. Urbe capta, quum Dolabella suum exemplum metueret, ne, quod in Trebonio fecerat, ipse pateretur, servo suo praebuit cervicem, caput adferre iubens Cassio, suae salutis praemium. Ille, superesse tam bono hero gravatus, quum illum jugulasset, se quoque eodem ferro interemit. Sed et M. Octavius sua manu invenit necem. Corpora sepeliri iussit Cassius, quamquam Trebonium inhumatum abjecerant. Q. Dellium, qui pactus erat salutem, si oc- *Ejus exitus.*

Cap. XX. Cic. ad Fam. 12, 13. Appian. Dio. Appian. Cap. XXI. Cic. ad Fam. 12, 14. et 15. Dio. Frontin. Strat. 4, 7. 14. Appian. Dio. Cap. XXII. Appian. Dio. Appian. Appian. l. 5. p. 673. Appian. l. 4. Vell. 2, 69. Appian. Dio. Senec. Suasor. 1.

U. c. 709. cidisset Dolabellam, tamquam impleta conditione, in-  
A. C. 43. ter suos habuit.

*Laodiceo-  
ram calumi-  
nates.*

XXIII. At Laodiceos, publica sacraque pecunia ablata, gravibusque impositis tributis, ad extremam miseriam redegit: quum et bellum multas ejus oppidi partes adflixisset, et nobilissimum quemque supplicio peremisset victoria. ceteris tamen abstinuit injuriam, militesque Dolabellae, quamquam erant ab senatu hostes judicati, in sacramentum accepit, poena remissa: neque postea etiam, quum multorum insidiis peteretur, quemquam eo nomine interfici passus est.

*Equus Se-  
janus.*

XXIV. Sed inter cetera Dolabellae spolia nobilem equum fuisse ferunt, singularis cujusdam et pulchritudinis et fati. Hunc se vidisse C. Bassus tradidit Argis, ubi natus erat ex genere illo decantato, uti constanter est creditum, Diomedis equorum; quos, occiso domino, Herculem deduxisse Argos fama ferebat; haud credibili pulchritudine, et vigore, omnibusque aliis equorum laudibus longe praestantem. Hunc Dolabella nuper, quum fama ejus adductus Argos venisset, grandi summa emerat. Sed observatum est, omnes illius equi dominos cum familia fortunisque omnibus misere disperisse. Nam primus omnium Cn. Sejus, unde et *Sejanus equus* adpellatus est, a M. Antonio capitali supplicio adfectus fuerat. Et modo P. Dolabella gravi exitio erat consumptus. Sed postea quoque et Cassius interiit, et ipse M. Antonius, inter Cassianam cladem hoc equo potitus. sed ad institutum revertor.

*Cassii po-  
tentia.*

XXV. Occiso Dolabella, multi reguli tyrannique Laodiceam cum muneribus et coronis ad Cassium accurrerunt: quos inter ab Hierosolymis Hyrcanus venerat, Herodem adducens et Malichum, qui patrem Herodis intercepisse veneno putabatur. Idcirco cum venia Cassii Herodes eum in conspectu regis sui per aliquot centuriones Romanos contrucidandum curavit. At Cassius, constitutis Syriae rebus, praefectoque cum una legione fratris filio, quos sibi fidos putabat homines, civitatibus tyrannos imponens, quo in numero Marion Tyrius fuit, in Ciliciam proficisci statuit, inde

Cleod-

Cap. XXIII. Appian. et Strabo, l. 16. p. 751. Dio. Cap. XXIV. A. Gell. 3, 9. Cap. XXV. Joseph. de B. Jud. 1, 9 et Antiq. 14, 20. Appian. Joseph. Antiq. 14, 21.

Cleopatram ob missa Dolabellae auxilia, petiturus: postquam obiter Tarsenses propter favorem adversarum partium multasset.

U. c. 706.  
A. C. 43.

XXVI. Nam illi, divisi in factiones, et unaquaque nomen civitatis obtendente suis consultis ausisque, primo Cassium, mox Dolabellam coronaverant: deinde Cimbrum Tullium, ad opem Cassio ferendam properantem, arcere transitu Tauri statuerant: mox pacti cum eo, simul pauciores habere opinione copias viderunt, excluserant oppido, neque commeatu juverant. Ille, praevertendum ad majora ratus, omissa oppugnatione Tarsi, contendit in Syriam. Interea Tarsenses, occupato, quod Cimber opposuerat, castello, vicinos eoque semper invisos infestosque Adanenses bello petierunt, Cassianos esse improperantes. Ergo, vivente adhuc Dolabella, L. Sextilium Rufum Cassius misit, a quo victi venerunt in deditionem. Cassius mille quingenta talenta victis imperavit. Ea pecunia quam acerbe exigeretur, Tarsenses, venditis omnibus publicis templorumque ornamentis, mox etiam ingenua corpora coacti sunt addicere: multique horum servitutis taedio sibi consciverunt mortem. Huic fortunae Cassius superveniens misertus est hominum, et reliqua civitati condonavit.

*Tarsensium  
acta et cla-  
des.*

XXVII. Haec ubi Romae sunt audita, tresviri, ne suarum partium homines conciderè animis paterentur, Tarsensibus publice collaudatis operam daturos ostenderunt, uti cladem eorum sua liberalitate ocissime sublevarent. Iidem et Cleopatram laudaverunt ob submissa Dolabellae auxilia, permiseruntque, uti filio Ptolemaeo, quem, tamquam ex Caesare susceptum, ne ipso quidem Caesare prohibente, Caesarionem vocare solebat, regis Aegypti adpellationem tribueret.

*Triumvirorum  
constitutum.*

XXVIII. Sub eadem tempora Cassium, quoque irrumpere parantem in Aegyptum, M. Bruti literae revocarunt, triumvirorum adparatum contra se et consilia nunciantes. *Neque vero se parandae seorsim potentiae causa, sed ut contra tyrannos exercitum contraherent, Italia relicta, longinquas regiones petivisse. Memores igitur propositi, non debere longius evagari ab Italia, sed eo convertere cogitationes, quemadmodum patriae civibusque suis possint esse praesidio. Igitur et Parthos equites, quorum opera erat*

Cap. XXV. Dio. et Appian. Cap. XXVII. Dio. Sueton. Caes. 52. Dio. Cap. XXVIII. Appian. Plut. Bruto. Appian.

Supplem. Liv. Tom. XIV.

B b

U. c. 709. usus, cum legatis et muneribus remisit ad regem, ma-  
 A. C. 43. jora simul auxilia petens, quae perditis demum rebus  
*Ariobarza-* adfuerunt. Interim equites, a Cassio praemissi in Cap-  
*nes et C. An-* padociam, Ariobarzanem, tamquam insidiatorem im-  
*tonius occi-* peratoris sui, occiderunt, magnaque cum pecunia et  
*duntur.* cetero regis instrumento ad Cassium reversi sunt. Dum  
 ea geruntur, M. Brutus, mortibus tot clarissimorum  
 virorum, sed praecipue D. Bruti et M. Ciceronis, ir-  
 ritatus, ad vindicandam tum propinqui sui, tum ami-  
 cissimi viri necem, scripsit Q. Hortensio, ut C. An-  
 tonium, quem hactenus summa cura defenderat, in-  
 terficeret. Sunt, qui necatum a C. Clodio Antonium  
 tradant, timente, ne per submissos a Marco fratre cu-  
 clodia eriperetur. Sed jussu Bruti fuisse satis con-  
 stat, itemque ministerium Hortensii: quando et hoc  
 mortuo jam Bruto M. Antonius exprobravit, et Hor-  
 tensium velut inferias fratri dedit.

---

Cap. XXVIII. Dio. et Appian. Plut. Dio. Liv. Epit. Plut.  
 Anton. et Bruto.

---

## E P I T O M E

### LIBRI CENTESIMI VIGESIMI SECUNDI.

*M. Brutus adversus Thracas parum prospere rem gessit; omnibusque transmarinis provinciis exercitibusque in potestatem ejus et C. Cassii redactis, coe-runt Smyrnae uterque ad ordinanda belli futuri con-*

*M. Brutus adversus Thracas parum prospere rem gessit]* Veritate flagitante, vocem *pa-rum* tollo. Nam regionem Sada-li recepit, et Bessorum maleficia vindicavit. DELR. Vocem *parum* ejiciendam esse ex contextu, jam ante Delrium vidit Xylandr. ad Dion. Cass. 48, 369. siquidem Rascipolidis auxilio ad-jutus, Bessis feliciter debellatis, Imperatoris nomen M. Brutus retulisse dicatur apud Dion. Cass. 47, 341. Praeterea Bruti praenomen *M.* male omittitur in Boend. et ed. Camp. Vide ad Epit. 62. Mox omnibus in transmarinis provinciis exercitibusque Lovel. 2.

*Ad ordinanda belli futuri consilia]* futuri belli Exc. Pithoei, Norv. et plerique excusi ante Gruter. qui ordinem vocabulorum invertit. Ei autem fa-vent Leid. Voss. Berg. Lov. 2. Boend. et ed. Camp. Paulo ante coegerunt, pro coe-runt, Berg.

*M. Messalae Publicolam fra-trem junctum communi consilio condemnaverunt]* Vet. lib. *victum communi concilio con-donaverunt.* et recte. Idem enim

Dio lib. 47, [341.] Βρούτῳ τε Γέλ-λιος ὁ Ποπλικόλας ἐπεβούλευ-σεν· ὁ δὲ δὴ Γέλλιος ἐφωράσθη. ἔπαδε δὲ δεινὸν οὐδέν· ὁ γὰρ Βρούντος ἐκεῖνόν τε ἐν τοῖς φιλ-τάτοις αἰεὶ νομίσας εἶναι, καὶ τὸν ἀδελφὸν αὐτοῦ Μάρκον Μεσ-σάλαν πάνν τῷ Κασσίῳ προσκει-μενον εἰδὼς, ἀφῆκεν αὐτόν. SIG. Sic [victum] Sigonius ἀντὶ τοῦ *junctum*: quorum alterum pes-simum est, alterum parum utile. Historia est apud Dionem: Βρού-τῳ τε Γέλλιος, etc. Ex quibus adparet, in hanc sententiam scri-ptum fuisse *fratrem insidiarum convictum*. J. FR. GRON. *M. Messalam Publicolam* Voss. Boend. et ed. Camp. *M. Mes-salae Poplicolam* Exc. Pithoei. *Poplicolam* etiam edidit Sigo-nius. Et ita Γέλλιος ὁ Ποπλι-κόλας vocatur apud Dion. Cass. l. laud. At *Publicola* apud Vel-lej. 2, 85. Nec aliter hic in reli-quis Mssis. Vide ad Livii 2, 8, 1. Edidi etiam *Messallae*. Vide ad 27, 5, 1. Hinc *victum* Leid. Voss. Berg. Lov. 2. Boend. et ed. Camp. *vinctum* Exc. Pithoei. *conjunctum* ed. Parm. quod proxime ad Gronovii *convictum* accedit. Insuper *condenarunt* Voss. *cō-dēnaverūt* Boend. *cōdmnaverunt*

*silia. M. Messallae Poplicolam fratrem victum communi consilio condonaverunt.*

Berg. *condonarunt* Leidens. et Lov. 2. Quaeri potest, qua ratione L. Genius Poplicola et M. Valerius Messalla fratres fuerint? Pighius in Ann. ad A. V. 106LXXXI, 307. observat, *Poplicolae* cognomen non Gelliae, sed Valeriae, genti proprium fuisse, ideoque id Gellio adoptione tributum existimat. Indicare videtur, M. Valerii Messallae fratrem ad-

optione transiisse in gentem Gelliam; sed gentis Valeriae, unde migravit, proprium cognomen *Poplicolam* servasse. Similiter *Caepio Brutus*, *Caecilius Atticus*, *Metellus Scipio*, de quibus vide Celeberr. Duker. ad Epit. 113. 114. Ii cognomina gentium, ex quibus prognati erant, post adoptionem pari modo retinuerunt.

# JOHANNIS FREINSHEMII

## SUPPLEMENTORUM LIVIANORUM LIBER LXXXVII.

### IN LOCUM LIBRI CXXII. T. LIVII.

I. Civiles discordiae bellis externis eo quoque nomine pestilentiores esse deprehenduntur, quod hic *U. c. 709. A. C. 43.* hostes et alienigenas timeas, tuorum fide ac benevolentia te consoleris; ibi nihil, ne quidem ab intimis, nedum quibuslibet amicis, tutum est. L. Gellius Poplicola L. F. M. Messalae frater, qui antiqua familiaritate Bruto erat conjunctissimus, et eodem apud Cassium loco fratrem esse sciebat, M. Bruto insidiatus, et, pro cetera viri clementia, ob eadem illa, quae exasperare poenam debuerant, dimissus est. Ea quoque lenitas profuisse viro creditur, ut plures ad ejus amicitiam se adplicarent. *Poplicola Bruto insidiatur.*

II. Idcirco et classem haud poenitendam colligere *Bruti ad-* in Bithynia et apud Cyzicum potuit; et pedestri itinere provincias obiens constituit res civitatum, litibusque regulum operam dedit, ea tum moderatione ac mansuetudine, tum etiam aequitate, ut et inter se omnes, et sibi amicos fidosque efficeret. Tum et Dejotarus adcessit partibus, licet longa senectute morosior, qui nuper etiam Cassium auxilia petentem spreverat. Atque erat in hoc haudquaquam leve praesidium, opibus et auctoritate praevalido. Nam et adempta nuper a C. Caesare, caede ejus cognita, suo Marte recuperaverat: et Dolabellam, fines suos ingredi volentem, junctis cum Tullio Cimbro copiis, profligarat: et filium habebat, ipsum quoque regem appellatum ab senatu, egregiae spei atque indolis adolescentem. *paratus.*

Cap. I. Liv. Epit. Dio, l. 47. Cap. II. Plut. Bruto. Dio. Cic. Phil. 2, 37. Cic. ad Brut. 1, 6. Cic. Phil. 11, 13.



U. c. 709. III. Enimvero Brutum, rebus in Asia ex voto suc-  
 A. C. 43. cedentibus, M. Antonii conatus in Europam revoca-  
*Reditus in* runt. cujus licet spes in exercitu seditionem serendi,  
*Europam.* interempto fratre Cajo, in irritum reciderant; tamen  
 verendum Bruto erat, ne qui per absentiam suam si-  
*Brutus Bes-* miles alii motus orirentur. Igitur, in reditu per Thra-  
*sos vincit.* ciam, regionem, quam sine liberis decedens Sadales  
 populo Romano reliquerat, recepit. inde in Bessos fe-  
 cit expeditionem, ut simul maleficia horum ulciscere-  
 tur, et sibi nomen Imperatoris pararet, ornamento  
 atque utilitati futurum ad bellum, quod sibi adversus  
 Caesarem et Antonium post gerendum esse videbat. Et  
 initia quidem belli adversus feram et pugnacem gen-  
 tem paullo duriora fuerunt: sed egregia Rhascupoli-  
 dis opera victorem Brutum votique compotem fecit.

IV. Atque is, ut causam suam latius commenda-  
 ret, pecuniam signari hinc imagine sua jusserat, inde  
 pileo, libertatis indice, et duobus pugionibus, qui-  
 bus se atque Cassium in libertatem adseruisse Roma-  
 num populum, sublato domino, significaret, tempore  
 quoque rei gestae sic adscripto, EID. MART.

V. Omnes jam trans mare provincias in potestate  
 Brutus atque Cassius habebant: neque tantummodo  
 suppetebat otium communicandis consiliis, sed etiam  
 necessitatem imponebat paratus prope, et mox in Grae-  
*Cum Cassio* ciam transmissurus hostis. Igitur, Cassius e Cilicia,  
*consultat.* Brutus e Macedonia profecti, Smyrnae ad ordinanda  
 futuri belli consilia coerunt, iis pedestribus navali-  
 busque copiis, et adparatu pecuniae, ut minime im-  
 pares ad decernendum de Romano imperio videren-  
 tur. Pari honore et erat, et haberi volebat Cassius;  
 sed detulit ei Brutus, ut crebrius ad eum ventitaret,  
 tamquam aetate majorem, et corpore haud aequae va-  
 lidum.

*Et ab rope-* VI. Neque discessum a prioribus animis erat, quin  
*suniam acci-* et tueri causam suam conarentur, et non nisi concor-  
*pit.* dibus tantam subeundam molem scirent. adparebatque  
 nihil esse melius, quam ut in Macedoniam cum omni-  
 bus copiis proficiscerentur, propulsaturi hostem, aut  
 cessantem in Italia quaesituri; penes quem jam esse legio-

Cap. III. Dio. Liv. Epit. Dio. Cap. IV. Appian. Dio.  
 Pigh. ad ann 711. Cap. V. Liv. Epit. Dio. Liv. Epit. Plut.  
 Bruto. Appian. Civil. l. 4. Plut. Cap. VI. Dio.

nes circiter quadraginta cognoverant. Sed Cassio placebat, Rhodios prius Lyciosque in ordinem cogi, validos classibus, adversos animis, et, si contra Caesarem et Antonium res parum procederet, terga invasuros. At nunc, priusquam majoribus rebus distineantur, facile hos auctoritate aut vi cogi in ordinem posse. At Brutus opus sibi pecunia esse dictitabat: nam ad parandam classem insumptum, quod habuisset. Nec deerant inter amicos Cassii, qui dandam negarent cum aliena invidia paratis ambitiose abusuro. sed vicit aequior sententia, ac, jubente Cassio, ex omni praesente copia trientem Brutus adcepit.

VII. Tum et M. Messalae, egregio juveni, Poplicolam fratrem communi consilio condonarunt: qui, *Poplicola Cassio insidias tendit.* venia nihilo factus melior, insidias Cassio paraverat. Sed indicium ejus rei Polla detulit, Poplicolae mater, utrique consulere cupiens, et Cassio salutem paratura, filio veniam. Sic ille iterum absolutus ne tum quidem retulit benefactoribus gratiam, quin ab his ad Caesarem et Antonium perfugeret.

VIII. His ita ordinatis, partiti sunt inter sese, ut Brutus Lycios, Cassius Rhodum oppugnaret. Igitur, gnarus cum populo rei nauticae peritissimo rem fore, Myndum deducit classem ornatam instructamque, ac ibi remiges exercuit. Eo venerunt ab Rhodiis legati, *Rhodiorum legatio ad Cassium.* neque contemni civitatem, petentes, quae semper ulta sit injurias suas: neque fieri aliquid contra foedera, quibus diserte cautum sit, ne alteruter populus ab altero bello et armis perturbetur. Quod si forte ob auxilia non missa succenseat, ituros Romam oratores senatus consulendi gratia: illo auctore, gnariter et benigne missuros. Responsum est, verborum praeterisse tempora: nunc finiendas armis controversias esse. Foedus, quod adlegent Rhodii, prius violatum ab ipsis esse, Doblacellae partes sequutis. sed et eodem foedere de mittendis auxiliis perscriptum esse. ipsos a Cassio rogatos illudere senatus obsequio, quem sciant oppressum per tyrannos patriae, dissipatum atque dispersum per provincias. sed brevi poenas duros et illos, et illorum socios Rhodios, ni confestim imperata faciant.

IX. Haec relata diversimode adfecerunt civitatem, *Eorundem diversa studia.* inter se contrariis studiis opinionibusque divisam. Prudentiores, et quibus res erat, bellum Romanum, haud secus atque certum exitium, expavescere: vulgus, per se stolidum et periculorum ante experien-

Cap. VI. Appian. et Dio. Plut. Cap. VII. Liv. Epit. Dio. Cap. VIII. Dio. Plut. Appian.

U. c. 709.  
A. C. 43.

tiam adpetens, Alexandri Mnaseaeque concionibus inflari, veteres civitatis laudes resonantium, et quanto majori numero navium petita a Mithridate, a Demetrio, regibus, invicta stetisset. Ad haec conspectu suae classis erigebantur. nam ex omni copia navium tres et triginta delectas deduxerant. Igitur, quum forte creandis magistratibus comitia haberentur, Alexander factus Prytanis, quae praecipua tum erat dignitas, Mnaseas classi praefectus est.

*Archelaus  
oratio ad  
Cassium.*

X. Iterum tamen ad Cassium mitti Archelaum placuit, quo magistro Cassius olim Graecis literis operam Rhodi dederat. Atque is, pro veteri familiaritate apprehensa Cassii dextra, *Dis* vero, inquit, *melio-*rem tibi mentem, C. Cassi, quam ut Graecam urbem excindas, Graecae nationis amator; aut liberam, adsertor libertatis. Sed neque Dorici nominis dignitatem contempseris, oblitus pulcherrimarum artium, quas partim Rhodi, partim etiam Romae didicisti: Rhodi quidem, contra reges pro legibus, quarum quoque te vindicem praefers, egregia gesta; Romae, magna erga Romanum nomen civitatis nostrae merita, eximiamque fidem, quam et Antiochi bello vobis, et multis aliis locis temporibusque Rhodii praestitimus. Et haec quidem summam, ut in rebus notis, et adversus hominem eruditum, de dignitate generis et originis nostrae, de intemerata hunc usque in diem libertate, de meritis atque perpetuo erga populum Romanum studio ac prolixissima voluntate, dicta sunt.

*Exaggerat  
amicitiam  
pristinam.*

XI. Privatim vero tecum plura esse debuerunt amicitiae benevolentiaeque vincula, C. Cassi: quae nequaquam sine probro abruperis. Rhodi educatus es, Rhodi institutus: in illa urbe aegrotus remedia valetudini, peregrinus hospitium, rudis magistratos et scholam meam reperisti. Non potes harum rerum omnium, quae mentio totam in vitam solet esse jucundissima bonis, ulla ex parte recordari, quin Rhodi memoria subeat; atque tantorum commodorum hanc tibi largitricem fuisse recogites. Atqui nostram quidem amicitiam nunc quoque tanti esse puto, ut spem mihi magnam praebeat, mea quoque causa benigniorem te Rhodiis fore; neque commissurum, ut hac aetate duarum rerum tristissimarum expectatione conficiar, ne forte aut Rhodii omnes deleamur, aut vincatur Cassius meus. Illud vero omen Dii Deaeque omnes prohibeant!

*Deorum  
metum.*

XII. Et, quando me Deorum admonuit haec mentio, precibus meis me consilium etiam addere, non aegre feres. Deo-

Cap. X. Strabo, l. 14. p. 653. Appian. Cap. XI. Dio. Appian.

rum maxime gratiam parandam esse magna et praeclara molientibus, semper admonui. nunc vero etiam singulariter pro libertate Romani nominis tanta coepitantem hortor atque oro, ut ante omnia summam tibi horum habendam esse rationem putes. his auctoribus, nihil non prospere cedit: his adversantibus, parum erit in quantislibet praesidiis spei. Ceterum ante paucos hos annos, quum ex auctoritate Caesaris foedus nobiscum renovatum est, jurati dextras accepistis dedistisque. Ea fides, ea foederum religio summae hominibus curae esse debet, et qui apud immortales Deos adipisci gratiam postulant, et qui retinere bonam inter homines famam: ut de utilitate jam taceam, quae servantes pactorum atque foederum ultro sequitur. Nam et cum his cupidissime jungunt amicitiam prudentes: et banc deferere, quantumlibet necessitate pressi, verecundantur. At, quorum suspecta aut credita levitas est, eos et ab aliis falli nec admiratur quisquam, nec irascitur. Haec, autem quum etiam inter infensissimos hostes obtinere debeant, quanto magis praestanda sunt amicis, hospitibus, alumnis? Non possum plura prae lacrimis loqui. sed neque verborum magis hoc, quam pietatis, opus est: et, si haec contemnere poteris, supervacua omnis est oratio: neque enim moveare, tametsi plurima et gravissima proferantur.

U. c. 709.  
A. C. 43.

XIII. Haec largo cum fletu proloquutus senior adeo commovit Cassium, ut prae verecundia colorem mutaret. Educta tamen ex Archelai manibus dextra: Si persuadere Rhodiis noluisti, ut abstinerent injuriam a nobis, mihi suadere non debes, ut adceptam ulcisci supersedeam. sin vero haec agentem audire neglexerunt, poenas ab his expebam, a quibus contemptus es. Ubi vero erant illi Rhodii, gens studiosa libertatis, amicitiae tenax, hospites, magistri et educatores mei, quum nuper auxilia petentem rejecerunt? At Dolabellae miserunt naves, qui nec educatus ab his, nec eruditus est, et libertatem conabatur opprimere, quam ego et Brutus cum aliis principibus defendimus.

Cassii responsio.

Auxilia non missa exprobat.

XIV. Neque vero prodest Rhodiis hic color, quasi misceri noliint civilibus Romanorum armis, essent civilia, si nos quoque faceremus partes, et nostram ad potentiam res trahere conaremur. Nunc, ubi aperto bello hinc rempublicam stare, inde tyrannos, intelligitis, frustra poscitis a nobis oratisque libertatem, pro qua nobiscum propugnare cunctamini. Adeone vos tot clari viri, amici plerique hospitesque, a quibus defensi semper, a quibus ornati estis, nihil commovent, indicta causa condemnati, proscripti, exuti bonis, ejecti patria, vita ac luce depulsi, ut succurrere nolitis populo Romano, cujus societatem atque amicitiam jactare non desinitis?

U. c. 709.

A. C. 43.

*Senatus  
sententiam  
eo tempore  
expectan-  
dam negat.*

XV. *Sed enim senatus prius vobis exploranda voluntas est. Scilicet ejus, quem praeclare scitis vi obsessum oppressumque sententiam suam non audere profiteri. Quod si vero discere vobis curae sit, quid liber et suae potestatis senatus censeat, senatusconsultum introspicite, quo mihi Brutoque opem ferre socii amique omnes jubentur. Tu vero, si quid umquam a Rhodiis profectum est in Romanos officii, diligenter meministi: praemia, quae vobis abundantissime sunt reddita, praeteris. Quid autem vobis prodesse possunt benefacta majorum, si dissimiles his esse pergitis? Fuverunt illi rem Romanam: at vos deseritis, quum maxime opus bonis fidelibusque sociis habeat respublica. An non, siquidem Dorienfes censeris magnum est, subvenire pulcherrimo imperio, nunc sub iniquorum civium maleficiis laboranti, vos oportuit: et vel hinc ordiri amicitiam, etiamsi nulla vobis antiquitus cum nomine Romano fuisset? Vos autem ita vos geritis, tamquam adhuc a Telchinibus incoleretur insula; ne forte oblitum Rhodiae historiae putes. Sed ista quidem mitto.*

*Subet ipsos  
meminisse  
foederis.*

XVI. *At, quia provocatis ad foedus, quod auctore Caesare, qui et dominationis fuit auctor, factum est, an non eo ipso continetur, Romanum Rhodiumque populos, uti cuius opus esset, invicem auxiliari debere? Quin igitur adestis hoc tempore summo in periculo constitutis? En adsum C. Cassius, Romanus certe, nec civis modo, sed, si qua senatusconsultis fides est, imperator; et ex lege foederis auxilia postulo. easdem vobis foederis leges M. Brutus, easdem Sex. Pompejus ingerunt, praefectus a senatu maritimae rei. Adcedunt senatorum preces, qui ad me, et Brutum, et hunc, quem dixi, Pompejum ex urbe confugerunt. Tot et talibus viris suppetias ire negabitis, qui ex formula foederis ad auxilium vel uni cuius Romano ferendum tenemini? Sin vero hos tantummodo, qui nunc Romam urbem obtinent, Romanorum loco; nos pro exsulibus et peregrinis habetis: at vos Romana foedera objicere nobis desinite. Serventur ea, inter quos scilicet convenerunt. Interim, Rhodii, nisi sponte imperata facietis, ab his exsulibus atque peregrinis justo pioque bello petemini.*

*Ad arma  
pervenitur.*

XVII. His ab Archelao Rhodi expositis, Alexander et Mnaseas cum illa, quam praediximus, classe Myndum adnavigarunt, tamquam hac audaciae ostentatione Romanos territuri: compedesque magno numero monstrarunt eminus, tamquam captivos plurimos in potestate mox habituri: hinc, quia portu se Romana tenebat classis, Gnidum petierunt.

Cap. XV. Strabo, l. 14. p. 653. Appian. Cap. XVII. Dio. Appian.

XVIII. Postridie, quum pari contemptu Rhodii adessent, L. Staius Murcus contra eduxit naves: certatumque est acriter, patrias utrisque artes gnaviter adhibentibus. quippe Rhodios nemo tum aequabat nauticae rei peritia: Romani contra lacertis et robore nitentur. hos numerus et magnitudo navium adjuvabat, quae neque rostrorum ictibus cedebant temere, et, ferreis injectis manibus, cito redegerant hostes a discursando ad statariam pugnam. Igitur, duabus Rhodiorum navibus depressis, tribus cum ipso remigio captis, ceterae male multatae Rhodum refugerunt. Hanc pugnam ex promontorio spectavit Cassius, neque moratus diutius, quam ad reficiendas naves opus erat, Loryma petiit, Rhodiorum castellum, oppositum insulae. Inde pedestres copias onerariis navibus transiecit, ducibus Fannio et Lentulo. Ipse Cassius in naves se contulit, ut terra marique Rhodus oppugnaretur.

U. c. 709.  
A. C. 43.  
*Navalis  
pugna.*

XIX. Neque defuit his audacia iterum tentandae pugnae, quamquam semel jam superati cum multo paucioribus navigiis adversus octoginta rostratas dimicarent. sed tum quoque victi sunt, duabusque navibus amissis ad urbem compulsi: cujus moenia mox armatis compleverunt, undique propugnantes. nam et a mari turres plicatiles navibus advectae erigebantur. Hoc terrore, quod in civitate sanum erat, colloquia cum Fannio Lentuloque de pace habebant; quum subito conspectus est in oppido Cassius, neque scalis superato muro, neque ulla externa vi adhibita. Reclusas ab amicis ejus et educatoribus portulas, quae multae in moenibus erant, creditur, timentibus, ne vi capta Rhodus omnino dirueretur.

XX. Sed ipse, tamquam sine exceptione victor, licet regem et dominum adpellantibus, neque regem se, neque dominum esse, sed interfectorem regis atque domini, respondisset, hasta sub tribunali proposita consedit: interdicto severe militibus, ne quis corporibus aut rebus Rhodiorum injiceret manum. At ipse quinquaginta nominatim citatos, ex auctoribus belli Rhodiis, duci ad supplicium iussit: quinque et viginti, quos negabant comparere, damnavit exilio: pecuniam publicam omnem ad se comportari praecepit, ne sacra quidem et

*Cassii se-  
veritas in  
Rhodios.*

Cap. XVIII. Oros. 6, 18. Cap. XIX. Appian. Dio. Appian. Cap. XX. Plut. Bruto. Appian.

U. c. 709. donariis Deum abstinens: orantibusque Rhodiis, ne  
 A. C. 43: cunctis numinum simulacris spoliarentur, *Solem a se re-  
 linqui* respondit: intactum enim nihil, praeter currum  
 ejus Dei, siverat. Sed ea vox ominosa paullo post  
 est habita, tamquam celeriter luce cariturum praesa-  
 gientis.

*Edictum de  
 proferendo  
 auro argen-  
 toque.*

XXI. Sed et edictum proposuit, *uti, quod quisque  
 privatim auri argenteae possideret, intra dictam diem profer-*  
*ret,* morte celantibus denunciata, indicibus promisso  
 praemio: servis libertatem, liberis decimas constitue-  
 rat. Multi tamen occultandis rebus suis persisterunt,  
 plura minari Cassium, quam facturus esset, existiman-  
 tes. Ceterum, ubi ex edicto poenas mercedemque  
 decerni viderunt, prorogari diem postulantes, et pu-  
 teis et foveis, ubi rerum pretiosissima condiderant,  
 tantam opum vim adtulerunt, ut octo millia talento-  
 rum inde confecta referantur. Neque his contentus,  
 quingenta insuper talenta imperavit civitati, praesi-  
 dioque imposito L. Varum ibi reliquit.

*Cassius A-  
 siae tribu-  
 tum indicis.*

XXII. His rebus alacer Cassius (ausum enim imma-  
 nis operis celerrime confecerat) Asiae quoque tribu-  
 tum ingens imperavit, decuplum ejus, quod pendere  
 quotannis consuevisset: idque statim exegit. Dum in  
 his occupatus est, valida classis ab Aegypto navigare  
 ad hostes nunciatur, mittente Cleopatra: quam et ami-  
 citia illarum partium, et recens a Cassio metus, ut  
 potius ei negotium alibi faceretur, acribus stimulis  
 impulerat. Itaque Murcum cum sexaginta navibus, et  
 fortissima legione, atque aliquo numero sagittariorum,  
 occurrere ad Taenarum, Peloponnesi promontorium,  
 jussit, ut illius maris transitum opportuna statione cu-  
 stodiret: ei quoque peninsulae non satis aequus, quam  
 incursionibus et abducta, quanta poterat, praeda vexa-  
 verat.

*Brutus cum  
 Lyciis pu-  
 gnat.*

XXIII. Multo ubique lenior Brutus, sub eadem  
 tempora Lycios conferre pecuniam et dare milites jus-  
 serat. Sed illi, Naucratis quodam impellente populum,  
 objecerunt arma, tumulosque nonnullos arcendi trans-  
 itus causa insederunt. In hos, dum cibum capiunt,  
 impetu facto, Brutus per equites suos interfecit ad  
 sexcentos; simulque cum fugientibus irrupit castra.

Cap. XX. Dio. Euseb. Chron. Val. Max. 1, 5. Dio. Val.  
 Max. Cap. XXI. Plut. Appian. Plut. Appian. Cap. XXII.  
 Vell. 2, 69. Appian. Cap. XXIII. Plut.

Tum, ad castella et oppida circumlato bello, plerisque deditione potitus, praesidiarios sine pretio dimisit incolumes. U. c. 709. A. C. 43.

XXIV. At illi, non tam deliniti beneficio, quam infensi ob illata damna, Xanthum se contulerunt hostilibus animis; quod oppidum, tota Lycia maximum, summa ope ad resistendum se parabat. suburbii enim dirutis, ne receptaculum hosti, neve materiem ad opera praeberet, fossam circum urbem duxerant pedum in altitudinem quinquaginta, et pro portione latam; cujus e margine in adventantes jacula et sagittas torquebant, tamquam profundo flumine et vadari nescio dirempti. At Brutus, quamvis e longinquo petenda erat materia, tam fuit in oppugnatione diligens, ut, qui multorum mensium futurus credebatur labor, paucis diebus conficeretur. Partitus enim copias in diurnam nocturnamque operam, ut, parte dimidia pugnante, reliqui interquiescerent, penetravit ad moenia portasque: et, quia recentes subinde fessis succedebant, oppidanos, quibus haudquaquam eadem erat copia, ad extremum discrimen adduxit. *Xanthum oppugnat.*

XXV. Repugnabant illi tamen, donec pinnae turresque steterunt: sed, ubi sunt ab his destituti, una reliqua spes atque contentio fuit, si quam fugiendi reperire viam possent. Amnis praeterfluebat urbem, eodem atque illa nomine: sub hoc quidam urinando conabantur evadere. sed excepti sunt retibus, sub aqua in transversum tensis, quibus adpensa in summo tintinnabula, ut quis inciderat, capturam significabant. *Xanthii furem circumspiciunt.*

XXVI. Postremo omnium eruptio placuit. quod ubi Bruto nunciis aut rebus ipsis proditum est, reduxit a portis milites, ut spatium concederet. Id Xanthii negligentiam interpretati noctu eruperunt cum ignibus, quos injicerent machinis. Vehemens inde certamen ortum. Sed Bruti milites, facto per incendium impetu, nudum Xanthiorum agmen, neque enim, praeter faces et tela, quidquam extulerant, disjecere: multis interemptis, quia metu, ne simul irrumperet hostis, clausum oppidum fuerat. *Eruptionem faciunt.*

Cap. XXIII. Dio. Plut. Cap. XXIV. Strabo, l. 14. p. 665. Appian. Cap. XXV. Strabo. Plut. Cap. XXVI. Appian. Plut. Dio. Appian.



U. c. 709.  
A. C. 43.

*Romanos,  
qui in ur-  
bem irrupe-  
rant,urgent.*

XXVII. Et hos quidem hunc ad modum oclusa porta, reliquos aperta prodidit. Namque sub meridiem eruperunt iterum, incensisque machinis oppidum repetierunt, libero relicto propter priorem casum aditu. Igitur, confertim irrumpentibus Romanis, oppidum capiebatur, nisi repente, funibus ruptis, cataracta decidisset. Duo millia ferme intraverant. ii, quum premerentur a Xanthiis, neque subducere sine funibus gravem portam, neque concidere tectam ferro possent, multis amissis, in aedem Sarpedonis penetrarunt, ejusque munimento se tuebantur.

*At reliquis  
subvenienti-  
bus.*

XXVIII. Sed anxius de his Brutus, omnia tentando, diversis aditibus invenit viam. Alii, scalis incendio amissis, subito fabricabant novas: alii, antennis admoventes moenibus, per eas subrepebant: nonnulli, uncos restibus ejaculantes in murum, ubi forte quis adhaeserat, adtollebantur. Oenoandenses, vicini Xanthiis, et plerumque discordes, notitia locorum, per abruptas rupes enitebantur, Romanis etiam quibusdam sequentibus. sed laboriosus adscensus fuit, multique, fallente vestigio in praeceps lapsi, perierunt. Eodem tempore quidam eorum, qui muros transcenderant, portulam quamdam aperuerunt, ante quam vallum erat exstructum praeacutis sudibus. super eas audacissimus quisque transcendentium, sublevatus a commilitonibus, evadebat: donec numero jam multi portam, quae intus ferro non erat munita, diffringere coeperunt. Adcendebantur enim periculo suorum, invadi hos a Lyciis arguente clamore. Igitur, quum intus forisque idem plurimi summo conatu agerent, effracta porta dissiluit: ad quod spectaculum ingens sublatus clamor gestae rei pugnantibus indicium fecit, diremitque certamen.

*Urbs capi-  
tur.*

XXIX. Interim ignis, a machinis ad propinqua moenia devolutus, pinnas et his conjuncta aedificia comprehendit. Idcirco Brutus, perniciem oppidi timens, extinguere a militibus flammam jussit. sed haec ab oppidanis ultro augebatur, picem, sarmenta, quidquid alendo igni reperiebatur, cupide injicientibus. Bruti potius hanc patriam esse putares, quum deleteretur a suis, ab hoc defenderetur. Ille et in urbe, et quia propter tumultum incendiumque nihil profici

Cap. XXVIII. Lips. Poliorcet. l. 2. Dial. 2. Appian. Cap. XXIX. Plut.

poterat, egressus porta, murosque circumvehens, tendebat ad Xanthios manus, *sibi parcerent, seque et oppidum servarent.* U. c. 709. A. C. 43.

XXX. At illi fatali rabie tela incendium extinguentibus ingerebant. postremo, clausis domibus, se patientesque et liberos occiderunt. alii, nec firmior tantum aetas, sed parvi pueri atque puellae, insiliebant in ignem, aut in praeceps demittebant corpora: pars, jugulum praebentes, paternis ensibus in libertatem adseri postulabant. Relatum etiam ad Brutum est, mulierem conspici pendentem ex laqueo, quae parvulum infantem e collo suo suspendisset, altera manu adhuc teneret facem ardentem, inflammandarum aedium gratia raptam. Id videre non sustinuit Brutus; sed illacrimans praemium pronunciari iussit in milites, si quis Xanthium conservasset. Sed illi, jugulatis suis omnibus, et in rogos coniectis, super incensam lignorum struem se transfodere malebant. Igitur summa Bruti cura vix ad templa quaedam servanda profuit. homines quidem ingenui centum quinquaginta superfuisse traduntur, molliores ceteris, et amantiores vitae.

XXXI. Sic Xanthii perierunt pro libertate, majores aemulati, quorum par pervicacia antea quoque patriam civium manibus perdiderat. Ab Harpago certe oppugnati, regis Cyri praefecto, ne Persicam servitutem paterentur, incendio et ruinis oppidi se tumularunt. Idemque iterum accidisse Appianus tradit Alexandri bello Persico. Sed Arrianus et Diodorus, quibus credere malis, ille Xanthios venisse deditione in fidem scribit; Diodorus, Lyciis quidem, sed Marmarensibus nescio quibus, eandem ferociam exitumque fuisse. *Majorum exemplo similis.*

XXXII. Xantho capta, Brutus ad Patara descendit, quod oppidum videri navale Xanthiorum poterat. Sed vim adinovere cunctabatur, eandem in his vecordiam metuens, quam expertus in Xanthiis esset. Idcirco prius captivos in conspectum eorum adduxit, hortaturos, ut, sua clade admoniti, saniora consilia caperent. quin et nonnullos necessariis suis dono. *Brutus Patara descendit.*

Cap. XXX. Dio. Appian. Plut. Appian. Plut. et Appian. Cap. XXXI. Herodot. l. 1. Arrian. de Expedit. Alex. l. 1. Diodor. l. 17. Cap. XXXII. Dio. Appian. Plut. Dio. et Appian.

U. c. 709. dedit. Quum nihil responderetur, concessa ad deli-  
A. C. 43. berandum reliqua parte diei, abduxit copias.

*Patarenses  
se dedunt.*

XXXIII. Postridie rursus adfuit, et, quam proxi-  
me muros constituta catasta, captivos in conspectu op-  
pidanorum coepit vendere: et, ne sic quidem motis  
Patarensibus, ceteros omnes sine pretio dimisit. Erant  
in eo numero feminae quaedam Patarensium: quae ubi  
viris atque propinquis suis lenitatem atque modera-  
tionem Bruti diligenter exposuerunt, eo res adducta  
est, ut, qui modo extrema maluerant, aperirent por-  
tas, seque et sua omnia in fidem potestatemque Bruti  
contraderent.

*Bruti leni-  
tas et iusti-  
tia.*

XXXIV. Atque ille neminis aut supplicium aut fu-  
gam iussit: sed, recepta, quae in publico erat, pecu-  
nia, edictum simile Cassiano proposuit, de conferen-  
do a privatis auro argentoque. Forte quidam, a ser-  
vo proditus aurum abdidisse, ad Brutum ducebatur.  
Eum, ut eriperet, mater cum clamore sequebatur,  
*innocenti negotium exhiberi, se criminis ejus ream esse.* Tum  
conversus ad eam servus, quamquam interrogatus non  
esset, coarguere mendacium coepit, et aurum a domi-  
no celatum adseverare. Haec ubi renunciata Bruto  
sunt, juvenis patientia, matronae pietate collaudata,  
abire cum auro suo incolumes, servum improbum in  
crucem tolli iussit.

*Brutus om-  
nem Lyciam  
recipit.*

XXXV. Inter haec missus cum parte classis Lentu-  
lus Andriaca, quod navale Myrensiense est, rupta, quae  
portum claudebat, catena, cepit, Myrensiense praeto-  
re simul deprehenso. Et hunc dimitti Brutus iussit:  
eoque pacto Myra quoque recepit in deditionem: ubi  
similiter exacta pecunia, Lentulus ad imperatorem  
rediit. At ille, recepta omni Lycia, communique Ly-  
ciorum non amplius centum quinquaginta talentis im-  
peratis, classem eorum Abydi praefolari iussit, quo  
et ipse pedestres copias erat adducturus, ut inde Se-  
stum transmitteret. Prius tamen deflectit in Ioniam,  
instituti sui tenax, et ubique iustitiae atque modera-  
tionis edens praeclara specimina. Sed nihil fuit homi-  
nibus supplicio Theodoti gratius, quem, propter Pom-  
pejum Magnum, hoc auctore, interfectum, communi-  
ter omnes erant perosi. Hunc igitur, dum ceteri pu-  
niri-

Cap. XXXIII. Dio. Plut. Cap. XXXIV. Appian. Cap.  
XXXV. Dio. Appian. Plut. Appian. Plut. Pomp. et Bruto.

niuntur a Caesare, fuga ereptum ex Aegypto, et per  
Asiam vagabundum, corripui Brutus, excruciatumque  
necari iussit. U. c. 709.  
A. C. 43.

XXXVI. Inter haec et Cassius, Rhodo subacta, in  
continentem redierat. Hunc arcessivit Brutus Sardes,  
venientique cum amicis occurrit. Magna ejus diei spe-  
cies fuit, quum tanti exercitus flarent in armis, et  
propter res bene gestas utrumque pariter Imperatorem  
concordibus vocibus salutarerent. Sed ipsi statim a via  
colloquendi causa diverterunt in conclave quoddam,  
semitis arbitris. Nam, ut inter viros tanta potentia  
subnixos, multisque ducibus et amicis stipatos, suspi-  
ciones ortae erant. *Cum Cassio colloquitur.*

XXXVII. His ultro citroque proferendis in conte-  
stationes et objurgationes ibatur, fletumque audire e-  
rat, et vehementiores interim voces: ut magno in me-  
tu pro foribus amici utriusque essent, quibus, ne in-  
jussu ingrederentur, acriter interdictum erat. Sed ad  
extremum M. Favonius, M. Catonis ineptus imitator,  
quamquam prohibentibus ministris, irrumpens, reci-  
tatis Homeri versibus, quibus Nestor parere sibi natu  
minores jubet, Cassio risum, Bruto iram movit; isque  
exesse iussit inscitum canem, et adulterinum canem,  
Graecis verbis hunc in sensum conviciatus. *Non sine al-  
tercatione.*

XXXVIII. Tamen ille finis altercationis imperato-  
ribus fuit: et ad coenam Cassii Brutus amicusque ejus  
comparuerunt. Tum et Favonius adfuit, et, quum  
supremum in lectum rejiceretur a Bruto, neutiquam  
invitatum testante, magna contentione corporis contra  
repellentes usus, in medio se reposuit. *Sed innocua.*

XXXIX. Postridie virum praetorium L. Pellam,  
postulantibus repetundarum Sardonis, damnavit Bru-  
tus publice: momorditque ea res Cassium, quia non  
ita pridem ipse duos ex amicorum cohorte, paris cri-  
minis compertos, privatim admonuisse contentus, pa-  
lam absolverat. Objecit igitur hoc Bruto, atque ami-  
cis utendum monuit indulgentius, ni deserui velint.  
contra Brutus Idus Martias testabatur: neque ideo inter-  
emptum Caesarem, quod ipse per se laederet singulos, sed quia  
hoc agentium robur praesidiumque esset. Quod si ita sit agen-  
dum, tolerari Caesarem praestitisse. Tunc enim, inquit, una  
nobis haerere poterat ignaviae nota: nunc, si eadem commissa-  
*Brutus et  
Cassii diver-  
si mores.*

Cap. XXXVI. Dio. Plut. Bruto. Dio. Plut.

Supplem. Liv. Tom. XIV.

C c

U. c. 709. *mus, cum tot laboribus ac periculis iniustitiae crimen sustine-*  
 A. C. 43. *bimus. Hinc adparet animus Bruti, et quid in nece*  
*Caesaris spectaverit. Alia Cassio mens erat, qui acer*  
*et belli peritus, sed asper ira, potentiam magis et*  
*metum, quam aequam omnibus libertatem, quaerebat.*  
*Idem inter familiares solutus erat risu et dicax.*

*Bruti ma-*  
*gna laus.*

XL. Contra Brutum, vulgo carum, amicis dilectum, optimo cuique admirationi, ne hostibus quidem inuisum fuisse tradunt: quia mire lenis, magnanimus, irae, voluptati, avaritiae inexpugnabilis, verum atque honestum indeclinabili constantia sectabatur. Igitur etiam ex Antonio multos audivisse ferunt, eum dicere consueville, solum Brutum virtutis et honesti specie motum ad inferendam Caesari necem; ceteris omnibus alia proposita fuisse. Sed neque vulgo dubitabatur, unum hunc bono animo descendisse ad civilia arma. Nam neque Pampejo victori mansuram fuisse modestiam, quin ille consulis, aut dictatoris, aut cuius alius magistratus nomine, perpetuam dominationem retineret: et hunc ipsum Cassium, nihilo Carbonibus, et Mariis, et Cinnis meliorem, saepe ab honesto ad utilitatem flecti, neque communem salutem magis, quam privatae potentiae rationes, respicere.

*Ejus episto-*  
*la paullo an-*  
*te mortem*  
*scripta.*

XLI. At Brutum animo, quam opibus, nisum fuisse, vel ipsius epistolae doceant, vicino jam discrimine compositae. Nam ad Atticum scribit, nunc equidem esse res suas in pulcherrimo statu. nam aut victoria libertatem populo Romano comparaturum, aut morte sua confirmaturum sibi. Et cetera quidem in incerto; unum baud dubiae veritatis esse, aut victurum se liberum, aut moriturum. M. Antonium autem meritis vecordiae poenas pendere; qui, quum censeretur cum Catonibus, Brutisque, et Cassiis posuisset, Octaviani vilis adcessio esse maluisset, quem et ab se praesens merneret periculum, et, si hoc vitasset, aliud exspectaret ab ipso Octaviano gravius. Et in his quidem Brutus atque Cassius erant.

U. c. 710.  
 A. C. 42.  
 M. Aemili  
 II. L. Munatius  
 Plancus, Coss.  
*Novas tri-*  
*umviro- rum*  
*rapinae.*

XII. Romam miserandum in modum vexare non desistebant tres viri. Novus etenim annus, quo M. Aemilius Lepidus iterum, ex foedere triumvirali, L. Munatius Plancus, pridem a Caesare designatus, consulatum gesserunt, novam proscriptionem attulit, non quidem in capita, sed in fortunas civium: eamque ut mitiorem per se, ita latius patentem, quum ab hac

Cap. XL. Tac. Hist. 2, 38. Plut. Cap. XLII. Dio. Supra, 120, 19. Supra, 116, 83. Dio.

injuria ne infirmior quidem sexus immunis fuerit. Tributa jam partim ex longa vetustatis desuetudine relata fuerant, partim nova constituta. Edictum fuerat, quantum quisque pecuniae ex agrorum modo, ex servorum numero, conferret. Sed et haec, et proscrip-  
torum bona, quoniam, qua violentia rapiebantur, eadem profundebantur libidine, aut licentia militari diripiebantur, tantum aberant ab eo, ut tres viros ex-  
plerent, ut illi in concione ad populum testati sint, sibi ad belli sumptus octies millies etiamnum opus esse. Itaque, quum in omnes partes versarent  
animum, pecuniasque sibi unde extricandas statue-  
rent, tandem ad inauditum antea consilium decurre-  
runt, ut, tabula proposita mille et quadringentarum  
mulierum, quae ditissimae haberentur, nomina pro-  
scriberent, juberentque eas profiteri bona, et inde  
in sumptus belli conferre, quantum ipsi edixissent:  
gravi imposita poena, si quae quid celaret, aut mala  
fide aestimaret; et praemiis in indices, sive liberos,  
sive servos, pronunciatis.

U. c. 710.  
A. Q. 42.

MCCCC. fe-  
minae suffae  
ex bonis con-  
ferre ad bel-  
lum.

XLIII. Illae autem, nova re atque atroci percitae, non tamen sibi defuerunt. Sed, in malis licet, de-  
coris matronalis memores, primo adeundas sibi ex-  
stimaverunt propinquas triumvirorum mulieres. Ac  
sororem quidem Caesaris Octaviam, (nam mater At-  
tia paullo ante obierat) et matrem Antonii Juliam, pro-  
pitias faventesque nactae sunt. Sed ab impotenti mu-  
liere Fulvia, Antonii conjuge, repulsae non tulerunt  
ignominiam: ac statim in forum ad ipsos tres viros pro-  
gressae, discedente, prae verecundia majestatis ea-  
rum, populo, atque etiam satellitibus, illatas sibi in-  
jurias in hunc modum, Hortensia verba faciente, con-  
questae sunt.

Adeunt  
propinquas  
triumviro-  
rum mulie-  
res.

XLIV. Quod feminas decebat vobiscum expostulaturas, pri-  
mo ad propinquas vestras confugimus. Quod vero non decebat,  
a Fulvia passae, et rejectae ab ea, in forum ad vos accedere  
invitae cogimur. Quid tandem fiet? Ademistis nobis parentes,  
et filios, et maritos, et fratres, quod eos vobis iniquos fuisse  
arguebatis. Si igitur bona quoque nobis eripueritis, ad inde-  
coram nos et generi nostro, et moribus, et ipsi etiam sexui vi-  
vendi conditionem adigitis. Si nobis, itidem ut viris, hosti-  
lis in vos animi crimen impingitis, nostra quoque capita pro-

Hortensias  
ad tres viros  
oratio.

Cap. XLII. Appian. Dio. Appian. Cap. XLIII. Dio. Ap-  
pian.

C c 2

**U. c. 710.** scribite. Sin neminem ex vobis hostem feminae iudicavimus,  
**A. C. 42.** neque aedes vestras evertimus, neque aut exercitus abduximus a vobis, aut in vos immisimus, nec denique vobis impedimento fuimus, quominus concupitos honores et imperia teneretis, quo tandem jure in poenarum partem expertes culpa vocamur? Cur tributis gravamur, quibus vobiscum de honoribus, aut imperiis, magistratibusve, aut de republica denique, quam invadere per tot mala, tot caedes, ardetis, nullum est, nec potest esse certamen?

**XLV.** Instant nimirum bella! Quando autem bella defuerunt? in quae tamen nunquam mulieres conferre coactae sunt, ab omnibus gentibus eam, quam ipsis natura tribuit, immunitatem adeptae. Matres olim nostrae, quum, Poenis premensuris, non de imperio magis, quam de salute, communis patriae certaret, supra conditionem sexus rempublicam opibus suis juverunt: at volentes, nec ullis coactae imperiis: at non ex rusticis urbanisque praediis, non ex dotalibus pecuniis, sine quibus non est ingenuam vitam degere, sed ex solo muliebri mundo: at non aestimatis bonis, non sub indicum delatorumve calumniis, nulla denique aut vi, aut necessitate, sed per voluntariam plane liberamque collationem. Vos quid imperio, quid patriae timeris? Si, quod Dii omen avertant! aut Partli, aut Galli huic urbi infesti minarentur, non nobis maternorum exemplorum insolesceret. Ad civilia bella, absit, ut opes conferamus, aut ad mutuas vobis caedes auxilio simus. Nec bello Pompejano ulla exactiones tulimus: non Marius nobis, non Cinna, hoc oneris injunxerunt; non denique Sulla, oppressor reipublicae, quam vos scilicet constituitis.

**Tresviri indignantur.**

**XLVI.** Haec dicente Hortensia, indignabantur tresviri, si, quum viri tacerent, feminae eo proveherentur audaciae, ut palam in foro concionarentur, et rationem a se reposcerent, et, viris operam sibi in bello navantibus, ipsae ne pecunias quidem contribuerent. Itaque summoventi eas per lictores jusserunt. Verum exortus clamor circumstantis multitudinis et cohibuit lictores, et tresviros ipsos coegit molliore responso populi indignationem deprecari, totamque rem in posterum diem rejicere.

**Tamen milites feminas eximunt ex albo: viros novis exactionibus gravant.**

**XLVII.** Nec tamen incepto absiterunt, omni jam pridem pudore per scelerum assuetudinem exuto: numerum tantum imminuerunt, et, pro mille et quadringentis, quadringentas solas proscripserunt: simulque edictum est de viris, ut, quicumque supra quadringenta millia possideret, civis, peregrinus, liber, sacerdos, cujuscumque gentis, nemine excepto,

bona profiteretur, iisdem poenis, si quis contra faceret, praemiisque in indices pronunciatis; atque ex facultatibus suis quinquagesimam tribusviris partem foenori commodaret, ac praeterea unius anni redditus ad bellum conferret. Dio decimas ab omnibus locupletibus, et quidem proscriptis eorum in tabula nominibus, exactas esse scribit, atque ita ut decimae imperarentur verbo, re autem ipsa vix decimae possessoribus relinquerentur. Quum enim ipsi aestimare bona sua juberentur, variis postea calumniis, quasi non bona fide professi, eo usque vexabantur, donec omnia amitterent. Postremo servos ad remum vel dare de suis, vel, si non idoneos haberent, emere coacti sunt. Senatoribus quoque curatio viarum ea lege imposita, ut hoc etiam onus suis sumptibus sustinerent: adeo ut urbani omnes exuti facultatibus, soli militares viri immensum in modum opibus aucti fuerint.

U. c. 710.  
A. C. 42.

XLVIII. Neque enim illis aut stipendia, aut imperatorum praemia sufficiebant, aut pro caedibus proscriptorum numeratae pecuniae, aut denique occisorum bona, ipsis vilissimo pretio ad triumviralem hastam addicta. Quum enim intelligerent, sibi obnoxios esse duces suos, qui raptam armis dominationem nullo modo poterant, nisi armorum ope, retinere, nullum aut insolentiae, aut aviditati ponebant modum, indignioraque ultro, quam quae jubebantur, in miseros cives exempla edebant. Interficiebant enim non proscriptos, et diripiebant eorum aedes, quibus nihil molestiae exhiberi voluerant tresviri. Ab ipsis quoque proscriptorum petebant domos, aut agros, aut villas, aut censum universum; aut adoptari volebant a senibus orbis, quibus amplae possessiones essent. Postremo eo protervia et impudentia militaris processit, ut repertus fuerit, qui auderet ab ipso Caesare Attiae matris, quae tum mortua et publico funere elata fuerat, bona poscere.

*Militum insolentia et aviditas.*

XLIX. Quae licentia quum jam iis quoque gravis esset, qui eam excitaverant et aluerant, negotium derunt tresviri uni e consulibus, ut in eos animadverteret, qui caedes et rapinas ultra, quam ipsis imperatum fuerat, exercuissent. At ille, non ausus milites attingere, servos quosdam, qui militibus immi-

*Tribusviris quoque odio sa.*

Cap. XLVII. Dio. Cap. XLVIII. Appian. Dio. et Appian. Dio. Cap. XLIX. Appian.



U. c. 710. A. C. 49. si pari cum iis cultu multa peccaverant, comprehensos suspendi iussit. In illa colluvie rerum, virgo Vestalis quaedam, sub noctem a coena rediens domum, quum, quae esset, ignoraretur, vim passa fuerat. Ex hac unius Vestalis injuria quaesitus est sacerdotio ipsi honos ac praesidium, datumque Vestalibus, ut singulis lictoribus uterentur.

*Divini honores in Caesarem congesti.*

*In ejus acta juratur.*

*Magistratus in plures annos ordinati.*

L. Inter tot atrocía, quum tot clarissimorum civium sanguine Caesaris manibus tresviri litarent, divinos quoque in eum honores omnes variis decretis congesterunt: quae extorta per vim, et impia adulatione propudiosa, ne fastidio sint lectoribus, omittimus. Illud memoratu dignius est, eos Kalendis Januariis et in acta Caesaris jurasse ipsos, et alios jurare jussisse. Quum mos, tum coeptus, ad multas deinde aetates duravit, ut initio anni in eorum omnium, qui rerum potiti aliquando fuerant, nisi qui senatus decreto fuerant ob scelera notati, acta juraretur. Ceterum tresviri, firmandae potentiae causa, magistratus tum in plures annos, exemplo Caesaris, ordinaverunt, simul mercedem suis, et sibi in posterum munimen. Atque sic, constitutis rebus, Caesar et Antonius ad bellum proficisci parabant.

*Statii Murci gesta.*

LI. At Statius Murcus, Cassianae classis praefectus, circa Peloponnesum excubans, quum Aegyptiam classem ad Africae litora perisse naufragio audisset, ejusque cladis notas ad Laconiam usque fluctus pertulissent; ne cum tanta classe nihil ageret, trajecit Ionium pelagus, et insulam, portui Brundisino oppositam, Laelii nuper et Libonis exemplo, cepit. Haec enim statio valde erat opportuna ad prohibendum, ne qui ex Italia milites aut commeatus in Graeciam trajicerentur.

*Antonii et Caesaris expeditione.*

LII. Sed jam exercitus triumvirorum, octo legionibus, cum legatis C. Norbano ac Decidio Saxa, transmissis Adriatico, in Macedoniam praeverterat: tribusviris hos praemittentibus, dum Cassium et Brutum Lycio Rhodiensique bello in longum tempus se putant implicuisse. Sed, comperto rerum istarum exitu, Rhodiis Lyciisque collaudatis publico decreto, promissisque ad eorum reparandam fortunam pecuniis, et re-

Cap. XLIX, Dio. Cap. LI. Appian, Supra, 112. 5. et 111, 24. Appian, Cap. LII. Dio. Appian. Dio.

licto ad praesidium urbis Lepido, Caesar et Antonius pecunias legionesque diviserunt, (quia jam nihil Antonio satis videbatur, nec in pari jure portionem aequam obtinere Caesarem patiebatur) statimque profecti sunt paludati. Ceterum Antonius, qui Brundisium ierat, quum inde transmittere conaretur, a Murco impeditus et exclusus, cum rostratis, quas habebat oppido paucas, nihil ad summam profecit, quamquam catapultis et machinis, atque etiam turribus naves oneraret. Id unum egit, ut, secundo vento, partem copiarum subinde imponeret onerariis navibus, quae plerumque perveniebant, priusquam a Murco opprimerentur. Postea, quia parum ista proderant ad summam, C. Caesarem, qui circa Siciliam cum Sex. Pompejo navalibus viribus dimicabat, ad ferendam in commune opem excitavit. Sed hujus quoque belli origo, Sextique fortuna, quae a ceteris rebus separari utilis fuit, deinceps exponi debent.

U. c. 710.  
A. C. 42.

---

Cap. LII. Flor. 4, 7. Plut. Anton. Plin. 7, 45. Dio. Appian. Dio. et Appian.

---

# E P I T O M E

## LIBRI CENTESIMI VIGESIMI TERTII.

*Sex. Pompejus, Magni filius, lectis ex Epiro proscriptis ac fugitivis, cum exercitu diu, sine ulla lo-*

*Sex. Pompejus, Magni filius, lectis ex Epiro]* *Sex. Pompeji Magni filius* Voss. Male. Vide ad Epit. 113. Tum *ex lectis* perperam idem codex. Forte libarius dare voluit *electis*, ut est in Berg. Insuper *ex Cypro* Boend. et ed. Camp. Mox *et fugitivis* Leid.

*Cum exercitu diu, sine ulla loci cujusquam]* Quomodo exercitum habere, et diu cum exercitu in mari praedari potuit, qui nullam loci cujusquam possessionem habebat? Si manum illam proscriptorum et fugitivorum, quos ex Epiro legerat, exercitum vocavit, non admodum proprie locutus est. DUK. *loci cujuspiam* Lov. 2. *loci cujusque* Boend. Mox *praedatus est in mari* Boend. idem. Sed rectius oratio suspenditur usque ad sequens occupavit.

*Occisoque a Pompejo A. Bithynica praetore]* Vet. lib. *occisoque A. Pompejo Bithynica praetore*. Sic autem ipse vocabatur, ut omnia Rom. monumenta loquuntur. SIGON. *occisoque . . . . . Bithynico praetore*, reliquis omisiss, relicta tamen lacuna, Boend. *occiso quoque Pompejo Bithymeo praetore* Voss. *occisoque Pompejo Bithymio praetore* Berg. *occisoque Pompejo Bithynico praetore* Leid. et Lov. 2. *occisoque Pompejo Bithyniae praetore*

ed. Camp. Patet, nullum meorum codd. Pompeji Bithynioi praenomen *A.* agnoscere; Sigonio tamen consentiunt Exc. Pithoei.

*Salvidienum legatum]* Vet. lib. *Q. Salvidienum legatum*. Sueton. Aug. [66.] *Salvidienum Rufum*. Quare *Q. Salvidienum* lego. SIG. Quinti praenomen recte addidit Sigonius: agnoscunt enim Leid. Voss. et Exc. Pithoei; sed ejus loco qui est in Berg. Lov. 2. Boend. et ed. Camp. Deinde *Salidenum* Voss. *Salvidenum* Berg. Lov. 2. et ed. Camp. *Salvidenum* Boend. et Norv. *Salvidienum* ed. Romana princeps, teste Hearnio; quum reliquae, quas vidi, edd. vet. *Salvidenum* praeferant. *Salvidienum* ex Exc. Pithoei laudat idem Hearnius, quomodo Sigonius ex Suetonio hic emendandum censuit. Sed Ger. Vossius ad Vellej. 2, 59. eum vitiosos Suetonii codd. secutum esse monuit, ac servandum vulgatum *Salvidienum*. Certe, ita in Suetonio legendum esse, ibidem contendit Torrent. nec aliter hoc loco est in Leid. idque Frobenius, qui anno 1531. *Salvidenum* dederat, quadriennio postea reposuit. Etiam infra memoratur Epit. 127. *Σαλβιδηνός* vocatur App. Alex. 5. Civ. 710. *Κύντος Σαλονιδίηνος Ρούφος*; Dioni Cass. 48, 364. *Ρούφος ὁ Σαλονιδίηνος* p. 376.

*ci cujusquam possessione, praedatus in mari, Messanam oppidum in Sicilia primum, deinde totam provinciam occupavit: occisoque A. Pompejo Bithynico praetore, Q. Salvidienum legatum Caesaris navali proelio vicit. Caesar et Antonius cum exercitibus in Graeciam trajecerunt, bellum contra Brutum et Cassium gesturi. Q. Cornificius in Africa*

De eo vide Celeberr. Burm. ad d. l. Suetonii. Insuper mox legatum manibus proelio vicit Voss. Tum bellum adversus Brutum Leid. Voss. Berg. Lov. 2. Boend. et ed. Camp. Vide ad Epit. 57.

*Q. Cornificius in Africa T. Sestius, Cassianarum partium ducem.]* Luxata verba *Cornificium in Africa Cassianarum partium ducem T. Sestius.* SIG. Lege *Caesarianarum* ex Appiano lib. 4. [pag. 630.] *Cornificius* autem a Bruti partibus stabat, teste Appiano lib. 4. et Cicerone in Epistolis. HENR. VALES. *Cornificius* a Sextio victum Dio 48, 369. et Appianus 4. Civ. 630. tradunt. Ante triumviratum *Cornificius* et *Laelius* veteri provinciae, quae, deleta Carthagine, Africa proprie dicebatur, praefuerant, *Sextius* Numidiae, *Juba* victo, a Caesare subactae. Divisis inter triumviros provinciis, quum hic Antonii, illi Octavianii rebus studerent, bellum inter eos ortum est, quo *Cornificius* periit. Ita Dio. Appianus quoque eum hoc bello interiisse prodit, sed aliter refert historiam: nam in triumvirali divisione universam Africam Caesari obvenisse dicit, et aliam causam belli inter *Cornificium* et *Sextium* narrat. Vide Pighium ad A. V. 13ccix. Sed ex utroque liquet, Sigonium pro *Q. Cornificius* recte legere *Q.*

*Cornificium.* Etsi autem Dio eum *Cassianarum* partium ducem fuisse non dicit; tamen, non alieno ab illis animo fuisse, indicio sunt Epistolae Ciceronis 12. Fam. 22. et 25. post neem Julii Caesaris ad eum scriptae, et quod Dio 48, 367. eum Sex. Pompejo auxilia militum ex Africa in Siciliam misisse scribit. Appianus quoque 4. Civ. 610. eum a reipublicae partibus stetisse, et proscriptos a triumviris se ad eum contulisse dicit. DUH. Editiones principes *Q. Cornificius in Africa T. Sestium, Cassianarum partium ducem, proelio vicit.* neque aliter est in scriptis, nisi quod parum in voce *Sestium* varient, ut mox videbimus. Eadem lectionem Sigonius etiam prima ed. retinuit. Altera deinde anni 1572. ejusdem Sigonii exhibuit *Q. Cornificius in Africa T. Sestius Cassianarum partium ducem proelio vicit.* In illa deinde, quae post ejus mortem anno 1592. prodit, Scholium praemissum primum adparuit, et transpositio vocum ibidem proposita in contextum recepta est. Ea vero admitta, insuper *Cassianarum* in *Caesarianarum* mutandum conjicit Henr. Valesius. Verum et emendatio Sigonii in secunda, et transpositio vocum in ultima ejus ed. obvia, et Henr. Valesii conjectura ante hunc et illum, jam Xylandro in mentem venit in Annotat. ad

*T. Sextium, Cassianarum partium ducem, proelio vicit.*

Dion. Cass. 48, 369. Eae autem primum anno 1558. prodierunt. Non necesse tamen esse, ut *Cassianarum* mutetur, Dukero assentior. Praeterea, qui in plerisque edd. *Sestius* vocatur, Appiano et Dioni *Σέστιος* dicitur. Verum alia est gens *Sestia* patricia, alia *Sextia* plebeja. *L. Sestium* Bruto fuisse constat ex nummis ejus gentis. Contra, *T. Sextius* partibus triumviralibus adhaesisse, ex App. et Dion. Cass. patet. Forte igitur legendum *Q.*

*Cornificium in Africa Cassianarum partium ducem T. Sextius proelio vicit.* Certe *Sextium* praeferunt Voss. et Lov. 2. eoque ducunt vestigia Leid. Berg. Boend. et ed. Camp. *Sextum* praeferentium: quemadmodum etiam apud Dion. peccari Xiphilinus ad d. l. monuit. Solent autem nomina haec *Sextius* et *Sestius* a librariis indoctis confundi. Vide ad Livii 3, 32, 5. 10, 8, 8. 30, 26, 11. Epit. 61. et viros doctos ad Sueton. Tib. 42.

# JOHANNIS FREINSHEMII

## SUPPLEMENTORUM LIVIANORUM LIBER LXXXVIII.

### IN LOCUM LIBRI CXIII. T. LIVII.

I. Sex. Pompejus, quum ei morte Caesaris, et sequentis eam motibus, spes in patriam redeundi vix ostensa prius, quam erepta esset, imperium maris amplexus, cujus ei concessus ab senatu titulus fuerat, versus Italiam navigavit. Sed, audito, se quoque inter percussores superioris Caesaris damnatum esse, abstinuit continenti, et, sine maleficio circum insulas oberrans, ut in patriam revocaretur, expectabat; quod se facinoris ejus, cujus ceteri convicti dicebantur, innocentem sciebat ab omnibus haberi. Ut vero cum ceteris suum quoque nomen feralibus tabulis insertum didicit, ad bellum se totis viribus comparans, instruxit naves: neque proscriptos modo, qui in Epirum evaserant, sed etiam fugitivos recipiendo, et armando ergastula, quin et cum piratis inita societate, qui circa Cumas et Gallinariam silvam praedabantur, coëgit exercitum. diuque sine certa cujusquam loci possessione vagatus in mari, ubi felici rapina per Italiae portus haud spernendam vim militum et pecuniae confecisset, in Siciliam cursum direxit, Mylisque et Tyn-daride citra pulverem captis, Messanam, praevalidam urbem, tentare ausus est.

U. c. 710.  
A. C. 42.  
*Sex. Pom-  
peji acta.*

II. Erat tunc A. Pompejus Bithynicus Messanae, *Sextus Si-  
ciliae praetor. Ab hoc repulsus initio Sextus, non ciliam occu-  
ideo desistit, quin vastatione agrorum, intercipiendis pas.*que commeatibus Mamertinos vexaret. Sed et vicinos opem ferre conantes, exceptos per insidias, aut simili clade multatos, deterrebat. Postremo, quum jam etiam quaestorem Bithynici cum pecunia, quam

Cap. I. Dio, l. 48. Appian. Civil. l. 4. Vell. 2, 73. Dio. Oros. 6, 18. Dio. Liv. Epit. Vell. Flor. 4, 18. Dio. Strabo, l. 5. p. 243. Lucan. 6, 422. Liv. Epit. Dio. Cap. II. Liv. Epit. Dio,

U. c. 710. deportabat, in potestatem redegit; per communes  
 A. C. 42. amicos, Hirtium et Fannium, qui recens proscripti in  
 Siciliam profugerant, inita est inter duces pactio, ut  
 aequato imperio Siciliam obtinerent. Sic receptus  
 Messanae, imperatoque, ut pecunias et arma profer-  
 rent, Syracusas petiit: adceptoque ex Africa subsidio,  
 quod Q. Cornificius miserat, et illam urbem, et post-  
 ea plures subegit.

*Caesarem  
 navali pro-  
 elio superat.*

III. Unde res frumentaria perangusta Romae, mul-  
 tique mortales, absumpti frugum penuria, coegerunt  
 Caesarem, qui hactenus majorum rerum cura Sextum  
 augeri tulerat, ut et classi instruendae adjiceret ani-  
 mum, et Q. Salvidienum Rufum cum ingentibus co-  
 piis Rhegium praemitteret. Namque Pompejus, in  
 dies augendo famam atque copias, quum praeter ce-  
 teros per plurimi ad eum ex civitatibus, quae militum  
 praemiis destinabantur, confluerent, jam etiam Italiae  
 tentare oram audebat. Sed adventu Juliani exercitus  
 in Siciliam se recepit: et Salvidienus, quum navibus  
 destitueretur, navigia ex corio fabricare instituit, qua-  
 libus in Oceano utebantur, levibus lignis conserta,  
 quae foris pelle bubula cruda, in clipei formam, in-  
 ducebantur. Sed irrisus, et huic invento diffidens,  
 Rhegii se tenuit, donec eodem Caesar venisset. Ab  
 hoc adceptis navibus trajicienti Pompejus juxta Scyl-  
 lam occurrit, consertoque navali proelio, in por-  
 tum freto proximum (Balaro nomen fuit) retrusit: au-  
 dacia militum, (exercitatos enim Afros secum Hispa-  
 nosque, et multos egregios ex Italia viros habebat)  
 et peritia remigum superior, quamquam numero et  
 magnitudine navium vincebatur. Neque tamen pau-  
 ciores ipse naves amiserat.

*Furtim tra-  
 jicere cona-  
 tem repellit.*

IV. Sed Caesar, qui spectatorem egerat proelii,  
 tam duro principio minime laetus, damnavit consilium  
 vi transportandi copias, et aliquoties trajicere furtim  
 conatus est: robore legionum sperans superiorem fore,  
 modo penetrare in insulam licuisset. Quum ista  
 quoque frustra tentata spes esset, dispositis a Pompe-  
 jo firmis ubique praesidiis, et ad bellum transmari-  
 num trepidis Antonii literis vocaretur; aliis Italicarum  
 Sicularumque rerum demandata cura, Brundisium na-

Cap. II. Appian. Dio. Cap. III. Appian. et Dio. Appian.  
 Dio. Appian. et Dio. Liv. Epit. Dio. Cap. IV. Appian.  
 Dio. Appian.

vigavit, prius Rheginis data fide, certo curaturum, uti e numero urbium eximerentur, quae in victoriae praemium promissae militibus fuerant. quod enim erant peropportuno in Siciliam situ, et propugnaculum Italiae propter potentiam habebantur, ne hoc terrore ad Pompeji amicitiam cogerentur, haud injuria metuebat. eadem igitur liberalitate, similibus de causis, erga Vibonenses usus est.

V. At Pompejus, totius Siciliae potitus, A. Bithynicum, fructo crimine proditoris, interimit: elatusque felicitate sua pugnam navalem prope Rhegium exhibuit, ut in conspectu hostium esset. captivos enim inter se concurrere coegerat, alios ligneis, alios pelliceis navigiis, ad deridendum Salvidieni commentum. Aucto deinde navium numero, quum mare vicinum haud dubie haberet in potestate, majores etiam spiritus sumpsit, Neptuni se filium ferens, quod et ipse valeret classibus, et progenitus esset eo, qui olim totius maris imperium tenuisset.

*Sextus Bithynicum interimit.*

VI. Interim Caesar, classe Brundisium advectus, cum Antonio agitabat, quemadmodum transportarent copias, ne a Murco exciperentur, in vicina insula cum navibus centum ad hoc ipsum excubante. Tandem Caesar, ornatu instructisque tamquam ad proelium navibus, petere insulam coepit. At Murcus, ne dimicare locis angustis cogeretur, ubi, hinc Caesare, inde Antonio circumeuntibus, includi posset, dimissa priori statione, in apertum mare evectus est. interea Caesar occupavit insulam; et, quia nullus in propinquo portus erat, quem tenere Murcus posset, in Thesprotidem coegit transmittere. At ille sic quoque observabat onerarias, quibus milites in Macedoniam trajiciebantur: quamquam deducerentur a Caesaris triremibus. Sed adeo favens illis ventus fuit, ut praesidio nihil egere viderentur. Ceterum neque postea, quum et vacuae reverterentur Brundisium, et iterum repletae alias copias transveherent, apprehendere eas in cursu, licet expertus omnia, potuit: donec universus exercitus cum Caesare et Antonio in Graeciam transgrederetur. Murcus tamen, licet iratam sibi Fortunam putaret, in ea statione perstitit, sperans fore,

*Caesar et Antonius in Graeciam transgrediuntur.*

Cap. IV. Strabo, l. 6. p. 158. Appian. Cap. V. Liv. Epit. Dio. Cap. VI. Appian. Polyaen. Strat. l. 8. c. 14. Appian. Polyaen. Appian. Vell. 2, 70. Liv. Epit. Appian.



U. c. 710. ut saltem commeatus et supplementa hostium interci-  
 A. C. 42. peret. Haec agenti missu Cassii Cn. Domitius Aheno-  
 barbus, cum quinquaginta navibus unaque legione et  
 sagittariis, supervenit: magnopere enim referre ar-  
 bitrabantur, Italiae commeatus intercludi, quod ho-  
 stibus aliunde arctam frumentationem fore existima-  
 bant.

*Juliani  
 trans Phi-  
 lippos po-  
 nunt castra.*

VII. Dum hoc modo circa prohibendum expedien-  
 dumque trajectum ab his desudatur; Norbanus et Saxa,  
 cum suis legionibus omni Macedonia versus Thraciam,  
 spatio mille quingentorum stadiorum, ad Pangaeum  
 usque montem emenso, trans Philippos posuerunt ca-  
 stra in Turpilorum et Sapaeorum angustiiis, quod unum  
 tritum est iter in Europam ex Asia transeuntibus. Sym-  
 bolum is locus vocabatur, quod ibi montes duo magni,  
 arcto utrimque relicto transitu, committuntur. In-  
 terius in campo montibus circumdato Philippi jacent:  
 ad mare Neapolis, obversa Thaso insulae, nunc quo-  
 que nomen antiquum retinenti, quae perperam apud  
 Ptolemaeum *Tbalassia* scribitur. Hic primus oppositus  
 est obex Cassio et Bruto, Sestum Abydeno freto (*Dar-  
 danellos* hodie vocant) transiectis.

*Horribile  
 visum, obje-  
 ctum Bruto.*

VIII. Quo tempore memorant horribile visum ob-  
 jectum Bruto fuisse. Forte vir somni parcissimus, et  
 praesentia volvens animo, multam in noctem lucubra-  
 bat; quum fores crepuere. Respexit ille, nam sub  
 tertiam vigiliam a centurionibus et tribunis adiri con-  
 sueverat: quum adsistere sibi spectrum ingenti et hor-  
 ribili specie vidit. sustinuitque rogare, *quis esset, aut  
 qua causa venisset?* Responsum est, *malum ejus genium  
 esse, videndum iterum Philippis.* cui ille imperterritus,  
*Videbo*, inquit. At Cassius, Epicureae sententiae se-  
 ctator, cui prima luce profectus ad eum Brutus rem  
 exposuerat, curis atque cogitationibus id totum im-  
 putavit, quibus agitatus animus ejusmodi sibi mira-  
 cula ipse vehementi imaginatione figurarat. Igitur,  
 hac abjecta et seposita sollicitudine, de ratione itine-  
 ris, quod prae manu erat, agitari coeptum.

*Rhasci et  
 Rhascupoli-  
 dis pruden-  
 tia.*

IX. Duo his temporibus Thracum Sapaeorum erant  
 reguli, Rhascus et Rhascupolis fratres: qui callido  
 consilio, ut alter ex eventu salutem alteri a victore

Cap. VII. Dio, l. 47. et Appian. Plut. Bruto. Dio. Ortel.  
 Thesaur. Geogr. Ptolem. 3, 11. Cap. VIII. Appian. Plut.  
 Bruto. et Caes. Flor. 4, 7. Appian. Plut. Cap. IX. Appian.

impetraret, conjunctis animis, vires diviserant, cum ternis equitum millibus, hic ad Brutum, ille ad Antonium adplicatus. Quum igitur his notissima regio esset, in qua castra metati Juliani fuerant, interrogatus a Cassio Rhascupolis, *brevissimam, aūt, publicamque viam per Aenum et Maroneam ad Sapaeorum fauces ducere: sed has, ab hostibus ante captas, transiri nulla vi nulloque ingenio posse. Quod si quis circumducere tentet, triplo longius iter multisque difficultatibus impeditum fore.* At imperatores, commeatum potius causa venisse Julianos in Thraciam rati, quam prohibendi adcessus consilio, propiorem viam delegerunt: et praeter Lysimachiam ad Melanem sinum progressi sunt.

U. c. 710.  
A. C. 42.

X. Ibi, delectu acto, repererunt legiones semiplenas undeviginti, quarum octo Bruti erant, reliquae Cassii, cum duabus legionibus, quae supplementi vice recens adcesserant, gravioris armaturae millia circiter octoginta. Equitum Gallorum Lusitanorumque millia quatuor Brutus habebat, cum duobus millibus, e Thracia et Illyrico atque e Thessalia collectis. Apud Cassium Gallorum Hispanorumque duo millia erant; praeterca quatuor Arabum, Medorumque, et Parthorum ex equis mittentium sagittas. Ad haec socii reges et Galatici tetrarchae, magnam vim peditum et millia equitum quinque conjunxerant. quibus postremo adcessit Rhascupolidis equitatus, tria millia. His viribus supremo decertarunt proelio, quum ceteras copias ad alios usus reliquissent.

*Copiae Cassii et Bruti.*

XI. Lustrato hoc exercitu, donativa, quibus ex promisso debebantur, studiose repraesentata sunt. curatum enim fuerat, ne deesset pecunia: quia robur copiarum ex veteranis erat, qui sub Caesare fecerant stipendia; et, ne, conspecto, qui idem nomen ferret, juvene, iterum amare partes istas mallent, timebatur. Ergo neque intempestivum credebatur, adloquio firmare animos; effectoque tribunali, ubi duo imperatores cum solis senatoribus adsisterent, vocata est concio: progressusque e medio ceterorum C. Cassius, cujus aetati Brutus concedebat, in hanc ferme sententiam verba fecit.

*His donativa studiose repraesentata.*

XII. *Nihil amplius a Diis immortalibus petere poteramus, Cassii oratio quam quod abunde nobis praestiterunt, commilitones: fidem ad militem.*

**U. C. 720.** inter nos, et optimae spei communionem. Nam, ut considerare  
**A. C. 42.** invicem debeamus, societas periculorum cogit; ut velimus, ex-  
 soluta diligenter promissa efficiunt: quando vos operam, quam  
 eratis polliciti, nos praemia praestitimus. quae fides et in  
 posterum omni nos cura invicem liberabit. Spes autem utro-  
 rumque felicem belli eventum sibi tam ex virtute militum,  
 quam ducum, vindicat: quos tales et tantos viros, senatorii  
 omnes ordinis, mecum in hoc suggestu stantes, eademque vo-  
 bis omnia meis verbis adferentes videtis.

**XIII.** De adparatu vero loqui supervacaneum puto. quis  
 enim vestrum est nescius, frumenti, armorum, pecuniae quan-  
 ta parata sit copia, quanta vero navium, quanta auxiliorum  
 ex tot nationibus atque regnis? Ecquibus enim verbis excita-  
 ri poterunt animi, quos neque adparatum, neque spei com-  
 munitis magnitudo inflammaverit ad alacritatem et concordiae  
 studium? Quibus rebus si Deorum adcesserit favor, quos equi-  
 dem bonae causae merito adesse credimus, quid est, quod ti-  
 meri a quoquam debeat? Nam ab hostibus objecta quomodo se  
 habeant, novistis ipsi; eoque promptiorem nobis obtulistis ope-  
 ram, navastisque. sed tamen referre videtur, nunc etiam vo-  
 bis explicari, quam adversus injusta arma, et iniqua inimi-  
 corum odia dimicemus.

**Qui patriae liberandae animo quamvis amicum occidissent.** **XIV.** Caesarem a nobis occisum ajunt: neque negabimus  
 factum, quo jure merito et possumus, et debemus gloriari.  
 Nec enim similitates cum eo gessimus, neque nobis ejus vita  
 nocebat, qui militiae domique honoratum apud eum locum te-  
 nuimus. sed ille gravis libertati, gravis reipublicae incubabat;  
 per quem factum erat, ut jam leges omnes conculcarentur,  
 neque senatui quidquam, neque populo juris in civitate relin-  
 queretur. Patriae igitur ultioni commodavimus manus, non  
 ignari, sic a majoribus nobis traditam esse libertatem, ut re-  
 tinentibus hoc proprium et perpetuum bonum esset; prodentes  
 et nostra stultitia et conceptae jurejurando dirae punirent.  
 Haec igitur mala, has imprecationes, nostro periculo, publi-  
 co commodo, a cervicibus urbis depulimus; regnare Romae ne  
 amicum quidem et in nos liberalem virum passi, postquam ille  
 patriae, a qua tanta adceperat, caritatem exuere non est ve-  
 ritus. Fortassis autem vestra quoque mens aliquando his in  
 rebus caligavit, fulgore praestricta bellicorum operum, quae  
 vir ille, quum sibi praestaret, patriae imputabat. at nunc cer-  
 te fieri non potest, quin veritas se vobis patefaciat ex firmis-  
 simis argumentis, quae vel ab his rebus, in quibus vobis et  
 certa notitia et plurimum juris esse debet, suppeditantur.

**XV. Vos**

XV. Vos in bello non aliis paretis ducibus, quam quos aliquando dignos eo loco iudicastis. nec enim, salva republica, iter ad imperia, nisi per honores, fuit, qui vestris suffragiis conferebantur. Vos consules creabatis, vos praetores: ceterorum quoque comitia magistratuum in vestra manu erant. Item et judicia legum agebatis, ut nostri ordinis viri magis colere populum cogerentur, in cuius potestate praemia poenaeque recte aut secus factorum esse sciebant. Et, donec ea ratio senatui populoque constitit, ut nobiles virtute ad honores niterentur, vos optimo cuique debita praemia lubenter tribueretis, non modo floruit gloria et opibus, sed etiam crevit res publica.

Ute. 710.  
A. C. 42.  
Vetere  
Reip. sta-  
tum jusque  
populi com-  
memorat.

XVI. Intercessit deinde viri unius temeritas, in se trahentis omnia, vestrumque jus usurpantis, ut nemini jam magistratus, nisi ex voluntate atque etiam lubricine Caesaris, darentur. Igitur neque virtuti cuiusquam reddere mercedem, sicut antea, potuistis; neque, si quis honorem ullum abstulit, vobis eo nomine, sed Caesari, debuit gratiam. Ne tribunos quidem, proprium plebis magistratum, aut creare potuistis ipsi, aut defendere: quos ideo, quia Romanis intolerabile nomen regis usurpari vetabant, per summam contumeliam spoliari sacrosanctae potestatis insignibus vidistis. Nec ferre haec senatus, vestram pariter suamque vicem gemens, nec emendare, nisi sublato tyranno, poterat. Non enim erat legibus locus contra armatum, totque habentem in manu, quas abduxerat a republica, legiones. Occisus igitur est paucorum gladiis, omnium voluntate, consensu, applausu: res enim ea erat, quae nemini bono non probaretur.

Quem Cat-  
sar sustule-  
rit.

XVII. Inde statim et de praemiis tyrannicidarum agi coeptum: adeo de impunitate non ambigebatur. Sed praemiorum quoque omitti mentionem placuit, concordiae causa, mor- tuoque remitti ignominiam, praeteritorum oblivione sancita, diserteque adjuncio, ne de nece Caesaris quaeratur. Sed et postea, quum Antonii seditiosis concionibus exasperata contra nos pars plebis videretur, amplissimas nobis provincias senatus cum imperio, tamquam bonis viris, et amantibus patriae, non certe tamquam parricidis et latronibus, quae nunc vocabula imponuntur, dedit. Eademque deinceps senatui sententia, donec libertas atque incolumitas, mansit.

Eoque per-  
cussore ejus  
pro bonis vi-  
ris ab senatu  
esse habitos.

XVIII. Nam quae sit ejus hodie fortuna, quis sine lacrimis commemoret? Ut cuique plurimum virtutis atque integritatis inest, ita cupidissime proscribuntur, spoliantur honoribus, patrimonio, vita. occiduntur in domibus, in vicis, in

Scelera tri-  
umvirorum  
producit.

U. C. 710. templis, in foro, in curia: et, quo nihil potest esse tristius,  
 A. C. 42. e latebris eruuntur, a libertis, a liberis, ab uxoribus proditi.  
 Tanta nimirum vis scelerum edictis horum triumvirorum inest,  
 ut his non modo status civitatis, sed etiam mores publici, et  
 fas gentium, et naturae jura convellantur. Urbem Romam a  
 Gallis esse captam, vetus memoria prodidit; fera gente et  
 aspera, quis neget? sed tam crudele perpetratum ab his nihil  
 est, quod, cum praesentibus collatum, non possit mera miseri-  
 cordia et mansuetudo videri. Tarquinium ita odimus, ut in-  
 de regem appellari maledictum habeatur longe quidem acerbissi-  
 mum. Sed quid tale designavit Tarquinius? quem ne ob suum  
 quidem, sed filii, delictum expulerunt majores nostri, simul  
 in perpetuum sublata regum potestate et nomine. Hi igitur  
 res, non Tarquini, sed omnia tristia nomina sceleribus et cru-  
 delitate transgressi, nos impios vocant: etiam in eo facinore,  
 quod unum nobis obijciunt, improbe mendaces.

Non modo  
 percussori-  
 bus Caesaris  
 infestorum,  
 sed omnibus  
 bonis.

XIX. Propter Caesaris caedem proscriptos ferunt. Hoc  
 si verum est, cur igitur facii ejus exsortes, consilii ignaros,  
 etiam, quum haec omnia gererentur, absentes aliquos, proscri-  
 pserunt? Neque vero hoc obscurum est, et coram adesse quos-  
 dam cernitis, quibus Caesarianae necis crimen impingi nul-  
 lo pacto potuit: sed illos manifesto virtus sua, aut nobili-  
 tas, aut etiam divitiae proscripserunt. Quid vero Sex. Pom-  
 pejus meruit, quod proscriptus est? an et ille interfecit Caesa-  
 rem? qui toto illo tempore, quo non patratum modo, sed et-  
 iam susceptum et cogitatum, est nobilissimum facinus, in Hi-  
 spania fuit. Scilicet tollendi erant, non qui occiderant Caesa-  
 rem modo, sed qui eo animo, his majoribus essent, ut timen-  
 di Caesaris dominationem cupientibus viderentur. Quid vero  
 mulieres, quarum proscripta bona sunt? an et illae occiderunt  
 Caesarem? quid autem populus? qui ad profitendum patrimo-  
 nii vires et pendendum, quidquid inde tribusviris collubitum  
 est, adigitur. Haec enim vunc populi libertas est Romae.

Illos tamen  
 egere pecu-  
 nia, se ab-  
 undare.

XX. Nec illo tamen etiam tam atroci et impio vaframento  
 cogi pecunia potest, quae militum donativo sufficiat. In quo  
 ipso magna et conspicua vis divini numinis inest: ut, qui om-  
 nia improbissime crudelissimeque fecerunt pecuniae causa, egeant;  
 nos, quibus omnibus in rebus justitia et liberalitas propositae  
 fuerunt, abundemus. Nam et promissa vobis exsolvimus, com-  
 militones, et, unde promittamus amplius, in manu nostra est:  
 sed et, eo expenso, jam sequentia in tempora provisum.

Clarissimis  
 viris suam  
 causam pro-  
 bari susci-  
 pique.

XXI. Ceterum, ut ex hoc favore Deorum aequa vobis nu-  
 mina potestis interpretari, ita ex optimi cujusque judicio per-  
 spicitis causae nostrae aequitatem. Qua enim alia re hi ad  
 nos, tamquam sacram ancoram, confugerunt viri clarissimi,

perfuncti amplissimis honoribus, quos in magistratibus, in imperiis, toties vidistis, quam quia adversus paucorum vim et improbitatem nullum in oppressa republica praesidium, at spem resurgendi et illi et sibi nostris in armis animadverterunt? quos ut eriperemus, non sumus cunctati ampliora promittere servaturis praemia, quam homines scelestissimi percussoribus pronuntiaverant. Illi igitur optimi atque praestantissimi viri clarissime perspexerunt, nos Caesaris quidem propter adfectatam dominationem interfectores, ceterum aliis, qui in se trahere cupiebant ejus potestatem, parcere paratos, neque nobis ipsis, sed populo, secundum morem majorum et jura civitatis, imperium adserentes, proscriptione belloque peri: atque hinc quidem bonos viros civesque, tyranni interfectores, libertatis vindices; ex adversa vero parte satellites heredesque regios, legum morumque eversores, patriae parricidas, consistere. Unde nobis merito magnae atque certae spes esse debent, Deorum hominumque consensu pro justiore causa pugnantibus.

U. c. 710.  
A. C. 42.

Unde spem  
sibi magnam  
esse.

**XXII.** Neque vero moveamur, si forte sub C. Caesare stipendia aliquando fecimus. Quatenus enim justum id sacramentum fuit, patriae militavimus: reliqui temporis memoria dolorem potius atque iram accendere nostris in animis debet, quod cuiquam servivimus: eoque nobis nunc agendum est fortius, ut tristissimorum temporum non modo infelicitatem, quae ab his reducitur, sed etiam metum avertamus, tollamus exemplum, recordationem quoque, si fieri possit, aboleamus. Et respicite, quanto sit fors vestra optabilior. sub Bruto quidem et Cassio imperatoribus, sed Romani populi exercitus estis: nec pro dominatione nostra, sed pro majestate imperii, pro salute urbis et Italiae, pro legibus, pro libertate vestra depugnatis. Nobis equidem, si per inimicos liceret, omnis mora longa esset, donec, non dicam, poneremus arma, sed abjiceremus. sed quando neque volunt isti, neque jam, prae furore, sceleribus, impietate, suo arbitrio et velut mente emoti, possunt; quod unum relinquitur, ad recuperandam patriam, tristissimaque servitute liberandam eamus. Eamus, universa concio resonuit, paratis omnibus statim sequi, quo ducerentur.

**XXIII.** Qua alacritate laetus imperator, iterum in-  
dici jussu silentio, Dii, inquit, justorum piorumque bel-  
lorum praesides, pro hac fide studiisque vestris gratiam vobis  
referant, commilitones: quod autem humana cura praeparari  
potuit, ut rebus omnibus instructiores essemus hostibus, hinc  
cognoscite. Quum multis locis legiones habeamus dispositas,  
parem tamen, ac hostes habeant, numerum adducimus: equita-  
m et classe longe vincimus, atque regum ac nationum ad Me-

Vires suas  
faciat.

U. c. 710.  
A. C. 42.

*dos usque et Partibos auxiliis. Praeterea tantum e fronte habemus hostem: illis terga quoque intuta sunt, Sexto obtinente Siciliam, Murco ac Domitio Adriaticum claudentibus mare.*

*Et omnis  
generis ad-  
paratum.*

XXIV. Quid jam de pecuniis, quas bellorum adpellari nervos audistis, loquar? Quas illi quidem semper quaerunt sceleribus, semper effundunt flagitiis: et in media rapina egeni, neque proscriptione locupletissimi cujusque, neque substationibus, neque tributis, aut ullo denique crudelis avaritiae ingenio replentur. At nos diu ante honestis praeisque rationibus providimus, ut et nunc suppetant omnia largiter, et in posterum minime sint defutura. Commeatus insuper nullo negotio ex provinciis et insulis, quotquot Thraciam et Euphratem interjacent, navibus subvehetur: illis ex Macedonia non fertilissima frugum petendi erunt, et e Thessaliae feracibus quidem, sed exiguis arvis: praeterea terrestri itinere erunt supportandi, quam scitis esse rem longe maximi laboris et morae. Nam si quid ex Italia, aut Africa volent expectare, Pompejus et cum Abenobarbo Murcus vetabunt. Inde fiet, ut illi necessariorum rerum inopia facere interdum, quod nolint, cogantur; nobis ex commodo nostro aut maturare, aut trahere bellum in promptu sit.

*Cassii et  
Bruti mili-  
tes donati-  
vum acci-  
piunt.*

XXV. Ite igitur alacres; ite spe bona pleni. nam praeter ea, quae jam adcepistis, et olim victoriae causa promissa cum fide exsolvemus, et, quo minus vos poeniteat optimae voluntatis, praesentes in militem denarios centum quinquaginta, in centuriones quintuplum, et in tribunos pro portione dividemus. Quum ad haec multis imperatorum laudibus et testificatione studiorum perstreperent ordines, statim positae mensae sunt, donativumque distributum, et fortissimo cuique, praetextu quaesito, superaddita munera: hoc servato ordine, ut, simul atque adcepissent aliqui, Doriscum praemitterentur, quem ad locum postremo imperatores ipsi cum modico comitatu se contulerunt.

*Aquilas  
prosequun-  
tur agmen  
Bruti et  
Cassii.*

XXVI. In hoc itinere rem adcidisse memorabilem ferunt, magnaque omnium alacritate celebratam. Quum primarum legionum signa efferrentur castris, duae aquilae ex alto demissae totidem argenteas aquilas insederunt, protegentes alis, et volatu sequentes agmen: permanseruntque multos dies, jussu imperatorum publice altae. Bidui deinde itinere sinu Melane circum-ito, Aenum, atque inde Doriscum pervenerunt, lo-

Cap. XXVI. Plut. et Appian. Appian. Herodot. l. 7.

cum a Xerxe, qui copias ibi suas agminatim recensuit, nobilem. inde secundum litus ad Serrheum usque promontorium progressi, deflexerunt in mediterranea, obiter domitis, qui forte priore Bruti expeditione intacti evaserant. Neque vero quisquam abnuebat parere potentibus et lenissimis viris, quum etiam Cassius naturam suam ita coërceret, ut vel Bruti clementiam vincere videretur. U. c. 710.  
A. C. 42.

XXVII. Inter haec oram legere Tullius Cimber cum classe, quae legionem unam atque sagittarios vehebat, jussus, adpellebat frequenter, et castris idonea loca designabat, antequam cum Cassio et Bruto moles belli tota sequeretur. Nec prohiberi a Julianis poterat. quippe magna pars litoris, quamquam fertili humo praedita, propter praeternavigantium injurias, jam ab antiquissimis temporibus deserta fuerat. deinde, Chalcidensium frequentata coloniis, quum agricultura et commercii plurimum effloruisset, excisa per Philippum Olyntho, ita redierat ad pristinam vallitatem, ut vix fanorum adhuc vestigia conspicerentur. Igitur Norbanus, qui Sapaeorum fauces insederat, jam ad mare, Thracium pervenisse hostem videns, Saxam a Turpiliis excitavit propere, ut junctis viribus hostium conatui resisterent. Ita Brutus, felici strategemate usus, relictas discessu Saxae angustias intravit. *Tullius  
Cimber Ju-  
lianos sus-  
pensos ha-  
bet.*

XXVIII. Sed nihilominus oclusum erat iter, Julianis ducibus Sapaeorum montes tanto acrius custodientibus, quanto spes extremae majori cura retinentur. Jamque subibat Cassianos poenitentia, quod non a principio longiorem viam delegissent: neque multum aberat, quin relegerent vestigia sua, quamquam sua et anni tempora tantam moram non paterentur. Sed iterum peritus locorum Rhascupolis remedium rebus desperatis adtulit, *montana Sapaeorum triduo circumiri posse, docens, inviis quidem ob asperitatem et aquarum inopiam locis, sed superabilibus, dummodo portare aquam et viam munire non pigeat. laboris enim alicujus tantummodo, periculi quidem nullius negotium fore. superventurosque necopinantibus, quando propter densitatem arborum evadere possint vix avibus conspiciendi. quarta die pervenuros ad fluvium, Harpeffum nomine, qui in Hebrum incidit. inde unius diei iter restare Philippo.* *Rhascupo-  
lidis consi-  
lium.*

Cap. XXVI. Appian. Plut. Vell. 2, 69. Cap. XXVII. Appian. Cap. XXVIII. Dio. Appian,



U. c. 710.  
A. C. 42.  
*Iter laboriosum.*

XXIX. Placuit haec sententia, non modo longioris morae taedio, sed etiam spe grandis utilitatis, si tantas hostium copias occupare improvisi potuissent. Rhascupolidi L. Bibulus adjungitur, Bruti privignus, qui rerum harum commentarium edidit: datisque munitoribus, et praesidio armatorum, praemittuntur. Et tribus quidem continuis diebus, quamquam maximum inter laborem, strenue pergebatur, adensa militum alacritate, quod praemissi quidam, se fluvium ex praeculta specula vidisse, renunciabant. Sed quarto die, quum et aqua deficeret, et fluvius necdum adpareret, prodicionem rati, Rhascupolidem obequitantem hortantemque conviciis et saxis petere coeperunt, sortem suam moestis vocibus miserantes. At, Bibulo rogante, *durarent potius, et bonis cum ominibus, quod superesset laboris, paragerent*, receperunt animos, et circa vesperam diei primum agmen ad amnem pervenit, statimque prae gaudio sustulit clamorem; qui, exceptus a proximis transditusque, universas, quae aderant, copias momento percucurrit. Brutus etiam atque Cassius, re cognita, per munitam ante viam cito agmine inceserunt.

*Rhasci solertia.*

XXX. Nec tamen opprimere Julianos datum: quos eodem periculo, quo Thracis unius astu irretiti erant, alterius solertia explicavit. Rhascus, frater Rhascupolidis, ex insolito clamore id, quod erat, suspicatus, exploratum iit. miratusque saltum vix feris pervium signa militaria perrupisse, rem omnem Norbano indicavit. Ille, quum nihil factum esset propius, quam ut opprimeretur, per silentium noctis se recipere Amphipolim instituit. Brutus Cassiusque Philippos profecti sunt: eodemque et Cimber Tullius, et omnes aliae copiae, quas ab exercitu variae occupationes abstraxerant, convenerunt.

*Philipporum in Thracia situs.*

XXXI. Et, quo melius noscatur locus, ubi Romana libertas ad extremum elisa est, Philippos vetus aetas *Datum* appellavit, felix agro, felix auri metallis oppidum, et eapropter proverbio celebratum. idem a multitudine fontium *Crenides* vocabatur: quum, a Philippo Amyntae filio frequentatum habitatoribus, ab hoc, tamquam novo conditore, recens nomen adce-

Cap. XXIX. Plut. Brut. c. 18. Appian. Plut. Brut. c. 54.  
Cap. XXX. Dio. Appian. Plut. Appian. Cap. XXXI. Strabo, Fragm. l. 7. Suidas. Appian.

pit. Siti sunt in colle Philippi, totumque id spatium, quod in summo panditur, occupant, praeruptis circa atque inaccessis omnibus. A septentrione saltus adjacent, per quos Cassianos Rhascupolis duxit: a meridie palus, deinde mare praecingit. Versus orientem Sapaeorum Turpilorumque angustiae claudunt: at occidentale latus patentes campos prospicit, qui ad Murcinum Drabiscumque, et fluvium Strymona, per quatuor et quadraginta millia passuum declivi planitie funduntur, amoenitate et fertilitate tam insignes, ut fecerint fabulis locum. Nam et huic regioni raptus adscribitur Proserpinae, trahiturque in argumentum Zygactes amnis, inde scilicet adeptus nomen, quod in trajectu ejus, jugo disrupto, fractus raptoris currus fuerit. Hi sunt Philippi, ubi M. Brutus atque C. Cassius victi sunt: longissimo dirempti intervallo a Philippis Thessaliae, quos cum his Thracicis scriptores quidam mira securitate confuderunt. Prope eosdem Philippos alius quoque tumulus est, a Libero patre adpellatus, in quo sunt aurariae fodinae. *Aphyla* vocantur.

U. c. 710.  
A. C. 42.

XXXII. Sed ad passuum ferme duo millia ducentos a Philippis procedenti duo alii colles occurrunt, invicem mille passibus discreti, ubi castra diversi posuerunt, Cassius in meridiem, Brutus in septentriones spectantem tumulum vallo occupantes. Nec ultra cedentem cum Julianis Norbanum insequuti, Antonium locis opportunissimis opperiri constituerunt. Namque, Caesare valetudinis causa Dyrrhachii relicto, mira celeritate advolare Antonius dicebatur: nec optari situs commodior Cassianis poterat. sive enim proelio cupe-  
*Cassianis perquam opportunus.*  
rent congredi, patentes campi suberant: sive castris se tenere, locis munitionibusque defendebantur. Colles ipsi difficiles adscensu erant: et ab altero latere paludibus, ab altero imperviis inaccessisque faucibus cingebantur. Medium inter utrosque spatium necessario transeundum erat Asiam ex Europa petentibus: quod propter exiguitatem claudi velut porta quadam poterat. Nec omiserunt Cassiani; sed, transversum murum fossamque ducentes a vallo ad vallum, relictis in medio portis, ita conjunxerant castra, ut communibus

Cap. XXXI. Diodor. l. 16. Appian. Lipsius ad Vell. 2, 70. Ruæus ad Virg. Georg. 1, 490. Cap. XXXII. Appian. Dio. Plut. Appian. Joseph. Antiq. 14, 22. Dio. Appian.

U. c. 710. munimentis defensa pro iisdem essent; et tamen, ad  
 A. C. 42. continendos facilius in officio milites, modico spatio  
 disjungerentur. Suberat amnis Ganga sive Gangites,  
 qui in Strymonem influit, et a tergo mare, magnam  
 ad omnia utilitatem conferens. Nam et Thasus eis  
 erat pro horreo, ad duodecim millia passuum distans  
 insula, et nonum intra milliare Neapolis securam sta-  
 tionem navibus exhibebat.

*Antonia ve-  
 hementer in-  
 commodus.*

XXXIII. Antonius interea, festinanter ducto exer-  
 citu, ne Amphipolis sibi praeeriperetur, ut hanc a Nor-  
 bano retentam atque etiam communitam vidit, magno-  
 pere gavisus, impedimenta ibi deposuit, Pinario cum  
 una legione relicto ad custodiam. Ipse, magna auda-  
 cia progressus, prius ferme, quam adesse crederetur,  
 castra planis locis posuit, uno tantum milliari discre-  
 tus. Tum vero adparuit, quanto potiora omnia et  
 commodiora Cassianis essent. castra habebant superio-  
 ribus locis, Antonius in plano: ex montibus suppete-  
 bant illis ligna, huic petenda ex palustribus locis erant:  
 illis fluvius praebebat aquationem, hic puteos curabat  
 effodiendos. illis a propinqua Thaso subvehebatur com-  
 meatus, huic arcessendus erat Amphipoli. Ceterum ni-  
 hil erat in praesentia melius, quum opportuna loca ho-  
 stes praecepissent, colles alii nulli superessent, reli-  
 qua planities depressior, exundante nonnumquam flu-  
 vio, stagnaret. Audaciam tamen interpretati Brutus  
 atque Cassius, quod potius necessitas fuerat, castella  
 plurima excitarunt, valloque et fossa et muris circum-  
 dederunt. Cassius etiam eo spatio, quod a castris ad  
 lacum pertinebat, propter angustias neglectum prius,  
 murum opposuit; ut jam latera tantum, quae a meri-  
 die lacu, et lacum excipiente mari, ad occasum aspe-  
 ris rupibus tegebantur, muro carerent: media loca  
 quaquaversum diligentissime permunita conspicerentur.

XXXIV. Interea parvis certaminibus, equitum prae-  
 cipue, vires invicem experiebantur. Sed, ubi Anto-  
 nius, frumentatoribus hostium insidiatus, offendit,  
 Cassiani ferociores evaserunt. Sed suis partibus con-  
 tinuo animum reddidit decimo post Antonium die ad-  
 vectus Caesar, quippe veritus utrumque casum, ne  
 aut vinceretur, se absente, Antonius, aut vinceret;  
 quamquam adhuc parum firma valetudine, festinaverat.

Cap. XXXIII. Plut. Appian. Cap. XXXIV, Dio. Plut.  
 Dio. Plut. Dio, Appian.

Deductus igitur in aciem exercitus est, animatus praesentia circumvehentis lectica ordines, hortantisque. Contra Brutus et ipse instruxit suos, sed degressi in aequum noluit, proelium vitare cupiens, quod sperabat inopia debellari hostes posse. Nam neque frumentum ex Aegypto coëmi poterat, quae tum ipsa laborabat fame; neque ex Hispania aut Africa subvehi Pompejus, nec ex Italia Murcus cum Ahenobarbo sinebant: solae restabant Macedonia et Thessalia, non in longum suffecturae tantis exercitibus. Itaque Juliani quoque reduxerunt copias; et, quia diversis castris divelli intutum, tam vicino hoste, judicabant, tres exercitus in unis simul habuerunt.

U. c. 710.  
A. C. 42.

XXXV. Sub idem tempus in Africa quoque civili bello Romana arma concurrerunt. T. Sextius, Numidiam obtinens, decedere Q. Cornificium vetere provincia jusserat, ex divisione triumvirorum omnem Africam Caesari deberi dictitans. contra senatus auctoritatem Cornificius obtendere. et erat exercitu instructior. Injuria tamen a Sextio coepit: qui, cunctatione adversariorum excitatus, Adrumetum et alias nonnullas urbes subita irruptione occupavit. Idem insomnio prodigioque factus erat animosior. nam per quietem erat imaginatus audire taurum, humana voce indicantem, corpus suum in oppido Tuca defossam esse; inde caput avulsum si pertica circumferat Sextius, victoriae compotem fore. estque repertum loco significato cadaver. Sed et bovem loquantem tradunt, insistere jubentem proposito. Ceterum his praesagiis et successu rerum fidentem Ventidius, Cornificii quaestor, inopinato adortus fudit, magnaque parte exercitus amissa, recipere se in Numidiam coëgit.

*Civile bellum in Africa T. Sextii contra Q. Cornificium.*

Cap. XXXIV. Dio. Cap. XXXV. Liv. Epit. Appian. Civil. l. 4. et Dio. l. 48.

# EPITOME

## LIBRI CENTESIMI VIGESIMI QUARTI.

*C. Caesar et Antonius apud Philippos vario eventu adversus Brutum et Cassium pugnaverunt, ita ut*

*C. Caesar et Antonius*] Caesaris praenomen omittitur in Voss. et Boend. Similiter in initio Epit. 125. 126. Quod probandum, vel etiam Antonio suum addendum videbitur illis, qui, alterius praenomine memorato, alterius non omittendum judicant. Vide ad 4, 49, 1. Id tamen necesse non esse, patet ex illis, quae notantur ad Epit. 28. *Mox adversus Brutum* Leid. Voss. Berg. Lov. 2. Boend. et ed. Camp. Vide ad Epit. 57. Voces insuper *et Cassium* perperam omiserunt Doujatius, Clericus, et Crevierius.

*Ita ut utriusque dextra cornua vincerent*] vel *utriusque aciei*, vel *utrorumque*, vel *utrimque*. J. FR. GRON. *ut dextra utriusque cornua* Leid. Voss. Berg. Lov. 2. Boend. et ed. Camp. quomodo etiam Gronovius edidit. *ut dextra utrimque cornua* Clericus ex Gronovii conjectura admisit. Dein *vicerint* Exc. Pithoei, Norv. et edd. vett. pro quo Gruterus substituit *vincerent*, quod probant Leid. et Lov. 2. Proxime accedunt Voss. Berg. Boend. et ed. Camp. *vincerentur* praeferentes errore libriorum. Vide ad 39, 22, 8. Id enim admitti non posse, evincunt App. Alex. 4. Civ. 654. et Plut. Brut. 1007. qui, dicendo Brutum sinistrum hostium cornu in fugam coniecisse, indicant dextrum Bruti cornu vicisse.

*Inaequalem fortunam partium mors Cassii fecit*] Vocem *partium* neglexit librarius Boend. Deinde *mors quidem Cassii* Norv. et priscæ edd. Sed mediam vocem omisit Sigonius, probantibus omnibus scriptis meis, et ed. Camp. Vide ad Epit. 55. *Mox quum in cornu* Voss. *quum eo cornu* Boend. et ed. Camp. Tum *mortem* conscivit, omissa voce *sibi*, Voss.

*Altero deinde proelio victus*] *Altero deinde victus* Leid. Berg. Lov. 2. et Exc. Pithoei. *Alter deinde victus* Voss. Boend. et ed. Campani. Mox *Tò Stratone* exsulat perperam a Leid. Eum enim pariter memorant App. Alex. 4. Civ. 666. et Plut. in Brut. 1009.

*Ut sibi gladium adjiceret*] Uterque Pall. *adiceret*: quod aequè notat *adigere*, quam *adjicere*. Et vero *adigere* hic magis convenire videtur. Quaere tamen, an *adigere* alicui dici queat. GRUT. Lege *adigeret*. Justin. lib. 1, [9.] *Vel per suum corpus adigi mago ferrum jussit*. J. FR. GRON. Vulgatum superest in Leid. Voss. Berg. Boend. et Norv. *addiceret* in ed. Campani. *adiceret* in Lov. 2. *adigeret* in Exc. Pithoei, teste Hearnio. Ovid. 5. Met. 78.

— — *surgentibus obstitit ensis,*

*dextra utriusque cornua vincerent, et castra quoque utrimque ab iis, qui vicerant, expugnarentur. Sed inaequalem fortunam partium mors Cassii fecit: qui, quum in eo cornu fuisset, quod pulsum erat, totum exercitum fusum ratus, mortem sibi conscivit. Altero deinde proelio victus M. Brutus et ipse vitam finivit, exorato Stratone fugae comite, ut sibi gla-*

*Alterius costis jugulo Phorbantis adactus.*

11. Met. 325.

— — *ferrataque collo*

*Fraxinus, ut casu jacuit resupinus, adacta est.*

Val. Max. 3, 2, 13. *Quinque militum diurno proelio sufficientia pila una dextra hostium corporibus adegisti. Ubi Doctiff. Torren. in multis codd. adjecisti invenit; sed vulgatum praefert, et hoc loco adscripto inlustravit. Similiter commutantur verba subigere et subjicere. Vide ad Epit. 118. transigere et transjicere. Vide ad Sili 1, 642.*

*Annorum erat circiter aetatis quadraginta.] Locum hunc mancum esse, semper suspicatus sum: nec me fefellit opinio, ubi et veteres libros et hujus historiae scriptores conferre coepi. In vet. lib. ita est: adjiceret, annorum circiter XL. ita ut duae voces absint erat et aetatis. Hinc ego: Idemque fecerunt principum Romanorum circiter XL. Inter quos Q. Hortensius occisus est. Qui enim cum Bruto mortem oppetierunt, tradit; quorum alios sibimet, ut Brutus fecerat, necem conscivisse ait; alios autem, ut Hortensium, ab inimicis esse interfectos. Hanc rem sic Vellej. lib. 2, [71.] Non aliud bellum cruentius caede clarissimorum virorum fuit.*

*Tum Catonis filius cecidit. Eadem Lucullum Hortensiumque, eminentissimorum civium filios, fortuna abstulit. Nam Varro, ad ludibrium moriturus Antonii, digna illo, ac vera de exercitu ejus magna cum libertate ominatus est. Drusus Livius, Juliae Augustae pater, et Varus Quintilius, ne tentata quidem hostis misericordia, alter sese ipse in tabernaculo interemit, Varus autem liberti, quem id facere coegerat, manu jugulatus est. Item Dio multo apertius lib. 47, [356.] Τῶν δ' ἀνδρῶν τῶν πρώτων τῶν ἀρχαῖς τινὰς σχόντων ἢ καὶ ἐκ τῶν σφαγέων, τῶν τε ἐπικληρυγμένων ἐτι ὄντων, οἱ μὲν πλείους ταυτοὺς παραχρημα ἀπέκτειναν, ἢ ἀλόντες, ὥσπερ ὁ Φαβώνιος, ἐφθάρησαν. id est: Ex principibus autem viris, quique magistratus aliquos gesserant, plerique sibimet ipsis statim mortem consciverunt, aut capti, ut Favonius, interfecti sunt. SIGON. Vet. lib. circiter sexaginta. DELR. annorum erat aetatis circiter XL Leid. Boend. et ed. Camp. annorum erat aetatis quadraginta Voss. annorum erat circiter quadraginta Lov. 2. annorum circiter quadraginta Berg. quam lectionem ultima Gruteri ed. recepit, quum Sigonius conjecturae suae locum in contextu dedisset: cujus exemplum Doujatius et Cle-*

•dium adigeret, annorum circiter quadraginta, inter quos Q. Hortensius occisus est.

ricus secuti sunt. At recte Crev-  
vicius, locum mutilum esse con-  
fessus, praestare iudicavit, man-  
cam et hiulcam orationem exhi-  
bere, quam eam, quae specie  
falsae sanitatis imponeret. Hear-

nus auctor est, Exc. Pithoei  
praeferre: *idemque fecerunt  
principum Romanorum circi-  
ter XL. inter quos Q. Horten-  
sius erat.*

# JOHANNIS FREINSHEMII

## SUPPLEMENTORUM LIVIANORUM LIBER LXXXIX.

### IN LOCUM LIBRI CXXIV. T. LIVII.

I. Dum haec in Africa minores inter duces ultro citroque fiunt, ad Philippos, ubi de summa rerum certabatur, paullatim ad universi proelii aleam adcesum est. Neque enim desinebant Caesar ac Antonius provocare hostem, fidentes viribus, et non de comeatu tantum solliciti, sed etiam, ne per absentiam suam Pompejus, Italia recepta, in Macedoniam transiret. Contra Cassius ac Brutus, utrisque in partibus cives stare cogitando, parcere his pro instituti sui humanitate cupiebant, et sine sanguine victoriam consequi. nec enim exercitui suo diffidebant, qui minor quidem erat hostili, sed egregie perarmatus, auroque et argento plurimo nitens. Quippe Brutus, et ipse amator, et ducibus suis auctor frugalitatis in ceteris rebus, hac elegantia et pretio militum acui animos rebatur, ut, non tamquam arma, sed etiam opes suas, diligentius tuerentur. Et sane non deerat his copiis alacritas; sed et ideo, quia plerique ex provinciis lecti milites erant, pugnare cupiebant, quo citius domos remitterentur: et hostes adeo contemnere coeperant, ut sufflaminari impetus eorum ultra nequiret. Quippe tum timiditatem, tum etiam inopiam Julianorum clarissimis indiciis deprehendisse videbantur; quod illi copias intra vallum lustraverant, et militibus ad sacrificium paullulum frumenti cum denariis quinque diviserant. At Cassius et Brutus, ut sordes hostium traderent, lustratione exercitus in patentibus campis instituta, victimarum uberem copiam per manipulos, et denarios viritim quinquaginta distribuerant.

U. c. 710.

A. C. 42.

*Partium  
ad Philippos  
consilia.*

Cap. I. Dio, l. 47. Appian. Civil. l. 4. Plut. Bruto. Dio.  
Plut.



U. c. 710.  
A. C. 42.  
*Omina et  
prodigia an-  
te Philippi  
pugnam.*

II. Eo tempore saevum omen oblatum Cassio ferunt. nam inter lustrandum lictor perversis fascibus lauream imposuit. Alia quoque circum illa tempora sunt adnotata multa prodigia. Puer in pompa, Victoriae cultu adornatus, ferculo decedit. Ferales aves, et cadaveribus vesci solitae, supra castra gregatim, ut alii volunt cum horrendo stridore, ut Appianus tristi silentio, consederunt, quum inter Julianos nullae conspicerentur. examina vero apum continue sunt deprehensa in Cassii castris: idque adeo dirum ostentum habitum, ut haruspiciis monitu, vallo interius ducto, locus intercluderetur. et pridie, quam pugnatum est, duae, quae hactenus exercitum comitatae fuerant, aquilae avolaverunt: sequentique nocte spectrum idem se obtulit Bruto, quod trajiciens ex Asia viderat.

*Mula parit.* III. Sed et Romae sub idem tempus adparuerunt multa, ut creditum est, praesagia futurorum. Sol aliquando minima magnitudine, nonnumquam maxima se ostendit, quin et noctu sic effulsit, ut, tamquam die orto, ad opus surgeretur. Monstrum biforme, cujus anteriores partes equum, posteriores mulum referrent, mula peperit. de coelo pleraque tacta sunt, et inter haec ara Jovis Victoris. faces in coelo visae: auditus clangor tubarum, et strepitus armorum, et clamor exercituum, ex Caesaris et Antonii hortis. canem aeditui mortuam canis ad Cereris templum traxit, effosque pedibus humo, tamquam in sepulcro condidit. infans cum denis in utraque manu digitis natus est. In Mutinensi agro Victoriae Marianae signum, meridiem spectans, sua sponte conversum in septentrionem hora quarta. Currus Minervae, quum post decursionem equitum in Capitolium reduceretur, contractus est. Quum haec victimis expiarentur, soles tres circiter hora tertia diei visi, mox in unum orbem contracti. Latinis, quum et tempore alieno, et a praefecto urbis, cujus ad curam ea res minime pertinebat, in Albano monte sacrificaretur, ex humero ac pollice Jovis dextro cruor manavit. Fluvii quidam in agro Romano defecerunt, alii fluxerunt in contrarium. Aediles plebis ludis Cereris, quos equestribus celebrari cursibus oportebat, gladiatores exhibuerunt.

Cap. II. Jul. Obseq. Plut. Dio. Appian. p. 668. Jul. Obseq. Dio. Flor. 4, 7. Dio. Appian. Jul. Obseq. Dio. et Plut. Plut. Cap. III. Dio. Jul. Obseq. Plin. 2, 31. Jul. Obseq. Dio. Jul. Obseq.

IV. Haec ab hominibus habita sunt evertendi status popularis indicia: quae referri, quam praetermitti tradita, satius puto. ne enim ad vanam superstitionem animos illiciant, non silentio, sed commemoratione, potius obtineas, modo, quid eis de rebus teneri rectius sit, ostenderis. Nec enim tacendo, ut alii quoque obmutescant, effeceris: et praestat haec ab his narrari, qui talibus non plus iusto tribuere didicerunt. Nam et sic narrata cum remedio innoxia intrant animos, et saepius lecta, si forte iterum inciderint, ipsa consuetudine levius timentur. Sed in Caesaris castris auspicia extaque laeta erant, ipsique per quietem Caesar pater praedixisse prosperam pugnam fertur, admonito, ut aliquam rem adsumeret ex iis, quas dictator ipse gestavisset. Igitur annulum ejus induit statim, eoque postea quoque frequenter est usus. Sed et medicus ejus Artorius imaginatus est, a Minerva sibi praecipere, ut Caesarem, licet invalidum adhuc, educeret castris, et in acie collocaret. eaque res, non spreta ab adolescente, salubriter ei cessit, ut postea memorabimus.

U. c. 710.  
A. C. 43.  
*Cur haec  
tam multa  
prodigia re-  
feruntur.*

V. Interea Cassius, terrore prodigiorum nonnihil dejectos militum animos cernens, magis magisque ducendi belli auctor existeret. Contra, qui apud Brutum erant, levibus equitum proeliis, quae prospere cesserant, elati, nisi cito de summa rerum dimicaretur, alium alio abituros mimitabantur. Pars enim horum multo minima Itali erant: ceteri domos quisque suas, quas in pacatis adhuc provinciis reliquerant, respiciebant. Erat et ipse Brutus ad periclitandam fortunam propensior, quo maturrime vel restitueret rempublicam, vel orbem terrarum molestiis atque bellis levaret. Adceperunt transfugia nonnullorum ad hostes, et hinc etiam de aliis suspensiones et crimina: quibus moti in consilio multi amicorum Cassii, damnata cunctatione, Bruti consilium praetulerunt. At unus ex cohorte Bruti Atilius hiemem expectandam censebat: caussamque rogatus, *Si nihil*, inquit, *aliud, tanto vivam diutius*. Ea vox mirifice displicuit Cassio ceterisque: decursumque eo est, ut posterum in diem pugna ediceretur. Eam alacri Brutus animo, multa

*Brutus pu-  
gnandum  
censet, et  
obtinet con-  
tra senten-  
tiam Cassii.*

Cap. IV. Flor. 4, 7. Dio. Sueton. Aug. 96. Dio. Vell. 2, 70. Flor. Dio. Oros. 6, 18. Appian. p. 653. Cap. V. Plin. 7, 45. Sueton. Aug. 91. Plut. Bruto, et Anton. Plut. Bruto. Dio. Plut.

U. c. 710. super coena pro sapiente differens, expectabat. Cassius solito triflorior, comprehensa Messallae dextra; *Te, inquit, Messalla, restor, Magni Pompeji fero me urgeri, ut de salute patriae uno proelio decernam. Est tamen in Fortuna nonnihil spei, quae interdum male consultis corrigit.* Simul invitavit Messallam ad coenam sequentis diei, quem celebraturus erat natalem.

*Antonii opus ad prohibendos hostium commentus.*

VI. Dum his in castris haec geruntur, Antonius, omnia volvens animo, ut ad proelium eliceret hostes, insanum opus moliri coepit, munita per paludes via subvectionem a Thaso commeatuum impediendi. Igitur, structa, uti saepe consueverat, acie, clam inde subductis cohortibus, dies noctesque summo silentio urgebat inceptum. arundine detecta jactebatur agger, et, ne dilaberetur in lubrica voragine humus, utrimque includebatur macerie: ubi profundior erat palus, vallum injiciebatur, et pontes sternebantur. neque conspici ab hoste munientes poterant, quippe relictis ab omni parte circa viam arundinetis protegebantur. decem diebus hoc perfectum opus est: inde per noctem expeditas cohortes transcurrere, et, occupatis ulterioribus locis, excitari crebra castra iussit.

*Cassius et Brutus signum pugnae dant.*

VII. Sequutus est dies, in quem pugnare Cassius atque Brutus constituerant. Idcirco prima luce puniceo sagulo proposito admoniti sunt milites: et medio inter utraque castra spatio congressi imperatores supremum salutarunt invicem, communiterque decreto, *vincendum esse, aut, si proelium improspere cessisset, sponte exiendum visum*, ad sua munia diversi perrexerunt. At Cassius, viso Antonii conatu, audaciam hostium et vafritiem stupens, abscindere cohortes hostium a majoribus castris instituit, transversim per paludes aggerem ducendo, ut, intercisa via Antoniana, neo se recipere cohortes, nec accipere auxilia a suis possent.

*Proelium committitur.*

VIII. His animadversis, sub meridiem Antonius eduxit aciem, et, ad interrompendum Cassii opus, praeter castra Bruti subire suos obliquo cursu iussit. At Bruti milites, *id vero indignum esse*, conclamant, *si praeter ora sua tam contemptim transcurreret hostis.* Non expectato cujusquam ducis imperio prorumpitur. caeduntur Antonianorum multi: victores impetus ad alteram

Cap. VI. Appian. Plut. Appian. Cap. VII. Plut. Flor. Plut. Appian. Cap. VIII. Plut. Appian.

ram aciem, quam Caesar opposuerat, perfert. Sini-  
strum id hostium cornu erat: id quoque circumiit cum  
legione sua Messalla, sequentibus, quae juxta erant  
collocatae: paucisque ejus et extremis ordinibus dis-  
jectis, in castra Caesaris penetratur. magna ibi caedes  
facta eorum, qui deprehensi in castris erant. inter ce-  
teros duo millia occisa Spartanorum, qui recens domo  
advenerant. Ipse Caesar, Artorii rogatu paullo ante  
castris elatus, evitavit certam perniciem, licet sum-  
mo discrimine ac molestia. nam et vacua lectica ejus  
pilis atque jaculis transfossa est; et ipse triduo in pa-  
ludae aegrotus, et, ut Agrippa Maecenasque fatentur,  
aqua sup̄ cutem fusa turgidus latuit, donec ad An-  
tonii cornu fuga perveniret. Interim et Brutus cum  
ceteris copiis perruperat Caesaris aciem: stratisque  
tribus legionibus, et totidem aquilis captis, cum fu-  
gientibus in castra hostium inciderat.

U. c. 710.

A. C. 42.

IX. Mira eo die facies rerum fuit, quum fortuna *Ambigua*  
magis omnia, quam aut virtute aut consilio, regeren- *victoria.*  
tur. Itaque nec scriptoribus satis inter se convenit:  
neque explicari propemodum res tota potest; nisi  
quod hinc Caesaris exercitus, inde Cassii caesus fu-  
gatusque est, interfectis Cassianorum octo millibus,  
connumeratis et servis armatis, quos Brigas vocabat  
Brutus, et Caesarianorum millibus sedecim. castra  
quoque utrimque capta sunt: quum neque Caesar,  
quod certum est, neque, ut a multis est creditum, An-  
tonius, pugnae adfuissent. Sed Antoniani, disjecto  
Cassii opere, caesoque, quod aderat, praesidio, sub-  
missas etiam auxilio copias statim pepulerunt, equiti-  
bus contento cursu ad mare fugientibus. nec pedites  
retineri potuerunt, quamquam omnia faciente Cassio,  
qui et ereptum fugienti signifero signum ante pedes  
humi defixerat. Interim ad castra ipsa contenderunt  
hostes, quotquot objectum a Cassianis opus perrupe-  
rant: eaque res animadversa ceterorum adhuc extra  
castra pugnantium pavorem fugamque auxit.

X. Ita Cassius, vix praetoria cohorte retenta, se *Cassii exi-*  
recepit in collem Philipporum, unde prospectus in *tialis error.*  
circumjecta patebat. Sed magnitudo pulveris, et nox

Cap. VIII. Plut. Vell. 2, 70. Dio. Appian. Plut. Vell. Dio.  
Appian. Flor. Plut. Plin. 7, 45. Sueton. Aug. 13. Plut. Cap.  
IX. Appian. Plut. Appian. Plut. Bruto. et Anton. Flor. Ap-  
pian. Plut. Bruto. Appian. Cap. X. Plut. Dio. Flor. Oros.  
Appian.

Supplem. Liv. Tom. XIV.

E e

U. c. 710. super coena pro sapiente differens, expectabat. Cassius solito trifidior, comprehensa Messallae dextra; *Te, inquit, Messalla, testor, Magni Pompeji fato me urgeri, ut de salute patriae uno proelio decernam. Est tamen in Fortuna nonnihil spei, quae interdum male consultis corrigit.* Simul invitavit Messallam ad coenam sequentis diei, quem celebraturus erat natalem.

*Antonii opus ad prohibendos hostium commentus.*

VI. Dum his in castris haec geruntur, Antonius, omnia volvens animo, ut ad proelium eliceret hostes, insanum opus moliri coepit, munita per paludes via subvectionem a Thaso commeatuum impediendi. Igitur, structa, uti saepe consueverat, acie, clam inde subductis cohortibus, dies noctesque summo silentio urgebat inceptum. arundine detecta jaciebatur agger, et, ne dilaberetur in lubrica voragine humus, utrimque includebatur macerie: ubi profundior erat palus, vallum injiciebatur, et pontes sternebantur. neque conspici ab hoste munientes poterant, quippe relictis ab omni parte circa viam arundinetis protegebantur. decem diebus hoc perfectum opus est: inde per noctem expeditas cohortes transcurrere, et, occupatis ulterioribus locis, excitari crebra castra iussit.

*Cassius et Brutus pugnam dant.*

VII. Sequutus est dies, in quem pugnare Cassius atque Brutus constituerant. Idcirco prima luce puniceo sagulo proposito admoniti sunt milites: et medio inter utraque castra spatio congressi imperatores supremum salutarum invicem, communiterque decreto, vincendum esse, aut, si proelium improspere cessisset, sponie exuendum vitam, ad sua munia diversi perrexerunt. At Cassius, viso Antonii conatu, audaciam hostium et vafritiem stupens, abscindere cohortes hostium a majoribus castris instituit, transversim per paludes aggerem ducendo, ut, intercisa via Antoniana, neo se recipere cohortes, nec accipere auxilia a suis possent.

*Proelium committitur.*

VIII. His animadversis, sub meridiem Antonius eduxit aciem, et, ad interrumpendum Cassii opus, praeter castra Bruti subire suos obliquo cursu iussit. At Bruti milites, id vero indignum esse, conclamant, si praeter ora sua tam contemptum transcurreret hostis. Non expectato cujusquam ducis imperio prorumpitur. caeduntur Antonianorum multi: victores impetus ad alteram

Cap. VI. Appian. Plut. Appian. Cap. VII. Plut. Flor. Plut. Appian. Cap. VIII. Plut. Appian.

ram aciem, quam Caesar opposuerat, perfert. Sinistrum id hostium cornu erat: id quoque circumiit cum legione sua Messalla, sequentibus, quae juxta erant collocatae: paucisque ejus et extremis ordinibus disjectis, in castra Caesaris penetratur. magna ibi caedes facta eorum, qui deprehensi in castris erant. inter ceteros duo millia occisa Spartanorum, qui recens domo advenerant. Ipse Caesar, Artorii rogatu paullo ante castris elatus, evitavit certam perniciem, licet summo discrimine ac molestia. nam et vacua lectica ejus pilis atque jaculis transfossa est; et ipse triduo in palude aegrotus, et, ut Agrippa Maecenasque fatentur, aqua sup̄ cutem fusa turgidus latuit, donec ad Antonii cornu fuga perveniret. Interim et Brutus cum ceteris copiis perruperat Caesaris aciem: stratisque tribus legionibus, et totidem aquilis captis, cum fugientibus in castra hostium inciderat.

U. c. 710.  
A. C. 42.

IX. Mira eo die facies rerum fuit, quum fortuna *Ambigua victoria.* magis omnia, quam aut virtute aut consilio, regerentur. Itaque nec scriptoribus satis inter se convenit: neque explicari propemodum res tota potest; nisi quod hinc Caesaris exercitus, inde Cassii caesus fugatusque est, interfectis Cassianorum octo millibus, connumeratis et servis armatis, quos Brigas vocabat Brutus, et Caesarianorum millibus sedecim. castra quoque utrimque capta sunt: quum neque Caesar, quod certum est, neque, ut a multis est creditum, Antonius, pugnae adfuissent. Sed Antoniani, disjecto Cassii opere, caesoque, quod aderat, praesidio, submissas etiam auxilio copias statim pepulerunt, equitibus contento cursu ad mare fugientibus. nec pedites retineri potuerunt, quamquam omnia faciente Cassio, qui et ereptum fugienti signifero signum ante pedes humi defixerat. Interim ad castra ipsa contenderunt hostes, quotquot objectum a Cassianis opus perruperant: eaque res animadversa ceterorum adhuc extra castra pugnantium pavorem fugamque auxit.

X. Ita Cassius, vix praetoria cohorte retenta, se *Cassii exitialis error.* recepit in collem Philipporum, unde prospectus in circumjecta patebat. Sed magnitudo pulveris, et nox

Cap. VIII. Plut. Vell. 2, 70. Dio. Appian. Plut. Vell. Dio. Appian. Flor. Plut. Plin. 7, 45. Sueton. Aug. 13. Plut. Cap. IX. Appian. Plut. Appian. Plut. Bruto. et Anton. Flor. Appian. Plut. Bruto. Appian. Cap. X. Plut. Dio. Flor. Oros. Appian.

Supplem. Liv. Tom. XIV.

E e

U. c. 710. jam vicina nihil, nisi capta ab hostibus castra, sinebat  
 A. C. 42: cerni, et advolantem equitum globum. Igitur quum  
 nihil animo, praeter sui casus imaginem, concipere  
 posset, Bruto quoque victo adesse hostes putans, Ti-  
 tinnium evocatum misit cognoscendae certius rei caus-  
 sa. hunc laeto clamore exceperunt equites, nam a Bru-  
 to veniebant, circumvectique et complexi hominem,  
 perniciosus erroris occasionem Cassio prae-buerunt.  
 Atque ille, *Ergo, inquit, producenda hactenus vita fuit,*  
*ut amicum etiam captum videremus!* secessitque in tento-  
 rium quoddam vacuum cum liberto Pindaro, quem jam  
 Parthicis temporibus extremae necessitati ministrum  
 destinaverat, obvolutumque lacerna caput, praeciden-  
 dum prae-buit. Pindarus postea comparuit nusquam:  
 unde multis suspicio suborta est, vana ut puto et fu-  
 tilis, injussu Cassii patratam caedem esse. Vix decide-  
 rat Cassio caput, quum Titinnius adfuit coronatus et  
 nuncius victoriae. sed, conspecto cadavere impera-  
 toris, *Sequar, inquit, eum, quem mea occidit tarditas,* at-  
 que ita stricto gladio incubuit.

*Brutus re-  
 liquias exer-  
 citus Cassia-  
 ni colligit.*

XI. Cassio ad hunc modum emortualementem apto diem,  
 quam natalem habuerat, Brutus supervenit: multoque  
 cum fletu, *Romanorum ultimum* adpellans, tradidit ami-  
 cis, clam militibus Thasi sepeliendum, ne luctu mol-  
 lescentes animi. Mox reliquias exercitus Cassiani col-  
 legit, pronunciato in capita octo millium nummorum  
 donativo. ea res laudem ipsi magnam adtulit, cele-  
 bresque militum adclamations, solum de quatuor im-  
 peratoribus invictum victoremque praedicantium. At  
 hostium erexit animos Demetrii cujusdam adventus,  
 qui cum gladio paludamentoque Cassii, recens caeso  
 detractis, transfugerat. Igitur et hi postridie mane  
 eduxerunt aciem; et Brutus contra instruxit suos. neu-  
 tris serium pugnandi propositum aderat, sed primi  
 hostes recesserunt. igitur et Brutus abstinuit pugna,  
 contentus adversarios obtrivisse dicto, *Ergone, qui nos*  
*tamquam fessos ad pugnam provocant, conferere manus timent?*

*Julianorum  
 variae diffi-  
 cultates.*

XII. Nihil inde praetermissum a Bruto curae, quo  
 detrimentum hosti daretur. nam et nocturnam oppu-  
 gnationem castrorum ausus est, et magnam eorum par-  
 tem, immisso, qui juxta labebatur, fluvio, inundatione  
 delevit. Sita enim humili loco erant, et continui post

Cap. X. Vell. Val. Max. 9, 9. Cap. XI. Appian. Tac.  
 Ann. 4, 34. Plut. Appian. Dio. Plut. Appian. et Plut. Ap-  
 pian. Cap. XII. Dio. Appian. Plut.

proelium imbres coeno et aqua, continuo propter frigus congelante, tentoria repleverant. Ad haec com meatuum et pecuniae premebantur inopia: neque militi pro rebus amissis dare quidquam praeter verba poterant, et instans hiems majorem inferebat molestiae metum. contra spem propemodum omnem auferebant delatae a Statio copiae, quas transire Brundisio triumphi jusserant.

U. c. 710.

A. C. 42.

XIII. Eodem enim die, quo in campis Philippicis est depugnatum, classes etiam partium in Adriatico mari concurrerunt. Duas legiones, quarum altera Martia fuit, et praetoriam cohortem, ad duo armatorum millia, cum quatuor equitum alis, et alia insuper delecta multitudine, Domitius Calvinus onerariis navibus in Graeciam transportabat, triremibus prosequentibus paucis; quum se Statius Murcus, et Domitius Ahenobarbus cum centum triginta longis navibus objecerunt. Magna ibi caedes triumviralium copiarum facta. nam, praeter onerarias haud ita multas, quas longius ceteris provectas impleta vento vela eripuerant, ceterae omnes, repente cessante flatu, impune circumveniebantur. neque defendi a triremibus poterant, longe imparibus hosti propter paucitatem. Unum succurrebat periclitantibus remedium contis atque funibus jungendi naves, ne circumiri ab hostibus possent: sed emissa ab his ignita jacula dissolvere vincula cogebant, et propter metum incendii sparsim fugere, eaque ratione rursus se praebere rostratis feriendas. In ea desperatione veteranos ajunt prae nimio dolore, quod virtute potiores inulti peribant, sibi partim, antequam excitatum incendium esset, conscivisse necem; partim, insilientes in hostilia navigia, multa fecisse, qualia necessitas extrema cogit, multa passos esse. Erat immane spectaculum, videre inter marinos fluctus emicantem e navibus flammam, et semiustulatis inhaerentes carinis alios incendio corripiti; alios, hac peste vix evitata, jactari sine armamentis, sine com meatu, donec fame sitique conficerentur. Servati tamen sic etiam sunt aliqui, tabulis aut antennis adhaerentes, et ad scopulos et importuosa litora fluctibus elati. erant, qui, et quintam in diem tolerata fame, atque interim velis et funibus adesis, et lingenda pice sitim utcumque fallentes, evaderent. Lon-

*Et proellum adversum.*



U. c. 710. ge tamen plures, quum resistere nequirent tot malis,  
 A. C. 42. deditionem fecerunt: in quibus triremes fuere septemdecim, quarum omnium milites ad sacramentum Statii se transtulerunt. Calvinus, quum olim perisse crederetur, cum nave sua die quinta Brundisium reversus est.

*Quod Caesarem et Antonium valde terret.*

XIV. Hujus proelii nunciis ad Caesarem et Antonium perlatis, in magno timore versabantur. Alieno loco habebant castra, neque petere alium tuto, neque regredi in Italiam poterant: nihil, praeterquam in armis, supererat spei: festinabantque eo decurrere, priusquam mari adceptum incommodum sui pariter hostesque cognosset. Sed, ubi, frustra producta acie, proelium saepe quaesiverant, Brutusque, suis se locis tenens, arctiora eis quotidie omnia efficiebat, collem ita conjunctum Cassii castris, ut tela inde adjici possent, noctu quatuor legionibus occuparunt, muni-veruntque. inde ad passus sexcentos aliis castris collocarunt legiones decem, et ulterius quingentorum passuum intervallo iterum duas: ut ita paullatim ad mare penetrarent, et, sive in litore, sive per paludem, quomodocumque effecta via, commeatus intercluderent Bruti.

*Brutus pugnare statuit.*

XV. Brutus adversus haec tum alia moliebatur, tum castella idoneis locis frequentia opponebat. sed non erat ultra tolerabilis apud hostem fames: cujus impatiens auxiliarium Germanorum manus ad Brutum perfugit. Idcirco legio una in Achajam missa est, festinanter ad exercitum delatura, quidquid corripri posset: ceteras continuo paratas ad proelium habuerunt, quocumque tandem modo Brutum ad conserendum manus adtracturi. Sed nihil melius cessit libellis, quos clam in castra Bruti jaculabantur, transire ad se jubentes exercitum, amplissimis propositis praemiis; aut, si quid haberent virium, signis collatis decernere. Nam his artibus sollicitati Dejotari dux Amyntas, et Thraciae regulus Rhascupolis ad hostes transierunt: alii Rhascupolin abiisse domum tradiderunt. At Brutus, hoc casu aeger, pluriumque suspectans perfidiam, ad haec militum tribunorumque frequentibus querelis ad pugnandum incitatus, proelium committere statuit, haud dubie ducturus bellum, si de

Cap. XIV. Dio. Plut. Appian. Dio. Appian. Cap. XV. Dio. Appian. Dio. Plut.

maritimo proelio citius innotuisset. Erat enim rebus omnibus ad hanc rationem paratissimus: castra tuta, locupletia, salubria habebat: maria habebat in potestate, habebat provincias uberrimas, unde commeatuum, unde pecuniarum inexhausta copia suppeditaret. Sed fato quodam in vigesimum usque diem de navali proelio audierat nihil, et Clodii cujusdam indicium contemnebat, qui, capto jam pugnandi consilio, pridie quam concurrerent acies, ad eum cum hoc nuncio transfugerat.

U. c. 710.  
A. C. 42.

XVI. Cetera quoque ita conspirabant ad perniciem viri, ut nec evitare posset, nec saltem innocens mori. maxime ferocia militum angebatur; quorum pars multo maxima sub Caesare dictatore meruerat, reditura ad partes, nisi multa his, quae nollet Brutus, concederentur. Nam Antonius et Caesar totam propemodum Italiam praedae suis legionibus dabant. Igitur et ipse duas urbes claras promisit diripiendas daturum, Thessalonicam et Lacedaemonem, ob missa hostibus auxilia infestior. Aliud etiam crudele factum addit, captivos interficiendo, servos duntaxat, qui priore proelio capti erant, ne turbas darent in castris: custodiri enim nequibant propter multitudinem. Liberorum aliquammultos dimisit ultro, *civibus apud cives constare jus aequum dictitans, hosque potius, quam in castris hostium essent, captivitatis atque servitutis turpitudinem sustinuisse.* Ne plures palam ablegaret, ducum atque militum efficiebat tristitia, qui hac impunitate animos hostium, et suum periculum augeri querebantur. Occisi quin etiam sunt aliqui P. Cascae impulsu, qui, parentari Cascio suppliciiis hostium postulans, editam forte inter alias cogitationes a Bruto vocem, *quid igitur se rogarent, neque facerent ipsi, quod videretur?* pro jussu imperatoris adceperat, tanto pronius, quod in diversis castris suorum etiam plerosque interfici audiverat.

*Militi  
quaedam  
concedere  
cogitur.*

XVII. Ferunt ea quoque nocte, quae proelium antecessit, spectrum, quod transjiciens ex Asia viderat, obversatum ei esse, sed nulla voce edita. Sub proelii tempus imperator ipse subtristis, parum sibi placere, quae fierent, voce testatus, Nos, inquit, *similiter, atque Pompejus Magnus, gerimus bellum, parentes magis, quam imperantes.* quod et Cassium paullo ante dixisse

*Spectrum  
adparet  
Bruto.*

Cap. XVI. Appian. Plut. Appian. Plut. Dio. et Plut. Plut. Dio. Cap. XVII. Plut. et Appian. Appian.

U. c. 710. retulimus. Inter haec militibus, dum ad pugnam educuntur, Aethiops in porta occurrit, estque illico propter tristitiam ominis ab iratis occisus. Ad haec examen apum in prima aquila sedit: et e brachio centurionis, quamquam saepe extergeretur, pertinaciter sudavit liquor, unguentum quale fit e rosis spirans.

XVIII. Jam nona ferme diei hora erat, quum inter adversas acies aquilae duae comparuerunt, pugnantes invicem, summoque omnium silentio spectatae, donec victa, quae a Bruti castris processerat, fugit. Tum vero hostes, ingenti sublato clamore, irruperunt. Bruto consilium pugnae magis magisque displicebat, quod neque videret in exercitu, quam optabat, alacritatem, et vir quidam fortis, Camulatus nomine, praeter ipsum Brutum transvectus, ad hostes se adplicasset. Sed non erat amplius deliberationi locus. idcirco, paucis cohortatus suos, monitoque, *ne longius a munimentis discederetur, quo et receptus facilius et propinquo loco, et validior in hostes impetus ex superiore foret*, proelium conseruit.

*Brutus vincitur.*

XIX. Multa utrimque caede pugnatum constat: obstinatis utrimque animis, quum alteros fames et necessitas adcenderet, alteros pudor, ne et sumpsisse temere proelium, et ignaviter sustinuisse viderentur. Brutus cum his, quos secum habebat, sinistrum hostium cornu impulit. et, gnaviter adjuvantibus equitibus, fecisset operae pretium, ni reliquorum fuga desertus foret. Nam, qui in laevo ejus latere adsisterant, post acrem pugnam, relinquere ordines, deserere signa, postremo confessa jam fuga spargi coeperunt. Et victoria prior Bruti cladis hujus fere causa atque initium exstitit. Quippe, quos tum ille vicerat hostes, plerique occubuerant: at Cassiani, victi iidem servatique, tum quoque retinebant pristinum pavorem, eoque reliquam etiam aciem sui timoris con sternationisque complebant.

*Clavorum virorum interitus.*

XX. Ibi multi insignes viri strenue pugnando mortem mereri, quam superesse deploratae reipublicae, maluerunt. inter quos et Uticensis filius Cato, post egregiam pugnam, crebroque repetitos conflictus, dem-

Cap. XVII. Jul. Obseq. Flor. 4, 7. Appian. Plut. Cap. XVIII. Appian. Dio. Plut. Appian. Plut. Cap. XIX. Dio. Appian. Plut. Dio. Plut. Appian. Plut. Cap. XX. Appian. Plut. Bruto, et Cat. Min.

pta galea patris nomen ciens, voce simul manuque provocavit fatum. Neque dissimilis fuit exitus L. Cassii, qui fratre imperatoris erat genitus; eademque fortuna praefectum fabrum Flavium, adprime gratum Bruto, abstulit. Marcus etiam Lucullus, eminentissimi civis filius, Antonii jussu interemptus, T. Volumnio supplicii causam praebeuit. Nam is, in magna fugiendi licentia complexus amici cadaver, nimia et pertinaci lamentatione milites excivit, ut ab his ad Antonium protraheretur. ubi se professus auctorem Lucullo sumendae militiae, et juxta amicum occumbere optans, eo deductus, dextram Luculli osculatus est; et, capite, quod abscisum jacebat, ad pectus adpresso, cervicem percussori praebeuit. Alii, rebus perditis, sua aut familiarium manu quaesiverunt necem. quorum Labeo, vir egregius, legatus Bruti, pater ejus Labeonis, qui mox insigni peritia juris supra modum inclaruit, fossa in tentorio ad modum sui corporis effecta, datisque ad uxorem et liberos mandatis, fidissimum servorum circumegit libertatis causa, gladioque dato jugulum praebeuit. Eodem modo et Quintilius Varus periit, occisus a liberto, quum se insignibus honorum velasset. nam Drusus sua sibi manu conscivit necem, Liviam relinquens filiam, et nepotem ex ea Tiberium, privignum futurum Caesaris et successorem. ita res humanas fatum agit rotatque.

XXI. At victores, imperatorum monitu nec occidere fusos, nec capere curantes, hoc tantum egerunt, ut diversa in loca se recipientes clauderent, ne iterum conjungerentur. Castris prohibendi praecipua cura fuit, occupatamque cum periculo portam occluserunt incidentibus. Idcirco fuga inde ad mare versa montesque. Ibi Caesar ad castra hostium constitit, ut erupturos exciperet; Antonio ad reliqua belli profliganda properante. Sed huic potissima cura fuit, ne duces elaberentur, denuo pugnaturi. Igitur his excipiendis quaquaversum dimisit equites: inter quos Rhasci praecipua fuit opera; qui cum Thracibus suis regionum gnaris montium sinus latebrasque omnes perscrutabatur, hac et cetera diligentia fideque sua Rhascupolidis fratris salutem promeritus.

*Antonius  
duces ho-  
stium per-  
sequitur.*

Cap. XX. Vell. 2, 71. Appian. Plut. Vell. Val. Max. 4, 7. Dio. Plut. Appian. Vell. Dio, l. 48. Sueton. Tib. 5. Cap. XXI. Dio, l. 47. et Appian.

U. c. 710<sup>5</sup> XXII. Sed alia manus ita persequatur Brutum,  
A. C. 42. ut nulla alia praeda objecta diverti pateretur. Id ubi  
*Lucilius se* animadversum Lucilio Lucino est, Bruti servandi caus-  
*pro Bruto* sa sponte incessit tardius, ut a barbaris exciperetur.  
*sinis capi.* tum adduci ad Antonium magnopere contendens, eo  
quoque fefellit, ut Brutus esse putaretur, et implaca-  
bilem inimicum vitare Caesarem velle. Hoc nuncium  
ancipitem animi Antonium habuit, quemadmodum tan-  
tae dignationis famaеque virum in hac fortuna reciperet.  
sed propius facto Lucilius, *Dii vero probibessint*, inquit,  
*ut capi Brutus queat! neque etiam Fortunae in Virtutem lice-*  
*bit quidlibet. ceterum ego his deceptis en adsum, passurus quod*  
*tibi videbitur.* Quum ad haec obstupuissent equites, con-  
versus ad hos Antonius, *Non est*, inquit, *ut aegre feras*  
*hanc fraudem. nihilo minoris hanc praedam aestimo: pluris*  
*immo, quanto praestat amici, quam hostis, factum esse compo-*  
*zem.* Et Lucilium quidem suorum cuidam curandum  
tradidit: eoque vicissim fido deinde atque benevolo  
ad omnia usus est.

*Brutus in*  
*tumulum*  
*quemdam-*  
*se recipit.*

XXIII. Interea Brutus cum manu haud spernenda  
in tumulum se receperat, beneficio noctis in castra,  
vel ad mare evasurus. Eo tempore suspicientem in  
coelum sudum ac stellis fulgens exclamasse tradunt Eu-  
ripidis versu, *ut ne Jupiter effugere pateretur inultum bo-*  
*rum malorum auctorem.* Designasse Antonium creditur,  
qui tum in armis pernox, ex cadaveribus et spoliis  
vallo effecto, locum circumdederat: et Caesar, castris  
ad mediam usque noctem servatis, morbi causa dis-  
cedens, Norbanum eidem custodiae praefecerat. Pe-  
netravit tamen eo per medias stationes, cuius et in  
Catonis morte fecimus mentionem, Statilius; sublata-  
que, ut convenerat, face, salva haec esse Bruto signi-  
ficavit. sed ubi nec ille rediit, dum hoc conatur, in-  
terfectus; de morte sumenda Brutus agitans, ejus rei  
ministerium a servo suo, deinde ab armigero, post  
hoc et a P. Volumnio, qui rerum harum edidit histo-  
riam, petiit. Sed, his aliisque submonentibus, prius  
*tentandos praesentium animos esse*, ipse quidem agere cum  
his noluit: tribunis legatisque, jam errorem suum cum  
pudore agnoscentibus, negotium dedit.

*Milites ejus*  
*amplius pu-*  
*gnare nolunt.*

XXIV. At milites, paullo ante tam et in sumenda  
pugna, et in pugnando feroces, tum ad extremam vi-

Cap. XXII. Plut. et Appian. Cap. XXIII. Vell. 2, 70. Ap-  
pian. Plut. et Appian. Appian. Plut. Appian.

litem relapsi, haec responderunt: *Quanta fide, quantaque virtute sequuti partes imperatorum fuerimus, ut nihil aliud, haec sane vulnera nostra, haec inopia, atque ipse hic infelix et feralis locus, in quem coacti conclusique sumus, ostendant. Nos tamen ad extremum persistere in proposito certos, neque maxima spes ab hoste praemiorum, neque incommoda atque discrimina durissima belli, avertere hactenus atque dimovere incepto potuerunt. Nunc vero, tentatis omnibus, quaequam superesse ratio belli, quod consilium potest? Armisne et acie cum duobus imperatoribus, totidemque felicibus et firmis exercitibus, pauci, fessi, victi, congregiemur? An vero fuga dilabemur, cincti undique ab hostibus atque circumvallati? Nec fallere intentos, nec arcere validiores possumus. Et, si quis forte Deus nos ex his locis educeret, quo postmodum intendemus iter? Castra, si nondum capta sunt, obsidentur certe. Viam ad mare, locis et anni tempore non facilem, hostis occupavit.*

U. c. 710.  
A. C. 42.

**XXV.** *Inter has angustias sperare ex armis salutem insana est, experiri furor. nec enim ferreos animos, aut ex aere membra gerimus, ut tanta tamque gravia superare tolerando possint. Quod exigi a viris, sed hominibus, potuit, cumulate praestitimus et alacriter. Semel non optime accepti, et postulavimus iterum pugnam, et eam exhibuimus operam, quam modo laudabatis. legionum quatuor signa magis, quam milites, sumus: vix dimidia pars armatorum superest, et, qui hactenus effugere fatum, vulneribus et labore domiti, et commilitionum interitu, neque corpora eadem ad novum laborem adferre, neque animos potuerunt. Num parum adhuc Romani sanguinis per hos annos fusum est? cur hae adhuc reliquiae poscuntur? cur nullo operae pretio publicae cladis temeraria accessio finis? Etiam Magnus ille Pompejus Fortunae cessit, neque servari vetuit, quos post fidelem, sed infelicem, operam majore flagitio suo, quam usu, videbat perituros. Avunculus quidem imperatoris Cato, postquam frustra dimicari contra fatalem potentiam sensit, adeo non obiecit periculo suos, ut potius ipse moreretur, quam propter se mori quemquam, licet rogantium offerentiumque, sineret. Saepè nostri exercitus, calamitate subacti, hostibus externis se dediderunt. Hic nullo Romani nominis pudore civibus nos tradimus, servandi cupidis, et aequam vivendi sortem secum daturis. Hanc conditionem, tam et optabilem, et necessariam, sanus aliquis adsperneret! Certe imperator, pro sua virtute atque sapientia, sibi consilium capiet: nos meminisse patriae, meminisse liberorum atque conjugum patietur.*

Nullam salutem  
peresse spem  
demonstrantes.

U. c. 710.  
A. C. 41.  
*Bruti extrema oratio.*

XXVI. Quum haec ad Brutum essent relata, quidam adstantium, fugiendum igitur esse, exclamavit; quum ille renidens, Sane, inquit, fugiendum est: non pedibus tamen, sed manu: porrectaque singulis dextra; Quantum ad me adinet, nihil est, quod Fortunam adcusare debeam: quae, super alia multa, hoc etiam, quod ingenti mihi voluptati est, praestitit, ut amicorum me fefellerit nemo, fidi omnes bonique persisterint ad extremum. Patriae tamen videtur esse iniquior, cui praeefraete adversa, neque tenere vetustam libertatem, neque frui recuperata, concessit.

*Se beatiorum jactat victoribus.*

XXVII. His equidem non invideo, misereor magis, qui tantum pertulerunt perpetraruntque malorum, ut patriam servitio premerent. nec vero is, qui causa eorum praecipua fuit, latebit uliores Deos. At ego virtutem, licet a Fortuna destituta nomen potius, quam res, esse dicatur, haud ullo praemio colui: beatior omnino his, a quibus victus existimor, non praeteritorum modo recordatione, sed etiam praesentium sensu. sic enim ex vita discedo, ut mecum conscientiam feram, famam relinquam boni viri civisque: res neque armis obtineri natas, nec ullo aere parabiles victoribus. qui sane, quacumque in posterum fortuna egerint, suo ipsorum judicio, omniumque hominum sententiis, oppressores libertatis, interfectores meliorum, hostes juris et aequi, legum eversores, et tyranni, et publici parricidae habebuntur.

*Sibi consultiurum ait.*

XXVIII. Et ego quidem, hactenus expertus, quae debui, postremo etiam tentata reliqui militis voluntate, postquam inutilem me patriae esse video, mihi consulam. Nec enim in horum incidere manus memoria veteris Bruti, et avunculus Cato, et interfectus Caesar sirint. ne Cassio quidem data fides fallenda est. Unum deprecor, amici, ne quis vestrum, scio enim quosdam id agere, vitam sibi mecum ponendam putet. Erit, ubi hoc, si necessum fuerit, minore cum reprehensione faciatis. Vestra adhuc opera fortassis utilis esse patriae poterit: neque vobis bene moriendi, si bene vixeritis, occasionem invidet Deus. Cato filium suum et me sibi coëgit superesse: jam et illi fatum insigne obvenit, et mihi paratum est. Catonum et Bruti exitum adpetere nemo debet, nisi quem similes adegerint ad vitam exuendam causae. Mibi non est integrum in horum me hominum potestatem dedere, qui neque servatum velint, neque parcere, si cupiant, possint. libertatem et leges praefferentem omnibus, interfectorem regis, professum dominationis hostem, nemo tolerare tyrannus debet. At vos vita,

Cap. XXVI. Plut. Cap. XXVII. Flor. 4, 7. Dio. Plut. Cap. XXVIII. Appian. Flor. Plut.

liberi, conjuges, et, qualiscumque tandem erit, patria, manent: et sine metu, sine verecundia, sequi potestis fata reipublicae, quae tolerabiliore tamen conditione interim aget, si vobis erit aliquis apud victores amicitiae gradus: et, si mitiora forte decreverunt Dii, habebit, per quos resurgat.

U. c. 710.

A. C. 42.

XXIX. His dictis, cum duobus aut tribus longius *Bruti exitus.* aliquanto progressus, Stratonem Aegeatem, quem ex studiis eloquentiae familiarem habebat, rogavit, ut sibi gladium adigeret: atque, illo cunctante, idem a servo petiit. Tum Strato, Si quidem decretum est, inquit, non committam, ut servi potius, quam amici, ministerio utaris, et cum dicto latus praebentis, atque ultro ictui occurrentis, hausit. Sic praestantissimae indolis juvenis, uniusque tantum facinoris, de quo tamen et tum et postea mirifice sententiis variatum est, infamia adpersus, aetatis annum septimum atque tricesimum agens, interiit. Mortuo Bruto, reliquiae exercitus, quatuordecim ferme millia, se dederunt victoribus, ademptaque venia, inter hos divisa sunt. Mox et caesiella, quae passim Brutus exstruxerat, a praesidiariis tradita, simul cum majoribus castris, diripienda militi suo imperatores dederunt. Inter haec Antonius, Bruti viso cadavere, hunc quidem increpavit leniter, quod fratrem suum Cajum occidi jussisset. ceterum, Q. Hortensio potius factum imputans, illum supra monumentum patris interfici praecepit: Bruto paludamentum suum purpureum iniecit, quod ingentis erat pretii, ut in eo sepeliretur. auditoque, mox surreptum esse, requiri furem, supplicioque addici jussit: crematique corporis reliquias ad Serviliam (mater haec erat Brutus) remisit.

XXX. Sed non eadem Caesaris moderatio fuit. Is *Caesaris crudelitas.* avulsum Bruti caput Romam misit, ut statuae avunculi subjiceretur. sed inter transmittendum a Dyrrhachio propter exortam tempestatem in mare abjectum est. Ejusdem adolescentis saevitia multi, nec sine contumelia verborum, interierunt: quum cuidam, suppliciter petenti sepulturam, jam illam in volucrum atque ferarum fore potestatem, responderet: et patrem ac filium sortiri, vel dimicare juberet, utri vita concederetur:

Cap. XXIX. Plut. Liv. Epit. Appian. Plut. Flor. Dio. Vell. Appian. Vell. 2, 72. Dio. Appian. Plut. Anton. et Bruto. Liv. Epit. Plut. Anton. et Bruto. Appian. Cap. XXX. Sueton. Aug. 13. Dio. Sueton. Dio, l. 51. Sueton.



U. c. 710. neque spectaculo subtraxit oculos, quum, 'patre, qui  
 A. C. 42. se obtulerat, occiso, filius etiam voluntaria morte  
 periret. Ab hac causa ceteri captivorum, quum ca-  
 tenati producerentur, Antonio Imperatore salutato, Cae-  
 sarem conviciis prosciderunt; praecipue M. Favonio  
 libertatem loquendi, quam tota vita exercuerat, in ex-  
 tremis retinente.

*Horatium  
 servat Mae-  
 cenas.*

XXXI. Attamen Q. Horatio poetae, Brutianarum  
 partium tribuno, veniam impetravit Maecenas, fidus  
 ab adolescentia Caesari, et Mutinensi quoque bello  
 utilis comes, magnarumque dehinc rerum ministeriis  
 adhiberi solitus. Ceteri proscriptorum cum aliis no-  
 bilibus, qui Thasum evaserant, partim ad Sex. Pom-  
 pejum navigarunt, solum jam reliquum partibus du-  
 cem. nec deerant, qui Messallae fulgentissimo juveni,  
 proximaque Bruto et Cassio auctoritate, imperium tra-  
 derent: copias superesse non spernendas, ad haec  
 classem, et pecunias, et amplam in sociis spem dicti-  
 tantes. Sed ille Fortunae cedendum esse docuit, mit-  
 tendae ad victores legationis auctor. nec Bibulo dis-  
 sentiente, cui et ipsi tradita par cum Messalla potestas  
 erat, Antonius additus (huic enim plus tum credebatur)  
 pecunias, arma, commeatum, quarum rerum om-  
 nium ibi permagna erat copia, cum militibus ipsis,  
 in potestatem accepit.

*Porcia Bru-  
 ti conjux si-  
 bi necem  
 consciscit.*

XXXII. Hoc eventu rerum cognito, Porcia Bruti  
 conjux, cujus de fortitudine supra exposuimus, sibi  
 necem conscivit, prunis devoratis ardentibus, quum  
 intenta familiarium custodia ferrum et alia voluntariae  
 mortis solita instrumenta subduxisset.

Cap. XXX. Dio, l. 47. Sueton. Cap. XXXI. Sueton. in  
 vit. Horat. Hor. 2. Sat. 6. 2. Ep. 2. 2. Od. 7. Sidon. Carm.  
 4. Propert. 2, 1. Dio. Appian. Vell. Eutrop. 7, 3. Vell. Ap-  
 pian. Cap. XXXII. Plut. Bruto. et Cat. Min. Val. Max. 4, 6.

## E P I T O M E

### LIBRI CENTESIMI VIGESIMI QUINTI.

*C. Caesar, relicto Antonio, transmarinae provinciae ex parte imperium ei cessit: reversus in Italiam veteranis agros divisit. Seditiones exercitus sui, quas corrupti a Fulvia, M. Antonii uxore, milites adversus imperatorem suum concitaverant, cum gravi periculo inhibuit. L. Antonius consul, M. Antonii fra-*

*C. Caesar, relicto Antonio, transmarinae provinciae ex parte imperium ei cessit*] Itane transmarina una erat provincia, cujus partem sibi retinuit, partem Antonio cessit Octavianus? Gud. *Caesar relicto trans mare Antonio provinciae ex parte imperii positae recesserat.* Voss. *Caesar relicto trans mare Antonio p. e. p. imperii potestate recesserat.* Denique Barber. et Gud. alter: *Caesar relicto trans mare Antonio, quae provinciae ex parte imperii in potestatem ejus cesserant*] in Italiam reversus. Suetonius [August. 13.] *Partitis post victoriam officiis, cum Antonius orientem ordinandum, ipse veteranos in Italiam reducendos, et municipalibus agris collocandos recepisset.* J. FR. GRO-NOV. Caesaris praenomen omitunt omnes, quos adhibui, codd. cum Exc. Pithoei, et ed. Campani. Vide ad initium Epit. prae-

cedentis. Praeterea *relicto trans mare Antonio, quae provinciae ex parte imperii potestate recesserant* Leid. *relicto trans mare Antonio provinciae ex parte imperii positae recesserant* Berg et Lov. 2. *relicto trans mare Antonio ex parte imperii potestate recesserat* Boend. *relicto trans mare Antonio provinciae ex parte imperii potestate recesserat* Exc. Pithoei. *relicto trans mare Antonio provinciae ex parte imperii ei cesserat* ed. Camp. Gronovii conjecturam probat Clariss. Crevierius, nisi quod malit *ex partitione imperii.* quod etiam verius videtur.

*Corrupti a Fulvia, M. Antonii uxore*] correcti Voss. corepti Boend. correpti Berg. Lov. 2. Exc. Pithoei, et omnes typis descripti usque ad Ascensium, qui anno 1513. *corrupti* recte emendavit. Id autem superest in Leid. Vide ad 3, 37, 8. Mox *adversus imperatorem*, pro *contra*, omnes codd. mei, et ed. Camp. Vide ad Epit. 57. Tum *conjuraverant*, pro *concitaverant*, Leid. et Berg.

*ter, eadem Fulvia consiliante, bellum Caesari intulit; receptis in partes suas populis, quorum agri veteranis adsignati erant, et M. Lepido, qui custodiae urbis cum exercitu praecerat, fuso, hostiliter in urbem inrupit.*

*Cum grandi periculo inhibuit]* Vet. lib. gravi. SIG. Similiter Leid. Voss. Berg. Lov. 2. Boend. Exc. Pithoei, et ed. Camp.

*Eadem Fulvia consiliante]* consulente Leid. Lov. 2. Boend. Norv. et editi ante Gruterum, qui *consiliante* reposuit; neque aliter in Voss. et Berg. inveni. De voce *consiliare* varie inter viros doctos disceptatum est, utrum satis Latina, atque optimo seculo digna; an vero pene Longobardica, aut certe posteriori demum aevo recepta fuerit. Prius placuit Cellario in Cur. Poster. pag. 56. posterius Andr. Borrichio in Append. ad Cellarii Cur. Poster. Verum, licet quis contenderet, optimo aevo in usu non fuisse, de quo nunc nihil definitio, id tamen verbum auctore harum epitomarum indignum non esse existimo. At vicissim id vel ex conjectura, vel ex unius aut alterius Mss. auctoritate ipsi

Livio vindicare non audebo. Vide, quae notantur ad Livii 7, 31, 1. et 24, 28, 8.

*M. Lepido, qui custodiae urbis cum exercitu praecerat, scisso, hostiliter in urbem inrupit]* Vet. lib. *fuso*. SIG. Similiter Leid. Voss. Berg. et Lov. 2. Verum *zò fuso* vel *scisso* deest in Boend. et ed. Camp. Sed male. Ea enim voce omissa sensus foret, L. Antonium etiam M. Lepidum in partes suas recepisse; quum tamen ex Appian. 5. Civ. 687. constet, Caesarem Octavianum, expeditionem adversus L. Antonium suscepturum, Lepidum cum duabus legionibus urbi praefecisse, Antonium autem, quum clam ad urbem accessisset, mira celeritate eam ingressum esse, portis sibi proditis; quo tempore Lepidus ad Caesarem evasit. Vide etiam Dion. Cass. 48, 364. Praeterea voces *cum exercitu* desunt in Berg.

# JOHANNIS FREINSHEMII

## SUPPLEMENTORUM LIVIANORUM LIBER XC.

### IN LOCUM LIBRI CXXV. T. LIVII.

I. Sublatis Bruti Cassique partibus statim adparuit, quam imbecillum sit inter homines, quod firmissimum esse debuerat, vinculum, fides et pactorum religio, quotiens adspirans Fortuna spe majoris potentiae cupidus et praeferoces animos inflavit. Caesar enim et Antonius victoria laeti, sacrificio facto, militibus colaudatis, continuo Lepidum excludere societate imperii studuerunt, nova provinciarum instituta divisione, uti de Lepidi parte, qui Pompejo fuisse dicebatur, Hispania et Numidia Caesari, Antonio Gallia atque Africa adjicerentur, siquidem pati Lepidus posset: sin vero generosius indignaretur, aut innocens esset criminis, Africam ei concessuri erant. De ceteris nihil dum decretum, Sardiniam et Siciliam obtinente Sexto, ceteris provinciis nondum pacatis, et Italia utrimque excepta, quam communem habere patriam, et, quae facerent, pro illius salute facere dictitabant.

U. c. 710.  
A. C. 42.  
*Nova divisio provinciarum inter victores.*

II. His ita ordinatis, placuit Antonium orienti componendo transmarinisque provinciis impendere curas, operamque dare, uti promissa militibus pecunia (vicena millia nummum viritim) cogeretur: Caesarem, propter valetudinem ineptum ad ulteriora, cum his, qui stipendia impleta haberent, quibus data statim erat missio, in Italiam proficisci, Lepidi coercendi causa Sextique, et dividere veteranis agros sedesque promissas ob victoriam. Erant veteranorum octo ferme millia, qui militiam missiioni praeferebant. Igitur et hos inter se diviserunt; et, quum superessent cum dedititiis legiones undecim, et equitum quatuordecim

*Antonius orientem componendum sumit: Caesar in Italiam re-ducit copias.*

Cap. I. Dio, l. 48. Appian. Civil. l. 5. Eutrop. l. 7. Dio. et Appian. Dio. Cap. II. Sueton. Aug. 13. Vell. 2, 74. Liv. Epit. Plut. Anton. Appian. et Dio. Appian.

U. c. 710. millia; sex legiones, decem equitum millia Antonio  
 A. C. 42. data: Caesari concessum, uti duas reciperet Antonianas legiones, quae cum Fusio Caleno in Italia subsisterant. Haec relata in tabulas, et consignata alter accepit ab altero, ut, qui forte pacto non stetisset, tamquam ex syngrapha convinceretur. Tum Caesar versus Ionium mare profectus est, Antonius in Asiam.

*Caesaris an-* III. Sed Caesarem terrestri maritimoque itinere  
*ceps morbus.* tanta vis morbi adorta est, praecipue circa Brundisium, ut extinctus Romae diceretur. multos tamen incerta rerum, et calamitatum metus, quas experti umquam fuerant, timere omnia coegerunt. simulationem suspectabant, consultoque rumorem spargi, ut adfectus hominum elicerentur: adeoque hic invaluit metus, ut extrema nonnulli exspectarent; Caesarque ex itinere dare literas ad senatum cogeretur, ne forte qui motus in urbe, praesertim Lepido praesente, existerent; *supplicio de parricidis sumpto, verum esse Diis immortalibus honorem haberi, pacisque feri et exspectari bona: suam in haec operam enixe pollicitus.*

IV. Eodem anno L. Plancus L. F. consul, imperator iterum, de manubiis Saturno templum aedificavit. Censores etiam L. Antonium, P. Sulpicium fuisse, sed non fecisse lustrum, reperio. forte tantum ad bona civium in tabulas referenda creati fuerant, quorum decimas triumviri sic exigebant, ut vix decimam cuique facultatum partem relinquerent. Tum et P. Vatinius P. F. proconsul de Illyrico triumphavit.

*Fulviae po-* V. In L. Antonio, quum et ille triumphum postu-  
*sentia.* laret ex Alpibus, dubitatum est, quamdiu Fulviam adversam habuit; quae, socrus Caesaris, uxor Antonii, per horum absentiam, Lepidi contempta ignavia, plurimum in republica pollebat. Neque sane aut auspici-

U. c. 711. cia habuerat Lucius, aut quidquam triumpho dignum  
 A. C. 41. gesserat. ceterum, Fulvia placata, neque huic repul-  
 L. Antonio, gnare quoquam auso, Kalendis Januariis, se et P.  
 P. Servilio Servilio Vatia Isaurico iterum consulibus, triumphavit: ausus se conferre Mario, quin et antepone-  
 II. Coll. *L. Antonii quod Marius invitus, ipse sponte, deposito triumphali habitu, senatum convocasset: Mario si forte una data corona esset, et vanitas.* sibi

Cap. II. Dio. et Appian. Dio. Appian. Dio. Cap. III. Plut. Appian. Dio. Cap. IV. Marmor apud Pigh. in Annal. Sueton. Aug. 29. Marmor apud Pigh. Supra, 122, 47. Cap. V. Fasti Capit. Dio. Oros. 6, 18. Dio. Fasti Capit. Dio.

*sibi et aliae multae, et a populo tributim, quod ante se factum esset nemini.* Sed haec apud prudentes ignominiae potius loco, quam honesta, ducebantur; quod haec non Lucio dari, sed Fulviae, nesciret nemo, aut certe comparata nummis esse, quos ille certis hominibus clanculum dividerat.

U. c. 711.  
A. C. 41.

VI. Sed Lucium adjugebat sibi Fulvia, Caesarem oppugnare moliens, quem jam tum apud Brundisium contumeliis et insidiis petisse dicebatur. Idcirco ille, remittente paulisper morbo, Romam regressus, simul; quae decreta victoriae causa fuerant, curata sunt, ad rempublicam capeffendam toto animo se contulit. Et Lepidus quidem, insita tarditate praesentiaque Caesaris cohibitus, quiescebat: Antonius et Fulvia dederunt acceperuntque causas discordiae, quod, Marci literis exhibitis, quum a Caleno dare legiones deberent, promissum differebant; et vicissim a Caesare potestate, quam in dividendis agris Antoniano militi usurpatum ibant, prohibebantur. Erupitque eo discordia, ut, socrus insolentiam pertaesus Caesar nuncium filiae ejus remitteret, intactam adhuc esse jurejurando confirmans: quamquam plerique falsum hoc, neque subito cogitatum de divortio, sed inter primam sponsaliorum mentionem haec decrevisse secum adolescentem dubitarent. Ceterum hoc repudio irritati utrimque sunt animi, ut nihil postea, nisi laedere invicem et odisse, possent.

*Caesar Lucio et Fulviae discors.*

*Hujus filiae nuncium remittit.*

VII. Sed et alioquin plena tumultu per Italiam et in urbe erant omnia. veterani deduci lecta in oppida pinguesque agros postulabant: eratque facta his promissio, pulcherrimis ad hanc divisionem destinatis civitatibus. At illae aut per universam Italiam distribui petebant colonos, aut saltem sortibus rem committi, ne ipsae ad injuriam essent eximiae, sed aequo cum ceteris Italis jure uterentur. pretium etiam ex aerario repraesentari poscebant possessoribus.

VIII. Haec quum viri juvenesque, sed et matronae, cum parvis liberis in urbe advectae, flebili voce passim testarentur, quid igitur peccassent, rogitantes, cur homines Itali laribus ac fociis, tamquam bello victi, perirentur? adensa dolore plebes valde movebatur, prae-

*Italorum misera conditio.*

Cap. V. Cic. Phil. 6, 5. Dio. Cap. VI. Oros. 6, 18. Appian. Dio. Appian. Dio. Sust. Aug. 62. Dio. Cap. VII. Appian.

Supplem. Liv. Tom. XIV.

F f

**U. c. 711.** sertim quum adpareret hoc agi, ut his velut compedi-  
**A. C. 41.** bus conflicta respublica numquam deinceps posset ad libertatem recuperandam consurgere. Caesar ad haec nullam reddere rationem, praeterquam necessitatis, poterat: adeo se parcos in promittendo fuisse, ut ne sic quidem satisfieri veteranis posset. neque falso haec commemorabat, in eas coactus angustias, ut neque militum, neque Italorum gratiam teneret.

*Veteranorum insolentia:*

**IX.** Insolens enim et praeferox multitudo, quum se minime pro spe meritorum tractari putaret, non contenta adeptis agris, transcendebat limites, vicinorumque fundos invadebat: noto Virgilii vatum maximi periculo, quod tamen majori ejus fortunae viam fecit, ut in amicitia Caesaris per Maecenatem collocaretur. Nec vi contra tendere Caesari licebat. frustra enim disciplinam ab his requiras, quos licentiae injuriaque adsuefeceris: neque pecunia satis placabantur, quam ex templis Caesar sumebat mutuam, quin, quanto plura adcipiebant, tanto plura desiderarent.

*Fulviae Lucioque dant occasionem invadendi Caesaris.*

**X.** In hoc eum statu rerum L. Antonius cum Fulvia et Manio, qui res absentis Marci procurabat, adoriri statuerant: in communi munere parem utriusque imperatoris gratiam esse debere, dictitantes. Expectandum igitur, donec et Antonius advenisset. Sed id quidem fieri propter festinationem militum nullo pacto poterat. Tum eo descenderunt, ut igitur Caesar suos milites, ipsi Antonianos deducerent: et, pacta cum Antonio obtinente Caesare, Fulviam cum parvis liberis supplicare veteranis jusserunt, invidiose querendo, fraudari patrem horum, imperatorem suum, debita gloria, simul occasione referendae suis militibus gratiae. Lucius etiam, ut fidem faceret, omnia se fratris causa moliri, Pietatis cognomentum adsumpsit; quod hodieque in nummis ejus visitur.

*Unde illi magna curarum moles.*

**XI.** Erat tum permagna Marci auctoritas, et propter valetudinem Caesaris victoria Philippensis uni adscribebatur. quo studiosius docere Caesar, convenire sibi cum Marco: Fulviam et Lucium, contra sententiam mariti et fratris, propriae potentiae cupiditate res novas quaerere. postremo tamen, quamquam contra pacta sibi

\* Cap. VIII. Sueton. Aug. 13. Dio. Cap. IX. Appian. Sueton. Appian. Virgil. Eclog. 1. et ibi Servius. Appian. Cap. X. Dio. Cap. XI. Appian. Plut. Anton. Dio. Appian.

hanc injuriam fieri sciebat, cessit, Antonianosque ab his deduci in colonias sivit. At hi, ne beneficiis in suos vincere Caesar videretur, plus etiam indulserunt militibus. Sed omnium querelae in Caesarem incumbebant: Antonium fama clementiae tuebatur, et quod inter praesentia mala semper tolerabilius existimatur, quidquid adest. Neque vero parum intelligebat Caesar, quid fieret; aut divisiones agrorum, quamquam faceret ipse, probabat. nec differre praemia milites patiebantur, nullo magis tempore necessarii, propter Sextum et Cassianos duces; qui, mari praecluso, famem urbi et Italiae minabantur. His ad animum revocatis, mutare sententiam Fulvia et L. Antonius coeperunt: et, omissis coloniis, adversae parti se tradere. nam et eorum, qui pellebantur agris, majorem esse numerum sciebant, et ex iusto dolore judicabant acriorem impetum fore. Hoc praesidio animati Itali, quum eadem sentire M. Antonium existimarent, spernere Caesaris imperium coeperunt: et adversus veteranos sua bona vi tueri.

Et c. 71 r.  
At C. 41 r.

XII. Callidum erat Fulviae consilium, nec effugere Caesar poterat, quin invidia ex aequo omnium oneraretur. Nam et illius veteranis persuadebat Antonius, nihil opus esse dividendis agris: ex hostium iudiciorum facultatibus praemia persolvi militibus posse: simul, quantum aeris inde redactum esset, quantum adhuc redigi posset, augentes omnia, verisque miscentes falsa, computabant. Quod si ne haec quidem sufficerent, ingentem ostendebant cumulum ex Asiatica praeda. His artibus Caesar a possessoribus et veteranis, tamquam utrisque periculorum et laborum auctor, vituperabatur: Antoniani in oculis ac pretio erant; qui neque spoliabant alteros, et alteris cumulatim praemia praestituri videbantur.

Et tam apud Italos, quam veteranos, invidia.

XIII. Dubia fiebant adolescenti tempora, tot in unum concurrentibus difficultatibus, ut cujuslibet veterani imperatoris adultam jam et auctoritatem et prudentiam oppressurae viderentur. Mare Siculum Pompejus obtinebat: Cn. Domitius Ahenobarbus, semetipso contentus auctore, quum ad Pompejum se Marcus adplicaret, ut paullo post referemus, classem olim commissam augebat, Iōnium obtinens: Italiam infre-

Aliarum difficultates Caesaris.

Cap. XI. Tac. 1. Ann. 10. Appian. et Dio. Liv. Epit. Dio. Cap. XIII. Vell. 2, 72. Sueton. Ner. c. 3. Appian. Dio. Appian.

Ff 2



U. c. 711. quentia cultorum propter continua bella, et recens  
A. C. 41. haec agrorum divisio ad sterilitatem redegerat. Inde  
fames invasit urbem, et una cum ceteris incommodis adflixit sane graviter. Nam furtis rapinisque expositae erant tenuiorum domus, et, sub invidia militum, a quibusvis perditis hominibus impune maleficia patrabantur.

*Et offensi  
ei senatores.*

XIV. Adcedebat, quod perpetua intercedebat veteranis cum possessoribus pugna: neque humiliores tantum offendeabantur; ad senatores etiam injuriae pervenerunt. His enim, sua salva retinere cupientibus, durius respondebat Caesar, unde igitur *satisfacit veteranis?* At hoc periniquum illis videbatur, de suis possessionibus praemia militibus dari, quum neque delectuum, neque promissorum auctores Patres fuissent. Idcirco, ut in re ancipiti, quum in universum statui nihil posset, subinde huc illuc inclinandum Caesari fuit: eoque facto plus odii utrimque illi, quam gratiae, partum. quoties enim senatori favebat, quod praeter aequum huic tribueret nihil, jus potius debitum reddere, quam tribuere beneficium videbatur: at miles sua sibi tolli interpretabatur, si promissa tardius aut angustius exspectatione sua praestarentur. quod si militis adjuvabat aviditatem, neque hic debere putabat gratiam, promissum auferens; et senator se spoliari ne tacitus quidem dolebat. Plane videbat Caesar hanc esse conditionem imperandi, ut armis opprimi quidem excindique quidvis posset; benevolentiam non nisi beneficiis comparari. Ergo licet invitatus eo deflexit, ut senatorum agris omnino abstineret, praetereaque dotalibus mulierum: et ad levandam pauperum inopiam relinqueret etiam, quotquot minores erant eo modo, qui promissus viritim militi fuerat.

*Et mox periculosius  
milites.*

XV. Hoc consilium ebs certe induxit, quibus proderat, ut honestius de Caesare sentirent: sed veteranos exacerbavit immensum, ea cupiditate homines, ut sibi ademptum crederent, quidquid cuiquam relinqueretur. Inde graves saepe motus, et in ipsum intentatae periculorum minae. Certe, quum in theatro militem forte sedentem in quatuordecim excitari iussisset, exeuntem circumfletit turba, commilitonem

Cap. XIII. Dio. Appian. Cap. XIV. Dio. Cap. XV. Liv. Epit. Appian. et Sueton. Aug. 14.

ab eo repetens, quem excruciatum perisse malevoli sparserant. Et aegre leniti, quum ille ineolumis comparuisset, e carcere productum contendebant: et irascebantur neganti, proditorem adpellitantes, et in gratiam Caesaris falsa referentem. eo jam ira processerat, ut verum id factum esse, quam sibi deesse causam occidendi imperatoris, mallerent.

XVI. Neque modestior in campo, quam in theatro, miles, quum ad divisionem agrorum opperiri iustum tardius Caesar adcederet, tumultuari coepit: monentemque Nonium quemdam centurionem, *At ille tumultuantes adit.* *valitudini potius imperatoris hanc esse moram adscribendam, quam contemptui militum,* pro adulatore et mancipio Caesaris, proscindere conviciis, mox, aucta inter jurgium ira, petere saxis coeperunt. neque aut innocentia sua homini, aut fuga praesidio fuit, quum se in amnem coniecisset, quin, extractus ab aquis necatusque, loco, ubi transeundum erat venienti Caesari, abjiceretur. Igitur illum amici monere, testari, ne se offerat saevientibus. at eo res erat perducta, ut constantia retinendum jus esset, aut plura deinceps atque atrociora timenda, ubi licentia militaris, imperatoris dubitatione alta, plus virium adquisisset.

XVII. Prudens fuisse consilium eventus etiam docuit. quippe, conspectu ejus ad reverentiam moti, facinoris invidiam transtulerunt in paucos. Ille, leniter increpans hominum ferociam, qui ne sibi quidem ipsi possent parcere, divisit agros, et praemia non meritis modo, sed etiam quibusdam aliis, dedit. Indulsi etiam, ut in hello interfectorum patribus aut liberis, qui debiti illis fuerant, agri tribuerentur. Ergo valgius militum, ut est ad omnes adfectus natura sua mobile, juvenis animum liberalitatemque admirans, conquiri iussit ad supplicium, qui Nonium occidissent. At Caesar tempore bene usus, *Placatusque.* *se quidem non ignorare dixit auctores facinoris, sed poenitentia contentum poenam remittere.* Tum vero conclamatum est ab omnibus, laudesque et grates certatim insonuerunt. Sed neque hic malorum finis, turbato semel concordiae vinculo. nec enim pax et quies consistere cum injustitia potest. Igitur, quibus causis favere miles Caesari, iisdem plebs irasci coepit: passimque in ur-

Cap. XV. Dio. Cap. XVI. Appian. Dio. Appian. Cap. XVII. Dio. Appian. Dio.

U. c. 711. be et per Italiam pugnae caedesque factae: milite superiore armorum praesidio et peritia; plebem defendente numero, et aedificiis, unde spargebat missilia. Sed, his faces subdente veterano, plura passim incendia exstiterant.

*Caesar pa-  
cis conditio-  
nes offert  
Fulviae et  
L. Antonio.*

XVIII. His malis compulsus adolescens, et quod missi in Hispaniam milites, Placentiae pecuniis per vim extortis, transitu Alpium a Caleno et Ventidio prohibebantur, conditiones offerebat Antonio et Fulviae, et rem, per se frustra saepe tentatam, veteranis commiserat. Sed, quanto intentius pax a Caesare quaerebatur, tanto magis bellum placebat Antonianis. L. Manius, Caesarem perosus, Fulviam in bellum muliebri aemulatione stimulabat, *Antonium, dictitans, nisi turbaris rebus in Italiam retrahatur, totum Cleopatrae fore.* jam enim de his amoribus inaudiri coeperat. Ideo Fulvia, cuncta potius ruere cupiens, quam hunc dolorem perferre, L. Antonii vanum alias et malignum ingenium, parque vitiis fratris, virtutem ejus expers, potenter impulit, ut eorum, quibus adempti erant agri, causa palam suscipienda sic adliceret voluntates, ut magnus mox ex eo numero exercitus cogeretur.

*Leges con-  
cordiae di-  
cuntur.*

XIX. Sed interim reliquas colonias deducentem Caesarem Antonius cum fratris liberis sequi statuit, ne solus apud armatos conspectus ille vim omnem in se traheret. sed mox, cum iisdem, dubium vero an simulato metu, profugus, Antonianorum obiit colonias, praesidium quaerens. Sibi enim et pueris necem paratam a Caesare fuisse criminabatur per equitatum ejus: quem Caesar adversus Pompejanorum incursiones in Bruttios missum excusabat. probavitque causam ducibus Antonianorum, et his conditionibus sublata est contentio Teani: *Ut liceat per triumviros more patrio consulibus administrare rempublicam: agri ne cui, praeterquam his, qui bello Philippenfi navassent operam, dividerentur: pecunia redacta redigendaque ex bonis hostium, ex aequo; veterani quoque Antoniani per Italiam aquis portionibus distribuerentur in colonias: neutrus delectuum in Italia agendorum jus esset: duae legiones Antonianae Caesari contra Sextum militarent: Caesaris militibus transitus Alpium pateret; nec iidem ab Asinio Pollione Hispaniis excluderen-*

Cap. XVIII. Appian. et Plut. Anton. Flor. 4, 5. Vell. 2, 74. Liv. Epit. Dio. Appian. Cap. XIX. Vell. Appian.

tur: Lucius horum pactorum fiducia dimitteret custodiam, remque publicam sine metu et suspitione cesseret. Ex tot legibus duae tantum postremae ratae fuerant: Salvicianus cum exercitu Caesaris Alpes, invitis custodibus, perripit. Cetera quum differrentur, Lucius et Fulvia Praeneste secesserunt: ille Caesarem timere dicens, triumvirali satellitio armatum, quum inermis ipse esset; haec Lepidum liberis suis insidiantem: hujus enim nomen tum praelexere, quam Caesaris, maluerat.

U. c. 711.  
A. C. 41.

*Sed non servantur.*

XX. Angebatur his rebus Caesar haud mediocriter, negotium habens cum hominibus, quos nec opprimere armis, nec placare per amicos posset. Idcirco gratanter adcepit, utriusque exercitus primores conjurasse, daturos operam, uti his imperatorum ex acquo et bona dirimeretur; coacturosque eum, qui stare iudicio directasset; et ex iis ipsis legatos ad Lucium de pace misit, futurum sperans, quod addidit, ut insolentiam eorum odisset, sperneret vilitatem. Per haec ad veteranos redintegrata gratia, senatum etiam populumque Romanum adversum Lucio reddidit, per eum stare dictitans, quominus pax et securitas cunctis redderetur. Igitur concursus senatorum aliorumque factus ex urbe est, Lucium Fulviamque orantium, desinerent aliquando irarum et contentione, patriamque tot malis afflictam refoveri concordia paterentur.

XXI. Et videbatur Lucius tum iis, quae dicerentur, tum auctoritate dicentium commoveri: Manii asperius responsum fuit: Longe disparem duorum imperatorum, ut animum, ita conditionem esse. Antonium nihil aliud, nisi ab externis gentibus regibusque pecuniam ad communem usum cogere: Caesarem exercitus et opportuna Italiae sibi mancipare beneficii. Sed et Galliam, quae data prius Antonio fuerit, in fraudem ejus liberari; et pro civitatibus octodecim universam fere Italiam in colonias veteranorum concedere. neque tantum duodeviginti legionibus, quae bello interfuissent, sed aliis praeterea sex dividi agros. pecuniam auferri e fanis Pompejani belli praetexta, quod tamen in tanta urbis fame nondum adparetur: revera militibus dari, ut adversus Antonium emanatur. ab eodem animo bona proscriptionum ita vendi, ut donari potius adpareat. Denique talia multa fieri, quae, si serio cupiat pacem Caesar, defendenda

*Manius accusat Caesarem.*

Cap. XIX. Dio. Vell. Appian. Cap. XX. Dio. Appian. Dio. Appian. Dio. Appian.

U. c. 711. *sunt ei prius, nihilque deinceps agendum, nisi de M. Antonii*  
 A. C. 42. *sententia. Cogebatur in ordinem Caesar, ut nihil de-*  
*inceps agere pro potestate posset. Igitur ille, pacta*  
*cum Marco testatus, quae utrique summum imperium, neque*  
*rationibus reddendis obnoxium, in parte sibi assignata dabant,*  
*alterumque rata habere alterius acta jubebant, iterum ad ve-*  
*teranos se adplicuit: bellumque adversum se instrui*  
*testatus, ipse quoque se parare coepit.*

*Militis*  
*causae cog-*  
*nitionem si-*  
*bi indicant.*

XXII. Ea res audita duas legiones Antonianas, quae apud Anconam stativa habebant, ad Siculum bel- lum ducendae, commovit, ut, pro pari in utrumque imperatorem adfectu, legatos mitterent Romam, ro- gatum utrasque partes, *pacem mutuo colerent.* Respon- sum est a Caesare antiquum illud; *sibi pacem esse cum Marco: sed a Lucio se impugnari.* Igitur hi, re cum ce- teris veteranis in Capitolio communicata, (magna enim eorum multitudo Romam, quasi cum senatu ac popu- lo de praesentibus consilium initura, venerat) pacta Caesaris et Antonii adferri recitarique jusserunt. pro- batisque his, uter eorum pactis non stetisse dicere- tur, ea de re suscepturos arbitrium professi, decre- ta sua retulerunt in tabulas, adservarique jusserunt a Vestalibus.

*Caesaris*  
*causam*  
*probat.*

XXIII. Inde ex omnibus delectos ad Lucium mi- serunt postulatam, *ut iudicio militum controversias dis-*  
*ceptandas traderet; aut, si nolle, quid ipsi possent, experi-*  
*retur.* Lucio non recusante, illi Fulviaeque dixerunt diem, ad quem adessent, uti et Caesarem comparere jusserant, Gabiis medio ferme inter Romam et Prae- nese spatio. Prior praesto fuit Caesar, equitibusque emissis, ne quae forte collocatae insidiae forent, ex- ploravit. Hi, quum incidissent in Antonianos, manu conserta quosdam occiderunt. Retrocessit ergo Lu- cius, periculum, ut aiebat, metuens: neque postea voluit accedere, quum tribuni praefectique exerci- tum deducturos se illum profiterentur. Vehementer ea contumacia Caesari profuit: et, quum irridere ju- dicium Lucius et Fulvia dicerentur, senatam caliga- tum adpellantes, adeo adcesi sunt ira veterani, ut, Caesaris causam amplexi, ab illis ortam injuriam, ibique consistere arbitrarentur. Pluribus deinde con- sultationibus cum Caesare initis, bellum instruere coe-

Cap. XXII. Dio. Cap. XXIII. Appian. et Dio. Appian,  
 Dio. Appian, Dio.

perunt serio, pecunia undique etiam ex ornamentis templorum conflata, non per Italiam modo, sed etiam per Galliam, quam, *Togasae* nomine et Alpibus divisam, Italiae nuper contribuerant, ne seorsim habita daret ansam potentibus, per speciem ejus obtinendae provinciae, legiones intra Italiam habendi.

U. c. 711.  
A. C. 41.

XXIV. Neque segnus ab altera parte arma simul atque convicia insonuerunt, amarulentis utrimque dictis se invicem petentium ducum. L. Antonius, quum adipisceretur consulatum, sex legiones habuerat. hae tum quoque sequutae sunt eum, cum aliis Marci fratris undecim, quarum curam Calenus agebat. Caesari quatuor legiones erant Capuae, cum praetoriis cohortibus: sex adducebat ex Hispania Salvidienus. Lucio pecuniae suppetebant ex pacatis Marci provinciis: Caesar, uti diximus, e fanis sumebat mutuum, e Capitolio praecipue, deinde ex celebrioribus delubris, Antiano, Lanuvino, Nemorensi, Tiburtino.

L. Antonii  
adparatus.

XXV. Inter hos Italiae motus ne vicina quidem satis quieta erant. Pompejus, aucta quotidie potentia, quum et proscripti, et veteres agris ejecti coloni frequentes ad eum proficiscerentur, haud injuria timebatur: praesertim postquam Statius Murcus, cum omni sua classe ad illum se conferens, duas legiones cum sagittariis quingentis, pecuniasque multas, et naves octoginta adduxerat; aliasque insuper revocabat e Cephallenia. Neque desunt, qui tum opportunum tempus invadendae Italiae praetermissum ei putent, oppressae fame, et ab ipso expectantis remedium, dum Perusina contentione diversarum partium duces distrahuntur. Sed et Ahenobarbus, sitos ad Iónium mare triumviris obedientium agros vastare solitus, Brundisinis intra muros compulsis, triremes Caesaris cremarat, aut abduxerat. Igitur adversus hunc una legio mittenda Caesari fuit, alieno sane tempore: quum interim initium belli factum esset, pluribusque locis varia fortuna concursum. Sic autem comparatae partes erant, ut, quibus placebant novae coloniae, Caesarem sequerentur; populi, quorum agri in discrimen venerant, se conjungerent Antonio.

Sex. Pompe-  
ji potentia.

XXVI. Quum in eo res essent, vocato senatu, Caesar, atque etiam equitibus Romanis adhibitis,

Oratio  
Caesaris in  
senatu.

Cap. XXIV. Appian. Cap. XXV. Vell. 2, 72. Appian. Vell. Appian. Liv. Epit. Appian.

U. c. 711.  
A. C. 41.

*Quantum, inquit, temerariae fiduciae Lucio ceterisque ad-  
cesserit ex lenitate mea, non sum nescius, quod patriae amor  
ac quietis erat, imbecillitatem et metum interpretantibus.  
Ego vero et exercitum validum habeo, factinctus tum vete-  
rans, quorum praemia intempestive intervertantur, tum meis  
legionibus. cetera quoque firma sunt omnia: neque dudam ab-  
fuit quidquam, quod ad bellum gerendum pertineret, praeter  
voluntatem. Nec enim me delectat, si qua supersedere liceat,  
civilia bella gerere, et reliquo Romae sanguine ad mutuum  
perniciem abusi: praesertim ejusmodi bella, quae non ex Ma-  
cedonia aut Thracia audiantur, sed quorum sedes futura sis  
Italia, multis adficienda miseriis, etiam si numerus creden-  
tium in rationem non veniat. Haec, haec sunt, quae me,  
pridem insulentiā pessimorum hominum opprimere gestientem,  
contineant ac retardant. Quod enim ad Marcum adtinet,  
nunc etiam vos testor, nec de illo me queri, nec commississe,  
cur ille de me queratur. Et haec quidem a vobis Lucium,  
quique cum eo sunt, edoceri, publicae vestraeque rei vehe-  
menter interest. Quod si frustra susceptus hic labor erit,  
et insanire Lucius perget, tum vero ostendam homini, ali-  
quando mihi propositum, numquam vires ad defendendam di-  
gnitatem meam, propulsandasque injurias, defuisse. Atque  
eorum omnium vos mihi testes, et apud vosmetipsos, et apud  
Marcum, eritis.*

*Senatus ir-  
rita legatio  
ad L. Anto-  
nium de pa-  
ce.*

XXVII. At illi rursus Praeneste proficiscuntur, pa-  
cem quaerentes irritam. Quippe Lucius, serum id esse,  
respondit, postquam ventum ad manus sit: fraudemque hanc  
esse Caesaris, alia praefereantis verbo, quum rebus ipsis Mar-  
cum impugnet, legione etiam Brundisium missa ad arcendum  
eum aditum Italiae. Manius etiam literas ostendebat Mar-  
ci, incertum an fictas, quibus dignitatem suam de-  
fendi jubebat vel armis. Senatusque legatis, quis ergo  
dignitatem ejus laederet, quaerentibus, offerentibusque  
judices, alia quaedam Manius objecit: donec infecta  
re reditum. ne renunciata quidem Caesari, pudore,  
ut creditur, irriti incepti, legatio est.

*Caesar bel-  
lum inchoat.*

XXVIII. Idcirco Caesar, Lepido cum duabus le-  
gionibus ad tutelam urbis relicto, contendit Albam,  
ubi duae legiones Lucii, tribunis expulsis, tumultua-  
bantur. Sed, ubi se praevenit a Lucio, militesque  
donis atque promissis placatos adcepit, in Sabinos  
profectus, praesidium, quod apud Nursiam Antonia-  
ni collocaverant, dejecit loco; ne oppido potiretur,

Cap. XXVIII. Liv. Epit. Dio. Appian. Dio.

Tisieni Galli virtute depulsus, et fama venientis cum exercitu C. Furnii. Ad hunc excipiendum profectus in Umbriam, postremumque adgressus agmen, Furnium in tumultum quemdam, atque inde noctu Sentiam, profugere coëgit: nec statim insequutus insidiarum metu, postquam illuxit, adductis copiis, et oppidum, et castra Furnii oppido conjuncta, obsedit.

U. c. 711.  
A. C. 411

XXIX. Inter haec Lucius, re cum nobilibus composita, quorum magna multitudo ad partes ejus se transtulerat, tribus agminibus milites noctu Romam praemittit: ipse cum robore copiarum, gladiatoribusque, et equitatu subsequitur. Excivit is terror Lepidum, ut cum exercitu obviam iret. Sed, ubi fusus est equitatus, qui praecurrerat, Lepidus cum legionibus intra moenia se recepit. Antonio Nonius, ad custodiam portae relictus, aditum dedit; seque, et quos secum habebat milites, ei tradidit. Lepidus fuga evasit ad Caesarem. neque praeterea quisquam resistebat, etiam P. Servilio, qui consulis gerebat nomen, segniore ad pericula. Idcirco Lucius, ad concionem vocato populo, sic disseruit, ut Caesarem atque Lepidum mox poenas diceret daturus scelerum; fratrem vero suum, triumviratu abjurato, se pro consule gerentem, tyrannicam potestatem civili, et extraordinariam translatitia commutaturum. Ad haec laetis adstrepebat omnibus plebes, Imperatoremque adpellatum ad reliqua componenda ire jusserunt. Erat tum Antonius militari habitu, quomodo ante illum populi concionem habuerat nemo. Sed et senatus-consulto mandari sibi bellum jusserat, egressusque Roma, quacumque incederet, novas colligebat vires ex populis, qui favebant Antonio, et opportuna oppida passim communiebat. Sed haec agenti non modicus obex objectus est a M. Barbatio, quem quaestorem suum M. Antonius propter, nescio quam, offensam dimiserat. Id quum vulgus ignoraret, plerique hunc percunctabantur, *ecquo animo Antonius turbas Italicas ad-ciperes?* Ille respondebat, *mirifice hunc irasci contra potentiae socium et communes utriusque rationes arma moventibus.* Inde permulti, deserto Lucio, cujus acta displicere fratri existimabant, ad Caesarem se contulerunt.

*L. Antonius  
Romam oc-  
cupat.*

Cap. XXVIII. Appian. et Dio. Cap. XXIX. Appian. Liv. Epit. et Dio. Appian. Dio. Appian. Dio. Appian.



U. c. 711. XXX. Lucius in Galliam erat iturus, ut properan-  
 A. C. 41. tem ad Caesaris castra Q. Salvidienum Rufum interci-  
*Salvidio-* peret. Eundem Asinius Pollio, et P. Ventidius, An-  
*num interci-* toniani duces, cum suo quisque exercitu, sequeban-  
*pere nititur.* tur. Idcirco M. Agrippa, Salvidieno timens, ipse  
 quoque promovit copias, ut ab Salvidieno in se retra-  
 heret Lucium; et vicissim, si ab hoc ipse urgeretur,  
 a tergo Lucii Salvidienum haberet adiutorem. Res  
 bene cessit: omissoque priore consilio Lucius, quum  
 utrimque se peti animadverteret, alio declinavit, cum  
 Asinio et Ventidio conjuncturus copias: deinde sic  
 quoque metuens ab hostibus, inter angustias haeren-  
 tem invasuris, Perusiae substitit, in urbe munita Ven-  
 tidium atque Pollionem expectaturus. Hic eum le-  
 gati Caesaris Agrippa et Salvidienus obsederunt.

*Caesar Ro-*  
*mam reci-*  
*pit.*

XXXI. At Caesar, simul Antonium Romae esse  
 cognoverat, ad urbem festinavit, et, illo dudum e-  
 gresso, citra certamen receptus, protinus ad inse-  
 quendum exiit: nec adeptus hominem, qui jam Peru-  
 siae moenibus se clauserat, rediit Romam, ut eam  
 adcuratiore in posterum custodia firmaret. Discessus  
 Caesaris praeter opinionem Sentinatibus exitio fuit,  
 quum eo sublatum esse periculum credidissent. Sed  
 Furnius, abeuntem ab obsidione Caesarem insequen-  
 tus, interim advenienti Salvidieno spatium oppidi ca-  
 piendi diripiendique dedit. ne aedificiis quidem pe-  
 percit ira, injectoque igne Sentia concremata est.  
 Nursinos tempestiva deditio praesentibus exemit ma-  
 lis: sed tumulus, postea publice exstructus his, qui  
 cum Caesare pugnantes oppetierant, adjecto titulo,  
*pro libertate occubuisse*, sic exacerbavit adolescentem,  
 ut grandi pecunia multatos, quia pendere eam nequi-  
 bant, urbe agroque omni exigeret.

*L. Anto-*  
*nium obsi-*  
*det.*

XXXII. His ita actis, quum Antonium duo jam  
 exercitus obsiderent, cum tertio Caesar adcessit:  
 propereque dimissis quaquaversum nunciis, ne forte  
 fax belli Lucius elaberetur, plures adcitae copiae;  
 aliae Ventidio et Pollioni oppositae. hique facile co-  
 hibiti, quod neque magnopere bellum id probabant,  
 nec a M. Antonio putabant probari. super haec orta  
 ex aequalitate ducum aemulatio, quemadmodum so-  
 let, communi causae adtulit moram.

Cap. XXX. Dio. Appian. Vell. 2, 74. Appian. Cap. XXXI.  
 Dio. Sueton. Aug. 12. Dio. Cap. XXXII. Appian.

XXXIII. Sed nec Antonius sese neque Fulvia deserebant, virilis spiritus mulier, et adeo non timida versari inter armatos, ut et ipsa gladio cincta signum dare militibus, habere conciones consueverit. Sed haec Praeneste arcem belti fecerat, multis ad se pertractis ex senatu et equestri ordine; et cum his frequenter consultabat de praesentibus. At Lucius, priusquam circumvallaretur, emissio Manio, qui festinare Ventidium et Pollionem cogeret, et equitatu suo, (quatuor erant millia, Tisieno praefecto) qui Caesaris amicos vexando ab obsidione eum retraheret, crebris excursionibus opera hostium oppugnabat. et quum Caesar oppidum propter colles, quibus erat impositum, vallo septem millium amplecteretur, et ad prohibendum, ne quid importari posset, ad Tiberim usque longa brachia deduxisset; ipse vicissim in radice collis vallum fossamque obmoliebatur.

U. c. 711.  
A. C. 41.  
*Fulvia gladio cincta.*

XXXIV. Inter haec et Fulvia continuus ad Ventidium et Pollionem, sed et Atejum et Calenum, literis urgebat, *ferrent opem obsessis; neque fratri causasque imperatoris sui darent.* Sed et noviter paratum exercitum, duce Munatio Planco, misit; a quo legio Caesaris, quae forte Romam petebat, intercepta atque concisa est. Caesar, ut hunc et reliquos, qui moveri coeperant, distringeret; relicta ad obsidionem Perusiae parte copiarum, cum Agrippa his obviam profectus, effecit, ut, priusquam conjungerentur, itinere abrupto, Plancus Spoletium se reciperet, Ventidius et Pollio, Ravennam alter peteret, alter Ariminum. Idcirco Caesar, oppositis, qui hos morarentur, Perusiam reversus, munitiones absolvit, fossis altitudine atque latitudine triginta pedum, turribusque ligneis mille quingentis, non minus diligenter adversus soluturos obsidionem, quam adversus obsessos, instituit.

*Multa contra Caesarem molitur.*

XXXV. Dum ista diversis locis aguntur, crebrae Antonianorum eruptiones factae, multo utrimque sanguine, dum miles Caesaris, missilibus potior, gladiatorum audacia cominus trucidatur. Semel etiam propinquum discrimen imperator adiit, dum circa muros sacrificat, repentina gladiatorum eruptione perne oppressus. Sed ea res fiduciam magis, quam me-

*Caesaris periculum.*

Cap. XXXIII. Flor. 4, 5. Vell. 2, 74. Dio. Vell. Dio. Appian. Cap. XXXV. Sueton. Aug. 14. et 96.

U. c. 711. tum, peperit, ex haruspicum responsis. Quod enim  
 A. C. 41. infelicia exta rapta ab obsessis fuerant, cuncta, quae  
 sacrificanti tristitia denunciata essent, in eos recasura  
 dicebantur, qui exta haberent. Jam etiam fames in  
 oppido esse coeperat, adversus inexpectatam obsi-  
 dionem minime provisus copiis. eo acius ipsa, quae  
 Kalendas Januarias antecessit, nocte tentata eruptio  
 est, et ad portas operum vis facta, ut, his perruptis,  
 auxilia, quae multis locis se ostendebant, intromit-  
 terentur. Sed, accurrente legione, quam in proxi-  
 mo statuerat Caesar, ipsoque cum praetoriis cohorti-  
 bus, post vehemens certamen Antoniani retrocesse-  
 runt. Per eosdem dies, etiam Romam adligente fa-  
 me, quum in usum belli frumentum comparceretur,  
 plebs jejuna, vi effractis domibus, quod erat inven-  
 tum, diripuit.

*Romae fa-  
mes et ex ea  
seditio.*

*Pompejanæ  
reliquæ in-  
valescunt.*

XXXVI. Eodem anno magnum, uti diximus, in-  
 crementum Sexti potentia hoc maxime modo cepit.  
 Cassius Parmensis tribunus militum, ad colligendas  
 pecunias in Asia cum exercitu et classe relictus, au-  
 dita morte Cassii de Bruto non desperans, triginta  
 Rhodiorum triremes delegerat, quas erat impleturus;  
 exultis reliquis praeter sacram omnibus, ne res nova-  
 re Rhodii possent. Cum his igitur, et quas antea ha-  
 buerat, evectus, non tamen occurrere ante finem  
 Bruti potuit. Interea et Clodius, qui missus a Bruto  
 Rhodum cum navibus tredecim fuerat, quum rebel-  
 lantem insulam invenisset, educto inde Romano prae-  
 sidio, quod erat trium millium armatorum, ad Cas-  
 sium se contulit. Eodem et P. Turulius venit cum  
 multis navibus, et magna vi pecuniarum, quas a  
 Rhodiis, dum adhuc erant dicto audientes, exegerat.

XXXVII. Hoc exemplum sequuti, quotquot ea-  
 rumdem partium tota Asia oberrabant, in unum con-  
 venerunt: et, legionariorum quanto poterant numero  
 imposito in naves, ex mancipiis aut nexis remiges  
 parabant, itemque ex insulis, quas praetervehebantur.  
 Sed et a Thaso nobiles aliquot cum M. Cicerone  
 M. F. profecti sunt ad eos; brevique collecta est non  
 contemnenda classis, et neque ducum nominibus, ne-  
 que militum aut genere aut copia poenitendus exer-  
 citus: praesertim quum etiam ex Creta Lepidus cum  
 alia manu adcessisset. Tum vero consensu ad Murcum

Cap. XXXV. Appian. Appian. Civil. l. 5. init.

et Ahenobarbum, Iōnium cum validis classibus obtinentes, navigari placuit.

U. c. 711.  
A. C. 41.

XXXVIII. Ibi consilio habito, quemadmodum deinceps sustinendae partes essent, diversae sententiae fuerunt; nisi quod constabat, triumvirorum aspernamdam amicitiam esse. Statius Murcus, desieto Cassii Brutique casu, spem tamen adhuc superesse, dicebat, in reliquis viribus, modo caput nactae idoneum forent. Consilium enim, inquit, atque imperium pluris, quam arma, sunt, quam pecunia, et militum manus. Horum vis quantalibet, nisi sapientia et auctoritate ducis contineatur, dissolvitur facile, aut in se ruit. Neque plurimum aequa potestate res geri commode potest. in bello rapiendae sunt occasiones: quae saepe non inter dissentientes modo, sed etiam inter concordēs, dum communicandis consiliis tempus abit, amittuntur. Sed neque mihi summam rerum depesco, neque cuiquam vestrum aut poscendi aut dandi auctor ero. Sex. Pompejum intueor, quem miro consilio rebus incertis unicum praesidium in propinquo Fortuna collocavit.

*His suadet Statius, ut ad Sex. Pompejum se conferant.*

XXXIX. Nec enim alium ei praeferre, etiam si copia plurimum esset, debemus, pro legibus dimicantes et libertate, quemadmodum semper iulius prae nobis. Hic autem solus jam toto imperio legitimam potestatem obtinet, maris praefectura olim adcepta ab senatu, priusquam ille scelere ac crudelitate triumvirali opprimeretur. Nec igitur dubitandum est, quin, amotis Cassio et Bruto populi Romani imperatoribus, huic reliquae res spesque nostrae committantur. Praesertim quum non aliud jus suadeat, aliud cogat necessitas; sed et illud et haec ex aequo Pompejum nobis commendent, et Siciliam. Quis enim hominum, aut quae provinciarum aptior esse praesenti necessitati, aut opportunior potest? Magni Pompeji filius, amans patriae juvenis, in malis et tolerandis et superandis exercitus, animo, felicitate, auctoritate patri, sed nondum virtutem fortunam experto, simillimus, proximam et quasi suburbanam provinciam tenet; qua nihil esse potest, tam ad excipiendos, qui vim hostium fugiunt, quam ad infestandos, qui alunt, commodius.

*Iure et potentia validum.*

XL. Nec obscura sunt aut ambigua, quae dicimus: plurimorum incolumitate, et ex acerbissimis discriminibus repente velut divinitus oblata salute, satis superque confirmantur. Quot ad eum proscriptione recenti, quot postea confugerunt? hodie quoque ad eum confluere non desinunt, quicumque aut meliorem optant reipublicae statum, aut, tantummodo militiae

*Et plurimorum incolumitatis auctorem.*

U. c. 711. *lucrique cupidi, tamen justiore sub duce mereri malunt. Sed*  
 A. C. 41. *et prudentia rerumque usu tantum valet; ut modicis ab initiis*  
*progressus ad hanc potentiam sit, qua triumvirorum apertum*  
*hostem et proficeretur, et defendit: atque hunc Caesarem ejusque*  
*legatos nihil non conantes fortiter a Sicilia repulisse non con-*  
*ventus, in ipsa quoque Italia multis adfecit incommodis. Cum*  
*hoc si jungamus has vires, ecquae esse dubitatio poterit,*  
*quin tanta adcessione auctus non modo se nosque rueri, sed*  
*etiam ab injusta triumvirorum dominatione vindictam recupe-*  
*rare rempublicam possit.*

*At Domi-*  
*tius contra*  
*disserit.*

**XLI.** Contra haec Domitius Ahenobarbus, nobilis  
 et sibi fidens juvenis, hunc in modum disseruit: *Diis*  
*immortalibus habeo agoque gratias, qui nondum ita nos dese-*  
*ruerunt, ut vel animi vel consilii egeremus. Tanta clade per-*  
*cussi, tamen non nisi de bello deliberamus. una modo consul-*  
*tatio est, quo duce propositum teneamus. Atque utinam fa-*  
*ta nostris imperatoribus pepercissent! utriusque eorum potui dicto*  
*esse audiens, et in ejus virtute atque providentia adquiescere.*  
*Sed, bis sublati, novi atque inexperti ducis subire imperium,*  
*neque facile est generosis mentibus, neque eo properandum est,*  
*antequam necessitate cogamur, quae non relinquit consilio lo-*  
*cum. Enimvero in eo adhuc res sunt, ut habere socium ami-*  
*cumque Pompejum, quam imperatorem, malis. Nec vero ad*  
*unius imperium omnino confugi opus est. Duos paullo ante habui-*  
*mus imperatores, quibus multum confidebamus; et, si victos*  
*forte regeras, etiam a duobus victi sunt. Quid vetat te quo-*  
*que, Murce, commissam tibi classem retinere, et, qua paullo*  
*ante concordia, mecum et cum ceteris consilia tractare gravio-*  
*rum conatum?*

*Sexto se*  
*subjecturum*  
*negans.*

**XLII.** Cur enim Sexto tantum deferimus, ut, cui pares  
 haberi possumus, ejus potestati ultro nos subjiciamus? *quum*  
*sint inter nos multi, qui neque nobilitate concedant ei, neque*  
*annis aut experientia. Jam vero mores adolescentes ii sunt,*  
*quos etiam, qui vituperare nolit, omnes promiscue minime lau-*  
*det probetque. Calamitas paterna deprehendit ingenii haud*  
*mali hominem, priusquam formari ad cultum magnae fortu-*  
*nae ingenuis studiis posset. Unde et ferocior justo esse dici-*  
*tur, et fidei negligenzior. Certe Pompeji Byzynici fatum*  
*docere nos debuisset, ut essemus minus in credendo faciles.*  
*Interfectum eum Sexti jussu constat: quam justis causis addu-*  
*ctus eum interfecerit, discere nondum potui. Verum est,*  
*multos ad eum profugisse viros illustres. cujus igitur opera ita*  
*uti-*

utitur, ut non amplius tribuat libertis servisque suis? Jam U. c. 711.  
et ob res non amplissimas sumere nimios spiritus, seque incre- A. C. 41.  
dibiliter efferre dicitur. Igitur prospera vobis dominum im-  
ponent, adversa ferenda ex aequo erunt.

**XLIII.** Tu vero, L. Stati, vosque ceteri, quibus eadem *Reque po-*  
mens est, quam in condignem vos rempublicam demistatis, *tius amico,*  
videritis. ego, donec mihi consulere potero, nec Pompeji, nec quam impe-  
cujusquam alterius potestati dedere me constitui. Cassio Bru- *ratore, usu-*  
toque propinqua cognatione junctis, quibus imperium decreve- *rus.*  
rat senatus, haud invitus parui. Sexto amico potius, quam  
imperatore, utar. Nec ideo minus rem communem bene cu-  
rabimus, quum nostra concordia, duobus potentissimis vinculis,  
amore libertatis et metu dominorum, adstricta, neque lentescere  
per negligentiam alterius, neque patere suspicionibus possit.  
Finis consultationis iste fuit, ut, in sua sententia per-  
stantibus utrisque, Murcus et qui cum eo sentiebant,  
Pompejum peterent; Domitius cum ceteris pristinam  
ad Iōnium mare stationem retineret. Atque hic et  
auxit postea classem suam, et longinquiores etiam pro-  
vincias oblati forte occasionibus adiit.

Cap. XLII. Supra, 123, 5. Cap. XLIII. Sueton. Ner. 3.  
Vell. 2, 72. Appian. Sueton. Dio,

## E P I T O M E

### LIBRI CENTESIMI VIGESIMI SEXTI.

*C. Caesar, quum esset annorum viginti trium, obsessum in oppido Perusia L. Antonium, conatumque aliquoties erumpere, et repulsum, fame coëgit in deditionem venire; ipsique et omnibus militibus ejus ignovit. Perusiam diruit. redactisque in potestatem suam omnibus diversae partis exercitibus, bellum citra ullum sanguinem confecit.*

*C. Caesar, quum esset annorum viginti trium*] Caesaris praenomen deest in Leid. Berg. Lov. 2. Boend. et ed. Camp. Vide ad Epitom. 124. Dein *viginti quatuor* Lov. 2. Boend. Norv. et edd. ante Froben. qui *viginti trium* reposuit. Ea vero lectio superest in Leid. Voss. et Berg. et etiam vera existimanda est. Nam *natus est Augustus M. Tullio Cicerone, C. Antonio consulibus, IX. Kal. Octobres*, teste Suet. Aug. 5. Perusiam autem ad deditionem adegit *ἐπὶ Γναίου Καλονήνου δευτέρου, καὶ ἐπ' Ἀσινίου Πωλίωνος ὑπάτων*, ut narrat Dio Cass. 48. p. 365. Cicero autem et Antonius secundum Fast. Capitol. consules fuerunt A. V. 19cxc. Sed Calvinus et Asinius A. V. 19ccxiii. quo anno ineunte Perusiam Caesar Octavianus in potestatem redegit; unde simul constat, eum tum annum aetatis vigesimum tertium egisse.

*Obsessum in oppido Perusiae L. Antonium*] *obsessus* perperam Exc. Pithoei. Hinc *in oppido Perusii* Leid. *in oppidum Perusiam* Boend. *in oppido*

*Perusia* Voss. Berg. Lov. 2. Exc. Pithoei, Norv. et omnes edd. ante ultimam Gruteri, qui *in oppido Perusiae* substituit. Eam lectionem non damno. V. ad Livii 40, 19, 9. Quum tamen ita in nullo codice repererim, priscam scripturam revocavi. Denique *L. Antonium coëgit*, addita ultima voce, Leid. Sed ea ex sequentibus perperam repetita est. Mox *compulsum* Voss. Boend. et ed. Camp. Verum proxima *conatumque aliquoties erumpere*, potius *repulsum*, ut reliqui codd. praeferunt, quam *compulsum*, requirunt. Praeterea *et omnibus quidem militibus* edd. vett. ante Sigonium, qui recte expunxit vocem *quidem*, neque in ullo meorum Mssorum, neque in ed. Campani obviam. V. ad Epit. 55.

*Redactis in potestatem suam*] *redactisque* codd. nostri, Norv. et omnes editi ante Froben. qui anno 1535. copulam eiecit. Sed codices sequi tutius visum est. Praeterea *suam* non agnoscit Voss. qui etiam *mox circa ultimum sanguinem* legit, sollemni scribarum lapsu. V. ad 21, 48, 6.

# JOHANNIS FREINSHEMII

## SUPPLEMENTORUM LIVIANORUM LIBER XCI.

### IN LOCUM LIBRI CXXVI. T. LIVII.

I. Interea M. Antonius, qui post victoriam in Thracia subfliterat, ad cogendas undique pecunias, in Graeciam cum valido exercitu venit. neque gravis aut odiosus principio civitatibus fuit, ab acerbitate omni temperans, ludisque eorum et eruditorum colloquiis et caeremoniis Deorum deditus. Idcirco vulgo *Graecorum studiosus*, sed imprimis *amator Atheniensium* vocari gaudebat, multis in eam civitatem collatis beneficiis. Nam deinde et Aeginam, et Ceam, et Sciathum, et Peparethum, aliasque insulas reddidit: et Megarenses Atheniensium derisit aemulos. Rogatus enim ab his, uti curiam suam spectaret, ubi spectavit, quaerentibus, qualisnam ea videretur, *Angusta*, inquit, et *ruinosa*. Ergo et Athenienses solita vanitate retulerunt ei gratiam, initiando mysteriis suis, honorando statuis, cum injuria veterum regum, a quibus majores eorum insigniter adjuti cultique fuerant. nam et Attali Enmenisque colossos Antonii nomine inscripserunt.

U. c. 711.  
A. C. 41.  
*M. Antonius in Graeciam venit.*

II. Dimensus deinde Pythii fanum, de cujus instauratione ad senatum perscripserat, Lucioque Censorino Graeciae praeposito, in Asiam transit, jam cessante periculo remissior, et ad prioris vitae mollietatem revolutus. Igitur Graeci Asiatici, moribus his amicam genus, Ephesum venientem curatissima pompa exceperunt. Quippe viri puerique Satyrorum ac Panum habitu, feminae Bacchas simulantes, deduxerunt eum, urbe tota personante tibiis et fistulis, passimque thyrsis atque hedera obtutui se ingerentibus. Sic incedens ille *Liber Pater* salutabatur, *benigni*

*Inde in Asiam.*

Cap. I. Vell. 2, 74. Plut. Anton. Appian. Civil. l. 5. Plut. infra, 132, 20. Cap. II. Plut.



U. c. 711. *atque blandi addito cognomento. Prima cura fuit red-*  
 A. C. 41. *dendi Dianae sacrificii. quo magnifice peracto, sup-*  
*plices Deae, qui ad id asylum e victis partibus con-*  
*fugerant, dimisit incolumes, duobus exceptis, quo-*  
*rum alter caedis Caesarianae fuerat conscius, alter*  
*Dolabellam Cassio prodiderat; vetusque spatium asyli*  
*duplicavit, partemque urbis adjecit.*

*Cui maxi-*  
*mam pecu-*  
*niam impe-*  
*rat.*

III. Inde vocatis in consilium legatis, qui ex Asia  
 Ephesum concurrerant, decem annorum tributa, quot  
 Cassio et Bruto intra biennium dederant, annua die  
 pendenda imperavit. mox deprecantibus, adleganti-  
 busque necessitatem, qua coacti dedissent potentiori-  
 bus omnia, hactenus remisit, ut novem annorum tri-  
 buta annua bima die penderent. Regibus etiam et ci-  
 vitatibus liberis, ut quisque abundare videbatur, im-  
 perata est pecunia. Huic exigendae praefecit, quos  
 voluit; ut interdum non tam acerbum videretur pen-  
 dere omnino tributa, quam his hominibus pendere.  
 Nam et citharoedum quemdam Anaxenorem Magnetem  
 quatuor urbium exigendo tributo praeposuit, militi-  
 bus ad hunc usum datis. Plurimum enim huic gene-  
 ri hominum indulgebat: et, quidquid deliciarum ullo  
 intachinamento corrumpendis moribus natum videri  
 poterat, adfectu maximo complectebatur. Ergo et  
 Xuthus choraules, et histrio Metrodorus ejus amicitia  
 nobilitati sunt; et coquus ob unam coenam scite pa-  
 ratam bona civis cujusdam Magnetis adcepit.

*L. Cassio*  
*et aliis igno-*  
*scit.*

IV. Laudabiliorem multo liberalitatem mox ob-  
 eundis provinciis exercuit, L. Cassium imperatoris  
 fratrem, et alios earumdem partium, exemplo cle-  
 mentiae, quod Ephesi ediderat, veniam petere au-  
 sos absolvens, et civitatum, quae afflictae fuerant ab  
 adversariis, calamitatem sublevans. Nam et Lycios,  
 immunes esse, Xanthumque instaurare iussit: et Rho-  
 diis Andrum dedit, Tenumque cum Naxo et Myndo,  
 quas tamen paullo post iterum ademit, quasi durius  
 imperantibus. Transiens deinde per Phrygiam My-  
 siamque, et tributis ubique gravibus impositis, in  
 Bithyniam venit, provinciaque ab Apulejo, quem Brutus  
 praefecerat, adcepta, ipsum exemit culpa, redi-  
 tumque concessit.

Cap. III. Strabo, l. 14. p. 641. Appian. Strabo, l. 14. p.  
 648. Plut. Cap. IV. Appian. Appian. Civil. l. 4. p. 616.

V. Hyrcano Judaeorum principi, suo et gentis nomine coronam auream mittenti, orantique, ut a Cassio capti servitute eximerentur, clementer respondit, datis etiam ad Tyrios, Sidoniosque, et Antiochenos, et Aradios literis, ut ablata Judaeis corpora, bona, loca restituerentur. Inde Gallograecos et Cappadocas adiit, Planco demandata Asiae cura, pecunias ubique cogens. in Cappadocia et caussam cognovit Ariarathis et Archelai Sisennae, de regno contententium. et plus apud eum Archelaus valuit, Glaphyrae matris adjutus gratia, quam formosam et parum pudicam Antonius adamabat.

U. c. 711.  
A. C. 41.  
*Judaeis  
tribuit be-  
neficia.*

VI. Hinc in Ciliciam transgressus, misso ad Cleopatram Dellio, adesse reginam, tamquam ad causam dicendam, jussit: fuisse enim Cassio insimulabatur. At illa, moribus Antonii ex fama et Dellii expositione cognitis, qui mulieri, forma et ingenio excellenti, nihil ab isto timendum adseverabat, non tam ad purgandum objecta, quam subjiciendum sibi imperatorem, se comparabat. Tandem, nec nisi plurimis illius et amicorum literis adcita, Tarsum navigavit, ubi tum agens Antonius liberam immunemque civitatem declarabat, edicto quoque proposito, uti Tarsenses cives, ubicumque servirent, dimitterentur. Tum quoque pro tribunali sedebat, quum adverso Cydno subvehi Cleopatram nunciatum est: tantusque hominum ad spectandam eam concursus fuit, ut, dilapsa forensi turba, solus cum suis Antonius relinqueretur.

*Cleopatram  
arcessit.*

VII. Neque enim vulgaris erat species. Inaurato navigio, velis purpureis expansis, vehebatur: argentei remi ad tibiarum cantum movebantur, fistulis etiam et citharis molle interstrepentibus. Illa sub tentorio, quod intextum auro erat, recubans, ornatu cultuque Venerem repraesentabat, adstantibus utrimque pueris, ventulumque facientibus, Cupidinum habitu. Sed et ancillae praestanti forma, quemadmodum Gratiae et Nereides pinguntur amictae, propter gubernaculum aut rudentes stabant. Quacumque inveheretur, ripae suffituum odorumque fragrantia complebantur. Igitur, velut fascinati praedelectione

*Illa miro  
festa acco-  
dit.*

Cap. V. Joseph. Antiq. 14, 22. Appian. Civil. l. 5. Dio, l. 48. Appian. Martial. l. 11. epigr. 20. Cap. VI. Appian. et Plut. Plin. 5, 27. Appian. Plut.

U. C. 711. animis; Venerem ad Bacchum pro salute totius Asiae  
A. C. 41. comestatum venire jactitabant.

*Antonium  
excipit con-  
vivio.*

VIII. Invitata ad coenam ab Antonio, ipsum potius ad se iussit adcedere: et paruit ille, ut comem se atque humanum ostenderet. Erant adparata omnia regio fastu: vasa auro gemmisque radiantia, nobilium artificum opera; purpureis aulaeis, auro intexto, obducti parietes; triclinia duodecim cum lectis. His excepit Antonium et amicos, quotquot ei placuerat adducere. Sed Antonius nihil tam admiratus esse, quam frequentiam et dispositionem luminum, dicitur, varias figuras magno artificio repraesentantium. Laudanti reginae magnificentiam illa subridens, *Haec*, inquit, *omnia tibi dono, Imperator, ut cras iterum mecum coenes.* Tum vero sic instruxit convivium, ut hesternae prae his parva et vulgaria viderentur. iterumque illi cetera omnia dedit; amicis autem ejus atque duobus lectos, in quibus adcubuerant, cum poculis aureis, quibus ministratum cuique fuerat. discedentibus deinde pro dignitate cujusque partim lecticas eum lecticariis dedit dono, plerisque equos cum argenteis phaleris, pueros autem Aethiopas ad praelucendum omnibus. Tum vicissim excepit eam Antonius, superare nisus splendorem et elegantiam reginae: sed, utroque inferior, primus in coenae suae sordes et rusticitatem dicteria jecit. Quarto die vicissim apud eam coenante Antonio, solum conslernendum rosis ad altitudinem cubiti curavit; qui harum copiam supeditassent, non jam nummis, sed talentis, remunerans.

*Offendit se  
fuisse Cae-  
saris parti-  
bus.*

IX. Igitur, metu omni deposito, quum ob deflitas Caesaris partes adcusaretur, non magis excusavit sese, quam imputavit ultro quatuor legiones, cum Allieno missas initio belli, classemque paratam, sed tempestatibus et celeri Dolabellae casu prohibitam egredi. Neque tamen semel iterumque cum atrocibus minis flagitanti Cassio mississe auxilia, quin cum instructissima classe ipsam ad mare Ionium adcessisse, non diligentia Murci deterritam, sed tempestatibus et classem dissipatam, et se in morbum conjectam, et interea Philippensi acie decretum esse. Nec falso ista jactabantur. sed plus apud lascivum hominis animum forma et veneres Cleopatrae, quam

Cap. VIII. Athen. 4, 11. Plut. Athen. Plut. Athen. Cap. IX. Appian.

caussa, valuerunt. Igitur ex rea statim amica, statim U. c. 711.  
domina facta, non modo regnum Aegypti retinuit, A. C. 41.  
sed in Antonio subegit orientem.

X. Erat enim non modo pulchritudine, sed magis *Cleopatrae*  
etiam lepore quodam et elegantia singulari praedita: *forma et ve-*  
quam, quidquid ageret aut loqueretur, decerent om- *neret.*  
nia. Supererat mira ingenii vis et alacritas, etiam  
prioribus amoribus excitata et erudita; quia puellari-  
bus adhuc annis Cn. Pompejum adolescentem, quan-  
do classis educendae causa profectus in Aegyptum fuit,  
et mox Caesarem mancipaverat. Adcedebat et suavi-  
tas sermonum et eruditio, multarumque cognitio lin-  
guarum. raris enim populis responsa per interpretes  
dabat. cum Aethiopibus, Troglodytis, Hebraeis, Ara-  
bibus, Syris, Medis, Persis, aliisque multis genti-  
bus ipsa loqui poterat: quum ante ipsam reges Ae-  
gyptiam quoque linguam discere non sustinuissent,  
nonnulli ne Macedonicam quidem callerent.

XI. His artibus brevi sic in potestate Antonium *Quodlibet*  
habuit, ut non his modo illicitis, sed etiam veneficiis *impetrat ab*  
captus, domitusque crederetur. Nihil enim tam aut *Antonio.*  
largitu detrimentosum, aut factu turpe erat, quod  
illa petens non impetraret. Paulo ante fratrem vi-  
rumque suum, aetatis quintum decimum annum agen-  
tem, veneno sustulerat. Soror Arsinoë religione vi-  
tam tutabatur, Dianae facta supplex, sive Ephesia illa,  
sive Lencophryne Milesiorum fuit. Hanc igitur iussu  
Cleopatrae, percussoribus immixtis, Antonius sustu-  
lit. Nec alia loca, quae tum sanctissima habebantur  
reveritus, Tyrios e templo Herculis extractum Sera-  
pionem Cleopatrae coëgit tradere, contra cujus vo-  
luntatem ille Cassio auxilium adduxerat: Aradios, ado-  
lescentem quemdam, qui se Ptolemaeum esse ferebat,  
majorem Cleopatrae fratrem, qui victus a Caesare dis-  
paruerat. Sed et Megabyzum, Ephesiae Dianae anti-  
stitem, ad supplicium deposcebat, quod Arsinoën, tam-  
quam reginam, hospitio excepisset. sed Ephesii, Cleo-  
patrae supplicantes, ab ipsa salutem sacerdoti suo  
impetrarunt.

XII. Inter haec, continuato per Cavam Syriam, *Antonius*  
Palaestinam, Ituraeos, aliosque Syrorum populos iti- *Herodi favet.*

Cap. X. Plut. Cap. XI. Joseph. Antiq. 15, 4. Dio. Je-  
seph. Appian.

U. c. 711. nere, tyrannos passim e civitatibus sustulit: liberta-  
 A. C. 47 tem cum immunitate tribuit Laodiceis: variasque ci-  
 vitatum et regulorum lites composuit. Unde Judaeis  
 etiam principibus, Phasaëli et Herodis aemulis, facta  
 spes, subverti fratres illos posse: quamquam nuper  
 frustra eos adcusassent, quo tempore veniens ex Eu-  
 ropa Antonius Herodis obsequiis et pecunia sic deli-  
 nitus est, ut, nec auditis delatoribus, rem integram  
 in suum adventum rejiceret. Venerunt igitur centum  
 ex primoribus Antiochiam; nec aliud effecerunt, quam  
 ut ambo fratres Tetrarchae constituerentur, eisque  
 sub Hyrcani nomine, cujus jam factus affinis erat He-  
 rodes, summa rerum Judaicarum permetteretur. Id  
 quum aegerrime ferrent adcusatores, ex eorum nu-  
 mero quindecim vinxit; ne occideret, Herodis pre-  
 cibus tribuens.

*Ejusque ad-* XIII. Nec ideo Judaei quieverunt, quin alii mille  
*cusatores oc-* Tyrum proficiscerentur, quod venisse Antonium audie-  
*cidit.* rant. At ille praefecto praesidii negotium dederat,  
 ut importunos et molestos homines ulcisceretur. gran-  
 dem enim a fratribus summam adeeperat, et erat in  
 hos olim bene adfectus propter hospitium, quod ei  
 cum patre eorum fuerat. Igitur Herodes, gnarus rei,  
 quum ante urbem diversaretur, prodiit adcusatoribus  
 suis obviam, monuitque sibi parcerent. *si enim progre-*  
*derentur, malum habuissent.* At illi, contempto Herode,  
 quum ad urbem procederent, obvios habuerunt arma-  
 tos, a quibus interfecti sunt nonnulli, sauciati com-  
 plures, reliqui coniecti in fugam moesti abierunt do-  
 mos. Mox Antonius eos etiam, quos habebat in vin-  
 culis, occidit; propterea quod a plebe Hierosolymi-  
 tana Herodem conviciis exceptum esse cognoverat.

*Palmyreni* XIV. Interea, digressa in Aegyptum Cleopatra, M.  
*oppidum de-* Antonius, resumpta paullisper imperatoris persona  
*serant.* propter Parthos, qui, numquam satis quieti, tum va-  
 lidius se commovere dicebantur, equites Palmyram  
 misit, oppidi diripiendi gratia, quod sentire cum  
 Parthis insimulabatur. Sed Palmireni, corporibus  
 rerumque suarum pretiosioribus trans Euphratem tra-  
 jectis, equitibus vacua aedificia reliquerunt: disposi-  
 tis pro ripa sagittariis, quo genere plurimum valent,  
 intercluso transitu. Hic conatus Antonii, et tyranno-

Cap. XII. Joseph. Antiq. 14, 22. et 23. et de B. Jud. 1, 10.  
 Cap. XIV. Appian. Dio. Plut. Appian.

rum, quos ubique civitatibus Romanis expulerat, ad Parthos fuga, simulque gravissima populis imposita tributa, magnum adtulisse momentum putantur, ut citius, quam timeretur, Parthicum bellum erumperet. Sed Antonius, neque Fulviae labores in Italia, neque provinciarum necessitates et pericula moratus, copiis in hiberna distributis, et Saxa Syriae imposito, in Aegyptum profectus, totum se Cleopatrae et voluptatum turpitudinai tradidit.

U. e. 711.  
A. C. 41.

XV. Consulum deinde nomen (vis enim penes triumviros erat) Cn. Domitius M. F. Calvinus iterum, C. Asinius Pollio gesserunt: hic adversus Caesari, belloque Perusino immixtus. sed pacta cum M. Antonio nondum audebat Caesar violare: neque referre putabat, penes quem adpellatio consulis esset, quum ipse tanto jam tempore consulem in obsidione habuisset. Jam asperior quotidie fames obseffos Perusiae experiri omnia remedia coegerat. Idcirco, sociorum auxilia ultimis precibus obtestationibusque sollicitantes, perfecerunt, uti tres duces, qui repereant interea conjungendi copias viam, repulsis, qui prohibebant, Caesarianis, Perusiam contenderent. Sed Caesar Agrippam et Salvidienum his occurrere cum validiore exercitu iussit. quibuscum manus conserere non ausi, ne ab his et prioribus hostibus circumvenirentur, Fulginium occuparunt, passuum viginti millia distans a Perusia castellum.

U. e. 712.  
A. C. 40.  
Cn. Domitio II. C. Asinio Coss.  
*Antoniani Perusiam eximere conantur obsidioni.*

XVI. Ibi circumseffi ab Agrippa de rebus suis, *Perusina* coacto consilio, deliberarant. Pollio consul, adsentiente Ventidio, perrumpendum censebat: postremo Plancus obtinuit, cautiora suadens, ne inter Agrippam et Caesarem intercepti utrimque caederentur. Lucius quique cum eo Perusiae obsidebantur, quam ignium indicio adesse socios intellexissent, cessantibus ignibus a maxima spe ad ultimam desperationem revoluti, victos enim fuisse suos existimabant, prima vigilia eruperunt, tentatisque locis omnibus, undique repulsi, diluculo se receperunt. Inde, subducta ratione corporum et alimentorum, Lucius dimensum praeberi servis vetuit: neque transfagere passus est, acribus ubique custodiis positis. Idcirco miseri, per urbem et ante muros herbam vellentes aut frondem,

*fames.*

Cap. XIV. Plat. Dio. Appian. Cap. XV. Dio. Appian. p. 691. Cap. XVI. Vell. 2, 74. Appian.

U. c. 712. agminatim moriebantur: et altissimis specubus inji-  
 A. C. 40. ciebantur cadavera, ne relictæ et putrefacta morbos  
 gignerent; cremata, rogorum multitudine necessita-  
 tem obsessorum proderent hostibus.

*Obsessi e-  
 ruptionem  
 tentant.*

XVII. Sed in hoc statu sili non poterat diu: rur-  
 sumque rogantibus militibus, ut pugnando potius ca-  
 derent, adnuit Lucius, monens, aut abstinendum cer-  
 tamine, aut nisi victoribus non revertendum. Adcla-  
 marunt omnes cupide, et, ne nox ignaviam aliquo-  
 rum tegetet, educi clara luce postularunt. Igitur  
 omnibus, ut ad ultimum conatum, summa cura prae-  
 paratis, cum instrumentis et scalis variae formae in-  
 structi ante lucem egrediuntur. Aderant et machinae,  
 complendis fossis aptae, turres plicatiles, unde pon-  
 tes extrudi in muros solent, et telorum omnis gene-  
 ris magna copia, saxa itidem et crates, quae palis  
 circum opera erectis injicerentur. Haec quum magno  
 militum nisu admoverentur, fossa completa, supera-  
 toque vallo, ad murum transgressi, suffodere hunc,  
 alii, scalis atque turribus admotis, transcendere nite-  
 bantur: et, quum diversis locis haec fierent, propu-  
 gnantesque clamoribus incertis distraherentur, pon-  
 tes alicubi in murum infecti sunt, paucisque occisis,  
 reliqua multitudo sequebatur.

*Sed cum de-  
 strimento re-  
 jiciuntur.*

XVIII. Erat plane res obsidentibus in discrimine  
 et metu: sed, quia raros admolari pontes obsessi po-  
 tuerant, facile occursum est, strenuissimo quoque ad  
 defendenda loca opposito, quae plurimum urgebantur.  
 Igitur Antoniani defatigati a recentibus, quum etiam  
 latera haberent ictibus exposita, rejecti sunt, scalae-  
 que et turres eorum confractae. Ne tum quidem abs-  
 tinuerunt pugna, quamquam ex superiore loco impu-  
 ne vulnerarentur: donec Lucius, misertus nimium et  
 inutilem laborem, signum receptui dedit. Sed ne sic  
 quidem eos deseruit animorum obstinatio, quin, plau-  
 su hostium exsultantium irritati, resumerent scalas, et,  
 quamquam irritò incepto, in mortem potius, quam  
 proelium, ruerent. Et exorandi fuerunt imperatori,  
 ut servare potius vitam, quam prodigere nequidquam,  
 vellent.

*L. Antonius  
 pacem petit  
 per legatos.*

XIX. Ultimus hic obsessorum conatus fuit: et Cae-  
 sar, ne quid tale posthac auderent, sic exercuit suos,  
 ut, signo dato, cum armis proflirent in muros. id  
 quoque spectaculum desperationis implevit Antonia-

nos, et, quia moerore lentescebat disciplina, remissius moenia custodiebantur; pluresque transfugiebant ad Caesarem, non gregarii modo, sed et tribuni praefectique. Atque hos postquam clementer acceptos a Caesare vulgatum est, omnesque reliqui spem parem conceperunt, Lucius timens, ne, si pervicacior esse vellet, hosti dederetur, legatos de pace misit. Caesar, ex duobus generibus constare Lucii copias sciens, ut dissociaret animos, veteranis se veniam dare dixit in gratiam Antonii: reliquos suam in potestatem dedisse. Haec in commune tribus legatis. mox uni seorsim C. Furnio, ceteris quoque parcere velle, ostendit, solis exceptis, qui proprias secum inimicitias exercerent. At hi, suspectum habentes cum Furnio arcanum sermonem, hunc quidem exceperunt conviciis; a Lucio postularunt, ut aut paribus conditionibus pacis amplecteretur omnes, qui pari studio bellassent pro patria; aut arma universi ad extremum usque spiritum retinerent.

U. c. 717.  
A. C. 40.

XX. Lucius, reveritus pari secum dignitate viros, laudavit eorum sententiam, et, quando neminem haberet aptiorem, se dixit ad Caesarem ire. profectusque est statim sine feciali, cursu praecedentibus, qui rem Caesari significarent. Atque ille ad hoc nuncium properabat occurrere venienti. jamque in conspectu erant cum amicis et imperatoriis sagulis; quum, dimissis omnibus, Lucius, duos tantum lictores secum habens, processit, hoc ipso demonstrans animi sui propositum: intellexitque Caesar, et, Lucium imitatus, ostendere signum mox coaliturae benevolentiae voluit: et, festinante Lucio, ut intra vallum colloquerentur, egressus est Caesar, ut sic quoque liberum esset Lucio, quid capere consilii vellet.

Mox ipse  
ad Caesarem  
proficiscitur.

XXI. Tum, ut est relatum in commentarios, Lucius prior ita coepit: Siquidem cum externo mihi certamen fuisset, et vinci turpe putarem, Caesar, et turpius victum confiteri; eamque ignominiam exirem eadem via, quae multis egregiis viris, virtutem Fortuna oppressam adferentibus, placuit. Nunc, quia cum cive aequalis dignitatis contentio fuit, expertus, quae porui, pro patria, tali viro lubens cedo. Nec tamen haec dicta sic adcipias, quasi victori, in spem humanioris clementiae, adblandiar. non issem buc sine feciali, si pro me essem sollicitus: aliis pacem postulo, quam utique concessurus es, ubi nec iniquam petitionem meam, neque rationibus tuis alienam cognoveris. Nam, ut certius omnia dispicias, separari causas oportet; ut in me omnem effundas iram,

Ejus oratio.



U. c. 772. quem horum omnium auctorem intelliges; his ignoscas, qui,  
A. C. 40. decepti falsique, alia, quam penitus sentiebam, praeferentem  
in fratris Marci gratiam sequuti sunt. Quod si forte quae-  
dam liberius dixerō, licentiae ferociaeque imputare noli. non  
conveniunt ea temporibus meis. ea tantum dicam ex animi  
mei sententia, quae dissimulari nequibunt.

Reipubli-  
cas causa se  
arma sum-  
psero.

Quam et  
fratri prae-  
posueris.

XXII. Ego bellum tibi feci, Caesar, non ut oppresso suc-  
cederem in principatu, sed ut restituerem rempublicam sena-  
tui; cujus, sub hac triumvirali potestate, jus atque decus om-  
ne adcisum atque sublatum est injuria. hoc enim ipsi quoque et  
sensistis olim et praetulistis, legitimum hunc magistratum non  
esse fassi; necessarium adpellantes, donec Cassii Brutique irre-  
conciliabilis facio tolleretur. Ideo neque perpetuum esse, sed  
quinquennale, voluistis. Ergo itaque, oppressis partium du-  
cibus, reliquiarum, si tamen ullae sunt reliquiae, non contra  
rempublicam, sed pro sua incolumitate, manentibus armis,  
sed cessuris, simul atque timere sibi a vobis defierint, tempus  
esse judicavi, ut, cessantibus aliquando extraordinariis impe-  
riis, patrius mos civitati, legibusque et magistratibus potestas  
sua redderetur. Neque vero majorem esse ducendam fratris,  
quam reipublicae, rationem existimaui; fore persuasus, ut ei  
quoque, quum venisset, tam justa et gloriosa probarentur. Et,  
quia mihi magistratus nomen profuturum ad efficienda coepa  
credebam, dimittere hanc opportunitatem nolui. Quod si tibi  
res ea cordi fuisset, penes te esset tanti operis coepti perfecti-  
que gloria. quia vero tibi persuaderi nequium est; ego, urbe  
per vim occupata, hoc adfectavi decus, instinctus, ut opinor,  
generosa cogitatione, nihil esse, quod pro republica moliri vel  
cum discrimine non oporteat et Antonium, et consulem, et  
progeniem ejus Herculis, qui unus omnium laboriosissime con-  
tra injustas dominationes dimicavit.

Non igitur  
se debere o-  
dio esse Cas-  
sari.

XXIII. Haec et vera belli hujus causa, si quid mihi cre-  
dis, et sola est. Nihil hic me frater, nihil aut Manius mo-  
vit, aut Fulvia: ne divisio quidem agrorum, et pulsi possessio-  
nibus suis innocentes. nam et me auctore coloniae fraterni mi-  
litis deductae sunt. Tu videri causam eam armorum voluisti,  
ut veteranos tibi conjungeres, quorum praemia per me vocari  
in discrimen arguebas. Hoc tibi vaframentum utile ad victo-  
riam fuit; dum e re tua erat, ut milites tui me, tamquam  
hostem insensissimum, odissent. At nunc, parva victoria, non  
est, ut in me hostili sis animo, nisi et patriam oderis: nam  
pro hujus libertate facta fuisse a me omnia reperies. Atque

Cap. XXII. Cic. Phil. 2, 28. Plut. Anton. init. Cap. XXIII.  
Appian.

haec ille ego dico, qui non nesciam in tua nunc potestate esse: unde, quid de te judicaverim, adparet, quidque nunc judicem, solus ad te veniens. Sed de me ipso hactenus.

U. c. 712.

A. C. 40.

**XXIV.** Quod autem amicos, atque adeo totum exercitum, adtinet, nisi consilium a me profectum pro suspecto respicis, magnopere tibi sim auctor, ne hac causa cuiquam nimium irascaris. etiam, tuos offenderis, si adeo implacabilia doceas esse debere civium odia, ut ignosci victis non oporteat: periculosum est homini, quum sit instabili Fortunae obnoxius, sola victoria tutum vivere. Sin vero me adhuc hostem esse, et talium consiliis minime credendum putas, non me piget precibus abs te contendere, ne meam sive culpam, sive fortunam amicis meis fraudi esse finas: sed a me potius expetas poenam, qui horum omnium omnibus auctor existis. Atque haec ut serio dici constet, illis absentibus agere tecum volui: ne mihi potius ab illorum deprecationibus quaerere praesidium viderer.

**XXV.** Ad haec Caesar; Ut ego te sine feciali vidi descendere, L. Antoni, festinavi, ut ante castra mea occurrerem; ne locus tibi necessitatem imposuisse videretur dicendi faciendive, quae uolles. Postquam autem meam in potestatem te tradidisti, quod est eorum, qui se peccasse confitentur, nihil necessum est refellere, quae mihi falso quidem, sed speciose, objecisti.

Caesaris responsio.

**XXVI.** Ceterum, sicut ab initio me conatus es laedere, Oblivionem ita laedis etiam necesque in praesentia. quippe, si conditiones injuriarum voluisses, eras tibi cum irato et victore paciscendum: nunc, quando, conditionibus omissis, meae fidei permittis omnia, quem armis non potuisti, pudore constringis, ut nec irarum amplius possim esse memor, nec uti potestate, quam, si pacationes intervenissent, necessario eras concessurus. Jam vero me cogis oblitum eorum, quae commeruisti, unum tantummodo respicere, quid me deceat. hanc enim partem praefero sanctorum Deorum, quam mea causa. sed et propter te, L. Antoni, faciam: operamque dabo, ne sic de me judicasse poeniteat. His ultro citroque dictis, Lucii magnanimitatem et prudentiam admiratus Caesar esse dicitur; vicissimque Caesaris moderationem et brevitatem sermonis in adolescente trium et viginti annorum admirationi fuisse Lucio: ceteri vero, facientes ex vultu utriusque conjecturam, rem commode transactam esse, jam tum fiduciam salutis suae gaudiumque perceperunt. Hoc

U. c. 719. maxime modo bellum Perusinum, post acrem obsidio-  
 A. C. 49. nem, et multas inclusorum eruptiones, finitum est:  
 fame coacto ad deditionem Lucio.

*Belii Peru-  
 sini finis.*

XXVII. Sed statim a colloquio missi ab Lucio tri-  
 buni venerunt ad Caesarem, telleram petentes, mili-  
 tumque suorum numerum referentes. qui postea quo-  
 que mos obtinuit, ut, qui quotidie signum petebant  
 a Principe, descriptum simul exhiberent numerum  
 eorum, qui tum sub signis essent. Caesar, data tes-  
 sera, iussit eos excubias adhuc agere solito more, ne,  
 sub noctem intromissis in oppidam victoribus, aliquid  
 praeter animi sui sententiam gereretur. Orta luce,  
 Caesar quidem sacrificavit. at Lucius eduxit exercitum  
 cum armis, sed obvolutis et intectis, iter facientiam  
 more. ubi non longe abfuerunt a Caesare, *Imperato-  
 rem* salutarunt eminus: inde, quibus erant iussi locis,  
 per legiones consistere.

*Caesariani  
 milites pro  
 Antonianis  
 deprecantur.*

XXVIII. Caesar, finito sacrificio, laureatus con-  
 scendit tribunal, iussisque arma ponere Antonianis,  
 postquam id factum est, veteranos (nam a tironibus  
 secreverat) adiecit, ut tamquam ingratos castigaret  
 atque perterrefaceret. At Caesariani milites, sive  
 subornati ab imperatore, ut saepe, sive veterum com-  
 militonum tempore permoti, ad complexum illorum  
 festinabant, orantes pro his Caesarem irrequietis vo-  
 cibus, neque discedentes ab amplexu eorum. donec  
 Caesar, aegre sedato clamore, conversus ad suos,  
*Meruistis, ait, commilitones, ut vobis negem nihil. At ego  
 tirones quidem coactos militasse Lucio censebam. hos autem,  
 qui saepe nobiscum militaverant, et nunc a vobis servantur,  
 cupiebam interrogare, qua igitur nostra injuria, qua offensa,  
 aut qua saltem spe uberioris apud alios militiae, contra me  
 et vos et sua ipsi commoda pugnaverint? quidquid enim su-  
 datum est hactenus, ecquo alio fuit factum, nisi ut agri ve-  
 teranis darentur, cujus fructus fiebant et ipsi participes?  
 Igitur, si conceditis, nunc quoque eos interrogabo.*

*Caesar illis  
 ignoscit.*

XXIX. Deprecantibus illis, *Fiat igitur, inquit, quod  
 petitis, abeant vestro patrocinio securi, et hanc etiam objur-  
 gationem lucentur; sed hac conditione, ut vobiscum in poste-  
 rum consensiant.* Tum vero utrimque voces et clamo-

Cap. XXVI. Liv. Epit. Flor. 4, 5. Cap. XXVII. Dio.  
 Vell. 2, 74. Eutrop. l. 7. Appian. Plut. Lucull. Senec. de  
 Tranquill. Animi, 8. Appian.

res promiscui insonnerunt laudantium Caesarem, agentiumque gratias. atque ille quibusdam petentibus concessit, ut, quos quisque vellet, exciperet hospitio: reliquam multitudinem, quo loco primum constituerant, sub pellibus agere iussit, donec hiberna eis, et qui deducerent, adsignarentur. Adesse mox Lucium ceterosque iussit, pro tribunali sedens: descenderuntque senatores et equites multi, praesentem fortunam habitu vultuque praeferentes. quibus egressis, praesidium Caesaris Perusiam introductum est. Lucium Caesar secum habuit: ceteros centuriones partiti sunt, custodes futuri hospitem specie, ut erant edocti ab imperatore.

D. c. 712  
A. C. 40.

XXX. Perusinis e muro deprecantibus concessum, *In Perusino immitior.* ut egrederentur, praeter decuriones, venientibusque data venia. decuriones in custodiam dati, paullo est, ut militum odiis satisfaceret, supplicium pertulerunt, uno excepto L. Aemilio, quod iudex Romae, quum percussores Caesaris postularentur, atrum calculum palam tulerat, ceterosque fuerat ad condemnandum reos cohortatus. Oppidum diripiendum dare militi voluerat Caesar; sed princeps civitatis Cestius, qui mentis haud omnino sanae *Macedonicum* se appellabat, quod olim ea in provincia militasset, subiecit ignem aedibus suis, seque transfixum gladio in flammam intulit. tum ventorum vi dilatum incendium omnem Perusiam hausit, excepta tantum aede Vulcani. Junonis signum, quam Etrusci prae ceteris numinibus consueverant colere, quum intactum mansisset ignibus, Caesar Romam transferendum curavit, somnio monitus: concessitque volentibus instaurare oppidum: agri tamen spatium intra passus mille restrictum est. Qui deinde has reliquias incoluerunt, pro Junone Vulcanum adoptarunt tutelare numen. Hic tum exitus Perusiae fuit, veteris urbis, sive Lydi eam, novi tum adhuc Italiae inquilini, sive, ut est relatum ab aliis, Achaei condiderunt.

XXXI. Proxima deinde die Caesar, qui jam re- *Caesaris crudelitas.* conciliatus erat Antonio, ceteris etiam omnibus ignovit. Nec ideo minus trucidati sunt plurimi nobiles et egregii viri, quum excusare se conantibus una

Cap. XXX. Vell. Appian. Dio. Appian. Liv. Epit. Appian. Propert. 2, 1. 39. Justin. 20, 1. Cap. XXXI. Appian.

U. c. 712. voce responderet Caesar, *moriendum esse*. Sic et Ti.  
 A. C. 40: Canutius, qui tribunus plebis causam Caesaris plurimum adjuverat, et Flavius quidam, et Clodius Bithynicus perierunt, et alii tanto numero, ut trecentos, aut etiam quadringentos utriusque ordinis, delectos e dedititiis, Idibus Martiis ad aram D. Julio exstructam more victimarum immolatos ferant. Caesar ad haec cogi ab exercitu querebatur: nec ideo persuasit. quin fuerunt, qui traderent, ab ipso hoc confiatum bellum esse data opera, ut aemuli atque inimici latentes, copia ducis se offerente, nudarent animos, vincique et facultatibus exui possent: unde promissa veteranis praemia conficerentur. Sic Perusina famēs, quas mox propter summum exempli horrorem velut proverbio jactari coepit, totam Italiam formidolosissimo bello liberavit.

*Antoniani  
 fugiunt ex  
 Italia.*

XXXII. Maximae enim vires Antonianorum fuerant; C. Asinius, L. Plancus, P. Ventidius, P. Canidius Crassus, Atejus, alique duces, tredecim exercitus ducebant, et equitum sex millia quingentos. Hi plerique omnes, Lucii casu exterriti, ad mare descenderunt, Brundisium, aut Ravennam, aut Tarentum petentes: atque inde pars ad Pompejum, Murcumque, et Ahenobarbum sese contulit; alii transierunt ad M. Antonium. Insequebantur Caesariani pacem offerentes, et contumacibus infesli. Sed nihil efficere memorabile potuerunt, nisi quod Agrippa duas legiones ad se transduxit, quas Plancus Caezariae reliquerat. Atque idem Plancus, reliquo etiam exercitu ignaviter deserto, Fulviae cum liberis fugienti se adjunxit comitem: atque illa cum tribus millibus equitum, quos ei duces praesidii causa addiderant, Puteolos et inde Brundisium contendit, cum navibus longis quinque, ad hoc e Macedonia adcitis, ad virum trajectura. Reliquorum nonnulli adjunxerunt se P. Ventidio. Sed Asinius Pollio, qui cum septem legionibus Venetiam diu retinuerat Antonio, magnasque res circa Altinum gesserat, dum Antonium petit, Domitium Ahenobarbum fide data transduxit ad partes. Scripseruntque ambo ad Antonium, eique, tamquam

Cap. XXXI. Sueton. Aug. 15. Dio. et Appian. Sueton. Dio. Senec. de Clem. 1, 11. Appian. Sueton. Lucan. 41. Appian. Cap. XXXII. Pigh. Ann. ad ann. 713. Appian. Dio. Appian. Vell. 3, 76. Appian. Vell. Dio. Appian.

nam mox adfuturo, excensiones et commeatus pre- U. c. 712.  
debant. Sextus quoque Pompejus, per Juliam An- A. C. 40.  
nii matrem, quam in Sicilia comiter exceperat, de  
Sicilia cum eo agere coepit.

XXXIII. Inter haec Caesar reliqua Italiae, quae *Liviae*  
mediis adversariorum occupata fuerant, armis aut *fortuna.*  
estate defensorum recepit. Nec tacenda Liviae,  
Augustae, fortuna, magnum habens et utile mor-  
tale exemplum mutabilitatis. Ti. Claudius Nero,  
vir fortior et pontifex, quum, deditione a cete-  
ris Italiae facta, solus in partibus perstitisset, Prae-  
nestem, deinde Neapolin evaserat. Ibi frustra  
profectus patrocinium eorum, qui agros amiserant in  
Campania, servos etiam vocare conatus ad pileum,  
adventu Caesaris in Siciliam fugit. In ea trepidatio-  
ne Tibullus, qui post imperavit, tum vix himulus,  
pene vagus suo parentum fugam prodidit: quum, ad  
vitandum occursum militis, matris Liviae sinu, et  
quidem gravidae, uno tantum per itinerum devia co-  
mitante proceres, ad navigium deportatur.

XXXIV. Nec diu manere apud Pompejum juvenis  
superbus potuit, non statim in conspectum ejus ad-  
missus, et mox prohibitus fascibus, quos ultra legiti-  
mum tempus tenebat. Igitur, ad Antonium profe-  
cturus, in Aegnam transmisit, commendavitque suos  
Lacedaemoni publice, quod in tutela Claudiorum ea  
civitas erat. Sed inde digredientem nocturno itinere *Et grave*  
flamma, repente exorta e silvis, cum omni comitatu *periculum.*  
ita circumdedit, ut Liviae vestis et comae ambureren-  
tur. inter fugam Neronis a Neapoli, C. Vellejus, avus  
historici, quum ante Bruti, mox Neronis praefectus fa-  
brum fuerat, tale corpus, quod comitari abeuntes  
cupientem tardam, gladio transadegit,

XXXV. Tota Italia Caesaris erat. igitur pro- *Caesaris*  
xima ei cura fuit occupandarum legionum, quae sub *potentia*  
Alpibus multae, Caleno duce, castra habebant: ut, *crescit.*  
siquidem in amicis maneret Antonius, illi servaren-  
tur; sin vero, lucida pars virium detraheretur ini-  
mico. Dispiciente occasione Fortuna adjuvit, mori-  
ente sub hoc tempore Caleno. neque distulit Caesar adire

Cap. XXXII. Dio. Cap. XXXIII. Vell. Sueton. Tib. c. 1.  
et Dio. Sueton. Tib. c. 1. et Vell. Cap. XXXIV. Sueton.  
Vell. 2, 76. Cap. XXXV. Appian.

Supplem. Liv. Tom. 7.

H h

U. c. 712. voce responderet Caesar, *moriendum esse*. Sic et Ti. A. C. 40: Canutius, qui tribunus plebis causam Caesaris plurimum adjuverat, et Flavius quidam, et Clodius Bithynicus perierunt, et alii tanto numero, ut trecentos, aut etiam quadringentos utriusque ordinis, delectos e dedititiis, Idibus Martiis ad aram D. Julio exstructam more victimarum immolatos ferant. Caesar ad haec cogi ab exercitu querebatur: nec ideo persuasit. quin fuerunt, qui traderent, ab ipso hoc conflatum bellum esse data opera, ut aemuli atque inimici latentes, copia ducis se offerente, nudarent animos, vincique et facultatibus exui possent; unde promissa veteranis praemia conficerentur. Sic Perusina famēs, quas mox propter summum exempli horrorem velut proverbio jactari coepit, totam Italiam formidolosissimo bello liberavit,

*Antoniani  
fugiant ex  
Italia.*

XXXII. Maximae enim vires Antonianorum fuerant; C. Asinius, L. Plancus, P. Ventidius, P. Canidius Crassus, Atejus, aliique duces, tredecim exercitus ducebant, et equitum sex millia quingentos. Hi plerique omnes, Lucii casu exterriti, ad mare descenderunt, Brundisium, aut Ravennam, aut Tarentum petentes: atque inde pars ad Pompejum, Murcumque, et Ahenobarbum sese contulit; alii transierunt ad M. Antonium. Insequebantur Caesariani pacem offerentes, et contumacibus infestii. Sed nihil efficere memorabile potuerunt, nisi quod Agrippa duas legiones ad se transduxit, quas Plancus Ceme-riae reliquerat. Atque idem Plancus, reliquo etiam exercitu ignaviter deserto, Fulviae cum liberis fugienti se adjunxit comitem: atque illa cum tribus milibus equitum, quos ei duces praesidii causa addiderant, Puteolos et inde Brundisium contendit, cum navibus longis quinque, ad hoc e Macedonia adcitis, ad virum trajectura. Reliquorum nonnulli adjunxerunt se P. Ventidio. Sed Asinius Pollio, qui cum septem legionibus Venetiam diu retinuerat Antonio, magnasque res circa Altinum gesserat, dum Antonium petit, Domitium Ahenobarbum fide data transduxit ad partes. Scripseruntque ambo ad Antonium, eique, tamquam

Cap. XXXI. Sueton. Aug. 15. Dio. et Appian. Sueton. Dio. Senec. de Clem. 1, 11. Appian. Sueton. Lucan. 41. Appian. Cap. XXXII. Pigh. Ann. ad ann. 713. Appian. Dio. Appian. Vell. 2, 76. Appian. Vell. Dio. Appian.

quam mox adfuturo, exactiones et comestus providebant. Sextus quoque Pompejus, per Juliam Antonii matrem, quam in Sicilia comiter exceperat, de amicitia cum eo agere coepit.

U. c. 712.  
A. C. 40.

XXXIII. Inter hæc Caesar reliqua Italiae, quae *Liviae fortuna.* praesidiis adversariorum occupata fuerant, armis aut voluntate defensorum recepit. Nec tacenda Liviae, mox Augustae, fortuna, magnum habens et utile mortalibus exemplum mutabilitatis. Ti. Claudius Nero, vir praetorius et pontifex, quum, deditione a ceteris Perusiae facta, solus in partibus perstitisset, Praeneste primum, deinde Neapolin evaserat. Ibi frustra professus patrocinium eorum, qui agros amiserant in Campania, servos etiam vocare conatus ad pileum, adventu Caesaris in Siciliam fugit. In ea trepidatione Tiberius, qui post imperavit, tum vix himulus, pene vagitu suo parentum fugam prodidit: quum, ad vitandum occursum militis, matris Liviae sinu, et quidem gravidæ, uno tantum per itinerum devia comitante profugos, ad navigium deportatur.

XXXIV. Nec diu manere apud Pompejum juvenis superbus potuit, non statim in conspectum ejus admissus, et mox prohibitus fascibus, quos ultra legitimum tempus retinebat. Igitur, ad Antonium profecturus, in Achajam transmisit, commendavitque suos Lacedaemoniis publice, quod in tutela Claudiorum ea civitas erat. Sed inde digredientem nocturno itinere *Et grave periculum.* flamma, repente exorta e silvis, cum omni comitatu ita circumdedit, ut Liviae vestis et comae amburerentur. inter fugam Neronis a Neapoli, C. Vellejus, avus historici, qui ante Bruti, mox Neronis praefectus fabrum fuerat, senile corpus, quod comitari abeuntes cupientem tardabat, gladio transadegit,

XXXV. Tota jam Italia Caesaris erat. igitur proxima ei cura fuit occupandarum legionum, quae sub *Caesaris potentia crescit.* Alpibus multae, Caleno duce, castra habebant: ut, siquidem in amicitia maneret Antonius, illi servarentur; sin vero, luculenta pars virium detraheretur inimico. Dispicientem occasiones Fortuna adjuvit, moriente sub hoc tempore Caleno. neque distulit Caesar adire

Cap. XXXII. Dio. Cap. XXXIII. Vell. Sueton. Tib. c. 1. et Dio. Sueton. Tib. c. 6. et Vell. Cap. XXXIV. Sueton. Vell. 1, 76. Cap. XXXV. Appian.

Supplem. Liv. Tom. XIV.

H h



**U. c. 712.** exercitum, potitusque voto, Fufio adolescente per  
**A. C. 49.** metum tradente proinus omnia, Galliam et Hispaniam adjunxit, quae adtributae Antonio fuerant: atque ita simul undecim legionibus et amplissimis provinciis in potestatem citra sanguinem adceptis, ubique suae factionis homines, amotis Antonianis, praefecit. hisque gestis in urbem triumphali habitu inductus est, ubi tum resumpta veste, quam sine senatus-consulto, plebe cogente, posuerant Patres, festi dies agebantur. Tum ei corona laurea decreta, nec in praesens tantummodo, sed uti toties uteretur, quoties aliquis alius triumpharet.

Cap. XXXV. Liv. Epit. Appian. Dio.

## E P I T O M E

### LIBRI CENTESIMI VIGESIMI SEPTIMI.

*Parthi, Labieno, qui Pompejanarum partium  
erat, duce, in Syriam intraverunt: victoque Deci-  
o Saxa, M. Antonii legato, totam eam provin-  
ciam occupaverunt. M. Antonius, quum ad bellum  
contra Caesarem gerendum incitaretur, uxore Ful-  
via dimissa, ne concordiae ducum obstaret, pace  
facta cum Caesare, sororem ejus Octaviam in ma-*

*Victoque Didio Saxa, M. An-  
tonii legato] Vet. lib. Decidio  
Saxa. Item Cicero 13. Philipp.  
3.] Decidium Saxam Antonii  
bellum commemorat. SIGON.  
Caesar 1. B. Civ. 66. L. Deci-  
us Saxa. et Dio 47, 347. De-  
cidios. DUK. Copula que male  
mittitur in Boend. Dein Decio  
Saxa Leid. et Berg. Decio Ga-  
llo ed. Camp. Decidio Saxa  
Voss. Lov. 2. Boend. et Exc. Pi-  
thoei; quod recte Sigonius resti-  
tuit. Decidios Sælas memoratur  
Dion. 47, 347. pro quo Sælas  
ponendum. Casaubonus qui-  
dem Exercit. Baron. num. 1. §. 30.  
idem Decidios Sælas legendum  
ultimabat; sed, eum errare,  
ostendit Noris. ad Genot. Pis.  
II 1. c. 16. §. 5. Praeterea et  
Antonii legato Voss. Lov. 2.  
Boend. Male. Decidius Sa-  
xa enim ab M. Antonii legato  
non fuit diversus.*

*Universam eam provinciam  
occupaverunt] totam eam Leid.*

*Voss. Berg. Lov. 2. Boend. et  
ed. Camp. Vide ad Epit. 52. In-  
super occuparunt Leid. et Exc.  
Pithoei.*

*Ad bellum contra Caesarem  
gerendum incitaretur, uxore  
Fulvia dimissa, ne concordiae  
ducum obstaret] Forte incita-  
retur ab uxore Fulvia, ea di-  
missa, ne concordiae ducum  
obstaret. J. FR. GRON. uxore  
Fulvia dimissa non dici posse,  
nisi de divortio, nemo negabit.  
Sed de eo nihil usquam prodi-  
tum est. Dio 48, 347. Appian. 5.  
Civil. 706. et Plutarch. in Anton.  
pag. 929. scribunt, Fulvia Si-  
cyone morbo extincta, Anto-  
nijum morte illius graviter do-  
luisse, ac deinde Octaviam uxo-  
rem duxisse; nec ullam divortii  
Antonij cum ea mentionem fa-  
ciunt. Si horum fides certa est,  
de quo non potest dubitari, non  
videor, quomodo Auctor Epito-  
mes cum iis in concordiam re-  
digi possit, nisi legatur Fulvia*

*trimonium duxit. Q. Salvidienum, consilia nefaria contra Caesarem molitum, indicio suo protraxit* isque damnatus mortem sibi conscivit. *P. Ventidius, Antonii legatus; Parthos, proelio victos, Syria expulit, Labieno eorum duce occiso. Quum*

*amissa, quae concordiae ducum obstabat.* Ab ea bellum inter Caesarem et Antonium propter aemulationem Cleopatrae concitatum fuisse, tradunt Plutarchus et Appianus. DUR. Certissimum puto, pro dimissa minima mutatione legendum esse *amissa*, id est mortua. Liv. 1, 1, 2. *Rege Pylaemene ad Trojam amisso.* 2, 36, 4. *Filium namque intra paucos dies amisit.* cap. 47, 10. *Consule altero amisso.* 3, 50, 6. *Morte amitti melius ratum, quam contumelia, liberos.* Suet. Caes. 1. *Annum agens sextum decimum patrem amisit.* cap. 26. *Matrem primo, deinde filiam, nec multo post nepotem amisit.* Aug. 8. *Quadrimum patrem amisit.* qui ita saepe loquitur. Justin. 1, 9. *Ante famam amissi regis occupat facinus.* Flor. 2, 14. *Amisum cum legione praetorem plenissime ultus est.* Ita *amissio* pro morte Plin. 1. Ep. 12. *Insuper verbum incitaretur* deest in Voss. Berg. Lov. 2. Boend. et Exc. Pithoei: quorum primus et ultimus omittunt etiam *to dimissa*. At Leid. legit *gerendum paratus esset*: quod videtur recipiendum. Si tamen *incitaretur* servari placet, partim cum Gronovio, partim cum Dukero legerem *incitaretur ab uxore Fulvia, ea amissa, quae concordiae ducum obstabat.* Ad haec bellum adversus Caesarem gerendum Leid. Voss. Berg. Lov. 2. et Boend. *bellum adversus Caesarem gerendum,*

ed. Campani. Vide ad Epit. 5. et mox infra hac Epit.

*Q. Salvidienum consilia nefaria contra Caesarem molitum]* *Q. Sanidenum* Boend. *Q. Salvidienum* Berg. *Q. Savidi-* num Voss. *Q. Salvidemum* Norb. et edd. veti. pro quo Frob. anno 1531. *Q. Salvidienum*, et quod driennio postea *Q. Salvidienum* emendavit; quod posterius etiam superest in Leid. Lov. 2. et ed. Camp. Vide ad Epit. 123. Praeterea adversus Caesarem omnes codd. nostri, et ed. Campani. Voss. ad verba proxime praeced.

*Indicio suo protraxit]* A Grutero receptum puto: nam priores *deterixit*. Quod ne quem turbet, attestor in quatuor membranis nobis occurrisse *protraxit*. Et est Livianum. V. 44, 26. J. FR. GRON. *protraxit* perperam primas edd. quod Ascensio anno 1513. mutavit in *deterixit* et deinde Gruterus in *protraxit* quomodo legunt etiam Leid. Voss. Lov. 2. et Exc. Pithoei. *pertraxit* Berg. et ed. Camp. *traxit* Boend. Praeterea iudicio Boend. et edd. principes: de quo errore vide ad Livii 7, 39, 5. Refert autem Appian. 5. Civ. 710. Antonium, postquam cum Caesare in gratiam rediisset, ei detulisse Salvidienum, qui Galliae Narbonensi praeerat, de defectione a partibus Caesaris ad se nuntium misisse. Vox suo exsulata Lov. 2. Mox sibi non adparet in Leid. Voss. Berg. Lov. 2. et Boend. quod praenomen in eadem

*pinus Italiae hostis Sex. Pompejus Siciliam teneret, et commercium annonae impediret, cum eo postulatam pacem Caesar et Antonius fecerunt, ita ut Siciliam provinciam haberet. Praeterea motus Africae et bella ibi gesta continet.*

tionis formula etiam supra o-  
mittitur Epit. 124.

*Quum vicinus Italiae hostis] Nec, et quae de victoria Parthica Ventidii referuntur, non hac temporibus digesta esse, adversus Norisium disputat Pappus in Apparatu Chronol. ad Annales Baronii §. 83. et 93. DUK.*

*Et annonae commeatum impediret] Vet. lib. annonae commercium. SIG. Ita etiam Exc. Pithoei, quod Sigonius et deinde interius receperunt. Postea Grovius, trajectis vocibus, et commercium annonae edidit, ut traserunt Leid. Berg. Lov. 2. ed. Camp. ac commercium*

*annonae est in Voss. et Boend. Supra Epit. 99. Persequi piratas jussus, qui commercium annonae intercluserant. Mox eo postulatam cum pacem Lov. 2. et Exc. Pithoei. cum postulatam pacem Boend. Praeterea Caesar et Antonius quidem fecerunt edd. vett. Sed vocem quidem, quam nulli codd. nec ed. Camp. agnoscunt, recte Sigonius expunxit. V. ad Epit. 55.*

*Bella gesta continet] Vet. lib. bella ibi gesta. SIG. bella ingesta Exc. Pithoei. bella ingesta Lov. 2. bella ibi gesta Leid. Voss. et Berg. Et ita recte edidit Crevierius.*

# JOHANNIS FREINSHEMII

## SUPPLEMENTORUM LIVIANORUM LIBER XCII.

### IN LOCUM LIBRI CXXVII. T. LIVII.

U. c. 712. I. Inter haec Antonius, hieme apud Cleopatram  
A. C. 40. turpiter acta, tum rerum istarum, tum Parthicorum  
*Antonius* motuum nunciis aegre excitus, Tyrum navigavit, a  
*per Asiam* versus Parthos inde ducturus. Sed lamentabilibus  
*Athenas ve-* Fulviae literis, in quibus apparebant frequentes  
*nit, in Ita-* criminarum notae, revocatus ad domesticas curas,  
*liam trans-* iturus.

jam omnia circum occupata ab hoste cernens, per Cypri-  
um Rhodiumque mare in Asiam venit. Ibi cogitavit  
to Perusini belli exitu, fratris adcuravit insolentiam  
et Fulviae, sed ante omnes Manii: hos enim causam  
armis praebuisse, qui veniebant ex Italia, confirma-  
bant. Igitur uxorem Athenis occurrentem objurgavit  
graviter, et iturus in Italiam, ne obflaret concordiam,  
dimisit Sicyone aegram animo et corpore, ne quidem  
inter discedendum invisere curans. Cum Pompejanos  
autem legatis, qui matrem Juliam adduxerant, L. Labe-  
bone socero Pompeji, Saturninoque, et aliis, amicis  
tiam adversus Caesarem conjungere cupientibus, transe-  
git, ut gratias pro deducta matre ageret, re-  
turnque polliceretur. ceterum aut usum se aut  
illo Pompeji, si bellandum sit adversus Caesarem; aut  
eum Caesari reconciliaturum esse.

*Haec Cad-*  
*sari curam*  
*injicit mul-*  
*tiplicem.*

II. His nunciatis, Caesarem magna et anceps cura  
distrangebat, consensui duorum imparem, et, ut  
potius amico, utro hoste uteretur, ambigentem. Ath-  
enis fuisse cum Antonio Pompejanos noverat: quid e-  
set conventum, nesciebat. interim abutebatur eo co-  
loquio ad invidiam Antonii: hoc nimirum agi, ut, pu-

---

Cap. I. Plut. Anton. Dio, l. 48. Appian. Civil. l. 5.  
Parth. Plut. Dio. Appian. Civil. 5. Plut. Appian. Liv. Ep.  
Appian.

*novis colonis, Pompejus veteresque possessores reducantur. Et* U. c. 719.  
*credebant hoc veterani, quia plurimi profugorum ad* A. C. 40.  
*Pompejum concesserant. Sed nec incitari ideo contra*  
*Antonium poterant: tantum ei studiorum, tantum-*  
*que existimationis res Philippensi bello gestae pe-*  
*pererant. Summa vero rationum Caesaris in eo ver-*  
*tebatur, ut, pedestri exercitu egregie instructus, ma-*  
*ritimas vires nullas haberet. Numero legionum, erant*  
*enim amplius quadraginta, simul Antonium et Pom-*  
*pejum et Ahenobarbum superabat. sed adversum na-*  
*ves adversariorum quingentas neque classem habebat,*  
*neque spatium comparandae: quod illi instructi para-*  
*tique ex vicino Italiam infestare, et ad extremam ino-*  
*piam adigere poterant. Ionium quidem mare nuper*  
*avectus ad Antonium Domitius aperuerat, ut melius*  
*bello peti Pompejus posset. ceterum hic multas ob*  
*causas videbatur potior, ut prae Antonio futurus u-*  
*sui, majoris etiam, quam ille, fidei haberetur.*

III. His ita expensis, quum, dimissa Clodia, co- *Atque ille*  
 pia ei conditionum esset, ad Maecenatem scripsit, uti *Scriboniam*  
 sororem sibi Libonis ambiret Scriboniam; per quam *ductis.*  
 foederis cum Pompejo ferendi, simul rebus suis ex-  
 pedire censuisset, occasionem captabat: quamquam ea  
 mulier aetate provector duos ante consulares mari-  
 tos, et ex P. Scipione liberos, habuisset. Nec cun-  
 ctanter adcipiente conditionem Libone, literasque  
 Romam ad amicos dante, matrimonium contractum  
 est.

IV. Neque tamen pax inter hos est inita, dum *Pompejus*  
 Caesar omnia concedere non potest; multa remittere *Italiam va-*  
 Pompejus non vult, cum incremento potentiae quo- *stat.*  
 tidie factus elatior. Nam et alii multi adcesserant par-  
 tibus, et Staius Marcus ei, luculenta adducta classe,  
 duplicaverat vires. Ad haec quotidianis ex Italia trans-  
 fugiis, etiam servorum, augebatur. tam enim transi-  
 batur frequenter, ut etiam Vestales inter sacra conciperent votum, *si finis aufugiendi factus esset.* Idcirco  
 M. Vipsanum Agrippam, principem amicorum, cum  
 Pompejo bellum gerere Caesar iussit. Sed, dum A-  
 grippa ludos Apollinares curat, erat enim tam prae-  
 tor, in Italiam Pompejus transiit, magnaque ejus par-

Cap. II. Dio. Cap. III. Appian. Dio. Sueton. Aug. 62.  
 Propert. 4, 12, 55. et seq. Cap. IV. Appian. Dio. Vell. 2,  
 77. Dio.

U. c. 714. te vastata, sub adventum Agrippae se recepit, praesidiis per opportuna loca relictis. Neque vero citius occurrere potuerat Agrippa, ludis edendis populum, qui mire his voluptatibus adficiebatur, Caesari conciliare studens. Igitur et novi generis spectacula sunt edita, et translatitia solito magnificentius. Circenses quidem biduo continuo. Sed et Trojam pueri nobiles luserunt, et confectores ferarum in circo ex equestri ordine producti sunt.

V. Inter has turbas Lepidus, auctoritatem suam aegre passus senescere, in Africam a Caesare missus est, sex additis legionibus, quae, nuper ab Antonianis partibus avulsae, parum certae fidei esse videbantur. Et habebat majoris auctoritatis duce opus Africa, Romanae discordiae inter diversos duces poenas dans, et, variante partium fortuna, semper praeda victoris. T. Sextius, nuper ex provincia veteri repulsus, quum non aliam cladis esse causam opinaretur, quam quod caput tauri secum non habuisset, novam expeditionem adornabat; quum a Cornificianis praeventus est, irrumpentibus in Numidiam, et obsidente Cirtam Laelio, dum quaestor Cornificii Ventidius Sextium, equestribus proeliis superatum, continet. Sed Arabionis et Sittianorum auxiliis Sextius adjutus deduxit in aequum copias, pugnaque commissa Ventidium occidit, fugientesque, duce amisso, milites insequutus, plurimos interfecit cepitve. Hunc ad nuncium Laelius, obsidione Cirtae relicta, ad Cornificium rediit. Nec distulit insequi Sextius, et ad ipsam, ubi Cornificius agebat, Uticam profectus, licet minores habebat copias, in propinquo castra posuit. Tum missus prospectatum Laelius cum Arabione equestri proelio concurret: et, quia Sextius cum expeditis peditibus a latere se ostendebat, receptui timens ille, propinquum tumultum occupavit. Arabio, caesis, quos consequi potuerat, circumfuso equite collem obsidere instituit. Sed Cornificius hoc agi videns, cum maiore parte copiarum Laelio subventurus, a tergo instantem Sextium habuit; a quo coactus signa convertere dedit Arabione spatium, ut per homines, inaccessa aliis loca superare solitos, aditum in castra Cornificii clam reperiret. Igitur, ho-

*Cornificius  
occiditur.*

Cap. IV. Sueton. Aug. 43. Dio. Cap. V. Appian. Liv. Epit. Dio. Appian. Civil. l. 4. p. 620. et Dio.

se conspecto, Roscius, praesidio castrorum praefectus, militi cuiusdam se occidendum praebuit. At, ignarus rei Cornificius, dum ad Laelium percurrere nititur, desertus a suis, quos saepe objurgans *galeatos lepores* adpellaverat, equitum Arabionis incursum oppressus est. quod ubi ex loco superiore conspexit Laelius, ipse quoque sua manu mortem invenit. Ducibus amissis, copiae disfluxerunt: qui proscriptorum apud Cornificium fuerant, in Siciliam, aut quo quisque potuit, se receperunt. Sextius victor Arabionem et Sittianos donavit magnifice: oppidis in fidem triumvirorum adeptis omnibus ignovit: utramque provinciam obtinuit: donec Caesar, ex pacto cum collegis imperium Africae Numidiaequae nactus, C. Fuscium Fanganem adcipere ab Sextio provincias et exercitum iussit.

U. c. 712.  
A. C. 40.

VI. Exinde, quum alia pactione Caesaris et Antonii Numidiam Caesar, Antonius Africam adcepissent, scripsit ad Sextium Fulvia, ut provinciam Antonii nomine recuperaret. nam obtentu hiemis adhuc moratus in Africa Sextius novarum rerum occasionem expectaverat. Igitur nolenti cedere Fagoni bellum intulit, veteranorum contracta manu, et regulorum auxiliis. Mox et ex ipsa provincia multi mortales ad eum confluxerunt Fagonis odio, qui, ex manipulari Caesaris dictatoris victoria factus inter alios de genere hoc senator, praesentem potentiam parum prudenter exercebat. Sed et Numidia se, rebus his auditis, concusserat. Idcirco reversus in eam Fango Cirtenses, a quibus spernebatur, itemque Arabionem, negantem auxilia, plurimis adfecit damnis. hunc etiam postremo ejecit finibus suis, et, quum ad Sextium se recepisset, dedi postulavit.

*Sextius  
Fagoni bellum infert.*

VII. Haec nova his bellandi exstitit causa. Sextio recusante supplicem dedere, irrupit in Africam Fango, levibusque proeliis inferior, in Numidiam recedendo Sextium adtraxit, Arabionis praecipue equitibus confisum. Sed, ubi Sextius insimulatam proditionis Arabionem dolo sustulit, equites ejus, pars alio, multi ad Fanganem se contulerunt. Unde viribus exaequatis, quum invicem metnerent, cum Ara-

*Fango ubi consciat nescit.*

Cap. V. Euseb. Chron. Dio. et Appian. Dio. et Appian. Civil. l. 5. Cap. VI. Cic. ad Att. 14, 10. Dio.



U. c. 719. A. C. 40. biens sublatam irarum exussam praetexentes, amicitiam pepigerunt, sed minime fidam ac durabilem. Quippe Fango, securiorem inde Sextium factum putans, denuo transcendit in Africam: et, quum equitatu Numidico Fangonis superiores partes essent, Sextium Romanae legiones praestarent invictum, addidit, ut, commisso proelio, alterum cornu utrimque pelleretur: victores, non animadverso suorum casu, castra adversariorum caperent. Ubi, quid actum foret, constitit, paribus denuo animis congressi proelium instaurarunt. Sed pulsus in montes Fango, quum noctu bubalorum transcurrentium sonitum audisset, equitatum hostium esse, et se prodi ratus, gladio se ipse transfixit. Numidae lubentes sub potestatem Sextii reverterunt, excepta Zama, quae perdomanda fame fuit. His actis, Lepidus, in Africam veniens, utramque provinciam obtinuit, concedente Sextio, tamquam honoris Lepidi causa, quod contra validiorem tueri se posse desperabat. Atque is, quum Romam redisset, mox inter suffectos consularem tenuit locum.

VIII. Alegato per speciem imperii Lepido, ut etiam L. Antonium removeret, additum his ferme ver-  
*Cassius Le-* *etiam L. Antonium removeret, additum his ferme ver-*  
*pidum et L.* *his adloquutus Caesar est: Ego te quidem, L. Antoni,*  
*Antonium* *pietatis nomine laudo, qui in fraterna culpa tuum esse cri-*  
*per speciem* *men tuumque periculum voluisti. ceterum gratum erga benefi-*  
*honoris a-* *cia mea animum dehdero: quando ne manifesta quidem fra-*  
*movet.* *tris cum Sexto conspiratione quidquam sustines confiteri. Ego*  
*vero tibi credens, extincto Caleno, ne sine duce exercitus*  
*forent, per amicos meos servabam Marco: nunc vero, de-*  
*prehensis ejus consiliis, mea volo esse omnia: tibi permitto,*  
*ut ad fratrem sine fraude transeas. Ad haec Lucius,*  
*qualia prius praetulerat: potentia fratris abuti ad tollen-*  
*dum triumviratum voluisse. eundem adhuc animum durare,*  
*et, si regressus frater rempublicam tuendam suscipiat, clam*  
*palatim ad eum abiturum, quamquam habere maximum Cae-*  
*saris beneficium non abnuat. fin vero fratrem etiam sentiat,*  
*non contra dominationem, sed dominationis socios, tendere,*  
*cum se Caesari adfuturum contra fratrem, quamdiu ei me-*  
*litorem movere mentem putarit. Porro rempublicam ante om-*  
*nem et cognationem et gratiam posituram esse. Caesar, non*  
*indelectatus hoc sermone, contra fratrem fratris opera*

Cap. VII. Porphy. ad Hor. Carm. 1, 4. Cap. VIII. Appian. Civil. 1. 5.

negavit usum, ne si vellet quidem sequi, sed universam Hispaniam cum exercitibus ei crediturum esse: ut pro legatis habeat, qui tum sint in Hispania, Sex. Peducaenum, L. Carinatorem. Hoc nimirum nomine custodes L. Antonio addebantur.

D. c. 712.  
A. C. 40.

IX. Dum ita diversis locis Romanae vires colliduntur, Parthi cum maximis copiis in Syriam, et e Syria in Asiam irruerunt. quod bellum hoc maxime modo conflatum atque commissum est. Crassiana expeditione primum irritati Parthi, mox elati victoria, semper deinceps eo animo fuerunt, ut et auderent bellare cum Romanis, et cuperent. Sed, ut fit, subinde intervenientibus moris, in id tempus dilata res est, quo post Philippense bellum Antonius, cogendis ubique pecuniis, maximopere provincias alienasse videbatur: eo quidem profecta Aradiorum audacia, ut Curtium Salassum, cum quatuor cohortibus exigendae pecuniae causa missum, vivum comburerent.

Parthi in  
Syria et  
Asia.

X. Forte T. Labienus T. F. ad sollicitanda Parthorum auxilia missus a Bruto, post ejus interitum occasionem ostentare non desinebat, Antonio apud Cleopatram deside, Caesare Pompejoque, et quidquid armis validum apud Romanos usquam esset, mutuo se adterentibus. *se* *guarum opum, quantae cuique civitati essent, guarum animorum. si copiarum imperium sibi credatur, omnino relaturum regi pro beneficiis gratiam.* His permotus Orodes exercitum Labieno maximum, cum filio Pacoro et purpurato Barzapharne adtribuit. Cum his, irruptione in Syriam facta, pervenit Apameam, et, ab oppugnatione oppidi repulsus, praesidia, quae passim per agrum erant disposita, nullo negotio in deditionem adcepit. Erant enim e Cassianis militibus, familiariter noti Labieno, quos suo sacramento adactos custodiendae Syriae, quod adsueti his regionibus videbantur, Antonius reliquerat. tamque pronus in has partes omnium animus fuit, ut solus e tanto numero Saxa, legati frater et quaestor, ejus consilii expers maneret.

Ducibus  
Labieno,  
Pacoro,  
Barzaphar-  
no.

XI. Igitur Decidius Saxa legatus, ad defendendam provinciam, quantis poterat copiis, properans, quum

Syria Par-  
thorum facta

Cap. IX. Dio. Flor. 4, 6. Dio. Euseb. Chron. Cap. X. Dio. Flor. Vell. 3, 78. Liv. Epit. Joseph. Antiq. 14, 23. et de B. Jud. 1, 11. Appian. Parth. et Syr. Dio.

U. 62718:  
A.C. 140  
praeter Ty-  
rum.

in se Labienum abstraxisset, castra inter Antiöchiam et Apameam posuit. Sed Labienus frequentes intra ejus vallum libellos jaciebat, coactam et probrosam militiam cum meliore permutare commilitonum exemplo jubens. Nec ausus militi confidere Decidius, servare potius exercitum longius abductum statuit, quam hunc simul et provinciam amittere. Sed, equitatu Parthico inhaerente tergis abeuntium, proelium committere coactus, magno suorum numero amisso Antiöchiam perfugit. Labienus, auctoritatem addente victoria, jam sine certamine recepit Apameam, cunctis occubuisse Saxam credentibus. Inde profectus Antiöchiam, hanc quoque fuga Romanorum desertam cepit. adsequutusque Saxam, in Ciliciam properantem, eo desperationis adduxit, ut sibi manum inferret, ne, amisso exercitu, vivus veniret in hostium potestatem. Hinc universa Syria Parthorum facta, praeter Tyrum, quae portas Pacoro clausit, quia valido praesidio nuper eam Antonius firmaverat: eodemque magna manus ex Syria confluxerat Parthicum imperium recusantium. Ab his contra pedestres hostium copias, classem enim non habebant, haud aegre defensa est.

Antigonus  
Judaus ope  
Parthorum  
Hyrchanum  
oppugnat.

XII. Ex Syria Pacorus in Palaestinam transiit, ad- citus a Lysania, qui, Ptolemaeo Mennaeo genitus, paternam ditionem obtinebat. Hic Antigonum Judaëum mille talenta cum quingentis mulieribus daturum Parthis sua fide sponderat, si, dejecto Hyrcano, in regnum ille restitueretur. Igitur, Barzapharne per mediterranea loca jussu incedere, secundum litus Pacorus ducebat, obiter Sidonios recipiens et Ptolemaidem, sponte se dedentibus oppidis. Inde, quoniam ipse nondum perpacatis Syriae rebus adtinebatur, quemdam ex regis pincernis sibi cognominem, adtributa manu equitum, misit speculatum res Judaicas, simul auxilio futurum Antigono, quum occasio adfuisset. His in monte Carmelo praedas agentibus, adcessit magna Judaeorum multitudo; ita ut juxta Drynum occurrentes sibi hostes vinceret Antigonus, et cum fugientibus Hierosolymam penetraret. In ipsam quoque urbem introitum; et, adgregantibus sese, qui factionis Antigoni olim fuerant, regia petita. Sed,

Cap. XI. Acron in Hor. Carm. 3, 6. Flor. Liv. Epit. Joseph. Dio. Cap. XII. Hegesipp. 1, 29. Joseph. Antiq. 14, 23. 24. et 25. et de B. Jud. 1, 11.

Herode et Phasaëlo magnas contra copias educentibus, in ipso foro pugnatum; repulsisque in templum adversariis, victor Herodes viros sexaginta in proximis aedificiis, ad prohibenda subita eruptionum, collocavit. At hi a populo, fratribus infenso, cum ipsis domibus cremati sunt: vicissimque multi de populo quotidianis in urbe proeliis, in vindictam horum, interempti. Quum deinde Pentecoste venisset, multi ex tota Judaea convenerunt, armati ferme, Phasaëlo et Herode cum praesidio non ita magno regiam custodientibus. Erumpere tamen ausus Herodes, cum multis hominum, sed inconditorum, millibus ita confligit, ut, adjuvante etiam Phasaëlo, multis desideratis, pars in urbem, alii in templum, nonnulli etiam in vallum, quod extra urbem erat, compellerentur.

U. c. 717.  
A. C. 40.

*Quibus Herodes repugnat.*

XIII. Inter haec rogatu Antigoni Pacorus dux, cum quingentis equitibus Hierosolymam ingressus, specie componendorum motuum, insidias Hyrcano struebat: effecitque, ut, adsumpto Phasaëlo, ad Barzapharnem proficisceretur: eosque deduxit ipse, relictis apud Herodem ducentis equitibus, et praeterea decem ex ingenuorum numero, minuendae suspicionis causa. Ut in Galilaeam ventum, populares in defectione et armis esse viderunt. a Barzapharne initio adcepti donatique liberaliter, mox senserunt insidias; et, quam abiturus ad Pacorum satrapa falso suspectum se juraverat, statim digresso illo vincti sunt. Herodes, quum et ille captaretur, cum regiis mulieribus effugit in castellum Massada, ubi postmodum regiam condidit, oppidumque Herodium: atque, relictis ibi mulieribus et praesidio, Petram Arabiae profectus est.

XIV. Interim Hierosolymis Parthi pecunias profugorum depraedabantur, Hyrcani tamen thesauro parcentes: erant autem haud amplius trecenta talenta. Sed minor spe praeda fuit, quia diffusus Parthicae fidei Herodes ceterique pretiosissima rerum dudum in Idumaeam praemiserant. Igitur ne agro quidem abstinentes Parthi multa maleficia intulerunt, et Marissam, populosum oppidum, devastarunt penitus. Antigono deinde regi declarato Phasaëlum et Hyrcanum vinctos tradiderunt. atque ille, tanta est ambitionis rabies! aures Hyrcani mordicus abstulit; ne iterum

*Antigonus aures Hyrcani morsu avellit.*

Cap. XIV. Dio. Joseph.

U. c. 713. sacerdotio, quod integris tantummodo lex permitte-  
 A. C. 49. bat, fungi posset. Phasaëlus, ne arbitrio inimici moreretur, saxo illisit caput. Hyrcanus in Parthos abductus est. At Herodes, Arabum et Malchi suspecta fide, in Aegyptum properavit: inde per Pamphyliam et Rhodum in Italiam navigavit, ut rerum suarum statum Parthorumque progressus Antonio exponeret.

*Hyrcanus of-  
fendit La-  
bienum.*

XV. Interea Labienus Ciliciam et Asiae continen-  
 tem, quia Plancus se continebat insulis, subjugabat impetu fortunæ, et terrore Parthici nominis. Romanæ quoque cohortes ad eum frequenter transibant. quibus auctus Mylasa et Alabanda, Carum urbes, quum praesidium adceptum necassent, expugnavit armis: et Alabandenses adfecit supplicio. Mylasa, quorum incolae Rhodum profugerant, diruit, infensus admodum propter Hybreani, qui clarissimus facundia, quum cives suos contra Parthos concitaret, imperatorem se Caricum deridendi Labieni causa adpellaverat. Ea contumelia maximopere adcondit adolescentem irritabilem et stolidum, qui se Parthicum imperatorem ferebat, moribus Romanis multum discrepante titulo: talia enim cognomenta imperatoribus a devictarum gentium appellatione tribui consueverant. At Stratoniceam, in propinquo sitam, nec impetu capere Labienus, neque domare longa et laboriosa obsidione potuit. Etiam praedonum audacia Labienum involvit difficultatibus, quum a ducibus Romanis timeretur. Cleo certe Gordiocomensis, Callydio occupato, Phrygiae castello, pecuniam colligentibus imminabat acriter, adparatusque Parthicos disturbabat.

*Antonii  
magnanimitas in classe  
Domitii re-  
cipienda.*

XVI. Sed haec parum ad summam proderant, absente, penes quem plurimum erat potentiae, Antonio: qui, solvens a Corcyra cum classe ducentarum navium, per Iōnium mare vela faciebat; ubi obvium Ahenobarbum habuit, majores aliquanto copias ducentem. Inde metus nonnullis, ne juvenis ferox, et proscriptum se sciens, flare pactis dubitaret. Nec eo minus subsequi iussis reliquis, cum instructissimis quinque navibus Antonius pergebat; quum, universa Domitii classe conspecta, L. Plancus, qui comes ad-

Cap. XIV. Levit. 21, 17. et seq. Joseph. Cap. XV. Dio. Strabo, l. 14. p. 660. et Dio. Val. Max. 9, 14. ext. 2. Strabo, et Dio. Plut. Anton. Appian. Parth. Dio. Strabo, l. 12. p. 574. Cap. XVI. Appian. Civil. l. 5.

erat Antonis, remittendum de cursu censuit, tentandamque prius per alios dubiam viri fidem. Sed Antonius, *mallo se mori deceptum pactionibus, quam timore confesso servari*, testatus est. Ubi convenerant classes, primus lictor Antonii, stans in prora, Domitianos aplustria detrahare iussit, quam reverentiae speciem inferiores exhibere potentioribus solent. Quod ubi prompte factum est, junctisque navigiis salutarunt invicem, et ab Domitianis Antonius Imperator adclamatus est, vix recipiente animum Planco, Domitium Antonius suam in navem adcepit: unaque Paloënta (Valerium fuisse suspicabamur) processerunt, ubi castra Domitiana erant. cessitque tabernaculo Domitius imperatori; et hinc Brundisium itum.

U. c. 712.  
A. C. 40.

XVII. Quinque cohortes Caesaris nomine Brundisium obtinebant: eae portas clausurunt utrique, Domitium ut veterem hostem, Antonium ut hostes suos adducentem aversati. Hoc ille ratus Caesaris voluntate factum, obsedit urbem; in lingua, per quam continenti adnectitur, fossam murumque molitus: et, ne mari auxilia immitterentur, crebra circum portum et propinquas insulas castella excitavit. Sed et opportuna in litoris loca praesidiis cepit: Sextumque adhortatus est, ut expeditionem faceret in Italiam. Ille, gavisus occasione, Menodorum cum legionibus quatuor et magna classe in Sardiniam misit: duaeque legiones Caesaris, quae insulam custodiebant, consensionem Antonii cum Pompejo reveritae, in partes transierunt. Interim Sipuntum ad Ausonium mare Antonius cepit. Sextus et ipse transgressus in Italiam, Consentiam obsedit et Thurios.

*Antonius et Pompejus Caesaris bellum faciunt.*

XVIII. Caesar, his auditis, P. Servilium Rullum ire Brundisium iussit; M. Agrippam in Ausoniam, ut obsessis auxiliarentur. Sed novi coloni, qui, velut adversus Pompejum, sequebantur Agrippam, ubi duci contra Antonium senserunt, clam reverterunt domos. Igitur Caesar ipse profectus blanditiis et auctoritate pervicit, ut sequerentur: ibantque illi, re sic inter se clanculum composita, *ut in gratiam reducerent Imperatores: sui per Antonium stetisset, quo minus reconciliatio fieret, cum illi dignitatem Caesaris summa ope tuerentur.*

*Antonii Strategema.*

Cap. XVI. Cluver. Ital. Ant. 4, 13. Appian. Cap. XVII. Dio. Appian. Cap. XVIII. Dio. Appian.

U. c. 712. Sed valetudo Caesaris eum per aliquot dies Canusii  
A. C. 40. detinuit; ut jam propemodum sero Brundisium adce-  
deret, septum undique munitionibus Antonianis, et  
sibi inaccessum. Erat tamen numero legionum supe-  
rior. Idcirco Antonius e Macedonia arcessebat suas:  
et, ut interea opinione majorum virium Caesarem e-  
luderet, paganam multitudinem noctu longis rotundis-  
que navibus amandans, quae luce palam armata rever-  
teretur, speciem venientium e Macedonia militum ad-  
versariis objiciebat.

*Servilium  
Caesarianum  
Arenae op-  
primis.*

XIX. Jam etiam paratae machinae erant, et in diem  
sequentem adornabatur oppugnatio, magno dolore  
Caesaris, qui opem ferre obsessis nullo pacto pote-  
rat; quum sub noctem et Sipuntum ab Agrippa re-  
ceptum esse, et rejectum a Thuriis Pompejum ad Con-  
sentiam haerere nunciatum est. Commotus his Anto-  
nius, postquam etiam coenanti Servilium cum mille  
ducentis equitibus ad Caesarem proficisci adlatum est;  
imperare non potuit animo, quin hos statim, amicis,  
qui subito parati esse poterant, adsumptis, et equiti-  
bus quadringentis, adoriretur. Quum noctu fecisset  
iter, reperit cubantes adhuc circa oppidum Uriam,  
et praesentia sua territos, (maximam enim, uti dixi-  
mus, exstimationem ei Philippense proelium conci-  
liaverat) occisis nonnullis, in deditionem recepit, ea-  
demque die deduxit in castra ad Brundisium. Hinc ex  
praetoriis cohortibus Antonii milites gloria elati ad  
castra Caesaris adcedebant simul pauci, commilitoni-  
bus quondam suis exprobrantes ingrati animi vitium,  
qui, Cassiano bello servati ab Antonio, hanc ei vicem  
beneficii rependerent. Contra regerebatur in Anto-  
nium culpa, foedere facto cum parricidis et exsul-  
ibus, prodentem pro quibus ipse pugnasset. His  
colloquiis hactenus tamen profectum, ut Caesariani  
propositum suum de reducendis ad concordiam Impe-  
ratoribus faterentur.

*M. Cocceji  
Nervae pul-  
cherrimum  
factum.*

XX. Inter haec de morte Fulviae nuncius ad Anto-  
nium venit, cui eadem moestitia, quae morbi causa  
fuerat, postremo vitam ademit Sicyone, quae res ape-  
ruit reducendae paci viam. Forte M. Coccejus Ner-  
va, cujus postea pronepos imperavit Romae, commu-  
nis

Cap. XIX. Dio. Appian. Cap. XX. Dio. Plut. Anton.  
Appian. Acron in Hor. Sat. 1, 5.

nis Imperatorum amicus, apud Antonium commorabatur, ad eum aestate superiore missus a Caesare, cum Caecina Volaterrano Caesaris familiari. Hic igitur experiri cupiens, quid in eo temporis articulo ad sanciendam gratiam fieri posset, revocatum se fingens a Caesare, quum dimitteretur, interrogavit Antonium, ecquid dare literarum ad Caesarem vellet? nam ipse literas a Caesare ad Antonium adtulerat. Ille negare literas scripturum ad hostem, Tum Coccejus, *Hostem igitur*, inquit, *adpellandum existimas, qui in fratrem ceterosque tuos amicos tam fuit benignus ac facilis?* At vero, nec sine bile, Antonius, *Egone hostem adpellare verear, qui me non recepit Brundisii?* qui provincias, qui legiones meas abstulit? nam meos servando sibi profuit; mihi adimendo amicos, sibi beneficio obligans. Coccejus, satis habens didicisse querelas Antonii, nec ulterius laceessere volens iracundum hominis ingenium, ad Caesarem abiit.

U. c. 712,  
A. C. 40.

XXI. Ille, viso Coccejo, miratus non venisse citius, *Tuum igitur fratrem*, inquit, *in hoc servavi, ut tu ipse mihi inimicus ex amico fieres?* Ad haec Coccejus: *Tu vero*, ait, *quos amicos vocas, eccur provincias bis est exercitus auferens, et ad te venientes excludis?* Tum Caesar: *Itane legiones Caleni, defuncto illo, relinquendae fuerunt sub imperiti adolescentis imperio, ut a Lucio fortassis, aut Pollione, aut Abenobarbo contra nos occuparentur?* Quod nisi legiones, quae sequutae Plancum fuerant, retinere maturassem, essent buddie Pompeji, quemadmodum sunt equites earum, qui in Siciliam transierunt. Falso autem incusor ob exclusum Antonium: *cujus ego nec praescire adventum potui, nedum ut recipi viderem.* Sed hoc injussu meo Brundisii et praesidiarii fecerunt, non sine ratione tamen, foedus Antonii cum Pompejo formidantes, et insensum hostem Domitium, quem Antonius adducebat, damnatum parricidii proscriptumque, et ne Philippiensi quidem victoria deterritum, ne Brundisium oppugnaret, Ionium mare infestum faceret, naves meas incenderet, Italiam depredaretur.

*Ejus collatio cum Caesare.*

XXII. Excepit contra Coccejus: *Quod Antonius foedera cum aliis fecisse dicitur, in eo reprehendi non debet: per pactiones enim vestras licet. sed neque cum parricidis fecit, causam de nihilo remissiore studio mortem amici, quam tu parentis, exsequi solitus.* Enimvero in percussoribus Domitius non fuit. ne consilii quidem conscium irati iudices damnaverunt. Si vero *tu amico Bruti negamus veniam, vide, ne propemodum omni-*

*In quo Antonii causam defendit.*



**U. c. 712.** *bus succensere cogamur. Cum Pompejo autem non ita conven-*  
**A. C. 40.** *tum est, ut eosdem amicos atque hostes habeant: sed ut, te*  
*movenie bellum, auxilio ejus utatur; te quiescente, tibi con-*  
*ciliet hominem, nullius et ipsum sceleris reum. In te vero et*  
*barum rerum crimen expetit. nisi enim bellasses in Italia,*  
*numquam hi ausi fuissent legationes ad Antonium mittere. Vo-*  
*ciferante Caesare, non se causam ei bello, sed Manium,*  
*sed Fulviam, sed Lucium praebuisse: neque vero umquam an-*  
*tea Pompejum in Italiam cum legionibus descendere ausum:*  
*nunc Antonii fiducia fecisse: Non, ait ille, fiducia Antonii,*  
*Caesar, sed omnino jussu. neque enim celare te volo, ceteram*  
*etiam Italiam, nulla classe defensam, cum magno navium nu-*  
*mero incursum esse, nisi pacem feceritis. Hic parumper*  
*reticens adolescens, altius enim in animum ejus po-*  
*strema dicta descenderant, deinde dixit, non impune*  
*laturum ausa Pompejum: nec abiturum aliter, quam modo a*  
*Thuriis.*

*Postremo ex*  
*morte Ful-*  
*viae spem*  
*reconcilia-*  
*tionis offen-*  
*dit.*

**XXIII.** At Cocceus abunde ratus explorasse, qui-  
 bus stimulis utrimque animi concitarentur, nec im-  
 medicabile malum esse, coepit exponere de Fulvia, et  
 quibus illa causis morbum mortemque adcelerasset.  
 Postquam igitur, inquit, haec discordiarum exstincta fax est,  
 quid vetat, quo minus redeatis in gratiam? modo fateri su-  
 spiciones vestras, quam alere dissimulando, malitis. Postri-  
 die rogavit Caesarem, ut literas ad Antonium scriberet,  
 ad majorem aetate junior. Ille negavit, oportere ad inimi-  
 cum: praesertim qui commercium hoc abruptisset prior. sed  
 ipsius matri Juliae exprobraturum, quod propinqua sua et  
 praecipuis culta honoribus Italiam fugeret: quasi vero non a  
 se expectare omnia, tamquam a filio, posset. Usus igitur  
 hoc artificio ad Juliam scripsit, quae scire Antonium  
 cupiebat, auctoritate salva. Cum hac epistola profi-  
 ciscenti Coccejo multi centuriones consilium exercitus  
 aperuerunt: nec ille negligenter exposuit Antonio,  
 ut certum haberet, grave sibi bellum imminere, ni  
 transactum foret.

*Pax confi-*  
*citur.*

**XXIV.** Una res habebat ancipitem animi, quod  
 Pompeji praesentia obstare paci videbatur: sin vero  
 postea conventum non esset, revocare eum Antonius  
 probrosum judicabat. Sed, persuasus a Coccejo et  
 matre, cum Sexto egit, ut in Siciliam reverteretur:  
 sibi promissa curae fore. sed et Ahenobarbum abire in  
 Bithyniam jussit, cui eum praeficiebat. His rebus  
 cognitis, exercitus Caesaris legatos ad utrumque Im-

peratorem misit. Atque illi neutrius audire querelas voluerunt, pacis se pararios venisse, non disceptatores litium, dictitando: eviceruntque, ut Taracinam mitterent amicos de conditionibus acturos. A Caesare Maecenas et Agrippa venerunt, ab Antonio cum Pollione Fonteius Capito. Ab his composita pax est, tam in speciem firma et fidelis, ut una intra castra ambo exercitus conducerentur, oblivione praeteritorum sancita. Commodum mortuus erat C. Marcellus maritus Octaviae, quam ex Ancharia priore conjuge pater Caesaris susceperat. Hanc a fratre collocari Antonio pacis auctores postulabant. nec displicuit conditio. et, quum esset gravida mulier, nequedum eluxisset virum, ne Romano morte infamis haberetur, senatusconsulto legibus soluta est. Haec vulgata tantam omnium militum laetitiam excitaverunt, ut festae adclamationes eo die atque etiam nocte sequuta totis castris personarent. Imperatores quoque sartam bona fide gratiam mutuis conviviis testari voluerunt: notatusque est adparatus Antonii, jam ad Asiaticum Aegyptiumque luxum desciscientis; quum Romano et militari more coenam Caesar instruxisset.

U. c. 712.  
A. C. 40.

XXV. Sub hoc tempus iterum diviso Imperio, Antonius orientem adcepit, Caesar occidentem, constituto ditionis utriusque limite Codropoli; quae, in Adriatici maris intimo sinu posita, disternendis provinciis opportuna videbatur. Africa Lepido relicta est. Et haec divisio senatusconsulto confirmata. Bellum cum Sex. Pompejo, nisi forte pax convenisset, Caesari mandatum: Antonio Parthicum. Domitius in gratiam receptus a Caesare, quibus ille conditionibus cum Antonio pepigerat. Adjectum, utrique Imperatori licere delectus habere in Italia, pari numero. Antonius in gratiam Octaviae, quod hactenus neglexerat, flaminio Caesaris patris inaugurari passus est. Hoc fuit Brundisinum illud foedus, quod tum quidem eruentissimi belli metu Italiam absolvit. Inde M. Antonius P. Ventidium in Asiam misit, ut Parthorum et Labieni conatibus obsisteret. alii quoque Imperatorum amici, quo vocabant negotia, dimissi. Sed Caesaris

*Ejus conditiones.*

Cap. XXIV. Plut. Anton. Appian. Hor. Sat. 1, 5. Plut. et Appian. Dio. Plut. Appian. Dio. Cap. XXV. Plut. Chron. Alex. Dio. Appian. Plut. Cic. Phil. 2, 43. et 13, 14. Vell. 2, 76. Plut. et Appian. Dio.

U. c. 712. milites, quotquot Philippensi bello interfuerant, Antonium circumsteterunt, pecuniam postulantes, quam ille per Asiam ad solvenda militibus praemia cogere debuerat. Nec procul periculo Antonius erat, nisi Caesar expromissor sponsorque pro eo exstitisset. Tum properatum, ut in colonias veterani dimitterentur, ne sub signis habiti tumultum renovarent.

*Menas Archipirata Pompeji classem ducit.*

XXVI. At Pompejus, audita Caesaris et Antonii conjunctione, quum adversus se initam crederet, Menam archipiratam (quod vocabulum a Menodoro, quemadmodum alii vocant, diminutum est) cum parte classis damnum aliquod inferre adversariis iussit. Ille, litore Etrusco devastatis plerisque, M. Titium, naves propriae potentiae stabiliendae causa comparantem, in Narbonensi Gallia cepit, servavitque: tum propter patrem Titium, unum ex proscriptis, qui apud Sextum degebat; tum quia milites ejus Pompeji nomen scutis inscriptum habebant. Deinde profectus in Sardiniam Menas, quam insulam paullo ante Caesaris libertus Helenus patrono recuperaverat, a M. Lurio pulsus, victorem incautius sequentem subito incursu egit in fugam. Atque, illo relinquente mox insulam, cetera deditione, sed Aradin, quo per plurimi ex pugna perfugerant, operibus cepit. Inter captivos et Helenus fuit, quem quum patrono sciret oppido carum, sine pretio dimisit Menas, jam tum sibi gratiam apud Caesarem praestruens, si forte ejus benevolentia opus aliquando habuisset. Interim in urbem ambo Imperatores, magna laetitia deducendum, ovantes ingressi sunt, hoc decreto ipsis ob pacem factam honore.

*Salvidienus fortuna.*

XXVII. Mox, nuptiis Antonii et Octaviae celebratis, in amicos effuderunt iram, quorum semper sub reconciliationem principum periculosa conditio est. Caesar Manium Antonio eriminabatur: hic contra deferebat Salvidienum. Igitur Manius Antonius sustulit, ut belli Perusini facem. Caesar Salvidienum evocavit Romam, quasi mox remissurus. Ubi adfuit, prodicionis in senatu adcusatus, indice Antonio, ad quem legatos Brundisium miserat; ubi se damnari vidit, voluntaria morte periit. exercitum ejus Caesar,

Cap. XXVI. Plut. Appian. Dio. Appian. Dio. Fasti Capit. Dio. Sueton. Aug. 22. Cap. XXVII. Plut. Appian. Appian. Dio. Appian. Sueton. Aug. 66. Vell. 2, 76.

ut suspectum et supplicio ductis offensum, Antonio tradidit. Neque temere dimittenda est Salvidieni huius mentio, in quo conspici magnum utriusque fortunae documentum potest. Obscurissimum homini genus contigerat: sed emicans ex pueri capite flamma, dum gregibus pascendis occupatur, iniecit spem desideriumque futurae claritudinis. Inde militaribus facinoribus notus carusque Caesari, eo dignitatis adacendit, ut, quamquam senator nondum fuisset, Consul designaretur; post Pompejum et ipsum Caesarem tertius, qui ad summum honoris gradum ex equestri ordine transcendisset. quin et in honorem ejus frater, qui paullo ante vita concesserat, supra Tiberim exstructo ponte elatus est. At haec felicitas repente collapsa improvisum et turpem exitum habuit. Senatus hostem publicum adpellandum, supplicationesque propter oppressa ejus nefaria consilia decrevit: triumphisque custodiam urbis mandavit cum solenni carmine, *ne quid respublica detrimenti pateretur*. Sub idem tempus defunctis Dejotaro Gallograeciae, et Attalo Paphlagoniae regulis, utriusque Tetrarchiae Castori sunt traditae.

U. c. 719.  
A. C. 49.

XXVIII. Romae P. Falcidius tribunus plebis legem tulit, cujus vis ne nunc quidem exspiravit; *uxi ne m.* *dia.* *nus, quam quartam partem hereditatis, ex testamento heredes capiant: gravatam legis hereditatem diminuisse liceat heredi, quarta retenta.* Legem, per se non iniquam, tamen in Caesaris gratiam a Falcidio latam crediderim, inter penuriam pecuniariae rei respicientis ad iudicia amicorum mortuorum, aegreque ferentis, si nihil sibi legatum esset; at majorem timentis invidiam, si quando nihil aut parum remanere apud heredes videretur.

XXIX. Nam populus, multis adflactus miseriis, in metu et desperatione agebat. Acri in fame frumentum nec ab oriente subvehebatur, negotiatoribus Pompejum et Siciliam timentibus; nec ab occidente, quod in ejusdem Pompeji potestate Corsica et Sardinia erant; etiam Africanos commeatus vagantes in medio mari

*Seditio Ro-*  
*mae.*

Cap. XXVII. Liv. Epit. Appian. Vell. Sueton. Dio. Appian. Mithrid. et Civil. l. 5. Dio. Cap. XXVIII. Strabo, l. 12. p. 562. Dio. Euseb. Chron. Justin. Instit. l. 2. tit. 23. Dio. Sueton. Aug. 66. Cap. XXIX. Sueton. Aug. 16. Dio. Appian.

U. c. 712. naves ejus intercludebant. Conviciis igitur pacem  
 A. C. 40. cum Pompejo populus exposcebat: nec Caesar flectebatur. Idcirco Antonius, si bellandum utique foret, celeriter hoc agendum judicabat, priusquam inopia magis ingravesceret. Edictum igitur est propositum, quo in capita mancipiorum dimidium ejus, quod Philippensi bello fuerat exactum, imperabatur: tum autem denarios quinos et vicanos solverant. etiam de hereditatibus certa pars detrahebatur. Idcirco plebs furibunda deripuit edictum: favoremque Pompejanarum partium ostentans, quum Circensibus Neptuni simulacrum inferretur, ingentem plausum dedit, Sexto, qui se filium ejus Dei ferebat, gratificans: et, quum die proximo solenni pompae detrahi eam Caesar jussisset, lapidatio in magistratus facta, iique foro expulsi sunt. Caesaris quin immo et Antonii dejectae statuae. Postremo, quum haec omnia frustra essent, agmina seditiosorum cucurrerunt per urbem, clamore vocantium ceteros minantiumque incendium aedibus, quarum domini communem causam proderent.

*Antonius  
 periculoCaes.  
 sarem eri-  
 pit.*

XXX. Ita plebe propemodum universa concitata, Caesar cum amicis paucisque stipatoribus in medium prodiit, rationem consiliorum suorum redditurus: nec reverentia ejus cohibiti, quosdam ex ejus comitatu vulnerarunt; in ipsum quoque jaculati, praebentem se ictibus, donec veste lacerata deprecatus est tam praecipitem iram. His turbis excitatus Antonius, per viam Sacram in forum properabat. Et abstinebat quidem ab hoc violentiam plebes, quod ad pacem cum Sexto proclivem rebatur. at, ubi admonitus dissociare se a Caesaris causa noluit, ipsum quoque missilibus petierunt. Ille, adortis militibus, qui ante portam excubabant, vi patefecit aditum. Caesaremque eripuit. Nec sine magna caede patrari res potuit: cadavera, ne triste spectaculum in urbe relinqueretur, projecta in profluentem, neutiquam minore dolore hominum, quum aut a militibus, aut a malefica alia turba pro suo vindicantium, quod paullo vestitum mundius esset, spoliarentur. Ad extremum, ubi quotidie graviore fame nullus sperari tumultuum finis poterat, Imperatoribus animum ad pacem adjicienti-

Cap. XXIX. Dio. Appian. Dio. Sueton. Aug. 16. Julian. Gaes. Dio. Appian. Dio. Appian. Dio. Appian. Dio. Appian.

bus, cum Libonis familiaribus Antonius egit, e Sicilia evocarent hominem, ut adfinitate nova frueretur, simul ad spem majoris conficiendae rei. nec illi distulerunt scribere Liboni, neque Pompejus, quominus proficisceretur, intercessit.

U. e. 712.  
A. C. 40.

XXXI. Interea temporis Antonius et Caesar, quamquam in exitu annus erat, abdicare consules atque praetores iusserunt, ut in eadem nomina verius, quam potestatem, alii sufficerentur, magnopere beneficium hoc adsectantes, licet pauculos ad dies mansura dignitas concederetur. Consules suffecti sunt C. Asinio P. Canidius Crassus, Cn. Domitio L. Cornelius Balbus Hispanae originis, et Gadibus natus, sed amicitia Caesarum et laboriosis ministeriis eo perductus, ut pontificatum etiam et triumphum adipisceretur: vir, qui non sine magna controversia civitatis jus obtinuerat. Idem ad tantas opes proventus traditur, ut moriens populo Romano quinos vicanos denarios legaret viritim. Et hi tamen in aliquot dies gesserunt honorem: ceterum extrema anni die mortuo aedili suffectus est quidam paucas in horas. Eodem anno Septemvirovum munia, quod eorum in urbe erat nemo, pontifices obierunt: sicut alias quoque fuerat factum. iidem pontifices, ne Kalendis Januariis nundinae essent, quod antiquitus ominosum habebatur, intercalarunt unam diem alieno tempore, quam iterum eximerent anni sequentis intercalatione dissimulata: sic exilimantes reditura tempora ad praescriptam a Caesare normam. Sed error iste post aliquam multos demum annos animadversus est. Tum vero consules ludos pro victoria Philippensi votos exhibuerunt; et paedagogum libertumque suum Caesar nomine *Sphaerum* honorifice sepelevit.

*Cornelii  
Balbi for-  
tuna.*

XXXII. Atque, ut adversus Parthos plus in oriente praesidiorum populus Romanus haberet, adsensus est Antonio, Herodem regem et amicum adpellanti, propter Antipatri memoriam et ipsius virtutem. Sed Antonio magnam Herodes pecuniam promiserat. Igitur, senatu ei dato, quum Mesalla et Atratinus, eloquentissimi viri, merita Herodis commemorassent; An-

*Herodes rex  
adpellatus.*

Cap. XXXI. Dio. Pigh. Ann. Plin. 7, 43. Vell. 2, 51. Cic. pro Balbo. Dio. Cap. XXXII Hegesipp. 1, 30. Joseph. Antiq. 14, 26. et de B. Jud. 1, 11. Euseb. Chron. Appian. Joseph.

U. c. 712. tonius adiecit, interesse Parthici belli, ut Herodes  
 A. C. 40. rex declararetur. Ita ille, praeter omnem expecta-  
 tionem, quae summa censentur inter homines, nactus,  
 intra septimum, quam venerat, diem ex Italia profe-  
 ctus est. Nec enim, ut sibi regnum peteret, vene-  
 rat: quod neque datuos arbitrabatur Romanos, mi-  
 nime concedere his solitos, qui de genere regio non  
 essent. Adjecti sunt et alii honores. Exeunti curia  
 duo Imperatores texerunt latus, consulibus ceterisque  
 magistratibus deducantibus: a quibus et sacrificia fa-  
 cta, et senatusconsultum in Capitolio fixum est. No-  
 vum regem eodem die Antonius convivio excepit. Sed  
 ille in Judaeam properabat ad fratrem eripiendum Jo-  
 sephum ceterosque suorum, qui in Massadensi castello  
 ab Antigono obsidebantur.

U. c. 713. XXXIII. Inter haec L. Marcio L. F. Censorino, C. Cal-  
 A. C. 39. visio Sabino dantibus anno nomina, quorum Censorinus  
 L. Marcio, Kalendis Januariis simul consulatum, simul ex Mace-  
 C. Calvisio donia triumphans urbem iniit, Dardanis in Macedonia  
 Coll. repressis; senatus acta triumvirorum omnia ab initio  
 ejus magistratus rata esse iussit. vectigalia nova institu-  
 ta, non sufficientibus, quae decreta dictatori Caesari  
 fuerant. Quippe tres jam alendi pro uno Imperatores  
 erant, et ingenii humani vitio numquam prioribus ad-  
 quiescendi sumptus auxerant, quum per civilia bella  
 redditus minuerentur. Tum et barbam posuit Caesar,  
 eoque nomine populo epulum dedit; irritando magis,  
 quam placando, tantas perire per luxuriam impensas  
 videnti inter publicam famem.

*Consules  
 in multos  
 annos de-  
 clarati.*

XXXIV. Nec minore taedio tot novi et indigni se-  
 natores, tot designati complures in annos magistratus  
 adspiciebantur. Quod enim belli Parthici causa ab-  
 futurus Antonius erat, magistratus quousque volue-  
 runt, in his consules in annos proximos octo, decla-  
 rarunt; neque binos in annum, ut consueverat, sed  
 statim ab initio plures. Hactenus enim successi quo-  
 que consules erant magistratu citra ignominiam abeun-  
 tibus, sed ex ipsorum arbitrio: tum vero nemo crea-  
 tus est annuus, sed ab initio suum cuique temporis  
 spatium destinatum. ex his, qui Kalendis Januariis  
 inibant, anno eo toto consules vocabantur. ceteri,  
 dum obibant munia magistratus, etiam vocabulum ob-

Cap. XXXIII. Dio. Fasti Capit. Appian. p. 715. Dio, et  
 Appian. ibid. Dio.

tinebant Romae ac in Italia, remotioribus plerumque ignorati: unde et minores ab his consules appellabantur. In senatum porro homines adeo jam promiscui et ignoti adlegebantur, ut quemdam Vibium Maximum quaestorem designatum cognoverit dominus, adduxeritque. Sed et inter milites repertus est servus: isque manumissus primo, ut supplicio dignitas adcederet, postea de rupe Tarpeja praecipitatus est. Sub idem tempus Caesar filia auctas uxorem repudiavit, idque eadem, qua pepererat, die. morum ejus perversitatem arguebat. sed Antonio plus crediderim, *Caesar Scriboniam repudiavit.* dimissam Scriboniam objicienti, feminam gravem, quia liberius doluisset nimiam potestatem pellicis. Jam enim adamare Liviam Caesar coeperat, nuper cum viro Antonium sequuto reversam; adeo quidem palam, ut Drusum, qui paullo post fuit editus, ex ipso procreatum per adulterii consuetudinem suspicio fuerit.

XXXV. Dum haec Romae fiunt, Antonii fide excitus Libo e Sicilia Aenariam transmiserat. quo comperto, miserabili voce populus rogabat Caesarem, *uti fidem et ipse mitteret legato, pacis causa venienti.* Nec hoc tantum extorsit invito, sed etiam ut Muciam Pompeji matrem dimitteret; quam ad filium leniendum ire, tamquam alteram Veturiam, populus jubebat; interminatus incendium, ni proficisceretur. At Libo, remittere contumaciam adversariorum sentiens, ut ipsi duces ad colloquium convenirent, institit. extudit hoc quoque violentis deprecationibus ab Antonio et Caesare populus, ut propterea Bajas proficiscerentur.

XXXVI. Sed apud Pompejum, amicis pacem suadentibus, Menodorus injiciebat moram, e Sardinia scriptitans, *gerendum bellum, aut certe ostensandum esse, donec fame prematur Italia.* Nam altero modo victoriam, altero condiciones saltem aequiores sperari posse. simul calumniabatur, Statium Murcum, (alii Stajum scribunt) *Statii Murci caedes.* praecipuum pacis auctorem, non Pompeji utilitatem, sed suam respicere. Nam virum acrem et libertis parere fastidientem oderat. Et credidit barbarae stoli-

Cap. XXXIV. Euseb. Chron. Dio. Sueton. Aug. 61. Id. ibid. 60. Sen. Ep. 70. Dio. Sueton. Tib. c. 4. et Claud. c. 8. Cap. XXXV. Appian. Civil. l. 5. p. 711. Vell. 2, 77. Appian.



U. c. 718. A. C. 39. ditatis adolescens, datemque clarissimum, et jam tum in Hispania optime de se meritum, penitus abalienavit, nullis ultra de rebus ad consilium vocans. Sed et secedentem Syracusas per tribunum quemdam et centurionem ex iis, quos Marcus adduxerat in Siciliam, nefarie sustulit: et ad tegendum facinus corripit iussit innocentes servos, et tamquam interfectores domini crucibus adfigi. Tanto diligentius pax suadebatur a reliquis, ut, ea reddita, crudelitatem et perfidiam effugerent Sexti, duorum tam illustrium virorum interitu patefactas. Hi ergo Menodorum incusabant, ut studio propriae potentiae bellum praeferentem. Et persuasus tandem Pompejus Aenariam cum multis egregiis navibus venit, hexere ornatissima vectus.

Caesaris et  
Antonii col-  
loquium cum  
Pompejo.

XXXVII. Et Puteolos quidem sub vesperam, inspectantibus hostibus, praeternavigavit splendide: juxta quam postridie defixis in mare palis tabulae sunt injectae, binique pontes effecti modico distantes intervallo, ut inter se colloqui tuto possent. Sed frustra tum tentata pax est, Pompejo se in Lepidi locum socium potestatis duobus futurum rato: his tantummodo reditum concedentibus. Neque tamen intermissa per amicos res est, quin variae utrimque conditiones proponerentur. Utrobique minus inclinati ad pacem imperatores erant: sed illos fames et populus urgebat, Pompejus ab amicis impellebatur. Unde aliquando, veste rapta, *prædi se ab his, quos conservasset*, testatus est, saepe in clamato Menodori nomine, quem haberet solum et gnarum belli et firmam benevolentia.

Pacis inter  
eos conditio-  
nes.

XXXVIII. Sed ad extremum, matre et uxore orantibus, ad Misenum processit: ubi Caesar et Antonius e continenti, Pompejus aggeri cuidam veteri, fluctibus undique cincto, insistens, inde legionibus, hinc classe stipante, fecerunt pacem his conditionibus. *M. Lepidus, M. Antonius, et C. Caesar Divi F. iterum triumviri reipublicae constituendae fiebant in quinquennium, nihil morati populi suffragia. Sicilia provincia Pompejo relinquebatur, cum Sardinia Corsicaque et ceteris, quas tum habebat, insulis, in totidem annos. Achaja etiam concessa, et ut consulatum absens, per quem vellet amicorum, gereret, au-*

Cap. XXXVI. Vell. Appian. Cap. XXXVII. Dio. Appian. Cap. XXXVIII. Vell. Dio. Plut. Anton. Liv. Epit. Sueton. Aug. 16. Fassi Capit. Nummus apud Pigh.

gumque crearetur, et ex paternis bonis acciperet sestertium septingenties. Fugitivis, qui sub Pompejo militaverant, libertas dabatur: liberis, ubi stipendia completa habuissent, eadem praemia, quae data essent Caesaris et Antonii militibus. Exsulibus, praeterquam publico iudicio parricidii damnatis, reditus concedebatur: qui eorum sponse fugissent, his omnia bona sua, mobilibus exceptis; iis vero, qui proscripsi fuissent, quadrans bonorum restituebatur. Nonnullis nominatim magistratus et sacerdotia destinabantur. Pompejus ex omnibus Italiae locis deducere debebat praesidia: neque fugitivos recipere amplius; neque naves ad Italiae litus adplicare. Adjectum erat, ut nullas praeterea pararet naves, securitatemque praestaret Italiae a piratis, et frumentum ex insulis, quantum populo Romano ex unaquaque per annos praeteritos deberetur, et in posterum annuum vectigal in urbem mitteret. Haec conscripta consignataque deferenda Romam curaverunt, ut loco sanctissimo a Vestalibus adservarentur. congressique et osculati invicem sorti commiserunt, apud quem eorum prius epulae pararentur.

U. c. 713.  
A. C. 39.

*Apud Vestalibus adservantur.*

XXXIX. Inter haec ab innumera multitudine militum pariter ac paganorum tantus prae gaudio sublatus clamor est, ut, montibus percussu augentibus vocem, quidam exanimati sono dicantur, multis etiam inter concursationem obtrititis atque suffocatis. Nam, ut ejusdem civitatis homines, plerosque amicitias ut propinquitate junctos, tantus se invicem complectendi ardor inceperat, ut multi Pompejanorum, non expectato, donec ad litus naves adpellerentur, in mare prosilirent, et contra pari studio a terra occurrentium inter medios fluctus cohaerent. Neque tantum, qui suos incolumes receperant, personabant laetitias; sed augebatur strepitus suas etiam partes agente luctu. nam, quorum oculi propinquos frustra requisiverant, cum fletu gemituque scrutabantur omnia: ut etiam, quibus propria doloris aut gaudii causa non esset, aliorum adfectibus abriperentur. sic et dies ab his, et noctis major exacta pars est.

*Hominum ex ea re laetitiae.*

XL. Interim et aliorum celebrata sunt frequentia convivia, et Pompejus, admota ad molem, hexere,

*Imperatorum mutua convivia.*

Caesarem et Antonium excepit; haud infacete dictitans, in carinis suis se coenam dare. nam Carinae loco no-

Cap. XXXVIII. Dio. Plut. Vell. Appian. Dio. Appian. Plut. Appian. Cap. XXXIX. Dio. Cap. XL. Appian. Dio. Vell.

U. c. 713. men erat, in quo paternas ejus aedes Romae sitas  
 A. C. 39. Antonius possidebat. Inter hujus convivii laetitiam  
 insusurrasse Pompejo Menodorus fertur, nullo negotio  
 jam tolli adversarios, patremque et fratrem vindicari  
 posse: atque ille, paullisper secum considerato, re-  
 spondisse; *Non erat hoc facinus indignum Menodoro, si per-  
 fici absque me potuisset. Nunc autem contenti sumus praesen-  
 tibus. nec enim pejerare meum est.* Sequentibus diebus  
 Antonius et Caesar Pompejum invitarunt, positis in  
 mole tabernaculis; ut etiam in litore praeberi epulum  
 militibus posset: nisi forte ideo factum est, ut contra  
 suspicionem ad manus haberent praesidia. nec enim  
 hactenus erat instaurata amicitia, ut invicem simplici-  
 ter confiderent. sed et naves erant praesto, et satel-  
 lites, ipsique convivae sub veste adcincti discubue-  
 rant.

XLI. Inter istas epulas Pompeji filia, Libonis ne-  
 ptis, M. Marcello desponsa est, qui sorore genitus  
 Caesaris, et privignus Antonii erat. Postera deinde  
 die consules ita sunt designati, Antonius et Libo; ita  
 ut Antonius quoque pro se substitueret, quem voluis-  
 set: deinceps Caesar et Pompejus: mox Ahenobarbus  
 et Sosius: postremo Antonius et Caesar; qui, tum  
 tertium futuri consules, rempublicam reddituri po-  
 pulo Romano sperabantur. Sed adparet tamen proxi-  
 mum in quadriennium mansisse collegia consulum,  
 qualia paullo ante designata Romae fuerant: Pompejo  
 quoque consulatum, et Antonio tertium perisse, ho-  
 stibus his interim judicatis.

*Caesar et  
 Antonius  
 noctu urbem  
 inveniunt.*

XLII. His ita compositis, Pompejus in Siciliam  
 rediit, Caesar et Antonius Romam, magna totius Ita-  
 liae laetitia, cui pax haec plurimorum malorum adtu-  
 lisse pausam videbatur. Igitur Imperatoribus, qua-  
 cumque transirent, tamquam servatoribus, honores  
 nimii habebantur: erantque Romae praeeparata omnia,  
 ut quam magnificentissime exciperentur. At illi, du-  
 bium impensam, an invidiam vitantes, noctu introi-  
 verunt. Nec erat quisquam expers laetitiae praeter  
 eos, qui bona possidebant redeuntium: quos utique  
 vicinos iniquos habituri, et, si casus daret, acerbos  
 inimicos videbantur. Cetero populo jucundissimum

Cap. XL. Auctor de vir. ill. in Sext. Pomp. Plut. Appian.  
 Dio. Appian. Cap. XLI. Dio. Appian. Cap. XLII. Plut.  
 Appian.

spectaculum fuit, tot illustres viri patriae redditi. U. c. 713.  
A. C. 39.  
Nam plerique omnes, qui cum Sexto fuerant, exceptis paucis, eo Puteolis salutato, Romam navigarunt, magnisque et laetis hominum clamoribus adcepti sunt. In his L. Arruntius fuit, et M. Junius Silanus, et C. Sentius Saturninus, et M. Titius, omnes postea summis sub Caesare honoribus usi.

XLIII. Conjunctissime sub id tempus Antonius et Caesar agebant, multaque constituebant et decernebant concorditer in rebus maximis. sed familiaris consuetudo, dum inter relaxationem animorum ludicris certaminibus transigunt tempus, semper priores ferente Caesare, fieri coepit Antonio injucundior. sive enim aleam luderent, sive committerent gallos aut coturnices, inferior ille discedebat. Igitur praebere aures cuidam Aegyptio vati coepit; qui, sive in Cleopatrae gratiam, sive persuasus ita esse, monuit, *genium ejus, per se grandem ac magnificum, a genio Caesaris, quoties una agerent, quodammodo in ordinem cogi.* Et profectus est in Graeciam, abducta secum Octavia, quae nuper filiolum ex Marcello pepererat: iterumque dimisit quaquaversum duces, Farnium quidem in Africam, ut Sextii quatuor legiones abduceret, nondum enim occupatas a Lepido cognoverat: ceteraque suo arbitrato ordinavit omnia. quippe senatusconsulto cautum erat, *ut non acta tantum ejus, sed etiam agenda, rata essent.*

XLIV. Igitur, simul cupiditati suae satisfaciens, *Antonius se simul odio, ut debiliorem Pompejo provinciam relinqueret, urbes Achajae adfligebat; inter alia Bacchum adpellans, atque ita se adpellari a ceteris jubens.* Nam, aedificato coenaculo, quod coopertum virenti fronde Bacchi referret antrum, tympanis et nebridibus et reliquis adhibitis orgiorum instrumentis, cum amicis perpotavit: ministrantibus Italicis acroamatia, et universa ad spectandum concurrente Graecia.

XLV. Idem aliquando in arcem adscendit Athenis, *Athenienses inter lumina tota urbe reluctantia de tectis: et ex eo tempore praecepit, uti per omnes civitates voce praconum suum desponsans.* *novus Bacchus adclamaretur.* Sed et flatuis hoc subscri-

Cap. XLII. Vell. Cap. XLIII. Plut. et Appian. Parth. Dio. Appian. Civil. l. 5. Plut. Appian. Cap. XLIV. Dio. Athen. 4, 12. Cap. XLV. Dio. Vell. 2, 8a.

U. c. 713.  
A. C. 39.

bi nomen iussit, habituque et comitatu Bacchum simulans, ab Atheniensibus, qui ei cum conjugibus et liberis occurrerant, ita salutatus est. adjecerunt, *despondere se ei Minervam suam*. Et adcepit ille conditionem, sed mille talenta nomine dotis imperans, tum aliquis Graeculorum, *At matrem tuam Semelen*, inquit, *Jupiter duxit indotatam*. Nec ideo minus exacta pecunia est; irrisique et elusi, qui stultitiam Antonii non minore dementia deriserant. Inde verso favore civitatis, multi propositi sunt libelli contumeliosi; quidam et ipsi traditi: sed et statuae ejus subscripta nomine Minervae et Octaviae divortii formula, *res cum suas sibi habere* jubentium. Unde ne tempus quidem ad pecunias cogendas Atheniensibus dare volenti Q. Dellius festive dixit, *Et tamen scito, illos tibi annui bima trima die debere*: tamquam secundum leges Romanas dos peteretur.

*Antonii  
morum in-  
constantia.*

XLVI. Inter haec exercitum ita distribuit, ut partem in Epiro collocaret, quosdam in Parthinos, Illyricam gentem, alios in Dardaniam mitteret, locupletandi simul militis exercendique causa. Haec, alia repente persona sumpta, palliatus et phaecasiatus agebat, remoto imperatorio fastu, cum binis forte amicis totidemque famulis, rhetorum aut philosophorum scholas obiens: coenitabatque cum Graeculis eorum more, et caeremoniis festisque suaviter intererat; Octavia quoque frequenter adhibita, cujus amore homo mulierosus vehementer exarserat. Interim et nuncium adcepit de victoria P. Ventidii, quem contra Parthos provinciis orientis praeposuerat.

*Ventidius  
Parthos vin-  
cit.*

XLVII. Nam is strenue profectus Labienum securius agentem occupavit: diffisumque viribus, quippe, dimissis Parthis, tantummodo collectas ex Asia copias retinebat, inde refugere in Syriam coëgit: adsequutusque cum expeditis circa Taurum montem, longius procedere vetuit. Eo loci complures per dies castris positus ambo quieverunt; Labienus, ut Parthos adiret interea; Ventidius, ut gravem armaturam. Forte sub idem tempus utrique expectata auxilia venerunt. Sed Ventidius, Parthicum equitatum timens, de su-

Cap. XLV. Sen. Suasor. 1. Dio. Senec. Cujac. Observ. 2, 20. Gronov. in Sen. Suas. 1. Cap. XLVI. Appian. Plut. Appian. Plut. Liv. Epit. Cap. XLVII. Sueton. apud A. Gell. 15, 4. Dio.

perioribus locis non degrediebatur: Parthi, numero freti, et successu victoriarum alacres, luce prima, priusquam cum Labieno conjungerentur, accedere ad tumulum, et, nemine contra exeunte, subire coeperunt: quippe Ventidius per simulationem metus suum militem continebat. Sed, ubi mox iniquis locis haeserunt hostes, eruptione Ventidianorum subita turbati, seque impediētes, dum, refugientibus primis, postremum agmen urget adscensum, magna parte copiarum amissa, consciverunt fugam. Nec ad Labieni castra consistere ausi, Ciliciam petierunt. Ventidius ad vallum Labieni suos constituit.

U. c. 713.  
A. C. 39.

XLVIII. Et Labienus ordines tamquam dimicaturus instruxerat; sed, suorum animos clade barbarorum territos videns, hoc agebat, ut, re in noctem extracta, per tenebras se subduceret. Emanavit consilium per transfugas, et, dispositis insidiis, Ventidius magnam fugientium multitudinem occidit: ceteros omnes in Antonii nomen sacramento adegit, nullo jam usquam Labieno. Is enim mutata veste profugerat. Et interim quidem in Cilicia latuit: postea requisitus et deprehensus est a Demetrio; quem, superioris Caesaris libertum, Antonius Cypro praefecerat. Interea Ventidius, recipienda ordinandaque Cilicia occupatus, Upedium Silonem cum equitatu ad portas Amani praemisit, quae Syriam a Cilicia angusto transitu dirimunt. Sed Barzapharnes Parthus, proelio commisso, Romanos in summum discrimen adduxerat; nisi Ventidius mira quadam felicitate pugnantibus supervenisset. Parthus enim, et improvisa re consternatus, et viribus jam impar, cum multis aliis interfectus est. Sunt, qui Ventidium, copias exiguas habentem, insidias posuisse Barzapharni tradunt, cohortibus octodecim in occulta valle, et equitatu post militum terga collocato. huc illectum barbarum simulata Romanorum fuga, circumventum.

*Mox etiam  
Labienum,  
et Barzapharnem.*

XLIX. Utro modo gesta res fuerit, id satis constat, altero hoc proelio caesos a Ventidio Parthos praecipui nominis ducem amisisse. Hoc certe interfecto, excefferunt Syria, provinciamque Romanus,

*Prope Hierosolimam  
Ara ponit.*

Cap. XLVII. Frontin. Strat. 2, 5. 36. Dio. Cap. XLVIII. Flor. 4, 9. Vell. 2, 78. Plut. Anton. et Appian. Parth. Dio. Frontin. Strat. 2, 5. 37. Cap. XLIX. Plut. et Appian. Liv. Epit. Dio.

U. e. 713. praeter Aradum, nemine jam repugnante, recepit:  
 A. C. 39. atque, inde in Palaestinam transgressus, prope Hierosolymitarum urbem castra posuit. Sed, Antigono pecuniam affatim dante, cum maxima copiarum parte digressus, ad tegendam dissimulationem cohortes aliquot reliquit, Silone praefecto; quem et ipsum mox pecuniis adgressus Antigonus, otium redemit, donec iterum succurrere Parthi possent. Igitur neque propinquis Herodis, qui Massadae obsidebantur, subventum: et Josephus, urgente siti, cum viris ducentis fugam tentaturus in Arabiam fuerat, nisi proximae noctis imbre refectus, completaeque aqua cisternae forent.

*Herodes  
 Joppen expugnat.*

L. Sed Herodis adventu bellum acrius coeptum, quum missus ab Antonio Dellius, a Romanis ducibus adjuvari regem juberet. Ceterum Ventidius civitates, quae defecerant ad Parthos, recipiebat, magnam pecuniam mulctae nomine singulis imperans. sed Malchus, Arabiae rex, prae ceteris ingentem summam pependit. Tandem Silo, junctis cum Herode copiis, Joppen expugnanti adfuit: dein, soluta Massadae obsidione, Hierosolymam petentem sequutus est. Sed, corruptus Antigoni pecunia, neque valde utilem operam praestitit, et concitavit milites, ut ante tempus in hiberna deduci postularent. Sed Antonius, cognitis Ventidii rebus, epulum Atheniensibus publice praebuit, ludosque gymnicos fecit, quibus ipse gymnasiarchae munus obiit: quumque de his Romam scripsisset, supplicationes ejus nomine decretae sunt, cujus auspiciis ista Ventidius gessisset. Sed et alius legatorum Antonii Pollio, qui missus in Parthinos fuerat, Illyrios circa Epidaurum aliquot proeliis fudit.

*Cn. Domitii  
 severitas.*

LI. Sub idem tempus Cerretanos tumultuantes (obtimebant autem convalles Pyrenaeae silvae) Cn. Domitius, ex consulatu missus in Hispaniam, coercuit. Ii legatum ejus, exceptum insidiis, et a militibus derelictum, vicerant. Ideo Domitius, priusquam in hostem duceret, sones, ad concionem dissimulanter vocatos, reliquis copiis circumfudit, cognitaque caus-

6a

Cap. XLIX. Joseph. Antiq. 14, 26. et 27. et de B. Jud. 1, 22. Dio. Hegeſipp. 1, 30. Joseph. Cap. L. Plut. et Appian. Dio. Flor. 4, 12. Strabo, l. 3. p. 162. Cap. LI. Vell. 2, 78. Dio.

sa manipulum unum, penes quem maxima flagitii pars haerebat, decimavit. in centuriones etiam aliquam multos, et primipili Vibullium animadvertit. Haec severitas ad victoriam profuit, et, quum miles imperatorem magis, quam hostem, metueret, Cerretani haud difficulter debellati. ob eas res gestas et huic, et Pollioni decretus triumphus est. Sed Domitius postea triumphavit; Pollio statim ante diem octavum Kalendas Novembres ex Parthinis. Nec semel triumphasse contentus, filiam sibi natum sub eadem tempora Saloninum vocavit, a maritimo Dalmatiae oppido, quod eodem bello ceperat.

U. c. 713.

A. C. 39.

LII. Idem Pollio, summus eorum temporum orator, insignis historicus, studiorum patronus eximius, *Asinius Pollio bibliothecam* bibliothecam Romae primus publicavit in atrio Libertatis, quod ex manubiis refecerat: imaginibus doctissimorum virorum ibi positis; in his Varronis, unius eorum, qui tum adhuc viverent. *publicat.*

Cap. LI. Vell. Dio. Hor. Carm. 2, 1. et ibi Porphy. Fa-  
 ti Capit. Serv. in Eclog. Virgil. 4. Cap. LII. Flor. 4, 12.  
 Hor. Plin. 7, 30. et 35, 2. Lips. de Biblioth. c. 5. Sueton.  
 Aug. 29. Plin.



# E P I T O M E

## LIBRI CENTESIMI VIGESIMI OCTAVI.

*Quum Sex. Pompejus rursus latrocinii mare in-*

*Quum Sex. Pompejus rursus latrocinii mare infestum redderet] rursus Norv. et edd. vet. pro quo editio Sigonii anni 1572. rursus edidit, consentientibus scriptis meis et edit. Camp. Tum mare inquietum Voss. quod alterius glossema est.*

*Pacem, quam acceperat] quam acceptaverat Voss. Ita Mela 1, 1. Qua diffunditur, alia aliis locis cognomina acceptat. Quinctil. 12. Inst. Orat. 7. Quum et Socrati collatum sit ad victum, et Zeno, Cleanthes, Chrysippus mercedes a discipulis acceptaverint. Unius tamen cod. auctoritatem leviorum puto, quam ut ejus fide vulgatum mutemus.*

*Necessario adversus eum bello suscepto] Ita Gronov. anno 1665. edidit; et similiter habent Leid. Voss. et Berg. ab his non aliter differt Lov. 2. nisi quod vocem ultimam omittat. necessario bello adversus eum suscepto legunt Boend. et edd. Camp. necessario bello contra eum suscepto Exc. Pithoei, Norv. et reliquae ante Gronovium edd. Vide ad Epit. 57. Mox cum dubio eventu pugnavit, adscita praepositione, Leid. Voss. Berg. Lov. 2. Boend. et ed. Camp. Infra Epit. seq. Adversus Sex. Pompejum vario eventu navalibus proeliis pugnatum est.*

*L. Ventidius, legatus M. Antonii] Vet. lib. P. Ventidius. Ita ceteri. SIG. L. Ventidius superest in omnibus meis, nec non in Exc. Pithoei, et Norv. Sed recte P. Ventidius emendat Sigonius; quomodo non tantum semper apud alios vocatur, sed etiam supra Epit. 127.*

*Parthos in Syria vicit] Vet. lib. proelio vicit. SIG. Similiter Leid. Berg. Lov. 2. et Exc. Pithoei. Reliqui Voss. Boend. et Norv. vocem proelio omittunt. Supra Epit. 127. Parthos proelio victos Syria expulit. Epit. 114. In Gallia Bellovacos rebellantes proelio vicit. ubi alii eandem vocem etiam omiserunt. Liv. 30, 30, 21. Non tantum ad id, quod, data pace, jam habere potes, si proelio vincas, gloriae adjeceris. 33, 12, 8. An, quia victus proelio foret, inexpiabile bellum factum? Mox occidit, pro interemit, omnes scripti, et ed. Camp. Vide ad Epit. 57. Per regem Parthorum occisum intelligitur Pacorus. V. Front. 1, 1, 6.*

*Judaeorum quoque legati ab Antonio interemti sunt] Vet. lib. Judaei quoque a legatis Antonii subacti sunt. SIGON. Lectio scholio Sigonii praescripta demum mihi obvia fuit in ed. Frob. anni 1535. Antiquiores enim pleraeque praeferunt*

*festum redderet, nec pacem, quam acceperat, praestaret, Caesar, necessario adversus eum bello suscepto, duobus navalibus proeliis dubio eventu pugnavit. P. Ventidius, legatus M. Antonii, Parthos in Syria proelio vicit, regemque eorum occidit. Judaei quoque a legatis Antonii subacti sunt. Praeterea belli Siculi adparatum continet.*

*Judaei quoque a legatis Antonii interemti sunt; quibus more suo concinit Norvic. At Judaei quoque a legatis Antonii subacti sunt legunt Leid. Voss. Berg. Lov. 2. Exc. Pi-*

*thoei, et ed. Camp. Neque ab-  
ludit Boend. nisi quod exhibeat  
Judaeique a legatis, sollemni  
scribarum errore; de quo di-  
ctum est ad 5, 27, 1.*

## JOHANNIS FREINSHEMII

### SUPPLEMENTORUM LIVIANORUM LIBER XCIII.

#### IN LOCUM LIBRI CXXVIII. T. LIVII.

U. c. 714. I. A. P. Claudio C. F. Pulchro, C. Norbano C. F.  
A. C. 38. Flacco consulibus, qui primi binis quaestoribus usi  
Ap. Claudio, C. Norbano Coss. sunt, multa Romae gravia ac terribilia inciderunt.  
Nam et plebs, propter saevitiam exactorum, cum iis  
eorumque militibus dimicavit; et sexaginta septem  
praetores numerati sunt, aliis subinde suffectis in  
aliorum locum. Sed et puer quidam, quaestor creatus,  
postridie togam virilem sumpsit: et senator,  
pugnare inter gladiatores cupiens, causam dedit edicto,  
quo senatores muneribus gladiatorii dimicare,  
servi lictores fieri, mortui propius ab urbe mille non-  
gentos passus cremari vetabantur.

*Prodigia.* II. Sibyllini deinde libri sunt aditi prodigiorum  
caussa. Nam et paullo ante hoc tempus, e taberna  
meritoria trans Tiberim oleum scaturiens, per totum  
diem largissimo rivo fluxit. tum autem et cella Romuli  
sacrificio, quod forte pontifices ibi faciebant, arsit:  
et simulacrum Virtutis, ante portam quamdam  
positum, in faciem procubuit: et quidam, furore Cybeles  
correpti, matrem Deum irasci populo Romano  
canebant. Idque confirmarunt, libris inspectis, Quindecimviri;  
jusseruntque deportari Deam ad mare, atque unda marina  
lustrari. traditurque res mira dictu, nisi quod, horum  
semel cognita causa, nihil inde provenientium mirabile  
est, simulacrum longissime intrasse in mare, vixque  
aliquando redisse ad litus. Major exinde metus Romae  
fuit, majorque numinis aversi fides: neque mutarunt  
prius opinionem homines, quam circum aedem ejus et in foro  
palmae quatuor enatae sunt.

Cap. I. Dio, l. 48. Cap. II. Oros. 6, 18. Dio.

III. Tum et Liviam sibi matrimonio junxit Caesar, U. c. 714.  
A. C. 38.  
*Liviam ducit Caesar,*  
Neronis uxorem, et uterum fereptem ex eo. quod quia ignominiosum jure Romano erat, consuluit pontifices Caesar, an, concepto, necdum edito partu, rite nuberetur? Responsum est, propter turbationem sanguinis gravidarum nuptiis interdicti. hic vero, quoniam sextum mensem gravida sit Livia, satis liquere, ex utro marito conceptum foetus sit: nihil ergo vetare, quin matrimonium coeat: quemadmodum nuper Octavia in manum Antonii convenisset. Haec illi reperta forte in majorum institutis responderunt; ceterum non alia dicturi, etiamsi alia reperissent.

IV. His nuptiis prior maritus auctor exstitit, quasi *Priore marito nuptum cum dante.*  
patris vicem nuptum dans uxorem modo suam: discubueruntque Caesar et Livia seorsim. Et puerulus quidam nudus, quales tum habere nobiles matronae solebant in deliciis, ad Liviam conversus, *Quid hic agis, inquit, domina? en maritus tuus isto loco adcubat,* digito demonstrans Neronem. Postea Claudium Drusum Neronem enixa est Livia in penetribus Caesaris; qui, remissam eum a se patri, commentariis suis intulit. Neque diu supervixit pater Nero, liberorumque suorum tutorem Caesarem reliquit. Haec gesta largam praebuere materiam sermonibus, et inter alia vulgatus est versus, qui mox in proverbium abiit, *felicibus esse vel crimestres liberos.*

V. Iisdem temporibus Mauritaniae regno Bogud *Bogud Mauritaniae regno excidit.*  
Bocchi F. excidit; qui, persuasus a L. Antonio sub bellum Perusinum, Carinatem, a Caesare ulteriori Hispaniae praefectum, armis petiverat. Nam, deficientibus interea Tingitanis, quum et domi exclusus, et in Hispania Bocchi paterni hostis auxilio victus esset, exsul ad M. Antonium se recepit. A Caesare Boccho regnum, quod occupaverat, confirmatum est; Tingitanis civitas data.

VI. Neque diu post male sortita inter Pompejum et *Pompejus res novas molitur.*  
Caesarem gratia rescissa est, haud dubie causas quarente potius, quam orto ex oblatas, odio. Sed Achajam Pompejus aegre ferebat ab Antonio detineri praetextu pecuniae, quam sibi deberi a provincialibus ille

Cap. III. Sueton. Aug. 62. et Tib. c. 4. Tac. Ann. 1, 10. Dio. Cap. IV. Vell. 2, 79. Dio. Sueton. Tib. 4. Dio. Sueton. Claud. 1. Cap. V. Dio. Appian. Civil. 1. 5. p. 686. Dio. Cap. VI. Appian. Civil. 1. 5. p. 716. et Dio. Appian.

U. c. 714. contendebat: contra Pompejus illa quoque debita simul cum provincia foederis legibus sibi concessa interpretabatur. Igitur, sive hac motus injuria, sive, ut Caesar dictitabat, ingenio perfidus, et Menodoro credens, inducias ei potius, quam pacem habendam dictitanti, sive aegre ferens illis tantos esse exercitus, comparare novas naves, deligere remiges, et ad exercitum ita concionari coepit, ut majore adparatu sibi opus esse diceret. Inter haec et piratae ex insidiis infestabant mare clanculum; ut sentire levamen populus famis posset, vulgoque jactaretur, *non esse quaejrum ea pace laborum finem, sed tantummodo tribus domuiis quartum adcessisse.* Sed correpti quidam piratae tortique auctorem Pompejum ediderunt. Atque indicavit eam rem populo Caesar, et cum Pompejo per literas quæstus est. Ille, purgans se de objecto crimine, vicissim Achajam sibi non restitui et ab Antonio vexari exprobravit.

*Menodorus, gratia Pompeji amissa,* VII. Quum in eo res essent, magnum maturando bello momentum Menodorus adtulit, repente ad Caesarem transgressus his causis. Potentiam hominis aegerime patiebantur, quotquot remanserant apud Pompejum, nobiles, sed, adolescentis aures solis libertis patere gnari, aliquos ex eo genere induxerunt, ut Menodorum, veluti patrono imperantem, criminarentur. Atque illi, quod ultro facere per invidiam cupiverant, cum adsensu tantorum virorum et praemio facturos rati, occasionibus non defuerunt. Forte et alioquin suspicionem patroni Menas incurrerat, Heleno dimisso, liberto Caesaris, colloquioque deinceps cum ipso Caesare habito. Idcirco, missis quibusdam, Pompejus adesse ad rationes frumenti pecuniaeque administratae reddendas jussit.

*Classem et exercitum Caesari tradit.* VIII. Commodum e libertis Caesaris Philadelphus ad frumentum e Sardinia deportandum venerat. cum hoc fidissimum amicorum Micylionem Menodorus Romanam misit, si receptus fidem obtinuisset, Sardiniam Corsicamque cum tribus legionibus, sexaginta navibus, et multis amicis suis offerens. Et dubitavit aliquamdiu Caesar. sed, ubi fidem ab eo datam Menas didicit, comprehensis, qui evocandi eum causa a Pompejo venerant, et interfectis, classem et exerci-

Cap. VI. Liv. Epit. Appian. Cap. VII. Dio. et Appian. Dio. Cap. VIII. Appian. Oros. 6, 18. Appian. Dio.

tum Caesari tradidit. Neque dedit reposcenti Pompejo Caesar, ab ipso violata foedera, fugitivis recipiendis, triremibus aedificandis, retinendis in Italia praesidiis, arguens. Quin et magnis honoribus adfecit Menam, adseruitque in ingenuitatem, et annulis aureis ornatum in equestrem ordinem recepit: neque enim tum adhuc cuiquam inferioris loci gestare anulum aureum licebat. Coenae quoque suae adhibuit: quem honorem nulli, nec antea, nec postea, libertino habuisse traditur. His cognitis, Pompejus Menecratem, et ipsum libertum suum, ad infestandam Italiae oram misit, a quo Vulturum et alia quaedam Campaniae loca vastata sunt.

U. c. 714.  
A. C. 38.

IX. Idcirco Caesar, velut necessarium bellum suscepturus, tabulas Pompejani foederis recepit a Vestalibus, ex Africa Lepidum, ab Athenis Antonium ad communicanda consilia ciens. Sed Lepidus ad trajiciendum fuit segnior. Antonius vere primo cultum animumque Imperatoris resumpserat; navesque deduci jusserat ad Parthicum bellum. Eo celerius Brundisium venit. Sed, ubi statum ad diem non adfuit Caesar, qui, tum in Etruscis agens, Ravenna naves longas, ex Gallia copias cum adparatu Brundisium et Puteolos mittebat, utrimque invasurus Siciliam, si idem Antonio videretur; ille, sive magnitudine Caesariani adparatus commotus, (nam in societate potentiae collegarum opes aegris oculis adspiciuntur) sive prodigio territus, in Graeciam rediit. quippe ferre militem, circa tabernaculum ejus excubantem, devoraverant, sola facie quasi in hoc relictâ, ut agnosci posset; augebatque religionem, quod neque clamor auditus esset pereantis, neque ceterorum vigilum quicquam quidquam sensisset. Sed Brundisini quidam retulerunt, sub orientem diem a se visum esse lupum, cursu se proripientem ex tentoriis.

*Antonius, additus a Caesare Brundisium venit.*

*Sed mox regressus illum destituit.*

X. Ipse, scriptis ad Caesarem literis, festinandum sibi ostendit ad Parthicum bellum: auctorque ei fuit non discedendi a foederibus. Menodoro quoque, cui belli causam imputabat, servitutem minatus est, tamquam fugitivo suo, quod nimirum Pompeji Magni bona, in quibus et Menodorus tum fuerat, empta a di-

Cap. VIII. Sueton. Ang. 71. Appian. Dio. Sueton. Appian. Dio. Cap. IX. Liv. Epit. Dio. Appian. Dio. Appian. Cap. X. Dio. Appian.

U. c. 714. ctatore Caesare possideret. Destitutus ab Antonio Caesar, quamquam ideo hoc fieri existimabat, ut suis unius opibus sustinere Pompejum cogeretur, intentione cura bellum adparabat: multis praesidiis, per oram Italiae munitis, navibusque Romae et Ravennae fabricari iussis. Sed et ex Illyrico magnum exercitum evocavit. Menodorum, suae classis ducem, Calvisio Sabino legatum dedit, quem universae rei maritimae praefecerat. L. Cornificium L. F. deportare Tarentum partem Ravennatis adparatus iussit. hunc adorta tempestas jactavit classem. Ceterum navis una tantum perfracta est, quae Praetoria parata Caesari fuerat: eaque res in omen tracta futuri.

*Caesar ta-  
men bellum  
incipit.*

XI. Postquam omnia satis instructa Caesar existimavit, populo Romano per literas, exercitui coram belli causas exposuit; quod, adsensu plerorumque, contra fidem pactorum suscipi Pompejus testabatur; idque etiam Antonio visum, qui propterea socius esse impiorum armorum noluiisset. Pompejum igitur Caesar auctorem novarum injuriarum esse demonstravit; piratarum et Menodori indicio: mentemque Antonii deprehendi ex eo posse, quod Achajam Pompejo non redderet. Inde, celeritate adhibita, et ipse navigavit in Siciliam a Tarento, Calvisius cum L. Statilio Tauro et Menodorus ab Etruria, legiones terrestri itinere Rhegium petierunt.

XII. Pompejus Caesarianae classis Menecratem opposuit, infestum invisumque Menodoro, fortunae et animorum similitudine. Hic, obviam factus hostibus sub vesperam, coëgit eos ex alto refugere in sinum, qui supra Cumas est: ipse adplicuit Aenariam. Luce reddita, rursum adeptus secundum litus navigantes lunata acie, quum aliud agere non posset, magno impetu invectus ad terram compulit. At illi inde repugnabant, impari quidem certamine, quum ejectae in litus naves immobiles haerent, neque vitandis hostibus, neque impetendis habiles. Ergo pro meliore Pompejanis erat pugna, qui libero incursu fatigabant adversarios, fessosque suos, submissis in eorum locum recentibus, otiose recipiebant.

XIII. Sed inter haec Menodorus et Menecrates, quum se forte conspexissent invicem, omni alia re

Cap. X. Dio. Appian.  
Cap. XIII. Dio. Appian.

Cap. XI. Oros. 6, 18. Appian.

postposita, magno clamore concurrerunt. Neutra navis inde laeta abiit: Menodori prae fractum rostrum est. Menecratis remi altero latere deteresi. sed jam utrimque ferreae manus injectae, tam rostra quam remos inutiles effecerant: et, tamquam pedestri proelio, viribus et manu certabatur. Menodori navis erat aliquanto altior: ergo et commodius in adversam injici pontes poterant, et missa inde tela maiore violentia incidebant. Forte sub idem tempus dux uterque vulnus accepit: Menodori brachium transfixum est, Menecratis femur. Sed verutum facilius evelli potuit; hamata soliferrea Hispanica Menecratem inutilem pugnae reddebat. Nec tamen ille desiit hortari suos, donec, capta jam nave, ne perveniret in manus inimici, medios in fluctus se praecipitem dedit. Dum haec ad sinistrum cornu geruntur, Calvisius, a dextro eodem profectus, naves quasdam Menecratis, abruptas a suis, persequutus est. Interim Demochares, ipse quoque Pompejanus libertus, Menecrati legatus additus, Calvisianas reliquas naves in fugam, nonnullas in saxa compulit, relictasque a classiariis incendit: donec revectus ex alto Calvisius et reduxit fugientes, et incendium navium restinxit.

U. c. 714.  
A. C. 38.  
*Pugna Menecratis et Menodori.*

XIV. His rebus gestis, quum nox supervenisset, utrique suas in stationes redierunt, nec victi, neque pro victoribus. Sicut enim de classe Caesaris longe plures amissae naves fuerant; ita Menecratis interitu satis pensatum id detrimenti videbatur. Certe Demochares, eo casu turbatus, simul, ne transiret in Siciliam Caesar, timens, quem a Tarento Rhegium ille audierat, sublatis ancoris abiit: et Calvisius, reparata classe, oram legens, paullatim insequutus est. Sed Caesar, a Rhegio cum magno militum et navium numero fretum ingressus, quum amicis placeret pugnari cum Pompejo, quadraginta tantum naves secum ad Messanam habente, non paruit, festinationem temeritatemque semper damnare solitus, et satis cito fieri dictitans, quae satis fiant bene: neque suscipiendum proelium esse, nisi quum majora periculis commoda proponerentur. nam ob mediocria pugnantes aureo banno piscari.

*Caesar festinationem temeritatemque damnat.*

XV. Sed interim Demochares, Messanam reversus, Pompejani in locum Menecratis praefecturam classis adcepit, col-

*Caesarem*

Cap. XIV. Dio. et Appian, Appian. Sueton. Aug. 15.  
Cap. XV. Appian.



U. c. 714.  
A. C. 38.  
*classe ad-  
riuntur.*

legamque Apollopheanem, qui itidem Pompeji libertus erat. Et Caesar, auditis, quae ad Cumas erant acta, per fretum navigabat, ut Calvisium conjungeret. jamque Stylida praetervectus Scyllaeum flectebat, promontorium Italiae, quum a Messana Pompejus excurrrens, adgrediendo proximas naves, insequendo praegressas, universam classem adtinuit. neque tamen ad Praetoriam ceterae se receperunt, non sinente Caesare, sive propter angustiam locorum, sive secundum prius decretum vitante pugnam. At Demochares cum Apollopheane binis navibus adgressi singulas, tamen haud multum proficiebant; propugnantes e contra legionariis, et magnitudine rostratarum, quae a minoribus vix tuto impetebantur.

*Et magne-  
perurgent.*

XVI. Sed ubi Pompejani, receptis fessis atque sauciis, subinde in pugnam reducebant integros, neque rostris tantum, sed etiam jaculis ignitis, saeviebant; urgeri Caesariani, pulsaque ad litus navigia, hostibus instantibus, inter se, aut ad saxa collidi, geminumque plane Cumano negotium esse. Ibi Caesar, exscensione facta, succurrebat periclitantibus, adnantes suscipiens, deducensque in editiora. Sed Cornificius ceterique duces, cohortati invicem, injussu Imperatoris abruptis ancoralibus, in altum evecti sunt, ut potius ausi aliquid perirent, quam hostibus se obtendos darent immobiles. Nec male cessit audacia, Praetoriamque Democharis Cornificius cepit, praefecto in aliam navem transiliente. Interim et nox adpropinquabat, et cum Calvisio et Menodoro Caesaris alia classis: qua inspecta, Pompejani discesserunt, isque casus servavit reliquas Caesaris naves, ne prorsus omnes abstraherentur ab hostibus, aut immisso igne deflagarent.

*Caesariano-  
rum miseria.*

XVII. Ea nocte plerique, relictis navibus, in montes se receperunt, adensis ignibus fortunam significantes. Ipse Caesar, inter rerum omnium egenos circumcursitans, durare jubebat, donec dies redderetur. Nec a navibus quidquam erat auxilii, quae jam tempestate jactari coeperant: et Calvisium adesse nesciebant. Pompejanis enim solis visus erat; qui, longius a terra disjuncti, prospicere facilius in altum potuerant. in hoc articulo necessitatis bona quaedam

Cap. XV. Dio. Appian. Cap. XVI. Dio. Appian. Dio. Appian.

fortuna Caesari tertiam decimam legionem adduxit; quae, clade cognita, per aspreta contendit ad ignes, Imperatoremque suum, ab omnibus famulis derelictum, et commilitones fessos atque famelicos recrearunt. Tum vero circumquaque nuncios dimisit Caesar incolumitatis suae: et vicissim, audito Calvisii adventu, exhilaratus quieti se dedit.

U. c. 714.  
A. C. 38.

XVIII. Postera lux miserabile spectaculum aperuit crematarum aut fractarum navium: fluitabantque passim armamenta, navibus etiam, quae supererant, valde quassatis atque laborantibus. Sed otium ab hostibus Calvisii praesentia praestabat, ut subduci reficique possent; quum subito exortus auster vehementiori omnes discrimine involvit. Sed Pompejus intra portum Mamertinum deduxerat suas naves, at Caesarianae circa litus asperum et importuosum ingenti periculo jactabantur. neque resisti poterat per absentiam nauticae turbae, cujus pars major in litus evaserat. Sabini tamen minus adstricta classis est Menae providentia; qui, magno rei maritimae usu, longius in mare proVectus, ubi mitius intumescebant undae, jecit ancoras; remigioque contendens adversus ventum, ne funes intenti rumperentur, effecit, ut eodem semper loco tenere se posset, tantundem spatii subinde remensus remigio, quanto abreptus venti violentia fuerat. Sed et alii quidam, industriam hujus imitati, pestem intentatam repulerunt.

*Menae prudentia in tempestate.*

XIX. At reliqua multitudo, ventum, ut verno tempore, cito positurum existimans, utrimque revincta ancoris navigia, ne colliderentur, contis propulsabant; minime diuturna ope, quum flatus impetuosior obstantia omnia disjiceret: navesque, disruptis ancoralibus, in litus impingebantur. Saevum deinde diem tristior nox excepit, intendente se vento, et tenebris conspectum adimentibus. jam pridem enim aurium usus perierat, nequidquam contento clamore petentibus opem, quorum voces ventorum fluctuumque stridor, et percussu montium multiplicati fremitus obruebant. Etiam aestus his adcesserat malis, et ex navibus utcumque servatos, in terra quoque fluctus infesti consequebantur. Tandem, adpetente die, remisit ventus, et sub solis ortum plane quievit; undis tamen adhuc diu saevientibus: atrocior enim tempe-

*Caesaris classem tempestas adigit.*

U. c. 714. flas fuerat, quam vidisse locorum istorum adcolae um-  
A. C. 38. quam meminissent.

*Pompejus  
victoria uti  
nescit.*

XX. Igitur Caesar, maiore hominum parte, et clas-  
se pene universa multatus, deposita spe potiundae in  
praesens Siciliae, eadem adhuc nocte Vibonem pro-  
peravit, non sustinens calamitatem intueri, cui reme-  
dium adferre non pōterat: scriptisque ad amicos et  
duces literis, praesto esse iussit omnes. Interim, quos  
secum habebat, milites circum maritima praesidia di-  
misit, ne Pompejus, victoria factus alacrior, in Ita-  
liam irrumperet. Sed ille ne reliquias quidem cladis  
impedire conatus est, quominus, ut poterant, funi-  
bus colligantes navium rimas, Vibonem secundo ven-  
to defluerent; tantum abest, ut de continenti cogita-  
ret: suorum satis acer defensor, ad aliena invadenda  
segnis. Igitur Caesar, deficientibus ad Pompejum vi-  
cinis, Liparenses, ex insula Neapolim translato, ibi  
degere ad finem belli coëgit. Ipse, quia et pecunia  
opus erat et navibus, iisque multis, et celeriter, ne-  
que populus, fame iterum urgente, bellum, ut con-  
tra foedera susceptum, obterens, conferre quidquam  
volebat, Maecenatem in Graeciam misit, pertrahendi  
ad bellum Antonii causa. Ea spes si fefellisset, le-  
giones onerariis trajicere, bellumque terra gerere  
majorum exemplo cogitabat.

XXI. Erat Antonius in procinctu, ut Parthis iret  
obviam. Idcirco, Maecenate cum bona spe dimisso,  
e sacra olea Athenis coronam sibi sumpsit; atque ex  
certo oraculo vasculum, aqua e Clepsydra fonte im-  
pletum, extulit secum. Sed jam totam belli molem  
P. Ventidii virtus et fortuna discusserat. Is, com-  
missa aliis obsidione Aradi, quae conscientia admissor-  
um pertinacius repugnabat, adversus Pacorum, cum  
magnis copiis iterum irrupentem in Syriam, con-  
tendit. Nondum ille transierat Euphratem: sed me-  
tuebatur Ventidius, ne prius adventaret, quam ipse,  
quas in Cappadocia trans Taurum habebat, legiones  
contrahere posset. Idcirco, non ignorans, ex iis,  
qui socii videbantur, quemdam Channaëum, Cyrrhe-  
sicae nationis regulum, proditorem agere, cum illo

*P. Ventidii  
praefectorum  
strategema.*

Cap. XX. Sueton. Aug. 16. Oros. 6, 18. Dio. Appian.  
Dio. App. Dio. App. Cap. XXI. Plut. Anton. et Appian.  
Parth. Vell. 2, 78. Dio, l. 48. Dio, l. 49. Frontin. Strat. 1, 1.  
et Dio.

intima sua consilia communicare simulans, campos maxime timere dicebat, agebatque cum proditore, induceret Parthos, ut ad Zeugma trajicerent exercitum, brevissimo itinere, et artissimo Euphratis alveo, Tum enim se opportunitate collum facile elusurum sagittarios equites.

U. c. 714.  
A. C. 38.

**XXII.** Quum haec ad Parthos relata essent, omnia se Ventidii consilia tenere putantes, ut, qua minime vellet ille, transgredierentur, infra Zeugma pontem struxerunt. Habebant et iter ad eum locum prolixius, et, dum flumen ibi propter latitudinem operosius jungitur, amplius quadraginta dies consumpti sunt. Ita Ventidius, triduo ante, quam Pacorus adveniret, copiis receptis omnibus, in agro Cyrrheslico expectavit hostem. At ille, contemnens Romanos pro imbellibus, quod transmittenti fluvium non occurrerant, castra Ventidii obsidere ausus est. At Ventidius partem legionum intra vallum ordinatam habebat, quae prius non procurreret, quam hostes quingentis non amplius passibus abessent. Hoc ubi factum est, barbarisque et sagittarum usus ademptus, et fiduciae Romanae inopinata oblata facies; celeriter debellati terga verterunt, maxime glandium violento jactu eminus terri.

Et mox celeberrima victoria.

**XXIII.** Ceterum, uti mos Parthis, in diversa intenderant fugam, insequentibus Romanis. Idcirco Pacorus, castra Ventidii discessu legionum sine defensoribus repertarum sperans, eo impetam convertit. Enimvero Romanus, ceteris subito emissis legionibus, consternatos, et locis iniquis circumventos cecidit. Pacorus inter primos fortissime pugnans occubuit; reliquorum pauci pro corpore ejus propugnantes, magna multitudo, quum pontem peterent, occupati, totoque inter Euphratem et Orontem sinu concisi sunt: nonnulli ad Antiochum Commagenes regem perfugerunt.

Pacorus rex Parthorum occiditur.

**XXIV.** Ventidius, quamquam, tertio jam proelio victor, in Mediam Mesopotamiamque Parthos compulerat, invidiae vitandae causa non amplius insistit; sed, ad perdomandos defectores arma circumferens, pleraque ex itinere recepit, viso capite Pacori, quod

Antonius invidet Ventidio.

Cap. XXII. Plut. Dio. Justin. 42, 4. Frontin. 2, 2. Flor. 4, 9. Frontin. Dio. et Justin. Cap. XXIII. Plut. Appian. Justin. Flor. Eutrop. Oros. Vell. 2, 78. Dio. Cap. XXIV. Flor. Dio. Oros. Plut. Dio.

U. c. 714. circa civitates mittebat, ut perisset regulum intellige-  
 A. C. 38. rent. Namque Syri, Pacorum iustitiae ac clementiae  
 nomine, plusquam alium ullum regem, diligentes,  
 nequaquam deserturi nisi mortuum videbantur. His  
 receptis, in Commagenen ductus exercitus, Parthos,  
 quos eo confugisse diximus, non tradente Antiocho.  
 sed plus celebratae regis opes avaritiam Ventidii sti-  
 mularant, ut Samosata obsidione clauderet. Inde,  
 quia nihil jam indigebat tot legionibus, duas cum e-  
 quitibus mille, Machaera duce, ad Herodem misit,  
 cum Antigono bellantem. Sed Machaera, plus dampni  
 amicis, quam hostibus, inferendo, movit Herodem,  
 ut ad Antonium properaret, quem venisse Samosata  
 compererat. Quippe Ventidius offerenti mille talenta  
 Commageno pacem dare non erat ausus, prohibente  
 Antonio; qui, jam haud longe semotus, suum hoc  
 videri opus volebat, nec per Ventidium omnia fieri.  
 Sed obsessi, pace desperata, fortius repugnantes, eo  
 tandem adegerunt obsessorem, ut, adceptis talentis  
 trecentis, et duobus admodum obsidibus non valde  
 illustribus, adquiesceret: concessio vicissim, ut ab An-  
 tiocho quidam Alexander, qui transfugerat ad Roma-  
 nos, occideretur.

*Ventidii* XXV. Jam dimiserat Ventidium Antonius, tamquam  
*mira fortu-* ad triumphum, quem meruisset: ceterum felicitati  
*na.* ejus haud obscure invidebat. neque postmodum opera  
 tam boni ducis usus est, quamquam ob ejus gesta sup-  
 plicationes sibi triumphumque Romae decretum no-  
 verat. Sed eadem ipsi quoque decreta Ventidio erant.  
 pensasse Crassianam cladem, Pacoro interfecto, vide-  
 batur: addebatque momentum aliquod admirationi,  
 quod eadem die res utraque gesta dicebatur. Igitur  
 primus hic omnium hoc de Parthis decus retulit, et  
 suo quidem aevo solus, extincto prius Antonio,  
 quam decretum sibi triumphum duceret. Ita P. Ven-  
 tidius P. F. pro consule ex Tauro monte et Parthis  
 triumphavit ante diem quintum Kalendas Decembres,  
 magna admiratione pristinam hominis fortunam cum  
 praesente comparantium, quod qui, sicut Massurius  
 tradidit, iterum, semel certe triumpho Pompeji Stra-

Cap. XXIV. Plut. Joseph. Antiq. 14, 27. et de B. Jud. 1,  
 12. Plut. Oros. Plut. Dio. Cap. XXV. Plut. Oros. Dio.  
 Flor. Dio. Oros. Eutrop. Dio. Plut. Plin. 7, 3. Dio. Fassi  
 Capit. Plin. A. Gell. 15, 4.

bonis ductus ipse fuerat, nunc de ferocissima gente splendidissime triumpharet. Eidem, quum postea facto concederet, is quoque honor est habitus, ut publico funere sepeliretur.

XXVI. Ceterum uti laetitiam summam populo Romano Pacori finis, ita patri Orodi luctum incredibilem adtulerat. Denique amenti similis, sine cibo, sine voce, ut prorsus obmutuisse videretur, complures dies exegit. Postea, ubi loqui rursus incepit, nihil aliud, quam *Pacorum*, in ore habuit, quasi cum praesente sermones conferens. hunc enim, filiorum omnium haud dubie praestantissimum, jam successorem suum declaraverat. Itaque, luctu tandem remittente, nova exercuit hominem sollicitudo, quem ex triginta filiis faceret Pacori loco regem: quum senilis animus a tot pellicibus, pro suo quaque filio nitente, diversas in cogitationes distraheretur. Postremo Phraha-tem praetulit, suo totiusque domus malo. Mox enim scelestissimus parricida patrem, quasi cunctantem mori, fratresque, primum Antiochi filia prognatos, quod materno genere nobiliores erant, deinde ceteros omnes, interfecit: suum quoque filium mox adjecit, jam adultum, ne quis superaret, qui contra se ab offensis optimatibus rex nominaretur.

U. c. 714.  
A. C. 38.

*Phraha-tem  
patrem, fratre-  
s, filium  
occidit.*

XXVII. Inter haec Antonius, obiter constituta Syria, in Aegyptum properans, C. Sosium, in Ventidii locum Syriae et Ciliciae praepositum, Herodi restituere regnum, et ulcisci Antigonum iussit; qui, per absentiam Herodis, Iosephum fratrem ejus cum quinque cohortibus Romanis interfecerat. Igitur Sosius, praemissis duabus legionibus, cum reliquo exercitu subsequi statuit, quantum per anni tempus (jam enim vergebat aestas) liceret. Sed, dum subigendis Arabiis, qui, jam diu perpeffi omnia, tamen desperatione magis, quam viribus, resistebant, Sosius detineatur, Herodes magno proelio ducem Antigoni Pappum vicit, eoque timoris adegit hostes, ut recepturus caput gentis Hierosolyma videretur, nisi propter vehementem frigus in hiberna deduci exercitum oportuisset. Per idem tempus Antonius Athenas rediit, auspicio suo, quam ducta, gestis rebus illustrior. Unde vulgo exi-

*Herodes  
Antigoni du-  
cem superat.*

Cap. XXV. Val. Max. 6, 9. A. Gell. Cap. XXVI. Justin. Vell. Justin. Plut. Dio. Justin. Cap. XXVII. Joseph. Antiq. 14, 27. et de B. Jud. 1, 13. Dio. Joseph. Dio. Joseph. Plut.

U. c. 714. *stimabatur commune hoc ei cum Caesare fatum esse,*  
 A. C. 38. *ut per legatos, quam per se ipsum, esset uterque fe-*  
*licior. Nam et Agrippa praeclare se gessit ubivis pro*  
*Caesare: et a C. Sosio atque L. Canidio Gallo, Anto-*  
*nianis ducibus, incliti reges victi sunt.*

U. c. 715. XXVIII. Jam primum M. Agrippa, consulatu suo  
 A. C. 37. et Canidii, Galliam rebellantem compescuit, primus-  
 M. Agrip- que a dictatore Caesare transiit Rhenum. sed et Aqu-  
 pa, L. Cani- tanos insigni proelio vicit. Idcirco Caesar evocatum,  
 dio Coll. et triumphare iustum, classi fabricandae exercendis-  
 M. Agrip- que remigibus praefecit. Sed Agrippa, vir pruden-  
 tas gessa. tissimus, scientissimus parendi, minime convenire pu-  
 tavit, ut moerente Caesare triumpharet, cujus bene-  
 ficio tantus e tantulo factus esset. Nam humili loco  
 ortus, ut etiam Vipsaniae gentis, tamquam obscurissi-  
 mae, nomen ipse tolleret, *M. Agrippam L. F.* ubique  
 praeferens, ad maximos honores evectus amicitia Cae-  
 saris fuerat.

*Et ab eo* XXIX. Igitur, praetermisso triumpho, toto conatu  
*factus por-* in mandatum sibi munus incumbens, naves per om-  
*tus Julius.* nem Italiae oram aedificabat. Maximus enim fiebat  
 adparatus ad tam vicinum et formidabile bellum. nam  
 et amici Caesaris, et quaedam civitates ultro promissas  
 naves construebant. Sed, quoniam plerumque litus  
 Italiae importuosum erat, et stationes tantae classi  
 non reperiebantur, Agrippa, praeclarum opus orsus,  
 quomodo ex Lucrino lacu portum faceret, excogita-  
 vit. Quippe in agro Cumano Misenum inter et Puteo-  
 los locus, in lunae speciem curvatus, Lucrinum A-  
 vernumque lacus habebat. Hoc Agrippa mirabili pror-  
 sus opere commisit mari, *portumque Julium* adpellavit,  
 tum quidem recipiendis navibus aptissimum: hodie pa-  
 ludem coenosam ac tenuem, ex quo subterraneus ignis,  
 facta per montes eruptione, vicina late cineribus al-  
 tissimis opplevit. Nunc quidem *Mons novus* adpella-  
 tur, anno factus centesimo septimo, priusquam haec  
 scriberemus. Hujus operis multi scriptores confu-  
 sius,

Cap. XXVII. Dio, l. 48. Plut. Cap. XXVIII. Dio. Appian.  
 Civil. l. 5. Dio. Vell. 2, 79. Dio. Tac. Ann. 1, 3. Senec. de  
 Ben. 3, 32. Cap. XXIX. Val. Max. 4, 7. Senec. Controv. 2,  
 12. Dio. Liv. Epit. Appian. Dio. Cassiod. Chron. Dio. Vir-  
 gil. Georg. 2, 161. et ibi Philargyr. Sueton. Aug. 16. Clu-  
 ver. Ital. Ant. et Cellar. Geogr. Ant. 2, 9.

sus, quam explicatius, fecerunt mentionem; res ita ferme habuit.

U. c. 715.  
A. C. 37.

XXX. Lucrinum lacum ab externo mari dirimebat agger antiquus, octo stadiorum longitudine, neq. lator, quam ut incedere per eum currus posset. Vetus erat sabula structum ab Hercule, Geryonis armata per regiones illas agente. Hanc molem duabus anguliis fossis, per quas intrare naves possent, scidit Agrippa; deinde, fossis aliis ductis, Lucrinum Avernumque conjunxit: simul, quo undique facilius ad portum iter esset, silvas circum densissimas, nihil re-veritus antiquas locorum caerimonias, exscidit. Inde profectum existimo rumorem, simulacrum antiquum, sive Calypsus illud fuit, sive ipsius Averni, sudasse. Neque negligenda res visa, pontificesque, licet natura loci, calidis aquis referti, miraculi fidem elevaret, locis iisdem piacularia sacra fecerunt; maxime quia sub idem tempus tanta ibi facta tempestas fuerat, ut prodigii loco haberetur. Sed Agrippa, portu strenue effecto, naves eo deductas consternere, remigesque tota hieme exercere instituit. nam Caesar viginti milia servorum ad hos usus manumiserat,

*Operis ejus  
descriptio.*

XXXI. iisdem consulibus et Judaei subacti. Vere novo rex Herodes, castris ad Hierosolimam positis, tres aggeres excitari jusserat, eodem loco et exemplo, quo Pompejus olim ceperat urbem. Deinde, ad nuptias, cum Alexandri filia celebrandas, Samariam profectus, consummato matrimonio, cum ingentibus copiis in castra rediit. Venit mox eodem C. Sosius cum legionibus undecim, et sex equitum millibus, magnoque auxiliorum numero, ad borealem oppidum murum opposito vallo.

*Herodes et  
C. Sosius  
Hierosoly-  
mam obsi-  
dent.*

XXXII. At Judaei, gens pertinax, et odii semel concepti retinens, nihil omittebant, quo nocere obessoribus possent: nec audacia tantum, sed et patientia laboris formidabiles, cuniculis maxime molesti erant, unde subito exsistentes necopinantibus damnum inferebant: et, priusquam ferme pars aliqua muri machinis impelli posset, interiorem novum opponebant. Hac contumacia in quintum usque mensem con-

*Et capiunt.*

Cap. XXX. Strabo, l. 5. p. 245. Diodor. l. 4. Dio. Strabo. Dio. et Philargyr. Sueton. Vell. Dio. Cap. XXXI. Liv. Epit. Joseph. Antiq. 14, 27. et de B. Jud. 1, 13. Hegesipp. 1, 31. Joseph. Cap. XXXII. Dio, l. 49: Joseph.

Supplem. Liv. Tom. XIV.

L l



U. c. 715. tra tantos exercitus locum tenuerunt, quum interim  
 A. C. 37. et fame premerentur, quod forte septimanus iis annus erat, quo praetermitti solebat agricultura. Sed fiducia templi alebantur, cui non dolore divinum auxilium; et, si quis in hujus defensione occubisset, hunc vero prae ceteris felicem Deoque amicum praedicabant. Nec nisi per partes capi Hierosolyma potuit. quadragesimo die viginti admodum delectorum Herodis exteriorum murum transcenderunt: quos statim sequuti sunt Romani quidam centuriones a Sosio. Sed adhuc resistebat interior murus, nec superari ante quintum decimum diem potuit. Tum vero urbs inferior cum vestibulo templi capta, porticibus quibusdam circa delubrum inflammatis: cujus rei invidiam Herodes in Antigonum detorquebat.

*Una cum templo.*

XXXIII. Interim Judaei, qui partim in templum interius, partim ad superiorem urbem confugerant, legatis ad Sositium missis, sacrae rei faciundae otium petierunt. eundem exoraverunt et, qui capti apud Romanos erant, ut interesse sacro sinerentur. Ille, sperans haec esse signa deditionem agitantium, utrumque concessit. Sed, ubi nihilo secius in rebellionem persistebant, die quadam Saturni facta vis est, templumque pugnando captum: nec urbs defendi diutius potuit. Magna omnis aetatis sexusque caedes fuit, Romanis propter obsidionis moram iratis; Judaeos accendente factionum inter se crudelissimarum odio. Antigonum ad pedes se abjicientem immisericorditer accepit Sosius, complosis manibus *Antigonum* nominans, vinctumque in custodiam dedit.

*Herodi regnum Judaeorum traditur.*

XXXIV. Sic iterum a Romanis capta est Judaeorum metropolis, eadem die, qua septimo et vicesimo anno ante expugnata a Magno Pompejo fuerat. Herodi curae fuit prohibere alienigenarum turbam, arcana templi et sacrorum spectare contententem. Idem vix impetravit a Sosio, praedam urbis militibus suis adserente, ut a se adceptis pecuniis direptionem remitteret. Inde Sosius, aurea corona in templo dedicata, captivum Antigonum Antonio adducens, discessit, regno Judaeorum Herodi tradito. Atque ille, minime certam ejus possessionem sibi spondens, quamdiu Antigonum superesset, maximis muneribus expugnavit

*Antigonum securi percussus.*

Cap. XXXIII. Dio. Joseph.

Antonium, ut interfici juberet. Igitur Antiochiae deligatus ad palum, flagrisque caesus, et securi percussus est: quo supplicio neminem adhuc regum ququam Romanus adfecerat. Cum hoc extincta nobilissimae stirpis dignitas, penes quam supra annos centum viginti sacerdotium et principatus Judaeorum fuerat, in Herodem, plebejæ gentis hominem, Idumæis parentibus ortum, concessit.

U. c. 715.  
A. C. 37.

XXXV. Sequenti anno, qui L. Gellium L. F. L. N. Poplicolam, M. Coccejum Nervam consules praetulit, quietae res in Syria fuerunt, absente Antonio, metuente Antonium Sosio, si magnis gerendis rebus obscurare gloriam Imperatoris legatus videretur. Sed Parthi bellum ingens inter se moverunt, ob Phrahat's novi regis crudelitatem et vecordiam; qui post multa parricidia nemini jam parcere poterat, nobilissimo cuique infestior, quo magis sibi ab hoc genere metuebat.

U. c. 716.  
A. C. 36.  
L. Gellio,  
M. Coccejo  
Coss.

XXXVI. Igitur, multis quaquaversum diffugientibus, ad Antonium Monaeses venit. Erat vir illustris ac potens, et prioribus adversus Romanos bellis magna virtutis fama. Quapropter Antonius, cum Themistocli, se magno regi comparans, tres ei donavit urbes, Larissam, Arethusam, Hierampolim, quam et Edessam, et prius Bambycem adpellatam supra scripsimus.

*Monaeses  
Parthus ad  
Antonium  
confugit.*

XXXVII. Interim Roma multiplici prodigiorum denunciatione est exterrita. Quippe Delphines concurrisse invicem cruenta pugna circa Clypeam ferebantur: Romae sanguinem, inter pluviam lapsum coelo, varie distulerunt volucres: ludis Romanis, senatorum in Capitolio, sicuti mos erat, epulatus est nemo. Liviae quoque oblatum omen, sicut ipsi laetum, ita civibus formidabile habebatur. quippe, circa tempus nuptiarum cum Augusto, in Vejentanum suum eunti praetervolans aquila gallinam albam, ramulum lauri cum baccis suis rostro tenentem, in gremium abjecerat. eam quum ali Livia, serique ramum haruspicum monitu jussisset; tanta pullorum suboles provenit, ut ea

*Prodigia.*

Cap. XXXIV. Dio. Plut. Joseph. Antiq. 15, 1. et de B. Jud. 1, 13. Joseph. Antiq. 14, 28. Cap. XXXV. Dio. Cap. XXXVI. Plut. et Appian. Parth. Dio. Plut. Supra, 106, 21. Cap. XXXVII. Dio, l. 48. Plin. 15, 30. et Sueton. Galb. 1. et Dio.

U. c. 716. villa diu postea *ad Gallinas* vocaretur, quae via Flaminia juxta nonum ab urbe lapidem fluvio Tiberi inaedificata fuerat. Ramus etiam, quamquam ita crescere laurum Democritus et Theophrastus ambigant, tale lauretum produxit, ut postea diutissime triumphis Caesarum ad coronas sufficeret. Ea res potentiam Caesarianae domui stabilem videbatur promittere.

7 *Crebra mutatio magistratum.*

XXXVIII. Percellebantur etiam homines crebra mutatione magistratum, quum nonnulli eodem die inirent ejurarentque: nihil inde quaerentes amplius, quam honorem nominis, et spem adipiscendi provinciam, ac cetera non nisi magistratu functis tribui solita. Contra erant, qui magistratus capeffere paupertate aut alia qua causa vetabantur. Nam et qui apud Pompejum erant, quasi merito arcebantur desponsis honoribus; et quidam, bonis amissis, sumptus tolerare non poterant.

*M. Oppii pietas honorata.*

XXXIX. Inter quos M. Oppius, propter pietatem in parentem gratus plebi, quum aedilitatem praetermittere statuisset, stipe collata seque et impensam munerum exhibuit: quum etiam in theatrum ingressi, quidam histrionum specie cum personis, pecuniam contulerunt; animorum suorum obsequentes iudicio; periculum, ne inimicis triumvirorum favisse diceretur, hac cautione vitantes. Nec hic stetit in Oppium populi amor: quin et mortuum paullo post in campo Martio funeravit. Sed invidia nobilitatis ossa sepulchri translata sunt alio: pontificibus monentibus, locum sacrum esse, neque contaminandum mortuorum reliquiis: quum tamen multos ibi sepeliri et passim iam et passuri essent.

*Octavia virum et fratrem conciliare studet.*

XL. Eodem vere M. Antonius, Athenis egressus, cum trecentis navibus, Brundisii non receptus, Tarentum adpulit, promissum Caesari auxilium ferens. Sed Caesar exspectare, dum sua classis praesto esset, maluit: licet semel iterumque invitatus, ut adparatu Antonii, suffecturo ad id bellum, uteretur. Adparebat aliquid subesse querelae ac suspicionum. Idcirco Octavia, quae comitata virum ex Graecia fuerat, exoravit eum, ut ad fratrem mitteretur. Alteram ea

Cap. XXXVII. Theophr. de Causis Plantar. l. 3. Plin. Sueton. Dio. Cap. XXXIX. Appian. Civil. l. 4. et Dio. Cap. XL. Appian. Civil. l. 5. Plut. Dio. Appian. Plut.

jam filiam apud Antonium pepererat, et tum etiam erat praegnans.

U. c. 716.  
A. C. 36.

**XLI.** Haec, in itinere occurrens Caesari, primariis amicis ejus adjunctis Maecenate et Agrippa, multa precum humilitate contendit, ne se miserrimam omnium matronam ex omnium felicissima redigi pateretur. Nunc enim, inquit, totus orbis me beatam praedicat, suspicitque duorum Imperatorum, alterius sororem, alterius conjugem. Sin vero, quod Dii ne firius! prava consilia vos in bellum egerint, uter vestrum fit futurus superior, in incerto erit: unum erit certissimum, me, utcumque res reciderit, in perpetua sollicitudine et luctu fore; cui, in qualibet viri fratrisque fortuna, semper plus offeretur, quod cruciet, quam quod reficiat. Caesar ad haec objicere, se, desertum ab Antonio, maximum in discrimen incidisse: sed ex missum in Africam esse Calliam, ut foedus contra se cum Lepido jungeret. Tum Octavia: Calliam ad Lepidum non alia causa missum esse scio, quam ut de matrimonio ageret. Cupiebat enim Antonius desponsam adolescenti Lepido filiam collocare, priusquam Paribicum ad bellum profisceretur. Prius autem crimen ita diluit Antonius, ut tibi per Maecenatem satisfactum eo nomine credam.

*Ejus ad fratrem a-  
ratio.*

**XLII.** His obtestationibus, et quia Calliam etiam miserat Antonius, ut ex ejus quaestione deprehenderetur veritas, ita Caesar emollitus est, ut, non adcepto Callia, cum Antonio se colloquuturum diceret inter Tarentum et Metapontum, circa fluvium Evonymum, si et illi videretur. Adcepta conditione, quum eodem forte tempore ad flumen uterque venisset, Antonius, carpento desiliens, in scapham, forte stantem eo loco, se coniecit solus, trajecturus ad Caesarem: contendit et ille vicissim, praevenire cupiens Antonium; et aliquamdiu occurrentium sibi in amne certamen fuit, uter in alterius ripam fidemque se traderet prior. sed vicit Caesar, ad duos unum se proficisci, dicens, non ad Antonium modo, sed et ad sororem suam. Itaque, consensu Antonii carpento, cum eodem Tarentum profectus, ea nocte apud illum mansit sine corporis custodibus. Postridie rursus apud Caesarem eadem omnia Antonius fecit. Adeo duo illi summae fortunae competitores, ut rationibus suis conducere putabant, intimam familiaritatem levibus suspiciuncu-

*Antonii et  
Caesaris cor-  
tamen huma-  
nitatis.*

U. c. 716. lis, et professa odia summae benevolentiae significacionibus vicissim obruebant.

*Nova inter  
eos pacta.*

XLIII. Ceterum, quia Caesar bellum Siculum sequentem in annum differebat, Antonius in Parthos properabat; ille navibus indigebat, hic legionibus; instituta est permutatio, uti Caesar Antonio duas legiones Italicas daret, hic Caesari rostratas cum remigio centum. Sic et classem adeptus est Caesar, quae egebat; et sumptu liberatus Antonius, milites nactus, quos, Italiam obtinente Caesare, licet ex prioribus pactis delectuum jus haberet, difficulter confecisset. Octavia quoque, praecipuum et instrumentum et vinculum instauratae amicitiae, viro mille delectos milites impetravit a fratre; fratri vicissim decem phaselos a viro: quod genus navium inter longas et onerarias ferme medium est.

XLIV. Adcefferunt nova ex sponsalibus firmamenta, et Antyllo, quem Antonio Fulvia pepererat, filiosam suam despondit Caesar; et Antonii Octaviaeque filiola Cn. Domitio pacta est, qui modo hostis acerbissimus triumviris, et proscriptus inter parricidas fuerat. Sed facile fuit quidvis polliceri nihil servaturis, nisi quod postea quoque sibi profuturum censuissent. Sub idem tempus, opinor, etiam, auctore Antonio, Pomponiam Agrippa duxit, T. Attici filiam, equitis Romani adfinitatem generosarum nuptiis anteponens, quum, propter summum in amicitia Caesaris gradum, nullius non conditionis potestatem habere videretur. Praeterea convenit, uti *Sex. Pompejo sacerdotium et consulatus, nuper pacta, eriperentur: ipsi nihilominus, elapso tempore triumviratus, in aliud quinquennium*

*Etiam de  
retinendo  
triumviratu.*

*potestatem retinerent.* His peractis, profectus Antonius liberos suos ex utroque matrimonio, et Octaviam conjugem ad Caesarem remisit Corcyra, ne molestiarum ac periculorum, qualia bellum adfert, haberet participes: nisi forte, quod eventus adfirmat, plus de Cleopatrae amoribus, quam de bello, sollicitus, amolendum hoc in tempore impedimentum iudicavit.

*Classis nova  
lustratur.*

XLV. At Caesar, novis copiis navalibus auctus, quamquam prius quiescere eo anno statuerat, bellum

Cap. XLIII. Dio. Plut. Appian. Plut. Appian. Dio. Plut. Appian. Cap. XLIV. Dio. Corn. Nepos. Att. c. 12. Dio. Appian. et Dio. Plut. et Dio.

inceptit, non poenitendis initiis, nisi quod Menas ingenio levis, et cum fortuna mutans animos, praeter ea Sabino parere non ferens, impetrata fide cum sex aut septem navibus iterum ad Sextum transfugit. Exilimatum etiam est, minis Antonii perterritum, et quotidianis ceterorum Pompeji libertorum exprobrationibus promissisque praebuisset aures: praesertim ultione sumpta de Menecrate, quem praecipuum inter Pompejanos inimicum habuerat. Caesar, offensus hac perfidia, in Sabinum effudit iram, ablata, tamquam indiligenti, classis praefectura, quod fugam tot navium non senserat. In ejus locum Agrippa maritimum imperium adcepit: a quo interim nova confecta classis Romano more instructa est. Constitutis ad ipsas undas altaribus, naves instructae circumstabant magno omnium silentio. interea sacerdotes, re divina juxta mare facta, ducibus adsumptis, piacularia exta navigio imposita ter circum classem circumvehebant. invocabantur potentia maris numina, uti, quae detrimenta, quaeque pericula destinata classi fuissent, ea in hostium caput expectant. Postremo pars extorum, turba favente linguis, in mare projiciebatur; partem adolebant altaribus.

U. c. 716.  
A. C. 36.

XLVI. Tum educta portu classis animi speique Caesarem implevit, undique cincturum navibus Siciliam. Quippe et Antonianae naves jam ad fretum procefferant: et Lepidus, quantumlibet invitatus, auxilia promiserat. Sed maxime nova classe confidebat, mira firmitudine specieiue compactis navibus, quae neque rostrorum timerent impetum, et magnum numerum propugnatorum caperent, et turres portarent, unde tamquam e muro in subjecta hostium navigia pugnari posset. Ceterum omnes istas cogitationes momento quasi tempestas circa Palinurum promontorium adorta difflevit. Res hoc modo gesta est. Constitutum erat, uti ante diem Kalendas Julias (quod ob patris memoriam sibi faustum fore ominabatur) tribus diversis classibus Pompejus oppugnaretur. Ille contra Plennium quemdam cum una legione, et magna multitudo velitum Lilybaeum et vicina loca tueri jussit: et praesidia ad orientem et occidentem disposuit, insulis etiam occupatis, Lipara praesertim et

*Nec ideo  
minus tem-  
pestate perit.*

Cap. XLV. Dio. Appian. Oros. 6, 18. Appian. Cap. XLVI. Dio, 1. 49. et Appian. Dio. Plin. 7, 45. Vell. 2, 79. Oros. Sueton. Aug. 16. Dio. Appian.

U. c. 716. Cossura, ne harum opportunitate hostes juvarentur.  
 A. C. 36. Messanae vero, (hanc habebat arcem belli) quod roboris erat in classe, secum habebat; inde quamlibet ad necessitatem occursurus.

*Qua et Lepidus corripitur.* XLVII. Interim die dicta Lepidus ex Africa solivit; mille ducens onerarias, septuaginta longas, in quibus erant semiplenae legiones duodecim, equitum Numidarum quinque millia, magnusque adparatus alius. Interim et a Tarento Statilius Taurus cum navibus Antonianis centum duabus adfuit; ceterarum enim remigium pestilentia nuper exhauserat. Caesar Puteolis, facto sacrificio, porrectisque e Praetoria in mare extis, profectus est, Ap. Claudio cum magna multitudine navium postremum agmen cogente.

*Et tamen in Siciliam exscendit.* XLVIII. Ubi tertia dies venit, vehemens auster adgressus est omnes, Lepidique multas onerarias depreffit. Tenuit tamen ille Siciliam, conclusoque intra Lilybaeum Plennio, multa circum oppida armis aut deditione cepit. Taurus, animadversa tempestate, mature Tarentum reduxit classem. Appianae naves afflictae circa Minervae promontorium, et quaedam in scopulos aut brevia compulsae sunt, disiectis nec sine gravi damno ceteris. Caesar in Velinum portum se et naves suas receperat, praeter hexerem unam, quae circa Palinuri promontorium vi tempestatis soluta est.

*Numerus amissarum Caesaris navium.* XLIX. Erat ea portus natura, ut ad cetera tutus versus occidentem pateret. Idcirco, quum repente versus in africanum auster esset, neque portu exire naves, prohibente vento, poterant, neque aut remis aut ancoris contineri, quominus inter sese aut ad saxa comminuerentur. Ita naves majores sex amissae, minores sex et viginti, cum aliquanto majore numero Liburnicarum. nam et ab hoste damnum datum erat, Menasque multas ex disiecta classe naves abstraxerat aut exusserat. Tanta haec erant incommoda, ut ante tricesimum diem emendari non posse viderentur, quo tempore pene in exitu futura aestas erat, ideoque rectius videbatur, venientem in annum expeditionem differri.

---

Cap. XLVI. Strabo, l. 6. p. 268. Appian. Cap. XLVII. Vell. 2, 80. Appian. Cap. XLIX. Dio. Vell. 2, 79. Appian. Dio. Appian.

L. Sed Caesar, *vel invito Neptuno victoriam se adeptum* jactans, ceterum populum timens, si diutius annonae penuria premeretur, continuo subduci reficque naves jussit: remiges, ex naufragio receptos, ad Taurum misit complendis navibus, quae penes eum vacuae remanserant. Maecenas in urbem ire jussus est, ad plebem in officio continendam, quae ob adversa Caesaris et memoriam Pompeji Magni tumultuabatur. Ipse, magna celeritate atque diligentia novos per Italiam colonos hortatus, ad visendam Tauri classem Tarentum transcucurrit: mox, Vibone adloquutus legiones, navium adparatum festinavit: brevi tempore sic confirmatis atque constitutis omnibus, ut iterum invadere Siciliam posset.

U. c. 716.  
A. C. 36.  
*Qui se invito Neptuno victoriam adeptum jactat.*

Cap. L. Sueton. Aug. 16. Appian. Dio. Appian.



## EPITOME

### LIBRI CENTESIMI VIGESIMI NONI.

*Adversus Sex. Pompejum vario eventu navalibus proeliis pugnatum est: ita ut ex duabus Caesaris classibus altera, cui Agrippa praeerat, vinceret; al-*

*Navalibus certaminibus pugnatum est] navalibus proeliis iterum pugnatum est Boend. navalibus proeliis pugnatum est Leid. Voss. Berg. Lov. 2. Exc. Pithoei, et ed. Camp. quod recepi. V. ad Epit. 98. Paulo ante Pompeji praenomen Sextum non adparet in omnibus quinque scriptis meis, et ed. Camp.*

*Ita ut duarum classium Caesaris altera, cui Agrippa praeerat, vinceret] Vet. lib. ut ex duabus Caesaris classibus altera, cui Agrippa praeerat. SIG. ita ut ex duabus Caesaris classibus altera, cui Leid. Voss. Lov. 2. Boend. Exc. Pithoei, et ed. Campani. Neque aliter Berg. nisi quod in eo desit vox ita. Similiter ex quibus duo, pro quorum duo, supra Gronov. ex Mitis reponit Epit. 79. Tum vicerit Voss. Mox altera, in qua Caesar dux erat Voss. et Berg. Sed vulgatum praefero. alterum inter errores librariorum refero. V. ad Livii 4, 37, 6.*

*Expositi in terram in quam maximo periculo essent] Vet. lib. expositi in terram milites in maximo periculo essent. SIGON. cum expositi in terram milites in magno periculo essent Leid. exposita in terra milites quum in magno periculo*

*essent Voss. expositi in terram milites quum in magno periculo essent Boend. et ed. Camp. expositi in terra milites in magno periculo essent Berg. et Lov. 2. expositi in terram quum in quam maximo periculo essent edd. vett. unde particulam quum expunxit Frob. anno 1531. Quamvis autem Sigonius se in vet. lib. in maximo periculo invenisse testetur, edidit tamen in magno; quod Gruter. deinde, et postea reliquos recte secutos esse, meorum consensus docet. V. ad Epit. 51.*

*Victus deinde Pompejus in Siciliam profugit] Vocem deinde negligit Voss. quae tamen necessaria videtur, ut haec pugna a priori distinguatur. Tum in Ciliciam Norv. et quaedam ex vett. edd. Vide ad Epit. 68. Pompejus quidem victus cum reliquiis classis Siciliam petiit; verum, in itinere cognoscens, exercitum terrestrem, quem in ea insula habebat, ad hostes defecisse, praemisissis nunciis Messanam, ut, quidquid suarum rerum possent, navibus inponerent, Mitylenen contendit, et inde se in Asiam recepit, ut opem Antonii imploraret. V. App. Alex. 5. Civ. 740. 747. Dion. Caff. 49, 368. 402. Vellej. Paterc. 2, 79. et Eu-*

tera, quam Caesar duxerat, deleta, expositi in terram milites in magno periculo essent. Victus deinde Pompejus in Siciliam profugit. *M. Lepidus, qui ex Africa velut ad societatem belli, contra Sex. Pompejum a Caesare gerendi, trajecerat, quum bellum Caesari quoque inferret, relictus ab exercitu, abrogato triumviratus honore, vitam impetravit. M. Agrippa navali corona a Caesare donatus est: qui honos nulli ante eum habitus erat.*

trop. 7, 6. An igitur hic legendum Pompejus ex Sicilia profugit?

*M. Lepidus ex Africa etc. trajecerat, ei bellum quoque quum Caesar inferret]* Haec verba sententiam continent, et a veterum librorum et ab historiae hujus fide alienam. Sic igitur corrige ex vet. lib. et Dione lib. 49. et aliis: *M. Lepidus, qui ex Africa velut ad societatem belli contra Sex. Pompejum a Caesare gerendi trajecerat, cum bellum Caesari quoque inferret, relictus etc.* SIG. Vocabam qui, a Sigonio interpositam, agnoscunt non modo omnes scripti nostri, sed etiam typis excusi ante Froben. anno 1535. eam ejecit; quum mendum potius postremis verbis insideret, in quibus etiam libri variant. Nam quum bellum Caesarque inferret legit Voss. quum bellum Caesar inferret Berg. quum bellum et Caesari quoque inferret Boend. et ed. Camp. quum bellum Caesari quoque inferret, ut Sigonius emendabat, Leid. Lov. 2. et Exc. Pithoei. Praeterea belli contra Sex. Pompejum Caesari gerendi Voss.

*Relictus ab exercitu]* relicto exercitu omnes codd. nostri, Norv. et edd. usque ad Froben.

qui anno 1535. *relictus ab exercitu* emendavit; quod et Exc. Pithoei agnoscere, Hearne monuit.

*Qui honos nemini ante eum habitus est]* Vet. lib. erat. SIG. Idem scribunt Vellej. 2, 81. Senec. 3. de Benef. 32. et Dio 49, 400. qui addit, id neque postea cuiquam contigisse. Sed multa sunt apud Lipsium 5. de Milit. Rom. 17. Gruter. ad Vellej. l. d. Cerdam ad Virgil. 8. Aen. 684. et Scheffer. 4. de Milit. Nav. 3. testimonia scriptorum veterum, honorem coronae navalis etiam aliis et ante, et post hoc tempus tributum fuisse. Viri docti in diversas partes eunt: alii hos lapsos putant, alii illos. Schefferus ad figuram et speciem coronae navalis, qua primus et solus omnium donatus dicitur Agrippa, referendum censet. DUK. *qui honos nulli ante eum* Leid. Lov. 2. Boend. et ed. Camp. *qui honor nulli ante eum* Voss. *qui honor ante eum nulli* Berg. Deinde *habitus est* Leid. Voss. et Norv. *habitus erat* Berg. Lov. 2. Boend. et ed. Camp. Paullo ante a Caesare omnes, quos consului, codd. ut et Exc. Pithoei, Norv. atque typis exarati ante Gronov. qui demum anno 1665. ab Caesare vulgavit.

# JOHANNIS FREINSHEMII

## SUPPLEMENTORUM LIVIANORUM LIBER XCIV.

### IN LOCUM LIBRI CXXIX. T. LIVII.

U. c. 716. I. Ex diverso Pompejus hac felicitate non ad in-  
A. C. 36. dustriam, sed vanitatem et ineptias, excitabatur: jam  
*Pompeji* haud dissimulanter Neptuni filius adpellari volens, cu-  
*vanitas.* jus spreto numini duplex naufragium Caesaris, et al-  
terum quidem per aestatem immissum, imputabat. Idcirco et paludamentum induit cyaneum pro purpureo, et Neptuno Salaciaeque, parentibus scilicet suis, bobus auratis et equo fecit. Sed et equos vivos, quidam et viros addunt, conjecit in fretum. Nec tamen securus audiit iterum instare Caesarem, quam cum strenuo et irrequieto res esset, considerans. Idcirco Menodorum ire speculatum, quid fieret in Italia, jussit.

*Menas vir-  
tutem osten-  
dit.*

II. Ille, dolens sibi classis imperium non esse red-  
ditum, sed solummodo paucarum navium, quas re-  
duxerat, praefecturam relictam; ne contra Lepidum  
quidem opera ejus Pompejum uti voluisse; iterum agi-  
tare prodicionem animo coepit. Ceterum, quo majoris apud Caesarem fieret, si prius edidisset plura documenta, quantum in eo praesidii partibus esset, omne, quod secum habebat, aurum inter suos distribuit, ut promptioribus ad omnia uteretur. Ergo, centum octoginta et septem passuum millibus tridui spatio eremigatis, impressionem in naves Caesaris saepe fecit, ad tuenda loca, ubi novae aliae fabricabantur, dispositas. Ex his binas ternasve subinde abripiens, simul onerarias in stationibus incursu intercipiens aut cor-

---

Cap. I. Appian. Civil. l. 5. Plin. 9, 16. Porphyr. ad Hor. Ep. 9. Appian. Oros. 6, 18. Sueton. Aug. 16. Appian. Dio, l. 48. Cap. II. Auctor. de vir. ill. in Sext. Pomp. Dio. Appian. Dio, l. 49. Appian.

rumpens, omnia pavoris atque conflagrationis implebat. Non enim Caesar modo, sed etiam Agrippa, petendae materiae causa tum aberat, quoque majus audaciae simul et artis specimen ederet, aliquando, nave in mollius solum sponte impacta, in luto se obhaerere simulavit; donec decurrentibus velut ad certam praedam hostibus, inhibendo se expedit, abiitque cum plausu et cachinnis, non sine stupore et verecundia Caesarianorum.

U. c. 716.  
A. C. 36.

III. Sed, ubi maturum esse putavit, dimisso senatore, quem ceperat, Rebilo, praeftruxit ad novum consilium viam. Deinde commentus apud suos, Mindium Marcellum, jam a tempore dictatoris familiarem Caesaribus, ad se transiturum, cujus nuper amicitiam Romae comparaverat; sine suspitione cum eo in quadam parva insula congressus, mentem suam aperuit, *Menas ite- rum ad Caesarem trans- it.* se coactum injuriis Calvisii, quas pati non potuisset, ad Pompejum refugisse. nunc, amoro Calvisio, nihil obflare, quin redeat ad Caesarem non male de se meritum; modo fides a M. Messalla detur. nam hic per absentiam Agrippae classi praeerat. Neo diu dubitavit Messalla, Caesari gratum se facturum admonitus, aut conjiciens.

IV. Ergo, ubi cum aliquot triremibus Mindius adfuit, tamquam a Caesaris partibus transiens, adjunxit ei se proditor, et suos partim volentes, alios repugnare validiori non ausos, transduxit. Postquam in conspectum Caesaris admissus est, ad genua procidens oravit veniam, nihil excusans. Et eam quidem haud gravatim tribuit Caesar: ceterum ingenio tam mutabili nihil postea majoris rei credidit, deditque negotium certis hominibus dissimulanter eum custodiendi: praefectos triremium, qui manere nolebant, quo cuique visum est abire, dimisit. *Sed Caesar si parum fides postea.*

V. Jam resecta classis erat, et Caesar, Vibonem adpulsus, Messallam cum duabus legionibus transmittere in Siciliam jussit, Lepidique copiis conjunctum stationem agere in Tauromenitano sinu. tres alias legiones ad statuam (Stylida vocant Graeci) excubare jussit; quod is locus, ad duodecimum a Rhegio milliare distans, brevissimum in Siciliam trajectum habebat. Sed Taurus a Tarento Scylacium, obversum Tauro-

Cap. III. Cic. ad Fam. 15, 17. Appian. Cap. IV. Dio. Oros. Appian. Cap. V. Strabo, l. 6. p. 157. Plin. 3, 5. Appian.

U. c. 716. A. C. 36. menitanae regioni promontorium, petiit, itineri simul proelioque paratus. Nam et mari speculatoria navigia praemittebat, et litora curabat exploranda per equites. Ideoque Caesar, a Vibone transgressus, probata Tauri diligentia securior, eodem rediit. Pompejus adversum haec iisdem locis praesidia constituit, quibus per eandem aestatem habuerat. Interim quattuor Lepidanae legiones, deceptae specie occurrentium navium, nam a Lepido missas existimaverant, in Papiam Pompeji ducem inciderunt: maleque multatae, ne Lepidi quidem navibus, quae postea venerant obviam, ausae confidere, vario et miserabili errore multas onerarias amiserunt. Sed et duae ferme legiones desideratae; plerisque in mari varia peste consumptis, et, si qui enare potuerant, exceptis a Tisieno Gallo, Pompejanarum partium duce. ceteri statim aut postea pervenerunt ad Lepidum, quum ad Sextum Papias abnavigasset.

*Lepidi legiones aliquot male mulctantur.*

*Caesar fretum transire statuit.*

VI. Sed cum universa classe Caesar explorato profectus ad Strongylen, quae septem Aeolidum una est, quum ex magna specie copiarum, quas circa Pelorum et Mylas et Tyndaridem agere videbat, ipsum adesse Pompejum conjectaret, relicto cum imperio Agrippa, Vibonem repetiit, pedestres copias adducturus. Inde ad castra Tauri citatis itineribus transgressus, cum tribus legionibus et M. Messalla fretum transire statuit, ut, per absentiam Pompeji Tauromenio capto, duabus ex partibus illum angeret. Interim et Agrippa e Strongyle transiecit Hieram, eaque capta se paravit, ut postridie, Mylas transvectus, Democharem adoriretur, qui stationem ibi cum quadraginta navibus habebat. Sed ubi, cum dimidia parte classis Hiera profectus, non exire Democharem vidit, contempta hostis ignavia rediit, sequenti die classem universam adducturus. Vicissim Demochares, non alias Agrippae naves esse ratus, et has ipsas tardas et graves, noctu evocavit Pompejum eo proposito, ut conjuncti Agrippam adgrederentur.

*Agrippae pugna cum Pompejanis.*

VII. Igitur postridie, sub idem ferme tempus utrimque classibus eductis, quum Agrippa, et Apollphanem cum quinque et quinquaginta navibus adesse, et cum aliis septuaginta Pompejum sequi, cognosset,

Cap. VI. Plin. 3, 8. Appian. Dio. Appian. Dio. Cap. VII. Appian.

nuncio celeriter ad Caesarem misso, in magnis animi fluctibus fuit: idemque et Demochari similibus causis acciderat: et, nisi fuga praeter turpitudinem haud minus periculi, quam proelium, habuisset, non dubitabatur utrobique, quin praestaret recedere. Sed, quia digredienti sequuturus hostis timebatur, pari aliquamdiu Marte concutsum est. Pro Pompejo celeritas navium, artesque gubernatorum et remigum erant; Agrippa plures et firmiores habebat: et robur Caesariani militis adaequabat Pompejanorum desperatio. fugitivi enim plerique erant, quibus, si caperentur, ne simplex quidem sperari mors poterat.

U. c. 716.  
A. C. 36.

VIII. Memorabilis in hoc proelio casus unius navis fuit, quam Agrippa prae ceteris petebat, quod ea Papiam invehi cognoverat; incurritque impetu tam violento, ut, prora discussa, carinam aperiret, et, qui in turribus ejus constiterant, in mare excuterentur. Igitur et navem aqua copiosa admissa celeriter mersit: cum thalamitis (sic adpellantur ordinis imi remiges) ceteri, tabulato perfracto, enatarunt. Et Papias, in proximam navem receptus, pugnam repetiit. Pompejanorum enim scaphae passim oberrabant, quibus exciperentur nantes, fractis aut amissis navibus. Nam et integrae relinquebantur, quoties ferreis manibus comprehensae defendi adversus tanto validiores non poterant. Idcirco Pompejus, ex edito loco conspicatus, quae fierent, signum receptui dedit, jam advesperascente die. redieruntque servatis ordinibus, ad litora non aspera aut saxosa, sed quae multo coeno limosa erant, adplicantes.

*Navis unius casus memorabilis.*

IX. Agrippa, quum cuperet, insequi non potuit, ne cum magnis suis navibus in brevia delaberetur. idcirco, jactis in alto ancoris, substitit, tamquam iterum invasurus vel per noctem. sed, monentibus amicis, ne militem nimis vigiliis et laboribus debilitaret, neve nimium crederet infido mari, vix tandem se recepit. Sunt, qui dicant, Caesaris invidiam veritum absolvere victoriam noluisse. Sed et dicere solitum inter familiarissimos, secundum locum tenentibus magna prudentia opus esse: velle enim praepotentes laboribus

*Secundum locum tenentibus necessaria prudentia.*

Cap. VII. Dio. Appian. et Dio. Dio, et Hor. Epod. 9.  
Cap. VIII. Appian. Pollux, 5, 17. Appian. Dio. Appian.  
Liv. Epit. Vell. 2, 79. Dio, et Appian. Cap. IX. Appian.  
Dio.

U. o. 716. *et periculis eorum maxima consequi, sed hoc sciri credique*  
 A. C. 36. *ab hominibus nolle: dandam igitur esse operam, ut perficien-*  
*dis ingentibus operibus strenue desudent, perfectorum titulo*  
*cupide solerterque cedant.*

*Pompejus*  
*suos laudat.*

X. Hoc proelio Pompejus quum naves amisisset tri-  
 ginta, hostiles quinque corrupisset, laudavit tamen  
 suos, donavitque, pro victoribus sibi esse, praefatus,  
 qui cum tantis navibus aequo Marte dimicassent: non enim  
 proelium istud, sed hostilium murorum oppugnationem, vide-  
 ri. Subjecit, se quoque navium suarum altitudini nonnihil  
 adstructurum esse. Interim Caesar, ubi Messana digres-  
 sum Pompejum, fretumque sine idonea custodia reli-  
 ctum sensit; cum Antonianis navibus Tauromenium  
 petere constituit. Ceterum Pompejus, id ipsum con-  
 jectans, parte navium Mylis relictas, quae praesentis  
 imperatoris speciem Agrippae facerent, quum post  
 proelium leviter coenasset, continuo Messanam redie-  
 rat. Agrippa vero, pro praesenti copia milite refe-  
 cto, Tyndaridem, quae dedebatur, advectus, oppi-  
 dum, volentibus incolis, recepit; sed mox a praesi-  
 diariis strenue pugnantis eiectus est. Aliis tamen  
 oppidis recepta sunt ejus praesidia. quibus rebus con-  
 sumpta die, sub tenebras pridianam stationem re-  
 petiit.

*Caesar in*  
*Siciliam*  
*transit.*

XI. Jam Caesar, e Scylacis provectus, Leucope-  
 tram adtigerat, ubi certioribus nunciis Pompejum ad  
 Mylas Agrippae concurrisse doctus, statuit noctu trans-  
 ire fretum, et in agro Tauromenitano copias expone-  
 re. sed, cognito proelii eventu, haud satis decorum  
 victori putans per tenebras subrepere, exspectata lu-  
 ce, quantum capere militum naves potuerant, vacuo  
 mari transiit: ceteris cum Messalla relictis, quos,  
 remissis mox navibus, arcesceret. Ceterum Taurome-  
 nii non receptus, praeternavigato amnis Onobalae  
 ostio, (Cantarum hodie vocari autumant) et fano Ve-  
 neris, ad Archegetam adpulit. Id loco nomen erat a  
 parvo simulacro Apollinis, quod ibi posuisse Chalci-  
 denses ferebantur, Theocle duce ad condendam co-  
 loniam ex Euboea profecti, quum Naxum, quae postea  
 Tauromenium est adpellata, occupassent.

XII. Hic

Cap. X. Oros, Appian. Dio. Appian. Cap. XI. Fazell.  
 Hist. Sicul. Dec. 1. l. 2. c. 3. Appian. Thucyd. l. 6. init.

XII. Hic exarsensione facta, simul terram Caesar adigit, lapsante vestigio procubuit. nec exterritus sacra fecit Deo, castrisque ibi collocatis oppidanorum tentare animos decrevit. Nondum absolutum vallum erat, quum Pompeji magna classis cum ipso Imperatore adfuit, in defessorum locum integris repositis remigibus; simul et equitatus ejus conspectus est, pari celeritate per litora transcurrens: et alio loco pedesires copiae adparuerunt. Ea repente res objecta magnopere Caesarianos exterruit, qui victum proelio Pompejum nusquam discedere posse per Agrippam putaverant. Neque absurde creditum est, si undique simul factus impetus esset, deleri Caesaris exercitum potuisse. tres omnino legiones erant, cum equitibus quingentis, quorum nondum adveiti equi erant: velites mille: voluntarii ex novis coloniis duo millia, cum classiariis. Sed equitatus tantum, impetu in munientes facto, inturbavit opus nequidquam, navibus, ne sero diei proelium inirent, sub Coccyno capientibus stationem, peditatu in oppidum Phoenicen abducto.

U. c. 716.  
A. C. 36.  
*Ejus ibi  
periculum.*

XIII. Caesar, hac opportunitate usus, non intermisso per noctem labore, castra permuniit. deinde, traditis L. Cornificio copiis, ante lucem cum classe profectus est, occupaturus transitum, antequam praecluderetur, et minus timent Pompeji naves, ut paucas numero, et recens victas. Igitur, dextra acie Tinnio commissa, sinistra Cercio, si modo recte traditum nomen est, vectus Liburnica classem circumiit, sollicitus hortator: quo tempore, ne forte agnitus ab hostibus in periculo esset, imperatoria insignia deposuit.

*Caesar suos  
hortatur.*

XIV. In eo cursu, quum obviam se Pompejus tulisset, bis congressi, ad noctem usque depugnarunt. Tum vero Caesaris haud dubie inferior fortuna fuit: multisque captis aut mersis navibus, pars ceterarum, ipso frustra hortante, versus Italiam fugit, quas Pompejani nequiquam longe insequuti, ad reliquas oppugnandas redierunt. Et harum pleraeque tum mersae sunt, aut in hostium devenerunt manus. et, si quis enatare ex his potuit, ab equitatu Pompeji litus ob-

*Cladem ad-  
cipit a Pom-  
pejanis.*

Cap. XII. Strabo, l. 6. p. 267. Plin. 3, 8. Appian. Dio. Appian. Cap. XIII. Dio. Appian. Cap. XIV. Liv. Epit. Vell. Oros. Dio. Appian.

*Supplem. Liv. Tom. XIV.*

M m



U. e. 716. eunte capti aut interempti sunt. Pauci ad Cornificii  
 A. C. 36. castra penetrarunt, a velitibus ejus deducti: nam gravem armaturam educere adversus legiones, victoria suorum alacres, minime tempestivum judicabat. Ipse Caesar, in multam noctem jactatus, et animi pendens, utrumne Cornificium, an vero Messallam peti oporteret, bona quadam fortuna sub portum Abalam cum uno tantum satellite delatus est. quem a montibus decurrentes quidam exceptum, et in acatium ex acatio translatum, quominus deprehendi ab hostibus posset, animo et corpore aegrum, ad Messallae castra deportarunt. Nec quidquam habuit antiquius, quam, missa ad Cornificium Liburnica, significare salutem suam, et maturum auxilium polliceri: misit etiam circum vicinos montes, *Cornificio jubens opitulari, quosque possent.*

XV. Curato deinde corpore, post modicam quietem ad Columnam Rheginam profectus est, deducendo Messalla, ubi Carrinas cum tribus legionibus consisterat, jussu Caesaris in Siciliam trajecturus. At tum Liparam praemissus est a Caesare mox sequuturo. Sed hanc animi agitationem consolata est res parva dictu, nisi superstitione inflaretur: piscis e mari exsilens ad pedes ambulantis se abiecit. Hoc argumento sponderunt vates, *sub pedibus Caesaris futuros, qui cum tenerent maria.* Idcirco ~~jam~~ tranquillior animo scripsit ad Agrippam, *ut, ad evitandum periculo Cornificium, expatias copias duce Laronio mitteret.* Maecenatem iterum ablegavit Romam: atque is correptos aliquot novarum rerum auctores supplicio adfecit publice. Messalla Puteolos navigavit, ut legionem primam a Vibone adduceret, praeclarae fidei specimine edito: nec enim omni ope humana destitutum interficere arduum fuisset, si proscriptorem suum potius, quam Imperatorem, cogitare maluisset.

*Messallae  
fides in Caesarem.*

XVI. Interim in magno periculo cum expositis militibus Cornificius versabatur. Armis castrisque tutum fames oppugnabat: nec ignarus ejus rei Pompejus, provocante Cornificio, detrectavit certamen. Idcirco, navibus incensis, quae forte delatae ad castra ejus e proelio fuerant, Mylas instituit petere, lacescentibus undique Pompejanis. Nam, sive per campestria loca pergebatur, equites adsultabant: sive per

Cap. XIV. Dio. Vell. Appian. Cap. XV. Dio. Appian. Cap. XVI. Liv. Epit. Vell. Dio, et Appian.

montana et aspera, Maurus jaculator molestus erat. nec itineris facultas, nec pugnae dabatur; quum levis et expeditus hostis subsistentes refugeret, abeuntes insequeretur. Et erant defendendis inermibus occupati, quos ex naufragiis servatos in medium agmen receperant. maximus erat in fluminibus transeundis metus, quum divulsi invicem, et cum aqua aut luto luctantes multi vulnerarentur.

U. c. 716.  
A. C. 36.

XVII. Triduum inter haec pericula consumptum est. quarta deinde dies certi interitus metum adtulit. Deventum in ea loca erat, quae profluvio quondam Aetnaeorum ignium exusta fuerant, usque in mare decurrentibus rivis. Rhyaca vocabant adcolae, non nisi noctu transire ea soliti, vitandi aestus gratia. Sed Cornificiani nec inter tenebras suscipere iter propter ignorantiam locorum audebant; neque sustinere interdium poterant vim pulveris, quo suffocabantur, et fervorem plantas, nudis praesertim pedibus incedentium, perurentem. et tamen morari vetabat sitis, et hostilium copiarum formidabilis conspectus, ad angustias, quae regionem illam ambustam finiunt, ab ipso interim Pompejo adductarum.

XVIII. Magnus erat in agmine numerus sauciorum; qui, ad progrediendum invalidi, commilitonum humeris portabantur. Sed tum extrema desperatio coëgit, his depositis oneribus, ne sui quidem ulla jam parcomonia in hostes irrumpere. Hoc impetu repulsi Pompejani primos aditus reliquerunt: nec ideo minus aliae fauces haud procul inde custodiebantur. Idcirco non labore tantum vulneribusque et siti adfectos, sed etiam frustra niti autumantes, vix excitavit Cornificius, ostenso fonte propinquo, ut semel collectis viribus unicam salutis spem pugnando capefferent. Sed, dum multa suorum jactura manum cum praesentibus conseruat, fontem ab alio praesidio hostium occupari viderunt.

*Qui, desperatis plane rebus,*

XIX. Tum vero penitus omnis defluxit corporibus animisque vigor: torpentesque fatigatione et taedio, quod in ipsis erat, perierant: quum eminus conspecta signa legionum, dubia primum, mox, ubi cognosci potuerunt, certa spe deficientes crexerunt. Laronius erat, ab Agrippa missus cum tribus legionibus et fru-

*Agrippae providentia cripiuntur.*

Cap. XVII. Diodor. l. 4. p. 201. Appian. Cap. XVIII. Dio, et Appian. Appian. Cap. XIX. Dio, et Appian.

M m 2

U. c. 716.  
A. C. 36.

mento, cuius egere Cornificianos sciebat. Nam Agrippa, Democharem alio profectum sentiens, Tyndaridem ceperat, refertam copiis, et opportuno ad mare situ. Idcirco Pompejus, ipsum adesse Agrippam existimans, tanta celeritate discessit, ut etiam pars impedimentorum in castris relinqueretur. At Cornificiani milites, fonte potiti, quamquam monentibus de periculo ducibus, adeo biberunt intemperanter, ut multi; praeccluso spiritu, inter hauriendum exanimarentur. Ceteros, ad Agrippae castra perductos, superveniens paullo post Caesar laudavit donavitque ex merito: vim enim maximam non hostium modo, sed, quae sunt hominibus intolerabilia, famem, sitim, aestum sustinuerant. Cornificius quidem tantum sibi, servatis hisce copiis, tribuit, ut postea Romae, quoties a coena rediret domum, elephanto vectaretur.

Caesar My-  
lensium fau-  
ces occupat.

XX. Interea Caesar ingentem exercitum in Siciliam transduxerat, legiones unam et viginti, leviter armatorum plures quinque millibus, equitum viginti. Ceterum totum ferme litus Pompejana praesidia tenebant, continuos ignes alentia, ut metu incendii naves Agrippae, quem maxime timebant, deterrerent. Tauromentitanas quoque fauces, et quae ad Mylas sunt, Pompejus occuparat; montanosque calles muris eductis praecloserat. Sed et profectum Tyndaride Caesarem, oppositis apud Dianium castris, levibus equitum proeliis distinxit, pugnae se nolentem committere: donec, fama adventantis Agrippae excitus, ad Pelorum transcucurrit. Sic relictas hostium discessu Mylensium fauces Caesar occupavit, recepto etiam Dianio, parvo oppidulo, sed magnae in fabulis famae, propter Solis armenta, quae socii Ulyssis ibi mactasse ferebantur.

Sine taber-  
naculo per-  
noctat.

XXI. His rebus cognitis, et comperto, adventum Agrippae falso jactatum fuisse, Tisienum Gallum Pompejus adiecit. ei Caesar obviam iturus aberravit a via circa Myconium: et, quia cum expeditis copiis, ut ad proelium, processerat, noctem tempestatibus horridam sine tabernaculo exegit, scuto tantum Gallico, sustentibus per vices militibus, tectus. Emicabant inter praecipitatos imbres ex Aetna prorumpentes flammæ cum terribili mugitu: adeo quidem, ut Ger-

Cap. XIX. Dio. Appian. Dio. Cap. XX. Appian. Dio.  
Appian. Dio. Appian. Plin. 7, 45. Appian.

mani, locorum imperiti, prae conſervatione cubili-  
bus exſilirent; nec amplius fabuloſa crederentur, quae  
de montis ejus incendiis, igniumque torrentibus an-  
tiquitas tradiderat. Inde progreſſus ad vaſtandum a-  
grum Palaeſtanum, Lepido forte per ea loca frumen-  
tanti occurrit.

U. c. 716.  
A. C. 36.

XXII. Namque is, tempeſtatibus et insultu Demo-  
charis amiſſa parte navium, non ad Caesarem conti-  
nuo, ſed Lilybaeum contendit, neceſſitate incertum  
an conſilio, eoque ipſo ancipiti, ſive ut Caesarem  
luctari ſolum cum Pompejo ſineret, ſive ut ab illo  
virium hoſtilium partem abſtraheret in ſeſe: Tiſienum  
certo hactenus detinuerat. Igitur conjunctis ambo co-  
piis Meſſanam obſidione clauserunt. Sed cito exor-  
tae ſunt ſuſpiciones et diſcordiae, quum Lepidus  
pari cum Caesare poteſtate ageret; Caesar eum lega-  
ti potius loco habere deſtinaveſſet. Ea cauſa feſtina-  
tionis Caesari fuit, ne Lepido ſpatium daret cum ho-  
ſte transigendi. abſque hoc enim fuiſſet, ſpes erat  
citra ſanguinem debellari poſſe; quod et frumentaria  
res et pecuniaria incipiebat eſſe apud Pompejum an-  
guſtior. Taurus enim, miſſus ad hoc a Caesare, com-  
meatus Pompeji frequenter intercipiebat, civitates-  
que occupabat, unde alendus illi exercitus eſſet.

Cum Lepido  
conjungitur

XXIII. Ergo, quum alteri proelio decernere lubi-  
tum, alteri neceſſum videretur, ad ſummam dimica-  
tionem haud aegre deducta res eſt. Continuis aliquot  
diebus Caesar inſtructas legiones ante caſtra, naves in  
mari Agrippa oſtentaverat, reformidante congreſſum  
Pompejo, quod erat utrobique infirmior. tum vero,  
metuens ne, ſi ſubterfugere proelium pergeret, tam-  
quam ſua conſeſſione victus, a ſociis deſereretur,  
miſit ad Octavianum quaesituros, *utrum navali pugna  
velit decernere* qua parte ſibi plusculum confidebat.  
Caesarem quoque, licet aemel iterumque improſpere  
tentato mari, conditionem recusare puguit. Dies er-  
go condicta eſt, in quam trecentis utrimque navibus  
concurreretur. Terra quoque inſtructae ſunt acies:  
ſed ſpectaturae tantum maritimo proelio dimicantes.

Pompejum  
ad pugnam  
cogit.

XXIV. In eo labore ſita utriſque ſumma rerum  
videbatur: nec ad inſtruendas claſſes quidquam reli-  
qui fecerant. Igitur acriter et diu certatum eſt: quam-

Maritimo  
proelio dimi-  
catur.

Cap. XXII. Dio. Appian. Oros. Dio. Appian. Cap. XXIII.  
Dio. Appian. Oros. Dio. Appian.

U. c. 716. quam Agrippae recenti commento Pompejani graviter  
 A. C. 36. infestarentur. harpago erat, sed ea forma, ut et vis  
 ejus robustior esset solito, et inevitabilis impetus.  
 Tignum enim cubitorum quinque ferro coopertum,  
 duobus in utroque capite ferreis annulis firmissimis  
 instruxerat: ex horum altero pendeat uncus ferreus  
 ad comprehendendas hostium naves; alter multos ha-  
 bebat funiculos, quibus harpago, semel injecta navi-  
 bus, aptabatur machinis, quarum opera violentissimo  
 nisu adtraheretur. Neque praecidi tignum ferro mu-  
 nitum poterat; neque propter ejus longitudinem ad  
 funiculos pertingi.

*Pompeji  
 classis vin-  
 citur.*

XXV. Victa igitur Pompeji classe, pedestris etiam  
 exercitus timore correptus Messanam versus abiit.  
 Eodem et pauci ex navali proelio se receperunt,  
 septemdecim navibus: quos ipse quoque mox Pom-  
 pejus comitatus est, a Naulocho conscendens. ceteri  
 varia clade deleti: quum ejectas in litora naves Cae-  
 sar incenderet, altum tenentes Agrippa persequere-  
 tur. Inter haec relictus cum exercitu Tisienus Gallus  
 in potestatem Caesaris se tradidit: exemplumque  
 hoc praefecti equitum imitati sunt. Hac pugna na-  
 ves Caesaris tres tantummodo merae referuntur,  
 Pompejanae duodetriginta: ceteraeque omnes, prae-  
 ter septemdecim, quas diximus, incensae fractaeque  
 sunt, aut in manus hostium pervenerunt.

*Ipsa fugit  
 in Asiam.*

XXVI. Pompejus inter hanc calamitatem, exerci-  
 tus quoque defectione cognita, protinus abjecto im-  
 peratorio cultu, Messanam certos homines praemisit,  
 qui filiam, amicosque, et pecunias, et quidquid pre-  
 tiosum erat, jam enim hunc in casum consarcinata  
 habebat, in naves servatas imponent. Misit etiam  
 Lilybaeum ad Plennium inde arcessendum octo legio-  
 nes ejus fugae comites habiturus. Neque tamen ex-  
 spectavit ad se properantem, pavidus duum suorum  
 praesidiorumque nunciis frequentèr ad victorem defi-  
 cientium. Igitur cum reliquis navibus, relicta Sici-  
 lia, cursum in Asiam direxit, Antonium, ob servatam  
 in simili periculo matrem, sibi sperans aequiorem  
 fore. Nec insequutus quisquam est fugientem, alia  
 per negotia impeditis victoribus, et inter se parum

Cap. XXV. Liv. Epit. Oros. Vell. Dio. et Appian. App.  
 Oros. Appian. Cap. XXVI. Dio, et Appian. Appian. Sen.  
 Nat. Quaest. l. 4. Praef. Appian. Dio.

amicis. Quippe Caesar, in castris ad Naulochum remanens, Agrippam ad obsidionem Messanae miserat; quod oppidum intraverat jam Plennius, unaque secum hostem adtraxerat Lepidum. Igitur, a duobus exercitibus se videns obsideri, de pace oratores misit. ibi tendente Agrippa, ut in adventum Caesaris res integra servaretur, Lepidus et pacem Plennio statim dedit; et, conciliandis ejus legionibus, annuit, ut una cum suis militibus Messanam tota nocte diriperent. Adcessit et incendium, studio, an inter militarem licentiam temere ortum: et utraque audita clades excivit Caesarem, ut sequenti statim die advelaret.

U. c. 716.  
A. C. 36.

XXVII. At Lepidus, adventu Caesaris cognito, reliquit oppidum, et, in colle quodam munito castris positus, obterrere Caesarem in concione militum coepit, adceptasque ab eo injurias exponere. Animus enim ei creverat, tot circum se videnti signa legionum, quarum multitudinem, adceptis in fidem Pompejanis, usque ad numerum viginti duarum adauxerat. Igitur et Siciliam retinere cogitabat, jure facturum dictitans, quod et venisset in eam insulam prior, et plures civitates in deditionem adceperat.

*Lepidus  
Caesarem  
criminatur.*

XXVIII. Caesar, quum et haec audisset fieri, et fauces contra se praesidiis inessas videret, amicos de injuriis questum misit. Remisit alios Lepidus, ad disceptationem provocans. Venit Caesar, et exprobrandis utrimque maleficiis eo processum, ut ultro citroque minae jacerentur. Ergo, tamquam in vicina hostilium castrorum, excubiae diligenter actae sunt: et eductae portu naves ad ancoras steterunt, ne a Lepidanis incenderentur: iterumque civile bellum Romani exercitus horruerunt, numquam concordii inter pares potentia. Lepidus tamen a suis quoque postponebatur Caesari, segnitiam ejus cum industria et virtute adolescentis comparantibus. Hoc ubi Octaviano innotuit, sperans promissis praemiisque ad se pertrahi Lepidi copias posse, per idoneos homines cum singulis tribunis atque praefectis egit. cesseruntque haud pauci, praesertim qui, Pompejum sequuti, parum sibi cautum pace cum Lepido facta credebant, nisi consensus Caesaris adcessisset.

*Caesar, corruptis Lepidi copiis,*

Cap. XXVI. Appian. et Dio. Cap. XXVII. Vell. 2, 80. Oros. Suston. Aug. 16. Appian. et Dio. Cap. XXVIII. Appian. Vell. Dio. Appian.

U. c. 716.  
A. C. 36.  
*In castra  
ejus venit.*

XXIX. Postquam satis parata omnia visa sunt, cum magno equitatu profectus ad castra Lepidi, sed relictis extra vallum alis, cum paucis suggestus, quod videretur de pace acturus, intromissus est. Sed, inter incedendum astute jactis vocibus, invitum se cogi ad bellum modo singulos, modo universos testabatur: et Imperatorem adpellantibus, quotquot viderant, Pompejani, quos corruptos fuisse diximus, adcurrerunt, veniam orantes. ille mirari respondit, *veniam hos ab se petere; qui nibildum ad promerendum eam fecissent.* Intellecta vox est, et alii mox signa transtulerunt ad Caesarem; alii, facturi eadem, detendebant tabernacula: quum excitatus tumultu Lepidus ad signa prosiliit, telaque jaci coepta, et, armigero Caesaris occiso, ipse quoque, percussus innoxio ictu, quia thorax pectus defenderat, cursu se recepit ad equites. Id praesidarii milites in proximo castello conspicati, deriserunt Caesarem, et in fugam ejus jocati sunt. nec mora, irritatus adolescens castellum oppugnavit equitum opera, nec ante quievit, quam illud expugnasset. Ceterorum quoque praesidiorum praefecti statim, aut nocte proxima, se dediderunt, intacti plerique, pars in speciem tantummodo paullisper oppugnati ab equitibus.

*Lepidus in  
potestatem  
venit Caesaris.*

XXX. Non defuerunt tamen, qui serio vim repellerent, donec, universo adducto exercitu, castra Caesar obsedit. Tum vero descitum est vulgo; et, quamquam, durante adhuc in Lepidum reverentia, communiter nihil moveretur, per partes transibatur: et auxilia, quae submittebantur a Lepido, plerumque transfugiebant cum illis, ad quos custodiendos venerant. Jam et Pompejanorum reliqui, agminibus factis, deseruerant, et adparebat finem delinendi nullum fore: quum, signa abeuntium retinens, Imperator exclamavit, *Haec ego numquam dimittam vivus.* accessit tamen, territus violentissima voce significari, *Dimittes, ergo mortuus.* Postremi omnium equites, tamquam ad redimendum morae crimen, miserunt ad Caesarem, utrumne occidere deberent Lepidum, consulentes, jam exutum imperio. sed id quidem vetuit Caesar. At Lepidus, repentina fortunae mutatione dejectus, cum pullo amiculo ad Caesarem venit. cui

Cap. XXIX. Dio. Tac. Ann. 4, no. Appian. Vell. Dio. Oros. Appian. Cap. XXX. Dio. Appian. Sen. Nat. Quaeest. l. 4. Praef.

quam ad genua vellet accidere, sublevatus est ab ad-  
surgente, vitæque concessa et bonis Romam remissus,  
ut inde Circejos in perpetuum exilium ablegaretur,  
triumvirali potestate adempta. Pontificatum tamen  
maximum, Octaviano concedente, usque ad finem vi-  
tæ retinuit.

U. c. 716.  
A. C. 36.

XXXI. Sublato in hunc modum Lepido, Caesar ex  
sua unius sententiâ ordinavit Siciliam. Equites et *Caesar ordi-*  
senatores, qui fuissent in Sexti partibus, supplicio *nat Sicili-*  
adfecit, præter paucos: milites in suas legiones dis-  
tribuit, urbium quoque pensata merita: pertinaciori-  
busque poenae constitutæ, sponte deditis venia præ-  
bita. Rheginis deinde, paucitate incolarum laboran-  
tibus, supplementum Caesar ex sociis navalibus de-  
dit. Antonio naves ab illo adceptas remisit, substitui-  
tis aliis in locum earum, quæ perierant. Pompejum  
neque per se, neque per alios persequutus est, sive  
quod e numero patris interfectorum ille non fuerat;  
sive ne querendi causam præberet Antonio, si vido-  
retur in partem illius cum armis transcendere.

XXXII. Donativum inde militibus dedit, coronas, *Milites mis-*  
que et honores distribuit, concessitque Pompejanis *sionem et*  
veniam, et plura promisit in futurum, pollicitis, quam *præmia pa-*  
præsente copia ad tantam exsaturandam multitudinem, *stulant.*  
instructior. Conductis enim in upum copiis, legiones  
numerabat quinque et quadraginta, equitum millia  
quinque et viginti, levis armaturæ septem et tri-  
ginta circiter. Nec tulit miles differri spes suas,  
poposcitque missionem et præmia, quibus donati post  
Philippensia arma victores fuerant. Caesar, quam-  
quam hoc bellum illi minime conferendum videretur,  
tamen respondit, adcepturos digna præmia, simul Anto-  
nium cum suis exercitiis adfuisset, quos participes ejusdem  
liberalitatis haberi par esset: missionem non impetraturos, nisi  
finita more majorum militia, minis additis, si tumultuari-  
am iniquis causis pergerens.

XXXIII. Ne tamen horum contumaciâ recens de-  
diti exercitus accenderentur, vocata concione, lenius  
egit, non abesse longè tempus, quo satisfieri postularis eorum  
debeat. Scitis enim, inquit, mihi cum Ausonio sic esse di-  
*Ipsæ differri*  
*in adventum*  
*Antonii.*

Cap. XXX. Oros. Dio. Appian. Vell. Sueton. Cap. XXXII.  
Liv. Epit. Appian. Sueton. Aug. 81. Dio. Sabin. 1. 6. p. 15.  
159. Dio. Appian. Cap. XXXII. Oros. Appian. Vell. 2, 81.  
Oros. Dio. et Appian.



U. c. 716.  
A. C. 36.

visas partes, ut tamen, quae summam reipublicae, pacem bel-  
lumque, cogendosque et dimittendos exercitus concernant, de  
communi sententia statui oporteat. Igitur quamprimum erit  
occafio, erit autem propediem, ne dubitate, quin de commo-  
dis legionum cum eo diligenter acturus. Interea sub signis  
neque otiosi reipublicae, neque vobis inutiles manebitis. Quanti-  
do enim beneficio Deorum civilia tandem arma quieverunt;  
ad externa bella vos ducam, ubi usque formidatis ullum sce-  
lus, neque hostes pari robore parique scientia armorum ha-  
beatis. Illyrias, Pannonios, Dalmatas neque debita prae-  
stare stipendia, et ultro incurfare fines nostros, dum inter-  
nis discordiis distringimur, audistis. Eos ulcisci in animo  
est: et ad haec bella, si parum esset imperatorem haec jube-  
re, ipsi operam vestram offerre, atque, ut ita dicam, ob-  
trudere deberetis; quo Romani nominis synonymiam vindicare-  
tis in illos, qui, nisi vestros animos vestrosque lacertos can-  
temnerent, injuriis in populum Romanum abstinuisse. Ad-  
versus hos laudabilis erit ferocia, quam contra Imperatorem  
vestrum turpiter et frustra consumistis. Ad laetitiam ultri do-  
loris, ad gratulationem civium, ad defensionem reipublicae glo-  
riam, adcedent et a me praemia, et in opulentiis gentibus  
minime expers praedae victoria erit.

Hi rocla-  
mant.

XXXIV. Adclamatum est, satis sibi exhaustum laboris,  
nec ad nova bella profecturos, nondum acceptis priorum prae-  
miis ac honoribus. Atque illo respondente, se et honores  
dedisse multos, et additurum coronas alias legionibus; itidem-  
que his, qui navali proelio vicissent, oleaginas; praeterea tri-  
bunis et centurionibus praetextas, jusque apiscendi ordinis in  
sua cuique patria: tribunus Ofilius nomine, corollas et  
praetextas puerorum delinimenta esse, exclamavit; militibus  
agris opus esse et pecunia. Ea vox adsensu circumstan-  
tium excepta quum esset, Caesar indignatus de tri-  
bunali descendit. At, laudantibus Ofilium plerisque,  
et ceteros incusantibus, qui ad communem causam  
cunctabantur adcedere, pari temeritate tribunus ne-  
gavit, opus aliis fore: se enim vel solum ad impetranda haec  
tam justa sufficere. Sed ille quidem, tam ferociter lo-  
quutus in praesentia, postridie nusquam comparuit;  
neque rescire vulgus potuit, quid eo factum esset.

Ofili tri-  
buni ferocia  
et poena.

XXXV. Admonuit hoc exemplum ceteros, ut ne-  
mo unus praecipue, sed confertim uno ore, adcla-  
marent, ~~mitti velle~~. Caesar, satis intelligens, non-  
dum militiae pertaesos ideo tantum postulare missio-  
nem, ut se, paullo post cum Antonio dimicaturum,  
(id enim fore olim adparebat) redimere operam eo-

rum atque benevolentiam quoquo modo cogerent, minime cedendum iudicavit; sapienter existimans, si semel vinci passus esset, numquam militum licentiam avaritiamque cessuram, quin aliud ex alio flagitarent. Igitur, severitatem liberalitate temperans, ut diversa erant genera aetatesque militum, varie cum iis agere instituit. Et Mutinensis quidem militiae sociis, ut vetustissimae legionum parti, missionem dedit: nihilo secius exsoluturum praemia pollicitus. quum hi discessissent ex insula, (statim enim jusserat avehi) ceterique in petenda missione persisterent, dimisit omnes, qui dena stipendia explevisent; quo numero ferme erant, qui ad Philippos navarant operam. hos quoque facessere iussit ex insula.

U. c. 716.  
A. C. 36.

*Caesar par-  
tem copiarum  
dimissis in-  
vitus.*

XXXVI. Sic dimissis circiter viginti millibus, ceteros pro concione adhortatus, *ne perfidiam non sponse Imperatoris militiam deferentium imitarentur*, laudavit, donavitque quingenis denariis, spe insuper facta, fore, ut brevi honore opibusque cumlati dimitterentur. Adjunxit, *nullius eorum opera deinceps usurum, quos invitum dimississet, etiamsi instantissimo deprecarentur: neque daturum praemia, nisi quos causa cognita dignos judicasset.* Interim, ut praesentibus promissum donativum repraesentaretur, quam ad rem pecunia deerat, statim a concione Siculis tributum imperavit talenta mille sexcenta. Sed Agrippae coronam auream rostratam, itemque vexillum caeruleum, virtutis causa dedit: qui honos nemini ante eum erat habitus. His ita gestis, Statilium Taurum, cujus armis interim Sicilia tota cesserat, in Africam pro consule misit: a quo statim recepta venter provincia, ne Numidia quidem moram fecit. Ita praemissa parte exercituum, ceteros ipse secum ex Sicilia deduxit. Haec victoria Caesari, non modo ad ingentem adcessionem virium profecit; sed etiam opportuna fuit ad motus Italiae coercendos, incipiente jam tumultuari Etruria: sed ad famam adventus ejus omnia confestim conquerunt.

XXXVII. At Romae, quo die parta, eodem etiam *Miles fam-  
adnunciata victoria est. miles enim quidam, nescio quo ticus, dum  
furore correptus, ut tum singula maxime gerebantur, pugnatur in  
ita vocibus ac gestu expressit: postremo, cursu Ca- Sicilia, rem*

Cap. XXXVI. Oros. Appian, et Dio. Sueton. Aug. 24.  
Appian. Liv. Epit. Dio. Suet. ibid. 25. Sen. de Benef. 3, 32.  
Virg. Aen. 8, 684. Vell. Oros. Dio. Appian. Dio.

U. c. 716.  
A. C. 36.  
*anuntiat Re-  
mas.*

pitoliū petens, ad pedes Jovis ensem deposuit, tam-  
quam cessituro possibae ejus usu, pacatisque reductoris  
temporibus.

*Senatus a-  
dulator vi-  
ctari.*

XXXVIII. Tanto maturius meditari adulationem  
potuit senatus, qui olim adsuefactus servire fortunae,  
et quibus illa faveret, immodicos honores redeunti  
decrevit, ipsi delato arbitrio, partem eorum, quam  
delegisset, aut simul omnes adciipiendi. Obviam et-  
iam egressus est longissimo itinere, simul incedente  
maxima multitudine populi: salutantemque Deos, et  
e fanis domum se recipientem, prosequuti sunt.

*Ille gratias  
agit.*

XXXIX. Postridie tam in senatu, ut moris erat,  
extra urbem evocato, quam pro concione, res suas  
atque consilia exposuit, idque, sicut solenne fuit ei  
in omnibus majoris momenti negotiis, de scripto,  
quod mox edidit. Argumentum erat plenum amoris  
et benevolentiae. Gestis suis enumeratis, gratias a-  
gebat Patribus propter honores delatos. laudationem  
enim, statuas, primam ubique sedem, triumphalem  
arcum, ovationem, coronam lauream perpetuo ge-  
standam, ferias anniversarias, qua die vicisset, atque  
ea die ut in cella Jovis Capitolini cum uxore et libe-  
ris epularetur, decreverant.

*Et ovans  
in urbem.*

XL. Sed ex his tum quaedam recusavit Caesar  
modesta oratione: promisitque consuetis honoribus  
contentum fore, cum praeclara civilis extincti belli  
conscientia; quō sublato, nunc tranquillitatem atque  
pacem jubebat expectari, et quae inde bona profi-  
ciscuntur. Atque, ut ea jam inciperent persentisce-  
re, se tributa, quotquot indicta, nec dum persoluta  
essent, debitoribus remittere dixit; itemque vectiga-  
lia nonnulla, et mercedes habitationum. Adcepit ta-  
men ex honoribus, ut ovans iniret urbem, et annua  
solennia victoriae suae, cum aurata statua in foro,  
habitu triumphali, cingentibus columnam navium ro-  
stris, et inscriptionem hanc praeferente basi: OB  
PACEM DIU TURBATAM TERRA MARIQUE PAR-  
TAM. Ingressus est urbem iterum triumphator reipubli-  
cae constituendae causa, ovans ex Sicilia, Idibus No-  
vembribus.

Cap. XXXVIII. Appian. et Dio. Cap. XXXIX. Sueton.  
Aug. 84. Dio, et Appian. Cap. XL. Fasti Capit. Sueton.  
Aug. 22.

XLI. Sub eos dies offerente maximum pontificatum populo, quod eum adimi vivo cuiquam inauditum erat, recusavit: et, quibusdam Lepidum pro hoste publico necari iubentibus, constantissime renisus est. Nec deerant, qui haec secus interpretarentur. facta haec, ut Lepido atque Antonio, tamquam dispari praeditis ingenio, conflarent invidiam: neque sponte fuisse liberalem; sed, quod exigi a depauperatis civibus non potuerit, donare, quam perdere, maluisse.

XLII. At Patres ob ejusmodi moderationem multa decreverunt: uti sacrosancius haberetur, et, qui cum verbo, quive facto laessisset, eadem poena teneretur, ac si tribunum plebis violavisset: quorum et potestatem, et in subselliis una considendi jus ei dederant. Additum etiam, uti habitaret in publicis aedibus: postquam destinatam domus aream Apollo vindicarat. Plures enim domos per procuratores suos in Palatio, ubi habitare decreverat, jusserat emi. Sed fulmine tactus est locus, responderuntque haruspices, eum a Deo desiderari. Nec his contenti Patres, in Agrippam quoque, quem gratissimum Caesari videbant, versa veneratione, decreverunt, uti, quoties aliquis triumphans cum corona laurea invehetur, ille adceptam a Caesare navalem gestaret.

XLIII. Inter haec Valerium Messallam, propter navatam eo bello operam, augurem fecit Caesar, quum proscriptus nuper fuisset, etiam aucto sacerdotum numero. Sed et Uticenses civitatem Romanam beneficio Caesaris adceperunt: et militibus promissus ager dividi coeptus: et, deficiente publico, aliunde coëmi Caesar iussit. Passim enim per municipia et colonias, deminuto capitum numero, agri supererant. in his Capua quum esset, magnum modum agrorum, quos publice possidebant Campani, ab his adeptus est, eosque militibus, in supplementum coloniae adscriptis, distribuit: Cnosia invicem his adtributa regione Cretae, unde duodecies redibat annuum, multo largiore fructu, quam quem ex agris suis perceperant; et, qua maxime postea gloriati sunt, aqua Julia. Haec enim profecto, plurimum et ad salubritatem oppidi, et ad amoenitatem contulit. quorum aquaeductum etiam, num in ruinis antiquae Capuae vestigia et fragmenta sub terra reperiuntur.

Cap. XLI. Oros. Dio, et Appian. Sueton. Aug. 31. Appian. Dio. Cap. XLII. Oros. Sueton. Aug. 27. Dio. Vell. Sueton. Aug. 29. Dio. Cap. XLIII. Vell. Leandri Ital.

U. c. 716.  
A. C. 36.  
*Fugitivi  
puniuntur.*

XLIV. Inde circum exercitus literas misit, una die ubique aperiendas. jubebantur omnes fugitivi, quamlibet his foedere Pompejano concessam libertatem senatus confirmaverat, jamque se pro militibus illi gerebant, comprehendendi. Hi, posteaquam adducti sunt in urbem, interrogati unde et a quibus profugissent, dominis sunt restituti: quotquot reperire dominos non poterant, alii Romae crucibus adfixi sunt, pars magna per Italiae Siciliaeque civitates, unde quisque fugerat, poenas dederunt. Et, ut amplissimo ordini plus dignitatis adcederet, vetuit amiciri Caesar purpura, nisi magistratus senatorios; quoniam vestis illa etiam ab humilioribus usurpari coeperat.

*P. Canidii  
res gestae.*

XLV. Eisdem consulibus P. Canidius Crassus legatus Antonii, relictus ab eo in Armenia, et hanc devicit, et, in Iberos exercitu ducto, regem Pharnabazum proelio fustum ad societatem belli contra vicinos Albanos adegit: et, horum rege superato Zobere, progressus ad Caucasum usque, Antonii nomen famamque iis locis celeberrimam effecit.

*Antonii  
consilia de  
bello Par-  
thico.*

XLVI. Ceterum ea res fraudi potius Antonio, quam honori et lucro, fuit: quatenus successus ille vanum animum ad bellum Parthicum, quod jam olim secum agitaverat, vehementius impulit. Etiam in Monaese ingentem spem collocaverat; quem, peritum regionum, et de Parthorum erga se adfectu multa et praeclara pollicentem, ejus belli ducem habere decreverat, regno promisso. Sed haec quidem tota destinatio mox evanuit, postquam Phraates, Parthis molestie ferentibus Monaesis exsilium, miserat ad eum nuncios, dextram daturus, integram ei apud regem gratiam, et magna ab isto commoda fore. Pupugit ea res Antonium. ceterum, ne alios forte ad sese transitorios deterreret, dissimulavit offensam, simul oblatam occasionem decipiendi Phraatis existimans. Ut enim incautum imparatumque invaderet, sibi gratum esse praetulit redire ad suos Monaesem, pacis pararium: unaque misit legatos, amicitiam promissuros, si captivos et signa, Crassi calamitate amissa, Parthus reddidisset.

---

Cap. XLIV. Appian. Dio, Orós. Appian. Dio. Cap. XLV. Dio. Plut. Anton. Appian. Parth. Dio. Plut. Cap. XLVI. Plut. et Dio.

XLVII. Ipse, interim Syriae adpropinquans, Fontejum Capitonem misit, ut Cleopatram adduceret: cuius amore deperibat, super cetera irritamenta communium etiam liberorum recordatione devinctus. Geminos ex ea sustulerat: e quibus puellam adpellari *Selenen* iusserat, puerum *Helium*, siderum nominibus. Venit illa, nec modicam postulans laboris mercedem, Herodi quidem Judaeo maximi discriminis causa fuit, cujus regno inhiabat. Effecit enim, ut propter interfectum Aristobulum adfinem suum capitis arcesseretur: quemadmodum et Lysaniam, Ptolemaei filium, quem Ituraeis Antonius dederat regem, Parthis favere calumniata, perdiderat. Nam inexplibilis avaritiae femina cunctis Syrorum regulis struebat insidias, ut, his sublati, eorum ditiones dono Antonii obtineret. Igitur licet dimissum semel Herodem continuo infestavit, ut redimere pericula sua saepius pecunia cogeretur.

U. c. 716.  
A. C. 36.  
*Cleopatram arcessit.*

XLVIII. Neque minus iniqua Arabi Malcho, duorum regna sibi flagitabat. Tandem Antonius, hinc muliebribus incitatus furiis, inde pudore retentus, ne aut daret omnia, aut negaret, Judaeo Hierichunta et feracem balsami regionem ademit, Nabataeo maritimam: sed et Phoenicum urbes cis Eleutherum fluvium usque ad Aegyptum Cleopatram habere iussit: Tyro et Sidone exceptis, quas ab antiquo sciens esse liberas, eam gratiam quantumvis blandienti reginae noluit gratificari. sed illa tamen, ad Euphratem usque prosequuta proficiscentem, non ante dimisit, quam aliquot Ciliciae Cretaeque partibus, ad haec Cyrene et Cypro auctior discederet.

*Eique multa donas.*

Cap. XLVII. Plut. Dio. Plut. Joseph. Antiq. 15, 4. Dio. Joseph. ibid. Cap. XLVIII. Jos. de B. Jud. 1, 13. Plut. Dio.

# E P I T O M E

## LIBRI CENTESIMI TRIGESIMI.

*M. Antonius, dum cum Cleopatra luxuriatur, tarde Mediam ingressus, bellum cum legionibus octodecim et sexdecim millibus equitum Parthis intulit:*

*M. Antonius, dum cum Cleopatra luxuriaretur*] Scribe luxuriatur. Et sic Gudianus uterque: maior etiam *Dum M. Antonius cum Cleopatra luxuriatur*. J. FR. GRON. Praenomen Antonii omittunt Voss. Boend. et, teste Hearnio, ed. Romana princeps. Vide ad Epit. 62. Dein luxuriatur etiam Leid. et Lov. 2. reliquis alteram lectionem servantibus. Sed vide ad Livii 1, 40, 7.

*Tarde Mediam ingressus] tandem Mediam ingressus* Voss. *tandem Mediam ingressus* provinciam Berg. *tarde Mediam provinciam ingressus* Exc. Pithoei. *Mediam provinciam ingressus*, omisso prima voce, Boend. Norv. et edd. ante Gruterum; qui emendavit, ut nunc vulgo editur, consentiente Leid. a quo non aliter dissentit Lov. 2. nisi quod etiam vocem *tarde* repudiet. Ea etiam vox non conveniri videri posset, quum Plutarch. in Anton. 933. et Appian. Parth. 158. testentur, Antonium *πρὸ καιροῦ*, quum nondum tempestivum esset, tempore hiberno, bellum movisse, Verum illud *tarde* non ad tempestatem anni referendum est; sed eo, quod,

in orientem profectus, ut bello Parthico praecesset, id diu per legatos gesserit, quia amoribus Cleopatrae inretitus ejus absentiam ferre non poterat. Mox cum legionibus X. et VIII. XVI<sup>m</sup>. equitum Boend. cum legionibus X. et VIII. et XVI millibus equitum ed. Camp. et XV. millibus equitum Voss. Voces octodecim, et sedecim millibus equitum Parthis intulit: et quum, duabus legionibus, quae a manu 2. in margine adscripta sunt, a manu pr. deerant in Berg. cui errori ansam praebuit repetitio vocis legionibus. Vide ad 9, 11, 11.

*Insecutis subinde Parthis, et ingenti trepitatione, et magnol insecutus subinde a Parthis* Leid. Berg. Boend. et ed. Camp. Dein prius et sine causa omiserunt Doujat. Cleric. et Crevier. Superest enim in omnibus scriptis, et prioribus edd.,

*Viginti et uno diebus trecenta millia fuga emensus]* Ita demum praefert ultima Gruteri editio: omnes priores XXI. die; quod etiam superest in Voss. Berg. Lov. 2. Boend. et Norv. *vigesima prima die* in Leid. Prae-

tulit: et quum, duabus legionibus amissis, nulla re prospere cedente, retro rediret, insecutis subinde Parthis, et ingenti trepidatione, et magno totius exercitus periculo, in Armeniam reversus est, viginti et uno diebus trecenta millia fuga emensus. circa octo millia hominum tempestatibus amisit. tempestates quoque infestas, super tam infelicitè susceptum Parthicum bellum culpa sua passus est; quia hiemare in Armenia nolebat, dum ad Cleopatram festinat.

terea CCC milliaria Berg. Alii ita variant codd. Vide ad 6, 32, 9. 10, 2, 9. et 35, 34, 9.

Super tam infelicitè susceptum Parthicum bellum] Vocola tam exulat ab Exc. Pithoei, Norv. et edd. ante Gruterum, qui primus eam interposuit, consen-

tibus Leid. et Lov. 2. Eodem ducunt reliqui Voss. Berg. et Boend. qui exhibent super eum infelicitè. Mox in Armenia hiemare nolebat Lov. 2. hiemare in Armeniam volebat Voss. qui etiam verba sequentia, dum ad Cleopatram festinat, perperam omisit.



**JOHANNIS FREINSHEMII**  
**SUPPLEMENTORUM LIVIANORUM LIBER XCV.**  
**IN LOCUM LIBRI CXXX. T. LIVII.**

**U. e. 716.**     **I.** At M. Antonius, remissa in Aegyptum Cleopatra, quum Euphratis transitum diligentius, quam pro sua opinione, custodiri adcepisset, in Armeniam iter flexit; a cujus rege contra regem Medorum (Artavasdes nomen utrique fuit) invocabatur. Ibi lustrato exercitu, reperit legiones sedecim validissimas, cum Gallorum et Hispanorum cohortibus, millia decem implentibus. Equites legionarii simul cum auxiliis millia sedecim: neque multo minor levis armaturae multitudo.

*Ejus expeditionis vi-*  
*tia.*

**II.** Sed hic tantus adparatus, cujus fama Bactrianos et Indiam perterrefecerat, postremo in ludibrium abiit, corrumpente occasiones Antonio, dum amore Cleopatrae, velut insania, correptus citius seriusve iusto agit omnia, non ad occasiones rerum, sed suas libidines deliciasque, respiciens. Nam et magnam ejus anni partem, dum luxuriatur cum Cleopatra, perdidit; et, quamquam aetas reliqua nequaquam par esset tantae expeditioni, festinabat, ut apud illam hibernare posset. Idcirco, licet longe fuisset consultius in Armenia reficere militem, qui decies centena millia passuum raptim confecerat, atque, hieme ibi transducta, primo vere, priusquam ex hibernis Parthi moverent, occupare Mediam, sine mora profectus est, nunciis etiam instigantibus, qui Medum longe a suis finibus auxilium adduxisse Parthis adtulerant. Sed nec indicare bellum curae habuit, quo prorsus inopinus invaderet; non ante professus hostem, quam A-tropatenen adtigit, quae ab Armeniis Araxe fluvio disjungitur.

Cap. I. Plut. Anton. Appian. Parth. Dio, l. 49. Vell. 2, 82. Dio. Justin. 42, 5. Cap. II. Flor. 4, 10. Liv. Epit. Plut. Liv. Epit. Plut. Dio. Flor. Plut. Strabo, l. 11. p. 523.

III. Progressus aliquantum, quum celeritatem, qua per Mediam irrumpere cogitabat in Parthos, mole impedimentorum tardari cerneret; relicto ad ea cum parte exercitus Oppio Statiano, majorem et firmiter equitum peditumque numerum agens, ad Praaspa contendit. Erat ea Medorum regia, sita in munito et arduo colle, distans ab Araxe et finibus Armeniae passuum millibus trecentis. Hic primum ipsa res arguit imprudentiam consilii, quo tormenta, quae trecentis plaustris vehebantur, et arietem pedum octoginta reliquerat. Nec enim idonea materies aderat in regione, humiles tantum arbores et mollis ligni educante. Quod proximum erat, aggerem jecit, ut velut ex aequo loco consereret cum propugnatoribus manum.

U. c. 716.  
A. C. 86.  
*Antonius  
Praaspa ob-  
sidet.*

IV. Interea Parthus Medusque reges, implicitum validae urbis oppugnatione hostem sinentes, in Statianum mittunt haud ita magnam manum, sed satis validam adversus ex itinere fessos, et tale nihil expectantes. Igitur et Statianus, et quos secum habebat, (erant autem legiones duae) irrumpentibus sub serum diei barbaris, occidione caesi sunt: nec evasit quisquam, praeter unum Polemonem, Ponti regem, quem ceperunt vivum, adceptoque mox pretio dimiserunt. Direptis deinde impedimentis, et corruptis machinis, pleni spiritus ac ferociae ad liberanda Praaspa contenderunt.

*Interim  
Parthi reli-  
ctas ab eo  
legiones de-  
lent.*

V. At Armenius Artavasdes, licet praecipuus suscipiendi belli auctor, in regnum, desertis Romanis, abiit, non sine crimine proditoris, quum neque ad Antonium adduceret copias, neque Statiano (potuisse enim creditur) subvenisset. At periculo suorum exterritus Antonius, licet ad primum Statiani nuncium propere signa moverat, nihil, praeter mortuos et vestigia cladis, reperit: ne hostibus quidem usquam comparentibus. quarum rerum sicut altera moestitiam dubitationemque indidit animo; sic altera, quasi fugientibus ob metum barbaris, utrumque exemit.

*Artavasdes  
Antonium  
deserit.*

VI. Sed ubi reditum ad Praaspa fuit, et annona, vicinis omnibus devastatis, coepit esse gravior; cum

*Proelium  
cum Parthis.*

Cap. III. Plut. et Dio. Vell. Plut. et Dio. Strabo. Plut. Dio, et Plut. Cap. IV. Liv. Epit. Flor. Vell. Dio, et Plut. Cap. V. Strabo, l. 11. p. 544. et 16; 748. Dio. Cap. VI. Plut.

U. c. 716. decem legionibus, tribus cohortibus praetoriis, et  
 A. C. 86. universo equitatu frumentatum iit: hoc maxime modo  
 hostes ad pugnam elici posse sperans. Nec amplius  
 unius diei progressus iter, quum circumfundi Parthos  
 undique, vimque minitantes cerneret, signum pugnae  
 in castris proposuit. Ceterum detendi tabernacula  
 iussit, ut speciem non pugnaturi, sed proficiscentis  
 praeberet, ita lunatam barbarorum aciem praeteriens,  
 imperavit equiti, simul animadverteret tam prope ad-  
 cellisse signa legionum, ut inferri in hostem possent,  
 invectus faceret initium proelio. At Parthi, stupen-  
 tes spectaculo, disciplinam Romani militis considera-  
 bant, servatis exacte ordinibus praetereuntis, et cum  
 silentio quatientis pila: quum subito cum clamore ir-  
 rupit eques, et usum arcuum propere suggestus abs-  
 tulit. Repugnabant tamen: sed ubi et funditores,  
 violentiore ictu et longius pertingente, quam Parthi-  
 cae sagittae possent, incubuerunt, et legiones clamo-  
 re scutorumque strepitu hostium exterruerunt equos;  
 priusquam ad manus venire miles posset, solutis or-  
 dinibus abierunt. Ibi magnam in spem Antonius ve-  
 nit, posse profligari bellum, si fugientibus instaretur.  
 At, ubi ad sex millia passuum insequutus pedes, et  
 triplo spatio eques, non ultra triginta viros cepisse,  
 nec occidisse plusquam octoginta cerneret; gravis in-  
 cessit omnibus sollicitudo, siquidem victores tantil-  
 lum inferre detrimenti possent, victi tot amitterent  
 armatorum millia. Dies insequens Praaspa repeten-  
 tibus eosdem labores adtulit: et, vix dimotis hostibus,  
 ad castra sua magno cum labore redierunt.

*Antonius  
 suos casti-  
 gat, quod  
 Praaspanis  
 erumpenti-  
 bus cesso-  
 rant, et ope-  
 ra incendi  
 passerant.*

VII. Interim et obsessi, eruptione facta, relictos  
 ad opera turbaverant, aggeremque incenderant. Igi-  
 tur Antonius, rebus ubique parum ex voto fluentibus  
 tristior, advocatos in concionem severissima oratione  
 castigavit. *Quid hoc est flagitii, milites, inquit, aut qua  
 vecordia acti tantum militiae dedecus admisistis? ignaviane  
 vestra factum, an vero negligentia dicam, quod ex oppido  
 pene capto facta eruptio, opera incensa, vos ipsi a mollissimo  
 genere hominum fusi fugatique estis.*

VIII. Medos enim, si nescitis, a multis aetatibus, prius-  
 quam Pompejum et Romana arma experirentur, non Graeci  
 modo, sed etiam Syri Cappadocesque, omnibus ferme proe-

Cap. VI. Dio. Plut. Cap. VII. Frontin. 4, 1. 37. Liv.  
 Epit.

U. c. 716.  
A. C. 36.

liis vicerunt. Desinamus Romani jactare Pacorum, et Parthicas laurus, si ab his superari patimur, quos servire Parthis non pudes. Scilicet, si sub Ventidio militares, timeri ab hoc hoste postulares, cui nunc et auspiciis et ductu M. Antonii par esse non potes. Hoc vulgari per provincias placet, hoc narrare hostes, audire socios, in Italiam, in urbem, ad senatum Caesaremque perferri? Adeone, tot legiones quum essetis, me quius dici itinere distante, rueri opera non potuistis? et quid futurum erat, si me ratio belli longiorem aliquam in expeditionem abstraxisset? In unius igitur oppidi obsidione mihi cum tanto exercitu haerendum erit: aut, si usquam abscessero, metuendum, ne vos, tamquam relicta a pastore pecora, dissipemini? At ego tribunos militum vobis, ego legatos reliqui, penes quos haerere culpaestrae partem nolum, neque commississe quemquam, ut sim ei asperior, quam consuetudo mea patiatur.

IX. Sed, quemadmodum ingenio meo lenitas congruit; ita disciplinae, quae tutelam imperii et exercituum continet, necessaria est severitas. Nam haec exempla si impunita patiaris, quid erit deinceps flagitii, quod animadversione dignum esse quisquam existimet? Spe corrupta celeriter expugnandi Praespa, utilitatem publicam, et armorum nostrorum famam, et populi Romani formidarum prius his gentibus nomen prodidistis. Quantum nobis adferre potuerit morae sterilis arborum regio, et propterea multo labore ac tempore vix effectus agger, magno dolore nostro sensivus: nunc ad eadem reficienda opera unde otium nobis, unde materia erit?

X. Vestrum hoc facinus erit, quicumque huic culpaestrae fines estis. per vos irrisi contemptique aut munitae urbi sine machinis et operibus adhibemus, aut infecto negotio discedemus. Hoc ego nisi jam in auctores vindicavero, non recuso, quin nullius usus imperator habeat. Erit sament apud me non innocentiae tantum securitas, sed etiam levioribus delictis venia. quos autem constabit gravius peccavisse, quam ut condonari iis debeat, causam non dicent, quominus, quam exemplo suo lahesecerunt disciplinam, eam supplicio ac fiant. Mox legioni, cuius eo tempore statio fuerat, pro tritico hordeum admensus est, legato cum ignominia dimisso, punitisque quattuor cohortium centurionibus omnibus, et manipulis decimatis.

XI. Labor eas calamitates quum et eruptionibus Medorum, et praeliis Parthorum Antonius fatigaretur, Legionis  
maius periculum.

Cap. X. Plat. et Dio. Frontin. Cap. XI. Dio, et Plut.

U. c. 716. multique milites, frumentandi causa progressi paullo  
 A. C. 36. longius, interciperentur, sustinebatur tamen: donec, praeterito jam aequinoctio, subvereri Parthus coepit, ut suos, omnia potius, quam hiemem sub pellibus, laturos, continere in castris posset. Suberat etiam metus, ne, vel indignatione robur augente, vel ad-citis alicunde auxiliis, Romanus oppidum vi subigeret. Subornatis igitur notissimis quibusque Parthorum, parcius incesse Romanos frumentatores, et nonnulla citra pugnam concedi jubebat: praeferrique benevolam animam in milites; in Antonium convicia jaci, qui tot egregios viros contumacia sua perderet. *mittendis enim ad regem legatis pacem baud dubiam impetrari posse. Nunc illum expectare in aliena regione famem ac hiemem, duos atrocissimos hostes, etiamsi praeterea nulli essent. quod si tum retrocedere conentur, quomodo tandem emensuros iter, satis difficile futurum vel amicis et deducensibus Parthis?* Haec ubi per multos et saepe ad Antonium relata sunt, iussit a barbaris, si forte eadem haec iterarent, exquiri, utrumne illa sciente ac probante Phraate dictitarent? Tum demum ex amicis quemdam misit, qui ad tegendam turpitudinem, ne contentus tanta fuga videretur, captivos et signa Crassi repeteret. Legationem hanc Phraates superbo excepit adparatu, aurea sella sedens, ac nervum arcus pulsans. Nec oratione, quam adspectu, minus terribilis, longo sermone increpavit Romanos, Antoniumque iussit satis habere, quod suos milites suaeque signa retineret; ac, si cordi foedus esset, primo quoque tempore Parthorum finibus excederet. sic tutum et discessum pacemque fidam fore.

Antonius  
 recedit ex  
 Media.

XII. Dura conditio erat, sed duriora timebantur. Idcirco, paucis inde diebus vasa colligens, prae pudore milites adloqui non potuit; vir alioquin praeflans facundia, et civilibus militaribusque concionibus exercitatus: vicemque suam hortandi milites Domitio Ahenobarbo demandavit. Ea res multis displicuisse dicitur, contemni se putantibus, post tot toleratas aerumnas. plerique, rem, ut erat, conjicientes, aequioribus animis imperium sequuti sunt. Quum recessisset a Praeceptis Antonius, Medi relicta ab eo opera, aggere disjecto, incendere.

Mars quoque  
 dam sceleris  
 dux.

XIII. Tum vero maxima exceperunt Antonium pericula, insanique labores: et erat actum de universo

Cap. XI. Plut. Dio. Plut. et Dio. Cap. XII. Plut. Dio.  
 Cap. XIII. Liv. Epit. Vell. Flor.

exercitu, ni e mediis hostibus auctor salutis exstitisset. Parthos in proeliis opera servorum uti consuevisse, supra etiam indicavimus: et inter equitum millia quinquaginta, quae occurrerunt Antonio, solos quadringentos liberos fuisse relatum est. Igitur et milites Crassiani hoc in numero quum essent inventi; quidam eorum, natione Marsus, noctu adcessit ad vallum, monuitque, ne itinere, quo venerant, reverterentur. Quippe per campestria et plana redituros inevitabilis manebat a Parthis equitibus perniciēs: montanis et silvestribus locis tutior Romanis receptus erat, hostibus impeditior persequutio. neque vero simulatae paci fidendum, idem Marsus admonuit; simul viarum offerens ducem, et, quum fides postularetur, vincendum se praebens, donec Armeniam adtigissent.

U. e. 716.  
A. C. 36.

XIV. Ita vix itinere bidui progressum est, per pacata in speciem omnia: die tertio, quum, juxta fluvium incedente agmine, ruptum recens aggerem Marsus animadvertisset, effusasque in viam aquas, haud procul abesse hostem monuit. vixque spatium Antonio fuit diducendi ordines, ut procurrere levis armatura posset, quum Parthi se intulerunt: et, a velitibus atque funditoribus post multa utrimque vulnera repulsi, denuo fecerunt impressionem. Tum vero Gallus eques emissus est, disjecitque atque dissipavit Parthicas alas, ut eo die quidquam praeterea tentare desinerent. Hoc documento admonitus Imperator, quadrato deinceps agmine semper incessit, non a tergo tantum, sed etiam in lateribus levi collocata armatura. equitibus injunctum, ut, hostes repulisse contenti, longius ne persequerentur.

*Parthi in-*  
*fessant ab-*  
*euntem.*

XV. Quum eundo pugnandoque proximum quadri-  
dum ita praeterisset, ut Parthos non minoribus ad-  
ceptis, quam illatis, detrimentis taederet incepti, si-  
mul instans hiems desiderium repetendi domos faceret; rem prope restitutam Fabii Galli temeritas adflixit. Vir erat fortis et strenuus. ideo facile persuasit Antonio, ut sibi ad tutelam postremi agminis majorem numerum levis armaturae, simul aliquot equitum alas, concederet: cum his se sperare operae pretium facturum. Incumbentibus deinde Parthis, quum submovisset hostem, non ex priorum dierum instituto rece-

*Fabii Galli*  
*temeritas.*

Cap. XIII. Justin. 41, 2. Vell. Hor. Carm. 3, 5. Flor. 4  
10. et ibi Freinsh. Plut. Dio. Plut.

U. c. 716. multique milites, frumentandi causa progressi paullo  
 A. C. 36. longius, interciperentur, sustinebatur tamen: donec, praeterito jam aequinoctio, subvereri Parthus coepit, ut suos, omnia potius, quam hiemem sub pellibus, laturos, continere in castris posset. Suberat etiam metus, ne, vel indignatione robur augente, vel ad-citis alicunde auxiliis, Romanus oppidum vi subigeret. Subornatis igitur notissimis quibusque Parthorum, parcius incesse Romanos frumentatores, et nonnulla citra pugnam concedi jubebat: praeferrique benevolum animum in milites; in Antonium convicia jaci, qui tot egregios viros contumacia sua perderet. *mittendis enim ad regem legatis pacem baud dubiam impetrari posse. Nunc illum expectare in aliena regione famem ac hiemem, duos atrocissimos hostes, etiamsi praeterea nulli essent. quod si tum retrocedere conentur, quomodo tandem emensuros iter, satis difficile futurum vel amicis et deducensibus Parthis?* Haec ubi per multos et saepe ad Antonium relata sunt, iussit a barbaris, si forte eadem haec iterarent, exquiri, utrumne illa sciente ac probante Phraate dictitarent? Tum demum ex amicis quemdam misit, qui ad tegendam turpitudinem, ne contentus tanta fuga videretur, captivos et signa Crassi repeteret. Legationem hanc Phraates superbo excepit adparatu, aurea sella sedens, ac nervum arcus pulsans. Nec oratione, quam ad aspectu, minus terribilis, longo sermone increpavit Romanos, Antoniumque iussit satis habere, quod suos milites suaeque signa retineret; ac, si cordi foedus esset, primo quoque tempore Parthorum finibus excederet. sic tutum ei discessum pacemque fidam fore.

*Antonius  
 vocat ex  
 Media.*

XII. Dura conditio erat, sed duriora timebantur. Idcirco, paucis inde diebus vasa colligens, prae pudore milites adloqui non potuit, vir alioquin praeflans facundia, et civilibus militaribusque concionibus exercitatus: vicemque suam hortandi milites Domitio Ahenobarbo demandavit. Ea res multis displicuisse dicitur, contemni se putantibus, post tot toleratas aerumnas. plerique, rem, ut erat, conficientes, aequioribus animis imperium sequuti sunt. Quum recessisset a Praeaspis Antonius, Medi relicta ab eo opera, aggere disiecto, incendere.

*Marte quodam  
 temeris  
 ducto.*

XIII. Tum vero maxima exceperunt Antonium pericula, insanique labores: et erat actum de universo

Cap. XI. Plut. Dio. Plut. et Dio. Cap. XII. Plut. Dio.  
 Cap. XIII. Liv. Epit. Vell. Flor.

exercitu, ni e mediis hostibus auctor salutis exsistisset. Parthos in proeliis opera servorum uti consuevisse, supra etiam indicavimus: et inter equitum millia quinquaginta, quae occurrerunt Antonio, solos quadringentos liberos fuisse relatum est. Igitur et milites Crassiani hoc in numero quum essent inventi; quidam eorum, natione Marsus, noctu adcessit ad vallum, monuitque, ne itinere, quo venerant, reverterentur. Quippe per campestria et plana redituros inevitabilis manebat a Parthis equitibus perniciēs: montanis et silvestribus locis tutior Romanis receptus erat, hostibus impeditior persequutio. neque vero simulatae paci fidendum, idem Marsus admonuit; simul viarum offerens ducem, et, quum fides postularetur, vinciendum se praebens, donec Armeniam adtigissent.

U. a. 716.  
A. C. 36.

XIV. Ita vix itinere bidui progressum est, per pacata in speciem omnia: die tertio, quum, juxta fluvium incedente agmine, ruptum recens aggerem Marsus animadvertisset, effusasque in viam aquas, haud procul abesse hostem monuit. vixque spatium Antonio fuit diducendi ordines, ut procurrare levis armatura posset, quum Parthi se intulerunt: et, a velitibus atque funditoribus post multa utrimque vulnera repulsi, denuo fecerunt impressionem. Tum vero Gallus eques emissus est, disjecitque atque dissipavit Parthicas alas, ut eo die quidquam praeterea tentare desinerent. Hoc documento admonitus Imperator, quadrato deinceps agmine semper incessit, non a tergo tantum, sed etiam in lateribus levi collocata armatura. equitibus injunctum, ut, hostes repulisse contenti, longius ne persequerentur.

*Parthi in-*  
*cessans ad-*  
*venit.*

XV. Quum eundo pugnandoque proximum quadri-  
duum ita praeterisset, ut Parthos non minoribus ad-  
ceptis, quam illatis, detrimentis taederet incepti, si-  
mul instans hiems desiderium repetendi domos faceret; rem prope restitutam Fabii Galli temeritas afflixit. Vir erat fortis et strenuus. ideo facile persuasit Antonio, ut sibi ad tutelam postremi agminis majorem numerum levis armaturae, simul aliquot equitum alas, concederet: cum his se sperare operae pretium facturum. Incumbentibus deinde Parthis, quum submovisset hostem, non ex priorum dierum instituto rece-

*Fabii Galli*  
*temeritas.*

Cap. XIII. Justin. 41, 2. Vell. Hor. Carm. 3, 5. Flor. 4, 10. et ibi Freinsh. Plut. Dio. Plut.



U. c. 716. pit se ad suos, sed cupidius insistit pugnae. Igitur,  
A. C. 36. qui in ea parte curabant, a se divelli Gallum videntēs, revocabant hominem: et Titius quaestor, manu signis injecta convertere jubebat; increpans Gallum, cujus stoliditate tot viri fortes in discrimen adducerentur. Ille, sua curare quaestorem jubens, persistit in sententia, donec, ab hostibus circumventus, auxilium postulavit.

*P. Canidii  
error.*

XVI. Ibi vero magna tum ceterorum ducum imprudentia, tum P. Canidii, qui apud Antonium plurimi fiebat, paucae cohortes alaeque subsidio missae; deinde, dum illae vincuntur, aliae aliaeque. ita factum, ut priorum quorumque confestatione etiam recens advenientes auferrentur. nec sisti potuit, donec fulsere signa legionum, quas a prima acie raptim Antonius adduxerat. Inprimis tertiae legionis virtus, per medium fugientium agmen enisa, barbaros ab insequendo deterruit. Ea pugna non pauciores tribus millibus amissi: sauciorum ad quinque millia recepta, in quibus auctor cladis Gallus, quatuor transfixus sagittis, haud diu superfuit. ceteros Antonius obiens multa commiseratione, nec sine lacrimis, consolatus est.

*Antonii ac  
militum ca-  
vitas musua.*

XVII. Nec deerant Antonio artes, quibus militari vulgo probaretur. Nobilitas, facundia, simplicitas, et quod in donando erat largissimus, in colloquendo comis, mirificum ei conciliabat favorem. Tum vero, se curae videntes esse Imperatori, sic adfecit penitus, ut, obliti vulnorum, eum sui ipsius curam agere juberent: eo salvo, salvos milites, salvum omnem exercitum fore. Mox, cum pulla veste proditurus in concionem, vetantibus propter omen amicis, Imperatoriam purpuram sumpsit: verbisque factis, quum victores laudasset, pulsos incusaret; adeo commoti sunt, qui arguebantur, ut, causis fugae indicatis, tamen se vel decimandos, vel arbitrato ejus puniendos offerrent, modo tristari Imperator et aegro esse animo desineret. Tum ille, vicissim tactus hoc animo obsequioque militum, sublatis in coelum palmis, Vos vero, inquit, Dii Deaeque omnes, precor, ut, si quid isthinc praeterea impender calamitatis, id omne meum in caput vertat: at vos tam bonis tamque amantibus mei militibus parcite. Sed haec mutua inter imperatorem et exercitum benevolentia sic confirmavit animos, ut hostes, qui post hanc vi-

etoriam nihil non sibi pollicebantur, spe sua iudicioque magnopere fallerentur.

U. c. 716.  
A. C. 36.

XVIII. Illi contra suam consuetudinem prope castra Romana pernoctaverant; et, adfluentibus in horas aliis, (nam et ex perpetuo comitatu spo, tamquam ad paratam praedam, multos rex mittebat) ad numerum quadraginta millium equitum aucti, Romanos iter facientes invaserunt. Sed alacriter ab his repugnatum est, donec per declivia euntibus rursum acerrime insisterunt Parthi, tanta multitudine sagittarum immissa, ut pene obruerentur.

*Parthorum  
ingens equi-  
tatus.*

XIX. Ibi jussu Antonii legionarius miles, receptis in medium velitibus et equitatu, testudinem fecit, in quam cadentibus sagittis, hostium pharetræ sine noxa militis exhaurirentur. Inusitatum id spectaculum non uno errore decepit Parthos. Primo enim, quum in sinistrum genu omnes procubuissent, essetque idem ab equis ad hoc exercitum factum, barbari, vulneribus et fatigatione deficere Romanos simul omnes rati, omissis arcubus, adripuerunt contos, sic interfectori jacentes. Sed, ubi cominus ventum, consurgens subito miles pilis coniectis complures interemit; reliquos, miraculo rei et suorum casu adtonitos, coniecit in fugam eo terrore, ut deinceps adgredi legiones non auderent. Igitur denuo pacis in speciem frumentum aut pabulum petentibus occurrebant, remissos ostendentes arcum nervos: neque se ulterius infestos fore abeuntibus. paucos Medorum sequuturos unius alteriusve diei itinere: nec inferendi periculi causa, sed curandis vicis suis paullo longius distantibus.

*Ejus sagi-  
tas Romani,  
testudine fa-  
cta, occipiunt.*

XX. Sed suberat ingens dolus, et exitiosus omni-  
bus, si declinassent in campos: quod spe Parthicae pacis, et ob commoditatem aquandi factum esset, nisi nobilis Parthus in castra Romana venisset. Monaesis se propinquum esse dicens, et ejus in gratiam salubre consilium adferre. Collibus deinde eminens, Sub his, inquit, universae Parthorum copiae latent; excepturae vos, siquidem in campos signa demiseritis. Altera, qua instituitis, pergere via, molestias habet, quibus adsuevistis: hanc vero si praetuleritis, scitote, vos M. Crassi fato perituros. Quum eadem dux viae Marsus diceret, neque

*Parthus no-  
bilis suorum  
insidias pro-  
dit.*

Cap. XIX. Frontin. Strat. 2, 3. Dio. Flor. Plut. Dio. Plut.

U. c. 716. magnopere aliud timendum superesse, praeter iter  
 A. C. 36. unius diei per loca arida; sequutus consilium Ant-  
 onius, aquam portari iussit in utribus et galeis, quod  
 omnia vasa defecerant. Sed Parthi, animadverso,  
 suas insidias non succedere, praeter morem suum  
 noctu sequuti agmen, sub ortum solis extremis incu-  
 buerunt, vigilando et eundo defatigatis. quippe ea-  
 dem nocte circiter triginta millia passuum confece-  
 rant.

*Antonii co-  
 pias praeter  
 hostem sitis  
 urget.*

XXI. Huic labori periculum additum, priusquam  
 expectabatur, (longius enim abesse hostem putave-  
 rant) ad haec sitis, non aquarum modo penuria, sed  
 etiam calore certaminis, adcesa (pugnandum enim  
 simul et incedendum erat) pene ad desperationem  
 impulit universos: donec, flumen esse in proximo,  
 eoque jam primos pervenisse ordines, auditum est.  
 Sed ne sic quidem miseriarum finis: adcessio quin  
 immo fuit. Salinacidas enim aquas amnis vehebat,  
 quae potae stomachum exulcerabant dolore, sitimque  
 ultro adaugebant. Nec ignorabat haec Marsus, aut  
 monere omittebat. Sed impatientia sitis vicit: ne-  
 que praesens molestia sinebat curare aut metuere  
 futuram: donec Antonius rogando, docendoque, non  
 longe flumen abesse salubrius, atque ultra viam asperam,  
 ubi necessario finem insequendi facere Paribos oporteres: ne  
 igitur, ob tantillam voluptatem, iam in propinquo sitam finem  
 incolumitatis corrumpere, permovit eos, ut, coërcita  
 potandi lubidine, castra ponerentur. Jam et Parthi  
 ex more recesserant, quum iterum Mithridates adfuit,  
 post modicam quietem properari iubens ad proximum  
 trajiciendum amnem: nec longius Parthos sequuturos.  
 Contra Antonius aurea illi vasa quamplurima dono mi-  
 sit: ex quibus ille, quotquot occultare veste poterat,  
 secum abstulit.

*Antonii de-  
 speratio.*

XXII. Ceterum iter ejus diei quietum fuit: sed  
 nox insequens terrorem habuit maximum, ipsis mili-  
 tibus auctoribus, qui passim occidebant spoliabantque  
 eos, penes quos aurum et argentum esse sciebant:  
 diripiebantque pecunias Antonii, et argentum ejus  
 factum concidebant dolabris. Tum vero, correptus  
 ultima desperatione, qui hostium eam irruptionem esse  
 crediderat, Rhamnum libertum suum, qui fuerat gla-  
 diator, jurare coëgit, confestim moriem illaturum, ubi

Cap. XXI. Flor. Plut. Cap. XXII. Flor. Plut.

*jussus esset; ablaturumque caput: ne aut vivus perveniret in potestatem hostium, aut mortuus agnosceretur. Inter haec amicis complorantibus, dux itineris, suaviorum et humidiorum auram sentiens, haud procul abesse miseriarum finem docuit, flumine vicino: simul adlatum est, tumultum e militari licentia natum esse. Igitur ad hunc cohibendum castrorum metationis dari signum jussit.*

U. c. 716.  
A. C. 36.

XXIII. Dum tentoria figuntur, simul cum oriente die Parthi adfuerunt. Idcirco, sicut fuerat superioribus diebus factum, iterum testudine se Romanus texit, donec vis major praeterisset. Tum iter et pugnam continuando primum agmen fluvium adtigit: objectisque ad arcendum hostem equitibus, quod vulneribus aut morbo debile erat in exercitu, trajectum est. Ibi demum, remissis arcuum nervis, quieverunt Parthi, adclamante quodam ex ducibus: *Ite, et bene valete, Romani: merito virtutem vestram in coelum effert fama, qui Parthorum tela incolumes sustinuis- tis.* Sed illi, promissis hostium minime fidentes, otio laeti, transmiserunt universi, curatisque jam ex commodo corporibus, reliquum ad Araxem iter die sexto peregerunt.

*Parthi do-  
sinunt per-  
sequi Roma-  
nos,*

XXIV. Eo loco postremum timuerunt, sparso rumore Parthos insidiari vorticosum et profundum amorem transitoris. Sed vanus ille timor fuit: transgressique sine noxa, quum tandem in pacatiora venisse intelligerent, prae gaudio procidentes osculabantur amicum Armeniae solum, et in mutuos complexus ruebant cum lacrimis: tamquam erepti ex inferorum faucibus, vitaeque redditi. Nam profecto miserrimus hic et patientissimus exercitus longo tempore aerumnas incredibiles pertulerat; per ignotas regiones, et hostilia omnia, viginti et uno diebus trecenta circiter millia passuum fugiendo emensus.

*Salute in-  
sperata lac-  
tissimos.*

XXV. Inter haec fames etiam incubuerat, crebris proeliis impredientibus frumentationem, et inopia jumentorum, quorum pleraque variis modis interierant, reliqua sauciorum corporibus et sarcinis onerabantur. Reperio choenicem frumenti venisse denariis quinquaginta: panes hordeaceos pari pondere argenti fuisse permutatos. Et per se satis grande malum fa-

Cap. XXIII. Flor. Plut. Cap. XXIV. Liv. Epit. Cap. XXV. Oros. 6, 19. Plut.

U: c. 1716. *mes erat, et aliorum causa. quippe, plerosque ad*  
 A2C339. *nefandos cibos adigente necessitate, radices herbae-*  
*que vellebantur, nullo salubrium noxiorumque discrimi-*  
*ne. Sed eminebat una pestis, quae in cibo sumpta*  
*mirum insaniae genus, et ex eo mortem inferebat.*  
*Inde qui gustassent, omnium aliorum immemores,*  
*vertendis lapidibus, tamquam re maxime seria, oc-*  
*cupabantur: donec, transmissio veneno ad vitalia, bi-*  
*lem evomentes conciderent. Et didicerant quidem,*  
*adversus hanc aegritudinem vinum esse remedio: sed*  
*illud quoque jam defecerat.*

*Molestissi-* XXVI. Super haec instabant vi ac dolis barbari,  
*um iter,* praecoccupantes angustos transitus, fossis et operibus  
 obstruentes viam, aqua pabuloque prohibentes. quod  
 si forte per commodiorem aliquem locum processurum  
 agmen videbatur, spargebant Parthi famam, ibi ma-  
 ximum esse periculum ab insidiis: subornatis, qui per  
 speciem benevolentiae monerent loca peti, veris pe-  
 riculis minime caritura. Jam et perfugere quidam  
 tot incommodorum taedio tentaverant: et, nisi Par-  
 thorum sagittis in conspectu ceterorum cooperti fuis-  
 sent, periculum erat, ne plerique sequerentur. Id-  
 circo saepius exclamasse Antonium ferunt, *o decem*  
*millia!* Graecos adsignificantem, qui, duce Xenophon-  
 te, longius iter, et a pluribus infestati confecerant.  
 Perisse dicuntur militum viginti millia, quatuor equi-  
 tum: calonum pars ferme tertia: impedimentorum  
 prope nihil superfluit.

*Summa a-* XXVII. Ceteros etiam, quum se jam omni mole-  
*nimorum* stia defunctos crederent, haud multo leviora priori-  
*adfectione.* bus mala exceperunt. primum ex longa inopia cibis  
 potusque immoderate sumptus concitavit atroces mor-  
 bos, ut multi colicis doloribus et hydrope exstingue-  
 rentur. Deinde tempestatibus amissa sunt octo circi-  
 ter hominum millia, dum ex ardoribus Armeniae Cap-  
 padocum frigora succedunt, et ex subita mutatione  
 coeli corpora, olim variis debilitata modis, concipi-  
 unt morbos. Ferunt, Antonium adeo tulisse haec  
 aegre, ut vetuerit referri ad se pereuntium nume-  
 rum, quum mederi, qua voluisset ratione, non posset;  
 qua potuisset, nollet.

Cap. XXV. Oros. Plut. Cap. XXVI. Dio. Oros. Dio.  
 Plut. Vell. 2, 83. Cap. XXVII. Plut. Liv. Epit. Plut. Flor.  
 Dio.

XXVIII. Quippe in Syriam, atque inde Aegyptum properans, ut apud Cleopatram hiemaret, neque hiberna habere in Armenia voluit, nec cum eo rege bellum: multis instigantibus, ne perfidiam hominis inultam pateretur. Nec enim dubitabatur, quin ille victoriam Parthicam corrupisset: quando inter proficiscendum profligaverant hostem decies octies, sed levi cedentium damno, quos propter velocitatem eorum adsequi Romani non potuerant. quod si Armenii equites, adsueta Parthico hosti, neque celeritate impares, adfuissent, ingens periculum Parthis incubuerat, ne, propulsantibus Romanis, persequentibus Armeniis, grandi aliquo infortunio mactarentur. Sed Antonius, in alia tempora vindictam differens, pecuniam et commeatum ab rege, tamquam socio et amico, adcepit: neque prodicionem exprobrando, neque ullis aliis in rebus priorum temporum praetermissa aut imminuta comitate.

U. c. 716.  
A. C. 36.  
*Antonius,  
ad Cleopatra  
propere  
rans,*

XXIX. Ex Armenia, licet jam adulta hiems esset, per continuas nives Cappadociam raptim transiens, Antiochiam pervenit: nec ibi commoratus, cum paucis ad mare descendit, et in castello quodam inter Berytum et Sydonem (*sic* *album* vocabant) Cleopatram exspectavit; saepe a poculis, quibus intemperanter delectabatur, exsiliens, ut specularetur adventum ejus. Postquam illa adfuit, vestem et pecuniam exercitui divisit, quinque et triginta denarios singulis, tamquam adlatum a Cleopatra donativum. Sed alii vestem a regina suppeditatam ajunt, pecuniam negant: ceterum illius nomine distributam, ab imperatore profectam esse. Hic expeditionis Antonianae exitus quum Romae non ignoraretur, et fama nunciante veritatem, et diligenter explorante cuncta Caesar; tamen supplicationes in urbe, tamquam bene gesta republica, fuerunt. Quippe Marcus, occultatis claudibus, tantummodo, si qua erant paullo meliora, inflatius perscripserat: quod vivus e tantis periculis evasisset, victoriam vocans. Et supersedebat arguere Caesar, durante adhuc Sexti bello: dein ratus fore, ut Antonius sua sibi vecordia malum arcesceret.

*Per conti-  
nuas nives  
Cappadoci-  
am transit.*

Cap. XXVIII. Flor. Liv. Epit. Plut. Dio. Plut. Cap.  
XXIX. Dio. Flor. Plut. Oros. Plut. Dio, et Plut. Dio. Vell.  
Flor. Dio.

U. c. 716. XXX. Nec deerant, quae domi curarentur, ubi  
 A. C. 36. quotidie multa ex antiquo more mutabantur, nam ne-  
*Romae mul-* que sediles ullos iste annus habuit; quod civilibus  
*ta mutantur.* bellis adtritae multorum facultates insania ludorum  
 sumptibus terrebant petitueros: neque praefectus ur-  
 bis feriarum causa fuit. Sed illorum partibus prae-  
 tores et tribuni plebis functi sunt; hujus, delecti qui-  
 dam e collegio praetorum. Reliqua negotia publica  
 tum in urbe, tum per universam Italiam, illo et se-  
 quentibus aliquammultis annis, C. Cilnius Maecenas  
 eques Romanus administravit.

*Cn. Domitii* XXXI. Eodem anno Cn. Domitius triumphavit ob  
*triumphus* res in Hispania gestas, ante diem decimum sextum  
*ex Hispania.* Kalendas Sextiles. Hic aurum coronarium, non ab  
 aliis quam Hispaniae civitatibus adceptum, partim in-  
 struendo triumpho insumpsit; reliquum contulit ad  
 refectionem Palatii. Ejusdem operis ornamentis et  
 mutuo sumptas ad triumphum a Caesare tabulas et sta-  
 tuas immiscuit; repetentique Caesari facete respon-  
 dit, *mitteret ipse, et juberet tolli: sibi enim ad hoc ministe-*  
*rium deesse famulos.* Et Caesar, ne res dedicatas Diis  
 auferre videretur, adquevit. Huic victoriae deberi  
 rationem apud Hispanos computandi tempora, quam  
*Aeram* vocant, viri docti non male existimant; victa  
 gente Romanis ritibus paullatim mutante patrios: quem-  
 admodum et paullo post, Antonio superato, Aegyptii  
 Julianum annum receperunt.

---

Cap. XXXI. Facti Capit. Dio, l. 48. Uffer. Ann. a. C. 38.  
 Id. ibid. a. C. 38.

---

## E P I T O M E

### LIBRI CENTESIMI TRIGESIMI PRIMI.

*Sex. Pompejus, quum in fidem M. Antonii veniret, bellum adversus eum in Asia moliens, oppressus a legatis ejus, occisus est. Caesar seditionem veteranorum, cum magna pernicië motam, inhibuit: Iapydas, et Dalmatas, et Pannonios subegit. Antonius Artavasdem, Armeniæ regem, fide data perductum, in vincula conjici jussit, regnumque Armeniæ filio suo, ex Cleopatra nato, dedit; quam uxoris loco, jam pridem captus amore ejus, habere coöperat.*

*Quum in fidem M. Antonii veniret] Lege venisset. J. FR. GRONOV.*

*A legatis ejus oppressus est] Vet. lib. oppressus a legatis ejus, occisus est. SIG. Similiter omnes codd. mei, Exc. Pithoei, et ed. Camp. Mox cum magno provinciae motu inhibuit Boend. motum, pro motam, Berg. totum Leid.*

*Iapidas, et Dalmatas, et Pannonios subegit] Iapigas Leid. Voff. Berg. Lov. 1. Exc. Pithoei, et edd. Camp. Rom. anni 1472. ac Parm. Sed per vocalem Græcam Iapydas legendum esse, supra dixi ad 43, 5, 3. Tum vocula et priori loco exsulat ab Exc. Pithoei, Norv. et edd. usque ad Gruterum; qui, consentientibus scriptis*

*meis, et ed. Campani, recte addidit. Vide ad Epit. 46.*

*Artavasdem, Armeniæ regem Artundem Leid. Lov. 2. et Exc. Pithoei. Arunidem Voff. Archana-dem Berg. Boend. et ed. Camp. Artimiridem, vel Artiniridem Norv. et edd. vett. pro quo Froben. 1535. Artavasdem reposuit. Certe Plutarcho in Anton. 932. et Dioni Cass. 49, 407. Ἀρταβασδῆς. Appiano in Parth. 158. 159. et 168. Ἀρταβασῆς dicitur. Forte vero legendum Artavasden. Nam Ἀρταβασδῆν dixit Dio Cass. l. laud. Artabanden Oros. 6, 19. Pro quo forte legendum Artavasden. Freculph. tamen part. 1. lib. 7, 15. Arthabanem appellat Mox in vincula coram jussit Voff. in vincula comitti jussit ed. Rom. anni 1472.*



# JOHANNIS FREINSHEMII

## SUPPLEMENTORUM LIVIANORUM LIBER XCVI.

### IN LOCUM LIBRI CXXXI. T. LIVII.

U. c. 717. I. Quum deinde L. Cornificius L. F. Sex. Pompejus  
A. C. 35. Sex. F. anno darent nomina, novam in spem oppri-  
L. Corni- mendi Parthorum regis Antonius venit: quod Pole-  
ficio, Sex. mon, Zenonis Laodicensi oratoris filius, quem, Cili-  
Pompejo cia Pontique parte adtributa, regem adpellaverat,  
Coss. venerat Alexandriam, a Medo se mitti dictitans, cui male

*Mediae rex, cum Parthis conveniret, ob praedam inique divisam, et inde Partho dis- orta jurgia, ex quibus in amittendi regni timorem Medus in- cidisset.*

Is igitur Antonium exciri jusserat, omnes opes suas in belli societatem offerens. Idque facere tanto cupidius credebatur, ut Armeniae regem ulcisceretur, iratumque ei Antonium adtraheret, a quo contra se quoque nuper adductos eosdem Romanos dolebat.

*Antonio re- novandi bel- li cupidita- tem injicit.*

II. Igitur Antonius, nihil addubitans victoriam suam fore, si Medorum sagittariis et equitibus, quae superiore bello sola ipsi praesidia defuerant, adjuvaretur, novam expeditionem parabat, ut, ad Araxem fluvium Medo conjunctus, impetum in Parthorum regionem faceret. Interim, ut Artavasdem Armenium dolo caperet, evocavit eum, quasi de rationibus suscepti belli deliberaturus. Sed illi fraus suboluit, nec se commisit Antonio. quapropter hic, dissimulata ira, sub specie belli Parthici oppressurus imparatam Armeniam, ex Aegypto movit.

*Sex. Pom- pejus, Mity- lenen fuga, delatus.*

III. Interim et Sex. Pompejus hoc maxime modo calamitatibus bellisque suis finem imposuit. Quum, Messanae suorum fidei diffusus, per altum vela facturum dixisset, extincto navis praetoriae lumine, oram Ita-

Cap. I. Dio, l. 49. Strabo, l. 12. pp. 578. et 556. Appian. Civil. l. 5. p. 715. Dio. Plut. Anton. Appian. Parth. et Dio. Cap. II. Dio. Cap. III. Dio. l. 49. p. 270.

Italiae legit: spoliatoque obiter Junonis Lacinae fano, Corcyram atque Cephalleniam advectus, in quosdam suorum, forte vi tempestatis eodem ejectos, incidit. Nec tamen adsumpsit omnes; sed, exposito periculo, si pauciores, quam ut se defendere, plures, quam ut latere possent, simul incederent, plerosque aliam alibi aequiorem quaerere fortunam coëgit. cum ceteris Mitylenaeorum portum tenuit, qua in civitate bello civili pater Pompejus hunc puerum adhuc cum noverca Cornelia deposuerat: et, Lesbiiis eum ob patris memoriam cupide recipientibus, hiemem ibi exigere statuit, quod Antonius, ad quem ibat, in Mediam processisse nunciabatur. Sed, postquam, praefectum Asiae C. Furnium sibi parum amicum expertus, Antonii improperam fuisse Parthicam expeditionem didicit, in spem adductus est, si quidem perisset Antonius, in ejus se potentiam succedere posse: sin superesset, saltem in imperii venire societatem. Duabus praeterea rebus animus ei augebatur: recenti memoria Labieni, qui Asiam omnem celeriter subegerat; et quod ad eum quotidie multi confluebant ex Sicilia et aliis provinciis.

U. c. 717.  
A. C. 35.

IV. Igitur, imperatorio habitu resumpto, ad occupandam continentem oppositam se adcingebat; missis interim Alexandriam legatis, Antonio societatem et amicitiam offerens: quum paullo ante jubenti arma ponere Antonio, et sic promittenti veniam, dicto audientem fore rescripsisset. Tum vero speculandi causa suos per speciem legationis misit; et eodem tempore legatos in Thraciam Pontumque; legatos ad Parthorum regem, eo se recipere cogitans, hac spe, futurum ut Romanus, et Pompejus, exercitui Parthico dux, ut modo Labienus, praeficeretur. Nec omittebat augere classem, exercere remiges; quoties argueretur, praetextens a Caesare metum, aut Antonio parari ista dictitans.

*Imperatorium habitum resumit.*

V. Legatorum Pompeji talis ad Antonium oratio fuisse traditur. *Missi sumus a Pompejo, qui, fortuna iniquiore coactus relinquere Siciliam, ad tuam dexteram confugit, non quasi deesset, quo se reciperet, sed quia magnitudinem animi tui fidemque et simplicitatem morum, multis experientis cognitam, semper probavit. Nec enim longinquus*

*Legatorum ejus ad Antonium oratio.*

Cap. III. Flor. 4, 8. Dio. Appian. Civil. l. 5. p. 747. Dio. Appian. et Dio. Cap. IV. Dio. Appian. Dio. Appian. Supplem. Liv. Tom. XIV.

O o

**U. o. 717.** erat aut difficilis in Hispaniam cursus, quae patrem ejus, quae  
**A. C. 35.** fratrem constantissime dilexeras; quae protexis ipsum post cladem fra-  
 tris, rerum omnium inopem; quae mox adjuvit eni-  
 xissime, et, quam semper exhibuit, nunc quoque pollicetur  
 operam. Ceterum ille sic est adfectus animo, ut tuam fortu-  
 nam atque adeo voluntatem sequi malit: rectum, si pax placet,  
 quiscere; tecum, si bellum anteponis, adire pericula postules.  
 Neque vero recens hunc induit animum. jam olim, quum Si-  
 ciliam adhuc firmiter obtineret, Italiam popularetur, amici-  
 tiam tuam ambiit, matre quoque tua, quam servatam ad te  
 misit, pararia pacis atque societatis usus.

*Incitant  
 cum in Caesarem.*

**VI.** Atque utinam eadem tibi mens fuisset! utriusque res  
 longe nunc haberent commodius: neque Pompejus expulsus Si-  
 cilia foret, neque tu adversum Paribos expeditione irrita re-  
 que et exercitum fatigavisses. Nam sine tua classe nihil ad-  
 versus Pompejum Caesar potuisset; nec adversus te Paribi, si  
 fuisses adjutus bis copiis, quas tibi Caesar promiserat. Sed  
 praeterita, quoniam mutari nequeunt, ne vituperemus: docu-  
 mentum potius inde sumamus ad ea, quae sunt in manibus.  
 Ecce nunc iterum eadem illa Pompejus monet, quae utinam il-  
 lo tempore ad animum admisisses! Toties decipius, tot adpe-  
 ritus insidiis, aliquando dispar tuo Caesaris ingenium, artes  
 diffimillimas agnosce. Ita neque simulatis foederibus ejus,  
 neque subdola adfinitate capieris.

*Ut unum  
 imperare  
 cupientem  
 omnibus.*

**VII.** Nam ab hoc quidem homine fidum pacatumque nihil  
 expectaveris. simul ipsi vires placebunt suae, frustra tot ami-  
 citiae vincula jactabis: infestus implacabilisque fiet. Ecquid  
 enim Pompeji fortuna mentem aperire Caesaris potuit; quem  
 sine causa bello petivit, neglecto foedere? ecquid Lepidi;  
 quem, potestatis et victoriae socium, imperio et dignitate spo-  
 liavit? idque te inconsulto, citra cujus adsensum tantarum  
 rerum nihil oportebat geri: te fraudato praemiis utriusque  
 victoriae, quem decebat commodorum omnium participem con-  
 sortemque haberi. Sed ille unus imperare omnibus, unus ob-  
 tinere, quidquid tot seculis rei Romanae partum est, postu-  
 lat. Ideoque, submotis jam ceteris hominibus, qui resistere  
 ambitioni ejus poterant, te propediem, ne dubita, petiturus  
 est, qui nunc cupiditatibus illius unus obstat.

*Summa  
 orationis.*

**VIII.** Haec quidem te quoque clare perspicueque videre  
 existimat; sed tamen a se etiam moneri voluit, quo duo haec  
 penitus intelligeres: primum, neque moleste Pompejum ferre,  
 quod naves Caesari praebuisi, cujus ad bellum Paribicum ti-  
 bi necessaria tum videbatur amicitia: alterum, spem esse Pom-  
 pejo permagnam, te, considerata fraude Caesaris, et perpetuo  
 consiliorum ejus senore, damnisque et periculis Paribici belli,

quorum ille non mittendo promissos exercitus maxima causa exstis, non esse commissurum, ut diutius injuria tuae vindictam, amicis solatium, inimico ludibrium debeas. Denique, ut compendio Pompeji mentem omnem edisseramus, sic babe: Sextus cum tota classe, fidelissimisque copiis, quae ne adversa quidem fortuna usum reliquerunt, in tuam se fidem tradit. Tu vero, si quietae res manebunt, insigne pacis ornamentum habebis, servatum Magni Pompeji filium: si turbabuntur, juvenis acer, industrius, invisus infestusque Caesari, tot una adductis navibus, tot fortissimis viris, minime poenitenda parvium tuarum erit adcessio.

IX. Antonius ad haec respondit, se mandasse M. Ticio, ut cum parte Syriacarum navium militumque descenderet in Asiam, Sextumque, si se armis tueretur, invaderet; sin vero, honorifice ad se deduceret. Jam igitur in manu Pompeji esse, utram experiri forte malis.

X. Haec quum maxime agerent, adducti sunt, quos in Parthos Sextus miserat, ostensaque legatis, excusantibus tempora juvenis in maximas angustias conjecti. nec indignari Antonium debere, si ille dubitatione quadam, ne plus apud Antonium veteres offensae, quam preces suae, valerent, ad barbaros respexisset. omnem certe eam cogitationem, quemadmodum sit ex desperatione nata, ita, simul cognoverit ab Antonio se recipi, in nihilum abituram. Et satisfieri sibi passus est Antonius, placabilis ingenio, neque suspicionum tenax.

XI. At Sextus, audito, contra se Titium mitti, quem ob defectionem a suis partibus oderat; Ahenobarbum in suam redigere potestatem conatus est, eo pignore suam salutem in tuto fore ratus. Cajus enim Furnius, Antonii nomine Asiam obtinens, adpellentem eo Pompejum arcere insuper habuerat, neque satis ad hoc validus, neque comperta dum Antonii voluntate. Sed, ubi eum bello se parare animadvertit, provincialium habito delectu, Domitium quoque Ahenobarbum advovit, propinqui exercitus ducem, cum rege Amynta. Et convenerant illi, quum amicorum quidam Ahenobarbi Curius prodere illum Pompejo conatus est: sed proditus ipse convictusque, de consilii sententia poenas dedit. Pompejus, interfecto suo liberto Theodoro, quem, unum arcani ejus conscium, indicasse rem rebatur, abjecit de cetero inutile fallen-

Cap. VIII. Liv. Epit. Cap. IX. Dio. Appian. Oros. 6, 19. Appian. Cap. XI. Dio. Appian.

U. c. 717. di consilium, et, proditione Lampsaco potitus, ma-  
 A. C. 85. gnis stipendiis invitavit Italici generis homines, quos  
 eo C. Caesar dictator in coloniam deduxerat. Jamque  
 sub signis trium legionum instar habebat, cum equi-  
 tibus ducentis. His copiis subito comparuit Cyzici,  
 oppidum commodissimo situ proditione recepturus.  
 Sed repulsus a militibus, qui custodiae gladiatorum,  
 quos forte ibi habebat Antonius, erant additi, por-  
 tum Achaeorum repetiit.

*Furnium  
 castris amisit.*

XII. Venit eodem et Furnius, semper observans  
 eum, ne quam urbem occuparet, et frumentationem  
 impediens. Hunc, quoniam adlicere Pompejus ad  
 pugnandum nequiverat, in castris suis adortus, misit  
 aliam manum, quae sibi resistentem a Quaestoria por-  
 ta invaderet. Et successit dolus: irrupentibus Pom-  
 pejanis a tergo, coactus castra relinquere Furnius nul-  
 tos milites amisit. Per Scamandrios enim campos im-  
 bribus madentes perquam impedita fuga fuerat.

*Equites I-  
 talicos cor-  
 rumpere co-  
 natus.*

XIII. Hujus victoriae fama Sexto multorum conci-  
 liabat animos, et ex Furnii auxiliis pars magna, ege-  
 ni tributisque exhausti homines, gaudebant stipendia  
 facere sub Sexto, qui pecuniosus et liberalis habeba-  
 tur. Satis jam belle procedere cetera videbantur:  
 sed equitatus deerat. Igitur, comperto, alam equi-  
 tum Italicorum ad Antonium pergere, quam Athenis  
 Octavia miserat, ablegavit ad eos corruptores cum  
 auro: sed deprehensi sunt ab his, qui sub Antonio  
 Macedoniae praeerant, aurumque inter equites proditi-  
 onem abhorrentes distributum.

*Ab amicis  
 desertitur.*

XIV. Interim Sextus, Nicaea atque Nicomedia,  
 praeclaris Bithyniae urbibus, occupatis, pecunias col-  
 ligebat, invalido ad prohibendum Furnio, qui propin-  
 quis locis castra muniverat: donec ei primum adve-  
 nerunt e Sicilia naves septuaginta, reliquiae classis,  
 quam Antonius Caesari commodaverat; neque multo  
 post cum aliis centum et viginti e Syria Titius adfuit.  
 His ad Proconnesum adpulsis, Sextus classe despe-  
 rans incendit naves, quas gravioribus sarcinis onera-  
 verat; remigesque ad pedestrem militiam transtulit:  
 ne tum quidem consilio bellandi deposito. Quapro-  
 pter amicorum ejus principes Cassius Parmensis, Na-  
 sidius, Saturninus, Thermus, Antistius, ceterique,  
 et praecipuo apud eum honore habitus Fannius, po-

Cap. XIV. Dio. Appian. Dio. Appian.

firemo socer ipse Scribonius Libo, pacta salute, ad Antonianos duces transierunt. Ille destitutus, castris nocte relictis, in mediterranea Bithyniae contendit, Armeniam, ut existimatum est, petens.

U. e. 717.  
A. C. 35.

XV. Luce reddita, Titius Furniusque et cum his Amyntas, persecuti fugientem, circa vesperam adtigerunt: et, quia omnes pariter ab nocturno proelio abhorrebant, castra utrimque sunt posita. Tum quoque consilium audax Pompejo susceptum fuit, nec futurum inutile, si tam urgendis coeptis pertinax, quam ad tentandum promptus, fuisset. Tribus enim cetratorum immissis millibus, hostes castris expulerat, poteratque fortassis absolvere victoriam, si fuis fugatisque insisteret. Sed ille, contentus aliquid praeripuisse itineris, brevem ejus laetitiae inanemque fructum sensit. Mox enim collectis viribus hostes insequuti, carpendo extremum agmen, confirmando provinciales, frumentum, aquam, pabulum eripiendo, in eas angustias redegerunt hominem, ut spretas antea conditiones repetere cogeretur.

*Fugiens  
cum persequutoribus  
pugnans.*

XVI. Demum circa Midaeum, haud incelebre Phrygiae majoris oppidum, colloquium Furnii expoposcit, quem, ut paternum amicum, et majoris dignitatis, Titio praeferebat. Quum utrimque ad ripas amnis Sangarii adcessissent, Pompejus ostendit, se, legatis ad Antonium missis, quum interim alimentis egeret, nemine praebente, haec ad consilia prolapsum. ceterum petere, ut ad Antonium deducatur, nec alteri, quam Furnio, cogatur se credere. Furnius ad haec: siquidem ipsi pacis studium cordi fuisset, aut statim ad Antonium proficisci, aut Mitylenis responsum ejus opperiri debuisse. id quoniam esset praetermissum, suadere se, ut veniat in fidem Titii, cui negotium istud permissum sit ab Antonio: neque duces ejusdem imperatoris tenet inter se committere.

*Colloquium  
Furnii expoposcit.*

XVII. Parum haec placebant Pompejo, qui Titium, a se aliquando servatum, pro ingrato aversaretur. neque honorificum putabat, in potestatem hominis non nobilissimi se transdere, neque tutum: ne forte sive pro moribus suis, sive propter veterem aliquam offensam, fidei Titius vindictam anteponeret. Igitur iterum dedit se Furnio, aut, hoc abnuente, saltem Amyntae. ceterum, reponente Furnio, nihil aut se facturum, aut Amyntam, quod esset conjunctum cum illius in-

*Iterum  
fugiens,*

Cap. XV. Oros. Appian. Cap. XVI. Dio. Appian.

U. c. 717. *juria, cui mandatorum suorum exsequutionem Antonius commisisset, colloquium solutum est. Sequenti nocte, quum minime dubitaretur, quin venturus qualibet conditione in fidem Sextus esset, relictis ille per castra ignibus, et tubicinibus ad significandas ex more vigiliis, cum expeditis profectus est; ne sociis quidem itineris indicans, quo ducerentur. Habebat autem in animo, redire ad mare, et incustoditam Titii classem incendere. Sed profugiens ab eo Scaurus, quamquam consilii ignarus, iter prodidit: insequutusque cum mille quingentis equitibus Amyntas, equitatu carentem celeriter apprehendit.*

*Capitur et interficitur.* XVIII. - Hujus ad conspectum, clam palamque deserte Pompejo, transierunt ejus milites: illumque, jam omnes metuentem, dedere se in manum Amyntae sine conditione coëgit necessitas, qui conditiones Titii respuerat. Titius, adactis ad sacramentum Antonii Pompejanis, ipsum in custodia habuit, donec imperatoris mandata venissent. Sed Antonius, his rebus auditis, primo irae impetu scripserat, ut interficeretur: mox, ductus poenitentia, servari jussit incolumem. At forte fortuna interitum ferentes literae posterius advenerunt. Idcirco Titius, sive recentiores has esse credens, sive propter veterem offensam simulans, jugulavit eum Mileti, aetatis ejus anno quadragesimo. Quidam non ab Antonio, sed a Planco, missas literas crediderunt, qui sit solitus in gravioris momenti negotiis uti Antonii annulo, nomenque ejus subscribere. causam autem occidendi Sexti, sive Antonio, sive Planco, fuisse magnitudinem Pompejani nominis, et metum, ne paternae fraternaeque amicitiae Cleopatra memor hunc aliquando praeferre Antonio inciperet; neve Caesar hostem suum recipi causaretur.

*Caesaris  
laetitia ex  
morte Pom-  
peji.*

XIX. His rebus in urbem nunciatis, Caesar ob mortem Pompeji Circenses exhibuit, et Antonio curam pro rostris, et in delubro Concordiae statuas posuit: decernendumque curavit, ut Antonio cum conjugē et liberis ibidem epulandi jus esset. Quales ipsi quoque Caesari adtributi honores erant. Adhuc enim pro amico se gerebat, literisque consolatus est eum de

---

Cap. XVIII. Dio. Vell. 2, 79. et 87. Appian. Flor. Oros. Strabo, l. 3. p. 141. Liv. Epit. Appian. Supra, l. 126, 10. Cap. XIX. Appian. Dio.

clade Parthioa, suam sortem comparans, cui, ex invidia propter victoriam et honores ea causa decretos, propemodum plus molestiae, quam ex ipso bello, exstitisset.

U. c. 717.  
A. C. 35.

XX. Ipse deinde in Siciliam profectus est, inde petiturus Africam, ubi turbas quasdam enatas esse dicerat. Sed, aliquamdiu tempestate detentus, neque tunc neque postea provinciam illam adiit: mutataque sententia, et Statilio Tauro permissis Africae rebus, in Illyricum praevertit, ubi cum Liburnis lapodes, et sub idem tempus in Alpibus Salassi Tauriscique tumultuabantur, jam a superioris Caesaris temporibus inquieti.

*Expeditio  
in Illyricum*

XXI. Sed hoc bellum adparantem ingens veteranorum seditio tenuit, ex eo genere, quos in Sicilia dimissos fuisse praediximus. Nulla se dum adcepisse praemia querebantur: utque haec vel novis laboribus mererentur, iterum adigi sacramento petebant. Hos igitur Caesar, ne permixti alios etiam seditiosos redderent, seorsim habere sub signis instituit. Hoc ipsum incitamento illis fuit, ut acrius moverentur; multisque et diversis artibus ad coercendum opus esset. Nam initio paucos eorum, qui plurima habebant stipendia, circum Galliae colonias distribuit: futuram ratus, ut ceteri, spe paullo post adipiscendi eadem, quiescerent. Ubi ne sic quidem consederunt animi, correptos quosdam ex seditiosissimis adfici supplicio iussit; terrore quaesiturus obsequium, quod provocare per lenitatem nequivisset. Tum vero palam frementes, per simulationem concionis habendae, legionibus circumfudit, armisque adeptis cum ignominia omnes dimisit. Hoc demum facto invictum Caesaris animum, suamque imbecillitatem veris indiciis aestimantes, seria poenitentia exoraverunt imperatorem, ut milites fieri pateretur. Atque ille, mitigatus precibus, et opus habens exercitu, praetereaue subveritus, ne ad Antonium occasione data se conferrent, haud gravatim adnuit: semperque postea militum eorum forti fidelique opera usus est.

*Seditio militum compressa.*

XXII. Duodetricesimum aetatis annum Caesar tum agebat, laetus successibus, et ubique propter extin-

*Caesar lapodos adgrasatur.*

Cap. XX. Sueton. Aug. 47. Dio. Pigh. Ann. 718. et 719. Dio. Oros. Liv. Epit. Cap. XXI. Appian. Civil. l. 5. et Illyr. Liv. Epit. Dio. Sueton. Aug. 24. Dio. Cap. XXII. Appian. Civil. l. 5.



U. c. 717. cta bella magnis cultus honoribus. nam et passim a  
A. C. 35. civitatibus inter tutelares Deos habebatur. Eo impa-  
tientius ferens, non alibi modo, sed in ipsa Italia,  
laceffi pacem; dimissis adversus alias gentes ducibus,  
ipse statuit Iapydas adgredi, bellicosissimos homines,  
adeoque firmis corporibus, ut laboribus vix sub ex-  
tremam aetatem cedant; et reperti sint, qui sub cen-  
tesimum vitae annum nulla militiae munia detrecta-  
rent. Hi Aquilejam usque excurrerant, etiam Terge-  
ste Romanam coloniam depraedati.

*Et in fidem  
adciptis.* XXIII. Sed Avendetae quidem cum iis, qui Mo-  
netium incolebant, quod hodie Croatiae oppidum est,  
haud procul Vanna flumine, adveniendi se dediderunt.  
in ceteris, praesertim qui montana incolebant, per-  
domandis plurimus labor fuit. Horum Arupini, vicis  
incensis, nemoribusque succisis, qua parte venturus  
Caesar credebatur, in oppidum se receperunt: dein-  
de, alias per silvas, abruptis torrentibus invias, iter  
molienti occurrentes, simulata fuga se subdixerunt,  
insidiis excepturi persequentem. Sed ille, praesen-  
tens dolum, clam praemisit expeditos, qui summa  
montium juga occuparent. cum ceteris copiis institu-  
to itinere suggrediens, dum excidit arbores, viaque  
munienda et fruendis pontibus iter aperit, ab holi-  
bus repente invaditur. Inter eam consternationem  
Caesar cunctanti adscendere in arduum militi scutum  
ademit, et, in primam aciem provolans, submovit  
hostem. Tum vero decurrentes ex superioribus lo-  
cis, qui ad hoc erant praemissi, magnum Iapodum nu-  
merum occiderunt. Igitur illi, relicto oppido, per  
silvas fuga dispersi, curam injecerunt Caesari, ne  
reperiri non possent; vetuitque incendi oppidum, hoc  
saltem pignore sperans adtracturum eos. Nec frustra  
consilium fuit. ut patrias sedes inque iis relicta reci-  
perent, in fidem venerunt.

*Metulum  
obsides.*

XXIV. Inde Metulum ductus exercitus, maximum  
ejus regionis oppidum, quod situ simul munitissimo,  
et egregia juventute defendebatur. In monte nemo-  
roso duos colles murorum ambitus occupabat, modi-  
ca intercedente valle. id spatium tria millia armato-

Cap. XXII. Dio. Strabo, l. 7. p. 214. Tibull, 4, 1. v. 113.  
Appian. Illyr. Cap. XXIII. Cluver. Ital. Ant. 1, 19. Ap-  
pian. Dio. Appian. Flor. 4, 12. Appian. Flor. Appian. Cap.  
XXIV. Dio. Appian.

rum, viribus animisque praestantium, tutabantur. Aggerem jacere Romanus instituerat. id opus nocturnis diurnisque eruptionibus impediabatur. neque subire muros tutum erat, quod machinas habebant barbari; relictas a D. Bruto, quo tempore circum ea loca congressus cum hoc Caesare et Antonio fuerat. Neque de aggere perfecto proderat discussisse moenia, quod interior subinde murus ab hoste ducebatur.

U. c. 717.  
A. C. 35.

XXV. At Caesar, occupato exteriori succensoque, *Ponte rupto ad novum murum binis aggeribus jactis, turres eriguntur.* unde quatuor simul pontes in moenia porrigerentur. Paratis omnibus, a diversa parte cieri tumultum jubet, ut a defensione loci, unde periculum struxerat, obsessi deducerentur. Quum successisset consilium, laeti Romani protrudere incipiunt pontes. sed, dum inter festinationem minus caute res administratur, labare machinae, pontesque unus super alium ruere coeperunt. Tribus ita perditis corruptisque, ne quarto quidem fidere quisquam audebat; quum adcurrentes Caesar, qui ex loco edito spectaverat omnia, postquam verbis nihil profectum est, exemplo incitaturus suos, protinus exsilit in pontem, praetento scuto moenia petens. Tum vero et Agrippa, et duo alii duces, cum uno armigero, provolant primi; tum horum imitatione milites ita certatim, ut prae multitudine pons ruptus in praeceps omnes effunderet, multis statim exanimatis, maleque multatis compluribus: in quibus et Caesar ipse fuit, crus dextrum et utrumque brachium sauciatus. Sed, animi firmitudine debilitatem membrorum sustinens, continuo iterum contendit in turrim, seque militibus et hosti monstravit, ne aut hic inani spe ferocior, aut illi segniores desperatione fierent.

XXVI. Sed et alium pontem aedificari protinus *Metulino. rum desperatione.* iussit, et multas insuper copias arcessi: eaque res Metulinos terruit, reputantes quam cum invicto res esset, ut, missis legatis, facturos imperata pollicerentur. Caesar obsides quingentos postulavit, utque praesidium acciperent: adductique sunt obsides, et praesidio recipiendo duarum arcium excelsior tradita. Sed ubi arma quoque tradere iussi sunt, conclusis in curiam uxoribus liberisque suis, praesidium Romanum

Cap. XXV. Flor. Plin. 7, 45. Dio. Sueton. Aug. 20. Appian. Cap. XXVI. Dio, et Appian.

U. c. 717. noctu interfecerunt: inde, curia incensa, ne hostium  
 A. C. 35. arbitrio morerentur, sibi consciverunt necem. Etiam  
 feminae pleraeque, liberis interemptis, aut in ignem  
 coniectis, eodem modo finierunt: et, incendium ne-  
 mine restingente, sic absumpsit aedificia omnia, ut  
 tanti modo oppidi vix vestigium ullum superesset. Cae-  
 sar ex laboriosissimo bello spolia nulla retulit: ne ca-  
 ptivis quidem abductis, quippe voluntaria morte con-  
 sumptis, qui comprehensi fuerant. Metulinorum ta-  
 men exitus ceteros lapodas ita exterruit, ut, damna-  
 ta spe armorum, in potestatem se traderent victoris.

*In Panno-  
 nios expedi-  
 tio.*

XXVII. Inde in Pannonios, et ipsos antea Romani  
 imperii exsortes, castra movit, nulla belli causa, nisi  
 quod ita commodum videbatur, exercere simul et ale-  
 re militem alienis impensis. Segestici tamen ob-  
 tendebantur; qui, semel iterumque Romanis armis  
 petiti magis, quam domiti, quum nec obsides dare,  
 nec aliud quidquam facere pro victis coacti essent,  
 ferocius agebant.

*Ejus popu-  
 li descriptio.*

XXVIII. Nam Pannoniorum regio ab Iapydia us-  
 que in Dardanos porrigitur, fluminibus et silvis im-  
 pedita. Coelum et solum, hodie satis clemens ac fe-  
 rax, tempore Dionis, qui regionibus his praefuit, a-  
 sperum atque immitte habebatur. Inde homines etiam,  
 ut solet, ferocissimos gignebat, caedisque et pugnandi  
 cupidos. Paeonas nonnulli Graecorum vocant: quo-  
 rum tamen prope Rhadopen montem, ubi Macedoniae  
 regiones ad mare pertinent, sedes fuit. Sed Panno-  
 nii et ab se ipsis, et ab Romanis dicebantur. Urbes  
 tum nullas habebant: neque vicis eorum et villis in-  
 juriā inferri Caesar patiebatur, quas in plano sitas  
 deseruerant; hac clementia sperans conciliaturum ani-  
 mos.

*Segestici  
 legatos mis-  
 tunt.*

XXIX. At illi, quum se recepissent in silvas, ad  
 Sisciam proficiscente Caesare, quae haud procul abest  
 Segestica, palantes ab agmine Romanos intercipiebant.  
 Ideirco Caesar per continuos octo dies, quibus ad Sa-  
 vum fluvium usque processit, omni clade vastavit eo-  
 rum agros, et aedificiis immisit ignem. Ubi Segesti-  
 cam perventum est, oppidum ad confluentes plurium

Cap. XXVI. Dio. Appian. et Dio. Liv. Epit. Cap. XXVII.  
 Nicol. Damasc. de Infir. Aug. Dio Appian. Cap. XXVIII.  
 Dio, et Appian. Cap. XXIX. Strabo, l. 7. p. 314. Dio, et  
 Appian. Strabo, l. 7. p. 313. et l. 4, 207.

amium, sed praecipue Colapis et Savi, quorum ille munimenta ipsa adluebat, legati ab oppidanis adfuerunt, ecquid venisset cum exercitu, quidque se facere vellet, quaesitum. Ille, praesidium ut acciperent, imperabat, obsidesque centum, cum certo frumenti modo. Neque distulerunt primores, adceptis conditionibus, obsides tradere.

U. c. 717.  
A. C. 35.

XXX. Sed ubi, conspectis militibus, qui ad praesidium ibidem agendum mittebantur, exhorrescere vulgus ad speciem praesentis servitutis coepit; dissensione inter oppidanos nata, portae clausae sunt, et in moenibus armati comparuerunt. Quando enim optimatum liberi obsides dati fuerant, discors populus horum periculo, quod ad se pertinere non putabat, nihil movebatur. Sed Caesar, qui opportunissimum bello Dacico locum quolibet pretio redigere in potestatem cupiebat, ponte facto, Savum transgressus, castris communitis, Segesticensis intra moenia coëgit. Et, quamquam inter flumen et urbem omne spatium fossis vallisque interseptum erat, improbo labore bini aggeres erecti sunt. Nec enim terra tantummodo res gerebatur, sed navibus etiam, quas, a sociis ad subvehendum exercitui commeatum paratas, adverso Istro subigi in Savum amnem, atque inde in Colapim iusserat.

*Inter se  
discordant.*

XXXI. Neque segniter se defendebant obsessi, saepius eruptione cum facibus in aggeres facta: armatis etiam lintribus proelia aliquot navalia fecerunt, in quibus praeter alios Menas etiam occisus est, qui a Sexto ad Caesarem semel iterumque transfugerat. Et habebant in vicinis Pannoniis fiduciam haud sine causa. gens enim praevalida erat, si unius imperio regerentur: poterantque ad bellum educere centum millia delectae juventutis. Sed sparsa in plures potentia nihil in commune consuli patiebatur. Una tantum natio copias suas subsidio misit: hisque profligatis, et obsessi se dediderunt, et reliqui mox Pannonum exemplum sequuti sunt.

*Adversus  
Caesarem  
Arenae se  
defendunt.*

XXXII. Caesar, tricesimo die post difficilem ob-  
sisionem recepta Segestica, sive virtutem admiratus  
hominum, sive precibus emollitus, clementer victoria  
usus est: imperataque pecunia, commigrare omnes  
in semotam oppidi partem iussit: ceteras adtri-

*Dedunt se  
Caesari.*

Cap. XXIX. Dio, et Appian.

U. o. 717. buit quinque et viginti cohortibus ibi collocatis, qui-  
A. C. 35. bus Fusius Geminus praefectus est. Reverso deinde  
in urbem Caesari triumphus decretus: quo commo-  
dius in tempus dilato, (nam ad cetera perdomanda  
redire in Illyricum statuerat) sorori uxoriue statuas  
decernendas curavit, atque rerum suarum administra-  
tionem liberam, parque tribunis jus, quo ab antiquo  
sacrosancti habebantur.

U. c. 718. XXXIII. His actis in Galliam est profectus eo con-  
A. C. 34. silio, ut ad patris exemplum bellum inferret Britan-  
M. Anto- niae: sed Pannonum et Dalmatarum motibus revoca-  
nio H. L. tus est, quum modo M. Antonius M. F. triumvir, L.  
Scribonio Scribonius Libo consulatum inissent. Fama enim atrox  
Coff. sparsa erat, relictam in Pannoniis copiam rebellione  
*Caesar in barbarorum esse deletam. idcirco nihil moratus hie-*  
*Dalmatas mem, quum praecipiti itinere eo pervenisset, audit*  
*arma versit. improvisa irruptione partem praesidii Segesticae de-*  
sideratam esse: ceterum postridie Geminum proelio  
victorem recuperasse et pacasse omnia.

*Stratego-* XXXIV. Versis ergo in Dalmatas armis, qui, post  
*mata cir-* signa quinque cohortium adempta Gabinio, numquam  
*cumventos* arma deposuerant, neque coërceri ab Agrippa potue-  
*opprimis.* rant. Priamonem duxit, quam Versus quidam nomine,  
Dalmatarum ductor, rursus occupatam vallo fossaque  
clauserat, occupatis et aliis circa locis, quae natura  
et situ inexpugnabilia videbantur. Regio enim mon-  
tosa omnis, frequentes ubique colles erigens, pinna-  
rum in speciem acuminatur. Supra millia duodecim  
erant, pugnacissimi homines: itaque et oppidum et  
hos colles dispositis opportune praesidiis retinebant.  
Caesar igitur, inaccessa loca videns, se circumvallare  
totum istum collium ambitum velle simulat. interim  
clam emittit idoneam manum, quae summos ad tumu-  
los reperire viam conetur. Ii homines, silvis occul-  
tati, stationes Dalmatarum somno languentes noctu in-  
vadunt, sternuntque; et, occupatis superioribus lo-  
cis, signum, quod convenerat, edunt. Idcirco, Cae-  
sare vim inferente, barbari, clamore desuper incur-  
rentium perterriti, aliis subinde aliisque collibus de-  
turbantur: pars, quae eminentissimos, sed aquarum  
inopes, insederat. obsidionem et sitim verita, cursu  
se recipit Priamonem.

Cap. XXXII. Dio. Appian. Dio. Cap. XXXIII. Dio, et  
Appian. Cap. XXXIV. Liv. Epit. Appian. Diq. Appian.

XXXV. Eodem et Caesar exercitum adduxit, opidoque cum duobus collibus proximis, qui adhuc ab hoste tenebantur, per spatium quinque ferme millium circumvallato, cum Teutino, alio duce Dalmatarum, obsessis succurrere auso, conflixit; duplici proelio geminam victoriam consequutus. Nam et obsessi eodem tempore eruptionem in opera nondum commissa fecerunt. Sed et hi, tertia suorum amissa parte, dum in oppidum refugiunt, aditum persequentibus Romanis aperuerunt. Oppido capto, Dalmatis, in arcem fuga delatis, opposita est cohors una, quae portas observaret. Ea, circa quartam vigiliam eruptione subita turbata, loco cessit: nec ultra profecerunt hostes, statim occurrente Caesare; et omni ope defecti postridie se dediderunt. At Caesar cohortem decimatam per eam deinceps aestatem bordeo pavit: ex centurionibus quintum quemque adfecit supplicio.

U. e. 718.  
A. C. 34.  
*Priamum capit.*

XXXVI. Hunc ad modum capta Priamone, Teutinum haud longe prosequuti victores. nam et fuga sparserat copias, et locorum fraudes timebantur: eo vehementius, quod inter duos arduos montes longa valhis insidias Caesari structas texerat, eodem loco, ubi et antea Gabinius vexatus fuerat. Idcirco Caesar, incensis circum villis, aperuit viam: deinde, per juga montium utrimque praemissa parte copiarum, quae decurrere quodocumque ad auxilium laborantium posset, cum cetero exercitu incescit per vallem, obvia quaeque diripiens, vicosque et oppida vastans incendio. Ceterum praeter Priamonem, etiam Ninia oppidum, et Sinotium duplex, (veteris ac novi cognominibus distinguebantur) et ipsa caput olim gentis Salona, conflagrarunt. Sed ad Setoviam, magna occurrente hostium manu, acriter pugnatum: et Caesar, dextrum genu lapide saucius, per aliquot dies aegrotavit.

*Salona et alia oppida incenduntur.*

XXXVII. Interea Salassi quoque sub imperium accepti: gens Inalpina, ingenioque et loci natura ferox. Idcirco et vectigalia poscebat a transeuntibus, et publicanis aquam vendebat ad aurarias. ipsi quoque Valerio Messallae, dum vicinis locis agebat, non nisi pretio accepto, ligna ad focum, et ad exercitationes

*Salassi rebellant.*

Cap. XXXV. Sueton. Aug. 24. Dio. Appian. Cap. XXXVI. Hirt. de B. Alex. c. 43. Appian. Strabo, l. 7. p. 315. Appian. Dio. Cap. XXXVII. Sueton. Aug. 20. Dio. Sueton. Aug. 22.

U. c. 718. A. C. 34. ulmea hastilia praebuerunt. Sane non ita pridem Antistius Vetus, adgressus necopinantes, quum, angustiis occupatis, continuo biennio eos obsedisset, salis maxime inopia fatigatos ad deditionem perpulerat. Sed, insidiati occasionibus, quum munimenta Romanorum expugnassent, omnem deinde Veteris conatum irrisui habuerunt. Sed et Caesaris aliquando pecunias diripuerunt; et, specie reficiendarum viarum atque pontium, e summis montium jugis in vallum Romanum saxa devolverunt.

*Sed a Mossalia demantur.*

XXXVIII. Sed tum quidem, ob L. Antonii bellum, Caesar, his indulta libertate, veniam praeteritorum dederat. At illi, temporum causa hoc factum suspicati, neque mansurum, ubi plus otii nactus Caesar esset, non omiserunt alias adsciscere civitates in societatem, et abnuentes hostiliter invadere. Tum igitur Valerio mandatum id bellum est: isque magno labore ad famem redactos in deditionem adcepit.

*Antonius Artavasdem dolo caput.*

XXXIX. Dum ita Caesar cum variis gentibus decertat, Antonius expeditionem denuo suscepit in Armeniam: initoque eodem die et posito consulatu, P. Sempronium Atratinum suffecit; unde quorundam analibus eo anno non Antonius, sed Atratinus, consul praescribitur. Ceterum, ut dolo Artavasdem caperet, viribus diffusus, amicitiae specie offensas tegens, Q. Dellium misit, qui filiam ejus filio suo Alexandro conjugem peteret; multa et praeclara pollicitus. Quin et ipse, reversus in Armenios, evocavit eum Nicopolim, nec desistit omnibus artibus sollicitare, literis atque sermonibus nihil, nisi summae benevolentiae signum, praeferens. Nihil ad haec moto Artavasde, (quippe alia commervisse memor, fidere non properabat ei, quem offendisset) iterum ab Antonio Dellius adest cum blandissimis mandatis: nec eo segnius Antonius Artaxata tendit. ita rex, partim pollicitationibus adductus, partim metu legionum, quae cum Antonio erant, in castra ejus venit.

*Armeniam occupat.*

XL. Tum vero, pecuniam sibi deesse simulans, neque libenter daturus Armenios, nisi pignoris loco regem retinenti, circumduxit eum, circum castella, quibus thesauros adservari noverat. Sed infructuosam ei hanc frau-

---

Cap. XXXVII. Strabo, l. 4. p. 205. Appian. Strabo. Cap. XXXVIII. Appian. Dio, et Appian. Cap. XXXIX. Dio. Tac. Ann. 2, 3. Liv. Epit. Plut. Anton. Dio. Cap. XL. Oros. 6, 19.

dem purpuratorum regis constantia fecit, neque castellis traditis, et vicem capti patris Artaxia regnare jussu, qui maximus natu filiorum erat. Tum vero, omissa penitus simulatione, catenae sunt Artavasdi additae, sed argenteae, quibus videlicet vinciri regem minus indignum haberetur. Ita bello contracto, quum subitus rex Artaxias, et patris insperato casu percussus, adversus praevalidum hostem, et in penetralia regni receptum, improspere dimicavisset, Armenia tota cum conjuge et aliis liberis Artavasdis in potestatem Antonii concessit. Artaxias in Parthos exsulatum abiit. His ita gestis, ut ad reliqua belli socium sibi Medorum regem adscisceret, quem, Armenii antiquitus hostem, cum Parthis nuper ex praedae Romanae divisione simultatem contraxisse cognoverat, ejus filiam suo filio despondit.

U. c. 718.  
A. C. 34.

XLi. Relictis deinde legionibus, quot Armeniae tuendae satis fore credebat, cum cetero exercitu Aegyptum repetiit, Alexandriamque triumphans Romano more invectus est. Praelata fuit ingens praeda, quam ex opulentissimo regno rapuerat. Artavasdes ipse cum uxore liberisque et purpuratis ante currum incessit in catenis aureis. inde protinus ad Cleopatram deducti, quae, magna populi multitudine circumfusa, in argenteo tribunali sellaque aurea consederat.

*Antonii  
triumphus  
Alexandriae.*

XLII. Sed barbari, tametsi huic se dono dari cum omni regio instrumento intelligebant, non adorarunt eam, licet minis promissisque sollicitarentur, nec aliter nisi nomine salutare sustinuerunt, memores magni se Tigranis progeniem esse. quae res apud alios gloriam illis, odium apud Cleopatram, et ex eo magnas calamitates peperit. Nam in custodia sunt habiti, et sub Actiaci belli tempus Artavasdes interfectus est.

*Artavasdes  
non adorat  
Cleopatram.*

XLIII. Triumpho peracto, quum etiam epulum populo Alexandrino dedisset, in concione Graecorum adsumpta in argenteum tribunal Cleopatra liberisque ejus, hujusmodi orationem habuit: Si nullum adhuc animi mei judicium documentum habuissetis, Alexandrini, proximum certe spectaculum ducti in hanc urbem triumphis suffice-

*Antonii co-  
cio ad Ale-  
xandrinos.*

Cap. XL. Dio. Joseph. Antiq. 15, 5. Tacit. Dio. Vell. 2, 82. Zonar. Plut. Liv. Epit. Oros. Dio. Plut. Cap. XLI. Appian. Parth. Dio. Plut. Dio. Oros. Joseph. Dio. Strabo, l. 11. p. 532. Cap. XLII. Vell. Dio. Joseph. Strabo, l. 11. pp. 530. et 532. Cap. XLIII. Dio. Tac. Strabo. Dio.



U. c. 718.  
A. C. 34.

re vobis potuisset. Decus enim atque laetitiam, uni bactenus populo Romano exhiberi solitam, ad vos transferri beneficio meo vidistis. Deinceps igitur Alexandria quoque, tanquam altera Roma, triumphantes imperatores adcipiet, captivo videbit reges, tantarum rerum voluptate, commodis, gloria decorabitur. Neque vero me fecisse poenitet, aut aliquid a me commissum arbitror, quod jure reprehendi debeat. Nec enim vel conditoris nomine, vel magnificentia oppidi, hoc honore indigna est Alexandria; et, quod omnium primum est, reginae merito vel anteferenda omnibus.

Cleopatram  
dilaudat.

XLIV. Haec enim hac orta domo, penes quam per trecentos fere annos, nusquam interrupta serie, regimen rei Aegyptiae fuit, quum animi magnitudine, prudentia, industria nullo majorum inferior, pulchritudine vero ac venustate feminas omnes supergressa, complura virtutum suarum specimina edidisset; hoc inter alia maximum omnium atque palmarium opus confecit, ut Aegyptum imperio Romano indissolubili societate connecteret.

Quam suam  
uxorem esse  
et Caesaris  
fuisse testa-  
tur.

XLV. Atque etiam conatibus ejus atque consiliis Dii adfuerunt: nisi forte humana industria tantam parari felicitatem putavistis, ut duobus Romanis imperatoribus, C. Caesari prius, deinde mihi nuberet. Hanc enim mihi uxorem esse Deos hominesque omnes testor: neque nobilitas ejus, neque virtutes patiantur, ut pellicis loco haberi cuiquam mortalium debeat. Sed neque Caesari in deliciis magis, quam in matrimonio, fuit: et ego, quem hoc scire propter familiaritatem Caesaris maxime oportuit, tum ejus rei testis sum, tum etiam Caesarionis bujus ab ipso agniti. idque non ego solummodo, sed C. Marius, sed C. Oppius, alique Caesaris amici sciunt.

Eiatque li-  
beris regna  
distribuit.

XLVI. Quod igitur felix faustumque sit senatui populoque Romano, totique adeo Imperio, cujus et vos baud spernenda pars estis; Cleopatram, tam pro dignitate sui generis, quam amplitudine virorum, honoribus adficere decrevi. Hanc igitur in posterum Reginam Regum, et hunc filium ejus Ptolemaeum Caesarionem Regem Regum adpellandum jubeo. neque vero haec vocabula vel imperatoris Romani uxorem, vel hunc unicum superstitem et verum Divi Julii sanguinem dedecent. Hos igitur Aegyptum Cyprumque, semper a majoribus eorum possessas, Africam praeterea, et Coelen Syriam obtinere aequum est. At meis hisce liberis ego prospicere debeo. Te ergo, Ptolemaee, regem Syriae, et quidquid regionum inter Euphra-

Cap. XLV. Liv. Epit. Dio. Sueton. Caes. 52. Cap. XLVI. Dio. Plut. et Dio.

*Euphratem atque Hellespontum mei juris est, constituo. Tibi, Cleopatra, Libyam dono, quae Cyrenes finibus adjacet. Alexander Armeniam habeat, et quae trans Euphratem occupata occupandae nostris armis ad Indiam usque porriguntur. Tum vero novi reges, ex humilioribus, quae positae ipsis fuerant, sedibus progressi, Antonium Cleopatramque, aureis sedentes thronis, hanc etiam cum novae Isidis nomine stolam ejus Deae gestantem, venerati sunt. Discedentes inde Alexandrum Armenii stipatores circumdedere, Medico cultu tiaraque recta et cidari conspicuum: Ptolemaeum, crepidas, causiam, et chlamydem, ac diadema habenti, Macedones adparuerunt.*

U. c. 718.  
A. C. 34.

**XLVII.** Haec tam fatua non Alexandriae modo dicere et facere illum, sed ne Romam quidem perscribere puduit. Ceterum a consulibus occultatae sunt literae, quamquam produci eas Caesar, vanitatemque aemuli sui cunctis innotescere valde cuperet. Multis enim nominibus offendebatur. In suam invidiam attolli Caesarionem sentiebat. Artavasdis quoque casu, quocum adversus Antonium consilia miscuerat, et Antonii triumpho dolorem et misericordiam et invidiam percipiebat. Sed et literas ad eum contumeliosas Antonius scripserat, adulteria objiciens, sibi que legitimam uxorem Cleopatram esse. Sed neque populus ereptum urbi honorem triumphi, communicatumque cum Alexandrinis, parum indignanter tulit: et, super tot alia immodica praemia, hanc etiam stupri mercedem Cleopatrae dari.

*His rebus  
Caesar offensus.*

**XLVIII.** Haec quum ita ab se acta, ab ceteris accepta ignorare Antonius non posset, scribere ad senatum sustinuit, paratum se abire magistratu, graviores diuturnioremque potestatem habente, quam in libero populo esse oporteret, sublata, quae haec expressisset, necessitate. Neque vero hoc cum animo suo destinaverat; sed invidiam Caesari quaerebat, quem existimabat, quod ad urbem esset, primum de abdicando compellatum, aut obsequendo potentiam, aut obnitendo studia civium amissurum esse. Ceterum haec quidem consilia vana fuerunt.

*Antonii literas ad senatum.*

**XLIX.** At in urbe ludos Veneri Genitrici fecerunt affecti consules Paullus Aemilius Lepidus, C. Mem-

Cap. XLVI. Liv. Epit. Plut. et Dio. Plut. Cap. XLVII. Dio. Sueton. Aug. 69. Plut. Cap. XLVIII. Dio. Cap. XLIX. Tab. Marmor. apud Pigh.

Supplem. Liv. Tom. XIV.

P p

U. c. 718. minus, qui ex Kalendis Juliis inierant. In eodem consulatu suo Aemilius porticum, Paulli adpellatam, privatis impensis perfecit. Eodem anno consulatum et

*Triumphus  
honor vul-  
gatur.*

M. Herennius gessit ex Kalendis Novembribus. Multi per id tempus, quum in imperiis non amplissimis fuissent, triumphum a Caesare, alii ab Antonio impetrarunt: eoque praetextu auri coronarii nomine provinciis fuerunt graves. Quorum C. Norbanus C. F. T. N. pro consule ex Hispania triumphavit ante diem quartum Idus Octobres: de cujus gestis prorsus nihil reperio. At vero T. Statilius T. F. Taurus, C. Sossius, C. F. T. N. Africa et Judaea pacatis, ille ante diem pridie Kalendas Julias, hic tertium Nonas Septembres, non sine causa triumpharunt. Inter alias antiqui moris ruinas adnotatum est, sub id tempus pueros impuberes a Caesare praefectos urbi fuisse Latinis, ne senatorii quidem eos generis, sed equitum Romanorum filios.

U. c. 719. L. Anno sequenti Caesar, secundum inito consulatu, quem collega Sex. Pompejo gerere debuerat, A. C. 33. hoc interim occiso, L. Volcatium Tullum adscivit. C. Julio II. Ipse, quum mane pro aede Capitolini Jovis paullulum L. Volcatio Curuli sella praesedisset, honore abiit, quem gratificari pluribus cupiebat. Eam veriore causam esse arbitror, quam quod exemplum sequutus Antonii fuerit. quippe convenerat, ut hic et Sextus per amicos, quos vellent, magistratum gererent, quod abfuturi toto eo tempore videbantur. Suffectus est in locum Caesaris P. Autronius, statimque magistratum occipit.

*Agrippae  
aedilitas et  
opera publi-  
ca.*

LI. Sed aedilitatem jam pene neglectam M. Agrippa suscepit ultro, quo Caesari sibi que populum ludorum et operum magnificentia conciliaret. Omnia enim aedificia publica, viasque omnes sua pecunia refecit: aquaeductus Appiae, Marciae, Anienis, pene dilapsos emendavit: Juliam a quindecim passuum milibus duxit, opere supra terram passuum septem milibus, substructione passuum quingentis viginti octo, reliquo opere arcuato. Lacus septingentos fecit, salientes centum quinque, castella centum triginta, complura etiam cultu magnifica. operibus iis signa tre-

Cap. XLIX. Dio. Tab. Marmor. Dio. Fasti Capit. Vell. 2, 127. Nummus apud Pigh. Fasti Capit. Dio. Cap. L. Supra, 127, 41. Sueton. Aug. 26. Appian. Illyr. Dio. Supra, 127, 38. et 41. Cap. LI. Tab. Marmor. apud Pigh. Dio. Frontin. Aquaeduct. Plin. 36, 15.

centa aerea aut marmorea imposuit, columnas ex marmore quadringentas. neque ulla ferme domus exinde Romae fuit, quin sufficientem haberet ad omnia aquam. Cloacarum etiam a Tarquinio Prisco structurarum maximum ac firmissimum opus, corrivatis atque per meatus immixtis septem annibus, qui torrentium modo raperent ac auferrent omnia, sic expurgavit Agrippa, ut per eas suburbana navigatione in Tiberim pervehi non dubitaverit.

U. c. 719.  
A. C. 33.

*Inter quas  
cloacarum  
repurgatio.*

LII. In Circo, ne multitudo metarum erroris causam ultra praeberet hominibus, delphinas ac ova, quae vocant, designandis curruum conversionibus posuit, ludos omnis generis editurus. Nam, ut ipse in aedilitatis suae commemoratione scripsit, ludos fecit diebus undesexaginta, gratuita praebeuit balinea centum septuaginta toto anno; ludis etiam tonsores conduxit sua pecunia, ne quis de populo sumptus in eos faceret. Induxit et senatores largitionibus, ut Trojanis Circensibus, quos pueri majores minoresque ludere consueverant, filios suos notescere paterentur. Tesseras etiam in theatro ex superiore loco misit, quas referentibus pecunia, aut vestis, aut aliud quid daretur. Sed et rerum variarum copiam, redemptam ab infitoribus, diripiendam populo proposuit. Mox, ad severiores curas conversus, Mathematicos (sic vulgo

*Liberalitas  
in populum.*

*Mathemati-  
ci palluntur  
urbe.*

LIII. Interea Caesar, iterum profectus in Dalmatas, jam a Statilio Tauro, quem eo praemiserat, fame fatigatos et propemodum domitos offendit. Nec diutius dilata deditio est. obsides septingentos et principum liberis dederunt: signa restituere, Gabinio Vatinioque olim adempta, et tributa persolvere ab eo tempore, quo Caesari patri promiserant, coacti. Traxit ea ruina Derbanos etiam, conterminam gentem, paribusque conditionibus in potestatem illi venerunt.

Cap. LI. Strabo, l. 5. p. 235. Dio, Strabo, Plin. Cap. LII. Dio. Plin. Dio. Sueton. Aug. 43. Dio. Euseb. Chron. et ibi Jos. Scaliger. Cap. LIII. Appian. Illyr. Dio. Liv. Epit. 132. Appian.

U. c. 719.  
A. C. 33.  
*Bibliotheca  
in Octaviae  
porticu.*

LIV. His manubiis Caesar porticum Octaviae, adpellatam sic a nomine sororis, exstruxit, ibique recepta ab hostibus Romana signa adpendit. Mox etiam insignis bibliotheca collocata ibidem est, sive Augustus eam, sive, quod Plutarchus scribit, memoriae filii sui Marcelli causa Octavia dedicaverit. Sub idem tempus quum senatores quidam latrocinii arguerentur, obrui potius tam foedam ordinis notam, quam sonitum vindicari culpam, placuit: edicto proposito, ne quis senator postea hoc crimine postularetur. Sic et qui tum erant rei exempti, et quibusdam aliis offensa in posterum praedandi impunitas.

*Magistratus  
varie  
mutati.*

LV. In numerum patriciorum, qui frequentibus bellis exhaustus erat, plebeji quidam allecti sunt senatusconsulto. Magistratus etiam varie habiti mutati. Ex Kalendis Majis L. Flavius consulatum iniiit: ex Kalendis Juliis C. Fontejus, M. Acilius. Kalendae Septembres L. Vinucium consulem, Octobrea L. Laronium prodixerunt. L. Asyllius, (sive fortassis Asellio fuit) quum, diuturno morbo vexatus, praeturam deponeret, filium suum successorem adcepit: in alterius cujusdam locum, qui erat extremo anno mortuus, alius paucas in horas suffectus est.

*Octavia ad  
Antonium  
navigat.*

LVI. Dum ista Romae geruntur, M. Antonius, nunciis et literis Mediae regis excitus, prolixè offerentis omnia, magnam in spem venerat conficiendi Parthici belli, si sagittariorum equitumque tantum numerum legionibus suis adjunxisset. Id enim praecipue defuisse nuperis conatibus intelligebat. Interea nunciatur, Octaviam, ab urbe digressam, ad virum navigare. id concesserat petenti frater, semper indulgens, et hunc etiam praetextum belli favorabilem in vulgus habiturus, si, quod rebatur, despecta ab Antonio et contumeliose tractata fuisset. Nec sefellit eum conjectura: vix Athenas adpulerat mulier, quum Antonii literas adcipit, ibidem jubentis expectare, donec ab expeditione Parthica redisset. Illa, licet aegre ferens haec mandata, misit tamen quemdam ex familiaribus Antonii, Nigrum nomine, qui multam vestem militarem, jumenta et pecunias, tum amicis atque ducibus imperatoris dona doceret deportasse: praeterea

Cap. LIY. Dio. Appian. Dio. Sueton. Aug. 29. Plut. Marcell. fin. Dio. Cap. LV. Tab. Marmor. apud Pigh. Dio. Cap. LVI. Plut. Anton. Dio, p. 277. Plut.

lectorum virorum in praetoriam cohortem impetrata U. c. 719.  
a fratre millia duo cum insignibus armis, et equitum A. C. 33.  
alam.

LVII. Haec ubi Antonio exposuit Niger, multas *Sed ille, ar-*  
idemtidem et meritas laudes praestantissimae matronae *tibus Cleopa-*  
intermiscens; omnes artes adhibere Cleopatra coepit, *trae fascina-*  
ne, quem occupaverat, loco depelleretur. Igitur, *tus,*  
amore Antonii deperire simulans, venientem velut  
stupente obtutu excipiebat; abeuntem linquentibus et  
languidulis ocellis prosequabatur. saepe flens videri  
adfectabat, sed tamquam abscondere cupiens lacrimas,  
celeriter et furtim abstergebat. Id maxime faciebat  
in Syria, unde in Armenios proficisci Antonius con-  
stituerat. Haec amatoria veneficia vocibus adsentato-  
rum ejus, familiarium Antonii, juvabantur, *hominem*  
*durum atque crudelem adpellitantium, qui salem feminam*  
*ad mortem desperatione adigeret. Nec enim sine illo victu-*  
*ram. prorsus indignam eo fato, quae, nomen conjugis Octa-*  
*via retinente, vel pellicem Antonii se vocari regina tot popu-*  
*lorum non dedignaretur.*

LVIII. Fascinatus his Antonius in tantum animo *Bellum in*  
relanguit, ut, Medo nequidquam occasionem urgen- *Caesarem*  
te, donec Parthorum dissidia faciles praeberent inva- *molitur.*  
dentibus, protinus Alexandriam reverteretur: aesta-  
tem opperiendam esse rescribens. Tum quoque vix  
ad Araxem progressus est; quum, irritatus Caesaris  
actionibus, de bello adversus ipsum suscipiendo coe-  
pit cogitare. Cajus hae proximae fuisse causae fe-  
runtur.

LIX. Ut Octavia, relicto in pellicis amplexibus *Octaviae*  
marito, Romam irrisa rediit, Caesar eam ad se com- *dicta et fa-*  
migrare jusserat. Illa tamen, non quotidiani exempli *cta laudabi-*  
mulier, oravit, *lia.*  
*ut se remanere in domo viri pateretur.*  
Eadem obtestata fratrem est, *ne propter se bellum Anto-*  
*nio faceret, nisi majoribus causis impelleretur: decorum enim*  
*neutri fore, si mulierum causa bello civili rem Romanam in-*  
*volvissent dicantur.* His dictis facta etiam laudabiliora ad-  
jecit. Antonii liberorum, non modo quos ipsa, sed  
etiam quos ei Fulvia pepererat, curam egit: amico-  
rum ejus desideria, quos honorum petendorum, aut  
aliarum rerum gratia Romam mittebat, apud Caesarem  
enixe jovit: nullaque re optimae uxoris officio deesse  
visa est. At sic invita nocebat Antonio, cui populus

U. c. 719. irascebatur, talem feminam negligenti, jam ob cetera  
A. C. 83. quoque facinora causae illius iniquior.

*Caesaris et  
Antonii mu-  
tuae crimi-  
nationes.*

LX. Saepius enim triumphum ejus Alexandrinum, divisionesque regnorum, et cetera incivilia Caesar in senatu et ad populum traducere non omiserat. Nec Antonius recriminari oblitus est: missis, qui quere-  
*Caesarem: eadem adrogantia suis cum veteranis pene totam Ita-  
liam divisisse, nullo respectu eorum, qui cum Antonio milita-  
rent. Sed et ex delectibus, quos Caesar in Italia ha-  
buisset, dimidiam militum partem sibi deberi praeferebat.*

*Cleopatra  
exprobratur  
Antonio.*

LXI. Caesar ad ea cavillabatur, Sextum et Lepidum jure a se coercitos; nec tamen abnuere se partiri bello parta, si Aegyptum secum Antonius, si Armeniam dividat. Nam, quod militibus suis colonias in Italia queratur non dari, habere eos Mediam et Parthos, satis amplas regiones, sua nimirum et imperatoris sui virtute quaestitas. Nec Pompeji mentione abstinebat, quem, a se dimissum, Antonius crudeliter occidisset. Ab eodem Artavasdem fraude captum in vinculis adtineri, summa cum Romani nominis infamia. Praecipue Cleopatra exagitabatur, liberisque ejus donatus oriens, et insertus in Juliorum gentem Caesario.

*Antonii  
foedus cum  
rege Medo-  
rum.*

LXII. His aliquoties ei per partes objectis invicem purgatisque, magis magisque accendebantur: neque jam legati concordiae causa, sed ut alter alterius exploraret consilia, mittebantur: donec Antonius, non ultra differendum putans, societatem cum rege Medorum in has leges junxit, ut ab eo contra Caesarem adiceret auxilia, contra Parthum ei daret. Sic abductis secum Medis equitibus atque sagittariis, partem legionarii militis apud eum reliquit, parte etiam Armeniae recens pacatae eidem concessa. Filiam quoque regis Jotapen, admodum puellam, Alexandro desponsam, una cum militaribus signis, quae Statiani pugna amissa fuerant, deportavit. Polemoni, qui pararius pacis ejus fuerat, praemii loco minor Armenia concessa.

LXIII. Haec amicitia exitiosa Medo fuit. quippe, post felix contra Parthos et Artaxen proelium, quum Romanos milites avocaret Antonius, regiones non remitteret, vim hostium ferre non potuit: fususque et

Cap. LX. Dio, l. 50. et Plut. Cap. LXII. Dio, l. 49. Plut. Dio.

captus occasionem Parthis Armeniam simul Mediam-  
 que recipiendi praeiuit. At Romani maxima praeda  
 aucti discesserunt, Armeniorum opulentissimo regno  
 spoliato, direptisque etiam sanorum opibus. Anaiti-  
 dis delubrum erat, ceteris religiosius cultum, eoque  
 donariis dives. Id diripuit Antonii miles, et inter  
 cetera statuam auro solidam, etiam antiquitate vene-  
 rabili, concidit. Nec omiserim referre stultam pieta-  
 tem mendaciis tueri cupientium a numinibus proditam,  
 sacrorum suorum exissimationem. eum, qui primus  
 violasset id simulacrum, oculis membrisque captum  
 exspirasse vulgarunt. Sed veteranus quidam, quum  
 paucis post annis Augustum excepisset convivio Bono-  
 niae, essetque illata fabulae huius mentio, *se illum esse,*  
 respondit, *et de crure numinis quum maximo coeuare Cae-*  
*sarem, sibi que omnem ex ea rapina censum esse.*

U. c. 719.  
 A. C. 33.

*Anaitidis  
 delubrum  
 diripitur.*

Cap. LXIII. Strabo, l. 12. p. 559. Plin. 33, 4.



## E P I T O M E

### LIBRI CENTESIMI TRIGESIMI SECUNDI

*Caesar in Illyrico Dalmatas domuit. Quum M. Antonius ob amorem Cleopatrae, ex qua duos filios habebat, Philadelphum et Alexandrum, neque in urbem venire vellet, neque, finito triumviratus tempore, imperium deponere, bellumque moliretur, quod urbi et Italiae inferret, ingentibus tam navalibus quam terrestribus copiis ob hoc contractis, remissoque Octaviae sorori Caesaris repudio, Caesar in Epirum cum exercitu trajecit. Pugnae deinde navales et proelia equestria secunda Caesaris referuntur.*

*Caesar in Illyrico]* C. Caesar, addito praenomine, Exc. Pithoei, Norv. et quas vidi edd. usque ad Gruterum, qui illud expunxit. Non adparet etiam in ullo meorum codd. Vide ad Epit. 62.

*Neque, finito triumviratus tempore, imperium deponere]* Gud. *neque finito ejus tempore triumviratus imperium deponere.* J. FR. GRON. Similiter Lov. 2. Boend. Norv. omnesque edd. ante Gruter. qui edidit *neque finito triumviratus tempore*, consentiente Berg. Mox *quod urbibus Italiaeque inferret* male Boend. *quod urbi Italiaeque inferret* Exc. Pithoei, Norv. et edd. usque ad Gronovianam anni 1665. quae dedit *urbi et Italiae*; quod probant Leid. Voss. Boend. et Lov. 2.

*Terrestribus copiis ob hoc contractis]* Voces *ob hoc* desunt in Voss. Mox *Octaviae so-*

*roris Caesaris* male Voss. Berg. et Boend.

*Pugnae deinde navales et proelia equestria Caesaris referuntur]* *Pugna deinde navalis* Leid. Berg. et Lov. 2. Licet autem praesertim memoretur pugna ad Actium, qua Antonius a Caesare victus est, eodem tamen bello et alia proelia navalia acciderunt. Certe Dio Cass. 50, 427. refert, Sosium, qui observarat, Agrippam cum maxima parte classis Caesarianae alio profectum esse, L. Arruntium invasisse, et in fugam coniecisse; interveniente vero Agrippa pugnam instauratam, et Agrippam in fugam coniectum fuisse. Quin etiam, secundum Vellej. 2, 84. *Bis ante ultimum discrimen classis hostium superata.* Vide etiam Oros. 6, 19. Vox *Caesaris* deest in Voss.

# JOHANNIS FREINSHEMII

## SUPPLEMENTORUM LIVIANORUM LIBER XCVII.

### IN LOCUM LIBRI CXXXII. T. LIVII.

I. Inter haec Antonius, Canidio cum sedecim legionibus ad mare praemisso, occurrentem Cleopatram excipiens, Ephesum cum ea perrexit, ibi contracturus classem. Haec audita Romae Caesarem Patresque moverunt, ut, legatione missa, in urbem eum revocarent, inter praesentes facilius disceptari controversias rati: mox ire abnuentem, finito jam triumviratus tempore, sicuti nuper promisisset, deponere magistratum juberent. Interim Kalendis Januariis novi Romae consules ineunt Cn. Domitius L. F. Ahenobarbus, C. Sosius C. F. Quorum Domitius, civilium certaminum experientia cautior, modestius agebat: alter, nullis dum conflictatus infortuniis, primo statim senatu multa cum laude Antonii Caesarem arguit; tendebatque, ut senatusconsultum rationibus ejus perquam adversum fieret, ni Nonius Balbus praescriptione tribunitii nominis intercessisset.

U. c. 719.  
A. C. 33.  
*Legati Romani ad Antonium.*

U. c. 720.  
A. C. 32.  
Cn. Domitio, C. Sosio Coss.  
C. Sosius consul Caesari adversus.

II. Aberat tum consulto Caesar, nolens se praebere altercationibus, quibus neque cedere sine dignitatis imminutione posset; et, si quidem imperium inhiberet, inchoare bellum videretur. Etiam ad omnia maturius pensitanda spatium petisse videbatur; quo prudenter usus, simul reversus Romam est, convocari senatum jussit. Eo tempore praeter militare praesidium, amicis etiam pugiones sub veste gestantibus, in medio consulum curuli sella sedentem, multa pro se suisque actis modeste loquutum tradunt. flexit se deinde ad Antonii accusationem praesentisque consulis, quibus plurima ac gravia contra se et rempublicam commissa objectabat. Quum ad haec silentium

*Consules ad Antonium abeunt.*

Cap. I. Plut. Anton. Oros. 6, 19. Plut. Dio. l. 50. Liv. Epit. Supra, 131, 48. Dio.

U. c. 720.  
A. C. 32.

*Asinius  
Pollio neu-  
tri se addi-  
cit.*

pertinax omnium esset, eadem se scripto comprehensurum ait, et certa die, in quem senatum iterum habere volebat, recitaturum. Tum consules, non expectata die, quod tacere ad talia tam indignum ipsis, quam obloqui intutum videbatur, ad Antonium profecti sunt, multis Patrum hoc exemplum sequentibus. Sed Caesar, ne propter suam aliquam injuriam ab his desertus putaretur, a se sponte dimissos credi maluit: quoque faceret fidem, aliis etiam indulgere se dixit, ad Antonium proficisci cupientibus. Ita discedentibus ex urbe propinquis ejus amicisque, C. Asinius Pollio, qui post Brundisinam pacem rebus Antonii misceri desierat, in Italia mansit. idem neque Caesari deinceps, roganti ut secum ad bellum iret, obtemperavit, mutua cum Antonio beneficia excusans, neque se interpositurum armis, et praedam futurum victoris.

III. At Domitius, quum Antonium Ephesi convenisset, hortari coepit, ut Cleopatram, nihil aliud quam impedimentum belli futuram, in Aegyptum remitteret. nec aliis amicorum ea ratio displicebat. At Cleopatra metuens, ne, si usquam discederet, iterum pararia pacis pignusque Octavia fieret, Canidium induxit ingentibus praemiis, ut ab ea mente Antonium revocaret. Atque ille specioso obtentu negavit, *aequum videri, quasi per ignominiam banc removeri a bello, quae ducentas naves, viginti millia talentorum, et praeterea commeatum in omnes copias praebuisset. neque vero ex usu esse, alienari animos Aegyptiorum, non contemnendam efficientium maritimarum virium partem. Sed et alioqui negabat videre, cuinam illa sociorum regum prudentia concedat: ingenio solers, usu perita, quae tantum regnum longo tempore sola gubernasset.*

*Antonii  
luxus inter  
adparatum  
belli.*

IV. Haec oratio apud mulierosum hominem, et vitiorum suorum advocatis faventem, valuit: unaque Samum profecti, coactis undique scenicis artificibus, et quicumque ludis operam praestare soliti erant, inter computationes epulasque tam foedo luxu solvebantur, ut vulgarentur sermones mirantium, *quales igitur hi post victoriam essent futuri, qui tam bilariter et profuse inter comparandam genio indulgerent.* Sed Antonius, Bacchicis artificibus data ad habitandum Priene, Athenas instituit cursum. Ibi renovata ludorum atque

Cap. II. Sueton. Aug. 17. Dio. Vell. 2, 86. Cap. III. Plut.

conviviorum est intemperantia; et Cleopatra, ne minoribus ibi honoribus adficeretur, quam adceptam esse Octaviam audiverat, Athenienses multis muneribus coluit. Idcirco jam a multis aetatibus summus potentiorum adulator populus immodicos ei honores decrevit. id plebiscitum inter primores oppidi Antonius etiam, civis Atheniensis scilicet, ad reginam detulit, orationemque habuit nomine civitatis.

U. c. 720.  
A. C. 32.

V. Tum vero non diutius sustinere potuit, quin repudium Octaviae mitteret; eamque suis aedibus juberet excedere. Illa plorans, et lamentabunda se quoque inter causas belli esse, exivit; ne tum quidem cura deposita privignorum, quos una secum eduxit, praeter maximum natu, qui profectus ad patrem fuerat. Triste spectaculum id populo fuit: neque illam modo miserabantur, sed Antonium magis, qui talem uxorem amens dimitteret in Cleopatrae gratiam, quae ne forma quidem, qua una niteretur, aut aetatis flore Octaviam vinceret. At luxus et tarditas Antonii magno metu Caesarem liberavit, ne imparatior ordiri bellum cogeretur. nam Antonii oscitantia spatium ei dedit et cogendi pecunias ab invitis, et placandi spoliatis, quorum dolor inter exigendum acerrimus, ubi dedissent, modico interposito tempore, mitigabatur.

*Octaviae  
repudium.*

VI. Dum haec aguntur, velut in solatium urbe excedentium, Fortuna Caesari quosdam illustres ex cohorte amicorum Antonii restituit. Inter quos L. Plancus, qui fuerat in turpissimis adulatoribus Cleopatrae, propter vocem Antonii jactam in convivio, qua sibi rapinas exprobrari senserat, ad Caesarem transfugit: eumque paullo post M. Titius, sorore Planci genitus, imitatus est. Sed ii causam defectionis hanc ediderunt: Antonium, actione Caesaris, post discessum consulum de scripto recitantis ejus facinora, irritatum, amicorum consilium coegisse; ibique, multis in utramque partem disputatis, bellum, repudiata Octavia, decrevisse. Ejusmodi consultis, et Cleopatrae taedio, mutasse partes deteriores melioribus. Nam et sugillatos a regina esse, quod Antonio consilium remittendi eam in Aegyptum dedissent. Caesaris non interfuit, quibus quisque causis discessisset: opportunitate ho-

*Plancus et  
Titius ab  
Antonio ad  
Caesarem  
transeunt.*

Cap. V. Liv. Epit. Dio. Oros. et Plut. Cap. VI. Dio, Plut. et Vell. 2, 83. Dio. Plut. Dio.

U. c. 720. minum usus est, qui acta secretissima et abstrusa con-  
A. C. 32. siliorum Antonii noverant.

*Et ei An-  
tonii testa-  
mentum pro-  
dunt.*

VII. Iidem, testamento adhibiti testes, iudicium ejus Caesari prodiderunt. nec ille conquievit, priusquam repertum resignaret; nec in senatu tantum, sed etiam in concione populi, recitaret. Apud Vestales, uti consueverant, depositum fuerat: et negabant illae tradituras; ne veniens ipse auferret, non posse prohibere. Nec piguit ire, et, quo inimicum premeret, facinus committere plerisque culpandum. Sed et tunc fuisse ferunt, quibus res prorsus indigna videretur, aliquem in vita cogi rationem reddere eorum, quae post mortem fieri voluisset.

*Quod reci-  
satum Anto-  
nio populi  
odium erat.*

VIII. Ceterum ea scripserat Antonius, quae Caesari non modo conficerent apud plerosque inhumaniissimi facti veniam, sed ipsum quoque inexpugnabilibus hominum odiis onerarent. Legebatur ibi iustis Caesaris et Cleopatrae nuptiis editus Caesario: tum suis ex eadem liberis infinitas dabat opes: nec minus offendebat, quod, etiam si Romae fuisset mortuus, corpus suum Alexandriae et in eodem cum illa conditorio humari jubebat. His infensi, ceteris etiam facilius adhibebant fidem: inter quae C. Cluvius donatam Cleopatrae Pergamenam bibliothecam dabat crimini, quae ducenta millia simplicium voluminum habuisset. itemque amatorias nugas seriis negotiis immixtas, et saepe praelatas: relictum in gravi causa C. Furnium, notae dignitatis et eloquentiae, ut lectica per forum delatam Cleopatram imperator Romanus satellitis instar deduceret.

*Quod An-  
tonii fami-  
liares conan-  
tur avertere.*

IX. Sed Antonii familiares haec quidem pro fictis et falsis rejectabant; populum deprecantes, ne quid immedicabile propter statui paterentur. Quin et Plancum, multa in senatu gravia objicientem Antonio, Coponius, vir praetorius, acri voce repressit; multa scilicet perperam fecisse Antonium dicens, pridie quam a Planco relinqueretur.

*Et, misso  
Geminio, ip-  
sum admo-  
nere tempo-  
rum.*

X. Miserunt etiam e numero suo Geminium in Graeciam, qui rerum urbanarum statum Antonio, et imminens ei periculum exponeret. id enim agi, ut, adempto imperio, hostis iudicetur. Geminium, ubi se pro-

Cap. VII. Plut. et Dio. Sueton. Aug. 17. Tac. Ann. 1, 8. Plut. et Dio. Cap. VIII. Dio. Plut. Cic. ad Fam. 10, 26. Plut. Vell. 2, 83. Cap. X. Plut.

pter Cleopatrae suspensiones, Octaviae causa venisse putantis, rejici, atque etiam in convivio propterea sede minus honorata collocari, cavillisque subinde peti sensit; causam adventus super coenam rogatus, *cetera quidem non nisi sobriis agenda*, respondit: *unum se etiam in vino praeclare scire, omnia recte habitura, si remissa domum Cleopatra foret*. Excandescente ad haec verba Antonio, *gratias se agere Geminio*, Cleopatra dixit, *qui sine fidiculis ista esset confessus*. Hinc ille, non ignarus quanto cum periculo isthic degeret, proxima adrepta opportunitate Romam refugit. Alios etiam Antonii amicos Cleopatra et ejus adulatores expulerunt: in his M. Silanum, quem postea Augustus consulatus sui collegam optavit. *Se quoque mox fuga vitasse insidias, quas indicio Glauci medici cognosset*, Q. Dellius in historiis retulit; offensa Cleopatra, quod Dellius, *sibi atque ceteris vappam ministrari*, super coenam jecerat; Sarmenum (is propter facetias in deliciis erat Octaviani) Romae Falernum bibere.

U. c. 730.  
A. C. 32.

XI. His modis effectum est, ut, etiam amicis Antonii diversam in sententiam transductis, omnium consensu consulatus olim destinatus, simulque potestas omnis, quam videretur in mulierem transtulisse, abrogaretur, ne et hostis judicaretur, illustribus viris datum; quos, tum adhuc apud ipsum commorantes, pari sententiae asperitate feriri oportuisset: quos adlicere benignis atque blandis rationibus cupiebant. Igitur et praemia decreverunt laudationesque relicturis Antonium: et Cleopatrae bellum propalam indixerunt. Ad saga tum itum, et solennes bello sumendo caerimonias in aede Bellonae facialis Caesar peregit.

*Antonio  
consulatus  
abrogatur.*

XII. Tum, quo animus amplior omnibus esset, in hunc sensum verba fecisse dicitur: *Quamquam miserrima et sit, et censeatur civilis belli conditio; tamen ea tempora inciderunt, ut dubitem, an non potius optandum illud fuerit, quam ut adversus mulierem, et, si recte rem pensitamus, ne ipsam quidem, sed vilissima ejus mancipia, induere arma cogamur. Nam illi quidem, suum foventi Antonium, vix cogitatio praeter hanc ulla libera erit. Eunuchus Mardio et Posbinus exercitum ducent; signum pugnae dabunt Ira, confrix Cleopatrae, et Charmium. Nam de Antonio pudeat! sed tamen iam meruendum nihil, quam sperandum est. olim*

*Caesaris  
oratio de  
bello civili.*

Cap. X. Infra, 135, 8. Plut. Vell. 84. Plut. Cap. XI. Dio. Cap. XII. Plut.

U. c. 720. ille mentis inops, et pharmacis potionatus arbitrium sui per-  
A. C. 32. didit.

Antonii ob-  
sequia Cleo-  
putras praec-  
fita tradu-  
cit.

XIII. Nisi forte putetis suae potestatis fuisse, quum Ale-  
xandrinus ipse gymnasiarcha Cleopatram reginam ac dominam  
salutavit: quum eam in foro, inter ludos, in judiciis, in  
transvectionibus equitum, secum perpetuo habuit: quum, vino  
et amore saucius, inter eunuchos currum reginae pedes sequen-  
tus est: quum, aureum baculum tenens, acinace cinctus, pur-  
pura gemmisque externum in morem excultus, in aureo lecto,  
aureaque sella curili diadematus praesedit. Jam cetera quis  
pro rerum indignitate satis exsecratur? Romani milites Aegyp-  
tiae adparent: mulieris hujus nomen inscriptum scutis praese-  
runt: et, si quaeritis, quis exercitui praesit, non praetori-  
um in iis castris, sed regia vocatur: nec Antonii, ne Iallami-  
ni, sed Cleopatrae imperium est. Si tamen Cleopatram voca-  
ri, non Lunam potius et Isidem, fas est. nam haec nomina  
imponit ei furiosus amator, non mebercule stolidius, quam  
quod se Dionysum, si Diis placet, et, ne parum Aegyptius  
videatur, Osiridem adpellat.

Et similes  
ei amicos.

XIV. Iisdem veneficiis contractos amicos ejus putes: qui  
itidem ab hac Circe quaelibet in monstra mutari patiuntur;  
et, quum in convivio saltatur, quos illa jusserit, aut homi-  
nes, aut Dii sunt. Hi non modo, rem nostris moribus  
turpissimam, versari in castris feminam, sed imperare, vi-  
dent: hi tanta Romani nominis opprobria fideis oculis adspici-  
unt: hi adplaudunt, quum Imperium nostrum amenissimis  
donationibus concerpitur; quum alibi rapiuntur patrimon-  
ia regum, alibi prodiguntur; quum foedissimum gulae certamen;  
non profusis tantum dapibus, sed inaudito hacenus luxuriae  
ingenio, una sorbitiuncula census gentium mergit. Centies  
sestertiū fuisse margaritam, quam nuper illa vorago hausisse  
in aceto dicitur, fama non dubitat.

Cleopatra  
per jura,  
quae data  
meritas,  
ut pretium  
obsceni  
conjugii  
Romanum  
Imperium  
petat,  
et per jura,  
quae sit  
in Capi-  
tolio data,  
jurat.

XV. Inter hanc licentiam vitiorum, et hanc foeditatem  
adulantium, quid mirum est, si eo usque muliebris excessit te-  
meritas, ut pretium obsceni conjugii Romanum Imperium pe-  
tat, et per jura, quae sit in Capitolio data, jurare con-  
sueverit. Haec etiam auditu vobis gravia esse animadverto,  
ut mihi certe dictu sunt. Sed quemadmodum omen istud pro-  
cul a nobis patriaue abesse volumus, ita necessum est, ut ar-  
mis atque manibus, summaque rerum ope, et, si aliter ne-

Cap. XIII. Dio. Flor. 4, 11. Dio. Serv. ad 8. Aen. v. 678.  
Dio. Cap. XIV. Vell. 2, 83. Hor. Carm. 5, 9. Serv. Ma-  
crob. Sat. 2, 13. et Plin. 9, 35. Cap. XV. Dio. Flor. Hor.  
Carm. 1, 37. Propert. 3, 11. Eutrop.

queat, vel nudi corporis objectu, banc pestem atque hoc nefas abarceamus. Haec et similia loquutus non tamen infligit, ut Antonio bellum indiceretur. praestare credebat, si hominem, Cleopatrae penitus addictum, in eam invidiam conjiceret, ut externae reginae causa contra patriam civesque nulla re laesus arma corripuisse videretur.

U. c. 720.  
A. C. 32.

XVI. Maximum id civilium omnium atque exter- *Viris Cat-*  
norum etiam bellorum populo Romano fuit. Galliam *saris et An-*  
omnem Hispaniamque, et, excepta Cyrenāica, Afri- *tonii.*  
cam, Illyricum etiam et insulas occidentis Caesar trahebat. Sed et Italia publice pro partibus ejus conjuraverat. quo tempore necessitatis ejus gratiam Bononiensibus fecit, propterea quod antiquitus in Antoniorum clientela fuerant. At Antonium, quidquid per Asiam Romanae ditionis erat, Thraciaeque populi, et cum Graecis Macedones, ad Illyrios usque et Ionium mare, Aegyptusque et Cyrene, cum adjacentibus insulis, sequebantur. Reges quin immo atque tetrarchae, socii Romanorum, aut finitimi saltem, omnes auxilia mittebant. Igitur navium haud minus quingentis coegerat; in his multas, quae octo, vel etiam decem, remigum ordinibus agebantur, non ut in bellum magis, quam pompam et ostentationem, armatae. Pedestres copiae centum millia militum, duodecim equitum continebant.

XVII. Reges etiam ad commilitium venerant, ex A- *Reges au-*  
frica Bogus, ex Asia Tarcondimotus Ciliciae rex, Ar- *xiliaries An-*  
chelaüs Cappadociae, Paphlagoniae Philadelphus, et *tonii.*  
Commagenes Mithridates. His Europa Sadalem a Thracia junxit. Amyntas et Polemon alios pro se duces ex Gallograecis et Ponto miserunt. Sed neque Nabathaeorum atque Judaeorum auxilia defuerunt, quamquam dolo Cleopatrae commissis bello regibus.

XVIII. Tantaque fuit utriusque contentio, ut jureju- *Caesar mi-*  
rando milites adstringerent; atque Antonius suis vi- *listibus num-*  
cissim obstringeretur, in caput suum exsecratus, si aut *mos dividit.*  
*pacem cum hoste faceret, aut, confecto bello, amplius bime-*  
*stri potestatem retineret, senasui populoque Romano cuncta tra-*  
*diturus.* Atque id, licet ab ejus proposito plurimum

Cap. XV. Ovid. Metam. 15, 826. Dio. Cap. XVI. Plut. et Dio. Sueton. Aug. 17. Plut. et Dio. Cap. XVII. Joseph. Antiq. 15, 6. et de B. Jud. 1, 14. Cap. XVIII. Dio. Liv. Epit. Dio.



U. C. 710. abhorrebat, tamen vix a se passus est multis precibus  
 A. C. 32. impetrari, *ne imperium ante sextum a bello mensem depo-*  
*neret.* Nam victoriae quidem, aestimatis Caesaris  
 suisque viribus, maximam spem conceperat, numero  
 militum, equitum, navium, longe superior; et pecuniis,  
 quibus abundabat, corrupturum se sperans Caesaris  
 praesidia. quarum rerum causa magnas summas cir-  
 cumquaque, sed maxime in Italiam atque urbem ip-  
 sam, mittebat. Unde Caesar intentiores ubique cu-  
 stodias disposuit, militibusque suis, ne alienam libe-  
 ralitatem respicerent, nummos divisit.

*Prodigia.* XIX. Quum, inter tantos utrimque adparatus, immi-  
 nentium malorum gravis exspectatio variis hominum in-  
 diciis atque sermonibus differretur, etiam prodigio-  
 rum atroces minae metum auxerunt. In urbe simius,  
 fanum Cereris ingressus, inter sacrificandum omnia  
 confuderat. bubo, ex Concordiae templo ad omnia  
 praecipuae religionis delubra circumvolans, quum  
 undique expelleretur, postremo in aede Genii publici  
 consedit: neque captus est, et sero ex conspectu ho-  
 minum discessit. Thensa Jovis ludis comminuta est.  
 In Judaea terrae motus ingens infinitum animalium  
 numerum, et hominum triginta millia absorbit. Pi-  
 saurum, quam ad Adriaticum Antonius coloniam de-  
 duxerat, terrae motu hausta est. Super Ionium fax  
 per aliquot dies suspensa sursum in aethera recur-  
 rit. Albae statua marmorea Antonii sudorem, frustra  
 detergentibus quibusdam, sanguinemque multum emi-  
 sit. Tempestatibus percussa pleraque: in his tropae-  
 um in Aventino, Victoria in scena, pons sublicius  
 in amne. Incendia quoque multis locis fuerunt, et  
 mons Aetna finitimos gravi terrore detrimentoque  
 multavit.

XX. Athenis ex Deorum et gigantum dimicatione,  
 quam fecit in scuto Minervae Phidias, Dionysi si-  
 mulacrum ventis excussum in theatro jacuit; cujus  
 numinis habitum nomenque Antonius usurpare con-  
 sueverat. Eadem tempestas Eumenis Attalique colos-  
 sos, quos Antonio transcripserat civitatis adulatio,  
 ex multis solos evertit. Praesentibus curis adjecit  
 praeteritorum memoriam sollicitudo, quod nuper in  
 Etru-

---

Cap. XIX. Joseph. Antiq. 15, 7. et de B. Jud. 1, 14. Plut.  
 et Dio. Cap. XX. Plut. Plin. 36, 5. Plut. Dio.

Etruria draco biceps, longus pedes octoginta quinque, subito conspectus, post multa et varia damna data, fulmine ictus fuerat. Romae pueri, partium nominibus adsumptis, biduo concurrerunt: Antoniani victi sunt.

U. c. 740.  
A. C. 32.  
*Draco bi-*  
*ceps.*

XXI. Tot portentis pavefactae mentes quum in quotidiana belli expectatione essent, factum est, ut neuter eo anno quidquam inciperet. Caesar, ab Antonio venisse pecunias audiens, non audebat, nisi diligenter omnibus provisus, ab Italia discedere. Antonium, vix emersum e luxu, et improvise adventu hostes territare conantem, Caesarianae classis nuntium decepit, quam ad Ceraunios montes flare, speculatoriis navigiis conspectis, quidam adfirmaverant. Igitur, in Peloponnesum directo cursu, passim dispersit copias, quo et plura loca tutaretur, et divisus in expedito alimenta forent, Patris hiemare instituit. Ibi quoque eum prodigia impendentium malorum excepisse credita sunt, quod interea, dum illic agit, Herculis fanum, quem generis sui auctorem ferebat, conflagravit. Inter has belli moras ex omni ordine utrimque transfugerunt quidam: et L. Messium exploratorem deprehensum Caesar, offenso ei prius omni suo adparatu, missum fecit: quamquam eundem etiam bello Perusinò captum dimisisse meminerat.

*Antonius*  
*Patris hi-*  
*em.*

XXII. Ad Antonium sub id tempus epistolam misit Caesar, optionem offerens, venire ipse in Italiam, an se in Graeciam transire mallet, ea conditione, ut, qui admissurus alterum esset, stationes securas poriusque praeberet adnaviganti, et a mari copias suas tanto intervallo reduceret, quantum expeditus eques conficere una die posset. intra quintum deinde diem de summa re cerneretur.

*Eum Car-*  
*sar provocat*  
*ad proelium.*

XXIII. Hoc potius eo faciebat, ut animum suis augeret, quam quod Antonium tali conditione usurum credebat. irrisitque ille, dictitans, *Ecquis igitur iudex noster erit, si forte neglexerit alteruter pactorum fidem?* Ne tamen timere hostem videretur, contra poposcit, ut secum singulari pugna congredereetur. Hoc si facere non esset ausus, at ille Pharsalicis campis, ubi prius inter Caesarem et Pompejum decretum armis esset, exitum totius belli committeret. Haec acta sunt C. Sosio, Cn. Domitio

*Hic illum*  
*ad singula-*  
*rem pugnam.*

Cap. XVI. Plut. Dio. Cap. XXII. Plut. et Dio. Cap. XXIII. Pigh. Ann.

Supplem. Liv. Tom. XIV.

Q q

U. c. 720. consulibus; quum interim ex Kalendis Julis L. Cor-  
 A. C. 32. nelius, ex Kalendis Novembribus N. Valerius suffe-  
 cti consules magistratum gessissent.

XXIV. Hic annus quum inter adparatum minasque  
 belli praeterisset, matura omnia C. Caesar tertium,  
 U. c. 721. M. Valerius Messalla Corvinus consules exceperunt:  
 A. C. 31. hinc quoque capientibus omen hominibus, quod  
 C. Julio adeptus Antonio consulatus ad eum pervenerat,  
 III. M. Va- quem paucos ante annos ab eodem Antonio proscri-  
 lerio Coff. ptum meminerant. Nec temere factum existimarunt,  
*Consul fit,* quod ludis quidam mente captus, in theatrum insili-  
*nuper pro-* ens, coronam Divi Caesaris suo capiti imposuerat,  
*scriptus.* statimque discerptus a circumstantibus fuerat. Circa  
 eosdem dies lupus in aede Fortunae occisus, ludis  
 equestribus canis a cane devoratus est. Incendium  
 etiam inter prodigia propter magnitudinem damni,  
 nam Cereris etiam et Spei aedes cum pulcherrimis  
 donariis conflagrant, computatum est: quamquam  
 fraude libertorum excitatum esse constitisset. In fu-  
 rorem eos egerat tributorum acerbitas, quod ab om-  
 nibus hoc genus, qui quidem Italiam incolerent,  
 quibus res quinquaginta millium denariorum aut eo  
 amplior esset, octava pars facultatum in praesente  
 pecunia exigebatur. Tantaque fuit hominum impor-  
 tunitas, tumultu caedibusque et incendio grassantium,  
 ut armis eam coërceri oporteret. Illa demum severi-  
 tas et hos compressit, et ingenuorum praevenit mo-  
 tus: aegre ferentibus plerisque, quod ex praediis  
 Italicis quartam annui proventus pendere cogeantur.

*Incendium  
 a libertinis  
 excitatum.*

*Caesar in  
 Epirum mit-  
 tit classem.*

XXV. At Caesar, ut hostem inopinatus percelle-  
 ret, nondum mari navigabili, Brundisio proventus,  
 quum Corcyram usque venisset, tempestatibus co-  
 actus cedere, retro cursum flexit. Vere demum iterum  
 educta classis Epirum tenuit, expositisque legionibus  
 ibi castra metaturis, ad Leucadem insulam Ambacii-  
 que sinus cornua constitit. Nec occurrit statim An-  
 tonius, remigum inopia, quae variarum nationum  
 colluvies, quum procul ab imperatore hiemem trans-  
 egisset, neque exercuerat sese, et morbis atque trans-  
 fugiis admodum decreverat.

Cap. XXIV. Dio. Vell. 2, 84. Dio. Appian. Civil. l. 4.  
 p. 611. Dio. Strabo, l. 8. p. 381. Zonaras. Dio. Plat. Dio.  
 Plut. Dio. Cap. XXV. Flor. 4, 11. Dio.

XXVI. Igitur M. Agrippa, cum parte navium praemissus a Caesare, minime negligendam occasionem ratus, observato onerariarum adventu, quae ab Aegypto Syriaque et Asia cum armis atque commeatu ad Antonium tendebant, multas abripuit; et, plerisque locis exscesiones faciundo, vehementer Antonianos perterrituit. mox in Peloponnesum irrumpens, Methonen, Messeniae non incelebre oppidum, quamquam validissimo praesidio munitum, in oculis adversae classis subito adpulsa cepit, Bogudemque ibi Mauritaniae regem deprehensum occidit.

U. c. 711.  
A. C. 31.  
*Agrippa  
rem geris  
Arenae.*

XXVII. His auditis Caesar in spem erectus, contractis Brundisium senatus atque equestris ordinis primoribus, aliis, ut horum uteretur opera, ceteris, ne res interim novas domi molirentur, ad transjiciendum omnia comparabat, ostentans una, secum sentire, quidquid in urbe nobilitatis esset. Definito deinde, quantum eorum quisque servitii, quantum commeatum portaret, universas copias trajecit. Forte pars major Antonianae classis ad Actium (Epiri est locus) stabat; non firmissima remigio, quod inopia rerum necessariorum valde erat imminutum. Igitur, conditionibus aut vi sperans suam in potestatem hos venturos esse, Caesar eo cursum direxit. Naves in universum ille ducentas quinquaginta paraverat modicae altitudinis, ceterum expeditas et agiles; peditem octoginta millia, cum duodecim millibus equis.

*Caesar uni-  
versas copias  
trajecit.*

XXVIII. Antonius, tametsi legionum numero praestabat, tamen, ut Cleopatrae gratificaretur, in classe locaverat arcem spei suae, quamquam penuria remigium vulgo e Graecia corriperebatur a praefectis ejus quilibet, ita ut neque viatoribus abstineretur, agasonibusque, et messoribus, quo ex genere plerique erant, qui mare numquam vidissent. nec sic quidem succurri poterat indigentiae, quin magna pars classis pessime navigaret. Ajunt, quum paullo post Antonius Actium venisset, trientemque fere nautarum absumptum fame reperisset, crudelem sane atque prorsus inhumanam vocant effudisse: *Remi modo salvi sunt, remiges non deerint, quousque Graecia homines habuerit.* Ergo Caesar, pedestri exercitu ad Cerauniorum

Cap. XXVI. Oros. 6, 16. Dio. Strabo, l. 8. p. 359. Oros. et Dio. Cap. XXVII. Vell. Plut. Dio. Plut. Vell. Dio. Oros. Flor. Her. Epod. 1. Plut. Cap. XXVIII. Oros. Dio.

U. C. 711. A. C. 31. *montes exposito, qui dehinc ad Actium procederet, obiter recepta, quae relicta a fugiente praesidio fuerat, Corcyra, in Thesprotidis portu, quem, propter Thyamin et Acheronta fluviosque alios in eum incidentes, aut ex ipso mari ebullientes aquas, ob argumentum dulcem adpellant, classem constituit. Interea Caesaris adventum tumultuosi nuncii ad Antonium pertulerunt: illumque jam apud Torynen (Epiri oppidum fuit) considerare. Quos eludens Cleopatra, Quid magni est, inquit, si in Toryni sedet Caesar? ad culinariae supellectilis instrumentum, quod hac adpellatione Graeci notant, significationem detorquens.*

*Cleopatra  
ludit in ad-  
ventum Cas-  
saris.*

*Antonii so-  
lertia Caesar  
deluditur.*

XXIX. Sed hujusmodi dictis servari classis, sug-  
gerente Caesare, non potuisset. Antonius, cum  
praesentibus copiis impigre profectus, veteris ducis  
solertia subvenit, rostris tamquam ad procursum ob-  
versis, et, quo speciem instructarum ostentaret, remis  
ab lateribus navium demissis, et remigibus armatis per  
tabulata dispositis. Ita delusus Caesar, abjecto pu-  
guandi consilio, evocatos ad colloquium Antonianos  
corrumpere conatus, quum nihil succederet, neque  
propter aquarum penuriam, quas magnis operibus  
inaccessas hostis effecerat, commorari circum ea li-  
tora posset, ad locum, ubi mox Nicopolis exaedi-  
cata est, secessit. Castris hic communitis, muroque  
aliud ad partum (Comaro nomen est) perducto, ter-  
ra simul marique gravis Actio vicinus imminabat.  
Adeoque nihil ab eo praetermissum est, ut trans ean-  
dem murum a mari in sinum Ambracium naves trans-  
vexisse sit creditus, coriis bubulis receptibus oleo  
inunctis, per quorum lubricitatem facilius tantae  
moles provolverentur.

*Locorum,  
in quibus  
pugnatum  
est, situs.*

XXX. Ceterum is erat locorum situs, ut pro eo,  
qui prior occupasset, magnopere facturus videretur.  
Actium enim, circa quod ea gesta res est, Apollinis  
fano celebre promontorium Aetnaeae, os Ambracii  
sinus efficit, portus, apud Nicopolim qui sunt, respi-  
ciens: totusque is sinus, et quidquid ante eum loci  
est, quum adiciendis, tum tutandis navibus eximiam  
commoditatem praestat. Sed totum hoc spatium ope-  
ribus etiam Antoniani permuniverant, ad utraque si-

Cap. XXVIII. Thucyd. 1. p. 32. Strabo, l. 7. p. 324. Pau-  
san. Arcadic. Dio. Plut. Cap. XXIX. Dio. Plut. Dio. Cap.  
XXX. Strabo, l. 7. p. 325. et 40, 451. Thucyd. 1. p. 21. Flor.  
Dio.

nus cornua inaedificatis turribus, et mari, quod intulerat, navibus praecincto. Castra juxta fanum posuerant spatio plano et aperto, pugnaeque committendae, quam stativis, aptiore. Ut enim depressis et palustribus locis consuevit, tam hieme, quam aestate insalubris ibi aer erat, et morbi per castra vulgabantur.

U. c. 721.  
A. C. 312.

XXXI. Dum ita ex propinquo castra castris opposita sunt, nihil non expertus Caesar, educendo instructos ordines, ut pugnae faceret potestatem, adnavigando classe, et onerarias hostium abstrahendo, non tamen elicere in aciem eos potuit, quin adventum suorum praestolarentur. Tum vero propius admotus cum parte legionum Antonius, etiam equitatum ab utroque sinus latere praesidio collocavit. Caesar, nullo eo loco sibi casum ad tentandam proelii fortunam cernens aperiri, in Graeciam atque Macedoniam partem copiarum misit, ut Antonium a praesentium rerum cura revocaret. At Agrippa Leucadem, et quotquot ibi naves erant, repentino incursu cepit. Inde Patras, victo navali pugna, qui occurrerat, Q. Nasidio, neque diu post Corinthum in potestatem redegit. Quibus rebus, et quod a M. Titio et Statilio Tauro caesi Antonii equites fuerant, inclinare multorum animi ad fortunae momenta coeperunt. Transfugiebant ad Caesarem quotidie aliqui; sed inter notissimos Paphlagoniae rex Philadelphus Titio Tauroque se conjunxerat. Plus tamen adfecit Antonium Cn. Domitii transitio, qui, Cleopatrae invisus, quam solus Antonianorum numquam nisi nomine salutare voluerat, quamquam febre correptus, parvo acatio ad Caesarem trajecit. Antonius tamen, magnum animum praeferens, contra sententiam Cleopatrae, quidquid rerum Domitius reliquerat, ad eum remisit. Nec diu superfuit ille, non tam opera, quam exemplo, praelatis partibus utilis. nec enim tantus vir abjecturus priorem amicitiam fuisse, nisi desperatione, credebatur.

*Cum fortuna multi transiunt ad Caesarem.*

XXXII. Ergo, frequentibus jam transfugiis, Antonius, metu cohibiturus, quos benevolentia non posset, cum aliis quibusdam etiam partis Arabiae regem Jamblichum excruciatum occidit: et Q. Postumius

*Allos idem venantes Antonius interfecit.*

Cap. XXXI. Vell. 2, 84. et Dio. Plut. Vell. Sueton. Ner. c. 3. Dio. Plut. Dio.

U. c. 721. A. C. 81. senator jussu imperatoris manibus quorundam dis-  
cerptus est. Inde Q. Dellio et Amyntae regi timens,  
quos in Thraciam et Macedoniam ad conducendos mer-  
cede milites miserat, an ipsorum quoque perfidiam ve-  
ritus, ipse statuit eo proficisci, ut praesentia sua sive  
metum eorum, sive defectionem praeveniret. Male  
omnino hoc ei consilium vertit. nam et illi cum rege  
Thracio Rhymetalce, et Dejotarus ad Caesarianas par-  
tes se transtulerunt; et per absentiam ejus navale  
proelium ausus Sosius iniquo Marte dimicavit. Quip-  
pe L. Taresium, cum paucis navibus in statione re-  
lictum oppressurus, licet inter densam nebulam ad-  
gressus in fugam egisset, adsequi non potuit: et, Agrip-  
pae forte redeunti oblatus, cum multis aliis et Tar-  
condimotum regem perdidit. Hac pugna, simul quod  
ipse reversus equestri proelio inferior discesserat,  
vitare propinquitatem hostium coactum, post unius  
bidui moram majora castra adceperunt.

*Cleopatrae  
sententia  
vincit, in  
Aegyptum  
reverten-  
dum.*

XXXIII. Ibi quum etiam inopiam timerent, de ra-  
tione gerendi porro belli consultatum est. quum vari-  
atum sententiis esset, vicit, ut semper, apud Anto-  
nium Cleopatra, praesidiis firmari jubens opportu-  
nissima locorum, et in Aegyptum naves militesque  
reduci, ubi omnia pro ipsis essent habituri. Ceterum  
ad hoc consilium non muliebri tantum timore delapsa  
erat, sed etiam injecta frequentium prodigiorum cura:  
quod in praetoria sua navi, quam vocabat Antonia, da,  
quum hirundines nidum sub prora fecissent, aliae  
supervenientes et has expulerant, et pullos earum dis-  
cerpserant; et statuas Cleopatrae, Dearum insignibus  
adornatas, fulmen dejecerat. Hinc illa, diffidens  
praesentibus, Antonium quoque sui terroris imple-  
vit. Nec tamen confesso timore, ne suorum animos  
desperatione abalienarent, aut fugientium specie ab-  
iri placuit; sed instructa ad dimicandum classe, si  
quis propositum iter interpellasset.

*Licet Cani-  
dus contra  
dissensisset.*

XXXIV. At Canidius, remissa in Aegyptum Cleo-  
patra, pedestri Marte decernendum censuerat. Ne-  
que enim turpe ad famam fore, si Caesari, Siculis bellis  
nautica certamina edocto, mari cederet: id immo, si,  
neglecta damnataque fortissimarum atque fidelissimarum  
legionum opera, tot pedestrium proeliorum victor, in

Cap. XXXII. Vell. Plut. Anton. et Apophth. Rom. in Aug.  
Vell. Dio. Liv. Epit. Dio. Oros. Dio. Cap. XXXIII. Plut.  
Anton. et Dio. Dio. Cap. XXXIV. Plut.

classe summae rei spera reponeret. In Macedoniam igitur ac Thraciam jubebat transferre bellum, regem Dicomem, maxima offerrentem Getarum auxilia, socium discriminis habituros. Sed haec repudiata est, ut praediximus, sententia. Sub idem tempus Antonius propinquum periculum effugit, quum per longa brachia, quibus castrorum munitionem portui conjunxerat, pro more securus incederet. Caesar enim, admonitus excipi eum posse, clam miserat subseffores: atque illi, paullo festinantius exsurgentes, anteambulonem imperatoris corripuerunt: ipse celeri cursu vix se recepit ad suos.

U. c. 721.  
A. C. 34.

XXXV. Interim, delectis ex omni numero praestantissimis quibusque navibus centum septuaginta, ceteras, quod, immutato transfugiis pugnisque exercitu, compleri non poterant, igne consumi placuit: praeter Aegyptias sexaginta, quas malo consilio Cleopatrae relinquebat. Noctu deinde pretiosissimis rerum in naves comportatis, postquam omnia satis instructa parataque videbantur, Antonius, adhortandos prius milites ratus, advocata concione, hunc in modum fecisse verba dicitur: *Quae a duce parari oportuit, praesto esse omnia, ne mihi credi postulant, ipsi non vistic, atque adeo videtis, commilitones. siue numerum copiarum respicitis, siue cuilibet generi pugnae idoneas manus, haud dubie superiores sumus. taceo, quod tam strenui bellatores, plerique estis, pugnisque clarissimis nobilitati, ut vel singulorum celebratam virtutem hostes nostri horreant. Viribus igitur, in quibus sunt omnia, potiores, etiam pecantiarum non magnitudinis modo, sed facilitate parandi, atque libertate vincimus. nam ex ubere copia desumptis neque parcere cogimur, neque seditiones per vim ereptas querentium formidamus: qualia multa visuri mox in Italia sumus, ubi jam olim tumentibus animis metum, quo illi solo adhuc tenentur, arma nostra detraxerint.*

Antonii  
concio ad  
milites.

XXXVI. Post ista pene supervacaneum est de me dicere, nisi referre arbitrarer, hoc etiam ab omnibus intelligi, et vos esse ejusmodi, ut quolibet imperatore vincere possitis; et me, ut quibuslibet militibus. Et ego, non amplius juvenia calidus, nondum senecta segnis, hos ipsos annos habeo, quibus et corporibus adhuc robur constat, et mentium longe acerrima vis est.

Experientiam maxime  
praedicans.

XXXVII. De ingenio et usu, quamquam in meis laudibus debeam esse restrictior, id tantummodo dicam,

Cap. XXXIV. Dio, et Plut. Cap. XXXV. Oros. Plut. et Dio.



U. C. 721. senator jussu imperatoris manibus quorundam dis-  
 A. C. 310. cerptus est. Inde Q. Dellio et Amyntae regi timens,  
 quos in Thraciam et Macedoniam ad conducendos mer-  
 cede milites miserat, an ipsorum quoque perfidiam ve-  
 ritus, ipse statuit eo proficisci, ut praesentia sua sive  
 metum eorum, sive defectionem praeveniret. Male  
 omnino hoc ei consilium vertit. nam et illi cum rege  
 Thracio Rhymetalce, et Deiotarus ad Caesarianas par-  
 tes se transtulerunt; et per absentiam ejus navale  
 proelium ausus Sosius iniquo Marte dimicavit. Quip-  
 pe L. Taresium, cum paucis navibus in statione re-  
 lictum oppressurus, licet inter densam nebulam ad-  
 gressus in fugam egisset, adsequi non potuit: et, Agrip-  
 pae forte redeunti oblatu, cum multis aliis et Tar-  
 condimotum regem perdidit. Hac pugna, simul quod  
 ipse reversus equestri proelio inferior discesserat,  
 vitare propinquitatem hostium coactus, post unius  
 bidui moram majora castra adceperunt.

*Cleopatra  
 sententia  
 vincit, in  
 Aegyptum  
 reverten-  
 dum.*

XXXIII. Ibi quum etiam inopiam timerent, de ra-  
 tione gerendi porro belli consultatum est. quum vari-  
 atum sententiis esset, vicit, ut semper, apud Anto-  
 nium Cleopatra, praesidiis firmari jubens opportu-  
 nissima locorum, et in Aegyptum naves militesque  
 reduci, ubi omnia pro ipsis essent habituri. Ceterum  
 ad hoc consilium non muliebri tantum timore delapsa  
 erat, sed etiam injecta frequentium prodigiorum cura:  
 quod in praetoria sua navi, quam vocabat Antoniada,  
 quum hirundines nidum sub prora fecissent, aliae  
 supervenientes et has expulerant, et pullos earum dis-  
 cerpserant; et statuas Cleopatrae, Dearum insignibus  
 adornatas, fulmen dejecerat. Hinc illa, diffidens  
 praesentibus, Antonium quoque sui terroris imple-  
 vit. Nec tamen confesso timore, ne suorum animos  
 desperatione abalienarent, aut fugientium specie ab-  
 iri placuit; sed instructa ad dimicandum classe, si  
 quis propositum iter interpellasset.

*Licet Cani-  
 dius contra  
 diffinisset,*

XXXIV. At Canidius, remissa in Aegyptum Cleo-  
 patra, pedestri Marte decernendum censuerat. Ne-  
 que enim turpe ad famam fore, si Caesari, Siculis bellis  
 nautica certamina edocto, mari cederet: id immo, si,  
 neglecta damnaque fortissimarum atque fidelissimarum  
 legionum opera, tot pedestrium proeliorum victor, in

Cap. XXXII. Vell. Plut. Anton. et Apophth. Rom. in Aug.  
 Vell. Dio. Liv. Epit. Dio. Oros. Dio. Cap. XXXIII. Plut.  
 Anton. et Dio. Dio. Cap. XXXIV. Plut.

*classe summae rei spera reponeret.* In Macedoniam igitur ac Thraciam jubebat transferre bellum, regem Dicomem, maxima offerrentem Getarum auxilia, socium discriminis habituros. Sed haec repudiata est, ut praediximus, sententia. Sub idem tempus Antonius propinquum periculum effugit, quum per longa brachia, quibus castrorum munitionem portui conjunxerat, pro more securus incederet. Caesar enim, admonitus excipi eum posse, clam miserat subseffores: atque illi, paullo festinantius insurgentes, anteaambulonem imperatoris corripuerunt: ipse celeri cursu vix se recepit ad suos.

XXXV. Interim, delectis ex omni numero praestantissimis quibusque navibus centum septuaginta, ceteras, quod, imminuto transfugiis pugnisque exercitu, compleri non poterant, igne consumi placuit: praeter Aegyptias sexaginta, quas malo consilio Cleopatrae relinquebat. Noctu deinde pretiosissimis rerum in naves comportatis, postquam omnia satis instructa parataque videbantur, Antonius, adhortandos prius milites ratus, advocata concione, hunc in modum fecisse verba dicitur: *Quae a duce parari oportuit, praesto esse omnia, ne mihi credi postulent, ipsi non videntis, atque adeo videtis, commilitones. sive numerum copiarum respicitis, sive cuiuslibet generis pugnae idoneas manus, haud dubie superiores sumus. taceo, quod tam strenui bellatores, plerique estis, pugnisque clarissimis nobilitati, ut vel singulorum celebratam virtutem hostes nostri horreant. Viribus igitur, in quibus sunt omnia, potiores, etiam pecantiarum non magnitudinis modo, sed facilitate parandi, atque libertate vincimus: nam ex ubere copia desumptis neque parcere cogimur, neque seditiones per vim ereptas querentium formidamus: qualia multa visuri mox in Italia sumus, ubi jam olim tumentibus animis metum, quo illi solo adhuc tenentur, arma nostra detraxerint.*

XXXVI. Post ista pene supervacaneum est de me dicere, nisi referre arbitrarer, hoc etiam ab omnibus intelligi, et vos esse ejusmodi, ut quolibet imperatore vincere possitis; et me, ut quibuslibet militibus. Et ego, non amplius juvenis calidus, nondum senecta segnis, hos ipsos annos habeo, quibus et corporibus adhuc robur constat, et mentium longe acerrima vis est.

XXXVII. De ingenio et usu, quamquam in meis laudibus debeam esse restrictior, id tantummodo dicam, *Experientiam maxime praedicans.*

Cap. XXXIV. Dio, et Plut. Cap. XXXV. Oros. Plut. et Dio.

**U. c. 711.** neutrum mihi defuisse, quominus et utilia providere, et opportuna dicere, et domi bellique facere, quae oporteret, possem. nec ferme particula ulla negotiorum utrobique offerri potest, quam non experiundo didicerim: saepe aliorum ductu, saepe meis auspiciis res gerendo, parendi imperandique cognitas omnes rationes habeo. multa caute, haud pauca audacissime gessi, ut temporibus recte uti adsuescerem. neque fortuna defuit, quin et victoriis me multis, et nonnumquam infortuniis, ad omnes bellorum casus erudiret.

**Contra Caesarem spiritus.** XXXVIII. Sed ista quum apud conscios dicam, non ero prolixior, ubi unum hoc addidero, quum adversae partes numero et robore militum, adparatumque varietate multipliciter vincantur, a nulla tamen re imparatiores, quam ab imperatore, in certamen descendere. Unde enim ei in his annis necessaria huic loco experientia? quem et corpore invalidum esse scimus omnes, nec aut in continenti, aut in mari ullius proelii victoriam per se obtinuisse. Certe in Philippicis campis, dum ego vinco, ille fusus, fugatus, castris exultus est: nec, quid intersit inter duos, aut brevius possem, aut verius exponere. Jam etiam victoriae futurae certissimum praesagium sumi ex paratibus solet. Illis igitur, si quid roboris est, forte sit in legionibus et pedestribus copiis. at vero navibus, ut ipsi videtis, tanta differentia est, ut nostris quidem noceri minime posset a tanto infirmioribus, si sola mole sua defenderentur. jam vero quum tantus sagittariorum numerus e turribus telorum imbrem eminens sparget, equis hostium suggredi iustinebit?

**Siculam Caesaris victricem eloquat.** XXXIX. Neque vero Sicula victoria quemquam terreat, quae et ipsa non Caesaris decus, sed Agrippae ministerium, immo classis meae facinus fuit. cum mancipiis et libertis Pompeji decertatum est: et quid ejus copiae ad nostras? Et sic tamen semel iterumque foede multatus est iste Caesar, quum unius Siciliae vires oppositas haberet. at quota pars imperii nostri est Sicilia? ut, si quis hanc subegerit, formidandus esse nobis videatur. Ego vero tam parum istis eventis moveor, ut, quum possim et pedestri bello vincere, maritimo experiri maluerim, cujus victoriam secum tracturam omnia prospicio. Nam hostium legiones, in angusta conclusas quasi quadam insula, quum omnia circa nostra sint, sedendo deinceps, et arcendo tantum commeat, quod mare tentibus facillimum erit, expugnabimus.

**Crudelitatem ejus exponit.** XL. Dixi, milites, quanta brevitate potui, quantis argumentis victoriam nobis certam debere arbitrarer. Nunc etiam, quod omen Dii avertant, quid victis expectandum sit, cogitate; quo fortius pugnam capessatis, hisque animis ineatis proelium, ut omnino victoribus inde discedendum existimetis. Sicula illorum victoria nobis documento sit, quae in vos sint exempla edituri, qui tam multos, etiam illustrium virorum, interemerunt;

nec eorum tantam, qui apud Pompejum fuerant, sed etiam ex Lepidanis, socios suos consortesque periculorum, quibus haud minimam deberent partem ejus ipsius victoriae, qua tam insolenter abutebantur.

U. c. 721.  
A. C. 31.

XLII. Quid jam de ipso Lepido loquar? cujus quum injuriam nullam, beneficium magnum et recens haberent, (nec enim sine hujus auxilio evertere Pompejum potuissent) ingratisissimi mortalium hominem innocentem, benemeritum, mitem, imperio exuerunt, et nunc quoque captivi modo habent in custodia. Neque mitiores in ceteros, quos pecunias crudeliter exigendo quum in arma egissent, pro hostibus occiderunt. Qui ergo talia in amicos sociosque perpetrant, quid non audebunt in adversarios? Nobis scilicet parcent, quibus illi viles fuerunt? abstinebunt nostris, qui suorum facultatibus minime perpercerunt? tam impotentes manente bello, victoria moderate utentur?

Et ingratum animum erga Lepidum,

XLIII. Sed quid ego in enarrandis, quae adversus alios deliquerunt, verba consumo? quis enim indignius me ipso adceptus est et habitus? Triumvir constituendae reipublicae pari, atque Caesar, jure creatus, tanto tempore sic usus potestate, ut poenitere ejus non debeat; quantum in collega est, magistratu prior, destinato etiam consulatu careo: non de senatus sententia, cujus nomen frustra praescribi, tot primorum ejus ordinis, ipsorumque adeo consulum profectio ex urbe demonstravit. Satellites Caesaris sunt, qui haec molienti Patrum auctoritatem falso circumdant, in se quoque, non tantum in rempublicam, injurii, quando sic se cervicibus suis regem imponere non sentiunt. Jam pro se quisque rationem ineat, quid sibi possit ab hoc monstro polliceri; cujus inhumana atque impia temeritate testamentum M. Antonii penetralibus Vestae vi raptum est, vivi, valentis, Armeniae tum maxime victoris, et tanta potentia subnixi: nec raptum modo, sed resignatum, lectumque publice. Cujus quidem exemplum rei ne feracissima quidem scelerum tempora produxisse memorantur.

Itemque suas iniurias,

XLIII. Haec ergo designavit in collegam suum, cognatum, amicum etiam, si Diis placet. ecce enim negat arma adversus me induisse! Quid ergo vobis fiet, commilitones, quibus aperte minatur, quorum honoratissimum quemque inter hostes judicatos nominatim retulit? Quod si non eodem decreto bellum indixit omnibus, ne ideo factum putetis, quod in aliquos futurus sit lenior. Discordiae semina jacere voluit vaser adolescens, satis gnarus, conjunctis se parem esse non posse: sin dissentiamus, adversus omnes occasionem aperiri. Ergo et credulos nonnullos levesque spe ac promissis pellexit: non reputantes, hac se perfidia justum imperatorem, et reddendae reipublicae studium jurejurando professum, cum eo commutare, qui nihil aliud, quam servitutem simul omnium, quaerat.

Et atque dissimulationem aesaris.

U. c. 721, XLIV. *At ego cum ceteris illustribus viris, tametsi*  
 A. C. 31, *edicto Caesaris omni metu vacare jubemur, rebus potius,*  
*peroratio. quam verbis, adcredentes, neque vos deserere, neque ce-*  
*teros, qui servituti libertatem anteponunt, decrevimus.*  
*Rem igitur sane aequissimam postulamus, ut eodem in*  
*nos animo sitis, duo maxime ponentes ob oculos, et*  
*quantus exituri misérias bene pugnando, et quanta ad-*  
*epturi bona sitis. Nihil in vos hosti superbo atque cru-*  
*deli licebit: vos immo, ad summa gloriae potentiaeque*  
*profecti, rerum arbitri eritis: neque vobis tantummodo*  
*in liberata patria, sed ipsis quoque, quos viceritis, in-*  
*gentium commodorum auctores.*

XLV. Hanc in sententiam loquutus principes ami-  
 corum, ne superiorum exemplo profugerent, in na-  
 ves imposuit: jussis una conscendere sagittariorum  
 duobus, legionariorum viginti millibus. Quod enim  
 Caesarem Siculo bello victorem fecisse magnitudo  
 maxime navium, et multitudo propugnatorum crede-  
 batur; ipse quoque utramque imitari constituit. Er-  
 go et triremes raras aedificarat, ceteras ab quaternis  
 usque ad denos ordines, cum praealtis turribus. Fe-  
 runt, quum praeter illum legiones in classe pugna-  
 turae incederent, veteranum centurionem magna et  
 queribunda voce exclamasse; *Ergone, his cicatricibus*  
*(ostendebat enim frequentes toto adverso corpore)*  
*gladioque diffusus, Imperator, spes tuas his nullius usus*  
*lignis concedes? At ista Phoenicibus et Aegyptiis digna*  
*est militia: nobis terram praebe, in qua aut vincere, aut*  
*occumbere didicimus. Ille nihil ad haec: sed, nutu*  
*tantum manuque mota ostendens bonum animum ei*  
*habendum, praeteriit. Sed ipse, tristium potius,*  
*quam meliorum, objecta imagine, vela comportari*  
*jubebat in naves, ut scilicet persequendi fugitivos ho-*  
*stiles facultas foret.*

XLVI. At Caesar, consilio Antonii ex transfugis  
 cognitò, sibi quoque ante discrimen agendum cum  
 exercitu ratus, ejusmodi orationem habuit. *Eventus*  
*bellorum pro bonitate caussaeque plerumque justitia numi-*  
*nuni dispensari, non hodie demum herive credi coepit,*  
*sed ex omni temporum memoria constanti priorum obser-*  
*vatione veluti per manus traditum est. Igitur, licet ita*  
*parati simus, ut vel injustum bellum satis felix fore con-*  
*fidere debeamus, plus tamen fiduciae in eo repono, vo-*  
*bisque reponendi sum auctor, quod non facturi injuriam,*  
*sed intentatam repulsuri, hoc, quidquid est, periculi subi-*  
*bimus.*

Cap. XLV. Plut. Dio. Plut. Flor. Vell. Virg. Aen. 8, 693.  
 Hor. Epod. 1. Dio. Plut. Cap. XLVI. Dio.

XLVII. *Equid enim Romano populo, gentium omnium principi, plerarumque victori, adcidere indignius potuisset, quam quod adversus Cleopatram, quasi hostem, tanto cum adparatu proficisci cogimur? Sane ego hac nuntii foeditate non solum, si qui manium sensus est, valde permoveri Fabricios, Scipionesque, et Aemilios putem; sed etiam Pyrrhum, et cum Philippo Magnum Antiochum, et clarissimos Poenorum principes erubescere, si mulierem Aegyptiam intelligant cum his contendere, quorum a majoribus tanti ipsi reges imperatoresque victi sunt. Neque vero meriti hanc ignominiam sumus, quibus Gallia subacta, quibus Pannoni ad Istrum usque domiti, transitusque Rhenus, et in Britanniam trajecti exercitus, satis illustria testimonia sunt, nihil nos a priorum virtute defecisse.*

U. c. 721.  
A. C. 31.  
Vult videri  
populi Romani  
bellum ad  
versus Cleopatram.

XLVIII. *Proh Deos immortales! adeone nos a vilissimis hominibus despici, ut ab Aegyptiis et Alexandrinis provocemur? Quid enim ad exprimendam istorum molli-  
tatem ignaviamque dici verius aut expressius potest? Hi dicunt, igitur mortalium turpissimi simul atque inertissimi, qui tanta sunt vecordia, ut reptilia ferasque colere pro Diis possint; qui condiendis corporibus immortalitatis adflectant inane ludibrium, quam ab animis suis gestisque sperare non audent; qui semper ut ad res novandas levitate praecipites, ita ad gerendas prae timiditate ineptissimi fuerunt: hi, inquam, procedere in conspectum nostrum, ostendere arma sua, exspectare nostra sustinent.*

Aegyptio-  
rum igna-  
viam offen-  
diunt.

XLIX. *Quamquam quid ego horum amentiam reprehendo; quae, per se facile quietura, nostrorum fatali quodam furore stimulat? Romanas illi, proh pudor! ternos ritus Romanas intuentur manus, commilitones! Nostri generis homines reginae suae stipatores conspiciunt: hinc equites Romanos; hinc senatores spadonum eam vilitate adulari. Quid quod M. Antonium, bis consulem, saepius Imperatorem, reipublicae constituendae mihi datum collegam, tot terras imperio, tot exercitus obtinentem, a moribus nostris descivisse vident, omnemque et natalis soli caritatem, et patriorum numinum reverentiam abjurasse. Etenim, si quis forte vestrum est, qui aliis auctoribus parum credidit, scitote, M. Antonii jussu et exemplo pro Iside aut Diana adorari Cleopatram? Antonio imponente, natos ejus Solis atque Lunae ferre nomina: Antonium his amplissimas insulas, magnam continentis partem, tamquam privatum patrimonium, distribuisse.*

M. Antonio  
in ex  
ternos ritus  
descivisse  
inculcat.

L. *Etiam si certissima sunt haec atque compertissima, Patientiam credere cunctantibus ignosco. Sed eadem facinorum magnitudo, sicuti vix invenire fidem objecta potest, sic nota diu pacis eadem et probata veniam enormibus peccatis negat. Qua praedicat, in re plus aliquanto patriae salutique omnium, quam adfectui meo, debere intelligo. Quid enim non feci tulique; ut hic a me servari posset, quem, patrem adpellare soli-*

Cap. L. Appian. Civil. l. 3. Dio.

U. c. 721. tus, participem consiliorum, collegam potestatis habui;  
 A. C. 31. cui sororem carissimam junxi matrimonio; cui, ut alia  
 taceam, totos exercitus dono dedi? Quam ergo cunctan-  
 ter ad vindictam Romani nominis adcesserim, inde ma-  
 nifestum esse cunctis credo, quod neque contumelia soro-  
 ris, neque susceptorum ex ea liberorum neglectu, non  
 Aegyptiae mulieris, quam sorori meae anteposuit, inso-  
 lentia, non amentia ipsius, provincias populi Romani  
 liberis istius feminae distribuentis, in arma compelli po-  
 tui. Neque enim eodem mihi tum numero ducendi vide-  
 bantur Antonius et Cleopatra: quod adversus externam  
 arma, patius expediri dignitas nostra jubebat; civi ad  
 poenitentiam spatium dari postulabat humanitas. Et,  
 indicto Cleopatrae bello, sperabam hunc, si non ultro,  
 coactum certe ad meliorem mentem rediturum esse: ideo-  
 que nec hostem judicari passus sum.

*Sed Anto-  
 nium bellum  
 sibi non in-  
 dictum su-  
 mere.*

LI. Quando autem ille nec misericordia nostra, nec  
 patientia utitur; sed, sive impudentia, sive pharmacis,  
 ut ferunt, istius veneficae mota mente, beneficium no-  
 strum repudiat, in mulieris gratiam nobis patriaeque pe-  
 riculum intentans, quid superest, commilitones, quam  
 ut hunc Cleopatrae volonem, iisdem, quibus et dominam  
 ejus, armis, submoveamus? et, quando ipse majorum  
 suorum et Romani nominis, et honorum a patria adce-  
 ptorum non meminit, nos quoque Romanum hunc et An-  
 tonium consulemque atque Imperatorem fuisse oblivisca-  
 mur. et, quod ipse omnibus his titulis praetulit, cum  
 Canopico cymbalista negotium esse cogitemus?

*Nec tamen  
 magnum ad-  
 ferre mo-  
 mentum par-  
 tibus.*

LII. Unde neque cuiquam ea reputatio subeat, talem  
 isthunc hominem aliquid ad partes corroborandas Cleo-  
 patrae sua praesentia momenti adjecturum. Qualis an-  
 tea quoque bellator fuerit, multi vestrum satis norunt,  
 a quibus ad Mutinam victus ac fugatus est. Quod si  
 forte, dum a nobis stetit, aliquid habuisse virtutis visus  
 est; id omne olim jam voluptatibus mollitieque deperit.  
 Nam, inter regias voluptates, inter mulierularum amo-  
 res, quae durare virtus, aut quid manere consilii ani-  
 mique virilis queat? Nec enim fieri potest, ut alius sit  
 quisquam, atque se esse studet. delicias inertia atque  
 negligentia sequitur; laboribus atque periculis virtus ali-  
 gaudet. Igitur et ille quondam non instrenuus Antonius,  
 tanto jam tempore unica suscepta expeditione, multa  
 millia civium pugnando ad Praaspa, plura deinde fugi-  
 endo perdidit. Nec mirum sano. Nam, si quis vestrum  
 lascivam saltatiunculam aliquam, aut Bacchicae choreae  
 ductorem desiderat, vix nancisci meliorem alium posset:  
 illis enim rebus adprime est exercitus. at, cui duce sit  
 opus, si sapiat, alium quaesiturus est.

*Quod mili-  
 tes cum ado-  
 riant.*

LIII. In hoc enim quid est, quod placere cuiquam de-  
 beat? Aetas? at illa defloruit annis, emarcuit luxuria.  
 Animi magnitudo? tamquam illa cum stupris et mol-  
 litie consisteret. Pietatem ergo cultumque Deorum ali-  
 quis nominat? quasi vero hoc non aequae, ac patriam,

oderit. Videm? hujus enim egregium edidit specimen in Armeniae rege. At benevolentiam erga amicos? laudetur sane illa atque praedicetur, si non intimas alios contumeliis a se pepulit, alios etiam crudelissime interfecit. Erant, qui apud milites magnam ejus esse caritatem existimarent. Sed his quoque, aut vehementer fallor, hunc errorem quotidiana ad nos transfugia exemerunt. Atque ego ceteris quoque similem esse animum non dubito: iterumque eventurum ei, quod Brundisio in Galliam proficiscenti contigit. Tum enim etiam, quamdiu momentum sine periculo sperabant, adhaeserunt omnia profuse pollicenti: postquam praedam tenuem et laboriosam, vulnera et mortes nusquam non occurrere viderant, sibi coeperunt consulere, neglectis illius rationibus.

U. c. 721.  
At C. 31.

LIV. Talis ergo militum animus erit. Auxiliorum vero, quae secum trahit, qualis sit, quid attinet dicere? Asiaticum id omne genus est, e qua parte terrarum, toties triumphatum, quoties in conspectum venire signarum nostrorum sustinuerunt: reliquiae eorum, quos Philippensi bello ad satietatem vestram cecidistis. Unum esse fateor in hostilibus castris, ejus nec inficiari veritatem, nec elevare magnitudinem ausim. Ingens in illis navibus auri pondus est, maximae divitiae. Sed illa neminem vulnerant, et, si viri estis, vestra sunt. At quorum ego haec commemoro, quae tantummodo excitare avaros possint? Debentur quidem ista vobis, atque ultro mox aderunt. Sed digniora vobis victoriae praemia esse reor, quod majestatem principis terrarum populi, quod vestras injurias, vestram gloriam, vestrum imperium defendisse dicemini.

LV. Huc igitur adeste, quotquot aut nuper mecum Illyricas Dalmaticasque nationes, aut paullo ante Siciliam vicistis; quique Mutinam huic eidem lutroni eripulistis: et, quam pro castellis obscuris capiendis, pro una aut urbe defendenda, aut recuperanda provincia, reipublicae fortem fidelemque praestitistis operam, eandem nunc in universo omnium discrimine adhibete. Nam, si verum dicere volumus, ut apud nos pro libertate populi Romani, et tantum non humani generis, sic inde in ruinam utriusque pugnabitur. Cum ea femina bellum est, quae et concupiscere Romanum imperium, et cupiditatem profiteri audeat; cum eo homine, qui non minus stolide promissit haec omnia, quam illa nequiter postulaverat. Absit vero, ut haec tam dira dictaque etiam vix tolerabilia ulla dies vident, ut in tam impuris manibus populi Romani sit respublica, ut scurris horum, quos digno sane nomine copulae ipsi vocant, vos conjugesque vestras, liberi, patrimonia divexanda dentur.

Rom. Imperium vindicari jubet a dominatione feminam.

LVI. Sic animati neque multitudinem hostium timebitis. turba enim est, et vulgus, haud parum aptius

Naves Antientis ad pu-



U. c. 731. sarcinis, quam armis, portandis genus. Neque magnitudinem navium pueriliter suspexeritis. inhabilis illa quam dicit moles per se neminem oppugnat aut sauciat, et ultro parum est ad impellendum inhibendumque, quum oporteat, esse inhabiles. Quid igitur facient, in his conclusi magis, ne effugiant, quam impositi ad pugnandum cum spe victoriae; ubi tamquam equestri agilitate omni a parte triremes nostras Liburnasque adsultantes videbunt? ubi velut in immobiles et ictibus se praebentes hinc rostra incurrent, inde tela ac faces injicientur? Non expedient hercule consilium, ad fugiendum aequae et insequendum inepti, et velut in vestigio haerentes. Atque haec non quasi divinus ante experimentum praedico, commilitones: duobus jam proeliis comperta loquor, et nemini vestrum ignota. Sic igitur nos paremus, tamquam uno proelio, quidquid ab imperio nostro exerravit, sub jugum revocaturi.

Sed et illud fugae, quam pugnae, causa conscendisse.

LVII. Nec Asia solum et Graecia nostra erit, sed Aegyptus etiam, veteribus opibus, et quas nuper ubiubi rapere potuit Antonius, dives. Nec enim pedestris exercitus, sua quoque confessione nobis impar, victoriae praemia morabitur, neque vincere difficile est, quales diximus, nauticas copias: de quibus ipsa etiam cum marito Cleopatra desperavit. Namque, ne quidquam vos celem eorum, quae certis indicibus cognita teneo, fugae potius, quam proelii, causa naves conscenderunt, certo sane argumento, quod ex omni suppellectili, quidquid paullo pretiosius fuit, eodem importandum curaverunt. Idcirco, qui fortassis nudos abire pateremur, nunc praemia victoriae nostrae secum ablaturus non dimittemus, donec et haec et ipsos strenue pugnando nostram in potestatem redegerimus.

Caesar se ad proelium comparat.

LVIII. Sic dimissa concione, utrumne obsisteret exituris, an vero viam aperiret fugae, agitare coepit. quod enim velociores habebat naves, facile se consequuturum abeuntes rebatur: et, si Antonium cursus abstulisset, ceteros omnes, nullo amplius retinente, ad se transituros. Sed, Agrippa subjiciente, favore ventorum eripi sibi classem velis usuram posse, proelium committere statuit, majore aliquanto spe vincendi, postquam illo die tempestas orta, et proximo deinde triduo desaeviens, effusis imbribus et multa grandine navibus Antonianis molesta incubuit. Quinto demum die quum reddita serenitas esset, Caesar et ipse, postquam, in hostia reperto felle duplici, egregie litarat, magnam vim militum in navibus collocat: amicos in scaphas imponit, ut celeriter discursando

monerent pugnantes, quid fieri vellet, et ad se, quid ubivis rerum gereretur, referrent. His ita paratis, quum dextro cornu M. Lurium, sinistro L. Arruntium praefecisset, Agrippa universae classi praeposito, ipse cum Valerio Messalla et aliis illustribus, futurus ubi res postulasset, egressum hostis exspectabat.

U. c. 721.  
A. C. 31.

Cap. LVIII. Vell. 2, 83. Plut. Brut. 52. et Appian. Civil. 1. 4. p. 611. Vell. Dio.

# E P I T O M E

## LIBRI CENTESIMI TRIGESIMI TERTII.

*M. Antonius, ad Actium classe victus, Alexandriam profugit; obsessusque a Caesare, in ultimarum desperatione, praecipue occisae Cleopatrae falso*

30

*Occisae Cleopatrae falso rumore impulsus]* Prima vox deest in Berg. *occisa Cleopatra* Boend. Male. Quemadmodum Cleopatra rumorem mortis suae spargi iusserit, vide Plut. in Anton. 951. et Dion. Cass. 51, 450. Paulo ante Antonii praenomen deest in Boend. Vide ad Epit. 62. Tum in *ultima desperatione rerum* legit Lov. 2.

*Se ipse interemit]* *se ipsum* Boend. et ed. Camp. Vulgatum elegantius esse, vidimus ad 2, 19, 5. Quamvis vero vix ad elegantiam linguae Latinae scriptor Epitomarum exigi possit, aliquid tamen ei ex lectione Liviana adhaesit. Praeterea pro vulgato stant reliqui omnes scripti et editi. Deinde *interfecit* Leid. Voff. Berg. Lov. 2. et Boend. Vide ad Epit. 73.

*Caesaris Alexandria in potestatem redacta. Cleopatra, ne in arbitrium victoris veniret, voluntaria morte occubuit. in urbem reversus]* Haec verba male interpuncta ex auctoritate manuscriptorum libri ita debent dispungi et legi: *Caesar, Alexandria in potestatem redacta, Cleopatra, ne in arbitrium victoris*

*veniret, defuncta, in urbem reversus* etc. Sunt enim haec omnia una periodo connectenda. SIG. Quemadmodum emendandum ac distinguendum monuit Sigonius, etiam in contextu edidit, nisi quod duabus vocibus additis vulgavit *voluntaria morte defuncta*; quas etiam retinent omnes scripti nostri. Sigonio per omnia consentiunt Berg. ed. Camp. et, teste Hearnio, Exc. Pithoei: reliqui vero, quibus usus sum, parum differunt. Nam *Alexandriam in potestate* legit Voff. in *potestate*, tum in *arbitrio*, et *defuncta est* Leid. *defuncta est* etiam Lov. 2. et Boend. Mox *volucula tres* exsulat a Leid. intercepta forte a primis literis sequentis *triumphos*.

*Tertium ex Cleopatra]* Scribe *de Cleopatra*. Dicimus enim *triumphare ex provincia*, non autem *ex rege*, sed *de rege*. SIG. *de Cleopatra* omnes scripti mei, et ed. Campani.

*Inposito fine civilibus bellis altero et trigesimo anno]* Lege *altero et vigesimo*, non solum quia ita est in veteribus libris, sed etiam quia historiae veritas id postulat. Nam a Lentulo et

so rumore impulsus, se ipse interfecit. Caesar, Alexandria in potestatem redacta, Cleopatra, ne in arbitrium victoris veniret, voluntaria morte defuncta, in urbem reversus, tres triumphos egit: unum ex Illyrico, alterum Actiaca victoria, tertium de Cleopatra, inposito fine civilibus bellis altero et vigesimo anno. *M. Lepidus*, Lepidi, qui triumvir fuerat, filius, conjuratione contra Caesarem facta, bellum moliens, oppressus et occisus est.

Marcello consulibus, quibus civilia arma primum sumpta sunt, usque ad Caesarem V. et Sex. Apulejum consules, quibus posita sunt, tot anni numerantur. Vollejus lib. 2, [89.] *Vicesimo anno finita bella civilia.* SIG. Vulgatum perierant Voss. Lov. 2. Boend. et Norv. Sed Sigonio, altero et vigesimo emendanti, concinunt Leid. Berg. et Exc. Pithoei. Praeterea civilibus armis Voss.

*M. Lepidus, Lepidi, qui triumvir fuerat, filius*] Duae ultimae voces desunt in Exc. Pithoei. *M. Lepidus, qui Lepidi*

*triumviri filius fuerat* Boend. *M. Lepidus, qui Lepidi triumviri fuerat filius* Voss. Norv. et omnes edd. ante Gruter. qui ejus, quod nunc exstat, auctor existit. et recte. Non enim fuerat, sed erat ejus filius, patre adhuc vivente. Cum Grutero faciunt Leid. Lov. 2. et Berg. Vellej. 2, 88. *M. Lepidus, etc. Lepidi ejus, qui triumvir fuerat rei publicae constituendae, filius, Junia Bruti sorore natus.* Mox adversus Caesarem, pro contra, Leid. Voss. Berg. Lov. 2. Boend. et ed. Camp. Vide ad Epit. 57. Deinde *oppressus est*, duabus mediis vocibus omissis, Voss.

# JOHANNIS FREINSHEMII

## SUPPLEMENTORUM LIVIANORUM LIBER XCVIII.

### IN LOCUM LIBRI CXXXIII. T. LIVII.

U. c. 721. I. Dum apud Caesarem hi adparatus fiunt, ex di-  
A. C. 31. versa parte Antonius, clâssis suae dextro cornu cum  
*Antonii* L. Gellio Publicola praefuturus, laevum C. Sosio, me-  
*praetoria* diorum régimen M. Octavio et M. Instejo tradiderat:  
*ab Echeneide* paulloque extra portum provectus, pro faucibus ejus  
*de retinetur.* instructa acie stabat. Tradunt etiam, quasi in perniciem ejus omnia conspirassent, ab Echeneide pisciculo retentam praetoriam fuisse, qua circumire ad exhortandos suos coeperat, donec in aliam navem transiret. Evectus igitur Caesar, ubi nusquam progredi hostem animadvertit, incertus consilii, tamen expediri remos praecepit. deinde, ubi nemo ex adverso procedebat, (nam scapha circumvectus Antonius gubernatores tenere locum circa angustias portus, tamquam ancoris jactis immobiles, jusserat, hortatus milites, ut, propter gravitatem navium, inde velut stataria pugna adgredientes exciperent) signum datum, uti cornua inveherentur. In alterum jam Agrippa transierat: quem porrigere videns aciem Publicola, dum suos etiam ordines expandit, a mediis divellebatur. Tum Antonius, ne multitudine hostilium navium circumveniri suam classem, aut diduci pateretur, invito propior in advenientes Caesarianos movit. Ibi vero, L. Arruntio occurrente, atrox et obstinatum certamen ortum, ducibus utrimque atque gubernatoribus ex sua alacritate aut arte spem pugnantium intendentibus: et animos insligante conspectu atque adclamationibus pedestrium copiarum, quarum regimen hinc P. Canidius, inde Statilius Taurus, obtinebant.

*Navium et* II. Sed erat sicuti navium utrimque, sic etiam pugnae ratio dispar. Caesariani minoribus et levibus  
*pugnae ratio*  
*dispar.*

Cap. I. Plut. Anton. et Vell. 2, 83. Dio. l. 50. Plin. 31, 1. Plut. et Dio. Vell. et Plut. Cap. II. Flor. 4, 10. Dio. et Plut.

navigiis hostilium moles impetu subibant, tectique et sub ipsa eorum magnitudinis latentes impune detrimentum inferebant: aut, si frustra conatus fuisset, priusquam manibus ferreis comprehenderentur, se recipiebant, mox eandem iterum navem, aut, si qua alia opportunior videretur, libero incursu tentaturi. Adversus haec Antonianis curae erat, ex praealtis navibus (decem pedes aliquae a mari aberant) catapultis hastas aut saxa jacere, succedentem hostem missilibus incessere, harpagoes injicere navibus. ea res quoties procedebat, haud dubie vincebantur Caesariani: ubi, subducentibus se his, atque celeritate sua eripientibus, aberraverant machinae; aut rostris hostilibus perforabantur Antonii naves, aut singulas a pluribus circumventas amittebat. Erant in altera parte gubernatores periti, remex alacer, dux intentus: in altera praeter milites nihil. sic igitur pugnabatur, ut hinc sola legionariorum virtute res sustineretur, inde plurimus nautarum atque remigum labor esset.

U. c. 721.  
A. C. 31.

III. Quum ab hora quinta diei usque in septimam multa utrimque caede dimicatum, neutro inclinante victoria, esset; Cleopatra, quae post aciem, ancoris in salo jactis, naves suas constituerat, haud ultra ferens spei terrorisque ancipites moras, cum sexaginta suis navibus, in medio pugnantium subito conspecta, exterruit Caesarianos; donec eam, minime pugnandi animo progressam, Peloponnesum versus sublati dolonibus fugere animadverterunt. Forte propitius ventus subortus longe has statim a loco, ubi pugnabatur, abripiebat. Igitur sive deceptus Antonius, et suos excedere proelio ratus, sive Cleopatram anteponens omnibus, ipse quoque, detracto insigni praetoriae navis, Alexandro Syro et Scollio quodam solis familiarium comitantibus, intendit fugam.

Et post eam  
Antonius.

IV. Neque segnius resistebatur, nolente imperatorem relinquere milite, a quo relictus atque proditus ipse erat. Tandem, sub horam decimam clamante atque rogitante Caesare, *cujus igitur auspiciis, cujus in gratiam pugnarent post imperatoris fugam?* vix inducti sunt, ut oblatam ultro veniam accipere faterentur.

Cap. II. Oros. 6, 19. Dio, et Plut. Vell. Dio. Cap. III. Oros. Dio. Plut. Oros. Flor. Vell. Virg. 8. Aen. v. 709. Hor. Carm. 1, 37. Plut. Dio. Vell. Plut. Cap. IV. Dio. Plut. Vell. Plut. Vell.

U. c. 751. Para tamen, ad sublevandas naves projectis in mare  
A. C. 31. turribus atque armamentis, abiciunt quibus omissis, Caesariani, carentes velis, et tantum ad pugnam parati, ceterarum fugam impedire satis rati, jam audacius et apertius, multitudine navium et vento favente freti, oppugnabant. Ergo crudelior, quam antea, pugna esse coeperat; nec jam gubernatorum artibus et suarum celeritate navium contentus Caesaris miles, conscendere hostiles, et, tractis in praeceps aut repulsis propugnatoribus, evadere in tabulata nitebatur. Sed peribant inter haec multi, dum contis protrusa navigia, aut securibus caesa, praeterea coniectis in has ex ante parato ponderibus praegravata fatiscunt: alii, dum praealtas naves scandunt, dejecti, pars collo lato pede trucidantur.

*Ignes injecti navibus.*

V. Igitur Caesar, ut minore suorum periculo rem conficeret, ignem adferri iussit e castris, quo auxilio antea abstinere, ne praeda corrumperetur, cogitaverat. Tum vero passim a Caesarianis ignes variis ingeniis jacti. nam, praeter jacula ignita facesque manu jactas, vascula quoque, pice referta ac carbone, tormentis vibrabantur. Et, quamquam, dulci prius aqua consumpta, deinde marinam infunderent extincturi, plus augebatur incendium, vires ex salsa aqua capientibus flammis. Tum vero, quum omnia experiri necessitas cogeret, centonibus, atque adeo corporibus occisorum injectis suffocari visus est ignis; sed mox, victis, quae obliterant, vento quoque exsuscitante, importunior eluxit.

*Unde summa multis calamitas.*

VI. Igitur, multiplicato metu mortis externati, donec quidem pars aliqua navis ardebat, repugnabant incendio, quasi corporum objectu arceri posset, cecidendo tabulas, transferendo onera, aut in mare, interdum in ipsos etiam hostes immittendo, ut vel sic laederentur. Erant, qui semper se recipientes in ea loca, quo nondum ignis penetraverat, manibus ferreis contorumque uncis hostiles retinere naves summa contentione laborarent: ut in has insilientes aut salutem consequerentur ex victoria, aut, si una perdere inimicos potuissent, solatium mortis. Ut autem leves Caesaris naves periculum facile effugerunt, et ardentium tabulata ac latera ad ipsam usque carinam depasta flamma, locum, quo concederent ultra, non ha-

Cap. IV. Dio. Cap. V. Virgil. Aen. 8. v. 694. Dio.

bentes adflabat; miserrimis hominibus gravissimae calamitates incubuerunt. U. c. 711. A. C. 31.

VII. Multos, et praecipue nautas, intactos adhuc igni fumus enecat: alii medium inter incendium tamquam in camino affantur: videres etiam, quos ipsa, quae tuendo corpori sumpserant, arma conceptis ignibus torrerent. quae qui abjecerunt, eminus hostium telis convulnerabantur. Ne quidem in mare desiluisse proderat: quum alios hauriret unda, vel incidentia tela inter ipsas aquas conficerent: pars a marinis beluis intercepta laceraretur. Soli, ut tali tempore, mitiore fato perierunt, qui, priusquam ista paterentur, mutuis vulneribus, aut sua manu perempti, simplicem mortem, et in ipsis navibus suis bustum invenerunt. Tum demum, postquam eum in statum deducta res erat, tuto suggredi se posse rati victores, ut pecuniam, quam sciebant esse in navibus, diriperent, studiose adnavigarunt. Nec aliunde major ea die clades his partibus exstitit: non modo milites plurimi, dum extinguere ignem parant, ambusti, sed et totae naves, hostilibus correptae harpagonibus, conflagraverunt. *Et plurima mortis imago.*

VIII. Haec pugna, ante diem quartum Nonas Septembres commissa, hujusmodi exitum habuit, per noctem etiam obstinatione pereuntium continuata, donec, illucescente die, qui in navi pernoctaverat, Caesar, jam sine exceptione victor, adeoque solus reliquus Romanae rei rector intelligeretur. Nam illa dies salutaris est habita reipublicae, et inde tempus imperii ejus praecise computatur. Caesa fuerunt hostium millia quinque, naves omnis generis captae trecentae, sicut ipse Caesar in commentariis suis retulisse traditur. Nam alii cecidisse millia duodecim ex victis prodiderunt, sex vulnerata, ex his inter curandum mille mortuos. *Victoria Caesaris.*

IX. At Caesar, misso cum Liburnis Maecenate, qui longius insequeretur fugientes, ad honores Deorum, a quibus adjutus credi volebat, se contulit. Et, ante ceteros Apollinem colere solitus, a quo et genitus gaudebat existimari, tamquam praesenti numini (nam apud Actium aedem habebat antiquitus) decem naves *Et ob hanc Apollini habitus honos.*

Cap. VIII. Dio, l. 51. Oros. Sueton. Aug. 17. Dio. Vell. 2, 86. Dio. Plut. Oros. Cap. IX. Acron in Hor. Epod. 1. et Peto Albinov. in Maecen. obitum, v. 45. Dio.



U. c. 721. ex praeda dedicavit, ab uno remorum ordine ad de-  
A. C. 31. cem: quae postea cum ipsis navalibus deflagrarunt.  
Templum deinde ejusdem Dei ampliando nobilitavit;  
et, pro vetere triennali agone, ludos gymnicos musi-  
cosque instituit, et certamen equestre, quod singulis  
quinquenniis in suburbio Nicopolis loco ad hoc para-  
to ageretur, Actiacos vocari ludos jubens: eorumque  
cura Lacedaemoniis demandata.

*Et in loca  
castrorum  
condita Ni-  
copolis.*

X. Dedit etiam deinceps urbi condendae operam, *Nicopolin* ex argumento vocans, quam in loco castro-  
rum positam, migrare eo jussis vicinorum Ambraciae  
et Anactoriae regionis castellorum habitatoribus, qui-  
busdam etiam longius a Calydona et Aetolia arcessitis,  
frequentavit. ubi vero tabernaculum imperatoris fue-  
rat, Apollinis sacellum faciundum curavit sub dio,  
quod rostris captarum navium exornatum est. Eodem  
loco hominis et asini signum ex aere posuit; qui ad  
proelium procedenti omen fecerant, alter *Eutychi* no-  
men habens, alter *Nicontis*: quae statuae, postea Con-  
stantinopolin transvectae, in theatro circi steterunt.  
Ipsam quoque urbem non manubiis tantum, sed etiam  
convectis in eam oppidorum ornamentis, quorum et  
incolas eo transtulerat, conspicuam reddidit. Et quo  
majorem novo populo dignationem circumdaret, inter  
Amphictyonas locum ei dedit, suffragiis Dolopum,  
quae gens pridem interierat, in Nicopolitanos colla-  
tis, et quae Magnetes, Maleensesque, et cum Aenia-  
nibus Achaei Phthiotae habuissent; quas civitates com-  
muni Thessalorum contributebat.

*Patrenses  
ornat Cas-  
sar.*

XI. Patras etiam, quae magno partibus adjumento  
fuerant, immigrare coëgit ex finitimis oppidulis ho-  
mines. sed et Rhypis eversis multitudinem deduxit  
Patras: oppidum commodo adpellentibus situ inter-  
ire, ut coeperat, minime passus. Igitur et solis A-  
chaeorum libertatem cum jure coloniae Romanae tri-  
buit, et de spoliis Calydoniorum, tum alia ornamen-  
ta, tum Dianae Laphriae simulacrum dono dedit. Ve-  
rum haec ad sequentia tempora pertinuerunt.

---

Cap. IX. Suet. Aug. 70. et 94. Supra, 132, 30. Dio. Stra-  
bo, l. 7. p. 325. Plin. 4, 1. Cap. X. Suet. Aug. 18. Strab. Dio.  
Cassiod. Chron. Strabo. Plin. Suet. Strabo. Dio. Paus.  
libb. 5. et 7. Dio. Sueton. Aug. 96. et Plut. Zonaras. Strabo.  
Paus. l. 7. Paus. l. 10. Cap. XI. Pausan. l. 7.

XII. At Antonium ex proelio profugum, signo navis eminus conspecto, Cleopatra noscens, inhibuit cursum, donec regia praetoria venientem adciperet: transcenditque ille, nec videre reginam sustinens, nec ab ea videri: tacitus et cogitabundus suffulto manibus capite in prora sedebat: donec, ad tumultum persequentium navibus circumagi iussis, ceteros haud aegre submovit: navis una perseveranter instabat, cujus in tabulato quidam minitabundo gestu lanceam vibrans eminebat. Is interroganti Antonio, *Tu quis es, Antonium qui persequeris?* Eurycles, inquit, *Lacharis filius, Laco, Caesaris fortuna mortem patris mei persequor.* eum enim Antonius latrocinii crimine securi percusserrat. Neque tamen praetoriam, in qua tum Antonius erat, sed alteram (binas habebat) invasit: eaque et alia quadam, quae pretiosam suppellectilem vehebat, abrepta, recessit.

U. c. 721.  
A. C. 31.  
*Antonius in Cleopatrae navem recipitur.*

XIII. Tum iterum priori tristitiae redditus Antonius triduum solus exegit in prora, sive offensus Cleopatrae, sive pudore visum subterfugiens: donec ad Taenarum processum est. Ibi demum opera mulierum colloquio, et mox mensae lectoque communi admoti sunt. Jam amicorum nonnulli cum onerariis multis ad eum pervenerant, mari res perditas, pedestrem exercitum in officio esse nunciantes. Missis igitur, qui Canidium cum legionibus et equitatu per Macedoniam in Asiam properare juberent; navem, multa pecunia regioque instrumento onustam, inter se dividere amicos iussit, salutisque suae prospicere. Nec desiit resitantes, flentes, solatia et preces miscens, urgere, donec discederent: eosque Theophilo, procuratori suo, qui Corinthi remanserat, commendavit, ut eos tantisper absconderet, donec placandi Caesaris reperissent viam.

*Ibiq. triduum solus exigit in prora.*

XIV. Pauci fugisse Antonium senserant: neque facile erat credere, veterem imperatorem, et vices fortunae haud semel expertum, relictis integris legionibus undeviginti, millibus equitum duodecim, in fuga praesidium arcemque salutis collocasse. Milites certe desiderio et exspectatione ejus, etiam postquam abesse eum pernotuit, per septem dies conditiones a Caesare oblatas recusarunt: donec pro Antonio, quos diximus ab eo missos, adfuerunt, maturari fugam praeci-

*Exercitus ab eo relictus in fidem Caesaris venit.*

U. c. 711. pientes. Tum quidam moestus et subiratus imperato-  
 A. C. 31. ri miles, efferentem signa Canidium aliquantis per se-  
 quutus, ubi castra sua, in quibus pauci remanserant,  
 in potestate Caesaris esse didicit, et Canidius, suos  
 haud minus, quam hostem, metuens, nocturna fuga  
 se proripuit, inops omnium, sine imperio, sine com-  
 meatu victori se citra proelium permisit. Neque ma-  
 jor moles in recipiendis Antonii sociis fuit. domum  
 ab infelice proelio regressi nihil moverunt postea, sed  
 in fidem potestatemque Caesaris, alii statim, quidam  
 haud multo inde tempore, se dediderunt.

*Qui victo-  
 ria clemen-  
 ter usitur.*

XV. Caesar victoria perquam clementer usus est,  
 ingenione suo, an ut Antonium oneraret invidia eo-  
 rum, quae duo post Mutinensem atque Philippicam  
 victoriam peccaverant. Civitatibus Graeciae, dein  
 Asiae pecunias tantum imperavit, gentiumque conci-  
 lia sustulit. Thuriatas, Messeniae populum, Lace-  
 daemoniis, quorum odio sequuti Antonium fuerant,  
 subjecit. Tetrarchis atque regibus, praeter Amyntam  
 et Archelaum, quidquid oppidorum ab Antonio adce-  
 perant, ademit. Philopatora, Tarcondimoti filium,  
 exuit regno. Idemque fatum Lycomedis fuit, Ponti  
 Cappadociae partem obtinentis: et Alexandri, quem,  
 adusato fratre Jamblichio, praemium adcepisse regnum  
 ejus cognoverat ab Antonio, quem et mox in trium-  
 pho ductum interemit. Sed, quae sub Lycomedea fue-  
 rant, Medio cuidam tribuit Caesar; qui, priusquam  
 res proelio permetteretur, Mysia concitatis, bellum  
 contra Antonianos suscepit. Cleoni quoque Gor-  
 diucomensi ob simile meritum Mysiae concessae par-  
 tes, ut ex latrone regulus fieret, et Jovis Abretteni  
 sacerdos, a quo aucta mox patria *Juliopolis* adpella-  
 tionem adcepit. Cydonios atque Lampaeos, Cretae  
 populos, quorum auxiliis erat usus, liberos esse jus-  
 sit, etiam restituta Lampe, quam belli turbo ever-  
 terat.

*Multis  
 ignoscendo.*

XVI. Adversus Romanos varie se gessit, alios pe-  
 cunia, haud paucos etiam vita multando. Tamen et  
 quibusdam ignovit, a quibus saepe graviter laesus  
 fuerat. Horum facile principes, C. Sotius, quum L.  
 Arruntii fide interim latuisset, postea enixis ejus pre-

Cap. XIV. Dio. Vell. 2, 89. Plut. Dio. Cap. XV. Vell.  
 2, 86. Dio. Pausan. l. 4. Dio. Strabo, l. 12. pp. 558. et 560.  
 Dio. Strabo, l. 12. p. 574. Dio. Cell. Geogr. Ant. l. 2. Dio.  
 Cap. XVI. Vell. Dio.

tibus, et clementia Caesaris iram vincente, servatus est: M. Scaurum, Sex. Pompeji fratrem uterinum, destinatae neci Mucia mater eripuit. C. Furnius, patris impetrata salute, memorabili voce gratias egit: *Hanc unam, Caesar, habeo injuriam tuam. effecisti ut viverem et morerer ingratus.*

U. c. 721.  
A. C. 31.

XVII. Haec exempla lenitatis Marco (nam nomen ejus, quae Graecorum scriptorum negligentia est, aliud non reperi) fiduciam dederunt, pro Barbula, qui inter duces Antonii militaverat, deprecandi. Quam rem quum admodum anxie ac diligenter ageret; miratus Caesar hominis sollicitudinem, *ecquod igitur ei tantum cum Barbula amicitiae jus esset*, interrogavit. Ibi Marcus. *Quod inter homines sanctissime conservari interest, tuque probare etiam in hostibus consuevisti, fides me incitat, et referendae pro meritis gratiae desiderium. Tres sunt, quibus omnia me debere arbitror, tibi, qui me numero proscriptorum exemisti; M. Agrippae, cujus precibus exoratus es; et huic, cujus pro salute nunc sollicitus sum. nam is mihi patronum Agrippam paravit, et antea quoque fuit in me liberalis. Quippe clade Bruti captus, quum agnosci timerem, pro servo venii. Emit me Barbula, et, industrium esse cernens, dispensatorem constituit. deinde, quum aliam in me indolemprehendisset, id, quod erat, suspicatus, ut verum faterer, salute promissa, monuit. Contra ego, latere adhuc sub hac persona cupiens, negare, obtestari, nomen, genus, et priores dominos fingere. nec exempta Barbulae suspicio est, Romamque proficiscens secum ire jussit, siquidem proscriptus essem, haudquaquam prompte sequuturum arbitratum. Ceterum bona mea fortuna factum est, ut quidam amicorum Barbulae, qui salutandium caussa ad portam processerant, me cognosceret, idque ei clam indicaret. Tum ille non prius adquivit, quam securitatem mihi tuo beneficio redderet.*

Marci pro-  
ces pro Bar-  
bula.

XVIII. Ejusdem benignitatis occasio en iterum offertur tibi, Caesar. Barbulae inter Antonii praesidia deprehenso meam imitari solertiam placuit; servum finxit. *pulchrum a me, dissimulante notitiam ejus, emptus est. Per te, exemplum. Caesar, fortunam tuam, tamque faventes ad omnia Deos, oro, aut salutem unius hujus capitis concede mihi, aut me una interfici jube. Tolerare dolorem non potero, si tam fuero infelix, ut, cui vitam debeo, servare nequeam. At vero tua me consolatur humanitas, quam saepe alias, et modo adversus inimicissimos demonstrasti. Maeste hac clementia, quae te in coelum aliquando feret, et interim aequitate Deum praestabit, ut tam misericors victor, nec*

Et animi  
grati per-  
pulchrum  
exemplum.

Cap. XVI. Sen. de Benef. 2, 25. Cap. XVII. Appian. Civil. 1. 4. p. 618. Ovid. Triſt. 1, 4. v. 39. et 1, 8. v. 25. Appian.

U. c. 721. *offendi debeas a quoquam, et, quum fueris offensus, sem-*  
 A. C. 61. *per possis ignoscere.* Non repulit tam honestas preces  
 Caesar; favitque exemplo, quod his etiam annalibus  
 ab oblivione vindicandum existimavi. Additur apud  
 Appianum, solum hujus gesti reliquum auctorem, id  
 par amicorum una quoque consules majores fuisse.  
 ceterum inter magistratus eorum temporum nullum,  
 quod huc adcommodari possit, collegium reperio.

*Curio et alii  
 quidam  
 occiduntur.*

XIX. Inter haec documenta mansuetudinis, etiam  
 vindicta partes suas obiit, occiso inter clarissimos Curione, cujus pater pro Caesare dictatore pugnans in Africa occubuit. Sed et alii quidam interfecti: excusantibus Caesaris amicis, perisse bis meritos, qui, hostilia ausi, ne deprecari quidem voluissent. Sed inter omnes maxime miserabilis Aquiliorum exitus, quibus cognomen Floris, fuit. pater et filius erant, nec nisi uni Caesar, sortiri jubens, vitam indulserat. Sed pietate filii, se statim ad supplicium offerentis, et occisus ipse, nec servatus pater est. namque suis manibus, prae dolore orbitatis, sibi conscivit necem.

*Antoniani  
 in victrices  
 legiones dis-  
 tribuuntur.*

XX. Caesar inter haec, Antonianis militibus, qui nondum expleta stipendia habebant, suas in legiones distributis, et disjunctis per varia castra legionibus, veteranos Brundisium praemisit. Admonitus erat Sicula seditione, ne tantam vim militum eodem loco haberet. Etiam ad libertorum motus penitus sedandos, quartam iis pensionem, quae adhuc ex imperata pecunia debebatur, remisit. Et hi quidem, datorum haud ultra memores, retentam partem in lucro hilares computabant. Militum vero qui adhuc sub signis agebant, diligentia tribunorum, et spe Aegyptiae praedae, quiescebant: dimissi post victoriam sine praemio stomachabantur. quae indignatio, quum non multo post in seditionem erupisset, non tamen imparatum Caesarem nacta est. Nam is provisu futurorum Agrippam per causam aliorum negotiorum in Italiam miserat, veritus ne Maecenas, urbis Italiaeque praefectus, quoniam manebat in equestri loco, contemneretur.

*Agrippa  
 et Maecenas  
 amicorum*

XXI. Ex omni cohorte amicorum duo hi praecipua apud eum gratia erant. his secreta ejus innitebantur; horum fidei tantum credebatur, ut, quum duas in-

Cap. XIX. Dio. Vell. 2, 86. Dio, et Sueton. Aug. 13. Cap. XX. Dio. Tac. Ann. 3, 30. Cap. XXI. Dio.

discretæ magnitudinis gemmas insculpta sphingis imagine haberet, altera signaret ipse, alteram penes hos relinqueret, ut per absentiam suam, quæ postulassent tempora, epistolæ et edicta ejus nomine proponenda signarentur. Ad hos aut alios si quid occultiorum literarum daret, ridenda nunc pueris calliditate, pro unaquaque litera, quam volebat legi, sequentem ponere solebat. ipsius autem epistolas ad senatum scriptas aperiebant illi, et, mutatis, quæ volebant, iterum obsignatas reddebant. Unde, quum pro diversitate temporum sæpe variaret oratio, communiter jactari coepit, *Sphingem adferre aenigmata*. Neque minus aut nota per Italiam, aut propter collationem pecuniarum, quam frequenter imperabat, terribilis erat Maecenatis rana. Nec tam, quomodo signata edicta essent, quam quid juberent, referebat. Tamen Caesar, cavillationes non ferens, postmodum imagine sua signare instituit. quod et sequentes imperatores fecerunt, Galba excepto, qui gentilitium insigne retinuit, e prora navis prospectantem canem.

U. c. 721.  
A. C. 31.  
*Caesaris  
principes.*

XXII. Dimisso in Italiam Agrippa, Caesar, velut ista cura exsolutus, Graeciam obiens civitates ordinabat; frumentum, quod bello supererat, adlictis exhaustisque distribuebat; sacra fanaque visebat. etiam initiatus est Cereris et Proserpinae Eleusiniis. Inde quum in Asiam transmisisset, certiora de Antonio cogniturus, audito veteranorum tumultu, et crebris Agrippæ literis revocatus, ne, se procul amoto, si forte ducem idoneum essent adepti, magnas turbas darent, in Italiam redire, quamquam hiemante mari, constituit. Sed, exacto interim anno, qui suffectos etiam consules, ex Kalendis Maji M. Titium, ex Kalendis Octobris Cn. Pompejum habuit, Imperator Caesar quartum consulatum iniit in Asia, cujus M. Licinium M. F. Crassum collegam habuit, quamquam ille Pompejanis, dein Antonianis in partibus, necdum praetor fuisset.

*Caesar  
Graeciam  
obit.*

*In Italiam  
revocatur.*

U. c. 722.  
A. C. 30.  
C. Julio IV.  
M. Licinio  
Coss.

XXIII. Illa quoque peregrinatio Caesaris dignum relatu pietatis ac clementiae exemplum habuit. Forte Sami dum captivos cognoscit Caesar, Metellus adesse

*Pietatis ac  
clementiae  
exemplum.*

Cap. XXI. Plin. 37, 1. Sueton. Aug. 50. et Dio. Sueton. Aug. 88. et Dio. Plin. Sueton. Aug. 50. Dio. Cap. XXII. Plut. Dio. Sueton. Aug. 93. Dio. Plut. Sueton. Aug. 17. Dio. Pigh. Ann. Dio. Sueton. Aug. 26. Oros. 6, 19. Cap. XXIII. Dio. Appian. Civil. l. 4. p. 613.

U. c. 722. jussus, senex squalidus sorditatusque, processit, qui  
 A. C. 30. inter duces Antonianos in potestatem venerat. Ad id nomen exsiliens filius ejus, qui tum in consilio sedebat, vix in ista illuvie agnatum patrem complexus, *Hic, inquit, Caesar, hostis tibi paullo ante, ego miles fui. non magis ille poenam, quam ego praemium meriti sumus. aut igitur me propter illum occidi jube, aut illum propter me vivere. Loquere tecum, oro quaeoque, et, utrum moribus tuis sit convenientius, judica.* Motis ad commiserationem omnibus, Caesar, quum paullum addubitaſſet, infensissimum hominem, et nullis pollicitationibus ab Antonio abduci quitum, in filii gratiam venia prosequutus est.

*Colossicae  
 statuae Sa-  
 mi.*

XXIV. Antiquitus tres colossicae statuae in eadem basi Sami fuerant, quas, abreptas nuper ab Antonio, Caesar inter spolia erat nactus. Ex his Herculem ac Minervam in eadem sede curavit reponendos: Jovem, qui postea in Capitolio stetit, imponi in navigium jussit. Idem et aliis civitatibus adempta ab Antonio signa reddenda curavit: et Ephesiis Apollinem, Myronis opus, somnio monitus.

*Hiberna  
 Caesaris na-  
 vigatio.*

XXV. Adulta jam hiems erat. sed nihil territus anni tempore Caesar, quamquam bis inter trajiciendum tempestate conflictatus, semel inter Aetoliae et Peloponnesi promontoria, iterum ad Ceraunios montes, amissis aliquot Liburnicis, fracto navis suae gubernaculo, fusisque armamentis, litus Italiae tenuit. Jam praecesserat venientis fama. Idcirco Brundisii totum ferme senatum, totum equestrem ordinem, majorem partem plebis reperit. neque magistratus remanserant domi, praeter duos tribunos plebis, totidemque praetores, retentos senatusconsulto. magnum quoque ex aliis urbibus agmen aderat, legatione fungentium, aut sponse adcurrentes.

*Ejus ad-  
 ventu con-  
 quiescunt  
 turbae.*

XXVI. His igitur studiis omnium, et praesentia Caesaris turbae statim conticuerunt: ipsique adeo milites, alii vultu ac sermone imperatoris exterriti, quidam spe, pars evocati ad eum profecti sunt. Igitur levius expectatione negotium fuit. Pecunia, et omnium bellorum sociis agro insuper promisso, desiderii militum satisfactum. pauci Italorum cum An-

Cap. XXIV. Strabo, l. 14. p. 637. Strabo, l. 13. p. 595. Plin. 34, 8. Dio. Cap. XXV. Sueton. Aug. 17. Dio. Cap. XXVI. Tac. Ann. 1, 42. Dio. Sueton. Dio.

tonio senserant. horum ager et oppida militi distributa: ipsi Dyrathium, et Philippos, et alias urbes transmarinas trajecti. Nec omnibus repraesentari nummi potuerunt. quamquam enim magnus pecuniae modus postrema partus erat victoria, majoribus impensis exhauriebatur. Idcirco Caesar suas et amicorum possessiones subhaeravit, facta etiam potestate militibus ex his adcipiendi, quod deberetur. Nec emptum quidquam ab ullo, nec in solutum adceptum est. quis enim esset ausus? tamen ista species praetextum honestum differendae solutioni praebuit, donec paullo post ex Aegypto praeda promissa praestarentur. Sed et legiones deinde, alias aliis imperiis partibus praesidio futuras, dicto audientes habuit.

U. c. 712.  
A. C. 30.

XXVII. His ita ordinatis, et his, quos, venia *Caesar in Graeciam redit.* data, extra Italiam manere jusserat, hoc interdicto exsolutis, urbanos, qui ad ipsum non venissent, negligens, intra tricesimum diem, quam ex Graecia solverat, eodem rediit. Et, ne iterum flectendis promontoriis hiemem adversam experiretur, translatis per Isthmum navibus, tam rapido cursu vectus est, ut Cleopatrae ac Antonio simul discessisse ex Asia, et redisse nunciaretur.

XXVIII. Illi, (quippe, quae fuerit horum interim fortuna, quaeve consilia, exponi maturum est) quum ad Paraetonium pervenissent, quamquam invitis animis, in diversa cursum intenderant. Antonius, in Libyam delatus, in solitudinem quamdam se condidit, duobus stipantibus amicis, Lucilio, de cujus in Brutum eximia fide supra narravimus, et rhetore Graeco Aristocrate. Sed Cleopatra, ne res novas adlatus de clade rumor apud populos notae levitatis excitaret, protinus in Aegyptum contendit, cum aurea puppe veloce purpureo, sicut exierat, coronatis etiam navibus, et perstreptentibus, ut laetis rebus solet, tibiis, mentita victoriam. At, ubi se iterum tenere regni habenas rata est, multos principum, olim infensos sibi, et nunc, cognitis, quae gesta ad Actium erant, ferociore, interfecit; bona occisorum publicavit; viventium rapuit: ne Deorum quidem donariis abstulit sacrilegas manus, olim adsueta per Antonium ex

*Cleopatrae affus, crudelitas, rapinae.*

Cap. XXVI. Oros. Cap. XXVII. Dio. Sueton. Dio. Cap. XXVIII. Plut. et Dio. Plut. Supra, l. 124, 22. Plut. Dio. Plut. Flor. 4, 11. Plin. 19, 1. Dio.



U. c. 722. fanis omnibus convasare, quidquid pretio aut opere aestimari audiverat. Inter hæc Antonius, missis ad Pinarium Scarpum, qui adventum suum nunciarent, postquam neque se recipi, et a Pinario quum nuncios suos interfectos, tum quosdam militum ægre rem ferentium, cognovit, vix prohiberi per amicos potuit, ne sibi violentas inferret manus. Ab his raptus, et in navem impositus, Alexandriam pervenit. Pinarius Cyrenen, quam tenebat, cum legionibus quatuor Cn. Cornelio Gallo (hic erat a Caesare præmissus) contraxidit.

*Fuga in asium orbem tentata.*

XXIX. At Cleopatra, quo Medi regis amicitiam grato pignore obligaret, Artavasdis ei caput misit, qui nuper in Armenia discors Medo regnaverat. Deinde ingens opus adgressa, per Isthmum, quo mare Rubrum ab Aegypto discriminatur, transportare naves coeperat, ut, impositis militibus et pecunia, sedem quietam alio in orbe quaereret. Sed incensae a Petraeis Arabibus naves, Antoniusque, talia molienti superveniens cum spe salvas adhuc sibi pedestres copias esse, consilium mutare coegerunt: Nili-que potius ostia firmis communiri praesidiis placuit. Jam ad bellum terra marique gerendum adparatibus strepebant omnia: vicini quoque populi et reges in auxilium sollicitabantur, neque penitus interquiescebant fugae consilia, quominus nunc de Rubro mari, nunc de Hispania cogitaretur: quam partim vi, partim pecunia superabilem imaginabantur. Haec consilia quo diutissime laterent, simul etiam periculum frueretur Caesari, miserunt, qui, per causam tentandarum conditionum, copias ejus corrumpent.

*Antonius Timonis vitam agit.*

XXX. Dum hi redeunt, Antonius, minime praesentibus laetus, et ex crimine desciscientium amicorum etiam manentibus iniquior, urbe atque frequentia relictæ, jacto juxta Pharum in mare aggeri domunculam imposuit, ibi se Timonis acturum vitam professus, cui omnes homines odio fuisse dicuntur. Ideo Cleopatra, per absentiam ejus aurea sella sceptroque et corona, tamquam seque regnumque dedens, ad Caesarem missis, ab hoc sibi veniam clam Antonio comparabat. Sed ille, donis reginae ominis causa

Cap. XXVIII. Strabo, l. 13: p. 595. Dio. Plut. Dio. Oros. 6, 19. Cap. XXIX. Dio. Strabo, l. 11. p. 531. Dio. Plut. Dio. Flor. Oros. Plut. Dio. Cap. XXX. Plut. Strabo, l. 17. p. 794. Plut. Dio.

retentis, palam minatus, armaque et regnum deponere jubens, occultis promissis spem faciebat mulieri, fore, ut integrum ei regnum relinqueretur, si quidem Antonium occidisset. Inter haec Canidius ipse, certissimus actorum nuncius, ad Antonium venit: simul et Herodem deficere, et alias omnes civitates regulosque auxilia negare adlatum est. Haec Q. Didio satagente fiebant; qui, Syriam obtinens Antonii beneficio, nunc fortunam sequebatur. Idem et Arabibus incendi regias naves auctor fuerat.

U, c. 722.  
A. C. 36.

XXXI. His rebus sic immutatus est Antonii animus, ut magis hoc nuncio recreatus esse, quam percussus, videretur. Projectis enim cum spe simul curis, relicto Timonio suo, (sic enim adpellaverat) a Cleopatra in regiam receptus, civitatem in convivia et epulas, se in liberalitatem, intemperanter effudit. Causa utrique relatus in numerum virorum Caesario, et virilis toga Antyllo data, quem ex Fulvia genuerat. Plus animi futurum Aegyptiis Romanisque putabant, si etiam post Antonium et Cleopatram ducibus non carituri viderentur. Id consilium rebus inutile, adolescentibus perniciosum fuit, tamquam viros obijciendo irae odioque victoris, quos melius puerilis praetexta defendisset. Hoc tempore regina et Antonius collegium, quod instituerant *Inimitabilis vitae*, in aliud veterunt, quod *Commorientium* vocavere, manente luxu: quem, ductis in orbem conviviis, cum amicis exercebant, in hoc, ut commorerentur, nomina dantibus. At hic torpor nova subinde blandiente spe excussus est.

Quem mox  
conviviis et  
epulis ma-  
tas.

XXXII. Inter defectionem fere omnium, qui per amicitiam Antonii Cleopatrae creverant, gladiatores destinatum voluptati spectaculorum sanguinem ad usum belli obtulerunt. Cyzici discebant, ad ludos triumphales, si vinceret Antonius, praeparati. Sed, ejus calamitate cognita, manu facta Aegyptum petere instituerunt, opem fessis rebus adlaturi. Per omnia circum hostilia, (nam et Amyntas, et Tarcondimoti liberi, quos ex conjunctissimis amicis acerbissimos hostes Antonio et Cleopatrae fortuna fecerat, trans-euntes infestaverunt) tamen non sine hostium damno repulsis omnibus, in Syriam enisi sunt. Ibi Didius

Gladiatores  
Antonium  
juvare co-  
nantur.

Cap. XXX. Plut. Dio. Cap. XXXI. Plut. Dio, et Plut. Dio. Plut. Cap. XXXII. Dio.

U. c. 722. A. C. 30. nos excepit, intercluso Aegypti aditu arma simul per-  
tinacibus, et praemia transituris ostentans. Illi, ne-  
que minis perlici, nec promissis passi, Antonio ad-  
significandum curant, *si venire eo placeret, haud diffi-*  
*cillimum conjunctis in Syria bellum fore.* Diu praeflo-  
lati responsum, quum nec Antonius, nec ab eo quis-  
quam compareret, perisse rati, sic quoque cunctanter  
Didio se permiserunt; pacti, *ne postmodum in arena*  
*pugnarent, atque, dum eis de rebus certior fieret Caesar,*  
*Daphne* (suburbium est Antiochiae) *ad habitandum si-*  
*bi concederetur.* Sed hi deinde, decepti a Valerio  
Messalla, quum se putarent militatum ad legiones mitti,  
dispersi varie, atque per occasionem interfecti sunt.

*Antonii ad  
Paraetoni-  
um expedi-  
tio.*

XXXIII. Antonius, ne in Syriam iret, sicuti con-  
stituerat, alia suscepta expeditione praepeditus, et  
illos perdidit, nec ad Paraetonium fuit felicior. Ea  
prima Aegypti civitas occurrit a Cyrenaica venienti-  
bus, quo se cum legionibus Pinarii contulisse Cor-  
nelium Gallum audierat, ratus igitur suos modo mi-  
lites ad conspectum noti imperatoris novum sacra-  
mentum abjecturos, praesertim ubi validis instructum  
viribus vidissent, opinione sua difficiliora omnia in-  
venit. Colloqui enim cupiens, obstrepentibus tubis,  
exaudiri non potuit: et improvisa hostium eruptione  
detrimentum adcepit; et, quum ad Paraetonium vi-  
ctoribus deditum classem admoveret, arte Galli su-  
peratus est.

*Cornelii  
Galli stra-  
tegemate in-  
felix.*

XXXIV. Ille, proviso Antonii consilio, catenis  
noctu per angustias portus sub aqua tensis, de cete-  
ro incustoditum reliquerat. Igitur invecti sine metu  
Antoniani, adtractis per instrumenta praeparata catenis,  
conclusas naves, et undique simul a terra marique et  
imminentibus aedificiis oppugnatas, tueri nequive-  
runt; quum incendio perirent aliae, aliae undis mer-  
gerentur.

*Cleopatrae  
at Antonii  
legatio ad  
Caesarem.*

XXXV. Interim nec a legationibus cessatum. Post-  
quam sine fructu prima reverterat, aliquamdiu con-  
sultatio tenuit, quis mitteretur, quando pauci su-  
pererant amicorum, et horum suspectam fidem perfu-  
dia transfugientium effecerat. Euphronius igitur de-  
lectus, filiorum Antonii praeceptor, per hunc, ma-  
gna pecuniae vi oblata, regnum liberis suis Cleopatra  
ora-

Cap. XXXIII. Oros. Dio. Cap. XXXV. Plut. Dio. Plut.  
Dio.

orabat: Antonius, dedito ad supplicium Turullio senatore, qui inter percussores superioris Caesaris fuerat, eum necessitudinis et amicitiae pristinae admonuit: et, mutuum amorem, seniaque et lusus communicata referens, ut sibi saltem Athenis, si in Aegypto nollet Caesar, privatam agere vitam liceret, postulabat. Magis tamen pro Cleopatra, quam de semetipso, sollicitus, non recusabat mori, dum illi parceretur. Huic quoque legationi nihil respondit Caesar. Sero tentari conditiones visae. Turullium interfici iussit. Turullii mortem locus, ubi periit, insigniorem fecit, quod ira Aesculapii tractus ad supplicium videretur. Quippe, Actiaco bello praefectus Antonii, ad naves fabricandas lucum Aesculapii in Co insula succiderat. Igitur, eodem in loco, occisus, poenas dedisse violato numini credebatur. Quum duae jam legationes irritae fuissent, Antyllum filium cum multo auro Antonius misit. aurum adceptum: Antyllo non plus, quam prioribus, responsi datum.

U. c. 722.  
A. C. 30.

XXXVI. At Cleopatram, quemadmodum semel iterumque minis atque pollicitationibus versaverat. ita tum quoque iisdem artibus adgressus Caesar, Thyrsus ex libertis hominem non ineptum adlegavit; qui, correptum ejus amore Caesarem mentitus, ad Antonii caedem impelleret mulierem impudicam, fiducia formae multiplicibusque experimentis satis persuasam, se ab omnibus hominibus amari. Quippe, si vera fama est, tantae libidinis haec regina fuit, ut saepe profliterit; tantae pulchritudinis, ut multi noctem ejus morte proposita emerint.

*Cleopatram  
astu patit  
Caesar.*

XXXVII. Ceterum Caesari major erat sollicitudo, ne per desperationem seque et pretiosissima rerum triumpho suo eriperet. Quippe jam a multis eam diebus nihil majore cura agere cognorat, quam ut omnis generis venena experiretur. inter quae ferunt aspidem placuisse prae ceteris, quod, aliis celerem mortem cum cruciatu adferentibus, aliis haud satis praesentibus, hujus serpentis morsu citra contractionem vultus, aut membrorum jactationem, torporem ictis obrepere viderat; eosque, deficientibus placide sensibus, si commoverentur, hoc non minus aegre fer-

*Ne suo  
triumpho se  
morte eriperet.*

Cap. XXXV. Plut. Dio. Sueton. Aug. 17. Dio. Val. Max. 1, 1, 19. et Dio. Dio. Cap. XXXVI. Plut. et Dio. Joseph. Antiq. 15, 5. Auctor de viris illustr. in Cleopat. Cap. XXXVII. Dio. Plut. Dio. Plut.

*Supplem. Liv. Tom. XIV.*

S s

U. c. 722.  
A. C. 30.  
Secum om-  
nia pretiosa  
crematuram  
minata.

re, ac si ex profundo sopore essent excitati. Jam in regia conditorium sibi struxerat, eoque inferri ex opibus suis iusserat carissima, aurum, argentum, smaragdos, uniones, chenum, obar, odorea, eorum omnia crenaturam praeferens, si vel minimum fortuna titubasset. Id ne fieret, spem mulieris alere Thyrsus, et procul ab his cogitationibus abducere iussus erat.

XXXVIII. Hoc dum sedulo magis, quam caute, agit, longis ejus cum Cleopatra sermonibus, et hinc testificatione benevolentiae, irritatus Antonius, adripit hominem iussit; et, quae gravissima injuria habetur, si ejus eam patronus intulisset, flagris caedi imperavit. Remisit eum deinde cum literis factum excusantibus, non mirum esse, si malis prope amentem insolentia et insultatio hominis liberti ad iram compulisset; id si gravate ferat Caesar, esse penes illum Hipparchum, suspensumque posse ad satietatem flagellari. Hic inter Antonii libertos in maxima gratia patroni fuerat: atque idem, rebus inclinatis, primus omnium transierat ad Caesarem.

Herodes ad  
Caesarem  
veniens,

XXXIX. Dum ista geruntur, Herodes Rhodum, ubi tum Caesarem agere didicerat, trajecit, rerum suarum anxius. Igitur, licet reliquo retento cultu, diadema seposuerat. Ubi vero convenire Caesarem datum, et dicendi copia facta, non pro magnitudine rerum, quae tum in discrimen veniebant, humiliter supplex, sed vultu ac voce intrepidus.

Fatendo se  
fidum Anto-  
nio fuisse,

XL. Si non modo cum Antonio bellum gerere decresti, Caesar, sed etiam cum his, qui, amicitiam Antonii cum fide colentes, nihil inexpertum reliquerunt, quo ille rerum potiretur; absolvi me vix posse satis intelligo. Quamquam enim, Arabum impediente motu, ad bellum cum eo profectus non sum, votis tamen pro eo steti: et quum, pecuniae et commeatum quem maximum modum poteram, mitterem, pauciora me facere, quam meritis ejus deberetur, existimavi. Unum inprimis non pro quolibet amico fecisse videor, quod etiam post Actiacam pugnam in illo transitu rerum immobilis steti, si non firmissimum socium, fidelem certe consiliarium Antonio servans. cui si ille paruisset, sublata Cleopatra, et gessisset omnia melius, et facilius redisset tecum in gratiam. Haec ego et frustra negem, multis argumentis atque testibus facillima deprehendi; et, si exitiosa mihi erunt, non erubescam adeo praeclearam culpam, viroque

Cap. XXXVII. Dio. Cap. XXXVIII. Plut. Cap. XXXIX. Joseph. Antiq. 15, 10. et de B. Jud. 1, 15.

*bono dignam, apertissime confiteri. Sin vero me prius experiri cupis, jam non ignarus, quo sim erga bene meritos animo; nihil vetat, quin eandem fidem, quam hactenus Antonio praestiti, tibi posthac, quem fata dominum terris ostenderunt, constanter aspernem.*

U. c. 722.

A. C. 30.

*Pavemque*

*Caesari fidem*

*pollicendo,*

*Absolvitur.*

XLII. Plus apud grandem et magnificum Caesaris animum haec erectae indolis index oratio valuit, quam si causam suam abjectissimis precibus egisset. Igitur, licet non novum esset Caesari, reges ipsi quotidiana officia togatos, ac sine regio insigni, clientium more praestare, resumere diadema iussus, eundem mox honoris gradum apud Caesarem habuit, quem apud Antonium habuisset. Adjecit Caesar etiam, ab Didio perscriptum esse, sibi adversus gladiatores auxilia Herodis usui fuisse.

XLII. Alexandro tamen Laodicensi ex familiaribus Antonii veniam impetrare non potuit, iusjurandum obtendente Caesare, quo se obstrinxerat vindicaturum in Cleopatrae lenonem. nam hic Alexander maxima reginae machina ad ejiciendam Antonii animo sororem Caesaris fuerat. Is, nuper ab Antonio missus ad Herodis retinendum animum, ipse quoque exuerat fidem, Caesaremque adierat, Herode deprecatore confisus. At Herodes, multa Caesari ejusque amicis dilargitus, ad Aegyptiacum bellum proficiscenti comes fuit, donec in Syriam perventum. inde ad res domi ordinandas in regnum recurrit. Caesar interim, per Syriam ducens exercitum, Alexandrum, quem in vinculis adduxerat, in patria ipsius supplicio iussit adfici.

*Sed Ale-*

*xandro Lao-*

*dicensi ve-*

*niam non*

*impetrat.*

XLIII. Inde contententi in Aegyptum circa Ptolemaidem Herodes occurrit cum amplissimis muneribus, etiam militibus necessaria hospitaliter praebens. Ipsum quoque Caesarem cum amicis centum quinquaginta magnifico convivio excepit; et, quia per loca arida ducendum erat, ita providit, ut neque vinum, neque, qua magis erat opus, aqua exercitum deficeret. discedens deinde Caesari talenta octingenta dono dedit: omnibusque rebus ita se gessit, ut, eum opes regni, quod tenebat, animi magnitudine multum exsuperare, aequi iniquique faterentur.

*Stadium*

*Herodis in*

*Caesarem.*

XLIV. Caesar, ad Pelusium adducto exercitu, de-

Cap. XLI. Sueton. Aug. 60. Joseph. Cap. XLII. Plut. Joseph. Plut. Joseph. Plut. Cap. XLIII. Joseph. Cap. XLIV. Plut. Dio. Oros.

U. c. 781. ditione Seleuci, quem praesidio regina praefecerat,  
 A. C. 30. oppidum cepit. Inde quum Alexandriam peteret, e-  
 quitatus, itinere fatigatus, eruptione pulsus est Anto-  
 nii; qui, ad famam istarum rerum motis a Paraetonio  
 castris, urbem intraverat. Ergo, uno hoc inter tot  
 adversa prospere decerto certamine laetior, quam  
 pro magnitudine gestae rei, Cleopatram in armis com-  
 plexus, commendavit ei quemdam, qui prae ceteris  
 fortissime illo die pugnaverat. Sed ille, dono Cleo-  
 patrae lorica auream, et ex eodem metallo galeam  
 nactus, cum his nocte proxima ad Caesarem transfu-  
 git. Contra suis adeo fidebat Caesar, ut libellos in  
 castra conjectos, quibus ad se transitis denarios  
 mille quingentos viritim Antonius pollicebatur, ipse  
 recitaverit palam; et, tempori congruentia loquutus,  
 etiam promptiores ab ira sollicitatae fidei habuerit.  
 Ideoque Antonius, postquam omnia tentanti nihil sat-  
 tis procedebat, ad singulare certamen Caesarem pro-  
 vocavit. Ille, deridens hominem, multas patere ad  
 exitium vias morituro respondit.

*Caesar suo-  
rum fidei  
credit.*

*Antonius  
de extremis  
cogitat.*

XLV. Sub haec tempora semper obversante co-  
 gitatione extremorum, pridie, quam terra marique  
 Caesarem adoriri statuerat, super coenam jussisse ser-  
 vos fertur, invitarent se hilarius; *perincertum enim  
 esse, utrumne postridie eidem domino sint ministraturi.*  
 Eadem nocte, inter moestitiam suspensorum et tri-  
 stissima opperientium, subito cantus strepitusque per  
 mediam urbem bacchantium auditus, deinde per ob-  
 versam hosti portam magno tumultu exeuntium, cu-  
 riosis talium conectoribus persuasit excedere Deum,  
 et ad hostes transire, quem prae ceteris Antonius  
 vitae habitusque adfectata similitudine coluisset.

*Pridie se  
clamitat a  
Cleopatra.*

XLVI. Prima deinde luce Kalendis Sextilibus,  
 quum, eductis in collem quemdam copiis, naves suas  
 hostilibus obviam procedere vidisset, proelium futu-  
 rum existimans, spectandi causa substitit. At illae,  
 postquam Caesarianis adpropinquarunt, salutantes ac  
 resalutatae illis se conjunxerunt, conversisque prors  
 protinus una facta classis oppidum infesta petere visa  
 est. Dum in his oculos animumque defixa habet, ec-  
 ce autem et equites ab eo transfugerant. Properans  
 igitur confligere, donec aliquid militum superesset,  
 hic etiam adversante fortuna, se recepit in urbem,

Cap. XLIV. Plut. Dio. Plut. Cap. XLVI. Oros. Dio, et  
 Plut. Plut.

*proditum se a Cleopatra iis ipsis, clamitans, contra quos bellum illius caussa suscepisset. Sane mulierem amari a Caesare ratam, iterumque per Imperatoris Romani connubium summa quaeque sperantem, et Pelusium prodidisse creditum est, et Alexandrinos palam ad resistendum hortatam occultis mandatis deteruisse, et classi auctorem exstitisse transfugiendi.*

U. c. 722.  
A. C. 30.

XLVII. Ceterum priores suspiciones apud hominem credulum summi amoris demonstratione facile diluerat. Namque suo natali pro praesenti magis tempore, quam ex pristina consuetudine, acto, natalem Antonii magnificentissime celebravit, ut multi, qui ad coenam invitati pauperes adcesserant, discessisse divites referantur. Seleuci etiam uxore et liberis ad supplicium Antonio deditis, Pelusiacum crimen exstinxerat. Tum vero desperantem, et propinqua mortis expectatione nulli parsurum metuens, in monumento suo se conclusit, uno tantum eunucho duabusque ancillis comitata: nec mora, perferendum ad Antonium curat, reginam vixisse.

*Ille perferendum ad Ant. curat, se vixisse.*

XLVIII. Hoc ictus ille nuncio, *Quid ergo est, inquit, cur moreris in vita miser, caussa vivendi sublata? loricaeque resolvens nexus, Non id mihi dolet, ait, quod amisi te, Cleopatra; ecce enim sequor: sed quod in morte consciscenda tantus Imperator a muliere praevenior.* Tunc, conversus ad fidissimum servum, quem pridem jurare sibi coegerat, *mortem ei, simulatque jusus esset, acceleraturum, promissa exegit.* Ille; gladium eductum alte vibrans, ictum, quem Antonius expectabat, suo corpori intulit. Tum Antonius, *Macte, inquit, Eros, qui, dominum ferire non sustinens, nihilominus, quid fieri oporteat, admonuisti.* Cum his dictis ventre percusso, lectulo se excipit: et, quia se nondum mori sentiebat, orat praesentes, ut sibi commodarent manus. at illi protinus omnes diffugerunt.

*Hoc nuncio motus sibi gladium admovet.*

XLIX. Dum ita se torquet et lamentatur, a Cleopatra scriba Diomedes adluit, deportaturus eum in Mausoleum, ubi illa se incluserat. Quippe, auditum tumultu, quem Antonii desperatio exciverat, id, quod erat, conjiciens, ex fastigio sepulcri, quod nondum erat absolutum, prospexerat: sic comparata ja-

Cap. XLVI. Dio. Cap. XLVII. Plut. Strabo, l. 17. p. 795. Flor. Oros. Cap. XLVIII. Dio, Plut. Dio, Plut. Flor. Oros. Strabo, Dio. Vell. 2, 87, Plut. Cap. XLIX. Dio.



U. c. 722. A. C. 30. *Saucius in monumentum Cleopatrae adtrahitur.* nua, ut semel clausa non posset iterum aperiri. Antonius, audito, Cleopatram vivere, nam prospicientem ingenti clamore populus exceperat, ipse quoque colligere animum coepit: et, multo sanguine profuso deficiens, tamen ardentem expetivit ad reginam deferri. Sublatus manibus servorum, deinde ab ipsa Cleopatra et ancillis per funes, qui adtrahendis saxis ibi defixi erant, in monumentum subductus est. Nihil eo spectaculo se vidisse miserabilius testati sunt, qui interfuerunt: quum tantae modo vir majestatis, oppletus sanguine, semianimis adtolleretur ab infirmis et pavidis mulierculis, manus tendens ad Cleopatram, et sublevando ejus labóri frustra nisus adsurgere. At illa, manibus incumbens, et prono vultu, correptos funes vix ad se pertraxit; cohortante turba, quae ante monumentum concurrerat, et vicem amborum sollicita.

*Vox postrema morientis.*

L. Ubi tandem deponi in stratum potuit, illa, vestem dilanians, faciemque et pectus percutiens, cruorem abstergebat, virum, dominum, Imperatorem adpellando: tam verisimili dolore, ut suorum oblita malorum illius miseratione videretur. Sunt, qui tradant, ipsam, non ignaram quantopere amaretur, ideo commentum de morte sua excogitasse, ut Antonium ad necem sibi inferendam compelleret. Sed, quia postea quoque, licet multis Caesaris amicorum promissis lactata, perseveravit mori, probabilior ea visa est narratio, quam sum exsequutus. Antonio certe luctus iste solatium in extremis adtulisse dicitur; postulatoque mero, sive urgente siti, sive quo celerius exspiraret, hortatus est, uti, quantum citra turpitudinem posset, rationem haberet salutis suae: atque ex omnibus amicis Caesaris C. Proculejo maxime confideret, se vero ne magis ob novissimum casum putaret deflendum esse, quam pro fortunato habendum, qui, tanto tempore maximi imperii compos, postremo Romanus a Romano superatus esset.

*Caesar illi lacrimatur ejus merti.*

LI. Jam in sinu Cleopatrae efflabat animam, quum idem ille Proculejus missu Caesaris adfuit. Nam, inter trepidationem vulnerati exportatique Antonii, Dercetaeus quidam, ex satellitum numero, pugionem cruentum ad Caesarem detulerat, exposito, quid accidisset. Ajunt Caesarem ad nuncium non tenuisse

Cap. XLIX. Oros. Dio. Plut. Cap. L. Dio. Plut. Cap. LI. Dio. Plut.

lacrimas, recordatione priorum, et quot quantasque res hoc collega atque socio peragisset; amicis deinde convocatis recitasse literas, ostensurum, quam ad aequa sua postulata benignasque condiciones semper ille contumaciter et absurde respondisset.

U. c. 799.  
A. C. 30.

LII. Proculejo mandarat Caesar, daret operam, ut viva in potestatem veniret Cleopatra; thesauris timentis, quos illa secum crematuram jactaverat; et ipsam cupiens in triumpho ducere. Igitur nihil ei promittere statuerat, ne sibi faciundi, quod voluisset, adimeret potestatem servando pollicita, aut, fide posthabita, merito reprehenderetur. At illa, diffidens omnibus, cum Proculejo per ostium firmiter occlusum, ut tamen percipi sermo posset, colloquuta, regnum liberis suis petebat. ille, bonum habere jubens animum, et omnia Caesaris humanitati permittere, locum interim diligenter contemplatus, Imperatori renunciavit. Ab hoc continuo missus est Cornelius Gallus; quo de industria producente sermonem, Proculejus cum duobus ministris per fastigium aedificii, qua parte paullo ante receptus Antonius fuerat, scalis admotis, ingressus, ad ostium, ubi cum Gallo colloquebatur Cleopatra, properavit. Sed ad vocem ancillae, o te miseram, Cleopatra! viva ecce, viva deprehenderis! sicam illa, qua cincta erat, haud impigre stringens, deferebat in pectus; quum complexus eam ambobus brachiis Proculejus, Bis, inquit, iniqua es, Cleopatra, tibiue et Caesari: laetioris fortunae vicet tibi, mansuetudinis et clementiae gloriam illi auferens. Erepta deinde sica, vestibusque excussis, ne quid ad mortem sibi consciscendam aptum relinquerent, Epaphrodito eam tradiderunt: qui missus ad hoc a patrono fuerat, ut mollissime et blandissime habitam summa diligentia custodiret. Dum ad hunc modum regina corripitur, eunuchus ejus, aspidis irritatae morsu factum citans, in foveam ante ad hoc praeparatam se dimisit.

LIII. Post haec ingressus est Alexandrian Caesar, Areum philosophum indidem manu tenens, sermonesque cum eo serens; quo majorem illi apud cives suos auctoritatem statim ab hoc conspectu conciliaret. In gymnasio tribunal erigi jusserat: eo consensu, Graeca oratione, quo intelligi ab omnibus posset, A-

Caesar Alexandriam ingreditur.

Cap. LII. Dio. Plut. Dio. Plut. Dio. Cap. LIII. Plut. Dio. Plut.

U. c. 722. lexandrinus, humi stratos, et veniam suppliciter o-  
 A. C. 30. rantes, exsurgere iussit, *se enim universos noxa libe-  
 rare tres ob causas: quod Alexandrum conditorem urbs  
 habuisset; quod esset ipsa maxima ac pulcherrima; pos-  
 tremo, quod Arcum, tam carum sibi caput, produxisset.*

*Antylli et  
 Caesarionis  
 paedagogi  
 proditores.*

LIV. Antyllus deinde iussu Caesaris statim inter-  
 fectus: nec profuit, quod filiam ejus desponderat o-  
 lim, et in delubrum Caesaris confugerat. Id, Caesa-  
 ri priori, tamquam Heroi, a Cleopatra structum, sub  
*Caesare* nomine diu postea superfuit, donec post oc-  
 cingentissimum a Christo nato annum fortuito incendio  
 conflagraret. Theodorus, paedagogus ejus, idemque  
 proditor, quum detractam occiso pretiosam gemmam  
 vesti suae insuisse post inficiationem convictus esset,  
 in crucem actus, poenas perfidi avarique animi de-  
 dit. Neque amantior Caesarioni paedagogus contige-  
 rat Rhodon, qui, eum ut Caesari traderet, revocari  
 ab eo ad regnum fingens, ex Aethiopia, per quam a  
 matre cum magno auri pondere in Indiam mittebatur,  
 retraxit. Antonium interea multis regibus atque du-  
 cibus funerare cupientibus, non permisit Caesar,  
 Cleopatrae quaecumque solatium servans: illaque su-  
 is eum manibus regali sumptu, nihil prohibente Cae-  
 sare, sepeliit.

*Colloquium  
 Caesaris  
 cum Cleopa-  
 tra.*

LV. Tot doloribus confecta, luctuque, et exulce-  
 rato contusoque frequentibus plagis pectore, quum  
 in febrim incidisset, per causam ejus morbi cibo  
 abstinere coepit, inedia mori cupiens: sicut familia-  
 ris ejus medicus Olympius, qui tum aegrotanti ad-  
 fuit, scriptum reliquit in commentario, quem postea  
 de rebus istis edidit. Sed, interpellata sollicitudine  
 Caesaris, iramque ejus, ne forte in liberos expete-  
 ret, metuens, curam corporis intermissam aliquam-  
 diu resumpsit. Quum deinde Caesaris colloquium  
 exposceret, quo magis inciperet confidere, ad illam  
 se dixit iturum. Ad conspectum ingredientis erubes-  
 cens, e thoro minime compto in simplici tunica ex-  
 siluit, projecitque se ad pedes ejus, dominum salu-  
 tando, quod ei nomen Dni tribuissent. Ille, repone-  
 re se in lectulum jubens, juxta adsedit, excusationem-  
 que tentanti, et in vim et metum Antonii factorum

Cap. LIII. Dio, et Plut. Cap. LIV. Dio, Plut. Oros. Sue-  
 ton. Aug. 63. et 7. Dio. Plut. Dio, et Plut. Plut. Dio, et  
 Plut. Cap. LV. Plut. Dio. Plut. Dio. Plut.

culpam conjicienti, sic respondit, ut, omissa defensione, tota se ad preces converteret.

U. c. 722.

A. C. 80.

LVI. Multas variasque prioris Caesaris imagines eodem in cubiculo dispositas habebat: ad has manus tendens, patris memoria propitiare victorem conabatur; voces etiam interficiens, ad misericordiam provocandam, et, si posset, amorem, comparatas. Quamquam enim, ut in profundo luctu, neglecto capillo, facie sordidata, corpore vibicibus deformi, rubentibus tumidisque multo flétu oculis erat; attamen nativa ejus gratia non pauca sui vestigia, tamquam inter nubem radios, emittebat. Inter haec et voces jaciebat fractas perplexasque, Caesaris etiam literis adhibitis, e quibus multas amatorum delicias legens, exosculabatur tabellas, imagines adorabat, semetipsam modo dessebat, quod non ante illum esset mortua; modo, respiciens ad adolescentem, sibi gratulabatur, quod in hoc saltem redivivum Caesarem contueretur. Adversum artes minime improvisas certum Caesari erat tenere adfectum, et animum firmiter occludere. Igitur, dejectis in terram oculis, nihil de amore jam, nihil de regno, sed tantum, ut bono esset animo, respondit, nihil passura.

Artes mulieris.

LVII. Tum illa commentarium ei porrexit, thesaurorum pecuniaeque descriptionem et summas continentem. Forte Seleucus aderat, unus procuratorum ejus. Hunc, occultari quaedam arguentem, in capillum involans, quum multis plagis contudisset, subridenti Caesari et intercedenti, *Quid mirum est, ait, indigne me ferre, quando hic contemptui habet, quam tu tali in tempore dignatus es invisere? Si quid de muliebri mundo seposui, non mihi servabam, sed ut munera inde Liviae Octaviaeque darem, pro me deprecaturis.* Non offensus his Caesar, in quibus elucere cupiditatem vitae existimabat, et haec se concessurum ei, et alia quam plurima confirmavit. Magnopere enim timebat, ne se interficeret illa, sibi quae maximum triumphii ornamentum eriperet. At, illam se decessisse putans, deceptus ipse est.

Commentarium thesaurorum Caesaris tradit.

LVIII. Inter nobilissimos amicorum Cornelium Do-  
labellam adduxerat Caesar. is, reginae studiosus, hoc ab se rogante officium clam significantum curavit, *Im. Antonio.*  
*peratorem per Syriam reverti constituisse: ipsam cum li-*

Cleopatra parentat

Cap. LVI. Dio. Flor. Plut. Dio. Flor. Dio. Cap. LVII. Plut. Dio. Plut. Dio. et Plut. Cap. LVIII. Plut.

U. c. 712. *beris proximo triduo mari praemissurum in Italiam.*

A. C. 30. Hinc plane conjiciens triumpho se destinari, quod vel multis mortibus intolerabilius credebat, decrevit antevertere. Igitur, constituto secum tempore ac modo exitus, et occultissime praeparatis ministris, oravit Caesarem, ut bona cum ejus gratia parentare Antonio sineretur: adceptaque venia, ad tumultum cum domesticis mulieribus perrexit. Ibi, prostrata super sepulcrum, *Paucis ante diebus, ait, captiva his te manibus tumulavi, care Antoni: nunc etiam parento, ne luctu quidem et planctu satis libero, quando eustodibus adpositis alieno jam corpori detrimentum inferre prohibeor. Nec ultra quid expectaveris a Cleopatra tua, quae mox imperio victoris abducetur. Ergo, quos in vita distrahere nulla vis potuit, eos in morte disjungi placuit Diis, et sic permutari sepulcra, ut tu Romanus in Aegypto jaceas, me infelicem Itala tellus contegat! At tu, siquidem ista numina placatiora nostratibus habes, ne desere conjugem tuam, neque in his calamitatibus vivere, aut in illa te triumphari patere: quin ereptam his malis etiam sepulcro junga tecum. Numquam enim acerbioram vitam egi, quam post istos dies, quibus te careo.*

*Post, magnifice epulata,*

LIX. His editis lamentis, postquam coronas et oscula tulit tumulo, balneum parari jussit, lotaque magnifice epulata est. Sub id tempus quidam, ex agris cophinum adferens, percunctantibus, quid portaret, dimotis foliis, ficus ostendit: quarum magnitudinem et elegantiam mirantes sumere ille, si quid placeret, jubens, citra suspicionem intromissus est. Tum Cleopatra, quo Epaphrōditum amoveret, vigilantissimum vitae suae custodem, literas ei dedit obsignatas, perferendas ad Caesarem, quibus enixissime rogabat, ut se juberet cum Antonio sepeliri.

*Festinata morte decedit.*

LX. His inspectis, statim intellecto, quid ageretur, Caesar ipse statuit adcurrere; mox, mutato consilio, propere viros mittit. Illi, reseratis foribus, transacta omnia reppererunt. Jacebat in pretiosissima veste, regioque cultu Cleopatra, in aureo differtoque odoribus solio: juxta pedes humi stratum corpus erat Iradis, alterius ancillarum: (nam ceteram omnem multitudinem expulerat) altera, jam vicina morte titubans, tamen adhuc diadema dominae componebat. Ibi per iram dicenti cuidam, *Pulchrane tibi haec videntur,*

Cap. LVIII. Flor. Hor. Carm. 1, 37. Plut. Cap. LIX. Dio. Flor. Plut. Cap. LX. Dio. Plut. Flor. Plut.

*Charmium?* *Pulchra*, inquit illa, *profecto ac tot regum sanguine digna*. neque plura loquuta juxta lectum herae concidit. Aspidis morsu perisse Cleopatram, quae inter ficus illata fuerit, constantior fama tenuit: et eredidisse hoc Caesarem monstravit in triumpho praelata reginae effigies cum admota ad brachium aspidē: alii venenum in acu habuisse putarunt, maculam vero in corpore nullam, aut aliud veneni signum comparuisse, satis constat. Caesarem nunciata mors tam velox percūlit, ivitque ipse, et adhiberi a medicis remedia imperavit. Psyllos quin etiam admovit, qui venenum exsugerent. Quum nihil proficeretur, miratus animum mulieris, uti petierat, juxta suum collocari Antonium, et fastigium, quod mausoleo deerat, perfici jussit. Etiam ancillis honorifica sepultura data.

U. c. 722.  
A. C. 30.

LXI. Sic illa, magnis et virtutibus et vitiis celebrata, Cleopatra successorum Alexandri potentiam suo casu finit, unde quadragesimo aetatis annō. regnavit domi duos et viginti: ex quibus amplius quatuordecim per Antonium in reges ipsos plurimasque nationes imperium tenuit. Antonio nonnulli tres et quinquaginta tribuunt annos vitae: alii triennium ad numerum adjecerunt. Cujus de ingenio fortunaque, quarum rerum nescias ultra fuerit mutabilior, post tot utriusque documenta relata, differere quid attinet? Imagines ejus statuaeque detractae sunt et abolitae; Cleopatrae manserunt, redemptae, ut ferunt, ab Archibio quodam mille talentis. is inter amicos reginae fuerat, caritatemque bene de se meritae, quod bonis ingeniis solitum, post mortem ejus retinebat.

*Ejus breve elogium.*

LXII. Ceterum mors Cleopatrae Caesarioni quoque exitio fuit. Ajunt ab Aereo impulsam esse Caesarem; qui, ad notam principis poëtae sententiam adludendo, *minime utilem esse Polycaesariem* dixerit. Ego monitore nihil indignisse crediderim ad tollendum, qui Caesare dictatore genitus esse praedicaretur.

*Caesaris interficitur.*

LXIII. Ceteris autem Antonii liberis, etiam quos ex Cleopatra sustulerat, non pepercit modo, sed omnem benevolentiam favoremque praestitit, ut felicior

*Posteritas Antonii.*

Cap. LX. Dio. Plut. Flor. Eutrop. Vell. 2, 87. Sueton. Aug. 12. Galen. de Theriac. l. 1. c. 8. Oros. Strabo, l. 17. p. 795. Hor. Carm. 1, 37. Virg. Aen. 8. v. 697. Cap. LXI. Plut. Dio. Sueton. Oros. Dio. Plut. Dio. Sueton. Plut. Cap. LXIII. Sueton. Plut.

U. c. 723. in posteris fuisse Antonius, quam in vita, videatur.  
 A. C. 80. Nam, praeter alios summae potentiae gloriaeque viros, etiam pronepos ejus, deinde nepos, imperium populi Romani obtinuerunt. Sed omnem suam felicitatem Octaviae praecipue debuerunt: quae ingrattissimi viri liberos non educavit modo materna cura, sed etiam apud fratrem fovit atque promovit. Fuit enim egregium matronalis virtutis exemplum Octavia: unde et fratri carissima fuit, et apud externos etiam in tanto honore, ut Corinthii quidem ei templum exaedificasse legantur. Hac igitur faciente, Caesar Cleopatram, ex Aegypcia regina genitam Antonio, in matrimonium elegantissimo regum omnium Jubae tradidit; quem, educatum in Italia, suamque militiam sequutum, patrio regno donavit: eique fratrum Cleopatrae, Ptolemaei atque Alexandri, concessit incolumitatem. At puellis duabus, quas ex Octavia susceperat Antonius, paternorum bonorum partem adtribuit. Filio Fulviae Julo Antonio libertos patris repraesentare coëgit, quantum quisque reliquere ei moriens secundum leges debuisset. Sed horum pleraque, postquam Aegypto decesserat, facta sunt.

*P. Canidius, Cassius Parmensis, et Ovinus occiduntur.*

LXIV. Tum vero ex adversarum partium ducibus P. Canidium infestissimum sibi, sed nec Antonio satis fidum, interfici jussit: qui timidius excepisse mortem traditur, quam viro militari conveniret. Cassius etiam Parmensis, elegantis homo ingenii, qui solus percussorum Caesaris superabat, poenas dedit. Alii post Actiacum proelium Athenis, quo confugerit, interfectum tradiderunt. In Aegypto etiam Q. Ovinus supplicio adfectus, quod senator populi Romani lanificio reginae praefici sustinuerat. Ex magna deinde multitudine regiorum liberorum, quos obsidum loco missos a parentibus, aut libidinis causa evocatos ab Antonio raperit, alios remisit domum, Jotapen patri, Medorum regi, qui post Antonium victum ad se transfugerat, ultro reddidit: quosdam inter se junxit matrimonio: nonnullos retinuit. In quibus Artaxiae fratres, quamquam petenti, non remisit; quod ille Romanos, qui post Antonii expeditionem remanserant in Armenia, jugularat.

Cap. LXIII. Pausan. l. 3. Dio, et Plut. Dio. Cap. LXIV. Oros. Vell. 2, 87. Hor. Sat. 1, 10. et Ep. 1, 4. Val. Max. 1, 7. Oros. Dio.

LXV. Corpus Alexandri Magni videre inter haec concupivit, idque contrectatum, ita ut particulam nasi frangeret, corona imposita, floribusque adspersis honoravit. Nec praetermittendum, ejus regis monumentum, tot seculis venerabile, hodie etiam exflare inter medias oppidi ruinas, et a Muhammedanae superstitionis cultoribus magna religione, non solum ut regis, sed et prophetae maximi sepulcrum visitari. Digressus ab hoc Caesar Alexandrinis, ad invisenda Ptolemaeorum regum conditoria studiose invitantibus, respondisse traditur; *Regem videre voluisse, non mortuos. Apin etiam adspicere superse-*dit, *Deos a se, non vero boves, adorari solere* dicens.

U. c. 722.  
A. C. 36.  
*Alexandri*  
*M. monu-*  
*mentum.*

LXVI. Conversus deinde ad res Aegypti ordinandas, quam, imposito stipendio, in provinciae formam redigere decreverat, Cn. Cornelium Gallum, ex infima fortuna productum, praefecti nomine, sed ad similitudinem imperii proconsularis, imposuit, equestris loci virum: quia propter multitudinem hominum ac oppidorum, fertilitatemque soli et situs opportunitatem, metuebat eam majoris dignitatis homini credere. Unde et senatores equitesque Romanos illustres Aegyptum intrare, nisi permisso, vetuit. Sub hoc praefecto juridicus Alexandriae fuit, apud quem pleraque judicia agebantur: itemque Rationalis Caesaris, qui bona vacantia, et quidquid in fiscum Imperatoris oportet redigi, curabat. His omnibus liberti Caesaris, atque procuratores, diversis officiorum titulis adparebant.

*Caesar A-*  
*egyptum or-*  
*dinat.*

LXVII. Praesidium militare; nam in urbe legionem, duas in agris, collocavit. Praeterea tres Romanae cohortes seorsim Alexandriae excubabant, tres ad Syenen et Aethiopiae fines: totidem per alias regiones. erant et equitum alae tres, idoneis locis et ipsae dispositae. Et, quo magis mobilitas gentis constringeretur, non modo in senatum Romae legere Alexandrinos, sed ne Alexandriae quidem senatum esse voluit; quum ceteras urbes more patrio administrari pateretur. Sed erat quidam adpellatus *Eregetes*, cui necessitates urbis curandae mandabantur, et

*Praesidium*  
*imponit.*

Cap. LXV. Dio, et Sueton. Aug. 18. Leo Afer, l. 8. Dio, et Sueton. Dio. Cap. LVI. Euseb. Chron. Dio. Sueton. Aug. 66. Strabo, l. 17. p. 819. Eutrop. Tac. Hist. 1, 11. Dio. Tac. Ann. 2, 59. Strabo, l. 17. p. 797. Cap. LXVII. Dio. Strabo.



U. c. 712. inter alias honores gestare purpuram permissam erat.  
A. C. 30. post hunc erat commentariensis, *Hypomnematographum* ipsi vocabant, et Archidicaestes, quartusque praetor nocturnus. Sed hi magistratus etiam sub regibus fuerant. Romani praeterea per provinciam et Duces quosdam Nomarchasque et Ethnarchas constituerunt, sed non maxima hos omnes potestate.

*Prodigia  
mutationem  
istam ante-  
cedentia.*

LXVIII. Hanc mutationem rerum Aegyptii portendisse Deos credebant, pluvia sanguinis effusa his locis, quibus ne gutta quidem aquae cecidisse coelo exillimaretur. Adcesserunt arma simul conspecta in nubibus, exauditusque tympanorum et cymbalorum sonus, et qualis fistularum ac tubarum concentu excitatur. Draco etiam subito adparuit inmane sibilans: et cometae in coelo, humi mortuorum spectra visa. Statuarum etiam et imaginum moestus adspectus est notatus, et Apis cum lamentabili mugitu lacrimas fundens.

*Aegyptiaca  
magnitudo.*

LXIX. Ceterum haec victoria non oppulentissimum modo regnum Romano adjecit imperio, cujus e vectigalibus tantumdem ferme rediret ad aerarium, quantum a patre Caesare devicta Gallia praestabat: verum etiam in praesentia copiosissimis spoliis locupletavit Caesarem. Nam, praeter vetustas divitias, quidquid nuper Cleopatra corraserat, in thesauris repertum. Praeterea, quibus objici quidquam potuerat, bonis exuti; etiam ceteri, conferre bellem iusti omnium facultatum, ita ditavere victorem, ut, quidquid omnibus usquam militibus debebat, inde persolveret; et his insuper, quorum hoc bello usus opera erat, ducenos quinquagenos denarios divideret, quo direptio urbis averteretur. Grandes etiam summas adceperat mutuo. ea omnia hinc expuncta debita, et senatoribus ac equitibus, victoriae sociis, ingentia dona data: superfuitque, unde et aerarium augeretur, et multa passim delubra novis donariis nitescerent.

LXX. Quo autem hujus etiam victoriae celebratior in posterum memoria foret, et in Aegypto Nicopolin Caesar in loco pugnae struxit, ludis etiam ad similitudinem Actiacorum constitutis. Et, quo habi-

Cap. LXVII. Nov. 13. Strabo. Cap. LXVIII. Dio. Cap. LXIX. Vell. 2, 39. Dio. Cap. LXX. Sueton. Aug. 18. Strabo, l. 17. p. 795. Dio.

lior uberiorque ad annonam urbis sustentandam Aegyptus fieret, fossas Nili, quas ad irrigandos agros antiquissimi reges duxerant, vetustate oblimptas, labore militum aperuit; novasque locis quibusdam adjecit. Hac cura effectum, ut urbi annua ducenties centena millia modiorum framenti inferrentur: quae summa ferme populum Romanum alere quatuor anni mensibus poterat. Sed nullo magis Aegyptiarum opum Romanis infusa rebus magnitudo patuit, quam quod foenus ad trientem recidit: possessionum aliarumque rerum venalium pretium, propter abundantiam pecuniae, duplicatum est.

U. c. 722.  
A. C. 30.  
*Annona  
urbis ex  
Aegypto.*

LXXI. Constitutis hunc ad modum Aegypti rebus, Caesar, per Syriam, Herode Antiochiam deducente, profectus, Asiae hiberna petiit, provinciae negotia componendo, simul et Parthicis rebus intendens animum. Nam illud etiam imperium civilibus bellis lacerabatur, his causis. Phrahates, crudelissimus ingenio, et post victoriam Romanam ferocior, a popularibus in exilium actus, auxilio Scytharum cum Tiridate, quem Parthi regem constituerant, bellum gerebat. Utrique socia Caesaris arma optarunt: sed, excusatione rerum Aegyptiacarum usus, praepotentem gentem atteri civilibus armis malebat. Interea Phrahates, missis ad Caesarem legatis, in Syriam profugisse cum magna manu Tiridaten servum suum, abrepto simul filio suo minimo natu, quem negligentius custoditum rapuisset, significat: remitti utrumque postulans. Caesar, benigne exceptis barbaris, Tiridaten nullo auxilio jovit. ceterum neque deditit eum; et filium Phrahatis, ab illo muneris loco adceptum, Romam secum deportare constituit, obsidis loco habiturus.

*Parthorum  
bellum ci-  
vile.*

LXXII. Inter haec, unde minime timeri debuisset, gravis orta conspiratio queta Maecenatis industria Romanae opprimitur. M. Lepidus juvenis, multis irarum in Caesarem causis, a quo remotum a republica patrem, eversum avunculum Brutum, nunc etiam socerum Antonium sublatum dolebat, perniciem ei, simul in urbem redisset, machinabatur. Hujus consilia dissimu-

*Conspira-  
tio Lepidi  
juvenis op-  
primatur.*

Cap. LXX. Justin. 2, 1. Sueton. et Dio. P. Victor. Joseph. de B. Jud. 2, 16. Sueton. Aug. 41. Dio. Oros. 6, 29. Cap. LXXI. Dio. Joseph. Antiq. 15, 11. Dio. Justin. 42, 5. et Dio. Cap. LXXII. Liv. Epit. Vell. 2, 88. Sueton. Aug. 19. Dio. l. 54. p. 360.

U. c. 722. lanter speculatus Maecenas, qui tum ad custodiam urbis redierat, tam tempestive, tamque nulla reipublicae perturbatione oppressit, ut, capite conjurationis sublato, maximi belli semina in ipso ortu suffocarentur. Servilia, Lepidi uxor, quum superesse viro non sustineret, et diligenti familiarium custodia nihil adipisci mortiferum posset, prunis ardentibus devoratis, vita abiit.

*Mira conversio Fortunae.*

LXXIII. Neque reticendum, suffectos hoc anno consules fuisse, ex Kalendis Juliis C. Antistium; ex Idibus Septembribus M. Tullium, ex Kalendis Novembribus L. Saenium, non historiae tantum causa, sed ut mira quaedam his temporibus conversio fortunae notetur. Tullio consule, cujus patrem Ciceronem Antonius proscripserat, quum Antonii nunciata mors esset, iisdem Idibus, quibus Cicero magistratum iniit, senatusconsulta facta sunt, ut Antonii statuæ detraherentur, honores abolerentur, dies natalis nefastus esset, nemo postea gentis Antoniae Marci praenomen ferret.

*Lepidi senis contemptus.*

LXXIV. Balbinus, (id Saenio cognomen fuerit) eadem proscriptione adductus in rerum omnium discrimen, tum in consulatu suo M. Lepidum ad pedes suos supplicem vidit, desperantem de filio, pro salute conjugis anxium. Nam eam quoque, tamquam consiliorum filii consciam, Maecenas ream agebat: et, quum juvenem ad Caesarem mittere constituisset, *sexum imbecilliorum non esse vexaturum itinerum molestia*, dicebat, *modo vades, Junia consuli dedisset, Caesari eam, quandocumque postulasset, exhibitum iri*. Quum nemo reperiretur, Lepidus senex, quem nota segnitie scelere excusabat, saepius circa fores, deinde tribunal consulis excubans, quum ab adparitoribus repelleretur, vix ad haec verba spatium aliquando nactus est: *Meae quidem innocentiae testes qui dare possem locupletiores his, a quibus uxor et filius adescantur? Nec ego te proscripsi, et quibusdam, qui tum sunt proscripti, sum humilior. Tu vero instabilitatem humanae sortis respice, consul, meque coram tribunali tuo stantem: et aut me vadem adcipe pro uxore, aut una cum illa vinctum ad Caesarem mitte*. Nec reticenda consulis humanitas. tantae mutationis misertus, vadimonium mulieri remisit.

LXXV.

Cap. LXXII. Dio, l. 44. fin. Vell. Cap. LXXIII. Pigh. Ann. Plin. 22, 6. Pigh. Plut. Cic. fin. et Appian. Civil. l. 4. p. 619. et Dio, l. 51. Cap. LXXIV. Appian. Civil. l. 4. p. 618.

LXXV. Sub haec tempora, atque adeo jam ab Actiacae victoriae nuncio, sicut acerbe in Antonium, sic in Caesarem honorifice multa decreta sunt; Triumphus de Cleopatra, arcus triumphalis Brundisii, et in foro Romano. Divi Julii quoque fanum exornari rostris captarum navium placuit, aut columnis ex illa aetate fufis; quinquennales haberi ludos in honorem Imperatoris; diem natalis ejus, itemque nuntiatae victoriae, inter feriatis haberi. Additum, ut in urbem ingredienti virgines Vestales, senatusque et populus Romanus cum conjugibus ac liberis occurrerent. Jam supplicationes, et lituas, aliaque hoc genus, prius etiam usurpata, referre putidum fuerit. Titulum inscriptum basi, non ita pridem repertum Romae, adnotare non pigeat. SENATUS. POPULUSQUE. ROMANUS. IMP. CAESARI. DIVI. JULI. F. COS. QUINT. COS. DESIG. SEXT. IMP. SEPT. REPUBLICA. CONSERVATA. Haec post Actiacam proelium decreta.

U. c. 712.  
A. C. 30.  
Honores  
Caesari de-  
creti post  
Actiacam  
pugnam.

LXXVI. Postquam autem obisse Antonium, innotuit, alius quoque de Aegyptiis triumphus decretus est, quia, ne de illo triumpharet, nomini Romano parcebatur. Dies etiam Alexandriae captae relatus inter festos, et ab hac deinceps Aegyptii tempora sua computare iussi. Data insuper potestas ei tribunitia perpetua, sic ampliato jure, ut ad mille passus extra pomerium adpellari posset: iussique sacerdotes et Vestales, quoties vota pro senatu et populo susciperent, etiam pro Caesare facere. Et, ne tempus ullum aut locus honorum ejus expers esset, inter alia, quae praetereo, ut in conviviis, nec publicis modo, sed privatis, ei libaretur, senatus censuit. Maxime delectabat homines, quod in scriniis Antonii repertas literas combussisse dicebatur. quamquam plures callide servarat: quibus etiam postmodum, ubi opus putaret, uti non dubitavit. Eodem anno L. Statilius Taurus amphitheatrum in campo suis impensis perfecit, et in ejus dedicatione munus gladiatorium exhibuit: novum inde honorem plebiscito adeptus, ut quotannis praeturae candidatum unum, sine repulsa creandum, commendaret.

Alii post  
Antonii no-  
com.

Tauri am-  
phitheatrum.

Cap. LXXV. Dio. Sigon. Comment. in Fast. Dio. Cap. LXXVI. Vid. Usser. Ann. ad annum mundi 3974. Dio. Hor. Carm. 4, 5. Dio, l. 52. fin. Sueton. Aug. 30. Dio, l. 51.

Supplem. Liv. Tom. XIV.

T t

U. c. 713. LXXVII. Kalendis deinde Januariis, quibus Cae-  
 A. G. 29. sar Sami quintum consul, Romae Sex. Apulejus Sex.  
 C. Julio V. F. iniérant, in ejus acta juratum: et, quoniam de  
 Sex. Apu- rebus Parthicis literae ab eo venerant, decretum,  
 lio Coll. ut inter nomina Deorum Saliari carmine celebraretur:  
 illi homi- tribus ex ejus vocabulo fieret Julia: coronatus spectaret  
 res Caesaris ludos: senatores, quibus adiutoribus bellum confecisset,  
 ob res Par- currum triumphantis praetextati sequerentur: die introi-  
 thicas. tus ejus populus Romanus sacrificaret; eaque deinceps  
 quotannis festa esset: sacerdotum omnia collegia, quem  
 ad numerum ei videretur, augeret. Haec, paucis ex-  
 ceptis, admisit Caesar, sacerdotiis quidem intempe-  
 ranter dandis eo provectus, ut de numero illorum  
 quidquam exinde certi nequeat reperiri: unum palam  
 remisit, ut universi sibi obviam exirent.

Janus  
 clausus.

LXXVIII. Omnium autem maximam laetitiam ei  
 duo haec adtulerunt, quod de Jano claudendo, et Sa-  
 lutis augurio repetendo decretum erat. hoc enim pro-  
 pter continua bella intermissum per annos quatuor et  
 triginta fuerat: Janus tantummodo bis antea clausus,  
 Numa rege, deinde Punico primo perfecto bello. Tum  
 vero Imperator Caesar tertium clausit, pace terra ma-  
 risque parta, conditisque civilibus armis, vicesimo,  
 postquam mota fuerant, anno. Sane tum etiam in ar-  
 mis Treviri cum Germanis quibusdam erant, et in  
 Hispania cum Cantabris Vaccaeisque Astures: sed hos  
 Statilius Taurus, illos Nonius Gallus haud sane me-  
 morabilibus proeliis domuerunt. alibi quoque secun-  
 dum singulas nationes tumultuatum est: sed, quia  
 mediocres motus erant, neque Patribus eorum causa  
 bellum decernere visum fuit, etiam historiis haec pa-  
 rum argumenti dederunt.

Templa  
 Caesari po-  
 sita.

LXXIX. At Caesar, Romae patrisque sui commu-  
 ne templum (*Divum Julium* adpellabat) ab Asiae po-  
 pulis apud Ephesum, a Bithynis Nicacae, clarissimis  
 utrobique urbibus, poni passus, ea numina etiam ab  
 Romanis, qui regiones illas habitabant, coli iussit. Se  
 ipsum a civibus divino honore coli noluit. peregrinis  
 permissum, ut illi et Romae templa statuerent, Asia-  
 tici quidem Pergami, Bithyni Nicomediae. quo da-

Cap. LXXVII. Sueton. Aug. 26. Dio. Sueton. Aug. 31.  
 Dio. Cap. LXXVIII. Sueton. Aug. 22. et 31. Dio. Liv. 1,  
 19. Plut. Numa. Virg. Aen. 1. v. 297. Oros. 6, 20. Liv. Epit.  
 Vell. 2, 89. Dio. Cap. LXXIX. Sueton. Aug. 52. Tac. Ann.  
 4, 37. Dio.

U. c. 723.  
A. C. 29.

to exemplo, sicut nihil est ad imitandum adulatione velocius, toto mox orbe coelestes ei sunt honores habiti, passimque per urbes celeberrimas vivo mortuoque sacerdotes et collegia sacrata, erecta fana, quae veterum Deorum delubra ferme structura ornatuque superarent. Alexandrini quoque Sebasteium exstruxerunt, templum Caesaris navigantium praesidis, (*Epibaterium* ipsi cognominabant) cui aliud nusquam par fuit, celeberrimo loco situm, magnitudine et sublimitate conspicuum, refertum donariis, auro atque argento ornatum, circumquaque porticus habens, et bibliothecas, aulas, lucos, vestibula, ambulacra, spatiosissima omnia, et sumptuosissima. Etiam ludos quinquennales, quos tum, permittente Caesare, Pergameni fecerant, provinciarum pleraeque propemodum oppidatim constituerunt. Nec tamen ista, tamquam homine se putaret augustiorem, recepisse creditur, sed ut tam late imperanti utilis regendis rebus veneratio quaereretur. Alioquin *domini* etiam, nedum *Dei*, adpellationem constantissime repulit: et, quamquam etiam proconsulibus decerni templa solere sciret, in urbe nullum, in provinciis nonnisi communi suo Romaeque nomine, recepit.

LXXX. Sed imperatoribus sequutis passim non modo Graeci, sed etiam quaelibet provinciae, templa posuerunt. de urbe et Italia Dio hactenus negat, ut quisquam ullius pretii fuerit huiusce rei auctor. sed, quoniam ipse statim subjicit, *Imperatoribus coelestes honores, atque etiam Heroa decreta fuisse*, mirari subit, quid igitur interesse putet, ne, qui haec facere potuerunt, illud etiam fecerint: praesertim quum, et in urbe fuisse templa Augusti, haud contemnendi auctores, a quibus visa sunt, prodidere.

LXXXI. Per haec exacta hieme, Caesar in Graeciam atque inde a Corintho Brundisium transmisit. Quum urbem intraret, inter occursum omnis ordinis, aetatis, sexusque, passim sacrificia ex senatusconsulto facta: et Valerius Potitus, qui tum in anni parte consulatum gerebat, nomine senatus populiue Romani,

Cap. LXXIX. Sueton. Aug. 59. Tac. Ann. 1, 10. et ibi Lips. Philo ad Cajum. Dio. Sueton. Aug. 59. Curt. 1. 8, 5. Sueton. Aug. 53. Philo. Sueton. Aug. 52. Cap. LXXX. Dio. Plin. 35, 4. Cap. LXXXI. Dio. Strabo, 1. 10. p. 485. Oros. 6, 19. Vell. 2, 89. Dio.

T t 2

U. c. 723. majoribus hostiis fecit, novo ad haec usque tempora  
 A. C. 29. honore. Magna per eos dies omnium ordinum laetitia  
 fuit, aucta liberalitate Caesaris, cui tum pares animo di-  
 vitiae obtigerant. Ergo munifice donavit duces suos,  
 et, ut solitus erat, collandavit, honoribusque exqui-  
 sitis extulit; Agrippam hoc eximio, quod caeruleum  
 ei vexillum dono dedit, navalis victoriae testimonium.  
 Nec militibus modo divisit pecuniam, sed et populo  
 nummos quadringenos ex bellorum manubiis dedit:  
 adultis primum, deinde et pueris Marcelli nomine,  
 quem, sorore sua natum, si nullos ipse filios susci-  
 peret, jam tum ad gratiam civium producebat. Mu-  
 nicipiis etiam, sed et provincialibus, quorum in a-  
 gros deductae nuper coloniae erant, ingentem pecu-  
 niam numeravit: quod equidem solum et unum omni-  
 um fecisse, qui deduxissent, haud falso gloriatus est.  
 His de causis, et quia nec auri coronarii nomine  
 quidquam adiciebat ab Italis, quin et sua debita  
 reddens, quae sibi adhuc ex imposito tributo debe-  
 bantur, remittebat, praeteritorum malorum oblivio  
 cepit omnes; triumphique ejus, tamquam de pere-  
 grinis ducerentur, hilariter spectati.

*Tres conti-  
 qui triumphi  
 Caesaris.*

LXXXII. Tres autem tribus continuis diebus du-  
 xit: Dalmaticum et Illyricum, deque Pannoniis, Japo-  
 dibus, et finitimis eorum, itemque de Gallorum at-  
 que Germanorum populis, quos auspiciis ejus C. Car-  
 rinas vicerat. Postridie Actiacus triumphus actus, quo  
 Tiberius, Liviae filius jam pubescens, currum comi-  
 tatus est sinisteriore funali equo; quum Marcellus,  
 Octavia natus, dexteriore veheretur. Tertia dies  
 Alexandrinam et Aegyptiam pompam vidit, priores,  
 licet sumptuosissime instructas, adparatum impensa et  
 pulchritudine superantem. Inter hujus fercula Cleo-  
 patrae quoque imago in lecto ad similitudinem mori-  
 entis translata est: ductique liberi ejus Alexander et  
 Cleopatra, quibus Solis ac Lunae nomina indiderat.

*In pompa  
 aliquid mu-  
 tatum.*

LXXXIII. His in triumphis nihil ex antiquo muta-  
 tum adnotatur; nisi quod ex nupero decreto currum  
 sequuti sunt primum senatores, quotquot eo bello na-

Cap. LXXXI. Sueton. Aug. 25. et 38. Dio. Tac. Ann. 1, 3.  
 Senec. Consol. ad Marc. c. 2. Vell. 2, 39. Lapis Ancyr. Dio.  
 Cap. LXXXII. Sueton. Aug. 22. Dio. Oros. 6, 20. Liv. E-  
 pit. Virg. Aen. 8. v. 714. Appian. Illyr. Dio. Sueton. Tib. 6.  
 Dio. Euseb. Chron. Cap. LXXXIII. Dio,

arant operam; deinde consul cum magistratibus: U. c. 723.  
A. C. 29.  
pium alias hi praecedere inter hujusmodi pompas so-  
erent, ceteri senatores subsequi. Militibus trium-  
phale congiarium ex manubiis viritim millia nummum  
ingula dedisse, ipse tradit: adcepisse id hominum cir-  
citer centum et viginti millia.

LXXXIV. Idem deinde mensis et Carrinatem et *Carrinatis*  
Autronium triumphantes vidit. Carrinas, Morinis so- *et Autronii*  
etisque eorum ad patientiam imperii, bello revocatis, *triumphi.*  
etiam trans Rhenum aliquoties victos repulerat. Ideo-  
que et Caesar, uti diximus, ex his gentibus triumphavit,  
et Carrinatem triumphare iussit: magno iterum  
documento, ne quis ob res adversas nimium flacces-  
cat animis. Hujus enim pater a Sulla fuit occisus in-  
ter proscriptos, quorum liberis lege lata tum quidem  
aditus ad honores praecludebatur. Mox ante diem de-  
cimumseptimum Kalendas Septembres ex Africa L.  
Autronius P. F. L. N. Paetus pro consule triumphavit.  
At e regulis ducibusque triumphatis supplicio  
quidam adfecti sunt: in his Adiatrix cum filio; qui,  
ab Antonio partem Heracleae Ponticae nacti, Romanos  
colonos occiderant.

LXXXV. Inde versa ad honorem Deorum cura, *Honores*  
Minervae templum, et quod Chalcidicum vocatur, *Diis habiti.*  
tum curiam ex patris nomine Juliam, hanc quidem  
ante diem quintum Kalendas Septembres dedicavit,  
in ea Victoriae reposuit simulacrum, spoliisque Ae-  
gyptiis exornavit, quod olim a Tarento advectum fu-  
erat; huic numini se debere imperium adsignificans.  
Etiam D. Julii fanum multis ex eadem praeda dona-  
tiis excoluit. Sed longe maximae opes in Capitolium  
illatae. Nam ex senatusconsulto e tribus cellis,  
quidquid Jovi, Junonique, et Minervae dicatum olim  
fuerat, pro polluto efferendum curavit: ipse una do-  
natione sedecim millia pondo auri, gemmasque ac  
margaritas quingenties sestertium contulit. Haec om-  
nia ex thesauris Cleopatrae desumpta, cujus etiam  
alter unio, vix luxuriantis feminae faucibus ereptus,  
propter magnitudinem dissectus, ex utraque aure Ve-  
neris, quae in Pantheo deinceps culta est, pendit.

Cap. LXXXIII. Lapis Ancyranus. Cap. LXXXIV. Fasti Capit.  
Dio. Fasti Capit. Strabo, l. 12. p. 543. Cap. LXXXV. Dio.  
Inscript. Grut. p. 133. Dio. Sueton. Aug. 30. Manil. 5. v.  
log. Dio. Plin. 9, 35.



U. c. 723.  
A. C. 29.  
*Ludi varii.*

**LXXXVI.** Ceterum in dedicando Julii templo ludi varii generis editi: Trojam patricii pueri luserunt: viri equos desultores bigasque et quadrigas agitarunt: et senator quidam in arena depugnavit. Venatio quoque insignis edita: et inter alias feras Rhinoceros et Hippopotamus occisi, quae genera animalium numquam ante Roma viderat. Turmae quoque Suevorum, quos in triumpho Carrinas duxerat, Dacorumque, captorum Actiaco bello, infestis armis in voluptatem victoris populi concurrerunt.

*Daci Cosis adfinitas cum Caesare.*

**LXXXVII.** Dacos et Getas non sanguinis diversitas, sed regionum situs, distinguit: Dacis ad Danubium et Germaniae finem, Getis versus Pontum et orientem habitantibus. Partis harum gentium rex Cotiso non amicitiam modo pactus cum Caesare, sed etiam geminam adfinitatem, fuerat, sibi desponsa Julia, vicissimque sua filia Caesari. Ceterum, quum, deludi se postea sentiens, legatos frustra misisset, ad Antonii partes popularium inclinavit animos. Sed nec illi multum profuit istarum gentium societas, et ipsis tantummodo causam Romani belli praebuit. Mediam spectaculorum hilaritatem delibavit magis, quam abruptit, Caesaris aegritudo, per quam nihilominus, eo jubente, curati ab aliis ludi sunt: interque id tempus senatores prae suis quisque foribus in propatulo epulati sunt: ut alias quoque, invitandorum praetereuntium causa, factitatum in publica laetitia fuerat.

Cap. LXXXVI. Dio, et Sueton. Aug. 43. Cap. LXXXVII. Plin. 4, 12. Dio. Cluver. Germ. Ant. 1, 1. Strabo, l. 7. p. 304. Sueton. Aug. 63. Dio. Liv. 3, 29. 24, 16. 25, 12. etc.

## E P I T O M E

### LIBRI CENTESIMI TRIGESIMI QUARTI.

*Caesar, rebus compositis, et omnibus provinciis in certam formam redactis, Augustus quoque cognominatus est: et mensis Sextilis in honorem ejus appellatus est. Quum ille conventum Narbone ageret, census a tribus Galliis, quas Caesar pater vicerat,*

*C. Caesar, rebus compositis]* Ita omnes fere, quas vidi, editiones usque ad Doujatium; qui, ad stipulantibus Clerico, et Crevierio, praenomen Caesaris expunxerunt; quod, sive casu, sive de industria factum sit, firman- Leid. Voss. Berg. Lov. 2. Boend. et una ed. Campani. V. ad Epit. 62. Mox voces et omnibus exsulant a Voss.

*Et mensis Sextilis in honorem ejus appellatus est]* Forte. *Augustus quoque cognominatus est, ut et mensis Sextilis in honorem ejus appellatus.* J. FR. GRON. *in honorem ejus cognominatus est* Voss. errore librarii, quum *cognominatus est* modo praecesserit. Verbum est exsulat a Lov. 2. Si Gronovii conjectura non displicet, una vocula addita, in ora cod. legendum monet Clariss. Jac. Perizonius: *Augustus quoque cognominatus est, ut et mensis Sextilis, in honorem ejus ita appellatus.*

*Quum ille conventum Narbone egit]* Veteres libri Narbo-

*ne ageret. SIG. egit* tuentur Berg. Lov. 2. et Norv. *exercitum Narbone egit* Boend. et ed. Camp. *egisset* Leid. *ageret,* ut Sigonius emendat, Exc. Pithoei apud Hearnium. Sed quinque haec vocabula perperam desunt in Voss.

*Census a tribus Galliis, quas Caesar pater vicerat, actus]* Julium Caesarem Galliis, in provinciae formam redactis, quadringenties in singulos annos stipendii nomine inposuisse, scribit Suetonius Caes. 25. Augustus primus censum in iis agere instituit, quod fortassis numquam ante eum in ulla provincia a Romanis factum fuerat. Non multo post etiam in aliis quibusdam provinciis censum actum fuisse, tradunt scriptores antiqui. Sed census Galliarum frequentior in illis mentio est. Vide Lipsium ad Tacit. 1. Annal. cap. 31. Exc. H. DUKER. Vox *Caesar* deest in Leid. (\* Censum in Gallia actum memorat etiam Dio l. 53. p. 512. v. Dubos Hist. Critiq. de la Monarch. de France T. 1. p. 43.)

*actus. Bellum adversus Bastarnas, et Moesos, et alias gentes, a M. Crasso gestum, refertur.*

*Bellum contra Bastarnas, et Maesos, et alias gentes a M. Crasso refertur.] Veteres libri a M. Crasso gestum refertur. SIGON. adversus, pro contra, Leid. Voss. Berg. Lov. 2. Boend. et ed. Camp. Vide ad Epit. 57. Dein Bastarnas iidem omnes. Vide ad Livii 40, 5, 10. Praeter ea Messos Berg. Mossos Leid.*

*Marsos Boend. et ed. Camp. Morses Voss. Tum a M Accalo Voss. Insuper vox gestum, a Sigonio ex vet. lib. addita, in nullo meorum codd. nec in Norv. adparet. Eamdem tamen in Exc. Pithoei exstare, auctor est Hearnius. Denique referuntur Berg. Boend. et Exc. Pithoei.*

# JOHANNIS FREINSHEMII

## SUPPLEMENTORUM LIVIANORUM LIBER XCIX.

### IN LOCUM LIBRI CXXXIV. T. LIVII.

I. Dum ita populus Romanus, post saevissimas bellorum tempestates, praesentis otii laetitia futuri-  
que spe perfruitur, etiam foris per M. Licinium Cras-  
sum bene gesta respublica felicitatem temporum auxit. Praeter Dacos in armis etiam Bastarnae fuerant: fini-  
busque suis egressi, superato Istro, juxta colentes  
Triballos atque Dardanos subegerant. Tum vero,  
transcensis montis Aemi jugis, Dentheletarum natio-  
ni inferebant bellum. Thraciae haec gens erat, Ro-  
manis foedere conjuncta. Regem tum Sitam habe-  
bant, propter caecitatem minus aptum arcendis ho-  
stibus. Igitur Crassus, qui ex consulatu Macedoniam  
obtinebat, non magis socii regis, quam provinciae  
Romanae, periculo excitatus, adventus sui terrore  
excedere Dentheletarum regione Bastarnas coëgit. Sed  
ipse, non contentus hac gloria, sequi recedentes in-  
stituit: Segeſticaque redacta in potestatem, etiam in  
Mysorum fines impetu facto, munitum quoddam op-  
pidum oppugnavit.

U. c. 723.  
A. C. 29.  
*M. Crassi  
bellum ad-  
versus Ba-  
starnas.*

II. Interea longius praemissarum copiarum partem  
adorta gens insigni feritate, Crasso necessitatem im-  
posuit, ni hos amittere vellet penitus, toto cum ex-  
ercitu succurrendi. Dum acies instruantur, unus du-  
cum, postulato silentio, *Qui vos, inquit, estis? Re-*  
*sponsum, Romanos esse, gentium dominos. Ita, in-*  
*quit ille, si nos viceritis. Adcepit omen Romanus:*  
et, quum ante aciem, immolato equo, votum barba-  
ri concepissent, *ut Romanorum ducum exitis et litarent*  
*et vescerentur, vix tubam sustinentes disjecit: rever-*

*Et victoria  
de Mysis.*

Cap. I. Liv. Epit. Dio, l. 51. Liv. Epit. Dio. Cap. II.  
Flor. 4, 12.

U. c. 723. susque ad obsidionem, oppidum cepit. Et, quo le-  
 A. C. 29. ctiores admoneantur, quanti sit inanibus non moveri,  
 quamque id beneficium non ferociae, sed ingenio,  
 concefferit DEUS, tam praecipitis Mysorum fugae  
*Centurio fo-* nulla fuisse certior causa traditur, quam quod cen-  
*culum gerens* turio quidam Romanus, foculum gerens super casti-  
*super casti-* dem, excitata motu corporis flamma, tamquam vo-  
*dem.* mente incendium capite, solidos mortales exterruit.

III. Averso in Mysos exercitu, Bastarnae, exitum  
 speculantes, ad Hebrum fluvium subliterant. Tum  
 igitur, devictis illis ad se veniri cernentes, legatio-  
 ne missa denunciarunt, *injuste facere Romanos se per-*  
*sequendo, a quibus nullam injuriam adcepissent.*

*Crassus,*  
*Bastarna-*  
*rum delusus*  
*legatis,*

IV. Crassus oratores humaniter adceptos, gnarus  
 eas nationes vini cupidissimas esse, tamquam postri-  
 die responsurus, adhibuit mensae, et ab ebris om-  
 nia Bastarnarum consilia expiscatus est. Eadem au-  
 tem nocte, dum illi poculis vacant, ad silvam proxi-  
 mam exercitu promoti, in ulteriora prospectatum  
 expeditos praemisit. His visis, hostes, quum longe  
 abesse robur legionum arbitrarentur, praeuunt; re-  
 fugientesque intra silvas sequenti, ab instructis ordi-  
 nibus excipiuntur. Magna ibi statim, magna deinceps  
 fugientium caedes fuit: carris maxime, quibus castra  
 sua a tergo sepserant, receptum impredientibus, et  
 quod his impositos cum conjugibus liberos haudqua-  
 quam aquis animis deserebant.

*Regem illo-*  
*rum superat,*  
*et sua manu*  
*caedit.*

V. Nobilis eo loco Romani ducis pugna fuit, oc-  
 ciso Crassi manibus hostium rege Deldone: et, si suis  
 auspiciis rem gessisset, opimorum spoliis decus  
 meruerat. Quod hostium illud proelium non consum-  
 pserat, partim in silva incensa concrematum; alii,  
 expugnato, in quod confugerant, oppido, interie-  
 runt. Fluvius etiam Ister, et sparsa per agros fuga,  
 multis exitium adtulerunt. Maxima moles in supe-  
 randis iis fuit, qui munito ex loco per aliquot dies  
 vim Romanam repulerunt, donec, Rolis adventu Ge-  
 tarum reguli, haec quoque deleta manus tum quidem  
 ei bello finem imposuit. Rolē illum Dicomae filium  
 fuisse, quamquam tradi videam, ad sensum sustineo:  
 quando nullum ejus rei neque testimonium idoneum,  
 neque argumentum adfertur. Ad Caesarem inde pro-

Cap. II. Dio. Flor. Cap. III. Dio. Cap. V. Dio.

fectum esse satis constat, amicumque ac socium discessisse.

U. c. 723.  
A. C. 29.

VI. His ita gestis, Crassus, Mysorum regionem repetens, quum nonnullos suadendo, ceteros minis, pertinacissimum quemque armis subegisset, neque magna pars domanda superesset, hiemem iis locis nimiam veritus, exercitum in pacatiora reduxit. Sic quoque, priusquam Macedoniae fines adtingeret, a frigore nonnihil, sed atrociora a Thracibus, quamquam sociis, perpeffus, propositum ulterius has gentes adeundi deposuit. Ob hanc victoriam Caesar *Unde triumphus ei decernitur.* Imperator adpellatus est; eique supplicatio triumphusque decreti: idem honor et Crasso habitus, nisi quod Imperatoris nomen datum Dio negat, ab aliis hoc quoque traditum haud dissimulans. Igitur his potius crediderim, quum causam Dio nullam adtulerit, et sub Augusto ac Tiberio quoque nominis ejus decus concessum quibusdam ducibus fuisse non ambigatur.

VII. Sub idem tempus Caesar, sive frequentibus *Caesar de reddenda republica deliberat.* morbis iratus, sive ut objectam ab Antonio cupiditatem dominandi rebus refelleret, de reddenda republica cum amicis deliberavit. Duo ipsi erant arcanorum omnium participes: M. Agrippa, quem amplissimis honoribus extulerat; et C. Maecenas, non minus carus Agrippa, sed minus honoratus, quia manere suo in ordine Romanus eques maluerat. His, in secretum advocatis, ubi consilium suum exposuit Caesar, fidemque testatus amicitiae, ut rectum verumque consilium promerent, oravit; in tam exiguo numero tamen variatum sententiis fuit. Prior Agrippa his fere argumentis Caesarem ab imperio continuando dehortatus esse traditur.

VIII. Si tantis a te opibus honoribusque cumulat *Agrippa suadet.* insistere coeptis juberem, Caesar; tametsi mens forsitan integra foret, oratio posset esse suspectior, tamquam ea, quae mihi privatim crederem profutura, suadentis. Nunc, quia diversa mihi rectior videtur via ac salubrior, laborare non debeo, ne parum explere partes amici benevolique consultaris videar. Ego sane semper hanc indiri mihi legem, ex qua me penitentiorem in amicitiam adsumpisti, ut tantae benignitati, quando meritis non poteram, fide responderem: neque mihi retinendum quidquam esse

Cap. VI. Tac. Ann. 3, 74. Cap. VII. Sen. de Brevit. vitae, c. 5. Sueton. Aug. 28. Dio, l. 52. Vell. 2, 90. Vell. 2, 88. Dio, l. 52.

U. c. 723. *crederem, ex quo tibi periculum aut invidia nasceretur.*  
 A. C. 29. *igitur in hac etiam summa deliberatione, priorum commodorum immemor, ea tantum in consilio habiturus sum, quae tuam atque publicam ad salutem pertinere iudicavero.*

*Quia liber-* IX. Age igitur omnia, quae summo imperio insunt, *tatis aucto-* non praecipiti cogitatione expendamus, ut eam sequi *res honorem-* partem liceat, quam ratio nobis meliorem atque felicior fore ostenderit. Nec enim ita nos potentiae cupido occaecaverit, ut incubandum esse imperio, tametsi nobis malo futurum adpareat, existimemus. Esset hoc male sustinentium fortunam suam, ejusque convulsorum obsequio; nisi malimus pietatem in patrem et reliqua obtentui sumpta, ceterum imperandi lubricum egisse omnia videri. Utrumvis horum, crimen ac periculum habet: nec aut laudare talia quisquam bonus, aut perferre liber potest. qui vero patriam suam nec aliis servire, nec sibi, patietur; ad justam aequalitatem omnia referens; is profecto, tamquam maximorum bonorum auctor, semper apud cives in honore ac pretio erit.

*Et naturae congruat aequalitas.* X. Idque ex utriusque comparatione facillime intelligi potest. Quippe juris aequalitas naturae consentanea, sicut oportuit iisdem legibus natos, educatos, institutos, paremque corporum atque animorum praestantes usum reipublicae, pari omnes jure atque potestate esse sancit, neque quemquam cuiquam, nisi virtutis causa, anteponi. Ergo, quoties unius potentia ceteri deprimuntur, tamquam in re, quae contra naturam acciderit, anguntur, nequaquam aequis animis passi, penes se majorem sumptuum laborumque ac periculorum partem, penes unum aliquem pleraque commodorum esse. At, quia cedere magistratibus respublica nulla potest, vicissim regere et regi aequissimum putant: nec contemptui futuri imperantibus, quum et his imperare aliquando possint; nec effrendi potestate, quam mox in se adcepturos alios sciant. Sic et meritis honores invidia nulla tribuent, sibi quoque idem ad hos per virtutem iter patere memores; et onera prompte sustinebunt, quae non a dominis imponi, sed aequa justaque lege, sentiant.

*Multaque secum adferas commoda.* XI. Necessum igitur est, tali populo prospero atque adversa transire in omnes: neque sibi privatim quemquam esse quidquam procuraturum, quod dissentire a publicis rationibus intelligat. Tum et odia tollentur civium, et prava aemulatio. nemo gaudebit malis alterius, nemo aut alienae virtutis obtrectatorem agat, aut alium timebit suae: querelae, suspensiones, insidiae aberunt: nihil adpetetur contra morem, nihil reusabitur; imperabitur sine superbia, parebitur sine murmure: tam pro unoquoque stabunt omnes, quam unusquisque pro omnibus.

*In unius imperio ma-* XII. Haec tanta commoda populo tantum sequuntur. at in unius imperio vix potest obtineri, quin diver-

sa his omnibus exeat et contraria. Jam primum omnibus in unum intuentibus, ille fit morum atque vitae regula: sic tamen, ut ejus vitia exprimantur vulgo; si quae sint virtutes, eas imitari nec possint multi, nec fere, qui possunt, audeant, ne videantur animi magnitudine, artibus imperatoriis, prudentia, liberalitate, cum Principe contendere. Inde fit, ut ad publica munia segnes, voluptatibus aut quaestu omnem indolis ingenuae vigorem deterant; atque sic discant, rempublicam nullam putando, domestica spectare lucra, et felicitatem alienam aegris oculis intueri, tamquam sibi decedat, quidquid apud alios conspicitur. Quae si privatos tantummodo incesserent molestiae, quamquam sane iniquum esset conflictari populos, ut unus aliquis suaviter ac delicate vivat; fortassis auctor essem non amittendae manibus, quod propitia tibi fortuna contulisset. ceterum ad ipsum imperantem curas infinitas, labores ineredibiles, invidiam, odia, pericula sine numero, sine modo, pertinere video. Mittamus praeterita, quae si tibi satis felicia viderentur, non deliberares in praesentia: quid exspectare paullo post debeamus, adparet. Urbanae res parum adhuc compositae: Italia varie turbata: provinciae aliae exhaustae, aliae dubiae: nationes circa validae armis. his occursuro multa deerunt, quae non facillime comparaveris.

XIII. A re nummaria ordiar, quae tibi extraordinariis quaerenda remediis erit: nec enim ad tot alendas exercitus aliasque necessitates vectigalia populi sufficient. Eadem igitur necessitas fuerit, inquit, et restituta republica. Immo vero longe dispar est ratio. tum enim non defuturi essent divites, qui laude liberalitatis, aut honoribus, quales liberae civitates pro meritis hoc genus rependunt, contenti, pecuniam conferrent in publicum: et, si tributa populo indicerentur, haud gravatim quilibet a se abire nummos pateretur, quos in re communi sibi quoque putaret impendere.

XIV. At in regno rarus ostentator opum est, quarum magnitudine stimulari posse avaritiam potentioris exstimet: nec ferre tales largitores principi facile foret, quos favore populi crederet ad res novandas incitari. Tributa vero quoties indicuntur, publica ferme querela est: aequum enim putant, suis eum facultatibus tolerare sumptus quoslibet, ad quem ex toto imperio fructus omnis pervenit. Adde, quod iniqui plerumque adceptorum expensorumque putatores sunt. redditus enim ferme norunt et diligenter numerant: at impensas alias in totum nesciunt, alias multo, quam sint, leviores temere credunt. Haec una difficultas est, quae rerum habenas tenentem, si quid prospicio, magnis curis, iisque frequentibus, exercebit. hac nihilo jam erit minor de judiciorum ordine sollicitudo.

XV. Facinorosos enim puniri sicut ubivis necessarium, ita nunc perdifficile est, rara inter nos innocentia, et praepotentibus reis. At horum causas si ipse cognoscant, sint expofita.



U. c. 723. *veris, pro crudeli traduceris, et iniquo, et magis ex suo*  
 A. C. 29. *commodo odiisve, quam legibus, decernente. Sin alios*  
*constituisti iudices, damnatos adflixisse dicentur a te jus-*  
*si: absolutos populus aequitati iudicum imputabit, aut*  
*etiam gloriae, maxime si quos dimiserint, quibus tu in-*  
*sensus esse existimeris. At in populari statu, quum suf-*  
*fragiis civium aut sorte lecti iudicent, qui neminis unius*  
*in manu positas fortunas suas esse norunt, integra re-*  
*ligione, nec potentiae cujusquam, nec gratiae jus dare*  
*creduntur.*

*Magnos vi-*  
*ros neque*  
*tollere ju-*  
*stum, neque*  
*relinquere*  
*tutum.*

XVI. *Sed ludus hic et jocus fuerit prae his aestibus,*  
*in quos te conjectura est ista dubitatio, quemadmodum*  
*his oporteat uti, qui, cetera boni ac honesti viri, princi-*  
*patum unius pati nequeunt. Hos equidem et si relinquis,*  
*imprudens; et si tollis, iniquus habebere. Neque medi-*  
*am ingredi viam tutum erit. Namque nobilitatem si*  
*contemnere videbere, si circumscribere divitias, coercere*  
*magnos spiritus, populi benevolentiam amiseris. Ecquis*  
*enim hunc amet, per quem unum omnibus carendum exi-*  
*stimet his vitae bonis, quae prae ceteris et aestimantur,*  
*et expetuntur? Certe si uno corpore posses ad cuncta si-*  
*mul agenda occurrere, nec adjutoribus haberes opus, mi-*  
*nus laboraremus: nunc in tam amplo diffusoque imperio*  
*quum plurimis indigeas, quos adhibebis, unde non aut*  
*securitati tuae, aut existimationi metuas? Gnavis enim*  
*et industriis cum gloria spiritus crescunt, efficiuntque in-*  
*eptos obsequio, quum se dignos imperio censere coepe-*  
*runt. Socordes igitur et timidos praeficies rebus? Tum*  
*vero negotium hostium egeris: socios alienaris; civibus*  
*fueris odio; his praecipue, qui se postpositos deteriori-*  
*bus numquam sine dolore recordabuntur.*

*Qui tamen*  
*liberae reip.*  
*sint usui et*  
*ornamento.*

XVII. *Hic iterum melior est rerumpublicarum con-*  
*stitutio, quibus ornatui atque usui est fortium ac opulen-*  
*torum civium frequentia, quorum virtute augeri. quorum*  
*gloria illustrari sentiunt: nec quemquam ex his amis-*  
*sum imminutumve cupiant, nisi forte quis ad tyrannidem*  
*animum adjecerit, cujus praecipue criminis acerrimi con-*  
*sueverunt esse vindices. Horum omnium adsiduus pro-*  
*ducere testes possem, cunctos ferme Graecarum aliarum-*  
*que nationum populos; quibus in libertate, quam sub do-*  
*minis, semper omnia felicius atque gloriosius evenerunt.*  
*Sed externis abstineo, quum satis ad haec docenda lo-*  
*cuples sit Romanae rei diverse habita gubernatio. Sub*  
*regibus multa passi, angustissimisque coerciti finibus,*  
*in libertate crevimus: illa Romanum extulit nomen, illa*  
*senatus auspiciis, populi que suffragiis caput orbi terra-*  
*rum imposuit.*

*Principi*  
*curas esse*  
*sustinendas*  
*intolerabi-*  
*les.*

XVIII. *Haec tam inextricabilis malorum series jam*  
*deprehensa nobis est; et nondum ad te resperi, Caesar.*  
*Tua vero quam intolerabilis erit conditio, diebus atque*  
*noctibus tantam sollicitudinem sustentis? quis ad om-*  
*nes istas cogitationes animus, quod ad hos labores cor-*  
*pus sufficiet? Taceo, quod ab adolescentia usque parum*

*firma valetudine uteris. His igitur circumdatus obsessus-que molestiis, equando quidquam eorum degustabis, propter quae mortales amant vivere? aut his carere coactus, quam eris inter falsam felicitatis imaginem vel sine exemplo miser? quis enim praeter te erit alius, qui nullo tempore aut minimam voluptatem percipere possit, aut maximis carere molestiis? Magnum enim imperium regenti nulli aequae satellites, ac cura et metus, praesto sunt; raro laetius aliquid, quo vere adficiatur animus: indigna, pudenda, gravia numquam non et videt, et audit, et sentit. Quae quoties mecum expendo, mirari desino, quod a quibusdam, quum offerrentur regna, recusata sunt. Haec igitur te cum animo tuo considerare prius verum est, quam eo te conjicias, unde non sit postea receptus.*

U. c. 723.

A. C. 29.

**XIX.** Neque vero parum perspicio, quam in aliam sententiam proferri speciosa possint, quantosque stimulos habeant potentia, opes, hominumque salutantium ac prosequentium turbae, et omnium in unum obversa ora: praesertim si haec sola conspiciantur, comitesque suos tegant ac dissimulent. quippe potentiam sollicitudo, divitiarum impensae, honorem livor sequitur: et in multitudine circumfusa saepe insidiae insunt; semper adulatio, vix minus istis malum. Quid si vero quis ideo expetendum esse dominationem arbitretur, ut beneficiorum et injuriae in quoslibet arbitrium habeat, is profecto magnopere fallitur. Certe quam foedum, quam Diis ac hominibus invisum sit, libidinibus ac flagitiis se tradere, apud te dicere supersedeo, quem scio neque his moribus praeditum esse, neque propter haec imperium cupere: praesertim quia non ea referre constitui, quae pessimi principes faciant, sed quae caveri nequeant etiam a probatissimis.

Objectionibus occurrit.

**XX.** Beneficia autem hominibus tribuere dignissimum esse magna indole, non equidem negaverim. Sed id quoque privata fortuna, si non aequae abundanter, veltamen ac meliori fide praestet: et, si pauciora faciat, plura non exigentur. In principatu saepe deest, unde cupiditas omnium expleatur, quum etiam in levi merito nemo suam operam parvi aestimet. Non possunt effugere reges, quin multos praetereant, etiam munificentissimi. Quid enim est, quod dare queant? honores, magistratus, pecuniae. ceterum illi in paucos cadunt; et aerarium largitionibus exhaustum per rapinas suppletum erit: majusque orietur odium a plurimis, quibus et datum nihil, et aliquid ablatum fuerit, quam a paucis, quos locupletaveris, gratia: quum alioquin etiam natura sit hominibus ad beneficia sensus, quam ad injurias, habetior.

Beneficia hominibus tribuere Principi difficile.

**XXI.** Adde, quod principes, et quum restrictiores sunt, avari judicantur, et, quum liberalius utuntur opibus, dissipare patrimonium publicum, et plura indignis tribuendo nescire veram dandi rationem modumque disse-

Et calumniis obnoxium.

U. c. 723. runtur. Atqui saepe his uti iudicio suo non licet. multa re-  
 A. C. 29. scire, multa credere familiaribus coguntur: aliquando do-  
 nant, quia dignos intelligunt; aliquando, ut intellexisse  
 videantur. saepe adfectum magis, quam merita, sequuntur:  
 et sibi verius dant beneficia, quam his, ad quos eorum fru-  
 ctus pervenit. Quidquid horum fit, plerumque cum aliqua  
 sollicitudine conjunctum est: ita ut neque hoc satis sin-  
 cerum sit, ac expetendum, quod unum omnium commem-  
 dare posse homini non pessimo principatum videretur.  
 Cetera talia omnino sunt, ut, qui secum ista perpenderit,  
 regis cujusdam dictum valde probet: diadema, nobi-  
 lem magis, quam felicem, pannum, si penitus intel-  
 ligeretur, neminem reperturum, qui vellet humo tol-  
 lere.

*Facilius in  
 rep. bonos  
 reperiri ma-  
 gistratus,  
 quam in re-  
 gno princi-  
 pes posse.*

XXII. Et, quo certius omnem regnandi libidinem ex-  
 turbes animo, pauca me dictis, sed, quantum opinor, va-  
 lida hercle adjungere sinito. In re populi rarius exsiste-  
 re posse reor pessimos magistratus, quam in regnis opti-  
 mos principes. Et illorum imperium breve tempus finit:  
 deinde leges sunt et judicia, quorum ultio non modo pec-  
 cata suppliciis sontium vindicat, sed etiam exemplum  
 deterret eos, qui peccaturi postea fuissent. Praeterea,  
 sicuti provisum est, ne malorum diuturna sit potentia,  
 sic in bonorum locum, quoties aliquis quolibet casu sub-  
 ducitur, alium haud deteriorem reperire, plerumque non  
 est arduum. Nec enim, excepto universo interitu, qui  
 res humanas omnes inevitabili fato premit, ingruere tan-  
 ta calamitas ulla potest, quin seminarium aliquod ma-  
 gistratum relinquat. Sed regnis minime tam beata sors  
 est: in quibus et mali principes nonnisi cum vita imperi-  
 um ponunt; et boni magnitudine ac diuturnitate pote-  
 statis persaepe convelluntur. Te quidem, quidquid actur-  
 us es, optima mente suscepturum esse certissimum habeo.  
 Ceterum si cogitas quorundam te poenitere, quae tum et-  
 iam admissa sunt, quum respicere collegas cogebare;  
 quum adversus potentissimos viros dimicanti virtutis ac  
 justitiae opinione benevolentia retinenda civium esset:  
 quid futurum arbitraris, si, remoto metu aemulorum,  
 supremas tibi potestatis conscius, a destinato laudis iti-  
 nere violentis adfectibus abriperis?

*Gravari  
 reges etiam  
 cura de suc-  
 cessore.*

XXII. Sed esto, (quod equidem, si sperandum in ul-  
 lo est, in te minime desperandum esse largior) hanc im-  
 perii negotiorumque molem citra tuam civiumque quere-  
 lam sustineas; quanta sollicitudine de successore labora-  
 bis? Scio enim, te non alium majorem ex laboribus tuis  
 fructum petere, quam ut optimi status auctor dicaris; et  
 moriens spem feras tecum, mansura in vestigio suo fun-  
 damenta reipublicae, quae jeceris. Id vero consequi,  
 quam non dicam homini, sed propemodum Deo cuidam,  
 sit

*sit improbum, haud difficulter intelliges, ubi ad ea, quae dicam, animum adverteris. Filium adhuc non habes; fac habiturum. quis tibi sponsor erit, tuum illi animum, tuam prudentiam moresque fore? Nihil ab natura ei, ab ingenio, a Fortuna negabitur? non saltem ipsa haec reputatio, se principe natum esse, lubricam aetatem, adulatione praesertim omnium impulsam, in praeceps trahet? Scis, quid in vicina Sicilia Dionysii filius reprehendenti mores suos patri, et, qualis ipse in adolescentia fuerit, jactanti, responderit: illi enim non fuisse patrem regem, sibi esse. Itaque, si destinatum successioni tradere se ignaviae, contaminari flagitiis, lascivire, saevire, furere cerneret, quantus inde pudor tibi, quantus dolor esset?*

U. c. 713.  
A. C. 29.

**XXIV.** *Sed quid ista refero? Patribus omnibus optare quam praestantissimos liberos licet; iique ornamento, gloriae, laetitiae sunt adeptis: solis Principibus ea denegata felicitas est, quibus ut ignavi liberi verecundiam, sic egregii quique timorem adferunt. Vera me dicere, omnes opinor toto orbe terrarum regiae fatebuntur. quota enim quaeque tristissimorum malorum exemplo caret, ut inter perpetuos motus atque suspiciones insidiae nullae intervenerint, ut non aliquando filius, occupato patre, aut pater, filio, ne pateretur, parricidium fecerit? Scilicet exprimere conditionem imperantium posito ob oculos exemplo voluisse videntur, quorum instituto Nemorense regnum armis ac caede paratur. omnibus hoc regibus propositum a Fortuna certamen est, ut summi fastigii gratia alii ab aliis interficiantur. Quid vero futurum censes, si plures educaveris? An non, ut in te pietas constet omnibus, suoapte ingenio, et aliorum instinctu, qui tali loco deesse numquam possunt, inter sese aemulationes ac discordiam exercebunt? Sed finge quantalibet bonitate naturae tuique reverentia interim quieturos: an evitari poterit, ne saltem post mortem tuam de regno digladiantur?*

*Ipsos etiam  
filios metui.*

**XXV.** *Sin vero filium non reliqueris, ecquem sperare poteris tibi successorem? Nam, si ex primorum numero quemlibet nomines, reliqui, rebus omnibus pares, uni alicui, quem se nihilo praestantiorum aut potentiorum iudicabunt, parere dedignabuntur. Efferes igitur illum vivus adhuc, extolles opibus, regimen provinciarum ac exercituum dabis, materiam locumque concedes, quo explicare virtutem animi, comparare gloriam, comparare favorem hominum queat? At, quorum modestiae credas, etiam atque etiam vide. Multi ab aliis adceptas opes in auctores beneficii verterunt. Plures ergo veluti paribus momentis adtolles, quo spes alicujus improbiores ceterorum metu coërceantur? Timendi igitur plures erunt; ma-*

*Hi si desint, diffi-  
culter statui  
de successoribus.*

Cap. XXIII. Plut. Apophth. in Dionys. seniore. Cap. XXIV. Strabo, l. 5. p. 239. et ibi Casaubon. Serv. ad Aen. 6, v. 137.

• *Supplem. Liv. Tom. XIV.*

U n

U. e. 723. xime si consentiant. Quod si pugnent, neque te quietum  
 A. C. 19. esse umquam, neque sub te quidquam patientur: et, si fa-  
 to concedas, iterum in eadem illa, quae supra diximus,  
 discordias, seditiones, arma civilia, difficultate quadam  
 consiliorum inexplicabili relabemur.

*Praestare ergo deponere potestatem, dum liceat.* XXVI. Nihil ergo melius fuerit, quam te simul atque rempublicam omnibus hisce molestiis ac discriminibus uno facto exsolvisse. Nunc ut arma, provincias, magistratus, aerarium populo reddas, in tua manu est: eaque ratione gloriosam securamque senectutem in patria beneficiorum memori sperare poteris. Quod si forte reddere rempublicam, donec potes, non vis, timeo ne aliquando, quum voles, nequeas; neque tuum tempus expectet populus, sed cum dedecore tuo damnoque res repetat, quas putaverit a te per injuriam retineri.

*Nec enim populum Rom. diuturnos dominos pati.* XXVII. Nec enim divinare futura magnum est, ubi praeteritorum eventus, hoc ingenium esse populi Romani, hanc fortunam, docuit, ut diuturnos dominos pati nequeat, imperium deponentes non oderit, cedere gravatissimos opprimat. Sulla, acerbissime acta dictatura, post ejuratam potestatem securus ac honoratus vixit: Pompejus, quamdiu restituere solitus est adceptam potentiam, amore civium floruit: idem, postquam solus voluit omnibus esse potentior, cum tota domo inferiit. nec alii Carbonis aut Cinnae, Mariique ac Sertorii exitus fuerunt. Nec enim populi Romani genio res ulla tam cordi est, quam libertatis custodia. Ecquos, ut improbos cives taceam, aut majores aut meliores viros respublica nostra Camillo ac Scipione tulit, ac patre tuo Caesare? sed illos etiam civilem egressos modum exsilio aut morte vel amici ac proplem depulerunt.

*Concludit igitur, reddendam esse remp.* XXVIII. Nequaquam tamen auctor ego tibi fuerim abjiciendae potentiae, priusquam ex usu patriae ac dignitate tua rempublicam constitueris. Qua in re tibi Sullam imitandum censeo; cujus tametsi leges quaedam abrogatae sunt postea, pleraeque tamen manent. Sic occurri potest motibus omnino orituris, si velut orbam rempublicam, antequam se sustinere ac regere ipsa posset, repente destitueres. Certe popularis etiam status discordiae ac seditionibus obnoxius est: nec mortalibus tam licet esse felicibus, ut quidquam omni periculo vacuum comminiscantur. Sed haec incommoda quantula videri necessum est, si cum tyrannide, ad quam proclivis ab unius imperio transitus, contendantur? Sed ego de hac nihil in praesentia dicere constitui, cujus rei nemo est, quin possit eoarguere. hoc ostendere conatus sum, eam esse naturam principatus, ut, etiamsi bene in viros ceciderit, non diu tales esse patiat, quin celeriter aut licentia mutet, aut molestiis curisque ac periculis opprimat. Tam anceps igitur, Caesar, ac horribile discrimen,

dum licet, exi. Hoc M. Agrippa suadeo, qui, te princeps adeptus atque retenturus, quidquid summo loco minus est, in libera republica, inter tot illustres viros, et antiquissima gloria majorum praefulgentes, vix aequalitatem tutari potero. ceterum indignus his ipsis essem, nisi ea possem amittere pro salute ac tranquillitate illius, a quo adcepi.

U. c. 723.  
A. C. 29.

XXIX. Haec Agrippae sententia fuit. at Maecenas, postulante vocem ejus Caesare, hunc in modum disseruit. Si quidem in militari consilio quaesitum esset, terrane an vero mari gerendum bellum, idque maturandum an trahendum videretur? quae loca proeliis aptiora, quae praesidiis? ubi ponenda castra, aut conserenda pugna, aut quomodo instruendae acies forent? post tam peritum omnino militiae ducem sententiam meam promerere, mihi quoque ineptum atque supervacuum videretur. Nunc, quando his de negotiis deliberatio est, quorum ego omnibus istis annis, quibus tu cum Caesaris hostibus pugnas, usum aliquem comparare debui, non verebor, bona cum pace tua, ab his, quae tibi visa sunt, discedere, M. Agrippa. Nec aliud magnopere proferam, quam cujus ipsa me experientia admonuit, multa subinde tentantem, quomodo homines, nec ad libertatem integram, nec ad servitutem nati, regerentur. Non autem metuo, ut mihi des libere loquendi veniam, quam uterque nisi nobis a Caesare polliceremur, neque tu verba hunc in modum fecisses, neque facturus ego essem.

At Maecenas dissuadet.

XXX. Plane locus ille, qui tibi tuendus est, Caesar, quod urbi praeceptus est et lubricus, et cuiusvis impari futurus ignominiae ac exitii causa; neque postulandus cuiquam, cui futura libere degere in bene constituta republica permetteretur. Ceterum non ea sunt urbis nostrae tempora, ut hoc sperare liceat: et quemadmodum parentibus; quoties senio desipiunt, necessaria tutela liberorum est; sic etiam patria vetustate debilis, moribus aegra, tumultibus bellisque civilibus concussa, custodem desiderat, cujus pia prudentisque cura gubernetur. Nam ea, quae de rerum publicarum bonis M. Agrippa proposuit, in nostra locum habitura non existimo. De rebus hominibusque non ignotis loquimur. antiqua illa magnitudo animi, integritas, modestia, olim amissa sunt: pro innocentia priorum temporum, pro paupertute, patientia laboris, frugalitate, ambitio, luxuria, voluptates invaluerunt. his pro se quisque omnibus viribus servit, dum haec salva sibi maneant, nihil curaturus, quidquid respublica durum indignumque patiat. Neque tantummodo tales ipsi sunt; sed melioribus indociles, et optimae cuique sententiae, si vires dentur, adversaturi. At hoc ingenio qui sunt, nisi prudentiorum auctoritate contineantur, seque et alios celeriter maximas in calamitates conjecerint. Haec

Quod urbi non sit pro-  
futura li-  
bertas.

U. c. 723. igitur maxime res cogere te, Caesar, debet, ut perituros, si sibi relinquantur, et te quoque secum et republica perdituros, tuis vigiliis tuaque providentia serves.

XXXI. Hic si quis a me ad voluptates fruitionemque deliciarum, quas praestare summa fortuna videtur, vocari te existimet, magnopere aberrat. aspera sunt laboribus, anxia curis, ad quae posceris: nisi quod laborare, quam perire, satius est; retinere potentiam, quam abusuris tradere, tutius; servare rempublicam, quam prodere, gloriosius. Igitur, si tuum tibi decus ac tutela, si reipublicae salus cordi est, quibus pro rebus tot ac tanta bella depugnasti, tot exsudasti labores, suscipe curam patriae, nec dimitte, donec eam meliorem beatioremque in statum reduxeris. Atqui hoc etiam M. Agrippa volebat. Sed inter illius et meam sententiam hoc interest, quod ille putabat legibus ferendis id te consequi posse: ego neque leges adcommodari necessitatibus omnibus sciam, neque diu futuras usui arbitrer, nisi tu vivae legis instar omnibus locis occurras, illarumque reverentiam praesentis imperii maiestate tuearis.

Sed et  
remp. et Cae-  
sarem futu-  
rum in peri-  
culo, si regi-  
mon rerum  
abdicet.

XXXII. Hoc nimirum illud est, quod notissimae sapientiae homines sciverunt, viros bonos poenae vitandae causa imperium expetere; quemadmodum peritus gubernator in se pariter aliosque valde peccaturus esset, si, formidabilem inter tempestatem ipse discursans inter vilioris ministerii nautas, imperitum aliquem sedere ad clavum pateretur. Nam, qui viro sapienti rerum summam permittit, communis omnibus salutis auctor est; qui fatuo, communis perniciiei. alter, velut infanti aut furioso gladium permetteret, in quorumvis exitium eum armat; alter facultatem prudenti praestat etiam amentes invitiosque conservandi. Utrum horum sit praestabilius, neminem puto dubitaturum esse, etiamsi, quod deterius esse constat, fortassis honestiore vocabulo donaretur. Ad res enim magis, quam ad nomina, respiciendum est decipi nolentibus; et, quemadmodum fidei medico, non attendendum, quid insanientibus et mente captis verborum inter curationem excidat. Igitur, neglecto imperitorum murmure, tibi dandam esse operam autumo, ut, plebis temeraria cohibita ferocia, sic omnia disponas, ne cuiusquam otiosum et inutile reipublicae bonum sit, sed sapientes consulant, boni duces imperent, pauperes ac robusti stipendium mereant. Sic mutua omnium opera communis felicitas parabitur, stabitque cum libertate, quantam esse in republica nostra expedit.

Vult opti-  
mates adsu-  
mi in par-  
tem cura-  
rum, et vul-  
gus excludi.

XXXIII. Absit enim, ut nimiae meraeque dominationis tibi sim auctor: id neque sentire meum, neque facere tuum est. Hoc volo, ut cum optimatibus regimen oblineas in omnia: multitudo, sicut opus est non periturae, juste ac utiliter imperantibus pareat. Hac enim ratione

Cap. XXXII. Dio.

foris tuta, domi tranquilla respublica erit; quum operam dabis, ut neque faciat injuriam vulgus, neque patiatur. Nam, ut in partem imperii veniat, neque ipsi utile, et reipublicae indecorum est. Indecorum dixi! exitiosum poteram: et ob hoc vitium, nisi te patriae vindicem Dii commodassent, aut nulli essemus, aut hoc tempore, non dicam Antonio, sed externae mulieri, sed regis spadonibus Roma serviret. Hoc fieri non potuisset, nisi, propter nimium potentiam vulgi, magistratus, imperia, sacerdotia mercede prostitissent, venalisque tota facta esset respublica. Hic igitur tot seditionum bellorumque fons, hic fomes fuit, quae tot per annos imperium exederunt. Donec enim modica plebs, operique rustico ac bello intenta, tractari res civitatis senatus arbitrio tulit; et domi status optimus fuit, et omnis fere Italia sub ditionem jusque nostrum concessit. Postquam autem passim et emisimus colonias, et recepimus, atque haec urbs quasi communis omnium gentium effecta est habitatio; factiones domi natae eo processerunt, ut totus ferme terrarum orbis armorum nostrorum seditionumque tumultu conquassaretur. Unde mihi similis esse magnae navi Roma videtur, quae, varia repleta colluvie, nec idoneum habens gubernatorem, fluctuat, et modo aquis conflictatur, modo cautibus adlidunt, interdum in syrtibus obhaeret. Hanc tu, datus divinitus rector, si, quod absit omen, deserere decreris, actum est: neque procul a naufragio sumus. Quod igitur tibi gloriosum, reipublicae salutare sit, suscipe supremum populi Romani regimen, aut potius olim susceptum tene. Nec enim opus est, ut, quem admodum hoc adipiscare, deliberemus; nec, si me audis, an retinere debeas: quin id potius, quam optima ratione praestantissimaque constituas imperium atque tuearis.

XXXIV. Nisi forte credis utile fore, deponi potentiam: quam ego rem ne tuto quidem fieri posse arbitrari. Negat Caesari tutam  
 tis temporibus ad rempublicam adcessisti, ut necessum fore vitam  
 tibi fuerit multos offendere: ea nunc quoque sunt tempore  
 ra, ut multi cupidissime sint adfectaturi, quem relique-  
 ris, locum; et, quia te incolumi hoc se perficere posse  
 desperabunt, nihil prius, quam de tuo interitu, delibe-  
 rabitur. Igitur illorum odiis, horum cupiditatibus, nu-  
 dum te exarmatumque objecturus es? tamquam aut Pom-  
 pejo bene cesserit relictam, quam habebat in manibus, po-  
 testas: aut Sullae alia futura fortuna fuisset, nisi ma-  
 turum fatum, vel etiam, ut nonnulli crediderunt, matu-  
 ratum, huic eum periculo exemisset. Attamen et vivus  
 adhuc multa a se constituta negligi vidit, quaedam et  
 antiquari.

XXXV. Sed judicabunt homines, te cupidine impe- Negat eni-  
 rii actum, quidquid ausus es, suscepisse. Judicent au- randa homi-  
 tem. Id ego malim, quam tuo publicoque periculo suspi- num prava  
 cionem eam redimi. Quid enim? an non commune tibi judicium  
 hoc cum magnis viris, et propius honesto crimen erit?



U. c. 723. plurisne fiat apud te, quod homines imperiti aut ma-  
 A. C. 29. ligni judicabunt, quam cujus ipse tibi es conscius, cu-  
 jus testes nos habes et alios, consiliorum tuorum a  
 principio participes? Certe enim, nisi fuisset a conju-  
 ratis occisus pater tuus, nisque deinceps Lepidi atque  
 Antonii fuisses intemperie coactus, aut numquam sum-  
 pssisses arma, aut maturius posuisses.

Caesarem  
 esse dignissi-  
 mum impe-  
 rio.

XXXVI. His igitur difficillimis bellis, et virtute  
 industriaque tua per tot discrimina rerum eluctatus,  
 adversarios tuos omnes oppressisti, ceteros audientes  
 dicto habes. Ecquid satis adprobatum est, unum te  
 esse dignissimum, penes quem imperium populi Roma-  
 ni sit, quod et a malis civibus, et a pugnacissimis ho-  
 stibus summo consilio summaque constantia vindicasti?  
 Sin vero Deorum magis eam gloriam, quam tuam,  
 esse volumus; illos tibi mentem illam inspirasse; illos  
 prudentiam, animum, denique fortunam dedisse, qui-  
 bus haec tanta perficeres: ecquem judicabimus princi-  
 patu digniorem, quam cui Deos tam esse propitios fa-  
 ventisque tot documentis compertum est? Neque ad  
 magnitudinem imperii expaveris: tanto plus ex sese  
 tibi adjutorum, plus virium opumque dabit. Neque  
 novus ad ejusmodi regendam molem adtingeris. a mul-  
 tis annis urbem Italiamque cum maximis provinciis ob-  
 tinuisti: quibus temporibus inter infesta ac turbata om-  
 nia plus in his tuendis laboris ac curarum fuit, quam  
 esse possit in universo gubernando imperio, postquam  
 munere Deum, ac virtute tua, terras aliquando pa-  
 tamdiu desiderata respexit. Atque ut ista non me di-  
 cere magis, quam demonstrare, paratum putes, en et-  
 iam per partes praecipuas exsequar, qua potissimum  
 ratione singula sic constituas, ut adpareat, virum,  
 qualis tu es, citra maximas difficultates imperium re-  
 cte ac salubriter administrare posse.

Docti, quo-  
 modo confi-  
 tuendus sit  
 senatus.

XXXVII. Igitur ante omnia senatum tibi repurgan-  
 dum esse censeam, atque eliminanda dehonestamenta  
 illa curiae, quae superiorum annorum calamitatibus  
 irrepserunt. Quotquot autem bonos viros idoneosque  
 repereris, eorum ne quem propter inopiam removeto:  
 pecundas potius largitor, ut senatorium censum habeat.  
 In vacantia vero loca optimum quemque ac nobilissi-  
 mum, non ex urbe tantum aut Italia, sed etiam e pro-  
 vinciiis, leges. sic enim paucioribus extra ordinem ad-  
 jutoribus egebis, et omnium ferme gentium praestan-  
 tissimos viros in uno velut theatro repositos habebis.  
 Idem tamquam fidei popularium obsides erunt: neque,  
 his amotis, civitates eorum facile res novas agitabunt:  
 et earum principes, tamquam communicata cum his re-  
 publica, praecipua te fide ac benevolentia prosequuntur.

Et ordo e-  
 questris.

XXXVIII. Idem in equitibus faciendum reor, ut,  
 quidquid ubique genere, virtute, ac opibus, gradu isto  
 dignum repereris, recipias. Neque numerum utrobique

certum tibi praestitueris, modo viros nanciscare locum ornatu-  
 rous. plurium ministeriis et facilius effeceris placita, et hanc excitabis apud omnes populos plenam humanitatis opinionem, non servorum loco provinciales a nobis, aut velut secundum hominum genus haberi, sed his quoque aditum ad rempublicam dari. quae res plurimum adferet momenti, ut eam amare pro communi, ac tueri summo studio incipiant. Et, ne parum meditata temere effudisse videar, auctor etiam tibi fuero, omnibus, qui sunt in orbe Romano, civitatem communiciandi, ut hanc sibi urbem veram atque unicam omnium patriam existiment, sua oppida tamquam agros vicosque hujus habeant. Qui tamen hujus liberalitatis modus, quodque tempus esse debeat, ne discrimina rerum omnium tollere videamur, paullo post adcuratius exponam.

U. c. 723  
 A. C. 29.

**XXXIX.** Illud moneri interest, neque minores octo-  
 decim annis inter equites adscribendos, neque inter senatores ante vicesimum quintum, videri. nam prior illa aetas ad corporis robur ingenique vigorem ostendendum apta est; altera jam habere nonnihil prudentiae debet: junioribus autem quum suarum rerum administrationem jura nostra non concedant, quam deforme esset et ineptum, his rempublicam credi?

Qua aetate  
 sint in hos  
 ordines re-  
 ciipiendi.

**XL.** Praetorem ante tricesimum annum fieri non placet; nec nisi post quaesturae et aedilitatis honorem, potestatemque tribunitiam gestam, in quibus animi suorumque specimina edant. Praeturam autem atque consulatum solis Romanis dari aequum arbitror; ut aliqua supersit veteris reipublicae species, nec omnia prorsus flectere ad praesentem usum videamur. Horum comitia in tua unius potestate sunt, ne factionibus aut ambitu turbentur. Ceterum, in vetustis nominibus ne potestatem eandem relinquant, summa tibi cautio erit. honore servato, potentiam hactenus adides, ut, quantum ad dignitatem tuendam satis est, maneat; quod ad res novandas animos facere posset, tollatur. Hoc ita maxime consequeris, si magistratum omnem in urbe gerere praecipias: neque aut inter illud tempus, aut brevi deinceps intervallo, sed quantum cuique congruere videbitur, exercitus eis committas. Sic enim, interposito inter honorem et provinciam spatium, privatos agere condiscant: neque continuandis magistratibus atque imperiis ad audendum majora sollicitabuntur. Hi, donec in magistratu agent, et ludos ex more curabunt, et causas quaslibet decident, excepto caedis judicio. tunc enim ex senatoribus legendi iudices erunt, equitibus etiam admixtis, ut tamen penes illos summa sit potestas.

Magistra-  
 tum esse re-  
 linquenda  
 nomina, mi-  
 nuenda jura.

U. e. 723.  
A. C. 29.  
Praefectum  
urbis perpe-  
tuum habendu-  
m, et sub-  
censorem.

**XLII.** Praefectus etiam urbis ex primariis viris creatur, et tanto muneri longa rerum huc pertinentium experientia par. nec enim sicuti nomen ei vetus, sic etiam potestatem dabimus; ut per absentiam tantummodo magistratum, sed perpetua sollicitudine tum ceteris urbanis negotiis praesit, tum etiam causas potiores quasque, dijudicet. Nam et ad hunc a magistratibus erit provocatio, et capitales causae, tam intra urbem, quam ad centena millia passuum, ad hujus animadversionem pertinebunt. Alius itidem ex summatibus deligatur, huic honore proximus, qui senatorum atque equitum genus, substantiam, moresque observet, nec ipsorum modo, sed conjugum quoque liberorumque ac familiae. huic corrigendi potestas dabitur, quaecumque erunt ita comparata, ut neque gravi animadversione digna sint, et tamen neglecta magnorum malorum materiam gignant. idem, si quid majoris inciderit rei, ad te referat. Hunc, a tua censura (censura enim ad te pertinere omnino debet) nomine deducto, fortassis haud inepte subcensorem adpellaverimus. Hos duos nihil vetabit perpetuam habere potestatem: nec enim timendi erunt, inermis alter prorsus, alter parva militum instructus manu, et plerumque sub oculis tuis agens.

Provinciae  
quomodo  
constituen-  
dae.

**XLII.** De provinciis porro ita constituendum arbitror. Quidquid Italiae plus centum milliaribus ab urbe disjungitur, ceteramque omnem imperii molem, secundum nationes divide in ejusmodi particulas, quibus vir unus praeesse commode queat. In unaquaque portione militum, quem volueris, numerum colloca. Consularis unus, praetorii duo praeficiantur. Horum junior, et tum primum ab urbe ad hujusmodi negotia missus, desideria privatorum audiat, rebusque necessariis parandis occupetur: alter, hoc jam officio alicubi functus, civitatum rempublicam procuret, et in milites potestatem obtineat; exceptis causis, ex quibus infamiam irrogari, aut mortem, oporteat. Nam istas quidem ad consularem referri consultius erit. Ne has quidem promiscue consulari permiseris. centurionum atque adeo etiam ex provincialibus honestiorum poenas tibi reserva: ut, nemini praeterea concessum in se jus cernentes, te unum et diligant tanto impensius, et metuant.

Italiae gubernationem  
cur velis in  
multos dividi.

**XLIII.** Ceterum, quae de dividendo inter praetorios officio proposui, iis tantum locis esse rata velim, ubi non magna simul manus militum in hibernis erit. at, si forte duae legiones civium una habebuntur, (plures enim nemini uni consularium credideris) tum vero suae quisque legioni praesit; et ceterarum quoque rerum administrationem ex aequo partiantur. Ab ipsis autem ad consularem erit provocatio. Neque miratus fueris, cur Italiam tot in partes dividendam existimem. Amplissima regio, urbibusque et hominibus referta, per hos ma-

Cap. XLII. L. 1. ff. de Offic. Praef. Urbis.

gistratus, qui Romae degent, coerceri nequit. convenit enim praesentem esse, quisquis regit, ut, quae tempus postulet, praecipiat. Omnibus autem his, quos extra urbem praeficies, mercedem constitues pro modo dignitatis. Nec enim degere peregre ex suis facultatibus poterunt: nec infinitos illis concedi sumptus e provinciis, ut nunc fit, aequum est.

U. c. 723.

A. C. 29.

XLIV. Earum curationum nulla vel brevior sit triennio, vel quinquennio longior. qui citius removeantur, vix addiscere partes officii sui possunt: et successores ferme priorum instituta commutant, consilia nesciunt, mores ac ingenium hominum atque regionum ignorant. At diuturniora imperia superbiam multis ingenerant, et impatientiam aequi loci: et quidam hinc plusquam civilia cogitare didicerunt. Unde neque majora imperia eidem continua duo permittenda esse censem, etiamsi diversis in provinciis fiat. praestat enim tempus aliquod interponi, quo reversis in urbem detumeat animus, et inter aequales versando loci sui admoneantur. Haec de senatoribus animadversa mihi sunt.

Quamdiu durare tales administrationes debeant.

XLV. Ex equestri ordine duos tibi viros strenuos deliges, praetoriis cohortibus praeficiendos. Nam uni tantum armatorum committere periculo non vacat: pluribus, importunum esset, et obnoxium rixae. Duo igitur sunt, hanc etiam ob utilitatem, ut, si alter forte morbo adtineatur, non desit tamen idoneus corporis tui custos. Sint autem multorum stipendiorum, atque rerum etiam aliarum curationibus exerciti. His et Praetoriani pareant, et quidquid praeterea militum per Italiam erit; suppliciorum etiam jure permissis, praeterquam in centuriones. Ab eorum etiam potestate eximetur, quidquid militum senatoriis magistratibus tributum est: quibus in suos liberum poenarum praemiorumque arbitrium concesseris. In ceteros igitur milites praefectorum imperium erit; atque etiam in procuratores tuos, atque alios paullo honestiores. Vicarios his addi necesseum erit, ne mole negotiorum praegraventur. Praefecturam autem illam perpetuam esse oportebit. Nec enim tantis opibus quisquam ejus loci esse poterit, ut inter tot nobiles imperium speret: et, quia perpetuo sub oculis tuis aget, ne cogitare quidem aliquid tale tuto queat. Ex eodem ordine splendidissimum post priores duos equitem, praefectum vigilum constitues; ei deinde proximum, annonae. atque hae curationes iisdem finibus temporum, quibus senatoriae, cohibebuntur.

De Praefectis praetorianorum cohortium.

XLVI. Aerarii quoque fisciue praefectos equester ordo tibi dabit; qui rei pecuniariae in urbe et per Italiam praesint. His etiam congruum functioni cujusque stipendium numerari conveniet. Quum enim minor sit his senatorio census, ne in urbe quidem publicae alicui functioni vacare familiaribus impensis poterunt. Neque hos facere sumptus te pigeat. alias enim eisdem et ex

De aerarii et fisci praefectis.

U. c. 723. *ercitus et pecunias committi opus esset, rem nec facilem*  
 A. C. 29. *factu, nec ex utilitate tua futuram; et pauciores haberes negotiorum peritos. nunc, ubi inciderit usus, ex adfluente copia deligere magis idoneos licebit. Adcedit, quod inde pluribus eris carior, tamquam multa commentus, per quae publica opulentia in maiorem partem civium uberioribus rivis profluat. Ceterum sicut Romae nec aerarium nec fiscus plures singulis praefectos desiderabit; sic etiam in unaquaque provincia unus ex equestri ordine fiat: sed ut his deinde adjungantur ex equitibus ac libertis tuis, quot opus esse existimabitur. Nam et libertos his functionibus adhiberi proderit: quo et fidei suae operaeque praemium auferant. et habeas, ex quibus vel invitis, si quid peccatum fuerit, liceat tibi cognoscere. Qui autem equitum per multa ministeria publice dignos se curia probarint, in senatum legantur. Etiam ex his, qui ordines duxerint in legionibus, si mereantur, in amplissimum ordinem recipi utile fuerit: modo ne inter manipulares stipendia fecerint. id enim probrosum summo imperii consilio videbitur. Sed, qui primo statim stipendio centuriones facti sunt, eorum praestantissimum quemque Patribus inseri nihil prohibebit.*

*De puero-  
rum nobili-  
um institu-  
tione.*

XLVII. Porro tam senatorum, quam equitum, liberos in pueritia frequentare ludum literarium coges: dein adolescentiam egressos equis armisque docendos curabis: et utrumque genus magistri publico stipendio conducentur. Sic a teneris annis ea discentes ac exercentes, quae viris erunt tractanda, tibi ad omnes usus aptiores atque paratiores erunt. Magnum enim et salutarem civitati principem non operam modo dare convenit, ut ipse sit optimus; sed etiam providere, ut cives optimos efficiat. Hoc autem, prospiciendo potius, ne peccetur, et officium eos suum ante edocendo, quam puniendo, quos peccare siveris, obtineas. Neque patiaris quemquam generis, opum, aliisque cujuslibet praestantiae obtentu se huic disciplinae subducere. Continuo enim in socordiam molliemque fluent; aut ad parum liberales artes otium ingeniumque conferent.

*Quam sis  
ea publice  
salutaris.*

XLVIII. Id vero ne eveniat, etiam atque etiam tibi adlaborandum est. nam illos quidem misericordia sequetur, tamquam invidiam aut periculum fugientes ex bonis artibus, ignaviam pro scuto adripuerint: at tibi quum impedimentum inde bonorum virorum copia carituro, tum etiam infamia proveniet; tamquam ignaro, quemadmodum praeesse liberis hominibus oporteat, et (quae tyrannorum amentia est) cives magis, quam hostes, timentis. Nam et, si quid metuendum in civitate erit, ab his potius proficiscetur, qui, rudes bonarum artium, et intemperantiae dediti, nec sui nec aliorum habere rationem ullam didicerunt. At bene atque liberaliter educati edoctique neminem adficere injuria velint; omnium autem minime illum, quem sibi tam prae-

*claræ institutionis auctorem existisse norint. Quod si forte naturæ pravitas in quibusdam educationis curam vicerit; his nihil earum rerum, quibus abuti ad scelus possint, committetur. qui vero ne sic quidem quieverit, ferociam, quam disciplina noluit, supplicio ponat: quod citra tuam invidiam intrepide irrogabis. Nec enim Principi, ut medico, vitio vertitur, si recidat, quidquid insanabile et corpus contagio infecturum deprehenderit. Illum potius onerabit omnium indignatio, qui, similiter atque ceteri educatus, tantum et a bono mente, et a modestia ceterorum desciverit. Sed de senatoribus et equitibus hactenus.*

U. c. 723.  
A. C. 29.

*XLIX. Ad milites transeo: quos tibi perpetuo retinendos esse sub signis autumo, per provincias æstivis hibernisque constitutis, ut cujusque loci conditio hortabitur. His certum stipendiorum numerum defines, ut eis aliqua pars ætatis vacua labore post missionem supersit. Sed ex sociis etiam ac provinciis auxilia delecta nostris legionibus adjunges, quæ parata sint ad quolibet usus. Nec enim in ipso bellorum discrimine facile nobis erit auxilia contrahere, qui et provincias longe distantes, et vicinos hostes habeamus: neque consultum sit armorum usum omnibus promiscue concedere, ne ad seditiones atque intestina bella abutantur. sin autem armorum tractatione simul omnibus interdicitur, imbelles atque imperitum vulgus auxilia imperantibus mitent.*

De militibus.

*L. Utilissimum igitur erit ex omni numero deligi robore corporis validos, facultatum inopes: atque hos exerceri in armis, reliquis omnibus militiae vacationem dari. Ita et belli et pacis artes melius excoluntur, divisus inter cives officiis, et, quam quisque Spartam nactus fuerit, continenter ornaturus. Hinc eveniet, ut pars hominum ferocior, et latrociniis propter audaciam et inopiam dedita, citra cujusquam injuriam alatur: et ceteris non ab his securitas modo sit, sed etiam adversus externos hostes praesidium.*

Et quinam armis exercenti.

*LI. Jam pridem sentio te exspectare, quos sim ostensurus redditus, immanibus expensis pares, Idcirco mihi praefandum hoc loco est, nullam reipublicae formam carere pecunia posse, quin ad omnia, quæ agenda sunt, his veluti nervis moveatur: ne principatus unius hæc esse putetur, aut præcipua invidia. Ceterum hic quoque partim fortuna tua providit, partim providebitur industria. Multae sunt ex omnibus superioribus bellis possessiones publicae. ex his seponere paucas maximi usus futuras: ceteras venire jube. pecuniam aequo foenore crede his, qui cavere populo poterunt. Sic et terra gnativiter exculta, dominis praediorum praesentibus, abundantiores ac perennes reipublicae fructus adferet: et ex*

Pecunia unde comparanda.

U. c. 723. *foenore non aspernanda summa proveniet. Ante omnia vero tum horum reddituum, tum eorum etiam, qui ex metallis aut undeunde percipi constanter solent, ineunda ratio est: pari deinde subtilitate indagandum, quid in omnis generis erogationes atque necessitates expendi, aut ad incertos subitosque easus praeparari oporteat. Sic enim sciri ferme poterit, quantum adhuc super ordinarios proventus ex tributis atque vectigalibus conficiendum sit pecuniae.*

*Distributis.* LII. *Atque id quidem contrahere nec operis magni, nec criminis fuerit: si simpliciter in omnes patrimonii partes, quae fructum possessoribus adferunt, pensionem imponamus omnibus hominibus. Quae enim invidia est, omnes et privatos et populos conferre, unde rediturus ad omnes salutis atque incolumitatis fructus est? Ubivis autem constituentur, qui statis temporibus debita per partes exigant. ea res et his faciliorem officii sui functionem efficiet, et debitoribus proderit, ne, aliquamdiu non compellati, simul multa tempore alieno cogantur exsolvere. Neque me fugit, omnino futurum, ut principio moleste multi tributa ferant. ceterum, quum se nullo alio onere gravari, et hac impensa pacem publicam, ceterorumque bonorum suorum securam fruitionem redimi sentient, sine murmure haec praestabunt, et insuper gratias agent: praecipue quoniam honestissimi quique per varias praefecturas aut magistratus militiamve, stipendii nomine pecunias a te adicipient. Ubi vero te temperanter etiam vivere, privatimque parcum, publice liberalem videbunt; nemo tam erit bonae mentis inops, quin lubenti animo tali Principi tributa pendat, cujus in opibus suam sitam esse securitatem, suam copiam intelliget.*

*Urbem aedificiorum ac ludorum magnificentiae celebrandam esse.* LIII. *Sic igitur coacta, quanta opus erit, pecunia, non omnia necessitatibus tantum publicis, sed etiam ornamentis decorique, insumes. Urbs tibi praecipue quum aedificiorum magnificentia, tum ludorum, celebrabitur. Nam, dominos tot gentium omnibus rebus exsuperare ceteros, convenit, atque haec quoque in speciem inania habent aliquid, quod in mentibus sociorum reverentiam, apud hostes terrorem excitet.*

LIV. *Ita domi constituta republica, ceteris nationibus optime moderaberis, si nulla populorum consilia, nullos conventus publicos esse patiaris. Hinc enim neque boni quidquam expectandum erit usquam, et subinde turbarum aliquid ac motus orietur. Id minus aegre ferent, si ne Romanum quidem populum ad ullam consultationem publicam vocari cognoverint. Prohibenda etiam erit aedificandi cupiditas, ne plura aut sumptuosiora, quam sit opus, excitent. Neque in ludorum impensas ferri debeat apud hos ulla profusio, ne per inanium rerum studia et futilem ambitionem in rixas aut paupertatem incidant. Celebrant sane ludos quosdam ac spectacula, exceptis in nostrum morem equestribus: sed hacten-*

nus, ne aut respublicae aut privatae domus detrimentum sentiant; aut peregrinus aliquis apud eos quidquam hoc nomine sumptuum faciat; aut omnibus ludis victores promiscue perpetua alimenta adcipiant. Nam locupletes extra patriam suam aliquid impendere cogi iniquum est: et certantibus sufficere debent praemia, quae ubivis locorum constituta sunt; praeterquam si qui Olympia aut Pythia, aut hoc genus celebre certamen vicerit. hos enim solos alimenta capere fas esto: ne civitates frustra sumptibus onerentur. Neque homines, nisi praestantissimi quique, exerceantur, ceteris in alia sibi et publico utiliora tempus impensuris. Circenses autem nulli aliarum urbium permittendos censeo: ne magna vis pecuniae nequidquam insumatur, et aurigarum studiis homines insaniant: maxime vero, ne optimi quique equi usibus bellicis subducantur. Numisma mensurasque et pondera seorsim habere neminem sinito. Romanis utuntur.

U. c. 723.  
A. C. 29.

LIV. Ad te legationes, nisi res cognitione tua digna incidit, ne mittant: aut ad proconsulem, aut legatum desideria sua deferant, atque is aestimet, de quibus rebus ad te referre debeat. Hac ratione simul et sumptibus parceretur, et malis artibus ibitur obviam; responsaque gratis et citra ambitum auferentur. In reliquis ita mihi videberis optime consulturus, si regum nationumque legatos primum in curiam introducas, (nam et alioquin magnificum erit, senatum rerum omnium arbitrum videri; et inique agentibus multos resistere) deinde, quidquid agendum erit secundum leges, ex senatus auctoritate fiat. Sic enim et dignitas imperii servabitur; et planum erit omnibus certumque, te, quidquid statueris, ex praescripto legum statuuisse.

De legationibus recipiendis.

LVI. Sed et senatores conjugesque eorum aut liberos, qui majore quadam animadversione digna commisisse dicentur, ad senatus cognitionem adduces, eique rem integram committes. Nec enim verendum erit, ne cujusquam gratiam tuae anteferant Patres: et, ipsis in noxios vindicantibus, hi citra tuam invidiam punientur; et alii, ne et ipsi publico senatus judicio exponantur, tanto diligentius flagitio abstinebunt. Haec autem de his criminibus me sentire memineris, de quibus introducta legibus judicia exerceri consueverunt. Nam si quis in te forsitan aliquid inclementias dixisse aut contumeliosius arguatur, id neque, si deferatur, audiendum, neque ullo modo vindicandum ajo. Haec talia ad animum admittere, male imperantium est, qui dicta possunt credere, quae dici in se merito posse sentiunt. Conscium bene gestae reipublicae magno esse animo decet, nec aut credere falsis horum criminum indiciis, aut veris commoveri. nam et, qui haec impatienter ferunt, nudum praebent maledicis latus, efficiuntque, ut hos delectet rumusculos spargere, quos tibi dolori futuros esse confidant. Te vero sublimiorem omni verborum contumelia videri refert. Ne itaque aut in animo tuo concipias hanc opinionem, aut

Dicta in principem  
generose  
contemni.



U. c. 723. aliis concipiendi causam praebeas, ullius te immodestia  
 A. C. 29. peti posse: ut adsuescant homines idem de te sentire,  
 quod de Diis immortalibus sentiunt; augustum te atque  
 venerandum esse.

*Facta legi-  
 bus aut et-  
 iam armis  
 vindicari o-  
 portere.* LVII. Sin vero tibi quis insidias struxisse dicatur,  
 (nam et hoc evenire potest) in tua causa iudex idem et  
 accusator esse noli! (hoc enim recta ratio repudiat) sed  
 in senatu cognosci jube, convictumque puni, sed quam  
 poteris mansuetissime. Sic enim persuaseris omnibus,  
 te non ab ira aut odio in hostes animadvertere, si cun-  
 ctanter et invito simillimus ad vindictam prodeas, neque  
 cupide in quemquam, aut crudeliter consulas. Fictum  
 enim alias crimen putabunt propter occultas causas: nec  
 enim probabile est, quemquam inermem armato insidias  
 struere. Diversa erit exercitus obtinentium causa: ho-  
 rum enim quisquis insurgere in te conabitur, non iudicio,  
 sed armis, professi hostis instar, percellendus est. Haec  
 igitur, et ceterorum plurima, et maxima publicorum ne-  
 gotiorum senatui trade. Communia enim communiter  
 tractari est aequius: et multiplicem humanitas ea tibi  
 fructum adferet. Jam primum magna parte molestiae,  
 quae propter multitudinem rerum imperantes premit, te  
 exoneraveris, deinde magnam ab his inibis gratiam, insi-  
 tutum enim hoc est homini, si fastigio potentioris specie qua-  
 dam aequati juris se videat admoveri. postremo, quod  
 ita statuatur, tamquam sua decreta, tuebuntur ac defen-  
 dent.

*Judicio-  
 rum ordo ac  
 ratio.* LVIII. De his igitur omnibus referendum ad sena-  
 tum arbitror, sententiaeque dicendae fieri potestatem om-  
 nibus, qui unoquoque tempore aderunt: praeterquam si  
 causam dicat aedilitius aliquis, aut eo majoribus hono-  
 ribus functus: tum enim inferioris dignitatis nemini de  
 hoc sententiam ferre liceat, sed his tantummodo, qui  
 eundem, atque reus, aut hoc ampliorem magistratum  
 gesserint. Ab omnibus autem majoribus magistratibus  
 praefectisque, ubiubi erunt, ad te provocatio esto: neque  
 eorum quisquam summa et absoluta cum potestate judi-  
 cet. Sed nec quibuslibet adpellare liceat, nec ob quaeli-  
 bet; verum ea tantummodo, quae ad vitam famamve Ro-  
 manorum equitum, aut centurionum, et ex paganis at-  
 que provincialibus honestissimi cujusque, pertinebunt.  
 Adsessores autem adhibebis ex Patribus et equite praeci-  
 puios, consulares etiam ac praetorios: nec eosdem sem-  
 per, sed alios aliosque. nam hoc pacto, multorum inge-  
 nio moribusque cognitis, rectius deinceps, cui quisque  
 administrationi sit idoneus, aestimabis: et illi vicissim,  
 tua consilia atque instituta noscentes, ad impositas sibi  
 functiones instructiores erunt. Sententias autem non pa-  
 lam, in causis utique difficilioribus, perroga; ne fortas-  
 sis antecedentium placita sequenda putent, qui postea ro-  
 gabuntur; sed tabellis inscribi jube, quas solus legas, le-  
 ctasque continuo delendas cures. Sic enim nemo sententiam

suam simpliciter aperire verebitur, si videat nullius eam taxationi obnoxiam fore.

U. c. 723.  
A. C. 29.

LIX. Ceterum ad judicia, ad epistolas, ad urbium decreta, ad desideria singulorum, ad reliqua deinceps, quorum imperanti sustinenda sollicitudo est, equitum Romanorum operam atque ministerium adhibebis. Id ad negotiorum celeritatem expeditionem plurimum proderit; praeterea, multorum memoria et adtentione subnixus, et falleris minus, et fatigaberis. In primis autem cura, ut, quicumque tibi consilium dare cupit, id sibi licere secure, atque libere facere intelligat. Nam, sive recta suadere videatur, maximam hinc utilitatem ceperis; sive secus, nihil tamen perveniet ad te detrimenti. Bonis consiliis apud te honos et gratia esto: ineptis contra et fatuis, modo prava mens absuerit, offensa etiam et ignominia absit: nec, quid suaserint magis, quam quo animo suaserint, respicito. Eadem etiam in ducibus moderatione erit opus: ne fortunae eorum irasci, ne virtuti invidere videaris. valde enim infringi animos, titubare consilia necessum est, ex adversis rebus poenam timentium, ex prosperis invidiam.

De consiliis et ducibus.

LX. Quod autem ab his, quos magnis rebus praeficies, verbo factoque praeferrere volueris, id tu prior dictitare atque factitare consuesce. Deterior enim officii magister metus legum, quam exemplum imperantis est: neque satis credunt homines vitari debere, quae fieri ab his videant, qui prohibuerunt. Hanc igitur tibi legem dicito, nihil inconsulto neque loquendum tibi, neque agendum esse; nullius delicti veniam tibi dato, memor vivere te in clarissima luce summi imperii, ac velut in communi terrarum orbis theatro: ut impetrari nequeat, quin facta dictaque tua omnia excipiantur producanturque, nec tuum quidquam, sive sit laudabile, sive reprehendendum, lateat. Quidquid enim ages, magna circum erit hominum frequentia quin et secretiora Principum, ac interiorum vitam rimari curiosa mortalium satagit indoles. Ergo, ubi semel alia te praecipere, alia facere sentient, jam haud perinde praecepta tua metuent, quam facta imitabuntur. Aliorum autem vitam introspicere tibi conveniet. ne tamen molestius inquiras, neve quid te solo teste aut quaesitore vindices: dissimula potius, nisi ad periculum reipublicae spectet. haec enim talia omnino tibi eruenda atque coercenda sunt.

Principem esse debere suis exemplum.

LXI. Privata autem cujusque peccata te quidem non ignorare intererit, ne deceptus ineptum aliquem cuius administrationi admoveas: produci autem atque coargui debetis non adtinebit. Neque vero in hac imbecillitate naturae quemquam ferme carentem vitio repereris: quae nec puniri propter multitudinem delinquentium poterunt; et aequitatem jusque bene temperando multi fortassis meliores ad mores revocabuntur. Lex enim, utcumque graves constituat poenas, emendare naturam non ubique potest:

In punitione privatis administrationi admoveas: produci autem atque coargui debetis non adtinebit.

U. c. 723.  
A. C. 29.

et tollere malos ei, quam efficere bonos, multo est proclivius. At illa, quam praecipio, lenitas incidere in talia ingenia potest, quae latere vitia sua existimando, aut etiam moderate castigata sentiendo, iterum peccare pudeat: eadem, publicatis delictis suis, aut acerbius punitis, verecundiam metumque abjiciant, et, tamquam gravius nihil passura, frenum cupiditatibus laxent. Hac ego te moderatione circa delicta hominum versari; at eundem in ornandis recte factis immodicum profusumque volo. Nam ut ibi mansuetudine tua quosdam a peccando avocabis, ita hic omnes ad officii virtutisque curam beneficiorum magnitudine pertrahes. Neque vereare, ne quando te pecuniae deficient, aut alia, unde benefacias: (qui enim possint tot terrarum atque marium Imperatorem? et ego ante timuerim, ne desint digni, quibus des) aut ne malam tibi gratiam sic habiti referant. nullum enim tam agreste ac ferum est ingenium, quod non, ut alia vincula spreverit, duobus his sit domabile: si nempe nec injuriam patiatur, et beneficia sentiat. Propemodum exegisse videor, qualem adversus varia ceterorum genera te gerere debeas: reliquum est, ut edisseram, quemadmodum versandum in his, quae ad te pertinent, sentiam.

**Honorum insolentium non adpetentem.**

**LXII.** In universum recipere nullos honores a senatu aut quibuscumque delatos debes, qui verbis aut rebus aliquid habeant insolitae adrogantiae. Nam ceteris quidem a te profecti honores ornamento sunt, tibi vero quid dari potest iis, quae habes, augustius? Quin et adulationis suspicionem vix effugit, quidquid imperanti decernitur. nec enim aliter decreturos fuisse creditur: eodemque rem redire, atque si sibi ipsi princeps ista gratificetur, non modo nullum inde relaturus deus, sed ludibrium ultro debiturus. Tu vero egregiis factis augere famam memento: statuas vel aureas vel argenteas poni veta. magnam enim illae impensam postulant, et, ubi vixeris, avaritia aut necessitate superstitum conflabuntur. tuum opus sit benefaciendo tibi in animis tuorum pulcherrimas fabricare imagines, quas nulla aut hominum aut temporum injuria corrumpat.

**Praecipue divinarum.**

**LXIII.** Sed neque templum extrui tibi sine: praestat in res necessarias ejusmodi sumptus comparcere. magnas enim divitias rectius, pauca erogando, quam multa adcipiendo, paraveris. Sed neque divitiae gloriam hominibus, quin immo virtus conciliat: quae multos in par Diis fastigium reposuit. at suffragiis mortaliū Deus nemo factus est. Igitur recte atque ordine imperanti totus orbis sacer erit, omnes urbes templa, omnes homines simulacra. nam ipsorum in mentibus cum gloria collocaberis. secus autem utentes potentia nec honestant talia, licet omnibus in populis ponantur: sed eorum augent crimina, quod tamquam tropaea quaedam

dam improbitatis eorum, et monumenta injustitiae adspiciuntur; et, quanto diutius exstant, tanto longiorem ipsorum efficiunt infamiam.

U. c. 723.  
A. C. 29.

LXIV. Ergo si tibi veram immortalitatem proponis animo, et, quae dicta sunt, hunc ad modum perfice; divinumque numen semper et ubique secundum patrios mores cole; aliosque, ut ita colant, adige: novatores autem odio habe ac puni, non solum propter Deos, quos qui spernunt, aliorum etiam contemptores esse necessum est; sed quia nova introducentes multis ad peregrinos desciscendi ritus occasionem praebent. Atqui ea licentia conjurationes, coitionesque, et sodalitia procreat, res unius imperio mirum quantum inimicas. Sed neque Deos esse negantem ullum, neque praestigiatores toleraveris. Nam neque divinationem tollendum est; immo constituendi augures et haruspices, qui a volentibus consulantur. Magos autem penitus exesse oportebit. Id enim genus, aliquando vera, saepius falsa respondentes, ad rerum novarum cupidinem multorum animos erigunt. Quin et philosophos simulantium haud pauci eadem tentant: unde et illos quoque tibi cavendos esse judico. Nam si Areum et Athenodorum honos ac honestos viros comperisti, ne ideo similes his credas, quotquot sapientiae studium profitentur, multorum saepe malorum et privatis et civitatibus auctores.

Atheos et  
praestigiat-  
ores non  
esse toleran-  
dos.

LXV. Externos quod attinet, pacis te cupidissimum esse volo, contentumque praesentibus: sed eundem ad bella paratissimum. ita neque temere tibi quisquam ausit inferre injuriam: et inferentem sine molestia tua et mora ulcisceris. At, quoniam habere tibi necessum est emissarios atque indices omnium, quae ulla in parte imperii tui remedium postulant, ne ignorata neglectaque damnum dent, aut adcipiant, his non esse credenda omnia memento. odiis, amicitiiis, gratia, pecunia, aut, si negentur haec petentibus, offensa, saepe innocentes deferent, aut indignis patrocinabuntur. Adversus horum insidias nullum erit telum cunctatione utilius. nam etiam vera tarde credenti nullum insigne detrimentum eveniet: festinantem ea facere continget, quibus deinde, quantumvis optes, mederi nequeas.

Emissariis  
utendum,  
sed his te-  
mere non  
credendum.

LXVI. In pretio equidem apud te esse libertorum tuorum ceterorumque domesticorum optimum, et fas, et opus est; eaque res tibi quum ornatui, tum emolumento erit. Ceterum nemini tam praegravis potentia esto, ut per ejus licentiam aut luxuriam tu reprehensionibus obnoxius vivas. Omnium enim, quae illi fecerint, pejus te aut laus aut culpa residebit: quod nihil ab his fieri existimabitur, quam quod tibi probari intellexerint. Potentissimos igitur eorum neque injuriam facere cuiquam, neque calumniam, sine: ac eos hoc etiam crimine libera, ne, tametsi non noceant, nocere tamen posse existimentur. Tenuiorum injurias summis viribus

Libertos.  
condiscendos.

U. c. 723. *despēde: querelis tamen eorum fidem adhibere ne prope-*  
 A. C. 29. *ra, sed rem ipsam adtentius scrutare, neque suspitioni-*  
*bus indulgens in potentiolem, neque in humilem miseri-*  
*cordiae. Ex omni autem hominum genere bono atque*  
*utili operi intentos honora: inertes aut pravam indu-*  
*striam exercentes odio habe. sic ad illa praemio invita-*  
*ti, ab his poena deterriti, et rem familiarem curabunt*  
*melius, et tibi publicis in necessitatibus utiliores erunt.*  
*Pulchrum etiam erit privatorum minui lites, easque*  
*quam celerrime componi: honestissimum autem, populorum*  
*compescere impetum, et, quoties forte, pro imperii salu-*  
*te ac fortuna suscipiendis votis, aliquos facere quid aut*  
*impendere praeter vires cogunt, id inhibere. Simultates*  
*autem eorum et aemulationes prorsus excindendae sunt,*  
*neque sinendum, aut cognomina nova, aut aliud quid ad*  
*discordias commovendas idoneum.*

*Peccatis non esse dun-* LXVII. *Facillime vero in his et aliis obsequium tibi*  
*um veniam.* *privatim publiceque praestabitur ab omnibus, modo ne-*  
*mini veniam constituta tua transgrediendi umquam de-*  
*deris. nihil enim aequae dissolvere natum est, etiam bene*  
*apta atque coalita, atque haec inaequalitas. Immo ne*  
*rogari quidem patere, quod concedere nolis. Sed hoc*  
*ipsum gnaviter tenere pugna, ne quisquam quidquam ro-*  
*gare ausit eorum, quae prohibueris. In omnibus autem*  
*negotiis tibi consulo non abuti potestate, nec imminutio-*  
*nem putare imperii, nisi semel omnia simpliciter, quae*  
*possis, et facias: sed, quo tibi expeditius est agere, quid-*  
*quid velis, eo diligentius expende, quid fieri deceat,*  
*semperque rationem a te factorum repete, recte an secus*  
*egeris; et qualia facta hominum amor, qualia reprehen-*  
*sio sequatur, ut ista facias, haec vites. Non enim, quid*  
*nemo te ad iudicium vocat, idcirco existimabis licere ti-*  
*bi, quidquid libeat: nec expectes, donec ita aliquis in-*  
*saniat, ut palam tua tibi vitia exprobet. Id enim vix*  
*quisquam, etiam intolerabili adfectus injuria, fecerit.*  
*contra enim est, et plerique post injuriam gratias agunt*  
*potentiori, nihil aequae caventes, quam ne succensere vi-*  
*deantur. Sed Principem animos suorum non tam ex ver-*  
*bis cujusque aestimare convenit, quam ex reputatione eo-*  
*rum, quae penitus eum sentire sit probabile.*

*Principem debere fac-* LXVIII. *Haec agere te pervelim nimirum, Caesar,*  
*re, qualia mul uno sermone comprehendi non poterant. At unum,*  
*fieri velis ab aliis.* *in quo censeas esse omnia, quaeque dicta, quaeque prae-*  
*termisita sunt, subijciam: si, qualia ab aliis fieri velis,*  
*ipse sponte facias, neque peccabis in ulla re, et omnia*  
*recte ac prospere geres. Haec erit iueundissima eadem*  
*atque tutissima regnandi ratio. Qui enim fieri possit,*  
*quin te omnes ut patrem et servatorem intueantur ac di-*  
*ligant, si te viderint modestum, integrum, bellicosum,*  
*pacificum, non contumeliosum, non avarum, et in tan-*  
*ta potentia civiliter viventem? quis enim ferat incuban-*  
*tem divitiis, atque ab aliis exigentem tributa? volupto-*

tibus deditum, at aliis labores injungentem ac molestias?

U. c. 723.  
A. C. 29.

LXIX. Haec si praestiteris, in tua innocentia maximum habebis praesidium securitatis: nec succensebit tibi quisquam, crede mihi, nec insidiabitur. Haec autem ubi obtinueris, beate ut vivas, necessum erit. quid enim suavius, quam per virtutem omnium humanorum bonorum fruitionem adeptum, ea dilargiri aliis etiam posse? Haec igitur, et, quae dixi, cetera, tecum ruminatus, sequere sententiam meam, neque Fortunam, quae te ex omnibus delectum summae rerum imposuit, ab aliena. Si vero tibi regis appellatio Romanis odiosa displicet, vim amplectus, sub nomine Caesaris eadem omnia ages. aut, si aliud mavis, id quoque dabitur, sive Imperatoris, quod prius est delatum patri tuo, sive quodlibet aliud ita comparatum, ut aliquo vocabulo ceteras potestates praemineas: regni omnibus bonis, citra invidiosum ejus nomen, potiaris. Ubi finem dicendi Maecenas fecit, actis utrique gratiis, Caesar, quod accurate libereque dixissent sententiam, se consideraturum offendit.

Innocentia  
maximum  
praesidium  
securitatis.

LXX. Eo tempore P. Maronem poetam, per Maecenatis commendationem inter familiares Caesaris receptum, interrogatum ab eo, inter diversas sententias fluctuante, expediatne privato rempublicam occupare, si casus detur? ajunt hunc in sensum respondisse: Quicumque hactenus Romae rerum potiti sunt, ita se gesserunt, ut seque et cives magno in timore vivere, perpetuisque suspicionibus, cogerent. At si quis exoriretur et gratus a principio civibus, et quem sibi juste praefuturum confiderent; ejus imperium ipsi populoque perinde jucundum ac salubre fuerit. Tu igitur si, quemadmodum instituisti, justitiam atque liberalitatem constanter amplecteris, te dominari et tibi conducet et orbi.

Virgilii  
sententia.

LXXI. Sane sunt, qui tum propter auctoris obscuritatem ista rejiciant, tum quia nimis absurdum putant, de tantis rebus requisitam poetae sententiam credi. Sed ille, quisquis est, Virgilianae vitae scriptor non finxisse haec, verum ab antiquioribus tradita narrare, videtur: et qui Magno Alexandro assidui consiliarii vicem Homeri opera circumgestata meminerunt; non admodum mirabuntur, Virgilium Augusto, qui neque se infra Alexandrum forte, neque Romanum vatem infra Homeri gloriam poneret, idoneum visum, cujus sententiam in re difficili exquireret: foecundo ingenio virum, et acri perpetuaque meditatione rerum humanarum exacti judicii: quod

Quaesitum,  
an probabi-  
lis sit ista  
de Virgilio  
narratio.

Cap. LXX. Virgilii vita. Cap. LXXI. Macrob. Sat. 1, 24.

XX 2

U. c. 723. usus etiam, multa videndo ac audiendo quotidie,  
A. C. 29. multa legendo, confirmaret.

*Historia-  
rum lectio  
quantas sit  
utilitatis.*

LXXII. Ex quibus historiarum maxime lectio quantum valeat, Imperatoris Alexandri consuetudo declaravit, qui ad deliberationem de re militari literatos etiam, in primis qui historiam norant, utiliter adhibere consuevit. Non tempero mihi, quin, fide minime incerti auctoris, non abhorrens praesentibus exemplum ex recentiori aetate adscribam.

*Exemplo  
Buchanani  
comproba-  
tur.*

LXXIII. Avorum memoria Brissacus, Gallicae militiae magister, praeceptorem liberorum Buchananum poetam habuit. Adcidit, ut, consilium de rebus bellicis agente Brissaco, Buchananus in contiguum ei loco coenaculum, nescio quid imperaturus famulis, descenderet. Ibi forte verbis aliquot exceptis, nutu atque murmure sententiam repudiabat, quae tum communi omnium consensu erat comprobata. Rissus eorum, qui hoc viderant, Brissacum movit, ut causam ejus inquireret; intellectaque re, vocari Buchananum, et expromere juberet intrepide, quid igitur sibi videretur. Tum vero inter multorum stipendiorum duces ita differuisse eum ferunt, causasque arguendae prioris sententiae protulisse tam efficaces, ut, ea rejecta, consilium ejus universi sequerentur. Sed ad historiam redeo.

*Imperatorum Rom.  
initium.*

LXXIV. Caesar, probata Maecenatis sententia, non tamen tanta simul movenda ratus, quaedam statim instituit agere; plura successu temporis introduxit: nonnulla et ad sequentium Imperatorum curas transmissa sunt. Quibus in rebus omnibus Agrippa perstrenuum et fidum administrum exhibuit, quamquam in alia ipse sententia fuisset. Ab hoc igitur tempore res Romana sub unius arbitrium, firmo et in multas inde aetates duraturo instituto, rediit: quam sub Imperatoris vocabulo regendam sibi Caesar censuit. Erat ea vetus etiam appellatio; sed nuper occultari sub ea regii imperii titulus coeperat, quum id praenomen dictatori Caesari liberisque ejus decerneretur. Neque omiserunt propterea Romani mox principes, ob victorias etiam prisco more Imperatorum

Cap. LXXII. Lamprid. Alex. Sever. 16. Cap. LXXIII. Henr. Steph. Orat. adversus Foliet. pp. 163. 164. Cap. LXXIV. Dio. Oros. 6, 20. Dio. Supra, 116, 7. Dio.

adcupere adpellationem: quemadmodum et hic Caesar, U. e. 713.  
 qui mox cognominatus *Augustus* est, Imperatoris no- A. C. 29.  
 men semel et vices recepiſſe legitur.

LXXV. Censuram deinde, sed sine magistratus *Caesar se-*  
 honore, collega M. Agrippa, exercuit, senatum ex *natum ordi-*  
 consilio Maecenatis ordinaturus. Multi enim equites, *nat.*  
 atque etiam ex inferiori plebe, civilium armorum tur-  
 bulentia intrusi in senatum erant; adeo ut supra mille  
 numerarentur. Complures post necem Caesaris, tam-  
 quam ex commentariis ejus, per gratiam aut praemi-  
 um Antonius adlegerat. hos contumeliosa adpellati-  
 one vulgus *Orcinos* vocabat; quod iis nomen fuerat,  
 qui dominorum testamentis manumittebantur. Haec de-  
 pelli dedecora publicae dignitatis intererat: tam mul-  
 tos offendere audaces homines, ac injuriam haudqua-  
 quam aequo animo laturos, periculosum habebatur.  
 Media excogitata ratio est, monuitque Caesar univer-  
 sos, ut, *suae quisque conditionis atque vitae judicem a-*  
*gens, ubi se hoc loco indignum reperisset, sponte abeun-*  
*do censoriam notam lucrificeret.* Iis diebus lorica sub  
 veste tectus, adcinctusque pugione praesedit credi-  
 tur, decem robustissimis ex amicorum cohorte senato-  
 ribus sellam ejus circumstantibus: et ne sic quidem  
 admissum quemquam senatorum, nisi solum, et ex-  
 cussa veste, ne ferrum occultaretur.

LXXVI. Quinquaginta viris persuasum est, ut se- *CXL. se-*  
 met ipsos excusarent: idque exemplum animos Caesa- *natu moven-*  
 ri defensionemque dedit alios etiam centum quadra- *tur.*  
 ginta parem ad modestiam adigendi. Neutros notari  
 visum est: posteriorum tamen nomina publice propo-  
 sita: prioribus, quia non repugnauerant, hic quoque  
 pudor remissus, indultumque, ut, lato clavo retento,  
 spectandi in orchestra, publiceque inter senatores e-  
 pulandi jus haberent. At Q. Statilium, tribunum ple-  
 bis designatum, a gerendo magistratu, licet invitissi-  
 mum, Caesar arcuit.

LXXVII. In senatu deinde recensendo probatissi- *Caesaris in*  
 mi cujusque arbitrio rem commisit, ut vir virum le- *senatu recen-*  
 geret: nec offensum se ostendit, quum Antistius La- *sendo mode-*  
*stia.*

Cap. LXXIV. Tac. Ann. 1, 9. Dio. Cap. LXXV. Sueton.  
 Aug. 27. Dio. Sueton. Aug. 35. Plut. Anton. Sueton. ubi  
 supra, et ibi Berneggerus. Vell. 2, 89. Dio, et Sueton. Cap.  
 LXXVI. Dio. Sueton. Dio. Cap. LXXVII. Suet. Aug. 35.  
 et 54. et Dio, l. 54.



U. c. 723. beo, M. Lepidum, hostem olim Caesaris, tunc ex-  
 A. C. 29. sulem, nominans, interrogatusque a Caesare, *an es-  
 sent alii digniores; suum quemque iudicium habere*, re-  
 spondisset. Duos in consularium numerum retulit, C.  
 Cluvium, C. Furnium, quia designati, quod ab aliis  
 praeveniebantur, consulatum gerere nequiverant. Pa-  
 tricios etiam, iussu populi et senatus, ex lege L.  
 Saenii, qui parte superioris anni consul fuerat, adle-  
 git: quod civilibus bellis, quae nobilitatem maxime  
 petunt, multae primariae familiae defecerant: nec  
 tamen carere patriciis respublica poterat, quod mo-  
 re majorum multi ritus, nisi per hos, obiri recte ne-  
 quibant.

*Senatoribus  
 abire pere-  
 gre vestitum.*

LXXVIII. Sic recensito constitutoque senatu, per-  
 egre abire quemquam injussu suo vetuit, idque diu  
 postea servatum: nisi quod in Siciliam prius, deinde  
 Galliam Narbonensem, ad res suas invisendas libera  
 concessa est profectio his saltem, qui oriundi indidem  
 praedia in illis provinciis haberent: donec omnibus  
 id promiscue Theodosii et Valentiniani lege permissum  
 est. Inter haec revolventi patris commentarios obla-  
 tum est consilium Carthaginem deducendae coloniae.  
 Id tum quoque ratus opportunum fore, propterea  
 quod violentis Lepidi ludibriis, magna parte priorum  
 colonorum abducta, sublatum jus coloniae videbatur.  
 Igitur Statilio Tauro iterum Africae proconsuli scri-  
 psit, ut moenia instauraret, frequentaretque habitato-  
 ribus. Igitur ad tria ferme millia colonorum Roma-  
 norum, quae missa ex Sicilia fuerant, aliam ex vici-  
 nis oppidis coactam multitudinem adjecit.

*Commage-  
 nae rex An-  
 tiochus sup-  
 plicio adfi-  
 citur.*

LXXIX. Sub haec tempora Commagenae rex An-  
 tiochus, evocatus a Caesare, atque in senatu causam  
 dicere iussus, supplicio interit: quod legatum Ro-  
 mam missum a fratre Mithridate, quocum his erat An-  
 tiocho, per fraudem occiderat. Et, ne quid ex tra-  
 ditis praetermittatur, tunc etiam Capreae patrimonio  
 Caesaris, instituta cum Neapolitanis permutatione, ad-  
 cesserunt, quam insulam haud maximi pretii, postea  
 secensus Tiberii Caesaris nobilitavit. Ab iisdem Ne-  
 apolitanis Leucogaeum collem redemit, adsignatis ex

Cap. LXXVII. Dio, l. 52. Lapis Ancyr. Tac. Ann. 11, 25.  
 et ibi Lips. Dio. Cap. LXXVIII. Tac. 12, 23. et ibi Lips.  
 L. 15. Cod. de Dignitat. l. 12. tit. 1. Dio, et Appian. Pun.  
 fin. Cap. LXXIX. Dio. Plin. 18, 11.

fisco suo vicenis millibus annuis; deditque colonis, quos Capuam deduxerat, alicam se conficere posse sine creta, cujus ille collis vim maximam habet, negantibus. Haec ferme quinto Caesaris consulatu gesta reperi.

U. c. 723.  
A. C. 29.

LXXX. Sexto deinde, cujus collegam M. Agrippam esse voluit, ad pristinae reipublicae speciem quum alia multa redegit, tum etiam, divisus cum Agrippa fascibus, quum abiret magistratu, solenne iurandum adhibuit. Agrippam autem aliis etiam honoribus aequare sibi solitus, sororis elocata filia, adfinitate junxit; et, quoties una ad exercitum esset, simili secum tabernaculo uti, unaque secum dare signum iussit. Tum autem temporis censum una peregerunt populi, lustrumque post annum alterum et quadragesimum, a L. Gellio Cn. Lentulo censoribus, censoria potestate fecit: quo lustro censa sunt civium Romanorum quadragies centena sexaginta tria millia. Princeps senatus ipse lectus est, ut formam antiquae reipublicae ostentaret: id enim contentissimo studio adfectabat.

U. c. 724.  
A. C. 28.  
Imp. Augusto VI.  
M. Agrippa II. Coss.

Census  
actus.

LXXXI. Tum etiam templum Apollinis olim inchoatum ex Lunensi candido marmore perfectum est, multis gradibus sublime. Ipsius numinis effigiem Scopas olim celebris artifex fecerat: id in eo templo positum. lucus insuper additus, et porticus cum bibliotheca Graeca Latinaque. Inter alia donaria Marcellus Octavia genitus dactyliotheam ibi consecravit. Ludos etiam Actiacos cum Agrippa tum edidit Caesar, quibus pueri virique patricii certaminis equestris simulacrum luserunt: idque deinceps ludicrum in multas aetates per quinquennia celebratum est, quatuor sacerdotum collegiis, pontificibus, auguribus, septemviris, quindecimviris, per vices curantibus. Gymnici quoque ludi, quum stadium in campo excitatum e materia esset, dati, et in arena capti bellis proximis depugnarunt.

Templum  
Apollinis.

LXXXII. Has etiam populi voluptates, quae pluribus diebus exhilaratus est, diffindi valetudine sua non passus Caesar, Agrippae suas quoque vices de-

Fisci Caesaris et aerarii differentia.

Cap. LXXX. Dio, l. 53. Eutrop. 7, 5. Dio. Tab. Capuan. apud Pigh. Dio. Lapis Ancy. Euseb. Chron. Cap. LXXXI. Suidas in *Αγρῳςος*. Lapis Ancy. Dio. Vell. 2, 89. Dio. Serv. ad Virg. Aen. 6, 69. et 8, 720. Sueton. Aug. 29. Ovid. Trist. 3, 159. Plin. 36, 5. Cap. LXXXII. Dio. Sueton.

**U. c. 724.** mandavit. Sumptus ad haec tamquam ex familiaribus  
**A. C. 28.** fiscis praebeuit, non ex aerario: quin eo quoque pecuniam ex arca sua, quasi mutuam sine usura daturus, intulit. Et, quæ meliori fide pecunia publica tractaretur, curam aerarii a quaestoribus urbanis ad praetorios praetoresque transtulit, quorum e collegio binos quotannis senatus deligeret; forte propterea duobus ad priorem praetorum numerum additis, ut deni crearentur.

*Liberalitas  
 Caesaris.*

**LXXXIII.** Ipse, magnitudine opum liberaliter diffundens beneficia, frumentum accipere solitae plebi quadruplum admensus est. et, quum frequenter tale munus populo daret, medimnum numquam minus quinquaginta et ducenta millia distribuit. Senatorum etiam quorundam paupertatem iuvit, ne, ut saepe factum erat, aedilitatem petere vererentur; eaque onera praetoribus duobus, majora quidem urbano, ut solebat, cetera ei, qui inter peregrinos jurisdictionem esset sortitus, ad crescerent. Urbanum autem praetorem et tum et postea saepius ipse sine sorte constituit. Sponsiones etiam reipublicae, factas ante proelium Actiacum, exceptis, quae pertinerent ad aedificia, remisit: et praecipuam calumniandi materiam, tabulas veterum aerarii debitorum, exussit. Aegyptia sacra quamquam in urbem non reciperet, aliorum tamen religiosus cultor, plurimam templorum curam egit. et, conditorum posteros ad majorum recolenda monumenta hortatus, quibus nulli aut parum locupletes curatores erant, ipse refecit: laudabili quidem modestia, sub priorum auctorum titulis, sine ulla inscriptione nominis sui.

*Caesar uno  
 decreto omnia ante sextum suum consulatum a se et collegis constituta abolevit.*

**LXXXIV.** Post haec ingenti consilio, ut omnia deinceps meliora sperarentur, et, quidquid antea iniquus decretum factumve esset, collegarum improbitati, aut temporum necessitatibus adscriberetur, omnia, quae ante sextum suum consulatum constituta essent, uno decreto abolevit. Igitur, quum ob haec laudibus omnium in coelum ferretur, septimo consulatu suo,

Cap. LXXXII. Plin. 37, 1. Dio. Sueton. Aug. 36. Tac. Ann. 13, 29. Vell. 2, 89. Cap. LXXXIII. Dio. Lapis Ancy. Tac. Ann. 2, 37. Dio. Sueton. Aug. 32. Oros. 6, 20. Dio. Sueton. Aug. 29. Cap. LXXXIV. Dio. Lapis Ancy. Dio. Tac. Ann. 3, 28. Dio.

et M. Vipsanii Agrippae tertio, aliud praebere civitati magnitudinis suae documentum statuit; per simulationem imperii deponendi hoc agens, ut, rogatus et coacto similis potestatem retinens, eam deinceps iusti regis instar in volentes exerceret.

U. c. 725.  
A. C. 27.  
Imp. Augusto VII.  
M. Agrippa III. Coll.

LXXXV. Igitur, praeparatis ex ordine senatorio idoneis, curiam ingressus, hanc de rebus suis orationem de scripto recitavit. *Sat scio, Patres conscripti, vix mihi credituros esse plerosque vestrum, id nimirum molienti, quod fors illorum nemo facturus esset: praesertim quia potentiorum fortunam sequi solitus livor, eorum de se verbis atque promissis plerumque fidem abrogat. Quapropter ego talia prolaturus metuendum etiam habere, ne pro vano, ut fit, et impostore traducerer; nisi factis, sermonem continuo sequuturis, etiam iniquissimas calumnias repellere possem, vellemque. Idcirco in simplici certoque meae mentis habitu nullis verborum ambagibus utar. Non dubito, quin praeclare intelligatis omnes, ita fundatas opes meas esse, ut retinere mihi imperium, quam deponere, sit facilius. Quidquid umquam adversus me constitit, armis aut mansuetudine mea donatum est: adiutores mei, mutuis meritis et communione consiliorum operumque arctissime conjuncti, neminem sperare res novas, nedum moliri, patiuntur. Sed fac esse, qui ausit. quid igitur timebo, maximos pugnacissimosque habens exercitus, eosdemque fidelissimos; instructus pecunia, sociis; et. quid multa? vestra subnixus populi Romani benevolentia, qui me praeesse rebus communibus non sinitis modo, sed jubetis? Istud igitur imperium, quod invito nulla vis ademerit, ego ecce, quod mihi reipublicaeque bene vertat, laetus lubensque depono.*

Imperium deponere velle fingit.

Ostendit opes suas esse optime fundatas.

LXXXVI. Eant postea, qui tot ab annis me dimicasse pro mea potentia mussant, quaerantque sibi credituros. Ego enim, protinus potestatem omnem, urbem, Italiam, exercitus, provincias, quasque accepi a vobis, quasque adjeci prioribus a me confectas, vestrum in arbitrium transferens, validiora mei animi testimonia produco, quam ut ulla calumniantium malignitate convellantur. Ne tamen a me tot aerumnas laboresque ac discrimina temere ac sine causa suscepta putetis, ulcisci patris mei (fatebor enim) indignam necem volui: simul eripere rempublicam ex tam longa malorum serie, quae et diu ante coeperant, neque desitura umquam, nisi vi ac armis victa, videbantur.

Sed nec dimicasse imituros. Ego enim, protinus potestatem omnem, urbem, perit cupi. Italiam, exercitus, provincias, quasque accepi a vobis, dicit.

LXXXVII. Atque utinam vel quieta reipublicae tempora fuissent, vel ea saltem mala, quae curari consuetis remediis possunt! quanto maluissem sub legum imperio adversus hostes experimenta virtutis edere! Sed, quando eo devenit, ut sine adolescentuli opera populus Romanus nec imperium servare, nec libertatem posset,

Sed ut imperium et libertatem populo Romano servaret.

U. c. 715. *super annos prompte alacriterque suscepi negotium, id.*  
 A. C. 27. *que, Diis faventibus, supra vires feliciter perfeci. Quo*  
*quidem in opere, dum vestris commodis patriaeque con-*  
*sulerem, nullus me labor, nullae hostium minae deter-*  
*ruerunt; non amicorum preces, non factionum timor,*  
*non adversariorum amentia me dimovit ab instituto, quo-*  
*minus corpus animamque perpetuo pro vobis periculo ex-*  
*ponerem, eaque facerem ac paterer, quae apud conscios*  
*ac memores referri nihil adtinet. Quando igitur et ego*  
*propositum tenui, et vos meq̃ opera salvi concordisque*  
*agitis, et nunc demum post tot annorum contentiones*  
*populus Romanus certa firmaque pace ac consensione*  
*fruitur: etiam libertatem atque rempublicam recipite, at-*  
*que secundum leges more majorum gerite. Haec a me*  
*dici fierique minus mirabimini, ubi recordatione et com-*  
*paratione praeteritorum adverteritis, eodem ab animo*  
*haec proficisci, unde prior profecta est lenitas, et a ne-*  
*gotiis et honoribus, nisi necessariis, abstinencia: unde*  
*et ex omnibus, quae mihi decrevistis, nihil insolens aut*  
*publicae libertati grave recepi.*

*Consilii sui*  
*causas ex-*  
*ponit.*

LXXXVIII. *Sed neque iudicium meum adcusaveritis,*  
*qui tanto imperio, nulla nec re cogente nec homine,*  
*sponte absistam. magnas consilii hujus atque praeclaras*  
*causas habeo. Nam, sive jus respicias, nihil est ae-*  
*quius, quam res vestras arbitrio maxime vestro admini-*  
*strari: sive utilitatem, et mihi conducere arbitror, ut cu-*  
*ris invidiaeque et insidiis me subtraham; et vobis, quibus*  
*jam licet libere temperanterque ac concorditer administra-*  
*re rempublicam. Quod si gloriam quoque intuemur, (cu-*  
*jus causa multi pericula non sustinent modo, sed expe-*  
*tunt) quidquamne poterit esse honestius, quam ultro ab-*  
*dicanda potestate, quae meliorem orbis terrarum partem*  
*continet, adprobare generi humano animum fortuna ma-*  
*jorem; qui, sui juris et rerum arbiter, et parare magna*  
*imperia, et regere norit, et suo arbitratu deponere? Igi-*  
*tur, si quis forte vestram ab alio talia sentiri dicique ve-*  
*re posse non credat, at saltem a me credat posse. Quippe*  
*quum enumerare plurima mea patrisque mei merita in*  
*promptu esset, propter quae non injuria supra ceteros*  
*quoslibet nos amatis atque extollitis: tamen nihil est,*  
*quo aequae gloriandum putem, quam quod summam po-*  
*testatem, a vobis oblatam, et ille non adcepit, et ad-*  
*ceptam ego dimitto.*

*Maximo*  
*gloriam in-*  
*de sequutu-*  
*ram.*

LXXXIX. *Cum hoc enim facto quis aut Galliam sub-*  
*actam comparet, aut Mysos Aegyptiosque domitos; im-*  
*periique fines non Rheni fluentis, non Istri, ne oceani*  
*quidem objectu coercitos? Fateor haec equidem tanta es-*  
*se, ut antiquorum gloriam haud dubie vincant: ea ta-*  
*men huic modestiae nostrae longissime cedere iudico.*  
*Cui equidem nec civilia bella confero, quum ex aliis alia*  
*magno terrore surgerent, ita feliciter confecta, victo-*  
*riamque clementia temperatam, ut nihil aut constantius*  
*aut melius in ejusmodi tempore ne optare quidem liceat.*

Unum hoc non morem modo, verum etiam ingenium humanum, egredi ajo, quod duo Caesares, quum possemus imperare nolentibus, etiam volentibus imperare noluimus. Si igitur magnis animis et quaerere gloriam, et uti quaesita conceditur, quid est, quod mihi praestare mortalitas splendidius celebriusque possit? Ut enim de patre sileam, quis animi magnitudine contendere mecum ausit, qui tanta rerum omnium licentia, tot terrarum, tot marium imperio, firmissimis exercitiis, immota domi pace, studiis procerum, benevolentia populi, tantis opibus cupide caream, maiorem in memetipso mihi felicitatem esse repositam sentiens? Fuit mihi cum quibusdam superiorum temporum claris viris honesta contentio: nec dignum his temporibus, quae me genuissent, nec honestum nomini Romano credidi, si olim quidem Horatios, Mucios, Curtios, Regulosque, ac Decios, horumque similes respublica nostra producere potuisset; nunc, velut effoeta senio, et nullis ad nobilem nixum viribus, nihil proferre posse, pristinam gloriam decens, crederetur.

U. c. 725.

A. C. 27.

XC. Ut tamen me non abicere reipublicae curam, Offendit, sed ponere, adpareret, non ita festinavi decedere, ut im- cur hacten-  
prohis hominibus rapiendam potestatem in medio relin- nus resinus  
querem. Vobis illa, Patres conscripti, vobis destinatio- rit impe-  
ne mea consilioque traditur, quos virtute atque sapientia rium.  
ceteris excellere cognovi. Priusquam enim insanorum  
hominum licentia, quam tot laboribus vix depuli, rem  
Romanam diripi convellique paterer, aut millies moyer, aut, quod minus etiam optandum putq, perpetuo im-  
perarem. Vos igitur hoc a me translatus onus, ut bonis  
civibus et reipublicae studiosis dignum est, excipite; mi-  
hique hanc veniam date, ut tot exantlatis laboribus de-  
fatigatum animum, totque morbis vexatum corpus, ali-  
quando per honestum otium recreem; simul invidiam ac  
odium executiam, optimis quibusque non nisi cum impe-  
rio declinandum. Etiam insidiis me petatum esse scitis:  
iniquis profecto. Sed tanto magis exire locum propero,  
tanta pericula ne merentibus quidem adferentem. Haec  
igitur ratio probanda erit omnibus, quae et mihi securi-  
tatem cum gloria, et utilitatem imperio adfert, quanto  
certe melius est, junctis plurium consiliis, quam unius  
nutu, administrari.

XCI. Quae quum ita sint, unam hanc pro tot labo- Nunc autem  
ribus ab unoquoque vestrum gratiam expeto, vosque ro- securitatis  
go, ne mihi quietiorem postmodum acturo vitam invi- quoque suae  
deatis. Non imperare tantum, sed et parere, (mihi cre- causa po-  
dite) scio: nec enim cuiquam praecepi, nisi quod, impe- siturum.  
rante alio, mihi quoque faciundum existimassem. Equi-  
dem si pro mea conscientia, vestroque favore fingere mi-  
hi futuram conditionem licet, sine metu, sine periculo  
privatam inter vos acturus vitam videor. si quid secus  
adeidat, (nec enim unus homo, tot confectis civilibus bel-  
lis, toties adserta contra voluntatem multorum republi-  
ca, vitare offensas omnium potuerit) bene habet: mori

U. c. 725  
A. C. 27. potius ante tempus privatus cupio, quam regium imperium in cives meos diutissime obtinere. Quid enim evenire mihi ad laudem efficacius posset, quam interfectum me non ob aliud in privata conditione ferri, quam ne in regno quemquam interficere cogerer? Et pro brevi vita sempiterna mihi gloria cum ultione publica contingent: quemadmodum et pater meus coelestes honores adeptus est; percussores ejus fugâ, morte, infamia poenas dederunt. Mortales equidem omnes sumus: sed, quam natura negavit, immortalitatem bonis factis, vitaeque consentanea morte nanciscimur. Hac igitur spe atque fiducia reddo vobis rempublicam, Patres conscripti: quam sic adicipiatis, velim, ut neque mole curarum terreamini, neque facilem atque perfunctoriam rerum tractationem fore cogitetis.

*Senatui  
praecepta  
dat im-  
p-  
randi.*

*Ut publicae  
defendantur  
leges, pri-  
vatim se-  
quantur.*

XCII. Quid autem vetat, me de partibus quoque nobilioribus praecepta vobis quaedam tradere, quid fieri expediat, ipso opere usuque, nisi quid fallor, edoctum? Principio igitur leges immutabili observantia colite. plurimum in hoc uno utilitatis est: et felicius agunt civitates, quae leges etiam aliqua parte vitiosas reverentur, quam quae, semper aliquid mutantes, delectari, magis emendandis legibus, quam emendatis uti, videntur. Nec publice tantum auctoritatem earum defenderitis, sed ipsi quoque domi, sermonibus, actionibusque omnibus sequimini. Provincias pace belloque regendas optimo cuique atque peritissimo mandate citra invidiam et privatae rei studium, quod apud probos et prudentes utilitate publica vincitur. Honores poenasque pro merito cujusque repraesentare memineritis. familiaria bona, si necessitas postulet, pro publicis habere ne cunctemini: publicis autem, haud secus atque alienis, abstinete. vestra gnaviter tuemini: aliena ne concupiscite: sociorum spoliis ac contumeliis abstinete: hostes injuria ne provocate; provocati ne timete. arma semper in manibus sunt; sed haec nec in vos ipsos invicem. nec in quemquam pacatum vertitote. Milites alendi vobis erunt, ne aliis insidiari necessitate adigantur: at iidem et cohibendi, ne quid mali per audaciam lasciviamque cuicumque inferant.

XCIII. Sed quid ego longo sermone, quae sint facienda vobis, exsequor? Ex his enim, quae dicta sunt, etiam ceterorum rationem, quaeque agenda vobis, quaeque vitanda erunt, haud difficulter collegeritis. In hoc igitur uno praeceptoque votoque finiam, ut sic gerentes rempublicam felices ipsi sitis, et mihi gratiam habeatis, cujus opera ex miserimo statu provecti in felicissimum fueritis: ne forte, (quod absit, aberitque) gubernationi rerum impares, et mihi poenitentiam injiciatis consilii mei, et populum Romanum novis iterum periculis et bellis implicetis.

*Audien-  
tium hanc*

XCIV. Haec oratio non aliter, atque pro magnitudine inexpectatae rei, audientium animos vario mo-

tu perculit. pauci, mentis ejus conscii, ex compacto adstipulabantur: ceterorum, credentium dictis, aut diffidentium, a diversis causis par et admiratio et molestia fuit, illis animi magnitudinem, his artificium stupentibus; et alteris aegre ferentibus calliditatem Caesaris, alteris eum abire potestate dolentibus. jam enim, recordatione tot turbarum atque bellorum, apud plerosque taedium popularis status inceserat: hisque non mutatio tantum reipublicae, sed etiam auctor mutationis Caesar, haud displicebat. Ceterum nemo vera proponi putantium haec prompte excipiebat, aliis minime gaudentibus hoc consilio, aliorum gaudium occultante metu: neque fictam hanc atque simulatam modestiam existimantibus arguendi voluntas aut fiducia aderat: omnium in eundem vultum similesque voces coacta adulatio est. Et orationem quidem laudabat nemo, pars quia rem non probabat, ceteri ne cupidius adcepisse viderentur. Tantummodo frequenter adhuc recitanti occlamatum est: et, ubi peroravit, certamen obtestantium fuit, *ne rempublicam, unus ei rector munere Deum oblatum, destitueret.* Multa etiam passim argumenta suadentium hortantiumque ingerebantur: quibus quum aliquamdiu resistisset; ad extremum, proditione sua victus, imperium retinuit. Tunc inter magnam gratulantium laetitiam et alia decreta, et praecipue duplex praetorianis stipendium, quo alacrius pro salute principis excubarent.

U. c. 725.

A. C. 27.

*orationem  
varii motus.**Caesar ex-  
oratus im-  
perium re-  
tinet.*

XCV. Hac arte Caesar infamiam potentiae suae detraxit, ut volentibus postea atque etiam obsecrantibus, invitus ipse otique cupidior, imperare videretur. Neque tamen res adeo incredibilis est, existisse, qui pauciora, quam posset, vellet; et prae se ferre perseveravit hanc voluntatem Caesar plurimis dictis scriptisque. Nam et in epistola quadam, *otium suum non fore dignitatis expers, neque priori gloriae inconveniens, pollicitus, haec ipsa verba posuit: sed ista fieri speciosius, quam promitti, possunt: me tamen cupido temporis optatissimi mihi provexit, ut, quum rerum laetitia moretur adhuc, perciperem aliquid voluptatis ex verborum dulcedine.*

XCVI. Interim, sive ut partem invidiae declinaret, *Dividit* sive ut curas levaret, negavit, *se provincias omnes cum senatu suscipere regendas; aut, quas suscepisset, retinere per provincias. petuo posse. in decennium tamen operam suam offerre*

Cap. XCV. Sen. de Brevit. vitae, c. 5. Cap. XCVI. Dio.



U. c. 725. *reipublicae, ea tamen lege, ut, si pacare citius omnia*  
 A. C. 27. *posset, celerius ei liceret abire potestate.* Divisis igitur cum senatu provinciis, sibi inquietiores, in quibus bella erant, aut timebantur, recepit, ambigua aestimatione, reipublicae cura haec faceret; an ut, relictis inermibus et obnoxiiis, quidquid ubique militum ac armorum esset, secura potentia complecteretur. Igitur senatui populoque Romano permittae sunt Africa, Numidicaque, et Cyrenaica regio, et cum Epiro Graecia, Dalmatia, Macedonia: praeterea Bithynia cum Ponti proxima parte, ac Hispania Baetica: tum ex insulis Sicilia, Sardinia, Creta. Caesar reliquam Hispaniam omnem, itemque Galliam Germaniasque retinuit; cum Coelesyria, Phoenice, Cilicia, Cyproque et Aegypto. Sed mox Cyprum populo reddidit Caesar; Dalmatiam, ubi exortum bellum erat, recepit. ad eandem formam diversis temporibus aliae quoque permutatae provinciae sunt, ut suis locis referetur.

*Rectores  
 quales con-  
 stituti in po-  
 puli provin-  
 ciis.*

XCVII. Ceterum tum quidem census utriusque provincias a senatoribus obtineri voluit, Aegypto dempta; cui praefectum mittebat ex equestri ordine. At in populi provincias annui magistratus exhibant, sorte divisas provinciis; nisi quod extra ordinem multitudinis liberorum habebatur ratio, orbique patribus, et maritis coelibes posthabebantur. Hos omnes esse senatorii ordinis oportebat: eoque habitu ac cultu utebantur, non adcincti gladio, non militibus stipati. *Proconsules* adpellari placuit, latius extensa significatione vocis, ut non hos modo, qui ex consulatu is- sent in provinciam, sed praetores etiam, quique eorum loco haberentur, comprehenderet. lictores his totidem, quot in urbe solebant adparere, concessi. Et, quamvis in sua tantum provincia potestatem exercere poterant, insignia tamen urbem egressi sumere, eademque, donec in urbem reverterentur, retinere iussi. Sed initio duae harum consulares adpellabantur, Africa, dempto Jubae regno; et Asia, quae gentes intra Halym ac Taurum continebat, exceptis Gallograecis, et nationibus Amyntae parentibus, Bithyniaque ac Propontide. Decem reliquas praetorias fecerat; Baeticam, Narbonensem, Sardiniam adjun-

Cap. XCVI. Strabo, l. 17. p. 840. et 3, 166. Sueton. Aug. 17. Cassiod. Chron. Dio. Strabo, l. 17. Dio. Strabo, l. 3. Dio. Sueton. Dio. Cap. XCVII. L. 1. de Off. Procons. lib. 1, tit. 16. Strabo, l. 17. Dio.

cta Corsica, Siciliam, Illyricum, Macedoniam, Achajam, Cretam cum Cyrene, Cyprum, Bithyniam cum Propontide vicinaque parte Ponti.

U. c. 725.  
A. C. 27.

XCVIII. Suas autem provincias a se uno delectis tradidit Caesar, adpellarique legatos, etiamsi forte consulatum gessissent, voluit. His non temporis, sed voluntatis suae, modo finiebat Caesar potestatem: militari habitu cinctuque conspiciendis, ut quibus in milites animadvertendi concessum jus esset: id enim ejus potestatis insigne est, nec ab aliis usurpatur. Senos autem lictores habebant, quotquot eorum non essent consulatu functi, atque hinc eis apud Graecos nomen fuit. Saepe autem accidit, ut voluntate Caesaris etiam consules praetoresque in magistratu suo provincias obtinerent. Idem tamen auctor fuit instituti, ne magistratus, deposito honore, statim in provincias mitterentur; sed quinquennium saltem interponeretur.

*Quales in provinciis Caesaris.*

*Magistratus functi non ante quinquennium in provincias mittuntur.*

XCIX. Et initio quidem, quamquam plures essent provinciis, tamen omnes ad sortiendum admittebantur: postea, propter quorundam delicta, Caesar eam quoque rem suae potestatis fecit hactenus, ut ex omni numero totidem eximeret, quot provinciarum sortes erant, eosque sortiri solos juberet. Postea et hic mos inolevit, ut ejusmodi provincias Caesar, cui vellet, daret, et quam vellet diu. quin et equitibus Romanis quarundam gentium aliquando commissa cura fuit. Haec igitur tum sunt constituta circa officium senatorum, quibus in provinciales capitalis poenae potestas erat. Mittebantur enim et alii in populi quidem provincias, quibus id juris non esset, ex quaestoribus sorte ducti, aut proconsulum legati, quos rectius consiliarios ab argumento vocaveris. Hos autem sibi quisque deligebat, praetorii quidem singulos aequalis dignitatis, aut inferioris etiam; consulares vero ternos ejusdem loci, quos imperator probavisset. Sed et in Caesaris provincias, in quibus plus una legione esset, senatores mittebantur, quos legatos legionum adpellabant. hos deligebat ipse ex praetoriis plerumque: nonnumquam quaestorios etiam, aut alio mediorum honorum functos adhibebat. Hae ferme senatorum functiones erant.

*Legati legionum.*

C. At ex Equitibus, qui eorum tribuni militum, aut nuper in senatu fuerant, aut alioqui praestantiores ceteris habebantur, nonnullos moeniorum Romae cu-

Cap. XCVIII. Dio. Sueton. Aug. 36. Dio.

U. c. 725. ratores, alios etiam in externis urbibus constituit. Ex  
 A. C. 27. eodem ordine procuratores, interdum et ex libertis suis, in omnes provincias dimisit, redditibus colligendis certisque faciendis impensis: nisi quod a proconsulibus provinciarum, quibus praeerant, tributa cogebantur. His etiam procuratoribus, non secus atque proconsulibus, mandata Princeps dabat: eosque certis cum stipendiis emittebat, idque etiam in ceteris provinciarum rectoribus servari placuit. Antiquitus enim redemptores erant, qui proconsulibus mulos et tabernacula, vasaque, et omne aliud instrumentum publice locata praeberent. Tum vero parare haec et stipendiis suis omnes iussi. has insuper communes omnibus leges adceperunt, *ne quis delectum militum ageret: ne pecunias cogeret, nisi ex praescripto: ne quis, adcepto successore, cunctaretur decedere, neve tempus in itinere tereret, sed intra trimestre utique in urbem reverteretur.*

*Species ejus  
 Reip. et ve-  
 ra intime  
 forma.*

CI. Hanc igitur faciem tum quidem temporis ista receperunt. re vera regnum erat, et Caesar, militibus instructus et pecunia, etiam ea, quae reddidisse senatui populoque videbatur, imperio obtinebat. Aerarium quidem publicum ab suo distinctum habebat: sed par erat ei in utrumvis potestas, quae nec rerum limitibus, nec temporum spatiis coerceretur. Nam, tametsi dixerat ista se tantum in decennium recipere, mox in aliud quinquennium, deinde iterum in decennium ei prorogatum imperium est; ita ut continuatis decenniis ad finem usque vitae in summa potestate persisteret.

*Honores ab  
 senatu de-  
 cernuntur.*

CII. Senatus tamen, quasi adjicere aliquid fortunae ejus posset, jam post orationem ab eo habitam, promissaque de provinciis dividendis facta, multos ei honores decreverat: in quibus maxime insignes, *ut ante domum ejus in Palatia lauri, quernam coronam sustinentes, statuerentur, eaeque quotannis ante diem Kalendas Martias renovarentur, quo simul et in hostes victoriae, et in cives clementia, significarentur.* Ejusque rei memoriam temporum eorum triumviri auro argento aeri flando feriundo tam diuturnam effecerunt, ut hodieque spectentur nummi, quernam coronam cum lau-

Cap. C. Liv. 42, 1. Sueton. Aug. 36. Lamprid. Alex. Sev. 43. Cic. in Pis. 35. Dio. Cap. CII. Val. Max. 2, 8. Dio. Pigh. Ann. Plin. 16, 4. Pigh.

lauri ramis exhibentes, titulo inascripto, OB. CIVES. SERVATOS.

U. c. 725.  
A. C. 27.

CIII. Tum vero, redactis in promissam formam provinciis, et ad tutelam imperii distributis quatuor et quadraginta legionibus, ab senatu populoque Romano *Augustus* adpellatus est. Romulum vocari oportere, quidam censuerant, quasi et ipsum conditorem urbis: nec displicebat nomen Caesari, nisi quod regis illud fuerat, cujus vocabulum studiose fugiebat, quum rem teneret. Sed Munatii Planci sententia praevaluit, ut *Augustus* potius diceretur, non tantum novo, sed etiam ampliori cognomine, quod locis consecratis sanctisque rebus antea tribui consueverat. Nam, ab augendo deductum hoc nomen, sequentibus seculis nequidquam existimatum. Actum id Idibus Januariis ex Ovidio satis constat: mansitque huic vocabulo per complura secula tanta veneratio, ut solis Imperatoribus Romanis relictum ne potentissimi quidem reges adfectarent. Etiam mensem Septembrem, quo natus ille esset, *Augustum* adpellandum censentibus, ipse Sextilem praetulit, ob causas senatusconsulto comprehensas, quod in haec verba factum est: Quum Imperator Caesar Augustus mense Sextili et primum consulatum inierit, et triumphos tres in urbem intulerit, et ex Janiculo legiones deductas, sequutaeque sint ejus auspicia et fidem, et Aegyptus hoc mense in potestatem populi Romani redacta sit, finisque hoc mense bellis civilibus impositus sit; atque ob has causas hic mensis huic imperio felicissimus sit, ac fuerit: placere senatui, ut mensis Augustus adpellatur. Eadem de re et plebiscitum factum est, rogante Sex. Pacuvio tribuno plebis.

CIV. Is, inter immodicam omnium gratulationem eminere suam adulationem cupiens, Hispano Celticoque more se devovit Augusto: et, hoc prohibente, ad circumstantem subsellia populum prosiluit, et, persuasis, quos potuit, etiam circum angiportus et vias discurrens, sequi suum exemplum obvios coëgit. Atque inde mos ortus dicitur, ut Imperatorem adloquentes, se Numini ejus Majestatique devotos, dicerent. I-

*Pacuvii adulationes.*

Cap. CIII. Liv. Epit. Oros. 6, 20. Auctor de viris illustr. Appian. Civil. l. 1. Dio. Sueton. Aug. 7. Flor. 4, 12. Dio. Vell. 2, 91. Sueton. Censorin. de die Nat. c. 21. Flor. Dio. Ovid. Fast. 1, 609. Hegesipp. 5, 15. Bernegger, ad Sueton. Aug. 7. Ovid. Fast. 1, 590. Oros. Dio, l. 55. Cap. CIX. Liv. Epit. Macrob. Sat. l. 1. c. 12. Dio, l. 53. Strabo, l. 3. p. 165. Caes. de B. Gall. l. 3.

Supplem. Liv. Tom. XIV.

Y y

U. e. 725. dem effecit, ut propter decretos Augusto honores pas-  
 A. C. 27. sim sacrificaretur: atque pro concione palam professus,  
*se Augustum ac filium suum haeredes instituisse aequis*  
*partibus, quum nihil haberet, eo fecisse existimatus est,*  
 ut adciperet: quod etiam contigit.

*Imperato-  
 res sub an-  
 tiquis nomi-  
 nibus novam  
 potestatem  
 exercent.*

CV. His temporibus Augustus, quum vim summi imperii teneret, omni conatu elaboravit, ut, quam posset maximam, libertatis speciem efficeret: hoc maxime vaframento usus, ut magistratus etiam capefferet saepius, aliosque honores, atque nomina eorum antiqua reciperet, quo videlicet non sibi vindicare omnia, sed ex legibus et senatus populique voluntate habere, videretur. Quod exemplum et successores ejus imitati, consules saepe, et, quoties extra pomerium agerent, pro consulibus gesserunt. *Imperatoris* etiam susceperunt adpellationem, vel quibus nulla ex hoste parta victoria esset, ne *regis* aut *dictatoris* nomen adsumerent, et tamen proprium aliquod summo fastigio vocabulum haberent. Sub horum nominum antiquo jure conscribere exercitus, cogere pecunias, bellum aut pacem facere, civibusque pariter et sociis imperare consueverunt: etiam, ut equites atque adeo senatores vel intra pomerium necare possent: et quidquid umquam ista nomina gerentibus usurpatum potestatis fuit. Censurae vero praescriptio facultatem dabat in vitam moresque singulorum inquirendi, census agendi, in equitem aut senatum legendi, quos vellent, aut contra inde removendi.

*Pontifica-  
 tum Max.  
 soli reti-  
 nent.*

CVI. Ne autem ulla pars reipublicae videretur eorum eximi potestati oportere, sacerdotia capiebant omnia, et pleraque conferebant, ipsi pontificatum maximum soli retinentes. Tribunitia deinde potestas dabat eis in omnia senatus decreta arbitrium, ut liceret eis, quidquid eorum displiceret, tollere: praeterea sacrosanctos efficiendo ab omni defendebat injuria: adeo ut, si vel leviter se laesos verbo factove cujusquam existimarent, possent eum indicta causa, tamquam impium et nefarium hominem, occidere. Et tribunatum quidem, tamquam patriciis haud concedi solitum, non suscipiebant: potestatem autem, quanta umquam fuit maxima, vindicabant: quam quia quotannis, quoties tribunorum comitia perfecta erant, re-

Cap. CIV. Tac. Germ. 13. et 14. Dio. Cap. CV. Tac. Ann. 1, 9. Dio.

suebant, per annos tribunitiae potestatis Imperium eorum dinumerari obtinuit. Haec igitur, tamquam a populo adcepta, ad imaginem antiquae reipublicae, Principes habuerunt. Ceterum rem paucissimis olim, et tantum certas in causas concessam, adsumpserunt in omnia, ut legibus solverentur. *Patris* autem *patriae* adpellationem, honoris plus adferentem, quam potentiae, servarunt ominis causa: *Caesaresque* et *Augusti* vocari voluerunt, alterum significandi gratia, quibus successissent; alterum exprimendae amplitudini suae dignitatis aptum rati.

U. c. 725.  
A. C. 27.

CVII. Haec igitur commutatio rerum, quum publice esset utilissima, (deventum enim eo erat, ut salva esse Roma non posset, nisi ab uno regeretur) rerum gestarum expositioni fraudi fuit; ut angustior esse inciperet, et incertior. Superioribus enim temporibus, quum, quae fierent, omnia senatui populoque Romano renunciarentur, a multis excipi consignarique potuerunt: et quamquam, ut fit, a nonnullis timori gratiaeque aut simultatibus aliquid daretur, tamen apud alios et in publicis commentariis reperire integriora fas erat. Postquam ad unum omnia referri coepere, paucis illa tamquam ex abdito proferentibus maligne creditum; quod, unde arguerentur, non esset, omnia ad arbitrium Principum composuisse existimatis: quum etiam Claudium Caesarem, historiam, hortante T. Livio, scribere adgressum, ne vere ac libere, quae mortem Caesaris sequuta erant, traderet, saepe castigatum ab avia et matre didicerimus.

*Mutatio  
status hisq-  
uae etiam  
natum mu-  
tas.*

*Quia publi-  
ci commen-  
tarii paucis  
patent sub  
Principe.*

CVIII. Adcessit ex ipsa imperii magnitudine cuncta adcurate tradendi quaedam desperatio. Nam ex eo tempore multa domi bellicae gesta sunt, quorum causas atque seriem pauci praeter auctores noverant; plerosque totum negotium pertinaciter falleret. Unde nemini vertendum vitio erit, si non obvia fide sine delectu omnia exceperit: praesertim quoties utcumque tradita manifestioribus rerum indiciis arguuntur.

CIX. Sed, ut ad seriem temporum revertamur, qua die Caesari cognomentum *Augusti* est impositum, Tiberis, proxima nocte exundans, plana urbis inundavit. res fortuita vatum interpretationibus in prodigium tracta est, incrementumque Caesari significari

*Tiberis ex-  
undatio pro  
omino habita.*

Cap. CVII. Tac. Hist. 1, 1. et Dio. Sueton. Claud. 41. Cap. CVIII. Dio,

U. c. 725. creditum, civitatem totam in potestate habituro. At  
 A. C. 27. ille, non jam potentiam, quae prius adfuerat, sed  
 iusti imperii decus atque bona cogitans, non omnia,  
 ut olim, privato consilio agebat. de plerisque Patres  
 consulebantur: precante ipso, *ne quis sibi patriaeque,*  
*si quod haberet consilium rectius, invideret.* neque diffi-  
 cilem se exhibuit, quidquid illi parum apte cogita-  
 tum iudicassent, corrigendo. Maxime autem a con-  
 sulis, aut, si locum alterum ipse occuparet, a colle-  
 ga postulabat admoneri. sed et ex aliis magistratibus  
 singulos, et ex reliquo senatu quindecim sortiri iussit,  
 quibus in proximum semestre adiutoribus uteretur, de  
 negotiis ad frequentem senatum referendis ante tracta-  
 turus. Eisdem etiam aliquando iudicaturus adhibuit.

*Augustus  
 bene impo-  
 rare studeat.*

CX. Exercebat tamen et senatus judicia, quemad-  
 modum olim: quin et legationibus interdum regum  
 atque nationum responsa dabat: populus comitiis in-  
 tererat: nihil tamen nisi de sententia Principis con-  
 stituebatur. Magistratus partim ipse designabat, par-  
 tim suffragiis sinebat creari; semper animum inten-  
 dens, ne indigni fierent, aut factionibus ac ambitio-  
 ni locus esset. His in universum ita ordinatis, dein-  
 cept singula, quae memorari digna occurrent, suis

*Majus esse  
 credens im-  
 perium bene  
 constituere,  
 quam para-  
 re.*

adnotata temporibus referentur. Non enim abs re  
 miratus Alexandrum hic Princeps, plerisque in ado-  
 lescentia subactis, ne materiam agendi postea non es-  
 set habiturus, timentem; majus esse existimavit, im-  
 perium partum bene constituere, quam, donec defuit,  
 quaerere. idque rebus ipsis laudabiliter praefecit.

CXI. Igitur eodem consulatu, vias extra urbem ex  
 manubiali pecunia sternendas triumphalibus viris dis-  
 tribuit; excepta sibi Flaminia, quae ad Ariminum us-  
 que pertinebat, quod per eam ducturus exercitum e-  
 rat. Celeriter ea permunita est, obque eam caussam  
 in duobus capitibus viae positi sunt arcus cum statuis  
 Augusti; unus in ponte Tiberis, alter Arimini: quo-  
 rum adhuc in nummis imago visitur, cum hac inscri-  
 ptione: S. P. Q. R. CAES. AUGUSTO. QUOD. VIAE.  
 MUNITAE. SUNT. In ceteras etiam vias, cunctanter  
 sumptum praebentibus aliis, multum de sua aut publi-  
 ca pecunia impendit. Ille tamen de sua dedisse ma-

Cap. CIX. Sueton. Aug. 35. Dio. Cap. CX. Plut. A-  
 pophth. Rom. in Aug. Cap. CXI. Sueton. Aug. 30. Strabo,  
 L. 5. p. 217. Dio. Pigh. ad Ann. 725. Dio.

lebat videri: eoque et argenteas statuas suas (quo ex metallo nulli antea Romano positae fuerant) sustulit, et conflavit omnes: et ex ea pecunia cortinas aureas in aede Apollinis Palatini posuit.

U. c. 725.  
A. C. 27.

CXII. Perfecto Flaminiae viae opere, ac viribus ex morbo, quo circa Nonas Majas correptus fuerat, recuperatis; profectus ab urbe Caesar Britannis inferre bellum constituerat. Sed, ubi perventum in Galliam est, obvios eorum oratores habuit, pacem petentium. Idcirco, deposito priore consilio, in Gallia substitit; quam recens subactam, sequutis deinde civilibus bellis, nondum bene certa ac stabilis forma continebat. Igitur, Narbonem evocatis populis trium Galliarum, quas pater Caesar vicerat, censum egit: moribusque eorum ac reipublicae firmitus constituendae operam dedit: certumque vectigalis modum, et inferendi tempora quibusque ac loca praescripsit.

*Augustus  
censum Gal-  
liarum agit.*

Cap. CXI. Plin. 23, 12. Dio. Sueton. Aug. 52. Cap. CXII. Dio. Lapis vetus apud Pigh. Dio. Hor. Carm. 3, 5. Strabo, l. 4. p. 200. Dio. Liv. Epit. Dio. Dio, l. 54. Druso Libone, et Pisone, Coss.



---

**E P I T O M E**  
**LIBRI CENTESIMI TRIGESIMI QUINTI.**

*Bellum a M. Crasso adversus Thracas, et a Caesare adversus Hispanos gestum refertur : et Salassi, gens Alpina, perdomiti.*

*Salassi, gens Alpina, perdomiti]* Salissi Boend. Sulasae Voss. Balassi ed. Camp. Salasi Berg. Norv. et edd. reliquae usque ad Moguntinam, quae Salassi emendavit. Tum *gens Alpinaeque domiti* Voff. *gens Alpium domiti* Berg. *gentes Alpinae perdomiti* Boend. Norv. omnesque excusi ante Gru-

terum, qui *gens Alpina perdomiti* restituit; quod est in Leid. et Lov. 2. Paulo ante *ab Caesare* Gronov. anno 1665. eumque secuti recentiores ediderunt, in vitis scriptis et edd. prioribus, in quibus constanter est *a Caesare*, quod revocavi. Tum *refertur* non adparet in Voss.

# JOHANNIS FREINSHEMII

## SUPPLEMENTORUM LIVIANORUM LIBER C.

### IN LOCUM LIBRI CXXXV. T. LIVII.

I. Eadem aestate M. Licinius Crassus M. F. M. N. U. c. 715.  
A. C. 27.  
*M. Crassi  
triumphus  
ex Thracia  
et Getis.*  
pro consule ex Thracia et Getis, ante diem quartum  
Nonas Julias, triumphavit. Bastarnae, nuperae cla-  
dis dolore Dentheletas et Sitam, quibus calamitatis  
suae causam imputabant; adorti, excitarunt Roma-  
num, illis gentibus atque regionibus belli minime ad-  
petentem. Ceterum, ut inquietas nationes, graviore  
damno castigatas, in longius pacaret, diligenter in-  
structis omnibus, operam dedit, ut imparatis super-  
veniret. Juvitque consilium Fortuna: et, profligatis  
levi negotio barbaris, leges pacis, quales Romanus  
voluerat, impositae. Victis Bastarnis, quum arma se-  
mel cepisset, ulcisci Thracas quoque statuit; qui pri-  
ori expeditione e Mysia revertentem latrociniis ve-  
xaverant, et tum quoque nihil pacati agitare nuncia-  
bantur. Igitur, in Merdos Serdosque exercitu in-  
ducto, nationes istas, proelio non uno victas, magno  
labore domuit; amputatis multorum manibus, quod  
aliter frangi feritas crudelissimorum mortalium non  
poterat. A Serdis istis vocatam regionem, quam Ser-  
dicam et Sardicam variante scriptura celebrant histo-  
riae; pro Merdis, quod, nescio, an usquam praeter-  
ea occurrat vocabulum, Maedos intelligere malim,  
vicinos Dentheletis, et a Serdis flumine tantum Nesso  
separatos.

II. Ceterum subjecta quaeque populando, quum *Odryas*  
ad Odrysas Crassus penetrasset, his in pacis speciem *Bacchi cli-*  
occurrentibus pepercit. *Bacchi se clientes* adsevera-  
bant, neque dignum ab ejus Imperatoris exercitu sacras  
terras vastari, cujus imperii praedictionem M. Octavio,  
*entes.*

Cap. I. Fasti Capit. Liv. Epit. 134. Dio, l. 51. An. Flor. 8,

4. Cap. II. Dio. Sueton. Aug. 94.

**U. c. 725.** *de filio consulenti, exhibuissent. Ritu enim loci vinum aris infusum, superato aedis culmine, in coelum emicasse laetissima flamma: quod ostentum nemini post Alexandrum Magnum factum fuerit.* Lucum eum tum temporis Bessi obtinebant: itaque Crassus his ademptum, prioribus cultoribus restituit. Haec agentem Roles excivit, cui cum alio Getarum Regulo (Dapygi erat nomen) bellum inciderat. In hos invectus Romanus quum equites pulsos in peditum ordines impegisset; non proelium ultra, sed caedes turbatorum atque defugientium, fuit. Dapyx in castellum munitum se contulit: quod quum obsideret Crassus, quidam, de muro Graece salutans eum, colloquium expetivit. per hunc proditi barbari, ne in manus inciderent hostium, mutuis vulneribus semetipsi conciderunt. Dapygis fratri, nisi captus fuisset, par cum aliis fatum sortituro, Crassus salutem et libertatem restituit.

*Spelunca  
Getarum, et  
alia loca  
capiuntur.*

III. His ita gestis, ad Ceïram signa promota. Est in regionibus eis spelunca ejus magnitudinis et munimenti, ut Titanes a Diis victi eo confugisse dicerentur. huc omnes opes suas finitimi, et, quod in his pretiosissimum erat, armenta et pecora incluserant. Crassus, perquisitis omnibus speluncae ostiis (tortuosa enim et occulta erant) obstructisque, necessariorum parandorum facultate exclusos fame subegit. Invitatus hoc successu, Zyraxis etiã regionem, licet Dapygis bello se nihil immiscuerat, invasit. Robustissimum ejus regionis oppidum Genucla fuit: ubi signa Romana esse dicebantur, quae C. Antonio apud Istrianos Getae ademerant. Ea, terra simul et ab Istro, cui adjuncta fuerant, oppugnata, parvo quidem tempore, sed non parvo labore, cepit, absente quidem Zyraxe; qui, ad primam belli famam cum pecunia, comparandorum auxiliorum causa, in Scythas profectus, nondum redierat. Interea Mysorum etiam populos, qui defecerant, per legatos recepit. Artacios, illibatam libertatem nullaue violatam deditioe jactitantes, ipse adgressus, ne vicinis fastidium conditionis suae facerent, quamquam fortissime repugnantes, in potestatem redegit, quum partem eorum superasset armis, ceteros, captivis suis metuentes, accipere condiciones pacis coëgisset.

*M. Messallae triumphus  
ex Gallia.*

IV. Ob eas res triumphum ei concessit Augustus; itemque M. Valerio Messallae propter Gallorum rebel-

Cap. II. Dio. Cap. IV. Appian. Civil. l. 4. p. 611.

lantium partem domitam. Circa amnem Aturum et Pyrenaeos saltus res gesserat, Aquitanorum maxime ferocia fracta. Triumphavit igitur pro consule ex Gallia ante diem septimum Kalendas Octobres: et ex manubiis viam sihce sternendam locavit; quam ne fuisse Valeriam existimemus, Tibulli poëtae, qui bello Aquitanico sub Messalla meruit, auctoritati damus, per Tusculanum Albanumque agrum ductam testantis, quum Valeria Tibure in Marsos et Pelignos pertineret. Dum haec aguntur, Augustus, in Hispaniam ex Gallia profectus, eam quoque provinciam pro ratione praesentium ordinavit. Adhuc Tarracone agentem Kalendae Januariæ deprehenderunt, quibus consulatum ipse octavum, T. Statilius Taurus iterum inierunt. Tum Agrippa, cui nulla munienda obtigerat via, aliud non minoris sumptus opus, Septa, dedicavit. Locum eum in Martio campo Lepidus antea comitiorum habendorum caussa porticibus instruxerat. Agrippa incrustavit, tabulisque et statuis exornavit, adeo pretiosis, ut pro quibusdam capite spondere tutelarii cogerentur. Sed Agrippa, nihil honori suo tribuens, *Septa Julia* vocavit, omnia referre ad Caesarem solitus, eoque et apud ipsum integra gratia; nec minus in magna gloria apud ceteros, quod optimorum consiliorum auctorem esse Caesari scirent.

U. c. 725.  
A. C. 27.

U. c. 726.  
A. C. 26.  
Imp. Augusto VIII.  
T. Statilio II. Coll.  
*Agrippa Septa dedicat.*

V. Longe diversis moribus Cn. Cornelius Gallus, *Cn. Cornelii Galli* pro instituti sui vanitate exitum habuit. Is, immemor *ruinae* cuius opus esset, auctori suo obrectare non verebatur: et, inter alia maleficia, Thebas, Aegypti nobilissimam urbem, pluribus ornamentis opibusque spoliata, exhauserat. Nec interim defuit statuas sibi, per omnem prope dixerim Aegyptum, ponere, et acta sua insculpere in pyramides. Nam Heroum urbem deficientem parva manu receperat: domueratque Thebas, propter tributum tumultuantes. Haec, quum, adcepto successore Petronio, in urbem redisset, Valerius Largus ex familiaribus ejus objecit; factumque est, ut Augustus Gallo amicitia et provinciis suis interdiceret. Sic cadere incipientem aliae, ut fit, adortae adcusationes prorsus adflixerunt, multorumque crimi-

Cap. IV. Dio, l. 49. fin. Tibull. 1. Eleg. 7. et 2, 1. Fassi Capit. Sueton. Aug. 24. Tibull. 1. Eleg. 7. v. 9. et 57. Strabo, l. 5. p. 238. Dio, l. 53. Sueton. Aug. 26. Dio. Plin. 36, 5. Dio. Cap. V. Ovid. Trist. 2, 446. Euseb. Chron. Marcellin. l. 6. Dio. Strabo, l. 17. p. 819. Dio. Sueton. Aug. 66. Dio.

U. c. 736. num, inter quae et conjurare contra Caesarem voluisse,  
 A. C. 26. insimulatus, sententiis Patrum, quibus causam judi-  
 candam imperator dederat, exulare iussus est: bona  
 ejus in fiscum Caesaris referri placuit, et ob hanc  
 vindictam honorem haberi Diis immortalibus; iisque  
 majoribus hostiis senatus nomine fieri. At Gallus,  
 ignominiam non ferens, ferro incubuit. Hic casus  
 primum ex Romanis Aegypti praefectum, inter pau-  
 cos Caesari carum, poetam nobilem, bello spectatum,  
 quadragesimo aetatis anno sustulit, quum tot egre-  
 gia naturae ac fortunae munera utendi nescius inex-  
 cusabili vecordia corrupisset.

*A suis a-  
 dulatoribus  
 procurata.*

VI. Atque hoc sicuti ad modestiam documentum,  
 sic illud ad cautionem hominibus fuit, quod multo-  
 rum suffragiis adactus ad extrema fuerat, qui prospe-  
 ritate magna usum adulationi propioribus officiis im-  
 pense coluerant. at illi, Largum videntes crescere.  
 ad hunc se transtulerunt, eundem illum, si quando fer-  
 ret occasio, haud segnius condemnaturi. At apud alios  
 propter amicum eversum tanta esse in invidia Largus  
 coeperat, ut C. Proculius, Caesaris amicitia notus  
 eques, quum forte factus ei esset obviam, manu os  
 atque nasum compressisse dicatur: quasi indicans, tali  
 praesente delatore, ne respirare quidem tuto quem-  
 quam posse. Alius, testibus adhibitis, Largum inter-  
 rogavit, *an se cognosceret?* et, negante illo, rem con-  
 signavit in tabulis, quasi homo improbus calumniari  
 vel ignotum nequiret. Casu Cornelii cognito, lauda-  
 tam quidem ab Augusto Patrum pietatem ferunt, tan-  
 topere pro se indignantium; sed et illacrimasse eum,  
 nobilique voce questum, *sibi soli non licere amicis,  
 quatenus vellet, irasci.*

*M. Egnatii  
 vecordia.*

VII. Tantum exemplum nihil M. Egnatium Rufum  
 deterruit, (adeo plures aliorum improbitatem aemu-  
 lari, quam vereri poenam, didicerunt) quominus ad  
 similem furorem prolaberetur. Aedilis nuper et alia  
 non inepte fecerat, et, oborto forte incendio, per  
 servitia sua et mercenarios opem tulerat laborantibus.  
 Ob ista populi jussu pecunia ex publico data, factus-  
 que praeter leges statim ex aedilitate praetor, in tan-  
 tum sibi placuit, ut Augustum contemneret, edicto-

Cap. V. Sery. ad Virg. Eclog. 10. Dio. Suet. Marcellin.  
 Serv. Dio. etc. Euseb. Chron. Cap. VI. Dio. Plin. 37, 24.  
 Dio. Sueton. Cap. VII. Dio. Vell. 2, 91. et Dio. Dio.

que proposito, *sua opera salvam integramque urbem successoribus tradi* gloriaretur. His quamquam offensus cum nobilissimo quoque Patrum Augustus, satis tamen in praesentia habuit aedilibus injungere, *darent operam, ne qua incendia exsisterent, aut, si exstitissent, in tempore restinguerentur.*

U. c. 726.  
A. C. 26.

VIII. Eodem anno Ponti rex Polemo, inter socios ac foederatos populi Romani adscriptus, in universo regno suo prima in theatris loca senatoribus Romanis dari praecepit. Et Romae Sex. Apulejus Sex. F. Sex. N. proconsul ex Hispania ante diem septimum Kalendas Februarias triumphavit. Sub idem tempus clausae nuper Jani portae denuo patuerunt. Britannos, promissa non servantes, bello petere Augustus destinavit. sed, praepeditus Salassorum, Cantabrorumque, et Asturum rebellione, ad hos prius pacandos consilia convertit. Igitur nono consulatu, cujus collegam M. Junium Silanum habuit, etiam Tarracone inito, ipse Hispanos domiturus Alpina bella Terentio Varro ni Murenæ demandavit.

*Rex Polemo senatores Rom. honorat.*

U. c. 727.  
A. C. 25.  
Imp. Augusto IX.  
M. Junio Coff.

IX. Salassi nuper Gallico bello M. Metellæ, castra propinquis locis habenti, ligna ad focum, ex hastilia ad exercitationes non, nisi pretio adcepto, dederant; et nuper, per simulationem viarum, aut pontium reficiendorum, cum magnis copiis juga montium insidentes, saxis in subjecta devolutis, pecuniam, quæ ad Caesarem portabatur, interceperant. Hos igitur divisis copiis Varro, quo pluribus locis invadens distraheret, haud difficulter paucos, numero succinctus exercitu, superavit. Pacem deinde petentibus quum certam pecuniam imperasset, tamquam nihil ultra passuris; dimisit, per causam exigendi, milites, comprehendique omnes, et adduci Eporediam jussit. Ibi sub hasta venierunt omnis ætatis sexusque millia sex et triginta; præterea hominum bello aptorum octo millia, lege addita, *ne aut in vicina regione servirent; aut vicesimum intra annum manumitterentur.* Ita perdomitis tandem Salassis, Augustus tria colonorum millia, maxime ex prætoriiis cohortibus, in optimam ejus agri partem misit; et, quo loco castra habuerat Varro, condi oppidum, et muris,

*Salassi, propter maleficia quædam, ab Varro Murena perdomantur.*

Cap. VIII. Fasti Capit. Oros. 6, 21. Dio. Sueton. Aug. 26. Dio. Cap. XI. Strabo, l. 4. p. 205. Dio. Strabo. Sueton. Aug. 21. Dio. Sueton. Aug. 21. Liv. Epit.

U. c. 727. quatenus natura locorum patiebatur, muniri iussit.  
A. C. 25. *Augusta Praetorianorum* adpellata.

*Cantabri  
Augustum  
in difficul-  
tates conj-  
ciunt.*

X. Difficilior adversus Cantabros Asturesque labor Augustus fuit: quum asperi homines, et pari situ defensi, nec pacem amplecterentur, nec in discrimen pugnae se darent adversus validiorem. Cantabrorum praecipua contumacia fuit: qui, libertatem usurpare non contenti, quoties Romanus metus aberat, Vaccaeos, et Turmodigos, et Autrigonas adsidue depopulabantur. At ubi, Sagesama recepta, castrisque ibi positis, tripartitas copias immisit Caesar; modo altioribus jugis praeoccupatis, modo per cava locorum aut silvestria positis insidiis, in has eum difficultates conjecere, ut prae curis laboribusque, per majorem partem aestatis exantlatis, in morbum incideret. Sed et frumenti penuria laboratum in castris est: quod, per difficiles vias parce ex Aquitania subvectum, incredibilis exorta murium multitudo diripiebat. Ergo et cum hoc tantulo animali belligerandum fuit; hominesque conducendi, pretio in certum captorum numerum constituto.

XI. Ceterum Augustus, Tarraconem regressus, C. Antistium bello praefecerat: eaque res ad celeritatem victoriae profuit. Quippe barbari, contempto Antistio, quum proelium commisissent ad Belgidam, (quod oppidum ab aliis Segidam vocari doctis placet) magna clade victi, Vinnium altissimum montem fuga petiverunt. Ibi tuti loco, necessariorum inopes, quam deditionem ferum extorquere nequiverat, fame subigente fecerunt. Alia deinde sunt ab Antistio oppida capta: sed cujus titulis Arracillum adcedere debeat, quando sub haec tempora et C. Furnius, et M. Agrippa his in regionibus res gesserunt, inter silentium auctorum parum liquet. Id tantum reperio, quum diu magna vi repugnasset, captum ac direptum esse. Post haec ulteriora quoque Gallaciae victores pervaserunt, classe etiam admota ab oceano, cui praefuisse C. Furnium arbitror; qui una cum Antistio Medullium montem, flumini Minio adjacentem, obsedit. Ista haec obsidio magno labore periculoque Romanis constitit. magna hominum multitudo huc confugerat: quae, quum ar-

*Medulli  
montis ob-  
sidio.*

Cap. IX. Strabo, et Dio. Cap. X. Dio. Flor. 4, 12. et Oros. 6, 21. Dio. Strabo, l. 3. p. 165. Cap. XI. Dio. Flor. et Oros. Dio. Flor. et Oros. Vell. 2, 90. Flor. et Oros.

mis resisteret, operibus expugnanda fuit. Igitur, obducta per quindecim millia passuum fossa, quum aliter captivitatem effugere barbari nequirent, inter epulas se certatim igne, ferro, ac veneno peremerunt.

U. c. 727.  
A. C. 25.

XII. Taxus arbor in Hispania nascitur: hujus e baccis venenum exprimebant, cetera quoque tam maleficae naturae, ut vasis ex eo ligno factis vina diffusa mortem adferant. hinc *taxica* vocata putant, quae vulgo *toxica* nominantur. Alii toxicon ex herba fieri, similitudinem apii referente, tradunt. id quoniam citra dolorem necet, adservare Hispanos in remedium acerbioris casus: eos maxime, quos gentili more supervivere post mortem ejus, cui se devoverint, nefas habetur. Hoc modo consumptis plerisque, ne quidem servari magna pars eorum, qui in potestatem venerant, potuere. adnotatum est, a puero, gladium forte nacto, jussu patris parentes cum fratribus omnibus interemptos: itemque alios una captos, a muliere. Nec enim ille sexus erat mollior: et interfecti sunt eo bello a matribus liberi, ne in potestatem hostis inciderent. Inter haec relevatus nonnihil Augustus ad castra rediit: fractosque jam hostes et in deditionem adceptos partim in plana deduxit, ne montium fiducia rebellarent; aliis obsides imperavit; ferocissimum quemque sub corona vendidit.

*Cantabrorum ferocia in consciscenda sibi morte.*

XIII. Sub idem tempus Astures, montibus suis degressi, castra juxta flumen Asturam (unde nomen genti) posuerant. Inde, trifariam divisis copiis, totidem Romana castra oppugnaturi, maximum terrorem imparatis periculumque intulissent; nisi T. Carisius, Trigaecinis sociorum consilia prodentibus, instructo cum exercitu occurrisset. Cruentum ibi certamen fuit, multis utrimque cadentibus, donec in fugam acti hostes Lanciam, urbium suarum maximam, confugerunt. Eam milites ab ira pertinacis proelii delere incendio cupiebant: donec Carisius, non parvo apud utrosque negotio, barbaris deditionem, suis clementiam persuasit; ut victoriae Romanae stans potius Lanciam, quam incensa, monumentum esset. Hanc victoriam, omnibus circum exterritis, sequuta gentis est deditio,

*Astures a T. Carisio domiti.*

Cap. XII. Plin. 16, 10. et Flor. Plin. Strabo, l. 3. p. 165. Strabo, l. 3. p. 164. Flor. Cap. XIII. Flor. et Oros. Isidor. Etymolog. 9, 2. Flor. et Oros. Dio. Flor. et Oros. Dio.



U. c. 727. concessis ei ad inhabitandum castris suis, quae in plano essent. Sic mansuefacti paulatim Astures, solum exercere et metalla, didicerunt: tum demum opibus suis cognitis, dum alieno lucro eas eruunt. Aurum enim fert Hispania coloresque, quorum Indico similis ex arena excoquebatur. Miniarium certe metallum maximi proventus in Baetica fuit: in Gallaecia vero *Minium* flumen inde nominatum putant, quod in eo magna vis ejus pigmenti reperiatur.

*Perpacata  
Hispania.*

XIV. Haec extrema fuit Augusti ductu suscepta expeditio: qua perpacata demum post annos ferme ducentos Hispania, si modicos mox tumultus excipias, provincia facta, Romano jugo sat patienter adsuevit. Augustus, bello confecto, militibus, emerita stipendia habentibus, sedem in Lusitania dedit, colonia condita, quam Augustam Emeritam adpellaverunt. Ibi ex praetoriis legatum constituit Caesar Carisium, sive Titus ei praenomen fuit, sive nummos potius istius fuisse credimus, (et est vero propius) qui, urbem cum turribus et portis praeferentes, hunc titulum exhibent, EMERITA: et in ambitu P. CARISIUS. LEG. PRO. PR. Majori parti Hispaniae consularis C. Antistius impositus est cum tribus legionibus, totidemque legatis. Ludos etiam in castris Marcellus ac Tiberius, aedilium vicem, ediderunt.

*Amyntas  
regnum in  
provinciae  
formam redi-  
gitur.*

XV. Jubae deinde regi, quod pleraque paterni ejus regni provinciae populi Romani adscripta fuerant, Gaetuliae quaedam concessae partes, et quidquid Bocchus ac Bogud, Mauritaniae reguli, obtinuerant. Per idem tempus Amyntas, multis Cilicum et Pisidarum castris occupatis, ad Homonadenses progressus, interfecto tyranno, dolo muliebri perierat. Ejus regnum, quamquam liberos reliquerat, in provinciae formam redegit Caesar, misso M. Lollio, qui primus eam pro praetore administravit. Huic Lycaones cum Gallograecis parere iussi, tum Sagalenses, et Selgenses, et quidquid sub imperio Amyntae fuerat Pamphylicae tantummodo partes, nuper eidem adtributae, suis legibus redditae sunt.

Cap. XIII. Flor. Justin. 44, 1. et 3. Plin. 35, 6. 33, 7. Justin. 44, 3. Cap. XIV. Flor. Liv. 28, 12. Vell. 2, 90. Strabo, l. 3. p. 158. Dio. Strabo, l. 3. p. 166. Plin. 4, 22. Dio. Pigh. Ann. Strabo. Vell. Dio. Cap. XV. Strabo, l. 6. p. 288. Strabo, l. 12. p. 569. Dio. Eutrop. 7, 5. Euseb. Chron. Dio. Strabo, ibid. et p. 571.

XVI. Ob haec, et quia Celtarum quosdam, ob negotiatores Romanos interfectos, armis ultus M. Vinnicius imperatoris nomen! Augusto et ipse quaesiverat, triumphos ex provinciis subactis Caesari senatus decrevit; eosque recusanti tropaeum super arcum statui iussit in Alpibus. id tamen complures post annos perfectum arguit inscriptio, pontificatum Augusti praeficiens, quem post mortem demum M. Lepidi adsumpsit. Talis enim illa fuit: IMPERATORI CAESARI DIVI. F. AUG. PONTIFICI MAXIMO. IMP. XIII. TRIBUNITIAE. POTESTATIS. XVIII. S. P. Q. R. QUOD. EJUS. DUCTU. AUSPICIISQUE. GENTES. ALPINAЕ. OMNES. QUAE. A. MARI. SUPERO. AD. INFERUM. PERTINEBANT. SUB. IMPERIUM. POP. ROM. SUNT. REDACTAE. GENTES. ALPINAЕ. DEVICTAE. TRIUMPILINI. CAMUNI. VENOSTES. VENNONETES. ISARCI. ceterorum deinde populorum longa series sequitur, quam ob ignota pleraque veteribus etiam monumentis vocabula praetermisi. Operis reliquiae prope Monoecum portum visuntur in Liguria. nam duobus supra miliaribus in praeruptis collibus adhuc columna cochleata superest, qua speculae et arcis loco utuntur incolae, corrupta nonnihil voce *Torpia* pro Tropaeis adpellantes.

U. c. 727.  
A. C. 25.  
*Tropaeum  
Augusti in  
Alpibus.*

XVII. Ob ejusmodi tam laeta, quum oppressa ubi bella viderentur, quorum causa nuper apertum Jani templum fuerat, iterum claudi placuit. Ducibus ac legatis Augusti, quorum opera bella confecta fuerant, jus datum, singulis annis uno die Kalendis Januariis gestandae coronae cum triumphali habitu.

XVIII. Omnibus his annis multus in urbe suis sumptibus exornanda M. Agrippa fuit, plurima et egregia opera molitus. Inter quae porticum exstruxit, navalium victoriarum praemium, Neptuno, quem Argonautarum celebri pictura decoravit, in omnibus suis operibus exemplo confirmare nisus, quod oratione, magnifica sane et maximo civium digna, de tabulis omnibus signisque publicandis habuit. Igitur et Thermarum suarum calidissima parte marmoribus parvas tabellas inclusit: et ante eas Lysippi distringentem dedicavit: et templum Ultori Jovi positum, cum Syra-

*Agrippa  
urbem mul-  
tis operibus  
exornat.*

Cap. XVI. Dio. Flor. Dio. Sueton. Aug. 31. Plin. 3, 20. Cluver. Ital. Ant. 1, 9. Cap. XVII. Dio, et Oros. Dio. Cap. XVIII. Strabo, l. 5. p. 235. Sueton. Aug. 29. Dio. Plin. 35, 4. Plin. 34, 8.

U. c. 727. cusanis columnarum capitibus, sic exornavit, ut pro-  
 A. C. 25. pter omnium Deorum conspicua in eo signa *Pantheon* adpellaretur: quamquam nominis ejus causam alii in simulacra Martis et Veneris, Deorum icunculis varie exulta, conferunt: Dio sic dictum a forma rotunda putat, quae coelum, Deorum omnium domicilium, imitetur. Sequentia tempora, quum Diis omnibus sacratum fuisse existimarent, omnibus Sanctis et Virgini coelorum reginae dedicarunt; hodieque durans id opus, propter solidae molis firmissimam stabilitatem, sub vocabulo sanctae Mariae Rotundae in exemplar perfectae Architecturae cernitur: testante titulo, *M. Agrippam L. F. consulem tertium fecisse*. Simulacrum Augusti collocare ibidem Agrippa voluerat, ejusque nomen operi praescribere: sed, utrumque illo recusante, dictatoris Caesaris statuam in aede, suam et Augusti in vestibulo posuit.

*Et Caesari,  
 et Reip. consulens.*

XIX. Haec tam magnifica opera, quum proxime contingere Principale culmen viderentur, honori tamen Agrippae potius apud Caesarem, quam fraudi fuere. Notus enim erat viri animus, Caesaris reique publicae causa facientis omnia, ut hanc operibus institutisque praeclaris, hunc gloria et benevolentia civium decoraret. Nam ornatui commoditatibusque Romanae urbis plurimum studens Augustus, per se et amicos in tantum enisus est, ut jure gloriaretur, *marmoream se relinquere, quam lateritiam adceperisset*. Igitur et nuptias filiae suae, quam M. Marcello, vix pueritiam egresso, desponderat, quod per valetudinem Romam venire prohibebatur, Agrippa vices absentis gerente, celebravit: et, aedibus M. Antonii in monte Palatino combustis, quas M. Agrippae et M. Messalae concesserat, huic quidem pecuniam dono dedit: Agrippam in suas aedes recepit. Quae quum maximo honori tanto viro essent, nihilominus alios quoque haudquaquam paribus meritis populus tum celebravit: C. Toranium tribunum plebis, quod patrem suum, quamquam libertum, juxta se considerare in theatro jusserat: P. Servilium, quod ejus ludis ursi trecenti, totidemque Africanae confectae fuerant.

XX. Pro-

Cap. XVIII. Plin. 36, 14. et 34, 3. Suidas. Dio. Vide Rosin. Ant. Roman. 2, 5. Dio. Pigh. Ann. 728. Dio. Cap. XIX. Strabo, 1, 5. p. 236. Sueton. Aug. 29. Dio. Sueton. Aug. 63. Dio.

XX. Proximus deinde annus, quidquid abesse potestatis Augusto videri poterat, obvia senatus voluntate delatum contulit. Kalendis Januariis, quibus magistratum decimum consul, collega C. Norbano Flacco, absens iniit, senatus universus in acta ejus juravit: et, quum adventum suum nunciandum curasset, (nam ob valetudinem infirmam diutius abfuerat) et ob eam causam divisurum populo quadringenos nummos, si senatui videretur; legibus semel omnibus eum solvit: ne quidquam facere, quod nollet, aut, quod vellet, praetermittere cogeretur. Haec absenti data. Postquam advenit, et alia propter salutem ejus atque redditum facta sunt, et honoris ejus causa propinquis quaedam concessa: Marcello, dicendae praetorio loco sententiae, petendique consulatus decem annis maturius, quam per leges liceret; Tiberio, ut quinquennio prius, quam leges annariae sinerent, in petendis honoribus ratio ejus haberetur. Simul etiam hic quidem quaestor; Marcellus, jam pontifex, aedilis curulis designatus est. Forte quaestores ad numerum non erant, qui in provincias mitterentur. idcirco placuit senatui, ut, quotquot proximo decennio magistratum eum gessissent, neque in provincias exissent, sortirentur.

U. c. 728.  
A. C. 24.

Imp. Augusto X. G.  
Norbano  
Coss.

*Senatus in  
acta Augusti  
jurat.*

XXI. Dum haec in urbe fiunt, Astures et Cantabri, simul atque decessisse Hispania Caesarem audiverunt, novae servitutis impatientes, arma resumpserunt. Ceterum, priusquam consilia nudarent, arte capere Romanos conati, missis nunciis ad L. Lamiam, is tum Hispaniensibus legionibus praeerat, frumentum et alia quaedam dono se dare exercitui significarunt. Deinde milites, adcipiendi gratia missos, quo quemque voluerant perductos, interemerunt. Sed hujus facinoris haud diuturnum eis gaudium fuit. Quippe, vastatione agrorum, et oppidorum incendiis, aliisque belli cladibus, celeriter domiti, poenas turbatae per insidias pacis dederunt.

*Astures et  
Cantabri rebellantes cito domantur.*

XXII. Alius eques Romanus, Gallus Aelius, in Arabiam Felicem signa Romana primus intulit. quam expeditionem ex Strabone potissimum, auctore quan-

*Aelii Galli  
expeditio in  
Arabiam.*

Cap. XX. Suetor. Aug. 41. Dio. Sueton. Tib. c. 9. Dio. Vell. 2, 94. Dio. Tac. Ann. 1, 3. Cap. XXI. Pigh. Ann. 729. Dio. Cap. XXII. Plin. 6, 28. Dio. Strabo, l. 2. p. 118. l. 16. p. 780.

Supplem. Liv. Tom. XIV.

Z 2

U. c. 728. tivis pretii, qui Gallo amicus sodalisque fuit, exse-  
 A. C. 24. quemur: Miserat hunc Caesar, ut eas gentes finiti-  
 masque tentaret, simul locorum situm, Aethiopicos-  
 que fines, et Troglodytas Aegypto vicinos exploraret,  
 qui sinu Arabico minime lato ab Arabibus separan-  
 tur. Hòs quia ditissimos esse sciebat, auro argento-  
 que aromata et lapillos permutantes, nec ementes ab  
 aliis quidquam; aut amicos habiturus opulentos, aut,  
 si hostes esse maluissent, ingentia inde spolia repor-  
 taturus videbatur. Spem dabat et Nabataeorum socie-  
 tas, quorum Syllaëus, fraudulentò, ut res docuit,  
 consilio, se ducem itineris, socium periculorum offe-  
 rebat. Ad Album pagum, id maximum Nabataeorum  
 emporium erat, dirigendum iter quum esset, negavit  
 pedibus penetrare eo exercitum posse; quum tamen  
 mercatores tanto camelorum et hominum numero  
 commeare inter Petram et Album vicum soleant, ut,  
 si multitudinem spectes, differre nihil ab exercitu vi-  
 deantur. Primum in eo peccatum fuit, quod adver-  
 sus homines minime bellicosos, mari praesertim, na-  
 ves longas apud Cleopatridem, qua veteri fossae Nili  
 proxima est, biremes triremesque ac phaselos circi-  
 ter octoginta construxit. Errore dein animadverso,  
 centum triginta onerarias aedificavit: imposuitque  
 militum Romanorum ac sociorum millia ferme decem,  
 in quibus erant cum Syllaëo mille Nabataei. Hero-  
 des etiam, in magna fame frumento, nuper adjutus  
 a Petronio, quingentos ex praetoria cohorte dele-  
 ctos auxilio miserat.

*Nabataeo-  
 rum regum  
 socordia.*

XXIII. Hi, circumducti per amfractus et aestuaria,  
 brevibusque aut occultis saxis insidiosos sinus, (pro-  
 pter quae magnis navibus in eo mari nemo utebatur)  
 quintodecimo die vicum Album adtigerunt, multis a-  
 missis navigiis, quamquam nemo dum hostium occur-  
 risset. Id socordia fiebat Nabataeorum regum, prae-  
 fectis suis, quos fratres adpellare consueverant, commit-  
 tentium omnia, praesertim quae ad rem militarem  
 pertinerent. Hoc instituto tum rex Obodas omnem  
 harum rerum curam in Syllaëum inclinaverat. Hunc  
 autem id agere suspicio erat, ut, explorata regione,  
 Romanos in subigenda parte ejus adjuvaret: deinde,  
 illis morbo, fame, et ceteris, quae structurus ipse

Cap. XXII. Plin. Strab. Joseph. Antiq. 15, 12. Cap. XXIII.  
 Strabo. Strabo, l. 16. p. 779. Strabo, l. 16. p. 781.

effet, malis, absumptis, ipse ab his occupata possideret. U. c. 728.  
 Hujus scelere factum, ut, per vasta loca et squallentia aestu circumducti, quum aquarum herbarumque malignitas insueta corpora tentaret, quod aestatis reliquum erat, cum sequuta hieme, circa vicum Album contererent. A. C. 24.

XXIV. Imprimis molestae Stomacace et Scelotyrbe fuerunt, ignotae nostro orbi haecenus pestes, sed illis locis familiares. Nam in capita primum incumbens vis mali, dentibus dejectis, faciem exsiccabat. Plurimi hoc genere morbi statim perempti: aliis a capite citra noxam mediarum partium ad pedes ea pestis transiit, genuum compagem solvens. Nec remedium inveniebatur, nisi quod oleum in vino potum inunctumque paucis profuit. Neutrum enim iis locis nascebatur, neque maximam eorum copiam secum adtulerant. *Stomacace et Scelotyrbe Romanum exercitum infestant.*

XXV. Idcirco transacta demum hieme, quum Augustus undecimum consul collegam Terentium Varro- U. c. 729.  
 nem Murenam, et, hoc celeriter defuncto, Cn. Calpurnium Cn. F. Cn. N. Pisonem, ultro ambitum a Caesare ac rogatum, haberet, Aelius Gallus, ex Albo vico A. C. 23.  
 copiis eductis, terrestri itinere similem ducum perfidiam expertus, post aliquammultos dies maxima cum Imp. Augusto XI.  
 defatigatione hominum animaliumque (nam et camelis A. Terentio  
 aquam portari necessum fuerat) in Aretae regnum Coss.  
 pervenit. Obodam adfinitate contingebat Aretas: eo Gallus in  
 promptius excepit Romanos, donisque hospitaliter co- Aretae regnum per-  
 luit. Nec ideo minus per tam aridam regionem diffi- venit.  
 cilis eis transitus Syllae perfidia et artibus fuit. Tri- Hostes levi  
 ginta dies per devia consumpti: quibus ferme Zea, et negotio vin-  
 dactylis raris, et olei loco butyrum praebente regio- cit.  
 ne vixerunt. Inde penetratum in campos magna parte desertos, quibus tum Sabus imperabat. vagam ibi  
 vitam pastoralemque degunt homines, *Aræna* vocatur. Per hanc quinquaginta dierum spatio, per inculta et  
 nvia loca, mitem pacatamque gentem adligerunt Negrarum: quorum rex quum ad gentis ignotae  
 amam diffugisset, oppidum primo impetu captum est. Sextis deinde castris ad flumen quoddam progressi,  
 um hostibus magno magis, quam difficili, proelio con-  
 tenderunt. Arcum et gladium, lanceamque, fundas-  
 tiam nonnulli, sed plerique bipennes habebant. his

Cap. XXIII. Dio, et Strabo. Cap. XXIV. Plin. 25, 3.  
 Strabo, et Dio. Cap. XXV. Fasti Capit. Pigh. Ann. Tac.  
 Ann. 2, 43. Strabo. Dio. Strab. Plin. 6, 28. Strabo.

U. c. 729. armis quam imperite et trepide sint usi, ne dicendum  
 A. C. 23. quidem arbitror, quum ea pugna, decem millibus  
 suorum amissis, tantummodo duos de Galli exercitu  
 interfecerint.

XXVI. Haec victoria eis Ascam oppidum, itidem  
 ab rege derelictum, aperuit. Hinc Athrullam pro-  
 cessum: captaque insigni, ut iis locis, urbe, copiis  
 oppidanorum, frumento maxime et dactylis, refecti,  
 Bhamanitas invaserunt Ilasaro parentes. Horum ca-  
 put in Calingiorum natione Mariaba fuit, superba ad-  
 pellatione: nam dominos omnium interpretantur. nec  
 abhorrebat oppidi magnitudo, sex millia passuum cir-  
 cumitu complectens. Nec in potestatem Romanorum  
 pervenit; inopia aquae septimo die solvere obsidio-  
 nem coactis. Praeter haec oppida, Nestum quoque,  
 Magnusum, et cum Tammaco Labeciam diruisse Gallus  
 traditur, et, quo longissime processit, Caripeta. Sed,  
*Sed morbis* quantum viribus superior erat, tantum eoque amplius  
*fatigatus* morborum violentia infestabatur: a quibus ad postre-  
*recedit.* mum expulsus est. occupata pristini cultores recepe-  
 runt. Gallus, quum tantum itinere bidui ab aromati-  
 fera abfuisset, ut ex captivis est cognitum, sexaginta  
 diebus omne id spatium remensus est, quod fraude  
 ductorum toto semestri vix confecerat. Nonis castris  
 Negrana rediit, undecimis inde Septem puteos, a re-  
 bus ipsis denominatum locum. Inde pacata excepe-  
 runt: vicus Chaalla, deinde Malotha flumini adjacens.  
 hinc per deserta et sitientia Negram itum, maritimum  
 vicum, ex Obodae regno. Inde diebus undecim cele-  
 berrimum Aegypti portum, quem *Muris* adpellant, te-  
 nuit. Inde Coptum; a Copto Alexandriam reliquias  
 exercitus reduxit. Nam morbo et fame, tum despe-  
 ratione ac taedio, major pars interierat; in bello se-  
 ptem omnino desideratis.

*Augusti*  
*morbus.*

XXVII. Hic annus saepe aegrotantem Augustum  
 decumano quasi morbo propemodum dejecit. omni  
 certe spe salutis abjecta, magistratibus, senatoribus  
 que, et equitum primoribus domum convocatis, testa-  
 mentoque facto, annulum Agrippae, Pisoni consul-  
 tationarium imperii tradidit, quo numerum exercitu-  
 um, et quid ubique caperet populus Romanus, au-

Cap. XXVI. Dio. Strab. Plin. Strabo. Plin. Dio, et Strabo.  
 Strabo. Cap. XXVII. Sueton. Aug. 81. Dio. Sueton.  
 Aug. 28. Dio.

exponderet, conscripserat. Successorem nominavit neminem, admirantibus, qui Marcellum eam in spem educari conjecerant. Antonius autem Musa, quum destillationibus vitiatum jecur calidis fomentis non juvabatur, ancipitem rationem medendi necessario complexus, frigidis eum lavacris potionibusque, et multo lactucae usu, restituit. Pro hoc merito multam hic Antonius et ab senatu et ab Augusto pecuniam, cum immunitate, non sibi tantum, sed et aliis medicinam facientibus, in perpetuum decreta, abstulit.

U. c. 729.  
A. C. 23

XXVIII. Ne tamen artis experimento nimium gloriaretur, non multo post Marcellus, ab eodem Musa simili methodo curatus, in Bajano sno intra duodevicesimum aetatis annum obiit. Hoc tam acerbum fatum, et prius quoque parum constans Marcelli valetudo, plani cujusdam audaciae colorem praebuit, se Octavia natum adserentis. Nam se, propter summam corporis imbecillitatem, ab eo, cui datus esset nutriendus, retentum, substituto suum in locum illius filio. Sed haec diu post adciderunt. Tum vero publico funere, ad quod sexcenti lecti intra civitatem ierunt, ingenti cum gloria pompaque elatum in campo sepeliendum curavit Augustus; ejusque laudationem ipse peregit. Civitas ejus mortem vehementer doluit, quod adfabilitatis et ingenuarum virtutum opinionem, frugalitate et continentia in illa aetate et opibus admirabili, haud exiguum sibi comparaverat. Sane, ut Augustus eum populo commendaret, praeter alias ingentes summas, quas ejus nomine insumpserat, paulo ante in ejus aedilitate celebrandos curaverat magnificentissimos ludos, quibus et eques Romanus, et matrona nobilis mimum egit: et, quum aestas praefervida incidisset, velis inumbrarat forum, ut salubrius litigantes consisterent. Memoriae traditum est, Virgilio carminis sui partem aliquando recitante, quod Marcello sepulcrum magno operi inseruit, Augustum et Octaviam prae nimio fletu vix durasse, donec locus absolveretur. Ad leniendum deinde luctum, colendamque adolescentis memoriam, honores ei decreti,

*Marcellus  
moritur.*

Cap. XXVII. Sueton. Aug. 81. et Dio. Plin. 19, 8. Dio. Cap. XXVIII. Serv. ad Virg. Aen. 6. v. 861. Propert. Eleg. 3, 18. Vell. 2, 93. Dio. Val. Max. 9, 15. Dio. Serv. Dio. Virg. Aen. 6. v. 872. et ibi Serv. Dio. Tac. Ann. 2, 41. Serv. Vell. 2, 93. Senec. Consol. ad Marc. c. 2. Dio. Plin. 19, 1. Serv. et Auctor vitae Virg.



U. c. 729. theatrumque jam coeptum a priori Caesare, juxta  
 A. C. 23. Pietatis aedem, *Marcelli* adpellatum: effigies etiam aurea cum corona ex eodem metallo facta, quae ludis Romanis in medio magistratuum, qui ludos facerent, curuli sella poneretur.

*Augusti testamentum.* XXIX. Ceterum recreatus e morbo Caesar, testamentum suum in curiam illatum ne recitaret, reclamante senatu, prohibitus est. Neminem imperii successorem a se relictum sciri volebat; quin aliquanto plus Agrippae, quam Marcello, tributum: ut sibi de se permissum populus intelligeret; et tamen, si libertatem nollet, Agrippae notas probatasque virtutes, quam spes incertas adolescentis, potiori loco habendas. Credo post mortem *Marcelli* magnam ei curam fuisse placandi Agrippae, cujus, *Marcellum* sibi putantis anteferri, patientiam desiderabat.

*Agrippa in Syriam mittitur.* XXX. In Syriam eum miserat, compositurum transmarinas provincias, ne Marcello, magnitudinem Agrippae haudquaquam aequis oculis adspicienti, contentionis occasio praeberetur. Hoc ille pudendam ablegationem, et frigus Augusti esse interpretatus; ne nimium cupidus negotiorum videretur, legatis suis in Syriam missis, Mitylenen processit. Ibi hibernantem Herodes adiit, qui Caesaream urbem recens condiderat, cum templo Romae et Augusti, quo loco prius turris Stratonis steterat. Ob hoc, et quia etiam Agrippae carus erat, nihil contra eum Gadarenis creditum; vinctique in potestatem ejus adcusatores traditi. Augustus porro praetoriis comitiis decem iterum creari jussit, majore numero rempublicam indigere negans: octo enim solitis provinciis, duos aerario sufficere.

---

Cap. XXVIII. Dio. Plin. 7, 36. Sueton. Aug. 29. Cap. XXIX. Plut. Marcell. fin. Dio. Sueton. Aug. 66. Cap. XXX. Dio. Joseph. 15, 13. Vell. 2, 93. Dio. Plin. 7, 45. Suet. Dio. Tac. Ann. 14, 53. Sueton. Joseph. Vell. 2, 89. Dio.

---

# EPITOME

## LIBRI CENTESIMI TRIGESIMI SEXTI.

*Raetia a Ti. Nerone et Druso, Caesaris privignis,*

### EPITOME LIBRI CXXXVI

Ante hunc librum invenio in libro manuscripto album intervallum esse relictum, cum his verbis: *Generaliter et communiter hic est defectus quorundam librorum*. Duos autem libros deesse puto eos, qui numerum expleant librorum centum quadraginta duorum, quos Petrarca a Livio scriptos ait (Rerum Memorandarum Tract. 1. c. 8.) Itaque hunc librum cxxxviii. appello, atque ita deinceps reliquos. Desiderantur ergo epitome lib. cxxxvi. et cxxxvii. Quod ex his rationibus colligitur: Censorinus [de Die Nat. c. 17.] ait, Livium libro cxxxvi ludos quintos saeculares tradidisse, quos fecit Augustus; qui facti sunt, Censorino ipso, et Dione, et aliis auctoribus, C. Furnio et C. Junio Silano consulibus. Est autem verisimile, eum, qui scripsit epitomas, quamvis exiliter eas ac tenuiter scripserit, verbo etiam mentionem eorum ludorum, ut rei maxime memorabilis, fuisse facturum, quemadmodum ante [lib. 49] quattorum ludorum fecerat. In libro autem cxxxvi. vulgato nulla eorum mentio fit. Nam de Rhetia victa a Tiberio et Druso agitur, quod bellum gestum est Druso et Pisone consulibus, ut ait Dio, id est, biennio postquam ludi seculares editi fuerant. Accedit, quod Hispani et Salassi in libro cxxxv. Caesare viii. et Silano consulibus, auctore Dione, subacti traduntur, id est, anno 1000 ab urbe condita. Si igitur in libro cxxxv. res explican-

tur gestae anno 1000, in eo autem, qui sequitur, de Rhetia agitur, quae victa fuit anno 1000. sane apparet, praetermitti res gestas novem annorum, qui interjecti sunt, multasque nobiles ac memorabiles actiones praeteriri: ubi enim de templo Jani ab Augusto clauso? ubi de tribunicia potestate Augusto data? Ergo duos libros medios intercidisse credendum est. SIGONIUS. Similiter in Mto Berg. vacuum spatium ante hujus libri Epitomen relictum, ad finem praecedentis adscripta verba, *Hic deficit*, et huic praefixum titulum *Ex libro CXXXVIII* inveni, et ita libris sequentibus usque ad finem, cui praescribitur *Ex libro CXLII*. Etiam Hearnius testatur, non dissentire Exc. Pithoei: sed in Norv. non plures, quam cxi. libros numerari. In Leid. et Lov. 2. hujusque libri Epitomae nulla inscriptio additur. At Voss. et Boend. qui antea turbant, et quosdam libros conjunxerant, non plures, quam cxxxix. agnoscunt; hanc autem Epitomen ex l. cxxxv. esse dicunt.

*Rhaetia a Ti. Nerone et Druso, Caesaris privignis, domita* Graecia Voss. Boend. Norv. et plures vetustissimarum edd. nisi quod, in Rom. principe Aretia esse, auctor sit Hearnius. Frobenius demum *Rhetia*, alii *Rhaetia* reposuerunt, ut praeferunt Leid. Lov. 2. et Exc. Pithoei. In Berg. quidem *Recia* scribitur, sed vacuo spatio relicto, ubi deinde litera majuscula pingeretur: in qua ne error committi pos-

*domita. Agrippa, Caesaris gener, mortuus; et a Druso census actus est.*

set leviori manu minuscula litera *g* adscripta erat; ut ejus librarius etiam *Grecia* legendum censuerit. Scribendum autem esse *Raetia*, dixi ad 5, 34. 11. Adde lapidem apud Reines. cl. 6. num. 123. et Donii Inscript. Class. 6, 17. etiam viros doctos ad Sueton. Tib. 9. Tum praepositio *a* deest in Voss. Praeterea *Tiberio Nerone, et Druso Caesaris privigno* Leid. Lov. 2. Boend. Exc. Pithoei, Norv. omnesque excusi usque ad Gronov. qui anno 1665. recte *privignis* emendavit; quod in Voss. fuisse videtur. *Tiberio Druso Caesaris privigno*, reliquis male omissis, Berg. Ceterum, Caesarem, utrumque privignum adversus Raetos misisse, ex historicis constat. Vide Dion. Cass. 54, 536. Vellej. 2, 95. et quos ibi laudat Boecler. Adsentiri enim nequeo celeberrimo Bentlejo, qui quidem recte locum Horatii 4, 5, 17. adversus Dacier. ita legendum contendit:

*Videre Raetis bella sub Alpibus*

*Drusum gerentem Vindelici.* Sed male eo utitur argumento, Drusum non cum Raetis et Vindelicis bellum gessisse; sed Drusum Vindelicos tantum, Raetos Tiberium adgressum esse. Ad quod probandum, imprimis urgeat verba Vellej. Pat. 1. laud. *Quippe uterque* (Tiberius et Drusus) *DIVISIS PARTIBUS Raetos Vindelicosque adgressi.* Verum ejus hunc sensum puto, Tiberium et Drusum utramque gentem non junctis, sed divisis copiis, neque iisdem, sed diversis locis, adgressos esse. Similis locutio est apud Liviam 44, 11. *Divisis partibus* (Cassandream) *oppugnare adorsi prae-*

*tor et Eumenes.* Ita forte legendum, pro *adorti*. V. ad 35, 51, 8. Certe Drusum Raetici belli duces agnoscunt etiam Suet. Claud. 1. *DRUSUS in quaesturae praeturaeque honore DUX RAETICI, deinde Germanici BELLI.* et Oros. 6, 21. *CLAUDIUS DRUSUS, privignus Caesaris, Galliam RAETIAMQUE sortitus* etc. Quin etiam Diol. laud. refert, priorem missum contra Raetos Drusum, ut eos a praedanda Italia arceret; sed, quum nihilominus Galliam infestarent rapinis, missum etiam esse Tiberium, ut illos ea parte adgrederetur. Videntur autem variis Raetorum, Vindelicorum, ac Noricorum populi junctis viribus bellam gessisse. Strabo enim 4. Geogr. 206. enumeratis harum gentium populationibus, addit *Ἰάντας δ' ἐπ' αὐτῶν ἀντίστωι καταδρομῶν Τιβέριος καὶ ὁ ἀδελφὸς αὐτοῦ Δρούσος Σεπία μῆα.* Licet igitur Dio 1. laud. et Auctor hoc loco solos Raetos memorent, eorum tamen nomine intelligendi etiam sunt populi vicini ac socii, Vindelici et Norici: ut etiam apud Horat. d. loco sub *Vindelicis* etiam comprehendi debent Norici et Raeti, unde Drusum cum *Vindelicis* bella gessisse dicit sub *Alpibus Raetis*.

*Ab Druso census actus est* In Galliis nempe, ut est in fragmento orationis Imperatoris Claudii apud Gruter. Inscript. pag. 1011. *DUKERUS. a Druso* Voss. et Lov. 2. *et a Druso* Leid. Berg. Exc. Pithoei, Norv. omnesque excusi ante Gruterum, qui copulam expunxit. *et Druso* Boend. *ab Druso* Gron. Copulam iterum addendam censui.

# JOHANNIS FREINSHEMII

## SUPPLEMENTORUM LIVIANORUM LIBER CI.

### IN LOCUM LIBRI CXXXVI. T. LIVII.

I. Hoc tempore Caesar, sive continuationem tot consulatuum invidiosam putans, effectisque, in quae tetenderat, inutilem, sive propter frequentes morbos otii cupidior, quum duodecimum designaretur, antea quoque reniti solitus, constanter abnuvit, quo ad plures hic pervenire honor posset. Et, quo magis hoc sentire crederetur, magistratu abdicato, in Albanum profectus est. L. Sestius suffectus, Publii filius, qui bello Philippensi pro quaestore Bruto fuerat, ejusque ne tum quidem, licet damnatam vi triumvirali, memoriam laudibus et benigna recordatione, servandisque ejus imaginibus, atque ipsi quondam Augusto monstratis, recolere desinebat. Unde et Augusto gloriae fuit, honore potius, quam odio, dignam duxisse viri fidem et in amicitia constantiam.

U. c. 729.  
A. C. 23.  
*Augusto abdicanti consul L. Sestius sufficitur.*

II. Nec ignarus ille, talibus se testimoniis animi magnitudinem adprobare, laudemque sine detrimento potentiae consequi, bene de praecipuis eorum, quos expertus adversarios fuerat, et sentiebat, et loquebatur. Mediolani statua Bruti erat conspicuo loco posita: quam, ex aere diligenter ac artificiose factam, quum Augustus inspexisset, praeteriit: moxque subsistens, multis audientibus, vocari magistratus jussit: *animum se civitatis ab se alienum deprehendisse ex eo, quod hostem suum secum haberent.* Perterritis his, ut necessum erat, et pernegantibus, ac in mutuo intuitu defixis, converso ad statuam contracto vultu, *Hic ergo inquit, hostis noster non vobiscum est?* Tum vero impen-

*Augustus de suis olim adversariis benevole loquitur.*

Cap. I. Sueton. Aug. 26. Vell. 2, 89. Dio, l. 54. Pigh. Ann Dio. Appian. Civil. l. 4. p. 619. Dio. Cap. II. Plut. Comparatione Dionis et Bruti.

U. c. 729. A. C. 23. sius illis paventibus adridens laudavit Gallos, quod etiam infortunatis amici esse non desinerent: statumque moveri loco prohibuit.

*Ciceronem  
dicit amantem  
fuisse  
patriam.*

III. Idem, studenti aliquando nepotum alicui superveniens, quum puer territus volumen Ciceronis, quod manu tenebat, veste tegeret, requisivit, inspectoque, magnam ejus partem stans evolvit: libro deinde reddito, *Doctus*, inquit, *hic vir fuit, fili; doctus, et patriae amans*. Ob has igitur aequissimi animi demonstrationes hoc anno senatus ei perpetuum tribunatum plebis decrevit; perpetuum proconsulare imperium, etiam in urbe, neque renovandis auspiciis indigens: jusque referendi ad Patres, tametsi consul non esset, de uno aliquo negotio, quod ipse legisset, quoties senatus convocaretur. Ab his temporibus inolevit, Principes Romanos et ceteris iis honoribus, et tribunitiae potestatis titulo ac jure, uti; quod et priori Caesari decretum Augustus omnium primus exercuerat, tribuni quidem numquam usurpato nomine.

*Teridaten  
et legatos  
Parthorum  
in curiam  
adducit.*

IV. Sed haec neque per adulationem tributa videbantur. dignus erat, qui haec consequeretur libera voluntate tribuentium, quos ubique tamquam liberos imperiique consortes tractare consueverat. Igitur et Teridaten induxit in curiam, et Parthorum legatos, qui adhuc in Hispania agentem adcesserant: neque prius cognitionem earum controversiarum, quam ab senatu mandaretur, suscepit. Exitus hic fuit, ut filium Phrahati sine pretio remitteret, captivos pro eo signaque militaria, Crassi primo, deinde Antonii claudibus capta, invicem recuperaturus. Teridaten dedit, adversus fidem videri respondit; eidemque, donec apud Romanos esse vellet, alimenta liberaliter constituit.

*Via ab Emerita  
Gades perducitur.*

V. Eodem anno viam, ab Emerita Gades perductam, temporis illius verbis, quam meis, explicare malo. Lapis est Emeritae cum hac inscriptione: IMP. CAES. DIVI. F. AUGUSTUS. PONT. MAX. COS. XI. TRIBUNIC. POTEST. X. IMP. VIII. ORBE. MARII. ET. TERRA. PACATO. TEMPLO. JANI. CLUSO. ET. REP. P. R. OPTIMIS. LEGIBUS.

Cap. III. Plut. Cic. fin. Dio. Supra, 112, 59. et 116. 8. et 33. Cap. IV. Tac. Ann. 3, 56. et ibi Lips. Dio. Justin. 42, 5. et Dio, libb. 51. et 53. Cap. V. Grut. Inscript. p. 149, 4.

ET. SANCTISSIMIS. INSTITUTIS. REFORMATA. U. c. 719.  
A. C. 23.  
 VIAM. SUPERIORUM. COSS. TEMPORE. INCHO-  
 ATAM. ET. MULTIS. LOCIS. INTERMISSAM. PRO.  
 DIGNITATE. IMPERII. P. R. LATIOREM. LON-  
 GIOREMQUE. GADEIS. USQUE. PERDUXIT. Haec  
 ejus anni gesta servavit antiquitas: et quod novo ex-  
 emplo C. Calpurnius, quum antea curulis aedilis fu-  
 isset, tum in demortui plebeji locum suffici passus est;  
 quodque feriis bini singulis diebus praefecti fuerunt,  
 et in his quidam puer.

VI. Anni intemperies his et proximis consulibus *Morbi ex  
anni intem-  
perie.*  
 tanta fuit, ut, vulgatis morbis, magna vis hominum  
 interiret. is casus Liviae patrocinari visus est, quo  
 minus verisimilis ea criminatio videretur, per quam  
 aliqui Marcelli praematuram mortem artibus ejus mu-  
 lieris imputabant; amoliri conantis adolescentem, qui  
 suorum filiorum obstaret incrementis. Prodigiiis ad-  
 numeratus intra urbem lupo deprehensus; ignique  
 aut tempestatibus adflicta aedificia; et quod auctu Ti-  
 beris pons sublicius fractus est, urbsque sic inundata  
 per triduum, ut navibus transiri posset. Idemque et  
 sequenti anno factum, quo consules M. Claudius M.  
 F. Marcellus Aeserninus, L. Arruntius L. F. L. N.  
 fuerunt. U. c. 730.  
A. C. 23.  
M. Claudio  
L. Arruntio

VII. Tum etiam fulminibus praeter alia statucae in Coss.  
*Augustus  
oblatam di-  
ctaturam de-  
precatur.*  
 Pantheo ictae, et Augusti simulacro hasta, quam ma-  
 nu tenebat, excussa. Fames deinde, ut solet, sequen-  
 ta pestilentiam, quod, aegris aut mortuis cultoribus,  
 arva squallebant, religionem iniecit multitudini, me-  
 rito sic laborare rempublicam, quod Augustum sine  
 magistratu agere pateretur. Igitur dictatorem dicen-  
 dum conclamant: ad curiam pergunt; Patres, lege  
 sublatam dictaturam caussatos, includunt, ni postula-  
 tis suis obsequerentur, incendium denunciantes. Mox  
 ad ipsius fores profecti cum quatuor et viginti fasci-  
 bus, *uti dictaturam et exemplo Pompeji curationem an-  
nonae susciperet*, oraverunt. Ille, quum constanter  
 excusando parum moveret vulgus, scissa veste, ac  
 nudo pectore, genu nixus deprecatus est. Annonam,  
 licet id quoque invitus, recepit curaturum: constitu-  
 itque, ut ex praetoriis, qui sortiri provincias debe-  
 rent, bini quotannis frumento dividendo praeessent.

Cap. V. Dio, l. 53. Cap. VI. Dio, l. 54. Vell. 2, 89. Sue-  
 ton. Aug. 52. Dio.

U. c. 730. Interim quaestori Ti. Neroni curandae frumentariae  
A. C. 22. rei negotium datum.

*Sed nec cen-  
suram per-  
petuam reci-  
pit.* VIII. Nec dictaturam tantum abnuvit Caesar, sed  
censuram etiam perpetuam rogatus accipere noluit;  
statimque designavit alios, Paullum Aemilium L. F. M.  
N. Lepidum, L. Munatium Plancum: quorum alter  
proscriptus ipse fuerat, hic proscripti frater. Hi  
discordem censuram, parumque reipublicae utilem  
egerunt; neque is honor postea cuiquam privatorum  
tributus est: ne Principes quidem ante Claudium Cae-  
sarem receperunt. id significatum omine credidit vul-  
gus, quod prima magistratus die tribunal, in quo  
censores consederant, fractum fuit.

*Censura diu  
intermissa.*

IX. Augustus, quum Lepido vis atque industria,  
Planco propter vitam turpiter actam auctoritas censo-  
ria non inesset, plerasque magistratus ejus partes ip-  
se obiit. Id quam fuerit necessarium, vel inde intel-  
ligas, quod L. Domitius Plancum censorem via sibi  
decedere aedilis coëgit. Tum ergo collegia Augustus  
antiqua correxit, nova sustulit: ludos curari a praeto-  
ribus iussit; sed ita, ut supra certam summam non  
liceret iis impendere; cetera e publico aerario de-  
promerentur; nec munus gladiatorium injussu senatus,  
aut saepius, quam bis, eodem anno; aut pluribus,  
quam sexaginta, paribus ederetur. Aedilibus curuli-  
bus ad arcenda incendia sexcentos adtribuit servos.  
equites Romanos et feminas illustres scenicas operas  
facere vetuit.

*Augusto  
maledixit  
Varro.*

X. Haec quum usurparet summae potestatis munia,  
ceteris adeo civilem se exhibuit, ut et amicis adesset  
in iudicium vocatis, et adversariorum convicia pati-  
enter exciperet. Forte M. Primus, ob illatum in Ma-  
cedoniae proconsulatu Odrysis bellum causam dicens,  
modo mandatum id sibi ab Augusto, modo a Marcel-  
lo, jactabat. Ea re intellecta, sponte ad iudicium  
Augustus venit, interrogantique praetori negavit se  
mandasse. Tum L. Varro Murena, gravibus maledi-  
ctis adortus Caesarem, quum ad extremum adderet,  
*Tu vero, cujus vocatu ades? Reipublicae*, respondit.  
Hoc ejus factum dictumque collaudarunt Patres, ei-

Cap. VII. Vell. 2, 94. et Sueton. Tib. 8. Cap. VIII. Dio.  
Val. Max. 6, 8. Vell. 2, 95. Dio. Sueton. Claud. c. 16. Dio.  
Cap. IX. Vell. Dio. Sueton. Ner. 4. Dio. Cap. LVI. Sueton.  
Aug. 56. Dio.

que decreverunt jus, quoties vellet, senatum cogendi. nec defuere tamen, qui non modo absolverent Primum suis sententiis, sed etiam qui perniciem Augusto machinarentur.

U. c. 730.

A. C. 22.

XI. Fannius Caepio conspiracy auctor habebatur; inter socios et Murena nominatus est: fecitque fidem criminationi in homine cetera non improbo nimia dicendi libertas, quam in omnes promiscue sine modo stringebat. Igitur, a Tiberio Caesaris privigno lege maiestatis apud iudices postulati, fugerunt; nihil aut caussa, aut propinquorum potentia confisi. Nam Proculejus, Murenæ frater, et paterno in eum animo, tam carus erat Caesari, ut de collocanda ei Julia deliberaret; et Maecenas adfinis in flagrantissima Caesaris gratia, cujus ille et conjugem, sororem Murenæ, Terentillam adamabat. Hanc tamen aperuisse fratri creditum sibi a Maecenate secretum compertæ conjurationis, eoque maturius fugisse reos, Caesar suspicatus, quum neque defuturos putaret, qui absolverent, si latere potuissent; legem tulit de his, qui iudicium defugerent, uti hos damnari absentes fas esset, et in talibus causis iudices palam suffragia ferrent. Id utilitatis publicae causa, non a propria ira, fecisse Caesarem, argumento fuit, quod sequitur.

*Fannius  
Caepio in  
eum conspi-  
rat.*

XII. Quum aqua et igni reis interdictum esset, Caepionem servus in cista detulit ad Tiberim: per-  
vectumque Ostiam, in Laurentinum patris Caepionis noctu perduxit. Inde clam pervenere Cumas; conscensoque navigio, tempestatibus ad Neapolin ejecti, quum proderentur, in ea urbe servus Caepionem abscondit: exceptusque a centurione, nec vi nec minis, ut dominum proderet, expugnari potuit. Hero tamen pietas ea non profuit, quin, alterius servi scelere deprehensus, poenas morte daret. In his duobus pater Caepio liberrime animi sui iudicium exercuit, manumisso fideli servo; proditore ad supplicium crucis per medium forum rapto, et titulum meriti palam praeferente. Unde et ipse non inglorius, et celebrata sermonibus Augusti aequitas fuit, haec omnia civili ani-

*Es fugiens  
interficetur.*

Cap. XI. Vell. 2, 91. Sueton. Aug. 19. Vell. et Dio. Sueton. Tib. 8. Dio. Hor. Carm. 2, 2. Tac. Ann. 4, 39. et 40. Dio. Sueton. Aug. 69. Sueton. Aug. 66. Dio. Cap. XII. Macrobi. Sat. 1, 11. Dio.



U. c. 730. mo ferentis. Neque dubitatur, quin etiam iniquissimis  
 A. C. 22. satisfactorius fuerit: nisi mox in iudicio Castricii, per  
 quem de conjuratione cognoverat, exorato coram iudici-  
 bus accusatore, reum eripuisset. Etiam Murena de-  
 prehensus periit, cui Athenaeus philosophus, Romam  
 deductus, quum fugae tantum, non etiam sceleris,  
 socius fuisse videretur, ab Caesare dimissus est. Eo-  
 dem tempore Cyprum et Narbonensem Galliam, pa-  
 catas jam provincias, populo restituit Caesar: et ex  
 eo proconsules in has missi.

*Jovis To-  
nantis aedes.*

XIII. Tum et aedem Jovis Tonantis in Capitolio, marmoreis ex solida gleba parietibus structam, dedi-  
 cavit; bello Cantabrico votam, quum per nocturnum  
 iter lecticam ejus fulgur perstrinxisset, servumque  
 praelucentem exanimasset. Tum quoque inter ipsa sa-  
 cra tonuisse memorant: oblatumque postea somnium  
 ei, Jovem Capitolinum queri visum, quod cultores  
 ab se abducerentur. Nam, propter nominis et for-  
 mae novitatem, et quod nobilissimum Leocrae opus  
 praestantia tam artificis, quam dedicantis, commen-  
 dabatur, praeterea fanum illud adscendentibus in Ca-  
 pitolium proximum erat, ab omnibus frequentari To-  
 nans ille coeperat. Ipse visus est respondere Capito-  
 lino: *Tonantem ei pro janitore adpositum.* Orto igitur  
 die, somnia neque sua, neque aliorum de se, negli-  
 gere solitus, tintinnabulis fastigium aedis Tonantis re-  
 dimivit: quibus uti janitores consueverant, noctu  
 praesertim, si quid forte significandum dominis in-  
 cidisset.

*Astorum et  
Cantabro-  
rum punia  
defectio.*

XIV. Sub id tempus iterum mota est Hispania de-  
 fectione Astorum, quos Carisius fastu et crudelitate,  
 tum Astorum imitatio Cantabros ad arma egerat. Can-  
 tabris C. Furnius erat impositus. hunc ii, tamquam  
 rerum suarum rudem, spernebant. Sed in ipso ope-  
 re longe alius adparuit, et per eum maxime, nam et  
 Carisio suppetias tulerat, utraque natio jugum rece-  
 pit. Cantabrorum tamen plerique libertatis despera-  
 tione mortem sibi consciverunt. Mitius aliquanto ge-  
 nus Astures, simul ab obsidione loci, quem adorti  
 fuerunt, rejectos C. Furnius proelio vicit, in dediti-  
 onem venerunt.

Cap. XII. Sueton. Aug. 56. et Dio. Strabo, l. 14. p. 670.  
 Dio. Cap. XIII. Sueton. Aug. 29. Dio. Plin. 36, 6. Sueton.  
 Aug. 91. Dio. Plin. 36, 8. Dio. et Sueton. Cap. XIV. Dio.  
 Flor. 4, 12. Dio. Flor. Dio.

XV. Eodem anno in Aethiopiam primum signa Romana penetrarunt his caussis. Dum partem copiarum Aelius Gallus Arabico bello occupat, Aethiopes, spreis, quae in Aegypto remanserant, castra cohortium Syene constituta subito adventu expugnarunt. Pari velocitate deinde Elephantina ac Philis potiti, captos in servitutem redegerant, statuis Caesaris ubique dejectis. Igitur Petronius, cum peditatu minus decem millium, equitibus octingentis adcurrrens, triginta hominum millia fugere ipsa adventus sui fama coegit. Ipse sequutus, ad Pselcham, oppidum Aethiopiae, legatos res repētum misit. Illi se a nomarchis lacesitos iusta piaeque arma corripuisse responderunt. Vicissim Petronius, Caesarem esse dominum regionis, nomarchas non esse, regerens, tridui spatium petentibus ad deliberandum dedit.

U. c. 730.  
A. C. 22.  
*Aethiopi-  
cum bellum  
Petronii.*

XVI. Pervenit tamen res ad pugnam: sed, propter et imperitiam instruendi et inepta arma hostium, facilis victoriae. Scuta ingentia ferentes e crudo bovis corio, securibus alii, aut contis rem gerebant, rari gladiis. Nec eundem omnes locum fuga petierunt. Pauci in deserta abdiderunt sese: plures vicinum oppidum adcepit: fuerunt, qui in proximam insulam nando trajicerent, quod ea parte propter velocitatem amnis minime multi crocodili erant. In his duces etiam fuerunt reginae Candaces, quae, virili animo mulier, Aethiopibus tum imperabat, altero oculo capta. Hos, in potestatem statim redactos, (nam ratibus et quibusdam navigiis partem armatorum transjecerat) Alexandriam misit. Nec Pselcha moram fecit, tantaque multitudo captivorum fuit, ut, addita numero interfectorum, paucos ex illo exercitu evasisse constaret. Ab hoc oppido, per arenae cumulos, qui Cambysis copias intexerant, profectus, Premnin, munitam situ urbem, ex itinere oppugnatam cepit. Inde praeter Aboccin, Phthurin, Canbusin, Attenam, Stadisin, ubi Nilus, maximo cum fragore se praecipitans, auditum adcolis auferre dicitur, captis, quae memoravimus, oppidis, Napata perventum.

*Fuga et  
damna Ae-  
thiopum.*

XVII. Regia Candaces haec erat: et ipsa, pro-  
pinquo se castello tenens, legatos de pace misit,  
captis ad Syenen hominibus statuisque restitutis. Nec

*Inter quas  
capta Na-  
pata, regia  
Candaces.*

Cap. XV. Strabo, l. 17. p. 820. Dio, et Strabo. Plin. 6,  
29. Strabo. Cap. XVI. Plin. Dio. Plin. Strabo.

U. c. 730. ideo minus, filio reginae puero Napatæ profugiente,  
A. C. 22. capta urbs ac diruta. Jam circiter nongenta passuum  
millia processum ab Syene fuerat: igitur, intellecto,  
ulteriora propter arenam vix adiri posse, cum prae-  
da recessit Romanus, relicto Premni praesidio, quod  
oppidum diligentius permuniuerat, copiisque, quan-  
tae viris quadringentis in biennium sufficerent, in-  
struxerat. Captivorum major pars Alexandriae ven-  
dita: mille delectos ad Caesarem Petronius misit, tum  
recens e Cantabris reversum: ceteri morbo interie-  
runt ex peregrini coeli impatientia. Dum ad hunc  
modum praemiis victoriae Romanus perfruitur, Can-  
dacen, numerosissimo exercitu coacto praesidium op-  
pugnaturam, summa celeritate usus, antevertit, ipse  
Premnin ingressus cum multo rerum necessariorum  
adparatu. Quod ubi erat factum, Candace, desperans  
armis, legatos iterum misit; qui, Caesarem adire  
iussi, nec quis esset Caesar, nec ubi esset, scire se,  
responderunt. Idcirco, datis ducibus, ad Augustum  
deducti, facilem ad desideria sua repererunt; isque  
tributum etiam, quod erat imperatum, remisit.

Caesar  
ignotus Aethi-  
opibus.

XVIII. In Samo tum hibernabat Caesar, ad obeun-  
dam imperii partem urbe profectus. Illa peregrinati-  
one patuit, quam necessaria Romanis potestas unius  
esset, libertatem ultra ferre nescientibus. Vix in Si-  
ciliam Caesar transmiserat, quum Romæ consulari-  
bus comitiis tanto ambitu certatum est, ut parum a  
tumultu res abesset. M. Lollius jam inierat, gerebat-  
que solus: quod Augusto servari locum populus vo-  
luerat. Postquam ab illo non suscipi consilium in-  
notuit, studia candidatorum miris certaminibus exar-  
sere. Q. Lepidus, L. Silanus petebant, ea magnitu-  
dine et vehementia factionum, ut adiri Caesarem  
prudenterissimo cuique placeret. Ille competitores evo-  
care in Siciliam maluit: castigatosque verbis, et ab-  
esse, dum comitia peragerentur, iubens, dimisit. Ne  
sic quidem satis quietae res fuere: postque multas tur-  
bas vix creari consul Q. Lepidus potuit.

U. c. 731.  
A. C. 21.  
M. Lollio,  
Q. Lepido  
Coss.  
Candidato-  
rum consu-  
latus certa-  
mina.

XIX. Ergo Caesar, nec passurus talia, nec soli  
vacaturus Romæ, quum in tam diffuso Imperio sac-  
pe adeundae provinciae essent, cum Maecenate deli-  
beravit: *utrumne M. Agrippam, quo plus ei ad tantum  
regen-*

Agrippa fi-  
liam Augu-  
sti ducit.

Cap. XVII. Plin. Strabo. Cap. XVIII. Dio.

*regendum populum auctoritatis esset, data in matrimonium filia, urbi praeficeret?* quo tempore responsum a Maecenate Caesari ferunt: *Tantum jam Agrippam fecisti, ut aut gener habendus sit, aut occidendus.* Id consilium quum dedisset, excivit Agrippam ab Asia Caesar, misitque Romam, dimissa Marcella, Juliam ducere jussum, urbisque curam capessere. Habeo auctores, Marcellae matrem Octaviam id consilium dedisse Caesari, quum videret anxie cogitantem, quemnam amicorum tanta conditione adtolleret. Eadem filiam, ab Agrippa dimissam, Julo Antonio M. F. collocavit. Ceterum minime fefellit Caesarem opinio: motus urbanos Agrippa mature composuit: praefectum urbi Latinarum causa, quum ea quoque de re certamina exorta non quiescerent, creari vetuit: Aegyptia sacra, iterum in urbem dissimulanter introducta, ultra quingentos passus submovit.

U. c. 731.  
A. C. 21.

*Et motus  
urbanos  
componit.*

XX. Caesar interim, constitutis Siciliae rebus, et Syracusis aliisque civitatibus coloniae Romanae jure concessio, in Graeciam trajectus, Lacedaemoniis, quod Liviam suam, quo tempore cum viro ex Italia profugerat, hospitaliter habuissent, de quatuor et viginti Eleutherolaconum oppidis Cythera cum aliis quinque dedit; principes civitatis coenae suae adhibuit. Atheniensibus contra, propter Antonii favorem, Aeginam ac Eretriam ademit: interdicto etiam, ne jus civitatis suae cuiquam venderent. Eam sibi calamitatem fuisse significatam prodigio Athenienses putavere, quod Minervae flans in arce simulacrum ab oriente se ad occidentem converterat, sanguinemque expuerat. His aliisque rebus ita confectis, in Samo hiemem exegit Caesar. Romae pontem Fabricium, refectum a L. Fabricio C. F. curatore viarum, Q. Lepidus M. F. M. Lollius M. F. consules ex senatusconsulto probaverunt: et L. Sempronius L. F. L. N. Atratinus pro consule ex Africa quarto Idus Octobres triumphavit.

*Minervae  
simulacrum  
sanguinem  
spuit.*

XXI. Jam M. Appulejus Sex. F. P. Silius P. F. Ner-  
va consules erant; quum Samo progressus Caesar Asia-  
m ac Bithyniam et Syriam invisit. Quamquam enim hae populi provinciae dicebantur, non minori curae erant omnium principi, atque animo regis om-  
nis in Asia.

U. c. 732.  
A. C. 20.  
M. Appulejo,  
P. Silio Coss.  
Acta Caesaris  
in Asia.

Cap. XIX. Plut. Anton. 8a. Tac. Ann. 4, 40. Plut. Dio.  
Cap. XX. Pausan. 3, 21. Dio. Pigh. Ann. Fasti Capit. Cap.  
XXI. Dio.

Supplem. Liv. Tom. XIV.

A a a

U. e. 732. nia complectenti. His etiam locis, ut meriti quique  
 A. C. 20. videbantur, his beneficia dedit, aliis injunxit majora  
 prioribus onera. Trallianos, terrae motu graviter  
 adstrictos, gymnasio partibusque aliis ea peste dirutis,  
 pecunia juit: itemque Laodiceos e Phrygia: pro  
 quibus Thyatirensisque et Chiis senatum Tiberius erat  
 deprecatus. Contra Cyzicenis Tyriisque ac Sidoniis  
 adempta libertas: his ob continuas seditiones: Cyzi-  
 ceni cives Romanos flagris ceciderant.

*Phra-  
 kates  
 signa Roma-  
 na remittit.*

XXII. Profectio Caesaris ad eos imperii fines Phra-  
 hati suspicionem injecerat, ne propter neglecta pacta  
 bello peteretur. Igitur aquilas et signa militaria, ca-  
 ptivosque, praeter paucos, qui pudore sibi consci-  
 verant necem, aut in Parthis alicubi se occultaverant,  
 ad Tiberium remisit. Major ea laetitia Augusto fuit,  
 res olim amissas, citra certamen, sola nominis sui  
 magnitudine recipienti, quam si bello Parthiam su-  
 perasset. Auctum dein decus, ultro filios suos nepo-  
 tesque mittente barbaro, ac his obsidibus firmante  
 amicitiae fidem. Constat tamen, id magis suorum  
 metu, quam Romanae potentiae, fecisse, ne Parthis  
 ex Arsacidarum regia stirpe (cui uni erant addictissi-  
 mi) quemquam relinqueret, quem regem adversus se  
 creare possent. Vocato igitur in colloquium Tiberio,  
 qui tum Syriae et provinciis orientis praeerat, Sara-  
 spadem, Cerospadem, Phrahatem, et Vononem, le-  
 gitimo matrimonio genitos, cum duabus horum ux-  
 oribus, filiis quatuor, tradidit: quos regio cultu dein-  
 ceptus Augustus, et post hunc Tiberius, Romae habu-  
 erunt.

*Magna Ro-  
 manorum  
 laetitia.*

XXIII. Haec igitur, sed maxime signa recepta,  
 variis laetitiae testimoniis celebrata, nummis quoque  
 transmissa ad posteros memoria: quorum nunc quoque  
 supersunt multi. Romae supplicationes decretae Diis:  
 ovatio Caesari, currusque triumphalis. mox et tem-  
 plum Marti structum, inque eo, tamquam ad exem-  
 plum Feretrii Jovis, adfixa signa recepta cum Par-  
 thicis spoliis. *Bis ultorem cognominari placuit, quod*

Cap. XXI. Euseb. Chron. Strabo, l. 12. p. 579. Sueton.  
 Tib. 8. Euseb. Chron. Cap. XXII. Dio. Justin. 42, 5. et Dio.  
 Liv. Epit. 139. Sueton. Aug. 21. Vell. 2, 91. Hor. Carm. 3,  
 5. Strabo, l. 6. p. 288. et 16. p. 748. Flor. 4, 12. Oros. 6,  
 21. Eutrop. l. 7. Cassiod. Chron. Cap. XXIII. Dio. Sueton.  
 Tib. c. 9. Justin. Dio. Vell. 2, 94. Tac. Ann. 2, 1. Ju-  
 stin. Sueton. Aug. 21.

jam erat Martis Ultoris aedes, quam bello Philippen-  
 si, pro ultione paterna suscepto, voverat. Sed haec  
 postea facta. Tum vero, quum viarum curator con-  
 stitutus Caesar duos e praetoriis cum binis lictoribus  
 praefecisset; ab his opera multa facta aut resecta  
 sunt, in quibus et milliarium aureum nominatur. Sub  
 idem tempus, quum Julia C. Agrippam peperisset,  
 inter alia natalem ejus stato sacrificio quotannis co-  
 lendum Patres censuerunt. Augusti quoque natali  
 circenses et venationem privato sumptu aediles edide-  
 runt.

U. c. 732.  
 A. C. 20.

XXIV. Interim Caesar paci ornandae, procul ab-  
 legata bellandi cupidine, provincias secundum leges et  
 jura constituit, liberas civitates amicosque reges suis in-  
 stitutis uti permisit: atque hoc sibi consilium mane-  
 re senatui quoque scripsit. Jamblichi et Tarcondi-  
 moti filiis, patrum nomina referentibus, quas in Ci-  
 licia et Arabia regiones illi habuerant, reddidit: nisi  
 quod maritima quaedam Ciliciae donavit Archelao,  
 cui et minorem Armeniam concesserat, post mortem  
 Medi Artavasdis, cujus in potestate regnum istud fu-  
 erat: Nec Herodes sibi defuit, quin commoditate  
 temporis et Augusti amicitia ad regnum augendum  
 uteretur. Gadarenos aduersatores suos, ab Agrippa si-  
 bi traditos, impune dimiserat. Id beneficium, quum  
 animos eorum implere amore tam benigni regis de-  
 buisset, incitamento fuit, ut iterum auderent de eo-  
 dem apud Caesarem queri. Zenodorus his aderat,  
 inter Galilaeam et Trachonem haud parvae regionis  
 tetrarcha. Sed semel auditi delatores, quum purga-  
 tionem regis accipi viderent, metu ne iterum dediti  
 crudelissimum experirentur, noctu semetipsos inter-  
 fecerunt. Zenodorus Antiochiae, ruptis morbo aut  
 casu visceribus, effudit spiritum. ditionem ejus He-  
 rodes dono Caesaris adcepit, et ob haec merita ei  
 templum in eadem illa regione posuit. Commagenes  
 regnum Mithridati tradidit Caesar, puero adhuc,  
 quia patrem ejus Antiochus occiderat.

*Caesar pro-  
 vincias lau-  
 dabiliter  
 constituit.*

*Regnum  
 Herodi fir-  
 matum.*

XXV. Artaxias, majoris Armeniae rex, qui Par-  
 thorum opibus steterat, his Caesari de Armenia con-

Cap. XXIII. Strabo. Vell. Sueton. Tib. 9. Strabo. Tac.  
 Ann. 2, 1. Dio. Torrent. in Sueton. Aug. 21. Cap. XXIV.  
 Dio. Ovid. Fast. l. 5. v. 595. Sueton. Aug. 29. Dio. Joseph.  
 Antiq. 15, 13. Dio. Joseph. Dio. Cap. XXV. Tac. Ann. 2, 3.

A a a 2

U. c. 73a. cedentibus, factioni suorum resistere non potuit, fratrem ejus minorem natu Tigranem ad regnum vocantium; quem, Alexandria capta, Caesar Romam adduxerat. Igitur Caesar privigno suo Ti. Neroni negotium id permisit, Archelao quoque monito, ut adjuvaret. Sed, priusquam hi quidquam molirentur, Artaxias dolo propinquorum occisus est. Tiberius Tigrani vacuam possessionem regni tradidit, diademate pro tribunali imposito. Supplicationes ob haec decretae spes adolescentis inflarunt, quas nuper, dum in Syriam exercitum per Macedoniam ducit, apud Philippos conceperat; quum ara, quondam ab Antonio victricibus in castris posita, adolente nemine, subitis ignibus colluxisset. Jamque crescendi facultatem et vitricus dabat, legionibus provinciisque praeficiens, et relicta per aliquot annos orientis cura. quo tempore et Tigranes, Armeniae rex, et liberi ejus, quum in regnum atque matrimonium Aegypto more sociati essent, interierant. Tum jussu Augusti Tiberius Artavasden imposuit: sed ipse quoque paullo post dejectus est, non sine clade Romana. Ceterum haec postmodum acciderunt.

*Indica legatio ad Caesarem.*

XXVI. Tum vero Augustus, ex oriente reversus, iterum hibernavit Sami, libertatemque, velut in mercedem hospitii, Samiis dedit. Nec ibi per segne otium traductum tempus est, multarum nationum regulis eo legatisve confluentibus. Tanta enim majestas Caesaris fuit, ut Scythae, Garamantes, et Bactriani, oratores de foedere mitterent. Sed prae ceteris Indica celebrata legatio est, a Pandione missa et Poro regibus; quorum alter utique prius in extremum usque occidentem amicitiae petendae causa ad Augustum, in Hispania belligerantem, legaverat. Nicolaus Damascenus, qui se hos vidisse Antiochiae scribit, tres tantum pervenisse auctor est, ceteris in itinere mortuis. plurium enim mentio fiebat in literis, quas Graeco sermone scriptas adtulerant in hunc sensum: *a Poro scribi: qui, tametsi regibus sexcentis imperet, plurimi amicitiam faciat Caesaris, transitum daturus ei, quocumque pergat, et adjuturus in quolibet justo negotio.*

Cap. XXV. Eutrop. Dio. Supra, 133, 64. Euseb. Chron. Strabo, l. 17. p. 821. Joseph. 15, 5. Dio. Tac. Ann. 2, 3. Suet. in Tib. 9. Dio. Sueton. Tib. 14. Dio. Vell. 2, 94. Cap. XXVI. Tac. Vell. Tac. Dio. Euseb. Chron. Dio. Sueton. Aug. 21. Flor. 4, 12. Auctor de viris illustr. Eutrop. l. 7. Oros. 6, 21. Euseb. Chron. Dio.

XXVII. Dona quoque per octo servos, praeter pubem nudos et odoribus conspersos, quae vocant *diaspasmata*, obtulerunt: Herman, sive hominem sine brachiis genitum, qui pedibus tendebat arcum, emittebat sagittas, tuba canebat, qualia nostra aetate saepe, et his difficiliora vidimus, Dio vix fide digna iudicavit. Fuit inter munera et tigris, tum primum Romanis, et, sicut existimat Dio, Graecis etiam conspecta; et vipera immodicae magnitudinis, cum angue quinquaginta cubitorum, et testudine fluviatili in tres cubitos porrecta, perdixque vulture major. Gemmas insuper, et margaritas, et elephantos dono dederunt. Sed prae omnibus longinquitatem itineris imputabant, quod vix quadriennio confecerant.

U. c. 732.  
A. C. 20.  
*Dona ab hoc allata Caesari.*

XXVIII. His domum repetentibus, apud Augustum Zarmanus Chegan permansit, unus Indiae sapientum; spectaculum Caesari exhibiturus, quale Calanus olim Alexandro. Quum enim Athenas ventum esset, initiari sacris, quamquam, ut ajunt, alieno tempore, voluit: votoque potitus, quum *se rebus secundis semper usum, priusquam adversae succederent, abiturum vitam testaretur*, nudo unctoque corpore ridens in rogam insiluit. Sepulcrum ei structum est Athenis, nomenque adscriptum genusque mortis, adjecto, *Indum ex Barygosa* fuisse. quae si ea est, quam auctores alii *Barygazam* adpellarunt, in litore Calecutiensi non procul ostiis Indi quaerenda creditur.

*Indus qui-  
dam sponte  
se tradidit in-  
condio.*

XXIX. Jam consulatum in urbe C. Sentius C. F. Saturninus, quod itidem, ut superiore anno erat factum, Augusto reservabatur locus, solus gerebat, fortiter sane et constanter. Nam et, publicanorum fraude coërcita, pecunias publicas in aerarium retulit; et comitiis quaestorum, quos indignos iudicabat, profiteri vetuit; et perseverantibus consularem vindictam, si in campum descendissent, interminatus est. Consularibus comitiis major etiam moles fuit: postquam, Augustum nolle fieri, tum quoque renunciatum est. Seditiones etiam et caedes factae praecipua Rufi Egnatii violentia; qui, favore populi subnixus, quamquam ventante Sentio, profiteri perseveravit. Tum, pari ve-

U. c. 733.  
A. C. 19.  
C. Sentio,  
Q. Lucretio  
Coff.  
*C. Sentii  
consulatus  
egregius.*

Cap. XXVII. Strabo, l. 15. pp. 686. et 719. Dio. Oros. Euseb. et ibi Scaliger. Strabo. Dio, et Strabo. Plin. 8, 17. Dio. Strabo. Sueton. Aug. 43. Strabo. Cap. XXVIII. Flor. Dio, et Strabo. Ptolem. l. 7, 1. Cap. XXIX. Dio, et Vell. 2, 91.



U. e. 733. teribus consulibus animo, juravit Sentius, *si quidem*  
 A. C. 19. *suffragiis populi consul factus esset Egnatius, non renunciatum.* Quum finis pugnandi non fieret, senatus praesidium consuli decrevit: eoque repudiante, miserunt ad Augustum legatos, binis additis lictoribus. Ille, superioris anni consilio non posse sanari praesentia putans, Q. Lucretium, qui in numero legatorum erat, quamquam in triumviratu proscriptum, consulem designavit, et ipse quamprimum ire Romam constituit.

*Augustus ad declinandum occursum populi ingreditur urbem noctu.*

XXX. Advenienti decreta multa: nihil adceptum, praeter aram Fortunae reduci, et anniversarium eo die sacrum, sub *Augustaliorum* vocabulo, cum ludis solennibus. Pugnabat tamen senatus populusque Romanus, ut obviam iri pateretur. idcirco, declinaturus hanc molestiam, ne se et populum inquietaret, noctu ingressus est. Postridie, quum de rebus in oriente gestis referret, praetoria insignia Ti. Neroni discernenda curavit; Druso, uti celerius quinquennio, quam sineretur legibus, honores peteret.

*In ejus honorem multa decreta sunt.*

XXXI. Ipsi deinde, postquam sibi displicere significabat, quae, absente se, per seditiones, et, reverso, per metum acta erant, praefecturam ei morum cum censoria potestate detulerunt in quinquennium: consulare jus in perpetuum, cum fascibus duodecim et sella curuli in medio consulum. Censoriam deinde potestatem in perpetuum adcepit; quam antea quoque certum ad tempus habuisse constat ex actis ejus, censu praesertim, quem hoc jure egisse in sexto consulatu suo retulimus. Mox etiam legum emendarum ferendarumque arbitrium senatus ei dedit, in eas et jurare paratus. Jusjurandum remisit Caesar, servaturos existimans ultro, quae placuissent: cetera mutaturos esse, simul possent, etiamsi sexcentis sacramentis adigerentur. Dum ista fiunt, aedilis, excusatione paupertatis usus, ultro abdicavit.

*Virgilius moritur.*

XXXII. Virgilius, vatum Romanorum maximus, Augusto et Maecenate heredibus, excessit anno vitae primo et quinquagesimo. Jusserat is testamento cremari Aeneïdem suam, quod ei summam admoveere ma-

---

Cap. XXIX. Dio. Val. Max. 6, 7. Appian. Civil. 1. 4. p. 615. Cap. XXX. Dio. Cassiod. Chron. Dio. Sueton. Aug. 53. Dio. Cap. XXXI. Sueton. Aug. 27. Supra, 134, 80. Dio. Cap. XXXII. Euseb. Chron. Auctor vitae Virgilio.

num nequivisset. Vetuit Augustus, licet legum alias U. l. c. 733.  
servantissimus, ne pulcherrimus nobilissimi ingenii A. C. 19.  
foetus interiret. Sepultus est Neapoli, apud Taren-  
tum exspiraverat.

XXXIII. Sub hoc tempus Agrippa, qui rebus ur- *Cantabri*  
banis interea praefuerat, in Gallias missus est, discor- *rursus de-*  
dia principum et Germanorum incursionibus laboran- *ficiunt.*  
tes. His celeriter pacatis, in Hispaniam transit,  
Cantabrorum ferocia denuo turbatam. Magnus enim  
numerus sub hasta venditorum, interfectis dominis,  
in patriam redierant, superslitesque popularium ad  
arma hortati, castella quaedam communiverant. Tantus  
erat immanis populi terror, ut Agrippa negotium ha-  
buerit in coercendis confirmandisque militibus, qui  
expeditionem metu detrectabant. Neque levius, quam  
pro opinione, bellum fuit. Multa, dum apud Roma-  
nos serviunt, viderant barbari, quorum adversus ho-  
stem usus esset. hac peritia, et quia victos nullum  
non supplicium expectare norant, plurimum et de-  
trimenti Romanis intulerunt, et ignominiae, cujus et-  
iam causa legionem, quae vocabatur Augusta, hoc *Sed ab A-*  
uti cognomine Agrippa prohibuit. Sed, viribus immen- *grippa com-*  
sum superior, non ante deslitit, quam, juventute pro- *primuntur.*  
pemodum omni occisa Cantabrorum, ceteros, armis  
ademptis, ex montibus in plana deduceret.

XXXIV. Nec tamen ob haec gesta aut scripsit se-  
natui, aut triumphum, licet auctore Caesare decretum,  
duxit; modestiam, sicut adsueverat, servare pergens.  
cujus et aliud experimentum eodem tempore dedit,  
quum sententiam consul de fratre rogaret, censere  
recusans. Idem etiam Virginem aquam, in agro Lu-  
cullano conceptam, privato sumptu induxit in urbem,  
Augustam vocans. quod adeo gratum Caesari fuit, ut  
in penuria vini, quum populus valde vociferaretur,  
*satis dixerit provisum a genero suo Agrippa, perductis*  
*pluribus aquis, ne homines sitirent.* Talis igitur Agrip-  
pa fuit. ceterorum plerique, ob res haudquaquam huic  
comparandas, latrocinii forte compressis, aut sediti-  
onibus compositis civitatum, et petierunt triumphos,  
et impetrarunt. Nec enim parcus in his Caesar erat,

Cap. XXXII. Plin. 7, 30. et Gell. 17, 10. et Macrobian. Sat.  
1. 1. c. 24. et vita Virg. Cap. XXXIII. Dio. Flor. 4, 12.  
Dio. Cap. XXXIV. Plin. 31, 3. Frontin. de Aquaeduct. Dio.  
Sueton. Aug. 41. Dio. Sueton. Aug. 38.

U. c. 733. quem super triginta ducibus justos triumphos, et aliquanto pluribus triumphalia ornamenta decernenda curasse invenio: quamquam ex plerorumque gestis Imperator vocatus non esset.

*Cornelii  
Balbi triumphus de  
Garamantibus.*

XXXV. L. tamen Cornelii Balbi P. F. non expers meritorum triumphus fuit, quem pro consule duxit ex Africa sexto Kalendas Apriles, victis Garamantibus, quos nulla dum Romana arma perculerant. Nec cum hominibus modo, sed magis cum siti, dimicandum fuit; quod putei arenis injectis occultabantur. Nec ideo minus Phazaniorum et Garamantum oppida plurima capta, quorum nobilissimum Debris ob fontem mirae naturae, et caput gentis Garama. Nec triumphatae tantum nationis, sed etiam triumphantis novitas illustriorem hunc ei titulum fecit. Gadibus natus civitatem Romanam cum majore Balbo patruo suo adceperat. nec quemquam ad ea tempora triumphasse, nisi Romanum natum, meminerant. Ex Kalendis Juliis ejus anni M. Vinucius consulatum gessit: ceteri, nam haud dubie suffecti plures fuerunt, ignorantur.

*Primus  
Balbus non  
natus Romanus triumphat.*

U. c. 734.  
A. C. 18.  
P. et Cn.  
Cornelii  
Coss.

*Agrippa a  
Caesare in  
par prope  
fastigium  
recipitur.*

XXXVI. At sequens annus, quo duo Cornelii Lentuli, Publius P. F. et Cnaeus L. F. consulatum gesserunt, Agrippam propemodum in par Caesari fastigium receptum ab ipso vidit. Quippe Augustus, in optimo proposito reformandae reipublicae insidias timens, ut ab his esset ostentatione parati vindicis tutior, Agrippam tribunitiae potestatis collegam declaravit in quinquennium. tot enim annos sufficere dictitabat: quum eandem potestatem per decennium jam tenuisset; et, elapso hoc quoque quinquennio, in aliud decennium esset adcepturus.

*Augusti  
consilium re-  
purgandae  
curiae.*

XXXVII. Tum autem, ingentibus curis districtus, quemadmodum citra periculum repurgare curiam posset, cum Agrippa agitabat. Nam et numerum iusto putabat ampliorem esse, et non tantum infamia vitiorum obrutos, sed etiam adulatione onerosos, oderat. At erat res offensionum plena. nemo enim, sicut factum erat prius, sponte cedebat: et tot simul senatu movendorum invidiam sustinere, nisi pluribus sociis, cunctabatur. Tandem ea ratio placuit, ut ex omnibus triginta viros optimos ipse deligeret juratus: qui

Cap. XXXV. Fasti Capit. Plin. 5, 5. Solin. c. 31. Plin. Pigh. Ann. Cap. XXXVI. Dio. Vell. 2, 90. Tac. Ann. 3, 56. Dio. Cap. XXXVII. Sueton. Aug. 35. Dio.

deinde jurati et ipsi scriberent in tabella seorsim singuli quinque aliorum nomina, quos dignos eo ordine censerent: ne tamen inter eos necessarius quisquam scribentis esset.

U. c. 734.  
A. C. 18.

XXXVIII. Hoc ubi factum est, ex singulis quinaris unum sorte duxit, qui et senator esset, et alios quinque iisdem, ut priores illi, legibus in tabella nominaret. Et oportuerat quidem triginta esse, tum qui primi tabellas adceperant, tum etiam qui sorte fuerant educti: sed quum ex utroque numero peregre abessent, alii delecti sunt, qui eorum vicem fungerentur. Hoc quum ad aliquot dies factum esset, suspicione fraudis motus Caesar, neque tabulas ultra penes quaestores esse passus, neque sorte usus est: sed suo ac Agrippae iudicio ceteros adlegit, donec sexcenti efficerentur. Trecentos maluisset, ut veteris reipublicae species redderetur. sed non audebat tot offendere, bonis quoque in metum adducendis, si plures multo expungerentur, quam manerent.

*Senatorum  
numerus ad  
sexcentos re-  
ducitur.*

XXXIX. Sic quoque caveri non potuit, quin aliqua parum commode fierent. Livinejus certe Regulus, scissa in senatu veste cicatrices ostentans, et stipendia sua exponens, magna cum invidia questus est, *se moveri senatu, quum filius suus et alii, quibus se praestare non dubitabat, adlegantur.* At Aurunculejus Paetus veniam exeundi ordinis, locumque suum patri, qui removebatur, oravit. Itaque diligentius inspectae sunt tabulae; motisque iterum aliis alii substituti. Tum etiam, quia nonnulli causis non improbabilibus injuria se remotos querebantur, locum his inter senatores ludis epulisque in veste senatoria, et recuperandi ordinis causa honores petere concessit Caesar. ita plerique horum iterum in senatum adlecti: ceteri medio quodam inter populum Patresque loco aetatem exe-  
runt.

XL. Erat omnino ea res, quae multorum animos ad cujuslibet facinoris audaciam exasperaret. eo promptius creditum Augustum et Agrippam insidiis peti arguentibus. interfectique sunt nonnulli, quorum et M. Egnatius Rufus fuit, cujus de vanitate supra nar-  
ravimus. Exciverant haec pericula curam senatus: multaque prolata, quae ad salutem Augusti protegen-  
dam provideri opus esset. Inter quae quum forte ja-

*Insidiae M.  
Egnatii in  
Augustum.*

U. c. 734. ctaretur, *excubias ei constituendas Patrum, quas sua*  
 A. C. 18. *quisque vice obirent, Antistius Labeo, non magis stu-*  
*Labeonis* *diorum claritudine, quam incorrupta libertate cele-*  
*vox libera.* *bratus, se quidem somnolentiorum esse, dixit, et ad ex-*  
*excubias agendas ineptum.*

*Decoërcen-*  
*dis adulter-*  
*is agitur.*

*Liviae et*  
*Juliae co-*  
*mitatus dis-*  
*par.*

XLI. Sed Augustus, gnaviter urgens coepta, coërendo ambitu sanxit, ut, qui pecuniam magistratus adipiscendi catussa dedisset, promississet, ejus magistratus petitione in quinquennium arceretur. Majori cura ingenuorum civium augendo numero studuit, praemiis in maritos et patres adauctis, et majoribus poenis vexato coelibatu, postquam priorum legum sanctiones spernebantur. Et, quando plures mulieribus mares erant, etiam libertinas permisit duci, praeterquam senatoribus. Haec negotia dum tractantur, senatores quidam de matronarum atque juvenum reprimenda immodestia Caesarem interpellarunt, quando propter hanc etiam pauciora matrimonia contraherentur. Ipse suggillari putans, quod multorum uxores corrumperet, hanc quidem sollicitudinem declinabat; quod fieri potuisset, provisum inquit; non autem posse omnia pari adcuracione constitui. urgentibus dein, suam cuique conjugem domesticis praeceptis formandam esse, respondit, quemadmodum ipse moneret Liviam suam. His excitata potius, quam repressa, quorundam improbitas orare non destitit, priusquam in hanc rem Caesar quaedam differeret, de cultu uxoris suae, egressibusque ejus et comitatu, quibus illa profecto rebus laudabatur. Estque nota, sed memorabilis fabula, quum aliquando in spectaculo gladiatorum Livia gravibus viris, Julia luxuriosae juventutis grege cinctae condisissent, scripto hanc admonitam a patre, *Videret, quantum inter duas principes feminas interesset.*

XLII. Quum autem censoriam exercenti potestatem oblatus esset adolescens, qui prius adulterio cognitam duxerat; diu aestuans, quum nec negligere facinus, nec punire, auderet, tandem infit: *Talia multa nobis atrocita et pudenda civiles dissensiones adtulerunt, oblivione sepelienda: sed in posterum prospiciamus, ne tale quid eveniat.* At, quum quidam infantes adhuc puellas desponderent, et praemia nihilominus maritorum fer-

Cap. XL. Dio. Tac. Ann. 3, 75. Cap. XLI. Dio. Tac. Ann. 3, 25. et ibi Lips. Sueton. Aug. 34. Dio. Lips. Dio. Sueton. Aug. 69. Dio. Macrob. Sat. 2, 5. Cap. XLII. Dio. Sueton. Aug. 34. Lips. Dio.

rent, rem opusque non praestarent, minores decennibus puellas desponderi vetuit; quo intra biennium (quae legitima nubendi his aetas) ducerentur. Haec omnia lege Julia de maritandis ordinibus comprehensa.

U. c. 734.

A. C. 18.

XLIII. Proxima frumenti populo dividendi cura fuit, institutumque, ut magistratus nominarent singulos, qui ante triennium minimum praetura functi essent, et ex eo numero sorte deligerentur quatuor, per quos frumentum plebi daretur; additis binis lictoribus, servorumque publicorum, et scribarum ac librario-  
*rum, ad censorumque et praeconum ministeriis. Per* *Frumentum populo divisum.*  
*hos saepe levissimo, interdum nullo pretio, mensura fiebat frumentatio, ut in orbem ad omnes haec cura rediret. Nam Augustus, quum ter in annum quater-*  
*num mensium tesseras dare constituisset, ne frequen-*  
*tius a negotiis homines avocarentur, plebi veterem*  
*consuetudinem desideranti cesserat.*

XLIV. Alia quoque sub id tempus constituta; ne plus uno feriarum Latinarum causa quotannis praefectus urbis fieret: Sibyllini libri, vetustate exolescentes, ab sacerdotibus describerentur, ne quis alius eos inspiceret. Honores petere permisit omnibus, qui legibus non prohiberentur, haberentque senatorium  
*censum, quem prius quadringentis sestertiis definie-* *Census senatorius.*  
*rat, deinde auxit ad sestertium decies: et utroque*  
*tempore pauperibus, sed honestis viris, quod eo mi-*  
*nus habebant, dono dedit. Praetoribus indulgit, ut*  
*in ludos triplum ejus, quod a publico praebebatur,*  
*insumere liceret volentibus. His ac similibus gratiam*  
*apud hos etiam iniit, quos priorum aliquot legum se-*  
*veritas alienabat. In provinciis quoque res feliciter*  
*procedebant; et Germanos, Melone quodam duce in*  
*arma versos, M. Lollius superasse nunciabatur. Ne-*  
*que minore omnium laetitia exceptum, quod Pyladem*  
*pantomimum revocavit; quem, propter spectatorem,*  
*a quo exhibebatur, digito demonstratum fautoribus*  
*suis, urbe atque Italia submoverat. Atque ille casti-*  
*ganti eum Caesari, quod, cum Bathyllo Maecenatis fa-*  
*miliari contendens, seditiones vulgo concitaret, profun-*  
*dioris prudentiae dicto, quam ab hoc exspectaretur,*

Cap. XLIII. Sueton. Aug. 37. Dio. Infra, 137, 12. Sueton. Aug. 40. et 41. Cap. XLIV. Dio. Sueton. Aug. 40. Dio. Sueton. Aug. 41. Dio. Strabo, l. 7. p. 291. Euseb. Chron. Flor. Sueton. Aug. 45. Dio.

U. c. 734. respondit : *Atqui expedit tibi, Caesar, circa nos occu-*  
 A. C. 18. *patum populum habere.* Dum ista Romae geruntur, Herodes templum demolitus, majore spatio atque specie instaurare incipit : quod opus vix multis inde annis perfici potuit.

U. c. 735. XLV. C. deinde Furnio C. F. C. Junio Silano con-  
 A. C. 17. sulibus, sub Apennino in villa Liviae ingenti motu  
 C. Furnio, terra tremuit. Fax, in coelo a meridie ad boream trans-  
 C. Junio currens, ad similitudinem diurnae lucis noctem illu-  
 Coss. stravit. Turris hortorum Caesaris ad portam Collinam

*Prodigia.* fulmine percussa est. Quibus haud perinde commotus fuit, quam recreatus incremento domus suae. Tum enim alterum Agrippae filium Julia peperit, qui Lucius est adpellatus. Hunc cum fratre Cajo statim adoptavit Caesar, per aes et libram a patre emptos, veteri more: tutiorem se futurum ab insidiis ratus, si pluribus munimentis insisteret. Virtutis inde et Honoris solemnibus, quod incommodo tempore celebra-  
 bantur, alium exinde diem constituit. Viris triumphalibus auctor fuit operis alicujus excitandi de manubiis, quo, cum urbis ornatu, gestorum memoriam perpetuarent: multaque a multis exstructa sunt.

*Ludi seculares.*

XLVI. Eodem anno ludos seculares ingenti adparatu fecit, quos centesimo quoque anno (his enim terminis seculum terminatur) fieri mos. Sane hos inter ludos et quartos seculares, sive L. Censorino, M. Manilio consulibus, sive triennio post, celebrati fuerant, nam inter auctores dissentitur, circiter centum triginta anni intererant. Sed Quindecimviro-  
 rum diligentiae creditum, qui ex Sibyllinis libris tempus ludorum investigaverant, ritus eorundem exponente Atejo Capitone, qui tum divini humanique juris consultissimus habebatur. Praefuerunt magistri Quindecimvirum sacris faciundis, Imp. Caesar D. F. Augustus, C. Sentius C. F. C. N. Saturninus, M. Claudius M. F. M. N. Marcellus, M. Fufius M. F. Strigo, D. Laelius D. F. D. N. Balbus. Zosimus Graecus auctor, L. Censorino, C. Sabino consulibus ludos seculares actos, narrat. id si verum est, suffecti fuerint, oportet:

Cap. XLIV. Joseph. Antiq. 15, 14. Cap. XLV. Jul. Obseq. Dio. Sueton. Aug. 64. Tac. Ann. 1, 3. Dio. Sueton. Aug. 29. Tac. Ann. 2, 72. Cap. XLVI. Dio. Liv. apud Censorin. de die Nat. c. 17. Dio. Plin. 7, 48. Sueton. Aug. 31. Censorin. de die Nat. 17. Zosimus l. 2. Tac. Ann. 3, 75. Tab. Capit. apud Sigon.

nam nec par illud inter majores consules, qui nomen anno dabant, reperias: et hoc quidem anno factos ex priscorum monumentorum fide satis constat. His ludis Augusti jussu seculare carmen Horatius poeta condidit. Ullum eo tempore nocturnum spectaculum a juvenibus utriusque sexus frequentari prohibuit Caesar, nisi cum aliquo majore natu propinquorum.

U. c. 735.  
A. C. 17.

XLVII. Tum quoque Germanos, vindictae magis, quam cautioni, intentos, M. Lollius legatus Caesaris circumvenit insidiis, gravique clade vexavit. At in urbe legis Cinciae caput, ne quis ob causam orandam pecuniam donumve adcipiat, revocari placuit; addito, ut quadruplum perderent, qui adceperissent: iudices, in quem annum sortiti essent, domos litigantium non ingredi: senatoribus etiam infrequentibus augeri multam, et qui sine probabili causa in curiam serius adcessissent.

*Germani  
vincuntur a  
M. Lollio.*

XLVIII. L. Domitio Cn. F. L. N. Ahenobarbo, P. Cornelio P. F. P. N. Scipione consulibus, in Gallias profecturus Caesar templum Quirini resectum a se dedicavit; in quo quum sex et septuaginta columnas posuisset, postquam totidem annos vivendo expleverat, non temere fecisse existimatus est. Inde per Tiberium et Drusum privignos, quibus hunc honorem decernendum ab senatu curaverat, munus gladiatorium edidit. Itineris causam, qui secretas Principis cogitationes rimantur, et, nisi reperiant, fingunt, numquam vel evidentibus contenti, partim in leges nuper latae referebant, quas aut exerceri cum offensa, aut negligi cum dedecore opus esset; ideo Solonis exemplo sibi peregrinationem indixisse. Nec deerant, qui, ut amore Terentillae securius frueretur, neque sermonibus in urbe non vitandis seque et illam traduci sineret, id consilii cepisse dicerent. Hanc enim Maecenati nuptam sic deperibat, ut eam aliquando certare de forma cum Livia compelleret. Ceterum in propatulo Galliarum erat fortuna, quae variis a nationibus vexabatur, et Germanorum magnis acta terroribus curam Augusti desiderabat.

U. c. 736.  
A. C. 16.  
L. Domitio, P. Cornelio Cons.  
*Templum  
Quirini.  
Cur Augustus sit profectus in Gallias.*

XLIX. Sicambri, Usipetes, Tenchteri, non tam fracti prioribus proeliis, quam irritati, comprehensos

*Germani  
Gallias vastant.*

Cap. XLVI. Comment. in Fastos, et Pigh. Ann. Zosim. Censorin. Dio. Cap. XLVII. Tac. Ann. 11, 11. Vita Hor. apud Sueton. Sueton. Aug. 31. Jul. Obseq. Tac. Ann. 11, 5. Dio.



U. c. 736. in ripa sua Romanos in crucem egerant. Hoc veluti  
A. C. 16. sacramento collecta ingens manus Rhenum mox trans-

ierat, vastataque proxima parte Galliarum, ne Germanis quidem jamdudum incolentibus parcentes, equitatum Romanorum astu circumventum fuderunt, ad ipsa usque Lollii castra, dum fugientibus instant, praeter propositum deducti. Tum vero, postquam perniciosum sibi futurum errorem videre, si faterentur, eodem impetu Lollium occurrentem adgressi, majore tamen ignominia, quam clade, repulerunt; aquila legionis quintae potiti. Igitur Augustus, sua praesentia opus esse existimans, quem interim urbi Italiaeque praeficeret, dubitabat. M. Valerius Messalla, praefecturae nomen sibi primo delatum post paucos dies deposuerat, potestatem nimiam et incivilem exercendi nescius. M. Agrippam in Syriam remittebat: C. Maecenatem comitem erat habiturus ob Terentillam. sed et Tiberium, quamquam urbanum praetorem, ducturus in Galliam erat; eoque per Drusum impleri magistratum illum, senatusconsulto interposito, voluerat. Idcirco Statilium Taurum, senem triumphalem, dignum eo loco censuit, cujus ministerio in gravissimis negotiis usus fuerat: nec iudicii falsus est.

*Statilius  
Taurus urbi  
praeficitur.*

L. Quae nox prima profectionem Caesaris sequuta est, incendio urbem exterruit, quo Juventatis in Velia templum arsit: et paullo ante, praeter ea quae supra memoravimus, lupus via Sacra in forum procurrerat, hominibus aliquot occisis. nec procul foro magna vis formicarum, in speciem agminis ad proelium euntis, se conglobaverat. Haec prodigia aliorum pietatem, aliorum adulationem adverterunt, senatusque consultum factum, *uti pro reditu Augusti vota susciperentur*. Interim et quinquennales ludos, propter principatum ejus votos, M. Agrippa fecit, recens in collegium quindecim, cujus tum vices curandi ludos eos erant, virorum cooptatus.

*Dalmatarum aliarumque gentium motus.*

LI. Circum haec tempora contra gentes Inalpinas bene pugnatum est a P. Silio, Camunique et Vennonctes sub imperium populi Romani redacti. Idem Silius et Pannonios, adsumptis Noricis Istriam incurantes, per se et legatos suos ita domuit, ut pacis

Cap. XLIX. Sueton. Aug. 23, Tac. Ann. 1, 10. Vell. 2, 97. Dio. Tac. Ann. 6, 11. Euseb. Chron. Dio. Tac. Supra, 131, 49. Cap. L. Tac. Dio.

conditiones adipere utrique cogerentur. Dalmatae quoque sub idem tempus Hispanique moti: sed modo dico, nec diuturno tumultu. Macedoniam Dentheletae et Scordisci infestavere. Bessi, Cotyos regnum adorti, quod, eo mortuo, liberorum ejus avunculus et tutor Rhymetalces defendebat, ab Romanis, auxilium ei ferentibus, subacti sunt. Sarmatas eadem tentantes Cn. Cornelius Lentulus pugna victos trans Istrum recedere coëgit. Ab eodem Daci Getaeque, per concretum gelu Danubium vicina infestantes, repulsi submotique. Pari felicitate Germanicum bellum, quod prae ceteris erat formidabile, compositum. Quippe, intellecto, non modo Lollium strenue parare arma, sed ipsum cum exercitu adventare Caesarem, ad sua regressi, missis obsidibus, quietem sponderunt. Nec tamen adeo aut credita haec, aut praestita pax fuit, quin aliqui subinde motus exsisterent: quorum causa et hunc annum in Gallia, et sequentem contrivit, quo consules M. Livius L. F. Drusus Libo, L. Calpurnius L. F. Piso fuerunt.

U. c. 736.  
A. C. 16.

LII. Sed et ipsa Gallia non satis quieta erat, propter hominis libertini tantam improbitatem, ut significata prodigio sit credita, quum maxima bellua viginti pedum latitudine, longa sexaginta, et praeter caput mulieri similis, ex oceano irruens, in vado haesisset. L. Licinius is fuit, Gallus natione, qui captus iis bellis dictatori Caesari servierat. Sed hunc, in honore et usu maximo Augustus habere solitus, procuratorem suum in Gallia constituerat. Is igitur, ad explendam ingenitam avaritiam maiestate Romani nominis abusus, hoc agebat, ut, quotquot se potiores ipso ferrent, deprimerentur. nec contentus exegisse ad praescriptum sibi modum, magnam insuper pecuniam sibi suisque extorquebat: tam impudenter quidem, ut, quoniam in singulos menses aliqua debebantur, quatuordecim pensiones eodem anno exigeret: veteribus mensium nominibus *Julium et Augustum* adnumerans.

U. c. 737.  
A. C. 15.  
M. Livio,  
L. Calpurnio Coss.  
*Gallia ab  
Augusti  
liberto Lici-  
nio spoliata.*

LIII. Sane, postquam Caesar advenit, tanta vis in eum coorta accusatorum est, tamque acerba, ut patrocini potius apud Principem, quam periculo, esset. Namque partim moleste tulit id Caesar, in nonnul-

*Frustra a-  
pud Caesa-  
rem queri-  
tur.*

Cap. LI. Flor. 4, 12. et Dio. Flor. Dio. Cap. LII. Sueton. Aug. 67. Dio.

U. c. 737.  
A. C. 15.

lis excusavit Licinium, quaedam ignorare se, alia non credere simulans: quin et occultabat haud pauca, pudore etiam ductus, quod tali procuratore uteretur. Sed maxime Licinio calliditas sua profuit; qui, alias quoque ad novorum operum impensas conferre patrone grandes summas solitus, irato poenasque minitanti magnam vim auri argentique, et ceterarum rerum ingentes acervos ostendit: *ea non sibi, nec avaritiae causa congesta dicens, sed in Caesaris populi-que Romani usus; et ne Galli, gens ad res novas mobilis, his instructa copiis facilius ad rebellionem prolaberetur.* Sic effectum, ut Licinius in Gallia multos annos veluti regnum continuaret. Hoc tempus esse crediderim Augustoduni in Aeduis conditae, quae caput gentis esset, liberalibusque studiis, quorum ibi praestantissimos magistros collocavit Caesar, nobilissimam Gallorum juventutem ad mitiorem vitam erpdirer. Inde Tiberium, cujus opera ferme per integrum annum in regenda Gallia usus erat, in Rhaetiam cum exercitu misit.

*Bellum  
cum Rhaetis  
et Vindelici-  
cis.*

LIV. Rhaeti, circum Alpes Tridentinas inter Noricos Gallosque positi, et hos et Italiam latrocinio vexaverant, diu lateque grassati; et transeuntes negotiorum causa Romanos sociosque interfecerant: tamque crudelis his erat animus, ut omnes mares captos protinus occiderent, ne his quidem, qui essent in utero, exceptis, quos, nescio qua divinatione, deprehendebant. Hos jam Drusus ab Augusto missus pugna vicerat ad Alpes Tridentinas, ideo praetoriis insignibus honoratus. Ab eodem finibus Italicis submoti, ubi Galliae infesti incubuerunt, etiam Tiberius in eos missus, quando et Vindelici cum Rhaetis se conjunxerant.

*A Druso et  
Tiberio con-  
stitur.*

LV. Hi divisis partibus, per se et legatos pluribus locis hostem adgressi, multis urbium et castrorum oppugnationibus, Tiberius etiam per lacum navigiis subvectus, carpserunt. Justis quoque proelii dimicatum, a Tiberio praecipue. Nec occurrere locis omnibus barbari cum magna multitudine poterant, et quidquid ubique intercipiebatur, et animos ceterorum et vires minuebat. Igitur eo dedu-  
cta

Cap. LIII. Macrobi. Sat. 2. c. 4. Dio. Sen. Lud. de morte Claud. Tac. Ann. 3, 43. et ibi Lips. Dio. Sueton. Tib. c. 9. Dio. Cap. LIV. Strabo, l. 4. p. 206. Dio. Flor. 4, 12. Oros. 6, 21. Dio. Vell. 2, 95. et Dio. Cap. LV. Hor. Carm. 4, 4. et 14. Vell. et Dio. Hor. Carm. 4, 14. Dio. Liv. Epit. Vell. Dio. Strabo.

ista res est, ut, vieti a fratribus, in populi Romani ditionem concederent. Victores, frequentiae hominum feritatisque diffusi, quidquid aetate ac robore validum fuit, abduxerunt: relictis, qui agro colendo magis, quam turbandis rebus, sufficerent. Sic in provinciae formam redacti unius aetatis bello, sed fida victoria, et multos in annos quietem ab his gentibus et tributa praestante. Coloniae, vincula domitarum gentium, in Rhaetia Drusomagus, Augusta in Vindeliciis, excitatae.

U. e. 737.

A. C. 15.

LVI. Inter tot hujus anni gesta Vedii quoque Pollionis mors invenit locum, divitiarum tantum et saevitiae nomine noti; sed in quo memorabile factum Augusti non immerito celebratur. Libertinus homo, deinde receptus in equestrem ordinem, muraenas alebat in piscina, quod iis temporibus divites adfectabant. Sed ceteris innocentior luxur erat: hic iisdem ad crudelitatem abutebatur, servos, in quos animadvertere volebat, obijciens, ut pariter totius hominis distracti, tamquam egregio, spectaculo frueretur. Hoc supplicio perire iussus puer, qui forte crystallinum calicem fregerat, ad Augusti adcubantis pedes provolvit sese, non mortem, sed foeditatem poenae, deprecatus. Susceperat miseri patrociniū Caesar; nec homo superbus et truculentus exorari patiebatur. Igitur Caesar, adferri iubens cetera, quae haberet, crystallina, tamquam usurus, omnia sua manu confregit, missumque fieri puerum, et piscinam compleri praecepit, potestate sua bene usus.

*Vedii Pol-  
lionis saevi-  
tia.*

LVII. Hic tum Pollio mortuus heredem ex magna parte Caesarem reliquit, in qua et Pausilypum fuit, inter Neapolim et Puteolos villa; cujus in vivariis (ut hoc obiter adnotetur) positum a Pollione piscem post sexagesimum annum exspirasse Annacus Seneca memoriae prodidit. Admisit iudicium Augustus, et, quia testamento iussus erat opus insigne facere publice, abusus hac occasione, paullo post, ad obliterandam Pollionis memoriam, cujus ipsum amicitiae suppedebat, domo ejus maxima et splendidissima ad solum diruta, porticum inaedificavit, non Pollionis nomine, sed Li-

*Ejusdem  
heres Cae-  
sar.*

*Porticum  
Liviae ex-  
structum.*

Cap. LV. Ptolem. 2, 12. Cap. LVI. Dio. Tac. Ann. 1, 10. Dio. Plin. 9, 23. Senec. de Clem. 1, 18. et de Ira, 2, 40. et Dio. Plin. Sen. et Dio. Cap. LVII. Plin. 9, 53. Dio.

Supplem. Liv. Tom. XIV

B b b

U. c. 737. viae, inscripto, eamque decoravit priscorum artificum  
A. C. 15. tabulis.

*Ab Augusto multo-  
rum urbium  
nomina.*

LVIII. Interim in Gallia ac Hispania multae coloniae deductae, quas a se cognominari ad memoriam aetatis suae Augustus voluit. De Augustoduno jam diximus. praeter hanc in Gallia fuere Augusta Tricastinorum, Trevirorum, Rauracorum, Veromanduorum, Ausciorum, Nemetum, Sueffionum: tum Augustobona, Augustomagus, Augustoritum. At Hispaniae Augustam Firmam, et Gemellam, et Novam, et Juliam Gaditanam, Braccaramque habuerunt: praeterea Augustobrigam, et Caesaraugustam: itemque Augustanos Setubitanos, et Astures, et Cerretanos, qui plerique sub haec tempora cum novis aut adauctis urbibus haec nomina receperunt. Sed et Cyprii terrae motu, familiari malo, vehementer adflictis subventum, indultumque, ut Paphum urbem, quam ea pestis prae ceteris perculerat, Augustam cognominarent. Nondum enim mos inoleverat, ut sibi, quot et qualia vellent, vocabula civitates adsciscerent, sed in beneficii loco senatus haec imponebat. Cyzicenis interea Caesarem deprecantibus, quam nuper amiserant, libertas reddita.

*Ab senatu  
Rom. imposita.*

U. c. 738.  
A. C. 14.  
M. Licinio, Cn. Cornelio  
Coss.

*Aediles vi-  
tio creati  
statim re-  
ficiuntur.*

LIX. M. Licinius M. F. Crassus, Cn. Cornelius Cn. F. Lentulus Augur consules sequuntur. Hoc anno curules aediles, quum vitio creati abdicassent, statim aliis comitiis relecti, exemplo prius inaudito, magistratum gessere. Porticus Paulli conflagravit, incendio etiam Vestae aedem adflante: propter quem metum, quod maximam virginem caecitas arcebat eo officio, per ceteras in domum Dialis Flaminis, tum vacantem, delata sacra sunt. Porticus relecta Caesaris et amicorum Paulli pecunia: nam filii ejus, quorum nomine fiebat opus, ob paternam calamitatem modicis facultatibus erant.

*Scribonius  
Bospori re-  
gnum occu-  
pat.*

LX. Ab externis bellis nec quies omnino, nec periculum fuit. Pannoniorum celeriter coërcita rebellio: et Ligures, quos Comatos adpellant, cum maritimis Alpibus, quas hactenus liberi possederant, in potestatem venerunt. Major aliquanto motus ad Bosporum exortus Scribonii dolo; qui, se missum ab Augusto

Cap. LVII. Sueton. Aug. 29. Cap. LVIII. Dio. Vide Geographos. Euseb. Chron. Sen. Ep. 91. et Nat. Quaest. 6, 30. Dio. Cap. LIX. Supra 80, 44. Dio. Cap. LX. Lucian. Macrob.

defensorem regni mentitus, Asandrum ad necem voluntariam compulerat. Ille enim, licet nonagenario major, sed viribus nondum absumptis, ob eam injuriam cibo abstinuit. Scribonius, nepotem se Mithridatis magni ferens, Dynamin, Asandri filiam, neptem ejusdem Mithridatis e Pharnace, cui moriens Asander regnum reliquerat, in matrimonium, unaque Bosporum quasi dotalem accepit.

U. c. 738.  
A. C. 14.

LXI. His rebus cognitis, Agrippa Polemoni regi Pontico mandavit hoc bellum. Ipse, rogatu Herodis, qui ad eum in Asiam venerat, in Judaeam profectus, urbes ab rege recens conditas inspexit, ubique magnifice habitus. Hierosolymas etiam inter occurrentium festas voces ingressus, hecatomben obtulit DEO, epulumque populo dedit. Inde post paucos dies, ne hieme navigandum esset, in Ióniam trajecit, negotiis provinciae vocantibus: Beryto interim colonia deducta, quae *Augustana* adpellata est. Per haec tempora Polemon, ducto in Bosporanos exercitu, Scribonium quidem nullum ultra reperit; quem, comperta hominis fraude, ipsi necaverant: ceterum cum his pugnandum Polemoni fuit, metu, ne illi traderentur, arma capientibus: et quamquam proelio victi ferociam retinebant.

*Agrippa Hierosolymis sacrificat.*

LXII. Haec, anno superiore acta, quam Agrippa didicisset, ipse proficisci ad bellum decrevit. Igitur, ubi commodum navigationi tempus rediit, Sinopen, et inde in Paphlagoniam profectus, propinquo metu Bosporanos arma ponere, signa Romana Mithridatico bello capta reddere, regemque adcipere Polemonem coëgit, Dynami etiam in matrimonium ei tradita. Haec agenti Herodes ad omnia promptus ac diligens aderat, magnam super antiquam familiaritatem gratiam adeptus, quod, relicto regno suo, in Asia quaesitum Agrippam Sinope consequutus, auxilium operamque non admonitus obtulerat.

*Bosporanos Polemonis subicit.*

LXIII. Illiensibus ea res plurimum profuit, quibus Romanus, propter uxoris periculum iratus, centum millium drachmarum multam dixerat. Quippe Julia,

*Illiensibus ab Herode placatur.*

Cap. LX. Dio. Cap. LXI. Joseph. Antiq. 16, 2. et Philo Legat. ad Cajum. Euseb. Chron. et ibi Scal. Dio. Cap. LXII. Joseph. Antiq. 16, 3. Dio. Euseb. Chron. Oros. 6, 21. Dio. Joseph. Cap. LXIII. Nicol. Damasc. de vita sua in Excerpt. Vales.

B b b 2

U. c. 738. noctu Ilium petens, dum Scamandrum in lectica trans-  
 A. C. 14. it, subito fluminis auctu magnum vitae discrimen ad-  
 ierat. Ergo legati, ad deprecandum missi, quum  
 Amisum venissent, nec agentem ibi Agrippam aude-  
 rent compellare; Nicolaum Damascenum orarunt, ut  
 sibi regis Herodis, cui erat ille familiarissimus, pa-  
 trocinium compararet. Suscepit rex, et, culpa ab  
 Iliensibus ignaris rei translata in casum, Agrippam,  
 alioqui prioniorem ad clementiam, placavit: quum illi  
 jam, desperato negotio, in patriam renavigassent. A-  
 grippa, postquam praesentia satis composita ratus est,  
 per Paphlagoniam et Cappadociam Phrygiamque ma-  
 jorem Ephesum rediit. inde trajecit Samum, Herode  
 semper eum comitante.

*Judaeis  
 confirmas  
 privilegia.*

LXIV. Haec res animum Judaeis addidit, qui, jus  
 civitatis in Iönicis urbibus, beneficio regis Antiochi,  
 cui cognomentum Deus fuit, adepti, trahi se ad ju-  
 dicia festis suis, et, quam mittere Hierosolymam so-  
 larent, pecuniam sibi adimi querebantur, quamquam  
 et Romani suis se legibus degere jussissent. Horum  
 causam agente Nicolao, quum et Herodes Agrippae  
 adsideret; aequum censentibus Iönibus, civium loco  
 non esse apud se, qui alienis sacris uterentur; Agrip-  
 pa nihil mutandum censuit, scripsitque ad Ephesios  
 aliosque, jubens injuriis Judaeorum abstineri. Sed et  
 Cyrenensium magistratibus injunxit eadem, Judaeis  
 illius etiam provinciae paria questis. Hinc Bospo-  
 rani belli ad Augustum perscripto exitu, nam ad sena-  
 tum scribere, sicut priscis imperatoribus solitum,  
 modestiae causa supersederat, acta rata habuit Augu-  
 stus, supplicationesque et triumphum ei decernendum  
 curavit.

U. c. 739. LXV. Jam et Galliae Hispaniaeque res reductae in  
 A. C. 13. tranquillio rem statum erant: Germani adhuc tumultu-  
 Ti. Clau- abantur. Igitur, ad hos coërcendos, agendumque cen-  
 dio, P. sum Galliarum, Druso relicto, Caesar Romam rediit,  
 Quinctilio quum jam Ti. Claudius Ti. F. Nero, P. Quinctilius Sex.  
 Coff. F. Varus consulatum inissent. Forte iisdem diebus nun-  
*Theatrum* cius de reditu Caesaris advenerat, quibus theatri sui  
*Cornelii* dedicationem Cornelius Balbus sumptuosis spectaculis  
*Balbi dedi-*  
*catur.*

Cap. LXIII. Joseph. Nicol. Joseph. Cap. LXIV. Joseph.  
 Antiq. 16, 4. et 12, 3. Joseph. Antiq. 16, 10. Dio. Tac. 4.  
 Hist. 4. Dio. Cap. LXV. Liv. Epit. Dio. Sueton. Aug. 29.  
 Tac. Ann. 3, 72.

celebrabat: vir maximis opibus magnifice usus, qui et in natali solo Gaditanis novam urbem, cum navali in opposita continente, suis impensis aedificavit. Is igitur Augustum redire, tamquam huic laetitiae interesse cupientem, egregium sibi ducebat: et ab Tiberio quoque consule in honorem exstructi theatri sententiam rogatus est primus. Quippe senatus, adventu Augusti audito, habebatur ad honores ei decernendos.

U. c. 739.  
A. C. 13.

LXVI. Inter alia placuit, *aram reditus in curia poni: neque supplicium sumi de his, qui supplices intra pomerium Augusto facti essent.* Neutrum ab illo adceptum: et, ne populus obviam iret, quamquam Tiberis inundaverat urbem, ita quidem ut Balbi theatrum nisi navigio adiri non posset, more suo noctu introiit. Postridie, quum populum, qui in Palatium confluxerat, persalutasset, in Capitolium adscendit, demptamque de fascibus lauream in genibus Jovis reposuit. Eodem die, balneo gratuito tonsoribusque plebi praebitis, senatum convocandum curavit, de gestis suis relaturus.

*Augustus oblatos honores abnuit.*

LXVII. Gravedine laborabat: ideo libellum quaestori recitandum dedit, quo acta sua post profectio-  
nem ab urbe comprehenderat; addito, *consultum videri, Praetorianos expleto duodecimo stipendio, ceteros sexto decimo dimitti: et, quia jam in morem venerat agros assignari veteranis, pro his certam pecuniam dari.* Nec dubie adceptum, quod petierat, militibus quidem nec indignationem conspicuam, nec laetitiam movit, qui neque nihil eorum, quae postularant, neque omnia consequiebantur: possessoribus gratissimum fuit, ita futurum cernentibus, ut timere perniciosas illas agrorum divisiones aliquando desinerent. Cornelii Balbi ludos alii paullo post exceperunt, Augusti natalem praetore Iulo Antonio circensibus et venatione celebrante: qui et epulum ei ac senatui in Capitolio ex senatusconsulto dedit.

*Perniciosas agrorum divisiones tollit.*

LXVIII. Inde reversus ad curam reipublicae Caesar quaedam, per absentiam suam utcumque constituta, mutavit in melius. Post civilia bella quadringentis tantum sestertiis censum senatorium definiri placuerat, plerorumque re familiari valde adcisa aut tur-

*SC. de minoribus magistratibus ex equestri ordine legendis.*

Cap. LXV. Dio. Strabo, l. 3. p. 169. Dio. Cap. LXVI. Sueton. Aug. 57. Dio. Sueton. Aug. 53. Dio.



U. c. 739. *bata. Nuper idem, quod satis jam refecti diuturna*  
 A. C. 13. *pace videbantur, auctus erat ad sestertium decies. sed*  
*eum adhuc modum habebant non multi: unde et rari*  
*adfectabant senatorium locum; et ex conscriptis qui-*  
*dam, quorum patres avique ejusdem ordinis fuerant,*  
*ob veram aut simulatam paupertatem ejurabant. Id-*  
*circo senatus, loco sex et viginti virorum, qui ad*  
*minores magistratus quotannis ex senatoribus eligi*  
*consueverant, decreverat, uti viginti ex equitibus no-*  
*minarentur: unde triumviri rerum capitalium, et auro*  
*argento aeri flando feriundo; tum quatuorviri curandis*  
*in urbe viis; denique decemviri ad judicia centumvitalia*  
*fierent. nam duumviros viarum extra urbem curandarum,*  
*et quatuor viros in Campaniam mitti solitos abrogari*  
*placuerat. Nec tamen hi senatores fiebant, nisi quem*  
*alium magistratum, qui more majorum id jus conferret*  
*gerenti, adipiscerentur. Decretum erat praeterea, quan-*  
*do tribunitiis comitiis candidati deessent, uti ex quaestor-*  
*ibus, qui quadragesimum aetatis annum non expleissent,*  
*sorte ducerentur.*

*Augustus*  
*non facile*  
*finis senato-*  
*rem ejurare.*

LXIX. Augustus autem, parum haec efficacia re-  
 media tot incommodis ratus, totum senatum recen-  
 suit: neque veniam cuiquam quinque et triginta annis  
 minori dedit ponendi ordinis, praeter qui manco cor-  
 pore aut inferiore censu essent. Et, quo minus ali-  
 qui fallerent, valetudinem excusantes inspexit ipse:  
 de facultatibus nemini, nisi jurato, credidit, ac ne te-  
 stibus quidem injuratis. exegit praeterea vitae ratio-  
 nes paupertatisque causas, ut subveniret his, qui  
 nulla sua culpa facti inopes fuissent. Nec minori sol-  
 licitudine domestica moderabatur, increpito etiam  
 Tiberio, *quod ludis votivis*, quos Augusti reditu con-  
 sules fecerant, *Cajum juxta se collocasset*: populo  
 quoque castigato, qui puero adsurrexerat, stansque  
 plauserat, laudibusque prosequutus eum fuerat.

*Lepidum*  
*tractat in-*  
*clementius.*

LXX. Sub haec demum tempora pontificatum ma-  
 ximum ante diem pridie Nonas Martias adsumpsit Cae-  
 sar, non sustinens vivo extorquere Lepido, quod Ro-  
 manis moribus sacerdotia ne exsilio quidem amitte-  
 bantur. Ceterum satis eum per tot annos contemptum  
 habuerat, praeter alias causas propter adolescentis  
 Lepidi conjurationem infestior. Nam in agris amissae  
 potentiae pudorem obtegere cupientem migrare in ur-  
 bem, venire in senatum coegerat; quo plurimum deri-

Cap. LIX. Sueton. Aug. 56. Dio. Cap. LXX. Ovid. Fast.  
 3, v. 415. Sueton. Aug. 31. Senec. de Clem. 1, 10. Plin. 18, 2.

cui exponeretur. Sed et ultimum ei locum dicendae inter consulares sententiae dedit; quum alios secundum tempora gesti magistratus, aut singularem quamdam praestantiam collocaret. Nec adversus haec nitendi vis erat ulla Lepido; qui equidem, si pontificis maximi tanta potestas fuisset, ut imperium adimere, cui vellet, posset, quod nuper adseri coeptum est, adversus has injurias in promptu telum acerrimum habuisset. Eodem anno Augustus tribunitia potestate duodecimum, quadringenos nummos viritim populo dedit. Honores ab senatu delatos, pontificatu adcepto, abnuit: insistentibus, surrexit, et e curia se proripuit. Aedes sibi publice praebere non est passus: sed, quia pontificem maximum in publica domo habitare necessum erat, suarum aedium in Palatio partem publicavit. Domum autem, quam rex sacrorum olim obtinuerat, Vestalibus, quarum ab habitatione communi tantum pariete distinguebatur, tradidit.

LXXI. Et ne per iram quid faceret aut diceret incivilius, quum in senatu propter uxoris suae vitam adcusatus Cornelius Sisenna, ductam sibi Augusto auctore confirmaret; exsiluit e sede sua, et, spatio temporis interposito, rediit: *hoc, licet non concinnum, admittere maluisse, quam aliquid forte gravius, inter amicos postea confessus est.* Nec subtrahenda memoriae vel Principis est patientia, vel libertas ingredientium discedenti aliquando, *Licere oportere senatoribus de republica loqui.* Ferunt Augustum, hujus vitii conscium, gratanter amicorum admonitiones excepisse. Nam et Athenodorum Tarsensem a se digredientem, quum, rogatus utile praeceptum relinquere, dixisset, *uti, quum coepisset irasci, quatuor et viginti Graecas literas memoria recenseret, priusquam aliquid faceret, aut loqueretur, retentum ab eo, dicente, sibi adhuc ejus praesentia opus esse.*

LXXII. Ceterum Agrippa reversus in urbem decretum sibi triumphum ducere noluit: exemplumque dedit, ne quis postea privatorum aut ex provinciis scriberet ad senatum, aut victis hostibus triumpharet. Igitur, simul ob virtutis et modestiae singularem praestantiam, summos in eum honores Augustus haud maligne contulit. prorogata ei in aliud quinquennium tribunitia potestate, in Pannonios mittens, cum majore

U. c. 739.  
A. C. 13.

*Ne quid per iram facias aut dicat. cauet.*

*Agrippae modestia.*

Cap. LXX. Dio. Lapis Ancyrae. Dio. Cap. LXXI. Sueton. Aug. 54. Plut. Apophth. Rom. Aug. Cap. LXXII. Dio.

U. c. 739. re, quocumque extra Italiam venisset, imperio, quam  
 A. C. 13. eorum esset, qui provinciam obtinerent. Nec ille cunctanter, quamquam imminebat hiems, profectus, solo terrore nominis praesentiaeque suae coërcuit hostem, nihilque abnuenti veniam praeteritorum dedit. Sed inde revertens, quum jam M. Valerius M. F. Messalla Barbatus, P. Sulpicius P. F. Quirinus consules essent, in Campania morbo correptus exspiravit, priusquam eo pervenire Augustus posset: qui ad nuncium valetudinis ejus, quamquam forte Quinquatribus nomine filiorum ludos exhiberet, festinanter excurrerat.

*Ac laudatio.*

LXXIII. Corpus ejus in urbem perlatum est, ac in foro propositum, dum Augustus laudationem peragit, velo interposito, quod adspectum arceret. Id utrumne fecerit, quia censor erat, an quia pontifex maximus, quod his, summorum apud Judaeos sacerdotum more, cadaver videre nefas esset, parum liquet: praesertim quum utramque opinionem Dio arguat, non ignorans istorum, bis consul, semel etiam pontificis maximi collega. Ceterum Agrippam in suo monumento condi jussit Caesar, ubi et Marcellum sepeliera: quamquam et illi datus in campo Martio sepulturae locus fuerat. Hunc ad modum Agrippa finiit vitam, fama, quam genere, nobilior, amicitiaque Caesaris Octaviani virtutibusque suis proventus, quibus domi bellicae immensum claruit: cetera quoque, si quisquam eo tempore Romanorum, vir bonus, et omnino dignus, quem pronepos Caligula non agnosceret: summum haud dubie locum, si rempublicam liberam nactus esset, occupaturus: in regno unius, et communi ceterorum obsequio, ita medius, ut tamen imperio, quam servitio, propior esset: cujus magnitudinem ne Augustus quidem Princeps obumbrare totam potuit.

*Legata ab Augusto praestita.*

LXXIV. Moriens balneum populo legavit, quod Agrippae dictum est, ubi gratis lavaretur: ob hoc praedia quaedam Augusto adscribens, quorum e redditibus impensae praestarentur. At hic pecuniam insuper divisit populo, tamquam et hoc Agrippa jussisset. Chetronesus etiam ad Hellespontum e bonis Agrippae ad Caesarem pervenit. Natum deinde postumum nominari Agrippam voluit, quo patris ejus memoria

Cap. LXXII. Liv. Epit. Dio. Cap. LXXIII. Joseph. Antiq. 3, 10. Dio. Vell. 2, 96. Sueton. Caio, 23. Cap. LXXIV. Dio.

diuturnior et recentior esset, cujus et Caesarem et populum ex aequo ingens desiderium ceperat. Summa enim prudentia se maximis in negotiis gesserat, ut Caesaris imperium adceptum civibus faceret: et, quum vigiliis laboribusque suis praecipuum ejus regni firmamentum esset, comitate, mansuetudine, liberalitate popularis haberi meruerat.

U. c. 740.

A. C. 12.

LXXV. Ergo et ejus mortem prodigiis, qualia magnas calamitates praecedere soleant, pronunciatam esse crediderant: quia bubones in urbe conspecti, fulmine tacta domus in Albano, ubi divertere Latinis consules consueverant, et cometa per complures dies super urbem conspectus, in faces divisus fuerat. Incendia quoque multa tum exstiterant: et inter alia, corvis ex ara quadam cum carne rapta prunas inferentibus; Romuli casa conflagravit. Inter haec quum luctus causa spectacula solemnia negligerentur, primoribus Patrum interesse nolentibus, nihil ex patrio more remittendi auctor iis Caesar fuit; et, quo minus dubitarent, gladiatorio munere ipse praesedit: quo exemplo etiam ab aliis mox, absente ipso, ludi facti sunt, pristinamque per omnia speciem civitas recepit.

*Mors ejus  
prodigiis  
praeannun-  
ciata creditur.*

## E P I T O M E

### LIBRI CENTESIMI TRIGESIMI SEPTIMI.

*Civitates Germaniae, cis Rhenum et trans Rhenum positae, oppugnantur a Druso; et tumultus, qui ob censum exortus in Gallia erat, compositus; ara Caesari ad confluentem Araris et Rhodani dedi-*

*Tumultus, qui ob censum exortus in Gallia erat, compositus] exortus erat in Gallia Berg. in Galliis exortus erat Lov. 2. Praeterea composuit Berg. componit Leid. et Voss. componitur Exc. Pithoei. Sed vulgatum tuentur Boend. et Norv. Paulo ante voces et trans Rhenum exulant culpa librarii a Boend.*

*Ara Caesari ad confluentem Araris et Rhodani dedicata] Vet. lib. Ara D. Caesari. SIG. Mihi auspectum est Divo; quia non video, cur Auctor Epitomarum Augustum hoc uno loco potius Divum Caesarem, quam Caesarem, ut in Epitomis praecedentibus, aut Augustum, ut Epit. 138. aut denique Caesarem Augustum, ut Epit. 140. appellare voluerit. Si quis inconstantiam quidem illius argui posse, sed tamen eum hoc a Livio accipere potuisse putat, ei ostendendum est, Livium postremo hos libros historiarum post mortem Augusti, cui eum in quartum annum superstitem fuisse prodidit Eusebius, evulgasse, ut in iis Augustum Divum vocare potuerit, quem viventem*

*1, 19. 4, 20. et 28, 12. Divum non dixerat. Ita mihi videtur: nec adhuc muto, quae ad Florum 4, 2, 91. idoneos auctores secutus, de corona radiata et titulo Divi primorum principum Romanorum verbo dixi; cum non necesse esset, ea ibi pluribus exsequi, etsi voces adulatorias adsentatorum, et arrogantiam, vel dementia potius, quorumdam principum non ignerabam. Vir doctissimus, qui ea tum probare non potuit, ipse deinde de titulo Divi idem scripsit. Aram Lugdunensem Augusto primum dedicatam fuisse Calendis Augusti, die natali Imp. Claudii, qui fuit A. V. 1306XLIII. auctor est Sueton. in Claud. 2. De ea est in inscriptione apud Gruter. 13, 15. DUK. Ardi Caesaris etc. dedicata Voss. et Lov. 2. Ardi Caesari etc. dedicatur Exc. Pithoei. Arebi Caesaris etc. dedicata Boend. Aram Caesaris etc. dedicat Leid. et Berg. Tum ad confluentem maris et Rhodani Leid. Voss. Berg. Lov. 2. Boend. Exc. Pithoei, Norv. et edd. vett. pro quo Ascensius jam anno 1510. Araris emendavit. Ex his patet, nullum etiam meorum codd. literam D, a Si-*

*cata, sacerdote creato C. Julio Vercondari Dubio Aeduo.*

gonio interpositam, sive vocem *Divo*, agnoscere; nisi forte quis ex *Ardi* emendandum putet *Ar. Di*, sive *Ara Divo*. At potius Cl. Dukero adsentior, et litteram *D.* vel vocem *Divo*, mihi quoque suspectam profiteor. Aram hanc, Romae et Augusto ad confluentem Araris et Rhodani dedicatam, pluribus illustravit Menestrier Histoire Consulaire de Lyon p. 68. Quemadmodum autem hic *ad confluentem* numero singulari, ita etiam Justin. 32, 3. *Ex his manus quaedam in confluyente Danubii et Savi consecret.* Sed **AD CONFLUENTES ARARIS ET RHODANI** est in inscriptione, quam Dukerus laudavit.

*Dedicata, sacerdoteque creato* Vet. lib. *dedicatur, sacerdote creato*. SIG. Voculaque, quam Sigonius expunxit, exsulat etiam a Leid. Voss. Berg. Lov. 2. Boend. Exc. Pithoei, et ed. Camp. Praeterea *orato, pro creato*, perperam Voss. Insigni negligentia vocem illam omiserunt Doujatius et Clericus.

*C. Julio Vercondari dubio Aeduo* Corruptum nomen Gallicum. Barberin. et Gud. *C. Julio Verecunda Rudibrio Aeduo*. Voss. *C. Julio Iracondati dubrio eduo*. Gud. alter *C. Julio Vercon Claridubrio Adrio*. J. FR. GRON. *C. Julio Vercondari dubio Aeduo* Leid. *C. Julio Tracondati Dubrio Aeduo* Voss. *C. Julio Vercondarum*

*dubio Aeduo* Berg. *C. Julio Vercondari Dubrio Aeduo* Lov. 2. *C. Julio Vercondari Dubrio Aeduo* Exc. Pithoei. *C. Julio Vercondari dubio Aeduo* Norv. *Vercondari dubio*, duabus vocibus, editi ante Modium, qui unica voce *Vercondari dubio* dedit. Et ita recentiores. Menest. Hist. Cons. de Lyon pag. 72. locum ita laudat, quasi invenisset *C. Julio Vercondato Dubio Heduo*, at pag. 73. *C. Julio Vercondari Dubio Heduo*. Fluvius Galliae Dubis variis auctoribus memoratur. Et quidem Aedui habitabant *μεταξὺ τοῦ Δούβιου καὶ τοῦ Ἀραποῦ*, teste Strab. 4. Geogr. pag. 192. An igitur forte flumini illi vicina fuit urbs ignobilis ejusdem nominis, hujus C. Julii patria, unde *Dubius* vocatur, gente Aeduus? Ceterum inde Menestrier p. 73. hunc C. Julium sacerdotem conjicit eundem Julium Sacerdotem esse, quem a Caligula interfectum esse refert Dio Cass. 59, 657. Verum verba Dionis hanc conjecturam falsi arguunt: *Sacerdos* enim apud eum est nomen proprium, et is, quem Caligula occidit, ab ipso vocatur *Ιούλιος Σακερδώς*. *Sacerdos* autem cognomen Romanum esse, docet C. Licinius *Sacerdos*, cui Verres in praetura urbana et Siciliensi successit. Quin etiam inter cognomina gentis Juliae fuit. Nam **C. IVLIVS SACERDOS** memoratur in lapide apud Gruter. 442, 1.

# JOHANNIS FREINSHEMII

## SUPPLEMENTORUM LIVIANORUM LIBER CII.

### IN LOCUM LIBRI CXXXVII. T. LIVII.

U. c. 740.  
A. C. 12.  
*Praefectura morum Augusti praelegatur.*

I. Jam exibat Augusto quinquennium, in quod praefecturam morum receperat. igitur alterum in quinquennium prorogata ei potestas, similiter ut imperium, quum certum ad finem data videretur, rebus ipsis perpetua fuit. Tum institutum, ut, quoties senatus haberetur, singuli Patrum, priusquam adsiderent, thure et mero supplicarent ad altare ejus Dei, cujus in templo coiretur: neque prius domum Augusti ventitarent, sed in senatu sedentes salutem acciperent redderentque: quo et religiosius, et minore cum molestia partibus suis fungerentur. Tribunatum plebis, propter vim ejus magistratus enervatam, pauci petebant. Idcirco constitutum est, uti a magistratibus equites Romani singuli nominarentur, quibus haud minus decies sestertium res esset. Ex his denique deligeret populus in loca, quae senatores non occupassent. His deinde post magistratum gestum optio esset, utrius ordinis haberi mallent.

*Asia terrae motibus conflictata levatur.*

II. Asiam deinde, terrae motibus misere conflictatam, levaturus, annum ejus tributum de sua pecunia inferri in aerarium jussit: et loco proconsulis legatum ei ex praetoribus sortito in biennium dedit. Quum paullo ante haec tempora in judicio quodam Maecenatem et Appulejum vehementer exagitari ab accusatore comperisset, quod adulterii reo patrocinium praestabant, venit in judicium et ipse, et, in tribunali considens, nihil fecit gravius, quam quod suis propinquis amicisque non placere conviciari ad accusatorem effatus, abiit. Ob haec atque talia popularia facta statuae ei ex collatitia pecunia sunt positae: decretumque, ut in honorem ejus natalitiis Augusti ludis etiam coelibes spectare permitterentur.

Cap. I. Dio, l. 54. Sueton. Aug. 27. Dio, et Sueton. Aug. 35. Dio. Sueton. Aug. 53. Dio, et Sueton. Aug. 40. Cap. II. Dio.

III. Ceterum mors Agrippae Tiberium Caesari U. c. 740.  
 propius admovit, socio laborum indigentj, et infirma A. C. 12.  
 adhuc aetate nepotum. Igitur habenti in matrimonio *Tiberius*  
 Vipsaniam, Agrippae filiam ex priore matrimonio, *sensim suc-*  
 dimittere uxorem, et despondere sibi Juliam praece- *cedit in A-*  
 pit. Nunciabatur interim, tumultuari Pannonios, au- *grippae lo-*  
 dita morte Agrippae, cujus metu quieverant. Idcir- *cum.*  
 co missus in hos Tiberius, egregia Scordiscorum o-  
 pera, qui vicini Pannoniis et armatura totaque reli-  
 qua ratione belli similes sunt, evastatis late omnibus,  
 gentem ad repetendam, quam abjecerat, pacem coëgit.  
 Arma victis adempta, magnusque juniorum numerus  
 ea lege divenditus, ne in propinquis patriae suae re-  
 gionibus haberentur. Triumphum ob haec Tiberio  
 decreverant Patres: Augustus ejus loco triumphalia  
 ei ornamenta dedit, novo nec antea cuiquam tributo  
 genere honoris.

IV. Dum ita Tiberius successu praemiisque ope- *Drusus*  
 rum ac laborum adtollitur, haud minus fratri ejus *Gallorum*  
 Druso quaesitum decus est, Gallorum consilia, *consilia*  
 Germanorum arma, solerter fortiterque coërcenti. *coërcet.*  
 Census nuper actus a Druso, quem in Galliam Augustus  
 ideo miserat, tamquam haud incertum servitutis argu-  
 mentum, Gallorum animos desiderio rerum novarum  
 compleverat: passim, ut solet, erumpentibus indiciis.  
 Ea fiducia, et quod Augustus discesserat, Sicambri  
 eorumque socii ad utramque Rheni ripam incolen-  
 tes, arma, neglectis, quos dederant, obsidibus, re-  
 sumpserant.

V. At Drusus, tum rectius in hostes impetum ver- *Occasione*  
 ti ratus, ubi sociorum res compositae forent, eo cu- *templi Au-*  
 ram intendere coepit. Commodam Fortuna occasio- *gusti suspe-*  
 nem praebuit omnia circumspicienti, quod absolutum *ctos in pote-*  
 Augusti templum, Gallis communiter praebentibus, *state habens.*  
 fuerat. Hujus ad dedicationem evocati principes,  
 quum praetextus honestissimus esset, neque detecta sua  
 consilia sentirent, plerique omnes Lugdunum conve-  
 nerunt: ibi ad confluentes Araris et Rhodani, ubi

Cap. III. Vell. 2. 96. Tac. Ann. 1. 3. Dio. Sueton. Aug. 63. et  
 Tib. c. 7. Vell. Dio. Sueton. Aug. 21. et Tib. c. 9. Vell.  
 Dio. Sueton. Aug. 21. Dio. Sueton. Tib. c. 9. Cap. IV.  
 Liv. Epit. Dio. Bucher. de Hist. Belg. l. 1. c. 15. Liv. Epit.  
 Cap. V. Strabo, l. 7. p. 391. Dio. Strabo, l. 4. p. 192. Cas-  
 siod. Chrysn. Dio.



U. c. 740. nunc coenobium Atanacense est, delabrum excitatum  
 A. C. 12. erat cum insigni ara, inscriptionem habente sexaginta gentium, a quibus etiam singulae statuæ in eodem templo dedicatae visebantur. spatiosus deinde lacus circumjectus claudebat locum. Hunc annuis ludis atque rhetorum etiam certaminibus celebrari placuit. Sacerdos e principibus Aeduorum C. Julius Vercundaridubius creatus. Inter hanc remissionem animorum, quum operam dedisset Drusus, ut, quos suspicio novorum consiliorum contigerat, plerosque omnes in potestate haberet, motus, qui timebatur e Gallia, mira repente tranquillitate consedit.

*Suetonii  
 error in ad-  
 signando ge-  
 sti hujus  
 tempore.*

VI. Suetonius Lugdunensis arae dedicationem ad sequentes consules Julum Antonium, Q. Fabium, et Kalendas Augustas ejus anni retulit: quo et natum Druso filium narrat, qui multos post annos imperator factus est. Ego hunc annum ex mente, non Dionis modo, sed etiam Livii, nam et hunc ita tradidisse non obscura indicia sunt, tradere malui.

*Drusi ex-  
 peditio Ger-  
 manica.*

VII. Tum demum, remoto provinciali metu, totus in bellum versus, ad Rheni ripam adducto clam exercitu, Germanos, quorum eruptio expectabatur, adgressus, quum trajectos in Gallicam ripam improvisus circumvenisset, cecidit. Ipse deinde, transito amne, qua Batavorum insula venientibus e Gallia placido flumine faciles adpulsus praestat, mox in ulteriora tendit. Usipetum gens maxime petebatur, Cattis proxima, jam superioris Caesaris aetate Gallos incursare solita. Horum pervastatis finibus, in Sicambros transitum: eademque et horum agris illata vastitas. Inde secundo Rheno in oceanum Germanicum primus Romanorum ducum navigavit, in Frisios expeditione sumpta, obiterque subactis insulis; quarum Byrchanis, quum segniter defenderetur, vi expugnata est. eam Romani a frugis similitudine sponte provenientis *Fabariam* appellarunt. Glessaria quoque et Actania inter domitas eo bello memorantur, antea Romanis incognitae. Ulterius ire cupientem ignoti vastique maris opinio deterruit. Satis tamen magnum operae pre-

---

Cap. V. Liv. Epit. Description Historique et Geographique de la France, P. 1. l. 3. Juven. Sat. 1. v. 44. Strabo. Sueton. Calig. c. 20. Liv. Epit. Cap. VI. Dio. Bucher. Sueton. Claud. 2. Cap. VII. Dio. Bucher. Tac. Ann. 2, 6. Flor. 4, 12. Tac. Germ. 32. Caes. de B. Gall. l. 4. init. Dio. Sueton. Claud. 1. Dio. Strabo, l. 7. p. 291. Plin. 4, 13.

tium credebantur, super cetera, victi in Amisia flumine navali pugna Bructeri, nec propinquis litoribus abstenta arma; donec natio Frisiorum, pace petita, facturam imperata polliceretur.

U. c. 740.

A. C. 12.

VIII. Per immensos deinde lacus acta classe, in Chaucis penetratum, summa ope tuentes libertatem, quam ferme solam humanorum honorum habebant, tota vitae ratione insigniter misera. Nam in aestuariis dubiae possessionis, solum per singulos dies noctesque vindicante oceano, non agriculturam, non venatum exercebant, mansuetis etiam animalibus carentes. piscibus maxime vivebatur. ne arbores quidem fructum aut ligna praebebant: bituminoso luto, quod manibus compressum siccant, ad coquendos cibos et fovenda corpora ignis alebatur. In magno ibi discrimine Drusus fuit, quum recedens stato tempore oceanus ignaros locorum in sicco destituisset. Frisiorum fide factum, ne quid detrimenti acciperetur, qui, nuper inita societate, cum pedestribus copiis aderant. Has ob difficultates, quas immensum auctura imminebat jam hiems videbatur, Drusus, reductis in pacata copiis, Romam rediit; exceptusque multis honoribus, et in annum sequentem praetor urbanus designatus est: quum antea jam insignia praetoria adcepisset.

Chauci.

Drusus  
praetor fa-  
ctus urba-  
nus.

IX. Q. deinde Aelio Q. F. Tuberone, Paullo Fabio Q. F. Maximo consulibus, idem Drusus, simul per tempus anni potuit, Rheno iterum superato, in Usipetes et Tencteros ingressus, non ante desistit, quam, posita ferocia, leges pacis acciperent. Lupia deinde pontibus juncto, per Sicambros ad Cheruscorum fines et Visurgin usque processit. Sicambri tum forte cum omnibus copiis domo aberant, Cattis inferentes bellum, qui soli finitimorum societatem illorum aspernati fuerant. Haec occasio pacatum Druso transitum dedit. Superabat et Visurgin, ni, super necessariorum inopiam, hiems propinqua vetuisset. Etiam religio injecta reditum suasit, quia in castris examen apum in tabernaculo Hostilii Rufi praefecti castrorum consererat, ita ut funem praetendentem praefixamque tentorio lanceam amplecteretur.

U. c. 741.

A. C. 11.

Q. Aelio;  
Paullo Fa-  
bio Cos.  
Usipetes et  
Tencteros  
domat.

X. Sed recedenti non eadem a Germanis quies, quam venienti fuerat, fuit. Exciti Romanorum irru-

In reditu  
passus a Ger-

Cap. VII. Tac. Germ. 34. Strabo, l. 7. p. 200. Dio. Cap. VIII. Plin. 16, 1. Dio. Cap. IX. Flor. 4, 12. Dio. Jul. Obseq. Cap. X. Dio.

U. c. 741. A. C. 11. *manis molestiam,*  
*Eos proelio vincit.*  
 ptione passim locis idoneis insidias redeuntibus struxerant, ut magna cum difficultate pergerent. Semel circa Arbalonem per angusta et cava loca progressis parum ab exitio res abfuit: magisque hostium imprudentia, quam virtute sua, servati sunt. Quippe, facilem de circumventis victoriam rati, cupiditate caedium prae-daeque simul omnes confusis ordinibus incurrerunt. Inde Romanis ex minaci et plena periculi pugna prosperrima facta. Nec exinde manum ausi conserere, tantum eminus laceffentes, majorem sibi, quam hosti, molestiam exhibuerunt.

XI. Vicissim igitur hos contemnens Drusus, quo loco Lupiae et Alisonis confluentes erant, castellum excitavit: atque aliud in Cattis ad ipsam Rheni ripam. Fossam quoque, ab auctore *Drusianam* vocatam, (nunc Isalae fluminis pars est) immenso opere effecit: quo facilius in hostiles terras iter exercitibus esset. His Romae cognitis, ornamenta ei triumphalia decreta, utque ovans urbem iniret, praeturaeque consulatum jungeret. *Imperatoris* nomen, quamquam ex merito exercitus adclamaverat, Augustus ei non concessit; quemadmodum nec fratri ejus Tiberio tum adhuc dederat: quam ex utriusque gestis hujus adpellationis numerum in suis titulis adauxisset.

*Aquaeductum instituit.*

XII. Dum ista geruntur, Augustus familiam omnem, aquaeductuum tutelae destinatam, a M. Agrippa testamento sibi relictam, publicavit: et aquarum jus certum ex senatusconsulto lege lata edictoquo suo promulgato, constituit. Verba senatusconsulti haec fuerunt.

*Ea de re SC.*

XIII. Quod Q. Aelius Tubero, Paullus Fabius Maximus consules V. F. de iis, qui curatores aquarum publicarum ex senatusconsulto a Caesare Augusto nominati essent, ordinandis, D. E. R. Q. F. P. D. E. R. I. C. placere huic ordini, eos, qui aquis publicis praeesent, quum ejus rei causa extra urbem essent, lictores binos, et servos publicos ternos, architectos singulos, et scribas, et librarios, accensos, praeconesque totidem habere, quot habent ii, per quos frumentum plebei datur. Quum autem in urbe ejusdem causa aliquid agerent, ceteris apparitoribus iisdem, praeterquam lictoribus, uti. Utique, quibus apparitoribus ex hoc senatusconsulto curatoribus aqua-

Cap. X. Jul. Obseq. Dio. Plin. 11, 17. Dio. Cap. XI. Tac. Ann. 2, 7. Tac. Ann. 2, 8. Sueton. Claud. 1. Cell. Geogr. Ant. lib. 2. c. 3. Dio. Cap. XII. Frontin. de Aquaeduct.

aquarum uti liceret, eos diebus decem proximis, quibus senatusconsultum fectum esset, ad aerarium deferrent; quique ita delati essent, iis praetores aerarii mercedem ac cibaria, quanta praefectis frumento dando dare deferreque solent, annua darent et attribuerent, iisque eas pecunias sine fraude suas facere liceret. Utique tabulas, chartas, ceteraque, quae ejus curationis causa opus esset, iis curatoribus praebenda Q. Aelius, Paullus Fabius consules, ambo alterve, si iis videbitur, adhibititis praetoribus, qui aerario praesunt, praebenda locent. Primum ejus rei curatorem Augustus Messallam Corvinum fecit, cui adjutores dati Postumus Sulpicius praetorius, et L. Cominius.

U. c. 741.

A. C. 11.

XIV. Eodem anno ludi, quos ab urbano praetore curari solemne erat, nomine Drusi magnificentissimi facti sunt. Etiam natalis Augusti per circum et alia urbis loca venationibus celebratus: idque, licet nullo senatus decreto, fieri quotannis a praetoribus obtinuit: quemadmodum et equites Romani natalem ejus sponte atque consensu biduo quotannis celebrarunt. Sed et Augustalia, sic propter reditum ejus adpellatus dies, tum primum ex senatusconsulto publicis spectaculis transacta. Ceterum ab ipso Caesare facti ceteros, ut aequum est, sumptu ac splendore vicerunt, quum theatrum Marcelli, locorum triginta millium capax, ante diem quartum Nonas Majas dedicaretur. Istorum ludorum commissione evenit, ut, laxatis sellae curulis compagibus, Caesar supinus caderet. Nec ideo minus Trojam patricii pueri luserunt, inter quos et Cajus Augusti nepos, octavo aetatis anno. Africanæ etiam quadringentæ viginti (sexcentas alii scripserant) interfectæ. In scenam quoque mansuefacta tigris in cavea invecta est, idque animal tum primum Romæ publice spectatum.

*Natalis**Augusti celebratur.*

Cap. XIV. Dio. Sueton. Aug. 57. Dio. Supra, 136, 30. Dio. Plin. 8, 17. Victor, descript. urbis Romæ. Sueton. Aug. 43. Dio. I. 54. Sub Ti. Claudio, et Quinctilio Varo Coss. Plin. Dio. Plin. et Sueton. Aug. 43.

# E P I T O M E

## LIBRI CENTESIMI TRIGESIMI OCTAVI.

*Thraces domiti a L. Pisone; item Cherusci, Tencteri, Chatti, aliaeque Germanorum trans Rhenum gentes subactae a Druso referuntur. Octavia, soror Augusti, defuncta, antea amisso filio Marcello:*

*Thraces domiti a Scipione]* Lege a *L. Pisone*. Is enim, cum Pamphyliae praecesset, hoc bellum gessit. Dio lib. 54. [p. 545.] Florus etiam [4, 12, 17.] et Vellejus [2, 98.] Thracas a *L. Pisone* perdomitos scribunt. SIG. a *Cepione* Leid. Voss. Berg. Lov. 2. Boend. Exc. Pithoei, et ed. Campani.

*(Cherusci, Tencteri, Cauci)* *Cauci* et *Chatti* in Germania sunt. Dio tamen [54, 544.] Chattos aut victos esse a Druso; itemque Florus [4, 12, 23.] Vellejus et *Chaucos* et *Chattos* a Tiberio subactos tradit. SIGON. Corn. Tacitus, Ann. Florus, et Paullus Orosius *Tencteros* nominant; alii *Tenchateros*. DELR. *Corusci* Voss. *Corisci* Boend. *Corrisci* ed. Camp. *Cerusti* Exc. Pithoei. *Cerusii* Berg. *Cerusci* Lov. 2. Norv. et reliquae vett. edd. usque ad Moguntinam, quae *Cherusci* emendavit. Dein *Cenththrei* Leid. *Conthrei* Voss. *Centrei* Berg. *Cheurei* Lov. 2. *Chencrei* Boend. *Chencharei* Exc. Pithoei, *Chemcrei* ed. Camp. *Cenchrei* Norv. et reliquae edd. vett. pro quo Froben. *Tenchateri*, Gronov. *Tenchtheri* reposuerunt. Eos promiscue *Tencteros* et *Tenchtheros* vocari, auctor est Cluver. 3. Germ. Antiq. 10, 546. Denique ultima vox de-

est in Boend. et ed. Camp. *Chauci* legunt Leid. Voss. Lov. 2. et Exc. Pithoei. *Canci* Berg. *Cauci* Norv. et edd. vett. pleraeque ante Sigonium. Inter populos Germaniae, a Druso devictos, memorantur *Tencteri*, *Catti* et *Cherusci* apud Oros. 6, 21.

*Antea amisso filio Marcello]* ante Berg. Lov. 2. Boend. et edd. vett. cujus loco Gronov. *antea* dedit, consentientibus Leid. et Voss. Facile autem ultima litera *tau* *antea* vel repeti vel intercipi potest ob primam proximae vocis *amisso*. Etiam alibi, ubi similis ratio reddi nequit, variant hoc modo librarii. Vide ad 40, 12, 3. Deinde *M. Marcello* Leid. Voss. et Boend. Quod praenomen ei tribuit Vell. Pat. 2, 93. At reliqui codd. illud ignorant. Vocis sequentis litera initialis aequae causae esse potuit, ut a librariis omitteretur, quam ut adderetur. Vide ad 6, 16, 4. et 40, 34, 1.

*Cujus monumenta sunt theatrum et porticus, ejus nomini dicata]* Vet. lib. nomine, [id est, aequae, ac si ille dedicasset, Marcelli theatrum et porticus appellata. SIGON. monumento sunt librarii errore Voss. Tum *ejus nominis dicata* apud Hearnium Exc. Pithoei, et Norv.

*cujus monumenta sunt theatrum et porticus, nomine ejus dedicata.*

Quum autem Sigonius ex vet. lib. emendasset, et in contextum recepisset *ejus nomine dicata*, postea Gruterus, trajectis vocibus, *nomine ejus dicata* edidit, quod apud me superest in Lov. 2. *nomini ejus dicata* in Leid. et Voss. *nomini ejus dedicata* in Boend. et ed. Camp. *nomine ejus dedicata* in Berg. quod praestare videtur. Suet. Aug. 43. *Commissione ludorum, quibus*

*theatrum Marcelli dedicabat.* Solent librarii verba *dicare* et *dedicare* confundere. V. ad 5, 18, 5. 10, 32, 9. Gronov. ad Quintil. Declam. 323. pag. 652. et Torren. ad Valer. Max. 3, 2, 5. Recte autem *nomine* exponit Sigonius. Certe Suet. in Aug. 29. inter opera publica, quae Augustus sub nomine alieno fecit, numerat theatrum Marcelli. V. etiam Dion. Cass. 43, 238.

# JOHANNIS FREINSHEMII

## SUPPLEMENTORUM LIVIANORUM LIBER CIII.

### IN LOCUM LIBRI CXXXVIII. T. LIVII.

U. c. 741.

A. C. 11.

*Bellum  
Thracicum  
L. Pisonis.*

I. Sub idem tempus ingens in Thracia bellum finem adcepit: quod, triennio gestum a L. Pione, his causis exarserat. Vologaeses, natione Bessus, sacerdos Bacchi, et ob praecipuum ejus numinis cultum magna inter populares auctoritate, specie religionum animos ad rerum novarum cupiditatem inflammaverat. Coacta igitur magna et propter Deorum creditum favorem projecta ad audendum manu, occurrentem ad initia motuum extinguenda Cutyis filium Rhascyporim proelio vicit, occiditque. mox tutorem ejus ac avunculum Rhoemetalcen, ne proelio quidem, sed superstitione, percussis mentibus, exercitu nudat: omnibus eum, ne contra Deum pugnare viderentur, relinquentibus. Fugientem inde persequutus in Cherronesum, iis quoque locis, aperta vastando, expugnando munita, plurimum malorum intulit.

*Bessi magno labore  
subiguntur.*

II. His nunciatis, simul et Selletarum nationem incursiones in Macedoniam facere, Caesar L. Pisonem, qui Pamphyliæ praeerat, exercitum eo transportare jussit, quod propinquiores Asia ac Bithynia, populi Romani provinciae, sine legionibus erant. Hujus adventantis fama retrocedere Bessos ad sua coëgit. Idcirco Piso, in illorum regionem impetum faciens, non leve bellum expertus est: quum ferox populus etiam rei militaris usu ac ratione adjuvaretur, disciplina armisque Romanis usu adsuefactus. Primum proelium improperum Pisoni fuit. sequente victor, omnem circa Bessorum atque sociorum agrum, ab ira

Cap. I. Dio. l. 54. Vell. 2, 98. Liv. Epit. Dio. Supra, 136, 51. Dio. Cap. II. Plin. 4, 11. Dio. Supra 134, 96. Dio. Flor. 4, 12. Dio.

cladis adceptae, violentius depopulatus, spatium recolligendi vires non permisit, quin, aliis voluntate, pluribus metu, quibusdam acie victis, universum eum tractum armis subigeret. Tanta erat feritas, ut captivi catenas morsibus perfringere conarentur: quominus mirere, quosdam nuper deditos, simul occasio brevis adparuit, arma retractasse. Ceterum et his infelix ausum, iterum domitis, in adstrictius servitium cessit. Pisoni ob rem bene gestam supplicatio cum triumphalibus insigniis decreta.

U. c. 741.  
A. C. 11.

*Eorum mira feritas.*

III. Dum haec aguntur, Augustus, Romae censu rursus acto, suas quoque facultates, descriptis, quae usquam haberet in potestate, ad privati modum censui subjecit. Senatu deinde lecto, ad levandam Patribus molestiam, quum senatusconsultum fieri, quoties minus quadringentis adfuissent, non liceret; ita moderatus est, ut *Septembri ac Octobri mensibus nullos adesse necessum esset, praeter sorte ductos, per quorum numerum, antiquo minorem, decreta confici possent.*

IV. Pecuniam autem, iterum ad statuas oblatam a senatu populoque, in signa publicae Sanitatis Concordiaeque ac Pacis impendit; suam exinde statuam nullam fecit. Saepe enim, et qualibet occasione dona talia adferebant: ad extremum etiam Kalendis Januariis, non in commune conferentes, sed adcedentes singuli, pro modo facultatum porrigebant. quibus ipse tantumdem, aut aliquanto amplius, reddere solebat. Quod si forte abesset eo tempore, sirena in Capitolio ponebatur; qua ex summa pretiosissima Deorum simulacra mercatus, vicatim dedicabat; ut Apollinem Sandaliarium, et Jovem Trogoedum, aliaque. Sed ex nocturno visu stipem quotannis die certo emendicabat a populo, cavam manum asses porrigentibus praebens.

*Augustus pecuniam, ad statuas suas oblatam, in effigies Deorum expendit.*

V. Idem annus duarum principum feminarum alterius nuptias, alterius exsequias vidit. Julia in Tiberii domum deducta est. Octavia, post Marcelli obitum numquam exhilarata, perpetuum luctum morte finivit. cujus de pudicitia modestiaeque prioribus libris multa exposui. Hujus cadaver pro aede Caesaris propositum est, dum laudes sororis Augustus, interposito iterum velo, exsequitur. Sed et a Druso (non-

*Julia Tiberio nubit: Octavia moritur.*

Cap. II. Flor. Dio. Tac. Ann. 6, 10. Cap. III. Dio. Sueton. Aug. 35. Cap. IV. Dio. Sueton. Aug. 52. Dio. Sueton. Aug. 57. Dio, et Sueton. Aug. 91. Cap. V. Dio. Senec. Consol. ad Marc. c. 2. Liv. Epit. Dio.



U. c. 741. dum is profectus urbe fuerat) pro rostris, ut in publicis funeribus solet, vestitu mutato laudata est. Generi ejus (Marcellam Antonius Julius habebat; Antoniarum altera Druso, altera L. Domitio Ahenobarbo nupserat) humeros subjecere lecticae, quum ad sepulcrum in campum Martium efferretur. Senatus pro more temporum in decernendis ei honoribus liberalior fuit, quam ut omnia, licet in germana sorore carissima et probatissima, recipienda Caesar existimaret. quantos tamen convenire putabat, maximos tribuit. Et, ne celeriter exstingui memoria ejus Romae posset, satis provisum aedificata porticu, quam vocaverat Octaviae, rebatur.

VI. Sub idem tempus et vetera quaedam instituta resumpta, et excogitata nova sunt. Flamen Dialis, post Merulae caedem, C. Caesar creatus, adimente Sulla, sacerdotium, priusquam exerceret, amiserat. ex eo tempore quum annos per amplius septuaginta nemo factus esset, hoc tempore iterum id Flaminium instauratum est. Cura adservandorum senatusconsultorum ad quaestores ab tribunis et aedilibus translata; quia, adparitoribus demandata hac officii parte, causam erroribus et confusione dederant. Decretum etiam erat, ut Janus Geminus denuo clauderetur: sed intercessere bella, Dacis simul Dalmatisque et Pannoniis rebellantibus, et commota validius, quam umquam, Germania: ingentis historiae materia, nisi veterum monumenta omnium, quibus eae res fuerunt expositae, praeter exiguos velut indices, universa deperissent.

---

Cap. V. Plut. Anton. fin. Dio. Sueton. Aug. 61. Cap. VI. Liv. Epit. Sueton. Aug. 29. Sueton. Aug. 31. et 36. Supra, 80, 44. Sueton. Aug. 31. Dio.

---

## E P I T O M E

### LIBRI CENTESIMI TRIGESIMI NONI.

*Bellum adversus Transrhenanas gentes a Druso gestum refertur. in quo inter primores pugnaverunt Senectius et Anectius tribuni, ex civitate Nerviorum. Dalmatas et Pannonios Nero, frater Drusi, subegit. Pax cum Parthis facta est, signis a rege eorum,*

*Bellum contra Transrhenanas gentes] adversus, pro contra, Leid. Voss. Berg. Lov. 1. Boend. et ed. Camp. V. ad Epit. 57. Tum Fârenas gentes Boend. Transrhenas gentes Berg. Voss. et ed. Camp. trans Rhenum gentes Leid. Mox continetur, pro refertur, Boend. et ed. Campani.*

*Pugnaverunt Senectius et Anectius tribuni civitatis Nerviorum] Et haec suspecta reddunt scripti. Barber. pugnaverunt tum constinctus senectius et auectius trib. ex civitate Nerviorum. Gud. pugnaverunt tum senectius et avectius tribuni ex civitate Nerviorum. Voss. pugnaverunt chunistianus et avertius tribuni ex civitate Nerviorum. Gud. alter pugnaverunt Constinctus et Auectus tribuni ex civitate Nerviorum. J. FR. GRON. pugnaverunt Constinctus et Anectius Leid. pugnaverunt Chunstinctus et Auctus Lov. 1. pugnaverunt Chumstinctus et Avectius Exc. Pithoei. pugnaverunt Chunistinaus et Avectius Voss. pugnaverunt Crisanius et Avectus Berg. pugnaverunt Crisanius et Acretinus Boend. et ed. Camp. pugnaverunt T.*

*Senectius et Anectius* edd. reliquae ante Frobenium, qui anno 1535. praenomen T. expunxit: quas lectiones diligenter notavi, ut locum corruptum pateret; cui ut digna medicina paretur, integriores codd. expectandos censeo. Tum *tribuni ex civitate Nerviorum* omnes scripti mei, et ed. Camp. Mox vocabulum *frater* non adparet in Berg.

*Signis a rege eorum, quae sub Crasso et postea sub Antonio] E Dione 54, 525. constat, Augusto signa a Parthis reddita fuisse, quum in Asia esset; in quam, M. Apulejo, P. Silio consulibus, A. V. 190cxxxv. profectus fuerat. Recepit autem ea, ut in vita Tiberii cap. 9. scribit Suetonius, per Tiberium, quem tum in Armeniam miserat; antequam illa gererentur, quae post Epitomen cxxxv. usque ad hanc de Tiberii, Drusi, ac Pisonis bellis referuntur. Quid ergo est, quod nunc demum alienam ab hoc loco et tempore mentionem de signis Romanis Augusto a Parthis redditis injicit? Eruditissimus Massonus in Jano Reserato Sect. 4. c. 2. §. 11. putat, haec vel librarii errore loco mota et huc detrusa;*

*quae sub Crasso, et postea sub Antonio capta erant, redditis.*

vel inserta voce *ante*, ut in Epit. cxxxviii. *ante amisso filio Marcello*, legendum esse, *ante signis a rege eorum etc. redditis*. Utrumque rationem habet. Nam, etiam in Epit. ciii. *quaedam* in locum alienum migrasse, ostendit Sigonius; etsi ibi aliquanto facilius potuit esse lapsus librariorum, et emendatio cum ordine rerum gestarum congruit. Sed malim amplecti priorem

conjecturam; quia mihi non apparet ratio, cur Livius ea, quae continuo post librum cxxxv. exponenda fuerant, in librum cxxxix. rejicere voluerit. DUK. Idem etiam placebat Crevierio. Praeterea *sub Crasso et postea Antonio*, praepositione posteriori loco amissa, Berg. Verum, et Livium et auctorem Epitomarum praepositiones repetere solitos fuisse, vidimus ad Epit. xlvi.

# JOHANNIS FREINSHEMII

## SUPPLEMENTORUM LIVIANORUM LIBER CIV.

### IN LOCUM LIBRI CXXXIX. T. LIVII.

I. Quantae molis per hoc tempus Germanica bella fuerint, vel hinc intelligi potest, quod per ea plerumque Caesar Augustus Lugduni morabatur, ne Drusi quidem, magni profecto imperatoris, fortunae consiliisque satis confisus. Ille tum, resumpta adversus Transrhenanas gentes expeditione, majus prope bellum, quam nuper confecerat, invenit. Nam et Catti, spreto, quem Romanus adsignaverat, agro, Sicambris ceterisque populi Romani hostibus se conjunxerant. At Drusus, universum bellum acriter complexus, quosdam populos vi coëgit ad obsequium, alios multis illatis detrimentis repressit; Gallorum etiam ingentibus auxiliis usus, quorum Senectius et Anectius, tribuni Nerviorum, ante prima signa memorabile certamen ediderunt.

U. c. 742.  
A. C. 10.  
Julo Antonio, Q. Fabio Coll.  
*Germanicorum bellorum moles.*

II. Ad ceterarum gentium coërcendam rebellionem Tiberium occurrere Caesar jussit, quem et ipsum, Aquilejam progressus, secum adduxerat; ne longius abesset Germanicis ac Pannonicis bellis. Per Istrum, glacie concretum, ad populanda proxima ripae excurrere, Dacis in consuetudinem venerat. Dalmatae, propter exacta tributa irati, obsequium exuerant. Pannonii, nuper ab Tiberio domiti, praeter insitam genti ferociam, discessu ejus et majoris partis copiarum, ac vicinarum nationum defectionibus turbabantur. Idcirco Tiberius, omnibus simul illato bello, et ad exorientes ubique motus arma circumferens, Dacos, caesis cum duce copiis, repulit; Pannonios ac Dalmatas ad priorem tributorum imperiorumque patientiam revocavit. Adnotatum est, Tiberium, quum,

*Dalmatas et vicinos Tiberius subigit.*

Cap. I. Dio, l. 54. Oros. 6, 21. Sen. Consol. ad Marc. c. 3. Liv. Epit. Dio. Liv. Epit. Cap. II. Dio. Sueton. Tib. 9. Vell. 2, 96. Joseph. Antiq. 16, 7. Dio. Flor. 4, 12. Dio. Sueton. Aug. 21. et Tib. c. 9. Oros. 6, 21. Dio.

U. c. 74<sup>2</sup>. A. C. 10. deleto cruentissima caede Pannonum exercitu, arma more belli cremanda poscerentur, abjici in profluentem jussisse, quo conspecta ab hostibus infra colentibus pertinaciam spectaculi horrore et similium metu frangerent. Ob haec gesta eidem, quos fratri diximus decretos, honores tributi sunt. Dalmatia, quae prius inter populi provincias censebatur, quod, propter ingenium gentis et vicinorum, sine exercitu tuto haberi nequibat, ad curam Caesaris translata est.

*Herodis et Augusti mutua benevolentia.*

III. Haec Julo Antonio, Q. Fabio Maximo consulis acta: et Herodes, qui liberos suos adcusatum venerat Aquilejam, reconciliata per Augustum inter eos gratia, honorifice dimissus: mutuaeque cum eo benevolentia, et adversus eximios ejus honores digna Principe Romano magnificentia certatum. Sub idem enim forte tempus Caesaream, in honorem Augusti sic adpellatam urbem, Herodes perfecerat, ejusque encaenia sumptuosissimis ludis, quos in ejusdem honorem per quinquennia volebat repeti, celebrabat. Eum omnem sumptum a se praeberi voluit Caesar: sed et uxor ejus Livia misit eximia dona, ita ut omnium pretium talentis circiter quingentis aestimaretur.

Cap. II. Liv. Epit. Oros. 6, 21. Flor. 4, 12. Dio. Vell. 2, 96. Sueton. Tib. 9. Supra, 134, 96. Joseph. Antiq. 16, 7. et 8. Id. ibid. c. 9.

# E P I T O M E

## LIBRI CENTESIMI QUADRAGESIMI.

*Bellum adversus Germanorum trans Rhenum civitates, gestum a Druso, refertur. Ipse ex fractura, equo super crus ejus collapsus, tricesimo die, quam id acciderat, mortuus est. Corpus a Nerone fratre, qui, nuncio valetudinis evocatus, raptim accurrerat, Romam pervectum, et in C. Julii tumultu*

*Ipse a fractura, equo super crus ejus collapsus] Ita demum Gro-  
novius anno 1665. et post eum re-  
centiores omnes ediderunt. Ve-  
rum non modo excusi, quos vi-  
di, priores, sed etiam codd. mei,  
cum Exc. Pithoei, et Norv. le-  
gunt ex fractura, quod revo-  
cavi. Perperam vero equi su-  
per crus ejus collapsi Voss.  
Paullo ante gestum deest in Lo-  
vel. 2. a Druso in Voss. confe-  
ctum a Druso praeferunt Berg.  
Boend. et ed. Camp.*

*Tricesimo die, quam id ac-  
ciderat, mortuus est] XXX  
dies Voss. trigesima die Leid.  
Deinde quam id ei acciderat  
ed. Camp. qua id acciderat  
Rom. anni 1472. et Parm. quo  
id acciderat Berg. postquam  
id acciderat Voss. quod est ex  
glossa natum. quam enim pro  
postquam usurpare, Livio fami-  
liare esse, vidimus ad 28, 16, 14.  
Eadem loquendi ratio ex Livii  
lectione adhaesit etiam auctori  
Epitomarum. Supra Epit. 3. De-  
cemviri etc. creati sunt altero  
et trecentesimo anno, quam  
Roma condita erat. Epit. 25.  
Caesi anno octavo, quam in*

*Hispaniam iverant. Epit. 49.  
Tertii belli Punici initium etc.  
intra quintum annum, quam  
erat coeptum, consummati.  
Epit. 96. Recepit Hispanias de-  
cimo fere anno, quam coeptum  
est bellum. Tandem mortuus,  
omisso τφ est, Leid. Voss. Berg.  
Lov. 2. Boend. et ed. Camp.*

*Nuncio valetudinis evocatus]  
Vet. lib. valetudinis ejus. SIG.  
Similiter Leid.*

*Raptim occurrerat] Veteres  
libri accurrerat. SIG. MSS.  
Pall. adcurrerat. GRUTER.  
accurrit Voss. Boend. et ed.  
Campani. accurrerat Leid. Berg.  
Lov. 2. Exc. Pithoei, et edd. ante  
Moguntinam, quae occurrerat  
prima admisit. Gruteri adcu-  
rrerat recipere non audeo.  
Quamvis enim Livius ipse aug-  
mentum praeteritis composito-  
rum verbi Curro saepe addide-  
rit, ut vidimus ad Livii 1, 12, 8.  
idem tamen et auctorem Epito-  
marum fecisse, nondum obser-  
vavi.*

*Romam revectum] Corpus  
Drusi Romam pervectum a Ne-  
rone fratre dicitur in manuseri-*

*conditum. Laudatus est a Caesare Augusto vitrico, et supremis ejus plures honores additi.*

pto. Dio etiam [55, 549.] *Καὶ ἀποθανόντα ἐς Ῥώμην ἐκόμι-  
σαν.* Tiberius autem non eo  
Roma venit, sed ex Pannonia,  
auctore Dione [ibidem.] quare  
*pervectum* placet. SIG. Simili-  
ter Leid. Berg. Lov. 2. Boend.  
Exc. Pithoei, et ed. Campani.  
*provectum* Voss.

*In C. Julii tumulo condi-  
tum* Augusti est intelligendum.  
Nam inquit Dio [55, 549.] *ἐς τὸ  
τοῦ Ἀυγούστου μνημεῖον κατε-  
τέθη.* SIG. Dio sine dubio man-  
soleum significavit, quod Augu-  
stum sibi dudum ante hoc tem-  
pus in sexto suo consulatu ex-  
struxisse scribit Sueton. Aug. 100.  
Si de eo quoque sensit Auctor  
epitomarum, contra consuetu-  
dinem suam hoc solo loco Au-  
gustum vocavit *C. Julium*. Sed  
*tumulum* sic dixit, ut Suetonius  
in Aug. 16. Antonii et Cleopa-  
træ monumentum: *Ambobus  
communem sepulturae hono-  
rem tribuit, ac tumulum ab  
ipsis inchoatum perfici jussit.*  
DUK. in *tumulo C. Julii* Berg.  
Lovel. 2. Boend. et ed. Camp.  
Hunc Drusum ei sepulcro illa-  
tum esse, in quo M. Marcellus  
et Agrippa sepulti sunt, refert  
Albinov. Eleg. ad Liv. vers. 67.

et seqq. Marcellum autem Au-  
gustus in sepulcro suo condidit,  
teste Dion. Cass. 53, 517. simi-  
liter etiam Agrippam, teste eo-  
dem l. 54, 511. Hoc manusoleum  
*tumulum Augusti* etiam voca-  
cavit Tacit. 3. Ann. 4. *Dies,  
quo reliquiae tumulo Augusti  
inferebantur.*

*Laudatus a Caesare* Veteres  
libri *Laudatus est a Caesare*.  
SIGON. Non aliter etiam Leid.  
Voss. Berg. Lov. 2. Exc. Pithoei,  
et ed. Camp.

*Supremis ejus plures hono-  
res additi* *supremis illius fu-  
neribus plures* Exc. Pithoei,  
Norv. et pleraeque edd. ante Gru-  
ter, qui id, quod nunc vulgo  
exstat, recepit, ad stipulantibus  
Leid. Voss. et Lovel. 2. Neque  
multum hinc abeunt Boend. Berg.  
et ed. Camp. quorum ille *sup-  
remos illius*, hi *supremos ejus*  
praeferunt. *Suprema* pro mor-  
te, sive eo, quod mortuis fieri  
solet, etiam pro reliquiis cada-  
veris cremati, poni, docet Sal-  
mas. ad Solin. pag. 16. et 31.  
Deinde *honores dedit* Leid. Voss.  
Berg. Lov. 2. Boend. Norv. et  
edd. usque ad Froben. qui *ad-  
diti* reposuit. *dati* exhibent Exc.  
Pithoei.

# JOHANNIS FREINSHEMII

## SUPPLEMENTORUM LIVIANORUM LIBER CV.

### IN LOCUM LIBRI CXL. T. LIVII.

I. Extremus hinc Druso vitae annus, sed idem honore et gloria praecipuus, sequitur. Nam et consulatum, collega T. Quinctio T. F. Crispino, gessit: et egregias de Germanis victorias reportavit. Fatum ei prodigiis praenunciatum antiqua superstitio credidit; quod turbinibus et fulmine concussa pleraque fuerant, in quibus et multae Deorum aedes, ut ne Capitolino quidem Jovi, consortiumque Deorum cellis parcere-tur. Quo terrore nil tardatus juvenis, in Transhe-nanas civitates iterum inducto exercitu, per Catos ad Suevorum usque fines magno labore iter aperuit: haud incruenta victoria superatis, qui occurrerant.

U. c. 743.  
A. C. 9.  
Ner. Claudio, T.  
Quinctio  
Coss.  
*Prodigia  
Drusi mor-  
tem praece-  
dentia.*

II. Inde, tres simul validissimas nationes, Cheruscos, Suevosque, et Sicambros, adortus, nimiam hostium fiduciam calamitosam ipsis atque lacrimabilem effecit. Nam illi, centurionibus viginti barbaro more mactatis ad aras, concrematisque, tam certam victoriae spem conceperant, ut, divisa in antecessum praeda, Cherusci equos, Suevi aurum et argentum, Sicambri captivos sibi desponderent. Sed ipsi, magna pugna victi, seque et sua cum uxoribus liberisque perdiderunt, qui more Germano sequuti suos in proelium exeuntes fuerant. Res foeda dictu, sed ad demonstrandam illarum gentium incredibilem feritatem efficax, traditur; mulieres eorum, quum ad plaustra sua victores venissent, deficientibus telis, infantes liberos humi collisos in adversa hostium ora misisse.

*Is interim  
Cheruscos  
Suevosque et  
Sicambros  
debellat.*

III. At Drusus, cedentes in penitiora gnaviter insequutus, inter Visurgim et Albim omnia populaba-

*A spectro  
quodam mors*

Cap. I. Dio, l. 55. Ovid. ad Liv. v. 401. Dio. Liv. Epit. Dio. Cap. II. Flor. 4, 12. Oros. 6, 21. Flor. Oros. Tac. Germ. 7. et 18. Oros. Cap. III. Dio.



U. c. 743. tur; Albim quoque transiturus, ni res eum mira quae-  
 A. C. 9. dam et minax oblata deterruisset. Barbarae mulieris  
*ei denuncia-* humana amplior species obviam facta, *tendere eum ultra,*  
*tur.* Latinis verbis prohibuit: *hunc enim et operum ejus et*  
*vitae terminum fata statuisset.* Nec aliter evenit. con-  
 tinuo regressus, priusquam Rhenum adtingeret, inter  
 hunc et Salam fluvios, in aestivis, quae Scelerata inde  
 vocata sunt, mortem obiit. quo tempore et lupos cir-  
 ca castra vagos ululasse tradunt, et juvenes duos per  
 media munimenta equitare visos: muliebrem etiam  
 ejulatum auditum, et speciem in coelo transcurren-  
 tium stellarum adparuisse.

*De genere*  
*mortis ejus*  
*diversae o-*  
*pinionis.*

IV. De genere mortis haud similia traduntur. Ex  
 lapsu equi crus fregisse quidam scribunt: inde trice-  
 simam ante diem decessisse. Morbo solutum alii nar-  
 rant, qualis ille fuerit, aut unde profectus, reticen-  
 tes. Nec defuerunt, qui scelus vitrici suspicarentur:  
 quod mira comitate juvenis, si reperisset occasionem,  
 redditurum populo rempublicam non dissimulabat. fe-  
 rebantque proditam ejus epistolam ab fratre, quem  
 de cogendo ad libertatem restituendam Augusto solli-  
 citarat. Revocatum igitur e provincia: at, quia cun-  
 ctatus erat decedere, veneno occupatum putarunt.  
 Sed ego rem tantam, quum neque credere satis, ne-  
 que refellere possim, in medio relinquam; cetera,  
 quae certioribus testimoniis nituntur, traditurus.

*Tiberius*  
*incredibili*  
*celeritate*  
*usus,*

V. Ad famam aegrotantis Drusi Augustus cum Li-  
 via, quam alioquin itinerum suorum comitem habere  
 consueverat, Ticinum procurrerat. Eodem forte Ti-  
 berius, ex recenti victoria redux, ad salutandos pa-  
 rentes adcessit. Ergo, cognita fratris valetudine, jussu  
 Augusti, et sua pietate, sive ne in hostili solo sine  
 duce exercitus esset, rapidissimo cursu, et incredibili  
 celeritate, ni certis auctoribus traderetur, advolavit.  
 Quum enim transeundae Alpes, transeundum Rheni  
 flumen esset, die ac nocte, mutatis subinde jumentis,  
 ducenta passuum millia, per devictas modo feras na-  
 tiones, uno tantum comite, confecisse fertur.

*Spirantem*  
*adhuc repo-*  
*nit*

VI. Certe spirantem adhuc fratrem reperit: isque,  
 adventu illius cognito, legiones extremo jam imperio

Cap. III. Sueton. Claud. c. 1. et Dio. Dio. Strabo, l. 7. p.  
 291. Sueton. Dio. Liv. Epit. Dio. Sueton. Tac. Ann. 1, 33.  
 et 2, 41. Sueton. Tib. 50. et Claud. 1. Cap. V. Dio. Val.  
 Max. 5, 5. Tac. Ann. 3, 34. et 5. Val. Max. Dio. Liv. Epit.  
 Val. Max. Plin. 7, 20. et Val. Max. Cap. VI. Dio.

obviam procedere cum signis et aquilis comptis, et salutare imperatorem iussit; praetoriumque ei dextra parte statui. Nec multo post extinctus est, inter suprema fratris oscula. Corpus, invito prope exercitu, qui cremari in armis, inter quae ceciderat, voluisset, a Tiberio primum per centuriones et tribunos militum ad hiberna deportatum est. Inde municipiorum coloniarumque primores exceperunt, suscipientibus scribarum decuriis, et effusa per officium multitudine, rogisque adensis. Sic Romam perlatum, pedibus antecedente Tiberio, nec usquam ab eo, postquam Ticinum advenerat, discedentibus vitrico et matre Livia. Lictores quoque versis, ut in luctu, fascibus sequebantur.

U. c. 743.  
A. C. 9.

VII. Tum in foro, circumfusus Claudiorum Liviorumque imaginibus, propositum desletumque funus. Tiberius defunctum laudavit pro Rostris; Augustus, nec sine lacrimis, in circo Flaminio: quod, nescio quam ob superstitionem, ingredi pomoerium fas non esse rebatur. Ea in laudatione precatus dicitur Deos, *similes Druso Caesares suos facerent, sibi que tam honestum quandoque exitum darent, quam illi dedissent.* Cadaver equitum Romanorum illustrium humeris in campum perlatum, ibique concrematum est: cineres in Augusti conditorium illati.

*Funus Drusi.*

VIII. Fortior in hujus obitu Livia fuit, quam in Marcello nuper Octavia fuerat: sive quod adhuc alter filiorum supererat, sive aliis causis. Profuisse sibi sapientia Arei monita dicebat, ne nimio luctu mergeretur. Honores deinde cumulatim memoriae ejus additi: nec per adulationem magis, quam jure merito. *Germanici* cognomen ipsi posterisque, statuae, arcus marmoreus cum tropaeis via Appia, et ad ipsum Rhenum honorarius tumulus Maguntiaci, adhuc vestigiis ejus monumenti durantibus. Eum exercitus excitavit; decretumque, *ut circa eum deinceps stato die quot. annis miles decurreret, Galliarumque civitates publice supplicarent.* Augustus elogium ejus tumulo, versi-

*Livia filii mortem fert fortiter.*

Cap. VI. Ovid. ad Liv. v. 89. Val. Max. Ovid. ad Liv. v. 167. Dio. Suet. Claud. 1. Sen. Consol. ad Marc. c. 3. Liv. Epit. Sueton. Tib. 7. Tac. Ann. 3, 5. Cap. VII. Senec. Ovid. ad Liv. v. 141. et 177. Tac. Dio. Ovid. ad Liv. v. 109. Dio. Sueton. Claud. 1. Cap. VIII. Ovid. et Sueton. Dio. Liv. Epit. Dio. Sen. Cons. ad Marc. c. 3. et 4. Liv. Epit. Flor. 4, 12. Sueton. Claud. 1.

U. c. 743. bus a se compositis, insculpsit, vitaeque memoriam  
A. C. 9. prosa oratione consecravit.

*Drusi vir-  
tutes.*

IX. Nec dubitari potest, omnibus dignum honoribus humanis fuisse. ac nescio, an quisquam postea Romanorum Druso comparari debeat, praeter Germanicum, qui huic patri suo virtutibus et gloria, sed et fortunae fatique similitudine, proximus fuit. Ad bellica et civilia negotia pariter promptus, suavis omnibus, sibi amicos aequans benevola aestimatione, quantum ipse erat opibus superior, corporis etiam insigni decore, et commendante omnia flore aetatis: quippe tricesimum agens annum interiit. Manu quoque strenuus, qui saepe maximo cum discrimine Germanorum duces tota acie sequeretur, opima referendi avidus.

*Ejus opera.*

X. Nec adipisci tantum victoriam, sed et firmare consilio idoneus, in tutelam provinciarum praesidia passim disposuit, fluviorum maxime opportunitatem sequutus. Praecipue Rhenum, communi in Gallos Germanosque tutela, quinquaginta circiter castellis communivit: ex quibus enatas esse plerasque omnes civitates satis constat, quarum splendore hodie Gallica ripa insigniter illustratur. Pontes in eodem amne duos aedificavit, ad Bonnam et Maguntiacum, ut expeditus in Germaniam trajectus esset. Hercynium saltum, inadcessum ad id tempus, frequentibus victoriis percurrrens, patefecit. Ejus denique reverentia non pacatae modo gentes, sed etiam hostiles, ferocius agere desierunt: per totum adeo morbi tempus velut tacitis induciis quietae. Justis Druso redditis ad publica munia reditum, voluptatesque resumptae.

*Tiberii  
ovatio.*

XI. Tiberio decretam ex Dalmatico vicinisque bellis ovationem diximus. hanc ille tanto peregit magnificentius, quod adparatus etiam Drusi caussa facti post mortem hujus in unum omnes cefferant. Equo invectus, stratis in Capitolio et per alias urbis partes mensis, epulum populo praebuit: mulieribus etiam a Livia ac Julia epulum datum. Liviae mox, in

80-

Cap. VIII. Ovid. ad Liv. 5, 337. Dio. Cap. IX. Sueton. Tac. Ann. 2, 7. Eutrop. 7, 8. Sueton. Ovid. ad Liv. v. 14. Vell. 2, 97. Sueton. Cap. X. Flor. Tac. Ann. 4, 5. Flor. Sen. Consol. ad Marc. c. 3. Cap. XI. Supra, 139, 2. Vell. 2, 96. Euseb. Chron. Dio.

solatium amissi Drusi, statuae decretae, cum jure trium liberorum: et ab hoc exemplo coepta consuetudo jus istud priscis temporibus ab senatu, mox ab imperatore, petendi: quorum indulgentia, quibus natura tot liberos non concesserat, poenam orborum vitabant, et praemia multos liberos habentium, praeter pauca, consequabantur. Sub idem tempus Herodes Caesareae templum Augusti et Romae dedicavit, cum magnificentissimis utriusque simulacris. Turrim etiam pulcherrimam, in portu positam, memoriae Drusi causa nominavit *Drusionem*. Nec unius Herodis haec adulatio fuit. alii quoque reges Caesareas urbes condiderunt: Artavasdes in Armenia; et Juba in Mauritania.

U. c. 743.

A. C. 9.

XII. Hoc tempore ferunt ab Augusto constitutum, *Constitutiones Augusti circa senatum.* ne senatus legitimus plus, quam bis quot mensibus, haberetur, Kalendis et Idibus: ut tamen Idus Martiae, propter necem Caesaris, pro damnatis et atris exciperentur. Numerum senatorum, intra quem senatus-consulta fieri non possent, pro modo negotiorum finit. multas sine justa causa absentium intendit. et quia saepe multitudo delinquentium impunitatem hujusmodi culpis pepererat; quoties hoc contigisset, quintum quemque sorte ductum mulctari voluit. Utque promptius absentium ratio iniretur, album, in quo senatoria semper adnotata erant nomina, publice proposuit. Quod si forte ad numerum senatores non fuissent, auctoritas perscribatur. quod idem obtinebat, quoties loco aut tempore alieno, aut alias non legitimo edicto Patres celeriter essent evocati, aut quum tribunus plebis intercessisset. Haec auctoritas deinde, secundum leges moresque alio senatu confirmata, nomen vimque senatusconsulti adiciebat. Praetoribus inter haec querentibus, deteriore se loco esse, quam minorem magistratum, tribunos; Augustus decrevit, *Praetoribus jus dandum dicendum in sententia.* uti praetoribus jus esset dicendae in senatu sententiae. Haec et alia non tamquam imperans et cogens constituebat; sed in tabulis perscripta legi sinebat ab ingredientibus curiam, potestate facta monendi, si quid melius invenissent.

XIII. Nec in senatu tantum et adversus nobiles

Cap. XI. Joseph. de B. Jud. 1, 16. et Antiq. 15, 13. Sueton. Aug. 60. Plin. 6, 9. Eutrop. 7, 5. Cap. XII. Strabo, 1. 17. p. 831. Dio. Sueton. Aug. 35. et Caes. c. 88. Dio. Liv. 4, 57. Dio.

Supplem. Liv. Tom. XIV.

D d d

U. c. 743. modestus, ne clientibus quidem tristem sese aut superciliosum exhibebat. Evocatus quondam ejus scutarius injuriarum postulatus patronum Augustum considerabat. Is, quum esset occupatior, quemdam ex cohorte amicorum dedit. tum ira correptus litigator, *Atqui, inquit, quoties tu auxilio habebas opus, ego locis omnibus adsui, meumque corpus pro tua incolumitate periculis objici.* Lenissimum diceres Principem, qui tantam impudentiam impunitam esse pateretur. At ille, sepositis etiam negotiis, in judicium venit, causamque hominis egit: quasi nec rogatus inverecunde, et objurgatus merito foret.

*Augusti  
mira lenitas  
in quemdam  
veteranum.*

*Item in  
Cassium Se-  
verum.*

XIV. Sed quum Nonius Asprenas, propinquitate sibi innexus, causam beneficii diceret; consuluit senatum, quid officii sui putaret. *Se enim angere, ne aut destitueret amicum, aut eripere nocentem crederetur.* Universis deinde adsentientibus, per horas aliquot adsedit in subselliis rei, sed tacitus, ne translaticia quidem laudatione data. Sic quoque non effugit accusatoris convicia. Nam Cassius Severus, amarissimae libertatis, idemque non vulgaris facundiae, et ab utroque notissimus, acerbissime questus est, *ejus adventu reum sibi eripi, cujus una patina centum triginta convivae interissent.* Id quoque civili animo Caesar tulit, ne censoriae quidem potestatis praescriptione hominem ultus, quum ille post paullo propter maleficam vitam deferretur; *in civitate vitiorum plena necessariam esse sermonis libertatem* dictitans. Circa id tempus etiam quaestores circa maritima Italiae loca provincias sortiri jussit, Ostiam, Ariminum, Cales.

U. c. 744. XV. Sequentem demum anno, C. Marcio C. F. C. A. C. 8. N. Censorino, C. Asinio C. F. Gallo consulibus, Augustus urbem introiit, quod facere prius propter obitum Drusi distulerat. Et lauream quidem in Feretrii Jovis templum (quum in Capitolium ferri soleret) intulit; sed nulla victoriam Germanicam alia laetitia celebravit: plus damni rempublicam cepisse morte Drusi, quam commodi superatis hostibus, praeferens. Consules tamen et alia curarunt, prospera bellis decerni solita: et captivorum multitudinem inter se armis infestis coegerunt concurrere.

*Augustus  
lauream in  
Feretrii Jo-  
vis infert.*

Cap. XIII. Sueton. Aug. 56. Dio. Cap. XIV. Sueton. et Dio. Tac. 4. Ann. 21. Plin. 35, 12. Dio. Pigh. Ann. ad an. 488. et Lips. ad Tac. Ann. 4, 27. Cap. XV. Dio.

XVI. Pulcherrimum eo tempore institutam excogitavit. Caesar ambitu reprimendo. Nam et consules, et ceterorum magistratuum plerique largitionibus honorem consequuti ferebantur. Igitur Augustus, nec puniri claros viros cupiens, neque convictis sustinens parcere, tota re dissimulata, in posterum a candidatis certam pecuniam pignoris loco depoposcit, quam, qui largitionum factarum esset condemnatus, amitteret. Hoc universi multa laude tulerunt. Non idem omnium sensus in eo fuit, quod vetus senatusconsultum, quo de servo in caput domini quaeri vetabatur, excogitata fraude circumscripsit; si e republica videretur, actori publico aut Caesaris mancipari iubens. Hoc alii calliditatem adpellabant, quae, legum verba calumniando, jus dominorum iniqua et crudeli simulatione tolleret. prudentiores necessitatem excusabant, nec aliter iri obviam insidiis potuisse, quas in illum atque magistratus multi hae ipsa celandorum consiliorum fiducia frequentius cupidiusque intentassent.

U. c. 744.  
A. C. 8.

*Ambitus  
reprimitur.*

XVII. Inter haec, quum decennium resumptae potestatis exisset, Imperium Augustus deponere dixit, satis certus futurum, ut recipere illud, nulla interposita mora, cogeretur. Nam et omnia firmamenta reipublicae sic habebat in manu, ut prorsus non possent extorqueri: et Imperio ita per aliquammultos annos praefuerat, ut publice gloria, privatim opulentia populus Romanus cumularetur. Argumento sit hominis libertini testamentum, factum hisdem consulibus, ante diem sextum Kalendas Februarias, quo C. Caecilius Claudius Isidorus professus est, *quamvis multa civili bello perdidisset, tamen relinquere servorum quatuor millia centum sedecim, iugum bouum tria millia sexcenta, reliqui pecoris ducenta quinquaginta septem millia; in numerato sestertium sexcenties.*

*Homini li-  
bertini opu-  
lentia.*

XVIII. Ita Caesar, potestate resumpta, Tiberium ad bellum Germanicum misit: ubi interim L. Domitius, cum irato propter interitum Drusi exercitu dolore hunc cladibus hostium ulturus, Albim primus Romanorum armata manu transcenderat. Ab eodem aggeratus secundum Amisiam trames est vastas inter paludes: *pontes longi* adpellati. Ob haec et talia

Cap. XVI. Tac. Ann. 2, 30. et ibi Lips. Dio. Cap. XVII. Plin. 33, 10. Cap. XVIII. Dio. Vell. 2, 97. Tac. Ann. 4, 44. Tac. Ann. 1, 63.

D d d 2

U. c. 744. triumphales quidem honores Domitio decreti: ceterum Augusto posthac irritari nationes Transalbinas minime placuit. Satis negotii susceptum cum ceterioribus sentiebat.

A. C. 8.  
*Augustus  
nationes  
Transalbi-  
nas mittit.*

*Tiberius  
Imperator  
adpellatur.*

XIX. Idcirco ne Tiberius quidem longius processit, quamquam ejus adventu pleraeque nationes, inter Albim et Rhenum habitantes, Tiberio permittente, legatos de pace miserant. Sed irritae horum preces fuere, negante suscepturum Augusto, nisi et Sicambri rogarent; iidemque in satisfaciendo ceteris essent comites, quibus belli suscipiendi auctores exstitissent. Hoc quum in Germania percrebuisse, sociorum rogatu profecti ex ea gente multi principum, postquam Augusti jussu per municipia in custodias mittebantur, sibi manus intulerunt. Pace infecta, Tiberius, nulla re majori gesta, ex Germania discessit. Hostes haud multo post adceptas clades Romanis ubere vindicta regesserunt. Tiberio tamen, quod sine detrimento magnam Germaniae partem peragravit, *Imperatoris* cognomentum Augustus addidit, sibi que tum etiam recepit: militibus quoque distributa pecunia, non victoriae causa, quae nulla insignis parta fuerat; sed propter tirocinium Caji, tum primum profecti in militiam. Tiberio interim alter consulatus cum altero triumpho decernitur.

*Pannonii  
ab Sex. Appulejo  
victi.*

XX. Augustus, quum et ipsi triumphus decerneretur, natali suo solennes circenses ludos maluit. Poemoerium eodem anno prolatum est, quod non nisi augmentibus imperium concedebatur. Etiam Pannonios hoc tempore victos ab Sex. Appulejo reperio, quum impatientia quietis post Tiberii discessum ad arma redissent. Tum et Augustum mensem de Sextili factum quidam auctores tradiderunt; qua de re tamen septimo ejus consulatu cautum esse plebiscito adnotavimus. Fortean intermissam, ut fit, adpellationem, et quasi cum antiqua luctantem, hoc anno ab omnibus usurpari, antiqua penitus explosa, placuerit.

XXI. Inter haec tam laeta ac splendida rursus Augustum infirmitatis humanae C. Maecenatis obitus

---

Cap. XVIII. Sueton. Ner. 4. Strabo, l. 7. p. 201. Cap. XIX. Dio, et Bucher. Hist. Belg. l. 1. c. 18. Vell. 2, 97. Dio. Vell. Cap. XX. Dio. Tac. Ann. 12, 23. Cassiod. Chron. Dio. Sueton. Aug. 31. Supra, 134, 103. Cap. XXI. Dio.

admonuit, viri inter paucos memorabilis. Nam per plurimos annos amicissimus Caesari, dignusque tanto honore vixerat, utilibus subinde ministeriis majoris amici benevolentiae vicem reddens. Et publice quidem obitas partes suis plerumque locis retulimus: hic omnino commemoranda libertas est, qua saepissime Caesarem ea facere prohibuit, quorum postea poenitere eum debuisset. Ac merebatur insigni lenitate prudentiaque Princeps, ut rarissimum illi fortunae bonum possideret, benevolum candidumque monitorem. Utriusque maximum experimentum ab uno exemplo capias, licet.

U. c. 744.  
A. C. 8.

*Maecenatis  
libertas in  
admonendo  
Caesare.*

XXII. Sedebat Augustus pro tribunali, damnaturus multos, ut omnes oculorum gestuumque et vocis notae, quas diu ante perdidicerat Maecenas, ei significabant. Igitur, quum per confertam turbam pervadere ad eum nequisset, tabellam in sinum ejus misit, his inscriptam verbis, *Surge, carnifex*. Surrexit ille, nulla in quemquam lata tristiore sententia, tantumque absuit ab offensa hominis probatissimi libertas, ut potius, quum illa morte Maecenatis defecisset, serio desideraretur. Certe, quum biennio post filiam suam propter adulteria relegasset, atque, decedente mox ira, pudore ac poenitentia corripere, saepe exclamasse fertur: *Horum nihil mihi addidisset, si aut Agrippa aut Maecenas vixissent.*

*In optimam  
partem ad-  
cipitur.*

XXIII. Virtutis autem optimique animi perspicuum documentum in Maecenate fuit, quod, in maxima apud Principem gratia positus, non invidiam ceterorum, non odia persensit. Scilicet modestia ac comitate fortunam temperans, quum aliis ab Augusto saepe summos honores impetraret, in equestri loco conseqnuit. Non mirum igitur, si morte hujus ingentem dolorem concepit Caesar, etiam ex testamento Maecenatis perspecto, nihil eum sibi propter Terentiam succensere. Paucis enim nec maximis rebus exceptis, omnia ei reliquit, si quid inde distribuere defuncti amicis vellet, illius in arbitrium conferens. Erat quippe mos Caesari, quamquam hereditatum minime cupido, iudicia amicorum pensitare morosius, neque dolorem aut gaudium dissimulare, prout in testamentis neglectum se aut honoratum reperisset,

*Maecenas  
testamen-  
tum.*

Cap. XXII. Sen. de Benef. 6, 32. Cap. XXIII. Dio. Sus-  
ton. Aug. 66.



U. c. 745.  
A. C. 7.  
Ti. Claudio,  
Cn. Calpurnio  
Coss.

Cn. Piso  
suffectus  
olim consul.

Tiberius  
signatum extra  
pomoe-  
rium habet.

XXIV. Post hæc Ti. Claudius Ti. F. secundum iniit consulatum, cum Cn. Calpurnio Cn. F. Pisone, cujus item alter hic consulatus fuisse a quibusdam traditur: quod argumento est, inter superiorum annorum suffectos fuisse. Nam si quis eundem esse putet, qui cum Augusto undecimum consule gessit, illum patrem hujus Pisonis fuisse discat: quod ex probatissimis auctoribus abunde constat.

XXV. Tum igitur Tiberius, Kalendis Januariis senatu in Octaviae gentis fano extra pomoeium habito, (nam triumphans initurus urbem erat) aedem Concordiae instaurandam sibi sumpsit, ut in eo suum et Drusi nomen inscriberet. Acto deinde triumpho, una cum matre Liviae gentis sacrarium dedicavit, atque ipse senatoribus in Capitolio, mulieribus Livia seorsim epulum praebeuit. Idem Ti. Claudius Ti. F. Nero, Pontifex, Consul iterum, ludos votivos pro reditu Imperatoris Caesaris, Divi F. Augusti, Pontificis Maximi, Jovi Optimo maximo fecit, ut hodieque basis marmoreae inscriptio prodit: quamquam, eo Germanicis motibus evocato, C. Caesar et consul Piso pro eo fecerunt. In Germania tamen nihil ad memoriam insigne gestum.

Diribito-  
rium.

XXVI. At Romae diribitorium eodem anno perfectum est, quod Agrippa inchoaverat. Maximum id aedificium fuisse dicitur eorum, quae usquam posita sint sub uno tecto: adeoque, postquam vetustate collapsum tectum est, instaurari potuisse negant. Sub idem tempus Agrippae funebres ludī facti, eoque die omnes, ne filiis quidem Caesaris exceptis, praeter ipsum, in pulla veste fuerunt. Spectatum est in Septis, tum in honorem Agrippae, cujus ibi monumenta visebantur, tum quia multa circa forum aedificia arserant. Incendii culpa in ipsos dominos conferebatur, qui aere alieno gravati futurum sperassent, ut misericordia adcepti detrimenti onere levarentur. Igitur nemini succursum.

Partes ur-  
bis, earum  
praecepti.

XXVII. Adversus incendia spatium urbis in regiones quatuordecim, et has iterum in vicos divisit. Regionibus praeesse magistratus annuos, praetores, tribunos plebis, et aediles sortito jussit. Vicorum magistris, qui antiquitus de plebe constituebantur, praeter praetextam, quae et olim concedebatur, binos lictores addidit, quibus in suo quisque spatio

Cap. XXIV. Pigh. Ann. Cap. XXV. Dio. Pigh. Ann. Dio. Cap. XXVII. Sueton. Aug. 31. et Dio. Liv. 34, 7. Dio.

certisque diebus uterentur. Ab his familia publica, circa portas et muros disposita, ubi necessum esset, evocabatur: donec post aliquot annos, praefecto vigillum constituto, diligentius etiam ab Augusto provisum est. U. c. 745.  
A. C. 7.

XXVIII. Adolescebant interim Cajus et Lucius Caesares pari voluptate ac sollicitudine Principis, qui munimenta domus corroborari laetabatur; insolentiam puerorum suspectabat. quippe, gnari quam ad fortunam educarentur, mores avitos haud curabant usquequaque aemulari. Lucius utique, vix undecim natus annos, quum in theatro plausu et adclamationibus populi exceptus magnos spiritus sumpsisset, eo progressus est temeritatis, ut Cajo fratri, eo quoque adhuc praetextato, petere consulatum auderet. Tum vero non premens iram Caesar, *Absit, inquit, a republica, qualis meis temporibus evenit calamitas, ut quemquam annis viginti minorem consulem fieri oporteat!* Sic etiam insistentibus, *tum satis mature magistratum eum capturum*, respondit, *ubi et semet cohibere a peccando, et populi compescere cupiditates didicisset.* *L. Caesaris Agrippae filii temeritas.*

XXIX. Interim, ut indulgentia praeferoces animos retineret, sacerdotium Cajo dedit, et designari consulem passus est, ut post quinquennium anno aetatis vicesimo magistratum iniret. Interim ex ea die deductus in forum, ut interesset consiliis publicis, locoque senatorio spectaret et epularetur. Haec honoris Augusti causa senatusconsulto decreta. Equites autem Romani universi *Principem juventutis* Cajum hastis argenteis donatum adpellaverunt. Haec ajunt Augustum vix admisisse, quum intime gauderet factis; ne speciem civilis animi amitteret. *C. Caesar in forum deductus.*

XXX. Eodem anno, tum enim D. Laelius D. F. Balbus, C. Antistius C. F. Vetus consules erant, Tiberio tribunitiam potestatem Caesar in quinquennium dedit; Armeniamque deficientem ei demandavit. At ille inter tot prospera, incertum quibus causis, repente statuit e medio se quam longissime abducere: nec enim studiorum causa Rhodi secessum petisse crediderim, quamquam id praetulisse traditum. Vero-riorem fuisse stimulum ex intemperantia uxoris pu- U. c. 741.  
A. C. 6.  
D. Laelio,  
C. Antistio  
Coff.  
*Tiberius statuit e medio se abducere.*

Cap. XXVII. Dio, l. 55. sub Coff. M. Aemil. et L. Arruntio. Cap. XXVIII. Dio. l. 55. sub Coff. D. Laelio, et C. Antistio. Cap. XXIX. Sueton. Aug. 64. Tac. Ann. 1. 3. Zonaras. Lapis Ancyrae. Dio. Lapis Ancyrae. Tac. Cap. XXX. Dio. Vell. 2, 99. Sueton. Tib. 10. et Dio. in Excerpt. Vales.

U. c. 746.  
A. C. 6.

tant, quam neque repudiare auderet, neque perferre ultra posset. Certe reliquit eam Romae, sed cum filio, quem sibi Vipsania pepererat. Quidam existimant, et ipse sic videri, sed postea, voluit, Agrippae exemplo, qui Marcello cesserat, abire voluisse, ne praestantia sua et rerum gestarum gloria obstare adolescentibus Augusti liberis videretur. Et, quemadmodum in dissidiis principalium domuum omnes in partes aliquorum velox suspicio est, non deerant, qui offensum judicarent, quod ipse ab Augusto non esset adoptatus. Contra alii ab illo ejectum sibi persuadebant, ut liberorum ejus insidiatorem. Minus absurda opinio est, vitato assiduitatis taedio, auctoritatem absentia tueri voluisse, atque etiam augere, si, quod futurum rebatur, ad subeunda reipublicae onera, quibus nemo praeterea par esset, revocaretur. Ipse nihil horum, sed honorum laborumque parem satietatem, et quietis desiderium, obtendit.

XXXI. Quaecumque causa tam pertinaciter certe propositum ursit, ut neque matris precibus, nec querelis Augusti moveretur, cui contumeliosus hic secessus futurus erat: ciboque, postquam se detineri videbat, quatrinduo abstineret. Rhodus ei revertenti prius ex Armenia, salubritatis et amoenitatis nomine, maxime placuerat. Huc igitur concedens, modicis aedibus diu ingentes virtutes, nec minora vitia abdidit; reliquo etiam cultu, officiorumque cum Graecis paratione, privato similior.

*Livianae  
Historiae et  
Supplementorum  
finis.*

XXXII. Ceterum praesenti labori meo in his temporibus actisque finem facio, circa quae Livianam etiam historiam desisse indicio Epitomarumprehenditur; toto animo versus in majoris et constantioris Imperii auctorem dominumque JESUM CHRISTUM, quem sub hosce annos (de natali enim ejus haud levibus argumentis inter doctos disputatur) hominem natum suus adspexit potius, quam agnovit, orbis. Hujus beneficio, si quid utiliter elaboravi, debere me totum profiteor: eumque suppliciter oro, ut porro mentem eam mihi servet, omnia, de quibus hic scripsi, regna, victorias, triumphos, nullo modo digna reputantem, ob quae illius sanctissima secta, aut quidquid, ea facere ac pati jubet, ulla ex parte negligatur.

Cap. XXX. Sueton. Tib. c. 7. Vell. Sueton. Tib. 10. et 12. Dio. Cap. XXXI. Plin. 7, 45. Suet. Tib. 11. Dio, et Suet.

# FRAGMENTA

## DEPERDITORUM LIBRORUM

### T. LIVII,

Ex antiquis Grammaticis aliisque collecta.

Sequentia laudantur, additis libris, unde petita sunt.

*Ex lib. XIV.*

**Privato nos tenuissemus.**

*Priscian. lib. XV. Gramm. pag. 1009. De locutione privata se tenere vide ad Livii 23, 7, 10.*

*Ex lib. XVII.*

**Pridie Nonas. Pridie Idus.**

*Priscian. lib. XIV. Gramm. p. 992.*

*Ex lib. XVIII.*

**Imberbi vulgariter.**

*Charis. lib. I. Gramm. p. 74. qui tantum laudat Titum Historiarum XVIII. quod, quin ad Livium referri debeat, non dubito. Insuper Putschius edidit imberbi; at quaedam editiones praeferunt imberbes, quod verius esse videtur. Nam et alii Grammatici observarunt, Livium imberbis, alios imberbus extulisse. Ita Auctor incertus de Orthogr. qui vulgo Beda creditur, apud Putsch. in Corpore veter. Gramm. p. 2789. Imberbi dicuntur, non imberbes: sic etenim Varro, Imberbi juvenes. Sed et Cic. Imberbum per um dixit, non*

(\* Gelasius Pontifex Rom. Epist. adversus Andromachum: Luper-  
calia autem propter quid instituta sunt, quantum ad ipsius  
superstitionis commenta respectans, Livius in secunda  
Decade loquitur. Nec propter morbos inhibendos instituta  
commemorat, sed propter sterilitatem, ut ei videtur, mulie-  
rem, (i. mulierum) quae tunc acciderat, exhibendam. (in marg.  
forte exigendam.) V. Labbaei Concil. Gener. T. 4. p. 1236. locum  
indicavit Cl. Wesseling. V. etiam Baron. in Annal. Eccles. ad a.  
496. §. 35.)

*Imberbem. Titus Livius autem Imberbis singulariter. Similiter Antiquus Grammaticus apud Barth. 37. Advers. 14. Imberbi dicuntur, non Imberbes. Varro, Imberbi juvenis. (lege juvenes ex Charis. et Auctore incerto, modo laudato) Ita et Cicero. Sed contra Titus Livius.*

*Ex lib. XX.*

*Ex hoc libro fragmentum laudat Priscian. lib. X. Grammat. pag. 901. Sed pertinet ad Livii lib. 25, 11.*

*Ex lib. LVI.*

*Vide infra fragmentum petatum ex lib. CVII. quod huc referendum esse, verisimile puto.*

*Ex lib. XCIV.*

*Livius in libro nonagesimo quarto Inarimem in partibus Maeoniae esse dicit; ubi per quinquaginta millia terrae igni exustae sunt. Hoc etiam Homerum significasse vult.*

*Servius ad Virg. 9. Aeneid. vers. 715. De hoc loco vide Salinas. ad Solin. p. 68. b.*

*Ex lib. CIII.*

*Horrendus magis est, premit qui corpora, carbo.  
Urit hic inclusus, vitalia rumpit acerbus:  
Hunc veteres quondam variis pepulere medelis.  
Tertia namque Titi simul et centesima Livi  
Charta docet, ferro talem candente dolorem  
Exactum, aut poto raporum semine pulsum:  
Infecti dicens vix septem posse diebus  
Vitam produci. tanta est violentia morbi.*

*Q. Seren. Samon. de Medic. cap. 39. vers. 725.*

*Ex lib. CVII.*

*Qui Pompejum morbum excusasse ferunt, ne, quum interesset deditiōi, animos Numantinorum irritaret.*

*Priscian. lib. XVIII. Gramm. pag. 1198. In cujus editione Putschiana haec verba adducuntur ex Livio CVII. ab urbe condita. in antiquioribus ex Livio in 26. ab urbe condita. Sed utrobique mendose. Omnino enim referenda videntur ad Livii lib. XVI. et ad deditam Numantinis Mancinum. Nam P. Furius Philus consul, qui Hispaniam citeriorem nactus Mancinum de-*

diturus erat, Q. Pompejum et Q. Metellum legatos secum illuc ire coëgit. Vide Val. Max. 3, 7, 5. Eorum Pompejus quinquennio antea consul eandem provinciam obtinuerat, et, re male gesta, pacem cum Numantinis inierat, quam postea a se initam esse negavit. Appian. Alex. in Bell. Hispan. pag. 299. et Cic. 2, de Finib. 17. Ne igitur, cum Furio consule legatus in Hispaniam profectus, Mancini deditioi interesse deberet, et, praesentia sua nuperae fraudis ac perfidiae memoria revocata, animos Numantinorum irritaret, eum, ex quorundam sententia, morbum excusasse, hoc Livii fragmentum nos docet. Ejus facti nulla mentio fit in Supplementis Freinsheimii lib. 56. c. 13. Ne vero hoc fragmentum ad eam historiam referendum esse videret, ei fraudi exstitisse puto errorem, in editionibus Prisciani commissum, circa numerum librorum Livii, unde petatum erat.

*Ex lib. CXII.*

Castra quoque diversis partibus Cassius et Bogud adorti haud multum abfuere, quin opera perumperent.

Quo tempore firmandi regni Bogudis causa exercitum in Africam velociter trajicere conatus sit.

Cassius gessisset cum Trebonio bellum, si Bogudem trahere in societatem furoris potuisset.

Tria haec fragmenta nobis servat *Priscian. lib. VI. Gramm. pag. 686. et 687.* Quorum primum Freinsh. Supplemento hujus libri cap. 49. tertium cap. 50. intexuit: secundi vero rationem habuisse non invenio.

*Ex lib. CXIII.*

Bogud, Bogudis, nomen barbarum, quod Livius in cxiij. declinavit Bogudis.

*Priscian. lib. V. Gramm. p. 643. Ex l. 116. V. Plutarch. in Caes. p. 738.*

Et ipse circa Pulpud oram tuebatur.

*Priscian. lib. VI. Gramm. pag. 687.*

*Ex lib. CXVIII.*

Adversus interfectores C. Caesaris ultoribus manum comparans concibat.

*Priscian. l. IX. Gramm. pag. 865.* qui fragmentum hoc laudat *ex Livii libro XLIX.* neque aliter in Mito suo esse Vossius testatur lib. 5. Gramm. cap. 35. sed legendum esse *lib. CXIX.* recte contendit: eo enim libro de bello adversus Julii Caesaris interfectores sermonem fuisse, Epitomen Livii ostendere. Duos etiam codd. Prisciani consuluit Barthius, in quorum altero se vulgatam lectionem *Livius in XVIII.* reperisse testatur ad Statii l. 4. Theb. vers. 146. sed in altero *Livius in XCVIII.* unde Vossii conjectura confirmatur. Nam ex *XCVIII.* transpositis, literis numeralibus, facillime fit *XCVIII.*

*Ex lib. CXXVII.*

Quoniam inter Augustum et Antonium reliquiae adhuc erant diffensionis, Coccejus Nerva, proavus Nervae, qui postea imperavit Romae, mandavit Augusto, ut mitteret, qui de summa rerum tractarent. Ergo missus est Maecenas cum Agrippa, qui utrumque exercitum in una castra coegerunt, ut ait Livius lib. cxxvii. Intelligendum autem, quod, Fontejo missa ab Antonio, Augustus Maecenatem et ceteros ad eundem locum emisit.

*Acro ad Horatii lib. I. Sat. V. vers. 29.* Similia ad eundem locum habent Porphy. et Commentator vetus Cruquii.

*Porphyrio notat:* Diffensione orta inter Caesarem Augustum Antoniumque, Coccejus Nerva, avus ejus, qui postea Romae imperavit, petiit a Caesare, ut aliquem, qui de summa rerum tractaret, mitteret Tarracinam. Et primum Maecenas, mox et Agrippa congressi sunt, hique pepigerunt fidem confirmatissimam, et in una castra conferri signa utriusque exercitus jusserunt. Hoc et T. Livius lib. cxvii. refert, excepta Capitonis mentione.

*Commentator vero Cruquii:* Ab Antonio missus fuerat Fontejus Capito legatus, ab Augusto Maecenas, intercedente Coccejo Nerva, proavo Nervae imperatoris, (qui et Augusto et Antonio gratus erat) cum Agrippa. Ea autem conditione con-

venerant legati, ut de summa rerum tractarent, exortamque dissensionem inter duos hos Imperatores componerent; quod et fecerunt, et utrumque exercitum juxta Brundisium in una castra cum magna laetitia coëgerunt, ut infert Livius lib. CXXVII.

Apud Porphyrr. per *quum* intelligendus est *procurus*, ut vocatur apud Acron. et Commentat. Cruquii. Vide Rupert. ad Pompon. de Orig. Jur. l. 3. cap. 13. sect. 2. pag. 437. Apud eundem Porphyrr. etiam pro *Ti. Livius lib. CXVII.* emendandum est *T. Livius lib. CXXVII.* ut reliqui duo recte praeferunt. Historiam vide in Freinsh. Supplem. h. lib. cap. 20. et seqq.

*Ex lib. CXXXVI.*

Eodem anno ludos seculares Caesar ingenti adparatu fecit; quos centesimo quoque anno (is enim terminus seculi) fieri mos.

*Censor. de die natali cap. XVII.* Horum ludorum secularium in Epit. Liv. lib. cxxxvi. mentio non fit. Sed sciendum est, in Epitomis Liv. post lib. cxxxv. defectum esse aliquot librorum, sive, ut Sigonius existimat, duorum librorum, cxxxvi. et cxxxvii. adeoque, qui nunc eo numero notantur, olim adscriptos habuisse numeros cxxxviii. et cxxxix. In deperdito igitur libro Epitomarum mentionem horum ludorum secularium factam esse, verisimile est. Vide Sigon. ad Epit. Liv. lib. cxxxvi. Duorum deperditorum res Freinsh. enarravit in Supplementis libri, qui nunc vulgo cxxxvi. dicitur. Et quidem ludos seculares memorat libri ejus cap. 46.

\*

\*

\*

Sequentia fragmenta laudantur quidem, non additis libris Livii, ex quibus petita sunt; conjectura tamen ad suos libros redigi quodammodo possunt.

Curribus falcatis usos esse majores, et Livius et Salustius docent.

*Servius ad Virg. lib. I. Aen. vers. 476.* Hoc referendum videtur ad lib. xiii. et quidem ad id, quod refert Freinsh. in Supplem. ejus libri cap. 38.



Ni Pyrrhus, unicus \* pugnandi \* artifex, magisque in proelio, quam bello, bonus.

*Servius ad Virg. lib. I. Aen. 456.* Hoc fragmentum ad lib. vel xiii. vel xiv. pertinere puto, quibus Livius bella Romanorum cum Pyrrho descripsit, ut constat ex auctore Epitomes eorum librorum.

Sichaeus, Sicharbas dictus est; Belus Didonis pater, Methres; Carthago a Carthada, ut lectum est. quod invenitur in historia Poenorum, et in Livio.

*Servius ad Virg. I. Aen. 343.*

Carthago est lingua Poenorum nova civitas, ut docet Livius.

*Servius ad Virg. I. Aen. 366.* Utrumque hoc Servium petiisse existimo ex Livii lib. xvi. ubi belli Punici primi initium, et ea occasione originem Karthaginiensium et primordia urbis retulit, ut testatur Epitome ejus libri.

Bitias classis Punicae fuit praefectus, ut docet Livius.

*Servius ad Virg. I. Aen. 738.* Hoc quoque fragmentum commode ad lib. xvi. referri potest. Docet enim Servius, Virgilium, qui Bithiae et Jopae ibi meminit, introduxisse nomina ducum Poenorum, quibus nempe Dido usa est: ut ita Bitias fuerit dux vel praefectus classis, qua Dido in Africam advecta est. Memoratur quidem *Bitbyas* Poenorum dux tempore belli Punici tertii apud Freinsh. in Suppl. lib. 51, 4. et 13. et lib. 52, 23. Verum is non classis, sed equitum praefectus est.

Serpentis quoque \* a T. Livio curiose pariter ac facunde relatae fiat mentio. Is enim ait, in Africa apud Bagradam flumen tantae magnitudinis anguem fuisse, ut Atilii Reguli exercitum usu amnis prohiberet: multisque militibus ingenti ore correptis, compluribus caudae voluminibus elisis, quum telorum jactu perforari nequiret, ad ultimum balistarum tormentis undique petitam, sili-

cum crebris et ponderosis verberibus procubuisse, omnibusque et cohortibus et legionibus ipsa Harthagine visam terribiliorem. Atque etiam cruore suo gurgitibus imbutis, corporisque jaceat pestifero adflatu vicina regione polluta, Romana inde submovisse castra. Dicit belluae etiam corium centum viginti pedes longum in urbem missum.

*Valer. Max. lib. I. cap. VIII. ex ext. ult.* Hoc fragmentum desumptum esse ex Livii lib. XVIII. ejus Epitome docet.

\*  
Tertii ludi (*seculares*) fuerunt, Antiate Livioque auctoribus, P. Claudio Pulchro, C. Junio Pullo consulibus.

*Censorin. de Die Natal. cap. XVII.* Hos ludos Livius retulisse creditur lib. XIX. Vide Freinsh. Supplem. ejus lib. cap. XXXI.

\*  
De quartorum ludorum (*secularium*) anno triplex opinio est. Antias enim, et Varro, et Livius relatos esse prodiderunt L. Marcio Censorino, M. Manilio consulibus, post Romam conditam anno sexcentesimo quinto.

*Censorin. de Die Natal. c. XVII.* De his ludis Livium egisse lib. XLIX. constat ex Epitome Liviana eodem libro. Ceterum, pro M. Manilio legendum esse M. Manilio; constat ex illis, quae ad Epit. ejus libri dicta sunt.

\*  
Γαμετ δὲ (Σύλλας) γάμον ἐνδο-  
ξότατον, Καικιλίαν τὴν Με-  
τέλλου θυγατέρα τοῦ ἀρχιε-  
ρέως. ἐφ' ᾧ πολλὰ μὲν εἰς ἀν-  
τὸν ἥδον οἱ δημοτικοί, πολ-  
λοὶ δὲ τῶν πρώτων ἐνεμέσων,  
ὄνκ' ἄξιον ἡγούμενοι τῆς γυ-  
ναϊκῆς, ὃν ἄξιον ὑπατείας

\*  
Sulla nobilissimum con-  
jugium contrahit, Cae-  
cilia ducta Metelli pon-  
tificis maximi filia. Ob  
quod cecinit multa in  
eum probrose vulgus,  
multique ex primori-  
bus inviderunt ei, indi-  
gnum illa femina existi-

ἐπιτιμᾶν, ὡς φησὶν ὁ Τί-  
τος.

mantes, ut Titus ait,  
quem consulatu judi-  
caverant dignum.

*Plutarch. in vita Sullae pag. 455.* ubi per *Τίτον* indicari  
T. Livium, et rem narratam incidisse in lib. ejus  
LXXVII. qui interiit, docet Xylander. Vide Freinsh.  
Supplem. ejuslib. cap. 3.

Sulla quum primum ad urbem contra Marium ca-  
stra movisset, adeo laeta exta immolanti fuisse scri-  
bit Livius, ut custodiri se Postumius aruspex vo-  
luerit, capitis supplicium subiturus, nisi ea, quae  
in animo Sulla haberet, Diis juvantibus imple-  
visset.

*Augustin. de Civit. Dei lib. II. cap. XXIV.* Cum iis con-  
ferenda sunt, quae narrat Plutarch. in Sull. p. 457.  
Ceterum fragmentum hoc pertinet ad eundem Livii  
lib. LXXVII. quo bellum civile inter Sullam et Marium  
gestum, ac praesertim ejus initium retulit.

\*

\*

Eversis quippe et incensis omnibus cum oppido si-  
mulacris, solum Minervae simulacrum sub tanta  
ruina templi illius, ut scribit Livius, integrum  
stetisse perhibetur.

*Augustin. de Civit. Dei lib. III. cap. VII.* Idem referunt  
Auctor de Vir. Illust. cap. LXX. Appian. in Mithr. p.  
205. Obseq. de Prodig. cap. cxvi. alique. Livium  
autem historiam Illi a Fimbria capti et deleti re-  
tulisse lib. LXXXIII. ex ejus Epitome constat. Adde  
Freinsh. in Supplem. ejus libri cap. 7.

\*

\*

Hoc primum proelium inter Sertorium et Pompejum  
fuit: decem millia hominum de Pompeji exercitu  
amissa, et omnia impedimenta, Livius auctor est.

*Frontin. lib. II. Strateg. cap. V. ex 31.* Livium hoc retu-  
lisse lib. xci. Freinshemius credidit. Vide ejus Sup-  
plem. hujus libri cap. 19.

\*

\*

Triginta quinque millia armatorum eo proelio ir-  
terfecta cum ipsis ducibus Livius tradit, receptis  
quinque Romanorum aquilas, signa sex et vigin-  
mul-

multa spolia, inter quae quinque fascies cum securibus.

*Frontin. lib. II. Strateg. cap. V. ex. 34.* qui ibi refert victoriam, quam Crassus reportavit, parte fugitivorum devicta, interfectisque eorum ducibus Casto et Gannico. Unde constat, referendum esse ad Livii lib. xcvii. in cujus Epit. *Granicus* vocatur, qui Frontino *Gannicus* dicitur. Vide viros doctos ad locum Front. et ad Epit. Liv. Eodem retulit etiam Freinsh. qui videndus in Supplem. ejus libri cap. iv.

\*

\*

Λιούτιος δ' ἔπρηκεν, ὥς οὐδέποτε  
Ῥωμαῖοι πολέμοις, ἀποδόν-  
τες τοσοῦτῳ πλήθει, παρε-  
τάξαντο. σχεδὸν γὰρ οὐδ',  
εἰκοσόν, ἀλλ' ἑλάττων, ἐγέ-  
νοντο μέρος οἱ νικῶντες τῶν  
ἡσθημένων.

Livius aūt, numquam Ro-  
manos signa cum ho-  
stibus contulisse tanto  
numero inferiores. Ne-  
que enim vigesimam  
propemodum partem,  
immo nec minorem, ae-  
quarunt victores victo-  
rum.

*Plutarch. in Lucull. pag. 511.* ubi narrat proelium inter Lucullum et Tigranem ad Tigranocerta; unde ad Livii lib. xcviij. referendum constat. Eo enim libro bellum id Livium descripsisse ex Epit. ejus libri colligitur. Et eo etiam retulit Freinsh. in Supplem. hujus lib. cap. xlix.

Φησὶ δὲ ὁ Λιούτιος, ἐν μὲν τῇ  
προτέρᾳ μάχῃ πλείονας, ἐν  
δὲ ταύτῃ γνώριμωτέροισι πε-  
σεῖν καὶ ληφθῆναι τῶν πολε-  
μίων.

Livius auctor est, priore  
proelio plures fuisse,  
in hoc nobiliores ho-  
stium caesos et captos.

*Plutarch. in Lucull. pag. 513.* Ubi describit proelium ad Artaxata inter eosdem Lucullum victorem et Armeniae regem Tigranem; quod bellum Livius lib. xcviij. descripsit, ut constet ex Epit. ejus libri. Eodem etiam retulit Freinsh. in Supplem. ejus lib. cap. lxxxi.

\*

\*

Creta primo quidem centum habuit civitates: unde Hecatompolis dicta est: post viginti quatuor: inde, ut dicitur, duas, Gnoston et Hierapidnam.  
*Supplem. Liv. Tom. XIV.*

Eg

Quamvis Livius plures a Metello expugnatas dicat.

*Servius ad Virg. III. Aeneid. vers. 106.* Verisimillimum est, Servium respicere ad Livii lib. xcix. Nam et Epit. ejus libri patet, Livium Gnoſſon, et Lyctum, et Cydoniam, et alias plurimas Cretae urbes a Q. Metello proconsule expugnatas in principio ejus libri retulisse.

\*

\*

Quod quum diluisset.

*Agroetius de Orthogr. in Putschii corpore Grammat. pag. 2267. et Gothofr. Auctor. Ling. Lat. pag. 1352.* ubi id Livium de morte Mithridatis dixisse refert. Pertinet igitur ad Livii lib. cii. quo ipsum de morte Mithridatis egisse, constat ex Epit. hujus libri.

Καὶ γὰρ ἀλούσης τῆς πόλεως  
περὶ τρίτον μῆνα, τῇ τῆς νη-  
σείας ἡμέρᾳ, κατὰ τὴν ἐνά-  
την καὶ ἑβδομηκοστὴν καὶ ἑκα-  
τοστὴν Ὀλυμπιάδα, ὑπατεύον-  
των Γαῖου Ἀντωνίου καὶ Μάρ-  
κου Τυλλίου Κικέρωνος, οἱ  
πολέμιοι μὲν εἰσπεσόντες ἔ-  
σφαττον τοὺς ἐν τῷ ἱερῷ· οἱ  
δὲ πρὸς ταῖς θυσίαις οὐδὲν  
ἤττον ἱεροουργοῦντες διετέλουν,  
οὔτε ὑπὸ τοῦ φόβου τοῦ περὶ  
τῆς ψυχῆς, οὔτε ὑπὸ τοῦ πλή-  
θους τῶν ἤδη φονευμένων,  
ἀναγκασθέντες ἀποδράναι, πᾶν  
ὃ ἔτι δέοι παθεῖν τοῦτο παρ'  
αὐτοῖς ὑπομῆναι τοῖς βωμοῖς  
κρεῖττον εἶναι νομίζοντες, ἢ  
παρελθεῖν τι τῶν νομίμων. ὅτι  
δὲ οὐ λόγος ταῦτα μόνον εἶναι  
ἐγκώμιον ψευδοῦς εὐσεβείας ἐμ-

Etenim capta urbe, ter-  
tio demum mense, die  
jejunii, Olympiade cen-  
tesima septuagesima no-  
na, C. Antonio et M.  
Tullio Cicerone consu-  
libus, quum vi ingressi  
hostes eos, qui erant  
in fano, jugularent, ni-  
hilo secius rem divinam  
facere perseverabant,  
neque metu vitae amit-  
tendae, neque jam cae-  
sorum multitudine in  
fugam compulsi, quid  
quid pati necesse erat  
illud ad aras ipsas la-  
turos esse melius putan-  
tes, quam ut aliquid le-  
gibus patriis praescri-  
ptum omitterent. Quod  
autem ista non sint fa-  
bula, unice ad falsae  
pietatis laudem ostendit

φανίζων, ἀλλ' ἀλήθεια, μαρ-  
τυροῦσι πάντες ὅι τὰς κατὰ  
Πομπηϊὸν πράξεις ἀναγράψαν-  
τες ἐν ὧς καὶ Στράβων καὶ  
Νικόλαος, καὶ πρὸς τούτοις  
Τίτος Λίβιος, ὁ τῆς Ῥωμαϊ-  
κῆς ἱστορίας συγγραφεύς.

dendam adhibita, sed  
ipsamet veritas, testi-  
monio sunt, qui res a  
Pompejo gestas memo-  
riae prodiderunt; et in  
his Strabo, et Nicolaus,  
ac praeterea T. Livius,  
historiae Romanae scri-  
ptor.

*Joseph. lib. XIV. Antiq. Jud. cap. IV. Sect. III. pag.*  
689. Ad quem locum viri docti laudant Epit. Liv.  
cxl. sed errore operarum. Ea enim de re Livium  
egisse lib. cii. ex Epit. ejus libri constat.

\*

\*

**Britanniae licet magnitudinem olim nemo (ut refert  
Livius) circumvectus est, multis tamen data est  
varia opinio de ea loquendi.**

*Jornandes de rebus Getic. cap. II.* Quod petatum esse  
videtur ex Livii lib. 105. in quo ipsum egisse de  
Julii Caesaris expeditione Britannica, Epitome ejus  
libri testatur.

\*

\*

**Septingentesimo conditionis suae anno, quatuorde-  
cim vicos ejus [Romae] incertum unde consurgens  
flamma consumsit: nec umquam, ut ait Livius,  
majore incendio vastata est; adeo ut post aliquot  
annos Caesar Augustus ad reparationem eorum,  
quae tunc exusta erant, magnam vim pecuniae ex  
aerario publico largitus sit.**

*Orosius lib. VII. cap. II.* qui ejusdem incendii etiam  
meminit lib. vi, xiv. in fine, testatus anno ab urbe  
condita 1000. plurimam Romae partem ignem inva-  
sisse, neque umquam antea tanto incendio correptam  
ac vastatam civitatem fuisse. Nam quatuordecim vi-  
cos cum vico Jugario consumptos fuisse. Ejus incen-  
dii meminit etiam Obsequens de Prodig. cap. cxxv.  
unde constat, accidisse L. Paulo, C. Marcello con-  
sulibus: anno igitur proximo ante bellum civile in-  
ter Pompejum et Caesarem. Hinc colligo, Livium  
hujus incendii mentionem fecisse lib. cix. quo ex-  
eunte demum de initio belli istius civilis egit.

E e e 2

Caesar, Rubicone flumine transmeato, mox ut Ariminum venit, quinque cohortes, quas tunc solas habebat, cum quibus (ut ait Livius) orbem terrarum adortus est, quid facto opus esset, edocuit.

*Orosius lib. VI. cap. XV.* Fragmentum hoc pertinere ad Livii lib. cix. ex Epitom. ejus colligo. Inde enim constat, Livium illo libro initium belli civilis inter Caesarem et Pompejum retulisse. Id autem Caesar trajiendo Rubiconem incepit. Eodem etiam retulit Freinsh. in Supplem. hujus libri cap. xxxix.

\*

\*

Primus hostem percussit nuper pilo sumto primo C. Crastinus.

*Scholiasies vetus Lucani ad lib. VII. vers. 471.* Pertinet hoc fragmentum ad nobile illud proelium Pharsalicum, in quo primus Crastinus telum emisit, ut omnes historici alique testantur. Referendum igitur est ad Livii lib. cxi. quem eo libro proelium hoc Pharsalicum descripsisse, ex Epit. patet. Vide Supplem. Freinsh. hujus libri cap. lxxv. Ceterum, transpositis vocibus *nuper primo pilo sumto* scribendum esse, conjicit Celeb. Burmanu. ad d. I. Lucani. Crastinum enim anno prior primum pilum duxisse.

Εν δὲ Παταβίῳ Γάιος Κορνήλιος, ἀνὴρ ἐνδοκίμος ἐπὶ μαντικῇ, Λιβίου τοῦ συγγραφέως πολίτης καὶ γνώριμος, ἐτύχῃ Χανεν ἐπ' οἰωνοῖς καθήμενος ἐκείνην τὴν ἡμέραν. καὶ πρῶτον μὲν (ὡς Λιβίος φησὶν) τὸν καιρὸν ἔγνω τῆς μάχης, καὶ πρὸς τοὺς παρόντας ἔφη, ὅτι καὶ δὴ περαίνεται τὸ Χρῆμα, καὶ συνίασιν εἰς ἔργον οἱ ἄνδρες. Ἄνδρι δὲ πρὸς τῇ δεξιᾷ γενόμενος, καὶ τὰ σημεῖα κατιδὼν ἀνήλατο μετ' ἐνθουσιασ-

Patavii C. Cornelius, auguralis scientiae peritus, Livii historici civis et familiaris, sub idem forte tempus operam dabat auspicio. Hic primum (ut Livius auctor est) tempus proelii cognovit, praesentibusque geri ait nunc rem, et proelium duces committere. Ut iterum aves inspexit, advertitque signa, fanaticus exiliit, clamans, Vincis Caesar. Obstu-

μοῦ, βοῶν, Νικᾶι, ὃ Καίσαρ.  
ἐκπλαγέντων δὲ τῶν παρατυ-  
χόντων, περιελών τὸν ἐφα-  
νον ὑπὸ τῆς κεφαλῆς, ἐνωμό-  
τως ἔφη, μὴ πρὶν ἐπιδήσεσθαι  
πάλιν, ἢ τῇδε τῇ τέχνῃ μαρ-  
τυρήσαι τὸ ἔργον. Ταῦτα μὲν  
ὄν ὁ Αἰβίος οὕτω γενέσθαι  
καταβεβαίονται.

*Plut. in vita Caesar. pag. 730.* qui refert, id accidisse, quo tempore preelium Pharsalicum decertabatur. unde constat, itidem hoc referendum esse ad Livii lib. cxi. Eodem etiam retulit Freinsh. in Supplem. huius libri cap. lxxii. ubi varios alios scriptores idem narrantes in margine laudavit.

\*

\*

Quadringenta millia librorum Alexandriae arserunt, pulcherrimum regiae opulentiae monumentum. Alius laudaverit, sicut Livius; qui elegantiae regum curaeque egregium id opus ait fuisse.

*Seneca de Tranquill. anim. cap. IX.* Bibliothecae Alexandriae incendium accidit tempore belli, quod Caesar cum rege Ptolemaeo gessit. Id autem Livium lib. cxii. descripsisse, ejus Epitome testis est. Ad lib. cxii. retulit etiam Freinsh. in Supplem. ejus lib. cap. xliii. ubi varios scriptores eandem historiam referentes in margine laudavit. De numero librorum, qui in hac bibliotheca repositi fuerunt, vide viros doctos ad Oros. xi, xv. pag. 421. et 422.

Ὡς δὲ μὲν τὰ περὶ τοῦ Βασίλου  
δοκεῖ, Αἰβίω δ', ὅτι τῆς Πομ-  
πηίου στρατὸς γεόμενος, καὶ  
μετὰ τὴν ἥτταν ιδιωτέων ἐν  
Τύρῳ, διεφθίρει τινὰς τοῦ  
τέλους, καὶ διεκρήσαντο τὸν  
Σέξτον, καὶ τῷ Βασίλει σφᾶς  
ἐνέχειρσαν.

Haec de Basso quidam  
produnt: Livius vero,  
militasse illum Pompeii  
auspiciis: quo victo pri-  
vatim egisse Tyri; cor-  
ruptisque quibusdam le-  
gionibus effecisse, ut,  
interfecto Sexto, ipsum  
sibi ducem adsumerent.



*Appian. Alex. lib. III. Bell. Civil. pag. 576.* Haec autem referenda esse ad Livii lib. cxiv. ex Epit. ejus libri patet. Vide etiam Freinsh. Supplem. illius libri cap. 1. et seq. Ceterum in Appiano hodie vulgo editur *Λιβων*, pro quo recte, ut puto, *Λιβίω* emendavit Clariss. Perizon. in Animadv. Hist. cap. iv. pag. 177.

Optarem mihi contingere, quod T. Livius scribit de Catone: cujus gloriae neque profuit quisquam laudando, nec vituperando quisquam nocuit, quum utrumque summis praediti fecerint ingeniis. Significat autem M. Ciceronem et C. Caesarem, quorum alter laudes, alter vituperationes supra dicti scripsit viri.

*Hieronymus Prol. lib. II. in Ossam.* Fragmentum hoc observavit Clericus, et recte referendum monuit ad Livii lib. cxiv. in quo ipsum de morte Catonis egisse, ex auctore Epitomarum constat.

\*

\*

*Ἦν γάρ τι καὶ Καίσαρος οἰκία* Quum Caesaris aedibus  
*προσκειμένην, διὰν ἐπὶ κόσμῳ* esset ex senatusconsul-  
*καὶ σεμνότητι τῆς βουλῆς ψη.* to adjunctum, (ut au-  
*φιδαιμένης ἀκρωτήριον, ὡς Λι-* ctor est Livius) velut ad  
*βίου ἴσχυρεν. Τοῦτο ὄναρ ἦ* ornamentum et ampli-  
*καλπουρνία δεασαμένη κα-* tudinem, pinna-  
*ταρρήχημα, εἶδοξε πορευ-* culum, id per quietem imagina-  
*σθαι καὶ δακρύνειν ἡμέρας* ta collabi Calpurnia vi-  
*δ' οὖν γενομένης, ἔθηκε παρ* debatur sibi ideo lamen-  
*Καίσαρος, εἰ μὲν δίδόντε, καὶ* tari et lacrimari: ac,  
*προελθόν, ἀλλ' ἀνυπαρξέσθαι* quum lux adpetisset,  
*τὴν συγκλήτην.* rogavit Caesarem, si  
 qua fieri posset, ne  
 prodiret, sed in aliud  
 tempus rejiceret sena-  
 tum.

*Plutarch. in Vit. Caesar. pag. 738.* Refert ibi ostenta, quae instantem mortem Caesari praesagierant. Referendum igitur est ad Livii lib. cxvi. quo ipsum de morte Caesaris egisse, constat ex auctore Epitomarum. Vide Freinsh. Supplement. hujus libri cap.

cxvii.

Malum omen est, quoties Aetna, mons Siciliae, non fumum, sed flammarum egerit globos: et, ut dicit Livius, tanta flamma ante mortem Caesaris ex Aetna monte defluxit, ut non tantum vicinae urbes, sed etiam Rhegina civitas, quae multo spatium ab ea distat, adflaretur.

*Serv. ad Virg. lib. I. Georg. vers. 471.* Videtur hoc pertinere ad eundem Livii lib. cxvi. quo non tantum mortem Caesaris, sed etiam, quae ei proxime praecesserunt, descripsit, ut ex auctore Epit. constat. Apud alios tamen scriptores hujus prodigii tempore Caesaris nullam mentionem inveni; unde etiam Freinsb. in Supplem. hujus libri ejus non meminit.

Quod de Caesare olim majore vulgo dictitatum est, et a T. Livio positum, in incerto esse, utrum illud magis nasci reipublicae profuerit, an non nasci, dici etiam de ventis potest.

*Seneca lib. V. Natur. Quaest. XVIII.* Videtur hoc referendum esse ad eundem Livii lib. cxvi. ubi, enarrata Caesaris nece, elogium ejus et imaginem olim depinxit. Eodem etiam retulit Freinsb. quem vide in Supplem. hujus libri cap. cxvii.

\* \* \*

M. Cicero sub adventum triumvirorum cesserat urbe, pro certo habens, id quod erat, non magis Antonio eripi se, quam Caesari Cassium et Brutum, posse. Primo in Tusculanum fugit, inde transversis itineribus in Formianum, ut ab Caseta navim conscensurus, proficiscitur. Unde aliquoties in altum provectum quum modo venti adversi retulissent, modo ipse jactationem navis, (1) caeco volvente fluctu, pati non posset, taedium tandem eum et fugae et vitae cepit: regressusque ad superiorem villam, quae paullo plus mille passibus a mari abest, *Moriar, inquit, in patria saepe servato.* Satis constat, servos fortiter fideliterque paratos fuisse ad dimicandum; ipsum deponi lecticam, et quietos pati, quod fors iniqua cogeret, jussisse. Prominenti ex lectica, prae-

bentique inmotam cervicem caput praecisum est. Nec satis stolidae crudelitati militum fuit. Manus quoque, scripsisse in Antonium aliquid exprobrantes, praeciderunt. Ita relatum caput ad Antonium, jussuque ejus inter duas manus in rostris positum; ubi ille consul, ubi saepe consularis, ubi eo ipso anno adversus Antonium, quanta nulla umquam humana vox, cum admiratione eloquentiae auditus fuerat. (2) Vix adtollentes lacrimis oculos homines intueri trucidata membra ejus poterant.

Vixit tres et sexaginta annos, ut, si vis abfuisset, ne inmatura quidem mors videri possit: ingenium et operibus et praemiis operum felix: ipse fortunae diu prosperae, et in longo tenore felicitatis magnis interim ictus vulneribus, exilio, ruina partium, pro quibus steterat, filiae morte, exitu tam tristi atque acerbo, omnium adversorum nihil, ut viro dignum erat, tulit praeter mortem: quae vere aestimanti minus indigna videri potuit, quod a victore inimico nil crudelius passus erat, quam quod ejusdem fortunae compos ipse fecisset. (3) Si quis tamen virtutibus vitia pensarit, vir magnus, acer, memorabilis fuit, et (4) in cujus laudes persequendas Cicerone landatore opus fuerit.

*M. Seneca Suasor. VII.* qui non addit quidem, ex quo libro haec excerpta sint; patet tamen pertinere ad Livii lib. cxx. quia eo libro ipsum de morte Ciceronis egisse Epitome testatur. Eodem etiam retulit Freinsh. in Supplem. hujus lib. cap. lx. et seq.

(1) *Caeco volvense fluctu* Forte incerto volvense fluctu. Sic lib. xxxvii, [xvi.] Posteaquam, circumagente se vento, fluctibus dubiis volvi coeptum est mare. Tacit. ii. Annal. [xxiii.] Simul variis undique procellis incerti fluctus prospectum adimere, regimen impedire. Petronius [cap. cxiv.] Sed nec certos fluctus ventus impulerat, nec, quo destinares cursum, gubernator sciebat. J. FR. GRONOVIIUS. Vulgatum caeco fluctu interpretatur Turneb. vi. Advers. iv.

(2) *Vix adiollentes lacrimis oculos*] Forte *prae lacrymis*.  
J. FR. GRONOVIVS.

(3) *Si quis tamen virtutibus vitia pensarit*] Scribendum  
esse, *si quis tamen, virtutibus vitia pensavit: vir magnus,*  
*acer, memorabilis fuit,* docuimus in quarto Observatio-  
num [cap. xiiii. pag. 213.] M. Seneca Praef. iv. Con-  
trov. *Redimebat vitia virtutibus.* J. FR. GRONOVIVS.

(4) *In cujus laudes sequendas*] *Lege exsequendas, vel ae-*  
*quandas.* J. FR. GRONOVIVS.

\*

\*

Livius refert, Cleopatram, quum ab Augusto capta  
indulgentius de industria tractaretur, dicere soli-  
tam, *Non triumphabor.*

*Commentator vetus Cruquii ad Horat. I. od. XXXVII, 30.*

Non addit, ex quo libro Livii hauserit. Sed perti-  
nere videtur ad lib. cxxxiii. in quo retulit, quemad-  
modum Cleopatra, ne in arbitrium victoris veniret,  
voluntaria morte obierit; ut epitome ejus libri testa-  
tur. Eadem referunt Acron et Porphyrio ad eundem  
Horatii locum. Nihilominus dictum hoc Cleopatrae  
*non triumphabor*, sive *ὃν σπριαυβέυδομαι*, ut inquit Por-  
phyrio, diligentissimum Freinsh. latuit.

\*

\*

Sequuntur nunc pauca fragmenta, quae ex qui-  
bus Livii libris desumpta sunt, non additur;  
neque etiam, ad quos libros referenda sint,  
conjectura adsequi possumus.

Vir ingenii magni magis, quam boni.

*Seneca lib. I. de Ira cap. XVI.*

\*

\*

Profteor, mirari me T. Livium, auctorem celeberrim-  
um, in Historiarum suarum, quas repetit ab ori-  
gine urbis, quodam volumine sic exorsum: Satis  
jam sibi gloriae quae situm, et potuisse se desi-  
nere, ni animus iniquies pasceret opere.

*Plinius in Praefat. lib. I. Hist. Natur.*

\*

\*

T. Livius ac Nepos Cornelius latitudinis [*freti Gadi-*  
*tani*] tradiderunt, ubi minimum, septem millia pas-  
sum; ubi vero plurimum, decem millia.

*Plinius Praefat. lib. III. Hist. Nat.*

**Completis consulibus.**

*Serv. ad Virg. III. Georg. 1.*

**Verba sunt, ut habemus in Livio, imperatoris transfugam recipientis in fidem: Quisquis es, hoster eris.**

*Servius ad Virg. II. Aeneid. 148.*

**Impubes libripens esse non potest, neque antestari.**

*Priscian. lib. VIII. Gramm. pag. 792.* De sensu horum verborum vide Viros doctos ad Caji lib. 1. Institut. tit. vi. pag. 57. et 58. sed praesertim Virum doctiss. Gerard. Meerman in eruditissima dissertatione de Rebus mancipi et nec mancipi §. 268. et 273.

**Apud Nympham Atlantis filiam Calypsonem.**

*Priscian. lib. VI. Gramm. p. 685.* Utrum tamen hoc Livii historici fragmentum fuerit, an alterius, dubium videtur.

**Est in Livio, quod quum quidam cupidus belli gerendi a tribuno plebis arceretur, ne iret, pullos jussit adferri: qui quum missas non ederent fruges, irridens consul augurium ait, Vel bibant; et eos in Tiberim praecipitavit. Inde navibus victor revertens ad Africam in mari cum omnibus, quos ducebat, extinctus est.**

*Servius ad Virg. VI. Aeneid. 108.* Hoc spectare ad Claudium Pulchrum, existimat Celeberr. Burmann. ad d. l. Servii, sed ab aliis aliter narrari: videndum autem monet Suet. Tib. II. et consulendos ibi commentatores. Referendum igitur foret ad Livii lib. XIX. quo Claudii hujus cladem retulit, ut testatur auctor Epitomes ejus libri. At Celeberr. Dukero ad Flori II, II, 29. id, quod ex Livio hic refert Servius, suspectum est, tamquam ex Claudii Pulchri historia fictum, vel male descriptum.

**T. LIVII HISTORIARUM**  
**LIBRI XCI.**  
**FRAGMENTUM**

**QUOD**

**A. 1772 IN BIBLIOTHECA VATICANA INVENTUM**

**A**

**JACOBO BRUNSIO LUBECCENSI,**

**ET**

**VITO JUVENATIO ROMANO**

**PLENIUS ET EMENDATIUS EX MEMBRANIS A. 1820**

**EDIDIT**

**B. G. NIEBUHRIUS.**

**ACCEDUNT NOTAE INTEGRAE NIEBUHRII**

**EXCERPTAE**

**VITI JUVENATH ET GABRIELIS BROTERII.**



Titī Livii Lib. XCI. <sup>1)</sup> (nocte) tamen insequen-  
ti <sup>2)</sup>, ipso pervigilante, in eodem <sup>3)</sup> loco alia exci-  
tata turris prima luce miraculo hostibus fuit. Si-  
mul et oppidi turris, quae maximum propugnacu-  
lum fuerat, subrutis fundamentis, dehiscere ingen-  
tibus rimis, et tugurium conflagrare correptum <sup>4)</sup>  
igni coepit: incendiique simul et ruinae metu territi  
Contrebienses de muro trepidi refugerunt <sup>5)</sup>, et,  
ut legati mitterentur ad dedendam <sup>6)</sup> urbem, ab uni-

1) *Lib. XCI.]* Debuisset: DECADIS X. LIB. I., si jam tum fa-  
stidiosa legentium ignavia, ut Petrarchae verbis loquar,  
*hos libros in decadas scindere consuevisset*; quod non in-  
curiose praetereundum est, addendumque ad quae de inscrip-  
tione librorum Livii initio suarum in optimum historicum ad-  
notationum disputat Sigonius et cum eo alii. *Vitus Juvenatius*;

2) *tamen insequenti]* Apparet praecessisse nocte. Ipso autem,  
quod sequitur, ad Sertorium refero, ut ex sequentibus ma-  
nifestum est. *Juvenat.*

3) *in eodem]* Ed. Rom. male *IN* omittit. *Niebuhr.* [Editio Ro-  
mana exhibet recensionem Viti Juvenatii; editio Hamburgensis  
recensionem Jacobi Brunsi.]

4) *tugurium conflagrare correptum]* Ambae editiones [Rom. et  
Hamb.] principio v. 15, cujus dimidia pars in lacuna est, IVS  
exhibent, omnino mendose: nam quod perspicue in membra-  
nis exstat, O est, prima litera evanida, tertiae vestigio nullo.  
Hic error viros eruditos prohibuit, ne veram redintegratio-  
nem invenirent: quae quadratis litteris exhibita ipso aspectu  
firmabitur:

GENTIBUS RIMISETTV  
[GVRIVM CONFLAGRARE  
C]O[RREPT]VMIGNICOE.

*Nieb.*

5) *refugerunt]* Utraque ed. perperam *effugerunt.* *Nieb.*

6) *dedendam]* Ed. H. recte DEDENDA. *Nieb.*



versa multitudine conclamatum est. Eadem virtus quae iritantes oppugnaverat, victorem placabiliorrem fecit.

Obsidibus acceptis, pecuniae modicam exegit summam, armaque omnia ademit: transfugas liberos vivos ad se 7) adduci iussit: fugitivos 8), quorum major multitudo erat, ipsis imperavit ut interficerent. Jugulatos de muro deiecerunt.

Cum magna jactura militum quatuor et quadraginta diebus Contrebia 9) expugnata, relictoque ibi L. Insteio 10) cum modico praesidio 11), ipse ad 12)

7) *ad se*] Prima hujus columnae littera A non est reliquis major ut in R. Nieb.

8) *fugitivos*] Ambae edd. perperam ET addunt. Nieb.

R

9) *Contrebia*] CONTEBRIA. Addita est R littera supra T, et E, tum alteri post B punctum superne notatum est, ut fieret *Contrebia*. Quis autem nescit, punctum inferius, vel superius appositum literis in antiquis codicibus eas expungere? Quae verba sunt optimi atque doctissimi senis Joh. Cajetani Bottarii in *Notis et Emendationibus* ad vetustissimum exemplar Vaticani Vergilii ab eo editum. De R superaddita exempla quoque in veteribus libris passim occurrunt et videri potest Gellius l. 2, c. 3, ubi ad eundem modum de voce Aena in libro Aeneidos II, mirandae vetustatis, quem Fides Optatus ipsius Vergilii fuisse credebatur, illo versu:

*Exultat telis et luce eoruscus aena,*

*Additam, inquit, supra vidimus H litteram, et Athena factum. Juvenat.*

10) *L. Insteio*] Sic notas praenominum solet, puncto ad utrumque eorum latus adscripto; quod valde notandum est: nec enim alibi hujus moris exempla, nec in scriptis libris, nec in veteribus lapidum, aut aeris tabulis observare memini. Tantum graeci nunc epigrammatis in mentem venit in marmore scalpiti, quod marmor exstare ajunt Neapoli, in quo subdita in voce *Εὐβοίας* vocalis, cum ab antecedente et subsequente sejungenda esset ad versum sustentandum, duobus pariter punctis inclusa est; hoc modo: EYNO·I·HC Juvenat.

11) *Cum modico praesidio*] Admisi Kreyssigii supplementum ne quid hiulcum remaneret: at fatendum est nihil esse unde colligamus, *modicumne* an *validum firmumve* praesidium Contrebiae relictum fuerit. Nieb.

12) *ipse ad*] in utraque ed. IPSE deest: quod in membranis in eodem versu legitur. Nieb.

Hiberum fluvium copias adduxit: ibi hibernaculis secundum oppidum, quod Castra Aelia <sup>13)</sup> vocatur, aedificatis, ipse in castris manebat, interdiu conventum sociarum civitatum in oppido agebat. Arma ut fierent pro copiis cujusque populi, per totam provinciam edixerat <sup>14)</sup>: quibus inspectis, referre cetera arma milites jussit, quae aut itineribus crebris, aut oppugnationibus et proeliis inutilia <sup>15)</sup> facta <sup>16)</sup> erant <sup>17)</sup>, novaque viris <sup>18)</sup> per centuriones

<sup>13)</sup> *Castra Aelia*] Cujus oppidi nusquam, quod equidem sciam, non modo apud geographos, sed ne in aliorum quidem veterum aut recentium scriptorum monumentis mentio fit. *Séoul* ex his, quae narrat Livius, dextra Hiberi ripa. Hoc amplius autem, si conjecturis dandus aliquis locus est, qua Celtiberi Hedetanos attingebant, et utrique amnem non longe a Salduba, seu Caesaraugusta: ut qua in urbe annis post propter ejus frequentiam, vel loci, quod veri mihi similis videtur, opportunitatem juridicus conventus constitutus est, qui idem omnium, in quos Hispania citerior, Baetica etiam, ac Lusitania (si recte rationes subdixi) dividebantur, amplissimus fuit, prope eandem urbem prudentissimus imperator hac eadem opportunitate loci usus conventus suos sibi agendos statuerit. Adde, eundem inter Ilercaonum et Vasconum regionem castrametatum fuisse, ut et ab maritima quidem ora abesset, et antequam educto ex hibernis milite ad Calagurim veniret, per complurium urbium agros praeter Hiberum amnem iter facere necesse habuerit. *Juvenat.* Oppidum illud uni Livio memoratum, propinquum fuit Hiberi flumini: ita sane dictum ab Aelio aliquo qui castra ibi condiderit. In Oscae, nunc *Huesca*, nummis memoratur C. AELIUS II. VIR, id est C. Aelius duumvir. *Broterius.*

<sup>14)</sup> *edixerat*] D littera non oblitterata est. *Nieb.*

<sup>15)</sup> *et proeliis inutilia*] Sic lacunam resecti versus explevi, servato litterarum numero. *Nieb.*

<sup>16)</sup> *oppugnationibus variisque proeliis labefacta*] ita suppleendum monstrant et superstites literae et vacuum ipsum spatium. Arma autem itineribus, oppugnationibus, praeliis deteri, labefieri, notum ac compertum est. Nec de itineribus mirum videatur, cum in iis saepe caedendae essent materiae, aliaeque praestanda, quae passim occurrunt in anaglyphis Columnae Trajanae. *Brot.*

<sup>17)</sup> *facta erant*] Hinc incipit prodigiosa illa inter utramque editionem diversitas. Nam in ed. R. undecim versus primi omnino desunt, nisi quod in primo singulae literae E...v....

divisit. Equitatum quoque novis instruxit armis, vestimenta quoque, praeparata ante, divisa, et stipendium datum. Fabros, cura conquisitos, undique <sup>19)</sup> exciverat, quibus, officina publica instituta uteretur, ratione inita quid in singulos dies effici possit. <sup>20)</sup>

Itaque omnia simul instrumenta belli parabantur <sup>21)</sup>, neque materia artificibus, praeparatis ante omnibus enixo <sup>22)</sup> civitatum studio, nec suo quisque operi artifex deerat. Convocatis <sup>23)</sup> deinde omnium

AN... extant: duodecimi, qui in plicatura periit, ratio habita non fuit; itaque XIII ejus locum tenet, atque sic deinceps. In Hamb. plurima exstant, certe neque integra neque plerumque sana, ita scilicet: *facta erant nova mane per centuriones divisit..... tum quoque..... s instruxit armis vestimenta quoque..... ipedium datum fabros..... indeque exciverat quibus officinabus bitumen..... ratione etc.* Nieb.

18) *viris*] in membr. BIRIS ex rustica literarum B et U permutatione, quae in codicibus vergentis imperii temporibus scriptis frequentissima, ut infra *benit*, etiam hodie in variis dialectis Italicis obtinet, atque praecipue in Neapolitana, regnat. *Viri*, subsequente equitatus mentione, pro peditibus positum. ut 21, 27. *omnem ripam equites virique obtinentes*: ubi v. Gronovium fratrem, Dukerum et Drakenborchium: qui viri praecleari id solum observandum reliquerunt, natum hoc esse de priscae linguae usu, quae equum *equitem* dicebat. Nieb.

19) *undique*] Sic membranae, quod optime jam Kröyssigius conjecerat. Nieb.

20) *ratione... possit*] Hoc comma in H. recte legitur, praeterquam quod pro *possit*, *posset* habet. R. autem omissa syllaba *ra* exhibet:

*tionem inita qu..... di... culo effici possit.* Nieb.

21) *Itaque... parabantur*] Ed. R. inutile et mendose: *Itaque omnes simul instaurantur.* Nieb.

22) *enixo*] H. prave *inixo*: prima enim vocalis, ut recte indicat R., omnino evanuit. Mox R. verperam... *idio* pro... *udio*. Nieb.

23) *Convocatis*] haec omnia usque ad verba *quosque in opp.* etc. ab editione Rom. absunt. Hamb. prima quinque vocabula habet: at ea quoque cetera omittit, praeter ultima, *quas ipse res.* Nieb.

nium populorum legationibus et civitatum<sup>24)</sup>, gratias egit, quod, quae imperata essent in pedestres copias, praestitissent<sup>25)</sup>: quas ipse res in defendendis sociis<sup>26)</sup>, quasque<sup>27)</sup> in oppugnandis urbibus hostium gessisset, exposuit, et ad reliqua belli cohortatus est: paucis edoctos, quantum<sup>28)</sup> Hispaniae provinciae interesset, suas partes superiores esse. Dimisso deinde conventu, jussisque<sup>29)</sup> omnibus bono animo esse, atque in civitates redire<sup>30)</sup> suas, principio veris M.<sup>31)</sup> Perpernam cum viginti milibus peditum, equitibus mille quingentis, in Ilercaonum gentem misit, ad tuendam regionis ejus maritimam oram: datis praeceptis, quibus itineribus duceret

24) *Civitatum*] Accedunt schedae nostrae ad optimorum quorumque librorum auctoritatem, Florentini, Leidensis, Moguntini, Vindobonensis, quibus obsecutus Drakenborchius hanc formam ubique restituit: vide eum ad 33, 20. Nieb.

25) *praestitissent*] Livius, capite ex quo mox aliud exemplum sumam, 38, 43. *cum imperata praestare parati essent*. Nieb.

26) *in defendendis sociis*] Ultimus versus cum dimidio praecedentis resectus est. Usque ad XIX litteras, quae in supplemento meo numerantur, haud ita raro in his schedis in uno versu inveniuntur. Nieb.

27) *quasque*] Perperam R. *quaeque*. Nieb.

28) *quantum*] Cod. *quatam*, ut H. Nieb.

29) *jussisque*] Sic emendavi quod membranae habent *jussis-quae*, vulgatissimo in his valde vetustis errore. Ed. R. male Q. E., quasi *ua* non legeretur. Nieb.

30) *bono ... redire*] Hoc quoque loco versus 12 in plicatura periit, simul cum parte sequentis: ubi, loco verborum *in civitate*, ambae editiones *ibi* habent, quod R. perperam in praecedente versu collocat. Supplementum meum

[BONO ANIMO ESSE ATQU.] — XVI litt.

IN CIVITATE [S REDI] XV litt. cum spatio optime convenire manifestum est, mentem verbaque auctoris exprimere confido. Litterarum DI tenuia vestigia conspiciuntur. Nieb.

31) *M.*] Puncta utrinque posita desiderat Juvenatius, ea tamen etiam hoc loco adsunt. Nieb.

ad defendendas socias urbes quas Pompejus <sup>32)</sup> oppugnaret, quibusque ipsum agmen Pompei ex insidiis adgrederetur.

Eodem tempore et ad Herennuleium, qui in isdem locis erat, litteras misit, et <sup>33)</sup> in alteram provinciam <sup>34)</sup> ad L. Hirtuleium, praecipiens quemadmodum bellum administrari <sup>35)</sup> vellet <sup>6)</sup>: ante omnia, ut ita socias civitates tueretur ne acie cum Metello dimicaret, cui nec auctoritate nec <sup>37)</sup> viribus par esset: ne ipsi quidem consilium esse ducere adversus Pompejum <sup>38)</sup>. Neque in aciem descensurum eum credebat si traheretur bellum. Hosti, cum ma-

32) *Pompejus*] Ultima nominis litera perspicue scripta est, quam ambae editiones omittunt. *Nieb.*

33) *misit et*] Particulam in fine v. 4. collocatam omisit R. sed operarum vitio. *Nieb.*

34) *Alteram provinciam*] Ulteriorem accipio, cum ipse ex citiore litteras mitteret; erat enim etiam tum in hibernis ad Castra Aelia. *Juven.*

35) *Hirtuleium — administrari*] Ita jam Juvenatius membranarum menda correxit, cujus oculis, quum litteras E et V conjunctas esse crederet, idque etiam in editione exprimeret, ludibrium objectum fuit. *Nieb.*

36) *administrare vellet*] Postrema hujus verbi littera ita cum prima sequentis connexa ac colligata est, ut tamen nemini, qui accurate locum inspexerit, quota vocalis sit, dubium esse possit. Itaque vel post *administrare* excidit, ut opinor, pronomen *ipsum*, aut quid tale, quod ab oscitante librario praeteritum sit; vel reponendum est *administrari*. *Juven.*

37) *nec auctoritate nec*] Sic perspicue membranae. Ambae editiones neq — neq. *Nieb.*

38) *par esset — Pompejum*] Hunc locum qui plene exstat

— — — — — PARES  
SETNE IPSI QUIDEM  
CONSILIUM ESSE DUCERE:  
.. VERSUS PONPEIUM

mutilatum exhibet Hamb.: *par esset ne ipse (sic) quidem consilium..... versus... neque etc.* Rom. adhuc *pejus: par esset..... in consilium..... versus..... neque etc.* Mox H. omittit *aciem descen* — quae tamen in apographo Brunsi legi notavit Kreyssigius. *Nieb.*

re ab tergo, provinciasque omnes in potestate haberet, navibus undique commeatus venturos: ipsi autem, consumptis priore aestate quae praeparata fuissent, omnium rerum inopiam fore. Perpernam in maritimam regionem superpositum <sup>39)</sup>, ut ea, quae integra adhuc ab hoste sint, tueri <sup>40)</sup> posset, et, si qua occasio detur, incautos per tempus adgressurum. Ipse cum suo exercitu in Berones et Autricones <sup>41)</sup> progredi statuit: a quibus saepe per hiemem <sup>42)</sup>, cum ab se oppugnarentur Celtiberæ urbes, inploratam esse <sup>43)</sup> opem Pompei conpererat <sup>44)</sup>, missosque qui itinera exercitui Romano <sup>45)</sup> monstrarent <sup>46)</sup>; et ab ipsorum equitibus vexatos saepe mi-

39) *regionem superpositum*] Haec columna fere tota ab ed. R. abest, quae quidem primo versu nihil praeter haec pauca: *regionem* (contra membranas cum R grandi) *sub . . . itu* —: ubi tamen praeclare Juvenatius, licet haesitans, divinavit *superpositum*, quod diserte scriptum extat:) deinde male lectos et mutilos versus 11 — 13, quos 8 — 10 facit: postremo penultimo versu . . *aemu* . . habet, cujus nihil simile ibi extat. Hoc enim loco Juvenatius, *ex triginta admodum versibus*, dicit, *praeter pauca verba eaque valde laciniosa — reliquos omnes ita delitos ac detritos esse, ut cum Plautino Pseudolo credat, nisi Sibylla legerit, an divinaverit potius? interpretari alium posse neminem*. Multo autem plura Brunsius dedit, a secundo scilicet versu usque ad XVII, certe non integra, neque omnino accurata. Nieb.

40) *hoste sint tueri*] H. *hostis* . . vi. Nieb.

41) *In Berones et Autricones*] Sic perspicua membranae pro prava H. scriptura *Hiberones* et *Autalcores*. Nieb.

42) *saepe per hiemem*] H. *g . . . men*. R. *ageri*. — En' expeditiones hibernas, factas dum Cn. Pompejus hiemem in castris inter saevissimas gentes ageret. (V. epistolam Pompeji inter fragmenta Sallustiana.) Nieb.

43) *urbes inploratam esse*] R. *ur . . . . armis*. Nieb.

44) *Pompei conpererat*] Haec duo verba desunt in H. Nieb.

45) *Romano*] H. *prave Roman* — Nieb.

46) *monstrarent*] In hac voce desinit hic locus in H. Reliqua hujus columnae hic primum comparent. Nieb.

lites suos, quocumque a castris, per oppugnationem Contrebiae, pabulandi aut frumentandi causa progredierentur 47): ausi tum quoque erant Arvacos in partes sollicitare 48). Edito igitur exemplo belli 49) consilium se initurum, utrum prius hostem, utram provinciam petat 50): maritimamne oram, ut Pompejum ab Ilercaonia et Contestania arceat, utraque socia gente, an ad Metellum et Lusitaniam se convertat.

Haec secum agitans Sertorius praeter Hiberum amnem per pacatos agros quietum exercitum sine ullius noxa duxit. Profectus inde in Bursaeonum 51)

47) *progredierentur*] Ubicunque hic supplementa indicavi, nihil resectum est, demta ultima voce (*petat*), sed omnia ita abluta abrasaque sunt, ut cum membranarum superficie litterae, non dico evanuerint, sed perierint plane. Nieb.

48) *in partes sollicitare*] Justinus II, 12. *Themistocles sollicitare Jonas, in partes suas statuit*. Alios locos qui paulo minus accurate huic meae conjecturae respondent, vide apud Forcellinum, ex quo Iustini quoque locum sumsi. Nieb.

49) *edito exemplo belli*] Quae hic restitui mera et sincera Liviana esse confido. Cf. Gronovium patrem ad 29, 27, et quem ibi recitat locum 38, 43: *omnia exempla belli edita in se*: ubi nihil est cur de lectione dubitemus, licet codices Gebhardi et Drakenborchii, editionesque ante Ascensianam, *habita* exhibeant: cogitandum enim est in illa decade nullum adfuisse recentioribus codicem qui ad Florentini vel Puteani praestantiam accedat: Ascensianae vero editionis non levis est auctoritas. Nieb.

50) *petat*] Resecto angulo haec vox extrema, et ab altera parte quae, perierunt. Nieb.

51) *Bursaeonum*] Qui Plinio l. 3, c. 3. Bursaeonenses, a Bursada, ut nonnulli volunt Ptolemaei l. 2, cap. 6.; quod mihi vix probatur: verius enim hic fuisset *Bursadenses* vel *Bursadini*, aut quid huiusmodi. Itaque aut illa Livii et Plinii aliunde, quam a Ptolemaei Bursada figurata sunt, aut hoc nomen, ut in Ptolemaeo multa, descriptorum inscitia depravatum est. Hirtius quoque de Bello Hispaniensi c. 22 *qui in oppido Attegua Bursavolenses capti sunt*: et mox *Bursavolensibus*, quos unum eundemque populum, ac Plinii *Bursaeonenses* fuisse, ita recentioribus geographis assentior, si tamen L littera, in N commutata fiat *Bursavonenses*. Nam

et Casuantinorum <sup>52)</sup> et Graccuritanorum <sup>53)</sup> fines, evastatis omnibus, proculcatisque segetibus, ad Calagurim Nasicam <sup>54)</sup>, sociorum urbem, venit: transgressusque amnem propinquum urbi, ponte facto, ca-

ad quintam vocalem quod attinet primae et quartae immis-  
sam, id nihil moror. Animadverti enim, aliis ejus gentis  
nominibus pariter usu venisse, ut quae in uno scriptore per  
ao, in altero per avo notata sint, seu quod ita hispanorum  
ore, quod mihi verisimillimum videtur, conciperentur, id-  
que nonnulli scriptores, militares praesertim, sequuti sint,  
seu quae alia hujus varietatis excogitanda et reddenda causa  
est. *Juvenat.*

<sup>52)</sup> *Casuantinorum*] De hac voce nihil habeo certi, quod sta-  
tuam. Itaque dicam, non quid contendam, sed quid opiner.  
Quid si igitur *Cascantinorum*? Calaguris enim, cujus hoc  
ipso loco meminit Livius, Straboni, Ptolemaeo, aliisque in  
Vasconibus, in quibus pariter eidem Ptolemaeo Graccuris et  
Cascantum. Adde Antonini itinerarium ex Alpibus Cottis ad  
Galleciam:

Caesaraugusta.	M. P. =
Cascanto.	M. P. L.
Calagurra.	M. P. LXXIX.

Et alterum ab Asturica Tarraconem:

Graccuris.	M. P. =
Balsione.	M. P. XXVIII.
Caesaraugusta.	M. P. XXXVI.

Quare a Caesaraugusta Cascantum L passuum millibus aberat,  
contra Graccuris LXIV, utraque oceanum cantabricum ver-  
sus; quodque hinc consequitur, haec duo oppida non mul-  
tum a se invicem recedebant. At enim Plinio oppidani sunt  
*Cascantenses* l. 3. c. 3. Ita; sed eidem, ut proxime observavi-  
mus, sunt Bursaonenses, qui Livio tamen Bursaones. *Juvenat.*

<sup>53)</sup> *Graccuritanorum*] Urbs princeps Graccuritanorum erat  
Graccuris, nunc *Agreda*, dans la Castille vielle. De hac ur-  
be Festus: *Gracchuris urbs Hiberæ regionis, dicta a Grac-  
cho Sempronio, quæ antea Illurcis nominabatur.* Nec  
aliter Epitome Livii, libr. 41. *Tib. Sempronius Gracchus  
proconsul Celtiberos victos in deditionem accepit: moni-  
mentumque operum suorum, Gracchurim oppidum in Hi-  
spania constituit.* Veterem nominis orthographiam retinuit  
MS. codex Vaticanus, ut constat ex nummis inscriptis MU-  
NICIP. GRACCURIS. *Brot.*

<sup>54)</sup> *Calagurim Nasicam*] Plin. l. 3. c. 3. geminato sibilo: *Ca-  
laguritani, qui Nassicæ cognominantur.* Ceterum hic lo-  
cus mirifice viri excellentis Petri de Marca opinionem con-  
firmat, qui Calagurim Ilergetum Oscensibus contributam non  
hanc quidem Nasicam, sed alteram Fibulariensem fuisse de-  
fendit, contra quam Augustino, Suritæ, Oihenarto etiam,  
si probe memini, aliisque quibusdam hispanis scriptoribus



stra posuit. Postero die M. Masium quaestorem in Arvacos <sup>55)</sup> et Cerindones <sup>56)</sup> misit, ad conscribendos ex iis gentibus milites, frumentumque inde Contrebiā <sup>57)</sup>, quae Leucada appellatur, comportandum, praeter quam urbem opportunissimus ex Beronibus transitus erat, in quamcunque regionem ducere exercitum statuisset: et C. Inatelum, prae-

visum erat. Ac cum Livius dicat, Sertorium ex Graccuritanorum finibus ad Calagurim venisse, tum ponte facto amnem propinquum urbi fuisse transgressum, id certe efficitur, Calagurim cognomento Nasicam ultra hiberum fuisse sitam. Quare quae cis flumen erat, quid relinquitur, nisi ut Fibulariensis et esset, et cognominaretur. *Juvenat.*

55) *Arvacos*] A<sup>5</sup> Arvane, quam Plinius oppidis hispalensis conventus adnumerat? Non sane opinor: hujus enim derivatum est *Arvensis* in lapide apud Gruterum p. 376. ORDO MUNICIPII ARVENSIS. Quamquam quid hoc curo, quod nihil est? Illud igitur potius, seu dicam me unice movet, quod nemo facile in animum induxerit, Sertorium tam longe ad militum delectum quaestorem suum misisse, nec, si hoc voluisset, alicui potius, qui cum Hirtulejo erant, id negotii dedisse. Itaque non dubito, quin AREVACOS legendum sit, quam ipsam vocem ab antiquario, vel quisquis codicem recensuit, non fuisse emendatam, vix adducor, etsi nulla emendationis vestigia diuturnitas reliqua fecit. Plin. l. 3. c. 3. *Ad Tagum Carpetani, juxta eos Vaccae, Vettones, et Celtiberi Arevaci*; et l. 4. c. 20. *Durius amnis, ex maximis hispaniae, ortus in Pelendonibus, et juxta Numantiam lapsus, dein per Arevacos, Vaccaeosque, etc.* *Juvenat.*

56) *Cerindones*] Populus soli Livio nominatus; et certe Arevacis vicinus. In hoc situ Plinius memorat Pelendones, partem quoque Celtiberorum. Quatuor populis constabant Pelendones (V. Plin. 3, 3.) quorum unus videntur fuisse Cerindones. *Brot.* Cerindones in Pelendones mutandum esse suspicatur *Juvenatius*.

57) *Contrebiā*] Contrebiae hujus nusquam in veterum scriptis, praeterquam hoc uno Livii loco, mentio fit. De positu si quaeratur, dicam, sed ut in re obscura timide ac diffidenter. In Pelendonibus igitur arbitror, aut si mavis, in horum et Vasconum finibus. Qua enim opportunior Sertorio transitus ex Beronibus in quamcunque regionem cogitasset, seu Lusitanorum, sive Hedetanorum, seu denique interjacentium populorum? Nam de altera citerioris parte, quae cis hiberum est, et pyrenaeis praetenditur, ne cogitemus, ratio ipsa, si fallor, belli aperte prohibet. Quorsum hac enim quo ma-

fectum equitum, Segoviam <sup>58)</sup> et in Vacaeorum <sup>59)</sup> gentem ad equitum conquisitionem misit, jussum, cum equitibus Contrebiae sese opperiri. Dimissis iis ipse profectus, per Vasconum agrum ducto exercitu, in confinio Beronum posuit castra. Postero die cum equitibus praegressus ad itinera exploranda, jusso pedite quadrato agmine sequi, ad Variam, validissimam regionis ejus urbem, venit. Haud inopinantibus iis noctu <sup>60)</sup> advenerat. Undique equitibus et suae gentis et Autriconum

xime tempore hujus, quod dico, belli moles sucronensi tractui et Lusitaniae tota incubuerat? *Juvenat.*

58) *Segoviam*] Segoviam urbem Arevacorum, ad quos ipsos (si recte Arvacos in Arevacos supra mutandum censuimus) tum Masius quaestor mittebatur. *Juvenat.*

59) *Vacaeorum*] Sic, et mox *Vasconum* perspicue legendum praebent membranae; ut mirer utrumque editorem scripturam corruptam non dedisse solum, sed diserte asseverare, se eam in membranis cernere. *Nieb.*

60) *iis noctu*] Haec ex codice addidi. *Nieb.*















